

णमोऽथु णं समणस्स भगवओ णायपुत्तमहावीरस्स

चरिमतिथयर-पंचमगणहर-सुहम्मायरे

सुत्तागमे

तथ णं

एकारसंगसंजुओ पढमो अंसो

पुप्फभिक्षुणा संपादिओ

जइणथाणग'रेत्वेरोड'गुरुगामछावणीपुव्वपंचालत्थसिरिसुत्तागमपगास-

गसमिइमंतिणा 'बावू रामलाल जैन' इच्चणेण पगासमाणीओ य ।

वीरसंवच्छरं २४७९ } विक्रमवरिसं २००९ { काइट्टदं १९५३

पढमा आवित्ती }

पइणं सहसं

{ मुलं ३९ }

णमोऽस्तु णं समणस्स भगवओ णायपुत्त-महावीरस्स

कृतज्ञताप्रकाश

जिसप्रकार स्थापत्यकलाकोविद अपनी मस्तिष्क शक्तिका उपयोग करके मालिकके आदेश-निर्देशमें तत्पर होकर एक सुंदर प्रासादका निर्माण करता है उसी भाँति मेरे अन्तेवासी प्रशिष्य आयुष्मान् 'त्रिणचंद्रशिक्षु' ने अपनी विनयता, मृदुता, भक्ति-वैयावृत्य-सेवातत्परता, दक्षता और प्राकृतविज्ञानकलामर्मज्ञता आदि सद्भावनाओंमें तन्मय होकर 'सुत्तागमे' के प्रकाशन संबंधी कार्य तथा प्रुप्तसंशोधनादिकी सेवाका सहयोग देकर ज्ञातपुत्र महावीर भगवान्की शासनमेवा, और जिनवाणीकी भक्तितत्परता द्वारा खूब ही साथ दिया है। भला इस कीमती सेवा के मृदु संस्मरणोंको कैसे भुलाय जा सकता है। मैं इस मूल्यवान् सेवाकी बड़ी कदर करता हूँ। आखि मनुष्य ने प्रकारके ही नो होते हैं एक उपकार करनेवाला औ

प्रकाशकीय

१. आजके इस वैज्ञानिक युगमें जहां मनुष्यने विज्ञानके द्वारा नई २ व्यवहारो-
पयोगी वस्तुओंका आविष्कार किया है वहां महान् से महान् संहारक अणुबम
जैसे शस्त्रोंका भी । यह सब किसलिए ? मेरी सत्ता समस्त संसार पर छा जाए,
मैं ही सबका प्रभु हो जाऊँ, एक ओर तो शस्त्रोंकी होड़में एक देश दूसरे देशसे
आगे निकल जाना चाहता है तब दूसरी ओर आधुनिक जनता का अधिक भाग
युद्धको न चाहकर शांतिकी झंखना करता है परन्तु शांति शस्त्रोंके बलवृत्ते पर
किए गए युद्धोंसे नहीं मिल सकती शांतिका वास तो आध्यात्मिकतामें है भौतिक-
तामें नहीं और ज्ञातपुत्र महावीर भगवान्‌के द्वारा प्रतिपादित आगम
आध्यात्मिकतासे भरपूर हैं, उस आध्यात्मिकताके प्रसारके लिए ज्ञातपुत्र महावीर
जैनसंघानुयायी उग्रविहारी जैन मुनि १०८ श्रीकृष्णचंद्रजी महाराज की विशुद्ध
प्रेरणासे समितिने आगमोंके प्रकाशनका कार्य अपने हाथमें लिया है जिसका
प्रथम फल आपके सम्मुख है । ३२ सूत्रोंको 'सुत्तागम' के रूपमें एक ही
जिल्दमें देनेकी उत्कट इच्छा होते हुए भी ग्रंथराजका देह-सूत्र बड़ जानेंसे
११ अंगोंका प्रथम अंश अलग बनाना पड़ा । इसके प्रकाशनमें जिन २ महानु-
भावोंने प्रत्यक्ष या परोक्ष रूपमें कितनी भी प्रकारकी जिनदाणीकी सेवा की है
उनका हम हार्दिक आभार मानते हैं, साथ ही सूत्रोंके निकले हुए अलग ३
प्रकाशनों पर जिन २ मुनिवरोंने अपनी २ शुभ सम्मतिएं भिन्नवाई हैं हम उनके
अनुरागित हैं और सहधर्मी महानुभावोंमें निवेदन है कि वे इन पवित्र कार्यों
सहयोग देकर हमारे उत्साह को बढ़ाएं ।

सुत्तागमे पर लोकमत

(नं. १) “श्रीपुष्पभिक्षु द्वारा सम्पादित ‘आचारांग’ का मैंने मली भौंति अवलोकन किया है, धर्मोपदेष्टाजीका यह प्रयास प्रशंसनीय है, संपादन बहुत ही सुंदर बना है, विशेषतः स्वाध्यायप्रेमियोंके लिए इस शैलीसे अन्य सूत्रोंका भी संपादन हो। मुद्रणकलाकी दृष्टिसे भी रमणीय रहा है, आगमप्रेमी सज्जनगण इस प्रयासमें अधिकसे अधिक सहयोग देकर जिनवाणीका प्रचार करेंगे।”

पूज्य श्रीपृथिवीचंद्रजी महाराज, आगरा (लोहामंडी)

(नं. २) “श्रीधर्मोपदेष्टाजी द्वारा संपादित ‘आचारांगसूत्र’ मैंने ध्यानपूर्वक देखा है, संपादनकी शैली सुंदर और युगानुकूल है, स्वाध्यायप्रेमियोंके लिए और साधु-साध्वियोंके लिए यह संस्करण बहुत ही उपयुक्त सिद्ध होगा। मुद्रणकलाकी दृष्टिसे भी प्रस्तुत ग्रंथ बड़ा रमणीय बीख पड़ता है, शुद्धिपर काफी ध्यान रखा गया है, आचारांग का प्रस्तुत संस्करण समाजमें अधिकाधिक स्थान ग्रहण करे, यही हार्दिक अभिलाषा है, पुस्तक मुझे पसंद है।”

कविरत्न, उपाध्याय श्रीअमरचंद्रजी महाराज, जैनमुनि कुंदनभवन व्यावर

(नं. ३) “यह लघुपुस्तिका लघु होते हुए भी परमोपयोगी है, नित्यपाठ करनेवालोंके लिए यह नित्यकी सहायिका है, इसका प्रकाशन भी बहुत सुंदर हुआ है। इस प्रेमोपहारके लिए जैनमुनि पं. श्रीहेमचंद्रजी महाराजने आपका और णायपुत्रमहावीरजडणसंघाणुआई लहुअम पुष्पभिक्षु का शतशः धन्यवाद किया है और हार्दिक कृतज्ञता प्रगट की है, तथा मुनिश्रीको सखेह नुमनाता पूर्ण है।”

समाना मंडी पटियाला (पंजाब)

भगवानदास ब्रजलाल जैन वजाज

(नं. ४) “मैंने श्रद्धेय मुनि श्रीकृष्णचंद्रजी महाराज द्वारा संपादित आचारांगसूत्रके प्रथमधुनस्तंभ के मूल संस्करण को देखा, इसे पढ़कर मैं अत्यंत आनंदित हुआ, इस प्रकार के सुंदर प्रकाशन के लिए मुनिश्री धन्यवाद।”

श्रीमान् श्रद्धेय प्रवर्तक स्वामीजी श्री श्री हजारीमलजी म. जैन स्थानक व्यावर

(नं. ५) “जैनधर्मोपदेष्टा उग्रविहारी पं. मुनिश्री फूलचंद्रजी महाराज से संपादित होकर प्रकाशित मूल आचारांग सूत्रके प्रथम श्रुतस्कंधको देखकर मुझे बहुतही हर्ष हुआ, इस संस्करणके मूलपाठ बहुत शुद्ध हैं, अपने परिश्रममें मुनिश्री बहुत सफल बने हैं।”

जैन न्याय साहित्यतीर्थ तर्कमनीषी पं. मुनिश्री मिश्रीमलजी
म. (मधुकर) प्रेपक धूलचंद्रजी महता व्यावर

(नं. ६) “सुत्तागमे (आयारे) पुस्तक पहुंच गई, यह उनकी बहुत कृपा है; उनको महाराज साहिब कोटि कोटि धन्यवाद करते हैं और अर्ज करते हैं कि और कोई पुस्तक अगर आपने छपवाई हो तो कृपा करके भेजें।”

गणावच्छेदक मुनिश्री रघुवरदयालजी महाराज
प्रेपक तेलूराम जैन रईसेआज़म, जालंधर-छावनी (पू. पंजाब)

(नं. ७) “आचारांग सूत्र” जैसी पूर्ण वर्तीसी सूत्ररूपसे निकले, स्वाध्याय करनेवालोंके लिए बड़ी उच्चकोटीकी वस्तु होगी, ऐसा श्रीमुनि हीरालालजी म. ने फर्माया है।”

लालभवन जयपुर

(नं. ८) “तमारा तरफ़ी सुत्तागमे ए नामनुं पवित्र आगम आचारांगजी नो प्रथम भाग मूलपाठे सम्पादक भिक्षु फूलचंद्रजी महाराज। नररु पुनरु तमोण रत्ताना करेल ते अमोने गई काले मन्वी छे अने ये महाराज श्रीशामजीस्वामी ने आपेल छे, पुनरुनी सुधि अने व्यवस्थित जेई महाराजजी भण्णा सुनी भवा छे।”

डा. मोहनलाल खन्नाजी फण्ड मॉटरी

(नं. ९) जैन जगतके सुप्रसिद्ध पर्यटक एवं जैन धर्मोपदेष्टा श्री पुष्पभिक्षु द्वारा संपादित सूत्रकृतांगसूत्रका मूलसंस्करण देखकर महती प्रसन्नता हुआ मूलपाठका शुद्धरूप उत्तम संपादन और नयनाभिराम प्रकाशन, वस्तुतः आगम युगमें सर्वतोभावेन आदरणीय है।

स्वाध्याय प्रेमी विद्वानोंके लिए यह प्रयत्न बहुत ही स्तुत्य प्रयत्न है। दिशामें श्रीपुष्पभिक्षुका यह सत्प्रयास चिरस्मरणीय रहेगा। मूल आगम प्रकाशनकी उनकी योजनाकी मैं हृदयसे सफलता चाहता हूँ। सर्वसाध जनताके लिए बड़े काम की वस्तु है।

शंकरलाल चाटिका }
१६ मई १९५१
व्यावर

मुनि 'अमर'

(नोट) आपका पूरा नाम जगद्विख्यात कविरत्न, उपाध्याय, मुनि श्री १०८ श्री अमरचंद्रजी महाराज हैं।

(नं. १०) श्रीमान् श्रद्धेय मुनिश्री हजारीमलजी महाराज तथा पंडित मुनिश्री मिश्रीमलजी (मधुकर) महाराज की सम्मति

“आचारांग” की तरह ‘सूत्रकृतांग’ का प्रकाशन भी बहुत सुंदर हुआ है। स्वाध्याय रसिकोंके लिए यह प्रकाशन बहुत उपयोगी सिद्ध होगा।

जैनधर्मोपदेष्टा उग्रविहारी पंडित मुनिश्री फूलचंद (पुष्पभिक्षु) का आगम-साहित्यकी दिशामें यह सत्प्रयत्न हृदयसे अभिनंदनीय है। आशा है जैनसमाज मुनिश्री की इस विराट् आगमसंपादन योजनाका उदार हृदयसे स्वागत करेगा। हम मुनिश्रीके इस स्तुत्य प्रयासकी हार्दिक सफलता चाहते हैं।

प्रेमक श्रीफूलचंदजी महता व्यावर

(नं. ११) “मैंने पंडितरत्न, मधुर व्याख्याता उग्रविहारी अनथक प्रचारक जैन धर्मोपदेष्टा मुनिश्रीफूलचंदजी महाराज द्वारा संपादित सूत्रकृतांग सूत्र आगमनय पुस्तककार देखा। संपादकने दृग्में पाठोंकी शुद्धि, उपकरणमें हलका तथा सुंदर अक्षरोंकी दृष्टिमें सुंदर व्यवस्थित उपादे आदिका विशेष ध्यान रखा

है, अतः स्वाध्याय प्रेमियोंके लिए विशेष उपयोगी है । संपादक शतशः धन्य-
वादके पात्र हैं, क्योंकि सुत्तागम प्रकाशनरूप जिनवाणीकी अनथक रूपसे आप
उपासना कर रहे हैं । मुझे यह भी आशा है कि आगे इसी प्रकार निर्विघ्नतया
सेवा करते रहेंगे ।”

मुनि प्रेमचंद, मानसा (E. P.)

(नं. १२) “श्रीयुत पंडितरत्न, सुत्तागम संपादक, जैनधर्मोपदेष्टा, ‘पुष्प-
भिक्षु’ द्वारा संपादित ठाणांग सूत्र देखा, जिसमें पाठशुद्धि, भारमें हलका
और सुंदर छपाई आदिका ध्यान संपादकका खूब रहा है । इस नई शैलीके
प्रकाशनको देखकर प्रत्येक व्यक्ति यह खुले दिलसे कह सकता है कि गागरमें
सागरकी उक्ति साफ चरितार्थ है । मुझे पूरा संतोष तब ही होगा जब पूर्ण
आगम वत्तीसी सुत्तागमरूपेण प्रकाशित होगी । संपादक और सहायक शतशः
धन्यवादार्ह हैं ।”

निवेदक मुनि प्रेमचंद मानसा (E. P.)

(नं. १३) श्रीमान् पूज्यवर जैनधर्मोपदेष्टा वीरशासन प्रभाकर विद्यावारिधि,
धर्मनायक, पुष्पभिक्षु सादर स्नेहसुधासिक्त अनेक वंदन ! और आँगलभाषा
विशारद सुमित्त भिक्षुको सुखशांति पृच्छा । आपथी का सुत्तागमे सूत्रोंके मूल-
पाठका संपादनका सुंदर कार्य जैन समाज पर, विशेषकर मुनि और साध्वीवर्ग पर
महान उपकारी है । आपने समाजके लिए यह अपूर्व अवसर दिया है । आपका यह
मंगलकार्य महान स्तुत्य है । मेरी चिरकालीन अभिलाषा साकार हो उठी । क्योंकि
मेरी यह प्रबल इच्छा थी कि जिस प्रकार चार वेद हैं इसी प्रकार हमारे ३२
सूत्रोंका चार भागोंमें प्रकाशन हो । पहला मूलपाठके रूपमें, दूसरा शब्दार्थके
रूपमें, तीसरा भावार्थके रूपमें और चौथा संस्कृतच्छाया तथा नई टीकाओंके
रूपमें । मूलपाठ सुंदर अक्षरोंमें पुस्तकाकार हो । जैसे कुरान बाइबल ग्रंथावह
आदि पाए जाते हैं । इसके उपरांत अंग्रेजी, जापानी, चीनी और फ्रेंच आदि
पाश्चात्यभाषाओंमें भी अनुवाद हों । आपने तो मेरी सैकड़ों नीलकों दूर रही
भावनाको जानकर यह मंगलकार्य बंबई नगरमें रह कर आरंभ किया है, मुझे तो
ठीक यही भास हो उठा है । ठीक भी है क्योंकि मनको मनसे राहत होती है ।

पानीसे पिघला दिया है। कितने ही पशुओंकी वलिवेदीके अङ्गोंको उखाड़ फेंका है। हजारों मूक प्राणियोंके प्राणोंको मौतके घाट उतरनेसे बचाया है। बन्ध है आपके विश्व वत्सल जीवन को, इस क्रूर हिंसाकी भयावह अंधियारी निशामें आप जैसे भिक्खु ही दयाके प्रकाशमान उडुपति हैं तथा लाइट ऑफ मिनार हैं। आपने अहिंसाके ऊंचे ध्वजको फहराया है यानी देशके बड़े बड़े नगरोंमें दयाधर्मके झंडेको हाथमें लेकर भ्रमण किया है। जैसे कश्मीर, कराची, कलकत्ता, झरिया, कानपुर आदि २ और अबकी चार विभवपूर्ण और सौंदर्य-सम्पन्न कुत्रैनगरीके समान बंबई नगरमें जैनधर्मकी विजयपताका लहरा रहे हैं।

इतनी दूर जाकर वीरशासनकी सेवा करना अपनी उपमा आपही है। अस्तु ! मेरी तो शासनदेवसे यही प्रार्थना है कि आप दीर्घायु हों ! और आपने जो जैनगम प्रचारका शुभसंकल्प किया है इस भगीरथ कार्यमें आपको महान सफलता मिले और तीर्थंकर पदके भागी बनें। यद्यपि आपके पावन दर्शनका अवसर मुझे नहीं मिला तब क्या मैं यह आशा कर सकता हूँ कि चतुर्मासके बाद इधर पधार कर दर्शनाभिलाषा पूरी करेंगे ? क्योंकि आपके मनोहर और क्रांतिकारी उपदेश सुनने को दिल बहुत चाहता है और जो २ सूत्र प्रकाशित हों उन्हें भिजवानेकी कृपा करें आपकी बड़ी महरबानी होगी। भूलके लिए क्षमा !

प्रेमक
सेक्रेटरी S. S. जैन समा }
मूलक (पेन्सु)

आपका प्यारा दास
मुनि भागचंद

(नं. १५) श्री १००८ श्री गणाचछेदक श्रीरघुवरदयालजी महाराज के पास अपना भेजा हुआ सूत्रकृतांग सूत्र मिला. "संपादन" मुंदर है। धर्मापदेश श्रीरघुचंदजी महाराजके परिश्रमका यह फल है। आपकी परिश्रमशीलताको देखकर कौनसा मानव है जो आपकी स्तुति न करे। आप जैन नास्तिकता कार्य करके अपने जीवनका चरमलक्ष्य पूरा करेंगे। जिसके लिए आपने कदम उठाया है। महाराज श्री आपको धन्यवाद देते हैं।

निवेदक

५-१०-५१ लाला अछरमल जैन रईसेआज़म

चांक कसेरान

पटियाला (E. P.)

(नं. १५) ता. २०-९-५१ श्रीमान् वावू रामलालजी साहव !

जय जिनेंद्र ! आपका इरसाल करदह श्री आचारांग सूत्र तथा सूत्रकृताङ्ग सूत्र मोसूल हुए । मुलाहिजा श्री १००८ श्रीवहुसूत्री पंडितरत्न श्रीमुनि नरपतरायजी महाराजने अत्यन्त प्रसन्नता प्रगट की । नीज मुनि श्री फूलचंद्रजीके इस प्रयासकी अति प्रशंसा करते हैं और फर्माते हैं कि यह कार्य जो उन्होंने आरंभ किया है भगवान् उनको सफलता दे ।

संघ सेवक

मदनलाल जैन

फर्म-वंसीलाल बनारसीदास जैन

होशियारपुर E. P.

(नं. १६) मेवाड़भूषण पूज्य श्री १००८ श्रीमोतीलालजी महाराज फर्माते हैं कि “आपकी तरफसे ‘सुत्तागमे’ सूयगडे नामकी किताब मिली । पूज्यश्रीके नजर(भेंट)करदी गई । पूज्यश्रीने फर्माया है कि पुस्तक बड़ी ही सराहनीय है । आपने बड़े परिश्रमके साथ आगमोद्धार करना आरंभ किया है । आपको हार्दिक धन्यवाद है ।”

कालूराम हरकलाल जैन

कपासन (मेवाड़)

(नं. १७) “आपका भिजवाया हुआ (ठाणांग-समवायांग-मूल सूत्र दो प्रति) बुक-प्रोष्ट लाला परसराम जैन खत्री द्वारा हमें प्राप्त हुआ है । एतदर्थ सुमहान धन्यवाद ! ये महान् अनमोल रत्न भिजवाकर हमें कृतार्थ किया है और भविष्यके लिए आशा करते हैं कि इसी प्रकार अन्य अनमोल रत्न भी भिजवाकर अनुगृहीत करते रहेंगे । पुस्तककी छपाई-शुद्धता-सुंदरता-लघुता-आकार-प्रकार सब कुछ वैसा ही है जैसा मैं चाहता था, मानो मेरे विचारोंको समझकर ही आपने प्रकाशित करानेका प्रयत्न किया हो । यह संस्करण स्वाध्यायपरायण लघुविहारी मुनिराजोंके लिए परमोपयोगी है ।”

रोपड़ १-९-१९५२ }

भवदीय
मुनि फूलचंद्र (श्रमण)

(नं. १८) “श्रद्धेय धर्मोपदेशजी जो आगमोंका संशोधित मूलपाठ प्रकाशित करवा रहे हैं इसकी परमावश्यकता थी, इस दिशाकी ओर बहुत कम विद्वान

મુનિઓંકા ધ્યાન ગયા હૈં ઇસ ભગીરથ કાર્યકે લિંએ શ્રીધર્મોપદેશજીકા જૈનસમાજ સદૈવ હી આભારી રહેગા ।”

કવિરાજ શ્રીચંદનમુનિ,
મુ૦ ગીદહવહા મંડી E. P.

(નં. ૧૯)...શ્રી ૧૦૦૮ શ્રીચુરદયાલજી મ૦ ઠા૦ ૬ સુખશાંતિસે વિરાજમાન હૈં, આપકે મેજે દો સૂત્ર પ્રાપ્ત હુએ, વે અતિ સુંદર છપાઈ સફાઈ કાગજાદિ સવ દૃષ્ટિસે વિદ્વાનોંકે લિંએ મહતોપયોગી હૈં । આપકા કાર્ય કેવલ પ્રશંસાકે યોગ્ય હી નહીં વલ્લિક આદર્શ ઔર આચરણકે યોગ્ય હૈં ઔર નિઃશુલ્ક ભિજવાકર તો અપને સમાજ પર અપની અતિ ઉદારતાકા પરિચય દિયા હૈં અતઃ ઇસકે લિંએ કોટિ ૨ ધન્યવાદ !

તા. ૧-૯-૫૨ } મંત્રી S. S. જૈનસભા.
માલેરકોટલા. E. P.

(નં. ૨૦) શ્રી આંવાજી સ્વામીએ આપને વહુમાનથી વંદના કરી સુખ-શાતા પુછાવેલ છે. આપે ભગવતી સહિત સાત સૂત્રો છુટક છુટક કરી મોકલ્યા તે માટે પુણ્ય મળ્યા છે. તે સહયે સ્વીકારી લીધા છે । તમો શાસ્ત્રોદ્ધારનું કામ કરી જૈનસમાજની સેવા વજાવી રહ્યા છો. તે ઘણું ઇચ્છવા યોગ્ય કામ છે. તમોએ તથા ત્યાંની સમિતિના કાર્યકર્તાઓએ સૂત્રાનુવાદ ગુજરાતી અને હિંદી તથા કાવ્યોમાં વતાવવાની ભાવના પ્રદર્શિત કીધી છે એ અતિસ્તુત્ય છે.

પોરબંદર તા૦ ૧૦-૩-૧૯૫૨.

(નં. ૨૧) તમારા તરફ થી માગધીમાયામાં આપણા શાસ્ત્રની પુસ્તિકાઓ મોકલી તે મઝી છે. ‘સુતાગમે’ તેની વે જુદી ૨ મઝી છે. આપ આ જ્ઞાનોદ્ધારક શાસ્ત્રોદ્ધારને માટે કાર્ય કરો છો તે માટે એમના મંત્રીશ્રીને સરેસર ધન્યવાદ છે. એ પ્રસાધન જગત્પયોગી છે. એ આપની પરોપકારી ભાવનાને ધન્યવાદ ઘટે છે.

પોરબંદર તા. ૩૧-૮-૫૨

મુનિશ્રી આંવાજી સ્વામી

(नं. २२) जैन मुनि श्रीश्री हजारीमलजी महाराज व पं. मुनिश्री मिश्रीमलजी (मधुकर) महाराज की सम्मति

“स्थानांगसूत्रके दोनों अंश और समवायांगसूत्र हमने पढ़े। आचारांग और सूत्रकृतांगकी तरह ये प्रकाशन भी बहुत सुंदर निकले हैं। इन आगमोंके सम्पादनमें जैनधर्मोपदेष्टा उग्रविहारी मंत्री मुनि श्रीफूलचंद्रजी महाराजने जो परिश्रम उठाया है वह अत्यन्त प्रशंसाके योग्य है। स्वाध्यायप्रेमियोंके लिए मुनिश्रीका यह प्रयास बहुत सफल सिद्ध हो रहा है।

भावना तो यह है कि आगेके प्रकाशनभी बहुत शीघ्र हमारे हाथोंमें आजाएँ।”
प्रेषक—गजमल विरधीचंद्र तातेड़ मु० पो० विजयनगर (अजमेर)

(नं. २३) मुनि श्रीफूलचंद्रजी म. द्वारा संपादित ‘सुत्तागम’ अंतर्गत आचारांग-सूत्रकृतांग-ठाणायंग और समवायांग पुस्तक नंग ४ भेंट मिली। ‘सुत्तागमे’ की उपरोक्त पुस्तकें स्वाध्याय योग्य होनेसे स्वाध्याय करके अतिप्रमोद प्राप्त हुआ है। जिज्ञान और स्वाध्याय करनेवालों के लिए यह बहुत उपयोगी साधन है। विजय-डायरी पढ़नेसे मालूम हुआ है कि ‘सुत्तागमप्रकाशकसमिति’ (गुडगाँव पंजाब)ने आगमप्रचारविषयक योजना विशाल रखी है। यदि सुत्तागमकी तरह सौ १०० भाषाओंमें श्रीश्रमण भगवान महावीरत्वानी द्वारा निर्दिष्ट जगज्जंतुकल्याणक अनेकान्त स्याद्वादगर्भित जैनसिद्धान्त का प्रतिदेश प्रतिप्रान्त और प्रतिघरमें प्रचार हो तो इसके सिवाय दूसरा पुण्यकार्य क्या हो सकता है। यह धर्मप्रचारकी सर्वोपरि योजना है, यह कहते हुए हमें हर्ष होता है। जैनसमाजके श्रीमान् विद्वानोंका और श्रीमान् लक्ष्मीनंदनोंका इसमें पूरा साथ हो तो कार्य जल्दी सुचारुरूपसे हो सकता है अतः दोनों उदार बनें।

जामजोधपुर ता. ३६-८-५२ शुभेच्छुक जैन भिक्षु गन्धुलालजी म०

(नं. २४) आपकी ओरसे सूत्रोंका दुरुपोस्ट मिला, मेधाइ भूषण. चतुर्मास-विद्यारमर्षी श्री १००८ मोतीलालजी म. की सेवामें प्रस्तुत किया, उसमें फर्माया है कि आपको हार्दिक धन्यवाद है, आप बड़े परिश्रमपूर्वक कार्योंका कर रहे हैं आपका धन्योत्तर सराहनीय है। ऐसा परिश्रम करके

सूयणा

इकारसंगाइमिमाइमह धम्मगुरुण गरिमजियमेरुण साहुकुलचूलामणीण अहिल-
 सगुणखणीण चत्तअदत्तकलत्तपुत्तमिताण पसंतचित्ताण अग्गिक्ख उग्गतवत्तेयदित्ताण
 पोम्मं व अलित्ताण पागयज्जणमुच्छाविहाणनियानविसयगामविंरयाण पंचविहायार-
 निरइयारचरणनिरयाण भवोयहितारणतरंडाण अण्णाणतमोहपयंडमायंडाण नोहेभ-
 निवारणवरंडाण पासंडिमाणसेलमद्दणवज्जदंडाण वाउरिव अपडिवद्वाण तवसिरिस-
 मिद्वाण सम्मअवगयजिणमयसम्मयसुहुमयरवियारसयलभवसिद्धियलोयहिययंगमाण
 सुसंजयपंचपमियतरलयरकरणतुरंगमाण दुज्जयअणंगमायंगभंगसारंगपुंगवसरिच्छाण
 अक्खुवं सुयणं वुरुहचोहणअण्णाणमोहतिमिरभरहरणधम्मज्जोयकरणिक्कतल्लिच्छाण दुह-
 तरुडम्मूलणेक्खरपवणाण चरित्तणाणदंसणफललुद्धमुणिंदसउणमेस्वणाण सारयस-
 लिलं व सुद्धमणाण पाविंधणोहहुयासणाण संसारणवमज्जंतजीवमणतारणसमत्थवो-
 हित्थाण अहिं व धीरिमापडिहत्थाण जिणपवयणगयणनिसायराण मेराणाणचरणाइ-
 निम्मलगुणरयणरयणायराण नियसुद्धुवएसदेसणाणिण्णासियभव्वजन्तुजायजीवियभू-
 यसम्मदंसणणासणपच्चलमिच्छादंसणुग्गरलाण दुज्जणदुव्वयणपवणवाए वि अतर-
 लाण विसयसुहनिप्पिवासाण मुक्किहवासपासाण दूरपरिचत्तविइगिच्छाअरइरइमीइ-
 हासाण मित्तसत्तुज्जणजुम्मसमाणमणोविलासाण नवविहवंभचेरुत्तिसम्मसंरक्खणेक्कप-
 रायणाण दुक्कम्मदइच्चनिवहविद्धंसणनारायणाण सुत्तत्थविसारयाण जिणधम्म-
 पसारयाण मरालुव्व परगुणखीरगहणदोसंवुविवज्जणवियक्खणाण कयइक्कायर-
 क्खणाण खं व अणप्पकुवियप्पसंक्रप्पसुण्णाण खंतिमुत्तिअज्जवमह्वलाघवाइपुण्णाण
 धरामंडलव्व सव्वसहाण भवदुक्खायवसंतत्तपंथिसंतिदायगदहाण चंदणवणं व
 सुसीयलाण जसच्छाइयधरणीयलाण कंदप्पदप्पदलणिक्कमल्लाण नीसल्लाण नियनिस्व-
 मवयणकलारंजियसयललोगाण सव्वहा निम्ममयाए निरासीकयसोगाण आइच्चुव्व
 तेयसा फुरंताण धम्मव्व मुत्तिमंताण जियतिजयदप्पकंदप्पमत्तगयवियडडुंभयड-
 दलणसीहाण निरीहाण जिणगणहरसमणुच्चिण्णसम्ममग्गाणयाइण निहिलागमपार-
 याइण परजियपियहियमियफुडभासीण सयलगुणरासीण माणावमाणपसंसणिंदण-
 लाहालाहसुहुदुहसमाणमणसाण अंसुमालिक्ख फेडियदुम्मइत्तमसाण संतिसुत्ताण
 सियकित्तीण जीयुव्व अप्पडिहयगइण जिणपवयणाणुसारमइण अमयनिग्गसुव्व
 सोमसहावाण महापहावाण पंचाणणुव्व दुप्पधंसणिज्जाण सयलज्जाभिगमनिज्जाण
 सासणपभावगाण जीवे सम्मग्गे ठावगाण जम्मजरमरणकालोलोलजलपलपुण्ण-

प्रस्तावना

इस अनादि अनंत संसारमें आत्माने अनन्त बार जन्म मरण किए हैं परन्तु अपने स्वरूपको भूलकर विभाव-परपरिणतिमें रच पचकर कर्मवश होकर अनन्त-नन्त दुःख सहन करता रहा है। यद्यपि सुखको पानेके लिए अनेक प्रकारके पापड़ बेलता है लेकिन अबतक उसे वह सच्चा और ठिकाऊ सुख नहीं मिल सका है कि जिसके द्वारा संसृतिके सब दुःखोंसे नितान्त छुटकारा पालेता, परन्तु धर्म पुरुषार्थके विना वह सुख कहां? 'धर्मात्सुखं' धर्मसे सुख मिलता है, सुखके पानेमें धर्म कारणभूत है, तब कारणके विना कार्य कैसे संपन्न हो सकता है। साथ ही यह भी स्मरण रहे कि धर्मपुरुषार्थ ही मोक्षका वास्तविक मार्ग है जिसके मुख्य तीन प्रकार सर्वज्ञों द्वारा प्रतिपादित हैं, वे हैं सम्यग्ज्ञान, सम्यग्दर्शन और सम्यक्चरित्र। शरीर और मनके दुःखोंसे छुटकारा दिलाने वाला यही रत्नत्रय समर्थ साधन है। इस रत्नत्रयमें 'पढमं नाणं तओ दया' के अनुसार सम्यग्ज्ञानकी प्रधानता है। मोहरूपी महा अंधकारके समूहको नष्ट करनेमें ज्ञान सूर्यके समान है। इष्ट वस्तुको प्राप्त करानेमें ज्ञान कल्पवृक्ष है। दुर्जेय कर्मरूपी हाथीको पछाड़नेमें ज्ञान सिंह जैसा है। ज्ञानके अभावमें मुँहपर दो आंखें होनेपर भी वह अन्धके सदृश है। ज्ञानके भी पांच प्रकार हैं जिनमें 'श्रुतज्ञान' बड़े ही महत्वकी वस्तु और परोपकारी है। केवली भगवान्‌का केवलज्ञान उनके स्वयंके लिए लाभ दायक है औरोंके लिए नहीं वे भी श्रुतज्ञानके द्वारा ही जगत्‌के असंख्य भव्य-जीवोंको प्रतिबोध देकर महान् उपकार करते हैं। लेकिन श्रुतज्ञानकी भी दो चीथियाँ हैं जिन्हें सम्यक्श्रुत और मिथ्याश्रुत कहते हैं। सम्यक्श्रुतके भी अनेक भेद हैं जिनमें वर्तमान समयमें केवल ३२ आगम ही उपलब्ध हैं और जो १४ पूर्वीय श्रुतज्ञान महान् समुद्रके समान था उसका काल दोपसे इस समय विच्छेद हो चुका है। यह हमारे मंदभाग्य ही का कारण है, तो भी ये वार्तमानिक आगम आजके सत्साहित्यके मूल स्रोतके समान हैं। इन्हीं स्रोतों द्वारा हमारा साहित्य अमर विभूति प्राप्त है। साहित्य वह वस्तु है जो प्रत्येक धर्म और राष्ट्रका प्राणभूत होता है। जिसका अपना निजीसाहित्य न हो वह धर्म मृतकके समान है।

जैनसाहित्यमें आगमोंका स्थान—यों तो जैनसाहित्य अन्य साहित्योंकी अपेक्षा अत्यन्त विशाल है। कोई ऐसा विषय नहीं है जिसपर जैनसाहित्यों की लेखनी न उठी हो, परन्तु उसमें भी आगमोंका स्थान सर्वोच्च है। या यों कहिए

न कर सकनेके कारण उन्हें भूल से गए । उसके बाद पाटलीपुत्रमें संघ एकत्र हुआ और जिसे जितना याद था सुनकर ११ अंगोंका संकलन किया गया । अर्धमागधीमें मगधके आसपासके प्रदेशोंकी भाषाओंकी अपेक्षा दूरस्थ महाराष्ट्रकी भाषाका जो अधिक साम्य देखा जाता है उसका कारण भी यही है । इतिहास द्वारा यह भी सिद्ध है कि पुराने समयमें जैनधर्मका दक्षिणमें भली भांति प्रचार हुआ था, तब यह अनुमान असंगत नहीं हो सकता कि दुर्भिक्षकालमें मुनिवर्ग दक्षिणमें न गया हो, तद्देशीय भाषाज्ञानके बिना प्रचार सम्यक्तया नहीं हो सकता, अतः उसका प्रभाव कंठस्थ आगमोंकी भाषा पर भी पड़ा, इसके द्वारा प्रभावित बहुतसे मुनि पूर्वोक्त सम्मेलनमें पधारे, इसलिए अंगोंके संकलनमें भी इसका थोड़ा बहुत असर पड़ा । उससे लगभग ८०० वर्ष बाद थोड़े २ अंतरसे मथुरा और वल्लभीमें आगमोंको पुस्तकारूढ़ करनेके लिए साधुसम्मेलन हुए, जिनमें सब प्रान्तोंसे मुनि आए, जिनके मुखस्थ सूत्रोंपर तत्तत्प्रदेशोंमें बहुत समय तक विचरनेसे उस देशकी भाषा, उच्चारण आर व्याकरणका कुछ न कुछ प्रभाव अंकित था । यही कारण है कि अंगोंमें एक ही अंगके भिन्न २ भागोंमें और कहीं २ एक ही वाक्यमें भाषाभेद दृष्टिगोचर होता है । इस प्रकार भाषापरिवर्तनके बहुतसे कारणोंके उपस्थित होनेपर भी पाटलीपुत्रके सम्मेलनके बाद विलकुल अथवा अधिक परिवर्तन न होकर मात्र थोड़ा बहुत भाषा-भेद ही हुआ और अर्धमागधीके सैंकड़ों प्राचीन रूप अपने स्वरूपमें सुरक्षित रह सके, इसका श्रेय अशुद्ध उच्चारणके लिए पापबंधके धार्मिक नियमको है जो कि सम्मेलनके पीछे और भी मजबूत किया गया । वर्तमान आगमोंमें कहीं २ जो पाठ-भेद मिलते हैं उनका कारण उपरोक्त वाचनाएँ हैं । समवायांग औपपातिक वैयाख्या-प्रज्ञप्ति और प्रज्ञापनासूत्र तथा बहुतसे प्राचीन ग्रंथोंमें जिसे अर्धमागधी कहा

१ देखो स्वविरावलिचरित्र सर्ग ९ श्लो. ५५ से ५८ तक । २ देवा णं भंते ! कयराए भासाए भासंति ? कयरा वा भासा भासिज्जमाणी विसिस्सति ? गोयमा ! देवा णं अद्ध-मागहाए भासाए भासंति, सा वि य णं अद्धमागहा भासा भासिज्जमाणी विसिस्सति । ३ से किं तं भासारिया ? भासारिया जे णं अद्धमागहाए भासाए भासंति । ४ ! आरिस्स-वयणे सिद्धं, देवाणं अद्धमागहा वाणी । (काव्यालंकारकी नमिसाधु कृत टीका २, १२)
!! सर्वार्धमागधीं सर्वभाषासु परिणामिणीम् । सर्वपां सर्वतो वाचं, सार्वशीं प्रणिदध्महे ॥
(वाग्भट्टकाव्यानुशासन पृ० २) !!! अकृत्रिमस्त्रादुपदां, परमाथांभिधायिनीम् । सर्व-भाषापरिणतां, जैनीं वाचमुपासहे ॥ (स्वोपज्ञ काव्यानुशासन, हेमचंद्राचार्य)

(८) दो खरोंके बीचके 'व' के स्थानमें 'व' 'त' और 'य' होते हैं, जैसे गौरव=गारव; 'त' कवि=कति; 'य' परिवर्तना=परियट्टणा इत्यादि ।

(९) महाराष्ट्रीमें खरोंके मध्यवर्ती असंयुक्त 'क-ग-च-ज-त-द-प-य-व' का प्रायः सर्वत्र लोप होता है और कई व्याकरणोंके अनुसार इनके स्थानमें कोई अन्य वर्ण नहीं होता । हेमचंद्राचार्यके प्राकृतव्याकरणानुसार उक्त लुप्तव्यंजनोके दोनों ओर 'अ' या 'आ' होनेपर उनके स्थानमें 'य' होता है, किन्तु जैन अर्धमागधीमें जैसा कि ऊपरके नियमोंसे घटित है, प्रायः उनके स्थानमें अन्य व्यंजन होते हैं, और कहीं २ तो वही कायम रहता है । कहीं २ दोनों बातें न होकर महाराष्ट्रीकी तरह लोप भी होता है परन्तु वहीं जहां उक्त व्यंजनोंके बाद अवर्णसे भिन्न कोई स्वर हो । जैसे-आतुर=आउर, लोकः=लोओ प्रभृति ।

(१०) शब्दके आदि मध्य और संयोगमें सर्वत्र 'ण' की तरह 'न' भी होता है । जैसे-ज्ञातपुत्र=नायपुत्त; अनल=अनल; अन्योन्य=अन्नमन्न; सर्वज्ञ=सव्वजु इत्यादि ।

(११) एव से पूर्वके 'अम्' के स्थानमें 'आम्' होता है, जैसे यामेव=जामेव; क्षिप्रमेव=खिप्पामेव; एवमेव=एवामेव वगैरह ।

(१२) दीर्घ स्वरके बादके 'इति वा' के स्थानमें 'ति वा' और 'इ वा' होता है, जैसे-इन्द्रमह इति वा=इंदमहे ति वा=इंदमहे इ वा इत्यादि ।

(१३) 'यथा' और 'यावत्' शब्दके 'य' का लोप और 'ज' दोनों ही देखे जाते हैं जैसे-यथाख्यात=अहक्खाय; यथानामक=जहानामए; यावत्कथा=आव-कहा; यावज्जीव=जावजीव ।

वर्णागम—अर्धमागधीमें गद्यमें भी अनेक जगह पर समासके उत्तर शब्दके पहले 'म्' का आगम होता है, जैसे-अजहन्नमणक्कोस, अदुक्खमसुहा, गोनमाइ, णिरयंगामी, सामाइयमाइयाइ, उद्धंगारव आदि । महाराष्ट्रीमें पद्यमें ही पादप्रतीतिके लिए कहीं २ 'म्' का आगम देखा जाता है गद्यमें नहीं ।

शब्दभेद—(१) अर्धमागधीमें ऐसे बहुतसे शब्द हैं जिनका प्रयोग महाराष्ट्रीमें प्रायः उपलब्ध नहीं होता, जैसे-अज्झत्थिय, अज्झोववन्न, अणुवीति, आघवणा, आघवेत्तग, आणापाण, आवीकम्म, कण्हुइ, केमहालए, डुरुड, पच्चत्थि-मिड, पाउकुच्चं, पुरत्थिमिड, पोरेवच, महत्तिमहालिया, वक्क, विउस इत्यादि ।

(२) ऐसे शब्द भी प्रचुर संख्यामें पाए जाते हैं जिनके रूप अर्धमागधी और महाराष्ट्रीमें भिन्न २ प्रकारके होते हैं । जैसे कि—

अर्धमागधी	महाराष्ट्री	अर्धमागधी	महाराष्ट्री
अभियागम	अन्माअम	नितिय	णिच्च
आउंटण	आउंचण	निएय	णिअअ
आहरण	उआहरण	पडुप्पन्न	पच्चुप्पन्न
उप्पि	उवरिं-अवरिं	पच्छेकम्म	पच्छाकम्म
क्रिया	किरिआ	पाय (पात्र)	पत्त
कीस-केस	केरिस	पुढो (पृथक्)	पुहं-पिहं
केवच्चिर	किअच्चिर	पुरेकम्म	पुराकम्म
गेहि	गिद्धि	पुव्वि	पुव्वं
चियत्त	चइअ	माय (मात्र)	मत्त-मेत्त
छच्च	छक्क	माहण	वम्हण
जाया	जत्ता	मिलक्खु-मेच्छ	मिलिच्छ
णिगण-णिगिण(नग्न)	णगग	वग्गू	वाआ
णिगिणिण (नाग्न्य)	णगगतण	वाहणा (उपानह्)	उवाणआ
तच्च (तृतीय)	तइअ	सहेज्ज	सहाअ
तच्च (तथ्य)	तच्छ	सीआण-सुसाण	मसाण
तेगिच्छा	चिइच्छा	सुमिण	सिमिण
दुवालसंग	वारसंग	सुहम-सुहुम	सण्ह
दोच्च	दुइअ	सोहि	सुद्धि

और दुवालस, तेरस, अउणवीसइ, वर्त्तीस, पणतीस, इगयाल, तेयालीस, पणयाल, अढयाल, एगट्टि, वावट्टि, तेवट्टि, छावट्टि, अडसट्टि, अउणत्तरि, वाव-त्तरि, पणत्तरि, सत्तहनरि, तेयासी, छलसीइ, वाणउइ प्रभृति संख्या शब्दोंके रूप जैसे अर्धमागधीमें पाए जाते हैं वैसे महाराष्ट्रीमें नहीं ।

नामविभक्ति-(१) अर्धमागधीमें पुलिग अकारांत शब्दके प्रथमाके एकवचनमें प्रायः सर्वत्र 'ए' और क्वचित् 'ओ' होता है जब कि महाराष्ट्रीमें केवल 'ओ' ही होता है ।

(२) सप्तमीका एक वचन 'स्सि' होता है किन्तु महाराष्ट्रीमें 'म्मि' ।

(३) चतुर्थीके एकवचनमें 'आए' या 'आते' होता है, जैसे-अट्टाए, गम-णाए, देवाए, सवणयाए, अहिताते इत्यादि । महाराष्ट्रीमें ऐसा नहीं ।

(४) अनेक शब्दोंके तृतीयाके एकवचनमें 'सा' होता है, जैसे-मणसा,

वयसा, कायसा, जोगसा, वलसा, चक्खुसा । महाराष्ट्रीमें अनुक्रमसे इनके स्थानमें मणेण, वएण, काएण, जोगेण, वलेण, चक्खुणा होते हैं ।

(५) 'कम्म' और 'धम्म' शब्दके तृतीयाके एकवचनमें 'कम्मुणा' और 'धम्मुणा' होता है, जिसका अनुकरण पाली भाषा भी करती है, जबकि महाराष्ट्रीमें 'कम्मेण' और 'धम्मेण' होता है ।

(६) अर्धमागधीमें 'तत्' शब्दके पंचमीके बहुवचनमें 'तेव्भो' रूप भी देखा जाता है, जब कि महाराष्ट्रीमें इसका 'अदर्शनं लोपः' है ।

(७) 'गुप्पमत्' शब्दका षष्ठीका एकवचन 'तव' और 'अस्मत्' का षष्ठीका बहुवचन 'अत्ताकम्' जिसका अनुकरण संस्कृतभाषा भी करती है, अर्धमागधीमें है महाराष्ट्रीमें नहीं ।

आख्यात-विभक्ति—अर्धमागधीमें भूतकालके बहुवचनमें 'इंसु' प्रत्ययका प्रयोग होता है, जैसे 'आभासिंसु' 'गच्छिंसु' 'पुच्छिंसु' आदि । महाराष्ट्रीमें यह प्रयोग लुप्त है ।

धातुरूप—अर्धमागधीमें अकासी-अव्ववी-आइक्खइ-आघं-आहंसु-कुव्वइ-पेच्छिइ-तिउट्ठइ-तिउट्ठिजा-तिवायए-दुरुहइ-पडिसंधयाति-पहारेत्था-भूया-भुविं-विगिं-चए-भमुच्छिहंति-सारयती-हुत्था-होक्खती-होत्था-प्रभृति प्रभूत प्रयोगोंमें धातुकी प्रकृति प्रत्यय अथवा दोनों जिन आकारमें पाए जाते हैं महाराष्ट्रीमें वे अलग २ प्रकारके देखे जाते हैं ।

तद्धित

(१) अर्धमागधीमें 'तर' प्रत्ययका 'तराय' रूप होता है, जैसे-अणिटतराए, अप्पतराए, बहुतराए, कंततराए इत्यादि ।

(२) आउसो, आउसंतो, गोमी, वुसिमं, भगवंतो, पुरत्थिम, पच्चत्थिम, ओयंसि, दोसिणो, पोरेवच्च आदि प्रयोगोंमें 'मतुप्' और अन्य तद्धित प्रत्ययोंके जैसे रूप जैन अर्धमागधीमें देखे जाते हैं महाराष्ट्रीमें वे भिन्न प्रकारके होते हैं ।

महाराष्ट्री और अर्धमागधीमें इनके अतिरिक्त बहुतसे सूक्ष्म भेद हैं जिनका उल्लेख लेखका देहसूत्र बढ़नेके भयसे नहीं किया ।

आगमोद्धार

जैसाकि हम ऊपर आगमोंके इतिहास प्रकरणमें लिख चुके हैं स्थानकवासी समाजमें उत्तरोत्तर वृद्धि होती चली गई, अतः ज्ञानमें वृद्धि होनी ही थी । सबसे पहले श्रीधर्मशी स्वामीने मूलसूत्रोंपर 'टब्बे' लिखे, जो कि साधारण अभ्यासीके लिए अत्यंत उपयोगी हैं । क्या ही अच्छा होता यदि उन्हें प्रकाशित किया जाता । इसके बाद पूज्य श्रीअमोलक ऋषिजी म० ने वत्तीसों सूत्रोंका अनुवाद किया । जिसका प्रकाशन हजारों रुपया व्यय करके श्रीमान् राजा बहादुर शेठ दानवीर सुखदेवसहाय ज्वालाप्रसाद जौहरीने किया, इसके लिए वे अधिकाधिक धन्यवादके पात्र हैं । लेकिन पाठोंकी अशुद्धि, कागज़की खराबी और मिश्रित हिन्दी होनेके कारण समाजको इतना लाभ न मिल सका जितना मिलना चाहिए था । इसके अनन्तर जैनाचार्य पूज्य श्रीआत्मारामजी महाराज और पूज्य श्री-हस्तीमलजी म० ने भी कई सूत्रोंके अनुवाद किए और घासीलालमुनि भी कर रहे हैं ।

इसके अतिरिक्त रायबहादुर धनपतिसिंह (मकसूदावादवाले) और आगमोदय-समिति आदिने भी आगमोंका प्रकाशन किया है पर वे भी अशुद्धियोंसे खाली नहीं । कई प्राध्यापकों ने भी इंग्लिश अनुवाद सहित कुछ सूत्र प्रकाशित किए, परंतु अतिसंक्षिप्त और महाराष्ट्री प्रधान होनेके कारण स्वाध्यायी के लिए अधिक उपयोगी नहीं ।

सूत्रागमप्रकाशकसमिति

वैदिक प्रेस अजमेरकी छपी हुई चारों मूल वेदोंकी पुस्तक एक किसानने गुरु महाराजकी सेवामें पेश की और पूछा कि आपके आगम भी एक जिल्दमें मिल

सकते हैं, गुरु महाराज क्या उत्तर देते? अतः उन्होंने गुरुगोत्र ग्यानक्यासी जैन संघको प्रेरणा दी और श्रीसूत्रागमप्रकाशकममितिकी स्थापना हुई। जिनका विस्तृत वर्णन 'विजय डायरी', 'मोहन डायरी', 'गामाधिकपत्र' हिन्दी 'शान्ति प्रकाश' और 'नेमराजुल वारहमामा' गुजरातीमें पढ़ सकते हैं। विन्नारभवसे उसका उल्लेख यहां नहीं किया गया। सूत्रागमप्रकाशकममितिका पहला ध्येय ३२ आगमोंको आगमत्रयकी पद्धतिसे प्रकाशित करना है।

मूलसूत्रोंका प्रकाशन

मूलसूत्रोंका प्रकाशन छुटक २ कई संस्थाओंने किया है परन्तु पूरे सूत्र किसीने अब तक मूल रूपमें प्रकाशित नहीं किए। आज तक उत्तराध्ययन-दशवैकालिक-सुखविपाक-नंदी बहुतसे और सृयगडांग-आचारांग-अनुयोगद्वार न्यूत संख्यामें मूलरूपमें छपे हैं। परन्तु अनुक्रमसे सबके सब आगम नहीं। सूत्रागमप्रकाशक-समितिकी योजना बनीसों सूत्रोंको 'सुत्तागमे' के रूपमें एकही पुस्तकमें प्रकाशित करनेकी थी, परन्तु ग्रन्थकी देहयष्टी बहुत बढ़ जानेसे वैसा न हो सका। इसलिए ११ अंगोंका प्रथम खंड बनाना पड़ा जिसमें लगभग १४०० पृष्ठोंमें ३५००० श्लोक हैं यह जानकर किसे प्रसन्नता न होगी।

आगमोंमें ११ अंगोंका महत्त्व—यों तो सारे ही आगम अत्यन्त उपयोगी और ज्ञानके अगाध समुद्र रूप हैं, परन्तु उनमें भी ११ अंगोंका अनोखा स्थान है। **आचारांगमें** साधु-साध्वियोंके आचार, भगवान् महावीरकी परिपह-सहिष्णुता, एषणा, पांच महाव्रतोंकी २५ भावना आदिका वर्णन है। जो 'आचारः प्रथमो धर्मः' की उक्तिको चरितार्थ करता है। **सूत्रकृतांगमें** अन्यमतोंका दिग्दर्शन, उनका खंडन और स्वसमयका मंडन किया गया है। **स्यानांगसूत्रमें** १ से लेकर १० पर्यंत संख्याकी वस्तुओंका वर्णन है। विशेष नौवें ठाणेमें श्रेणिक राजाके आगामी भव पर प्रकाश डाला है। **समवायांगसूत्रमें** १ से लगाकर कोडाकोड़ी संख्यातकके विषय वर्णित हैं। इसके अतिरिक्त द्वादशांगी स्वरूप भूत-भविष्यत्-वर्तमान त्रिपष्टिशलाका पुरुषोंके माता पिताओंके नाम एवं उनके नाम, पूर्वभव और आगामी भवके नामोंका वर्णन है। ठाणांग और समवायांगकी यही विशेषता है कि कोई भी विषय इनसे अछूता नहीं। **भगवतीमें** भगवान् गौतम द्वारा पृष्ठे गए ३६००० प्रश्नोंके उत्तर हैं। इसके अंतर्गत रोहा अणगार, स्कंदक, तामली तापस, शिवराजर्षि, महाबल, ऋषभदत्त-देवानंदा, जमाळि, गानेय अणगार, अतिमुक्तकुमारश्रमण, गोशालक, उदायन, मृगावती, जयंती

श्राविका, सोमिल ब्राह्मण आदिके चरित्र भी हैं । ज्ञाताधर्मकथांगमें प्रथम-श्रुतस्कंधमें १९ कथाएं उपनय सहित हैं । जो कि रोचक होनेके साथ २ बोधप्रद भी हैं, मेघकुमारकी यावत् कंडरीक-पुंडरीककी । दूसरे श्रुतस्कंधमें शिथिलाचार द्वारा होनेवाले दोषोंका दिग्दर्शन करानेवाली कथाएँ हैं । उपासकदशांगमें ज्ञातपुत्र महावीर भगवान् के १० मुख्य श्रावकोंका वर्णन है । उनमें भी आनंद और कामदेव का मुख्य स्थान है । अंतकृद्दशांगमें उन ९० महापुरुषोंका चरित्र है जिन्होंने कर्मोंका निकंदन करके मोक्ष प्राप्त किया है । इसमें गजसुकुमाल, पद्मावती राणी, अर्जुन माली, अयवन्ताकुमारकी कथाएँ विशेष उल्लेखनीय हैं । अनुत्तरोपपातिकसूत्रमें अनुत्तरविमानमें उत्पन्न होनेवाले महापुरुषोंका वर्णन है । जिसमें महातपोधन धन्ना अणगर का वर्णन मुख्य है । प्रश्न-व्याकरणमें आस्रवद्वारमें हिंसा-असत्य-स्तेय-अब्रह्म और परिग्रह इन पांचोंका स्वरूप समझाया है । इनके कर्ताओं और इनके फलका वर्णन भी है । संवरद्वारमें अहिंसा-सत्य-अचौर्य-ब्रह्मचर्य-अपरिग्रह, उनका फल और साथ ही उनकी भावनाएँ वर्णित हैं । विपाकसूत्रके प्रथम श्रुतस्कंधमें १० जीवोंका वर्णन है । जिन्होंने असीम पाप करके महान् कष्ट उठाए, मृगापुत्रका यावत् अंजूका । दूसरे श्रुतस्कंधमें उन १० जीवोंका वर्णन है जिन्होंने सुपात्र दान देकर सुख प्राप्त किया । सुबाहुकुमारका यावत् वरदत्तकुमारका ।

इन ११ अंगोंमें धर्मकथानुयोग (प्रथमानुयोग) गणितानुयोग, द्रव्यानुयोग और चरणकरणानुयोगके प्रायः सभी विषय वर्णित हैं । इनका अध्ययन-चिन्तन-मनन करके अनेक भव्य आत्माओंने उत्तरोत्तर संसारका अन्त करके मुक्तिको पाया है । इनकी अधिक महत्ता बताना सूर्यको दीपक दिखानेके समान है । ये सुभाषितोंके महामंडार हैं ।

प्रस्तुत प्रकाशनकी विशेषता-(१) पाठशुद्धिका-पूरा २ ख्याल रक्खा गया है ।

(२) इसके संपादनमें शुद्ध प्रतियोंका उपयोग किया है ।

(३) संक्षिप्त अर्धमानवी व्याकरण भी दिया गया है ताकि समझनेमें सरलता हो सके ।

(४) पाठान्तर नवीन पद्धतिसे दिए हैं ।

कार्यविवरण-इसका आरंभ पूना चातुर्मासमें हुआ । वहां केवल आचा-

रांग का प्रथम श्रुतस्कंध ही अलग रूपमें प्रगट हो सका जो कि बहुतसे साधु-साधियोंके करकमलोंमें पहुँचाया गया। इसके अनन्तर गुरुदेव घोड़नदी अहमदनगर आदि क्षेत्रोंमें विचरते हुए नासिक पधारे। वहां तक केवल म्यानांगसूत्र तक छप सका। तदनन्तर घाटकोपर चातुर्मासमें समवायांग और भगवतीसूत्र तैयार हुए। पूर्वोक्त सूत्र भी कई साधु-साधियोंके पास पहुँचाए गए। शुद्धपाठका निर्णय करनेमें काफी से ज़्यादा परिश्रम उठाना पड़ा है। इसके बाद सादड़ी सम्मेलनमें जाना पड़ा। अतः लगभग पांच मास तक कार्य बंद रहा। दौंडायचा चतुर्मासमें फिर कार्य आरंभ हुआ। जहां से लगभग १००० सूत्र साधु-साधियोंके हाथोंमें पहुँचाए गए। शनैः २ कार्य चलता रहा और सिरपुर में ११ अंगोंके कार्यकी पूर्णाहुति हुई।

स्पष्टीकरण—(१) जिनका ११ अंगोंमें वर्णन है उन्होंने भी ११ अंगोंका अध्ययन किया, इसका कारण यह कि इनके प्रणेता श्रीसुधर्मा स्वामी हैं। भगवान् महावीरके पश्चात् वे ही पट्टपर आए, और शासनकी बागडोर संभाली। जैसे अनुत्तरोपपातिकसूत्रमें धन्ना अणगारका वर्णन है। कई प्रतियोंके आरंभमें पाठ मिलता है...**सेणिओ राया**...लेकिन श्रेणिक तो पहले ही मर चुके थे। अतः वह पाठ अशुद्ध है ऐसा जानना चाहिए।

(२) शब्दकोप गाथावद्ध सातुवाद तैयार किया जा रहा है, अतः शब्दकोप नहीं दिया गया।

(३) अन्य उपयुक्त विषय जो कि ग्रंथके देहसूत्र बढ़ जानेके कारण नहीं दिए जा सके, वे अन्य पुस्तकमें दिए जायेंगे।

जिणचंदभिक्षू

शांतिभवन
अंबरनाथ C. R. }

ता० ७-२-१९५३

संक्षिप्त-अर्धमागधी-व्याकरण

स्वरोंका प्रयोग

- (१) अर्धमागधीमें 'ऋ' 'लृ' 'ऐ' 'औ' का प्रयोग नहीं होता ।
- (२) संयुक्त व्यंजनसे पूर्वके दीर्घ स्वरके स्थानमें ह्रस्वका प्रयोग होता है, जैसे-आम्र=अंव इत्यादि ।
- (३) 'ऋ' के स्थानमें 'अ' और कहीं २ 'इ' 'उ' और 'रि' भी होता है । जैसे-वृत=घय; कृपा=किवा; स्पृष्ट=पुष्ट; ऋद्धि=रिद्धि ।
- (४) 'लृ' के स्थानमें 'इलि' होता है, जैसे-कृप्त=किलित ।
- (५) संयुक्त व्यंजनसे पूर्वके 'इ' और 'उ' के स्थानमें 'ए' और 'ओ' का प्रयोग प्रायः होता है, जैसे-विल्व=वेल्; पुष्करिणी=पोक्खरिणी ।
- (६) 'ऐ' और 'औ' के स्थानमें 'ए' 'अइ' और 'ओ' 'अउ' होता है, जैसे-वैद्य=वेज्; वैशाख=वइसाह; यौवन=जोव्वण; पौर=पउर; विशेष-सौन्दर्यम्=सुंदेरं; दौवारिकः=दुवारिओ; गौरवम्=गारवं-गउरवं; नौ=नावा इत्यादि ।

व्यंजनोंका प्रयोग-(१) 'म्ह' 'ण्ह' और 'ल्ह' के अतिरिक्त विजातीय संयुक्त व्यंजन प्रयुक्त नहीं होते, जैसे-पक्क=पक्क ।

(२) स्वर रहित केवल व्यंजनका प्रयोग नहीं होता, जैसे-राजन्=राय; तमस्=तम ।

संयुक्त व्यंजनोंमें परिवर्तन-(१) क-क्य-क-क्क-क-त्क-क-ल्क-के स्थानमें 'क्' होता है । जैसे-मुक्त=मुक्क; शाक्य=सक्क; शक्र=सक्क; विक्कव=विक्वव; पक्क=पक्क; उत्कंठा=उक्कंठा; अर्क=अक्क; वल्कल=वक्कल ।

(२) ख-क्ष-ख्य-क्ष्य-त्क्ष-प्क्ष-स्क-स्ख-के स्थानमें 'क्ख' होता है । जैसे-दुःख=दुक्ख; मक्षिका=मक्खिया; मुख्य=मुक्ख; भक्ष्य=भक्ख; उत्क्षिप्त=उक्खित्त; उत्खात=उक्खाय; पुष्कर=पोक्खर; प्रस्कंदन=पक्खंदण; प्रस्खलित=पक्खलिय ।

(३) म-ग्म-ग्य-ग्र-ङ्ग-द्ग-र्ग-ल्ग-के स्थानमें 'ग्ग' होता है । जैसे-संविम=संविग्ग; युग्म=जुग्ग; आरोग्य=आरोग्ग; समग्र=समग्ग; खड्ग=खग्ग; मुद्ग=मुग्ग; मार्ग=मग्ग; वल्ग=वग्ग ।

(४) घ-घ्न-द्ध-र्घ-के स्थानमें 'ग्घ' होता है । जैसे-कृतघ्न=क्यग्घ; शीघ्र=सिग्घ; उद्धाटन=उग्घाडण; दीर्घ=दिग्घ ।

(५) च्य-ल्य-त्त्व-थ्य-र्च-के स्थानमें 'च्च' होता है । जैसे-वाच्य=वच्च; अपल्य=अवच्च; कृत्वा=किच्चा; तथ्य=तच्च; वर्च=वच्च ।

(६) ध्य-क्ष-श्म-क्ष-त्स-त्स्य-ध्य-प्प-च्छ-ध-म्-के स्थानमें 'च्छ' होता है । जैसे-दक्ष=दच्छ; लक्ष्मी=लच्छी; कृच्छ=किच्छ; वत्सल=वच्छल; मत्स्य=मच्छ; नेपथ्य=नेवच्छ; अप्सरा=अच्छरा; मूर्च्छा=मुच्छा; पथान=पच्छा; विस्तीर्ण=विच्छिन्न ।

(७) ज्य-ञ-ज्व-य-द्व-वज-य्य-र्य-ज-ज्य-के स्थानमें 'ज' होता है, जैसे-विभाज्य=विभज; वज्र=वज; प्रज्वलित=पजलित; अनवय=अणवज; विज्ञान=विज्ज; अबज=अज; शय्या=सिजा; आर्या=अजा; नर्जनी=तजणी; वज्य=वज ।

(८) ध्य-ध्व-ह्य-के स्थानमें 'ज्ज' होता है, जैसे-उपाध्याय=उवज्जाय; युध्वा=बुज्जा; प्राह्य=गेज्ज ।

(९) त-त्त-र्त-के स्थानमें 'ट्ट' होता है । जैसे-वर्ती=वट्टी; पतन=पट्टण; नर्तक=नट्टक ।

(१०) ष्ट-प्र-थ-के स्थानमें 'ट्ट' होता है, जैसे-संतुष्ट=संतुट्ट; निष्टुर=निट्टुर; समर्थ=समट्ट । त-र्द-के स्थानमें 'ट्ट' होता है, जैसे-गर्ता=गट्टा; विच्छर्द=विच्छट्ट । व्य-द्ध-र्ध-के स्थानमें 'ट्ट' होता है, जैसे-धनाढ्य=धणट्ट; वृद्धि=वुट्टि; वर्धमान=वट्टमाण ।

(११) ङ-य्य-न्य-न्व-म्र-ण-के स्थानमें 'ण्ण' होता है, जैसे-विज्ञान=विज्ञाण; हिरण्य=हिरण्ण; धन्य=धण्ण; अन्वर्थ=अण्णत्थ; निम्र=निण्ण; सुवर्ण=सुवण्ण ।

(१२) क्षण-श्म-ष्ण-क्ष-ह-ह-के स्थानमें 'ण्ह' होता है, जैसे-श्लक्ष्ण=सण्ह; प्रश्न=पण्ह; पृष्णि=पण्हि; ज्ञान=ण्हाण; पूर्वाह्न=पुव्वण्ह; वह्नि=वण्हि ।

(१३) क-ल-त्स-त्र-त्व-प्त-र्त-के स्थानमें 'त्त' होता है, जैसे-भुक्त=भुत्त; प्रयत्न=पयत्त; आत्मा=अत्ता; पत्र=पत्त; तत्त्व=तत्त; प्राप्त=पत्त; कर्ता=कत्ता ।

(१४) कथ-त्र-थ-स्त-स्थ-के स्थानमें 'त्थ' होता है, जैसे-सिक्थ=सित्थ; तत्र=तत्थ; समर्थ=समत्थ; विस्तार=वित्थार; इन्द्रप्रस्थ=इंदपत्थ । द्र-द्व-वद-र्द-के स्थानमें 'ट्ट' होता है । जैसे-समुद्र=समुट्ट; प्रद्वेष=पद्वेस; शब्द=सट्ट; कर्दम=कट्टम । ग्व-ध्व-व्य-वर्ध-के स्थानमें 'ट्ट' होता है, जैसे-दुग्ध=दुट्ट; अध्वन्=अट्ट; लब्धि=लट्टि; वर्धमान=वट्टमाण ।

(१५) कम्-त्प-त्तम्-प्प-प्र-प्ल-र्प-ल्प-के स्थानमें 'प्प' होता है, जैसे-लक्ष्मिणी=रुप्पिणी; उत्पल=उप्पल; परमात्मन्=परमप्प; क्षिप्र=खिप्प; विप्लव=विप्पव; सर्प=सप्प; जल्प=जप्प; कल्प=कप्प । त्फ-प्प-ष्फ-स्फ-स्फ-के स्थानमें 'प्फ' होता है, जैसे-उत्फुल्ल=उप्फुल्ल; पुष्प=पुप्फ; निष्फल=निप्फल; बृहस्पति=बिहप्फि; प्रस्फो-

टित=पप्फोडिय । द्व-र्व-व्र-के स्थानमें 'व्व' होता है, जैसे-उद्धोधित=उव्वोहिय;
निर्वल=निव्वल; अव्रह्म=अव्वंभ । गभ-द्भ-भ्य-भ्र-र्भ-व्ह-इनके स्थानमें 'व्भ' होता
है, ईषत्प्राग्भार=ईसिपव्वभार; सद्भूत=सव्वभूय; अभ्यास=अव्वभास; शुभ्र=सुव्वभ;
अर्भक=अव्वभग; विव्हल=विव्वभल ।

(१६) गम-न्म-म्य-र्म-ल्म-श्म-र्म्य-के स्थानमें 'म्म' होता है, जैसे-युग्म=जुम्म;
मन्मथ=वम्मह; साम्य=सम्म; धर्म=धम्म; गुल्म=गुम्म; पद्म=पोम्म; हर्म्य=हम्म ।
क्षम-क्ष-ष्म-स्म-ह्य-के स्थानमें 'म्ह' होता है, जैसे-पक्ष्मन्=पम्ह; कुक्ष्मान=कुम्हाण;
ग्रीष्म=गिम्ह; विस्मय=विम्हय; ब्रह्मा=वम्हा; विशेष-ब्राह्मण=वम्हण, वंभण ।

(१७) र्य-र्ल-त्य-त्व-के स्थानमें 'ल्ल' होता है, जैसे-पर्यस्त=पल्लथ; निर्लज्ज=निल्लज;
कल्याण=कल्लण; पल्लव=पल्ल; 'ह' को 'ल्ह' आह्लाद=आल्हाय । द्व-र्व-
व्य-व्र-के स्थानमें 'व्व' होता है, जैसे-उद्वेग=उव्वेग; उर्वा=उव्वी; काव्य=कव्व;
प्रव्रज्या=पव्वज्जा ।

(१८) र्ष-श्म-श्य-श्च-ष्य-स्य-स्त्र-स्व-के स्थानमें 'स्स' होता है, जैसे-वर्ष=वस्स;
रश्मि=रस्सि; लेश्या=लेस्सा; विश्राम=विस्साम; ईश्वर=इस्सर; दूष्य=दुस्स;
तस्य=तस्स; सहस्र=सहस्स; ओजस्विन्=ओयस्सि ।

असंयुक्त व्यंजनोंमें परिवर्तन

(१) क-ग-च-ज-त-द-प-य-व=लुक् और ण-न-के लिए देखो अर्धमागधी
और महाराष्ट्रीमें भेद (१) से (१०) तक ।

(२) ख-घ-थ-घ-भ-के स्थानमें 'ह' होता है, जैसे-सुख=सुह; मेघ=मेह; रथ=रह;
वधिर=वहिर; सफल=सहल; सभा=सहा ।

(३) ट-ठ-ड-के स्थानमें ढ-ढ-ल होते हैं जैसे-भट=भड; शठ=सड;
गुड=गुल ।

(४) आदि के 'य' को 'ज' होता है और उपसर्ग के पीछे 'य' आनेपर
कहीं २ 'ज' होता है, जैसे-यम=जम; संयोग=संजोग ।

(५) कहीं २ 'र' को 'ल' होता है, जैसे-दरिद्र=दलिद् ।

(६) 'श' और 'प' के स्थानमें 'स' होता है जैसे-विशेष=विसेस ।

(७) अनुस्वारके पीछे 'ह' आवे तो उसे 'घ' विकल्पसे होता है, जैसे-संहारः=संघारो, संहारो ।

शेष-(१) आदि के क्ष-स्क-त्य-य-ध्य-ध्व-स्त-स्य-स्प और 'ज्ञ' के स्थानमें ख-छ-
झ, ख, च, ज, झ, झ, थ, ठ-थ, फ और ण-न होते हैं, जैसे-क्षयः=खओ, क्षीर=छीर,
क्षर=झर; स्कन्ध=खंध; त्यागः=चाओ; द्युति=झुड; ध्यान=ज्ञाण; ध्वजः=झओ;
स्तुति=थुड;

स्थान-ठाण; स्थावर-थावर; स्पर्श-फाग; ज्ञान-गाण-नाण; आदि-क' आदि के स्थानमें 'क' आदि होते हैं जैसे-कम=कम; ग्रन्थित=ग्रन्थित; घ्राण=घ्राण; दृढ=दृढ; प्रहार=पहार; भ्रम=भम; प्रक्षण=प्रवक्षण; व्रण=वण; श्रम=श्रम; हाग=हाग; व्रस=वस ।

(२) उप्, इष्ठा, संदष्ट के 'प्' और 'ष्ट' को 'ट्' न होकर 'ट्' होता है, 'समस्त' और 'स्तव' के 'स्त' को 'त्थ' और 'थ' नहीं होता, गमन=गमन; स्तव=स्तव । 'प्प' और 'स्प' को कहीं २ 'फ' नहीं होता । जैसे-निष्प्रभ=निष्प्रभ; परस्पर=परोस्पर । 'ज्' को 'प्प' होता है, जैसे-कुज्जल=कुप्पल । 'ज' के 'ज' का लोप भी विकल्पसे होता है, मनोज्ञ=मणोज्ञ-मणोण ।

(३) द्विरुक्तिको पाए हुए ख-छ-ट्-त्थ-फ-घ-ज्ज-हृ-द्ध-वम होते हैं ।

(४) शब्दवर्ती 'र्य' का 'रिय' और 'ह' का 'रिह' होता है, इसी प्रकार श्री-ही-कृत्स्न-क्रिया इन शब्दोंमें संयुक्त अन्त्याक्षरके पूर्व 'इ' होता है, जैसे-भार्या=भारिया, गहर्हि=गरिहा; श्रीः=सिरी; हीः=हिरी; कृत्स्न=कसिण; क्रिया=किरिया ।

(५) संयुक्त 'ल'के पहले 'इ' होता है, जैसे-केश=किशेस; श्लोक=सिलोग ।

(६) 'श' अथवा 'पे' को 'रिस' विकल्पसे होता है, और 'तप्त' 'वज्र' शब्दमें भी संयुक्त अन्त्याक्षर के पहले 'इ' का आगम विकल्पसे होता है, जैसे-दर्शन=दरिसण-दंसण; वर्षा=वरिसा-वासा; तप्त=तवियं-तत्तं; वज्र=वडरं-वजं ।

(७) स्याद् भव्य और चौर्य तथा उसके समान शब्दोंके संयुक्त व्यंजनोंके अन्त्याक्षरके पूर्व 'इ' होता है, जैसे-स्यात्=सिया; भव्य=भविओ; सूर्य=सूरिओ ।

(८) जिनके अन्तमें 'वी' संयुक्त व्यंजन हो ऐसे स्त्रीलिंग नामोंमें उससे पूर्व 'उ' होता है, जैसे-तन्वी=तण्वी; पृथ्वी=पुहुवी ।

(९) जिस अव्ययके अन्तमें 'त्र' हो उसके स्थानमें हि-ह-त्थ होता है जैसे-तत्र=तहि-तह-तत्थ ।

(१०) य-र-व-श-प-स ये श-प-स-के साथ पहले या पीछे जुड़े हुए हों तो नियमानुसार लोप होनेपर श-प-स-को द्वित्व नहीं होता, परन्तु उसके पूर्वका स्वर प्रायः दीर्घ होता है, जैसे-पश्यति=पासइ; वर्षः=वासो; कस्यचित्=कासइ आदि ।

(११) अव्ययोंमें तथा 'उत्खात' आदि शब्दोंमें और 'घञ्' प्रत्ययके निमित्तसे वृद्धि पाए हुए 'आ' को 'अ' होता है, जैसे-यथा=जह-जहा । उत्खातं=उक्खयं-उक्खायं । प्रवाहः=पवहो-पवाहो आदि ।

(१२) 'उत्साह' और 'उत्सन्न' को छोड़कर जिन शब्दोंमें 'त्स' और 'च्छ' हो तो उनके पूर्वके 'उ' को 'ऊ' होता है, जैसे-उत्सुकः=ऊसुओ; उच्छ्वास=ऊसास ।

(१३) 'हृ' के 'रि' को 'रि' होता है एवं ऋण-ऋजु-ऋषभ-ऋतु-ऋषि इनमें 'ऋ' को 'रि' विकल्पसे होता है, जैसे-सदृश=सरिस; सदृक्ष=सरिच्छ; ऋण=रिण-अण; ऋजु=रिजु-उजु; ऋषभ=रिसह-उसह; ऋतु=रिउ-उउ; ऋषि=रिसि-इसि ।

(१४) संख्यावाचक शब्दोंमें असंयुक्त 'द' को 'र' होता है और दश-पाषाण शब्दमें श-पको 'ह' विकल्पसे होता है, जैसे-एकादश=एयारह-एगारस; दश=दह-दस; पाषाण=पाहाण-पासाण ।

(१५) शब्दके अन्य व्यंजनका लोप होता है । सामासिक शब्दोंमें प्रयोगके अनुसार (नित्य अथवा विकल्पसे) लोप होता है, जैसे-तावत्=ताव; सजन=सज्जन-सजण ।

(१६) स्त्रीलिंगी शब्दोंके अन्य व्यंजनके स्थानमें 'आ' अथवा 'या' होता है जैसे-सरित्=सरिआ-सरिया; अपवाद—विद्युत्=विजु; क्षुब्=क्षुहा; दिक्=दिसा; अप्सरस्=अच्छरसा-अच्छरा; प्रावृष्=पाउस्; ककुब्=कउहा । व्यंजनान्त स्त्रीलिंगमें अन्य 'र' को 'रा' होता है, जैसे-धुर=धुरा । शरद् आदि शब्दोंमें अन्य व्यंजनको 'अ' होता है जैसे-शरद्=सरओ; भिषक्=भिसओ विशेष—आयुष्=आउसो-आउ; धनुष्=धणुह-धणू ।

(१७) दीर्घ स्वर और अनुस्वारके पीछे शेष व्यंजन और आदेशभूत व्यंजनको द्वित्व नहीं होता, एवं र-ह-को भी द्वित्व नहीं होता, जैसे—स्पर्श=फास; सन्ध्या=संज्ञा; ब्रह्मचर्य=बंभचेर; कार्पाषण=काहावण । समासमें द्वित्व विकल्प से होता है, जैसे-देवस्तुति=देवत्युइ-देवथुइ ।

(१८) संयुक्त व्यंजनके अन्तमें म-न-य-ल-व-व-र हो तो उसका और संयुक्त व्यंजनका पहला व्यंजन ल-व-व-र हो तो लोप होता है । जहाँ दोनोंका लोप होता हो वहाँ प्रयोगानुसार दो में से एक का लोप होता है, जैसे-स्मर=सर; श्याम=साम; इलक्षण=सण्ह-लण्ह आदि ।

पीछे स्वर हो तो अनुस्वार विकल्पसे होता है, जब अनुस्वार न हो तो 'म्' में पिछला स्वर मिल जाता है। जैसे-जिनम्=जिणं; उसभम् अजियं=उसभं अनियं, उसभमजियं; कहीं २ अन्त्य व्यंजनको भी अनुस्वार हो जाता है, जैसे-साक्षात्=सक्खं; यत्=जं; तत्=तं; सम्यक्=सम्मं।

(३) शब्दवर्ती 'ह्-ञ्-ण-न्' को अनुस्वार होता है, जैसे-पराङ्मुख=परंमुह; काञ्चनम्=कंचणं; उत्कण्ठा=उकंठा; वन्ध्या=वंझा।

(४) अनुस्वारको सवर्गी व्यंजन परे हो तो अनुनासिक विकल्पसे होता है, जैसे-गङ्गा, गंगा; लञ्छणं, लंछणं; कण्टए, कंटए; आणन्दे, आणंदे; चम्पा-चंपा।

(५) वक्रादि शब्दोंमें पहले दूसरे या तीसरे स्वर पर प्रयोगानुसार अनुस्वार होता है, जैसे-वक्रम्=वंकं; मनस्वी=मणंसी; उपरि=उवरिं।

(६) जहां स्वरादि पदोंकी द्विरुक्ति हो वहां विकल्पसे 'म्' का आगम होता है, जैसे-एक+एक=एकमेक, एकेक।

(७) कई शब्दोंमें प्रयोगानुसार अनुस्वार का लोप होता है, जैसे-त्रिशत्=तीसा; सिंह=सीह।

अव्ययसंधि

(१) अपि (अवि) अव्यय किसी भी पदके परे हो तो उसके आदिके 'अ' का लोप विकल्पसे होता है, जैसे-तं+अपि=तंपि-तमवि; केण+अवि=केणवि, केणावि।

(२) पदान्तमें स्वरसे परे 'इति' के स्थानमें 'त्ति' होता है, यदि पदान्तमें स्वर न हो तो 'ति' होता है; जैसे-तहा+इति=तहत्ति; जुत्तं+इति=जुत्तंति।

कारक

(१) अर्धमागधीमें द्विवचन नहीं होता बल्के उसके स्थानमें बहुवचन का ही प्रयोग होता है, जैसे-हस्तौ=हत्था।

(२) चतुर्थी विभक्ति के स्थानमें षष्ठीका प्रयोग होता है, जैसे-नमोऽर्हद्भ्यः=णमो अरिहंताणं।

(३) एक विभक्तिके स्थानमें अन्य विभक्तिका प्रयोग भी देखा जाता है, जैसे-तृतीयाके स्थानमें छट्ठी-तैरेतदनाचीर्णं=तेसिं एयमणाइणं; सप्तमीके स्थानमें छट्ठी-दानेपु श्रेष्ठं=दाणाण सेट्ठं; सप्तमीके स्थानमें तृतीया-तस्मिन् काले तस्मिन् समये=तेणं कालेणं तेणं समएणं इत्यादि।

इकारान्त पुल्लिंग

मुणि

प०-मुणी	मुणओ-उ, मुणिणो, मुणी
वि०-मुणि	मुणिणो, मुणी
त०-मुणिणा	मुणीहि-हिं-हिं
च०-मुणिणो, मुणिस्स	मुणीण, मुणीणं
पं०-मुणित्तो, मुणीओ-उ-हितो, मुणिणो	मुणित्तो, मुणीओ-उ-हितो-सुंतो
छ०-मुणिणो, मुणिस्स	मुणीण, मुणीणं
स०-मुणिसि, मुणिम्मि	मुणीसु, मुणीसुं
सं०-मुणी, मुणि	(प्रथमाके अनुसार)

उकारान्त पुल्लिंग

साहु

प०-साहु	साहवो, साहवे, साहवो-उ, साहु,
वि०-साहुं	साहुणो
	साहुणो, साहु, साहवे
इससे आगेके रूप इकारान्त 'मुणि' शब्दके समान जानने चाहिए ।	

इकारान्त नपुंसक-लिंग

दहि

प०-दहिं	दहीणि, दहीइं-ईं
वि०-,,	,, ,, "
तृतीयासे सप्तमी तकके रूप 'मुणि' के समान समझें ।	
सं०-दहि	(प्रथमाके अनुसार)

उकारान्त नपुंसक-लिंग

महु

प०-महुं	महूणि-ईं-ईं
वि०-,,	,, ,, "
तृतीयासे सप्तमी तक 'साहु' शब्दके समान जानें ।	
सं०-महु	(प्रथमाके अनुसार)

अप्पा-अप्पाण

प०-अप्पा, अप्पो, अप्पाणो	अप्पा, अप्पाणा, अप्पाणो
वि०-अप्पं, अप्पाणं, अप्पिणं	अप्पे, अप्पा, अप्पाणे, अप्पाणा-णो
त०-अप्पेण-णं, अप्पाणेण-णं, अप्पणा	अप्पेहि-हिं-हिं, अप्पाणेहि-हिं-हिं
च०-अप्पस्स, अप्पाणस्स, अप्पणो	अप्पाण-णं, अप्पाणाण-णं, अप्पिणं
पं०-अप्पत्तो, अप्पाओ-उ-हि-हितो, अप्पा, अप्पाणो, अप्पाणत्तो, अप्पाणाओ-उ-हि-हितो, अप्पाणा	अप्पत्तो, अप्पाओ-उ-हि-हितो-सुंतो, अप्पेहि-हितो-सुंतो, अप्पाणत्तो, अप्पा- णाओ-उ-हि-हितो-सुंतो, अप्पाणेहि-हितो- सुंतो
छ०-अप्पस्स, अप्पाणस्स, अप्पणो	अप्पाण-णं, अप्पाणाण-णं, अप्पिणं
स०-अप्पे, अप्पम्मि, अप्पाणे, अप्पा- णम्मि	अप्पेसु-सुं, अप्पाणेसु-सुं
सं०-हे अप्प, अप्पो, अप्पा, अप्पाण, अप्पाणो, हे अप्पाणा	अप्पा, अप्पाणा, अप्पाणो

इस प्रकार 'अन्' अंत सब नामोंके रूप जानना ।

विशेषः—'राय=रायाण' शब्दके रूपोंमें जो विशेषता है वह इस प्रकार है (१) णो, णा, म्मि ये तीन प्रत्यय लगाते समय पूर्वके 'य' को विकल्पसे 'इ' होता है, जैसे—राइणो, रायणो; राइणा, रायणा; राइम्मि, रायम्मि ।

(२) द्वितीयाके एकवचन और छट्टीके बहुवचनमें प्रत्यय सहित 'राय' शब्दके 'य' को 'इणं' आदेश विकल्पसे होता है । जैसे—द्वि. ए. राइणं अथवा रायं, छ. व. राइणं अथवा रायाणं ।

(३) तृतीया पंचमी और छट्टीके एकवचनमें णा, णो प्रत्ययके पहले 'राय' शब्दके 'आय' को 'अण' विकल्पसे होता है

तृ. ए.	रण्णा	अथवा	राइणा,	रायणा
पं. ए.	रण्णो	अथवा	राइणो,	रायाणो
छ. ए.	रण्णो	अथवा	राइणो,	रायणो

(४) तृतीया, चतुर्थी, पंचमी, षष्ठी और सप्तमीके बहुवचनमें प्रत्ययोंसे पहले 'राय' शब्दके 'य' को विकल्पसे 'इ' होता है

तृ. व.	राइहि	अथवा	राएहि	
च. छ. व.	राइणं	अथवा	राइणं,	रायाणं
पं. व.	राइओ, राइसुंतो	अथवा	रायाओ,	रायासुंतो
स. व.	राइसुं	अथवा	राएसुं	

सव्व

प०-...

च०छ०-...

पं०-सव्वम्हा

स०-सव्वत्थ, सव्वस्सि, सव्वहिं,

सव्वम्मि

सव्वे

सव्वेस्सि

(नोट) 'एय' और 'इम' को 'हिं' प्रत्यय नहीं लगता ।

आकारान्त स्त्रीलिंग सर्वनाम के रूप 'कहा' की तरह होते हैं । विशेष छट्टीके बहुवचनमें 'सि' प्रत्यय होता है ।

अकारान्त नपुंसकलिंगके रूप 'जल' के समान जानें ।

तुम्ह-अम्ह के उपयोगी रूप

तुम्ह

पं०-तं, तुं, तुमं

वी०-तं, तुं, तुमं

त०-तए, तुमए, तुमे

च० छ०-ते, तुह, तुज्झ

पं०-तुमतो, तुमाओ

स०-तुमए, तए, तइ

तुम्हे, तुम्मे, तुज्झे, भे

" " " " वो

तुम्मेहिं, तुम्हेहिं, भे

तुम्माणं, तुम्हाणं, भे, वो

तुम्हतो, तुम्हाओ, तुम्मतो, तुम्माओ

तुम्मेसु, तुम्हेसु-सुं

अम्ह

प०-हं, अहं, अहयं

वी०-मं, ममं

त०-मइ, मए

च० छ०-मे, मम, मज्झ, मह, मज्झं

पं०-ममतो, ममाओ

स०-मइ, मज्झे, ममंस्सि, मम्मि

अम्हे, मो, वयं

अम्हे, जे

अम्हेहिं, जे

अम्हं, अम्हाणं, जे, णो

अम्हतो, अम्हाओ

अम्हेसु

संख्यावाचक शब्द

एग-एय-इक्क शब्दके रूप तीनों लिंगोंमें प्रयुक्त होते हैं, उनके रूप 'मव्व' के समान जानना ।

स्वरान्त और व्यंजनान्त धातुमें भेद

व्यंजनान्त धातुके अन्तमें 'अ' अवश्य लगता है और स्वरान्त धातुको विकल्पसे ।

वर्तमान काल

हस्

एकवचन

प्र० पु०-हसइ, हसेइ, हसए

म० पु०-हससि, हसेसि, हससे

उ० पु०-हसामि, हसमि, हसेमि

(नोट) उत्तम पुरुषके बहुवचनमें 'मो-मु-म' ये तीन प्रत्यय लगते हैं यहाँ केवल 'मो' के रूप दिए हैं 'मु' और 'म' के रूप भी इसी प्रकार जानलें ।

बहुवचन

हसन्ति, हसन्ते, हसिरे,

हसैंति, हसैंते, हसेइरे,

हसिति, हसिते, हसइरे

हसह, हसित्था, हसेह, हसेइत्था, हस-
इत्था, हसेत्था

हसिमो, हसामो, हसमो, हसेमो

सर्ववचन सर्वपुरुष

हसेज, हसेज्जा, हसिज, हसिज्जा

'अस्' धातुके रूप

प्र० पु०-अत्थि

म० पु०-सि

उ० पु०-मि, अंसि

सन्ति

ह

मो

स्वरान्तधातु 'हो'

जब उपरोक्त नियमानुसार 'अ' लगता है तो इसके रूप 'हम्' की तरह होते हैं जैसे—होअइ, होअसि, होअमि इत्यादि ।

जब 'अ' नहीं लगता तो इसके रूप इस प्रकार होते हैं ।

प्र० पु०-होइ

म० पु०-होसि

उ० पु०-होमि

होंति, हुंति, होंते, होइरे

होह, होइत्था

होमो, होमु, होम

हो

उपरोक्त नियमानुसार 'हो' और 'होअ' दोनोंको हस्के समान प्रत्यय लगाएँ ।

विशेष—कर धातुको भविष्यकालमें 'का' आदेश विकल्पसे होता है, और उत्तम पुरुषके एक वचनमें 'काहं' विकल्पसे होता है । ऐसे ही 'दा' धातुके वेषयमें भी जानें ।

आज्ञार्थ और विध्यर्थ

हस्

प्र० पु०-हसउ, हसेउ, हसए, हसे	हसंतु, हसेंतु, हसितु
म० पु०-हसहि, हससु, हसिज्जसु-जहि- जे-जसि-जासि-जाहि, हसेहि- सु-जसु-जहि-जे-जसि-जासि- जाहि, हस, हसे, हसाहि	हसह, हसेह, हसिजाह, हसेजाह
उ० पु०-हसमु, हसामु, हसिमु, हसेमु	हसमो, हसामो, हसिमो, हसेमो
सर्वपुरुष-सर्ववचन-हसेज-जा, हसिज-जा	

हो

(१) 'होअ' में हस्के समान प्रत्यय जुड़ते हैं ।

(२) केवल 'हो' के रूप नीचे लिखे अनुसार हैं ।

प्र०पु०-होउ	होंतु
म०पु०-होसु, होहि	होह
उ०पु०-होमु	होमो

क्रियातिपत्यर्थ

'क्रियातिपत्यर्थ' क्रियाकी निष्फलताका सूचक है जैसे—'ऐसा हुआ होता तो ऐसा होता' पर पहला कार्य न होने से दूसरा कार्य भी न बना ।

प्रत्यय-विशेष्य के लिंगानुसार प्रथमा के एकवचन और बहुवचनके उस २ लिंगके प्रत्यय, 'न्त' लगाकर तैयार किए गए प्रत्यय और सर्ववचन सर्वपुरुषमें ज-जा प्रत्यय लगानेसे क्रियातिपत्यर्थके रूप होते हैं ।

‘होअ’ श्रृंगके रूप

पुल्लिंग
होअन्तो {होअन्ता

स्त्रीलिंग
होअन्ती {होअन्ता

नपुंसकलिंग
होअन्ति {होअन्ता

सर्ववचन सर्वपुरुष

हस-हसेज, हसेजा

हो-होज, होजा, होणज, होणजा

कर्मणि

जो धातु सकर्मक हो उसका कर्मणि प्रयोग होता है, कर्तामें वृत्ताना विभक्ति और कर्ममें प्रथमा विभक्ति होती है तथा कर्मके आधार पर क्रियापद होता है जैसे-बालो पुत्ययं पढइ—बालेण पुत्ययं पढिजइ इत्यादि। भाव प्रयोगमें कर्ताके स्थानमें तृतीया विभक्तिका प्रयोग होता है और कर्म न होनेके कारण क्रियापद प्रथम पुरुषके एकवचनमें प्रयुक्त होता है, जैसे-सो गच्छइ-तेण गम्मइ आदि।

धातुसे कर्म और भावमें रूप बनानेके लिए ‘इअ’ अथवा ‘इज’ प्रत्यय प्रयुक्त होता है, इसके बाद काल के पुरुषबोधक प्रत्यय लगते हैं।

भविष्यकाल क्रियातिप्रत्यय आदिके रूप भाव और कर्ममें कर्ताके समान होते हैं।

कर्म और भावमें प्रयुक्त होनेवाले कुछ धातु

कर्तरि

चय्

सुण्

हण्

उह्

भण्

लह्

हर्

कर्

जाण्

पास्

कर्मणि

वुच्

सुव्व

हम्म

उज्झ

भण्ण

लव्वम

हीर

कीर

नज्ज

दीस

इत्यादि विकल्पसे

आदि नित्य

कृदन्त

वर्तमानकृदन्त

हसन्त, हसेन्त, हसमाण, हसेमाण (पुल्लिङ्गके रूप वद्धमाणके समान और नपुंसकलिङ्गके रूप जलके समान होते हैं)

स्त्रीलिङ्ग-हसन्ती, हसन्ता, हसेन्ती, हसेंता, हसमाणी-माणा, हसेमाणी-माणा (आकारान्त कहाके समान और ईकारान्त मइ के समान)

हो

पुल्लिङ्ग-होन्त, हुन्त, होमाण, होअन्त, होएन्त, होअमाण, होएमाण (पुल्लिङ्ग वद्धमाणकी तरह नपुंसकलिङ्ग जलकी तरह)

स्त्रीलिङ्ग-होन्ती, हुन्ती, होन्ता, हुन्ता, होमाणी-माणा-ई-अई-एई-अन्ती-अन्ता-एन्ती-एन्ता-अमाणी-एमाणी-अमाणा-एमाणा (आकारान्त कहाकी भांति और ईकारान्त मइकी भांति)

धातुके कर्मणि अंगको ये ही प्रत्यय लगानेसे कर्मणि वर्तमान कृदन्त होता है।

विध्यर्थ कृदन्त

धातुके अंगको तव्व-यव्व-अणीअ और अणिज्ज प्रत्यय लगानेसे विध्यर्थ कृदन्त होता है, यदि 'तव्व' और 'यव्व' प्रत्यय लगाते समय पूर्वमें तो उसे 'इ' अथवा 'ए' होता है, जैसे—ज्ञाइतव्वं ज्ञाअणीअ-ज्ञाअणिज्जं इत्यादि।

सुत्ताणुकमणिया

सुत्तणामं	पिटुसंखा
आयारे	१
सूयगळं	१०१
ठाणे	१८३
समवाए	३१६
भगवई-विवाहपण्णत्ती	३८४
णायाधम्मकहाओ	९४१
उवासगदसाओ	११२७
अंतगडदसाओ	११६१
अणुत्तरोववाइयदसाओ	११९१
पण्हावागरणं	११९९
विवागसुयं	१२४१



णमोऽत्यु णं समणस्स भगवओ णायपुत्त-महावीरस्स

सुत्तागमे

तत्थ णं
आयारे

सुयं मे आउसं ! तेणं भगवया एवमक्खायं ॥ १ ॥

तंजहा-पुरत्थिमाओ वा दिसाओ आगओ अहमंसि ? दाहिणाओ वा दिसाओ आगओ अहमंसि, पच्चत्थिमाओ वा दिसाओ आगओ अहमंसि, उत्तराओ वा दिसाओ आगओ अहमंसि, उड्ढाओ वा दिसाओ आगओ अहमंसि ? अहो दिसाओ वा आगओ अहमंसि ? अण्णयरीओ वा दिसाओ अणुदिसाओ वा आगओ अहमंसि ? एवमेगेसिं णो णायं भवइ, अत्थि मे आया उववाइए, णत्थि मे आया उववाइए के अहं आसि ? के वा इओ चुओ इह पेच्चा भविस्सामि ? ॥ २ ॥ से जं पुण जाणेज्जा सहसंमइयाए परवागरणेणं. अण्णेसिं अंतिए वा सोच्चा. तंजहा— पुरत्थिमाओ वा दिसाओ आगओ अहमंसि. जाव अण्णयरीओ दिसाओ अणुदिसाओ वा आगओ अहमंसि. एवमेगेसिं जं णायं भवइ, अत्थि मे आया उववाइए, जो इमाओ-दिसाओ अणुदिसाओ वा अणुसंचरइ सोहं, सव्वाओ दिसाओ-अणुदिसाओ जो आगओ अणुसंचरइ, सोहं । से आयावाई, लोयावाई, कम्मावाई, किरियावाई ॥ ३ ॥ अकरिस्सं चाहं कारवेसुं चड्हं करओ यावि समणुजे भविस्सामि; एयावंति सव्वावंति लोगंसि कम्मसमारंभा परिजाणियव्वा भवंति ॥ ४ ॥ अपरिणायकम्ममे खलु अयं पुरिसे, जो इमाओ दिसाओ अणुदिसाओ अणुसंचरइ, सव्वाओ दिसाओ सव्वाओ अणुदिसाओ साहेइ, अणेगरूवाओ जोणीओ संघेइ, विरूवरूवे फासे पडिसंवेदेइ ॥ ५ ॥ तत्थ खलु भगवया परिण्णा पवेइया ॥ ६ ॥ इमस्स चेव जीवियस्स परिचंदणमाणणपूयणाए, जाइमरणमोयणाए, दुक्खपडिघायहेउं ॥ ७ ॥ एयावंति सव्वावंति लोगंसि कम्मसमारंभा परिजाणियव्वा भवंति ॥ ८ ॥ जस्सेते लोगंसि कम्मसमारंभा परिण्णाया भवंति से हु मुणी परिण्णायकम्ममे ति वेमि ॥ ९ ॥ पढमो उहेसो ॥

अट्ठे लोए परिजुण्णे दुस्संवोहे अविजाणए अस्सि लोए पव्वहिए तत्थ तत्थ पुढो पास आतुरा अस्सि परितावेति ॥ १० ॥ संति पाणा पुढोसिया, लज्जमाणा पुढो

इक्खइ ॥ २० ॥ लज्जमाणा पुढो, पास, अणगारा भो त्ति एगे पवयमाणा; जमिणं विरुवरुवेहिं सत्थेहिं उदयकम्मसमारंभेण उदयसत्थं समारंभमाणे अणेगरुवे पाणे विहिंसइ ॥ २१ ॥ तत्थ खलु भगवया परिण्णा पवेइया, इमस्स चेव जीवियस्स परिवंदण, माणण, पूयणाए जाइमरणमोयणाए, दुक्खपडिघायहेउं, से सयमेव उदयसत्थं समारंभति, अण्णेहिं वा उदयसत्थं समारंभावेति, अन्ने उदयसत्थं समारंभंते समणुजाणति, तं से अहियाए, तं से अवोहीए ॥ २२ ॥ से तं संवुज्झमाणे आयाणीयं समुट्ठाय सोच्चा खलु भगवओ अणगाराणं अंतिए इहमेगेसिं णायं भवति, एस खलु गंथे, एस खलु मोहे, एस खलु मारे, एस खलु णरए । इच्चत्थं गट्ठिए लोए जमिणं विरुवरुवेहिं सत्थेहिं उदयकम्मसमारंभेण उदयसत्थं समारंभमाणे अण्णे अणेगरुवे पाणे विहिंसइ ॥ २३ ॥ से वेमि, संति पाणा उदयनिस्सिया जीवा अणेगे, इह च खलु भो ! अणगाराणं उदयजीवा वियाहिया । सत्थं चेत्यं अणुवीइ पासा । पुढो सत्थं पवेदितं ॥ २४ ॥ अहुवा अदिन्नादाणं ॥ २५ ॥ कप्पइ णे कप्पइ णे पाउं, अहुवा विभूसाए, पुढो सत्थेहिं विउट्ठति एत्थइवि तेसिं णो णिकरणाए ॥ २६ ॥ एत्थ सत्थं समारंभमाणस्स इच्चेते आरंभा अपरिण्णाया भवंति । एत्थ सत्थं असमारंभमाणस्स इच्चेते आरंभा परिण्णाया भवंति । तं परिण्णाय मेहावी णेव सयं उदयसत्थं समारंभेज्जा, णेवन्नेहिं उदयसत्थं समारंभावेज्जा उदयसत्थं समारंभंतेइवि अण्णे ण समणुजाणेज्जा, जस्सेते उदयसत्थसमारंभा परिण्णाया भवंति से हु मुणी परिण्णातकम्मे त्ति वेमि ॥ २७ ॥ तइओहेसो ॥

से वेमि णेव सयं लोयं अब्भाइक्खेज्जा, णेव अत्ताणं अब्भाइक्खेज्जा, जे लोगं अब्भाइक्खति, से अत्ताणं अब्भाइक्खति, जे अत्ताणं अब्भाइक्खति, से लोगं अब्भाइक्खति ॥ २८ ॥ जे दीहलोगसत्थस्स खेयन्ने, से असत्थस्स खेयन्ने; जे असत्थस्स खेयन्ने, से दीहलोगसत्थस्स खेयन्ने ॥ २९ ॥ वीरेहिं एयं अभिभूय दिठ्ठं, संजतेहिं सया जतेहिं सया अप्पमत्तेहिं ॥ ३० ॥ जे पमत्ते गुणट्ठीए, से हु दंडे त्ति पवुचति । तं परिण्णाय मेहावी इयाणिं णो जमहं पुक्खमक्कासी पमादेणं ॥ ३१ ॥ लज्जमाणा पुढो पास-अणगारा मोत्ति एगे पवयमाणा जमिणं विरुवरुवेहिं सत्थेहिं अगणिकम्मसमारंभेण अगणिसत्थं समारंभमाणे, अण्णे अणेगरुवे पाणे विहिंसति ॥ ३२ ॥ तत्थ खलु भगवया परिण्णा पवेदिया, इमस्स चेव जीवियस्स परिवंदण-माणणपूयणाए, जाइमरणमोयणाए, दुक्खपडिघायहेउं, से सयमेव अगणिसत्थं समारंभति, अण्णेहिं वा अगणिसत्थं समारंभावेइ अण्णेवा अगणिसत्थं समारंभमाणे समणुजाणति । तं से अहियाए तं से अवोहिए ॥ ३३ ॥ से तं संवुज्झमाणे आया-

णीयं समुठ्ठाय सोच्चा भगवओ अणगाराणं इहमेगेसिं णायं भवति-एस खलु गंथे एस खलु मोहे एस खलु मारे एस खलु णरए । इच्चत्थं गट्ठिए लोए जमिणं विरुव-रूवेहिं सत्थेहिं अगणिकम्मसमारभमाणे अण्णे अणेगरूवे पाणे विहिंसति ॥ ३४ ॥ से वेमि, संति पाणा, पुढविणिस्सिया, तणणिस्सिया, पत्तणिस्सिया, कठुणिस्सिया, गोमयणिस्सिया, कयवरणिस्सिया; सन्ति संपातिमा पाणा, आहच्च संपयंति । अगणिं च खलु पुठ्ठा, एगे संघायमावज्जंति । जे तत्थ संघायमावज्जंति, ते तत्थ परियावज्जंति, जे तत्थ परियावज्जंति ते तत्थ उद्दयंति ॥ ३५ ॥ एत्थ सत्थं अस-मारंभमाणस्त इच्चेते आरंभा परिण्णाया भवंति ॥ ३६ ॥ तं परिण्णाय मेह्ठावी नेव सयं अगणिसत्थं समारंभेज्जा, नेवजेहिं अगणिसत्थं समारंभावेज्जा, अगणिसत्थं समा-रंभमाणे अन्ने न समणुजाणेज्जा । जस्सेते अगणिकम्मसमारंभा परिण्णाया भवंति, से हु मुणी परिण्णायकम्मे त्ति वेमि ॥ ३७ ॥ चउत्थोद्देसो ॥

तं णो करिस्सामि समुठ्ठाए मत्ता मतिमं, अभयं विदिता, तं जे णो करए, एसो-वरए, एत्थोवरए, एस अणगारे त्ति पवुच्चइ ॥ ३८ ॥ जे गुण्णसे आवट्ठे जे आवट्ठे से गुणे ॥ ३९ ॥ उट्ठं-अहं-तिरियं-पाईणं पासमाणे रूवाइं पासइ, सुणमाणे सद्दाइं सुणइ, उट्ठं-अहं-तिरियं पाईणं मुच्छमाणे रूवेसु मुच्छति, सद्देसु यावि एस लोणे वियाहिए । एत्थ अगुत्ते अणाणाए पुणो पुणो गुणासाते वंकसमायारे पमत्तेऽगार-मावसे ॥ ४० ॥ लज्जमाणा पुढो पास, अणगारा मोत्ति एगे पवदमाणा; जमिणं विरुवरूवेहिं सत्थेहिं वणस्सइकम्मसमारंभेणं वणस्सइसत्थं समारभमाणा अण्णे अणेगरूवे पाणे विहिंसति ॥ ४१ ॥ तत्थ खलु भगवया परिण्णा पवेदिता । इमस्स चेव जीवियस्स परिवदण, माणण, पूयणाए, जातिमरण मोयणाए दुक्खपडिघायहेउं से सयमेव वणस्सइसत्थं समारंभइ, अण्णेहिं वा वणस्सइसत्थं समारंभावेइ, अण्णे वा वणस्सइसत्थं समारभमाणे समणुजाणइ, तं से अहियाए, तं से अवोहीए ॥ ४२ ॥ से तं संवुज्जमाणे आयाणीयं समुठ्ठाए सोच्चा भगवओ, अणगाराणं वा अंतिए इह मेगेसिं णायं भवति-एस खलु गंथे एस खलु मोहे एस खलु मारे एस खलु णरए । इच्चत्थं गट्ठिए लोए; जमिणं विरुवरूवेहिं सत्थेहिं वणस्सइकम्मसमारंभेणं वणस्सइसत्थं समारंभमाणे अन्ने अणेगरूवे पाणे विहिंसति ॥ ४३ ॥ से वेमि, -इमं पि जाइधम्मयं, एयं पि जाइधम्मयं, इमं पि बुद्धिधम्मयं एयं पि बुद्धिधम्मयं; इमं पि चित्तमंतयं एयं पि चित्तमंतयं; इमं पि छिन्नं मिलाति, एयं पि छिन्नं मिलाति; इमं पि आहारगं, एयं पि आहारगं; इमं पि अणिच्चयं, एयं पि अणिच्चयं; इमं पि असासयं, एयं पि असासयं; इमं पि चओवचइयं, एयं पि चओवचइयं; इमं पि विपरिणामधम्मयं, एयं पि

विपरिणामधम्मयं ॥ ४४ ॥ एत्थ सत्थं समारंभमाणस्स इच्चेते आरंभा अपरिण्णाता भवन्ति । एत्थ सत्थं असमारंभमाणस्स इच्चेते आरंभा परिण्णाया भवन्ति । तं परिण्णाय मेहावी णेव सयं वणस्सइसत्थं समारंभेज्जा, णेवण्णेहिं वणस्सइसत्थं समारंभावेज्जा, णेवण्णे वणस्सइसत्थं समारंभेते समणुजाणेज्जा, जस्सेते वणस्सइसत्थं समारंभा परिण्णाया भवन्ति से हु मुणी परिण्णायकम्मे त्ति वेमि ॥ ४५ ॥ पंचमोद्देशो ॥

से वेमि, संतिमे तसा पाणा, तंजहा-अंडया, पोयया, जराउया, रसया, संसेयया, संमुच्छिमा, उब्भियया, उववातिया, एस संसारेत्ति पवुच्चति, मंदस्स अवियाणतो ॥ ४६ ॥ णिज्झाइत्ता पडिलेहिता पत्तेयं परिणिव्वाणं सव्वेसिं पाणाणं, सव्वेसिं भूयाणं, सव्वेसिं जीवाणं, सव्वेसिं सत्ताणं, असातं अपरिणिव्वाणं, महब्भयं दुक्खं त्ति वेमि ॥ ४७ ॥ तसंति पाणा पदिसोदिसासुय । तत्थ तत्थ पुढो पास आउरा परित्तवैत्ति । संति पाणा पुढोसिता ॥ ४८ ॥ लज्जमाणा पुढो पास अणगारा मोत्ति एगे पवयमाणा जमिगं विरुवरुवेहिं सत्थेहिं तसकायसमारंभेणं तसकायसत्थं समारंभमाणे अण्णे अणेगरुवे पाणे विहिंसइ ॥ ४९ ॥ तत्थ खलु भगवया परिण्णा पवेदिता । हमस्स चेव जीवियस्स परिवदण, माणण, पूयणाए, जाइमरणमोयणाए, दुक्खपडिघायहेउं, से सयमेव तसकायसत्थं समारंभति, अण्णेहिं वा तसकायसत्थं समारंभावेइ, अण्णे वा तसकायसत्थं समारंभमाणे समणुजाणति; तं से अहियाए, तं से अवोहीए ॥ ५० ॥ से तं संवुज्जमाणे आयाणीयं समुठ्ठाय सोच्चा भगवओ, अणगाराणं अंतिए इहमेगेसिं णायं भवइ-एस खलु गंथे, एस खलु मोहे, एस खलु मारे, एस खलु णरए । इच्चत्थं गव्हिए लोए; जमिगं विरुवरुवेहिं सत्थेहिं तसकायसमारंभेणं तसकायसत्थं समारंभमाणे अण्णे अणेगरुवे पाणे विहिंसति ॥ ५१ ॥ से वेमि-अप्पेगे अच्चाए वहन्ति, अप्पेगे अजिणाए वहन्ति, अप्पेगे मंसाए वहन्ति, अप्पेगे सोणिताए वहन्ति, अप्पेगे हिययाए वहन्ति, एवंपित्ताए वसाए-पिच्छाए-पुच्छाए-बालाए-विसाणाए-दंताए-दाढाए-गहाए-ण्हारुणीए-अठ्ठीए-अठ्ठीमिजाए-अट्ठाए-अण्ठाए-अप्पेगे हिंसिंसु मेत्ति वा वहन्ति, अप्पेगे हिंसन्ति मेत्ति वा वहन्ति, अप्पेगे हिंसिस्सन्ति मेत्ति वा वहन्ति ॥ ५२ ॥ एत्थ सत्थं समारंभमाणस्स इच्चेते आरंभा अपरिण्णाया भवन्ति एत्थ सत्थं असमारंभमाणस्स इच्चेते आरंभा परिण्णाया भवन्ति ॥ ५३ ॥ तं परिण्णाय मेहावी णेवसयं तसकायसत्थं समारंभेज्जा, णेवण्णेहिं तसकायसत्थं समारंभावेज्जा, णेवण्णे तसकायसत्थं समारंभेते समणुजाणेज्जा, जस्सेते तसकायसत्थं समारंभा परिण्णाया भवन्ति, से हु मुणी परिण्णायकम्मे त्ति वेमि ॥ ५४ ॥ इइ छट्ठोद्देशो ॥

पह् एजस्स दुगंछणाए, आयंकदंसी अहियंति नचा । जे अज्झत्थं जाणइ, से बहिया जाणइ, जे बहिया जाणइ, से अज्झत्थं जाणइ । एयं तुलमज्जेसि । इह संतिगया दविया णावकंखंति जीविउं ॥ ५५ ॥ लज्जमाणा पुढो, पास, अणगारा मोत्ति एगे पवयमाणा; जमिणं विरुवरुवेहिं सत्थेहिं, वाउक्कम्मसमारंभेणं वाउसत्थं समारंभमाणे अण्णे अणेरुवे पाणे विहिंसइ ॥ ५६ ॥ तत्थ खलु भगवया परिण्णा पवेइया, इमस्स चेव जीवियस्स परिवंदण, भाणण, पूयणाए, जाइमरणमोयणाए दुक्खपडिघायहेउं, से सयमेव वाउसत्थं समारंभति, अबेहिं वा वाउसत्थं समारंभावेति, अन्ने वा वाउसत्थं समारंभंते समणुजाणति, तं से अहियाए तं से अवोहीए ॥ ५७ ॥ से तं संवुज्जमाणे आयाणीयं समुट्ठाए सोच्चा भगवओ अणगाराणं अंतिए इहमेगेसिं णायं भवति-एस खलु गंधे, एस खलु मोहे, एस खलु मारे, एस खलु णरए । इच्चत्थं गट्ठिए लोए, जमिणं विरुवरुवेहिं सत्थेहिं वाउक्कम्मसमारंभेणं वाउसत्थं समारंभमाणे अन्ने अणेरुवे पाणे विहिंसति ॥ ५८ ॥ से बेमि, संति संपाइमा पाणा, आहच्च संपयंति य फरिसं च खलु पुट्ठा एगे संधायमावज्जंति । जे तत्थ संधायमावज्जंति, ते तत्थ परि-यावज्जंति, जे तत्थ परियावज्जंति, ते तत्थ उद्दयंति ॥ ५९ ॥ एत्थ सत्थं समारंभ-माणस्स इच्चते आरंभा अपरेण्णाया भवंति । एत्थ सत्थं असमारंभमाणस्स इच्चते आरंभा परिण्णाया भवंति ॥ ६० ॥ तं परिण्णाय मेहावी णेव सयं वाउसत्थं समारंभेजा, णेवजेहिं वाउसत्थं समारंभावेजा, णेवजे वाउसत्थं समारंभंते समणु-जाणेजा । जस्सेते वाउसत्थसमारंभा परिण्णाया भवंति से हु मुणी परिण्णायकमे ति बेमि ॥ ६१ ॥ एत्थं पि जाणे उवादीयमाणा जे आयारे न रमंति, आरंभमाणा विणयं वयंति, छंदोवणीया, अज्झोववण्णा, आरंभसत्ता पकरंति संगं ॥ ६२ ॥ से वल्लमं सव्वसमण्णागयपण्णाणेणं अप्पाणेणं अकरणिज्जं पावकम्मं णो अन्नेसिं ॥ ६३ ॥ तं परिण्णाय मेहावी णेव सयं छज्जीवणिकायसत्थं समारंभेजा, णेवजेहिं छज्जीवणि-कायसत्थं समारंभावेजा, णेवजे छज्जीवणिकायसत्थं समारंभंते समणुजाणेजा । जस्सेते छज्जीवणिकायसत्थसमारंभा परिण्णाया भवंति, से हु मुणी परिण्णायक-मेति बेमि ॥ ६४ ॥ सत्तमोहेसो ॥

॥ सत्थपरिण्णा णाम पढमज्झयणं समत्तं ॥

जे गुणे से मूलठाणे, जे मूलठाणे से गुणे, इति से गुणट्ठी महता परियावेणं पुणो पुणो वसे पमत्ते, तंजहा-माया मे, पिया मे, भाया मे, भइणी मे, भज्जा मे, पुत्ता मे, धूया मे, ण्डुसा मे, सहि-सयण-संगंय-संशुया मे, विविच्चुवगरण-परिवट्ठण-भोयण-

च्छायणं मे, इच्छत्थं गड्डिए लोए वसे पमत्ते ॥ ६५ ॥ अहोय राओ परियप्पमाणे,
 कालाकालसमुट्ठाई, संजोगट्ठी, अट्ठालोमी, आलुं पे, सहसाकारे, विणिविट्ठचित्ते
 एत्थ सत्थे पुणो पुणो ॥ ६६ ॥ अप्पं च खलु आउयं इहमेगेसिं माणवाणं; तंजहा सो-
 यपरिण्णाणेहिं, परिहायमाणेहिं, चक्खुपरिण्णाणेहिं परिहायमाणेहिं, घाणपरिण्णाणेहिं
 परिहायमाणेहिं, रसणापरिण्णाणेहिं परिहायमाणेहिं, फासपरिण्णाणेहिं परिहायमा-
 णेहिं, अभिक्कंतं च खलु वयं संपेहाए तओ से एगया मूढमावं जणयति ॥ ६७ ॥
 जेहिं वा सद्धिं संवसति, तेविणं एगया णियगा पुव्विं परिव्वयंति । सो वि ते णियगे
 पच्छा परिवएज्जा, णालं ते तव ताणाए वा, सरणाए वा । तुमं पि तेसिं नालं
 ताणाए वा, सरणाए वा । से ण हासाए, ण किङ्गाए, ण रतीए, ण विभूसाए, ॥ ६८ ॥
 इच्चेवं समुट्ठिए अहोविहाराए अंतरं च खलु इमं संपेहाए धीरो मुहुत्तमवि णो पमा-
 यए । वओ अच्चेइ जोव्वणं च ॥ ६९ ॥ इह जीविए जे पमत्ता । से हंता, छेत्ता,
 मेत्ता, लुं पित्ता, विलुं पित्ता, उद्दवित्ता, उत्तासइत्ता, अकडं करिस्सामित्ति मण्ण-
 माणे ॥ ७० ॥ जेहिं वा सद्धिं संवसति ते वा णं एगया णियगा तं पुव्विं पोसेंति,
 सो वा ते नियगे पच्छा पोसिज्जा । णालं ते तव ताणाए वा, सरणाए वा । तुमं पि
 तेसिं णालं ताणाए वा सरणाए वा ॥ ७१ ॥ उवाइयसेसेण वा संणिहिंसणियओ-कि-
 ज्जति, इहमेगेसिं असंजतानं भोयणाए । तओ से एगया रोगसमुप्पाया समुप्प-
 जंति ॥ ७२ ॥ जेहिं वा सद्धिं संवसति ते वा णं एगया णियगा तं पुव्विं परिहरंति,
 सो वा ते नियगे पच्छा परिहरिज्जा । णालं ते तव ताणाए वा सरणाए वा तुमं पि
 तेसिं नालं ताणाए वा सरणाए वा ॥ ७३ ॥ एवं जाणित्तु दुक्खं पत्तेयं सायं, अणभि-
 क्तंतं च खलु वयं संपेहाए खणं जाणाहि पंडिए ॥ ७४ ॥ जाव सोयपरिण्णाणा
 अपरिहीणा, जाव णेत्तपरिण्णाणा अपरिहीणा, जाव घाणपरिण्णाणा अपरिहीणा, जाव
 जीहपरिण्णाणा अपरिहीणा, जाव फासपरिण्णाणा अपरिहीणा, इच्चेतेहिं विरुव्वरुवेहिं
 पन्नाणेहिं अपरिहीणेहिं आयट्ठं सम्मं समणुवासिज्जासित्ति वेमि ॥ ७५ ॥ पढमो-
 देसो समत्तो ॥

अरइं आउट्टे से मेहावी; खणंसि मुक्के ॥ ७६ ॥ अणाणाय पुट्ठावि एगे णियट्ठंति
 मंदा मोहेण पाउडा ॥ ७७ ॥ “अपरिगगहा भविस्सामो” समुट्ठाय लद्धे कामे
 अभिगाहंति, अणाणाए मुणिजो, पडिलेहंति, एत्वं मोहे पुणो पुणो सण्णा, णो हच्चाए
 णो, पाराए ॥ ७८ ॥ विमुत्ता हु ते जणा, जे जणा पारगामिणो लोभं अलोमेण
 दुग्गंढमाणे लद्धे कामे णाभिगाहइ, विणावि लोभं निक्खम्म एत अक्रम्मे जाणति
 पामति । पडिलेहाए णावकंयति, एम अणमारित्तिपवुयति ॥ ७९ ॥ अहोयराओ

परितप्पमाणे कालाकालसमुट्ठाइ, संजोगट्ठी, अट्ठालोगी, आलुंप्पे, सहसाकारे, विणि-
विट्ठचित्ते एत्थ, सत्थे पुणो पुणो ॥ ८० ॥ से आयवले, से णाइवले, से सयणवले,
से मित्तवले, से पिच्चवले, से देववले, से रायवले, से चोरवले, से अतिहिंयले, से
क्रिविणवले, से समणवले, इत्थेहिं विस्वक्खेहिं कजेहिं दंडसमायाणं संपेहाए भया
कज्जति । पावमुक्खुत्ति मण्णमाणे अदुवा आसंसाए ॥ ८१ ॥ तं परिण्णाय मेहावी,
णेव सयं एएहिं कजेहिं दंडं समारंभिज्जा, णेवणं एएहिं कजेहिं दंडं समारंभाविज्जा,
एएहिं कजेहिं दंडं समारंभंतेवि अण्णे णो गमण्णजाणिज्जा ॥ ८२ ॥ एस मणे
आयरिएहिं पवेदिए, जहेत्थ कुसले णोवलिंप्पिज्जासिन्ति वेमि ॥ ८३ ॥ वीओ-
इसो समत्तो ॥

से असइ उच्चागोए, असइ णीयागोए । णो हीणे, णो अइरित्ते, णोऽपीहए, इय
संखाय को गोयावादी, को माणावादी, कंसि वा एगे गिज्जा ॥ ८४ ॥ तम्हा पंडिए
णो हरिसे, णो कुप्पे, भूएहिं जाण पडिलेह सातं, समित्ते एयाणुपस्सी, तंजहा-
अंधत्तं, वहिरत्तं, मूयत्तं, काणत्तं, कुट्तं, खुज्जत्तं, वडभत्तं, सामत्तं, सबलत्तं, सहप-
माणं, अणेगह्वाओ जोणीओ, संधायति, विस्वक्खे फासे परिसंवेदेइ ॥ ८५ ॥
से अवुज्झमाणे हतोवहते जाइमरणमणुपरियट्ठमाणे ॥ ८६ ॥ जीवियं पुढो पियं
इहमेगेसिं माणवाणं खित्तवत्थुममायमाणं ॥ ८७ ॥ आरत्तं विरत्तं मणिकुंडलं, सह
हिरण्णेण इत्थियाओ परिगिज्जति तत्थेव रत्ता ॥ ८८ ॥ “ण इत्थ तवो वा, दमो
वा, णियमो वा, दिस्सति,” संपुणं वाले जीविउकामे लालप्पमाणे मूढे विप्परियास-
मुवेति ॥ ८९ ॥ इणमेव णावकखंति, जे जणा धुवचारिणो; जातीमरणं परिन्नाय,
चरे संक्रमणे ददे ॥ ९० ॥ णत्थि कालस्स णागमो ॥ ९१ ॥ सव्वे पाणा पिया-
उया, सुहसाया, दुक्खपडिकूला, अप्पियवहा, पियजीविणो, जीविउकामा, ॥ ९२ ॥
सव्वेसिं जीवियं पियं ॥ ९३ ॥ तं परिगिज्ज ह्रुपयं चउप्पयं अभिजुंजिया णं,
संसिन्धियाणं, तिविधेण जावि से तत्थ मत्ता भवइ अप्पा वा बहुगा वा से तत्थ
गट्ठिए चिट्ठइ, भोयणाए ॥ ९४ ॥ तओ से एगया विविहं परिसिट्ठं संभूयं महोवगरणं
भवति । तंप्पि से एगया दायाया वा विभयंति, अदत्ताहारो वा से अवहरत्ति, रायाणो
वा से विलेपंति, णस्सति वा से, विणस्सति वा से, अगारदाहेण वा से उज्झइ ॥ ९५ ॥
इय से परस्सट्ठाए कूराइ कम्माइ वाले पकुब्बमाणे तेण दुक्खेण संमूढे विप्परिया-
समुवेति ॥ ९६ ॥ मुणिणा हु एयं पवेइयं ॥ ९७ ॥ अणोहंतरा एते, णय ओहिं
तरित्तए, अतीरंगमा एते, णयतीरं गमित्तए । अपारंगमा एते णय पारं गमि-
त्तए ॥ ९८ ॥ आयाणिज्जं च आयाय, तंमि ठाणे ण चिट्ठइ । वित्तहं पप्पडखेयन्ने

तंमि ठाणंमि चिट्ठइ ॥ ९९ ॥ उहेसो पासगस्स णत्थि ॥ १०० ॥ बाले पुण णिहे कामसमणुणे असमितदुक्खे दुक्खी दुक्खाणमेव आवट्ठं अणुपरियट्ठइ त्ति वेमि ॥ १०१ ॥
तइओहेसो समत्तो ॥

ततो से एगया रोगसमुप्पाया समुप्पज्जति ॥ १०२ ॥ जेहिं वा सार्द्धं संवसति, ते वा णं एगया णियया पुर्व्वि परिवयंति । सो वा ते णियगे पच्छा परिवज्जा, णालं ते तव ताणाए वा, सरणाए वा, तुमं पि तेसिं णालं ताणाए वा सरणाए वा ॥ १०३ ॥ जाणित्तु दुक्खं पत्तेयं सायं ॥ १०४ ॥ भोगा मे व अणुसोयंति-इहमेगेसिं माणवाणं, तिविहेण, जावि से तत्थ मत्ता भवइ, अप्पा वा, बहुगा वा, से तत्थ गट्ठिए चिट्ठति, भोयणाए ॥ १०५ ॥ ततो से एगया विपरिसिट्ठं संभूयं महोवगरणं भवति, तंपि से एगया दायाया विभयंति, अदत्तहारो वा से हरत्ति, रायाणो वा से विह्वंति, णस्सइ वा से, विणस्सइ वा से, अगारडाहेण वा से डज्झइ ॥ १०६ ॥ इय, से बाले परस्स अट्ठाए कूराणि कम्माणि पकुव्वमाणे तेण दुक्खेण मूढे विप्परियासमुवेति ॥ १०७ ॥ आसं च छंदं च विगिंच धीरे ॥ १०८ ॥ तुमं चेव तं सल्लमाहट्ठु ॥ १०९ ॥ जेणसिया तेण णो सिया ॥ ११० ॥ इणमेव णाव-बुज्जंति, जे जणा मोहपाउडा ॥ १११ ॥ श्रीलोएपव्वहिए ते भो वयंति “एयाइं आयतणाइं” ॥ ११२ ॥ से दुक्खाए-मोहाए-माराए-गरगाए-गरगतिरि-क्खाए ॥ ११३ ॥ सततं मूढे धम्मं णामिज्जाणाति ॥ ११४ ॥ उदाहु वीरे, अप्प-मादो महामोहे ॥ ११५ ॥ अलं कुसलस्स पमादेणं, संति मरणं संपेहाए, भेउरधम्मं संपेहाए ॥ ११६ ॥ णालं पास अलं ते एएहिं, एयं पस्स, मुणी? महव्वमयं ॥ ११७ ॥ णातिवाइज्ज कंचणं ॥ ११८ ॥ एस वीरे पसंसिए-जे ण णिविज्जति आदाणाए ॥ ११९ ॥ “ण मे देति” ण कुप्पिज्जा, थोवं लद्धुं ण खिसए, पडिसेहियो परिण-मिज्जा, पडिलामिओ परिणमेज्जा ॥ १२० ॥ एयं मोणं समणुवासिज्जासित्ति वेमि ॥ १२१ ॥ चउत्थोदेसो समत्तो ॥

जमिणं विहवहवेहिं सरथेहिं लोगस्स कम्मसमारंभा कज्जंति, तंजहा-अप्पणो से पुत्ताणं, धूयाणं, मुण्हाणं, णातीणं, धातीणं, राईणं, दासाणं, दासीणं, कम्मकराणं, कम्मकरीणं, आएसाए, पुढोपेहणाए, सामासाए, पायरासाए, सण्हिसंनिचओ कज्जइ, इह मेगेसिं माणवाणं भोयणाए ॥ १२२ ॥ समुट्ठिते अणगारे आरिए आरि-यदंसी, आरियपण्णे, अयंसंधित्ति, अदक्खु, से णादिए, णादिआवए, णादियंतं समणुजाणइ ॥ १२३ ॥ सव्वामगंयं परिण्णाय णिरामगंधो परिव्वए ॥ १२४ ॥ अदिस्समाणे कयविकएसु; से ण किणे, ण किणावए, किणंतं ण समणुजाणइ ॥ १२५ ॥

धुणे कम्मसरिरंगं; पंतं ल्हं च सेवन्ति, वीरा संमत्तदंसिणो ॥ १४८ ॥ एस ओघंतरे
 मुणी, तिन्ने मुत्ते, विरते वियाहितेत्ति वेमि ॥ १४९ ॥ दुव्वसुमुणी अणाणाए०
 तुच्छए गिलाइ वत्तए ॥ १५० ॥ एस वीरे पसंसिए, अच्चेइ लोयसंजोयं, ॥ १५१ ॥
 एस णाए पवुच्चइ, जं दुक्खं पवेदितं इह माणवाणं, तस्स दुक्खस्स कुसला परिण-
 मुदाहरन्ति ॥ १५२ ॥ इति कम्मं परिण्णाय सव्वसो ॥ १५३ ॥ जे अणन्नदंसी से
 अण्णारामे, जे अण्णारामे से अण्णदंसी ॥ १५४ ॥ जहा पुण्णस्स कत्थति
 तहा तुच्छस्स कत्थति, जहा तुच्छस्स कत्थति तहा पुण्णस्स कत्थति ॥ १५५ ॥
 अविय ह्णो अणातियमाणे । एत्थंपि जाण, सेयंति णत्थि ॥ १५६ ॥ केयं पुरिसे
 कंच णए ? एस वीरे पसंसिए, जे वद्धे पडिमोयए, उद्धं अहं तिरियं दिसासु ॥ १५७ ॥
 से सव्वतो सव्वपरिण्णाचारि ण लिप्पति छणपएण, वीरे ॥ १५८ ॥ से, मेहावी
 अणुग्वायणखेयन्ने जे य वंधपमुक्खमन्नेसी ॥ १५९ ॥ कुसले पुण णो वद्धे, णो
 सुक्के ॥ १६० ॥ से जं च आरमे जं च णारमे । अणारद्धं च ण आरमे ॥ १६१ ॥
 छगं छगं परिण्णाय लोगसन्नं च सव्वसो ॥ १६२ ॥ उद्देसो पासगस्स णत्थि
 ॥ १६३ ॥ बाले पुणे णिहे कामसमणुजे असमियदुक्खे दुक्खी दुक्खाणमेव आवडं
 अणुरियइइत्ति वेमि ॥ १६४ ॥ छट्ठेद्देसो समत्तो ॥

लोगविजय णाम वीअमज्झयणं समत्तं ॥

सुत्ता अमुणी मुणिणो सया जागरन्ति ॥ १६५ ॥ लोयंसि जाण अहियाय
 दुक्खं ॥ १६६ ॥ समयं लोगस्स जाणित्ता, इत्थ सत्थोवरए ॥ १६७ ॥ जस्सिमे
 सद्वा य-रुवाय-गंधा य-रसा य-फासा य-अहिसमन्नागया भवन्ति, से आयवं-णाणवं-
 चैयवं-धम्मवं-वंभवं- पन्नाणेहिं परियाणइ लोयं, मुणीति वुच्चे धम्मविऊ, उज्जू आव-
 इसोए संगमभिजाणाति, सीउसिणच्चाइ, से निग्गंये, अरइरइसहे फस्सयं णो वेदेति,
 जागरे-वेरोवरए-वीरे एवं दुक्खा पमुच्चति ॥ १६८ ॥ जरामच्चुवसोवणीए णरे सययं
 मूढे धम्मं णाभिजाणाति ॥ १६९ ॥ पासिय आउरपाणे, अप्पमत्तो परिव्वए ॥ १७० ॥
 मंता य, मइमं-पास ॥ १७१ ॥ आरंभजं दुक्खमिगंति णच्चा, माइ पमाइ पुण-एइ
 गव्वं, उवेहमाणो सहइवेसु उज्जू, माराभिसंकी मरणा पमुच्चति ॥ १७२ ॥ अप्पमत्तो
 कामेहिं, उवरतो पावकम्मोहिं, वीरे आयगुत्ते खेयन्ने ॥ १७३ ॥ जे पज्जवजायस-
 त्थस्स खेयन्ने, से असत्थस्स खेयन्ने; जे असत्थस्स खेयन्ने, से पज्जवजाय सत्थस्स
 खेयन्ने ॥ १७४ ॥ अकम्मस्स ववहारो न विज्जइ, कम्मणा उवाही जायइ ॥ १७५ ॥
 कम्मं च पडिलेहाए, कम्ममूलं च जं लगं ॥ १७६ ॥ पडिलेहिं, सव्वं समायाय

दोहिं अंतेहिं अदिस्समाणे ॥ १७७ ॥ तं परिणाय मेहावी विदिता लोगं, वंता
लोगसन्नं से मइमं परकमिज्जासिति वेमि ॥ १७८ ॥ पढमोदेसो समत्तो ॥

जातिं च बुद्धिं च इहज्ज पासे, भूतेहिं जाणे पडिलेह् सानं । तम्हाइतिविजो
परमंति णच्चा, संमत्तदंसी ण करेति पावं ॥ १७९ ॥ उम्मुंच पासं इह मच्चिएहिं,
आरंभजीवी उभयाणुपस्सी । कामेमु गिद्धा णिचयं करंति । संसिचमाणा पुणरिति
गव्वं ॥ १८० ॥ अवि से हासमासज्ज, हंता णंदीति मज्जाति । अलं बालस्स संगेणं
वेरं वद्धेति अप्पणो ॥ १८१ ॥ तम्हा-तिविजो परमंति णच्चा, आयकदंसी ण करेति पावं
॥ १८२ ॥ अगं च मूलं च विगिंच धीरे, पल्लिच्छिदिया णं णिक्कम्मदंसी ॥ १८३ ॥
एस मरणा पमुच्चति, से हु दिठ्ठभाए मुणी, लोयंसी परमदंसी विवित्तजीवी उवसेते
समिते सहिते सयाजए कालकंखी परिव्वए ॥ १८४ ॥ बहुं च खलु पावकम्मं
पगडं, सब्बमि धिइं कुव्वहा, एत्थोवरए मेहावी सब्बं पावकम्मं ज्ञोसति ॥ १८५ ॥
अणेगचित्ते खलु अयं पुरिसे, से केयणं अरिहए पूरिण्णए से अन्नवहाए, अण्णपरियावा

चरे । सव्वं हासं परिचज्ज, आलीणगुत्तो परिव्वए ॥ २०१ ॥ पुरिसा, तुममेव तुमं मित्तं, किं वहिया मित्तमिच्छसि ॥ २०२ ॥ जं जाणिज्जा उच्चालइयं तं जाणिज्जा दूरालइयं, जं जाणिज्जा दूरालइयं तं जाणेज्जा उच्चालइयं ॥ २०३ ॥ पुरिसा ! अत्ताणमेवं अभिणिगिज्झ एवं दुक्खा पमुच्चसि ॥ २०४ ॥ पुरिसा ! सच्चमेव समभिजाणार्हि, सच्चस्साणाए से उवट्ठिए मेहावी मारं तरति, सहिओ धम्ममायाय सेयं समणुपस्सति ॥ २०५ ॥ दुहओ, जीवियस्स परिवंदणमाणणपूयणाए, जंसि एगे पमायंति ॥ २०६ ॥ सहिओ दुक्खमत्ताए पुट्ठो णो झंझाए; पासिमं दविए लोए लोयालोयपवंचाओ मुच्चइति वेमि ॥ २०७ ॥ तइओद्देसो समत्तो ॥

से वंता कोहं च, माणं च, मायं च, लोभं च, एयं पासगस्स दंसणं, उवरयसत्थस्स पलियंतकरस्स आयाणं सगडच्चि ॥ २०८ ॥ जे एगं जाणइ से सव्वं जाणइ, जे सव्वं जाणइ से एगं जाणइ ॥ २०९ ॥ सव्वतो पमत्तस्स भयं, सव्वतो अप्पमत्तस्स णत्थि भयं ॥ २१० ॥ जे एगं णामे से वहुं णामे, जे वहुं णामे से एगं णामे ॥ २११ ॥ दुक्खं लोयस्स जाणित्ता, वंता लोगस्स संजोगं, जंति वीरा महाजाणं, परेण परं जंति, नावकंखंति जीवियं ॥ २१२ ॥ एगं विगिंचमाणे पुट्ठो विगिंचइ पुट्ठो विगिंचमाणे एगं विगिंचइ ॥ २१३ ॥ सद्धी आणाए मेहावी ॥ २१४ ॥ लोगं च आणाए अभिसमेच्च अकुओभयं ॥ २१५ ॥ अत्थि सत्थं परेण परं, णत्थि असत्थं परेण परं ॥ २१६ ॥ जे कोहदंसी से माणदंसी, जे माणदंसी से मायादंसी, जे मायादंसी से लोभदंसी, जे लोभदंसी से पिज्जदंसी, जे पिज्जदंसी से दोसदंसी, जे दोसदंसी से मोहदंसी, जे मोहदंसी से गव्वमदंसी, जे गव्वमदंसी से जम्मदंसी, जे जम्मदंसी से मारदंसी, जे मारदंसी से णरयदंसी, जे णरयदंसी से तिरियदंसी, जे तिरियदंसी से दुक्खदंसी ॥ २१७ ॥ से मेहावी अभिनिवट्ठिजा, कोहं च-माणं च-मायं च-लोहं च-पिज्जं च-दोसं च-मोहं च-गव्वं च-जम्मं च-मारणं च-णरगं च-तिरियं च-दुक्खं च-एयं पासगस्स दंसणं उवरयसत्थस्स पलियंतकरस्स ॥ २१८ ॥ आयाणं णिसिद्धा सगडच्चि ॥ २१९ ॥ किमत्थि ओवाहि पासगस्स ? ण विज्झइ ? णत्थित्ति, वेमि ॥ २२० ॥ चउत्थोद्देसो समत्तो ॥

सीयोसणीयं तइयज्झयणं समत्तं

से वेमि—जेय अइया, जेय पडुप्पजा, जेय आगमिस्सा-अरहंता भगवंतो ते सव्वे, एवमाइयंति-एवं भासंति-एवं पण्णवित्ति, एवं पहावित्ति—सव्वे पाणा, सव्वे भूया, सव्वे जीवा, सव्वे सत्ता, ण हंनव्वा, ण अजावेयव्वा, ण परिधितव्वा, ण

परितावेयव्वा, ण उद्देयव्वा, ॥ २२१ ॥ एय धम्मो गुद्धं, णिइए-सासए-समिच्च ले
वेयवेहिं पवेइए, तंजहा-उद्धिएण वा, अणुद्धिएण वा, उवट्टिय-अणुवट्टिएण वा, उ
रयदंडेण वा, अणुवरयदंडेण वा, सोवहिएण वा, अणोवहिएण वा, संजोगरएण
असंजोगरएण वा ॥ २२२ ॥ तच्चं चेयं तहा चेयं अस्सिं चेयं पवुच्चइ ॥ २२३
तं आइत्तु ण णिहे ण णिक्खिक्खे, जाणित्तु धम्मं जहा तहा ॥ २२४ ॥ दिट्ठेहिं णिव्वे
गच्छिज्जा ॥ २२५ ॥ णो लोगस्सेसणं चरे ॥ २२६ ॥ जस्स णत्थि इमा जाई अ
तस्स कओ सिया ! ॥ २२७ ॥ दिट्ठं सुयं मयं विज्जायं, जमेयं परिकहिज्जइ ॥ २२८
समेसाणा पलेमाणा पुणो पुणो जातिं पकण्णंति ॥ २२९ ॥ अहोय राओय जयमां
धीरे सया आगयपन्नाणं, पमत्ते वहिया पास अप्पमत्ते सया परिकमिज्जास्तिं
वेमि ॥ २३० ॥ पढमोद्देसो समत्तो ॥

जे आसवा ते परिस्सवा, जे परिस्सवा ते आसवा ॥ २३१ ॥ जे अणासव
ते अपरिस्सवा, जे अपरिस्सवा ते अणासवा ॥ २३२ ॥ एए पए संवुज्जमाणे लो
च आणाए अभितमिच्चा पुढो पवेइयं ॥ २३३ ॥ आघाइ णाणी इह माणवा
संसारपडिक्खाणं संवुज्जमाणाणं विनाणपत्ताणं, अट्ठावि संता अदुवा पमत्ता, अह
सच्च मिगंति-वेमि ॥ २३४ ॥ नाणागमो मच्चुमुहस्स अत्थि । इच्छापणीया बंका
णिकेया कालगहीआ णिच्चयणिविट्ठा पुढो पुढो जाई पकण्णंति, ॥ २३५ ॥ इह
मेगेसिं तत्थ तत्थ संयवो भवति । अहोववाइए फासे पडिसंवेयंति ॥ २३६ ॥ चिट्ठं
कूरेहिं कम्मेहिं, चिट्ठं परिचिट्ठति; अचिट्ठं कूरेहिं कम्मेहिं णो चिट्ठं परिचिट्ठति ॥ २३७ ॥
एगे वयंति अदुवावि णाणी, णाणी वयंति अदुवावि एगे ॥ २३८ ॥ आवंती केयावंती
लोयंसिं समणा य माहणाय पुढो विवायं वदंति, “से दिट्ठं च णे, सुयं च णे, मयं च
णे, विण्णायं च णे, उद्धं अहं तिरियं दिसासु सव्वतो सुपडिलेहियं च णे सव्वे पाणा,
सव्वे भूया, सव्वे जीवा, सव्वे सत्ता-हंतव्वा-अज्जावेयव्वा-परिघेतव्वा-परियावेयव्वा-
उद्देयव्वा । एत्थं पि जाणह, णत्थित्थ दोसो ।” अणारियवयणमेयं ॥ २३९ ॥ तत्थ
जे ते आरिया, ते एवं वयासी—“से दुद्धिट्ठं च मे, दुस्सुयं च मे, दुस्समयं च मे,
दुव्विज्जायं च मे, उद्धं, अहं, तिरियं दिसासु सव्वतो दुप्पडिलेहियं च मे; जं णं तुन्ने
एवमाइक्खह, एवं भासह, एवं परव्वेह-एवं पन्नवेह-सव्वे पाणा-सव्वे भूया-सव्वे जीवा-
सव्वे सत्ता, हंतव्वा, अज्जावेयव्वा, परिघेतव्वा-परियावेयव्वा-उद्देयव्वा-एत्थवि
जाणह नत्थित्थ दोसो ।” अणारियवयणमेयं ॥ २४० ॥ वयं पुण एवमाइक्खामो,
एवं भासामो, एवं परव्वेमो, एवं पन्नवेमो, “सव्वे पाणा, सव्वे भूया, सव्वे जीवा,
सव्वे सत्ता, ण हंतव्वा, ण अज्जावेतव्वा, ण परिघेतव्वा, ण परियावेयव्वा, ण उद्दे-

वेयव्वा, एत्थवि जाणह, णत्थित्थ दोसो ।” आरियवयणमेयं ॥ २४१ ॥ पुवं
निकायसमयं, पत्तेयं पत्तेयं पुच्छिस्सामो, हं भो पवादिया, किं मे सायं दुक्खं उदाहु
असायं ? समिया पडिवन्ने यावि एवं वूया,—सव्वेसिं पाणाणं, सव्वेसिं भूयाणं,
सव्वेसिं जीवाणं, सव्वेसिं सत्ताणं, असायं, अपरिणिव्वाणं महव्वभयं दुक्खं ति
वेमि ॥ २४२ ॥ **वीओहेसो समत्तो ॥**

उवेहि णं वहिया य लोयं, से सव्वलोयंमि जे केइ विनू ॥ २४३ ॥ अणुवीइ
पास, णिक्खित्तदंडा जे केइ सत्ता पलियं चयंति, णरे सुयच्चा धम्मविदुत्ति अंजू;
आरंभजं दुक्खमिणंति णच्चा, एवमाहु संमत्तदंसिणो ॥ २४४ ॥ ते सव्वे पावाइया
दुक्खस्स कुसला परिणमुदाहरंति, इति कम्मं परिजाय सव्वसो ॥ २४५ ॥ इह
आणाकंखी पंडिए अणिहे, एगमप्पाणं संपेहाए धुणे सरीरं ॥ २४६ ॥ कसेहि
अप्पाणं, जरेहि अप्पाणं ॥ २४७ ॥ जहा जुत्ताइं कट्ठाइं हव्ववाहो पमत्थति, एवं
अत्तसमाहिए अणिहे ॥ २४८ ॥ विगिंच कोहं अविकंपमाणे, इमं णिरुद्धाउयं संपेहाए
॥ २४९ ॥ दुक्खं च जाण अदुवागमेस्सं, पुढो फासाइं च फासे, लोयं च पास, विक्कं-
दमाणं ॥ २५० ॥ जे णिव्वुडा, पावेहिं कम्मेहिं अणियाणा ते वियाहिया ॥ २५१ ॥
तम्हाऽतिविजो णो पडिसंजलिजासिति वेमि ॥ २५२ ॥ **तइओहेसो समत्तो ॥**

आवीलए पवीलए निप्पीलए, जहिता पुव्वसंजोगं हिच्चा उवसमं ॥ २५३ ॥
तम्हा अविमणे वीरे, सारए समिए सहिते सया जए ॥ २५४ ॥ दुरणुचरो मग्गो
वीराणं अणियट्ठगामीणं ॥ २५५ ॥ विगिंच मंससोणियं, एस पुरिसे दवीए वीरे
आयाणिजे वियाहिए, जे धुणाइ समुस्सयं वसित्ता वंभचेरंमि ॥ २५६ ॥ णित्तेहिं
पलिछिन्नेहिं आयाणसोयगट्ठिए वाले, अव्वोच्छिन्नवंधणे अणभिकंतसंजोए । तमंसि
अविजाणओ आणाए लंभो णत्थित्ति वेमि ॥ २५७ ॥ जस्स नत्थि पुरा पच्छा,
मज्जे तस्स कुओ सिया ? ॥ २५८ ॥ से हु पन्नाणमंते बुद्धे आरंभोवरए, सम्ममेयंति
पांसह, जेण वंधं वहं घोरं परितावं च दाख्णं ॥ २५९ ॥ पलिछिंदिय वाहिरगं
च सोयं, णिकम्मदंसी इह मच्चिएहिं ॥ २६० ॥ कम्माणं सफलं दट्ठूण तओ णिज्जइ
पुव्ववी ॥ २६१ ॥ जे खलु भो ! वीरा ते समिता सहिता सयाजता संघउदंसिणो
आतोवरया अहातहं लोगमुवेहमाणा पाईणं पडीणं दाहीणं उदीणं इति सच्चंसि परि-
चिट्ठिन्नु ॥ २६२ ॥ साहिस्सामो णाणं वीराणं समियाणं सहियाणं, सयाजताणं
संघउदंसिणं आतोवरयाणं अहातहं लोगंसमुवेहमाणं किमत्थि उवाच्री ? पासगस्स
ण विजति णत्थित्ति वेमि ॥ २६३ ॥ **चउत्थोहेसो समत्तो ॥**

सम्मत्तं णाम चउत्थमज्झयणं समत्तं

आवंती केयावंती लोयंसि विष्णुसुसंति अट्टाए अणट्टाए वा । एएसु के-
 विष्णुसुसंति, गुरु से कामा, तओ से मारंते, जओ से मारंते, तओ से दूरे, नेव
 से अंतो नेव से दूरे ॥ २६४ ॥ से पागति फुसियमिव कुमग्गे पणुजं णिवदंते वाते-
 रितं, एवं वालस्स जीवियं मंदस्स अविजाणओ ॥ २६५ ॥ कूरादं कम्मई वाले
 पकुव्वमाणे तेण दुक्खेण मूढे विपरियासमुवेति, मोहेण गम्भं मरणाइ एति, एव
 मोहे पुणो पुणो ॥ २६६ ॥ संसयं परियाणतो संसारे परिण्णाते भवति, संसयं
 अपरिजाणओ संसारे अपरिण्णाते भवति ॥ २६७ ॥ जे छेए से सागारियं ण
 सेवइ ॥ २६८ ॥ कट्टु एवं अविजाणओ वितिया मंदस्स वालया ॥ २६९ ॥ लद्धा
 हुरत्था पडिलेहाए आगमिता आणविजा अणासेवणयत्ति वेमि ॥ २७० ॥ पासह
 एगे रुवेसु गिद्धे परिणिज्जमाणे, इत्थं फासे पुणो पुणो, आवंती केयावंती लोयंसि
 आरंभजीवी ॥ २७१ ॥ एएसु चेव आरंभजीवी, इत्थं वि वाले परिपच्चमाणे रमति
 पावेहिं कम्मोहिं असरणे सरणंति मण्णमाणे ॥ २७२ ॥ एहमेगेसि एगचरिया भवति,
 से बहुकोहे-बहुमाणे-बहुमाए-बहुलोहे-बहुरए-बहुनडे-बहुसडे-बहुसंकप्पे, आसवसत्ता
 पलिउच्छजे उद्धियवायं पवयमाणे “मा मे केइ अदक्खु” अण्णाणपमायदीसंणं,
 सययं मूढे धम्मं णाभिजाणाइ ॥ २७३ ॥ अथा पया माणव? कम्मकोविया जे
 अणुवरया अविजाए पलिमुक्खमाहु आवट्टमेव अणुपरियट्ठंति वेमि ॥ २७४ ॥
पढमोहसो समत्तो ॥

आवंती केयावंती लोए अणारंभजीविणो तेसु ॥ २७५ ॥ एत्थोवरए तं झोसमाणे
 “अयं संधीति” अदक्खु, जे इमस्स विग्गहस्स अयं खणेति अत्रेसी ॥ २७६ ॥
 एस मग्गे आरिहं पवेदिते, उट्ठिए णो पमायए, जाणि तु दुक्खं पत्तेयं
 सायं ॥ २७७ ॥ पुढो छंदा इह माणवा, पुढो दुक्खं पवेदितं, से अविहिंसमाणे
 अणवयमाणे, पुढो फासे विप्पणुजए । एस समिया परियाए विद्याहिंते ॥ २७८ ॥
 जे असत्ता पावेहिं कम्मोहिं उदाहु ते आर्यका फुसंति इति उदाहु धीरे ते फासे
 पुढो अहियासइ ॥ २७९ ॥ से पुव्वं पेयं, पच्छापेयं भिउरधम्मं विद्धेसणधम्मं-अधुवं
 अणितियं असासयं चथावचइयं विप्परिण्णाधम्मं, पासह एयं हवसंधि ॥ २८० ॥
 समुप्पेहमाणस्स इक्कायणरयस्स इह विप्पमुक्खस्स णत्थि मग्गे विरयस्सति
 वेमि ॥ २८१ ॥ आवंती केयावंती लोयंसि परिग्गहावंती-से अप्पं वा, बहुयं वा,
 अणुं वा, थूलं वा, चित्तमंतं वा, अचित्तमंतं वा, एतेसु चेव परिग्गहावंती ॥ २८२ ॥
 एवमेवेगेसि महब्भयं भवति, लोगवितं च णं उच्चेहाए ॥ २८३ ॥ एए संगे अवि-
 जाणतो से मुपडिवदं सृणीयंति णच्चा, पुरिसा ! परमचक्खु विप्परिक्खमा, एतेसु

चेव वंमचेरं ति वेमि ॥ २८४ ॥ से सुयं च मे, अज्झत्थयं च मे, वंघपमुक्खो
अज्झत्थये ॥ २८५ ॥ इत्थ विरते अणगारे दीहरायं तितिव्खए ॥ २८६ ॥ पमत्ते
वहिया पास, अप्पमत्तो परिव्वए ॥ २८७ ॥ एयं मोणं सम्मं अणुवासिजासिति
वेमि ॥ २८८ ॥ वीयोदेसो समत्तो ॥

आवंती के यावंती लोयंसि अपरिग्गहावंती एएसु चेव अपरिग्गहावंती सुच्चा वई
मेहावी, पंडियाण णिसामिया ॥ २८९ ॥ समियाए धम्मे आरिएहिं पवेदिते
जहित्थ मए संघी झोसिए एवमण्णत्थ संघी दुज्झोसए-भवति, तम्हा वेमि णो
णिहणिज्ज वीरियं ॥ २९० ॥ जे पुव्वुट्ठाई णो पच्छाणिवाई, जे पुव्वुट्ठाई पच्छाणि-
वाई, जे णो पुव्वुट्ठाई णो पच्छाणिवाई, सेऽवि तारिएसिए सिया, जे परिण्णाय लोग-
मण्णेसयंति, एयं णियाय मुणिणा पवेदितं ॥ २९१ ॥ इह आणाकंखी पंडिए
अणिहे, पुव्वावररायं जयमाणे सया सीलं सुपेहाए ॥ २९२ ॥ सुणिया भवे अकामे
अझंझे ॥ २९३ ॥ इमेण चेव जुज्झाहि, किं ते जुज्झेण वज्झओ? जुद्धारिहं खलु
दुल्लहं ॥ २९४ ॥ जहित्थ कुसलेहिं परिज्जाविवेगे भासिए, जुए हु वाले गव्भाइसु
रज्जइ ॥ २९५ ॥ अस्सिं चयं पव्वुच्चति, खवंसि वा छगंसि वा ॥ २९६ ॥ से हु
एगे संविद्धपहे मुणी, अण्णहा लोगमुवेहमाणे ॥ २९७ ॥ इति कम्मं परिण्णाय
सव्वसो से ण हिंसति संजमति णो पगव्भति, उवेहमाणो पत्तेयं सायं ॥ २९८ ॥
वज्जाएसी णारभे कंवणं सव्वलोए, एगप्पमुहे विदिसप्पइजे निव्विन्नचारी अरए
पयासु ॥ २९९ ॥ से वसुमं सव्वसमन्नागयपज्जाणेणं अप्पाणेणं अकरणिज्जं पावकम्मं
तं णो अब्बेसी ॥ ३०० ॥ जं सम्मं ति पासहा तं मोणं ति पासहा, जं मोणं ति
पासहा तं सम्मं ति पासहा ॥ ३०१ ॥ ण इमं सक्कं सिद्धिलेहिं अदिज्जमाणेहिं
गुणासाएहिं वंक्समायारेहिं पमत्तेहिं गारमावसंतेहिं ॥ ३०२ ॥ मुणी मोणं समायाए,
धुणे कम्मसरीरगं, पंतं ल्हं सेवंति, वीरा संमत्तदंसिणे ॥ एस ओहं तरे मुणी,
तिण्णे सुत्ते विरए वियाहिएत्ति वेमि ॥ ३०३ ॥ तइओदेसो समत्तो ॥

गामाणुगामं वृद्धज्जमाणस्स दुज्जातं दुप्परकंतं भवति अवियत्तस्स भिक्खुणो
॥ ३०४ ॥ वयसावि एगे बुइया कुप्पंति माणवा, उन्नयमाणे य णरे महता मोहेण
मुज्झति, संवाहा बहवे भुज्जो २ दुरतिकमा अजाणतो, अपासतो, एयं ते मा होउ,
एयं कुत्तलस्स दंसणं ॥ ३०५ ॥ तद्धिट्ठीए तम्मुत्तीए तप्पुरक्कारे तस्सर्त्ता तन्निवेसणे
जयं विहारी चित्तिणिवाती पंधणिज्जाती पल्लिवाहिरे, पासिय पाणे गच्छिज्जा । से
अभिक्कममाणे पण्डित्तमाणे संकुचमाणे पसारमाणे विणिवट्ठमाणे संपल्लिमज्जमाणे
॥ ३०६ ॥ एगया गुणसमियस्स रीयतो कायसंफासं नमणुचिन्ना एगतिया पाणा
२ सुत्ता०

उद्दर्यति; इहलोगवेयणविज्जावडियं, जं आउट्टिकयं कम्मं तं परिज्जाय विवेगेमेति,
एवं से अप्पमाएणं विवेगं किट्ठति पुव्ववी ॥ ३०७ ॥ से पभूयदंसी पभूयपरिज्जाणे
उवसंते समिए सहिते सयाजए, दट्ठुं विप्पट्टिवेदंति अप्पाणं, “किमेस जणो कीरे-
स्सति ! एस से परमारामो जाओ लोगमि इत्थीओ”, मुणिणा हु एतं पवेदितं
॥ ३०८ ॥ उव्वाहिज्जमाणे गामधम्मोहिं अवि णिव्वलासए, अवि ओमोयरियं कुज्जा,
अवि उड्डं ठाणं ठाडज्जा, अवि गामाणुगामं दट्ठज्जिज्जा, अवि आहारं दुत्तिल्लिज्जा,
अवि चए इत्थिसु मणं ॥ ३०९ ॥ पुव्वं दंडा पच्छा फासा, पुव्वं फासा पच्छा
दंडा, इच्चेते कलहासंगकरा भवंति । पडिल्लेहाए आगमिन्ना आणविज्जा अणासेवणाए
त्ति वेमि ॥ ३१० ॥ से णो काहिए, णो पासणिए, णो मामए, णो कयकिरिए,
वइगुत्ते, अज्झप्पसंवुडे, परिवज्जइ सदा पावं, एयं मोणं समणुवासिज्जासि-त्ति
वेमि ॥ ३११ ॥ चउत्थोद्देसो समत्तो ॥

से वेमि—तंजहा, अवि हरए पडिपुत्ते समंसि भोमे चिट्ठइ उवसंतरए सारक्ख-
माणे, से चिट्ठति सोयमज्जणए, से पास, सव्वतो गुत्ते, पास, लोए महेसिणो, जे
पञ्चाणमंता पवुद्धा आरंभोवरया सम्ममेयंति पासह, कालस्स कंखाए परिव्वर्यंति
त्ति वेमि ॥ ३१२ ॥ वितिगिच्छसमावन्नेणं अप्पाणेणं णो लभति समार्धि ॥ ३१३ ॥
सिया वेगे अणुगच्छंति, असिया वेगे अणुगच्छंति, अणुगच्छमाणेहिं अणुगच्छ-
माणे कहं ण णिव्विजे, तमेव सच्चं णीसंकं जं जिणेहिं पवेइयं ॥ ३१४ ॥ सट्ठिस्स
णं समणुत्तस्स संपव्वयमाणस्स समियंति मण्णमाणस्स एगया समिया होति, समियंति
मण्णमाणस्स एगया असमिया होति, असमयंति मण्णमाणस्स एगया समिया होति
असमियंति मण्णमाणस्स एगया असमिया होति ॥ ३१५ ॥ समियंति मण्णमाणस्स
समिया वा, असमिया वा, समिया होति उवेहाए ॥ ३१६ ॥ असमियंति मण्णमाणस्स
समिया वा, असमिया वा, असमिया होति उवेहाए ॥ ३१७ ॥ उवेहमाणो अनुवेहमा-
वूया—“उवेहाहि समियाए इच्चेवं तत्थ संधी झोसितो भवति” ॥ ३१८ ॥ इ
उट्ठियस्स ठियस्स गतिं समणुपासह, एत्थवि बालभावे अप्पाणं णो उवदंसेज्ज
॥ ३१९ ॥ तुमंसि नाम सच्चेव, जं हंतव्वंति मज्जसि, तुमंसि नाम सच्चेव, जं अज्जा
वेयव्वंति मज्जसि, तुमंसि नाम सच्चेव, जं परितावेयव्वंति मज्जसि, एवं जं परिचितव्वंति
मज्जसि, जं उद्वेयव्वंति मज्जसि । अंजू चेयपडिवुद्धजीवी तम्हा ण हंता, ण विघायए
अणुसंवेयणमप्पाणेणं जं हंतव्वं णाभिपत्थए ॥ ३२० ॥ जे आया से विज्जाया, तं
विज्जाया से आया, जेण विज्जाणति से आया, तं पडुच्च परिसंखाए, एस आयावा-
समियाए परियाए वियाहितेति वेमि ॥ ३२१ ॥ पंचमोद्देसो समत्तो ॥

अणाणाए एगे सोवट्ठाणा आणाए एगे निरुवट्ठाणा एतं ते मा होउ, एयं कुस-
लस्स दंसणं ॥ ३२२ ॥ तद्धिटीए तम्मुत्तीए तप्पुरक्कारे तस्सण्णी तण्णिवेसणे,
अभिभूय अदक्खू, अणभिभूते पभू निरालंबणयाए; जे महं अवहिमणे ॥ ३२३ ॥
पवाएणं पवायं जाणिज्जा, सहसम्मइयाए, परवागरणेणं अन्नेसिं वा अंतिए सोच्चा ॥ ३२४ ॥
णिद्देसं गातिवट्ठेज्जा मेहावी सुपडिलेहिया सव्वतो सव्वप्पणा सम्ममेव समभिण्णाय
॥ ३२५ ॥ इह आरामं परिण्णाय अल्लीणगुत्तो आरामो परिव्वए, णिठ्ठियट्ठी वीरे
आगमेण सदा परिक्रमेज्जासि त्ति वेमि ॥ ३२६ ॥ उड्डं सोता, अहे सोता, तिरियं सोता
वियाहिया; एते सोया वियक्खाया, जेहिं संगंति पासहा ॥ ३२७ ॥ आवट्टं तु
उवेहाए, एत्थ विरमिज्ज पुव्ववी ॥ ३२८ ॥ विणइत्तु सोयं णिक्खम्म एसमहं अकम्मां
जाणत्ति, पासत्ति, पडिलेहाए णावकंखत्ति, इह आगत्तिं गत्तिं परिण्णाय अच्चेइ जाति-
मरणस्स वट्ठमगं विक्खायरए ॥ ३२९ ॥ सव्वे सरा णियट्ठंति, तक्का जत्थ ण
विज्जइ, मई तत्थ ण गाहिता, ओए अप्पतिट्ठाणस्स खेयन्ने ॥ ३३० ॥ से ण दीहे
ण हस्से ण वट्ठे ण तंसे ण चउरंसे ण परिमंडले, न किण्हे, न णीले, ण लोहिंए, ण
हालिंहे ण सुक्खिले ण सुरहिगंधे ण दुरहिगंधे ण तित्ते ण कडुए, ण कसाए ण अंविले ण
महुरे ण कक्खडे ण मउए ण गरुए ण लहुए ण सीए ण उण्हे ण णिद्धे ण लुक्खे ण
काऊ ण रुहे ण संगे ण इत्थी ण पुरिसे ण अन्नहा परिण्णे, सण्णे ॥ ३३१ ॥ उवमा
ण विज्जए, अरुवी सत्ता, अपयस्स पयं णत्थि ॥ ३३२ ॥ से ण सहे ण रुवे ण गंधे-
ण रसे ण फासे इच्चेवत्ति वेमि ॥ ३३३ ॥ छट्ठोद्देसो समत्तो ॥

॥ लोकसारणाम पंचमज्झयणं समत्तं ॥

ओवुज्झमाणे इह माणवेसु आघाइ से णरे, जस्सिमाओ जाइओ सव्वओ सुप-
डिलेहियाओ भवंति, आघाइ से णाणमणेलिसं ॥ ३३४ ॥ से किट्ठत्ति तेसिं समु-
ट्ठियाणं णिक्खित्तदंडाणं समाहिंयाणं पन्नाणमंताणं इह मुत्तिमगं, एवं एगे महावीरा
विप्परिक्खमंति, पासह एगे अविसीयमाणे अणत्तपन्ने ॥ ३३५ ॥ से वेमि से जहावि
कुम्मे हरए विणिविठ्ठचित्ते पच्छन्नपलासे उम्मगं से णो लहइ ॥ ३३६ ॥ भंजगा
इव सज्जिवेसं णो चयंति, एवं एगे अणेगरुवेहिं कुलेहिं जाया, रुवेहिं सत्ता, कल्लुणं
धणंति, णियाणओ ते ण लभेति मुखं ॥ ३३७ ॥ अह पास तेहिं कुलेहिं आयत्ताए
जाया ॥ ३३८ ॥ गंढी अडुवा उट्ठी, रायंसी अवमारियं । काणियं झिमियं चेव,
कुणियं गुजियं तथा ॥ उअरिं पास मूयं च, सूणिअं च गिलासिगि, वेवइं पीडसप्पि
न, सिलिवयं महुमेहगि सोलस एते रोगा, अक्खाया अण्णुव्वत्तो, अह णं फुत्तंति

आयंका, फासाय असमंजसा ॥ मरणं तस्मिं संपेहाए, उचवायं चवणं णचा; परि
च संपेहाए, तं पुणेह जहा तथा ॥ ३३९ ॥ संति पाणा अंधा तमंसि विवार्हि
तामेव सइ असइ अद अच उचावयफासे पडिसंवेदंति, बुद्धेहि एवं पवेदितं ॥ ३४० ॥
संति पाणा बासगा, रसगा उदए उदएचरा आगासगामिणे पाणा पाणे किलेसंति
॥ ३४१ ॥ पास लोए महब्भयं ॥ ३४२ ॥ बहुदुक्खाहु जंतवो ॥ ३४३ ॥ सत्ता
कामेसु माणवा, अवलेण वहं गच्छंति सरीरेणं पभंशुरेण ॥ ३४४ ॥ अट्टे से बहुदुक्खे,
इति वाले पकुब्बइ; एते रोगा बहु णचा, आउरा परितावए ॥ ३४५ ॥ णालं पास,
अलं तवेएहिं । एयं पास मुणी ! महब्भयं, णातिवाएज्ज कंचणं ॥ ३४६ ॥ आयाणं
भो ! सुस्स ! भो धूयवादं पवेदइस्सामि इह खलु अत्ताए तेहिं तेहिं कुलेहिं अभि-
सेण, अभिसंभूता, अभिसंजाता, अभिणिच्चुडा, अभिसंजुद्धा, अविसंजुद्धा अभिणि-
कंता अणुपुब्बेणं महासुणी ॥ ३४७ ॥ तं परिक्कमंतं परिदेवमाणा मा चयाहि इति
ते वदंति; “छंदोवणीया अज्झोववना,” अकंदकारी जणगा व्वंति । अतारिसे मुणी णो
ओहंतरेए, जणगा जेण विप्पजडा ॥ ३४८ ॥ सरणं तत्थ णो समेति कहं नु णाम से तत्थ
रमति ? एवं णाणं सया समणवासिज्जासि-त्ति वेमि ॥ ३४९ ॥ पढमोद्देसो समत्तो ॥

आतुरं लोयमायाए चइत्ता पुव्वसंजोगं, हिच्चा उवसमं, वसित्ता वंभचेरंमि,
वसु वा अणुवसु वा जाणिस्तु धम्मं अहा तथा, अहेगे तयच्चाइ कुसीला, वत्थं पडिगगं
कंबलं पायपुंछणं विउसिज्जा, अणुपुब्बेण अणहियासेमाणा परिसहे दुराहियासए, कां
ममायमाणस्स, इयाणिं मुहुत्तेण वा अपरिमाणाए भेए, एवं से अंतराएहिं कामे
आकेवलिएहिं अवइत्ताचेए ॥ ३५० ॥ अहेगे धम्ममादाय आयाणप्पमिइसु पणिहिं
चरे अप्पलीयमाणे दढे ॥ ३५१ ॥ सव्वं मिद्धि परिणाय एस पणए महासुणी
॥ ३५२ ॥ अइअच्च सव्वतो संगं “णमहं अत्थिति इति एगोहमंसि” जयमाणे
एत्थ विरते, अणगारे, सव्वओ सुंढे, रीयंते, जे अचेले परिवुत्तिए संचिक्खति
ओमोयरियाए ॥ ३५३ ॥ से आकुट्ठो वा, हए वा, छंचिए वा, पल्लियं पकत्थ, अदुवा
परिव्वए, जे य हिरी जे य अहिरीमाणा, चिच्चा सव्वं विसोत्तियं संफासे फासे
समियदंसणे ॥ ३५४ ॥ एते भो णणिणा वुत्ता, जे लोगंसि अणागमणधम्मिणो,
॥ ३५५ ॥ “आणाए मामगं धम्मं” एस उत्तरवादे इह माणवाणं विद्याहिते ॥ ३५६ ॥
एत्थोवरए तं ज्ञोसमाणे, आयाणिज्जं परिणाय परियाएणं विमिचइ ॥ ३५७ ॥ इह
मेगेसि एगचरिया होति, तत्थियरा इयरेहिं कुलेहिं सुद्धेसणाए सव्वेसणाए से मेहावी
परिव्वए, सुट्ठिं अदुवा दुट्ठिं अदुवा तत्थ भेरवा पाणापाणे किलेसंति ते फासे
पुट्ठो धोरो अहियासेज्जासिति वेमि ॥ ३५८ ॥ वीओद्देसो समत्तो ॥

एयं खु मुणी आयाणं सया सुअक्खायधम्मे विधूतकप्पे णिज्झोसइत्ता ॥३५९॥
 जे अचेले परिखुसिए तस्स णं भिक्खुस्स णो एवं भवइ परिजुण्णे मे वत्थे वत्थं जाइ-
 स्सामि, सुत्तं जाइस्सामि, सुइं जाइस्सामि, संधिस्सामि, सीविस्सामि, उक्कसिस्सामि
 वोक्कसिस्सामि, परिहिस्सामि पाउणिस्सामि ॥ ३६० ॥ अदुवा तत्थ परक्कमंतं भुजो
 अचेलं तणफासा फुसंति, तेउफासा सीयफासा फुसंति, दंसमसगफासा फुसंति,
 एगयरे अगयरे विह्वरुवे फासे अहियासेति, अचेले लाववं आगममाणे, तवेसे
 अभिसमण्णागए भवति ॥ ३६१ ॥ जहेयं भगवता पवेदितं तमेव अभिसमेच्चा
 सव्वतो सव्वत्ताए समत्तमेव समभिजाणिज्जा एवं तेसिं महावीराणं चिरराइं पुव्वाइं
 वासाणि रीयमाणानं दवियाणं पास, अहियासियं ॥ ३६२ ॥ आगयपन्नाणानं किंसा
 ब्राह्मो भवंति, पयणुए मंससोणिए, विस्सेणिं कट्टु परिण्णाए, एस तिन्ने मुत्ते विरए
 वियाहिएति वेमि ॥ ३६३ ॥ विरयं भिक्खुं रीयंतं चिररातोसियं अरती तत्थ किं
 विहारए ॥ ३६४ ॥ संघे माणे समुट्ठिए, जहासे दीवे असंदीणे ॥ ३६५ ॥ एवं से धम्मे
 आयरियपदेसिए ॥ ३६६ ॥ ते अणवक्खमाणा, पाणे अणतिवातेमाणा जइया मेहाविणो
 पंडिया ॥ ३६७ ॥ एवं तेसिं भगवओ अणुट्ठाणो जहा से दियापोए एवं ते सिस्सा
 दिया य राओ य अणुपुव्वेण वाइय त्ति वेमि ॥ ३६८ ॥ तइओइसो समत्तो ॥

एवं ते सिस्सा दिया य राओ य अणुपुव्वेण वाइया तेहिं महावीरेहिं पण्णाण-
 मंतेहिं तेसिमंतिए पण्णाणमुवल्लब्भ हिच्चा उवसमं फारुसियं समादियति ॥ ३६९ ॥
 वसित्ता वंभंचेरंसि आणं तं णो त्ति मण्णमाणा ॥ ३७० ॥ अगवायं तु सोच्चा णिसम्म
 “समणुज्जा जीविस्सामो” एगे णिक्खमंते असंभवेत्ता विडज्झमाणा कामेहिं गिद्धा
 अज्झोववण्णा समाहिमाघायमजोसयंता सत्थारमेव फरुसं वदंति ॥ ३७१ ॥
 सीलमंता उवसंता संखाए रीयमाणा “असीला” अणुवयमाणस्स वितिया मंदस्स
 बालया ॥ ३७२ ॥ णियट्ठमाणा वेगे आयारगोयरमाइक्खंति ॥ ३७३ ॥ णाणभट्ठा
 दंसणल्लसिणो णममाणा एगे जीवितं विप्परिणामंति ॥ ३७४ ॥ पुट्ठवेगे णियट्ठंति
 जीवियस्सेव कारणा, णिक्खंतंपि तेसिं दुज्जिक्खंतं भवति ॥ ३७५ ॥ बालवयणिज्जा
 हु ते नरा पुणो पुणो जातिं पक्कपंति अहे संभवता विदायमाणा अहमंसि त्ति
 विउक्कसे उदासीणे फरुसं वदंति, पलियं पकत्थे अदुवा पकत्थे अत्तहेहिं तं मेहावी
 जाणिज्जा धम्मं ॥ ३७६ ॥ अहम्मट्ठी तुमंति णामवाले, आरंभट्ठी अणुवयमाणे
 “हणपाणे” घायमाणे, हणओयावि समणुजाणमाणे “घोरे धम्मे उदीरिए” उवेहइ
 णं आणाणाए एस विसण्णे वियदे वियाहिते त्ति वेमि ॥ ३७७ ॥ किमणेणं भो
 जणेण करिस्सामि त्ति मण्णमाणा एवं एगे वइत्ता, मातरं पितरं हिच्चा, णातओ य

परिगहं, वीरायमाणा समुत्थाए, अविहिंसा सुव्वया दंता, परस दीणे उप्पइए पव्वि
यमाणे ॥ ३७८ ॥ वसट्ठा कायरा य जणा लूसगा भवंति ॥ ३७९ ॥ अहमेर्गे
सिलोए पावए भवड, से समणो भवित्ता विवमंते ॥ ३८० ॥ पासहेगे सम
न्नागएहिं सह असमण्णागए, णममाणेहिं अणममाणे विरतेहिं अविरते दविएहिं अद
विए ॥ ३८१ ॥ अभिसमेच्चा पंडिए मेहावी णिट्ठियट्ठे वीरे आगमेणं सया पर
मेज्जासि ति वेमि ॥ ३८२ ॥ चउत्थोद्देसो समत्तो ॥

से गिहेसु वा, गिहंतरेसु वा, गामेसु वा, गामंतरेसु वा, नगरेसु वा, नगरंतरे
वा, जणवएसु वा, जणवयंतरेसु वा, गामजणवयंतरे वा गामणयरंतरे वा
णगरजगवयंतरे वा, संतेगतिया जणा लूसगा भवंति, अदुवा फासा फुसंति, रं
फासे पुट्ठो धीरो अहियासए ओए समियदंसणे ॥ ३८३ ॥ दयं लोगस्स, जाणित
पादीगं पडीगं, दाहीगं उदीगं, आइक्खे, विमये, किट्ठे, पुव्ववी ॥ ३८४ ॥
से उट्ठिएसु वा, अणुट्ठिएसु वा सुस्ससमाणेसु पवेदए, संतिं, विरतिं, उवसमं, णिव्वा
सोयं अज्जवियं महवियं लाघवियं अणइवत्तियं ॥ ३८५ ॥ सव्वेसिं पाणाणं सव्वे
भूयाणं सव्वेसिं जीवाणं सव्वेसिं सत्ताणं अणुवीइ भिक्खु धम्ममाइक्खेज्जा ॥ ३८६ ॥
अणुवीइ भिक्खु धम्ममाइक्खमाणे णो अत्ताणं आसाइज्जा, णो परं आसाइज्जा, णं
अन्नाइं पाणाइं भूयाइं जीवाइं सत्ताइं आसाएज्जा ॥ ३८७ ॥ से अणासादए अणासा
दमाणे वज्झमाणणं पाणाणं भूयाणं जीवाणं सत्ताणं, जहा से दीवे असंदीणे एवं रं
भवति सरणं महामुणी ॥ ३८८ ॥ एवं से उट्ठिए ठियप्पा अणिहे अचले चं
अवहिल्लेस्से परिव्वए ॥ ३८९ ॥ संखाय पेसलं धम्मं, दिट्ठिमं परिणिव्वुडे ॥ ३९० ॥
तम्हा सगं ति पासह, गंधेहिं गढिया णरा विसण्णा कामक्कंता, तम्हा लूहाओ णं
परिवित्तेज्जा ॥ ३९१ ॥ जस्सिमे आरंभा सव्वतो सव्वप्पयाए सुपरिणयाया भवति
तेसिमे लूसिणो णो परिवित्तसंति से वंता कोहं च माणं च मायं च लोभं च, ए
उट्ठे वियाहिते ति वेमि ॥ ३९२ ॥ कायस्स वियाचाए संगामसीसे वियाहिए, रं
हु पारंगमे मुणी, अविहम्ममाणे फलगावयट्ठि कालोवणीते कंखेज्जकालं जाव सरी
मेउत्ति वेमि ॥ ३९३ ॥ पंचमोद्देसो समत्तो ॥

॥ धूताक्खं छट्ठमज्झयणं समत्तं ॥

महापरिणया णामं सत्तमज्झयणं वोच्छिण्णं

से वेमि समणुजस्स वा असमणुजस्स वा असणं वा, पाणं वा, खाइमं वा, साइ
॥, वत्थं वा, पडिग्गहं वा, कंवलं वा, पायपुच्छणं वा णो पाएज्जा, णो णिमंतिज्जा

णो कुज्जा वेयावडियं परं आढायमाणेति वेमि ॥ ३९४ ॥ धुयं चेत्तं जाणेज्जा असणं वा जाव पायपुच्छं वा, लभिया णो लभिया, भुंजिया णो भुंजिया पथं विउत्ता विउक्कम्म विभत्तं धम्मं जोसेमाणे समेमाणे चळेमाणे पाएज्जा वा णिमंतेज्जा वा कुज्जा वेयावडियं परं अणाढायमाणेति वेमि ॥ ३९५ ॥ इहमेगेसिं आयार-
गोयरे णो सुणिसंते भवति, ते इह आरंभट्ठी अणुवयमाणा “हण पाणा” घायमाणा हणतो यावि समणजाणमाणा अदुवा अदिन्नमाययंति, अदुवा वायाओ विउज्जति; तंजहा-अत्थि लोए णत्थि लोए धुवे लोए अधुवे लोए सादिए लोए अणादिए लोए सपज्जवसिते लोए अपज्जवसिते लोए सुकडेत्ति वा दुक्कडेत्ति वा कल्लणेत्ति वा पावेत्ति वा साहुत्ति वा असाहुत्ति वा सिद्धीत्ति वा, असिद्धीत्ति वा, णिरएत्ति वा अणिरएत्ति वा ॥ ३९६ ॥ जमिगं विप्पडिवण्णा “मामगं धम्मं” पन्नवेमाणा, इत्थवि जाणह भक्कम्हा । एवं तेसिं णो सुअक्खाए सुपन्नत्ते धम्मे भवति, से जहेयं भगवया पवेदितं आसुपण्णेण जाणया पासया, अदुवा गुत्ती वओगोयरस्स त्ति वेमि ॥ ३९७ ॥ सव्वत्थ संमयं पावं, तमेव उवाइक्कम्म, एस महं विवेगे वियाहिते ॥ ३९८ ॥ गामे अदुवा रण्णे, णेव गामे णेव रण्णे, धम्ममायाणह पवेदितं माहणेण मईमया ॥ ३९९ ॥ जामा तिण्णि उदाहिया, जेसु इमे आयरिया संवुज्झमाणा समुट्ठिया ॥ ४०० ॥ जे णिव्वुया पावेहिं कम्मेहिं अणियाणा ते वियाहिया ॥ ४०१ ॥ उट्ठं अहे तिरियं दिसासु सव्वतो सव्वावंति च णं पाडियक्कं जीवेहिं कम्मसमारंभे णं ॥ ४०२ ॥ तं परिण्णाय मेहावी णेव सयं एतेहिं कायेहिं दंडं समारंभेज्जा, णेवण्णे एतेहिं कायेहिं दंडं समारंभावेज्जा, नेवन्ने एएहिं काएहिं दंडं समारंभंतेवि समणजाणेज्जा ॥ ४०३ ॥ जेयन्ने एतेहिं काएहिं दंडं समारंभंति तेसिंपि वयं लज्जामो ॥ ४०४ ॥ तं परिण्णाय मेहावी तं वा दंडं अण्णं वा णो दंडेमि, दंडं समारंभिज्जासि त्ति वेमि ॥ ४०५ ॥ पढमोद्देसो समत्तो ॥

से भिक्खु परक्कमेज्ज वा, चिट्ठेज्ज वा, णिसीएज्ज वा, तुयट्ठेज्ज वा, सुसाणंसि वा, सुजागारंसि वा, गिरिगुहंसि वा, स्वत्थमूलंसि वा, कुंभाराययणंसि वा, हुरत्था वा, कहिं चि विहरमाणं तं भिक्खुं उवसंक्कमित्तु गाहावती वूया आउसंतो समणा ! अहं खलु तव अट्ठाए असणं वा, पाणं वा, खाइमं वा, साइमं वा, वत्थं वा, पडिग्गहं वा, कंवलं वा, पायपुच्छं वा, पाणाइं, भूयाइं, जीवाइं, सत्ताइं, समारब्भ समुद्दिस्स कीयं, पामिच्चं, अच्छिज्जं, अणिसट्ठं, अभिहडं आहट्टु चेतेमि, आवसहं वा समुत्ति-
णोगि, से भुंजह, वसह ॥ ४०६ ॥ आउसंतो समणा ! भिक्खु तं गाहावतिं समणसं सवयसं संपडियाइक्खे आउसंतो गाहावति ! णो खलु ते वयणं आढामि, णो खलु ते वयणं परिजाणामि, जो तुमं मम अट्ठाए असणं वा (४) वत्थं वा (४). पाणाइं

उज्जालेत्ता पज्जालेत्ता कायं आयावेज्जा वा पयावेज्जा वा, तं च भिक्खु पडिलेहाए
आगमेत्ता आणविज्जा, अणासेवणाए त्ति वेमि ॥४२०॥ तइओहेसो समत्तो ॥

जे भिक्खु तिक्थेहिं परिवुसिते पायचउत्थेहिं तस्स णं णो एवं भवति “चउत्थं वत्थं
जाइस्सामि” से अहेसणिज्जाइं वत्थाइं जाएज्जा, अहापरिग्गहियाइं वत्थाइं धारेज्जा,
णो धोविज्जा णो रएज्जा णो धोयरत्ताइं वत्थाइं धारेज्जा, अपलिओवमाणे, गामंतरेसु,
ओमचेलिए, एयं खु वत्थधारिस्स सामग्गियं ॥ ४२१ ॥ अह पुण एवं जाणेज्जा;
उवातिक्कंते खलु हेमंते, गिम्हे पडिवन्ने अहापरिजुज्जाइं वत्थाइं परिट्ठविज्जा, अदुवा
संतर्हत्तरे, अदुवा ओमचेले, अदुवा एगसाडे, अदुवा अचेले, लाघवियं आगममाणे,
तवे से अभिसमन्नागए भवति । जमेयं भगवया पवेदितं तमेव अभिसमेच्चा, सव्वतो
सव्वत्ताए समत्तमेव समभिजाणिया ॥ ४२२ ॥ जस्स णं भिक्खुस्स एवं भवति,
पुट्ठो खलु अहमंसि, नालमहमंसि सीयफासं अहियासित्तए, से वसुमं सव्वसमण्णा-
गयपन्नाणेणं अप्पाणेणं केइ अकरणयाए आउट्टे, तवस्सिणो हु तं सेयं जमेगे विह-
माइए, तत्थवि तस्स कालपरियाए, से वि तत्थ विअंतिकारए, इच्चेतं विमोहायतणं
हियंसुहंखमंणिस्सेयसं आणुगामियं त्ति वेमि ॥४२३॥ चउत्थोहेसो समत्तो ॥

से भिक्खु दोहिं वत्थेहिं परिवुसिते, पायतइएहिं, तस्स णं णो एवं भवति, तइयं
वत्थं जाइस्सामि, से अहेसणिज्जाइं वत्थाइं जाएज्जा, जाव एवं खलु तस्स भिक्खुस्स
सामग्गियं ॥ ४२४ ॥ अह पुण एवं जाणेज्जा, उवाइक्कंते खलु हेमंते, गिम्हे
पडिवन्ने, अहा परिजुज्जाइं वत्थाइं परिट्ठवेज्जा २ अदुवा संतर्हत्तरे, अदुवा ओमचेले,
अदुवा एगसाडे, अदुवा अचेले, लाघवियं आगममाणे, तवे से अभिसमण्णागए
भवति, जहेयं भगवता पवेदितं तमेव अभिसमेच्चा सव्वतो सव्वत्ताए सम्मत्तमेव
समभिजाणिया ॥ ४२५ ॥ जस्सणं भिक्खुस्स एवं भवति, पुट्ठो अवलो अहमंसि,
नालमहमंसि गिहंतरसंकमणं भिक्खायरियं गमणाए, से चेवं वदंतस्स परो अभिहडं
असणं वा (४) आहट्टु दलएज्जा से पुव्वामेव आलोएज्जा आउसंतो गाहावती
णो खलु मे कप्पइ अभिहडं असणं वा (४) भोत्ताए वा, पायए वा, अन्ने वा एय-
प्पगारे ॥ ४२६ ॥ जस्सणं भिक्खुस्स अयं पगप्पे; अहं च खलु पडिण्णत्तो अप-
डिन्नत्तेहिं, गिलाणे अगिलाणेहिं, अभिक्खं साहम्मिएहिं, कीरमाणं वेयावडियं साइ-
जिस्सामि । अहं वा वि खलु अपडिन्नत्तो पडिण्णत्तस्स अगिलाणे गिलाणस्स,
अभिक्खं साहम्मिअस्स कुज्जा वेयावडिअं करणाए ॥ ४२७ ॥ आहट्टु परिणं
अणुक्खिस्सामि, आहडं च सातिज्जिस्सामि, (१) आहट्टु परिणं आणक्खेस्सामि,
आहडं च णो सातिज्जिस्सामि (२) आहट्टु परिणं, णो आणक्खेस्सामि, आहडं

गे संचाएमि अहियासित्तए, एवं से कप्पति कडिबंधणं धारित्तए ॥ ४३३ ॥ अदुवा
तत्थ परक्कमंतं भुज्जो अचेलं तणफासा पुसंति, सीयफासा पुसंति, तेउफासा
फुसंति, दंसमसगफासा फुसंति, एगयरे अन्नयरे विरुवरुवे फासे अहियासेति
अचेले लाघवियं आगममाणे, जाव समभिजाणिया ॥ ४३४ ॥ जस्सणं
भिक्खुस्स एवं भवति; अहं च खलु अन्नेसिं भिक्खूणं असणं वा (४) आहट्ठु
दलइस्सामि, आहडं च सातिजिस्सामि [१] जस्सणं भिक्खुस्स एवं भवति, अहं
च खलु अन्नेसिं भिक्खूणं असणं वा (४) आहट्ठु दलइस्सामि आहडं च णो
सातिजिस्सामि (२) जस्सणं भिक्खुस्स एवं भवति; अहं च खलु असणं वा (४)
आहट्ठु नो दलइस्सामि आहडं च सातिजिस्सामि (३) जस्सणं भिक्खुस्स एवं
भवति अहं च खलु अण्णेसिं भिक्खूणं असणं वा (४) आहट्ठु नो दलइस्सामि
आहडं च णो सातिजिस्सामि ॥ ४ ॥ अहं च खलु तेण अहाइरित्तेणं अहेसणिज्जेण
अहापरिग्गहिणं असणेणं वा (४) अभिकंख साहम्मियस्स कुज्जा वेयावडियं
करणाए, अहं वावि तेण अहातिरित्तेणं अहेसणिज्जेणं अहापरिग्गहिणं असणेणं वा
(४) अभिकंख साहम्मिएहिं कीरमाणं वेयावडियं सातिजिस्सामि लाघवियं आग-
ममाणे जाव सम्मत्तमेव समभिजाणिया ॥ ४३५ ॥ जस्सणं भिक्खुस्स एवं भवति
से गिलामि खलु अहं इमम्मि समये इमं सरीरं अणुपुव्वेणं परिवहित्तए, से
अणुपुव्वेणं आहारं संवट्टेज्जा, संवट्टिता कसाए पयणुए किच्चा समाहिअच्चे फलगा-
वयट्ठी उट्ठाव भिक्खू अभिणिव्वुडच्चे, अणुपविसित्ता गामं वा जाव रायहाणिं वा
तणाइं जाएज्जा, तणाइं जाएत्ता, से तमायाए एगंतमवक्कमेज्जा, अप्पंडे जाव तणाइं
संथरेज्जा, इत्थवि समए कायं च, जोगं च, इरियं च, पच्चक्खाएज्जा ॥ ४३६ ॥
तं सच्चं सच्चावादीओए तिन्ने छिन्नकहंकहे आतीतट्ठे अणातीते चेच्चाण भिउरं कायं
संविहूणिय विरुवरुवे परिसहोवसग्गे अस्सि विसंभणाए भेरवमणुच्चिन्ने तत्थवि
तस्सकालपरियाए से तत्थ विअंतिकारए इच्चेयं विमोहायतणं हियं सुहं खमं णिस्से-
यसं आणुगामियं त्ति वेमि ॥ ४३७ ॥ **सत्तमोद्देसो समत्तो ॥**

अणुपुव्वेणं विमोहाइं जाइं धीरा समासज्ज; वसुमंतो मइमंतो, सच्चं णच्चा अणेलिसं
॥ १ ॥ ४३८ ॥ दुविहंपि विदित्ताणं, जिणा घम्मस्स पारगा; अणुपुव्वीइ संखाए, कम्म-
णाउ तिउट्ठति ॥ २ ॥ ४३९ ॥ कसाए पयणु किच्चा, अप्पाहारो तितिकखए; अह भिक्खु
गिलाएज्जा, आहारस्सेव अंतियं ॥ ३ ॥ ४४० ॥ जीवियं णाभिकंखेज्जा, मरणं णोवि
पत्थए; दुहतोवि ण सज्जेज्जा, जीविते मरणे तहा ॥ ४ ॥ मज्झत्यो णिज्जरापेही, समा-

हिमणुपालए; अंतो वहिं विउस्सिज्ज, अज्जत्तयं सुद्धमंसए ॥५॥४४१॥ जं किंचुक्कं
जाणं, आजक्खेमस्स अप्पणो; तस्सेव अंतरद्वाए, खिप्पं सिक्खेज्ज पंडि
॥६॥४४२॥ गामे वा अदुवा रण्णे, थंडिलं पडिलेहिया; अप्पपाणं तु विजाय, तणां
संधरे मुणी ॥७॥४४३॥ अणाहारो तुअट्टेज्जा, पुट्ठो तत्थ हियासए; णातिवेलं उवचरे,
माणस्सेहिं विपुट्ठवं ॥८॥४४४॥ संसप्पगा य जे पाणा, जे उ उट्ठमहाचरा; भुंजेति
मंससोणितं, ण छणे ण पमज्जए ॥ ९ ॥ ४४५ ॥ पाणा देहं विहिंसंति, ठाणाओ
ण वि उब्भमे; आसवेहिं विवित्तेहिं, तिप्पमाणोऽहियासए ॥ १० ॥ गंधेहिं विवित्तेहिं,
आउकालस्स पारए ॥४४६॥ पग्गहियतरगं चेयं, दवियस्स वियाणतो ॥११॥४४७॥
अयं से अवरे धम्मे, णायपुत्तेण साहिए; आयवज्जं पढीयारं, विज्जहिज्जा तिहा
तिहा ॥ १२ ॥ ४४८ ॥ हरिएसु ण णिवज्जेज्जा, थंडिलं मुणिआ सए; विउस्सिज्ज
अणाहारो, पुट्ठो तत्थ हियासए ॥ १३ ॥ ४४९ ॥ ईदिएहिं गिलायंते, समियं
आहरे मुणी; तहावि से अगारहे, अचले जे समाहिए ॥ १४ ॥ ४५० ॥ अभिक्कमे
पडिक्कमे, संकुचए पसारए; कायसाहारणट्ठाए, इत्थं वा वि अब्बेयणे ॥१५॥४५१॥
परिक्कमे परिफिलंते, अदुवा चिट्ठे अहायते; ठाणेण परिफिलंते, णिसिड्जाय अंतसो
॥ १६ ॥ ४५२ ॥ आसीणे गेलिसं मरणं, इंदियाणि समीरए; कोलावासं समासज्ज,
वितहं पादुरेसए ॥ १७ ॥ ४५३ ॥ जओ वज्जं समुप्पज्जे, ण तत्थ अवलंबए;
ततो उक्कसे अप्पाणं, सव्वे फासे अहियासए ॥ १८ ॥ ४५४ ॥ अयं चायततरं
सिया, जो एवं अणुपालए; सव्वगायणिरोधेवि, ठाणातो णवि उब्भमे ॥१९॥४५५॥
अयं से उत्तमे धम्मे, पुव्वट्ठाणस्स पग्गहे; अचिरं पडिलेहिता, विहरे चिट्ठ माहणो
॥ २० ॥ ४५६ ॥ अचित्तं तु समासज्ज, ठावए तत्थ अप्पगं; वोसिरे सव्वसो
कार्यं, ण मे देहे परीसहा ॥ २१ ॥ ४५७ ॥ जावजीवं परीसहा, उवसग्गा इति
संखया; संतुडे देहमेयाए, इति पण्णे हियासए ॥२२॥४५८॥ भेउरेसु न रज्जेज्जा;
कामेसु बहुतरेसु वि; इच्छा लोभं ण सेवेज्जा, धुवं वणं सपेहिया ॥ २३ ॥ ४५९ ॥
सासएहिं णिमंतेज्जा, दिव्वमार्यं ण सद्देहं; तं पडिबुज्ज माहणे, सव्वं नूतं विधूणिया
॥ २४ ॥ ४६० ॥ सव्वट्ठेहिं अमुच्छिए, आजकालस्स पारए; तित्तिक्खं परमं
णच्चा, विमोहचतरं हितं ति वेमि ॥ २५ ॥ ४६१ ॥ अट्ठमोद्देसो समत्तो ॥

॥ विमोक्खणाममट्ठमज्झयणं समत्तं ॥

अहासुयं वदिस्सामि, जहा से समणे भगवं उट्ठाय; संखाय तंसि हेमंते, अहुणा पव्वइए रीयत्था ॥ ४६२ ॥ णो चेविमेण वत्थेण, पिहिंस्सामि तंसि हेमंते; से पारए आवकहाए, एवं खु अणुधम्मियं तस्स ॥ ४६३ ॥ चत्तारि साहिंए मासे, वहवे पाणजाइया आगम्म; अभिरुज्झकायं विहरिंसु, आरुहियाणं तत्थ हिंसिंसु ॥ ४६४ ॥ संवच्छरे साहियं मासं, जं ण रिक्कासि वत्थगं भगवं; अचेलए ततो चाई, तं वोसिरिज्ज वत्थमणगारे ॥ ४६५ ॥ अदु पोरिसिं तिरियंभित्तिं, चक्खुमासज्ज अंतसो ज्ञायति; अह चक्खुभीया संहिया, ते हंता वहवे कंदिंसु ॥ ४६६ ॥ सयणेहिं वितिमिस्सेहिं, इत्थीओ तत्थसे परिण्णाय; सागारियं ण सेवेइ, य इति से सयं पवेसिया ज्ञाति ॥ ४६७ ॥ जे केइ इमे अगारत्था, मीसीभावं पहाय ते ज्ञाति; पुट्ठो वि णाभिभासिंसु, गच्छति णाइवत्तइ अंजू ॥ ४६८ ॥ णो सुगरमेतमेगेसिं, णाभिभासे अभिवायमाणे; हयपुव्वो तत्थ दंडेहिं, लसियपुव्वो अप्पपुक्केहिं ॥ ४६९ ॥ फरुसाइं दुत्तितिक्खाइं, अतिअच्च मुणी परक्कमाणे; आघायणट्ठगीताइं, दंडजुज्झाइं मुट्ठिजुज्झाइं ॥ ४७० ॥ गडिंए मिहो कहासु, समयंमि णायसुए विसोगे अदक्खू; एताइं सो उरालाइं, गच्छइ णायपुत्ते असरणाए ॥ ४७१ ॥ अविसाहिंए दुवे वासे, सीतोदं अभोच्चा णिक्खंते; एगत्तगए पिहियच्चे, से अहिंन्नायदंसणे संते ॥ ४७२ ॥ पुढविं च आजक्कायं, तेउक्कायं च वाउक्कायं च; पणगाइं वीयहरियाइं, तसकायं च सव्वसो णच्चा “एयाइं संति” पडिळेहे, चित्तमंताइं से अभिन्नाय; परिवज्जिय विहरित्था, इति संखाय से महावीरे ॥ ४७३ ॥ अदु थावरा तसत्ताए, तसजीवाय थावरत्ताए; अदुवा सव्वजोणीया, सत्ता कम्मुणा कप्पिया पुढो वाला ॥ ४७४ ॥ भगवं च एवमन्नेसिं, सोवहिंए हु लुप्पती चाले; कम्मं च सव्वसो णच्चा, तं पडियाइक्खे पावगं भगवं ॥ ४७५ ॥ दुविहं समिच्च मेहावी, किरियमक्खायमणेलिसं णाणी; आयाण-सोयमतिवायसोयं जोगं च सव्वसोणच्चा ॥ ४७६ ॥ अइवत्तियं अणाउट्ठिं, सयसन्नेसिं अकरणयाए; जस्सित्थिओ परिण्णयाया, सव्वक्कम्मावहाउसे अदक्खू ॥ ४७७ ॥ अहाकडं न से सेवे, सव्वसो कम्मुणा वंधं अदक्खू; जं किंचि पावगं भगवं, तं अकुव्वं वियडं भुंजित्था ॥ ४७८ ॥ णो सेवती य परक्कयं, परपाएवि से ण भुंजित्था; परिवज्जियाण ओमणं, गच्छति संखडिं असरणाए ॥ ४७९ ॥ मायन्ने असण-पाणस्स, णाणुगिद्धे रसेसु अपडिण्णे; अच्छिपि णो पमज्जिज्जा, णोवि य कंडूयये मुणी गायं ॥ ४८० ॥ अप्पं तिरियं पेहाए, अप्पं पिट्ठोओ च पेहाए; अप्पं वुइए पडिभाणी, पंधपेही चरे जयमाणे ॥ ४८१ ॥ सिसिरंसि अद्धपडिवन्ने, तं वोसिज्ज वत्थमणगारे; पत्तारित्तु चाहं परक्कमे, णो अवलंविद्या ण खंधंमि ॥ ४८२ ॥ एस

अमणा तत्थ य विहरिंस्सु ॥ ५०२ ॥ एवं पि तत्थ विहरंता, पुट्टपुव्वा अहेसि
 उणएहिं; संलुंचमाणा सुणएहिं, दुच्चरगाणि तत्थ लाढेहिं ॥ निधाय दंडं पाणेहिं, तं
 कायं वोसिज्जमणगारे ॥ अह गामकंटए भगवं, ते अहियासए अभिसमेच्चा ॥ ५०२ ॥
 गागो संगामसीसे वा, पारए तत्थ से महावीरे ॥ ५०३ ॥ एवं पि तत्थ लाढेहिं,
 अलद्धपुव्वो वि एगदा गामे उवसंकमंतमपडिन्नं, गामंतियंमि अप्पत्तं; पडिणिक्ख-
 मित्तु ल्लसिंस्सु, एतातो परं पलेहिति ॥ ५०४ ॥ हयपुव्वो तत्थ दंडेण, अदुवा
 मुट्ठिणा, अदु कुंताइफलेणं; अदु लेलुणा कवालेणं, हंता हंता वहवे कंदिंस्सु ॥ ५०५ ॥
 मंसाणि छिन्नपुव्वाइं, उट्ठंभिया एगया कायं; परीसहाइं लुंविंस्सु, अहवा पंसुणा
 उवकरिंस्सु ॥ उच्चालइय णिहणिंस्सु, अदुवा आसणाओ खलइंस्सु; वोसट्ठकाये पणयासी,
 दुक्खसहे भगवं अपडिन्ने ॥ ५०६ ॥ सूरु संगामसीसे वा, संवुडे तत्थ से महा-
 वीरे; पडिसेवमाणे फल्साइं, अचले भगवं रीइत्था ॥ ५०७ ॥ एस विही अणुक्कंतो,
 माहणेण मईमया; बहुसो अपडिन्नेणं, भगवया एवं रीयंति, त्ति वेमि ॥ ५०८ ॥
 तइओदेसो समत्तो ॥

ओमोदरियं चाएति, अपुट्ठेवि भगवं रोगेहिं; पुट्ठो वा से अपुट्ठो वा, णो से साति-
 ज्जाति तेइच्छं ॥ ५०९ ॥ संसोहणं च वमणं च, गायव्भंगणं च सिणाणं च; संवा
 हणं ण से कप्पे, दंतपक्खालणं परिण्णाए ॥ ५१० ॥ विरए य गामधम्मोहिं, रीयति
 माहणो अवहुवाई ॥ ५११ ॥ सिसिरंमि एगदा भगवं, छायाए झाइं आसीया ॥
 आयावई य गिम्हाणं, अच्छति उक्कुडुए अभित्तावे ॥ ५१२ ॥ अदु जावइत्थ
 लहेणं, ओयणमंथुकुम्मासेणं ॥ एयाणि तिन्नि पडिसेवे, अट्ठमासे य जावयं भगवं
 ॥ ५१३ ॥ अवि इत्थ एगया भगवं, अद्धमासं अदुवा मासंपि ॥ अविसाहिए
 दुवे मासे, छप्पिमासे अदुवा विहरित्था ॥ रायोवरायं अपडिन्ने, अन्नगिलायमेगया
 भुंजे; छट्ठेण एगया भुंजे, अदुवा अट्ठमेणं दसमेणं; दुवालसमेण एगया भुंजे, पेह-
 माणे समाहिं अपडिन्ने ॥ ५१४ ॥ णच्चा णं से महावीरे, णोवि य पावगं सयमकासी ॥
 अन्नेहिं वा ण कारित्था, कीरंतंपि णाणुजाणित्था ॥ ५१५ ॥ गामं पविस्स णयरं
 वा, घासमेसे कडं परट्ठाए; सुविसुद्धमेसिया भगवं, आयतजोगयाए सेवित्था
 ॥ ५१६ ॥ अदु वायसा दिगिच्छित्ता, जे अन्ने रसेसिणो सत्ता; घासेसणाए चिट्ठंति,
 सययं णिवत्तिए य पेहाए ॥ ५१७ ॥ अदु माहणं व समणं वा, गामपिंडोलगं च
 अतिहिं वा; सोवागं मूसियारं वा कुक्कुरं वा विट्ठितं पुरतो ॥ वित्तिच्छेदं वजंतो,
 तेसिमप्पत्तियं परिहरंतो; मंदं परक्कमे भगवं, अहिंसमाणो घासमेसित्था ॥ ५१८ ॥
 अविसुद्धं वा सुक्कं वा, सीयपिटं पुराणकुम्मासं; अदु बुक्कसं पुलागं वा, लद्धे पिंटे

णमो त्थु णं समणस्स भगवओ णायपुत्त-महावीरस्स

विइये सुयक्खंधे

से भिक्खू वा, भिक्खुणी वा, गाहावइकुलं पिंडवायपडियाए अणुपविट्ठे समाणे,
 से जं पुणजाणेज्जा असणं वा पाणं वा खाइमं वा साइमं वा पाणेहिं वा पणएहिं वा
 वीएहिं वा, हरिएहिं वा, संसत्तं उम्मिस्सं सीओदएणं वा ओसित्तं, रयसा वा परिघा-
 सियं, तहप्पगारं असणं वा पाणं वा खाइमं वा साइमं वा, परहत्थंसि वा परपायंसि
 वा, अफासुयं अणेसणिज्जंति मण्णमाणे लामेवि संते णो पडिगाहेज्जा ॥ ५२३ ॥ से
 य आहच्च पडिग्गहिए सिया से तं आयाय एगंतमवक्कमेज्जा, एगंतमवक्कमिता अहे
 आरामंसि वा अहे उवस्सयंसि वा, अप्पंडे-अप्पपाणे-अप्पवीए, अप्पहरिए, अप्पोसे,
 अप्पोदए, अप्पुत्तिंग-पणग-दग-मट्ठियमक्कडासंताणए विगिंचिय विगिंचिय उम्मीसं
 विसोहिंय विसोहिंय तओ संजयामेव भुंजिज्ज वा, पीइज्ज वा, जं च णो संचाइज्जा
 भोत्तए वा पायए वा, से तमायाय एगंतमवक्कमिज्जा, एगंतमवक्कमिता, अहे
 ज्झामयंडिलंसि वा, किट्ठरासिसि वा, तुसरसिसि वा, सुक्कगोमयरसिसि वा अण्ण-
 यरंसि वा तहप्पगारंसि थंडिलंसि पडिलेहिंय २ पमजिय २ तओ संजयामेव परि-
 ण्विज्जा ॥ ५२४ ॥ से भिक्खू वा, भिक्खुणी वा, गाहावइकुलं पिंडवायपडियाए
 अणुपविट्ठे समाणे, से जाओ पुण ओसहीओ जाणेज्जा कसिणाओ सासिआओ अवि-
 दलकडाओ अतिरिच्छछिन्नाओ, अव्वोच्छिन्नाओ तरुणियं वा छिवाडिं अणभिकंत-
 भजियं पेहाए, अफासुयं अणेसणिज्जंति मण्णमाणे लामे संते णो पडिगाहिज्जा
 ॥ ५२५ ॥ से भिक्खू वा, भिक्खुणी वा, जाव. पविट्ठे समाणे से जाओ पुण
 ओसहीओ जाणेज्जा, अकसिणाओ असासियाओ, विदलकडाओ, तिरिच्छछिन्नाओ,
 वोच्छिन्नाओ, तरुणिअं वा छिवाडिं अभिकंतं भजियं पेहाए फासुयं एसणिज्जंति
 मण्णमाणे लामे संते पडिगाहेज्जा ॥ ५२६ ॥ से भिक्खू वा भिक्खुणी वा जाव
 पविट्ठे समाणे से जं पुण जाणेज्जा, पिहुयं वा वहुरयं वा, भुजियं वा, मंथुं वा,
 चाउलं वा, चाउलपलंवं वा, सइं संभजियं, अफासुयं अणेसणिज्जं मण्णमाणे लामे
 संते णो पडिगाहिज्जा ॥ ५२७ ॥ से भिक्खू वा, भिक्खुणी वा, जाव पविट्ठे समाणे
 से जं पुण जाणेज्जा, पिहुयं वा जाव चाउलपलंवं वा असइं भजियं दुक्खुत्तो वा
 भजियं तिक्खुत्तो वा भजियं फासुयं एसणिज्जं जाव लामे संते पडिगाहिज्जा ॥ ५२८ ॥
 से भिक्खु वा भिक्खुणी वा, गाहावइकुलं जाव पविसिउकामे णो अन्नउत्थिएण वा
 गारत्थिएण वा परिहारिओ वा अपरिहारिएणं सद्धिं गाहावइकुलं पिंडवायपडियाए
 ३ सुत्ता०

से भिक्खु वा भिक्खुणी वा गाहावइकुलं पिंडवायपडियाए अणुपविट्ठे समाणे से जं पुण जाणेज्जा, असणं वा (४) अट्ठमिपोसहिएसु वा, अद्धमासिएसु वा, मासिएसु वा, दोमासिएसु वा, तिमासिएसु वा, चाउमासिएसु वा, पंचमासिएसु वा, छमासिएसु वा, उऊसु वा, उऊसंधीसु वा, उउपरियट्ठेसु वा, वहवे समणमाहणअतिहिकिवणवणीमगे एगाओ उक्खाओ परिएसिज्जमाणे पेहाए, दोहिं उक्खाहिं परिएसिज्जमाणे पेहाए, तिहिं उक्खाहिं परिएसिज्जमाणे पेहाए, चउहिं उक्खाहिं परिएसिज्जमाणे पेहाए, कुंभीमुहाओ वा कलोवाइओ वा, संणिहिसंणिचयाओ वा परिएसिज्जमाणे पेहाए तहप्पगारं असणं (४) अपुरिसंतरकडं जाव अणासेवियं अफासुयं अणेसणिज्जं णो पडिगाहिज्जा ॥ ५४० ॥ अह पुण एवं जाणिज्जा पुरिसंतरकडं जाव आसेवियं फासुयं जाव पडिगाहिज्जा ॥ ५४१ ॥ से भिक्खु वा (२) जाव पविट्ठे समाणे जाइं पुण कुलाइं जाणिज्जा; तंजहा-उग्गकुलाणि वा भोगकुलाणि वा, राइण्णकुलाणि वा, खत्तियकुलाणि वा, इक्खागकुलाणि वा, हरिवंसकुलाणि वा, एसियकुलाणि वा, वेसियकुलाणि वा, गंडागकुलाणि वा, कोट्टागकुलाणि वा, गामरक्खकुलाणि वा, वोक्कसालियकुलाणि वा, अण्णयरेसु वा तहप्पगारेसु कुलेसु अदुगुंछिएसु अगरहिएसु वा, असणं वा (४) फासुयं एसणिज्जं जाव पडिगाहिज्जा ॥ ५४२ ॥ से भिक्खु वा (२) गाहावइकुलं पिंडवायपडियाए अणुपविट्ठे समाणे से जं पुण जाणेज्जा असणं वा (४) समवाएसु वा, पिंडणियरेसु वा, इंदमहेसु वा, खंदमहेसु वा, रुद्धमहेसु वा, सुगुंदमहेसु वा, भूयमहेसु वा, जक्खमहेसु वा, णागमहेसु वा, थूभमहेसु वा, रक्खमहेसु वा, गिरिमहेसु वा, दरिमहेसु वा, अगडमहेसु वा, तडागमहेसु वा, दहमहेसु वा, णईमहेसु वा, सरमहेसु वा, सागरमहेसु वा, आगरमहेसु वा, अण्णयरेसु वा तहप्पगारेसु विरुवरुवेसु महामहेसु वट्टमाणेसु, वहवे समणमाहणअतिहिकिवणवणीमए एगाओ उक्खाओ परिएसिज्जमाणे पेहाए, दोहिं जाव संणिहिसंणिचयाओ वा परिएसिज्जमाणे पेहाए तहप्पगारं असणं वा (४) अपुरिसंतरकडं जाव णो पडिगाहिज्जा ॥ ५४३ ॥ अह पुण एवं जाणिज्जा, दिण्णं जं तेसिं दायव्वं, अह तत्थ भुंजमाणे पेहाए गाहावइभारियं वा, गाहावइभगिणिं वा, गाहावइपुत्तं वा, गाहावइधूयं वा, सुण्हं वा, धाई वा, दासं वा, दासिं वा, कम्मकरं वा, कम्मकरिं वा, से पुव्वामेव आलोएज्जा, आउसि ति वा भगिणित्ति वा, दाहिसि मे इत्तो अन्नयरं भोयणजायं? से सेवं वयंतस्स परो असणं वा (४) आहट्ठु दलएज्जा तहप्पगारं असणं वा (४) सयं वा पुण जाएज्जा, परो वा से देज्जा, फासुयं जाव पडिगाहिज्जा ॥ ५४४ ॥ से भिक्खु वा (२) परं अद्धजोयणमेराए

हिता आहारं आहारेत्तए, माइट्ठणं संफासे णो एवं करिज्जा, से तत्थ कालेण अणुप-
 विसित्ता तत्थेयरेयरेहिं कुलेहिं सामुदाणियं एसियं वेसियं पिंडवायं पडिगाहिता आहारं
 आहारिज्जा ॥ ५५२ ॥ से भिक्खू वा (२) से जं पुण जाणेज्जा गामं वा जाव
 रायहाणि वा, इमंसि खलु गामंसि वा जाव रायहाणिसि वा संखडि सिया तंपि य
 गामं वा जाव रायहाणि वा संखडिं संखडिपडियाए णो अभिसंधारेज्जा गमणाए,
 केवली वूया आयाणमेयं ॥ ५५३ ॥ आइण्णा अवमा णं संखडिं अणुपविस्समाणस्स
 पाएण वा पाए अकंतपुण्वे भवइ, हत्थेण वा हत्थे संचालियपुण्वे भवइ, पाएण वा
 पाए आवडियपुण्वे भवइ, सीसेण वा सीसे संचडियपुण्वे भवइ, काएण वा काए
 संखोभियपुण्वे भवइ, दंडेण वा मुट्ठिणा वा लेलुणा वा कवालेण वा अभिहयपुण्वे वा
 भवइ, सीओदएण वा उस्सित्तपुण्वे भवइ, रयसा वा परिधासियपुण्वे भवइ, अणेस-
 णिज्जेण वा परिभुत्तपुण्वे भवइ, अण्णेसिं वा दिज्जमाणे पडिगाहियपुण्वे भवइ, तम्हा
 से संजए णिगंधे तहप्पगारं आइण्णाऽवमा णं संखडिं संखडिपडियाए नो अभिसं-
 धारिज्जा गमणाए ॥ ५५४ ॥ से भिक्खू वा (२) गाहावइकुलं पिंडवायपडियाए
 पविट्ठे समाणे से जं पुण जाणेज्जा, असणं वा (४) एसणिज्जं सिया अणेसणिज्जं सिया
 वित्तिगिच्छसमावणेणं अप्पाणेणं असमाहडाए लेस्ताए तहप्पगारं असणं वा (४)
 लामे संते णो पडिगाहिज्जा ॥ ५५५ ॥ से भिक्खू वा (२) गाहावइकुलं पविसिज्जु
 कामे सव्वं भंडगमायाय गाहावइकुलं पिंडवायपडियाए पविसिज्ज वा णिक्खमिज्ज
 वा ॥ ५५६ ॥ से भिक्खू वा (२) वहिया वियारभूमिं वा विहारभूमिं वा णिक्ख-
 ममाणे पविसमाणे वा सव्वं भंडगमायाए वहिया वियारभूमिं वा विहारभूमिं वा
 णिक्खमिज्ज वा पविसिज्ज वा ॥ ५५७ ॥ से भिक्खू वा (२) गामाणुगामं दूइज्ज-
 माणे सव्वं भंडगमायाए गामाणुगामं दूइज्जिज्जा ॥ ५५८ ॥ से भिक्खू वा (२)
 अह पुण एवं जाणिज्जा तिक्खदेसियं वासं वासेमाणं पेहाए, तिक्खदेसियं महियं
 सण्णियमाणं पेहाए महावाएण वा रयं समुद्धुयं पेहाए तिरिच्छसंपाइमा वा तसा
 पाणा संथडा सण्णियमाणा पेहाए, से एवं णच्चा णो सव्वं भंडगमायाय गाहावइ-
 कुलं पिंडवायपडियाए पविसिज्ज वा णिक्खमिज्ज वा वहिया वियारभूमिं वा विहार-
 भूमिं वा पविसिज्ज वा णिक्खमिज्ज वा गामाणुगामं दूइज्जिज्जा ॥ ५५९ ॥ से भिक्खू
 वा (२) से जाइं पुण कुलाइं जाणिज्जा, तंजहा-खत्तियाण वा, राइण वा, कुराइण
 वा, रायपेसियाण वा, रायवंसट्ठियाण वा अंतो वा वहिं वा सण्णिविट्ठाण वा, गच्छंताण
 वा णिमंतेमाणाण वा अणिमंतेमाणाण वा असणं वा (४) लामे संते णो पडिगा-
 हिज्जा त्ति वेमि ॥ ५६० ॥ तइओदेसो समत्तो ॥

वेसियं पिंडवायं पडिगाहिता आहारं आहारिजा ॥ ५६६ ॥ एयं खलु तस्स भिक्खुस्स वा भिक्खुणीए वा सामग्गियं ॥ ५६६ ॥ चउत्थोद्देशो समत्तो ॥

से भिक्खू वा (२) जाव पविट्ठे समाणे से जं पुण जाणिज्जा, अग्गपिंडं उक्खिप्पमाणं पेहाए, अग्गपिंडं णिक्खिप्पमाणं पेहाए अग्गपिंडं हीरमाणं पेहाए, अग्गपिंडं परिभाइज्जमाणं पेहाए, परिभुंजमाणं पेहाए, अग्गपिंडं परिट्ठविज्जमाणं पेहाए, पुरा असिणाइ वा, अवहाराइ वा पुरा जत्थेने समणमाहणअतिहिक्किवण-
चणीमगा खद्धं खद्धं उवसंक्रमंति, से हंता अहमवि खद्धं २ उवसंक्रमामि, माइठ्ठाणं संकासे णो एवं करिजा ॥ ५६७ ॥ से भिक्खू वा, (२) जाव पविट्ठे समाणे अंतरा से वप्पाणि वा, फलिहाणि वा, पागाराणि वा, तोरणाणि वा, अग्गलाणि वा, अग्गलपांसगाणि वा सइ परक्कमे संजयामेव परक्कमिज्जा, णो उज्जुयं गच्छिज्जा, केवली बूया आयाणमेयं ॥ ५६८ ॥ से तत्थं परक्कममाणे पयल्लिज वा, पक्ख-
लेज वा पवडिज वा, से तत्थं पयलेमाणे वा पक्खलेजमाणे पवडमाणे वा, तत्थं से काये उच्चारणे वा पासवणेण वा खेलेण वा सिंघाणेण वा, वंतेण वा पित्तेण वा, पूएण वा, सुक्केण वा, सोणिएण वा, उवलित्ते सिया, तहप्पगारं कार्यं णो अणंतरहि-
याए पुढवीए णो ससिणिद्धाए पुढवीए, णो ससरक्खाए पुढवीए, णो चित्तमंताए सिलाए, णो चित्तमंताए लेल्लए, कोलावासंसि वा, दारुए जीवपइट्ठिए सअंडे सपाणे जाव ससंताणए, णो आमज्जिज वा पमज्जिज वा, संलिहिज वा, विलिहिज वा, उव्व-
लिज वा, उवट्ठिज वा, आयाविज वा, पयाविज वा, से पुव्वामेव अप्पससरक्खं तणं वा, पत्तं वा, कट्ठं वा, सक्करं वा, जाइज्जा, जाइत्ता सेतमायाय एणंतमवक्कमिज्जा, २ अहे ज्ञामथंडिलंसि वा, जाव अण्णयरंसि वा, तहप्पगारंसि पडिलेहिय २ पमज्जिय २ तओ संजयामेव आमज्जिज वा जाव पयाविज वा ॥ ५६९ ॥ से भिक्खू वा (२) जाव पविट्ठे समाणे से जं पुण जाणेज्जा गोंगं वियालं पडिपहे पेहाए, महिसं वियालं पडिपहे पेहाए एवं मणुस्सं आसं हत्थिं सीहं वग्घं विगं वीविं अच्छं तरच्छं परिसरं सियालं विरालं सुणयं कोलसुणयं कोकंतिं चित्ताचेल्लयं वियालं पडिपहे पेहाए सइपरक्कमे संजयामेव परक्कमेज्जा णो उज्जुयं गच्छेज्जा ॥ ५७० ॥ से भिक्खू वा (२) जाव समाणे अंतरा से ओवाओ वा, खाणू वा, कंटए वा, घसी वा, भिल्ला वा, विसमे वा, विज्जले वा, परियावज्जिजा, सति परक्कमे संजयामेव परक्कमेज्जा णो उज्जुयं गच्छिज्जा ॥ ५७१ ॥ से भिक्खू वा (२) गाहावइकुलस्स दुवार-
वाहं कंटकयोंदियाए परिपिहियं पेहाए तेसिं पुव्वामेव उगगहं अणणुजविद्य अपडि-
लेहिय अपमज्जिय णो अवंगुणिज वा, पविसिज वा णिक्खमिज वा, तेसिं पुव्वामेव

वेठ्ठिज्जा, नो गाहावइकुलस्स चंदणिउयए चिठ्ठेज्जा, णो० सिणाणस्स वा वच्चस्स वा लोए सपडिदुवारं चिठ्ठिज्जा णो गाहावइकुलस्स आलोयं वा थिग्गलं वा संधि वा गभवणं वा बाहाउ पणिज्झिय २ अंगुलियाए वा उद्दिसिय २ उण्णमिय २ अवन्-
मेय २ णिज्झाइज्जा, णो गाहावइ अंगुलियाए उद्दिसिय २ जाइज्जा, णो गाहावइ अंगुलियाए चालिय २ जाएज्जा, णो गाहावइ अंगुलियाए तज्जिय २ जाएज्जा, णो गाहावइ अंगुलियाए उक्खुलंपिय २ जाएज्जा, णो गाहावइ वंदिय २ जाएज्जा, णो वयणं फरुसं वइज्जा ॥ ५८० ॥ अह तत्थ कंचि भुंजमाणं पेहाए, तंजहा-गाहावइ वा जाव कम्मकरिं वा से पुव्वामेव आलोइज्जा, “आउसो त्ति वा, भइणि त्ति वा दाहिसि मे एत्तो अन्नयं भोयणजायं” से एवं वयंतस्स परो हत्थं वा मत्तं वा दव्वि वा भायणं वा सीओदगवियडेण वा, उस्सिणोदगवियडेण वा, उच्छोलेज्ज वा, पहोएज्ज वा, से पुव्वामेव आलोएज्जा “आउसो त्ति, वा भइणित्ति वा, मा एयं तुमं हत्थं वा, मत्तं वा, दव्वि वा, भायणं वा, सीओदगवियडेण वा उस्सिणोदगवियडेण वा, उच्छोलेहि वा पहोवेहि वा, अभिक्खसि मे दाउं एमेव दलयाहि” से सेवं वयंतस्स परो हत्थं वा (४) सीओदगवियडेण वा २ उच्छोलेत्ता पहोइत्ता आहट्ठु दलएज्जां तहप्पगारेण पुरे कम्मएणं हत्थेण वा (४) असणं वा (४) अफासुयं अणेस-
णिज्जं जाव णो पडिगाहिज्जा, अह पुण एवं जाणिज्जा णो पुरेकम्मएणं उदउल्लेणं तहप्पगारेण वा सत्तिणिद्धेण वा हत्थेण वा (४) असणं वा (४) अफासुयं जाव णो पडिगाहिज्जा अह पुण एवं जाणेज्जा णो उदउल्लेणं सत्तिणिद्धेणं सेसं तं चेव, एवं ससरक्खे, मट्ठिया, ऊसे हरियाले, हिंगुलए, मणोसिला, अंजणे, लोणे, गेरुय, वन्निय, सेडिय, सोरट्ठिय पिट्ठ कुक्कस उक्कुट्ठ संसट्ठेणं ॥ ५८१ ॥ अह पुण एवं जाणिज्जा, णो असंसट्ठे, संसट्ठे तहप्पगारेण संसट्ठेण हत्थेण वा (४) असणं वा (४) फासुयं जाव पडिगाहिज्जा ॥ ५८२ ॥ से भिक्खु वा (२) से जं पुण जाणेज्जा पिहुयं वा बहुरयं वा जाव चाउलपलवं वा, असंजए भिक्खुपडियाए चित्तमंताए सिलाए जाव मक्काडासंताणाए कुट्टिसु वा, कुट्टित्ति वा, कुट्टिस्संति वा, उप्फगिसु वा (३) तहप्पगारं पिहुयं वा, जाव चाउलपलवं वा, अफासुयं जाव णो पडिगाहिज्जा ॥ ५८३ ॥ से भिक्खु वा (२) जाव समाणे से जं पुण जाणिज्जा विलं वा लोणं उब्भियं वा लोणं असंजए भिक्खुपडियाए चित्तमंताए सिलाए जाव संताणाए भिंदिसु वा, भिंदित्ति वा, भिदिस्संति वा, रुच्चिसु वा (३) विलं वा लोणं उब्भियं वा लोणं अफासुयं जाव णो पडिगाहिज्जा ॥ ५८४ ॥ से भिक्खु वा जाव समाणे से जं पुण जाणेज्जा असणं वा (४) अगणिगिक्खित्तं तहप्पगारं

४) आउंकायपइठियं चैव एवं अगणिकायपइठियं लामे संते णो पडिगाहिज्जा, वलीवूया' "आयाणमेयं" असंजए भिक्खुपडियाए अंगणिं उस्सक्कियं २ णिस-
 ५ २ ओहरिय २ आहट्ट, दलएज्जा अह भिक्खूणं पुव्वोवदिट्ठा जाव णो पडिगा-
 ज्जा ॥ ५९१ ॥ से भिक्खू वा (२) जाव पविट्ठे समाणे से जं पुण जाणिज्जा,
 सणं वा (४) अञ्चुसिणं असंजए भिक्खुपडियाए, सुप्पेण वा, विहुयणेण वा,
 लियंटेण वा, पत्तेण वा, साहाए वा, साहाभंगेण वा, पिहुणेण वा, पिहुणहत्थेण
 १, चेलेण वा, चेलकन्नेण वा, हत्थेण वा, मुहेण वा, फुमिज्ज वा, वीएज्ज वा,
 १ पुव्वामेव आलोएज्जा "आउसो त्ति वा, भगिणि त्ति वा, मा एयं तुमं, असणं
 १, (४) अञ्चुसिणं सुप्पेण वा जाव फुमाहि वा, वीयाहि वा, अभिकंखसि मे दाउं
 १ मेव दलयाहि" से सेवं वयंतस्स परो सुप्पेण वा जाव वीइत्ता आहट्ट दलएज्जा,
 तहप्पगारं असणं वा (४) अफासुयं जाव णो पडिगाहिज्जा ॥ ५९२ ॥ से भिक्खू
 १ (२) जाव समाणे से जं पुण जाणेज्जा, असणं वा (४) वणस्सइकायपइठियं
 तहप्पगारं असणं वा (४) वणस्सइकायपइठियं अफासुयं अणेसणिज्जं लामे संते
 णो पडिगाहिज्जा, एवं तसकाएवि ॥ ५९३ ॥ से भिक्खू वा (२) जाव पविट्ठे
 समाणे से जं पुण पाणगजायं जाणेज्जा, तंजहा-उस्सेइमं वा, संसेइमं वा, चाउलोदगं
 वा, अण्णयरं वा तहप्पगारं पाणगजायं, अहुणाधोयं, अणंबिलं, अवोक्कंतं, अपरिणयं
 अविद्धत्थं, अफासुयं, अणेसणिज्जं, मण्णमाणे णो पडिगाहिज्जा ॥ ५९४ ॥ अह पुण
 एवं जाणिज्जा, चिराधोयं, अंबिलं, वुक्कंतं, परिणयं, विद्धत्थं, फासुयं जाव पडिगा-
 हिज्जा ॥ ५९५ ॥ से भिक्खू वा, (२) जाव पविट्ठे समाणे से जं पुण पाणगजायं
 जाणेज्जा, तंजहा-तिलोदगं वा, तुसोदगं वा, जवोदगं वा, आयामं वा, सोवीरं वा,
 सुद्धवियडं वा, अण्णयरं वा तहप्पगारं पाणगजायं पुव्वामेव आलोएज्जा "आउसो
 त्ति वा, भगिणित्ति वा, दाहिसि मे एत्तो अन्नयरं पाणगजायं?" से सेवं वयंतं परो
 वएज्जा "आउसंतो समणा, तुमं चेवेदं पाणगजायं पडिग्गहेण वा उस्सिच्चियाणं २
 ओयत्तियाणं गिण्हाहि" तहप्पगारं पाणगजायं सयं वा गिणिहज्जा, परो वा से दिज्जा,
 फासुयं लामे संते पडिगाहिज्जा ॥ ५९६ ॥ से भिक्खू वा (२) से जं पुण पाणगं
 जाणेज्जा अणंतरहियाए पुढवीए जाव संताणए ओहट्टु निक्खित्ते सिया असंजए
 भिक्खुपडियाए, उदउल्लेण वा, ससिणिद्धेण वा, सकसाएण वा, मत्तेण वा सीओद-
 एण वा, संभोएत्ता आहट्ट दलएज्जा तहप्पगारं पाणगजायं अफासुयं लामे संते णो
 पडिगाहिज्जा ॥ ५९७ ॥ एयं खलु तस्स भिक्खुस्स भिक्खुणीए वा सामग्गियं
 ॥ ५९८ ॥ सत्तमोहेसो समत्तो ॥

, पूषिणागं वा, सपिं वा, पेजं वा लेज्जं वा खाइमं वा साइमं वा, पुराणं
 थ पाणा, अणुप्पसूया, एत्थ पाणा संवुद्धा, एत्थ पाणा जाया, एत्थ पाणा अवुक्कंता,
 थ पाणा अपरिणया, एत्थ पाणा अविद्धत्था, णो पडिगाहिज्जा ॥ ६०७ ॥ से भिक्खू
 १, (२) जाव समाणे से जं पुण जाणिज्जा, उच्छुमेरगं वा अंककरेलुयं वा, कसेरुगं
 १, सिंघाडगं वा, पूतीआलुगं वा, अन्नयरं वा तहप्पगारं आमगं असत्थपरिणयं
 ॥ ६०८ ॥ से भिक्खू वा (२) से जं पुण जाणिज्जा, उप्पलं
 १, उप्पलं नालं वा, भिसं वा, भिसमुणालं वा, पोक्खलं वा, पोक्खलविभंगं वा,
 ण्णतरं वा तहप्पगारं, जाव णो पडिगाहिज्जा ॥ ६०९ ॥ से भिक्खू वा, (२) जाव
 समाणे, से जं पुण जाणिज्जा, अग्गवीयाणि वा, मूलवीयाणि वा, खंधवीयाणि वा,
 पोरवीयाणि वा, अग्गजायाणि वा, मूलजायाणि वा, खंधजायाणि वा, पोरजायाणि
 ॥ ६१० ॥ से भिक्खू वा (२) जाव समाणे से जं पुण जाणिज्जा, उच्छुं
 वा, काणगं, अंगारियं संमिस्सं, विगदूसियं, वेत्तगं वा, कंदलीऊसयं वा, अण्णयरं
 वा, तहप्पगारं आमं असत्थ परिणयं जाव णो पडिगाहिज्जा ॥ ६११ ॥ से भिक्खू
 वा (२) जाव समाणे से जं पुण जाणिज्जा, लसुणं वा, लसुणपत्तं वा, लसुणनालं
 वा, लसुणकंदं वा, लसुणचोयं वा, अण्णयरं वा तहप्पगारं कंदजायं णो पडिगा-
 हिज्जा ॥ ६१२ ॥ से भिक्खू वा (२) जाव समाणे से जं पुण जाणिज्जा, अंच्छिअं
 वा, कुंभिपक्कं, तिंदुगं वा, टिंवलयं वा, विलुयं वा, पलगं वा, कासवणालियं वा, अण्ण-
 तरं वा आमं असत्थपरिणयं जाव णो पडिगाहिज्जा ॥ ६१३ ॥ से भिक्खू वा, (२)
 जाव समाणे से जं पुण जाणिज्जा, कणं वा कणकुंडगं वा, कणपूयलियं वा, चाउलं
 वा, चाउलपिट्ठं वा, तिलं वा, तिलपिट्ठं वा, तिलप्पडगं वा, अन्नतरं वा, तहप्प-
 गारं आमं असत्थपरिणयं जाव लाभे संते णो पडिगाहिज्जा ॥ ६१४ ॥ एस खलु
 तस्स भिक्खुस्स भिक्खुणीए वा सामग्गियं ॥ ६१५ ॥ अट्ठमोहेसो समत्तो ॥

इह खलु पाईणं वा, पडीणं वा, दाहिणं वा, उदीणं वा, संतेगइया सद्धा भवंति,
 गाहावइ वा जाव कम्मकरी वा; तेसिं च णं एवं वुत्तपुव्वं भवइ जे इमे भवंति
 समणा, भगवंतो, सीलमंता, वयमंता, गुणमंता, संजया, संवुद्धा, वंमचारी, उवरया
 मेहुणाओ धम्माओ, णो खलु एएसिं कप्पइ आहाकम्मिए असणं वा (४) भोइत्तए
 वा पाइत्तए वा; से जं पुण इमं अम्हं अप्पणो अट्ठाए णिट्ठियं, तंजहा-असणं वा
 (४) सव्वमेयं समणाणं णिसिरामो, अवियाइं वय पच्छा अप्पणो अट्ठाए असणं

, पूहपिण्णागं वा, सप्पि वा, पेज्जं वा लेज्जं वा खाइमं वा साइमं वा, पुराणं
 थ पाणा, अणुप्पसूया, एत्थ पाणा संवुह्वा, एत्थ पाणा जाया, एत्थ पाणा अवुक्कंता,
 थ पाणा अपरिणया, एत्थ पाणा अविद्धत्था, णो पडिगाहिज्जा ॥ ६०७ ॥ से भिक्खू
 ; (२) जाव समाणे से जं पुण जाणिज्जा, उच्छुमेरगं वा अंककरेलुयं वा, कसेरुगं
 ; सिंघाडगं वा, पूतिआलुगं वा, अन्नयरं वा तहप्पगारं आमं असत्थपरिणयं
 वा णो पडिगाहिज्जा ॥ ६०८ ॥ से भिक्खू वा (२) से जं पुण जाणिज्जा, उप्पलं
 वा, उप्पलं नालं वा, भिसं वा, भिसमुणालं वा, पोक्खलं वा, पोक्खलविभंगं वा,
 ण्णतरं वा तहप्पगारं, जाव णो पडिगाहिज्जा ॥ ६०९ ॥ से भिक्खू वा, (२) जाव
 समाणे, से जं पुण जाणिज्जा, अग्गवीयाणि वा, मूलवीयाणि वा, खंधवीयाणि वा,
 रेववीयाणि वा, अग्गजायाणि वा, मूलजायाणि वा, खंधजायाणि वा, पोरजायाणि
 वा, णण्णत्थ तक्कलिमत्थएण वा, तक्कलिसीसेण वा, णालिएरमत्थएण वा, खजूरमत्थ-
 एण वा, तालमत्थएण वा, अन्नयरं वा तहप्पगारं आमं असत्थपरिणयं जाव णो पडि-
 गाहिज्जा ॥ ६१० ॥ से भिक्खू वा (२) जाव समाणे से जं पुण जाणिज्जा, उच्छुं
 वा, काणगं, अंगारियं संमिस्सं, विगदूसियं, चेतगं वा, कंदलीऊसयं वा, अण्णयरं
 वा, तहप्पगारं आमं असत्थ परिणयं जाव णो पडिगाहिज्जा ॥ ६११ ॥ से भिक्खू
 वा (२) जाव समाणे से जं पुण जाणिज्जा, लसुणं वा, लसुणपत्तं वा, लसुणनालं
 वा, लसुणकंदं वा, लसुणचोयं वा, अण्णयरं वा तहप्पगारं कंदजायं णो पडिगा-
 हिज्जा ॥ ६१२ ॥ से भिक्खू वा (२) जाव समाणे से जं पुण जाणिज्जा, अंच्छिअं
 वा, कुंभिपक्कं, तिंदुगं वा, टिंवस्यं वा, विलुयं वा, पलगं वा, कासवणालियं वा, अण्ण-
 तरं वा आमं असत्थपरिणयं जाव णो पडिगाहिज्जा ॥ ६१३ ॥ से भिक्खू वा, (२)
 जाव समाणे से जं पुण जाणिज्जा, कणं वा कणकुंडगं वा, कणपूयलियं वा, चाउलं
 वा, चाउलपिट्ठं वा, तिलं वा, तिलपिट्ठं वा, तिलपप्पडगं वा, अन्नतरं वा, तहप्प-
 गारं आमं असत्थपरिणयं जाव लामे संते णो पडिगाहिज्जा ॥ ६१४ ॥ एस खलु
 तस्स भिक्खुस्स भिक्खुणीए वा सामग्गियं ॥ ६१५ ॥ अट्ठमोद्देशो समत्तो ॥

इह खलु पाईणं वा, पढीणं वा, दाहिणं वा, उदीणं वा, संतेगइया सद्धा भवंति,
 गाहावइ वा जाव कम्मकरी वा; तेसिं च णं एवं वुत्तपुव्वं भवइ जे इमे भवंति
 समणा, भगवंतो, सीलमंता, वयमंता, गुणमंता, संजया, संवुडा, वंभचारी, उवरया
 मेहुणाओ धम्माओ, णो खलु एएसिं कप्पइ आहाकम्मिए असणं वा (४) भोइत्तए
 वा पाइत्तए वा; से जं पुण इमं अम्हं अप्पणो अट्ठाए णिट्ठियं, तंजहा-असणं वा
 (४) सव्वमेयं समणाणं णिसिरामो, अवियाइ वय पच्छा अप्पणो अट्ठाए असणं

वा, पूइपिण्णागं वा, सप्पिं वा, पेज्जं वा लेज्जं वा खाइमं वा साइमं वा, पुराणं
 एत्थ पाणा, अणुप्पसूया, एत्थ पाणा संवुद्धा, एत्थ पाणा जाया, एत्थ पाणा अवुक्कंता,
 एत्थ पाणा अपरिणया, एत्थ पाणा अविद्धत्था, णो पडिगाहिज्जा ॥ ६०७ ॥ से भिक्खू
 वा, (२) जाव समाणे से जं पुण जाणिज्जा, उच्छुमेरगं वा अंककरोलुयं वा, कसेरुगं
 वा, सिंग्वाडगं वा, पूत्तिआलुगं वा, अन्नयरं वा तहप्पगारं आमं असत्थपरिणयं
 जाव णो पडिगाहिज्जा ॥ ६०८ ॥ से भिक्खू वा (२) से जं पुण जाणिज्जा, उप्पलं
 वा, उप्पलं नालं वा, भिसं वा, भिसमुणालं वा, पोक्खलं वा, पोक्खलविभंगं वा,
 अण्णतरं वा तहप्पगारं, जाव णो पडिगाहिज्जा ॥ ६०९ ॥ से भिक्खू वा, (२) जाव
 समाणे, से जं पुण जाणिज्जा, अग्गवीयाणि वा, मूलवीयाणि वा, खंधवीयाणि वा,
 पोरवीयाणि वा, अग्गजायाणि वा, मूलजायाणि वा, खंधजायाणि वा, पोरजायाणि
 वा, णणत्थ तक्कल्लिमत्थएण वा, तक्कल्लिसीसेण वा, णालिएरमत्थएण वा, खज्जरमत्थ-
 एण वा, तालमत्थएण वा, अन्नयरं वा तहप्पगारं आमं असत्थपरिणयं जाव णो पडि-
 गाहिज्जा ॥ ६१० ॥ से भिक्खू वा (२) जाव समाणे से जं पुण जाणिज्जा, उच्छुं
 वा, काणगं, अंगारियं संमिस्सं, विगदूसियं, वेत्तगं वा, कंदलीऊसयं वा, अण्णयरं
 वा, तहप्पगारं आमं असत्थ परिणयं जाव णो पडिगाहिज्जा ॥ ६११ ॥ से भिक्खू
 वा (२) जाव समाणे से जं पुण जाणिज्जा, लसुणं वा, लसुणपत्तं वा, लसुणनालं
 वा, लसुणकंदं वा, लसुणचोयं वा, अण्णयरं वा तहप्पगारं कंदजायं णो पडिगा-
 हिज्जा ॥ ६१२ ॥ से भिक्खू वा (२) जाव समाणे से जं पुण जाणिज्जा, अंच्छिअं
 वा, कुंभिपक्कं, तिंदुगं वा, टिंवस्यं वा, विलुयं वा, पलगं वा, कासवणालियं वा, अण्ण-
 तरं वा आमं असत्थपरिणयं जाव णो पडिगाहिज्जा ॥ ६१३ ॥ से भिक्खू वा, (२)
 जाव समाणे से जं पुण जाणिज्जा, कणं वा कणकुंडगं वा, कणपूयलियं वा, चाउलं
 वा, चाउलपिट्ठं वा, तिलं वा, तिलपिट्ठं वा, तिलप्पडगं वा, अन्नतरं वा, तहप्प-
 गारं आमं असत्थपरिणयं जाव लामे संते णो पडिगाहिज्जा ॥ ६१४ ॥ एस खलु
 तस्स भिक्खुस्स भिक्खुणीए वा सामग्गियं ॥ ६१५ ॥ अट्ठमोद्देशो समत्तो ॥

इह खलु पाईणं वा, पडीणं वा, दाहिणं वा, उदीणं वा, संतेगइया सद्धा भवन्ति,
 गाहावइ वा जाव कम्मकरी वा; तेसिं च णं एवं वुत्तपुच्चं भवइ जे इमे भवन्ति
 समणा, भगवंतो, सीलमंता, वयमंता, गुणमंता, संजया, संवुडा, वंभचारी, उवरया
 मेहुणाओ धम्माओ, णो खलु एएसिं कप्पइ आहाकम्मिए असणं वा (४) भोइत्तए
 वा पाइत्तए वा; से जं पुण इमं अम्हं अप्पणो अट्ठाए णिट्ठियं, तंजहा-असणं वा
 (४) सच्चमेयं समणाणं णिसिरामो, अवियाइं वय पच्छा अप्पणो अट्ठाए असणं

(४) जावइयं (२) परिसडइ तावइयं (२) भोक्खामो वा, पाहामो वा, सव्वमेयं परिसडइ, सव्वमेयं भोक्खामो वा” २ ॥ ६२२ ॥ से भिक्खु वा (२) से जं पुण जाणिज्जा, असणं वा, पाणं वा, खाइमं वा, साइमं वा, परं समुद्दिस्स वहिया णीहडं तं परेहिं असमणजायं अणिसिद्धं अफासुयं जाव णो पडिगाहिज्जा, तं परेहिं समणजायं संणिसिद्धं फासुयं लाभे संते जाव पडिगाहिज्जा ॥ ६२३ ॥ एस खलु तस्स भिक्खुस्स भिक्खुणीए वा सामग्गियं ॥ ६२४ ॥ **नवमोद्देशो समत्तो ॥**

१ से एगइओ साहारणं वा पिंडवायं पडिगाहिता, ते साहम्मिए अणापुच्छिता जस्स जस्स इच्छइ तस्स तस्स खद्धं खद्धं दलयइ, माइट्ठाणं संफासे णो एवं करेज्जा, से तमायाए तत्थ गच्छेज्जा (२) पुव्वामेव आलोएज्जा “आउसंतो समणा, संति मम पुरे संथुया वा पच्छासंथुया वा, तंजहा-आयरिए वा, उवज्झाए वा, पविती वा, धेरे वा, गणी वा, गणहरे वा, गणावच्छेइए वा, अवियाइं एएसिं खद्धं खद्धं दाहासि” से सेवं वयंतं परो वएज्जा, कामं खलु आउसो अहापज्जत्तं णिसिराहि जावइयं २ परो वयइ तावइयं २ णिसिरेज्जा, सव्वमेयं परो वयइ सव्वमेयं णिसिरेज्जा ॥ ६२५ ॥ से एगइओ मणुजं भोयणजायं पडिगाहिता पंतेण भोयणेण पल्लिच्छाएति “मामेयं दाइयं संतं, दट्ठं सयमायए, आयरिए वा जाव गणावच्छेइए वा, णो खलु मे कस्सवि किंचि दायव्वं सिया” माइट्ठाणं संफासे णो एवं करेज्जा, से तमायाए तत्थ गच्छेज्जा, (२) पुव्वामेव उत्ताणए हत्थे पडिग्गहं कहु “इमं खलु इमं खलु ति” आलोएज्जा, णो किंचिवि णिग्गहेज्जा ॥ ६२६ ॥ से एगइओ अण्णतरं भोयणजायं पडिगाहिता, भइयं भइयं भोक्खा, विवजं विरसमाहरइ, माइट्ठाणं संफासे, णो एवं करिज्जा ॥ ६२७ ॥ से भिक्खु वा, (२) से जं पुण जाणिज्जा, अंतरुच्छियं वा, उच्छुगंडियं वा, उच्छुचोयगं वा, उच्छुमेरगं वा, उच्छुसालगं वा, उच्छुडालगं वा, सिंवलं वा, सिंवलथालगं वा, अस्सि खलु पडिग्गहियंसि अप्पे सिया भोयणजाए, बहुउज्झियधम्मिए, तहप्पगारं अंतरुच्छियं जाव सिंवली थालगं वा अफासुयं जाव णो पडिगाहिज्जा ॥ ६२८ ॥ से भिक्खु वा (२) से जं पुण जाणिज्जा, बहुवीयगं-बहुकंटगं-फलं अस्सि खलु पडिगाहियंसि अप्पेसिया भोयणजाए बहुउज्झियधम्मिए-तहप्पगारं बहुवीयगं बहुकंटगं फलं लामे संते जाव णो पडिगाहिज्जा ॥ ६२९ ॥ से भिक्खु वा (२) जाव समाणे, सिया णं परो बहुवीयण, बहुकंटगेण फलेण उवणिमंतेज्जा “आउसंतो समणा अभिक्खसि! बहुवीयणं-बहुकंटगं फलं पडिगाहितए?” एयप्पगारं णिग्घोसं सोचा णितम्म से पुव्वामेव आलोएज्जा “आउसो ति वा भइणिति वा, णो खलु मे कप्पइ से बहुकंटयं बहु-

वीयअं फलं पडिगाहिताए, अभिक्खसि मे दाउं, जावइयं तावइयं फलस्सा सार-
भागं दलयाहि, मा य वीयाइं “से सेवं वयंतस्स परो अभिहट्ठु अंतो पडिग्गह-
गंसि बहुवीयअं २ फलं परिभाएत्ता णिहट्ठु दलएज्जा, तहप्पगारं पडिग्गहगं
परहत्थंसि वा परपायंसि वा अफासुयं अणेरणिज्जं लामे संते णो पडिगाहिज्जा, से
आहच्च पडिगाहिए सिया तं णो हिं ति वएज्जा, णो अणहंति वएज्जा, से तमायाए
एगंतमवक्कमेज्जा (२) अहे आरामंसि वा, अहे उवस्सयंसि वा, अपणंउए जाव
अप्पसंताणए, फलस्स सारभागं भुचा वीयाइं कंटए गहाय से तमायाए
एगंतमवक्कमिज्जा, अहे ज्झामयंठिलंसि वा, जाव पमज्जिय २ परिट्ठविज्जा ॥ ६३० ॥
से भिक्खू वा (२) जाव समाणे सिया परो अभिहट्ठु अंतो पडिग्गहए विलं वा
लोगं, उच्चिमयं वा लोगं, परिभाएत्ता णीहट्ठु दलएज्जा, तहप्पगारं पडिग्गहगं परह-
त्थंसि वा, परपायंसि वा अफासुयं जाव णो पडिगाहिज्जा से आहच्च पडिग्गहए
सिया तं च णाइदूरगए जाणिज्जा, से तमायाए तत्थ गच्छिज्जा (२) पुव्वामेव
आलोएज्जा “आउसो ति वा, भइणि ति वा, इमं ते किं जाणया दिन्नं उदाहु
अजाणया ? सो य भणेज्जा, णो खलु मे जाणया दिन्नं अजाणया दिन्नं, कामं खलु
आउसो इदाणि णिसिरामि तं भुंजह च णं परिभाएह च णं, तं परेहिं समणुजायं
समणुसिद्धं तओ संजयामेव, भुंजेज्ज वा पीएज्ज वा, जं च णो संचाएति भोत्तए वा
पायए वा साहम्मिया तत्थ वसंति संभोइया समणुजा अपरिहारिया अदूरगया
तेसिं अणुपयायव्वं, सिया णो जत्थ साहम्मिया जहेव बहुपरियावन्ने कीरति तहेव
कायव्वं सिया ॥ ६३१ ॥ एस खलु तस्स भिक्खुस्स भिक्खुणीए वा सामगियं
॥ ६३२ ॥ दसमोद्देशो समत्तो ॥

भिक्खागा णामेगे एवमाहंसु समाणे वा वसमाणे वा गामाणुगामं वा दूइज्जमाणे
मणुणं भोयणजायं लभित्ता “से य भिक्खू गिलाइ से हंदह णं तस्साहरह से य
भिक्खू णो भुंजिज्जा आहरेज्जा तुमं चेव णं भुंजिज्जासि” से एगइओ भोक्खामिति
कहु पल्लिउंचिय २ आलोएज्जा, तंजहा-इमे पिंडे इमे लोए इमे तित्तए इमे कडुए
इमे कसाए इमे अंविले इमे महुरे णो खलु एतो किंचि गिलाणस्स सयइति
माइठ्ठणं संफासे, णो एवं करेज्जा, तहेव तं आलोएज्जा, जहेव तं गिलाणस्स
सयइति, तंजहा-तित्तयं तित्तएति वा, कडुयं कडुएति वा, कसायं कसाएति वा,
अंविलं अंविलेति वा, महुरं महुरेति वा ॥ ६३३ ॥ भिक्खागा णामेगे एवमाहंसु,
समाणे वा वसमाणे वा, गामाणुगामं दूइज्जमाणे मणुजं भोयणजायं लभित्ता से
भिक्खू गिलाइ से हंदह णं तस्साहरह सेय भिक्खू णो भुंजिज्जा, आहरेज्जा, से णं

णो खलु मे अंतराए आहरिस्सामि इच्चेयाइं आयतणाइं उवाइक्कम्म ॥ ६३४ ॥ अह
 भिक्खू जाणिज्जा सत्त पिंडेसणाओ सत्त पाणेसणाओ तत्थ खलु इमा पढमा पिंडेसणा
 असंसट्ठे हत्थे असंसट्ठे मत्ते, तहप्पगारेण असंसट्ठेण हत्थेण वा मत्तेण वा, असणं
 वा पाणं वा खाइमं वा साइमं वा सयं वा णं जाएज्जा, परो वा से दिज्जा, फासुयं
 जाव पडिगाहिज्जा, इति पढमा पिंडेसणा ॥ ६३५ ॥ अहावरा दोच्चा
 पिंडेसणा, संसट्ठे हत्थे संसट्ठे मत्तए तहेव दोच्चा पिंडेसणा इति दोच्चा पिंडे-
 सणा ॥ ६३६ ॥ अहावरा तच्चा पिंडेसणा, इह खलु पाईणं वा ४ संतेगइया
 सट्ठा भवंति गाहावइ वा जाव कम्मकरी वा, तेसिं च णं अण्णतरेसु विरुवहवेसु
 भायणजाएसु उवणिक्खित्तपुव्वे सिया तंजहा थालंसि वा, पिढरंसि वा सरगंसि वा,
 परगंसि वा, वरगंसि वा, अह पुण एवं जाणिज्जा, असंसट्ठे हत्थे संसट्ठे मत्ते, संसट्ठे
 हत्थे असंसट्ठे मत्ते से य पडिग्गहधारी सिया पाणिपडिग्गहिं वा, से पुव्वामेव
 आलोएज्जा “आउसोत्ति वा, भगिणि ति वा, एएणं तुमं असंसट्ठेण हत्थेण संसट्ठेण
 मत्तेण संसट्ठेण वा हत्थेण असंसट्ठेण मत्तेण अस्सिं पडिग्गहगंसि वा पाणिंसि वा
 णिहट्ठु उच्चित्तु दलयाहिं” तहप्पगारं भोयणजायं सयं वा णं जाएज्जा, परो वा से
 देज्जा, फासुयं जाव पडिगाहिज्जा, तच्चा पिंडेसणा ॥ ६३७ ॥ अहावरा चउत्था
 पिंडेसणा ॥ से भिक्खू वा, (२) से जं पुण जाणिज्जा, पिहुअं वा, जाव चाउ-
 लपलंवं वा, अस्सिं खलु पडिग्गहियंसि अप्पे पच्छाकम्मे अप्पे पज्जवजाए, तहप्प-
 गारं पिहुयं वा जाव चाउलपलंवं वा सयं वा जाएज्जा जाव पडिगाहिज्जा । इति
 चउत्था पिंडेसणा ॥ ६३८ ॥ अहावरा पंचमा पिंडेसणा से भिक्खू वा
 भिक्खुणी वा, जाव समाणे, उग्गहितमेव भोयणजायं जाणिज्जा, तंजहा-सरावंसि
 वा, डिंडिमंसि वा, कोसगंसि वा, अह पुण एवं जाणिज्जा बहुपरियावन्ने पाणीसु
 उदगलेवे तहप्पगारं असणं वा (४) सयं वा णं जाएज्जा, जाव पडिगाहिज्जा ॥
 पंचमा पिंडेसणा ॥ ६३९ ॥ अहावरा छट्ठा पिंडेसणा, से भिक्खू वा (२)
 पग्गहियमेव भोयणजायं जाणिज्जा, जं च सयट्ठाए पग्गहियं जं च परट्ठाए पग्गहियं
 तं पायपरियावन्ने तं पाणिपरियावणं फासुयं जाव पडिगाहिज्जा, छट्ठा पिंडेसणा
 ॥ ६४० ॥ अहावरा सत्तमा पिंडेसणा, से भिक्खू वा (२) जाव समाणे बहु
 उज्झियधम्मियं भोयणजायं जाणिज्जा, जं चउत्ते वहवे दुपय-चउप्पय-समण-माहण-
 अतिहि-किवण-वणीमगा णावकंखंति तहप्पगारं उज्झियधम्मियं भोयणजायं सयं वा
 णं जाएज्जा परो वा से दिज्जा जाव फासुयं पडिगाहिज्जा ॥ सत्तमा पिंडेसणा ॥
 इच्चेयाओ सत्त पिंडेसणाओ ॥ ६४१ ॥ अहावराओ सत्त पाणेसणाओ, तत्थ

खलु इमा पडमा पाणेषणा, अमंगट्ठे इत्थे २ तं चैव भाणियच्चं, गवरं चउत्थाए
 णाणत्तं, से भिक्खू वा (२) जाव गमाणे से जं पुण पाणगजायं जाणिज्जा, तंजहा-
 तिलोदगं वा, तुसोदगं वा, जवोदगं वा, आयामं वा, सोवीरं वा, सुद्धवियउं वा,
 अस्सि खलु पडिग्गाहियंस्सि अप्पे पच्छाक्कम्मे, तहए पडिग्गाहिज्जा ॥ ६४२ ॥
 इच्चेयासिं सत्तण्हं पिंडेसणाणं सत्तण्हं पाणेमणाणं अण्णतरं पडिमं पडिवज्जमाणे णो एवं
 वएज्जा “मिच्छापडिवण्णा खलु एते भयंतारो अहमेगे सम्मं पडिवज्जे, जे एते भयं-
 तारो एयाओ पडिमाओ पडिवज्जित्ताणं विहरंति, जो य अहमंनि एयं पडिमं पडिव-
 ज्जित्ताणं विहरामि सव्वेऽवि ते उ जिणाणाए उवट्ठिया अन्नोन्नममाहीए एवं च णं
 विहरंति ॥ ६४३ ॥ एयं खलु तस्स भिक्खुस्स भिक्खुणीए वा सामग्गियं ॥ ६४४ ॥
 पिंडेसणा णामज्झयणस्स एगारसमोदेसो, विइयसुयक्खं धस्स पिंडे-
 सणा णामं पढमज्झयणं समत्तं ॥

से भिक्खू वा (२) अभिक्खवेज्जा, उवस्सयं एसित्तए, से अणुपविसे गामं वा
 जाव रायहारिं वा ॥ ६४५ ॥ से जं पुण उवस्सयं जाणिज्जा, सअंडं जाव ससं-
 ताणयं तहप्पगारे उवस्सए णो ठाणं वा सेज्जं वा निसीहियं वा चेतेज्जा ॥ ६४६ ॥
 से भिक्खू वा (२) से जं पुण उवस्सयं जाणिज्जा, अप्पंडं अप्पपाणं जाव अप्प-
 संताणयं तहप्पगारे उवस्सए पडिलेहिता पमजित्ता, तओ संजयामेव ठाणं वा सेज्जं
 वा निसीहियं वा चेतेज्जा ॥ ६४७ ॥ से जं पुण उवस्सयं जाणिज्जा अस्सिपडियाए
 एगं साहम्मियं समुद्दिस्स पाणाइं भूयाइं जीवाइं सत्ताइं समारब्भ समुद्दिस्स कीयं
 पामिच्चं अच्छिज्जं अणिसट्ठं अभिहण्डं आहट्ठु चेएति तहप्पगारे उवस्सए पुरिसंत-
 रगडे वा अपुरिसंतरगडे वा जाव अणासेविते वा णो ठाणं वा सेज्जं वा निसीहियं
 वा चेतेज्जा । एवं वहवे साहम्मिया एगा साहम्मिणी वहवे साहम्मिणीओ ॥ ६४८ ॥
 से भिक्खू वा (२) से जं पुण उवस्सयं जाणिज्जा असंजए भिक्खुपडियाए वहवे
 समणमाहणअतिहिक्खिणवणीमए पगणिय २ समुद्दिस्स पाणाइं भूयाइं जीवाइं
 सत्ताइं जाव चेएइ तहप्पगारे उवस्सए अपुरिसंतरगडे जाव अणासेविए णो ठाणं
 वा सेज्जं वा निसीहियं वा चेतेज्जा, अह पुण एवं जाणिज्जा पुरिसंतरगडे जाव आसे-
 विए पडिलेहिता पमजित्ता तओ संजयामेव ठाणं वा सेज्जं वा निसीहियं वा चेतेज्जा
 ॥ ६४९ ॥ से भिक्खू वा (२) से जं पुण उवस्सयं जाणिज्जा, असंजए भिक्खु-
 पडियाए कडिए वा, उक्कंविए वा, छन्ने वा, लित्ते वा, घट्ठे वा, मट्ठे वा, संमट्ठे वा,
 संपधूमिए वा, तहप्पगारे उवस्सए अपुरिसंतरगडे जाव अणासेविए, णो ठाणं वा,
 सेज्जं वा, निसीहियं वा, चेतेज्जा, अह पुण एवं जाणिज्जा पुरिसंतरगडे जाव आसे-

विए, पडिलेहिता पमजिता, तओ संजयामेव जाव चेतेज्जा ॥ ६५० ॥ से भिक्खु वा (२) से जं पुण उवस्सयं जाणिज्जा, असंजए भिक्खुपडियाए खुट्टियाओ दुवारियाओ महल्लिआओ कुब्जा, जहा पिंडेसणाए जाव संथारगं संथारिज्जा, वहिया वा णिण्णक्खु तहप्पगारे उवस्सए अपुरिसंतरगडे जाव अणासेविते णो ठाणं वा, सेज्जं वा निसीहियं वा चेतेज्जा, अह पुण एवं जाणिज्जा पुरिसंतरगडे जाव आसेविए पडिलेहिता पमजिता तओ संजयामेव जाव चेतेज्जा ॥ ६५१ ॥ से भिक्खु वा (२) से जं पुण उवस्सयं जाणिज्जा, असंजए भिक्खुपडियाए उदगप्पसूयाणि वा; कंदाणि वा, मूलानि वा, पत्ताणि वा, पुप्फाणि वा, फलाणि वा, वीयाणि वा, हरियाणि वा, ठाणाओ ठाणं साहरति, वहिया वा णिण्णक्खु तहप्पगारे उवस्सए अपुरिसंतरगडे जाव णो ठाणं वा सेज्जं वा निसीहियं वा चेतेज्जा । अह पुण एवं जाणिज्जा, पुरिसंतरगडे जाव चेतेज्जा ॥ ६५२ ॥ से भिक्खु वा, भिक्खुणी वा, से जं पुण जाणिज्जा, असंजए भिक्खुपडियाए पीढं वा फलगं वा णिस्सेणि वा उदूहलं वा ठाणाओ ठाणं साहरइ वहिया वा णिण्णक्खु, तहप्पगारे उवस्सए अपुरिसंतरगडे जाव णो ठाणं वा सेज्जं वा निसीहियं वा चेतेज्जा, अह पुण एवं जाणिज्जा पुरिसंतरगडे जाव चेतेज्जा ॥ ६५३ ॥ से भिक्खु वा (२) से जं पुण उवस्सयं जाणिज्जा, तंजहा खंधंसि वा मंचंसि वा मालंसि वा पासायंसि वा हम्मियतलंसि वा अन्नतरंसि वा तहप्पगारंसि अंतलिक्खजायंसि, णण्णत्थ आगाढाणागाढेहिं कारणेहिं, ठाणं वा सेज्जं वा णिसीहियं वा णो चेतेज्जा ॥ ६५४ ॥ से आहच्च चेतिते सिया णो तत्थ सीओदगवियडेण वा, उसिणोदगवियडेण वा, हत्थाणि वा, पादाणि वा, अच्छीणि वा, दंताणि वा, मुहं वा, उच्छोलेज्ज वा प्होएज्ज वा, णो तत्थ ऊसढं पगरेज्जा, तंजहा-उच्चारं वा, पासवणं वा, खेलं वा, सिंघाणं वा, वंतं वा, पित्तं वा, पूयं वा, सोणियं वा, अन्नयरं वा सरीरावयवं केवली बूया “आयाण मेयं” से तत्थ ऊसढं पगरेमाणे पयलेज्ज वा, पवडेज्ज वा, से तत्थ पयलेमाणे पवडेमाणे वा हत्थं वा, जाव सीसं वा अन्नतरं वा कायंसि इंदियजालं लूसेज्जा पाणाणि वा ४ अभिहणेज्ज वा जाव ववरोवेज्ज वा, अह भिक्खुणं पुव्वोवदिट्ठा एस पइज्जा जाव जं तहप्पगारे उवस्सए अंतलिक्खजाए णो ठाणं वा सेज्जं वा निसीहियं वा चेतेज्जा ॥ ६५५ ॥ से भिक्खु वा (२) से जं पुण उवस्सयं जाणिज्जा सइत्थियं सखुट्ठं सपमुभत्तपाणं तहप्पगारे सागारिए उवस्सए णो ठाणं वा सेज्जं वा निसीहियं वा चेतेज्जा, आयाणमेयं भिक्खुस्स गाहावइकुलेण सद्धि संवसमाणस्स अलसए वा, विग्गया वा छट्ठी वा उव्वाहिज्जा अन्नतरे वा से दुग्गहे रोगायंके समुप्पजेज्जा असं-

जए कलुणपडियाए तं भिक्खुस्स गातं तंहेण वा, घण्ण वा, उच्चट्टणेण वा अन्धे-
 गेज्ज मक्खिज्ज वा, सिणाणेण वा, कणेण वा, लोहेण वा, वण्णेण वा चुमेण वा,
 पलमेण वा, आर्धसेज्ज वा, पधंसेज्ज वा, उच्चलेज्ज वा, उवटेज्ज वा सीओदगविय-
 डेण वा, उसिणोदगवियडेण वा, उच्छोलेज्ज वा, पच्छोलेज्ज वा, पटोएज्ज वा, सिणा-
 विज्ज वा, सिंचिज्ज वा, दासणा वा दाहपरिणामं कट्ठं, अगणिकायं उज्जालेज्ज वा,
 पज्जालिज्ज वा, उज्जालित्ता २ कायं आयावेज्ज वा पयावेज्ज वा अह भिक्खुणं पुब्बो-
 वदिट्ठा एस पइत्ता जं तहप्पगारे सागारेए उवस्सए णो ठाणं वा सेज्जं वा निसी-
 हियं वा चेतेज्जा ॥ ६५.६ ॥ आयाणमेयं भिक्खुस्स सागारेए उवस्सए वसमा-
 णस्स इह खलु गाहावइ वा जाव कम्मकरी वा अन्नमन्नं उक्कोसंति वा, पचंति वा
 रुंभंति वा उद्द्विंति वा अह भिक्खुणं उच्चावयं मणं णियंछेज्जा एते खलु अन्नमन्नं
 उक्कोसंतु वा मा वा उक्कोसंतु जाव मा वा उद्द्विंतु । अह भिक्खुणं पुब्बोवदिट्ठा
 एस पइत्ता जाव जं तहप्पगारे सागारेए उवस्सए णो ठाणं वा सेज्जं वा
 निसीहियं वा चेतेज्जा ॥ ६५.७ ॥ आयाणमेयं भिक्खुस्स गाहावइहिं सद्धिं
 संवसमाणस्स इह खलु गाहावइ अप्पणो सअट्ठाए अगणिकायं उज्जालेज्ज वा, पज्जा-
 लेज्ज वा विज्जावेज्ज वा, अह भिक्खु उच्चावयं मणं णियंछेज्जा, एते खलु अगणि-
 कायं उज्जालंतु वा जाव मा वा विज्जावंतु अह भिक्खुणं पुब्बोवदिट्ठा जाव जं
 तहप्पगारे उवस्सए णो ठाणं वा सेज्जं वा, निसीहियं वा चेतेज्जा ॥ ६५.८ ॥ आया-
 णमेयं भिक्खुस्स गाहावइहिं सद्धिं संवसमाणस्स इह खलु गाहावइस्स कुंडले वा,
 गुणे वा, मणी वा, मोत्तिए वा, हिरण्णे वा, सुवण्णे वा, कडगाणि वा, तुडियाणि वा,
 तिसरगाणि वा, पालंवाणि वा, हारे वा, अद्धहारे वा, एगावली वा, मुत्तावली वा,
 कणगावली वा, रयणावली वा, तरुणियं वा कुमारिं अलंक्रियविभूसियं पेहाए,
 अह भिक्खु उच्चावयं मणं, णियंछेज्जा, “एरिसिया वा सा णो वा एरिसिया” इति वा
 णं वूया, इति वा णं मणं साएज्जा, अह भिक्खुणं पुब्बोवदिट्ठा ४ जाव जं तहप्पगारे
 उवस्सए णो ठाणं वा जाव चेतेज्जा ॥ ६५.९ ॥ आयाणमेयं भिक्खुस्स गाहाव-
 इहिं सद्धिं संवसमाणस्स इह खलु गाहावइणीओ वा, गाहावइधूयाओ वा, गाहावइ-
 सुण्हाओ वा, गाहावइचाईओ वा, गाहावइदासीओ वा, गाहावइकम्मकरीओ वा,
 तासिं च णं एवं वुत्तपुब्बं भवइ, “जे इमे भवंति समणा भगवंतो जाव उवरया
 मेहुणधम्माओ णो खलु एतेसिं कप्पइ मेहुणधम्मं परियारणाए आउट्ठिए, जा य
 खलु एएहिं सद्धिं मेहुणधम्मं परियारणाए आउट्ठाविज्जा पुत्तं खलु सा लभेज्जा,
 ओयास्सिं तेयस्सिं वच्चस्सिं जसस्सिं संपराइयं आलोयणदरिसिणिज्जं,” एयप्पगारं

णिग्घोसं सोच्चा णिसम्म तासिं च णं अण्णयरी सद्धी तं तवस्सिं भिक्खुं मेहुण-
धम्मपरियारणाए आउट्ठावेज्जा, अह भिक्खुणं पुव्वोवदिट्ठा जाव जं तहप्पगारे
सागारिए उवस्सए णो ठाणं वा सेज्जं वा णिसीहिंयं वा चेतेज्जा ॥ ६६० ॥ एयं
खलु तस्स भिक्खुस्स भिक्खुणीए वा सामग्गियं ॥ ६६१ ॥ **सेज्जाज्झयणस्स
पढमोद्देशो समत्तो ॥**

गाहावइ णामेगे सुइसमायारा भवंति से भिक्खू य असिणाणाए से तग्गंधे दुग्गंधे
पडिकूले पडिलोमे यावि भवइ, जं पुव्वकम्मं तं पच्छाकम्मं, जं पच्छाकम्मं तं
पुव्वकम्मं तं भिक्खुपडियाए वट्टमाणे करेज्जा वा नो करेज्जा वा अह भिक्खूणं
पुव्वोवदिट्ठा जाव जं तहप्पगारे उवस्सए णो ठाणं वा जाव चेतेज्जा ॥ ६६२ ॥
आयाणमेयं भिक्खुस्स गाहावइहिं सद्धिं संवसमाणस्स इह खलु गाहावइस्स
अप्पणो सअट्ठाए विरुवरुवे भोयणजाए उवक्खडिए सिया अह पच्छा भिक्खुपडियाए
असणं वा (४) उवक्खडेज्ज वा उवकरेज्ज वा तं च भिक्खू अभिक्खेज्जा भोत्तए वा
पायए वा वियट्ठित्तए वा अह भिक्खूणं पुव्वोवदिट्ठा जाव जं नो तहप्पगारे
उवस्सए ठाणं चेतेज्जा ॥ ६६३ ॥ आयाणमेयं भिक्खुस्स गाहावइणा सद्धिं संवस-
माणस्स इह खलु गाहावइस्स अप्पणो सयट्ठाए विरुवरुवाई दारुयाइं भिन्नपुव्वाई
भवंति, अह पच्छा भिक्खुपडियाए विरुवरुवाई दारुयाइं भिदेज्ज वा, किणेज्ज वा
पामिच्चेज्ज वा, दारुणा वा दारुपरिणामं कट्ठु अगणिकार्यं उज्जालेज्ज वा, पज्जालेज्ज वा,
तत्थ भिक्खू अभिक्खेज्ज वा आतावेत्तए वा, पयावेत्तए वा, वियट्ठित्तए वा,
अह भिक्खूणं पुव्वोवदिट्ठा जाव जं तहप्पगारे उवस्सए णो ठाणं चेतेज्जा
॥ ६६४ ॥ से भिक्खू वा (२) उच्चारपासवणेणं उव्वाहिज्जमाणे राओ वा विआले
वा, गाहावइकुलस्स दुवारवाहं अवंगुणेज्जा तेणे य तस्संधिचारी अणुपविसेज्जा,
तस्स भिक्खुस्स णो कप्पइ एवं वदित्तए “अयं तेणे पविसइ वा णो वा पविसइ,
उवळियइ वा णो वा उवळियइ, आवयति वा णो वा आवयति, वदति वा णो वा
वदति, तेण हडं अण्णेण हडं, तस्स हडं अण्णस्स हडं, अयं तेणे अयं उवयरए,
अयं हंता, अयं एत्थमकासी,” तं तवस्सिं भिक्खुं अतेणं तेणं ति संक्रइ, अह
भिक्खूणं पुव्वोवदिट्ठा जाव णो चेतेज्जा ॥ ६६५ ॥ से भिक्खू वा (२) से जं पुण
उवस्सयं जाणिज्जा तणपुंजेसु पलालपुंजेसु वा, सअंडे जाव ससंताणए तहप्प-
गारे उवस्सए णो ठाणं वा सेज्जं वा णिसीहिंयं वा चेएज्जा ॥ ६६६ ॥ से भिक्खू
वा (२) से जं पुण उवस्सयं जाणिज्जा, तणपुंजेसु वा, पलालपुंजेसु वा अप्पंडे
जाव चेएज्जा ॥ ६६७ ॥ से आगंतारेसु वा, आरामागारेसु वा, गाहावइकुलेसु वा

गच्छिता इयराइयरेहिं पाहुडेहिं वट्ठति अयमाउसो वज्जकिरिया या वि भवइ ॥६७३॥
 इह खलु पाईणं वा पडीणं वा दाहीणं वा उदीणं वा संतेगइया सद्धा भवन्ति तेसिं
 च णं आयारगोयरे णो सुणिसंते भवइ, जाव तं रोयमाणेहिं वहवे समण जाव
 वणीमए पगणिय २ समुद्दिस्स तत्थ २ अगारीहिं अगाराइं चेतिताइं भवन्ति तंजहा-
 आएसणाणि वा जाव भवणगिहाणि वा जे भयंतारो तहप्पगाराइं आएसणाणि
 वा जाव भवणगिहाणि वा उवागच्छन्ति, इयराइयरेहिं पाहुडेहिं वट्ठति अयमाउसो
 महावज्जकिरिया या वि भवइ ॥६७४॥ इह खलु पाईणं वा पडीणं दाहीणं वा उदीणं
 वा संतेगइया सद्धा भवन्ति जाव तं रोयमाणेहिं वहवे समण० जाव समुद्दिस्स तत्थ
 तत्थ अगारीहिं अगाराइं चेतिताइं भवन्ति-तंजहा आएसणाणि वा जाव भवण-
 गिहाणि वा जे भयंतारो तहप्पगाराइं आएसणाणि वा जाव भवणगिहाणि वा
 उवागच्छन्ति इयराइयरेहिं पाहुडेहिं वट्ठति, अयमाउसो सावज्जकिरिया या वि भवइ
 ॥ ६७५ ॥ इह खलु पाईणं वा जाव उदीणं वा संतेगइया सद्धा भवन्ति तंजहा-
 गाहावइ वा जाव कम्मकरी वा तेसिं च णं आयारगोयरे णो सुणिसंते भवइ जाव
 तं रोयमाणेहिं एकं समणजायं समुद्दिस्स तत्थ तत्थ अगारीहिं अगाराइं चेतिताइं
 भवन्ति, तंजहा आएसणाणि वा जाव भवणगिहाणि वा, महया पुढवीकायसमारंभेणं
 एवं महया आउ-तेउ-वाउ-वणस्सइ-तसकायसमारंभेणं महया संरंभेणं महया आरं-
 भेणं महया विरुवरुवेहिं पावकम्मैहिं तंजहा छायणओ, लेवणओ, संथारदुवारपिह-
 णाओ, सीतोदए वा, परिठुवियपुण्वे भवइ, अगणिकाए वा उज्जालियपुण्वे भवइ, जे
 भयंतारो तहप्पगाराइं आएसणाणि वा जाव भवणगिहाणि वा उवागच्छन्ति इय-
 राइयरेहिं पाहुडेहिं वट्ठति दुपक्खं ते कम्मं सेवन्ति अयमाउसो महासावज्जकिरिया या
 वि भवइ ॥ ६७६ ॥ इह खलु पाईणं वा जाव तं रोयमाणेहिं अप्पणो सअट्ठाए
 तत्थ २ अगारीहिं जाव भवणगिहाणि वा, महया पुढवीकायसमारंभेणं जाव अग-
 णिकाए वा उज्जालियपुण्वे भवइ जे भयंतारो तहप्पगाराइं आएसणाणि वा जाव
 भवणगिहाणि वा उवागच्छन्ति इयराइयरेहिं पाहुडेहिं वट्ठति एगपक्खं ते कम्मं सेवन्ति
 अयमाउसो अप्पसावज्जा किरिया या वि भवइ ॥ ६७७ ॥ एत खलु तस्स भिक्खुस्स
 भिक्खुणीए वा सामग्गियं ॥ ६७८ ॥ सेज्जाज्झयणस्स वीओहेसो समत्तो ॥

“से य णो सुलमे फासुए उंछे अहेसणिजे णो य खलु सुद्धे इमेहिं पाहुडेहिं,
 तंजहा-छायणओ, लेवणओ संथारदुवारपिहणओ पिंडवाएसणाओ से य भिक्खु
 चरियारए ठाणरए निसीहियारए सेज्जासंथारपिंडवाएसणारए” संति भिक्खुणो एव
 नयसादणो उज्जुया गियागपडिबजा अमायं कुच्चमाणा विजातिया ॥ ६७९ ॥ संते-

गइआ पाहुडिया उक्खित्तपुव्वा भवइ एवं णिक्खित्तपुव्वा भवइ परिभाइयपुव्वा भवइ परिभुत्तपुव्वा भवइ परिठुवियपुव्वा भवइ एवं वियागरेमाणे समियाए वियागरेति ? हंता भवइ ॥ ६८० ॥ से भिक्खू वा (२) से जं पुण उवस्सयं जाणिज्जा खुड्डियाओ खुड्डुवारियाओ नीयाओ संनिरुद्धाओ भवंति, तहप्पगारे उवस्सए राओ वा विआले वा णिक्खममाणे वा पविसमाणे वा पुरा हत्थेण वा पच्छा पाएण वा तओ संजयामेव णिक्खमेज्ज वा पविसेज्ज वा, केवली वूया, 'आयाणमेयं' जे तत्थ समणाण वा माहणाण वा छत्तए वा मत्तए वा दंडए वा लट्ठिआ वा भिसिया वा नालिया वा चेले वा चिलिमिली वा चम्मए वा चम्मकोसए वा चम्म-छेदणए वा दुव्वद्धे दुण्णिक्खित्ते अणिकंपे चलाचले भिक्खू य राओ वा वियाले वा णिक्खममाणे वा पविसमाणे वा पयलिज्ज वा पवडेज्ज वा, से तत्थ पयलेमाणे वा पवडेमाणे वा, हत्थं वा पायं वा जाव इंदियजायं वा लसेज्ज वा, पाणाणि जाव सत्ताणि वा, अभिहणेज्ज वा जाव ववरोवेज्ज वा, अह भिक्खूणं पुव्वोवदिट्ठा जाव जं तहप्पगारे उवस्सए पुरा हत्थेणं पच्छा पाएणं तओ संजयामेव णिक्खमेज्ज वा पविसेज्ज वा ॥ ६८१ ॥ से आगंतारेसु वा अणुवीइ उवस्सयं जाएज्जा, जे तत्थ ईसरे जे तत्थ समहिट्ठाए, ते उवस्सयं अणुण्णवेज्जा, कामं खलु आउसो अहालंदं अहापरिण्णातं वसिस्सामो जाव आउसंतो जाव आउसंतस्स उवस्सए जाव साहम्मियाए तओ उवस्सयं गिहिस्सामो तेण परं विहरिस्सामो ॥ ६८२ ॥ से भिक्खू वा (२) जस्सुवस्सए संवसिज्जा तस्स णामगोयं पुव्वामेव जाणिज्जा तओ पच्छा तस्स गिहे णिमंतेमाणस्स अणिमंतेमाणस्स वा असणं वा (४) अफासुयं जाव णो पडिग्गाहिज्जा ॥ ६८३ ॥ से भिक्खू वा (२) से जं पुण उवस्सयं जाणिज्जा ससागारियं सागणियं सउदयं णो पण्णस्स निक्खमणपवेसणाए, णो पण्णस्स वायण जाव चिंताए, तहप्पगारे उवस्सए णो ठाणं वा सेज्जं वा निसीहियं वा चेतेज्जा ॥ ६८४ ॥ से भिक्खू वा (२) से जं पुण उवस्सयं जाणिज्जा गाहावइकुलस्स मज्झं मज्झेणं गंतुं पंथए पएपएपडिचद्धं णो पण्णस्स निक्खमण जाव चिंताए तहप्पगारे उवस्सए णो ठाणं वा सेज्जं वा निसीहियं वा चेतेज्जा ॥ ६८५ ॥ से भिक्खू वा (२) से जं पुण उवस्सयं जाणिज्जा इह खलु गाहावइ वा जाव कम्मकरीओ वा अण्णमण्णमकोसंति वा जाव उद्द्वेति वा णो पण्णस्स जाव चिंताए सेवं णच्चा तहप्पगारे उवस्सए णो ठाणं वा जाव चेतेज्जा ॥ ६८६ ॥ से भिक्खू वा (२) से जं पुण उवस्सयं जाणिज्जा इह खलु गाहावइ वा जाव कम्मकरीओ वा अण्णमण्णस्स गायं तेहेण वा घएण वा अब्भंगेति वा

मक्खंति वा णो पणस्स जाव चिंताए, तहप्पगारे उवस्सए णो ठाणं वा जाव चेतेज्जा ॥ ६८७ ॥ से भिक्खू वा (२) से जं पुण उवस्सयं जाणिज्जा, इह खलु गाहावड् वा जाव कम्मकरीओ वा, अण्णमण्णस्स गायं सिणाणेण वा कक्केण वा लोहेण वा वण्णेण वा चुण्णेण वा पउमेण वा, आर्घसंति वा पधंसंति वा उव्वलंति वा उव्वड्ढित्ति वा णो पणस्स णिक्खमण जाव चिंताए तहप्पगारे उवस्सए णो ठाणं वा जाव चेतेज्जा ॥ ६८८ ॥ से भिक्खू वा (२) से जं पुण उवस्सयं जाणिज्जा इह खलु गाहावड् वा जाव कम्मकरीओ वा अण्णमण्णस्स गायं सीओद्गवियडेण वा उसिणोद्गवियडेण वा, उच्छोलंति वा पधोवेंति वा सिंचंति वा सिणावेंति वा णो पणस्स जाव णो ठाणं वा जाव चेतेज्जा ॥ ६८९ ॥ से भिक्खू वा (२) से जं पुण उवस्सयं जाणिज्जा, इह खलु गाहावड् वा जाव कम्मकरीओ वा णिणिणा ठिआ णिणिणा उल्लीणा मेहुणधम्मं विण्णवेंति रहस्सियं वा मंतं मंतेंति वा णो पणस्स जाव णो ठाणं वा जाव चेतेज्जा ॥ ६९० ॥ से भिक्खू वा (२) से जं पुण उवस्सयं जाणिज्जा आइण्णसंलिक्खं णो पणस्स जाव चिंताए जाव णो ठाणं वा सेज्जं वा निसीहियं वा चेतेज्जा ॥ ६९१ ॥ से भिक्खू वा (२) अभिक्खेज्जा संधारं एसित्तए ॥ ६९२ ॥ से जं पुण संधारयं जाणिज्जा सअंडं जाव ससंताणगं तहप्पगारं संधारगं लामे संते णो पडिगाहिज्जा ॥ ६९३ ॥ से भिक्खू वा (२) से जं पुण संधारयं जाणिज्जा अण्णंडं जाव संताणगं गह्यं तहप्पगारं लामे संते णो पडिगाहिज्जा ॥ ६९४ ॥ से भिक्खू वा (२) से जं पुण संधारगं जाणिज्जा, अण्णंडं जाव संताणगं लहुयं अपाडिहारियं तहप्पगारं सेज्जा संधारयं लामे संते णो पडिगाहिज्जा ॥ ६९५ ॥ से भिक्खू वा (२) से जं पुण संधारगं जाणिज्जा, अण्णंडं जाव संताणगं लहुयं पाडिहारियं णो अहावद्धं तहप्पगारं लामे संते णो पडिगाहिज्जा ॥ ६९६ ॥ से भिक्खू वा (२) से जं पुण संधारयं जाणिज्जा अण्णंडं जाव संताणगं लहुयं पाडिहारियं अहावद्धं तहप्पगारं संधारयं जाव लामे संते पडिगाहिज्जा ॥ ६९७ ॥ इच्चेयाइं आयतणाइं उवाइक्कम्म अह भिक्खू जाणिज्जा इमाहिं चउहिं पडिमाहिं संधारगं एसित्तए तत्थ खलु इमा पढमा पडिमा;—से भिक्खू वा (२) उद्दिसिय उद्दिसिय संधारगं जाएज्जा, तंजहा—इण्डं वा कट्ठिणं वा जंतुयं वा परगं वा मोरगं वा तणं वा सोरगं वा कुसं वा कुत्रागं वा पच्चगं वा पिप्पलगं वा पलालगं वा से पुव्वामेव आलोएज्जा आउसो त्ति वा भगिणी त्ति वा दाहिस्सि मे एत्तो अण्णयरं संधारगं ? तहप्पगारं सयं वा णं जाएज्जा परो वा से देज्जा फासुयं एण्णणिज्जं लामे संते पडिगाहिज्जा पढमा पडिमा

जाव उवागया उवागमिस्संति य अप्पाट्ठणा वित्ती जाव रायहाणिंसि वा तओ संज-
यामेव वासावासं उवह्णिएज्जा ॥ ७१५ ॥ अह पुण एवं जाणिज्जा चत्तारि मासा
वासावासाणं वीइक्कंता हेमंताण य पंचदसरायकप्पे परिवुत्तिए अंतरा से मग्गा
वहुपाणा जाव संताणगा णो जत्थ बहवे समण जाव उवागया उवागमिस्संति य
सेवं णच्चा णो गामाणुगामं दूइज्जेज्जा ॥ ७१६ ॥ अह पुण एवं जाणिज्जा चत्तारि मासा
वासा वासाणं वीइक्कंता हेमंताण य पंच दस रायकप्पे परिवुत्तिए, अंतरा से मग्गा
अप्पंडा जाव असंताणगा बहवे जत्थ समण जाव उवागमिस्संति य सेवं णच्चा तओ
संजयामेव गामाणुगामं दूइज्जेज्जा ॥ ७१७ ॥ से भिक्खू वा (२) गामाणुगामं
दूइज्जमाणे पुरओ जुगमायं पेहमाणे दट्ठूण तसे पाणे उदट्ठ पायं रीएज्जा साहट्ठ
पायं रीएज्जा उक्खिप्पपायं रीएज्जा तिरेच्छं वा कट्ठ पायं रीएज्जा सति परक्कमे संज-
तामेव परिक्रमेज्जा णो उज्जुयं गच्छेज्जा, तओ संजयामेव गामाणुगामं दूइज्जेज्जा
॥ ७१८ ॥ से भिक्खू वा (२) गामाणुगामं दूइज्जमाणे अंतरा से पाणाणि वा
बीयाणि वा हरियाणि वा उदए वा मट्ठिया वा अविद्वत्थे सइ परक्कमे जाव णो उज्जुयं
गच्छेज्जा, तओ संजयामेव गामाणुगामं दूइज्जेज्जा ॥ ७१९ ॥ से भिक्खू वा (२)
गामाणुगामं दूइज्जमाणे अंतरा से विरुवरूवाणि पंचंतिकाणि दस्सुगायतणाणि मिल-
क्खूणि अणायरियाणि दुस्सन्नप्पाणि दुप्पणवणिज्जाणि अकालपडिवोहीणि अकाल-
परिमोईणि सति लाढे विहारए संथरमाणेहिं जाणवएहिं णो विहारवत्तियाए पव-
जेज्जा गमणाए केवली बूया 'आयाणमेयं' ते णं वाला "अयं तेणे अयं उवचरए
अयं तओ आगए" ति कट्ठ तं भिक्खुं अक्कोसेज्ज वा जाव उद्वेज्ज वा वत्थं पडि-
ग्गहं कंवलं पायपुंछणं अर्च्छिदेज्ज वा अभिंदेज्ज वा अवहरिज्ज वा, परिट्ठविज्ज वा,
अह भिक्खूणं पुव्वोवदिट्ठा पइण्णा जाव जं णो तहप्पगाराणि विरुवरूवाणि पंचंति-
याणि दस्सुगायतणाणि जाव विहारवत्तियाए णो पवजेज्जा गमणाए, तओ संजयामेव
गामाणुगामं दूइज्जेज्जा ॥ ७२० ॥ से भिक्खू वा (२) गामाणुगामं दूइज्जमाणे
अंतरा से अरायाणि वा, गणरायाणि वा, जुवरायाणि वा, दोरजाणि वा, वेरजाणि
वा, विरुद्धरजाणि वा, सइ लाढे विहारए संथरमाणेहिं जणवएहिं णो विहारवत्तियाए
पवजेज्जगमणाए, केवली बूया 'आयाणमेयं' ते णं वाला 'अयं तेणे' तं चेव जाव
णो विहारवत्तियाए पवजेज्ज गमणाए तओ संजयामेव गामाणुगामं दूइज्जेज्जा ॥ ७२१ ॥
से भिक्खू वा (२) गामाणुगामं दूइज्जमाणे अंतरा से विहं सिया से जं पुण विहं
जाणिज्जा, एगाहेण वा, दयाहेण वा, तियाहेण वा, चउयाहेण वा, पंचाहेण वा,

णो विहारवत्तियाए पवज्जेज्ज गमणाए, केवली वूया 'आयाणमेयं' अंतरा से वासे
 सिया, पाणेषु वा, पणएसु वा, वीएसु वा, हरिएसु वा, उदएसु वा, मट्ठियाए वा,
 अविट्ठयाए, अह भिक्खुणं पुव्वोवदिट्ठा जाव जं तहप्पगारं अणेगाहगमणिजं जाव
 णो गमणाए, तओ संजयामेव गामाणुगामं दूइज्जेज्जा गमणाए ॥ ७२२ ॥ से भिक्खू
 वा (२) गामाणुगामं दूइज्जमाणे अंतरा से णावा संतारिमे उदए सिया, से जं
 पुण णावं जाणिज्जा, असंजए भिक्खुपडियाए किणेज्ज वा, पामिच्चेज्ज वा, णावाए
 वा णावं परिणामं कहु, थलाओ वा णावं जलंसि ओगाहेज्जा, जलाओ वा णावं
 थलंसि उक्खसेज्जा, पुणं वा णावं उस्सिच्चेज्जा, सणं वा णावं उप्पीलावेज्जा, तह-
 प्पगारं णावं उड्डुगामिणिं वा, अहेगामिणिं वा, तिरियगामिणिं वा, परं जोयणमेराए
 अद्धजोयणमेराए अप्पतरो वा, भुज्जतरो वा, णो दुरुहेज्ज गमणाए ॥ ७२३ ॥ से
 भिक्खू वा (२) पुव्वामेव तिरिच्छसंपातिमं णावं जाणिज्जा जाणित्ता से तमायाए
 एगंतमवक्कमिज्जा, भंडगं पडिलेहिज्जा, पडिलेहिज्जा एगओ भोयणभंडगं करेज्जा २
 ससीसोवरियं कायं पाए य पमज्जेज्जा पमज्जित्ता सागारियभत्तं पच्चक्खाएज्जा पच्च-
 क्खाइत्ता एगं पायं जले किच्चा एगं पायं थले किच्चा तओ संजयामेव णावं दुरुहेज्जा
 ॥ ७२४ ॥ से भिक्खू वा (२) णावं दुरुहमाणे णो णावाए पुरओ दुरुहेज्जा, णो
 णावाए अरगओ दुरुहेज्जा, णो णावाए मज्झतो दुरुहेज्जा, णो वाहाओ पगिज्झय पगि-
 ज्झय अंगुलिए उवदंसिय २ ओणमिय २ उण्णमिय २ णिज्झाएज्जा ॥ ७२५ ॥ से णं
 परो णावागतो णावागयं वएज्जा "आउसंतो समणा ! एयं ता तुमं णावं उक्कसाहि
 वा वोक्कसाहि वा खिवाहि वा रज्जूए वा गहाय आकसाहि" णो से तं परिणं परि-
 जाणेज्जा तुसिणीओ उवेहेज्जा ॥ ७२६ ॥ से णं परो णावागओ णावागयं वएज्जा
 "आउसंतो समणा णो संचाएसि णावं उक्कसित्तए वा वोक्कसित्तए वा खिवित्तए वा
 रज्जुयाए वा गहाय आक्कसित्तए आहर एतं णावाए रज्जुयं सयं चेव णं वयं णावं
 उक्कसिस्सामो वा जाव रज्जूए वा गहाय आक्कसिस्सामो" णो से तं परिणं परिजा-
 णेज्जा तुसिणीओ उवेहेज्जा ॥ ७२७ ॥ से णं परो णावागओ णावागयं वएज्जा
 आउसंतो समणा एयं ता तुमं णावं आलित्तेण वा, पीढेण वा वंसेण वा वलएण वा
 अवलएण वा वाहेहि णो से तं परिणं परिजाणिज्जा तुसिणीओ उवेहेज्जा ॥ ७२८ ॥
 से णं परो णावागओ णावागयं वदेज्जा "आउसंतो समणा एयं ता तुमं णावाए
 उदयं हत्थेण वा पाएण वा मत्तेण वा पडिग्गहेण वा णावा उस्सिचणेण वा उस्सि-
 चाहि" णो से तं परिणं परिजाणिज्जा तुसिणीओ उवेहेज्जा ॥ ७२९ ॥ से णं परो
 णावागओ णावागयं वएज्जा, आउसंतो समणा एतं तो तुमं णावाए उत्तिंगं हत्थेण

जाव उवागया उवागमिस्संति य अप्पाट्ठणा विन्ना जाव रायदार्णिंसि वा तओ संज-
यामेव वासावासं उवल्लिज्जा ॥ ७१५ ॥ अह पुण एवं जाणिज्जा चत्तारि मासा
वासावासाणं वीइक्कंता हेमंताण य पंचदसरायकप्पे परिवुत्तिए अंतरा से मग्गा
वहुपाणा जाव संताणगा णो जत्थ बहव्वे गमण जाव उवागया उवागमिस्संति य
सेवं णच्चा णो गामाणुगामं दूइज्जेज्जा ॥ ७१६ ॥ अह पुण एवं जाणिज्जा चत्तारि मासा
वासा वासाणं वीइक्कंता हेमंताण य पंच दस रायकप्पे परिवुत्तिए अंतरा से मग्गा
अप्पंडा जाव असंताणगा बहव्वे जत्थ समण जाव उवागमिस्संति य सेवं णच्चा तओ
संजयामेव गामाणुगामं दूइज्जेज्जा ॥ ७१७ ॥ से भिक्खू वा (२) गामाणुगामं
दूइज्जमाणे पुरओ जुगमायं पेहमाणे दट्ठण तसं पाणे उदट्ठ पायं रीएज्जा साहट्ठ
पायं रीएज्जा उक्खिप्पपायं रीएज्जा तिरिच्छं वा कट्ठ पायं रीएज्जा सति परक्कमे संज-
तामेव परिक्रमेज्जा णो उज्जुयं गच्छेज्जा, तओ संजयामेव गामाणुगामं दूइज्जेज्जा
॥ ७१८ ॥ से भिक्खू वा (२) गामाणुगामं दूइज्जमाणे अंतरा से पाणाणि वा
बीयाणि वा हरियाणि वा उदए वा मट्ठिया वा अविद्धत्ये सइ परक्कमे जाव णो उज्जुयं
गच्छेज्जा, तओ संजयामेव गामाणुगामं दूइज्जेज्जा ॥ ७१९ ॥ से भिक्खू वा (२)
गामाणुगामं दूइज्जमाणे अंतरा से विरुवरुवाणि पच्चंतिकाणि दस्सुगायतणाणि मिल-
क्खूणि अणायरियाणि दुस्सन्नप्पाणि दुप्पणवणिज्जाणि अकालपडिबोहीणि अकाल-
परिभोईणि सति लाढे विहाराए संथरमाणेहिं जाणवएहिं णो विहारवत्तियाए पव-
जेज्जा गमणाए केवली बूया 'आयाणमेयं' ते णं वाला "अयं तेणे अयं उवचरए
अयं तओ आगए" ति कट्ठु तं भिक्खुं अक्कोसेज्ज वा जाव उद्वेज्ज वा वत्थं पडि-
ग्गहं कंवलं पायपुच्छं अच्छिदेज्ज वा अभिंदेज्ज वा अवहरिज्ज वा, परिठ्विज्ज वा,
अह भिक्खूणं पुव्वोवदिट्ठा पइण्णा जाव जं णो तहप्पगाराणि विरुवरुवाणि पच्चंति-
याणि दस्सुगायतणाणि जाव विहारवत्तियाए णो पवजेज्जा गमणाए, तओ संजयामेव
गामाणुगामं दूइज्जेज्जा ॥ ७२० ॥ से भिक्खू वा (२) गामाणुगामं दूइज्जमाणे
अंतरा से अरायाणि वा, गणरायाणि वा, जुवरायाणि वा, दोरज्जाणि वा, वेरज्जाणि
वा, विरुद्धरज्जाणि वा, सइ लाढे विहाराए संथरमाणेहिं जणवएहिं णो विहारवत्तियाए
पवजेज्जगमणाए, केवली बूया 'आयाणमेयं' ते णं वाला "अयं तेणे" तं चेव जाव
णो विहारवत्तियाए पवजेज्ज गमणाए तओ संजयामेव गामाणुगामं दूइज्जेज्जा ॥ ७२१ ॥
से भिक्खू वा (२) गामाणुगामं दूइज्जमाणे अंतरा से विहं सिया से जं पुण विहं
जाणिज्जा, एग्गाहेण वा, दुयाहेण वा, तियाहेण वा, चउयाहेण वा, पंचाहेण वा,
पाउणिज्ज वा, नो पाउणिज्ज वा, तहप्पगारं विहं अणेगाहगमणिज्जं सति लाढे जाव

णो विहारवत्तियाए पवजेज गमणाए, केवली वूया 'आयाणमेयं' अंतरा से वासे सिया, पाणेषु वा, पणएसु वा, वीएसु वा, हरिएसु वा, उदएसु वा, मट्टियाए वा, अविट्ठयाए, अह भिक्खूणं पुव्वोवदिट्ठा जाव जं तहप्पगारं अणेगाहगमणिजं जाव णो गमणाए, तओ संजयामेव गामाणुगामं दूइजेज्जा गमणाए ॥ ७२२ ॥ से भिक्खू वा (२) गामाणुगामं दूइज्जमाणे अंतरा से णावा संतारिमे उदए सिया, से जं पुण णावं जाणिज्जा, असंजए भिक्खुपडियाए किणेज्ज वा, पामिच्चेज्ज वा, णावाए वा णावं परिणामं कट्ठु, थलाओ वा णावं जलंसि ओगाहेज्जा, जलाओ वा णावं थलंसि उक्कसेज्जा, पुणं वा णावं उस्सिचवेज्जा, सणं वा णावं उप्पीलावेज्जा, तहप्पगारं णावं उड्डुगामिणिं वा, अहेगामिणिं वा, तिरियगामिणिं वा, परं जोयणमेराए अद्धजोयणमेराए अप्पतरो वा, भुज्जतरो वा, णो दुरुहेज्ज गमणाए ॥ ७२३ ॥ से भिक्खू वा (२) पुव्वामेव तिरिच्छसंपातिमं णावं जाणिज्जा जाणित्ता से तमायाए एगंतमवक्कमिज्जा, भंडगं पडिलेहिज्जा, पडिलेहिता एगओ भोयणभंडगं करेज्जा २ ससीसोवरियं कायं पाए य पमजेज्जा पमजित्ता सागारियभत्तं पच्चक्खाएज्जा पच्चक्खाइत्ता एगं पायं जले किच्चा एगं पायं थले किच्चा तओ संजयामेव णावं दुरुहेज्जा ॥ ७२४ ॥ से भिक्खू वा (२) णावं दुरुहमाणे णो णावाए पुरओ दुरुहेज्जा, णो णावाए अगओ दुरुहेज्जा, णो णावाए मज्झतो दुरुहेज्जा, णो वाहाओ पणिज्झिय पणिज्झिय अंगुलिए उवदंसिय २ ओणमिय २ उण्णमिय २ णिज्झाएज्जा ॥ ७२५ ॥ से णं परो णावागतो णावागयं वएज्जा "आउसंतो समणा ! एयं ता तुमं णावं उक्कसाहि वा वोक्कसाहि वा खिवाहि वा रज्जूए वा गहाय आकसाहि" णो से तं परिणं परिजाणेज्जा तुसिणीओ उवेहेज्जा ॥ ७२६ ॥ से णं परो णावागतो णावागयं वएज्जा "आउसंतो समणा णो संचाएसि णावं उक्कसित्तए वा वोक्कसित्तए वा खिवित्तए वा रज्जुयाए वा गहाय आकसित्तए आहर एतं णावाए रज्जूयं सयं चेव णं वयं णावं उक्कसिस्सामो वा जाव रज्जूए वा गहाय आकसिस्सामो" णो से तं परिणं परिजाणेज्जा तुसिणीओ उवेहेज्जा ॥ ७२७ ॥ से णं परो णावागतो णावागयं वएज्जा आउसंतो समणा एयं ता तुमं णावं आलित्तेण वा, पीढेण वा वंसेण वा वलएण वा अवलएण वा वाहेहि णो से तं परिणं परिजाणिज्जा तुसिणीओ उवेहेज्जा ॥ ७२८ ॥ से णं परो णावागतो णावागयं वदेज्जा "आउसंतो समणा एयं ता तुमं णावाए उदयं हत्थेण वा पाएण वा मत्तेण वा पडिग्गहेण वा णावा उस्सिचणेण वा उस्सिचाहि" णो से तं परिणं परिजाणिज्जा तुसिणीओ उवेहेज्जा ॥ ७२९ ॥ से णं परो णावागतो णावागयं वएज्जा, आउसंतो समणा एतं तो तुमं णावाए उत्तिगं हत्थेण

ज्जिजा ॥ ७५४ ॥ से भिक्खू वा (२) आयरियउवज्झाएहिं सद्धिं दूइज्जमाणे अंतरा से पाडिपहिया उवागच्छेज्जा, ते णं पाडिपहिया से एवं वएज्जा “आउसंतो समणा के तुब्भे ? कओ वा एह ? कहिं वा गच्छिहिह” जे तत्थ आयरियउवज्झाए से भासेज्ज वा, वियागरेज्ज वा, आयरियोवज्झायस्स भासमाणस्स वा वियागरेमाणस्स वा णो अंतराभासं करेज्जा, तओ संजयामेव अहारातिणिए वा० दूइजेज्जा ॥ ७५५ ॥ से भिक्खू वा (२) अहारातिणियं गामाणुगामं दूइज्जमाणे णो अहारातिणियस्स हत्थेण हत्थं जाव अणासायमाणे तओ संजयामेव अहारातिणियं गामाणुगामं दूइज्जिजा ॥ ७५६ ॥ से भिक्खू वा (२) अहारातिणियं दूइज्जमाणे अंतरा से पाडिपहिया उवागच्छेज्जा, ते णं पाडिपहिया एवं वदेज्जा, आउसंतो समणा के तुब्भे ? कओ वा एह ? कहिं वा गच्छिहिह ? जे तत्थ सव्वरातिणिए से भासेज्ज वा वागरेज्ज वा अहारातिणियस्स भासमाणस्स वियागरेमाणस्स वा णो अंतराभासं भासेज्जा, तओ संजयामेव अहाराइणियाए गामाणुगामं दूइज्जिजा ॥ ७५७ ॥ से भिक्खू वा (२) गामाणुगामं दूइज्जमाणे अंतरा से पाडिपहिया आगच्छेज्जा, ते णं पाडिपहिया एवं वदेज्जा “आउसंतो समणा ! अवियाइं एत्तो पडिपहे पासह तंजहामणुस्सं वा गोणं वा महिसं वा पसुं वा पक्खिं वा, सिरीसिवं वा जलयरं वा से आइक्खह दंसेह” तं णो आइक्खेज्जा णो दंसेज्जा णो तेसिं तं परिणं परिजाणिज्जा, तुसिणीओ उवेहेज्जा, जाणं वा, णो जाणंति वएज्जा, तओ संजयामेव गामाणुगामं दूइजेज्जा ॥ ७५८ ॥ से भिक्खू वा (२) गामाणुगामं दूइज्जमाणे अंतरा से पाडिपहिया आगच्छेज्जा ते णं पाडिपहिया एवं वएज्जा “आउसंतो समणा अवियाइं एत्तो पडिपहे पासह उदगपसूयाणि कंदाणि वा मूलाणि वा तयाणि वा पत्ताणि वा पुप्फाणि वा फलाणि वा वीयाणि वा हरियाणि वा उदगं वा संणिहियं अगणिं वा संणिक्विक्खत्तं, सेसं तं चेव से आइक्खह, जाव दूइजेज्जा ॥ ७५९ ॥ से भिक्खू वा (२) गामाणुगामं दूइज्जमाणे अंतरा से पाडिपहिया उवागच्छेज्जा ते णं पाडिपहिया एवं वएज्जा, आउसंतो समणा अवियाइं एत्तो पडिपहे पासह, जवसाणि वा, जाव से णं वा, विहवहवं संणिविठ्ठं, से आइक्खह जाव दूइज्जिजा ॥ ७६० ॥ से भिक्खू वा (२) गामाणुगामं दूइज्जमाणे अंतरा से पाडिपहिया जाव “आउसंतो समणा ! केवइए एत्तो गामे वा जाव रायहाणी वा से आइक्खह जाव दूइज्जिजा ॥ ७६१ ॥ से भिक्खू वा (२) गामाणुगामं दूइज्जमाणे अंतरा से पाडिपहिया जाव “आउसंतो समणा केवइए एत्तो गामस्स नगरस्स वा जाव रायहाणी वा मग्गे, से आइक्खह तहेव जाव दूइज्जिजा ॥ ७६२ ॥ से भिक्खू वा

अज्झत्थवयणं, उवणीयवयणं, अवणीयवयणं, उवणीयावणीयवयणं, अवणीयोवणी-
यवयणं, तीयवयणं, पडुप्पवयणं, अणागयवयणं, पच्चक्खवयणं, परोक्खवयणं
॥ ७६९ ॥ से एगवयणं वदिस्सामीति एगवयणं वएज्जा, जाव परोक्खवयणं वडि-
स्सामीति परोक्खवयणं वएज्जा, इत्थी वेस पुरिसो वेस, णपुंसं वेस, एवं वा चेयं,
अण्णं वा चेयं, अणुवीडि णिट्ठाभासी, समियाए संजए भासं भासिज्जा, इच्चेयाइं
आयतणाइं उवातिकम्म ॥ ७७० ॥ अह भिक्खू जाणिज्जा चत्तारि भासजायाइं,
तंजहा-सच्चमेणं पढमं भासजायं, वीयं मोसं, तइयं सच्चामोसं, जं णेव सच्चं णेव
मोसं नेव सच्चामोसं “असच्चामोसं” णाम तं चउत्थं भासजातं ॥ ७७१ ॥ से वेमि
जे अतीता जे य पडुप्पन्ना जे य अणागया अरहंता भगवंतो सव्वे ते एयाणि
चेव चत्तारि भासांजायाइं भासिंसु वा भासंति वा भासिस्संति वा, पण्णविंसु वा,
पण्णवेंति वा, पण्णविस्संति वा, सव्वाइं च णं एयाइं अचित्ताणि वण्णमंताणि गंध-
मंताणि रसमंताणि फासमंताणि चओवचइयाइं विपरिणामधम्ममाइं भवंतीति सम-
क्खायाइं ॥ ७७२ ॥ से भिक्खू वा (२) पुब्बि भासा अभासा भासमाणा भासा
भासा, भासासमयविड्ढंता च णं भासिया भासा अभासा ॥ ७७३ ॥ से भिक्खू वा (२)
जाय भासा सच्चा, जाय भासा मोसा, जाय भासा सच्चामोसा, जाय भासा असच्चा-
मोसा, तहप्पगारं भासं सावज्जं सकिरियं कक्कसं कडुयं निदुरं फरुसं अण्हयकरिं
छेयणमेयणकरिं परितावणकरिं उद्वकरिं भूतोवघाइयं अभिक्खं भासं णो भासेज्जा
॥ ७७४ ॥ से भिक्खू वा (२) जा य भासा सच्चा सुहमा जाय भासा असच्चा-
मोसा तहप्पगारं भासं असावज्जं अकिरियं जाव अभूतोवघाइयं अभिक्खं भासं
भासेज्जा, अदुवा य पुमं आमंतेमाणे आमंतिते वा अपडिंसुणेमाणं णो एवं वएज्जा,
होळे ति वा गोळे ति वा वसुळे ति वा कुपक्खे ति वा घडदासे ति वा साणे ति
वा तेणे ति वा चारिए ति वा माई ति वा मुसावाइ ति वा एयाइं तुमं ते जणगा
वा, एतप्पगारं भासं सावज्जं सकिरियं जाव अभिक्खं नो भासेज्जा ॥ ७७५ ॥ से
भिक्खू वा (२) पुमं आमंतेमाणे आमंतिए वा अपडिंसुणेमाणे एवं वएज्जा, अमुगे
ति वा आउसोत्ति वा आउसंतोत्ति वा सावगे ति वा उपासगेत्ति वा धम्मिएत्ति वा
धम्मपियेत्ति वा एयप्पगारं भासं असावज्जं जाव अभूतोवघाइयं अभिक्खं भासेज्जा
॥ ७७६ ॥ से भिक्खू वा (२) इत्थि आमंतेमाणे आमंतिए य अपडिंसुणेमाणीं
नो एवं वएज्जा, होली इ वा गोली इ वा इत्थीगमेणं णेतव्वं ॥ ७७७ ॥ से भिक्खू
वा (२) इत्थियं आमंतेमाणे आमंतिए य अपडिंसुणेमाणीं एवं वएज्जा, आउसि
ति वा भगिणि ति वा भगवइ ति वा साविगे ति वा उवासिए ति वा धम्मिए ति

पेहाए एवं वएज्जा, तंजहा-आरंभकडे ति वा सावज्जकडे ति वा पयत्तकडेति वा
 भदयं भदए ति वा ऊसढं ऊसढे ति वा रसियं रसिए ति वा मणुणं मणुणे ति
 वा एयप्पगारं भासं असावज्जं जाव भासेज्जा ॥ ७८७ ॥ से भिक्खू वा (२)
 मणुस्सं वा गोणं वा महिसं वा मिगं वा पसुं वा पक्खिं वा सरीसिवं वा जलयरं
 वा से तं परिवूढकायं पेहाए णो एवं वएज्जा थूलेइ वा पमेइलेइ वा वट्टेइ वा
 वज्जेइ वा पाइमेइ वा एयप्पगारं भासं सावज्जं जाव णो भासिज्जा ॥ ७८८ ॥
 से भिक्खू वा (२) मणुस्सं जाव जलयरं वा से तं परिवूढकायं पेहाए एवं
 वएज्जा, परिवूढकाएति वा, उवचियकाए ति वा थिरसंघयणेति वा उवचियमंस-
 सोणिएति वा बहुपडिपुण्णइंदिएति वा एयप्पगारं भासं असावज्जं जाव भासिज्जा
 ॥ ७८९ ॥ से भिक्खू वा (२) विरुवरुवाओ गाओ पेहाए णो एवं वएज्जा,
 तंजहा-गाओ दोज्जाओ ति वा दम्मेति वा गोरहति वा वाहिमति वा रहजोगति
 वा एयप्पगारं भासं सावज्जं जाव णो भासिज्जा ॥ ७९० ॥ से भिक्खू वा (२)
 विरुवरुवाओ गाओ पेहाए एवं वएज्जा तंजहा-जुवंगवेति वा धेणु ति वा
 रसवइ ति वा हस्सेइ वा महल्लएइ वा महव्वएइ वा संवहणि ति वा
 एयप्पगारं भासं असावज्जं जाव अभिक्खं भासिज्जा ॥ ७९१ ॥ से भिक्खू वा
 (२) तहेव गंतुमुज्जाणाइं पव्वयाइं वणाणि वा रुक्खा महल्ला पेहाए णो एवं
 वएज्जा, तंजहा-पासायजोग्गा ति वा तोरणजोग्गाति वा गिहजोग्गाइ वा
 फलिहजोग्गाइ वा अगगल-नावा-उदगदोणि-पीढ-वंगवेर-गंगल-कुलिय-जंतलठ्ठी-
 णाभि-गंढी-आसण-सयण-जाण-उवस्सय-जोग्गाइ वा, एयप्पगारं भासं सावज्जं
 जाव णो भासिज्जा ॥ ७९२ ॥ से भिक्खू वा (२) तहेव गंतुमुज्जाणाइं पव्व-
 याणि वणाणि य रुक्खा महल्ला पेहाए एवं वएज्जा, तंजहा-जातिमंताइ वा
 दीहवट्ठाइ वा महालयाइ वा पयायसालाइ वा विडिमसालाइ वा
 पासाइयाइ वा जाव पडिरुवाइ वा एयप्पगारं भासं असावज्जं जाव अभिक्खं
 भासिज्जा ॥ ७९३ ॥ से भिक्खू वा (२) बहुसंभूया वणफला पेहाए तहावि
 ते णो एवं वएज्जा तंजहा-पक्का ति वा पायक्खज्जाइ वा वेलोइयाति वा टालाइ
 वा वेहियाइ वा एयप्पगारं भासं सावज्जं जाव णो भासिज्जा ॥ ७९४ ॥ से
 भिक्खू वा (२) बहुसंभूयाफला अंवा पेहाए एवं वएज्जा, तंजहा-असंयडाइ वा
 वहुणिवट्ठिमफलाइ वा बहुसंभूयाइ वा भूयस्सुविति वा एयप्पगारं भासं असावज्जं
 जाव भासेज्जा ॥ ७९५ ॥ से भिक्खू वा (२) बहुसंभूयाओ ओसहीओ पेहाए
 तहावि ताओ णो एवं वएज्जा, तंजहा-पक्काइ वा नीलियाइ वा छवीइ वा

वा, चीगंसुयाणि वा, देसरागाणि वा, अमिलाणि वा, गज्जफलाणि वा, फालियाणि वा, कोयवाणि वा, कंवलगाणि वा, पावरणाणि वा, अण्णयराणि वा तहप्पगाराई वत्थाई महद्धणमोल्लाई लामे संते णो पडिगाहिज्जा ॥ ८०८ ॥ से भिक्खू वा (२) से जाई पुण आईणपाउरणाणि वत्थाणि जाणिज्जा, तंजहा-उद्दाणि वा पेसाणि वा, पेसलाणि वा किण्हमिगाईणगाणि वा णीलमिगाईणगाणि वा गोरमिगाईणगाणि वा कणगाणि वा कणगकंताणि वा कणगपट्टाणि वा कणगखइयाणि वा कणगफुसियाणि वा वग्घाणि वा विवग्घाणि वा आभरणाणि वा आभरणविचि-त्ताणि वा अण्णयराणि वा तहप्पगाराणि आईणपाउरणाणि वत्थाणि लामे संते णो पडिगाहिज्जा ॥ ८०९ ॥ इच्चेइयाई आयतणाई उवाइकम्म अह भिक्खू जाणिज्जा, चउहिं पडिमाहिं वत्थं एसित्तए ॥ ८१० ॥ तत्थ खलु इमा पढमा पडिमा, से भिक्खू वा (२) उद्दिसिय २ वत्थं जाएज्जा, तंजहा-जंगियं वा साणयं वा पोत्तयं वा खोमियं वा तूलकडं वा तहप्पगारं वत्थं सयं वा णं जाएज्जा परो वा णं देज्जा, फासुयं एसणीयं लामे संते पडिगाहिज्जा, **पढमा पडिमा** ॥ ८११ ॥ **अहावरा दोच्चा पडिमा** ॥ से भिक्खू वा (२) पेहाए २ जाएज्जा, तंजहा-गाहावई वा जाव कम्मकरी वा, से पुव्वामेव आलोएज्जा, आउसो त्ति वा भग्गिणि त्ति वा, दाहिसि मे एत्तो अण्णतरं वत्थं? तहप्पगारं वत्थं सयं वा णं जाएज्जा, परो वा से देज्जा, जाव फासुयं एसणीयं लामे संते पडिगाहिज्जा ॥ **दोच्चा पडिमा**, ॥ ८१२ ॥ **अहावरा तच्चा पडिमा** ॥ से भिक्खू वा (२) से जं पुण वत्थं जाणिज्जा तंजहा-अंतरिज्जगं वा उत्तरिज्जगं वा तहप्पगारं वत्थं सयं वा णं जाएज्जा जाव पडिगाहिज्जा ॥ **तच्चा पडिमा** ॥ ८१३ ॥ **अहावरा चउत्था पडिमा** ॥ से भिक्खू वा (२) उज्झियधम्मियं वत्थं जाएज्जा, जं चउत्थे वहवे समणमाहणअतिहिकिवणवणीमगा णावकंखंति, तहप्पगारं उज्झियधम्मियं वत्थं सयं वा णं जाएज्जा परो वा से देज्जा फासुयं जाव पडिगाहेज्जा, **चउत्था पडिमा** ॥ ८१४ ॥ इच्चेयाणं चउत्थं पडिमाणं जहा पिंडेसणाए ॥ ८१५ ॥ सिया णं एयाए एसणाए एसमाणं परो वएज्जा आउसंतो समणा एज्जाहि तुमं मासेण वा दसराएण वा पंचराएण वा सुए वा सुयतरे वा तो ते वयं आउसो अण्णयरं वत्थं दाहामो ।” तहप्पगारं णिग्घोसं सोच्चा णिसम्म से पुव्वामेव आलोएज्जा आउसो त्ति वा भग्गिणि त्ति वा णो खलु मे कप्पइ एयप्पगारे संगारे वयणे पडिसुजेत्तए अभिकंखंति मे दाउं इयाणिमेव दलयाहि, से णेवं वयंतं परो वएज्जा आउसंतो समणा अणुगच्छाहि तो ते वयं अण्णतरं वत्थं दाहामो से पुव्वामेव आलोएज्जा

आउसो त्ति वा भइणि त्ति वा णो खलु मे कप्पइ एयप्पगारे संगारवयणे पडि-
 नेत्तए, अभिकंखसि मे दाउं इयाणिमेव दलयाहि ।” से सेवं वयंतं परो नेया
 वदेज्जा “आउसो त्ति वा भइणि त्ति वा आहरेयं वत्थं समणस्स दाहामो अवियाइं
 वयं पच्छावि अप्पणो सयट्ठाए पाणाइं भूयाइं जीवाइं सत्ताइं समारच्च समुद्दिस्स
 जाव चेइस्सामो” एयप्पगारं णिग्घोसं सोच्चा णिसम्म तहप्पगारं वत्थं अफासुयं
 जाव णो पडिगाहेज्जा ॥ ८१६ ॥ सिया णं परो नेया वएज्जा “आउसो त्ति वा
 भइणि त्ति वा आहरेयं वत्थं सिणाणेण वा ४ जाव आघंसित्ता वा पघंसित्ता वा
 समणस्स णं दाहामो” एयप्पगारं णिग्घोसं सोच्चा णिसम्म से पुव्वामेव आलो-
 एज्जा, आउसो त्ति वा भइणि त्ति वा मा एयं तुमं वत्थं सिणाणेण वा जाव पघंसाहि
 वा अभिकंखसि मे दाउं, एमेव दलयाहि” से सेवं वयंतस्स परो सिणाणेण वा जाव
 पघंसित्ता दलएज्जा, तहप्पगारं वत्थं अफासुयं जाव णो पडिगाहेज्जा ॥ ८१७ ॥ से
 णं परो नेया वएज्जा, “आउसो त्ति वा भइणि त्ति वा आहर एयं वत्थं सीओदग-
 वियडेण वा उस्सिणोदगवियडेण वा उच्छोलेत्ता वा पधोवेत्ता वा समणस्स दाहामो
 एयप्पगारं णिग्घोसं सोच्चा णिसम्म से पुव्वामेव आलोएज्जा आउसो त्ति वा भइणि
 त्ति वा मा एयं तुमं वत्थं सीओदगवियडेण वा उस्सिणोदगवियडेण वा उच्छोलेहि
 वा पधोवेहि वा अभिकंखसि सेसं तहेव जाव णो पडिगाहेज्जा ॥ ८१८ ॥ से णं
 परो नेया वएज्जा “आउसो त्ति वा भइणि त्ति वा आहरेयं वत्थं कंदाणि वा जाव
 हरियाणि वा विसोहिता समणस्स दाहामो” एयप्पगारं णिग्घोसं सोच्चा णिसम्म
 जाव “भइणि त्ति वा मा एयाणि तुमं कंदाणि वा जाव विसोहेहि णो खलु मे
 कप्पइ एयप्पगारे वत्थे पडिगाहित्तए” से सेवं वयंतस्स परो कंदाणि वा जाव
 विसोहिता दलएज्जा तहप्पगारं वत्थं अफासुयं णो पडिगाहेज्जा ॥ ८१९ ॥ सिया
 से परो नेया वत्थं णिसिरेज्जा से पुव्वामेव आलोएज्जा “आउसो त्ति वा भइणि त्ति
 वा तुमं केवणं संतिर्यं वत्थं अंतोअंतेणं पडिलेहिज्जिस्सामि” केवली वूया आयाणमेयं
 वत्थंतेण वद्धे सिया कुंडले वा गुणे वा हिरण्णे वा सुवण्णे वा मणी वा जाव
 रयणावली वा पाणे वा वीए वा हरिए वा अह भिक्खुं पुव्वोवदिट्ठा जाव जं
 पुव्वमेव वत्थं अंतोअंतेणं पडिलेहिज्जा ॥ ८२० ॥ से भिक्खु वा (२) से जं
 पुण वत्थं जाणिज्जा सअंडं जाव संताणगं तहप्पगारं वत्थं अफासुयं जाव णो पडि-
 गाहेज्जा ॥ ८२१ ॥ से भिक्खु वा (२) से जं पुण वत्थं जाणिज्जा अप्पंडं जाव
 अप्पसंताणगं अणलं अथिरं अधुवं अधारणिज्जं रोइजंतं ण रोच्चइ तहप्पगारं वत्थं
 अफासुयं जाव णो पडिगाहेज्जा ॥ ५२२ ॥ से भिक्खु वा (२) से जं पुण वत्थं

जाणिज्जा, अप्पंडं जाव संताणगं अलं थिरं धुवं धारणिज्जं रोइज्जंतं रुच्चइ तहप्पगारं
 वत्थं फासुयं जाव पडिग्गाहेज्जा ॥ णो णवए मे वत्थे त्ति कट्ठु णो बहुदेसिएण
 सिणाणेण वा जाव पधंसेज्जा ॥ ८२३ ॥ पुण णो णवए मे वत्थे त्ति कट्ठु णो बहुदे-
 सिएण सीतोदगवियडेण वा जाव पधोवेज्जा ॥ ८२४ ॥ पुण दुब्भिगंधे मे वत्थे
 त्ति कट्ठु णो बहुदेसिएण सिणाणेण वा तहेव सीओदगवियडेण वा उसिणोदगवियडेण
 वा (आलावओ) ॥ ८२५ ॥ पुण अभिकंखेज्ज वत्थं आयावेत्तए वा पयावेत्तए वा
 तहप्पगारं वत्थं णो अणंतरहियाए जाव पुढवीए णो ससिणद्धाए जाव संताणाए
 आयावेज्ज वा पयावेज्ज वा ॥ ८२६ ॥ पुण अभिकंखेज्जा वत्थं आयावेत्तए वा
 पयावेत्तए वा तहप्पगारं वत्थं थूणंसि वा गिहेलुगंसि वा उसुयालंसि वा कामजलंसि
 वा अण्णयरं वा तहप्पगारे अंतलिक्खजाए दुच्चद्धे दुब्भिक्षित्ते अणिकंपे चलाचले
 णो आयावेज्ज वा पयावेज्ज वा ॥ ८२७ ॥ पुण अभिकंखेज्जा वत्थं आयावेत्तए
 पयावेत्तए वा तहप्पगारं वत्थं कुडियंसि भित्तिसि सिलंसि वा लेलुंसि वा अण्णतरे
 वा तहप्पगारे अंतलिक्खजाए जाव णो आयावेज्ज वा पयावेज्ज वा ॥ ८२८ ॥
 पुण अभिकंखेज्जा वत्थं आयावेत्तए पयावेत्तए वा तहप्पगारे वत्थे खंधंसि वा मंचं-
 मालंसि-पासायंसि-हम्मियतलंसि वा अण्णयरं वा तहप्पगारे अंतलिक्खजाए जाव
 णो आयावेज्ज वा पयावेज्ज वा ॥ ८२९ ॥ से तमादाय एगंतमवक्कमेज्जा अहे
 ज्झामथंडिलंसि वा जाव अण्णयरंसि वा तहप्पगारंसि थंडिलंसि पडिलेहियं २ पस-
 जियं २ तओ संजयामेव वत्थं आयावेज्ज वा पयावेज्ज वा ॥ ८३० ॥ एयं खलु
 तस्स भिक्खुस्स भिक्खुणीए वा सामग्गियं सया जइज्जासि त्ति वेमि ॥ ८३१ ॥
वत्थेसणाज्झयणे पढमोदेसो समत्तो ॥

से भिक्खू वा भिक्खुणी वा, अहेसणिज्जाइं वत्थाइं जाएज्जा, अहापरिग्गहियाइं
 वत्थाइं धारेज्जा, णो धोएज्जा, णो रएज्जा, णो धोयरत्ताइं वत्थाइं धारेज्जा अपलि-
 उंचमाणे गार्मतरेसु ओमचेलिए, एयं खलु वत्थधारिस्स सामग्गियं ॥ ८३२ ॥ से
 भिक्खू वा (२) गाहावइ कुलं पिंडवायपडियाए पविसिउकामे सव्वं चीवरमायाए
 गाहावइकुलं पिंडवायपडियाए णिक्खमेज्ज वा पविसेज्ज वा, एवं चहिया विचारभूमिं
 विहारभूमिं वा गामाणुगामं दूइजेज्जा । अह पुण एवं जाणिज्जा तिक्कदेसियं वा
 वासं वासमाणं पेहाए जहा पिंडेसणाए णवरं सव्वं चीवरमायाए ॥ ८३३ ॥ से
 एगइओ मुहुत्तगं २ पाडिहारियं वीयं वत्थं जाएज्जा, जाव एगाहेण वा दुयाहेण वा
 तिया-चउ-पंचाहेण वा निप्पवसियं २ उवागच्छेज्जा, तहप्पगारं वत्थं णो अप्पणा
 गिण्हेज्जा, णो अण्णमण्णस्स देज्जा, णो पामियं कुज्जा, णो वत्थेण वत्थपरिणामं

आलावगा, पंचमे बहवे समणमाहणा पगणिय २ तहेव ॥ ८४३ ॥ पुण असंजए भिक्खुपडियाए बहवे समणमाहणा (वत्थेसणाऽऽलावओ) ॥ ८४४ ॥ से भिक्खु वा (२) से जाई पुण पादाई जाणिज्जा विरूवरूवाई महद्धणमुल्लाई तंजहा-अयपादाणि वा तउ० तंवपादाणि वा सीसग-हिरण-सुवण-रीरिय-हारपुड-पायाणि वा मणि-काय-कंस-संख-सिंग-दंत-चेल-सेल-पायाणि वा चम्मपायाणि वा अण्णयराणि वा तहप्पगाराई विरूवरूवाई महद्धणमुल्लाई पायाई अफासुयाई जाव णो पडिग्गा-हेज्जा ॥ ८४५ ॥ से भिक्खु वा (२) से जाई पुण पायाई जाणिज्जा, विरूवरूवाई महद्धणवंधणाई तं० अयवंधणाणि वा जाव चम्मवंधणाणि वा अन्नयराई तहप्पगाराई महद्धणवंधणाई अफासुयाई जाव णो पडिग्गाहेज्जा, इच्चैइयाई आयतणाई उवातिकम्म ॥ ८४६ ॥ अह भिक्खु जाणिज्जा चउहिं पडिमाहिं पायं एसित्तए, तत्थ खलु इमा पदमा पडिमा से भिक्खु वा (२) उद्दिसिय २ पायं जाएज्जा, तंजहा-अलाउयपायं वा दारुपायं वा मट्ठियापायं वा तहप्पगारं पायं सयं वा णं जाएज्जा, जाव पडिगाहिंज्जा ॥ **पदमा-पडिमा** ॥ ८४७ ॥ अहावरा दोच्चा पडिमा, से भिक्खु वा (२) पेहाए पायं जाएज्जा, तंजहा-गाहावई वा जाव कम्मकरिं वा से पुव्वामेव आलोएज्जा, “आउसो त्ति वा भइणि त्ति वा दाहिंसि मे एत्तो अण्णयरं पायं, तंजहा-अलाउयपायं वा” जाव तहप्पगारं पायं सयं वा णं जाएज्जा, परो वा से देज्जा जाव पडिगाहेज्जा ॥ **दोच्चा पडिमा** ॥ ८४८ ॥ अहावरा तच्चा पडिमा ॥ से भिक्खु वा (२) से जं पुण पायं जाणिज्जा, संगतियं वा वेज्जियंति यं वा तहप्पगारं पायं सयं वा जाव पडिगाहिंज्जा ॥ **तच्चा पडिमा** ॥ ८४९ ॥ अहावरा चउत्था पडिमा ॥ से भिक्खु वा (२) उज्झियधम्मियं पायं जाएज्जा, जं चउण्णे बहवे समणमाहणा जाव वणीमगा णावर्क-खंति, तहप्पगारं पायं सयं वा णं जाव पडिगाहिंज्जा, **चउत्था पडिमा** ॥ ८५० ॥ इच्चैयाणं चउण्हं पडिमाणं अण्णयरं पडिमं (जहा पिंडेसणाए) ॥ ८५१ ॥ से णं एताए एसणाए एसमाणं पात्तिता परो वएज्जा, “आउसंतो समणा एजाति तुमं मासेण वा जाव” जहा वत्थेसणाए ॥ ८५२ ॥ से णं परो णेया वएज्जा, आउसो त्ति वा भइणि त्ति वा आहरेयं पायं तेहेण वा घएण वा अचभंगेत्ता वा तहेव सिणाणाइ तहेव सीओदगकंदाइ तहेव ॥ ८५३ ॥ से णं परो णेया वएज्जा, “आउसंतो समणा मुहुत्तगं २ अच्छाहि जाव ताव अग्गे असणं वा उक्करेंतु उक्क-परउत्तं वा, तो ते वयं आउसो सपाणं सभोयणं पडिग्गहं दाहामो, तुन्तए पडिग्गाए दिण्णे समणस्स णो तुह्णु साहु भवद” से पुव्वामेव आलोएज्जा आउसो

ति वा भइणि ति वा, णो खलु मे कप्पइ आहाकम्मिए असणे वा पाणे वा खाइमे वा साइमे वा भोत्तए वा पायए वा मा उवकरेहि मा उवक्खडेहि, अभिक्खसि मे दाउं एमेव दलयाहि से सेवं वयंतस्स परो असणं वा जाव उवकरित्ता उवक्खडित्ता, सपाणनं सभोयणं पडिग्गहणं दलएज्जा तहप्पगारं पडिग्गहं अफासुयं जाव णो पडिगाहेज्जा ॥ ८५४ ॥ सिया से परो उवणेत्ता पडिग्गहं णिसिरेज्जा से पुव्वामेव आलोएज्जा आउसो ति वा भइणि ति वा तुमं चेव णं संतिथं पडिग्गहणं अंतोअंतें पडिलेहिस्सामि ॥ ८५५ ॥ केवली बूया 'आयाणमेयं' अंतो पडिग्गहंसि पाणाणि वा वीयाणि वा हरियाणि वा जाव अह भिक्खूणं एस पइण्णा जं पुव्वामेव पडिग्गहणं अंतोअंतें पडिलेहिज्जा ॥ ८५६ ॥ सअंडाईं सव्वे आलावगा भाणियव्वा जहा वत्थेसणाए, णाणत्तं तेल्लेण वा घण्ण वा सिणाणाइ जाव अण्णयरंसि वा तहप्पगारंसि थंडिलंसि पडिलेहिय २ पमज्जिय २ तओ संजयामेव आमज्जिज्जा ॥ ८५७ ॥ एयं खलु तस्स भिक्खुस्स भिक्खुणीए वा सामगियं जं सव्वट्ठेहिं सहिएहिं सया जएज्जासि ति वेमि ॥ ८५८ ॥ पत्तेसणाज्झयणे पढमोद्देसो समत्तो ॥

से भिक्खू वा (२) गाहावइकुलं पिंडवायपडियाए पविट्ठे समाणे, पुव्वामेव पेहाए पडिग्गहणं अवहट्ठु पाणे पमज्जिय रयं ततो संजयामेव गाहावइकुलं पिंडवाय पडियाए णिक्खमेज्ज वा पविसेज्ज वा ॥ ८५९ ॥ केवली बूया 'आयाणमेयं' अंतो पडिग्गहणंसि पाणे वा वीए वा रए वा परियावजेज्जा अह भिक्खूणं पुव्वोवदिट्ठा एस पइण्णा जं पुव्वामेव पेहाए पडिग्गहं अवहट्ठु पाणे पमज्जिय रयं तओ संजयामेव गाहावइकुलं पिंडवायपडियाए पविसेज्ज वा णिक्खमेज्ज वा ॥ ८६० ॥ से भिक्खू वा (२) गाहावइ० जाव० समाणे सिया से परो आहट्ठु अंतो पडिग्गहणंसि सीओदगं परिभाएत्ता णीहट्ठु दलएज्जा तहप्पगारं पडिग्गहं परहत्थंसि वा परपायंसि वा अफासुयं जाव णो पडिग्गाहेज्जा ॥ ८६१ ॥ सेय आहच्च पडिग्गहिए सिया से खिप्पामेव उदगंसि साहरिज्जा, से पडिग्गहमायाए पाणं परिट्ठवेज्जा, ससणिद्धाए वा भूमीए णियमिज्जा ॥ ८६२ ॥ से भिक्खू वा (२) उदउल्लं वा ससिणिद्धं वा पडिग्गहं णो आमज्जिज्ज वा जाव पयावेज्ज वा ॥ ८६३ ॥ अह पुण एवं जाणिज्जा-विगओदए मे पडिग्गहए छिण्णसिणेहे तहप्पगारं पडिग्गहं तओ संजयामेव आमज्जिज्ज वा जाव पयाविज्ज वा ॥ ८६४ ॥ से भिक्खू वा (२) गाहावइकुलं वा० पविसिउकामे से पडिग्गहमायाए गाहा० पिंडवायपडियाए पविसिज्ज वा णिक्खमिज्ज वा एवं वहिया वियारभूमिं वा विहारभूमिं वा गामाणुगामं दूइज्जिज्जा ॥ ८६५ ॥ तिक्खदेसियाए जहा विइयाए वत्थेसणाए णवरं एत्थ पडिग्गहे ॥ ८६६ ॥

एयं खलु तस्स भिक्खुस्स भिक्खुणीए वा सामगिरयं जं सव्वट्ठेहिं सहिए सया
जएज्जासि ति वेमि ॥ ८६७ ॥ पत्तेसणाज्झयणे वीओदेसो समत्तो ॥
छट्ठं पत्तेसणाज्झयणं समत्तं ॥

समणे भविस्सामि अणगारे अकिंचणे अपुत्ते अपसू परदत्तभोई पावं कम्मं
णो करिस्सामि ति समुट्ठाए सव्वं भंते अदिण्णादाणं पच्चक्खामि ॥ ८६८ ॥
से अणुपविसित्ता गामं वा जाव० णेव सयं अदिजं गिण्हिज्जा, णेवण्णेणं अदिणं
गिण्हावेज्जा, णेवण्णेणं अदिणं गिण्हंतं समणुजाणेज्जा । जेहिवि सद्धिं संपव्वइए
तेसिं पुव्वामेव उग्गहं अणुणविय अपडिलेहिय अपमज्जिय णो गिण्हेज्ज वा
पगिण्हेज्ज वा तेसिं पुव्वामेव उग्गहं जाइज्जा अणुणविय पडिलेहिय पमज्जिय
तओ सं० उगिण्हिज्ज वा पगिण्हिज्ज वा ॥ ८६९ ॥ से आगंतारेसु वा (४)
अणुवीइ उग्गहं जाएज्जा, जे तत्थ ईसरे जे तत्थ समहिट्ठाए ते उग्गहं अणु-
णवेज्जा कामं खलु आउसो अहालंदं अहापरिण्णातं वसामो जाव आउसंतस्स
उग्गहे जाव साहम्मिया एइ ताव उग्गहं गिण्हिस्सामो तेण परं विहरिस्सामो
॥ ८७० ॥ से किं पुण तत्थोग्गहंसि एवोग्गहियंसि ? जे तत्थ साहम्मिया
संभोइया समणुण्णा उवागच्छेज्जा, जे तेण सयमेसित्ताए असणे वा (४) तेण
ते साहम्मिया संभोइया समणुण्णा उवणिमंतेज्जा, णो चेव णं परवडियाए उगि-
ज्झिय २ उवणिमंतेज्जा ॥ ८७१ ॥ से आगंतारेसु वा (४) जाव से किं पुण
तत्थोग्गहंसि एवोग्गहियंसि, जे तत्थ साहम्मिया अण्णसंभोइया समणुञ्जा उवाग-
च्छेज्जा जे तेणं सयमेसित्ताए पीढे वा फलए वा सेज्जासंथारए वा, तेण ते साह-
म्मिए अण्णसंभोइए समणुजे उवणिमंतेज्जा णो चेव णं परवडियाए उगिज्झिय २
उवणिमंतेज्जा ॥ ८७२ ॥ से आगंतारेसु वा (४) जाव से किं पुण तत्थोग्गहंसि
एवोग्गहियंसि जे तत्थ गाहावईण वा गाहावइपुत्ताण वा सई वा पिप्पलए वा कण्ण-
सोहणए वा णहच्छेयणए वा अप्पणो तं एगस्स अट्ठाए पाडिहारियं जाइत्ता णो
अण्णमणस्स देज वा अणुपदेज वा सयं करणिज्जं ति कट्ठु से तमादाए तत्थ
गच्छेज्जा गच्छित्ता पुव्वामेव उत्ताणए हत्थे ति कट्ठु भूमीए वा ठवेत्ता 'इमं खलु
इमं खलु' ति आलोएज्जा, णो चेव णं सयं पाणिणा परपाणिसि पच्चप्पिणेज्जा
॥ ८७३ ॥ से भिक्खु वा (२) से जं पुण उग्गहं जाणिज्जा अणंतरहियाए पुढवीए
ससणिद्धाए पुढवीए जाव संताणाए तहप्पगारे उग्गहं णो उगिण्हेज्ज वा पगिण्हेज्ज
वा ॥ ८७४ ॥ से भिक्खु वा (२) से जं पुण उग्गहं जाणिज्जा थूणंसि वा (४)
तहप्पगारे अंतलिक्खत्ताए दुच्चै जाव णो उग्गहं उगिण्हेज्ज वा पगिण्हेज्ज वा

॥ ८७५ ॥ से भिक्खू वा (२) से जं पुण उग्गहं जाणिज्जा कुलियंसि वा जाव ण उग्गिहेज्ज वा (२) ॥ ८७६ ॥ से भिक्खू वा (२) खंधंसि वा अण्णयरे व तहप्पगारे जाव णो उग्गिहेज्ज वा (२) ॥ ८७७ ॥ से जं पुण उग्गहं जाणिज्ज ससागारियं सागणियं सउदयं सइत्थि सखुद्धं सपसुं सभत्तपाणं णो पण्णस्स णिक्खम् णपवेसे जाव धम्माणुओगचित्ताए सेवं णच्चा तहप्पगारे उवस्सए ससागारिए जा सखुद्ध-पसु-भत्तपाणे णो उग्गहं उग्गिहेज्जा वा २ ॥ ८७८ ॥ से भिक्खू वा (२) से जं पुण उग्गहं जाणिज्जा गाहावइकुलस्स मज्झमज्झेणं गंतुं पंथे पडिवद्धं वा ण पण्णस्स जाव से एवं णच्चा तहप्पगारे उवस्सए णो उग्गहं उग्गिहेज्ज वा २ ॥ ८७९ ॥ से भिक्खू वा (२) से जं पुण उग्गहं जाणिज्जा, इह खलु गाहावइ वा जाव कम्मकरीओ वा अण्णमणं अक्कोसंति वा तहेव तेह्ल-सिणाण-सीओदंगवि-यडणिगिणाइ य जहा सिज्जाए आलावगा णवरं उग्गहवत्तवया ॥ ८८० ॥ से भिक्खू वा (२) से जं पुण उग्गहं जाणिज्जा आइण्णसंलिक्खे णो पण्णस्स जाव चित्ताए, तहप्पगारे उवस्सए णो उग्गहं उग्गिहेज्ज वा २ ॥ ८८१ ॥ एयं खलु तस्स भिक्खुस्स २ सामगियं ॥ ८८२ ॥ उग्गहपडिमाज्झयणे पढमोहेसो ॥

से आगंतारेसु वा (४) अणुवीइ उग्गहं जाएज्जा, जे तत्थ ईसरे समहिट्ठाए ते उग्गहं अणुणविज्जा कामं खलु आउसो अहालदं अहा परिणायं वसामो जाव आउसो, आउसंतस्स उग्गहे जाव साहम्मियाए ताव उग्गहं उग्गिहेस्सामो तेण परं विहरिस्सामो ॥ ८८३ ॥ से किं पुण तत्थ उग्गहंसि एवोग्गहियंसि ? जे तत्थ समणण वा माहणण वा दंडए वा छत्तए वा जाव चम्मछेदणए वा तं णो अंतो-हितो वाहिं णीणेज्जा, वहियाओ वा णो अंतो पवेसेज्जा, णो सुत्तं वा णं पडिवोहेज्जा, णो तेसिं किंचिवि अप्पत्तियं पडिणीयं करेज्जा ॥ ८८४ ॥ से भिक्खू वा (२) अभिकंखेज्जा अंववणं उवागच्छित्तए जे तत्थ ईसरे जे तत्थ समहिट्ठाए ते उग्गहं अणुजाणावेज्जा, कामं खलु जाव विहरिस्सामो ॥ ८८५ ॥ से किं पुण तत्थोग्ग-हंसि एवोग्गहियंसि अह भिक्खु इच्छेज्जा अंवं भोत्तए वा से जं पुण अंवं जाणिज्जा सअंडं जाव ससंतारं तहप्पगारं अंवं अफासुयं जाव णो पडिगाहिज्जा, ॥ ८८६ ॥ से भिक्खू वा (२) से जं पुण अंवं जाणिज्जा, अप्पंडं जाव अप्पसंतानगं अति-रिच्छच्छिन्नं अवोच्छिन्नं अफासुयं जाव णो पडिगाहिज्जा ॥ ८८७ ॥ से भिक्खू वा (२) से जं पुण अंवं जाणिज्जा, अप्पंडं जाव संताणं तिरिच्छच्छिणं वोच्छिन्नं फासुयं जाव पडिगाहिज्जा ॥ ८८८ ॥ से भिक्खू वा (२) अभिकंखेज्जा अंवभि-त्तगं वा अंवपेसियं वा अंवचोयगं वा अंवसालगं वा अंवडालगं वा

भोत्तए वा पायए वा से जं पुण जाणिज्जा, अंबभित्तगं वा जाव अंबडालगं वा सअंडं जाव संताणगं अफासुयं जाव णो पडिग्गाहिज्जा ॥ ८८९ ॥ से भिक्खू वा (२) से जं पुण जाणिज्जा, अंबभित्तगं वा जाव, अप्पंडं जाव संताणगं अतिरिच्छच्छिन्नं वा अवोच्छिन्नं वा अफासुयं जाव णो पडिग्गाहिज्जा ॥ ८९० ॥ से भिक्खू वा (२) से जं पुण जाणिज्जा अंबभित्तगं वा जाव, अप्पंडं जाव संताणगं तिरिच्छच्छिन्नं वोच्छिन्नं फासुयं जाव पडिग्गाहिज्जा ॥ ८९१ ॥ से भिक्खू वा (२) अभिकंखेज्जा उच्छुवणं उवागच्छित्तए जे तत्थ ईसरे जाव उग्गहंसि० ॥ ८९२ ॥ अह भिक्खू इच्छेज्जा उच्छुं भोत्तए वा पायए वा से जं उच्छुं जाणिज्जा, सअंडं जाव णो पडिग्गाहिज्जा ॥ अतिरिच्छच्छिन्नं तहेव, तिरिच्छच्छिन्ने वि तहेव ॥ ८९३ ॥ से भिक्खू वा (२) से जं पुण अभिकंखेज्जा अंतरुच्छुयं उच्छुगंडियं वा उच्छुचोयगं वा उच्छुसालगं वा उच्छुडालगं वा सअंडं जाव णो पडिग्गाहिज्जा ॥ ८९४ ॥ से भिक्खू वा (२) से जं पुण जाणिज्जा, अंतरुच्छुयं वा जाव डालगं वा सअंडं जाव णो पडिग्गाहिज्जा ॥ ८९५ ॥ से भिक्खू वा (२) से जं पुण जाणिज्जा अंतरुच्छुयं वा जाव डालगं वा अप्पंडं जाव णो पडिग्गाहिज्जा, अतिरिच्छच्छिन्नं तहेव ॥ ८९६ ॥ तिरिच्छच्छिन्नं तहेव पडिग्गाहिज्जा ॥ ८९७ ॥ से भिक्खू वा (२) आगंतारेसु वा (४) जाव उग्गहियंसि जे तत्थ, गाहावईण वा गाहावइपुत्ताण वा इच्चैयाई आयतणाई उवाइक्कम्म ॥ ८९८ ॥ अह भिक्खू जाणिज्जा इमाहिं सत्ताहिं पडिमाहिं उग्गहं उगिण्हित्तए ॥ ८९९ ॥ पढमा पडिमा, से आगंतारेसु वा (४) अणुवीइ उग्गहं जाएज्जा जाव० विहरिस्सामो ॥ ९०० ॥ दोच्चा पडिमा, जस्सणं भिक्खुस्स एवं भवइ “अहं च खलु अण्णेसिं भिक्खूणं अट्ठाए उग्गहं गिण्हिस्सामि, अण्णेसिं भिक्खूणं उग्गहिए उग्गहे उवट्ठिस्सामि, ॥ ९०१ ॥ तच्चा पडिमा, जस्सणं भिक्खुस्स एवं भवइ “अहं च खलु अण्णेसिं भिक्खूणं अट्ठाए उग्गहं उगिण्हिस्सामि, अण्णेसिं च उग्गहिए उग्गहे णो उवट्ठिस्सामि ॥ ९०२ ॥ चउत्था पडिमा, जस्सणं भिक्खुस्स एवं भवइ “अहं च खलु अण्णेसिं भिक्खूणं अट्ठाए उग्गहं णो उगिण्हिस्सामि अण्णेसिं च उग्गहे उग्गहिए उवट्ठिस्सामि ॥ ९०३ ॥ पंचमा पडिमा, जस्सणं भिक्खुस्स एवं भवइ, अहं च खलु अप्पणो अट्ठाए उग्गहं उगिण्हिस्सामि, णो दोण्हं, णो तिण्हं, णो चउण्हं, णो पंचण्हं, ॥ ९०४ ॥ छट्ठा पडिमा, जस्सेव उग्गहे उवट्ठि-एज्जा, जे तत्थ अहा समण्णागए, तंजहा-इक्कडे जाव पलाळे वा तस्स लामे संवसेज्जा, तस्स अलामे उट्ठुए वा णेसज्जिए वा विहरेज्जा ॥ ९०५ ॥ सत्तमा

पडिमा, से भिक्खू वा, अहासंथडमेव उग्गहं जाएज्जा, तंजहा-पुढविसिलं वा, कट्टसिलं वा, अहासंथडमेव तस्स लाभे संवसेज्जा, तस्स अलाभे उक्कुडुओ वा णेसज्जिओ वा, विहरेज्जा ॥ ९०६ ॥ इच्चैसिं सत्तप्पं पडिमाणं अण्णयरं, जहा पिंढे-सणाए ॥ ९०७ ॥ सुयं मे आउसं तेणं भगवया एवमक्खायं इह खलु धेरेहिं भगवंतेहिं पंचविहे उग्गहे पण्णत्ते, तंजहा-देविंदोग्गहे, रायोग्गहे, गाहावइउग्गहे, सागारियउग्गहे, साहम्मियउग्गहे ॥ ९०८ ॥ एवं खलु तस्स भिक्खुस्स २ सामग्गियं ॥ ९०९ ॥ उग्गहपडिमाज्झयणे वीओदेसो समत्तो ॥ सत्तमं उग्गहपडिमाज्झयणं समत्तं, पढमा चूडा समत्ता ॥

से भिक्खू वा (२) अभिक्खेज्जा ठाणं ठाइत्तए से अणुपविसिज्जा, गामं वा, नगरं वा, जाव सण्णिवेसं वा, से अणुपविसित्ता, गामं वा जाव सण्णिवेसं वा, से जं पुण ठाणं जाणिज्जा, सअंडं जाव मक्कडासंताणयं तं तहप्पगारं ठाणं अफासुयं अणेसणिज्जं लाभे संते णो पडिगाहिज्जा, एवं सेज्जागमेण णेयव्वं, जाव उदयपसूया-इंति ॥ ९१० ॥ इच्चैयाइं आयतणाइं उवातिकम्म अह भिक्खू इच्छेज्जा, चउहिं पडिमाहिं ठाणं ठाइत्तए ॥ ९११ ॥ **पढमा पडिमा**-अचित्तं खलु उवसजेज्जा अवलंबेज्जा काएण विपरिकम्मादि सवियारं ठाणं ठाइस्सामि ॥ ९१२ ॥ **दोच्चा पडिमा**-अचित्तं खलु उवसजेज्जा अवलंबेज्जा काएण विपरिकम्माइं णो सवियारं ठाणं ठाइस्सामि ॥ ९१३ ॥ **तच्चा पडिमा**-अचित्तं खलु उवसजेज्जा अवलंबेज्जा णो काएण, विपरिकम्माइं णो सवियारं ठाणं ठाइस्सामि ति ॥ ९१४ ॥ **चउत्था पडिमा**-अचित्तं खलु उवसजेज्जा, णो अवलंबेज्जा काएण, णो विपरिकम्माइं णो सवियारं ठाणं ठाइस्सामि ति वोसठ्ठकाए वोसठ्ठकेसमंखुलोमणहे संणिरुद्धं वा ठाणं ठाइस्सामि ति ॥ ९१५ ॥ इच्चैयासिं चउण्हं पडिमाणं जाव पग्गहियतरायं विहरेज्जा, णो तत्थ किंचिवि वएज्जा ॥ ९१६ ॥ एयं खलु तस्स भिक्खुस्स २ वा सामग्गियं जाव जएज्जासि ति वेमि ॥ ९१७ ॥ **ठाणसत्तिकयं अट्ठमं अज्झयणं समत्तं, पढमं सत्तिकयं समत्तं ॥**

से भिक्खू वा (२) अभिक्खेज्जा णिसीहियं फासुयं गमणाए से पुण णिसीहियं जाणिज्जा, सअंडं सपाणं जाव मक्कडासंताणयं तहप्पगारं णिसीहियं अणेसणिज्जं लाभे संते णो चेतिस्सामि ॥ ९१८ ॥ से भिक्खू वा (२) अभिक्खेज्जा णिसीहियं गमणाए से जं पुण णिसीहियं जाणिज्जा अप्पंडं अप्पपाणं जाव मक्कडासंताणयं तहप्पगारं णिसीहियं फासुयं एसणिज्जं लाभे संते चेतिस्सामि एवं सेज्जागमेणं

णेयव्वं जाव उदगप्पसूयाइं ॥ ९१९ ॥ जे तत्थ दुवग्गा जाव पंचवग्गा वा अभिसंधारेति णिसीहियं गमणाए ते णो अण्णमण्णस्स कायं आलिगेज्ज वा विलिगेज्ज वा चुंवेज्ज वा दंतेहिं णहेहिं वा अर्च्छिदेज्ज वा वुच्छिदेज्ज वा ॥ ९२० ॥ एयं खलु तस्स भिक्खुस्स (२) वा सामग्गियं जं सब्वट्ठेहिं सहिए समिए सया जएज्जा सेयमिणं मण्णिज्जासि त्ति वेमि ॥ ९२१ ॥ **णवमं णिसीहियाज्जयणं समत्तं, णिसीहियासत्तिकयं समत्तं वीयं ॥**

से भिक्खू वा (२). उच्चारपासवणकिरियाए उब्बाहिंज्जमाणे सयस्स पायपुंछ-
णस्स असईए तओ पच्छा साहम्मियं जाएज्जा ॥ ९२२ ॥ से भिक्खू वा (२)
से जं पुण थंडिलं जाणिज्जा सअंडं सपाणं जाव मक्कडासंताणयं तहप्पगारंसि
थंडिलंसि णो उच्चारपासवणं वोसिरेज्जा ॥ ९२३ ॥ से भिक्खू वा (२) से जं पुण
थंडिलं जाणिज्जा, अप्पपाणं अप्पवीयं जाव मक्कडासंताणयं तहप्पगारंसि थंडिलंसि
उच्चारपासवणं वोसिरेज्जा ॥ ९२४ ॥ से भिक्खू वा (२) से जं पुण थंडिलं
जाणिज्जा, अस्सिपडियाए एगं साहम्मियं समुद्दिस्स अस्सिपडियाए वहवे साह-
म्मिया समुद्दिस्स अस्सिपडियाए एगं साहम्मिणिं समुद्दिस्स अस्सि पडियाए वहवे
साहम्मिणीओ समुद्दिस्स अस्सि० वहवे समणमाहणवणीमया पगणिय पगणिय
समुद्दिस्स पाणाइं (४) जाव उदेसियं चेतेति, तहप्पगारं थंडिलं पुरिसंतरकडं
जाव वहिया णीहडं वा अनीहडं वा अण्णयरंसि वा तहप्पगारंसि थंडिलंसि णो
उच्चारपासवणं वोसिरेज्जा ॥ ९२५ ॥ से भिक्खू वा (२) से जं पुण थंडिलं
जाणिज्जा, वहवे समणमाहणकिवणवणीमगअतिही समुद्दिस्स पाणाइं (४) जाव
उदेसियं चेतेति, तहप्पगारं थंडिलं अपुरिसंतरकडं जाव वहिया अणीहडं वा
अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९२६ ॥
अह पुण एवं जाणिज्जा, पुरिसंतरकडं जाव वहिया णीहडं वा अण्णयरंसि तहप्प-
गारंसि थंडिलंसि उच्चारपासवणं वोसिरेज्जा ॥ ९२७ ॥ से भिक्खू वा (२) से
जं पुण थंडिलं जाणिज्जा, अस्सिपडियाए कयं वा कारियं वा पामिच्चियं वा छण्णं
वा घट्ठं वा मट्ठं वा लित्तं वा संपधूमियं वा अण्णयरंसि तहप्पगारंसि थंडिलंसि णो
उच्चारपासवणं वोसिरेज्जा ॥ ९२८ ॥ से भिक्खू वा (२) से जं पुण थंडिलं
जाणिज्जा, इह खलु गाहावडं वा गाहावड्पुत्ता वा कंदाणि वा मूलाणि वा जाव
हरियाणि वा अंतराओ वा चाहिं णीहरंसि वहियाओ वा अंतो साहरंसि अण्णयरंसि
वा तहप्पगारंसि थंडिलंसि णो उच्चारपासवणं वोसिरेज्जा ॥ ९२९ ॥ से भिक्खू वा
(२) से जं पुण थंडिलं जाणिज्जा, खंपंसि वा पीडंसि वा मंचंसि वा मालंसि वा
६ सुत्ता०

अट्टंसि वा पासायंसि वा अण्णयरंसि वा थंडिलंसि णो उच्चारपासवणं वोसिरेज्जा ॥ ९३० ॥ से भिक्खू वा (२) से जं पुण थंडिलं जाणिज्जा, अणंतरहियाए पुढवीए ससिणिद्धाए पुढवीए ससरक्खाए पुढवीए मट्ठियामक्कडाए चित्तमंताए सिलाए चित्तमंताए लेलुयाए कोलावासंसि वा दास्यंसि वा जीवपइट्ठियंसि वा जाव मक्कडासंताणयंसि वा अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३१ ॥ से भिक्खू वा (२) से जं पुण थंडिलं जाणिज्जा, इह खलु गाहावइ वा गाहावइ पुत्ता वा कंदाणि वा जाव बीयाणि वा परिसाडेंसु वा परिसाडिंति वा परिसाडिस्संति वा अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३२ ॥ से भिक्खू वा (२) से जं पुण थंडिलं जाणिज्जा, इह खलु गाहावइ वा गाहावइपुत्ता वा सालीणि वा बीहीणि वा मुग्गाणि वा मासाणि वा कुलत्थाणि वा जवाणि वा जवजवाणि वा पतिरिंसु वा पतिरिंति वा पतिरिस्संति वा अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३३ ॥ से भिक्खू वा (२) से जं पुण थंडिलं जाणिज्जा, आमोयाणि वा घासाणि वा भिलुयाणि वा विज्जलयाणि वा खाणुयाणि वा कडयाणि वा पगडाणि वा दरीणि वा पडुग्गाणि वा समाणि वा विसमाणि वा अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३४ ॥ से भिक्खू वा (२) से जं पुण थंडिलं जाणिज्जा, माणुसरंधणाणि वा, महिसकरणाणि वा, वसभकरणाणि वा, अस्सकरणाणि वा, कुक्कुडकरणाणि वा, मक्कडकरणाणि वा लावयकरणाणि वा, वट्ठयकरणाणि वा, तित्तिरकरणाणि वा, कन्नोयकरणाणि वा, कपिंजलकरणाणि वा, अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३५ ॥ से भिक्खू वा (२) से जं पुण थंडिलं जाणिज्जा, वेहाणसट्ठाणेषु वा, गिद्धपिठ्ठाणेषु वा, तरुपडण्ठाणेषु वा, मेरुपडण्ठाणेषु वा, विसभक्खणयट्ठाणेषु वा, अगणिपडण्ठाणेषु वा अण्णयरंसि वा तहप्पगारंसि णो उच्चारपासवणं वोसिरेज्जा ॥ ९३६ ॥ से भिक्खू वा (२) से जं पुण थंडिलं जाणिज्जा, आरामाणि वा, उज्जाणाणि वा, वणाणि वा वणसंडाणि वा, देवकुलाणि वा, समाणि वा, पवाणि वा, अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३७ ॥ से भिक्खू वा (२) से जं पुण थंडिलं जाणिज्जा, अट्ठालयाणि वा, चरियाणि वा, दाराणि वा, गोपुराणि वा, अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९३८ ॥ से भिक्खू वा (२) से जं पुण थंडिलं जाणिज्जा, तिगाणि वा, चंडकाणि वा, चन्धराणि वा, चउमुहाणि वा, अण्णयरंसि वा तहप्पगारंसि थंडिलंसि णो उच्चारपासवणं

वोसिरेज्जा ॥ ९३९ ॥ से भिक्खू वा (२) से जं पुण थंडिलं जाणिज्जा, इंगार-
 डाहेसु वा, खारडाहेसु वा, मडयडाहेसु वा, मडयथूभियासु वा, अण्णयरंसि वा
 तहप्पगारंसि थंडिलंसि णो उच्चारपासवणं वोसिरेज्जा ॥ ९४० ॥ से भिक्खू वा
 (२) से जं पुण थंडिलं जाणिज्जा णदियाययणेसु वा, पंकाययणेसु वा, ओघाय-
 यणेसु वा, सेयणवहंसि वा, अण्णयरंसि वा तहप्पगारंसि थंडिलंसि णो उच्चारपा-
 सवणं वोसिरेज्जा ॥ ९४१ ॥ से भिक्खू वा (२) से जं पुण थंडिलं जाणिज्जा,
 णवियासु वा मट्ठियखाणियासु णवियासु गोप्पहिलियासु वा, गवाणीसु वा, खाणीसु
 वा, अण्णयरंसि वा तहप्पगारंसि थंडिलंसि णो उच्चारपासवणं वोसिरेज्जा ॥ ९४२ ॥
 से भिक्खू वा (२) से जं पुण थंडिलं जाणिज्जा, डागवच्चंसि वा, सागवच्चंसि वा,
 मूलगवच्चंसि वा, हत्थंकरवच्चंसि वा, अण्णयरंसि वा तहप्पगारंसि थंडिलंसि णो
 उच्चारपासवणं वोसिरेज्जा ॥ ९४३ ॥ से भिक्खू वा (२) से जं पुण थंडिलं
 जाणिज्जा, असणवणंसि वा, सणवणंसि वा, धायइवणंसि वा, कैयइवणंसि वा,
 अंववणंसि वा, असोगवणंसि वा, णागवणंसि वा, पुण्णागवणंसि वा, चुल्लगवणंसि
 वा, अण्णयरंसु वा तहप्पगारंसु वा पत्तोवेएसु वा, पुफ्फोवेएसु वा, फलोवेएसु वा,
 बीओवेएसु वा, हरिओवेएसु वा णो उच्चारपासवणं वोसिरेज्जा ॥ ९४४ ॥ से
 भिक्खू वा (२) सयपाययं वा परपाययं वा गहाय सेतमायाए एगंतमवक्कमेज्जा,
 अणावायंसि असंलोइयंसि अप्पपाणंसि जाव मक्कडासंताणयंसि अहारामंसि वा
 उवस्सयंसि तओ संजयामेव उच्चारपासवणं वोसिरेज्जा, उच्चारपासवणं वोसिरित्ता
 सेतमायाए एगंतमवक्कमे अणावाहंसि जाव मक्कडासंताणयंसि अहारामंसि वा,
 ज्झामथंडिलसि वा, अण्णयरंसि वा तहप्पगारंसि थंडिलंसि अचित्तंसि तओ संजया-
 मेव उच्चारपासवणं परिठ्वेज्जा ॥ ९४५ ॥ एयं खलु तस्स भिक्खुस्स २ वा साम-
 गियं जाव जएज्जासि तिवेमि ॥ ९४६ ॥ उच्चारपासवणसत्तिकयं दस्सम-
 मज्झयणं समत्तं ॥ सत्तिकयं समत्तं तइयं ॥

से भिक्खू वा (२) मुइंगसद्दाणि वा, नंदीसद्दाणि वा, झद्धीसद्दाणि वा,
 अण्णयराणि वा तहप्पगाराणि विह्वरूवाणि वितताइं सद्दाइं कण्णसोयणपडियाए
 णो अभिसंधारेज्जा गमणाए ॥ ९४७ ॥ से भिक्खू वा (२) अहावेगइयाइं सद्दाइं
 नुणेइं तंजहा-वीणासद्दाणि वा, विपंचीसद्दाणि वा, पिप्पीसगसद्दाणि वा, तूणयसद्दाणि
 वा, वणयसद्दाणि वा, तुंववीणियसद्दाणि वा, टंकुणसद्दाणि वा अण्णयराइं वा
 तहप्पगाराइं विह्वरूवाणि सद्दाणि वितताइं कण्णसोयपडियाए णो अभिसंधारेज्जा
 गमणाए ॥ ९४८ ॥ से भिक्खू वा (२) अहावेगइयाइं सद्दाइं नुणेति तंजहा-

तालसद्दाणि वा, कंसतालसद्दाणि वा, लत्तियसद्दाणि वा, गोहियसद्दाणि वा, किरिकिरियसद्दाणि वा अण्णयराणि वा तहप्पगाराइं विरुवरुवाइं तालसद्दाइं कण्ण-
 सोयपडियाए णो अभिसंधारेज्जा गमणाए ॥ ९४९ ॥ से भिक्खू वा (२) अहा-
 वेगइयाइं सद्दाइं सुणेति तंजहा-संखसद्दाणि वा, वेणुसद्दाणि वा, वंससद्दाणि वा,
 खरमुहीसद्दाणि वा, पिरिपिरियसद्दाणि वा अण्णयराइं वा तहप्पगाराइं विरुवरुवाइं
 सद्दाइं झुसिराइं कण्णसोयपडियाए णो अभिसंधारेज्जा गमणाए ॥ ९५० ॥ से
 भिक्खू वा (२) अहावेगइयाइं सद्दाइं सुणेति तंजहा-वप्पाणि वा, फलिहाणि वा,
 जाव सराणि वा, सागराणि वा सरपंतियाणि वा, सरसरपंतियाणि वा, अण्णयराइं
 तहप्पगाराइं विरुवरुवाइं सद्दाइं कण्णसोयपडियाए णो अभिसंधारेज्जा गमणाए
 ॥ ९५१ ॥ से भिक्खू वा (२) अहावेगइयाइं सद्दाइं सुणेति तंजहा-कच्छाणि वा,
 णूमाणि वा, गहणाणि वा, वणाणि वा, वणदुग्गाणि वा, पव्वयाणि वा, पव्वय-
 दुग्गाणि वा, अण्णयराइं वा तहप्पगाराइं विरुवरुवाइं सद्दाइं कण्णसोयपडियाए णो
 अभिसंधारेज्जा गमणाए ॥ ९५२ ॥ से भिक्खू वा (२) अहावेगइयाइं सद्दाइं सुणेति
 तंजहा-गामाणि वा, णगराणि वा, णिगमाणि वा, रायहाणि आसमपट्टणसंनि-
 वेसाणि वा, अण्णयराइं तहप्पगाराइं सद्दाइं णो अभिसंधारेज्जा गमणाए ॥ ९५३ ॥
 से भिक्खू वा (२) अहावेगइयाइं सद्दाइं सुणेति तंजहा-आरामाणि वा, उज्जाणाणि
 वा, वणाणि वा, वणसंडाणि वा, देवकुलाणि वा सभाणि वा, पवाणि वा, अण्णयराइं
 वा तहप्पगाराइं सद्दाइं णो अभिसंधारेज्जा गमणाए ॥ ९५४ ॥ से भिक्खू वा
 (२) अहावेगइयाइं सद्दाइं सुणेति तंजहा अट्ठाणि वा, अट्ठालयाणि वा, चरियाणि
 वा, दाराणि वा, गोपुराणि वा, अण्णयराइं वा तहप्पगाराइं सद्दाइं णो अभि-
 संधारेज्जा गमणाए ॥ ९५५ ॥ से भिक्खू वा (२) अहावेगइयाइं सद्दाइं सुणेति
 तंजहा-तियाणि वा, चउक्काणि वा, चच्चराणि वा, चउम्मुहाणि वा, अण्णयराइं वा
 तहप्पगाराइं सद्दाइं णो अभिसंधारेज्जा गमणाए ॥ ९५६ ॥ से भिक्खू वा (२)
 अहावेगइयाइं सद्दाइं सुणेति तंजहा-महिसट्ठाणकरणाणि वा, वसभट्ठाणकरणाणि वा,
 अस्सट्ठाणकरणाणि वा, हत्थिट्ठाणकरणाणि वा जाव कर्विजलट्ठाणकरणाणि वा,
 अण्णयराइं वा तहप्पगाराइं सद्दाइं णो अभिसंधारेज्जा गमणाए ॥ ९५७ ॥ से भिक्खू
 वा (२) अहावेगइयाइं सद्दाइं सुणेति तंजहा-महिसजुद्धाणि वा, वसभजुद्धाणि वा,
 अस्सजुद्धाणि वा, हत्थिजुद्धाणि वा जाव कर्विजलजुद्धाणि वा, अण्णयराइं वा
 तहप्पगाराइं णो अभिसंधारेज्जा गमणाए ॥ ९५८ ॥ से भिक्खू वा (२) अहा-
 वेगइयाइं सद्दाइं सुणेति तंजहा-ज्जहियट्ठाणाणि वा, ह्यज्जहियट्ठाणाणि अण्णयराइं

तहप्पगाराइं णो अभिसंधारेज्ज गमणाए ॥ ९५९ ॥ से भिक्खू वा (२) जाव सुणेति तंजहा-अक्खाइयठ्ठाणाणि वा, माणुम्माणियठ्ठाणाणि वा, महयाऽऽहयणद्वगीयवाइय-
तंतितलतालुडियपडुप्पवाइयठ्ठाणाणि वा, अण्णयराइं वा तहप्पगाराइं णो अभिसं-
धारेज्ज गमणाए ॥ ९६० ॥ से भिक्खू वा (२) जाव सुणेति तंजहा-कलहाणि वा,
डिंवाणि वा, डमराणि वा, दोरज्जाणि वा, वैररज्जाणि वा विरुद्धरज्जाणि वा, अण्णय-
राइं वा तहप्पगाराइं सद्दाइं णो अभिसंधारेज्ज गमणाए ॥ ९६१ ॥ से भिक्खू वा (२)
जाव सद्दाइं सुणेइं खुट्ठियं दारियं परिभुत्तमंडियालं कियनिवुज्झमाणि पेहाए एगं पुरिसं
वा बहाए णीणिज्जमाणं पेहाए अण्णयराइं वा तहप्पगाराइं णो अभिसंधारेज्ज गमणाए
॥ ९६२ ॥ से भिक्खू वा (२) अण्णयराइं विरुवरुवाइं महासवाइं एवं जाणिज्जा
तंजहा बहुसंगडाणि वा, बहुरहाणि वा, बहुमिलक्खणि वा, बहुपंचंताणि वा, अण्ण-
यराइं वा तहप्पगाराइं विरुवरुवाइं महासवाइं कण्णसोयपडियाए णो अभिसंधारेज्ज
गमणाए ॥ ९६३ ॥ से भिक्खू वा (२) विरुवरुवाइं महुस्सवाइं एवं जाणिज्जा
तंजहा-इत्थीणि वा, पुरिसाणि वा, थेराणि वा, डहराणि वा, मज्झिमाणि वा, आभ-
रणविभूसियाणि वा, गायंताणि वायंताणि वा, णचंताणि वा, हसंताणि वा, रसंताणि
वा, मोहंताणि वा, विउलं असणपाणखाइमसाइं परिभुंजंताणि वा, परिभाइंताणि
वा, विच्छट्ठियमाणाणि वा, विगोवयमाणाणि वा, अण्णयराइं वा तहप्पगाराइं विरु-
वरुवाइं महुस्सवाइं कण्णसोयपडियाए णो अभिसंधारेज्ज गमणाए ॥ ९६४ ॥ से
भिक्खू वा (२) णो इहलोइएहिं सदेहिं णो परलोइएहिं सदेहिं, णो सुएहिं सदेहिं,
णो असुएहिं सदेहिं, णो दिट्ठेहिं सदेहिं णो अदिट्ठेहिं सदेहिं, णो कंतेहिं सदेहिं सज्जिज्जा,
णो रजेज्जा, णो गिज्जेज्जा, णो मुज्जेज्जा, णो अज्जोववजेज्जा ॥ ९६५ ॥ एवं खलु
तस्स भिक्खुस्स २ वा सामगियं जाव जएज्जाति ति वेमि ॥ ९६६ ॥ सहस्-
सत्तिकयं पयारहममज्झयणं समत्तं सहसत्तिकयं चउत्थं ॥

से भिक्खू वा (२) अहावेगइयाइं रुवाइं पासइ तंजहा-गंथिमाणि वा, वेढिमाणि
वा, प्रीमाणि वा, संधाइमाणि वा, कट्ठकम्माणि वा, पोत्थकम्माणि वा, चित्तक-
म्माणि वा, मणिकम्माणि वा, दंतकम्माणि वा, पत्तच्छेज्जकम्माणि वा, विविहाणि
वा वेढिमाइं जाव अण्णयराइं वा तहप्पगाराइं विरुवरुवाइं चक्खुदंसणपडियाए णो
अभिसंधारेज्ज गमणाए ॥ ९६७ ॥ एवं णायच्चं जहा सद्पडियाए सच्चा वाइत्तवज्जा
रुवपडियाएवि ॥ ९६८ ॥ रुवसत्तिकयं दुवालसममज्झयणं समत्तं रुव-
सत्तिकयं पंचमं ॥

परकिरियं अज्जत्थियं संसेतियं णो तं सायए णो तं णियमे ॥ ९६९ ॥ तिया

से परो पाए आमजिज वा पमजिज वा णो तं सायए णो तं णियमे सिया से परो
पादाई संवाहेज्ज वा पलिमहिज्ज वा णो तं सायए णो तं णियमे सिया से परो
पायाई फुसेज्ज वा रएज्ज वा णो तं सायए णो तं णियमे सिया से परो पादाई
तेल्लेण वा घएण वा मक्खेज्ज वा अब्भिगज्ज वा णो तं सायए णो तं नियमे,
सिया से परो पादाई लोहेण वा कक्केण वा चुण्णेण वा वण्णेण वा उल्लोढिज्ज वा
उव्वलिज्ज वा णो तं सायए णो तं नियमे, सिया से परो पादाई सीओदगविय-
डेण वा उसिणोदगवियडेण वा उच्छोलेज्ज वा पधोएज्ज वा णो तं सायए णो तं
णियमे, सिया से परो पादाई अण्णयरेण विट्ठेवणजाएण आलिपेज्ज वा विलिपेज्ज
वा णो तं सायए णो तं नियमे, सिया से परो पादाई अण्णयरेण धूवणजाएण धूवेज्ज
वा पधूवेज्ज वा णो तं सायए णो तं णियमे, सिया से परो पादाओ खाणुं वा
कट्ठं वा णीहरेज्ज वा विसोहेज्ज वा णो तं सायए णो तं णियमे । सिया से परो
पादाओ पूयं वा सोणियं वा णीहरेज्ज वा विसोहेज्ज वा णो तं सायए णो तं
णियमे ॥ ९७० ॥ सिया से परो कार्यं आमजेज्ज वा पमजेज्ज वा णो तं सायए
णो तं णियमे, सिया से परो कार्यं लोहेण वा संवाहिज्ज वा पलिमहिज्ज वा णो तं
सायए णो तं णियमे, सिया से परो कार्यं तेल्लेण वा घएण वा मक्खेज्ज वा
अव्वंजेज्ज वा णो तं सायए णो तं णियमे, सिया से परो कार्यं लोहेण वा कक्केण
वा चुण्णेण वा वण्णेण वा उल्लोढिज्ज वा उव्वलिज्ज वा णो तं सायए णो तं
णियमे सिया से परो कार्यं सीओदगवियडेण वा उसिणोदगवियडेण वा उच्छोलेज्ज
वा पधोएज्ज वा णो तं सायए णो तं णियमे, सिया से परो कार्यं अण्णयरेण
विट्ठेवणजाएण आलिपेज्ज वा, विलिपेज्ज वा, णो तं सायए, णो तं णियमे । सिया से
परो कार्यं अण्णयरेण धूवणजाएण धूवेज्ज वा, पधूवेज्ज वा, णो तं सायए णो तं
णियमे ॥ ९७१ ॥ सिया से परो कार्यंसि वणं आमजेज्ज वा पमजेज्ज वा णो तं
सायए णो तं नियमे, सिया से परो कार्यंसि वणं संवाहेज्ज वा पलिमहिज्ज वा णो तं
सायए णो तं नियमे, सिया से परो कार्यंसि वणं तेल्लेण वा घएण वा मक्खेज्ज वा
अव्वंजेज्ज वा, णो तं सायए णो तं नियमे । सिया से परो कार्यंसि वणं लोहेण वा
कक्केण वा चुण्णेण वा वण्णेण वा उल्लोढिज्ज वा उव्वलेज्ज वा णो तं सायए णो तं
नियमे, सिया से परो कार्यंसि वणं सीओदगवियडेण वा उसिणोदगवियडेण वा उच्छो-
लेज्ज वा पधोवेज्ज वा णो तं सायए णो तं नियमे ॥ ९७२ ॥ से सिया परो कार्यंसि
वणं अण्णयरेण विट्ठेवणजाएण आलिपेज्ज वा विलिपेज्ज वा नो तं २। सिया से परो कार्यंसि

वणं अन्नयरेणं सत्थजाएणं अच्छिदिज्ज वा विच्छिदिज्ज वा प० नो तं० २। सिया से
 परो कायंसि वणं अन्न० सत्थजाएणं अच्छिदिता वा विच्छिदिता वा पूयं वा सोणियं
 वा नीहरिज्ज वा वि० नो तं० २। सिया से परो कायंसि गंडं वा, अरइं वा, पुलइयं
 वा, भगंदलं वा, आमजेज्ज वा, पमजेज्ज वा, णो तं सायए णो तं नियमे । सिया से
 परो कायंसि गंडं वा, अरइयं वा, पुलइयं वा, भगंदलं वा, संवाहेज्ज वा
 पलिमहेज्ज वा, णो तं सायए णो तं नियमे, सिया से परो कायंसि गंडं वा जाव
 भगंदलं वा, तेलेण वा घएण वा मक्खेज्ज वा अग्निभगेज्ज वा णो तं सायए णो तं
 नियमे । सिया से कायंसि गंडं वा जाव भगंदलं वा, लोहेण वा, कल्लेण वा चुन्नेण वा,
 वण्णेण वा उल्लोहिज्ज वा, उव्वलेज्ज वा, णो तं सायए णो तं नियमे । सिया से परो
 कायंसि गंडं वा भगंदलं वा, सीओदगवियडेण वा, उसिणोदगवियडेण वा, उच्छो-
 लेज्ज वा, पयोवेज्ज वा, णो तं सायए, णो तं नियमे, सिया से परो कायंसि गंडं वा
 जाव भगंदलं वा अण्णयरेणं सत्थजाएणं अच्छिदेज्ज विच्छिदेज्ज वा, सिया से परो
 अण्णयरेणं सत्थजाएणं अच्छिदिता वा २ पूयं वा सोणियं वा णीहरेज्ज वा णो तं
 सायए णो तं नियमे ॥९७३॥ सिया से परो कायाओ सेयं वा जल्लं वा णीहरेज्ज वा
 विसोहेज्ज वा णो तं सायए णो तं नियमे ॥९७४॥ सिया से परो अच्छिमलं, कण्णमलं
 वा, दंतमलं वा ण्हमलं वा, णीहरेज्ज वा विसोहिज्ज वा णो तं सायए णो तं नियमे
 ॥९७५॥ सिया से परो दीहाइं वालाइं, दीहाइं रोमाइं, दीहाइं भमुहाइं, दीहाइं कक्ख-
 रोमाइं, दीहाइं चत्थिरोमाइं, कपेज्ज वा संठवेज्ज वा णो तं सायए णो तं नियमे
 ॥९७६॥ सिया से परो सीसाओ लिक्खं वा जूयं वा णीहरेज्ज वा विसोहेज्ज वा णो तं
 सायए णो तं नियमे ॥ ९७७ ॥ सिया से परो अंकंसि पलियंकंसि वा तुयट्ठावित्ता
 पादाइं आमज्जिज्ज वा पमज्जिज्ज वा एवं हिट्ठिमो गमो पायादि भाणियव्वो,
 सिया से परो अंकंसि वा पलियंकंसि वा तुयट्ठावित्ता, हारं वा अद्धहारं वा उरत्थं
 वा, गेवेयं वा, मउडं वा, पालंयं वा सुवण्णसुत्तं वा, आविहिज्ज वा, पिणहिज्ज वा
 णो तं सायए णो तं नियमे ॥ ९७८ ॥ सिया से परो आरामंसि वा, उज्जागंसि वा,
 णीहरित्ता वा पविसित्ता वा पायाइं आमजेज्ज वा पमजेज्ज वा, णो तं सायए णो
 तं नियमे ॥ ९७९ ॥ एवं णेयव्वा अण्णमण्णकिरियावि ॥ ९८० ॥ सिया से परो
 मुद्धेणं वड्ढलेणं तेइच्छं आउट्ठे सिया से परो अमुद्धेणं वत्तिवलेणं तेइच्छं आउट्ठे,
 सिया से परो गिलाणस्स सत्थित्ताणि कंदाणि वा मूलाणि वा तथाणि वा हरियाणि
 वा ग्रणित्तु वा कट्ठित्तु वा कट्ठावित्तु वा तेइच्छं आउट्ठाविज्जा णो तं सायए
 णो तं नियमे ॥ ९८१ ॥ कडुवेयणा पाणभूयजीवसत्ता वेयणं वेइंति ॥ ९८२ ॥

एयं खलु तस्स भिक्खुस्स २ सामगियं जं सव्वट्ठेहिं सहिते समिते सदा जए
सेयमिणं मण्णेज्जासि त्ति वेमि ॥ ९८३ ॥ परकिरियासत्तिकयं समत्तं छट्ठं,
तेरहममज्झयणं समत्तं ॥

से भिक्खू वा (२) अणमण्णकिरियं अज्झत्थियं संसेइयं णो तं सायए णो तं
नियमे ॥ ९८४ ॥ सिया से अणमण्णं पाए आमजेज वा पमजेज वा णो तं
सायए णो तं नियमे ॥ ९८५ ॥ सेसं तं चेव ॥ ९८६ ॥ एयं खलु तस्स भिक्खुस्स २
वा सामगियं ॥ ९८७ ॥ अनुवकिरिया सत्तिकयं समत्तं सत्तमं,
चउइसममज्झयणं समत्तं, बीया चूडा समत्ता ॥

तेणं कालेणं तेणं समएणं समणे भगवं महावीरे पंचहत्थुत्तरे यावि होत्था,
तंजहा-हत्थुत्तराहिं चुए चइत्ता गम्भं वक्कंते, हत्थुत्तराहिं गम्भाओ गम्भं साहारेए,
हत्थुत्तराहिं जाए, हत्थुत्तराहिं मुंडे भवित्ता आगाराओ अणगारियं पव्वइए, हत्थुत्त-
राहिं कसिणे पडिपुण्णे अच्चावाए निरावरणे अणंते अणुत्तरे केवलवरनानंदंसे
समुप्पण्णे, साइणा परिनिव्वुए भगवं ॥ ९८८ ॥ समणे भगवं महावीरे, इमाए
ओसप्पिणीए सुसमसुसमाए समाए विइक्कंताए, सुसमाए समाए वीतिक्कंताए, सुस-
मदुसमाए समाए वीतिक्कंताए, दुसमसुसमाए समाए बहुवीतिक्कंताए, पण्हत्तरीए
वात्तेहिं मासेहिं य अद्धणवयसेसेहिं, जे से गिम्हाणं चउत्थे मासे अट्टमे पक्खे,
आसाढमुद्धे, तस्सणं आसाढसुद्धस्स छट्ठीपक्खेणं हत्थुत्तराहिं नक्खत्तेणं जोगमुवागएणं,
महाविजयसिद्धत्थपुप्फुत्तरपवरपुंडरीयदिसासोवत्थियवट्ठमाणाओ महाविमाणाओ
वीसंसागरोवमाई आउयं पालत्ता, आउक्खएणं, भवक्खएणं ठिइक्खएणं चुए चइत्ता
इह खलु जंडुहीवे दीवे, भारहे वासे, दाहिणद्धुमरहे दाहिणमाहणकुंडपुरसंनिवेसंमि
उसभदत्तस्स माहणस्स कोडालसगोत्तस्स देवाणंदाए माहणीए जालंधरस्स गुत्ताए
सीहुम्भवभूएणं अप्पाणेणं कुच्छिसि गम्भं वक्कंते, समणे भगवं महावीरे त्तिज्ञाणो-
वगए यावि होत्था, चइस्सामिति जाणइ चुएमिति जाणइ, चयमाणे न जाणेइ,
सुद्धमे णं से काले पक्कते । तओ णं समणे भगवं महावीरे हियाणुकंपए णं देवेणं
जीयमेयं त्ति कट्टु जे से वासाणं तच्चे मासे पंचमे पक्खे आसीयवहुले तस्स णं
आसीयवहुलस्स तेरसीपक्खेणं हत्थुत्तराहिं नक्खत्तेणं जोगमुवागएणं वासीहिं राईदि-
एहिं विइक्कंतेहिं तेसीइमस्स राईदियस्स परियाए वट्ठमाणे दाहिणमाहणकुंडपुरसंनि-
वेसाओ उत्तरखत्तियकुंडपुरसंनिवेसंसि णायानं खत्तियाणं सिद्धत्थस्स खत्तियस्स
कासवगुत्तस्स तिसलाए खत्तियाणीए वासिट्ठसगुत्ताए अयुभाणं पुग्गलाणं अवहारं
करित्ता सुभाणं पुग्गलाणं पक्खेवं करित्ता कुच्छिसि गम्भं साहरइ, जेविय से

तिसलाए खत्तियाणीए कुच्छिसि गब्भे तंपि य दाहिणमाहणकुंडपुरसंनिवेशंसि
 उस्स...को...देवा...जालंधरायणगुत्ताए कुच्छिसि गब्भं साहरइ ॥ ९८९ ॥ समणे
 भगवं महावीरे तिष्णाणोवगए यावि होत्था, साहरिज्जिस्सामित्ति जाणइ, साहरिज्ज-
 माणे न जाणइ साहरिएमित्ति जाणइ समणाउसो ! ॥ ९९० ॥ तेणं कालेणं तेणं
 समणं तिसलाए खत्तियाणीए अह अण्णया कयाइ णवण्हं मासाणं बहुपडिपुण्णाणं
 अद्धठ्ठमाणं राईदियाणं वीतिकंतानं जे से गिम्हाणं पढमे मासे दोच्चे पक्खे चित्तसुद्धे
 तस्सणं चित्तसुद्धस्स तेरसीपक्खेणं, हत्थुत्तराहिं जोगमुवागएणं समणं भगवं महावीरं
 आरोग्गारोगं पसूया ॥ ९९१ ॥ जं णं राई तिसला खत्तियाणी समणं भगवं महावीरं
 आरोयारोयं पसूया, तं णं राई भवणवइवाणमंतरजोइसियविमाणवासिदेवेहि य देवी-
 हि य उवयंतहेहि य उप्पयंतहेहि य एगे महं दिव्वे देवुजोए देवसण्णिवाते देवकहक्कहे
 उप्पिजलगभूए यावि होत्था ॥ ९९२ ॥ जं णं रयणिं तिसला खत्तियाणी समणं
 भगवं महावीरं आरोयारोयं पसूया तं णं रयणिं वहवे देवा य देवीओ य एगं महं
 अमयवासं च, गंधवासं च, चुण्णवासं च, पुप्फवासं च, हिरण्णवासं च, रयणवासं
 च वासिसु ॥ ९९३ ॥ जं णं रयणिं तिसला खत्तियाणी समणं भगवं महावीरं
 आरोयारोयं पसूया, तं णं रयणिं भवणवइवाणमंतरजोइसियविमाणवासिणो देवा य
 देवीओ य समणस्स भगवओ महावीरस्स सूइकम्माई तित्थयरामित्थेयं च करिसु
 ॥ ९९४ ॥ जओ णं पभिइ भगवं महावीरे तिसलाए खत्तियाणीए कुच्छिसि गब्भं
 आगए ततो णं पभिइ तं कुलं विपुलेणं हिरण्णेणं सुवण्णेणं धणेणं धण्णेणं माणिक्केणं
 मोत्तिएणं संखसिलप्पवालेणं अईव २ परिवट्ठइ, ततो णं समणस्स भगवओ महावीरस्स
 अम्मापियरो एयमठ्ठं जाणित्ता णिव्वत्तदसाहंसि वोक्कंतंसि सुविभूयंसि विपुलं
 असणपाणखाइमसाइमं उवक्खडावेंति उवक्खडावेत्ता मित्तणातिसयणसंबंधिवग्गं
 उवणिमंतेंति उवणिमंतेंता वहवे समणमाहणकिवणवणिमगाहिं भिच्छुंडगपंडरगातीण
 विच्छइति विग्गोवेंति विस्सारेंति दातारेसु णं दाणं पज्जभाइति, विच्छट्ठिता विग्गो
 वित्ता विस्साणित्ता दातारेसु णं दाणं पज्जभाइत्ता मित्तणाइसयणसंबंधिवग्गं भुंजावेंति
 भुंजावेत्ता मित्तणाइसयणसंबंधिवग्गेण इमेयारुवं णामधेज्जं कारवेंति, जओ णं पभिइ
 इमे कुमारें तिसलाए खत्तियाणीए कुच्छिसि गब्भे आगए, तओणं पभिइ इमं कुलं,
 विउलेणं हिरण्णेणं सुवण्णेणं धणेणं धण्णेणं माणिक्केणं मोत्तिएणं संखसिलप्पवालेणं
 अईव २ परिवट्ठइ तं होउ णं कुमारें “वद्धमाणे” ॥ ९९५ ॥ तओ णं समणे भगवं
 महावीरे पंचधातिपरिखुटे तंजहा-खीरधाईए-भज्जणधाईए-भंडावणधाईए-वेत्तावण-
 धाईए-अंधधाईए अंकाओ अंकं साहरिज्जमाणे रग्गे मणिकोद्धितत्ते गिरिकंदरस-

मल्लीणे विव चंपयपायवे अहाणुपुन्वीए संवड्ढइ ॥ ९९६ ॥ तओ णं समणे भगव
महावीरे विण्णायपरिणये विणियत्तवालभावे अणुस्सुयाई उरालाई माणुस्सगाइ
पंचलक्खणाई कामभोगाई सहफरिसरसरुवगंधाई परियारेमाणे एवं च णं विहर
॥ ९९७ ॥ समणे भगवं महावीरे कासवगोत्ते तस्सणं इमे तिणिणं णाम धेज्जा
एवमाहिज्जंति, अम्मापिउसंतिए “वद्धमाणे,” सहसम्मइए “समणे” भीमभयभेर
उरालं अचेलयं परिसहं सहइ ति कट्ठु देवेहिं से णामं कथं “समणे भगवं महावीरे”
॥ ९९८ ॥ समणस्स णं भगवओ महावीरस्स पिआ कासवगोत्तेणं तस्स णं तिणि
णामधेज्जा एवमाहिज्जंति, तंजहा-सिद्धत्थे ति वा, सेज्जंसेत्ति वा, जसंसे तिं व
॥ ९९९ ॥ समणस्स भगवओ महावीरस्स अम्मा वासिद्धसगोत्ता तीसेणं तिणि
णामधेज्जा, एवमाहिज्जंति तंजहा-तिसला इ वा, विदेहदिण्णा इ वा, पियकारिणं
इ वा ॥ १००० ॥ समणस्स णं भगवओ महावीरस्स पित्थिए “सुपासे” कासव
गोत्तेणं, समणस्स णं भगवओ महावीरस्स जेट्ठे भाया णंदिवद्धणे कासवगोत्तेणं
समणस्स णं भगवओ महावीरस्स जेट्ठा भइणी सुदंसणा कासवगोत्तेणं, समणस्स
णं भगवओ महावीरस्स भज्जा जसोया गोत्तेणं कोडिण्णा, समणस्स भगवओ
महावीरस्स धूया कासवगोत्तेणं, तीसेणं दो णाम धेज्जा, एवमाहिज्जंति, तंजहा
अणोज्जा इ वा, पियदंसणा इ वा, समणस्स णं भगवओ महावीरस्स णत्तु
कोसियगोत्तेणं तीसेणं दो णामधेज्जा, एव माहिज्जंति, तंजहा-सेसवई इ वा, जसवत्
इ वा ॥ १००१ ॥ समणस्स णं भगवओ महावीरस्स अम्मापियरो पासावच्चिज्जा
समणोवासगा यावि होत्था, ते णं वहुई वासाई समणोवासगपरियागं पालइत्तां
छण्हं जीवनेकायाणं संरक्खणनिमित्तं आलोइत्ता निदिता गरहिता पडिक्कमित्त
अहारिहं उत्तरगुणपायच्छित्तं पडिवज्जित्ता कुससंथारं दुरुहिता, भत्तं पच्चक्खाइति
भत्तं पच्चक्खाइत्ता अपच्छिमाए मारणंतियाए संलेहणाए झुसियसरीरा कालंमत्तं
कालं किच्चा तं सरीरं विप्पजहिता अञ्जुए कप्पए देवत्ताए उववण्णा, तओणं आस
क्खएणं भवक्खएणं ठिइक्खएणं जुए चइत्ता महाविदेहवासे चरिमेणं ऊसासे
सिज्जिस्संति, वुज्जिस्संति, मुच्चिस्संति, परिणिन्वाइस्संति, सव्वदुक्खाणमत्तं कां
स्संति ॥ १००२ ॥ तेणं कालेणं तेणं समएणं समणे भगवं महावीरे णाय
णायपुत्ते णायकुलणिव्वत्ते विदेहे विदेहदिण्णे विदेहजच्चे विदेहसूमाळे ती
वासई विदेहंसिति कट्ठु अगारमज्जे वसित्ता अम्मापिज्जहिं कालगाएहिं देवलोगम
पत्तेहिं समत्तपइण्णे चिच्चा हिरण्णं, चिच्चा सुवण्णं, चिच्चा वलं, चिच्चा वाहणं चिच्च
धणयण्णकणयरयणसंतसारसावइजं, विच्छेइत्ता, विगोवित्ता, विस्साणिता, दायारे

दाणं दाइत्ता परिभाइत्ता, संवच्छरं दलइत्ता, जे से हेमंताणं पढमे मासे पढमे
 पक्खे, मग्गसिरवहुले, तस्सणं मग्गसिरवहुलस्स दसमीपक्खेणं हत्थुत्तराहिं णक्ख-
 त्तेणं जोगमुवागएणं अभिणिक्खमणाभिप्पाए यावि होत्था ॥ १००३ ॥ संवच्छरेण
 होहिंति अभिणिक्खमणं तु जिणवरिंदाणं, तो अत्थि संपदाणं, पव्वत्तई पुव्वसूराओ
 ॥ १००४ ॥ एगा हिरण्णकोडी, अठ्ठेव अणूणया सयसहस्सा, सूरौदयमाईयं
 दिज्जइ जा पायरासोत्ति ॥ १००५ ॥ तिण्णेव य कोडिसया अठ्ठासीई च होति
 कोडीओ, असिई च सयसहस्सा, एवं संवच्छरे दिण्णं ॥ १००६ ॥ वेसमणकुंडल-
 धरा, देवा लोगंतिया महिद्धिया । वोहिंति य तित्थयरं, पण्णरससु कम्मभूमिं
 ॥ १००७ ॥ वंभंसि य कप्पंसि य वोद्धवा कण्हराइणो मज्झे; लोगंतिया विमाणा,
 अठ्ठसुवत्था असंखेज्जा ॥ १००८ ॥ एते देवणिकाया, भगवं वोहिंति जिणवरं वीरं,
 सव्वजगजीवहियं, अरहं तित्थं पव्वत्तेहि ॥ १००९ ॥ तओ णं समणस्स भगवओ
 महावीरस्स अभिणिक्खमणाभिप्पायं जाणेत्ता भवणवइवाणमंतरजोइसियविमाण-
 चासिणो देवा य देवीओ य सएहिं सएहिं रुवेहिं, सएहिं सएहिं णेवथेहिं, सएहिं
 सएहिं चिंधेहिं, सव्विद्धीए, सव्वजुईए, सव्ववलंसमुदएणं, सयाई सयाई जाणवि-
 माणाइं दुरुहंति सयाई २ जाणविमाणाइं दुरुहिता, अहा वादराइं पोग्गलाइं परि-
 साडेंति परिसाडित्ता, अहासुहुमाइं पोग्गलाइं परियाइंति परियाइत्ता, उद्धं उप्पयंति
 उप्पइत्ता, ताए उक्किट्ठाए सिग्घाए चवलाए तुरियाए दिव्वाए देवगईए अहेणं उव-
 यमाणा २ तिरिएणं असंखेज्जाइं दीवसमुद्दाइं वीतिकममाणा २ जेणेव जंजुदीवे दीवे
 तेणेव उवागच्छंति उवागच्छित्ता, जेणेव उत्तरखत्तियकुंडपुरसंणिवेसे तेणेव उवाग-
 च्छित्ता, तस्स उत्तरपुरत्थिमे दिसिभाए तेणेव झत्तिवेगेण उवट्ठिया ॥ १०१० ॥
 तओ णं सक्के देविंदे देवराया सणियं सणियं जाणविमाणं ठवेति ठवेत्ता, सणियं २
 जाणविमाणाओ पच्चोत्तरति, पच्चोत्तरित्ता एगंतमवक्कमेति एगंतमवक्कमेत्ता, महया
 वेउव्विएणं समुग्घाएणं समोहणति, महया वेउव्विएणं समुग्घाएणं समोहणित्ता, एगं
 महं णाणामणिक्कणगरयणभत्तिचित्तं सुभं चारुक्तहवं देवच्छंदयं विउव्वति, तस्सणं
 देवच्छंदयस्स बहुमज्झदेसभाए एगं महं सपायपीढं सीहासणं णाणामणिक्कणयरयण-
 भत्तिचित्तं सुभं चारुक्तहवं विउव्वइ विउव्वित्ता, जेणेव समणे भगवं महावीरे तेणेव
 उवागच्छति उवागच्छित्ता समणं भगवं महावीरं तिव्वुत्तो आयाहिणं पयाहिणं
 करेइ, समणं भगवं महावीरं वंदति णमंसति, वंदित्ता णमंसित्ता समणं भगवं महा-
 वीरं गहाय जेणेव देवच्छंदए तेणेव उवागच्छति उवागच्छित्ता, सणियं २ पुरत्था-
 गिमुए सीहासणे णिसीयावेइ णिसीयावेत्ता सयपागसहस्सपानेहिं तेहेहिं अव्वमेति

अब्भमेत्ता गंधकासाइएहिं उल्लोलेति उल्लोलिता, सुद्धोदणं मज्जावेइ मज्जाविता,
जस्स णं मुल्लं सयसहस्सेणं तिपडोलतित्तिणं साहिणं सीएणं गोसीसरत्तचंदणेणं
अणुलिंपति अणुलिंपिता ईसिणिस्सासवातवोज्झं वरणगरपट्टणुगयं कुसलणरपसित्तं
अस्सलालापेलवं छेयायरियकणगखचियंतकम्मं हंसलक्खणं, पट्टजुयलं णियंसावेइ,
णियंसावेत्ता हारं अद्धहारं उरत्थं नेवत्थं एगावलिं पालंवसुत्तं पट्टमउडरयणमालाओ
आविंधावेति आविंधावेत्ता गंठिमवेढिमपूरिमसंधाइमेणं मट्ठेणं कप्पस्खमिव समलं-
करेति २ दोच्चपि महया वेउव्वियसमुग्घाएणं समोहणइ, समोहणिता एणं महं चंद-
प्पभं सित्थियं सहस्सवाहिणिं विउव्वइ तंजहा-ईहामियउसभतुरगणरमकरविहग्वा-
णरकुंजररुस्सरभचमरसहूलसीहवणलयपउमलयभत्तिचित्तलयविवित्तविजाहरमिहुण-
जुयलजंतजोगजुत्तं, अचीसहस्समालिणीयं सुणिरुवियं मिसिमिसित्तरुवगसहस्सकलियं,
ईसिभिसमाणं भिम्भिसमाणं चक्खुल्लोयणलेसं, मुत्ताहलमुत्तजालंतरोपियंतवणीय-
पवरलंबूसगपलंबंतमुत्तदामं, हारद्धहारभूसणसमोणयं अहियपिच्छणिजं पउमलयभ-
त्तिचित्तं, असोककुंदणाणालयभत्तिचित्तं विरइयं सुभं चारुक्तंरुवं णाणामणिपंचवण-
घंटापडायपरिमंडियग्गसिहरं पासादीयं दरिसणीयं सुरुवं ॥ १०११ ॥ सीया उव्वणीया
जिणवरस्स जरमरणविप्पमुक्कस्स; ओसत्तमल्लदामा, जलथलयदिव्वकुसुमेहिं ॥ १ ॥
सिवियाइ मज्झयारे, दिव्वं वररयणरुवचिंचइयं; सीहासणं महरिहं सपादपीढं जिण-
वरस्स ॥ २ ॥ आलइयमालमउडो भासुरवोदी वराभरणधारी; खोमियवत्थणि-
यत्थो, जस्स य मोल्लं सयसहस्सं ॥ ३ ॥ छट्ठेण उ भत्तेणं अज्झवसाणेण सोहणेण
जिणो, लेसाहि विमुज्झंतो, आरुहइ उत्तमं सीयं ॥ ४ ॥ सीहासणे णिविट्ठो सक्की-
साणा य दोहिं पासेहिं, वीयंति चामराहिं मणिरयणविचित्तदंडाहिं ॥ ५ ॥ पुब्बि
उक्खित्ता माणुसेहिं साहठुरोमपुलएहिं, पच्छा वहंति देवा, सुरअसुरगरुलणागिंदा
॥ ६ ॥ पुरओ सुरा वहंती असुरा पुण दाहिणंमि पासंमि । अवरे वहंति गरुला,
णागा पुण उत्तरे पासे ॥ ७ ॥ वणसंडं व कुसुमियं, पउमसरो वा जहा सरयकाले;
सोहइ कुसुमभरेणं, इय गगणयलं सुरगणेहिं ॥ ८ ॥ सिद्धत्थवणं व जहा, कणिया-
रवणं व चंपयवणं वा, सोहइ कुसुमभरेणं, इय गगणयलं सुरगणेहिं ॥ ९ ॥
वरपडहमेरिज्झल्लरिसंखसयसहस्सिएहिं तूरेहिं । गगणतले धरणिंतले तूरणिणाओ
परमरम्मो ॥ १० ॥ तत्तवित्तं घणट्टुसिरं आउजं चउविहं बहुविहीयं; वायंति तत्थ
देवा, बहुहिं आणट्टगसएहिं ॥ ११ ॥ १०१२ ॥ तेणं कालेणं तेणं समएणं जे से
हेमंताणं पडमे मासे पडमे पक्खे, मग्गसिरवहुले, तस्सणं मग्गसिरवहुलस्स दस-
मीपक्खेणं, सुव्वएणं दिवसेणं, विजएणं मुहुत्तेणं, हत्थुत्तराणक्खत्तेणं जोगोवगएणं

पाईणगामिणीए छायाए बिइयाए पोरिसीए छठ्ठेणं मत्तेणं अपाणएणं, एगसाडगमा-
याए, चंदप्पहाए सिवियाए सहस्सवाहिणीए सदेवमणुयासुराएपरिसाए समणिज्जमाणे
२ उत्तरखत्तियकुंडपुरसंणिवेसस्स मज्झिमज्झेणं णिगच्छित्ता जेणेव णायसंडे उज्जाणे
तेणेव उवागच्छइ, उवागच्छित्ता ईसिरयणिप्पमाणं अच्छोप्पेणं भूमिभागेणं सणियं
२ चंदप्पभं सिवियं सहस्सवाहिणिं ठवेइ ठवेत्ता सणियं २ चंदप्पभाओ सिवियाओ
सहस्सवाहिणीओ पच्चोरइ, पच्चोरित्ता सणियं २ पुरत्थाभिमुहे सीहासणे णिसीयेइ,
आभरणालंकारं ओमुयइ, तओणं वेसमणे देवे जञ्जुव्वायपडिओ समणस्स भगवओ
महावीरस्स हंसलक्खणेणं पडेणं आभरणालंकारं पडिच्छइ; तओ णं समणे भगवं
महावीरे दाहिणेणं दाहिणं वामेणं वामं पंचमुट्ठियं लोयं करेइ, तओ णं सक्के देविंदे
देवराया समणस्स भगवओ महावीरस्स जञ्जुव्वायपडिए वयरामयेणं थालेणं केसाइं
पडिच्छइ, पडिच्छित्ता “अणुजाणेस्ति भंते” त्ति कट्ठु खीरोयसायरं साहरइ, तओ णं
समणे भगवं महावीरे दाहिणेणं दाहिणं वामेणं वामं पंचमुट्ठियं लोयं करेत्ता सिद्धाणं
णमोक्कारं करेइ करेत्ता, “सव्वं मे अकरणिज्जं पावकम्मं” त्ति कट्ठु सामाइयं
चरित्तं पडिवज्जइ, सामाइयं चरित्तं पडिवज्जित्ता देवपरिसं मणुयपरिसं च आलिकख-
चित्तभूयमिव ठ्वेइ ॥ १०१३ ॥ दिव्वो मणुस्सघोसो, तुरियणिणाओ य सक्कवय-
णेण, खिप्पामेव णिलुक्को, जाहे पडिवज्जइ चरित्तं ॥ १ ॥ पडिवज्जित्तु चरित्तं अहो-
णिसिं सव्वपाणभूतहितं; साहट्ठु लोमपुल्या, सव्वे देवा निसामिति २ ॥ १०१४ ॥
तओ णं समणस्स भगवओ महावीरस्स सामाइयं खाओवसमियं चरित्तं पडिवज्जस्स
मणपज्जवणाणे णामं णाणे समुप्पजे, अड्ढाइज्जेहिं दीवेहिं दोहिं य समुदेहिं सण्णीणं
पंचंदियाणं पज्जत्ताणं वियत्तमणसाणं मणोगयाइं भावाइं जाणेइ ॥ १०१५ ॥ तओ णं
समणे भगवं महावीरे पव्वइते समाणे मित्तणातिसयणसंचंधिवग्गं पडिविसज्जेति,
पडिविसज्जित्ता इमं एयाह्वं अभिग्गहं अभिणिण्हइ, “वारसवासाइं वोसट्ठकाए चत्त-
देहे जे केइ उवसग्गा समुप्पज्जंति, तंजहा-दिव्वा वा, माणुस्सा वा, तेरिच्छिया
वा, ते सव्वे उवसग्गे समुप्पण्णे समाणे सम्मं सहिस्सामि, खमिस्सामि अहिया-
सइस्सामि” ॥ १०१६ ॥ तओ णं समणे भगवं महावीरे इमेयाह्वं अभिग्गहं अभि-
णिण्हत्ता वोसट्ठकाए चत्तदेहे दिवसे मुहुत्तसेसे कुमारगामं समणुपत्ते ॥ १०१७ ॥
तओ णं समणे भगवं महावीरे वोसट्ठचत्तदेहे अणुत्तरेणं आलएणं, अणुत्तरेणं विहा-
रेणं, एवं संजमेणं, पग्गहेणं, संवरेणं तवेणं, वंभचेरवासेणं, खंतीए, मोतीए, तुड्डीए,
समितीए, गुत्तीए, ठाणेणं, कम्मणेणं, मुचरियफलणिव्वाणमुत्तिमग्गेणं, अप्पाणं भावे-
माणे विहरइ ॥ १०१८ ॥ एवं वा विहरमाणस्स जे केइ उवसग्गा समुपज्जंति दिव्वा

वा माणुस्सा वा तेरिच्छिया वा ते सव्वे उवसग्गे समुप्पन्ने समाणे अणाउले अवं-
 हिए अदीणमाणसे तिविहमणवयणकायगुत्ते सम्मं सहइ खमइ तितिवखइ अहियासेइ
 ॥ १०१९ ॥ तओ णं समणस्स भगवओ महावीरस्स एएणं विहारेणं विहरमाणस्स
 वारसवासा विइक्कंता, तेरसमस्स वासस्स परियाए वट्टमाणस्स जे से गिम्हां दोच्चं
 मासे चउत्थे पक्खे वइसाहसुद्धे, तस्सणं वइसाहसुद्धस्स दसमीपक्खेणं सुव्वणं
 दिवसेणं विजएणं मुहुत्तेणं हत्थुत्तराहिं णक्खत्तेणं जोगोवगतेणं पाईणगामिणीए छायाए
 वियत्ताए पोरिसीए जंभियगामस्स णगरस्स वहिया णईए उज्जुवालियाए उत्तरे
 कूले, सामागस्स गाहावइस्स कट्टकरणंसि वेयावत्तस्स चेइयस्स उत्तरपुरत्थिमे
 दिसीभाए सालक्खस्स अदूरसामंते उक्कुडयस्स गोदोहियाए आयावणाए आयावे-
 माणस्स छट्ठेणं भत्तेणं अपाणएणं उड्डंजाणुअहोसिरस्स धम्मज्झाणकोट्टोवगयस्स
 सुक्कज्झाणंतरियाए वट्टमाणस्स निव्वाणे, कसिणे, पडिपुण्णे, अव्वाहए, णिरावरणे,
 अणंते, अणुत्तरे, केवलवरणाणदंसणे समुप्पण्णे ॥ १०२० ॥ से भयवं अरहा
 जिणे जाए, केवली सव्वण्णू सव्वभावदरिसी, सदेवमणुयासुरस्स लोयस्स पज्जाए
 जाणइ, तंजहा-आगतिं गतिं ठितिं चवणं, उववायं भुत्तं पीयं, कडं पडिसेवियं
 आवीकम्मं रहोकम्मं लवियं कहियं मणोमाणसियं सव्वलोए सव्वंजीवाणं, सव्व-
 भावाइं जाणमाणे पासमाणे एवं च णं विहरइ ॥ १०२१ ॥ जणं दिवसं समणस्सं
 भगवओ महावीरस्स णिव्वाणे कसिणे जाव समुप्पण्णे, तण्णं दिवसं भवणवइवाणं
 मंतरजोइसियविमाणवासिदेवेहिं य देवीहिं य उव्वयंतेहिं य जाव उप्पिजलग-
 भूए यावि होत्था ॥ १०२२ ॥ तओ णं समणे भगवं महावीरे उप्पण्णवरणाणदंसणधरे
 अप्पाणं च लोगं च अभिसमिक्ख पुवं देवाणं धम्ममाइक्खति तओ पच्छा
 मणुस्साणं ॥ १०२३ ॥ तओ णं समणे भगवं महावीरे उप्पण्णणाणदंसणधरे गोय-
 माईणं समणाणं णिगंथाणं पंच महव्वयाइं सभावणाइं छज्जीवनिकायाइं आइक्खइ,
 भासइ, पल्लवेइ, तंजहा-पुढविकाए जाव तसकाए ॥ १०२४ ॥ पढमं भंते ! महव्वयं
 पचक्खामि, सव्वं पाणाइवायं से सुहमं वा वाययं वा नमं वा :

अहावरा दोच्चा भावणा, मणं परिजाणाइ से णिगंगंथे, जे य मणे पावए सावज्ज
 सकिरिए अण्हयकरे छेंयकरे भेयकरे अधिकरणिए पाउसिए, परिताविए पाणाइवाइए,
 भूओवघाइए तहप्पगारं मणं णो पधारेज्जा, मणं परिजाणाति से णिगंगंथे जे य मणे
 अपावए ति दोच्चा भावणा ॥ १०२८ ॥ अहावरा तच्चा भावणा ॥ वई परि-
 जाणाइ से णिगंगंथे जा य वई पाविया सावज्जा सकिरिया जाव भूओवघाइया
 तहप्पगारं वई णो उच्चारिज्जा, जे वई परिजाणाइ से णिगंगंथे जाय वई अपाविय
 ति तच्चा भावणा ॥ १०२९ ॥ अहावरा चउत्था भावणा, आयाण-
 भंडमत्तणिकखेवणासमिए से णिगंगंथे, णो अणायाणभंडमत्तणिकखेणासमिए णिगंगंथे
 केवली वूया, आयाणभंडमत्तणिकखेवणाअसमिए णिगंगंथे पाणाइभूयाइंजीवाइं
 सत्ताइं अभिहणेज्ज वा जाव उद्देवज्ज वा, तम्हा आयाणभंडमत्तणिकखेवणासमिए से
 णिगंगंथे णो आयाणभंडमत्तणिकखेवणाअसमिए ति चउत्था भावणा ॥ १०३० ॥
 अहावरा पंचमा भावणा, आलोइयपाणभोयणभोई से णिगंगंथे, णो अणालोइ-
 यपाणभोयणभोई, केवली वूया, अणालोइयपाणभोयणभोई से णिगंगंथे पाणाइं वा ४
 अभिहणेज्ज वा जाव उद्देवज्ज वा, तम्हा आलोइयपाणभोयणभोई से णिगंगंथे, णो
 अणालोइयपाणभोयणभोइ ति पंचमा भावणा ॥ १०३१ ॥ एतावता पढमे मह-
 व्वए सम्मं काएण फासिए पालिए तीरिए किट्टिए अवट्टिए आणाए आराहिए
 यावि भवइ ॥ १०३२ ॥ पढमे भंते ! महव्वए पाणाइवायाओ वेरमणं ॥ १०३३ ॥
 अहावरं दोच्चं महव्वयं पच्चक्खामि सव्वं मुसावायं वइदोसं से कोहा वा,
 लोहा वा, भया वा, हांसा वा, णेव सयं मुसं भासेज्जा, णेवन्नेणं मुसं भासावेज्जा,
 अण्णं पि मुसं भासंतं णं समणुजाणेज्जा, तिविहं तिविहेणं मणसा वायसा कायसा
 तस्स भंते पडिक्कमामि जाव वोसिरामि ॥ १०३४ ॥ तस्सिमाओ पंच भावणा-
 ओ भवंति ॥ १०३५ ॥ तत्थिमा पढमा भावणा, अणुवीइभासी से णिगंगंथे,
 णो अणुवीइभासी; केवली वूया, अणुवीइभासी से णिगंगंथे समावज्जिज्ज मोसं
 वयणाए, अणुवीइभासी से णिगंगंथे, णो अणुवीइभासि ति पढमा भावणा
 ॥ १०३६ ॥ अहावरा दोच्चा भावणा, कोहं परिजाणाइ से णिगंगंथे, णो
 कोहणे सिया, केवली वूया, कोहपत्ते कोहतं समावदेज्जा मोसं वयणाए, कोहं परि-
 जाणाइ से णिगंगंथे, णय कोहणे सियत्ति दोच्चा भावणा ॥ १०३७ ॥ अहावरा
 तच्चा भावणा, लोभं परिजाणाइ से णिगंगंथे, णो य लोभणए सिया, केवली
 वूया, लोभपत्ते लोमी समावदेज्जा मोसं वयणाए, लोभं परिजाणइ से णिगंगंथे, णो
 य लोभणए सियत्ति तच्चा भावणा ॥ १०३८ ॥ अहावरा चउत्था भावणा,

भयं परिजाणाइ से णिग्गंथे, णो भयमीरुए सिया; केवली वूया, भयप्पत्ते भीरु समावदेज्जा मोसं वयणाए, भयं परिजाणइ से णिग्गंथे, णो भयमीरुए सिय ति चउत्था भावणा ॥ १०३९ ॥ अहावरा पंचमा भावणा, हासं परिजाणइ से णिग्गंथे, णो य हासणए सिया, केवली वूया, हासप्पत्ते हासी समावदेज्जा मोसं वयणाए, हासं परिजाणइ से णिग्गंथे, णो य हासणए सिय ति पंचमा भावणा ॥ १०४० ॥ एतावता दोच्चे महव्वए सम्मं काएण फासिए जाव आणाए आराहिए या वि भवति ॥ दोच्चे भंते महव्वए० ॥ १०४१ ॥ अहावरं तच्चं भंते ! महव्वयं पच्चक्खामि सव्वं अदिण्णादानं; से गामे वा, णगरे वा, अरण्णे वा, अप्पं वा, वहुं वा, अणुं वा, थूलं वा, चित्तमंतं वा, अचित्तमंतं वा, नेव सयं अदिण्णं गिण्हिज्जा, नेवण्णेहिं अदिण्णं गेण्हावेज्जा अण्णंपि अदिण्णं गिण्हंतं न समणुजाणिज्जा जावजीवाए जाव वोसिरामि ॥ १०४२ ॥ तस्सिमाओ पंचभावणाओ भवंति तत्थिमा पढमा भावणा, अणुवीइ मिउग्गहं जाई से णिग्गंथे णो अणणुवीइमिउग्गहं जाई से णिग्गंथे केवली वूया अणणुवीइमिओग्गहं जाई से णिग्गंथे अदिण्णं गिण्हेज्जा अणुवीइमिउग्गहं जाई से णिग्गंथे णो अणणुवीइमिओग्गहंजाइ ति पढमा भावणा ॥ १०४३ ॥ अहावरा दोच्चा भावणा, अणुण्णवियपाणभोयणभोई से णिग्गंथे णो अणणुण्णवियपाणभोयणभोई, केवली वूया, अणणुण्णवियपाणभोयणभोई से णिग्गंथे अदिण्णं भुंजेज्जा, तम्हा अणुण्णवियपाणभोयणभोई से णिग्गंथे, णो अणणुण्णवियपाणभोयणभोई ति दोच्चा भावणा ॥ १०४४ ॥ अहावरा तच्चा भावणा, णिग्गंथे णं उग्गहंसि उग्गहियंसि एतावताव उग्गहणसीलए सिया, केवली वूया, णिग्गंथेणं उग्गहंसि अणुग्गहियंसि एतावताव अणोग्गहणसीले अदिण्णं गिण्हेज्जा णिग्गंथेणं उग्गहंसि उग्गहियंसि एतावताव उग्गहणसीलए सियति तच्चा भावणा ॥ १०४५ ॥ अहावरा चउत्था भावणा, णिग्गंथेणं उग्गहंसि उग्गहियंसि अभिक्खणं २ उग्गहणसीलए सिया, केवली वूया, णिग्गंथेणं उग्गहंसि उग्गहियंसि अभिक्खणं २ अणोग्गहणसीले अदिण्णं गिण्हेज्जा णिग्गंथे उग्गहंसि उग्गहियंसि अभिक्खणं २ उग्गहणसीलए सिय ति चउत्था भावणा ॥ १०४६ ॥ अहावरा पंचमा भावणा, अणुवीइमितोग्गहजाई से णिग्गंथे साहम्मिएसु णो अणणुवीइमिउग्गहजाई, केवली वूया, अणणुवीइमिउग्गहजाई से णिग्गंथे साहम्मिएसु अदिण्णं उगिण्हेज्जा, अणुवीइमिओग्गहजाई से णिग्गंथे साहम्मिएसु णो अणणुवीइमिओग्गहजाई इइ पंचमा भावणा ॥ १०४७ ॥ एतावताव तच्चे महव्वए सम्मं जाव आणाए आराहिए यावि भवइ, तच्चं भंते मह-

व्वयं ॥ १०४८ ॥ अहावरं चउत्थं महव्वयं पच्चक्खामि सव्वं मेहुणं, से दिव्वं
 वां, माणुसं वां, तिरिक्खजोणियं वा, णेव सयं मेहुणं गच्छेज्जा तं चेव अदिण्णा-
 दाणवत्तव्वया भाणियव्वा, जाव वोसिरामि ॥ १०४९ ॥ तस्सिमाओ पंच भाव-
 णाओ भवंति ॥ १०५० ॥ तत्थिमा पढमा भावणा, णो णिगंग्थे अभिक्खणं
 २ इत्थीणं कहं कहइत्तए सिया, केवली वूया, णिगंग्थेणं अभिक्खणं २ इत्थीणं
 कहं कहेमाणे संतिमेदा संतिविभंगा संतिकेवलीपण्णत्ताओ धम्मोओ भंसेज्जा, णो
 णिगंग्थेणं अभिक्खणं २ इत्थीणं कहं कहित्तए सिय त्ति पढमा भावणा ॥ १०५१ ॥
 अहावरा दोच्चा भावणा, णो णिगंग्थे इत्थीणं मणोहराई २ इंदियाई आलोए-
 त्तए णिज्झाइत्तए सिया, केवली वूया, णिगंग्थे णं इत्थीणं मणोहराई २ इंदियाई
 आलोएमाणे णिज्झाएमाणे संतिमेया संतिविभंगा जाव धम्मोओ भंसेज्जा, णो
 णिगंग्थे इत्थीणं मणोहराई २ इंदियाई आलोएत्तए णिज्झाइत्तए सिय त्ति दोच्चा
 भावणा ॥ १०५२ ॥ अहावरा तच्चा भावणा, णो णिगंग्थे इत्थीणं पुव्वरयाई
 पुव्वकीलियाई संरित्तए सिया, केवली वूया, णिगंग्थे णं इत्थीणं पुव्वरयाई पुव्वकी-
 लियाई सरमाणे संतिमेया जाव भंसेज्जा, णो णिगंग्थे इत्थीणं पुव्वरयाई पुव्वकी-
 लियाई संरित्तए सिय त्ति तच्चा भावणा ॥ १०५३ ॥ अहावरा चउत्था भावणा,
 णाईमत्तपाणभोयणभोई से णिगंग्थे णो पणीयरसभोयणभोई, केवली वूया, अइम-
 त्तपाणभोयणभोई से णिगंग्थे पणीयरसभोयणभोई य संतिमेदा जाव भंसेज्जा,
 णोऽतिमत्तपाणभोयणभोई से णिगंग्थे, णो पणीयरसभोयणभोई त्ति चउत्था
 भावणा, ॥ १०५४ ॥ अहावरा पंचमा भावणा, णो णिगंग्थे इत्थीपसुपंड-
 गसंसत्ताई सयणासणाई सेवित्तए सिया, केवली वूया, णिगंग्थेणं इत्थीपसुपंडग-
 संसत्ताई सयणासणाई सेवेमाणे संतिमेया जाव भंसेज्जा, णो णिगंग्थे इत्थीपसुपंडग-
 संसत्ताई सयणासणाई सेवित्तए सियत्ति पंचमा भावणा ॥ १०५५ ॥ एतावताव चउत्थे
 महव्वए सम्मं काएण फासिए जाव आराहिए या वि भवइ, चउत्थं भंते । महव्वयं ०
 ॥ १०५६ ॥ अहावरं पंचमं भंते । महव्वयं सव्वं परिग्गहं पच्चक्खामि, से अप्पं वा, बहुं
 वा, अणुं वा, थूलं वा, चित्तमंतं वा, अचित्तमंतं वा, णेव सयं परिग्गहं गिंहेज्जा,
 णेवण्णेहिं परिग्गहं गिण्हाविज्जा, अण्णपि परिग्गहं गिण्हंतं ण समणुजाणिज्जा, जाव
 वोसिरामि ॥ १०५७ ॥ तस्सिमाओ पंच भावणाओ भवंति ॥ तत्थिमा पढमा
 भावणा, सोयओणं जीवे मणुण्णामणुण्णाई सद्दाई सुणेइ, मणुण्णामणुण्णेहिं सद्देहिं णो
 सज्जेज्जा, णो रज्जेज्जा, णो गिज्जेज्जा, णो मुज्जेज्जा, णो अज्जेव्वज्जेज्जा, णो
 विणिग्गपयमावज्जेज्जा, केवली वूया, णिगंग्थेणं मणुण्णामणुण्णेहिं सद्देहिं सज्जमाणे

जाव विणिग्घायमावज्जमाणे संतिभेया संतिविभंगा संतिकेवल्लिपणत्ताओ धम्माओ भंसेज्जा ॥ १०५८ ॥ ण सक्का ण सोउं सद्दा, सोयविसयमागता; रागदोसा उ जे तत्थ ते भिक्खू परिवज्जए ॥ १०५९ ॥ सोयओ जीवो मणुण्णामणुण्णाइं सद्दाइं सुणेइ० ॥ १०६० ॥ अहावरा **दोच्चा भावणा**, चक्खूओ जीवो मणुण्णामणुण्णाइं रुवाईं पासइ, मणुण्णामणुण्णेहिं रुवेहिं णो सज्जेज्जा, णो रज्जेज्जा, जाव णो विणिग्घायमावज्जेज्जा, केवली वूया, मणुण्णामणुण्णेहिं रुवेहिं सज्जमाणे रज्जमाणे जाव विणिग्घायमावज्जमाणे संतिभेया संतिविभंगा जाव भंसेज्जा ॥ १०६१ ॥ ण सक्का रुवमदद्धं चक्खुविसयमागयं, रागदोसा उ जे तत्थ, ते भिक्खू परिवज्जए ॥ १०६२ ॥ चक्खूओ जीवो मणुण्णामणुण्णाइं रुवाईं पासइ ॥ १०६३ ॥ अहावरा तच्चा **भावणा**, घाणओ जीवो मणुण्णामणुण्णाइं गंधाईं अग्घायइ, मणुण्णामणुण्णेहिं गंधेहिं णो सज्जेज्जा, णो रज्जेज्जा, जाव णो विणिग्घायमावज्जेज्जा, केवली वूया, मणुण्णामणुण्णेहिं गंधेहिं सज्जमाणे रज्जमाणे जाव विणिग्घायमावज्जमाणे संतिभेदा संतिविभंगा जाव भंसेज्जा ॥ १०६४ ॥ णो सक्का गंधमग्घाउं णासाविसयमागयं, रागदोसा उ जे तत्थ ते भिक्खू परिवज्जए ॥ १०६५ ॥ घाणओ जीवो मणुण्णामणुण्णाइं गंधाईं अग्घायइ० ॥ १०६६ ॥ अहावरा **चउत्था भावणा**, जिब्भाओ जीवो मणुण्णामणुण्णाइं रसाईं अस्सादेइ, मणुण्णामणुण्णेहिं रसेहिं णो रज्जेज्जा, जाव णो विणिग्घायमावज्जेज्जा, केवली वूया, णिग्गंधे णं मणुण्णामणुण्णेहिं रसेहिं सज्जमाणे जाव विणिग्घायमावज्जमाणे संतिभेदा जाव भंसेज्जा ॥ १०६७ ॥ णो सक्का रसमस्साउं, जीहाविसयमागयं; रागदोसा उ जे तत्थ, ते भिक्खू परिवज्जए ॥ १०६८ ॥ जीहाओ जीवो मणुण्णामणुण्णाइं रसाईं अस्सादेइ० ॥ १०६९ ॥ अहावरा **पंचमा भावणा**, फासओ जीवो मणुण्णामणुण्णाइं फासाईं पडिसंवेदेइ, मणुण्णामणुण्णेहिं फासेहिं णो सज्जेज्जा, णो रज्जेज्जा, णो गिज्जेज्जा, णो मुज्जेज्जा, णो अज्झोववज्जेज्जा, णो विणिग्घायमावज्जेज्जा, केवली वूया, णिग्गंधे णं मणुण्णामणुण्णेहिं फासेहिं सज्जमाणे जाव विणिग्घायमावज्जमाणे, संतिभेदा संतिविभंगा, संतिकेवल्लिपणत्ताओ धम्माओ भंसेज्जा ॥ १०७० ॥ णो सक्का फासमवेदेइं

पालिता, तीरिता, किट्टिता, आणाए आराहिए यावि भवइ ॥१०७४॥ भावणा-
ज्झयणं पणरहमं समत्तं इय तइआ चूला समत्ता ॥

अणिच्चमावासमुवेंति जंतुणो, पलोयए सुच्चमिदं अणुत्तरं; विऊसिरे विञ्जु अगार-
बंधणं, अभीरु आरंभपरिगहं चए ॥ १०७५ ॥ तहागअं भिक्खुमणंतसंजयं,
अणेलिसं विञ्जु चरंतमेसणं; तुदंति वायाहिं अभिद्वं णरा, सरेहिं संगामगयं व
कुंजरं ॥ १०७६ ॥ तहप्पगारेहिं जणेहिं हीलिए, ससद्दफासा फल्सा उईरिया;
तितिक्खए णाणि अदुट्ठचेयसा, गिरिव्व वाएण ण संपवेयए ॥१०७७॥ उवेहमाणे
कुसलेहिं संवसे, अकंतदुक्खी तसथावरा दुही; अल्लसए सव्वसहे महामुणी, तहा हि
से सुस्समणे समाहिए ॥ १०७८ ॥ विऊ णए धम्मपयं अणुत्तरं, विणीयतण्हस्स
मुणिस्स ज्जायओ; समाहियस्सऽग्गिसिहा व तेयसा, तवो य पण्णा य जसो य
वड्ढइ ॥ १०७९ ॥ दिसोदिसिंऽणंतजिणेण ताइणा, महव्वया खेमपदा पवेदिता;
महागुरु णिस्सयरा उदीरिया, तमेव तेऊत्तिदिसं पगासया ॥ १०८० ॥ सिएहिं
भिक्खू असिए परिव्वए, असज्जमित्थीसु चएज्ज पूअणं; अणिस्सिओ लोगमिणं तहा
परं, णमिज्जइ कामगुणेहिं पंडिए ॥ १०८१ ॥ तहा विमुक्कस्स परिण्णचारिणो
धिईमओ दुक्खखमस्स भिक्खुणो; विमुज्झई जंसि मलं पुरेकडं, समीरियं रूपमलं
व जोइणा ॥ १०८२ ॥ से हु प्परिण्णा समयंमि वट्ठइ, णिराससे उवरय मेहुणा
चरे; भुजंगमे जुण्णतयं जहा जहे, विमुच्चइ से दुहसेज्ज माहणे ॥ १०८३ ॥ जमाहु
ओहं सलिलं अपारगं, महासमुदं व भुयाहिं दुत्तरं; अहे य णं परिजाणाहि पंडिए, से
हु मुणी अंतकडे त्ति वुच्चइ ॥ १०८४ ॥ जहा हि वद्धं इह माणवेहिं, जहा य तेसिं
तु विमोक्ख आहिओ; अहा तहा बंधविमोक्ख जे विऊ, से हु मुणी अंतकडे त्ति
वुच्चइ ॥ १०८५ ॥ इमंमि लोए परए य दोसुवि, ण विज्जइ बंधणं जस्स किंचिवि;
से हु णिरालंबणमप्पइट्ठिए, कलंकली भावपहं विमुच्चइ त्ति वेमि ॥ १०८६ ॥
सोलहमं विमुत्तिज्झयणं समत्तं ॥ सदाचारणाम वीओ सुयक्खंधो
संपुण्णो, चउत्था चूडा समत्ता ॥

इइ आयारे



जे ते उ वाइणो एवं न ते ओहंतराऽऽहिया ॥ २० ॥ २० ॥ ते नावि संधिं नच्चा णं
 न ते धम्मविऊ जणा । जे ते उ वाइणो एवं न ते संसारपारगा ॥ २१ ॥ २१ ॥
 ते नावि संधिं नच्चा णं न ते धम्मविऊ जणा । जे ते उ वाइणो एवं न ते गब्भस्स
 पारगा ॥ २२ ॥ २२ ॥ ते नावि संधिं नच्चा णं न ते धम्मविऊ जणा । जे ते उ
 वाइणो एवं न ते जम्मस्स पारगा ॥ २३ ॥ २३ ॥ ते नावि संधिं नच्चा णं न ते
 धम्मविऊ जणा । जे ते उ वाइणो एवं न ते दुक्खस्स पारगा ॥ २४ ॥ २४ ॥ ते
 नावि संधिं नच्चा णं न ते धम्मविऊ जणा । जे ते उ वाइणो एवं न ते मारस्स
 पारगा ॥ २५ ॥ २५ ॥ नाणाविहाई दुक्खाई अणुहोन्ति पुणो पुणो । संसारवक्क-
 वालम्मि मच्चुवार्हिजराकुले ॥ २६ ॥ २६ ॥ उच्चावयाणि गच्छन्ता गब्भमेस्सन्ति
 णन्तसो । नायपुत्ते महावीरे एवमाह जिणुत्तमे ॥ २७ ॥ २७ ॥ ति बेसि ॥
 समयज्झयणे पढमुद्देसो ॥

आघायं पुण एगेसिं उवववा पुढो जिया । वेदयन्ति सुहं दुक्खं अदु वा लुप्पन्ति
 ठाणओ ॥ १ ॥ २८ ॥ न तं सयं कडं दुक्खं कओ अन्नकडं च णं । सुहं वा जइ
 वा दुक्खं सेहियं वा असेहियं ॥ २ ॥ २९ ॥ सयं कडं न अन्नेहिं वेदयन्ति पुढो
 जिया । संगइयं तं तथा तेसिं इहमेगेसिमाहियं ॥ ३ ॥ ३० ॥ एवमेयाणि जम्पन्ता
 बाला पण्डियमाणिणो । निययानिययं सन्तं अयाणन्ता अबुद्धिया ॥ ४ ॥ ३१ ॥
 एवमेगे उ पासत्या ते भुजो विप्पगब्भिया । एवं उवट्टिया सन्ता न ते दुक्ख-
 विमोक्खगा ॥ ५ ॥ ३२ ॥ जविणो मिगा जहा सन्ता परियाणेण वजिया ।
 असङ्कियाई सङ्कन्ति सङ्कियाई असङ्किणो ॥ ६ ॥ ३३ ॥ परियाणियाणि सङ्कन्ता
 पासियाणि असङ्किणो । अत्राणभयसंविग्गा संपल्लिन्ति तहिं तहिं ॥ ७ ॥ ३४ ॥
 अह तं पवेज्ज वज्झं अहे वज्झस्स वा वए । मुच्चेज्ज पयपासाओ तं तु मन्दे न
 देहई ॥ ८ ॥ ३५ ॥ अहियप्पाहियपन्नाणे विसमन्तेणुवागए । स वद्धे पयपासेणं
 तत्थ घायं नियच्छई ॥ ९ ॥ ३६ ॥ एवं तु समणा एगे मिच्छदिट्ठी अणारिया ।
 असङ्कियाई सङ्कन्ति सङ्कियाई असङ्किणो ॥ १० ॥ ३७ ॥ धम्मपन्नवणा जा सा
 तं तु सङ्कन्ति मूढगा । आरम्भाई न सङ्कन्ति अवियत्ता अकोविया ॥ ११ ॥ ३८ ॥
 सव्वप्पगं विउक्कस्सं सव्वं नूमं विट्ठणिया । अप्पत्तिथं अकम्मसे एयमट्ठं मिगे चुप
 ॥ १२ ॥ ३९ ॥ जे एयं नाभिजाणन्ति मिच्छदिट्ठी अणारिया । मिगा वा पास-
 वद्धा ते घायमेस्सन्ति णन्तसो ॥ १३ ॥ ४० ॥ माहणा समणा एगे सव्वे नायं
 सयं वए । सव्वलोगे वि जे पाणा न ते जाणन्ति किंचण ॥ १४ ॥ ४१ ॥ मिलक्ख
 अमिलक्खुस्स जहा सुत्ताणुभासए । न हेउं से वियाणाइ भांसियं तऽणुभासए ॥ १५ ॥

॥ ४२ ॥ एवमन्नाणिया नाणं वयन्ता वि सयं सयं । निच्छयत्थं ण जाणन्ति
मिलक्खु व्व अवोहिया ॥ १६ ॥ ४३ ॥ अन्नाणियाणं वीमंसा अन्नाणे न नियच्छइ ।
अप्पणो य परं नालं कुतो अन्नाणुसासिउं ॥ १७ ॥ ४४ ॥ वणे मूढे जहा जन्तू
मूढे नेयाणुगामिए । दो वि एए अकोविया तिव्वं सोयं नियच्छई ॥ १८ ॥ ४५ ॥
अन्धो अन्धं पहं नेन्तो दूरमद्धानुगच्छइ । आवज्जे उप्पहं जन्तू अदु वा पन्थाणु-
गामिए ॥ १९ ॥ ४६ ॥ एवमेगे नियागट्ठी धम्ममाराहगा वयं । अदु वा अहम्म-
मावज्जे न ते सव्वज्जुयं वए ॥ २० ॥ ४७ ॥ एवमेगे वियक्काहिं नो अन्नं पज्जु-
वासिया । अप्पणो य वियक्काहिं अयमज्जू हि दुम्मई ॥ २१ ॥ ४८ ॥ एवं तक्काइ
साहेन्ता धम्माधम्मो अकोविया । दुक्खं ते नाइतुट्ठेन्ति सउणी पज्जरं जहा ॥ २२ ॥
॥ ४९ ॥ सयं सयं पसंसन्ता गरहन्ता परं वयं । जे उ तत्थ विउस्सन्ति संसारं ते
विउस्सिया ॥ २३ ॥ ५० ॥ अहावरं पुरक्खायं किरियावाइदरिसणं । कम्मचिन्ता-
पणट्ठाणं संसारस्स पवड्ढुगं ॥ २४ ॥ ५१ ॥ जाणं काएण्डणाउट्ठी अबुहो जं च
हिंसइ । पुट्ठो संवेयइ परं अवियत्तं खु सावज्जं ॥ २५ ॥ ५२ ॥ सन्तिमे तउ
आयाणा जेहिं कीरइ पावगं । अभिकम्मा य पेसा य मणसा अणुजाणिया
॥ २६ ॥ ५३ ॥ एए उ तउ आयाणा जेहिं कीरइ पावगं । एवं भावविसोहीए
तिव्वानममिगच्छई ॥ २७ ॥ ५४ ॥ पुत्तं पियां समारब्भ आहारेज्ज असंजए ।
भुज्जमाणो य मेहावी कम्मुणा नोवलिप्पई ॥ २८ ॥ ५५ ॥ मणसा जे
पउस्सन्ति चित्तं तेसिं न विज्जइ । अणवज्जमतर्ह तेसिं न ते संवुडचारिणो ॥ २९ ॥
॥ ५६ ॥ इच्चेयाहि य दिट्ठीहिं सायागारवनिस्सिया । सरणं ति मन्नमाणा सेवन्ती
पावगं जणा ॥ ३० ॥ ५७ ॥ जहा अस्साविणिं नावं जाइअन्धो दुरुहिया । इच्छई
पारमागन्तुं अन्तरा य विसीयई ॥ ३१ ॥ ५८ ॥ एवं तु समणा एगे सिच्छदिट्ठी
अणारिया । संसारपारकंखी ते संसारं अणुपरियट्ठन्ति ॥ ३२ ॥ ५९ ॥ त्ति वेमि ॥
समयज्झयणे विइयुहेसो ॥

जं किञ्चि उ पड्कडं सट्ठीमागन्तुमीहियं । सहस्सन्तरियं भुञ्जे दुपक्खं चेव
सेवई ॥ १ ॥ ६० ॥ तमेव अविद्याणन्ता विसमंति अकोविया । मच्छा वेसालिया
चेव उदगस्सभियागमे ॥ २ ॥ ६१ ॥ उदगस्स पहावेणं सुक्कं सिग्धं तमेन्ति उ ।
उट्ठेहि य कट्ठेहि य आमिसत्थेहि ते दुही ॥ ३ ॥ ६२ ॥ एवं तु समणा एगे
वट्ठमाणुहेतिणो । मच्छा वेसालिया चेव घायमेस्सन्ति णन्तसो ॥ ४ ॥ ६३ ॥
इणमन्नं तु अज्जाणं इहमेगेसिमाहियं । देवउत्ते अयं लोए वम्भउत्ते इ आवरे ॥ ५ ॥
॥ ६४ ॥ ईसरेण कठे लोए पढाणाइ तहावरे । जीवाजीवसमाउत्ते सुट्ठुक्खसम-

त्रिए ॥ ६ ॥ ६५ ॥ सयंभुणा कडे लोए इइ वुत्तं महेसिणा । मारेण संथुया माया
 तेण लोए असासए ॥ ७ ॥ ६६ ॥ माहणा समणा एगे आह अण्डकडे जए ।
 असो तत्तमकासी य अयाणन्ता मुसं वए ॥ ८ ॥ ६७ ॥ सएहिं परियाएहिं लोणं
 वूया कडे ति य । तत्तं ते न वियाणन्ति न विणासी कयाइ वि ॥ ९ ॥ ६८ ॥
 अमणुजसमुप्पायं दुक्खमेव वियाणिया । समुप्पायमयाणन्ता क्हं नायन्ति संवरं
 ॥ १० ॥ ६९ ॥ सुद्धे अपावए आया इहमेगेसिमाहियं । पुणो किट्ठापदोसेणं सो
 तत्थ अवरज्झई ॥ ११ ॥ ७० ॥ इह संवुडे मुणी जाए पच्छा होइ अपावए ।
 वियडम्बु जहा भुज्जो नीरयं सरयं तथा ॥ १२ ॥ ७१ ॥ एयाणुवीइ मेहावी बम्म-
 चेरेण ते वसे । पुढो पावाउया सव्वे अक्खायारो सयं सयं ॥ १३ ॥ ७२ ॥ सए
 सए उवट्ठाणं सिद्धिमेव न अन्नहा । अहे इहेव वसवत्ती सव्वकामसमप्पिए ॥ १४ ॥
 ॥ ७३ ॥ सिद्धा य ते अरोगे य इहमेगेसिमाहियं । सिद्धिमेव पुरो काउं सासए
 गढिया नरा ॥ १५ ॥ ७४ ॥ असंवुडा अणाईयं भमिहन्ति पुणो पुणो । कप्प-
 कालमुवज्जन्ति ठाणा आसुरकिब्बिसिय ॥ १६ ॥ ७५ ॥ ति वेमि ॥ समय-
 ज्ञयणे तइयुद्देसो ॥

एए जिया भो न सरणं वाला पण्डियमाणिणो । हिच्चा णं पुव्वसंजोयं सिया
 किच्चोवएसगा ॥ १ ॥ ७६ ॥ तं च भिक्खु परिन्नाय वियं तेसु न मुच्छए । अणु-
 कस्से अप्पलणे मज्जेण मुणि जावए ॥ २ ॥ ७७ ॥ सपरिग्गहा य सारम्भा
 इहमेगेसिमाहियं । अपरिग्गहा अणारम्भा भिक्खु ताणं परिव्वए ॥ ३ ॥ ७८ ॥
 कडेसु घासमेसेज्जा विऊ दत्तेसणं चरे । अगिद्धो विप्पमुक्को य ओमाणं परिवज्जए
 ॥ ४ ॥ ७९ ॥ लोगवायं निसामेज्जा इहमेगेसिमाहियं । विवरीयपन्नसंभूयं अन्नउत्तं
 तयाणुयं ॥ ५ ॥ ८० ॥ अणन्ते निइए लोए सासए न विणस्सई । अन्तवं निइए
 लोए इइ धीरोऽतिपासई ॥ ६ ॥ ८१ ॥ अपरिमाणं वियाणाइ इहमेगेसिमाहियं ।
 सव्वत्थ सपरिमाणं इइ धीरोऽतिपासई ॥ ७ ॥ ८२ ॥ जे केइ तसा पाणा चिद्धन्ति
 अदु थावरा । परियाए अत्थि से अज्जु जेण ते तसथावरा ॥ ८ ॥ ८३ ॥ उरालं
 जगओ जोगं विवज्जासं पलेन्ति य । सव्वे अकन्तदुक्खा य अओ सव्वे अहिंसिया
 ॥ ९ ॥ ८४ ॥ एयं खु नाणिणो सारं जं न हिंसइ किंचण । अहिंसासमयं चैव
 एयावन्तं वियाणिया ॥ १० ॥ ८५ ॥ वुसिए य विगयगेही आयाणं सम्म रक्खए ।
 चरियासणसेज्जासु भत्तपाणे य अन्तसो ॥ ११ ॥ ८६ ॥ एएहिं तिहि ठाणेहिं संजए
 संययं मुणी । उक्कसं जलणं नूसं मज्झत्यं च विगिद्धए ॥ १२ ॥ ८७ ॥ समिए उ
 सया साहं पव्वसंवरसंवुडे । सिएहि असिए भिक्खु आमोक्खाए परिव्वएज्जासि
 ॥ १३ ॥ ८८ ॥ ति वेमि ॥ समयज्ञयणं पढमं ॥

वेयालियज्झयणे विइए

संवुज्झह किं न वुज्झह संवोही खलु पेच्च दुल्लहा । नो ह्वणमन्ति राइयो नो
सुलमं पुणरावि जीवियं ॥ १ ॥ ८९ ॥ डहरा वुद्धा य पासह गब्भत्था वि चयन्ति
माणवा । सेणे जह वट्ठयं हरे एवं आउखयम्मि तुट्ठई ॥ २ ॥ ९० ॥ मायाहिं पियाहि
लुप्पई नो सुलहा सुगई य पेच्चओ । एयाइ भयाइ पेहिया आरम्भा विरमेज्ज सुव्वए
॥ ३ ॥ ९१ ॥ जमिणं जगई पुढो जगा कम्मोहिं लुप्पन्ति पाणिणो । सयमेव कडेहि
गाहई नो तस्स मुच्चज्जपुट्ठयं ॥ ४ ॥ ९२ ॥ देवा गन्धव्वरक्खसा असुरा भूमिचरा
सरीसिवा । राया नरसेट्ठिमाहणा ठाणा ते वि चयन्ति दुक्खिया ॥ ५ ॥ ९३ ॥
कामेहि य संथवेहि गिद्धा कम्मसहा कालेण जन्तवो । ताले जह बन्धणञ्चुए एवं
आउखयम्मि तुट्ठई ॥ ६ ॥ ९४ ॥ जे यावि बहुस्सुए सिया धम्मिय माहण भिक्खुए
सिया । अभिनूमकडेहि मुच्छिए तिव्वं ते कम्मोहि किच्चई ॥ ७ ॥ ९५ ॥ अह
पास विवेगमुट्ठिए अवितिण्णे इह भासई धुवं । नाहिसि आरं कओ परं वेहासे
कम्मोहि किच्चई ॥ ८ ॥ ९६ ॥ जइ वि य नगिणे किसे चरे जइ वि य भुज्जिय
मासमन्तसो । जे इह मायाहि मिज्जई आगन्ता गब्भाय णन्तसो ॥ ९ ॥ ९७ ॥
पुरिसोरम पावकम्मणा पलियन्तं मणयाण जीवियं । सन्ना इह काममुच्छिखा मोहं
जन्ति नरा असंवुडा ॥ १० ॥ ९८ ॥ जययं विहराहि जोगवं अणुपाणा पन्था
दुस्तारा । अणुसासणमेव पक्कमे वीरेहिं सम्मं पवेइयं ॥ ११ ॥ ९९ ॥ विरया
वीरा समुट्ठिया कोहकायरियाइपीसणा । पाणे न हणन्ति सव्वसो पावाओ विरया-
ऽभिनिव्वुडा ॥ १२ ॥ १०० ॥ न वि ता अहमेव लुप्पए लुप्पन्ती लोणंसि पाणिणो ।
एवं सहिएहि पासए अणिहे से पुट्ठेऽहियासए ॥ १३ ॥ १०१ ॥ धुणिया कुलियं
य लेववं कितए देहमणासणाइहिं । अविहिंसामेव पव्वए अणुधम्मो मुणिणा पवेइयो
॥ १४ ॥ १०२ ॥ सउणी जह पंसुगुण्डिया विहुणिय धंसयई सियं रयं । एवं
दविओवहाणवं कम्मं खवइ तवस्सि माहणे ॥ १५ ॥ १०३ ॥ उट्ठियमणगारमेसणं
समणं ठाणठियं तवस्सिणं । डहरा वुद्धा य पत्यए अवि सुस्से न य तं लमेज्ज नो
॥ १६ ॥ १०४ ॥ जइ कालुणियाणि कासिया जइ रोयन्ति य पुत्तकारणा । दवियं
भिकुं समुट्ठियं नो लब्भन्ति न संठवित्तए ॥ १७ ॥ १०५ ॥ जइ वि य कामेहि
लाविया जइ नेज्जाहि ण बन्धिउं घरं । जइ जीविय नावकह्वए नो लब्भन्ति न
संठवित्तए ॥ १८ ॥ १०६ ॥ सेट्ठन्ति य णं समाइणो माय पिया य नुया य
भारिया । पोसाहि ण पासओ तुमं लोग परं पि जहासि पोसणो ॥ १९ ॥ १०७ ॥
अप्पे अप्पेहि मुच्छिखा मोहं जन्ति नरा असंवुडा । विसमं विसमेहि गाहिया ते

पावेहि पुणो पगद्धिमा ॥ २० ॥ १०८ ॥ तम्हा दवि इक्ख पण्डिए पावाओ
विरएऽमिनिवुडे । पणए वीरं महाविहिं सिद्धिपहं नेयाउयं धुवं ॥ २१ ॥ १०९ ॥
वेयालियमग्गमागओ मणवयसा काएण निव्वुडो । चिच्चा वित्तं च नायओ आरम्भं
च सुसंवुडं चरे ॥ २२ ॥ ११० ॥ त्ति वेमि वेयालियज्झयणे पढमुद्देसो ॥

तयसं व जहाइ से रयं इइ संखाय मुणी न मज्जई । गोयन्नतरेण माहणे
अहसेयकरी अन्नेसि इंखिणी ॥ १ ॥ १११ ॥ जो परिभवई परं जणं संसारे परि-
वत्तई महं । अदु इंखिणिआ उ पाविया इइ संखाय मुणी न मज्जई ॥ २ ॥ ११२ ॥
जे यावि अणायगे सिया जे वि य पेसगपेसगे सिया । जे मोणपयं उवट्टिए नो
लजे समयं सया चरे ॥ ३ ॥ ११३ ॥ सम अन्नयरम्मि संजमे संखुद्धे समणे
परिव्वए । जे आवकहा समाहिए दविए कालमकासि पण्डिए ॥ ४ ॥ ११४ ॥
दूरं अणुपस्सिया मुणी तीयं धम्ममणागयं तहा । पुट्ठे फरुसेहि माहणे अवि हण्ण
समयम्मि रीयइ ॥ ५ ॥ ११५ ॥ पन्नसमत्ते सया जए समताधम्ममुदाहरे सुणी ।
सुहुमे उ सया अल्लसए नो कुज्जे नो माणि माहणे ॥ ६ ॥ ११६ ॥ बहुजणन-
मणम्मि संवुडो सव्वट्ठेहि नरे अणिसिए । हरए व सया अणाविले धम्मं पादुर-
कासि कासवं ॥ ७ ॥ ११७ ॥ बहवे पाणा पुढो सिया पत्तेयं समयं समीहिया ।
जे मोणपयं उवट्टिए विरइं तत्थ अकासि पण्डिए ॥ ८ ॥ ११८ ॥ धम्मस्स य
पारगे मुणी आरम्भस्स य अन्तए ठिए । सोयन्ति य णं ममाइणो नो लब्भन्ति
नियं परिगग्हं ॥ ९ ॥ ११९ ॥ इहलोगदुहावहं विज्ज परलोगे य दुहं दुहावहं ।
विद्धंसणधम्ममेव तं इइ विज्जं को गारमावसे ॥ १० ॥ १२० ॥ महयं पल्लिगोव
जाणिया जा वि य वंदणपूयणा इहं । सुहुमे सल्ले दुरुद्धरे विउमंता पयहिज्ज संथवं
॥ ११ ॥ १२१ ॥ एगे चर ठाणमासणे सयणे एग समाहिए सिया । भिक्ख
उवहाणवीरिए वइगुत्ते अज्झत्तसंवुडो ॥ १२ ॥ १२२ ॥ नो पीहे न यावपंगुणे दारं
सुन्नघरस्स संजए । पुट्ठे न उदाहरे वयं न समुच्छे नो संथरे तणं ॥ १३ ॥ १२३ ॥
जत्थत्थमिए अणाउले समविसमाई मुणी हियासए । चरगा अदु वा वि भेरवा अदु
वा तत्थ सरीसिवा सिया ॥ १४ ॥ १२४ ॥ तिरिया मणुया य दिव्वगा उवसग्गा
तिविहा हियासिया । लोमादीयं न हारिसे सुन्नागारगओ महामुणी ॥ १५ ॥ १२५ ॥
नो अभिक्खेज्ज जीवियं नो वि य पूयणपत्थए सिया । अब्भत्थमुवेन्ति भेरवा
सुन्नागारगयस्स भिक्खुणो ॥ १६ ॥ १२६ ॥ उवणीयतरस्स ताइणो भयमाणस्स
विविक्कमासणं । सामाइयमाहु तस्स जं जो अप्पाण भए न दंसए ॥ १७ ॥ १२७ ॥
अस्सिणोदगतत्तभोइणो धम्मठियस्स मुणिस्स हीमतो । संसग्गे असाहु राइहिं

असमाहीः उ तहागयस्स वि ॥ १८ ॥ १२८ ॥ अहिगरणकडस्स भिक्खुणो
वयमाणस्स पसज्ज दाहणं । अट्ठे परिहायई वहू अहिगरणं न करेज्ज पण्डिए
॥ १९ ॥ १२९ ॥ सीओदग पडि दुगुळिणो अपडिन्नस्स लवावसप्पिणो । सामाइ-
यमाहु तस्स जं जो गिहिमत्तेऽसणं न भुज्जई ॥ २० ॥ १३० ॥ न य संखयमाहु
जीवियं तह वि य वालज्जणो पगम्भई । वाले पावेहि मिज्जई इइ संखाय मुणी न
मज्जई ॥ २१ ॥ १३१ ॥ छंदेण पले इमा पया बहुमाया मोहेण पावुडा । वियडेण
पलेन्ति माहणे सीउहं वयसा हियासए ॥ २२ ॥ १३२ ॥ कुजए अपराजिए जहा
अक्खेहिं कुसलेहि दीवयं । कडमेव गहाय नो कलिं नो तीयं नो चेव दावरं
॥ २३ ॥ १३३ ॥ एवं लोगम्म ताइणा वुइए जे धम्मै अणुत्तरे । तं गिण्ह हियं
ति उत्तमं कडमिव सेसऽवहाय पण्डिए ॥ २४ ॥ १३४ ॥ उत्तर मणयाण आहिया
गामधम्म इइ मे अणुस्सुयं । जंसी विरया समुट्ठिया कासवस्स अणुधम्मचारिणो
॥ २५ ॥ १३५ ॥ जे एय चरन्ति आहियं नाएणं महया महेसिणा । ते उट्ठिय ते
समुट्ठिया अन्नोन्नं सारेन्ति धम्मओ ॥ २६ ॥ १३६ ॥ मा पेह पुरा पणामए
अभिकंखे उवहिं धुणितए । जे दूमण तेहि नो नया ते जाणन्ति समाहिमाहियं
॥ २७ ॥ १३७ ॥ नो काहिँ होज्ज संजए पासणिए न य संपसारए । नच्चा धम्मं
अणुत्तरं कयकिरिए न यावि मामए ॥ २८ ॥ १३८ ॥ छन्नं च पसंस नो करे न
य उक्कोस पगास माहणे । तेसिं सुविवेगमाहिए पणया जेहि सुजोसियं धुयं ॥ २९ ॥
॥ १३९ ॥ अनिहे सहिए सुसंबुडे धम्मट्ठी उवहाणवीरिए । विहरेज्ज समाहिइंदिए
अत्तहियं खु दुहेण लब्भइ ॥ ३० ॥ १४० ॥ न हि नूण पुरा अणुस्सुयं अदु वा
तं तह नो समुट्ठियं । मुणिणा सामाइ आहियं नाएणं जगसव्वदंसिणा ॥ ३१ ॥ १४१ ॥
एवं मत्ता महन्तरं धम्ममिणं सहिया वहू जणा । गुरुणो छंदाणुवत्तगा विरया तिण्ण
महोपमाहियं ॥ ३२ ॥ १४२ ॥ ति वेमि ॥ वेयालियज्जयणम्मि विइयुहेसो ॥
संबुडकम्मस्स भिक्खुणो जं दुक्खं पुट्ठं अवोहिए । तं संजमओऽवचिज्जई मरणं
हेच वयन्ति पण्डिया ॥ ११ ॥ १४३ ॥ जे विन्नवणाहिजोसिया संतिण्णेहि समं वियाहिया ।
तम्हा उट्ठं ति पासहा अदक्खु कामाई रोगवं ॥ २ ॥ १४४ ॥ अगं वणिएहि
आहियं धारेन्ती राइणिया इहं । एवं परमा महव्वया अक्खाया उ सराइभोयणा
॥ ३ ॥ १४५ ॥ जे इह सायाणुगा नरा अज्झोववच्चा कामेहि मुच्छिया । किवणेण
समं पगग्गिभया न वि जाणन्ति समाहिमाहियं ॥ ४ ॥ १४६ ॥ वाहेण जहा व
विच्छए अवले होइ गवं पचोइ । से अन्तसो अप्पथामए नाइवहे अवले विसीयइ
॥ ५ ॥ १४७ ॥ एवं कामेसणं पिरु अज्ज सुए पयहेज्ज संयवं । कामी कामे न

कामए लद्धे वा वि अलद्ध कण्हुई ॥ ६ ॥ १४८ ॥ मा पच्छ असाहुया भवे अचेही
 अणुसास अप्पगं । अहियं च असाहु सोयई से थणई परिदेवई वहुं ॥ ७ ॥ १४९ ॥
 इह जीवियमेव पासहा तरुणे वा ससयस्स तुइई । इतरवासे य जुज्झह गिद्ध नरा
 कामेसु मुच्छिया ॥ ८ ॥ १५० ॥ जे इह आरम्भनिस्सिया आयदण्ड एगन्तल्लसगा ।
 गन्ता ते पावलोगयं चिररायं आसुरियं दिसं ॥ ९ ॥ १५१ ॥ न य संखयमाहु
 जीवियं तह वि य बालजणो पगम्भई ॥ पच्चुप्पन्नेण कारियं को दहुं परलोगमागए
 ॥ १० ॥ १५२ ॥ अदक्खुव दक्खुवाहियं तं सद्दहसु अदक्खुदंसणा । हंदि हु
 सुनिरुद्धदंसणे मोहणिण्ण कडेण कम्मुणा ॥ ११ ॥ १५३ ॥ दुक्खी मोहे पुणो पुणो
 निव्विन्देज्ज सिलोपयुगं । एवं सहिए हिपासए आयतुलं पाणेहि संजए ॥ १२ ॥
 ॥ १५४ ॥ गारं पि य आवसे नरे अणुपुव्वं पाणेहि संजए । समया सव्वत्थ सुव्वए
 देवाणं गच्छे सलोगयं ॥ १३ ॥ १५५ ॥ सोच्चा भगवानुसासणं सच्चे तत्थ करेजु-
 चक्कमं । सव्वत्थ विणीयमच्छरे उज्जं भिक्खु विसुद्धमाहरे ॥ १४ ॥ १५६ ॥ सव्वं
 नच्चा अहिद्वए धम्मट्ठी उवहाणवीरिए । गुत्ते जुत्ते सया जए आयपरे परमायतद्विए
 ॥ १५ ॥ १५७ ॥ वित्तं पसवो य नाइओ तं वाले सरणं ति मज्जई । एए मम तेसु
 वी अहं नो ताणं सरणं न विज्जई ॥ १६ ॥ १५८ ॥ अब्भागमियम्मि वा दुहे
 अहवा उक्कमिए भवन्तिए । एगस्स गई य आगई विदुमन्ता सरणं न मज्जई
 ॥ १७ ॥ १५९ ॥ सव्वे सयकम्मकप्पिया अवियत्तेण दुहेण पाणिणो । हिण्डन्ति
 भयाउला सढा जाइजरामरणेहिऽभिदुया ॥ १८ ॥ १६० ॥ इणमेव खणं वियाणिया
 नो सुलभं वोहिं च आहियं । एवं सहिए हिपासए आह जिणे इणमेव सेसगा
 ॥ १९ ॥ १६१ ॥ अभविंसु पुरा वि भिक्खुवो आएसा वि भवन्ति सुव्वया ।
 एयाइं गुणाइं आहु ते कासवस्स अणुधम्मचारिणो ॥ २० ॥ १६२ ॥ तिविहेण वि
 पाण मा हणे आयहिए अणिघाण संवुडे । एवं सिद्धा अणन्तसो संपइ जे य
 अणागयावरे ॥ २१ ॥ १६३ ॥ एवं से उदाहु अणुत्तरनाणी अणुत्तरदंसी अणुत्तर-
 नाणदंसणधरे । अरहा नायपुत्ते भगवं वेसालिए वियाहिए ॥ २२ ॥ १६४ ॥ ति
 वेमि ॥ वेयालियज्झयणं विइयं ॥

उवसग्गज्झयणे तइए

सूरं मज्जइ अप्पाणं जाव जेर्यं न पस्सई । जुज्झन्तं दढधम्माणं सिसुपालो व
 महारहं ॥ १ ॥ १६५ ॥ पयाया सूरं रणसीसे संगामम्मि उवद्विए । माया पुत्तं

न जाणाइ जेएण परिविच्छए ॥ २ ॥ १६६ ॥ एवं सेहे वि अप्पुट्टे भिक्खायरिया-
 अकोविए । सूरं मन्नइ अप्पाणं जाव ल्हं न सेवए ॥ ३ ॥ १६७ ॥ जया हेमन्त-
 मासम्मि सीयं फुसइ सव्वगं । तत्थ मन्दा विसीयन्ति रज्जहीणा व खत्तिया ॥ ४ ॥
 ॥ १६८ ॥ पुट्टे गिम्हाहितावेणं विमणे सुपिवासिए । तत्थ मन्दा विसीयन्ति मच्छा
 अप्पोदए जहा ॥ ५ ॥ १६९ ॥ सया दत्तेसणा दुक्खा जायणा दुप्पणोल्लिया ।
 कम्मत्ता दुब्भगा चेव इच्चाहंसु पुढोजणा ॥ ६ ॥ १७० ॥ एए सहे अचायन्ता गामेसु
 नगरेसु वा । तत्थ मन्दा विसीयन्ति संगामम्मि व भीरया ॥ ७ ॥ १७१ ॥ अप्पेगे
 खुहियं भिक्खुं सुणी डंसइ लूसए । तत्थ मन्दा विसीयन्ति तेउपुट्टा व पाणिणो
 ॥ ८ ॥ १७२ ॥ अप्पेगे पडिभासन्ति पडिपन्थियमागया । पडियारगया एए जे
 एए एवजीविणो ॥ ९ ॥ १७३ ॥ अप्पेगे वइ जुज्जन्ति नगिणा पिण्डोलगाहमा ।
 सुण्डा कण्डूविणट्ठजा उज्जल्ला असमाहिया ॥ १० ॥ १७४ ॥ एवं विप्पडिवज्जेगे
 अप्पणा उ अजाणया । तमाओ ते तमं जन्ति मन्दा मोहेण पावुडा ॥ ११ ॥ १७५ ॥
 पुट्टो य दंसमसगेहिं तण्णासमन्वाइया । न मे दिट्ठे परे लोए जइ परं मरणं सिया
 ॥ १२ ॥ १७६ ॥ संतत्ता केसलोएणं वम्मचेरपराइया । तत्थ मन्दा विसीयन्ति
 मच्छा विट्ठा व केयणे ॥ १३ ॥ १७७ ॥ आयदण्डसमायारे मिच्छासंठियभावणा ।
 हरिसप्पओसमावन्ना केइ लूसन्तिऽनारिया ॥ १४ ॥ १७८ ॥ अप्पेगे पलियन्तेसिं
 चारो चोरो त्ति सुव्वयं । वन्धन्ति भिक्खुयं वाला कसायवयणेहि य ॥ १५ ॥ १७९ ॥
 तत्थ दण्डेण संवीते मुट्ठिणा अटु फलेण वा । नाईणं सरई वाले इत्थी वा कुद्धगा-
 मिणी ॥ १६ ॥ १८० ॥ एए भो कसिणा फासा फरुसा दुरहियासया । हत्थी वा
 सरसंवित्ता कीवावस गया गिहं ॥ १७ ॥ १८१ ॥ ति वेमि ॥ उवसग्गज्झयणे
 पढमुद्देसे ॥

अहिमे सुहुमा संग्गा भिक्खूणं जे दुरुत्तरा । जत्थ एगे विसीयन्ति न चयन्ति
 जयित्तए ॥ १ ॥ १८२ ॥ अप्पेगे नायओ दिस्स रोयन्ति परिवारिया । पोस ने
 ताय पुट्टो सि कत्थ ताय जहासि ने ॥ २ ॥ १८३ ॥ पिया ते घेरओ ताय ससा
 ते गुट्ठिया इमा । भायरो ते संग्गा ताय सोयरा किं जहासि ने ॥ ३ ॥ १८४ ॥
 मायरं पियरं पोस एवं लोगो भविस्सइ । एवं खु लोइयं ताय जे पालेन्ति य मायरं
 ॥ ४ ॥ १८५ ॥ उत्तरा महुल्लावा पुत्ता ते ताय खुत्तया । भारिया ते नवा ताय
 मा सा अन्नं जगं गमे ॥ ५ ॥ १८६ ॥ एहि ताय घरं जामो मा य कम्मे सहा
 यगं । विट्ठं पि ताय पासामो जामु ताव सयं गिहं ॥ ६ ॥ १८७ ॥ गन्तुं ताय पुणो
 गच्छे न तेणा समणो सिया । अकामगं परिक्कम्मं को ते वारिउमरिहइ ॥ ७ ॥ १८८ ॥

जं किञ्चि अणगं ताय तं पि सव्वं समीकयं । हिरणं ववहाराइ तं पि दाहामु ते वयं
 ॥८॥१८९॥ इच्चेव णं सुसेहन्ति कालुणीयसमुट्ठिया । विवद्धो नाइसंगेहिं तओऽणारं
 पहावइ ॥ ९ ॥ १९० ॥ जहा रुक्खं वणे जायं मालुया पडिवन्धइ । एवं णं पडि-
 वन्धन्ति नाइओ असमाहिणा ॥ १० ॥ १९१ ॥ विवद्धो नाइसंगेहिं हत्थी वा वि-
 नवग्गहे । पिट्ठओ परिसप्पन्ति सुय गो व्व अदूरए ॥ ११ ॥ १९२ ॥ एए संग्गा
 मणूसणं पायाला व अतारिमा । कीवा जत्थ य किस्सन्ति नाइसंगेहिं मुच्छिया
 ॥ १२ ॥ १९३ ॥ तं च भिक्खु परिचाय सव्वे संग्गा महासवा । जीवियं नावक्कं
 खिज्जा सोच्चा धम्ममणुत्तरं ॥ १३ ॥ १९४ ॥ अहिमे सन्ति आवट्ठा कासवेणं
 पवेइया । बुद्धा जत्थावसप्पन्ति सीयन्ति अवुहा जहिं ॥ १४ ॥ १९५ ॥ रायणो
 रायऽमच्चा य माहणा अदु व खत्तिया । निमन्तयन्ति भोगेहिं भिक्खुयं साहुजीविणं
 ॥ १५ ॥ १९६ ॥ हत्थस्सरहजाणेहिं विहारगमणेहि य । भुज्ज भोगे इमे सग्गे
 महरिसी पूजयामु तं ॥ १६ ॥ १९७ ॥ वत्थगन्धमलंकारं इत्थीओ सयणाणि य ।
 भुज्जाहिमाइं भोगाई आउसो पूजयामु तं ॥ १७ ॥ १९८ ॥ जो तुमे नियमो चिण्णो
 भिक्खु भावम्मि सुव्वया । अगारमावसन्तस्स सव्वो संविज्जए तहा ॥ १८॥१९९॥
 चिरं दूइज्जमाणस्स दोसो दाणिं कुओ तव । इच्चेव णं निमन्तेन्ति नीवारेण व सूयं
 ॥ १९ ॥ २०० ॥ चोइया भिक्खुचरियाए अचयन्ता जवितए । तत्थ मन्दा
 विसीयन्ति उज्जाणंसि व दुव्वला ॥ २० ॥ २०१ ॥ अचयन्ता व ल्हेंणं उवहाणेण
 तज्जिया । तत्थ मन्दा विसीयन्ति उज्जाणंसि जरग्गवा ॥ २१ ॥ २०२ ॥ एवं
 निमन्तणं लद्धं मुच्छिया गिद्ध इत्थिसु । अज्झोववच्चा कामेहिं चोइज्जन्ता गया गिहं
 ॥ २२ ॥ २०३ ॥ ति वेमि ॥ **उवसग्गज्झयणे विइयुहेसे ॥**

जहा संगामकालम्मि पिट्ठओ भीरु वेहइ । वलयं गहणं नूमं को जाणइ पराजयं
 ॥ १ ॥ २०४ ॥ मुहुत्ताणं मुहुत्तस्स मुहुत्तो होइ तारिसो । पराजियाऽवसप्पामो
 इइ भीरु उवेहइ ॥ २ ॥ २०५ ॥ एवं उ समणा एगे अवलं नच्चाण अप्पणं ।
 अणागयं भयं दिस्स अवक्कप्पन्तिमं सुयं ॥ ३ ॥ २०६ ॥ को जाणइ विऊवायं
 इत्थीओ उदगाउ वा । चोइज्जन्ता पवक्खामो न नो अत्थि पक्कपियं ॥ ४ ॥ २०७ ॥
 इच्चेव पडिलेहन्ति वलया पडिलेहिणो । वितिगिच्छसमावच्चा पन्थाणं च अकोविया
 ॥ ५ ॥ २०८ ॥ जे उ संगामकालम्मि नाया सूरपुंरंगमा । नो ते पिट्ठमुवेहिन्ति
 किं परं मरणं सिया ॥ ६ ॥ २०९ ॥ एवं समुट्ठिए भिक्खु चोसिज्जा गारवन्धणं ।
 आरम्मं तिरियं कट्ठु अत्तताए परिव्वए ॥ ७ ॥ २१० ॥ तमेगे परिभासन्ति
 भिक्खुयं साहुजीविणं । जे एवं परिभासन्ति अन्तए ते समाहिए ॥ ८ ॥ २११ ॥

संबद्धसमकप्पा उ अन्नमन्नेसु मुच्छिया । पिण्डवायं गिलाणस्स जं सारेह दलाह य
 ॥ ९ ॥ २१२ ॥ एवं तुब्भे सरागत्या अन्नमन्नमणुव्वसा । नट्टसप्पहसव्भावा
 संसारस्स अपारगा ॥ १० ॥ २१३ ॥ अह ते परिभासेज्जा भिक्खु मोक्ख-
 विसारए । एवं तुब्भे पभासन्ता दुपक्खं चेव सेवह ॥ ११ ॥ २१४ ॥ तुब्भे
 भुज्जह पाएसु गिलाणो अभिहडम्मि य । तं च वीओदगं भोच्चा तमुद्दिस्सादि जं
 कडं ॥ १२ ॥ २१५ ॥ लित्ता तिब्बाभितावेणं उज्झिया असमाहिया । नाइकण्डूइयं
 सेयं असुयस्सावरज्जई ॥ १३ ॥ २१६ ॥ तत्तेण अणुसिट्ठा ते अपडिन्नेण
 जाणया । न एस नियए मग्गे असमिक्खा वई किई ॥ १४ ॥ २१७ ॥ एरिसा
 जा वई एसा अग्गवेणु व्व करिसिया । गिहिणो अभिहडं सेयं भुज्जितं न उ भिक्खुणं
 ॥ १५ ॥ २१८ ॥ धम्मपन्नवणा जा सा सारम्भा न विसोहिया । न उ एयाहि
 दिट्ठीहिं पुव्वमासिं पगप्पियं ॥ १६ ॥ २१९ ॥ सव्वाहिं अणुजुत्तीहिं अचयन्ता
 जवितए । तओ वायं निराकिच्चा ते भुज्जो वि पगग्गिभया ॥ १७ ॥ २२० ॥ राग-
 दोसाभिभूयप्पा मिच्छत्तेण अभिहुया । आउस्से सरणं जन्ति टंकणा इव पव्वयं
 ॥ १८ ॥ २२१ ॥ बहुगुणप्पगप्पाइं कुज्जा अत्तसमाहिए । जेणन्ने न विरुज्जेज्जा
 तेण तं तं समायरे ॥ १९ ॥ २२२ ॥ इमं च धम्ममायाय कासवेण पवेइयं । कुज्जा
 भिक्खु गिलाणस्स अगिलाए समाहिए ॥ २० ॥ २२३ ॥ संखाय पेसलं धम्मं
 दिट्ठिमं परिनिव्वुडे । उवसग्गे नियामित्ता आमोक्खाए परिव्वएजासि ॥ २१ ॥ २२४ ॥
 ति वेमि ॥ उवसग्गज्जयणे तइयुद्देस्से ॥

आहंखु महापुरिसा पुव्वि तत्ततवोधणा । उदएण सिद्धिमावज्जा तत्थ मन्दो
 विसीयइ ॥ १ ॥ २२५ ॥ अभुज्जिया नमी विदेही रामगुत्ते य भुज्जिया । वाहुए उदगं
 भोच्चा तहा नारायणे रिसी ॥ २ ॥ २२६ ॥ आसिले देविले चेव दीवायण महारिसी ।
 पारासरे दगं भोच्चा वीयाणि हरियाणि य ॥ ३ ॥ २२७ ॥ एए पुव्वं महापुरिसा
 आहिया इह संमया । भोच्चा वीयोदगं सिद्धा इइ मेयमणुस्तुयं ॥ ४ ॥ २२८ ॥ तत्थ
 मन्दा विसीयन्ति वाहच्छिज्जा व गद्दभा । पिट्ठओ परिसप्पन्ति पिट्ठसप्पी य संभमे
 ॥ ५ ॥ २२९ ॥ इहमेगे उ भासन्ति सायं साएण विज्जई । जे तत्थ आरियं मग्गं
 परमं च समाहियं ॥ ६ ॥ २३० ॥ मा एयं अवमज्जन्ता अप्पेणं लुम्पहा वहुं ।
 एयस्स उ अमोक्खाए अयोहारि व्व जूरह ॥ ७ ॥ २३१ ॥ पाणाइवाए वट्ठन्ता
 मुसावाए असंजया । अदिज्जादाणे वट्ठन्ता मेहुणे य परिग्गहे ॥ ८ ॥ २३२ ॥
 एवमेगे उ पासत्था पज्जवन्ति अणारिया । इत्थीवसं गया चाला जिणसानणपरंमुहा
 ॥ ९ ॥ २३३ ॥ जहा गण्डं पिलागं वा परिपीलेज्ज मुहुत्तगं । एवं विम्ववन्तिदीयु

दोसो तत्थ कओ सिया ॥ १० ॥ २३४ ॥ जहा मन्धादणे नाम थिमियं भुज्झई दगं । एवं विन्नवणित्थीसु दोसो तत्थ कओ सिया ॥ ११ ॥ २३५ ॥ जहा विहंगमा पिङ्गा थिमियं भुज्झई दगं । एवं विन्नवणित्थीसु दोसो तत्थ कओ सिया ॥ १२ ॥ २३६ ॥ एवमेगे उ पासत्था मिच्छदिट्ठी अणारिया । अज्झोववन्ना कामेहिं पूयणा इव तरुणाए ॥ १३ ॥ २३७ ॥ अणागयमपस्सन्ता पच्चप्पन्नगवेसगा । ते पच्छा परितपंति खीणे आउम्मि जोव्वणे ॥ १४ ॥ २३८ ॥ जेहिं काले परिकन्तं न पच्छा परितप्पए । ते धीरा बंधणुम्मुक्का नावकंखन्ति जीवियं ॥ १५ ॥ २३९ ॥ जहा नई वेयरणी दुत्तरा इह संमया । एवं लोगंसि नारीओ दुत्तरा अमईमया ॥ १६ ॥ २४० ॥ जेहिं नारीण संजोगा पूयणा पिट्ठओ कया । सव्वमेयं निराकिच्चा ते ठिया सुसमाहिए ॥ १७ ॥ २४१ ॥ एए ओघं तरिस्सन्ति समुदं ववहारिणो । जत्थ पाणा विसन्नासि किच्चन्ती सयकम्मुणा ॥ १८ ॥ २४२ ॥ तं च भिक्खू परिज्जाय सुव्वए समिए चरे । मुसावायं च वज्जिजा अदिज्जादाणं च वोसिरे ॥ १९ ॥ २४३ ॥ उद्धमहे तिरियं वा जे केई तसथावरा । सव्वत्थ विरइं कुज्जा सन्ति निव्वानमाहियं ॥ २० ॥ २४४ ॥ इमं च धम्ममायाय कासवेण पवेइयं । कुज्जा भिक्खू गिलाणस्स अगिलाए समाहिए ॥ २१ ॥ २४५ ॥ संखाय पेसलं धम्मं दिट्ठिमं परिनिव्वुडे । उवसरगे नियामित्ता आमोक्खाए परिव्वएज्जासि ॥ २२ ॥ २४६ ॥ त्ति वेमि ॥ उवसग्गज्झयणं तइयं ॥

इत्थिपरिन्नज्झयणे चउत्थे

जे मायरं च पियरं च विप्पजहाय पुव्वसंजोगं । एगे सहिए चरिस्सामि आरयमेहुणो विवित्तेसु ॥ १ ॥ २४७ ॥ सुहुमेणं तं परिकम्म छन्नपएण इत्थिओ मन्दा । उव्वायं पि ताउ जाणंसु जहा लिस्सन्ति भिक्खुणो एगे ॥ २ ॥ २४८ ॥ पासे भिसं निसीयन्ति अभिक्खणं पोसवत्थं परिहन्ति । कायं अहे वि दंसन्ति बाहू उद्धुक्कस्वमणुव्वए ॥ ३ ॥ २४९ ॥ सयणासणेहिं जोगेहिं इत्थियो एगया निमन्तेन्ति । एयाणि चेव से जाणे पासाणि विरुवरुवाणि ॥ ४ ॥ २५० ॥ नो तासु चक्खु संधेज्जा नो वि य साहसं समभिजाणे । नो सहियं पि विहरेज्जा एवमप्पा खुरक्खिओ होइ ॥ ५ ॥ २५१ ॥ आमन्तिय उस्सविया भिक्खुं आयसा निमन्तेन्ति । एयाणि चेव से जाणे सदाणि विरुवरुवाणि ॥ ६ ॥ २५२ ॥ मणवन्धणेहिं गेगेहिं कल्लुणविणीय-सुवगत्तित्तणं । अदु मज्जुलाई भासन्ति आणवयन्ति भिन्नकहाहिं ॥ ७ ॥ २५३ ॥

सीहं जहा व कुणिमेणं निब्भयमेगचरं ति पासेणं । एवित्थियाउ वन्धन्ति संवुडं
 एगइयमणगारं ॥ ८ ॥ २५४ ॥ अह तत्थ पुणो नमयन्ती रहकारो व नेमि आणुपु-
 व्वीए । वद्धो मिए व पासेणं फन्दन्ते वि न मुच्चए ताहे ॥ ९ ॥ २५५ ॥ अह
 सेऽणुतप्पई पच्छा भोच्चा पायसं व विसमिस्सं । एवं विवेगमायाय संवासो न वि
 कप्पए दविए ॥ १० ॥ २५६ ॥ तम्हा उ वज्जए इत्थी विसलित्तं व कण्ठगं नच्चा ।
 ओए कुलाणि वसवती आघाए न से वि निग्गन्थे ॥ ११ ॥ २५७ ॥ जे एयं उच्छं
 अणुगिद्धा अन्नयरा होन्ति कुसीलाणं । सुतवस्सिए वि से भिक्खू नो विहरे सह णमि-
 त्थीसु ॥ १२ ॥ २५८ ॥ अवि धूयराहि सुण्हाहिं धाईहिं अदुव दासीहिं । महईहि वा
 कुमारीहिं संथवं से न कुज्जा अणगारे ॥ १३ ॥ २५९ ॥ अदु नाइणं च सुहीणं वा
 अप्पियं दद्दु एगया होइ । गिद्धा सत्ता कामेहिं रक्खणपोसणे मणुस्सोऽसि ॥ १४ ॥
 ॥ २६० ॥ समणं पि दद्दुदासीणं तत्थ वि ताव एगे कुप्पन्ति । अदु वा भोयणेहिं
 नत्थेहिं इत्थीदोसं संकिणो होन्ति ॥ १५ ॥ २६१ ॥ कुव्वन्ति संथवं ताहिं पब्भट्ठा
 समाहिजोगेहिं । तम्हा समणा न समेन्ति आयहियाए संनिसेज्जाओ ॥ १६ ॥ २६२ ॥
 वहवे गिहाई अवहट्ठु मिस्सीभावं पत्थुया य एगे । धुवमग्गमेव पवयन्ति वायावीरियं
 कुसीलाणं ॥ १७ ॥ २६३ ॥ सुद्धं रवइ परिसाए अह रहस्सम्मि दुक्कडं करेन्ति ।
 जाणन्ति य णं तहाविळ माइहे महासढेऽयं ति ॥ १८ ॥ २६४ ॥ सयं दुक्कडं च
 न वयइ आइट्ठो वि पकत्थइ वाले । वेयाणुवीइ मा कासी चोइज्जन्तो गिलाइ से
 भुज्जो ॥ १९ ॥ २६५ ॥ ओसिया वि इत्थिपोसेसु पुरिसा इत्थिवेयखेयज्जा । पन्नास-
 मन्निया वेगे नारीणं वसं उवकसन्ति ॥ २० ॥ २६६ ॥ अवि हन्थपायछेयाए अदु वा
 वद्धमंसउक्कन्ते । अवि तेयसाभितावणाणि तच्छिय खारसिंचणाईं य ॥ २१ ॥ २६७ ॥
 अदु कण्णनासछेयं कण्ठच्छेयणं तिदक्खन्ती । इइ एत्थ पावसंतत्ता न वेन्ति पुणो
 न काहन्ति ॥ २२ ॥ २६८ ॥ सुयमेयमेवमेगेसि इत्थीवेय ति हु सुयक्खायं । एयं
 पि ता वइत्ताणं अदु वा कम्मुणा अवकरेन्ति ॥ २३ ॥ २६९ ॥ अन्नं मणेण
 चिन्तेन्ति वाया अन्नं च कम्मुणा अन्नं । तम्हा न सहहे भिक्खू बहुमायाओ इत्थिओ
 नच्चा ॥ २४ ॥ २७० ॥ जुवई समणं वूया विचित्तलंकारवत्तगाणि परिहिता ।
 विरया चरिस्सहं रक्खं धम्ममाइक्ख जे भयन्तारो ॥ २५ ॥ २७१ ॥ अदु सावि-
 यापवाएणं अहमंसि साहम्मिणी य समणाणं । जउकुम्मे जहा उवज्जोई संवासे विळ
 विसीएज्जा ॥ २६ ॥ २७२ ॥ जउकुम्मे जोइउवगूढे आसुभित्ते नासमुवयाइ ।
 एवित्थियाहिं अणगारा संवासेण नासमुवयन्ति ॥ २७ ॥ २७३ ॥ कुव्वन्ति पावणं
 कम्मं पुट्ठा वेगेपमाहिंसु । नो हं करेमि पावं ति अंकेसाइणी ममेस ति ॥ २८ ॥ २७४ ॥

वालस्स मन्दयं बीयं जं च कडं अवजाणइ भुज्जो । दुगुणं करेइ से पावं पूयगकामो
विसत्तेसी ॥ २९ ॥ २७५ ॥ संलोकणिज्जमणगारं आयगयं निमन्तणेणाहं । वत्थं
च ताइ पायं वा अन्नं पाणं पडिग्गाहे ॥ ३० ॥ २७६ ॥ नीवारमेवं बुद्धेज्जा तो
इच्छे अगारमागन्तुं । वद्धे विसयपासेहिं मोहमावज्जइ पुणो मन्दे ॥ ३१ ॥ २७७ ॥
त्ति बेमि ॥ इत्थिपरिचज्जयणे पढमुद्देसे ॥

ओए सया न रजेज्जा भोगकामी पुणो विरजेज्जा । भोगे समणाण सुणेह जह
भुज्जन्ति भिक्खुणो एगे ॥ १ ॥ २७८ ॥ अह तं तु मेयमावन्नं मुत्तिष्ठं भिक्खुं
काममइवट्ठं । पलिभिन्दिया णं तो पच्छा पादुद्धट्ठु मुद्धि पहणन्ति ॥ २ ॥ २७९ ॥
जइ केसिया णं मए भिक्खु नो विहरे सह णमित्थीए । केसाणवि हं लुच्चिस्सं नत्तथ
मए चरेज्जासि ॥ ३ ॥ २८० ॥ अह णं से होइ उवल्लो तो पेसन्ति तहाभूएहिं ।
अलाउच्छेयं पेहेहि वग्गुफलाइं आहराहि त्ति ॥ ४ ॥ २८१ ॥ दारुणि सागपागाए
पज्जोओ वा भविस्सई राओ । पायाणि य मे रयावेहि एहि ता मे पिट्ठओमहे ॥ ५ ॥
॥ २८२ ॥ वत्थाणि य मे पडिलेहेहि अन्नं पाणं च आहराहि त्ति । गन्धं च
रओहरणं च कासवगं च मे समणुजाणाहि ॥ ६ ॥ २८३ ॥ अदु अज्जणिं अलंकारं
कुक्कययं मे पयच्छाहि । लोद्धं च लोद्धकुसुमं च वेणुपलासियं च गुलियं च ॥ ७ ॥
॥ २८४ ॥ कुट्ठं तगरं च अगहं संपिट्ठं सम्मं उसिरेणं । तेलं मुहभिजाए वेणुफलाइं
संनिहाणाए ॥ ८ ॥ २८५ ॥ नन्दीचुण्णगाइं पाहराहि छत्तोवाणहं च जाणाहि ।
सत्थं च सूवच्छेज्जाए आणीलं च वत्थयं रयावेहि ॥ ९ ॥ २८६ ॥ सुफणिं च
सागपागाए आमलगाइं दगाहरणं च । तिलगकरणिमज्जणसल्लगं धिसु मे विट्ठण्यं
विजाणेहि ॥ १० ॥ २८७ ॥ संडासगं च फणिहं च सीहलिपासगं च आणाहि ।
आदंसगं च पयच्छाहि दन्तपक्खालणं पवेसाहि ॥ ११ ॥ २८८ ॥ पूगफलं तंबोल्यं सई
सुत्तगं च जाणाहि । कोसं च मोयमेहाए सुप्पुक्खलणं च खारगालणं च ॥ १२ ॥
॥ २८९ ॥ चन्दालगं च करगं च वच्चघरं च आउसो खणाहि । सरपाययं च
जायाए गोरहगं च सामणेराए ॥ १३ ॥ २९० ॥ घडिगं च सडिण्डिमयं च चेल-
गोलं कुमारभूयाए । वासं समभिआवणं आवसहं च जाण भत्तं च ॥ १४ ॥ २९१ ॥
आसन्दियं च नवसुत्तं पाउल्लाइं संकमट्ठाए । अदु पुत्तदोहलट्ठाए आणप्पा हवन्ति
दासा वा ॥ १५ ॥ २९२ ॥ जाए फले समुप्पन्ने गेण्हसु वा णं अहवा जहाहि ।
अह पुत्तपोसिणो एगे भारवहा हवन्ति उच्च वा ॥ १६ ॥ २९३ ॥ राओ वि
उट्ठिया सन्ता दारगं च संठवन्ति धाई वा । सुहिरामणा वि ते सन्ता वत्थघोवा
हवन्ति हंसा वा ॥ १७ ॥ २९४ ॥ एवं बहुहिं कयपुव्वं भोगत्थाए जेऽभियावजा ।

दासे मिए व पेसे व पसुभूए वा से न वा केई ॥ १८ ॥ २९५ ॥ एवं खु तासु
 विन्नप्यं संयवं संवासं च वज्जेजा । तज्जातिया इमे कामा वज्जकरा य एवमक्खाए
 ॥ १९ ॥ २९६ ॥ एयं भयं न सेयाए इइ से अप्पगं निरुम्भित्ता । नो इत्थि नो
 पसुं भिक्खु नो सयं पाणिणा निलिज्जेजा ॥ २० ॥ २९७ ॥ सुविमुद्वलेसे मेहावी
 परकिरियं च वज्जए नाणी । मणसा वयसा काएणं सव्वफाससहे अणगारे ॥ २१ ॥
 ॥ २९८ ॥ इच्चेवमाहु से वीरे धुरए धुरमोहे से भिक्खु । तम्हा अज्झत्तविमुदे
 सुविमुक्के आमोक्खाए परिव्वएजासि ॥ २२ ॥ २९९ ॥ ति वेमि ॥ इत्थिपरि-
 व्रज्जयणं चउत्थं ॥

निरयविभत्तियज्झयणे पञ्चमे

पुच्छिस्सहं केवलियं महेसिं कहं भितावा नरगा पुरत्था । अजाणओ मे मुणि
 बूहि जाणं कहिं नु वाला नरगं उवेन्ति ॥ १ ॥ ३०० ॥ एवं मए पुट्ठे महाणुभावे
 इणमोऽच्चवी कासवे आसुपत्ते । पवेयइस्सं दुहमट्ठुगं आईणियं दुक्कडिणं पुरत्था
 ॥ २ ॥ ३०१ ॥ जे केइ वाला इह जीवियट्ठी पावाई कम्माईं करेन्ति रुद्धा । ते
 घोररूवे तमिसन्धयारे तिक्वाभितावे नरगे पडन्ति ॥ ३ ॥ ३०२ ॥ तिक्वं तसे
 पाणिणो थावरे य जे हिंसई आयसुहं पडुच्चा । जे लसए होइ अदत्तहारी न सिक्खई
 सेयवियस्स किंचि ॥ ४ ॥ ३०३ ॥ पागम्भि पाणे बहुणं तिवाई अनिव्वुए घायमु-
 वेइ वाले । निहो निसं गच्छइ अन्तकाले अहोसिरं कट्ठु उवेइ दुग्गं ॥ ५ ॥ ३०४ ॥
 हण छिन्दह भिन्दह णं दहेति सदे सुणेन्ता परधम्मियाणं । ते नारगाओ भयभिन्न-
 सन्ना कंखन्ति कं नाम दिसं वयामो ॥ ६ ॥ ३०५ ॥ इज्जालरासिं जलियं सजोई
 तत्तोवमं भूमिमणुक्कमन्ता । ते डज्झमाणा कलुणं थणन्ति अरहस्सरा तत्थ चिरट्ठि-
 ईया ॥ ७ ॥ ३०६ ॥ जइ ते सुया वेयरणी भिदुग्गा निसिओ जहा खुर इव
 तिक्खसोया । तरन्ति ते वेयरणिं भिदुग्गं उमुचोइया सत्तिमु हम्ममाणा ॥ ८ ॥
 ॥ ३०७ ॥ कीलेहि विज्झन्ति असाहुकम्मा नावं उवेन्ते सइविण्णहणा । अन्ने उ
 सूलाहि तिसूलियाहिं दीहाहि विदूण अहे करेन्ति ॥ ९ ॥ ३०८ ॥ केसिं च
 वन्धिच्चु गले सिलाओ उदगंसि वोलेन्ति महालयंसि । कलंघुयावालयुमुम्मुरे य
 लोलन्ति पगन्ति य तत्थ अन्ने ॥ १० ॥ ३०९ ॥ आसूरियं नाम महाभितावं
 अन्ध्रंतमं दुप्पतरं महन्तं । उट्ठं अहे यं तिरियं दिसासु समाहिओ जत्थगणी डियाइ
 ॥ ११ ॥ ३१० ॥ जंसी गुहाए जलणेऽतिउट्ठे अविजाणओ डज्जइ लुत्तपत्तो । सया
 य कलुणं पुण धम्मठानं गाडोवणीयं अट्ठुक्काधम्मं ॥ १२ ॥ ३११ ॥ नगारि

हन्ति । रहंसि जुत्तं सरयन्ति बालं आरुस्सं विज्जन्ति तुदेण पिट्ठे ॥ ३ ॥ ३२९ ॥
 अयं व तत्तं जलियं सजोइ तज्ज्वमं भूमिमण्णकमन्ता । ते डज्जमाणा कलुणं थणन्ति
 उसुचोइया तत्तजुगेसु जुता ॥ ४ ॥ ३३० ॥ बाला बला भूमिमण्णकमन्ता पविजलं
 लोहपहं च तत्तं । जंसी भिदुगंसि पवज्जमाणा पेसे व दण्डेहि पुरा करेन्ति ॥ ५ ॥
 ॥ ३३१ ॥ ते संपगादंसि पवज्जमाणा सिलाहि हम्मन्ति निपातिणीहिं । संतावणी
 नाम चिरट्ठिइया संतप्पई जत्थ असाहुकम्मा ॥ ६ ॥ ३३२ ॥ कन्दूसु पक्खिप्प
 पयन्ति बालं तओ वि द्ढा पुण उप्पयन्ति । ते उट्ठकाएहि पवज्जमाणा अवरेहि
 खज्जन्ति सणप्फण्हिं ॥ ७ ॥ ३३३ ॥ समूसियं नाम विधूमठाणं जं सोयतत्ता
 कलुणं थणन्ति । अहोसिरं कट्ठु विगत्तिऊणं अयं व सत्थेहि समोसवेन्ति ॥ ८ ॥
 ॥ ३३४ ॥ समूसिया तत्थ विसूणियंगा पक्खीहिं खज्जन्ति अयोमुहेहिं । संजीवणी
 नाम चिरट्ठिइया जंसी पयां हम्मइ पावचेया ॥ ९ ॥ ३३५ ॥ तिक्खाहि सूलाहि
 निवाययन्ति वसोगयं सावययं व लद्धं । ते सूलविद्धा कलुणं थणन्ति एगन्तदुक्खं
 दुहओ गिलाणा ॥ १० ॥ ३३६ ॥ सया जलं नाम निहं महन्तं जंसी जलन्तो
 अगणी अकट्ठो । चिट्ठन्ति वद्धा बहुकूरकम्मा अरहस्सरा केइ चिरट्ठिइया ॥ ११ ॥
 ॥ ३३७ ॥ चिया महन्तीउ समारभिता छुव्वन्ति ते तं कलुणं रसन्ति । आवट्ठई
 तत्थ असाहुकम्मा सप्पी जहा पडियं जोइमज्जे ॥ १२ ॥ ३३८ ॥ सया कसिणं
 पुण धम्मठाणं गाढोवणीयं अइदुक्खधम्मं । हत्थेहि पाएहि य बन्धिऊणं सत्तु-
 व्वदण्डेहि समारभन्ति ॥ १३ ॥ ३३९ ॥ भजन्ति वालस्स वहेण पुट्ठी सीसं पि
 भिन्दन्ति अयोघणेहिं । ते भिन्नदेहा फलगं व तच्छा तत्ताहि आराहि नियोजयन्ति
 ॥ १४ ॥ ३४० ॥ अभिजुंजिया रूढ असाहुकम्मा उसुचोइया हत्थिवहं वहन्ति ।
 एगं दुरुहित्तु दुवे तओ वा आरुस्सं विज्जन्ति ककाणओ से ॥ १५ ॥ ३४१ ॥ बाला
 बला भूमिमण्णकमन्ता पविजलं कण्ठइलं महन्तं । विवद्धतप्पेहि विवण्णचित्ते समी-
 रिया कोट्ठवल्लिं करेन्ति ॥ १६ ॥ ३४२ ॥ वेयालिए नाम महाभितावे एगायए
 पव्वयमन्तलिकत्ते । हम्मन्ति तत्था बहुकूरकम्मा परं सहस्साण सुहुत्तगाणं ॥ १७ ॥
 ॥ ३४३ ॥ संवाहिया दुक्खिणो थणन्ति अहो य राओ परितप्पमाणा । एगन्तकूडे
 नरगे महन्ते कूडेण तत्था विसमे हया उ ॥ १८ ॥ ३४४ ॥ भजन्ति णं पुव्वमरी
 सरोसं समुग्गरे ते मुसले गहेउं । ते भिन्नदेहा रहिरं वमन्ता ओमुद्धगा धरणितले
 पटन्ति ॥ १९ ॥ ३४५ ॥ अणासिया नाम महासियाला पागन्भिणो तत्थ
 रायापयोवा । खज्जन्ति तत्था बहुकूरकम्मा अदूरगा संखलियाहि वद्धा ॥ २० ॥
 ॥ ३४६ ॥ सयाजला नाम नई भिदुग्गा पविजलं लोहविलीणतत्ता । जंसी भिद-

गंसि पवज्जमाणा एगायताणुक्कमणं करेन्ति ॥ २१ ॥ ३४७ ॥ एयाइँ फासाइँ
 फुसन्ति बालं निरन्तरं तत्थ चिरद्विइयं । न हम्ममाणस्स उ होइ ताणं एगो सयं
 पच्चण्होइ दुक्खं ॥ २२ ॥ ३४८ ॥ जं जारिसं पुव्वमकासि कम्मं तमेव आगच्छइ
 संपराए । एगन्तदुक्खं भवमज्जणित्ता वेयन्ति दुक्खी तमणन्तदुक्खं ॥ २३ ॥
 ॥ ३४९ ॥ एयाणि सोच्चा नरगाणि धीरे न हिंसए किंचण सव्वलोए । एगन्तदिट्ठी
 अपरिग्गहे उ वुज्झिज्ज लोगस्स वसं न गच्छे ॥ २४ ॥ ३५० ॥ एवं तिरिक्खे
 मणुयामरेसुं चउरन्तणन्तं तयणुव्विवागं । स सव्वमेयं इइ वेयइत्ता कंखेज्ज कालं
 धुयमायरेज्ज ॥ २५ ॥ ३५१ ॥ ति वेमि ॥ निरयविभत्तियज्झयणं पञ्चमं ॥

सिरिवीरत्थुइयज्झयणे छट्ठे

पुच्छिस्सु णं समणा माहणा य अगारिणो या परतित्थिया य । से केइ नेगंतहिंयं
 धम्ममाहु अणेसिंसं साहुसमिक्खयाए ॥ १ ॥ ३५२ ॥ कहां च नाणं कह दंसणं से
 सीलं कहां नायसुयस्स आसि । जाणासि णं भिक्खु जहातहेजं अहासुयं बूहि जहा
 निसन्तं ॥ २ ॥ ३५३ ॥ खेयन्नए से कुसलासुपणे अणन्तनाणी य अणन्तदंसी ।
 जसंसिणो चक्खुपहे ठियस्स जाणाहि धम्मं च धिइं च पेहि ॥ ३ ॥ ३५४ ॥
 उहुं अहे यं तिरियं दिसासु तसा य जे थावर जे य पाणा । से निच्चनिच्चेहि समिक्ख
 पणे दीवे व धम्मं समियं उदाहु ॥ ४ ॥ ३५५ ॥ से सव्वदंसी अभिभूयनाणी
 निरामगन्धे धिइमं ठियप्पा । अणुत्तरे सव्वजगंसि विज्जं गन्था अईए अभए अणाऊ
 ॥ ५ ॥ ३५६ ॥ से भूइपणे अणिएअचारी ओहंतरे धीरे अणन्तचक्खु । अणुत्तरं
 तप्पइ सूरिए वा वइरोयणिन्दे व तमं पगासे ॥ ६ ॥ ३५७ ॥ अणुत्तरं धम्ममिणं
 जिणाणं नेया मुणी कासव आसुपणे । इन्दे व देवाण महाणुभावे सहस्सणेया दिवि
 णं विसिट्ठे ॥ ७ ॥ ३५८ ॥ से पन्नया अक्खयसागरे वा महोदही वा वि अणन्त-
 पारे । अणाविले वा अक्खाइ मुक्के सके व देवाहिवई जुईमं ॥ ८ ॥ ३५९ ॥ से
 वीरिएणं पडिपुण्णवीरिए सुदंसणे वा नगसव्वसेट्ठे । सुरालए वा सि मुदागरे से
 विरायए नेगणुगोववेए ॥ ९ ॥ ३६० ॥ सयं सहस्साण उ जोयणाणं तिकण्डगे
 पण्डगवेजयन्ते । से जोयणे नवनवते सहस्से उडुस्सियो हेट्ठ सहस्समेगं ॥ १० ॥
 ॥ ३६१ ॥ पुट्ठे नमे चिट्ठइ भूमिवट्ठिए जं सूरिया अणुपरिवट्ठयन्ति । से हेमवण्णे
 चहुगन्दणे य जंसी रइं वेययई महिन्दा ॥ ११ ॥ ३६२ ॥ से पव्वए सहमहप्पगासे
 विरायई कव्वणमट्ठवण्णे । अणुत्तरे गिरिसु य पव्वदुग्गे गिरीवरे से जलिए व भोमे

॥ १२ ॥ ३६३ ॥ महीइ मज्झम्मि ठिए नगिन्दे पन्नायए सूरियसुद्धलेसे । एवं
 सिरीए उ स भूरिवण्णे मणोरमे जोयइ अच्चिमाली ॥ १३ ॥ ३६४ ॥ सुदंसणस्सेव
 जसो गिरिस्स पवुच्चई महओ पव्वयस्स । एओवमे समणे नायपुत्ते जाईजसोदंसण-
 नाणसीले ॥ १४ ॥ ३६५ ॥ गिरीवरे वा निसहाययागं रुयए व सेट्ठे वलयाययाणं ।
 तओवमे से जगभूइपन्ने मुणीण मज्झे तमुदाहु पन्ने ॥ १५ ॥ ३६६ ॥ अणुत्तरं
 धम्ममुईरइत्ता अणुत्तरं ज्ञाणवरं झियाइ । सुसुक्कसुक्कं अपगण्डसुक्कं संखिन्दुएगन्तव-
 दायसुक्कं ॥ १६ ॥ ३६७ ॥ अणुत्तरगं परमं महेसी असेसकम्मं स विसोहइत्ता ।
 सिद्धिं गए साइमणन्तपत्ते नाणेण सीलेण य दंसणेण ॥ १७ ॥ ३६८ ॥ स्वखेसु
 णाए जह सामली वा जस्सि रइं वेययई सुवण्णा । वणेषु वा नन्दणमाहु सेट्ठं नाणेण
 सीलेण य भूइपन्ने ॥ १८ ॥ ३६९ ॥ थणियं व सहाण अणुत्तरे उ चन्दो व ताराण
 महाणुभावे । गन्धेषु वा चन्दणमाहु सेट्ठं एवं मुणीणं अपडिन्नमाहु ॥ १९ ॥ ३७० ॥
 जहा सयंभू उदहीण सेट्ठे नागेषु वा धरणिन्दमाहु सेट्ठं । खोओदए वा रस वेजयन्ते
 तवोवहाणे मुणि वेजयन्ते ॥ २० ॥ ३७१ ॥ हत्थीसु एरावणमाहु नाए सीहो मिगाणं
 सलिलाण गज्जा । पक्खीसु वा गरुळे वेणुदेवो निव्वाणवादीणिह नायपुत्ते ॥ २१ ॥
 ॥ ३७२ ॥ जोहेसु नाए जह वीससेणे पुप्फेषु वा जह अरविन्दमाहु । खत्तीण सेट्ठे
 जह दन्तवक्के इसीण सेट्ठे तह वद्धमाणे ॥ २२ ॥ ३७३ ॥ दाणाण सेट्ठं अभयप्प-
 याणं सच्चेसु वा अणवज्जं वयन्ति । तवेषु वा उत्तमं वम्भचेरं लोगुत्तमे समणे नाय-
 पुत्ते ॥ २३ ॥ ३७४ ॥ ठिईण सेट्ठा लवसत्तमा वा सभा सुहम्मा व सभाण सेट्ठा ।
 निव्वाणसेट्ठा जह सव्वधम्मा न नायपुत्ता परमत्थि नाणी ॥ २४ ॥ ३७५ ॥
 पुढोवमे धुणइ विगयगेही न संनिहिं कुव्वइ आसुपन्ने । तरिउं समुहं व महाभवोघं
 अभयंकरे वीर अणन्तचक्खू ॥ २५ ॥ ३७६ ॥ कोहं च माणं च तहेव मायं लोभं
 चउत्थं अज्झत्तदोसा । एयाणि वन्ता अरहा महेसी न कुव्वई पाव न कारवेइ
 ॥ २६ ॥ ३७७ ॥ किरियाकिरियं वेणइयाणुवायं अज्जाणियाणं पडियच्च ठाणं । से
 सव्ववायं इइ वेयइत्ता उवट्ठिए संजमदीहरायं ॥ २७ ॥ ३७८ ॥ से वारिया इत्थि
 सराइभत्तं उवहाणवं दुक्खखयट्ठयाए । लोगं विदित्ता आरं परं च सव्वं पभू वारिय
 सव्ववारं ॥ २८ ॥ ३७९ ॥ सोचा य धम्मं अरहन्तभासियं समाहियं अट्ठपदोव-
 मुद्धं । तं सहहाणा य जणा अणाऊ इन्दा व देवाहि व आगमिस्सन्ति ॥ २९ ॥ ३८० ॥
 ति वेमि ॥ सिरिवीरत्थुइज्झयणं छट्ठं ॥

कुसीलपरिभासियज्झयणे सत्तमे

पुढवी य आऊ अगणी य वाऊ तण रुक्ख बीया य तसा य पाणा । जे अण्डया जे य जराउ पाणा संसेयया जे रसयाभिहाणा ॥ १ ॥ ३८१ ॥ एयाइँ कायाइँ पवेइयाइँ एएसु जाणे पडिलेह सायं । एएण काएण य आयदण्डे एएसु या विप्परियासुवेन्ति ॥ २ ॥ ३८२ ॥ जाईपहं अणुपरिवट्टमाणे तसथावरेहिं विणिघायमेइ । से जाइ जाई बहुकूरकम्मे जं कुव्वई मिज्जइ तेण बाले ॥ ३ ॥ ३८३ ॥ अस्सि च लोए अदु वा परत्था सयग्गसो वा तह अन्नहा वा । संसारमावन्न परं परं ते बन्धन्ति वेयन्ति य दुन्नियाणि ॥ ४ ॥ ३८४ ॥ जे मायरं वा पियरं च हिच्चा समणव्वए अगणिं समारभिज्जा । अहाहु से लोएँ कुसीलधम्मे भूयाइँ जे हिंसइ आयसाए ॥ ५ ॥ ३८५ ॥ उज्जालओ पाण निवायएज्जा निव्वावओ अगणिं निवायवेज्जा । तम्हा उ मेहावि समिक्ख धम्मं न पण्डिअ अगणिं समारभिज्जा ॥ ६ ॥ ३८६ ॥ पुढवी वि जीवा आऊ वि जीवा पाणा य संपाइम संपयन्ति । संसेयया कट्टसमस्सिया य एए दहे अगणिं समारभन्ते ॥ ७ ॥ ३८७ ॥ हरियाणि भूयाणि विलम्बगाणि आहार देहा य पुढो सियाइ । जे छिन्दई आयसुहं पडुच्च पागब्भि पाणे बहुणं तिवाई ॥ ८ ॥ ३८८ ॥ जाई च वुड्ढिं च विणासयन्ते बीयाइ अस्संजय आयदण्डे । अहाहु से लोएँ अणज्जधम्मे बीयाइ से हिंसइ आयसाए ॥ ९ ॥ ३८९ ॥ गब्भाइ मिज्जन्ति बुयाबुयाणा नरा परे पब्सिहा कुमारा । जुवाणगा मज्झिम थेरगा य चयन्ति ते आउखए पलीणा ॥ १० ॥ ३९० ॥ संबुज्झहा जन्तवो माणुसत्तं दंहुं भयं बालिसेणं अलम्भो । एगन्तदुक्खे जरिए व लोए सकम्मुणा विप्परियासुवेइ ॥ ११ ॥ ३९१ ॥ इहेग मूढा पवयन्ति मोक्खं आहारसंपज्जणवज्जणेणं । एगे य सीओदगसेवणेणं हुएण एगे पवयन्ति मोक्खं ॥ १२ ॥ ३९२ ॥ पाओसिणाणाइउ नत्थि मोक्खो खारस्स लोणस्स अणासणेणं । ते मज्जमंसं लसुणं च भोच्चा अन्नत्थ वासं परिकप्पयन्ति ॥ १३ ॥ ३९३ ॥ उदगेण जे सिद्धिमुदाहरन्ति सायं चं पायं उदगं फुसन्ता । उदगस्स फासेण सिया य सिद्धी सिज्झिअसु पाणा बहवे दगंसि ॥ १४ ॥ ३९४ ॥ मच्छा य कुम्मा य सिरीसिवा य मग्गू य उट्ठा दगरक्खसा य । अट्ठाणमेयं कुसला वयन्ति उदगेण जे सिद्धिमुदाहरन्ति ॥ १५ ॥ ३९५ ॥ उदगं जई कम्ममलं हरेज्जा एवं सुहं इच्छामित्तमेव । अन्धं व नेयारमणुस्सरित्ता पाणाणि चेवं विणिहन्ति मन्दा ॥ १६ ॥ ३९६ ॥ पावाइँ कम्माइँ पकुव्वओ हि सिओदगं ऊ जइ तं हरेज्जा । सिज्झिअसु एगे दगसत्तघाई मुसं वथन्ते जलसिद्धिमाहु ॥ १७ ॥ ३९७ ॥ हुएण जे सिद्धिमुदाहरन्ति सायं च पायं अगणिं फुसन्ता । एवं सिया

सिद्धि हवेज्ज तम्हा अगणिं फुसन्ताण कुकम्मिणं पि ॥ १८ ॥ ३९८ ॥ अपरिक्ख
 दिट्ठं न हु एव सिद्धी एहिन्ति ते घायमवुज्झमाणा । भूएहि जाणं पडिलेह सायं
 विज्जं गहायं तसथावरेहिं ॥ १९ ॥ ३९९ ॥ थणन्ति लुप्पन्ति तसन्ति कम्मी पुढो
 जगा परिसंखाय भिक्खु । तम्हा विऊ विरओ आयगुत्ते दट्ठुं तसे या पडिसंहरेज्जा
 ॥ २० ॥ ४०० ॥ जे धम्मलद्धं विणिहाय भुज्जे वियडेण साहट्ठु य जे सिणाई । जे
 धोवई लसयई व वत्थं अहाहु ते नागणियस्स दूरे ॥ २१ ॥ ४०१ ॥ कम्मं परिन्नाय
 दगंसि धीरे वियडेण जीवेज्ज य आदिमोक्खं । से वीयकन्दाइ अभुज्जमाणे विरए
 सिणाणाइसु इत्थियासु ॥ २२ ॥ ४०२ ॥ जे मायरं च पियरं च हिच्चा गारं तहा
 पुत्तपसुं धणं च । कुलाई जे धावइ साउगाई अहाहु से सामणियस्स दूरे ॥ २३ ॥
 ॥ ४०३ ॥ कुलाई जे धावइ साउगाई आघाइ धम्मं उयराणुगिद्धे । अहाहु से
 आयरियाण सयंसे जे लावएज्जा असणस्स हेऊ ॥ २४ ॥ ४०४ ॥ निक्खम्म दीणे
 परभोयणम्मि सुहमङ्गलीए उयराणुगिद्धे । नीवारगिद्धे व महावराहे अदूरए एहिइ
 घायमेव ॥ २५ ॥ ४०५ ॥ अन्नस्स पाणस्सिहलोइयस्स अणुप्पियं भासइं सेंवमाणे ।
 पासत्थयं चैव कुसीलयं च निस्सारए होइ जहा पुलाए ॥ २६ ॥ ४०६ ॥ अन्नाय-
 पिण्डेण हियासएज्जा नो पूयणं तवसा आवहेज्जा । सदेहि रुवेहि असज्जमाणं सन्वेहि
 कामेहि विणीय गेहिं ॥ २७ ॥ ४०७ ॥ सन्वाइं संगाइं अइच्च धीरे सन्वाइं
 दुक्खाइं तितिक्खमाणे । अखिले अगिद्धे अणिएयचारी अभयंकरे भिक्खु अणा-
 विलप्पा ॥ २८ ॥ ४०८ ॥ भारस्स जाआ मुणि भुज्जएज्जा कंखेज पावस्स विवेग
 भिक्खु । दुक्खेण पुट्ठे धुयमाइएज्जा संगामसीसे व परं दमेज्जा ॥ २९ ॥ ४०९ ॥
 अवि हम्ममाणे फलगावतट्ठी समागमं कंखइ अन्तगस्स । निधूय कम्मं न पवञ्चुवेइ
 अक्खक्खए वा सगंडं ति वेमि ॥ ३० ॥ ४१० ॥ कुसीलपरिभासियज्झयणं
 सत्तमं ॥

वीरियज्झयणे अट्ठमे

दुहा वेयं सुयक्खायं वीरियं ति पवुचई । किं नु वीरस्स वीरत्तं क्हं चैयं पवुचई
 ॥ १ ॥ ४११ ॥ कम्ममेगे पवेदेन्ति अकम्मं वा वि सुव्वया । एएहिं दोहि ठाणेहिं
 जेहिं दीसन्ति मच्चिया ॥ २ ॥ ४१२ ॥ पमायं कम्ममाहंतु अप्पमायं तहावरं ।
 तव्भावादेसओ वा वि बालं पण्डियमेव वा ॥ ३ ॥ ४१३ ॥ सत्थमेगे तु सिक्खन्ता
 अइवायाय पाणिणं । एगे मन्ते अहिज्जन्ति पाणभूयविहेडिणो ॥ ४ ॥ ४१४ ॥
 मायिगो कट्ठु माया य कामभोगे समारभे । हन्ता छेत्ता पगच्चित्ता आयसायाण-

गामिणो ॥ ५ ॥ ४१५ ॥ मणसा वयसा चेव कायसा चेव अन्तसो । आरओ परओ
 वा वि दुहा वि य असंजया ॥ ६ ॥ ४१६ ॥ वेराइं कुव्वई वेरी तओ वेरेहि रज्जई ।
 पावोवगा य आरम्भा दुक्खफासा य अन्तसो ॥ ७ ॥ ४१७ ॥ संपरायं नियच्छन्ति
 भत्तदुक्कडकारिणो । रागदोसस्सिया वाला पावं कुव्वन्ति ते चहुं ॥ ८ ॥ ४१८ ॥ एवं
 सकम्मविरियं वालाणं तु पवेइयं । इत्तो अकम्मविरियं पण्डियाणं सुणेह मे ॥ ९ ॥
 ॥ ४१९ ॥ दविए वन्धणुम्मूके सव्वओ छिन्नवन्धणे । पणोल्ल पावगं कम्मं सल्लं
 कंतइ अन्तसो ॥ १० ॥ ४२० ॥ नेयाउयं सुयक्खायं उवायाय समीहए । भुज्जो
 भुज्जो दुहावासं असुहंतं तहा तहा ॥ ११ ॥ ४२१ ॥ ठाणी विविहठाणाणि चइ-
 स्सन्ति न संसओ । अणियए अयं वासे नायएहि सुहीहि य ॥ १२ ॥ ४२२ ॥
 एवमायाय मेहावी अप्पणो गिद्धिमुद्धरे । आरियं उवसंपजे सव्वधम्ममकोवियं
 ॥ १३ ॥ ४२३ ॥ सहसंमइए नच्चा धम्मसारं सुणेत्तु वा । समुवट्टिए उ अणगारे
 पच्चक्खायपावए ॥ १४ ॥ ४२४ ॥ जं किंचुवक्कमं जाणे आउक्खेमस्स अप्पणो ।
 तस्सेव अन्तरा खिप्पं सिक्खं सिक्खेज्ज पण्डिए ॥ १५ ॥ ४२५ ॥ जहा कुम्मे
 सअज्जाइं सए देहे समाहरे । एवं पावाइं मेहावी अज्जप्पेण समाहरे ॥ १६ ॥
 ॥ ४२६ ॥ साहरे हत्थपाए य मणं पच्चिन्दियाणि य । पावगं च परीणामं भासा-
 दोसं च तारिसं ॥ १७ ॥ ४२७ ॥ अणु माणं च मायं च तं परित्राय पण्डिए ।
 सायागारवणिहुए उवसन्ते निहे चरे ॥ १८ ॥ ४२८ ॥ पाणे य नाइवाएज्जा
 अदिन्नं पि य नायए । साइयं न मुसं वूया एस धम्मे वुसीमओ ॥ १९ ॥ ४२९ ॥
 अइक्कम्मन्ति वायाए मणसा वि न पत्थए । सव्वओ संवुडे दन्ते आयाणं सुसमाहरे
 ॥ २० ॥ ४३० ॥ कडं च कज्जमाणं च आगमिस्सं च पावगं । सव्वं तं नाणु-
 जाणन्ति आयगुत्ता जिइन्दिया ॥ २१ ॥ ४३१ ॥ जे याऽवुद्धा महाभागा वीरा
 असमत्तदंसिणो । असुद्धं तेसिं परक्कन्तं सफलं होइ सव्वसो ॥ २२ ॥ ४३२ ॥ जे
 य बुद्धा महाभागा वीरा सम्मत्तदंसिणो । सुद्धं तेसिं परक्कन्तं अफलं होइ सव्वसो
 ॥ २३ ॥ ४३३ ॥ तेसिं पि न तवो सुद्धो निक्खन्ता जे महाकुला । जं नेवजे
 वियाणन्ति न सिलोगं पवेज्जए ॥ २४ ॥ ४३४ ॥ अप्पपिण्डासि पाणासि अप्पं
 भासेज्ज सुव्वए । खन्ते भिनिव्वुडे दन्ते वीयगिद्धी सया जए ॥ २५ ॥ ४३५ ॥
 ज्ञाणजोगं समाहट्ठु कायं विउसेज्ज सव्वसो । तित्तिक्खं परमं नच्चा आमोक्खाए
 परिव्वएज्जासि ॥ २६ ॥ ४३६ ॥ त्ति वेसि ॥ वीरियज्झयणं अट्ठमं ॥

धम्मज्झयणे नवमे

१ कयरे धम्मे अक्खाए माहणेण मईमया । अञ्जु धम्मं जहातच्च जिणाणं तं
 सुणेह मे ॥ १ ॥ ४३७ ॥ माहणा खत्तिया वेस्सा चण्डाला अदु वोक्कसा । एसिया
 वेसिया सुद्धा जे य आरम्भनिस्सिया ॥ २ ॥ ४३८ ॥ परिग्गहनिविट्ठाणं पावं
 तेसिं पवद्धई । आरम्भसंभिया कामा न ते दुक्खविमोयगा ॥ ३ ॥ ४३९ ॥
 आघायकिच्चमाहेउं नाइओ विसएसिणो । अन्ने हरन्ति तं वित्तं कम्मी कम्मेहि
 किच्चई ॥ ४ ॥ ४४० ॥ माया पिया ण्हुसा भाया भज्जा पुत्ता य ओरसा । नालं
 ते तव ताणाय लुप्पन्तस्स सक्कमुणा ॥ ५ ॥ ४४१ ॥ एयमट्ठं सपेहाए परमट्ठा-
 णुगामियं । निम्ममो निरहंकारो चरे भिक्खू जिणाहियं ॥ ६ ॥ ४४२ ॥ चिच्चा
 वित्तं च पुत्ते य नाइओ य परिग्गहं । चिच्चा णं अन्तगं सोयं निरवेक्खो परिव्वए
 ॥ ७ ॥ ४४३ ॥ पुढवी अगणी वाऊ तणरुक्ख सवीयगा । अण्डया पोयजराऊ
 रससंसेयउब्भिया ॥ ८ ॥ ४४४ ॥ एएहिं छहिं काएहिं तं विज्जं परिजाणिया ।
 मणसा कायवक्केणं नारम्भी न परिग्गही ॥ ९ ॥ ४४५ ॥ सुसावायं वहिद्धं च
 उग्गहं च अजाइया । सत्थादाणाइ लोगंसि तं विज्जं परिजाणिया ॥ १० ॥ ४४६ ॥
 पलिउव्वणं च भयणं च थण्डिल्लुस्तयणाणि य । धूणादाणाइ लोगंसि तं विज्जं
 परिजाणिया ॥ ११ ॥ ४४७ ॥ धोयणं रयणं चैव वत्थीकम्मं विरेयणं । वमणञ्ज-
 णपलीमयं तं विज्जं परिजाणिया ॥ १२ ॥ ४४८ ॥ गन्धमल्लसिणाणं च दन्त-
 पक्खालणं तहा । परिग्गहित्थिकम्मं च तं विज्जं परिजाणिया ॥ १३ ॥ ४४९ ॥
 उद्देसियं कीयगडं पामिच्चं चैव आहडं । पूयं अणेसणिज्जं च तं विज्जं परिजाणिया
 ॥ १४ ॥ ४५० ॥ आसूणिमक्खिरागं च गिद्धुवघायकम्मगं । उच्छोलणं च कक्कं
 च तं विज्जं परिजाणिया ॥ १५ ॥ ४५१ ॥ संपसारी कयकिरिए पत्तिणाययणाणि
 य । सागारियं च पिण्डं च तं विज्जं परिजाणिया ॥ १६ ॥ ४५२ ॥ अट्ठावयं न
 सिक्खिज्जा वेहाइयं च नो वए । हत्थकम्मं विवायं च तं विज्जं परिजाणिया
 ॥ १७ ॥ ४५३ ॥ पाणहाओ य छत्तं च नालीयं वालवीयणं । परकिरियं अन्नमज्जं
 च तं विज्जं परिजाणिया ॥ १८ ॥ ४५४ ॥ उच्चारं पासवणं हरिएसु न करे मुणी ।
 वियडेण वा वि साहट्ठु नावमज्जे कयाइ वि ॥ १९ ॥ ४५५ ॥ परमत्ते अन्नपाणं न
 भुजेज्ज कयाइ वि । परवत्थं अचेलो वि तं विज्जं परिजाणिया ॥ २० ॥ ४५६ ॥
 आसन्दी पलियग्गे य निसिज्जं च गिहन्तरे । संपुच्छणं सरणं वा तं विज्जं परिजा-
 णिया ॥ २१ ॥ ४५७ ॥ जसं कित्तिं सिलोणं च जा य वन्दणपूयणा । सच्चलो-
 गंसि जे कामा तं विज्जं परिजाणिया ॥ २२ ॥ ४५८ ॥ जेणेहं निव्वहे भिक्खू

अन्नपाणं तहाविहं । अणुप्पयाणमन्नेसिं तं विजं परिजाणिया ॥ २३ ॥ ४५९ ॥
 एवं उदाहु निग्गन्थे महावीरे महामुणी । अणन्तनाणदंसी से धम्मं, देसितवं सुयं
 ॥ २४ ॥ ४६० ॥ भासमाणो न भासेज्जा नेव वम्फेज्ज मम्मयं । माइट्ठणं विव-
 ज्जेज्जा अणुचिन्तिय वियागरे ॥ २५ ॥ ४६१ ॥ तत्थिमा तइया भासा जं वइत्ता-
 णुतप्पई । जं छन्नं तं न वत्तव्वं एसा आणा नियण्ठिया ॥ २६ ॥ ४६२ ॥
 होलावायं सहीवायं गोयावायं च नो वए । तुमं तुमं ति अमणुन्नं सव्वसो तं न
 वत्तए ॥ २७ ॥ ४६३ ॥ अकुसीले सया भिक्खू नेव संसगियं भए । सुहुरूवा
 तत्थुवस्सग्गा पडिबुज्जेज्ज ते विऊ ॥ २८ ॥ ४६४ ॥ नन्नत्थ अन्तराएणं परगेहे
 न निसीयए । गामकुमारियं किट्ठं नाइवेलं हसे मुणी ॥ २९ ॥ ४६५ ॥ अणुंस्सुओ
 उरालेसु जयमाणो परिव्वए । चरियाए अप्पमतो पुट्ठो तत्थ हियासए ॥ ३० ॥
 ॥ ४६६ ॥ हम्ममाणो न कुप्पेज्ज वुच्चमाणो न संजले । सुमणे अहियासेज्जां न य
 कोलाहलं करे ॥ ३१ ॥ ४६७ ॥ लद्धे कामे न पत्थेज्जा विवेगे एवमाहिंए ।
 आयरियाइं सिक्खेज्जा गुरुणं अन्तिए सया ॥ ३२ ॥ ४६८ ॥ सुस्सूसमाणो उवा-
 सेज्जा सुप्पन्नं सुतवस्सियं । वीरा जे अत्तपन्नेसी धिइमन्ता जिइन्दिया ॥ ३३ ॥
 ॥ ४६९ ॥ गिहे दीवमपासन्ता पुरिसादाणिया नरा । ते वीरा बन्धणुम्मुक्का
 नावकंखन्ति जीवियं ॥ ३४ ॥ ४७० ॥ अगिद्धे सद्दफासेसु आरम्भेसु अनिस्सिए ।
 सव्वं तं समयातीयं जमेयं लवियं बहु ॥ ३५ ॥ ४७१ ॥ अइमाणं च मायं च तं
 परिन्नाय पण्डिए । गारवाणि य सव्वाणि निव्वाणं संधए मुणि ॥ ३६ ॥ ४७२ ॥
 ति वेमि ॥ धम्मज्झयणं नवमं ॥

समाहियज्झयणे दसमे

आधं मईमं अणुवीइ धम्मं अज्जू समाहिं तमिमं सुणेह । अपडिन्न भिक्खू उ
 समाहिपते अणियाण भूएसु परिव्वएज्जा ॥ १ ॥ ४७३ ॥ उट्ठं अहे यं तिरियं
 दिसासु तसा य जे थावर जे य पाणा । हत्थेहि पाएहि य संजमिता अदिन्नमन्नेसु
 य नो गहेज्जा ॥ २ ॥ ४७४ ॥ सुयक्खायधम्मे वित्तिगिच्छतिण्णे लाढे चरे आय-
 तुले पयासु । आयं न कुज्जा इह जीवियट्ठी चयं न कुज्जा सुतवस्सि भिक्खू ॥ ३ ॥
 ॥ ४७५ ॥ सव्विन्दियाभिनिव्वुडे पयासु चरे मुणी सव्वउ विप्पमुक्के । पासाहि
 पाणे य पुट्ठो वि सत्ते दुक्खेण अट्ठे परितप्पमाणे ॥ ४ ॥ ४७६ ॥ एएसु वाले य
 पकुव्वमाणे आवट्ठई कम्मसु पावएसु । अइवायओ कीरइ पावकम्मं निउज्जमाणे उ
 करेइ कम्मं ॥ ५ ॥ ४७७ ॥ आदीणवित्ती व करेइ पावं मन्ता उ एगन्तसमाहि-
 मा ॥ ६ ॥ ४७८ ॥ न्ते समाहीय रए विवेगे पाणाइवाया विरए ठियप्पा ॥ ६ ॥ ४७८ ॥

सर्व्वं जगं तू समयाणुपेही पियमप्पियं कस्स वि नो करेज्जा । उट्ठाय दीणो य पुणो विसण्णो संपूयणं चेव सिलोयकामी ॥ ७ ॥ ४७९ ॥ आहाकडं चेव निकाममीणे नियामचारी य विसण्णमेसी । इत्थीसु सत्ते य पुढो य वाले परिग्गहं चेव पकुव्वमाणे ॥ ८ ॥ ४८० ॥ वेराणुगिद्धे निचयं करेइ इओ चुए से इहमट्ठदुग्गं । तम्हा उ मेहावि समिक्ख धम्मं चरे मुणि सव्वउ विप्पमुक्के ॥ ९ ॥ ४८१ ॥ आयं न कुज्जा इह जीवियट्ठी असज्जमाणो य परिव्वएज्जा । निसम्मभासी य विणीय गिद्धि हिंसत्रियं वा न कहं करेज्जा ॥ १० ॥ ४८२ ॥ आहाकडं वा न निकामएज्जा निकामयन्ते य न संथवेज्जा । धुणे उरालं अणुवेहमाणे चिच्चा न सोयं अणवेक्खमाणो ॥ ११ ॥ ४८३ ॥ एगत्तमेयं अभिपत्थएज्जा एवं पमोक्खो न मुसं ति पासं । एसप्पमोक्खो अमुसे वरे वि अकोहणे सच्चरए तवस्सी ॥ १२ ॥ ४८४ ॥ इत्थीसु या आरय मेहुणाओ परिग्गहं चेव अकुव्वमाणे । उच्चावएसुं विसएसु ताई निस्संसयं भिक्खु समाहिपत्ते ॥ १३ ॥ ४८५ ॥ अरइं रइं च अभिभूय भिक्खु तणाइफासं तह सीयफासं । उण्हं च दंसं चऽहियासएज्जा सुब्भि व दुब्भि व तित्तिक्खएज्जा ॥ १४ ॥ ४८६ ॥ गुत्तो वईए य समाहिपत्तो लेसं समाहट्ठ परिव्वएज्जा । गिहं न छाए न वि छायएज्जा संमिस्सभावं पयहे पयासु ॥ १५ ॥ ४८७ ॥ जे केइ लोगम्मि उ अकिरियआया अन्नेण पुट्ठा धुयमादिसन्ति । आरम्मसत्ता गदिया य लोए धम्मं न जाणन्ति विमोक्खहेउं ॥ १६ ॥ ४८८ ॥ पुढो य छन्दा इह माणवा उ किरियाकिरीयं च पुढो य वार्यं । जायस्स वालस्स पकुव्व देहं पवट्ठई वेरमसंजयस्स ॥ १७ ॥ ४८९ ॥ आउक्खयं चेव अवुज्जमाणे ममाइ से साहसकारि मन्दे । अहो य राओ परितप्पमाणे अट्ठेसु मूढे अजरामरे व्व ॥ १८ ॥ ४९० ॥ जहाहि वित्तं पसवो य सर्व्वं जे बन्धवा जे य पिया य मित्ता । लालप्पई से वि य एइ मोहं अन्ने जणा तंसि हरन्ति वित्तं ॥ १९ ॥ ४९१ ॥ सीहं जहा खुडुमिगा चरन्ता दूरे चरन्ति परिसंक्रमाणा । एवं तु मेहावि समिक्ख धम्मं दूरेण पावं परिवज्जएज्जा ॥ २० ॥ ४९२ ॥ संवुज्जमाणे उ नरे मईमं पावाउ अप्पाण निवट्ठएज्जा । हिंसप्पसूयाइँ दुहाइँ मत्ता वेराणुबन्धीणि महव्वयाणि ॥ २१ ॥ ४९३ ॥ मुसं न वूया मुणि अत्तगामी निव्वाणमेयं कसिणं समाहिं । सयं न कुज्जा न य कारवेज्जा करन्तमच्चं पि य नाणुजाणे ॥ २२ ॥ ४९४ ॥ सुद्धे सिया जाएं न दूसएज्जा अमुच्छिए न य अज्जोववन्ने । धिइमं विमुक्के न य पूयणट्ठी न सिलोयगामी य परिव्वएज्जा ॥ २३ ॥ ४९५ ॥ निक्खम्म गेहाउ निरावकंखी कायं विउस्सेज्ज नियणछिन्ने । नो जीवियं नो मरणाभिकंखी चरेज्ज भिक्खु वलया विमुक्के ॥ २४ ॥ ४९६ ॥ ति चेमि ॥ समाहियज्जयणं दूसमं ॥

मग्गज्झयणे एयारहमे

कयरे मग्गे अक्खाए माहणेणं मईमया । जं मग्गं उज्जु पावित्ता ओहं तरइ
 दुत्तरं ॥ १ ॥ ४९७ ॥ जं मग्गं पुत्तरं सुद्धं सव्वदुक्खविमोक्खणं । जाणासि णं
 जहा भिक्खू तं णो बूहि महामुणी ॥ २ ॥ ४९८ ॥ जइ णो केइ पुच्छिज्जा देवा
 अदुव माणुसा । तेसिं तु कयरं मग्गं आइक्खेज्ज कहाहि णो ॥ ३ ॥ ४९९ ॥ जइ
 वो केइ पुच्छिज्जा देवा अदुव माणुसा । तेसिमं पडिसाहेज्जा मग्गसारं सुणेह मे
 ॥ ४ ॥ ५०० ॥ अणुपुब्बेण महाघोरं कासवेण पवेइयं । जमायाय इओ पुब्बं समुद्धं
 ववहारिणो ॥ ५ ॥ ५०१ ॥ अतरिंसु तरन्तेगे तरिस्सन्ति अणागया । तं सोच्चा
 पडिक्खामि जन्तवो तं सुणेह मे ॥ ६ ॥ ५०२ ॥ पुढवीजीवा पुढो सत्ता आउ-
 जीवा तहागणी । वाउजीवा पुढो सत्ता तणरुक्खा सवीयगा ॥ ७ ॥ ५०३ ॥
 अहावरा तसा पाणा एवं छक्काय आहिया । एयावए जीवकाए नावरे कोइ विज्जई
 ॥ ८ ॥ ५०४ ॥ सव्वार्हिं अणुजुत्तीहिं मइमं पडिलेहिया । सव्वे अक्कन्तदुक्खा य
 अओ सव्वे न हिंसया ॥ ९ ॥ ५०५ ॥ एयं खु नाणिणो सारं जं न हिंसइ कंचण ।
 अहिंसा समयं चेव एयावन्तं वियाणिया ॥ १० ॥ ५०६ ॥ उद्धं अहे य तिरियं जे
 केइ तसथावरा । सव्वत्थ विरइं विज्जा सन्ति निव्वाणमाहियं ॥ ११ ॥ ५०७ ॥
 पभू दोसे निराकिच्चा न विरुज्जेज्ज केण वि । मणसा वयसा चेव कायसा चेव
 अन्तसो ॥ १२ ॥ ५०८ ॥ संवुडे से महापब्बे धीरे दत्तेसणं चरे । एसणासमिए
 निच्चं वज्जयन्ते अणेसणं ॥ १३ ॥ ५०९ ॥ भूयाइं च समारम्भ तमुद्दिस्सा य जं
 कडं । तारिसं तु न गिणहेज्जा अन्नपाणं सुसंजए ॥ १४ ॥ ५१० ॥ पूईकम्मं न
 सेवेज्जा एस धम्मे वुसीमओ । जं किंचि अभिकंखेज्जा सव्वसो तं न कप्पए ॥ १५ ॥
 ॥ ५११ ॥ हणन्तं नाणुजाणेज्जा आयगुत्ते जिइन्दिए । ठाणाइं सन्ति सङ्घीणं गामेसु
 नगरेसु वा ॥ १६ ॥ ५१२ ॥ तहा गिरं समारम्भ अत्थि पुण्णं ति नो वए ।
 अहवा नत्थि पुण्णं ति एवमेयं महब्भयं ॥ १७ ॥ ५१३ ॥ दाण्डया य जे पाणा
 हम्मन्ति तसथावरा । तेसिं साक्खण्डाए तम्हा अत्थि ति नो वए ॥ १८ ॥ ५१४ ॥
 जेसिं तं उवकप्पन्ति अन्नपाणं तहाविहं । तेसिं लाभन्तरायं ति तम्हा नत्थि ति नो
 वए ॥ १९ ॥ ५१५ ॥ जे य दाणं पसंसन्ति वहमिच्छन्ति पाणिणं । जे य णं
 पडिसेहन्ति वित्तिच्छेयं करन्ति ते ॥ २० ॥ ५१६ ॥ दुहओ वि ते न भासन्ति
 अत्थि वा नत्थि वा पुणो । आयं रयस्स हेच्चा णं निव्वाणं पाउणन्ति ते ॥ २१ ॥
 ॥ ५१७ ॥ निव्वाणं परमं बुद्धा नक्खत्ताण व चन्दिमा । तम्हा सया जए दन्ते
 निव्वाणं संघए मुणी ॥ २२ ॥ ५१८ ॥ वुज्झमाणाण पाणाणं किच्चन्ताण सक्कमुणा ।

आघाड साहु तं दीवं पइहेसा पवुचई ॥ २३ ॥ ५१९ ॥ आयगुते सया दन्ते
छिन्नसोए अणासवे । जे धम्मं सुद्धमक्खाइ पडिपुण्णमणोलिसं ॥ २४ ॥ ५२० ॥
तमेव अवियाणन्ता अबुद्धा बुद्धमाणिणो । बुद्धा मो त्ति य मज्जन्ता अन्त एए समा-
हिए ॥ २५ ॥ ५२१ ॥ ते य वीयोदगं चेव तमुद्दिस्सा य जं कडं । भोच्चा ज्ञाणं
झियायन्ति अखेयन्नासमाहिया ॥ २६ ॥ ५२२ ॥ जहा ढंका य कंका य कुलला
मग्गुका सिही । मच्छेसणं झियायन्ति ज्ञाणं ते कलुसाधमं ॥ २७ ॥ ५२३ ॥ एवं
तु समणा एगे मिच्छदिट्ठी अणारिया । विसएसणं झियायन्ति कंका वा कलुसाहमा
॥ २८ ॥ ५२४ ॥ सुद्धं मग्गं विराहिता इहमेगे उ दुम्मई । उम्मग्गगया दुक्खं
घायमेसन्ति तं तथा ॥ २९ ॥ ५२५ ॥ जहां आसाविणिं नावं जाइअन्धो दुरुहिया ।
इच्छई पारमागन्तुं अन्तरा य विसीयइ ॥ ३० ॥ ५२६ ॥ एवं तु समणा एगे
मिच्छदिट्ठी अणारिया । सोयं कसिणमावन्ना आगन्तारो महब्भयं ॥ ३१ ॥ ५२७ ॥
इमं च धम्ममायायं कासवेण पवेइयं । तरे सोयं महाघोरं अत्तत्ताए परिव्वए
॥ ३२ ॥ ५२८ ॥ विरए गामधम्मैहिं जे केइ जगई जगा । तेसिं अत्तुवमायाए
थामं कुव्वं परिव्वए ॥ ३३ ॥ ५२९ ॥ अइमाणं च मायं च तं परिज्जाय पण्डिए ।
सव्वमेयं निराकिच्चा निव्वाणं संधए मुणी ॥ ३४ ॥ ५३० ॥ संधए साहुधम्मं
च पावधम्मं निराकरे । उवहाणवीरिए भिक्खु कोहं माणं न पत्थए ॥ ३५ ॥ ५३१ ॥
जे य बुद्धा अतिकन्ता जे य बुद्धा अणागया । सन्ति तेसिं पइट्ठाणं भूयाणं जगई
जहा ॥ ३६ ॥ ५३२ ॥ अह णं वयमावन्नं फासा उच्चावया फुसे । न तेसु विणि-
हण्णेज्जा वाएण व महागिरी ॥ ३७ ॥ ५३३ ॥ संवुडे से महापन्ने धीरे दत्तेसणं
चरे । निव्वुडे कालमाकंखी एवं केवल्लिणो मयं ॥ ३८ ॥ ५३४ ॥ ति वेमि ॥
मग्गज्झयणं पयारहमं ॥

समोसरणज्झयणे वारहमे

चत्तारि समोसरणाणिमाणि पावादुया जाई पुढो वयन्ति । किरियं अकिरियं
विणयं ति तइयं अज्जाणमाहंसु चउत्थमेव ॥ १ ॥ ५३५ ॥ अज्जाणिया ता कुल्ला
वि सन्ता असंयुया नो वित्तिगिच्छतिण्णा । अकोविया आहु अकोवियेहिं अणाणु-
वीइत्तु सुसं वयन्ति ॥ २ ॥ ५३६ ॥ सच्चं असच्चं इति चिन्तयन्ता असाहु साहु
ति उदाहरन्ता । जेमे जणा वेणइया अणेगे पुट्ठा वि भावं विणइंसु नाम ॥ ३ ॥
॥ ५३७ ॥ अणोवसंखा इइ ते उदाहु अट्टे स ओमासइ अम्ह णं । ल्हावसंकी

य अणारएहिं नो किरियमाहंसु अकिरियवाई ॥ ४ ॥ ५३८ ॥ संमिस्सभावं च
 गिरा गहीए से मुम्मई होइ अणाणुवाई । इमं दुपक्खं इममेगपक्खं आहंसु
 छलाययणं च कम्मं ॥ ५ ॥ ५३९ ॥ ते एवमक्खन्ति अयुज्झमाणा विरुवस्सुवाणि
 अकिरियवाई । जे मायइत्ता वहवे मणूसा भमन्ति संसारमणोवदग्गं ॥ ६ ॥
 ॥ ५४० ॥ नाइच्चो उदेइ न अत्यमेइ न चन्दिमा वट्ठइ हायई वा । सल्लिला न
 सन्दन्ति न वन्ति वाया वञ्छो नियओ कसिणे हु लोए ॥ ७ ॥ ५४१ ॥ जहा हि
 अन्धे सह जोइणा वि रुवाई नो पस्सइ हीणनेत्ते । सन्तं पि ते एवमकिरियवाई
 किरियं न पस्सन्ति निरुद्धपन्ना ॥ ८ ॥ ५४२ ॥ संवच्छरं सुविणं लक्खणं च
 निमित्तदेहं च उप्पाइयं च । अट्ठङ्गमेयं वहवे अहिता लोगंसि जाणन्ति अणागयाई
 ॥ ९ ॥ ५४३ ॥ केई निमित्ता तहिया भवन्ति केसिंवि तं विप्पडिण्णं नाणं । ते
 विज्जभावं अणहिज्जमाणा आहंसु विज्जा परिमोक्खमेव ॥ १० ॥ ५४४ ॥ ते एवम-
 क्खन्ति समिच्च लोगं तहा तहा समणा माहणा य । सयंकडं नन्नकडं च दुक्खं
 आहंसु विज्जाचरणं पमोक्खं ॥ ११ ॥ ५४५ ॥ ते चक्खु लोगंसिह नायगा उ
 मग्गाणुसासन्ति हियं पयाणं । तहा तहा सासयमाहु लोए जंसी पया माणव संप-
 गाढा ॥ १२ ॥ ५४६ ॥ जे रक्खसा वा जमलोइया वा जे वा सुरा गंधव्वा य
 काया । आगासगामी य पुढोसिया जे पुणो पुणो विप्परियाखुवेन्ति ॥ १३ ॥
 ॥ ५४७ ॥ जमाहु ओहं सल्लिलं अपारगं जाणाहि णं भवगहणं दुमोक्खं । जंसी
 विसण्णा विसयङ्गणाहिं दुहओ वि लोयं अणुसंचरन्ति ॥ १४ ॥ ५४८ ॥ न
 कम्मुणा कम्म खवेन्ति वाला अकम्मुणा कम्म खवेन्ति धीरा । मेहाविणो लोभ-
 भयावईया संतोसिगो नो पकरेन्ति पावं ॥ १५ ॥ ५४९ ॥ ते तीयउप्पन्नमाणा-
 गयाई लोगस्स जाणन्ति तहागयाई । नेयारो अन्नेसि अणन्ननेया बुद्धा हु ते अन्त-
 कडा भवन्ति ॥ १६ ॥ ५५० ॥ ते नेव कुव्वन्ति न कारवेन्ति भूयाहिसंकाइ
 दुगुञ्छमाणा । सया जया विप्पगमन्ति धीरा विण्णत्ति धीरा य हवन्ति एगे
 ॥ १७ ॥ ५५१ ॥ डहरे य पाणे वुद्धे य पाणे ते अत्तओ पासइ सव्वलोए ।
 उव्वेहई लोगमिणं महन्तं वुद्धपमत्तेसु परिव्वएज्जा ॥ १८ ॥ ५५२ ॥ जे आयओ
 परओ वा वि नच्चा अलमपणो होन्ति अलं परेसिं । तं जोइभूयं च सयावसेजा
 जे पाउकुज्जा अणुवीइ धम्मं ॥ १९ ॥ ५५३ ॥ अत्ताण जो जाणइ जो य लोगं
 गइं च जो जाणइ नागइं च । जो सासयं जाण असासयं च जाईं च मरणं च
 जगोववायं ॥ २० ॥ ५५४ ॥ अहो वि सत्ताण विउट्ठणं च जो आसवं जाणइ
 संवरं च । दुक्खं च जो जाणइ निज्जरं च सो भासिउमारिहइ किरियवायं ॥ २१ ॥

॥ ५५५ ॥ सदेसु रुवेसु असज्जमाणे गन्धेसु रसेसु अदुस्समाणे । नो जीवियं नो मरणाहिंकींवी आयाणुत्ते वलया विमुक्के ॥ २२ ॥ ५५६ ॥ त्ति वेमि ॥ समो-सरणज्झयणं वारहमं ॥

आहत्तहीयज्झयणे तेरहमे

आहत्तहीयं तु पवेयइस्सं नाणप्पकारं पुरिसस्स जायं । सओ य धम्मं असओ असीलं सन्ति असन्ति करिस्सामि पाउं ॥ १ ॥ ५५७ ॥ अहो य राओ य समुट्ठिएहिं तहागएहिं पडिलब्ध धम्मं । समाहिमाघायमजोसयन्ता सत्थारमेवं फलसं वयन्ति ॥ २ ॥ ५५८ ॥ विसोहियं ते अणुकाहयन्ते जे आयभावेण विया-गरेज्जा । अट्ठाणिए होइ वहुगुणाणं जे नाणसंकाइ मुसं वएज्जा ॥ ३ ॥ ५५९ ॥ जे यावि पुट्ठा पलिउच्चयन्ति आयाणमट्ठं खलु वच्चइत्ता । असाहुणो ते इह साहु-माणी मायणि एस्सन्ति अणन्तघायं ॥ ४ ॥ ५६० ॥ जे कोहणे होइ जयट्ठभासी विओसियं जे उ उदीरएज्जा । अन्धे व से दण्डपहं गहाय अविओसिए धासइ पावकम्मि ॥ ५ ॥ ५६१ ॥ जे विग्गहीए अन्नायभासी न से समे होइ अझब्झ-पत्ते । ओवायकारी य हिरीमणे य एगन्तदिट्ठी य अमाइरुवे ॥ ६ ॥ ५६२ ॥ से पेसले सुहुमे पुरिसजाए जच्चनिए चेव सुउज्जुयारे । वहुं पि अणुसासिएं जे तहचा समे हु से होइ अझब्झपत्ते ॥ ७ ॥ ५६३ ॥ जे यावि अप्पं वसुमं ति मत्ता संखाय वायं अपरिक्ख कुज्जा । तवेण वाहं सहिउ त्ति मत्ता अन्नं जणं पस्सइ चिम्मभूयं ॥ ८ ॥ ५६४ ॥ एगन्तकूडेण उ से पळेइ न विज्जई मोणपर्यंसि गोत्ते । जे माणणट्ठेण विउक्कसेज्जा वसुमन्नतरेण अबुज्जमाणे ॥ ९ ॥ ५६५ ॥ जे माहणे खत्तियजायए वा तहुमगुत्ते तह लेच्छई वा । जे पव्वईए परदत्तभोई गोत्ते न जे थव्वइ माणवदे ॥ १० ॥ ५६६ ॥ न तस्स जाई व कुलं व ताणं नन्नत्थ विज्जा-चरणं सुचिणं । निक्खम्म से सेवइऽगारिकम्मं न से पारए होइ विमोयणाए ॥ ११ ॥ ५६७ ॥ निक्षिचणे भिक्खु सुल्लहजीवी जे गारवं होइ सिल्लोगकामी । आजीवमेयं तु अबुज्जमाणो पुणो पुणो विप्परियासुवेन्ति ॥ १२ ॥ ५६८ ॥ जे भासवं भिक्खु सुताहुवाई पडिहाणवं होइ विसारए य । आगाढपप्पे सुविभावियप्पा अन्नं जणं पन्नया परिदवेज्जा ॥ १३ ॥ ५६९ ॥ एवं न से होइ समाहिपत्ते जे पन्नं भिक्खु पिउक्कसेज्जा । अएवा वि जे लाहमयावलित्ते अन्नं जणं खिसइ वाल-पप्पे ॥ १४ ॥ ५७० ॥ पत्तामयं चेव तपोमयं च निजामए गोयमयं च भिक्खु ।

आजीवगं चेव चउत्थमाहु से पण्डिए उत्तमपोग्गळे से ॥ १५ ॥ ५७१ ॥ मयाइँ
 एयाइँ विगिञ्च धीरा न ताणि सेवन्ति सुधीरधम्मा । ते सव्वगोत्तावगया महेसी
 उच्चं अगोत्तं च गतिं वयन्ति ॥ १६ ॥ ५७२ ॥ भिक्खु मुयच्चे तह दिट्ठधम्मो
 गामं च नगरं च अणुप्पविस्सा । से एसणं जाणमणेसणं च अन्नस्स पाणस्स
 अणाणुगिद्धे ॥ १७ ॥ ५७३ ॥ अरइं रइं च अभिभूय भिक्खु बहूजणे वा तह
 एगचारी । एगन्तमोणेण वियागरेज्जा एगस्स जन्तो गइरागई य ॥ १८ ॥
 ॥ ५७४ ॥ सयं समेच्चा अदुवा वि सोच्चा भासेज्ज धम्मं हिययं पयाणं । जे गर-
 हिया सणियाणप्पओगा न ताणि सेवन्ति सुधीरधम्मा ॥ १९ ॥ ५७५ ॥ केसिंचि-
 तक्काइ अवुज्झ भावं खुइं पि गच्छेज्ज असइहाणे । आउस्स कालाइयारं वघाए
 लद्धाणुमाणे य परेसु अट्ठे ॥ २० ॥ ५७६ ॥ कम्मं च छन्दं च विगिञ्च धीरे
 विणइज्ज ऊ सव्वउ आयभावं । रुवेहिं लुप्पन्ति भयावहेहिं विज्जं गहाया तसथाव-
 रेहिं ॥ २१ ॥ ५७७ ॥ न पूयणं चेव सिलोयकामी पियमप्पियं कस्सइ नो
 करेज्जा । सव्वे अणट्ठे परिवज्जयन्ते अणाउले या अकसाइ भिक्खु ॥ २२ ॥
 ॥ ५७८ ॥ आहत्तहीयं समुपेहमाणे सव्वेहिं पाणेहिं निहाय दण्डं । नो जीवियं
 नो मरणाहिकंखी परिव्वएज्जा वलया विमुक्के ॥ २३ ॥ ५७९ ॥ त्ति वेमि ॥
 आहत्तहीयज्झयणं तेरहमं ॥

गन्थज्झयणे चोइहमे

गन्थं विहाय इह सिक्खमाणो उट्ठाय सुवम्भचेरं वसेज्जा । ओवायकारी विणयं
 सुसिक्खे जे छेय से विप्पमार्यं न कुज्जा ॥ १ ॥ ५८० ॥ जहा दियापोयमपत्तजायं
 सावासगा पविउं मन्नमाणं । तमचाइयं तरुणमपत्तजायं ढंकाइ अव्वत्तगमं हरेज्जा
 ॥ २ ॥ ५८१ ॥ एवं तु सेहं पि अपुट्ठधम्मं निस्सारियं वुसिमं मन्नमाणा । दियस्स
 छायां व अपत्तजायं हरिसु णं पावधम्मा अणेगे ॥ ३ ॥ ५८२ ॥ ओसाणमिच्छे-
 मणुए समाहिं अणोसिए णन्तकरिं ति नच्चा । ओभासमाणे दवियस्स वित्तं न निक्कसे
 वहिया आसुपन्नो ॥ ४ ॥ ५८३ ॥ जे ठाणओ य सयणासणे य परक्कमे यावि
 सुसाहुजुत्ते । समिईसु गुत्तीसु य आयपन्ने वियागारिं ते य पुढो वएज्जा ॥ ५ ॥ ५८४ ॥
 सद्दाणि सोच्चा अदु भेरवाणि अणासवे तेसु परिव्वएज्जा । निहं च भिक्खु न पमाय-
 कुज्जा कइं कइं वा वित्तिगिच्छतिणे ॥ ६ ॥ ५८५ ॥ डहरेण वुट्ठेणऽणुसासिए उ
 राइणिण्णावि समव्वएणं । सम्मं तयं थिरओ नाभिगच्छे निज्जन्तए वावि अपारए
 से ॥ ७ ॥ ५८६ ॥ विउट्ठिएणं समयाणुसिट्ठे डहरेण वुट्ठेण उ चोइए य । अच्चुट्ठि-

याए षडदासिए वा अगारिणं वा समयाणुसिट्ठे ॥ ८ ॥ ५८७ ॥ न तेसु कुज्झे न
 य पव्वहेज्जा न यावि किंची फरुसं वएज्जा । तहा करिस्सं ति पडिस्सुणेज्जा सेयं खु
 मेयं न पमाय कुज्जा ॥ ९ ॥ ५८८ ॥ वणंसि मूढस्स जहा अमूढा मग्गाणुसासन्ति
 हियं पयाणं । तेणेव मज्झं इणमेव सेयं जं मे वुहा समणुसासयन्ति ॥ १० ॥ ५८९ ॥
 अह तेण मूढेण अमूढगस्स कायव्व पूया सविसेसजुत्ता । एओवमं तत्थ
 उदाहु वीरे अणुगम्म अत्थं उवणेइ सम्मं ॥ ११ ॥ ५९० ॥ नेया जहा अन्ध-
 कारंसि राओ मग्गं न जाणाइ अपस्समाणे । से सूरियस्स अब्भुग्गमेणं मग्गं
 वियाणाइ पगासियंसि ॥ १२ ॥ ५९१ ॥ एवं तु सेहे वि अपुट्ठधम्मो धम्मं न
 जाणाइ अवुज्झमाणे । से कोविए जिणवयणेण पच्छा सूरुदए पासइ चक्खुणेव
 ॥ १३ ॥ ५९२ ॥ उट्ठं अहे यं तिरियं दिसासु तसा य जे थावर जे य पाणा ।
 सया जए तेसु परिव्वएज्जा मणप्पओसं अविकम्पमाणे ॥ १४ ॥ ५९३ ॥ कालेण
 पुच्छे समियं पयासु आइक्खमाणो दवियस्स वित्तं । तं सोयकारी य पुढो पवेसे
 संखा इमं केवलियं समाहिं ॥ १५ ॥ ५९४ ॥ अस्सि सुठिच्चा तिविहेण तायी
 एणसु या सन्ति निरोहमाहु । ते एवमक्खन्ति तिलोगदंसी न भुजमेयन्ति पमाय-
 संगं ॥ १६ ॥ ५९५ ॥ निसम्म से भिक्खु समीहियट्ठं पडिमाणवं होइ विसारए य ।
 आयाणअट्ठी वोदाणमोणं उवेच्च सुद्धेण उवेइ मोक्खं ॥ १७ ॥ ५९६ ॥ संखाइ
 धम्मं च वियागरन्ति बुद्धा हु ते अन्तकरा भवन्ति । ते पारगा दोण्ह वि मोयणाए
 संसोधियं पण्हमुदाहरन्ति ॥ १८ ॥ ५९७ ॥ नो छाये नो वि य ल्लसएज्जा माणं
 न सेवेज्ज पगासणं च । न यावि पन्ने परिहास कुज्जा न याऽऽसियावाय वियागरेज्जा
 ॥ १९ ॥ ५९८ ॥ भूयाभिसंकाइ दुगुञ्छमाणे न निव्वहे मन्तपएण गोयं । न
 किंचिमिच्छे मणुए पयासुं असाहुधम्माणि न संवएज्जा ॥ २० ॥ ५९९ ॥ हासं पि
 नो संघइ पावधम्मो ओए तहीयं फरुसं वियाणे । नो तुच्छए नो य विकंथइज्जा
 अणाइले या अक्खाइ भिक्खू ॥ २१ ॥ ६०० ॥ संकेज्ज याऽसंकियभाव भिक्खू
 विभज्जवायं च वियागरेज्जा । भासादुयं धम्मसमुट्ठिएहिं वियागरेज्जा समयाजुपन्ने
 ॥ २२ ॥ ६०१ ॥ अणुगच्छमाणे वितहं विजाणे तहा तहा साहु अकफसेणं । न
 कत्थइ भास विहिंसइज्जा निरुद्धं वावि न दीहइज्जा ॥ २३ ॥ ६०२ ॥ समालवेज्जा
 पट्ठिपुण्णभासी निसामिया समियाअट्ठदंसी । आणाइ सुद्धं वयणं भिउडे अभिसंधए
 पावविणेग भिक्खू ॥ २४ ॥ ६०३ ॥ अहावुइयाइं सुत्तिक्खएज्जा जइज्जया नाइवेलं
 वएज्जा । से दिट्ठिं दिट्ठि न ल्लसएज्जा से जाणइ भासिउं तं समाहिं ॥ २५ ॥ ६०४ ॥
 अलगए नो पच्छजभासी नो ज्ञानत्थं च करेज्ज ताई । सत्थारभत्ती अणुवीद वायं

सुयं च सम्मं पडिंवाययन्ति ॥ २६ ॥ ६०५ ॥ सें सुद्धंसुत्ते उवहाणवं च धम्मं च
जे विन्दइ तत्थ तत्थ । आण्जवक्के कुसलें वियत्ते स अरिहिंइ भासिउं तं समाहिं
॥ २७ ॥ ६०६ ॥ ति बेमि ॥ गन्थज्झयणं चोद्धमं ॥

आयाणियज्झयणे पण्णरहमे

जमईअं पडुप्पन्नं आगमिस्सं च नायओ । सव्वं मन्नं तं ताई दंसणावरणन्तए
॥ १ ॥ ६०७ ॥ अन्तए वितिगिच्छाए से जाणइ अणेलिसं । अणेलिसस्स अक्खायां
न से होइ तहिं तहिं ॥ २ ॥ ६०८ ॥ तहिं तहिं सुयक्खायं से य सच्चे सुआहिं ।
सया सच्चेण संपन्ने मेत्तिं भूएहिं कप्पए ॥ ३ ॥ ६०९ ॥ भूएहिं न विरुद्धेज्जा एस
धम्मे वुसीमओ । वुसिमं जगं परिन्नाय अस्सि जीवियभावणा ॥ ४ ॥ ६१० ॥
भावणाजोगसुद्धप्पां जले नावा व आहिया । नावा व तीरसंपन्ना सव्वदुक्खां तिउ-
ट्टइ ॥ ५ ॥ ६११ ॥ तिउट्टइ उ मेहावी जाणं लोगंसि पावगं । तुट्टन्ति पावकम्माणिं
नवं कम्ममकुव्वओ ॥ ६ ॥ ६१२ ॥ अकुव्वओ नवं नत्थि कम्मं नाम विजाणइ ।
विन्नाय से महावीरे जेण जाई न मिज्जई ॥ ७ ॥ ६१३ ॥ न मिज्जई महावीरं
जस्स नत्थि पुरेकडं । वाउ व्व जालमच्चेइ पिया लोगंसि इत्थियो ॥ ८ ॥ ६१४ ॥
इत्थियो जे न सेवन्ति आइमोक्खा हु ते जणा । ते जणा बन्धणुम्मुक्का नावकंखन्तिं
जीवियं ॥ ९ ॥ ६१५ ॥ जीवियं पिट्ठओ किच्चा अन्तं पावन्ति कम्मुणं । कम्मुणा
संसुहीभूया जे मग्गमणुसासई ॥ १० ॥ ६१६ ॥ अणुसासणं पुढों पाणी वंसुमं
पूयणासु ते । अणासए जए दन्ते दढे आरयमेहुणे ॥ ११ ॥ ६१७ ॥ नीवारें
व न लीएज्जा छिन्नसोए अणाविलें । अणाइले सया दन्ते संधि पत्ते अणेलिसं ॥ १२ ॥
॥ ६१८ ॥ अणेलिसस्स खेयन्ने न विरुद्धेज्जे केणइ । मणसा वयसा चेव कायंसा चेव
चक्खुमं ॥ १३ ॥ ६१९ ॥ से हु चक्खु मणुस्साणं जे कंखाए य अन्तए । अन्तेण
खुरो वहई चक्कं अन्तेण लोट्टई ॥ १४ ॥ ६२० ॥ अन्ताणि धीरा सेवन्ति तेण
अन्तकरा इह । इह माणुस्सए ठाणे धम्ममाराहिउं नरा ॥ १५ ॥ ६२१ ॥ निट्ठि-
यट्ठा व देवा वा उत्तरीए इयं सुयं । सुयं च मेयमेगेसिं अमणुस्सेसु नो तहा ॥ १६ ॥
॥ ६२२ ॥ अन्तं करन्ति दुक्खार्णं इहमेगेसिमाहियं । आघार्यं पुण एंगेसिं दुल्लभेइयं
समुस्सए ॥ १७ ॥ ६२३ ॥ इओ विद्धंसमाणस्स पुणो संवोहिं दुल्लहा । दुल्लहाओ
तहच्चाओ जे धम्मद्वं वियांगरे ॥ १८ ॥ ६२४ ॥ जे धम्मं सुद्धमंक्खन्ति पडिपु-
ण्णमणेलिसं । अणेलिसस्स जं ठाणं तस्स जम्मकहा कओ ॥ १९ ॥ ६२५ ॥ कओ
कयाइ मेहावी उप्पज्जन्ति तंहागया । तंहांगया अप्पडिन्ना चक्खु लोगस्सणुतरा

॥ २० ॥ ६२६ ॥ अणुत्तरे य ठाणे से कासवेण पवेइए । जं किच्चा निव्वुडा एगे
 तिष्ठं पावन्ति पण्डिया ॥ २१ ॥ ६२७ ॥ पण्डिए वीरियं लद्धं निग्घायाय पवत्तारं
 धुणे पुव्वकडं कम्मं नवं वा वि न कुव्वई ॥ २२ ॥ ६२८ ॥ न कुव्वई महावीरे
 अणुपुव्वकडं रयं । रयसा संमुहीभूया कम्मं हेच्चाण जं मयं ॥ २३ ॥ ६२९ ॥ जं
 मयं सव्वसाहूणं तं मयं सल्लगतणं । साहइत्ताण तं तिण्णा देवा वा अभविंस्स ते
 ॥ २४ ॥ ६३० ॥ अभविंस्स पुरा धीरा आगमिस्सा वि सुव्वया । दुग्गिवोहस्स मग्गस्स
 अन्तं पाउकरा तिण्णे ॥ २५ ॥ ६३१ ॥ ति वेमि ॥ आयाणियज्झयणं पण्णरहमं ॥

गाहज्झयणे सोळसमे

अहाह भगवं—एवं से दन्ते दविए वोसट्टकाए ति वच्चे माहणे ति वा १ समणे
 ति वा २ भिक्खु ति वा ३ निग्गन्थे ति वा ४ । पडिआह—भन्ते कहां नु दन्ते
 दविए वोसट्टकाए ति वच्चे माहणे ति वा समणे ति वा भिक्खु ति वा निग्गन्थे ति
 वा । तं नो बूहिं महाभुणी ॥ इति विरए सव्वपावकम्मोहिं पिज्जदोसकलह० अब्भ-
 व्खाण० पेसुज० परपरिवाय० अरइरइ० मायामोस० मिच्छादंसणसल्लविरए समिए
 सहिए सया जए नो कुज्झे नो माणी माहणे ति वच्चे ॥ १ ॥ ६३२ ॥ एत्थ वि
 समणे अनिस्सिए अणियाणे आयाणं च अइवायं च मुसावायं च बहिंदं च कोहं च
 माणं च मायं च लोहं च पिज्जं च दोसं च इच्चेव जओ जओ आयाणं अप्पणो
 प्होसहेऊ तओ तओ आयाणाओ पुव्वं पडिविरए पाणाइवाया सिआ दन्ते दविए
 वोसट्टकाए समणे ति वच्चे ॥ २ ॥ ६३३ ॥ एत्थ वि भिक्खू अणुत्तए विणीए नामए
 दन्ते दविए वोसट्टकाए संविधुणीय विरुवरुवे परीसहोवसग्गे अज्झप्पजोगसुद्धादाणे
 उवट्ठिए ठिअप्पा संखाए परदत्तभोई भिक्खु ति वच्चे ॥ ३ ॥ ६३४ ॥ एत्थ वि
 निग्गन्थे एगे एगविऊ बुद्धे संछिन्नसोए सुसंजए सुसामिए सुसामाइए आयवायपत्ते
 विऊ दुहओ वि सोयपलिछिन्ने णो पूयणसक्कारलाभट्ठी धम्मट्ठी धम्मविऊ नियाग
 पडियन्ने समियं चरे दन्ते दविए वोसट्टकाए निग्गन्थे ति वच्चे ॥ ४ ॥ ६३५ ॥
 से एवमेव जाणह जमहं भयन्तारो ॥ ति वेमि ॥ गाहज्झयणं सोळसमं,
 पढमे सुयक्खन्थे समन्ते ॥

पोण्डरियज्झयणे पढमे

इयं मे आउत्तं तेषां भगवता एवमक्खत्तायं । इह खलु पोण्डरीए नामज्झयणे

तस्स णं अयमट्ठे पन्नते । से जहानामए पुक्खरिणी सिया बहुउदगा बहुसेया बहु-
 पुक्खला लद्धा पुण्डरिकिणी पासादिया दरिसणिया अभिरूवा पडिरूवा । तीसे णं
 पुक्खरिणीए तत्थ तत्थ देसे देसे तहिं तहिं बहवे पउमवरपोण्डरीया बुइया, अणु-
 पुव्वुट्ठिया ऊसिया रुइला वण्णमन्ता गन्धमन्ता रसमन्ता फासमन्ता पासादिया
 दरिसणिया अभिरूवा पडिरूवा । तीसे णं पुक्खरिणीए बहुमज्झदेसभाए एगे महं
 पउमवरपोण्डरीए बुइए, अणुपुव्वुट्ठिए ऊसिए रुइले वण्णमन्ते गन्धमन्ते रसमन्ते
 फासमन्ते पासादीए जाव पडिरूवे । सव्वावन्ति च णं तीसे पुक्खरिणीए तत्थ तत्थ
 देसे देसे तहिं तहिं बहवे पउमवरपोण्डरीया बुइया अणुपुव्वुट्ठिया ऊसिया रुइला
 जाव पडिरूवा । सव्वावन्ति च णं तीसे णं पुक्खरिणीए बहुमज्झदेसभाए एगे महं
 पउमवरपोण्डरीए बुइए अणुपुव्वुट्ठिए जाव पडिरूवे ॥ १ ॥ ६३६ ॥ अह पुरिसे
 पुरित्थिमाओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासइ
 तं महं एगं पउमवरपोण्डरीयं अणुपुव्वुट्ठियं ऊसियं जाव पडिरूवं । तए णं से पुरिसे
 एवं वयासी-अहमंसि पुरिसे खेयन्ने कुसले पण्डिए वियत्ते मेहावी अवाले मग्गट्ठे
 मग्गविऊ मग्गस्स गइपरिक्कमन्नू । अहमेयं पउमवरपोण्डरीयं उन्निक्खिस्सामि त्ति कट्ठु
 इइ बुया से पुरिसे अभिक्कमेइ तं पुक्खरिणिं । जावं जावं च णं अभिक्कमेइ
 तावं तावं च णं महन्ते उदए महन्ते सेए पहीणे तीरं अपत्ते पउमवरपोण्डरीयं
 नो हव्वाए नो पाराए अन्तरा पुक्खरिणीए सेयंसि निसण्णे पढमे पुरिसजाए
 ॥ २ ॥ ६३७ ॥ अहावरे दोच्चे पुरिसजाए । अह पुरिसे दक्खिणाओ दिसाओ
 आगम्म तं पुक्खरिणिं तीसे पुक्खरिणीए तीरे ठिच्चा पासइ तं महं एगं पउमवर-
 पोण्डरीयं अणुपुव्वुट्ठियं पासादीयं जाव पडिरूवं । तं च एत्थ एगं पुरिसजायं पासइ
 पहीणतीरं अपत्तपउमवरपोण्डरीयं नो हव्वाए नो पाराए अन्तरा पुक्खरिणीए सेयंसि
 निसण्णं । तए णं से पुरिसे तं पुरिसं एवं वयासी-अहो णं इमे पुरिसे अखेयन्ने
 अकुसले अपण्डिए अवियत्ते अमेहावी बाले नो मग्गट्ठ नो मग्गविऊ नो मग्गस्स
 गइपरिक्कमन्नू जं णं एस पुरिसे । अहमंसि खेयन्ने कुसले जाव पउमवरपोण्डरीयं
 उन्निक्खिस्सामि । नो य खलु एयं पउमवरपोण्डरीयं एवं उन्निक्खेयव्वं जहा णं एस
 पुरिसे मन्ने । अहमंसि पुरिसे खेयन्ने कुसले पण्डिए वियत्ते मेहावी अवाले मग्गट्ठे
 मग्गविऊ मग्गस्स गइपरिक्कमन्नू, अहमेयं पउमवरपोण्डरीयं उन्निक्खिस्सामि त्ति कट्ठु
 इइ बुया से पुरिसे अभिक्कमे तं पुक्खरिणिं । जावं जावं च णं अभिक्कमेइ तावं तावं
 च णं महन्ते उदए महन्ते सेए पहीणे तीरं अपत्ते पउमवरपोण्डरीयं नो हव्वाए
 नो पाराए अन्तरा पुक्खरिणीए सेयंसि निसण्णे दोच्चे पुरिसजाए ॥ ३ ॥ ६३८ ॥

अहावरे तच्चे पुरिसजाए । अहं पुरिसे पच्चत्थिमाओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासइ तं एगं महं पउमवरपोण्डरीयं अणुपुब्बुट्ठियं जाव पडिरुवं । ते तत्थ दोणिण पुरिसजाए पासइ पहीणे तीरं अपत्ते पउमवरपोण्डरीयं नो हव्वाए नो पाराए जाव सेयंसि निसण्णे । तए णं से पुरिसे एवं वयासी-अहो णं इमे पुरिसा अखेयजा अकुसला अपण्डिया अवियत्ता अमेहावी बाला नो मग्गट्ठा नो मग्गविऊ नो मग्गस्स गइपरिक्कमन्नू जं णं एए पुरिसा एवं मजे-अम्हे एयं पउमवरपोण्डरीयं उज्झिक्खिस्सामो नो य खलु एयं पउमवरपोण्डरीयं एवं उज्झिक्खेय्व्वं जहा णं एए पुरिसा मजे । अहमंसि पुरिसे खेयजे कुसले पण्डिए वियत्ते मेहावी अवाले मग्गट्ठे मग्गविऊ मग्गस्स गइपरिक्कमन्नू अहमेयं पउमवरपोण्डरीयं उज्झिक्खिस्सामि त्ति कट्ठु इति बुच्चा से पुरिसे अभिक्कमे तं पुक्खरिणिं । जावं जावं च णं अभिक्कमे तावं तावं च णं महन्ते उदए महन्ते सेए जाव अन्तरा पुक्खरिणीए सेयंसि निसण्णे तच्चे पुरिसजाए ॥ ४ ॥ ६३९ ॥ अहावरे चउत्थे पुरिसजाए । अहं पुरिसे उत्तराओ दिसाओ आगम्म तं पुक्खरिणिं तीसे पुक्खरिणीए तीरे ठिच्चा पासइ तं महं एगं पउमवरपोण्डरीयं अणुपुब्बुट्ठियं जाव पडिरुवं । ते तत्थ तिणिण पुरिसजाए पासइ पहीणे तीरं अपत्ते जाव सेयंसि निसण्णे । तए णं से पुरिसे एवं वयासी-अहो णं इमे पुरिसा अखेयजा जाव नो मग्गस्स गइपरिक्कमन्नू जं णं एए पुरिसा एवं मजे-अम्हे एयं पउमवरपोण्डरीयं उज्झिक्खिस्सामो नो य खलु एयं पउमवरपोण्डरीयं एवं उज्झिक्खेय्व्वं जहा णं एए पुरिसा मजे । अहमंसि पुरिसे खेयजे जाव मग्गस्स गइपरिक्कमन्नू, अहमेयं पउमवरपोण्डरीयं एवं उज्झिक्खिस्सामि त्ति कट्ठु इति बुच्चा से पुरिसे अभिक्कमे तं पुक्खरिणिं । जावं जावं च णं अभिक्कमे तावं तावं च णं महन्ते उदए महन्ते सेए जाव निसण्णे चउत्थे पुरिसजाए ॥ ५ ॥ ६४० ॥ अहं भिक्खू ल्हे तीरट्ठी खेयजे जाव गइपरिक्कमन्नू अन्नयराओ दिसाओ वा अणुदिसाओ वा आगम्म तं पुक्खरिणिं तीसे पुक्खरिणीए तीरे ठिच्चा पासइ तं महं एगं पउमवरपोण्डरीयं जाव पडिरुवं । ते तत्थ चत्तारि पुरिसजाए पासइ पहीणे तीरं अपत्ते जाव पउमवरपोण्डरीयं नो हव्वाए नो पाराए अन्तरा पुक्खरिणीए सेयंसि निसण्णे । तए णं से भिक्खू एवं वयासी-अहो णं इमे पुरिसा अखेयजा जाव नो मग्गस्स गइपरिक्कमन्नू जं एए पुरिसा एवं मजे अम्हे एयं पउमवरपोण्डरीयं उज्झिक्खिस्सामो, नो य खलु एयं पउमवरपोण्डरीयं एवं उज्झिक्खेय्व्वं जहा णं एए पुरिसा मजे । अहमंसि भिक्खू ल्हे तीरट्ठी खेयजे जाव गइपरिक्कमन्नू अहमेयं पउमवरपोण्डरीयं उज्झिक्खिस्सामि त्ति कट्ठु इति बुच्चा से भिक्खू

नो अभिक्कमे तं पुक्खरिणिं तीसे पुक्खरिणीए तीरे ठिच्चा सद्दं कुज्जा-उप्पयाहि
 खलु भो पउमवरपोण्डरीया उप्पयाहि । अह उप्पइए से पउमवरपोण्डरीए ॥ ६ ॥
 ॥ ६४१ ॥ किट्ठिए नाए समणाउसो, अट्ठे पुण से जाणियव्वे भवइ । भन्ते ति समणं
 भगवं महावीरं निग्गन्था य निग्गन्थीओ य वन्दन्ति नमंसन्ति वन्दित्ता नमसित्ता
 एवं वयासी-किट्ठिए नाए समणाउसो, अट्ठं पुण से न जाणामो समणाउसो ति ।
 समणे भगवं महावीरे ते य बहवे निग्गन्थे य निग्गन्थीओ य आमन्तेत्ता एवं
 वयासी-हन्त समणाउसो आइक्खामि विभावेमि कित्तेमि पवेएमि सअट्ठं सहेउं
 सनिमित्तं भुज्जो भुज्जो उवदंसेमि । से वेमि ॥ ७ ॥ ६४२ ॥ लोयं च खलु मए
 अप्पाहट्ठु समणाउसो पुक्खरिणीं वुइया । कम्मं च खलु मए अप्पाहट्ठु समणाउसो
 से उदए वुइए । कामभोगे य खलु मए अप्पाहट्ठु समणाउसो से सेए वुइए । जण-
 जाणवयं च खलु मए अप्पाहट्ठु समणाउसो ते बहवे पउमवरपोण्डरीए वुइए ।
 रायाणं च खलु मए अप्पाहट्ठु समणाउसो से एगे महं पउमवरपोण्डरीए वुइए ।
 अन्नतित्थिया य खलु मए अप्पाहट्ठु समणाउसो ते चत्तारि पुरिसजाया वुइया ।
 धम्मं च खलु मए अप्पाहट्ठु समणाउसो से भिक्खु वुइए । धम्मतित्थं च खलु
 मए अप्पाहट्ठु समणाउसो से तीरे वुइए । धम्मकहं च खलु मए अप्पाहट्ठु सम-
 णाउसो से सहे वुइए । निव्वाणं च खलु मए अप्पाहट्ठु समणाउसो से उप्पाए
 वुइए । एवमेयं च मए अप्पाहट्ठु समणाउसो से एवमेयं वुइयं ॥ ८ ॥ ६४३ ॥
 इह खलु पाईणं वा पडीणं वा उदीणं वा दाहिणं वा सन्तेगइया मणुस्सा भवन्ति
 अणुपुव्वेणं लोगं उववन्ना । तंजहा-आरिया वेगे अणारिया वेगे उच्चागोत्ता वेगे
 पीयागोया वेगे कायमन्ता वेगे रहस्समन्ता वेगे सुवण्णा वेगे दुव्वण्णा वेगे सुलुवा
 वेगे दुरुवा वेगे । तेसिं च णं मणुयाणं एगे राया भवइ महया हिमवन्तमलयमन्दर-
 महिन्दसारे अब्बन्तविस्सुद्धरायकुलवंसप्पसूए निरन्तररायलक्खणाविराड्यङ्गमङ्गे बहु-
 जणवहुमाणपूइए सव्वगुणसमिद्धे खत्तिए मुदिए मुद्धाभिसित्ते माउपिउसुजाए दय-
 थिए सीमंकरे सीमंधरे खेमंकरे खेमंधरे मणुसिंदे जणवयपिया जणवयपुरोहिए
 सेउकरे केउकरे नरपवरे पुरिसपवरे पुरिससीहे पुरिसआसीविसे पुरिसवरपोण्डरीए
 पुरिसवरगंधहत्थी अट्ठे दित्ते वित्ते वित्थिण्णविउलभवणसयणासणजाणवाहणाइण्णे
 बहुधणवहुजायखुरयए आओगपओगसंपउत्ते विच्छट्ठियपउरभत्तपाणे बहुदासीदास-
 गोमहिसगवेलगप्पभूए पडिपुण्णजंतकोसकोट्ठागाराउहागारे वलवं दुव्वलपच्चामित्ते
 ओहयकण्ठयं निहयकण्ठयं मलियकण्ठयं उद्वियकण्ठयं अकण्ठयं ओहयसत्तू निहयसत्तू
 मलियसत्तू उद्वियसत्तू निजियसत्तू पराड्यसत्तू ववगयदुब्बिमक्खमारिभयविप्पमुक्कं

(रायवण्णओ जहा ओववाइए) जाव पसंतडिम्बडमरं रज्जं पसाहेमाणे विहरइ । तस्स णं रत्तो परिसा भवइ उग्गा उग्गपुत्ता भोगा भोगपुत्ता इक्खागाइ इक्खागाइ-पुत्ता नाया नायपुत्ता कोरव्वा कोरव्वपुत्ता भट्ठा भट्टपुत्ता माहणा माहणपुत्ता लेच्छइ लेच्छइपुत्ता पसत्थारो पसत्थपुत्ता सेणावई सेणावइपुत्ता । तेसिं च णं एगइए सद्धी भवइ कामं तं ससणा वा माहणा वा संपहारिंसु गमणाए । तत्थ अन्नयरेणं धम्मणेणं पन्नत्तारो वयं इमेणं धम्मणेणं पन्नवइस्सामो से एवमायाणह भयंतारो जहा मए एस धम्मो सुयक्खाए सुपन्नते भवइ । तं जहा-उड्डं पायतला अहे केसग्गमतथया तिरियं तयपरियंते जीवे एस आयापज्जवे कसिणे एस जीवे जीवइ, एस मए नो जीवइ, सरीरे धरमाणे धरइ विणट्ठम्मि य नो धरइ । एयं तं जीवियं भवइ, आदहणाए परेहिं निजइ, अगणिझामिए सरीरे कन्नोयवण्णाणि अट्ठीणि भवंति, आसंदीपच्चमा पुरिसा गामं पच्चागच्छंति, एवं असंते असंविज्जमाणे । जेसिं तं असंते असंविज्जमाणे तेसिं तं सुयक्खायं भवइ-अन्नो भवइ जीवो अन्नं सरीरं, तम्हा ते एवं नो विपडिवे-द्वंति-अयमाउसो आया दीहे ति वा हस्से ति वा परिमण्डले ति वा वट्टे ति वा तंसे ति वा चउरंसे ति वा आयए ति वा छलंसिए ति वा अट्ठंसे ति वा किण्हे ति वा नीले ति वा लोहियहालिदे ति वा सुक्खिले ति वा सुब्भिगंधे ति वा दुब्भिगंधे ति वा तित्ते ति वा कडुए ति वा कसाए ति वा अम्विले ति वा महुरे ति वा कक्खवे ति वा मउए ति वा गुरुए ति वा लहुए ति वा सीए ति वा उसिणे ति वा निद्धे ति वा लुक्खे ति वा । एवं असंते असंविज्जमाणे । जेसिं तं सुयक्खायं भवइ-अन्नो जीवो अन्नं सरीरं, तम्हा ते नो एवं उवलब्भंति । से जहानामए-केइ पुरिसे कोसीओ असिं अभिनिव्वट्ठिता णं उवदंसेज्जा अयमाउसो असी अयं कोसी, एवमेव नत्थि केइ पुरिसे अभिनिव्वट्ठिता णं उवदंसेत्तारो अयमाउसो आया इयं सरीरं । से जहानामए केइ पुरिसे मुज्जाओ इत्थियं अभिनिव्वट्ठिता णं उवदंसेज्जा अयमाउसो मुजे इयं इत्थियं, एवमेव नत्थि केइ पुरिसे उवदंसेत्तारो अयमाउसो आया इयं सरीरं । से जहानामए-केइ पुरिसे मंसाओ अट्ठि अभिनिव्वट्ठिता णं उवदंसेज्जा अयमाउसो मंसे अयं अट्ठी, एवमेव नत्थि केइ पुरिसे उवदंसेत्तारो अयमाउसो आया इयं सरीरं । से जहानामए-केइ पुरिसे करयलाओ आमलकं अभिनिव्वट्ठिता णं उवदं-सेज्जा अयमाउसो करयले अयं आमलए, एवमेव नत्थि केइ पुरिसे उवदंसेत्तारो अय-माउसो आया इयं सरीरं । से जहानामए-केइ पुरिसे दहीओ नवणीयं अभिनिव्व-ट्ठिता णं उवदंसेज्जा अयमाउसो नवणीयं अयं तु दही, एवमेव नत्थि केइ पुरिसे जाव सरीरं । से जहानामए-केइ पुरिसे तिलेहितो तोहं अभिनिव्वट्ठिता णं उवदंसेज्जा

अयमाउसो तेल्लं अयं पिण्णाए, एवमेव जाव सरीरं । से जहानामए-केइ पुरिसे इक्खूओ खोयरसं अभिनिव्वट्ठिता णं उवदंसेज्जा अयमाउसो खोयरसे अयं छोए, एवमेव जाव सरीरं । से जहानामए-केइ पुरिसे अरणीओ अग्गि अभिनिव्वट्ठिता णं उवदंसेज्जा अयमाउसो अरणी अयं अग्गी, एवमेव जाव सरीरं । एवं असंते असंविज्जमाणे । जेसिं तं सुयक्खायं भवइ तं जहा-अन्नो जीवो अन्नं सरीरं । तम्हा ते मिच्छा ॥ से हंता तं हणह खणह छणह डहह पयह आलुम्पह विलुम्पह सह-सक्कारेह विपरामुसह, एयावया जीवे नत्थि परलोए । ते नो एवं विप्पडिंवेदेंति, तं जहा-किरिया इ वा अकिरिया इ वा सुक्कडे इ वा दुक्कडे इ वा कल्लणे इ वा पावए इ वा साहु इ वा असाहु इ वा सिद्धी इ वा असिद्धी इ वा निरए इ वा अणिरए इ वा । एवं ते विरूवरूवेहिं कम्मसमारंभेहिं विरूवरूवाइं कामभोगाइं समारभन्ति भोयणाए ॥ एवं एगे पागब्भिया निक्खम्म मामगं धम्मं पन्नवेंति । तं सद्वहमाणा तं पत्तियमाणा तं रोएमाणा साहु सुयक्खाए समणे त्ति वा माहणे त्ति वा कामं खलु आउसो तुमं पूययामि, तं जहा-असणेण वा पाणेण वा खाइमेण वा साइमेण वा वत्थेण वा पडिग्गहेण वा कम्बलेण वा पायपुच्छणेण वा । तत्थेगे पूयणाए समा-उट्ठिसु तत्थेगे पूयणाए निकाइंसु ॥ पुव्वमेव तेसिं नायं भवइ-समणा भविस्सामो अणगारा अकिंचणा अपुत्ता अपसू परदत्तभोइणो भिक्खुणो पावं कम्मं नो करि-स्सामो समुट्ठाए । ते अप्पणा अप्पडिविरया भवंति, सयमाइयंति अन्ने वि आइयावेंति अन्नं पि आययंतं समणुजाणंति एवमेव ते इत्थिकामभोगेहिं मुच्छिया गिद्धा गढिया अज्झोववन्ना लुद्धा रागदोसवसट्ठा । ते नो अप्पाणं समुच्छेदेंति ते नो परं समुच्छे-देंति ते नो अन्नाइं पाणाइं भूयाइं जीवाइं सत्ताइं समुच्छेदेंति, पहीणा पुव्वसंजोगं आयरियं मगं असंपत्ता इति ते नो हव्वाए नो पाराए अंतरा कामभोगेसु विसण्णा । इति पढमे पुरिसजाए तज्जीवतच्छरीरए त्ति आहिए ॥ ९ ॥ ६४४ ॥

अहावरे दोच्चे पुरिसजाए पच्चमहन्भूइए त्ति आहिज्जइ । इह खलु पाईणं वा ६ सन्तेगइया मणुस्सा भवन्ति अणुपुव्वेण लोयं उववन्ना, तं जहा-आरिया वेगे अणारिया वेगे एवं जाव दुरूवा वेगे । तेसिं च णं महं एगे राया भवइ महया एवं चेव निरवसेसं जाव सेणावइपुत्ता । तेसिं च णं एगइए सद्धी भवति कामं तं समणा य माहणा य पहारिसु गमणाए । तत्थ अन्नयरेणं धम्मेणं पन्नत्तारो वयं इमेणं धम्मेणं पन्नवइस्सामो से एवमायाणह भयन्तारो जहा मए एस धम्मो सुअक्खाए सुपन्नत्ते भवइ । इह खलु पच्चमहन्भूया जेहिं नो विज्जइ किरिय त्ति वा अकिरिय त्ति वा त्ति वा दुक्कडे त्ति वा कल्लणे त्ति वा पावए त्ति वा साहु त्ति वा असाहु त्ति

वा सिद्धि ति वा असिद्धि ति वा निरए ति वा अनिरए ति वा अवि अन्तसो
तणमायमवि ॥ तं च पिहुदेसेण पुढोभूयसमवायं जाणेज्जा । तं जहा पुढवी एगे
महब्भूए, आऊ दुच्चे महब्भूए, तेऊ तच्चे महब्भूए, वाऊ चउत्थे महब्भूए, आगासे
पच्चमे महब्भूए । इच्चेए पच्च महब्भूया अनिम्मिया अनिम्माविया अकडा नो
कित्तिमा नो कडगा अणाइया अणिहणा अवञ्जा अपुरोहिया सतंता सासया
आयच्छट्ठा । पुण एगे एवमाहु-सओ नत्थि विणासो असओ नत्थि संभवो । एयावया
व जीवकाए एयावया व अत्थिकाए एयावया व सव्वलोए, एयं मुहं लौगस्स करण-
याए, अवि अन्तसो तणमायमवि । से किणं किणावेमाणे हणं घायमाणे पयं पया-
वेमाणे अवि अन्तसो पुरिसमवि कीणित्ता घायइत्ता एत्थं पि जाणाहि नत्थित्थ दोसो ।
ते नो एवं विप्पडिवेदंति । तं जहा-किरिया इ वा जाव अनिरए इ वा । एवं ते
विरुवरुवेहिं कम्मसमारंभेहिं विरुवरुवाई कामभोगाईं समारंभंति भोयणाए । एव-
मेव ते अणारिया विप्पडिवज्जा तं सहमाणा तं पत्तियमाणा जाव ते नो हव्वाए
नो पाराए अंतरा कामभोगेसु विसण्णा । दोच्चे पुरिसजाए पच्चमहब्भूइए ति
आहिण ॥ १० ॥ ६४५ ॥ अहावरे तच्चे पुरिसजाए ईसरकारणिणं ति आहिज्जइ ।
इह खलु पाईणं वा ६ संतेगइया मणुस्ता भवंति अणुपुब्बेणं लोयं उववज्जा । तं
जहा-आरिया वेगे जाव तेसिं च णं महंते एगे राया भवइ जाव सेणावइपुत्ता ।
तेसिं च णं एगइए सद्धी भवइ, कामं तं समणा य माहणा य पहारिंसु गमणाए
जाव जहा मए एस धम्मे सुयक्काए सुपज्जे भवइ । इह खलु धम्मा पुरिसादिया
पुरिसोत्तरिया पुरिसप्पणीया पुरिससंभूया पुरिसपज्जोइया पुरिसमभिसमन्नागया
पुरिसमेव अभिभूय चिट्ठंति । से जहानामए-गण्डे सिया सरीरे जाए सरीरे संवुद्धे
सरीरे अभिसमन्नागए सरीरमेव अभिभूय चिट्ठइ, एवमेव धम्मा पुरिसादिया जाव
पुरिसमेव अभिभूय चिट्ठंति । से जहानामए-अरई सिया सरीरे जाया सरीरे
संवुद्धा सरीरे अभिसमन्नागया सरीरमेव अभिभूय चिट्ठइ, एवमेव धम्मा वि पुरि-
सादिया जाव पुरिसमेव अभिभूय चिट्ठंति से जहानामए-वम्मिए सिया पुढविजाए
पुढविसंवुद्धे पुढविअभिसमन्नागए पुढविमेव अभिभूय चिट्ठइ, एवमेव धम्मा वि
पुरिसादिया जाव पुरिसमेव अभिभूय चिट्ठंति, से जहानामए-सुक्खे सिया पुढविजाए
पुढविसंवुद्धे पुढविअभिसमन्नागए पुढविमेव अभिभूय चिट्ठइ, एवमेव धम्मा वि
पुरिसादिया जाव पुरिसमेव अभिभूय चिट्ठंति । से जहानामए-पुक्खारिणी सिया
पुढविजाया जाव पुढविमेव अभिभूय चिट्ठइ, एवमेव धम्मा वि पुरिसादिया जाव
पुरिसमेव अभिभूय चिट्ठंति । से जहानामए-उदगपुक्खजे सिया उदगजाए जाव

उदगमेव अभिभूय चिद्वड्, एवमेव धम्मा वि पुरिसादिया जाव पुरिसमेव अभिभूय चिद्वड्ति । से जहानामए-उदगबुब्बुए सिया उदगजाए जाव उदगमेव अभिभूय चिद्वड्, एवमेव धम्मा वि पुरिसादिया जाव पुरिसमेव अभिभूय चिद्वड्ति । जं पि य इमं समणाणं निग्गंथाणं उद्विट्ठं पणीयं वियज्जियं दुवालसङ्गं गणिपिडगं, तं जहा-आयारो सूयगडो जाव दिट्ठिवाओ, सव्वमेवं मिच्छा, न एयं तहियं न एयं आहातहियं, इमं सच्चं इमं तहियं इमं आहातहियं । ते एवं सच्चं कुव्वंति, ते एवं सच्चं संठव्वंति, ते एवं सच्चं सोवट्ठव्वंति । तमेवं ते तज्जाइयं दुक्खं नाइउट्ठंति सउणी पजरं जहा । ते नो एवं विप्पडिवेदंति तं जहा-किरिया इ वा जाव अनिरए इ वा, एवामेव ते विरुवरुवेहिं कम्मसमारम्भेहिं विरुवरुवाई कामभोगाई समारम्भंति भोयणाए । एवामेव ते अणारिया विप्पडिवज्जा एवं सहमाणा जाव इति ते नो हव्वाए नो पाराए, अंतरा कामभोगेसु विसण्णे ति, तच्चे पुरिसजाए ईसरकारणिए ति आहिण् ॥ ११ ॥ ६४६ ॥ अहावरे चउत्थे पुरिसजाए नियइवाइए ति आहिज्जइ । इह खलु पाईणं वा ६ तहेव जाव सेणावइपुत्ता वा । तेसिं च णं एगइए सद्धी भवइ, कामं तं समणा य माहणा य संपहारिंसु गमणाए जाव मए एस धम्मे सुअक्खाए सुपन्नते भवइ । इह खलु दुवे पुरिसा भवंति-एगे पुरिसे किरियमाइक्खइ एगे पुरिसे नोकिरिय माइक्खइ । जे य पुरिसे किरियमाइक्खइ जे य पुरिसे नोकिरियमाइक्खइ दो वि ते पुरिसा तुल्ला एगट्ठा कारणमावज्जा । बाले पुण एवं विप्पडिवेदंति कारणमावज्जे-अहमंसि दुक्खामि वा सोयामि वा जूरामि वा तिप्पामि वा पीडामि वा परितप्पामि वा अहमेयमकासि, परो वा जं दुक्खइ वा सोयइ वा जूरइ वा तिप्पइ वा पीडइ वा परितप्पइ वा परो एवमकासि । एवं से बाले सकारणं वा परकारणं वा एवं विप्पडिवेदंति कारणमावज्जे । मेहावी पुण एत्तं विप्पडिवेदंति कारणमावज्जे-अहमंसि दुक्खामि वा सोयामि वा जूरामि वा तिप्पामि वा पीडामि वा परितप्पामि वा, नो अहं एवमकासि । परो वा जं दुक्खइ वा जाव परितप्पइ वा नो परो एवमकासि, एवं से मेहावी सकारणं वा परकारणं वा एवं विप्पडिवेदंति कारणमावज्जे । से वेमि पाईणं वा ६ जे तसथावरा पाणा ते एवं संघायमागच्छंति ते एवं विप्परियासमावज्जंति ते एवं विवेगमागच्छंति ते एवं विहाणमागच्छंति ते एवं संगइयन्ति उवेहाए । नो एवं विप्पडिवेदंति, तं जहा-किरिया इ वा जाव अनिरए इ वा अनिरए इ वा । एवं ते विरुवरुवेहिं कम्मसमारम्भेहिं विरुवरुवाई कामभोगाई समारम्भंति भोयणाए । एवमेव ते अणारिया विप्पडिवज्जा तं सहमाणा जाव इति ते नो हव्वाए नो पाराए अंतरा कामभोगेसु विसण्णा । चउत्थे

पुरिसंजाए नियइवोइए ति ओहिंए ॥ इच्चए चंतारि पुरिसंजाया नाणापन्ना नाना-
छंदा नाणासीला नाणादिट्ठी नाणाहंदि नाणारम्मा नाणाअज्झवसाणसंजुता पहीण-
पुव्वसंजोगा आरियं मग्गं असंपत्ता इति ते नो हव्वाए नो पाराए अंतरा काम-
भोगेषु विसर्णा ॥ १२ ॥ ६४७ ॥ से वेमिं पाईणं वा ६ सन्तेगइया मणुस्ता
भवेन्ति । तं जहा-आरियां वेगे अणारिया वेगे उच्चागोया वेगे नीयागोया वेगे
कायमन्ता वेगे हस्समन्ता वेगे सुवण्णा वेगे दुवण्णा वेगे सुल्ला वेगे दुल्ला वेगे ।
तेसिं च णं खेत्तवत्थूणि परिग्गहियाणि भवन्ति, तं जहा अप्पयरो वा भुज्जयरो वा ।
तेसिं च णं जणजाणवयाइं परिग्गहियाइं भवन्ति, तं जहा अप्पयरा भुज्जयरा वा ।
तहप्पगारेहिं कुल्लेहिं आगम्मं अभिभूय एगे भिक्खायरियाए समुट्ठिया । सओ वा वि
एगे नायओ (अणायओ) य उवगरणं च विप्पजहाय भिक्खायरियाए समुट्ठिया ।
असओ वा वि एगे नायओ (अणायओ) य उवगरणं च विप्पजहाय भिक्खाय-
रियाए समुट्ठिया । [जे ते सओ वा असओ वा नायओ य अणायओ य उवगरणं
च विप्पजहाय भिक्खायरियाए समुट्ठिया] पुव्वमेवं तेहिं नायं भवइ । तं जहा-
इह खलु पुरिसं अन्नमन्नं ममद्वाए एवं विप्पडिवेदंति । तं जहा-खेत्तं मे वत्थू मे
हिरणं मे सुवण्णं मे धणं मे धन्नं मे कंसं मे दूंसं मे विपुलवणकणगरयणमणिमो-
तियसंखसिलपंपवालरत्तरयणसंतसारसावएयं मे । सद्दा मे रुवा मे गंधा मे रसा मे
फासा मे । एए खलु मे कामभोगा अहमवि एणसिं । से मेहावी पुव्वामेव अप्पणो
एवं समभिजाणेजा । तं जहा-इह खलु मम अन्नयरे दुक्खे रोगायकं समुप्पजेजा
अणिट्ठे अकंते अप्पिए असुमे अमणुज्जे अमणामे दुक्खे नो सुहे । से हंता भयंतारो
कामभोगाई मम अन्नयरे दुक्खं रोगायकं परियाइयहं अणिट्ठं अकंतं अप्पियं असुभं
अमणुज्जे अमणामं दुक्खं नो सुहं । ता अहं दुक्खामि वा सोयामि वा जूरामि वा
तिप्पामि वा पीडामि वा परितप्पामि वा इमाओ मे अन्नयराओ दुक्खाओ रोगायकाओ
पडिमोयह अणिट्ठाओ अकंताओ अप्पियाओ असुभाओ अमणुत्ताओ अमणामाओ
दुक्खाओ नो सुहाओ । एवमेव नो लद्धपुव्वं भवइ । इह खलु कामभोगा नो ताणाए
वा नो सरणाए वा । पुरिसे वा एगया पुव्वि कामभोगे विप्पजहइ, कामभोगा वा
एगया पुव्वि पुरिसं विप्पजहन्ति । अजे खलु कामभोगा अज्जो अहमंति । से किमंग
पुण चयं अन्नमेहिं कामभोगेहिं मुच्छामो । इति संखाए णं वयं च कामभोगेहिं
विप्पजहिस्तानो । से मेहावी जाणेजा बहिरात्तमेयं इणमेव उवणीययराणं । तं जहा-
माया मे पिया मे भाया मे भागिणी मे भज्जा मे पुत्ता मे धूया मे पेत्ता मे नत्ता मे
उत्ता मे दत्ता मे पिया मे सत्ता मे सयणसंगयसंयुया मे । एए खलु मम नायओ

अहमवि एएसिं । एवं से मेहावी पुब्बामेव अप्पणा एवं समभिजाणेज्जा । इह खलु मम अन्नयरे दुक्खे रोगायंके समुप्पजेज्जा अणिट्ठे जाव दुक्खे नो सुहे । से हंता भयंतारो नायओ इमं मम अन्नयरं दुक्खं रोगायंके परियाइयह अणिट्ठं जाव नो सुहं । ता अहं दुक्खामि वा सोयामि वा जाव परितप्पामि वा, इमाओ मे अन्नय-
राओ दुक्खाओ रोगायंकाओ परिमोएह अणिट्ठाओ जाव नो सुहाओ, एवमेव नो लद्धपुब्बं भवइ । तेसिं वा वि भयंताराणं मम नाययाणं अन्नयरे दुक्खे रोगायंके समुप्पजेज्जा अणिट्ठे जाव नो सुहे, से हंता अहमेएसिं भयंताराणं नाययाणं इमं अन्नयरं दुक्खं रोगायंके परियाइयामि अणिट्ठं जाव नो सुहे, मा मे दुक्खंतु वा जाव मा मे परितप्पंतु वा, इमाओ णं अन्नयराओ दुक्खाओ रोगायंकाओ परिमो-
एमि अणिट्ठाओ जाव नो सुहाओ, एवमेव नो लद्धपुब्बं भवइ । अन्नस्स दुक्खं अन्नो न परियाइयइ अन्नेण कडं अन्नो नो पडिस्वेदेइ पत्तेयं जायइ पत्तेयं मरइ पत्तेयं चयइ पत्तेयं उववज्जइ पत्तेयं झंझा पत्तेयं सन्ना पत्तेयं मन्ना एवं विन्नू वेयणा ।
इह खलु नाइसंजोगा नो ताणाए वा नो सरणाए वा । पुरिसे वा एगया पुर्व्वि नाइ-
संजोगे विप्पजहइ, नाइसंजोगा वा एगया पुर्व्वि पुरिसं विप्पजहन्ति, अन्ने खलु नाइसंजोगा अन्नो अहमंसि, से किमंग पुण वयं अन्नमन्नेहिं नाइसंजोगेहिं सुच्छामो, इति संखाए णं वयं नाइसंजोगं विप्पजहिस्सामो । से मेहावी जाणेज्जा बहिरज्जेयं, इणमेव उवणीययरागं । तं जहा-हत्था मे पाया मे वाहा मे उरु मे उयरं मे सीसं मे सीलं मे आऊ मे बलं मे वण्णो मे तया मे छाया मे सोयं मे चक्खू मे घाणं मे जिब्भा मे फासा मे ममाइज्जइ, वयाउ पडिजूरइ । तं जहा-आउओ बलाओ वण्णाओ तयाओ छायाओ सोयाओ जाव फासाओ । सुसंधिओ संधी विसंधीभवइ, वलियतरंगे गाए भवइ, किण्हा केसा पलिया भवन्ति । तं जहा-जं पि य इमं सरीरगं उरालं आहारोवइयं एयं पि य अणुपुव्वेणं विप्पजहियव्वं भविस्सइ । एयं संखाए से भिक्खू भिक्खायरियाए समुट्ठिए दुहओ लोगं जाणेज्जा, तं जहा-जीवा चेव अजीवा चेव, तसा चेव थावरा चेव ॥ १३ ॥ ६४८ ॥ इह खलु गारत्था सारम्भा सपरिग्गहा, संतेगइया समणा माहणा वि सारम्भा सपरिग्गहा, जे इमे तसा थावरा पाणा ते सयं समारभन्ति अन्नेण वि समारम्भावेति अन्नं पि समारभंतं समणुजाणन्ति । इह खलु गारत्था सारम्भा सपरिग्गहा, संतेगइया समणा माहणा वि सारम्भा सपरिग्गहा, जे इमे कामभोगा सचित्ता वा अचित्ता वा ते सयं परिगिण्हन्ति अन्नेण वि परिगिण्हावेन्ति अन्नं पि परिगिण्हंतं समणु-
णन्ति । इह खलु गारत्था सारम्भा सपरिग्गहा, संतेगइया समणा माहणा वि

सारम्भा सपरिग्गहा, अहं खलु अणारम्भे अपरिग्गहे, जे खलु गारत्था सारम्भा सपरिग्गहा, संतेगइया समणा माहणा वि सारम्भा सपरिग्गहा, एएसिं चेव निस्साए वम्मचेरवासं वसिस्सामो । कस्स णं तं हेउं ? जहा पुवं तहा अवरं जहा अवरं तहा पुवं, अज्जू एए अणुवरया अणुवट्ठिया पुणरवि तारिसगा चेव । जे खलु गारत्था सारम्भा सपरिग्गहा, संतेगइया समणा माहणा वि सारम्भा सपरिग्गहा, दुहओ पावाइं कुव्वंति इति संखाए दोहि वि अंतेहिं अदिस्समाणो इति भिक्खू रीएजा । से वेमि पाईणं वा ६ जाव एवं से परिजायकम्मे, एवं से ववेयकम्मे, एवं से विअंतकारए भवइ ति-मक्खायं ॥ १४ ॥ ६४९ ॥ तत्थ खलु भगवया छज्जीवनिकायहेऊ पन्नत्ता । तं जहा-पुढवीकाए जाव तसकाए । से जहानामए-मम असायं दण्डेण वा मुट्ठीण वा लेल्लण वा कवालेण वा आउट्टिजमाणस्स वा हम्ममाणस्स वा तज्जिजमाणस्स वा ताडिजमाणस्स वा परियाविजमाणस्स वा किलामिजमाणस्स वा उट्ठविजमाणस्स वा जाव लोमुक्खणणमायमवि हिंसाकारणं दुक्खं भयं पडिसंवेदेमि, इच्चैवं आण सव्वे जीवा सव्वे भूया सव्वे पाणा सव्वे सत्ता दण्डेण वा जाव कवालेण वा आउट्टिजमाणा वा हम्ममाणा वा तज्जिजमाणा वा ताडिजमाणा वा परियाविजमाणा वा किलामिजमाणा वा उट्ठविजमाणा वा जाव लोमुक्खणणमायमवि हिंसाकारणं दुक्खं भयं पडिसंवेदेंति । एवं नच्चा सव्वे पाणा जाव सत्ता न हंतव्वा न अज्जावेयव्वा न परिघेयव्वा न परितावेयव्वा न उट्ठवेयव्वा । से वेमि जे य अईया जे य पडुप्पन्ना जे य आगमिस्सा अरिहंता भगवंता सव्वे ते एवमाइक्खंति एवं भासंति एवं पन्नवेंति एवं पल्लवेंति सव्वे पाणा जाव सत्ता न हंतव्वा न परिघेयव्वा न अज्जावेयव्वा न परितावेयव्वा न उट्ठवेयव्वा । एस धम्मे धुवे नीइए सासए समिच्च लोगं खेयन्नेहिं पवेइए । एवं से भिक्खू विरए पाणाइवायाओ जाव विरए परिग्गहाओ नो दंतपक्खालणेणं दंते पक्खालेज्जा नो अज्जणं नो वमणं नो धूवणे नो तं परिव्यावि-एजा ॥ से भिक्खू अकिरिए अल्लसए अकोहे अमाणे अमाए अलोहे उवसंते परि-निव्वुडे नो आसंसं पुरओ करेज्जा इमेण मे दिट्ठेण वा सुएण वा मएण वा विन्नाएण वा इमेण वा सुचरियतवनियमवम्मचेरवासेण इमेण वा जायामायावुत्तिएणं धम्मेणं इओ चुए पेच्चा देवे सिया कामभोगाण वसवत्ती तिद्धे वा अदुक्कमसुभे एत्थ वि सिया एत्थ वि नो सिया । से भिक्खू सदेहिं अमुच्छिए रुवेहिं अमुच्छिए गंधेहिं अमुच्छिए रसेहिं अमुच्छिए फासेहिं अमुच्छिए विरए कोहाओ माणाओ मायाओ लोभाओ पेजाओ दोसाओ कलहाओ अब्भक्खाणाओ पेत्तुन्नाओ परपरिवाराणो

अरइरईओं मायासोसाओ मिच्छादंसणसत्ताओ इति से महओ आयाणाओ उवसंते उवट्टिए पडिविरए से भिक्खू । जे इमे तसथावरा पाणा भवन्ति ते नो सयं संमारम्भइ नो वनेहिं समारम्भावेइ अन्ने संमारम्भंते वि न समणुजाणइ इति से महओ आयाणाओ उवसंते उवट्टिए पडिविरए से भिक्खू जे इमे कामभोगा सच्चित्ता वा अचित्ता वा ते णो सयं परिगिण्हन्ति णो अण्णेणं परिगिण्हवन्ति अन्नं परिगिण्हन्तं पि न समणुजाणन्ति इति से महओ आयाणाओ उवसंते उवट्टिए पडिविरओ से भिक्खू । जे पि य इमं संपराइयं कम्मं किज्जइ, नो तं सयं करेइ नो अन्नाणं कारवेइ अन्नं पि करेत्तं न समणुजाणइ, इति से महओ आयाणाओ उवसंते उवट्टिए पडिविरए । से भिक्खू जाणेज्जा असणं वा ४ अस्सि पडियाए एणं साहम्मियं समुद्दिस्स पाणाइं भूयाइं जीवाइं सत्ताइं समारम्भ समुद्दिस्सं कीयं पामिच्चं अच्छिज्जं अनिसट्ठं अभिहडं आहट्ठुद्देसियं तं चेइयं सिया तं नो सयं भुज्जइ नो अन्नेणं भुज्जावेइ अन्नं पि भुज्जन्तं न समणुजाणइ, इति से महओ आयाणाओ उवसंते उवट्टिए पडिविरए से भिक्खू अह पुण एवं जाणेज्जा तं विज्जइ तेसिं परक्कमे । (जस्सट्ठा ते वेइयं सिया तंजहा अप्पणो पुत्ताइणट्ठाए जाव आएसाए पुढो पहेणाए सामासाए पायरासाए संनिहिसं निचओ किज्जइ इह एएसि माणवाणं भोयणाए) तत्थ भिक्खू परकडं परनिट्ठियमुग्गमुप्पायणेसणाखुद्धं सत्थाइयं सत्यपरिणामियं अविहिसियं एसियं वेसियं सामुदाणियं पत्तमसणं कारणट्ठा पमाणजुत्तं अक्खोवज्जणवणलेवणभूयं संजमजायामायावत्तियं विलमिव पन्नगभूएणं अप्पाणेणं आहारं आहारेज्जा अन्नं अन्नकाले पाणं पाणकाले वत्थं वत्थकाले लेणं लेणकाले सयणं सयणकाले । से भिक्खू मायन्ने अन्नयरं दिसं अणुंदिसं वा पडिवन्ने धम्मं आइक्खे विभए किट्ठे उवट्टिएसु वा अणुवट्टिएसु वा चुस्सूसमाणेसु पवेयए, संतिविरइ उवसमं निव्वाणं सोयवियं अज्जवियं महवियं लाघवियं अणइवाइयं सव्वेसिं पाणाणं सव्वेसिं भूयाणं जाव सत्ताणं अणुवाइं किट्ठए धम्मं । से भिक्खू धम्मं किट्ठमाणे नो अन्नस्स हेउं धम्ममाइक्खेज्जा, नो पाणस्स हेउं धम्ममाइक्खेज्जा, नो वत्थस्स हेउं धम्ममाइक्खेज्जा, नो लेणस्स हेउं धम्ममाइक्खेज्जा, नो सयणस्स हेउं धम्ममाइक्खेज्जा, नो अन्नेसिं विरुक्खवाणं कामभोगाणं हेउं धम्ममाइक्खेज्जा, अगिलाए धम्ममाइक्खेज्जा, नन्नत्थ कम्मनिज्जरट्ठाए धम्ममाइक्खेज्जा । इह खलुं तस्स भिक्खुस्स अंतिए धम्मं सोच्चा निसम्म उट्ठाणेणं उट्ठाय वीरा अस्सिं धम्मं समुट्ठिया । जे तस्स भिक्खुस्स अंतिए धम्मं सोच्चा निसम्म सम्मं उट्ठाणेणं उट्ठाय वीरा अस्सिं धम्मं समुट्ठिया ते एवं सव्वोवगया ते एवं सव्वोवरया ते एवं सव्वोवसंता ते एवं सव्वत्ताए परिणिच्चुडे ति वेमिं । एवं

से भिक्खु धम्मट्ठी धम्मविऊ नियागपडिज्जे से जहेयं बुद्धं अदुवा पत्ते पउमवर-
पोण्डरीयं अदुवा अपत्ते पउमवरपोण्डरीयं, एवं से भिक्खु परिजायकम्मे परिजाय
संगे परिजायगेहवासे उवसंते समिए सहिए सयाजए । सेयं वयणिज्जे तं जहा—
समणे त्ति वा माहणे त्ति वा खंते त्ति वा दंते त्ति वा गुत्ते त्ति वा गुत्ते त्ति वा
इत्ति त्ति वा मुणि त्ति वा कइ त्ति वा विउ त्ति वा भिक्खु त्ति वा लूहे त्ति वा तीरट्ठि
त्ति वा चरणकरणपारविउ त्ति वेमि ॥ १५ ॥ ६५० ॥ पोण्डरियज्झयणं
पढमं समत्तं ॥

किरियाठाणज्झयणे विइये

सुयं मे आउसं ! तेणं भगवया एवमक्खायं । इह खलु किरियाठाणे नामज्झयणे
पज्जते, तस्स णं अयमट्ठे । इह खलु संज्जहेणं दुवे ठाणे एवमाहिज्जंति । तं जहा ।
धम्मे चेव अधम्मे चेव उवसंते चेव अणुवसंते चेव । तत्थ णं जे से पढमस्स
ठाणस्स अहम्मपक्खस्स विभङ्गे तस्स णं अयमट्ठे पज्जते । इह खलु पाईणं वा ६
संतेगइया मणुस्सा भवंति । तं जहा—आरिया वेगे अणारिया वेगे उच्चागोया वेगे
नीयागोया वेगे कायमंता वेगे हस्समंता वेगे सुवण्णा वेगे दुवण्णा वेगे सुरुवा
वेगे दुरुवा वेगे । तेसिं च णं इमं एयारुवं दण्डसमादाणं संपेहाए । तं जहा—नेरइ-
एसु वा तिरिक्खजोणिएसु वा मणुस्सेसु वा देवेषु वा जे यावन्ने तहप्पगारा पाणा
विबू वेयणं वेयंति ॥ तेसिं पि य णं इमाइं तेरस्स किरियाठाणाइं भवंतीतिमक्खायं ।
तं जहा—अट्ठादण्डे १, अणट्ठादण्डे २, हिंसादण्डे ३, अकम्हादण्डे ४, दिट्ठिविपरि-
यासियादण्डे ५, भोसवत्तिए ६, अदिजादाणवत्तिए ७, अज्झत्थवत्तिए ८, माणवत्तिए
९, मित्तदोसंवत्तिए १०, मायावत्तिए ११, लोभवत्तिए १२, इरियावहिए १३
॥ १॥ ६५१ ॥ पढमे दण्डसमादाणे अट्ठादण्डवत्तिए त्ति आहिज्जइ । से जहानामए—केइ
पुरिसे आयहेउं वा नाइहेउं वा अगारहेउं वा परिवारहेउं वा मित्तहेउं वा नागहेउं
चा भूयहेउं वा जक्खहेउं वा तं दण्डं तसथावरेहिं पाणेहिं सयमेव निसिरइ अन्नेण
वि निसिरावेइ अन्नं पि निसिरंतं समणुयाणइ, एवं खलु तस्स तप्पत्तियं सावज्जं त्ति
आहिज्जइ । पढमे दण्डसमादाणे अट्ठादण्डवत्तिए त्ति आहिए ॥ २ ॥ ६५२ ॥
अहावरे दोच्चे दण्डसमादाणे अणट्ठादण्डवत्तिए त्ति आहिज्जइ । से जहानामए—
केइ पुरिसे जे इमे तसा पाणा भवंति ते नो अच्चाए नो अजिणाए नो मंसाए नो
सोणियाए एवं हिययाए पिताए वसाए पिच्छाए पुच्छाए बालाए सिंगाए विसाणाए
१० सुत्ता०

दंताए दाढाए नहाए प्हाणिए अट्टीए अट्टिमज्जाए नो हिंसिंखु मे त्ति नो हिंसंति मे त्ति नो हिंस्सिंति मे त्ति नो पुत्तपोसणाए नो पसुपोसणाए नो अगारपरिवूहणयाए नो समणमाहणवत्तणाहेउं नो तस्स सरीरगस्स किंचि विप्परियाइत्ता भवंति । से हंता छेत्ता भेत्ता लुम्पइत्ता विलुम्पइत्ता उद्दवइत्ता उज्झिउं वाले वेरस्स आभागी भवइ अणट्ठादण्डे । से जहानामए केइ पुरिसे जे इमे थावरा पाणा भवंति । तं जहा-इक्कडा इ वा कडिणा इ वा जंतुगा इ वा परगा इ वा मोक्खा इ वा तणा इ वा कुसा इ वा कुच्छगा इ वा पव्वगा इ वा पलाला इ वा, ते नो पुत्तपोसणाए नो पसुपोसणाए नो अगारपरिवूहणयाए नो समणमाहणपोसणयाए नो तस्स सरीरगस्स किंचि विपरियाइत्ता भवंति । से हंता छेत्ता भेत्ता लुम्पइत्ता विलुम्पइत्ता उद्दवइत्ता उज्झिउं वाले वेरस्स आभागी भवइ अणट्ठादण्डे ॥ से जहानामए केइ पुरिसे कच्छंसि वा दहंसि वा उदगंसि वा दवियंसि वा वलयंसि वा नूमंसि वा गहगंसि वा गहणविदुगंसि वा वणंसि वा वणविदुगंसि वा पव्वयंसि वा पव्वयविदुगंसि वा तणाइं ऊसविय ऊसविय सयमेव अगणिकायं नितिरइ अन्नेण वि अगणिकायं नितिरावेइ अन्नं पि अगणिकायं नितिरंतं समणुजाणइ अणट्ठादण्डे । एवं खलु तस्स तप्पत्तिर्यं सावजं ति आहिजइ । दोच्चे दण्डसमादाणे अणट्ठादण्डवत्तिए त्ति आहिए ॥ ३ ॥ ६५३ ॥ अहावरे तच्चे दण्डसमादाणे हिंसादण्डवत्तिए त्ति आहिजइ । से जहानामए-केइ पुरिसे ममं वा ममि वा अन्नं वा अन्नं वा हिंसिंखु वा हिंसइ वा हिंसिस्सइ वा तं दण्डं तसथावरेहिं पाणेहिं सयमेव नितिरइ अन्नेण वि नितिरावेइ अन्नं पि नितिरंतं समणुजाणइ हिंसादण्डे, एवं खलु तस्स तप्पत्तिर्यं सावजं ति आहिजइ । तच्चे दण्डसमादाणे हिंसादण्डवत्तिए त्ति आहिए ॥ ४ ॥ ६५४ ॥ अहावरे चउत्थे दण्डसमादाणे अकम्हादण्डवत्तिए त्ति आहिजइ । से जहानामए-केइ पुरिसे कच्छंसि वा जाव वणविदुगंसि वा मियवत्तिए मियसंकप्पे मियपणिहाणे मियवहाए गंता एए मिय त्ति काउं अन्नयरस्स मियस्स बहाए उसुं आयामेत्ता णं नितिरेज्जा, स मियं वहिस्सामि त्ति कट्ठु तित्तिरं वा वट्ठं वा चडगं वा लावगं वा कवोयगं वा कविं वा कविजलं वा विधित्ता भवइ, इह खलु से अन्नस्स अट्ठाए अन्नं फुसइ अकम्हादण्डे । से जहानामए केइ पुरिसे सालीणि वा वीहीणि वा कोदवाणि वा कंगूणि वा परगाणि वा रालाणि वा निलिज्जमाणे अन्नयरस्स तणस्स बहाए सत्यं नितिरेज्जा, से सामगं तणगं कुमुदुगं वीहीऊसियं कळेयुयं तणं छिन्दिस्सामि त्ति कट्ठु सालिं वा वीहिं वा कोद्वं वा कंयुं वा परगं वा रालयं वा छिन्दिता भवइ । इति खलु से अन्नस्स अट्ठाए अन्नं फुसइ अकम्हादण्डे । एवं खलु तस्स तप्पत्तिर्यं

सावजं आहिज्जइ । चउत्थे दण्डसमादाणे अकम्हादण्डवत्तिए आहिए ॥५॥६५५॥
 अहावरे पयमे दण्डसमादाणे दिट्ठिविपरियासियादण्डवत्तिए त्ति आहिज्जइ । से
 जहानामए-केइ पुरिसे माईहिं वा पिईहिं वा भाईहिं वा भग्गिणीहिं वा भज्जाहिं वा
 पुत्तेहिं वा धूयाहिं वा सुण्हाहिं वा सद्धिं संवसमाणे भित्तं अभित्तमेव मज्जमाणे भित्ते
 हयपुण्वे भवइ दिट्ठिविपरियासियादण्डे । से जहानामए-केइ पुरिसे गामघायंसि वा
 नगरघायंसि वा खेडघायंसि कच्चडघायंसि मडंबघायंसि वा दोणमुहघायंसि वा
 पट्टणघायंसि वा आसमघायंसि वा संनिवेसघायंसि वा निग्गमघायंसि वा रायहाणि-
 घायंसि वा अतेणं तेणमिति मज्जमाणे अतेणे हयपुण्वे भवइ दिट्ठिविपरियासियादण्डे ।
 एवं खलु तस्स तप्पत्तियं सावजं त्ति आहिज्जइ । पयमे दण्डसमादाणे दिट्ठिविपरि-
 यासियादण्डवत्तिए त्ति आहिए ॥ ६ ॥ ६५६ ॥ अहावरे छट्ठे किरियट्ठाणे मोसावत्तिए
 त्ति आहिज्जइ । से जहानामए-केइ पुरिसे आयहेउं वा नाइहेउं वा अगारहेउं वा
 परिवारहेउं वा सयमेव मुसं वयइ अण्णेण वि मुसं वाएइ मुसं वयन्तं पि अन्नं समणु-
 जाणइ, एवं खलु तस्स तप्पत्तियं सावजं त्ति आहिज्जइ । छट्ठे किरियट्ठाणे मोसावत्तिए
 त्ति आहिए ॥७॥६५७॥ अहावरे सत्तमे किरियट्ठाणे अदिच्चादाणवत्तिए त्ति आहिज्जइ ।
 से जहानामए-केइ पुरिसे आयहेउं वा जाव परिवारहेउं वा सयमेव अदिन्नं आदियइ
 अन्नेणं वि अदिन्नं आदियावेइ अदिन्नं आदियन्तं अन्नं समणुजाणइ, एवं खलु तस्स
 तप्पत्तियं सावजं त्ति आहिज्जइ । सत्तमे किरियट्ठाणे अदिच्चादाणवत्तिए त्ति आहिए
 ॥८॥६५८॥ अहावरे अट्ठमे किरियट्ठाणे अज्झत्थवत्तिए त्ति आहिज्जइ । से जहानामए-
 केइ पुरिसे नत्थि णं केइ किंवि विसंवादेइ सयमेव हीणे दीणे दुट्ठे दुम्मणे ओहयमण-
 संकप्पे चिन्तासोगसागरसंपविट्ठे करयलपल्हत्थमुहे अट्ठज्झाणोवगए भूमिगयदिट्ठिए
 झियाइ, तस्स णं अज्झत्थया आसंसइया चत्तारि ठाणा एवमाहिज्जन्ति । तं जहा-
 कोहे माणे माया लोहे । अज्झत्थमेव कोहमाणमायालोहे । एवं खलु तस्स तप्प-
 त्तियं सावजं त्ति आहिज्जइ । अट्ठमे किरियट्ठाणे अज्झत्थवत्तिए त्ति आहिए ॥९॥६५९॥
 अहावरे नवमे किरियट्ठाणे माणवत्तिए त्ति आहिज्जइ । से जहानामए-केइ पुरिसे
 जाइमएण वा कुलमएण वा वलमएण वा रूवमएण वा तवमएण वा सुयमएण वा
 लाभमएण वा इस्सरियमएण वा पञ्चामएण वा अन्नयरेण वा मयट्ठाणेणं मत्ते समाणे
 परं हीलेइ निन्देइ खिसइ गरहइ परिभवइ अवमज्जेइ, इत्तरिए अयं, अहमंसि पुण
 विसिद्धजाइकुलवलाइगुणोववेए । एवं अप्पाणं समुक्कसे, देहच्चुए कम्मविइए अवसे
 पयाइ । तं जहा-गब्भाओ गब्भं ४ जम्माओ जम्मं माराओ मारं नरगाओ नरगं
 चण्डे थद्धे चवले माणी यावि भवइ । एवं खलु तस्स तप्पत्तियं सावजं

अज्जोववन्ता जाव वासाइं चउपयमाइं छद्दसमाइं अप्पयरो वा भुजयरो वा भुजित्तु
भोगभोगाइं कालमासे कालं किचा अन्नयरेसु आसुरिएसु किच्चिसिएसु ठाणेषु उव-
वत्तारो भवन्ति । तओ विप्पमुचमाणे भुजो भुजो एलमूयत्ताए तमूयत्ताए जाइमूय-
त्ताए पचायन्ति । एवं खलु तस्स तप्पत्तियं सावज्जं ति आहिज्जइ । दुवालसमे
किरियट्ठाणे लोभवत्तिए ति आहिए । इच्चेयाइं दुवालस किरियट्ठाणाइं दविण्णं
समणेण वा माहणेण वा सम्मं सुपरिजाणियव्वाइं भवन्ति ॥ १३ ॥ ६६३ ॥
अहावरे तेरसमे किरियट्ठाणे इरियावहिए ति आहिज्जइ । इह खलु अत्तत्ताए
संवुडस्स अणगारस्स इरियासमियस्स भासासमियस्स एसणासमियस्स आयाणभण्ड-
मतनिक्खेवणासमियस्स उच्चारपासवणखेलसिंघाणजल्लपारिट्ठावणियासमियस्स मणस-
मियस्स वयसमियस्स कायसमियस्स मणगुत्तस्स वयगुत्तस्स कायगुत्तस्स गुत्तिन्दि-
यस्स गुत्तवम्भयारिस्स आउत्तं चिट्ठमाणस्स आउत्तं निसीयमाणस्स आउत्तं तुयट्ठमा-
णस्स आउत्तं भुजमाणस्स आउत्तं गच्छमाणस्स आउत्तं भासमाणस्स आउत्तं वत्थं
पडिग्गहं कम्बलं पायपुञ्छं गिण्हमाणस्स वा निक्खिखमाणस्स वा जाव चक्खु-
पम्हनिवायमवि अत्थि विमाया सुहुमा किरिया इरियावहिंया नाम कज्जइ । सा पढ-
मसमए वद्धा पुट्ठा विइयसमए वेइया तइयसमए निज्जिण्णा सा वद्धा पुट्ठा उदीरिया
वेइया निज्जिण्णा सेयकाले अकम्मे यावि भवइ । एवं खलु तस्स तप्पत्तियं सावज्जं
ति आहिज्जइ, तेरसमे किरियट्ठाणे इरियावहिए ति आहिज्जइ । से वेमि जे य अईया
जे य पडुप्पन्ता जे य आगमिस्सा अरिहन्ता भगवन्ता सव्वे ते एयाइं चेव तेरस
किरियट्ठाणाइं भासिंसु वा भासेन्ति वा भासिस्सन्ति वा पन्नविंसु वा पन्नवेन्ति वा
पन्नविस्सन्ति वा, एवं चेव तेरसमं किरियट्ठाणं सेविंसु वा सेवन्ति वा सेविस्सन्ति
वा ॥ १४ ॥ ६६४ ॥ अदुत्तरं च णं पुरिसविजयं विभङ्गमाइक्खिस्सामि । इह खलु
नाणापन्नाणं नाणाछन्दाणं नाणांसीलाणं नाणादिट्ठीणं नाणारुईणं नाणारम्भाणं
नाणाज्झवसाणसंजुत्ताणं नाणाविहपावसुयज्झयणं एवं भवइ । तं जहा-भोमं उप्पायं
सुविणं अन्तलिक्खं अङ्गं सूरं लक्खणं वज्जणं इत्थिलक्खणं पुरिसलक्खणं हयलक्खणं
गयलक्खणं गोणलक्खणं मेण्डलक्खणं कुक्कुडलक्खणं तित्तिरलक्खणं वट्ठगलक्खणं
लावयलक्खणं चकलक्खणं छत्तलक्खणं चम्मलक्खणं दण्डलक्खणं असिलक्खणं
मणिलक्खणं कागिणिलक्खणं सुभगाकरं दुब्भगाकरं गम्भाकरं मोहणकरं आहव्वणिं
पागसासणिं दव्वहोमं खत्तियविज्जं चन्दचारियं सूरचारियं सुक्कचारियं बहस्सइचारियं
उक्कापायं दिसादाहं मियचक्कं वायसपरिमण्डलं पंसुवुट्ठिं केसवुट्ठिं संसवुट्ठिं रहिरवुट्ठिं
वेयालिं अद्धवेयालिं ओसोवणिं तालुग्घाडणिं सोवाणिं सोवारिं दामिलिं कालिङ्गिं

गोवालभावं पडिसंधाय तमेव गोवालं वा परिजयिष्य परिजयिष्य हन्ता जाय उव-
क्खाइत्ता भवइ । से एगइओ सोवणियभावं पडिसंधाय तमेव गुणं वा अन्नयरं
वा तसं पाणं हन्ता जाव उवक्खाइत्ता भवइ । से एगइओ सोवणियन्तिगभावं
पडिसंधाय तमेव मणुस्सं वा अन्नयरं वा तसं पाणं हन्ता जाव आहारं आहारइ
इति से महया पावेहिं कम्मोहिं अत्ताणं उवक्खाइत्ता भवइ ॥ १६ ॥ ६६६ ॥
से एगइओ परिसामज्झाओ उट्ठिता अहमेयं हणामि ति कट्ठु तित्तिरं वा यट्ठं वा
लावगं वा कवोयगं वा कविजलं वा अन्नयरं वा तसं वा पाणं हन्ता जाव उवक्खा-
इत्ता भवइ । से एगइओ केणइ आयाणेणं विरुद्धे समाणे अदुवा खलदाणेणं अदुवा
सुराथालएणं गाहावईणं वा गाहावइपुत्ताणं वा सयमेव अगणिकाएणं सस्साइं झामेइ
अन्नेण वि अगणिकाएणं सस्साइं झामावेइ अगणिकाएणं सस्साइं झामन्तं पि अन्नं
समणुजाणइ, इति से महया पावकम्मोहिं अत्ताणं उवक्खाइत्ता भवइ । से एगइओ
केणइ आयाणेणं विरुद्धे समाणे अदुवा खलदाणेणं अदुवा सुराथालएणं गाहावईणं वा
गाहावइपुत्ताणं वा उट्ठाणं वा गोणाणं वा घोडगाणं वा गद्दमाणं वा सयमेव घूराओ
कप्पेइ अन्नेण वि कप्पावेइ कप्पन्तं पि अन्नं समणुजाणइ, इति से महया जाव
भवइ । से एगइओ केणइ आयाणेणं विरुद्धे समाणे अदुवा खलदाणेणं अदुवा सुरा-
थालएणं गाहावईणं वा गाहावइपुत्ताणं वा उट्ठसालाओ वा गोणसालाओ वा घोड-
गसालाओ वा गद्दमसालाओ वा कण्टकवोदियाए पडिपेहिता सयमेव अगणिकाएणं
झामेइ अन्नेण वि झामावेइ झामन्तं पि अन्नं समणुजाणइ, इति से महया जाव
भवइ । से एगइओ केणइ आयाणेणं विरुद्धे समाणे अदुवा खलदाणेणं अदुवा सुरा-
थालएणं गाहावईणं वा गाहावइपुत्ताणं वा कुण्डलं वा मणिं वा मोत्तियं वा सयमेव
अवहरइ अन्नेण वि अवहरावेइ अवहरन्तं पि अन्नं समणुजाणइ इति से महया जाव
भवइ ॥ से एगइओ केणइ वि आयाणेणं विरुद्धे समाणे अदुवा खलदाणेणं अदुवा
सुराथालएणं समणाणं वा माहणाणं वा छत्तगं वा दण्डगं वा भण्डगं वा मत्तगं वा
लट्ठिं वा भिसिगं वा जेलगं वा चिलिमिलिगं वा चम्मयं वा छेयणगं वा चम्मको-
सियं वा सयमेव अवहरइ जाव समणुजाणइ, इति से महया जाव उवक्खाइत्ता
भवइ ॥ से एगइओ नो वित्तिगिच्छइ । तं जहा-गाहावईणं वा गाहावइपुत्ताणं वा
सयमेव अगणिकाएणं ओसहीओ झामेइ जाव अन्नं पि झामन्तं समणुजाणइ, इति
से महया जाव उवक्खाइत्ता भवइ । से एगइओ नो वित्तिगिच्छइ, तं जहा-गाहा-
वईणं वा गाहावइपुत्ताणं वा उट्ठाणं वा गोणाणं वा घोडगाणं वा गद्दमाणं वा सय-
मेव घूराओ कप्पेइ अन्नेण वि कप्पावेइ अन्नं पि कप्पन्तं समणुजाणइ । से एगइओ

गिज्जन्ति । एस ठाणे अणारिए अकेवले अप्पडिपुण्णे अणेयाउए असंसुदे असाह-
 गत्तणे अतिद्धिमग्गे अमुत्तिमग्गे अनिब्बाणमग्गे अनिब्बाणमग्गे असव्वदुक्खपहीण-
 मग्गे एगन्तमिच्छे असाहु । एस खलु पढमस्स ठाणस्स अधम्मपक्खस्स विभङ्गे एव-
 माहिज्जइ ॥ १७ ॥ ६६७ ॥ अहावरे दोचस्स ठाणस्स धम्मपक्खस्स विभङ्गे एव-
 माहिज्जइ । इह खलु पाईणं वा पडीणं वा उदीणं वा दाहिणं वा सन्तेगइया मणुस्सा
 भवन्ति । तं जहा-आरिया वेगे अणारिया वेगे उच्चागोया वेगे नीयागोया वेगे काय-
 मन्ता वेगे हस्समन्ता वेगे सुवण्णा वेगे दुवण्णा वेगे सुह्वा वेगे दुरुवा वेगे । तेसिं
 च णं खेत्तवत्थूणि परिग्गहियाई भवन्ति, एसो आलावगो जहा पोण्डरीए तहा
 नेयव्वो, तेणेव अभिलावेण जाव सव्वोवसन्ता सव्वत्ताए परिनिब्बुडे त्ति वेमि ॥ एस
 ठाणे आरिए केवले जाव सव्वदुक्खपहीणमग्गे एगन्तसम्मि साहु । दोचस्स ठाणस्स
 धम्मपक्खस्स विभङ्गे एवमाहिज्जइ ॥ १८ ॥ ६६८ ॥ अहावरे तच्चस्स ठाणस्स मिस्सगस्स
 विभङ्गे एवमाहिज्जइ । जे इमे भवन्ति आरणिंया आवसहिया गामणिंयन्तिया
 कण्हुईरहस्सिया जाव ते तओ विप्पमुच्चमाणा भुज्जो एलमूयाए तमूयत्ताए पच्चा-
 यन्ति । एस ठाणे अणारिए अकेवले जाव असव्वदुक्खपहीणमग्गे एगन्तमिच्छे
 असाहु । एस खलु तच्चस्स ठाणस्स मिस्सगस्स विभङ्गे एवमाहिज्जइ ॥ १९ ॥ ६६९ ॥
 अहावरे पढमस्स ठाणस्स अधम्मपक्खस्स विभङ्गे एवमाहिज्जइ । इह खलु
 पाईणं वा ४ सन्तेगइया मणुस्सा भवन्ति-गिहत्था महिच्छा महारम्भा महापरि-
 ग्गहा अधम्मिया अधम्माणुया अधम्मिद्धा अधम्मक्खाई अधम्मपायजीविगो अध-
 म्मपलोई अधम्मपलज्जणा अधम्मसीलसमुदायारा अधम्मणेणं चेव वित्तिं कप्पेमाणा
 विहरन्ति । हण छिन्द भिन्द विगत्तगा लोहियपाणी चण्डा रुद्धा खुद्धा साहस्सिया
 उक्कुञ्चणवच्चणमायानियडिक्कडकवडसाइसंपओगवहुला दुस्सीला दुव्वया दुप्पडिया-
 णन्दा असाहु सव्वाओ पाणाइवायाओ अप्पडिविरया जावजीवाए जाव सव्वाओ
 परिग्गहाओ अप्पडिविरया जावजीवाए सव्वाओ कोहाओ जाव मिच्छादंसणसल्लाओ
 अप्पडिविरया, सव्वाओ ण्हाणम्महणवण्णगन्धविलेवणसद्दफरिसरसुव्वगन्धमल्ला-
 लंकाराओ अप्पडिविरया जावजीवाए सव्वाओ सगडरहजागजुग्गगिल्लिथिल्लिसिया-
 संदमाणियासयणासणजाणवाहणभोगंभोयणपवित्थरविहीओ अप्पडिविरया जावजी-
 वाए सव्वाओ कयविक्रयमासदमासरुव्वगसंव्वहाराओ अप्पडिविरया, जावजीवाए,
 सव्वाओ हिरण्णसुव्वणधणधन्नमणिमोत्तियसंखसिलप्पवालाओ अप्पडिविरया जाव-
 जीवाए सव्वाओ कूडतुलकूडमाणाओ अप्पडिविरया जावजीवाए सव्वाओ आरम्भ-
 समारम्भाओ अप्पडिविरया जावजीवाए सव्वाओ करणकारावणाओ अप्पडिविरया

कालं किञ्चा धरणियलभइवइत्ता अहे नरगयलपइत्ताणे भवइ ॥ २० ॥ ६७० ॥ ते णं
 नरगा अन्तो वइत्ता वार्हि चउरंसा अहे सुरप्पसंठाणसंठिया निगन्धकारतमसा
 ववगयगहचन्दसूरनक्खत्तजोइसप्पहा मेदवसामंसरुहरिपूयपडलचिक्खिवालिता-
 णुलेवणयला असुइ वीसा परमदुब्बिभगन्धा कण्हा अगणिवण्णाभा कक्खलफारा
 दुरहियासा असुभा नरगा असुभा नरएसु वेयणाओ ॥ नो चेव नरएसु नेरइया
 निहायन्ति वा पयलायन्ति वा सुइ वा रइं वा धिइं वा मइं वा उवलभन्ते । ते णं
 तत्थ उज्जलं विउलं पगाढं कडुर्यं कक्खं चण्डं दुक्खं दुग्गं तिक्खं दुरहियासं नेरइया
 वेयणं पच्चणुभवमाणा विहरन्ति ॥ २१ ॥ ६७१ ॥ से जहानामए रुक्खे सिया
 पव्वयग्गे जाए मूले छिन्ने अग्गे गरुए जओ निणं जओ विसमं जओ दुग्गं तओ
 पवडइ, एवमेव तहप्पगारे पुरिसजाए गम्भाओ गम्भं जम्माओ जम्मं माराओ
 मारं नरगाओ नरगं दुक्खाओ दुक्खं दाहिणगामिए नेरइए कण्हपक्खिए आग-
 मिस्साणं दुल्लहवोहिए यावि भवइ । एस ठाणे अणारिए अकेवले जाव असव्वदुक्ख-
 पहीणमग्गे एगन्तमिच्छे असाहू । पढमस्स ठाणस्स अधम्मपक्खस्स विभङ्गे एव-
 माहिए ॥ २२ ॥ ६७२ ॥ अहावरे दोचस्स ठाणस्स धम्मपक्खस्स विभङ्गे एव-
 माहिजइ । इह खलु प्राईणं वा ४ सन्तेगइया मणुस्सा भवन्ति । तं जहा-अणारम्भा
 अपरिगहा धम्मिया धम्माणगा धम्मिद्धा जाव धम्मेणं चेव वित्तिं कप्पेमाणा
 विहरन्ति, सुसीला सुव्वया सुप्पडियाणन्दा सुसाहू सव्वाओ पाणाइवायाओ पडि-
 विरया जावजीवाए जाव जे यावन्ने तहप्पगारा सावज्जा अवोहिया कम्मन्ता
 परपाणपरियावणकरां कज्जन्ति तओ वि पडिविरया जावजीवाए ॥ से जहानामए-
 अणगारा भगवन्तो इरियासमिया भासासमिया एसणासमिया आयाणभण्डमत्त-
 निक्खेवणसमिया उच्चारपासवणखेलसिंघाणजल्लपरिट्ठावणियासमिया मणसमिया वय-
 समिया कायसमिया मणगुत्ता वयगुत्ता कायगुत्ता गुत्ता गुत्तिन्दिया गुत्तवम्भयारी
 अकोहा अमाणा अमाया अलोभा सन्ता पसन्ता उवसन्ता परिनिव्वुडा अणासवा
 अगगन्था छिन्नसोया निस्खलेवा कंसपाइ व्व मुक्तोया संखो इव निरज्जणा जीव इव
 अपडिहयगई गगणतलं पिव निरालम्बणा वाउरिव अपडिक्खद्धा सारदसलिलं व
 सुद्धहियया पुक्खरपत्तं व निस्खलेवा कुम्भो इव गुत्तिन्दिया विहग इव विप्पमुक्का
 खरिगविसाणं व एगजाया भारुण्डपक्खी व अप्पमत्ता कुञ्जरो इव सोण्डीरा वसभो
 इव जायत्थामा सीहो इव दुद्धरिसा मन्दरो इव अप्पकम्पा सागरो इव गम्भीरा
 चन्दो इव सोमलेसा सूरु इव दित्ततेया जच्चक्खणगं व जायख्वा वसुंधरा इव
 सव्वफासविसंहा सुहुयहुयासणो विय तेयसा जलन्ता । नत्थि णं तेसिं भगवन्ताणं

पवरमल्लणुलेवणधरा भासुरवोदी पलम्बवणमालाधरा दिव्वेणं रूवेणं दिव्वेणं वण्णेणं
 दिव्वेणं गन्धेणं दिव्वेणं फासेणं दिव्वेणं संघाएणं दिव्वेणं संठाणेणं दिव्वाए इत्थीए
 दिव्वाए जुईए दिव्वाए पभाए दिव्वाए छायाए दिव्वाए अब्बाए दिव्वेणं तेएणं
 दिव्वाए छेसाए दस दिसाओ उज्जोवेमाणां पभासेमाणा गइक्कणा ठिइक्कणा
 आगमेत्तिभइया यावि भवन्ति । एस ठाणे आरिए जाव सव्वदुक्खपहीणमग्गे एग-
 न्तसम्मे सुसाहू । दोच्चस्स ठाणस्स धम्मपक्खस्स विभङ्गे एवमाहिए ॥ २३ ॥ ६७३ ॥
 अहावरे तच्चस्स ठाणस्स मीसगस्सविभङ्गे एवमाहिज्जइ । इह खलु पाईणं वा ४
 सन्तेगइया मणुस्सा भवन्ति । तं जहा-अप्पिच्छा अप्पारम्भा अप्पपरिगहा
 धम्मिया धम्माणुया जाव धम्मेणं चेव वित्तिं कप्पेमाणा विहरन्ति सुसीला सुवया
 सुप्पडियाणन्दा साहू एगच्चाओ पाणाइवायाओ पडिविरया जावजीवाए एगच्चाओ
 अप्पडिविरया जाव जे यावन्ने तहप्पगारा सावज्जा अबोहिया कम्मन्ता परपाणपरि-
 तावणकरा कज्जन्ति तओ वि एगच्चाओ अप्पडिविरया । से जहानामए समणोवासगा
 भवन्ति अभिगयजीवाजीवा उवलद्धपुण्णपावा आसवसंवरवेयणानिजराकिरियाहिग-
 रणवन्धमोक्खकुसला असहेज्जदेवासुरनागसुवण्णजक्खरक्खसकिंनरकिंपुरिसगल्लग-
 न्धव्वमहोरगाइएहिं देवगणेहिं निग्गन्याओ पावयणाओ अणइक्कमणिज्जा, इणमेव
 निग्गन्ये पावयणे निस्संकिया निक्कंखिया निव्विइगिच्छा लद्धट्ठा गहियट्ठा पुच्छियट्ठा
 विणिच्छियट्ठा अभिगयट्ठा अट्ठिमिज्जपेम्माणुरागरत्ता । अयमाउसो निग्गन्ये पावयणे
 अट्ठे अयं परमट्ठे सेसे अणट्ठे उसियफलिहा अवंगुयदुवाराअचियतन्तेउरपरघरपवेसा
 चाउइसट्ठमुहिट्ठपुण्णिमासिणीसु पडिपुण्णं पोसहं सम्मं अणुपाळेमाणा समणे निग्गन्ये
 फासुएसणिज्जेणं असणपाणखाइमसाइमेणं वत्थपडिग्गहक्कम्बलपायपुच्छणेणं ओसह-
 भेसज्जेणं पीठफलगसेजासन्धारणं पडिलाभेमाणा वट्ठहिं सीलव्वयगुणवेरमणपय-
 क्खानपोसहोववासेहिं अहापरिगहिएहिं तवोक्कमेहिं अप्पाणं भावेमाणा विहरन्ति ॥
 ते णं एयारूवेणं विहारेणं विहरमाणा वट्ठइं वासाइं समणोवासगपरियाणं पाउणंति
 पाउणिता आवाहंसि उप्पणंसि वा, अणुप्पणंसि वा वट्ठइं भत्ताइं अणसणाए पच्च-

भाइमरणाणं भगिणीमरणाणं भज्जापुत्तधूयागुण्णमरणाणं दारिद्राणं दोहमगाणं अणिय-
 संवासाणं पियविप्पओगाणं बहूणं दुक्खदोमणस्साणं आभागिणो भगिरस्सन्ति अणारिणं
 च णं अणवययगं दीहमद्वं चाउरंतसंसारकन्तारं भुज्जो भुज्जो अणुपरियट्ठिस्सन्ति ते णो
 तिज्झिस्सन्ति णो बुज्झिस्सन्ति जाव णो सव्वदुक्खाणमंतं करिस्सन्ति एरा तुला एरा
 पमाणे एस समोसरणे पत्तेयं तुला पत्तेयं पमाणे पत्तेयं समोसरणे । तत्थ णं जे ते
 समणा माहणा एवमाइक्खन्ति जाव पडवेन्ति । सव्वे पाणा सव्वे भूया सव्वे जीवा
 सव्वे सत्ता न हन्त्वा न अज्जावेयवा न परिघेयवा न उद्देयवा ते नो आग-
 न्तुच्छेयाए ते नो आगन्तुभेयाए जाव जाइजरामरणजोणिजम्मणसंसारपुणव्वमवग-
 व्वमासभवपवंचकलंकलीभागिणो भविस्सन्ति, जाव अणाइयं च णं अणवययगं
 दीहमद्वं चाउरन्तसंसारकन्तारं भुज्जो भुज्जो नो अणुपरियट्ठिस्सन्ति, ते तिज्झिस्सन्ति
 जाव सव्वदुक्खाणं अन्तं करिस्सन्ति ॥ २८ ॥ ६७८ ॥ इच्चेएहिं वारसहिं किरिया-
 ठाणेहिं वट्ठमाणा जीवा नो तिज्झिस्सु नो बुज्झिस्सु नो मुच्चिस्सु नो परिणिव्वाइस्सु जाव
 नो सव्वदुक्खाणं अन्तं करेस्सु वा नो करेन्ति वा नो करिस्सन्ति वा । एयंसि चेव
 तेरसमे किरियाठाणे वट्ठमाणा जीवा तिज्झिस्सु बुज्झिस्सु मुच्चिस्सु परिणिव्वाइस्सु जाव
 सव्वदुक्खाणं अंतं करेस्सु वा करन्ति वा करिस्सन्ति वा । एवं से भिक्खू आयट्ठी आय-
 हिए आयगुत्ते आयजोगे आयपरक्कमे आयरक्खिए आयाणुकम्पए आयणिप्फेडए
 आयाणमेव पडिसाहरेज्जासि ति वेमि किरियाट्ठाणज्झयणं विइयं ॥ २९ ॥ ६७९ ॥

आहारपरिन्नज्झयणे तइये

सुयं मे आउसं ! तेणं भगवया एवमक्खायं । इह खलु आहारपरिन्ना नामज्झयणे
 तस्स णं अयमट्ठे । इह खलु पाईणं वा ४ सव्वओ सव्वावन्ति य णं लोगंसि चत्तारि
 वीयकाया एवमाहिज्जन्ति । तं जहा-अग्गवीया मूलवीया पोरवीया खंधवीया । तेसिं
 च णं अहावीएणं अहावगासेणं इहेगइया सत्ता पुढवीजोणिया पुढवीसंभवा पुढवी-
 वुक्कमा तज्जोणिया तस्संभवा तदुवक्कमा कम्मोवगा कम्मनियाणेणं तत्थवुक्कमा नाणा-
 विहजोणियासु पुढवीसु रुक्खत्ताए विउट्ठंति ॥ ते जीवा तेसिं नाणाविहजोणियाणं
 पुढवीणं सिणेहमाहारेन्ति । ते जीवा आहारेन्ति पुढवीसरीरं आउसरीरं तेउसरीरं
 वाउसरीरं वणस्सइसरीरं । नाणाविहाणं तसथावराणं पाणाणं सरीरं अचित्तं कुव्वंति
 परिविद्धत्थं । तं सरीरं पुव्वाहारियं तयाहारियं विपरिणयं साहवियकडं संतं । अवरे
 वि य णं तेसिं पुढविजोणियाणं रुक्खाणं सरीरा नाणावण्णा नाणागंधा नाणास्सा

नाणाफासा नाणासंठाणसंठिया नाणाविहसरीरपुग्गलविउव्विया ते जीवा कम्मोव-
 वन्नगा भवन्तीति मक्खायं ॥ १ ॥ ६८० ॥ अहावरं पुरक्खायं इहेगइया सत्ता रक्ख-
 जोणिया रक्खसंभवा रक्खवुक्कमा तज्जोणिया तस्संभवा तदुवक्कमा कम्मोवगा कम्म-
 नियाणेणं तत्थवुक्कमा पुढवीजोणिएहिं रक्खेहिं रक्खत्ताए विउट्ठंति । ते जीवा तेसिं
 पुढवीजोणियाणं रक्ख्वाणं सिणेहमाहारेंति, ते जीवा आहारेंति पुढवीसरीरं आउते-
 उवाउवणस्सइसरीरं नाणाविहाणं तसथावराणं पाणाणं सरीरं अचित्तं कुव्वंति परिवि-
 द्दत्थं । तं सरीरं पुव्वाहारियं तथाहारियं विप्परिणामियं सारुवियकडं सन्तं । अवरे
 वि य णं तेसिं रक्खजोणियाणं रक्ख्वाणं सरीरा नाणावण्णा नाणागन्धा नाणारसा
 नाणाफासा नाणासंठाणसंठिया नाणाविहसरीरपुग्गलविउव्विया ते जीवा कम्मोव-
 वन्नगा भवन्तीति मक्खायं ॥ २ ॥ ६८१ ॥ अहावरं पुरक्खायं इहेगइया सत्ता
 रक्खजोणिया रक्खसंभवा रक्खवुक्कमा तज्जोणिया तस्संभवा तदुवक्कमा कम्मोवगा
 कम्मणियाणेणं तत्थवुक्कमा रक्खजोणिएसु रक्खत्ताए विउट्ठंति, ते जीवा तेसिं रक्ख-
 जोणियाणं रक्ख्वाणं सिणेहमाहारेंति ते जीवा आहारेंति, पुढवीसरीरं आउतेउवा-
 उवणस्सइसरीरं तसथावराणं पाणाणं सरीरं अचित्तं कुव्वंति परिविद्वत्थं तं सरीरं
 पुव्वाहारियं तथाहारियं विपरिणामियं सारुवियकडं संतं अवरेवि य णं तेसिं रक्ख-
 जोणियाणं रक्ख्वाणं सरीरा नाणावण्णा जाव ते जीवा कम्मोववन्नगा भवंति त्ति
 मक्खायं ॥ ३ ॥ ६८२ ॥ अहावरं पुरक्खायं इहेगइया सत्ता रक्खजोणिया रक्ख-
 संभवा रक्खवुक्कमा तज्जोणिया तस्संभवा तदुवक्कमा कम्मोवगा कम्मनियाणेणं तत्थ-
 वुक्कमा रक्खजोणिएसु रक्खेसु मूलत्ताए कंदत्ताए, खंधत्ताए तयत्ताए सालत्ताए पवा-
 लत्ताए पत्तत्ताए पुप्फत्ताए फलत्ताए बीयत्ताए विउट्ठंति ते जीवा तेसिं रक्खजो-
 णियाणं रक्ख्वाणं सिणेहमाहारेंति ते जीवा आहारेंति पुढवीसरीरं आउतेउवाउ-
 वणस्सइं नाणाविहाणं तसथावराणं पाणाणं सरीरं अचित्तं कुव्वंति परिविद्वत्थं तं
 सरीराणं जाव सारुवियकडं संतं अवरेवियणं तेसिं रक्खजोणियाणं मूलणं कंदाणं
 खंधाणं तयाणं सालाणं पवालाणं जाव बीयाणं सरीरा नाणावण्णा नाणागंधा जाव
 नाणाविहसरीरपुग्गलविउव्विया ते जीवा कम्मोववन्नगा भवंति त्ति मक्खायं
 ॥ ४ ॥ ६८३ ॥ अहावरं पुरक्खायं इहेगइया सत्ता रक्खजोणिया रक्खसंभव
 रक्खवुक्कमा तज्जोणिया तस्संभवा तदुवक्कमा कम्मोववन्नगा कम्मनियाणेणं तत्थवुक्क-
 मा रक्खजोणिएहिं रक्खेहिं अज्झारोहत्ताए विउट्ठंति ते जीवा तेसिं रक्खजोणिया
 रक्ख्वाणं सिणेहमाहारेंति ते जीवा आहारेंति पुढवीसरीरं जाव सारुवियकडं सं
 अवरेवि य णं तेसिं रक्खजोणियाणं अज्झारोहणं सरीरा नाणावण्णा जाव मक्खा

॥ ५ ॥ ६८४ ॥ अहावरं पुरक्खायं इहेगइया सत्ता अज्झारोहजोणिया अज्झा-
 रोहसंभवा जाव कम्मनियणेणं तत्थ वुक्कमा रुक्खजोणिएसु अज्झारोहेसु अज्झा-
 रोहत्ताए विउट्ठंति ते जीवा तेसिं रुक्खजोणियागं अज्झारोहाणं सिणेहमाहारंति
 ते जीवा आहारंति पुढवीसरीरं जाव सारुवियकडं संतं अवरेवि य णं तेसिं
 अज्झारोहजोणियाणं अज्झारोहाणं सरीरा णाणावण्णा जावमक्खायं ॥ ६ ॥ ६८५ ॥
 अहावरं पुरक्खायं इहेगइया सत्ता अज्झारोहजोणिया अज्झारोहसंभवा जाव
 कम्मनियणेणं तत्थ वुक्कमा अज्झारोहजोणिएसु अज्झारोहत्ताए विउट्ठंति ते जीवा
 तेसिं अज्झारोहजोणियागं अज्झारोहाणं सिणेहमाहारंति ते जीवा आहारंति-
 पुढवीसरीरं आउसरीरं जाव सारुवियकडं संतं अवरेवि य णं तेसिं अज्झारोह
 जोणियाणं अज्झारोहाणं सरीरा णाणावण्णा जावमक्खायं ॥ ७ ॥ ६८६ ॥ अहा-
 वरं पुरक्खायं इहेगइया सत्ता अज्झारोहजोणिया अज्झारोहसंभवा जाव कम्म-
 नियाणेणं तत्थवुक्कमा अज्झारोहजोणिएसु अज्झारोहेसु मूलत्ताए जाव वीयत्ताए
 विउट्ठंति ते जीवा तेसिं अज्झारोहजोणियाणं अज्झारोहाणं सिणेहमाहारंति जाव
 अवरेवि य णं तेसिं अज्झारोहजोणियाणं मूलणं जाव वीयाणं सरीरा णाणावण्णा
 जावमक्खायं ॥ ८ ॥ ६८७ ॥ अहावरं पुरक्खायं इहेगइया सत्ता पुढविजोणिया
 पुढविसंभवा जाव णाणाविहजोणियासु पुढवीसु तणत्ताए विउट्ठंति ते जीवा तेसिं
 णाणाविहजोणियाणं पुढवीणं सिणेहमाहारंति जाव ते जीवा कम्मोववन्ना भवंति
 त्ति मक्खायं-एवं पुढविजोणिएसु तणेषु तणत्ताए विउट्ठंति जाव मक्खायं-एवं
 तणजोणिएसु तणेषु तणत्ताए विउट्ठंति तणजोणियं तणसरीरं च आहारंति, जाव-
 मक्खायं-एवं तणजोणिएसु तणेषु मूलत्ताए जाव वीयत्ताए विउट्ठंति ते जीवा जाव
 एवमक्खायं-एवं ओसहीणं वि चत्तारि आलावगा-एवं हरियाणवि चत्तारि आला-
 वगा-॥ ९-१० ॥ ६८८-६८९ ॥ अहावरं पुरक्खायं इहेगइया सत्ता पुढवी-
 जोणिया पुढविसंभवा जाव कम्मनियणेणं तत्थवुक्कमा नाणाविहजोणियासु पुढवीसु
 आयत्ताए वायत्ताए कायत्ताए कूहणत्ताए कन्दुकत्ताए उव्वेहणियत्ताए निव्वेहणिय-
 त्ताए सछत्ताए छत्तगत्ताए वासाणियत्ताए कूरत्ताए विउट्ठन्ति । ते जीवा तेसिं नाणा-
 विहजोणियाणं पुढवीणं सिणेहमाहारेन्ति । ते वि जीवा आहारेन्ति पुढवीसरीरं
 जाव सन्तं । अवरे वि य णं तेसिं पुढविजोणियाणं आयत्ताणं जाव कूराणं सरीरा
 नाणावण्णा जाव मक्खायं । एगो चैव आलावगो सेसा तिण्णि नत्थि । अहावरं
 पुरक्खायं इहेगइया सत्ता उदगजोणिया उदगसंभवा जाव कम्मनियणेणं तत्थवुक्कमा
 नाणाविहजोणिएसु उदएसु रुक्खत्ताए विउट्ठन्ति । ते जीवा तेसिं नाणाविहजोणियाणं

गाणं अकम्मभूमगाणं अन्तरदीवगाणं आरियाणं मिलक्खुयाणं । तेसिं च णं अहा-
वीएणं अहावगासेणं इत्थीए पुरिसस्स य कम्मकडाए जोणिए एत्थ णं मेहुणवत्तिताए
(व) नामं संजोगे समुप्पज्जइ । ते दुहओ वि सिणेहं संचिणन्ति । तत्थ णं जीवा इत्थि-
त्ताए पुरिसत्ताए नपुंसगत्ताए विटट्ठन्ति, ते जीवा माओउयं पिउक्कुं तं तदुभयं संसट्ठं
क्कुसं किच्चिसं तं पढमत्ताए आहारमाहारंति तओ पच्छा जं से माया णाणाविहाओ
रसविहीओ आहारमाहारंति तओ एगदेसेणं ओयमाहारंति अणुपुण्वेणं बुद्धा पलिपाग-
मणुपवन्ना तओ कायाओ अभिनिवट्ठमाणा इत्थि वेगया जणयंति पुरिसं वेगया जण-
यंति, णपुंसगं वेगया जणयंति, ते जीवा डहरा समाणा माउक्खीरं सप्पि आहारंति
आणुपुण्वेणं बुद्धा ओयणं कुम्मासं तसथावरे य पाणे ते जीवा आहारंति पुढविसरीरं
जाव सारुवियकडं संतं अवरेवि य णं तेसिं णाणाविहाणं मणुस्सगाणं कम्मभूमगाणं
अकम्मभूमगाणं अन्तरदीवगाणं आरियाणं मिलक्खुणं सरीरा णाणावण्णा भवंति त्ति
मक्खायं ॥ ६९२ ॥ अहावरं पुरक्खायं णाणाविहाणं जलचराणं पंचिदियतिरिक्ख-
जोणियाणं, तंजहा-मच्छाणं जाव सुंसुमारारणं तेसिं च णं अहावीएणं अहावगासेणं
इत्थीए पुरिसस्स य कम्मकडा तहेव जाव तओ पच्छा एगदेसेणं ओयमाहारंति
आणुपुण्वेणं बुद्धा पलिपागमणुपवन्ना तओ कायाओ अभिनिवट्ठमाणा अंडं वेगया
जणयंति पोयं वेगया जणयंति, से अंडे उब्भिज्जमाणे इत्थि वेगया जणयंति, पुरिसं
वेगया जणयंति, णपुंसगं वेगया जणयंति, ते जीवा डहरा समाणा आउसिणेहमा-
हारंति, आणुपुण्वेणं बुद्धा वणस्सइकायं तसथावरे य पाणे ते जीवा आहारंति
पुढविसरीरं जाव संतं अवरेवि य णं तेसिं णाणाविहाणं जलचरपंचिदियतिरिक्ख-
जोणियाणं मच्छाणं सुंसुमारारणं सरीरा णाणावण्णा जावमक्खायं ॥ ६९३ ॥ अहावरं
पुरक्खायं णाणाविहाणं चउप्पयथलयरपंचिदियतिरिक्खजोणियाणं तंजहा एगखुराणं
दुखुराणं नंदीपदाणं सणप्पयाणं तेसिं च णं अहावीएणं अहावगासेणं इत्थिपुरिसस्स य
कम्म जाव मेहुणवत्तिए णामं संजोगे समुप्पज्जइ ते दुहओ सिणेहं संचिणंति तत्थणं
जीवा इत्थित्ताए पुरिसत्ताए जाव विटट्ठंति ते जीवा माउओयं पिउक्कुं एवं जहा
माणुस्साणं इत्थि वेगया जणयंति पुरिसंपि नपुंसगंपि ते जीवा डहरा समाणा
माउक्खीरं सप्पि आहारंति आणुपुण्वेणं बुद्धा वणस्सइकायं तसथावरे य पाणे ते
जीवा आहारंति पुढविसरीरं जाव संतं अवरेवि य णं तेसिं णाणाविहाणं चउप्प-
यथलयरपंचिदियतिरिक्खजोणियाणं एगखुराणं जाव सणप्पयाणं सरीरा णाणावण्णा
जावमक्खायं ॥ ६९४ ॥ अहावरं पुरक्खायं णाणाविहाणं उरपरिसप्पथलयरपंचि-
दियतिरिक्खजोणियाणं तंजहा-अहीणं अयगराणं आसालियाणं महोरगाणं नेमिं च

णं अहावीएणं अहावगासेणं इत्थीए पुरिसस्स जाव एत्थणं मेहुणे एवं तं चेव नाणत्तं
 अंडं वेगइया जणयंति पोयं वेगइया जणयंति से अंडे उच्चिभज्जमाणे इत्थि वेगइया
 जणयंति पुरिसंपि णपुंसंगंपि, ते जीवा डहरा समाणा वाउकायमाहारंति आणुपु-
 व्वेणं वुद्धा वणस्सइकायं तसथावरपाणे ते जीवा आहारंति पुढविसरीरं जाव संतं
 अवरेवि य णं तेसिं णाणाविहाणं उरपरिसप्पथलयरपंचिदियतिरिक्ख० अहीणं जाव
 महोरगाणं सरीरा णाणावण्णा णाणागंधा जावमक्खायं ॥ ६९५ ॥ अहावरं पुर-
 क्खायं णाणाविहाणं भुयपरिसप्पथलयरपंचिदियतिरिक्खजोणियाणं, तंजहा—गोहाणं
 नडलाणं सिहाणं सरडाणं सल्लाणं सरघाणं खराणं घरकोइलियाणं विस्संभराणं
 सुसगाणं मंगुसाणं पयलाइयाणं विरालियाणं जोहाणं चउप्पाइयाणं तेसिं च णं
 अहावीएणं अहावगासेणं इत्थीए पुरिसस्स य जहा उरपरिसप्पाणं तहा भाणियव्वं
 जाव सारुवियकडं संतं अवरेवि य णं तेसिं णाणाविहाणं भुयपरिसप्पपंचिदियथलय-
 रतिरिक्खाणं तं० गोहाणं जावमक्खायं ॥ ६९६ ॥ अहावरं पुरक्खायं णाणाविहाणं
 खहचरपंचिदियतिरिक्खजोणियाणं, तंजहा—चम्मपक्खीणं लोमपक्खीणं समुग्ग-
 पक्खीणं विततपक्खीणं तेसिं च णं अहावीएणं अहावगासेणं इत्थीए जहा
 उरपरिसप्पाणं नाणत्तं ते जीवा डहरा समाणा माउगात्तसिणेहमाहारंति आणुपुव्वेणं
 वुद्धा वणस्सइकायं तसथावरे य पाणे ते जीवा आहारंति पुढविसरीरं जाव संतं अवरे
 वि य णं तेसिं नाणाविहाणं खहचरपच्चिन्दियतिरिक्खजोणियाणं चम्मपक्खीणं जाव
 मक्खायं ॥ १३ ॥ ६९७ ॥ अहावरं पुरक्खायं इहेगइया सत्ता नाणाविहजोणिया
 नाणाविहसंभवा नाणाविहवुक्कमा तजोणिया तस्संभवा तदुवक्कमा कम्मोवगा कम्म-
 नियाणेणं तत्थवुक्कमा नाणाविहाणं तसथावराणं पोगगलाणं सरीरेसु वा सच्चित्तसु वा
 अचित्तसु वा अणुसूयत्ताए विउट्ठन्ति । ते जीवा तेसिं नाणाविहाणं तसथावराणं
 पाणाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे
 वि य णं तेसिं तसथावरजोणियाणं अणुसूयगाणं सरीरा नाणावण्णा जाव मक्खायं ।
 एवं दुरुवसंभवत्ताए । एवं खुरदुग्ताए ॥ १४ ॥ ६९८ ॥ अहावरं पुरक्खायं इहे-
 गइया सत्ता नाणाविहजोणिया जाव कम्मनियाणेणं तत्थवुक्कमा नाणाविहाणं तसथा-
 वराणं पाणाणं सरीरेसु सच्चित्तसु वा अचित्तसु वा तं सरीरगं वायसंसिद्धं वा वाय-
 संगहिं वा वायपरिग्गहिं उट्ठ्ठाएसु उट्ठभागी भवइ, अहेवाएसु अहेभागी भवइ,
 तिरियवाएसु तिरियभागी भवइ । तं जहा—ओसा हिमए महिया करए हरतणुए
 जुद्धोदए । ते जीवा तेसिं नाणाविहाणं तसथावराणं पाणाणं सिणेहमाहारेन्ति । ते
 जीवा आहारेन्ति पुढविसरीरं जाव सन्तं । अवरे वि य णं तेसिं तसथावरजोणि-

याणं ओसाणं जाव सुद्धोदगाणं सरीरा नाणावण्णा जावमक्खायं । अहावरं पुरक्खायं इहेगइया सत्ता उदगजोणिया उदगसंभवा जाव कम्मनियाणेणं तत्थवुक्कमा तसथावरजोणिएसु उदएसु उदगत्ताए विउट्टन्ति । ते जीवा तेसिं तसथावरजोणियाणं उदगाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे वि य णं तेसिं तसथावरजोणियाणं उदगाणं सरीरा नाणावण्णा जाव मक्खायं । अहावरं पुरक्खायं इहेगइया सत्ता उदगजोणियाणं जाव कम्मनियाणेणं तत्थवुक्कमा उदगजोणिएसु उदएसु उदगत्ताए विउट्टन्ति ते जीवा तेसिं उदगजोणियाणं उदगाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे वि य णं तेसिं उदगजोणियाणं उदगाणं सरीरा नाणावण्णा जाव मक्खायं । अहावरं पुरक्खायं इहेगइया सत्ता उदगजोणियाणं जाव कम्मनियाणेणं तत्थवुक्कमा उदगजोणिएसु उदएसु तसपाणत्ताए विउट्टन्ति । ते जीवा तेसिं उदगजोणियाणं उदगाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे वि य णं तेसिं उदगजोणियाणं तसपाणाणं सरीरा नाणावण्णा जाव मक्खायं ॥ १५ ॥ ६९९ ॥

अहावरं पुरक्खायं इहेगइया सत्ता नाणाविहजोणिया जाव कम्मनियाणेणं तत्थवुक्कमा नाणाविहाणं तसथावराणं पाणाणं सरीरेसु सच्चित्तेसु वा अच्चित्तेसु वा अगणिक्कायत्ताए विउट्टन्ति । ते जीवा तेसिं नाणाविहाणं तसथावराणं पाणाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे वि य णं तेसिं तसथावरजोणियाणं अगणीणं सरीरा नाणावण्णा जावमक्खायं । सेसा तिणिण आलावगा जहा उदगाणं । अहावरं पुरक्खायं इहेगइया सत्ता नाणाविहजोणियाणं जाव कम्मनियाणेणं तत्थवुक्कमा नाणाविहाणं तसथावराणं पाणाणं सरीरेसु सच्चित्तेसु वा अच्चित्तेसु वा वाउक्कायत्ताए विउट्टन्ति । जहा अगणीणं तहा भाणियव्वा चत्तारि गमा ॥ १६ ॥

॥ ७०० ॥ अहावरं पुरक्खायं इहेगइया सत्ता नाणाविहजोणिया जाव कम्मनियाणेणं तत्थवुक्कमा नाणाविहाणं तसथावराणं पाणाणं सरीरेसु सच्चित्तेसु वा अच्चित्तेसु वा पुढवित्ताए सक्करत्ताए वालुयत्ताए । इमाओ गाहाओ अणुगन्तव्वाओ-पुढवी य सक्करा वालुया य उवले सिला य लोणूसे । अय तउय तम्ब सीसग रूप सुवण्णय वइरे य (१) हरियाले हिंयुलए, मणोसिला सासगंजणपवाले, अब्भपडलब्भवालुय, बायरकाए मणिविहाणा (२) गोमेज्जए य रुयए, अंके फलिहे य लोहियक्खेय, मरगयमसारगळे भुयमोयगइंदनीले य (३) चंदणगेरुयहंसगब्भे, पुलए सोगंधिए य बोद्धव्वे, चंदप्पभवेसलिए, जलकंते सूरकंते य (४) एयाओ एएसु भाणियव्वाओ गाहाओ जाव सूरकंतत्ताए विउट्टंति, ते जीवा तेसिं नाणाविहाणं तसथावराणं

णं अहावीएणं अहावगासेणं इत्थीए पुरिसस्स जाव एत्थणं मेहुणे एवं तं चेव नाणत्तं
 अंडं वेगइया जणयंति पोयं वेगइया जणयंति से अंडे उच्चिज्जमाणे इत्थि वेगइया
 जणयंति पुरिसंपि णपुंसगंपि, ते जीवा डहरा समाणा वाउकायमाहारेंति आणुपु-
 व्वेणं बुद्धा वणस्सइकायं तसथावरपाणे ते जीवा आहारेंति पुढविसरीरं जाव संतं
 अवरेवि य णं तेसिं णाणाविहाणं उरपरिसप्पथलयरपंचिंदियतिरिक्ख० अहीणं जाव
 सहोरगाणं सरीरा णाणावण्णा णागागंधा जावमक्खायं ॥ ६९५ ॥ अहावरं पुर-
 क्खायं णाणाविहाणं भुयपरिसप्पथलयरपंचिंदियतिरिक्खजोणियाणं, तंजहा—गोहाणं
 नउलाणं सिहाणं सरडाणं सल्लाणं सरघाणं खराणं घरकोइलियाणं विस्संभराणं
 मुसगाणं मंगुसाणं पयलाइयाणं विरालियाणं जोहाणं चउप्पाइयाणं तेसिं च णं
 अहावीएणं अहावगासेणं इत्थीए पुरिसस्स य जहा उरपरिसप्पाणं तहा भाणियव्वं
 जाव साहवियकडं संतं अवरेवि य णं तेसिं णाणाविहाणं भुयपरिसप्पपंचिंदियथलय-
 रतिरिक्खाणं तं० गोहाणं जावमक्खायं ॥ ६९६ ॥ अहावरं पुरक्खायं णाणाविहाणं
 खहचरपंचिंदियतिरिक्खजोणियाणं, तंजहा—चम्मपक्खीणं लोमपक्खीणं समुग्ग-
 पक्खीणं विनतपक्खीणं तेसिं च णं अहावीएणं अहावगासेणं इत्थीए जहा
 उरपरिसप्पाणं नाणत्तं ते जीवा डहरा समाणा माउगात्तसिणेहमाहारेंति आणुपुव्वेणं
 बुद्धा वणस्सइकायं तसथावरे य पाणे ते जीवा आहारेंति पुढविसरीरं जाव संतं अवरे
 वि य णं तेसिं नाणाविहाणं खहचरपञ्चिंदियतिरिक्खजोणियाणं चम्मपक्खीणं जाव
 मक्खायं ॥ १३ ॥ ६९७ ॥ अहावरं पुरक्खायं इहेगइया सत्ता नाणाविहजोणिया
 नाणाविहसंभवा नाणाविहवुक्कमा तज्जोणिया तस्संभवा तदुवक्कमा कम्मोवगा कम्म-
 नियाणेणं तत्थवुक्कमा नाणाविहाणं तसथावराणं पोग्गलाणं सरीरेखु वा सच्चित्तेखु वा
 अचित्तेखु वा अणुसूयत्ताए विउट्ठन्ति । ते जीवा तेसिं नाणाविहाणं तसथावराणं
 पाणाणं सिणेहमाहारेन्ति । ते जीवा आहारेन्ति पुढविसरीरं जाव सन्तं । अवरे
 वि य णं तेसिं तसथावरजोणियाणं अणुसूयगाणं सरीरा नाणावण्णा जाव मक्खायं ।
 एवं दुरुवसंभवत्ताए । एवं खुरदुग्गत्ताए ॥ १४ ॥ ६९८ ॥ अहावरं पुरक्खायं इहे-
 गइया सत्ता नाणाविहजोणिया जाव कम्मनियाणेणं तत्थवुक्कमा नाणाविहाणं तसथा-
 वराणं पाणाणं सरीरेखु सच्चित्तेखु वा अचित्तेखु वा तं सरीरगं वायसंसिद्धं वा वाय-
 संगहियं वा वायपरिगहियं उट्ठ्वाएखु उट्ठ्वाणी भवइ, अहेवाएखु अहेभाणी भवइ,
 तिरियवाएखु तिरियभाणी भवइ । तं जहा—ओसा हिमए महिया करए हरतणए
 सुद्धोदए । ते जीवा तेसिं नाणाविहाणं तसथावराणं पाणाणं सिणेहमाहारेन्ति । ते
 जीवा आहारेन्ति पुढविसरीरं जाव सन्तं । अवरे वि य णं तेसिं तसथावरजोणि-

पावे कम्मे कज्जइ, तं सम्मं कस्स णं तं हेउं ? आयरिय आह, तत्थ खलु भगवया छजीवणिकायहेऊ पण्णत्ता, तंजहा पुढविकाइया जाव तसकाइया इवोएहिं छहिं जीव-
णिकाएहिं आया अप्पडिहयपच्चक्खायपावकम्मे, निच्चं पसढविउवातचित्तदंढे, तंजहा-
पाणाइवाए जाव परिग्गहे, कोहे जाव मिच्छादंसणसत्ते ॥ ७०६ ॥ आयरिय आह
तत्थ खलु भगवया वहए दिट्ठन्ते पण्णत्ते । से जहानामए-वहए सिया गाहावइस्स
वा गाहावइपुत्तस्स वा रण्णो वा रायपुरिसस्स वा खणं निदाय पविसिस्सामि खणं
लद्धूणं वहिस्सामि संपहारेमाणे से किं नु हु नाम से वहए तस्स गाहावइस्स वा
गाहावइपुत्तस्स वा रण्णो वा रायपुरिसस्स वा खणं निदाय पविसिस्सामि खणं लद्धू णं
वहिस्सामि पहारेमाणे दिया वा राओ वा सुत्ते वा जागरमाणे वा अमित्तभूए मिच्छा-
संठिए निच्चं पसढविउवायचित्तदण्डे भवइ ? एवं वियागरेमाणे समियाए वियागरे
चोयए-हंता भवइ । आयरिय आह-जहा से वहए तस्स गाहावइस्स वा तस्स
गाहावइपुत्तस्स वा रण्णो वा रायपुरिसस्स वा खणं निदाय पविसिस्सामि खणं
लद्धूणं वहिस्सामि ति पहारेमाणे दिया वा राओ वा सुत्ते वा जागरमाणे वा अमि-
त्तभूए मिच्छासंठिए निच्चं पसढविउवायचित्तदण्डे, एवमेव वाले वि सव्वेसिं पाणाणं
जाव सव्वेसिं सत्ताणं दिया वा राओ वा सुत्ते वा जागरमाणे वा अमित्तभूए मिच्छा-
संठिए निच्चं पसढविउवायचित्तदण्डे । तं जहा-पाणाइवाए जाव मिच्छादंसणसत्ते ।
एवं खलु भगवया अक्खाए असंजए अविरए अप्पडिहयपच्चक्खायपावकम्मे सक्कि-
रिए असंबुडे एगन्तदण्डे एगन्तवाले एगन्तसुत्ते यावि भवइ । से वाले अवियारम-
णवयणकायवक्के सुविणमवि न पस्सइ पावे य से कम्मे कज्जइ । जहा से वहए तस्स
वा गाहावइस्स जाव तस्स वा रायपुरिसस्स पत्तेयं पत्तेयं चित्तसमादाए दिया वा
राओ वा सुत्ते वा जागरमाणे वा अमित्तभूए मिच्छासंठिए निच्चं पसढविउवायचि-
त्तदण्डे भवइ, एवमेव वाले सव्वेसिं पाणाणं जाव सव्वेसिं सत्ताणं पत्तेयं पत्तेयं
चित्तसमादाए दिया वा राओ वा सुत्ते वा जागरमाणे वा अमित्तभूए मिच्छासंठिए
निच्चं पसढविउवायचित्तदण्डे भवइ ॥२॥७०७॥ नो इण्ठे समट्ठे [चोयए] । इह
खलु वहवे पाणा० जे इमेणं सरीरसमुस्सएणं नो दिट्ठा वा सुया वा नाभिमया वा
विन्नाया वा जेसिं नो पत्तेयं पत्तेयं चित्तसमायाए दिया वा राओ वा सुत्ते वा जागर-
माणे वा अमित्तभूए मिच्छासंठिए निच्चं पसढविउवायचित्तदण्डे । तं जहा पाणाइवाए
जाव मिच्छादंसणसत्ते ॥३॥७०८॥ आयरिय आह-तत्थ खलु भगवया दुवे दिट्ठन्ता
पण्णत्ता । तं जहा-सन्निदिट्ठन्ते य असन्निदिट्ठन्ते य । से किं तं सन्निदिट्ठन्ते ?
जे इमे सन्निपच्चिन्दिया पज्जत्तगा एएसिं णं छजीवनिकाए पडुच्च, तं जहा-पुढवी-

कायं जाव तसकायं । से एगइओ पुढवीकाएणं किच्चं करेइ वि कारवेइ वि । तस्स णं एवं भवइ-एवं खलु अहं पुढवीकाएणं किच्चं करेमि वि कारवेमि वि, नो चेव णं से एवं भवइ-इमेण वा इमेण वा से एएणं पुढवीकाएणं किच्चं करेइ वि कारवेइ वि । से णं तओ पुढवीकायाओ असंजयअविरयअप्पडिहयपच्चक्खायपावकम्मे यावि भवइ । एवं जाव तसकाए त्ति भाणियव्वं । से एगइओ छजीवनिकाएहिं किच्चं करेइ वि कारवेइ वि । तस्स णं एवं भवइ-एवं खलु छजीवनिकाएहिं किच्चं करेमि वि कारवेमि वि । नो चेव णं से एवं भवइ-इमेहिं वा २, से य तेहिं छहिं जीवनिकाएहिं जाव कारवेइ वि । से य तेहिं छहिं जीवनिकाएहिं असंजयअविरयअप्पडिहयपच्चक्खायपावकम्मे, तं जहा-पाणाइवाए जाव मिच्छादंसणसल्ले । एस खलु भगवया अक्खाए असंजए अविरए अप्पडिहयपच्चक्खायपावकम्मे सुविणमवि अपस्सओ । पावे य से कम्मे कज्जइ । से तं सन्निदिट्ठन्ते ॥ से किं तं असन्निदिट्ठन्ते ? जे इमे असन्निणो पाणा, तं जहा-पुढवीकाइया जाव वणस्सइकाइया छट्ठा वेगइया तसा पाणा, जेसि नो तक्का इ वा सन्ना इ वा पन्ना इ वा मणा इ वा वई इ वा सयं वा करणाए अन्नेहि वा कारवेत्तए करन्तं वा समणुजाणित्तए, ते वि णं वाले सव्वेसिं पाणाणं जाव सव्वेसिं सत्ताणं दिया वा राओ वा सुत्ते वा जागरमाणे वा अमित्तभूया मिच्छासंठिया निच्चं पसढविउवायचित्तदंडा तं० पाणाइवाए जाव मिच्छादंसणसल्ले । इच्चेव जाव नो चेव मणो नो चेव वई पाणाणं जाव सत्ताणं दुक्खण्याए सोयण्याए जूरण्याए तिप्पण्याए पिट्ठण्याए परितप्पण्याए । ते दुक्खणसोयण जाव परितप्पणवहवन्धणपरिकिलेसाओ अप्पडिविरया भवन्ति । इति खलु से असन्निणो वि सत्ता अहोनिंसी पाणाइवाए उवक्खाइज्जन्ति जाव अहोनिंसी परिगहे उवक्खाइज्जन्ति जाव मिच्छादंसणसल्ले उवक्खाइज्जन्ति [एवं भूयवाई] । सव्वजोणिया वि खलु सत्ता सन्निणो हुच्चा असन्निणो होन्ति असन्निणो हुच्चा सन्निणो होन्ति, होच्चा सन्नी अदुवा असन्नी, तत्थ से अविविचित्ता अबिधूणित्ता असंमुच्छित्ता अणणुतावित्ता असन्निकायाओ वा सन्निकाए संकमन्ति सन्निकायाओ वा असन्निकायं संकमन्ति, सन्निकायाओ वा सन्निकायं संकमन्ति असन्निकायाओ वा असन्निकायं संकमन्ति । जे एए सन्नि वा असन्नि वा सव्वे ते मिच्छायाया निच्चं पसढविउवायचित्तदण्डा । तं जहा-पाणाइवाए जाव मिच्छादंसणसल्ले । एवं खलु भगवया अक्खाए असंजए अविरए अप्पडिहयपच्चक्खायपावकम्मे सकिरिए असंवुडे एगन्तदण्डे एगन्तवाले एगन्तसुत्ते से वाले अवियारमणवयणकायवक्के सुविणमवि न पासइ पावे य से कम्मे कज्जइ ॥ ४ ॥ ७०९ ॥ चोयए-से किं कुव्वं किं कारवं कहं संजयविर-

यप्पडिहयपच्चक्खायपावकम्मे भवइ? आयरिय आह-तत्थ सल्लु भगवया छज्जीव-
निकायहेऊ पन्नत्ता, तं जहा-पुढवीकाइया जाव तसकाइया । से जहानामए मम
अस्सायं दण्डेण वा अट्ठीण वा मुट्ठीण वा लेट्ठण वा कवालेण वा आतोडिजमाणस्स
वा जाव उवहविज्जमाणस्स वा जाव लोमुक्खणणमायमवि हिंसाकारं दुयत्तं भयं
पडिसंवेदेमि, इच्चेवं जाण सव्वे पाणा जाव सव्वे सत्ता दण्डेण वा जाव कवालेण वा
आतोडिजमाणे वा हम्ममाणे वा तज्जिजमाणे वा तालिजमाणे जाव उवहविज्जमाणे
वा जाव लोमुक्खणणमायमवि हिंसाकारं दुक्खं भयं पडिसंवेदेन्ति । एवं नचा सव्वे
पाणा जाव सव्वे सत्ता न हन्तव्वा जाव न उद्वेयेव्वा । एस धम्मे धुवे निइए सासए
समिच्च लोगं खेयन्नेहिं पवेइए । एवं से भिक्खू विरए पाणाइवायाओ जाव मिच्छा-
दंसणसल्लाओ । से भिक्खू नो दन्तपक्खालणेणं दन्ते पक्खालेज्जा, नो अञ्जणं नो
वमणं नो धूवणित्तं पि आइए । से भिक्खू अकिरिए अल्लसए अकोहे जाव अलोभे
उवसन्ते परिनिव्वुडे । एस खल्लु भगवया अक्खाए संजयविरयपडिहयपच्चक्खाय-
पावकम्मे अकिरिए संवुडे एगन्तपण्डिए भवइ त्ति वेमि ॥ ५ ॥ ७१० ॥ पच्च-
क्खाणकिरियज्झयणं चउत्थं ॥

आयारसुयज्झयणे पञ्चमे

आदाय वम्मचेरं च आसुपन्ने इमं वइ । अस्सि धम्मे अणायारं नायरेज्ज कयाइ
वि ॥ १ ॥ ७११ ॥ अणाईयं परिन्नायं अणवदग्गे त्ति वा पुणो । सासयमसासए
वा इइ दिट्ठिं न धारए ॥ २ ॥ ७१२ ॥ एएहिं दोहिं ठाणेहिं ववहारो न विज्जई ।
एएहिं दोहिं ठाणेहिं अणायारं तु जाणए ॥ ३ ॥ ७१३ ॥ समुच्छिहन्ति सत्थारो
सव्वे पाणा अणेलिंसा । गण्ठिगा वा भविस्सन्ति सासयं त्ति व नो वए ॥ ४ ॥
७१४ ॥ एएहिं दोहिं ठाणेहिं ववहारो न विज्जई । एएहिं दोहिं ठाणेहिं अणायारं
तु जाणए ॥ ५ ॥ ७१५ ॥ जे केइ खुद्दगा पाणा अदुवा सन्ति महालया । सरिसं
तेहिं वेरं त्ति असरिसं त्ति य नो वए ॥ ६ ॥ ७१६ ॥ एएहिं दोहिं ठाणेहिं ववहारो
न विज्जई । एएहिं दोहिं ठाणेहिं अणायारं तु जाणए ॥ ७ ॥ ७१७ ॥ अहाकम्माणि
भुज्जन्ति, अन्नमन्ने सकम्मुणा । उवलित्ते त्ति जाणिज्जा अणुवलित्ते त्ति वा पुणो
॥ ८ ॥ ७१८ ॥ एएहिं दोहिं ठाणेहिं ववहारो न विज्जई । एएहिं दोहिं ठाणेहिं
अणायारं तु जाणए ॥ ९ ॥ ७१९ ॥ जमिदं ओरालमाहारं कम्मगं च तहेव य ।
सव्वत्थ वीरियं अत्थि नत्थि सव्वत्थ वीरियं ॥ १० ॥ ७२० ॥ एएहिं दोहिं ठाणेहिं
ववहारो न विज्जई । एएहिं दोहिं ठाणेहिं अणायारं तु जाणए ॥ ११ ॥ ७२१ ॥

नत्थि लोए अलोए वा नेवं सन्नं निवेसए । अत्थि लोए अलोए वा एवं सन्नं निवेसए ॥ १२ ॥ ७२२ ॥ नत्थि जीवा अजीवा वा नेवं सन्नं निवेसए । अत्थि जीवा अजीवा वा एवं सन्नं निवेसए ॥ १३ ॥ ७२३ ॥ नत्थि धम्मो अधम्मो वा नेवं सन्नं निवेसए । अत्थि धम्मो अधम्मो वा एवं सन्नं निवेसए ॥ १४ ॥ ७२४ ॥ नत्थि वन्धे व मोक्खे वा नेवं सन्नं निवेसए । अत्थि वन्धे व मोक्खे वा एवं सन्नं निवेसए ॥ १५ ॥ ७२५ ॥ नत्थि पुण्णे व पावे वा नेवं सन्नं निवेसए । अत्थि पुण्णे व पावे वा एवं सन्नं निवेसए ॥ १६ ॥ ७२६ ॥ नत्थि आसवे संवरे वा नेवं सन्नं निवेसए । अत्थि आसवे संवरे वा एवं सन्नं निवेसए ॥ १७ ॥ ७२७ ॥ नत्थि वेयणा निज्जरा वा नेवं सन्नं निवेसए । अत्थि वेयणा निज्जरा वा एवं सन्नं निवेसए ॥ १८ ॥ ७२८ ॥ नत्थि किरिया अकिरिया वा नेवं सन्नं निवेसए । अत्थि किरिया अकिरिया वा एवं सन्नं निवेसए ॥ १९ ॥ ७२९ ॥ नत्थि कोहे व माणे वा नेवं सन्नं निवेसए । अत्थि कोहे व माणे वा एवं सन्नं निवेसए ॥ २० ॥ ७३० ॥ नत्थि माया व लोभे वा नेवं सन्नं निवेसए । अत्थि माया व लोभे वा एवं सन्नं निवेसए ॥ २१ ॥ ७३१ ॥ नत्थि पेजे व दोसे वा नेवं सन्नं निवेसए । अत्थि पेजे व दोसे वा एवं सन्नं निवेसए ॥ २२ ॥ ७३२ ॥ नत्थि चाउरन्ते संसारे नेवं सन्नं निवेसए । अत्थि चाउरन्ते संसारे एवं सन्नं निवेसए ॥ २३ ॥ ७३३ ॥ नत्थि देवो व देवी वा नेवं सन्नं निवेसए । अत्थि देवो व देवी वा एवं सन्नं निवेसए ॥ २४ ॥ ७३४ ॥ नत्थि सिद्धी असिद्धी वा नेवं सन्नं निवेसए । अत्थि सिद्धी असिद्धी वा एवं सन्नं निवेसए ॥ २५ ॥ ७३५ ॥ नत्थि सिद्धी नियं ठाणं नेवं सन्नं निवेसए । अत्थि सिद्धी नियं ठाणं एवं सन्नं निवेसए ॥ २६ ॥ ७३६ ॥ नत्थि साहू असाहू वा नेवं सन्नं निवेसए । अत्थि साहू असाहू वा एवं सन्नं निवेसए ॥ २७ ॥ ७३७ ॥ नत्थि कल्लाण पावे वा नेवं सन्नं निवेसए । अत्थि कल्लाण पावे वा एवं सन्नं निवेसए ॥ २८ ॥ ७३८ ॥ कल्लाणे पावए वा वि ववहारो न विज्जइ । जं वेरं तं न जाणन्ति समणा बालपण्डिया ॥ २९ ॥ ७३९ ॥ असेसं अक्खयं बावि सव्वदुक्खे इ वा पुणो । वज्झा पाणा न वज्झा ति इइ वायं न नीसरे ॥ ३० ॥ ७४० ॥ दीसन्ति समियायारा भिक्खुणो साहुजीविणो । एए मिच्छोवजीवन्ति इइ दिट्ठि न धारए ॥ ३१ ॥ ७४१ ॥ दक्खिणाए पडिलम्मो अत्थि वा नत्थि वा पुणो । न वियागरेज्ज मेहावी सन्तिममं च बूहए ॥ ३२ ॥ ७४२ ॥ इच्चेएहिं ठाणेहिं जिणदिट्ठेहिं संजए । धारयन्ते उ अप्पाणं आ मोक्खाए परिव्वएज्जासि ॥ ३३ ॥ ७४३ ॥ ति नेमि ॥ आयास्सुयज्झयणं पञ्चमं ॥

अहइज्जयणे छट्ठे

पुराकडं अह इमं सुणेह मेगन्तयारी रामणे पुरासी । से भिक्खुणो उचणेत्ता
 अणेगे आइक्खएण्हि पुढो वित्थरेणं ॥ १ ॥ ७४४ ॥ साऽऽजीविया पट्टवियाऽधारेणं
 सभागवो गणओ भिक्खुमज्जे । आइक्खमाणो बहुज्जमत्यं न संघयाइं अवरेण
 पुव्वं ॥ २ ॥ ७४५ ॥ एगन्तमेवं अदुवा वि एण्हि दोऽवज्जमज्जं न रामेइं जम्हा ।
 पुव्वि च एण्हि च अणागयं वा एगन्तमेवं पडिसंघयाइ ॥ ३ ॥ ७४६ ॥ समिव
 लोगं तसथावरणं खेमकरे समणे माहणे वा । आइक्खमाणो वि सहस्समज्जे एग-
 न्तयं सारयइं तह्वे ॥ ४ ॥ ७४७ ॥ धम्मं कहन्तस्स उ नत्थि दोसो खन्तस्स
 दन्तस्स जिइन्दियस्स । भासाय दोसे य विवज्जगस्स गुणे य भासाय निसेवगस्स
 ॥ ५ ॥ ७४८ ॥ महव्वए पच्च अणुव्वए य तहेव पच्चासव संवरे य । विरइं इह
 स्सामणियम्मि पण्णे लवावसक्की समणे त्ति वेमि ॥ ६ ॥ ७४९ ॥ सीओदगं सेवउ
 वीयकायं आहायकम्मं तह इत्थियाओ । एगन्तचारिस्सिह अम्ह धम्मे तवत्तिणो
 नाभिसमेइ पावं ॥ ७ ॥ ७५० ॥ सीओदगं वा तह वीयकायं आहायकम्मं तह
 इत्थियाओ । एयाइ जाणं पडिसेवमाणा अगारिणो अस्समणा भवन्ति ॥ ८ ॥
 ॥ ७५१ ॥ सिया य वीयोदगइत्थियाओ पडिसेवमाणा समणा भवन्तु । अगारिणो
 वि समणा भवन्तु सेवन्ति ऊ ते पि तहप्पगारं ॥ ९ ॥ ७५२ ॥ जे यावि वीयो-
 दगभोइ भिक्खू भिक्खं विहं जायइ जीवियट्ठी । ते नाइसंजोगमविप्पहाय कायोवगा
 नन्तकरा भवन्ति ॥ १० ॥ ७५३ ॥ इमं वयं तु तुम पाउकुव्वं पावाइणो गरिहसि
 सव्व एव । पावाइणो पुढो किट्ठयन्ता सयं सयं दिट्ठि करेन्ति पाउ ॥ ११ ॥
 ॥ ७५४ ॥ ते अन्नमज्जस्स उ गरहमाणा अक्खन्ति भो समणा माहणा य । सओ
 य अत्थी असओ य नत्थि गरहामु दिट्ठि न गरहामु किंचि ॥ १२ ॥ ७५५ ॥ न
 किंचि ह्वेणऽभिधारयाओ सददिट्ठिमग्गं तु करेसु पाउं । मग्गे इमे किट्ठिं आरिएण्हिं
 अणुत्तरे सप्पुरिसेहिं अज्झू ॥ १३ ॥ ७५६ ॥ उट्ठं अहे यं तिरियं दिसासु तसा य
 जे थावर जे य पाणा । भूयाहिसंकाभिदुग्गुच्छमाणा नो गरहइं वुत्तिमं किंचि लोए
 ॥ १४ ॥ ७५७ ॥ आगन्तगारे आरामगारे समणे उ मीए नं उवेइ वासं । दक्खा
 हु सन्ती ब्रह्वे मणुस्सा ऊणाइरित्ता य लवालवा य ॥ १५ ॥ ७५८ ॥ मेहाविणो
 सिक्खिय वुद्धिमन्ता छुतेहि अत्थेहि य निच्छयवा । पुच्छिस्सु मा णे अणगार अत्ते
 इइ संक्कमागो न उवेइ तत्थ ॥ १६ ॥ ७५९ ॥ नो कामकिच्चा न य वालंकिच्चा
 रायाभियोगेण कुओ भणं । वियागरेज्ज पसिणं न वा वि संकामकिच्चेणिहं आरियाणं
 ॥ १७ ॥ ७६० ॥ गन्ता च तत्था अदुवा अगन्ता वियागरेज्जा समियासुपेजे ।

अणारिया दंसणओ परिता इइ संकमागो न उवेइ तत्थ ॥ १८ ॥ ७६१ ॥ पणं
जहा वणिए उदयट्ठी आयरस हेउं पगरेइ सङ्गं । तयोवमे समणे नायपुत्ते इच्चै
मे होइ मई वियक्को ॥ १९ ॥ ७६२ ॥ नवं न कुज्जा विहुणे पुराणं चिच्चाऽमई ताइ
य साह एवं । एयावया वम्भवइ ति वुत्ता तस्सोदयट्ठी समणे ति वेसि ॥ २० ॥
॥ ७६३ ॥ समारभन्ते वणिया भूयगमं परिग्गहं चैव ममायमाणा । ते नाइसं-
जोगमविप्पहाय आयस्स हेउं पगरेन्ति सङ्गं ॥ २१ ॥ ७६४ ॥ वित्तेसिणो मेहुण-
संपगाढा ते भोयणट्ठा वणिया वयन्ति । वयं तु कामेसु अज्झोववन्ना अणारिया
पेमरसेसु गिद्धा ॥ २२ ॥ ७६५ ॥ आरम्भगं चैव परिग्गहं च अविउत्तिसया
निस्सिय आयदण्डा । तेसिं च से उदए जं वयासी चउरन्तणन्ताय दुहाय नेह
॥ २३ ॥ ७६६ ॥ नेगन्ति नच्चन्ति य ओदए सो वयन्ति ते दो वि गुणोदयम्मि ।
से उदए साइमणन्तपत्ते तमुदयं साहयइ ताइ नाई ॥ २४ ॥ ७६७ ॥ अहिंसयं
सव्वपयाणुकम्पी धम्मे ठियं कम्मविवेगहेउं । तमायदण्डेहि समायरन्ता अवोहिए
ते पडिह्वमेयं ॥ २५ ॥ ७६८ ॥ पिण्णागपिण्डीमवि विद्ध सूले केई पएज्जा पुरिसे
इमे ति । अलाउयं वा वि कुमारए ति स लिप्पई पाणिवहेण अम्हं ॥ २६ ॥ ७६९ ॥
अहवा वि विद्धूण मिलक्खु सूले पिण्णागकुद्धीइ नरं पएज्जा । कुमारगं वा वि अला-
वुयं ति न लिप्पई पाणिवहेण अम्हं ॥ २७ ॥ ७७० ॥ पुरिसं च विद्धूण कुमारगं
वा सूलंसि केई पए जायतेए । पिण्णागपिण्डं सइमाहहेत्ता बुद्धाण तं कप्पइ पारणाए
॥ २८ ॥ ७७१ ॥ सिणायगणं तु दुवे सहस्से जे भोयए नियए भिक्खुयाणं ।
ते पुण्णखन्धं सुमहं जिणित्ता भवन्ति आरोप्प महन्त सत्ता ॥ २९ ॥ ७७२ ॥
अजोगह्वं इह संजयाणं पावं तु पाणा ण पसज्ज काउं । अवोहिए दोण्ह वि तं
असाहु वयन्ति जे यावि पडिस्सुणन्ति ॥ ३० ॥ ७७३ ॥ उद्धं अहे यं तिरियं
दिसासु विनाय लिङ्गं तसथावरणं । भूयाभिसंकाइ दुगुच्छमाणे वए करेज्जा व कुओ
विहऽत्थि ॥ ३१ ॥ ७७४ ॥ पुरिसे ति विजत्ति न एवमत्थि अणारिए से पुरिसे तहा
हु । को संभवो पिण्णगपिण्डियाए वाया वि एसा बुइया असच्चा ॥ ३२ ॥ ७७५ ॥
वायाभियोगेण जमावहेज्जा नो तारिसं वायमुदाहरेज्जा । अट्ठाणमेयं वयणं गुणाणं
नो दिक्खिए वूयसुरालमेयं ॥ ३३ ॥ ७७६ ॥ लद्धे अट्ठे अहो एव तुब्भे जीवा-
णुभागे सुविचिन्तिए व । पुव्वं समुहं अवरं च पुट्ठे ओलोइए पाणितले ठिए वा
॥ ३४ ॥ ७७७ ॥ जीवाणुभागं सुविचिन्तयन्ता आहारिया अन्नविहीए सोहिं ।
न वियागरे छनपओपजीवी एसोऽणुधम्मो इह संजयाणं ॥ ३५ ॥ ७७८ ॥ सिणा-
ग्गार्णं तु दुवे सहस्से जे भोयए नियए भिक्खुयाणं । असंजए लोहियपाणि से ऊ

नियच्छई गरिहमिहेव लोए ॥ ३६ ॥ ७७९ ॥ धूलं उरव्वं इह भारियाणं उरिद्ध-
 भत्तं च पगप्पएत्ता । तं लोणतेहेण उवक्खडेत्ता सपिप्पलीयं पगरन्ति मंसं ॥ ३७ ॥
 ॥ ७८० ॥ तं भुज्जमाणा पितियं पभूयं नो ओवल्लिप्पासु वयं रएणं । इव्वेवमाहंसु
 अणजधम्मा अणारिया वाल रसेसु गिद्धा ॥ ३८ ॥ ७८१ ॥ जे यावि भुज्जन्ति
 तहप्पगारं सेवन्ति ते पावमजाणमाणा । मणं न एयं कुसला करेन्ति वाया वि
 एसा बुइया उ मिच्छा ॥ ३९ ॥ ७८२ ॥ सव्वेसि जीवाण दयद्वयाए सावज्जदोसं
 परिवज्जयन्ता । तस्संकिणो इत्तिणो नायपुत्ता उदिट्ठभत्तं परिवज्जयन्ति ॥ ४० ॥
 ॥ ७८३ ॥ भूयाभिसंकाए दुगुच्छमाणा सव्वेसि पाणाण निहाय दण्डं । तम्हा न
 भुज्जन्ति तहप्पगारं एसोऽणुधम्मो इह संजयाणं ॥ ४१ ॥ ७८४ ॥ निगगन्धधम्मम्मि
 इमं समाहिं अस्सि सुठिच्चा अणिहे चरेजा । बुद्धे मुणी सीलगुणोववेए अचत्थयं
 पाउणई सिलोणं ॥ ४२ ॥ ७८५ ॥ सिणायगाणं तु दुवे सहस्से जे भोयए नियए
 माहणाणं । ते पुण्णखन्धे सुमहऽज्जणित्ता भवन्ति देवा इइ वेयवाओ ॥ ४३ ॥ ७८६ ॥
 सिणायगाणं तु दुवे सहस्से जे भोयए नियए कुलालयाणं । से गच्छई लोलुवसंप-
 गाढे तिन्वाभिमावी नरगाभिसेवी ॥ ४४ ॥ ७८७ ॥ दयावरं धम्म दुगुच्छमाणा
 वहावहं धम्म पसंसमाणा । एणं पि जे भोययई असीलं निवो निसं जाइ कुओऽसु-
 रेहिं ॥ ४५ ॥ ७८८ ॥ दुहओ वि धम्मम्मि समुट्ठियामो अस्सि सुट्ठिच्चा तह एस-
 कालं । आयारसीले बुइएह नाणी न संपरायम्मि विसेसमत्थि ॥ ४६ ॥ ७८९ ॥
 अव्वत्तरुवं पुरिसं महन्तं सणातणं अक्खयमव्वयं च । सव्वेसु भूएसु वि सव्वओ
 से चन्दो व ताराहि समत्तरुवे ॥ ४७ ॥ ७९० ॥ एवं न मिज्जन्ति न संसरन्ति न
 माहणा खत्ति य वेस पेसा । कीडा य पक्खी य सरीसिवा य भरा य सव्वे तह
 देवलोगा ॥ ४८ ॥ ७९१ ॥ लोणं अयाणित्तिह केवलेणं कहन्ति जे धम्ममजाण-
 माणा । नासन्ति अप्पाण परं च नट्ठा संसार घोरम्मि अणोरपारे ॥ ४९ ॥ ७९२ ॥
 लोणं विजाणन्तिह केवलेणं पुण्णेण नाणेण समाहिजुत्ता । धम्मं समत्तं च कहन्ति
 जे उ तारन्ति अप्पाण परं च तिण्णा ॥ ५० ॥ ७९३ ॥ जे गरहियं ठाणमिहाव-
 सन्ति जे यावि लोए चरगेववेया । उदाहडं तं तु समं मईए अहाउसो विप्परिया-
 समेव ॥ ५१ ॥ ७९४ ॥ संवच्छरेणावि य एगमेगं वाणेण मारेउ महागयं तु ।
 सेसाण जीवाण दयद्वयाए वासं वयं वित्ति पक्कपयामो ॥ ५२ ॥ ७९५ ॥ संवच्छ-
 रेणावि य एगमेगं पाणं हणन्ता अणियत्तदोसा । सेसाण जीवाण वहेण लग्गा
 सिया य थोवं गिहिणो वि तम्हा ॥ ५३ ॥ ७९६ ॥ संवच्छरेणावि य एगमेगं पाणं
 हणन्ता समणव्वएसु । आयाहिए से पुरिसे अणजे न तारिसे केवल्लिणो भवन्ति

॥ ५४ ॥ ७९७ ॥ बुद्धस्स आणाए इमं समाहिं अस्सि सुठिच्चा तिविहेण ताई ।
तरिउं समुदं व महाभवोपं आयाणवं धम्ममुदाहरेज्ज ॥ ५५ ॥ ७९८ ॥ त्ति वेमि ॥
अहइज्जज्झयणं छट्ठं ॥

नालन्दइज्जज्झयणे सत्तमे

तेणं कालेणं तेणं समएणं रायगिहे नामं नयरे होत्था रिद्धित्थिमियसमिद्धे
(वण्णओ) जाव पडिरुवे । तस्स णं रायगिहस्स नयरस्स वहिया उत्तरपुरत्थिमे
दिसीभाए एत्थ णं नालन्दा नामं वाहिरिया होत्था अणेगभवणसयसंनिविट्ठा जाव
पडिरुवा । तत्थ णं नालन्दाए वाहिरियाए लेवे नामं गाहावई होत्था अट्ठे दित्ते
वित्ते वित्थिण्णविपुलभवणसयणासणजाणवाहणाइण्णे बहुधणवहुजायरुवरजए आओ-
गपओगसंपउत्ते विच्छड्डियपउरभत्तपाणे बहुदासीदासगोमहिसगवेलगप्पभूए बहु-
जणस्स अपरिभूए यावि होत्था ॥ १ ॥ ७९९ ॥ से णं लेवे नामं गाहावई समणे-
वासए यावि होत्था अभिगयजीवाजीवे जाव विहरइ निग्गन्थे पावयणे निस्संकिए
निक्कंखिए निव्विइगिच्छे लद्धे गहियट्ठे पुच्छियट्ठे विणिच्छियट्ठे अभिगहियट्ठे अट्ठि-
मिज्जा पेमाणुरागरत्ते । अयमाउसो निग्गन्थे पावयणे, अयं अट्ठे, अयं परमट्ठे, सेसे
अणट्ठे, उस्सियफलिहे अप्पावयदुवारे चियत्तन्तेउरप्पवेसे चाउइसट्ठमुद्दिट्ठपुण्णमासि-
णीसु पडिपुण्णं पोसहं सम्मं अणुपालेमाणे समणे निग्गन्थे तहाविहेणं एसणिज्जेणं
असणपाणखाइमसाइमेणं पडिलाभेमाणे बहुहिं सीलन्वयगुणविरमणपच्चक्खाणपोसहो-
ववासेहिं अप्पाणं भावेमाणे एवं च णं विहरइ ॥ २ ॥ ८०० ॥ तस्स णं लेवस्स
गाहावइस्स नालन्दाए वाहिरियाए उत्तरपुरत्थिमे दिसिभाए एत्थ णं सेसदविया
नामं उदगसाला होत्था अणेगखम्मसयसंनिविट्ठा पासावीया जाव पडिरुवा । तीसे
णं सेसदवियाए उदगसालाए उत्तरपुरत्थिमे दिसिभाए एत्थ णं हत्थिजामे नामं
वणसण्डे होत्था किण्हे (वण्णओ वणसण्डस्स) ॥ ३ ॥ ८०१ ॥ तस्सि च णं
गिहपदेसम्मि भगवं गोयमे विहरइ, भगवं च णं अहे आरामंसि । अहे णं उदए
पेढालपुत्ते भगवं पासावच्चिजे निग्गण्ठे मेयज्जे गोत्तेणं जेणेव भगवं गोयमे तेणेव
उवागच्छइ, उवागच्छित्ता भगवं गोयमं एवं वयासी-आउसंतो गोयमा, अत्थि खलु
मे केइ पदेसे पुच्छियन्वे, तं च आउसो अहासुयं अहादरिसियं मे वियागरेहि
सवायं । भगवं गोयमे उदयं पेढालपुत्तं एवं वयासी-अवियाइ आउसो, सोच्चा
निसम्म जाणिस्सामो सवायं । उदए पेढालपुत्ते भगवं गोयमं एवं वयासी ॥ ४ ॥

॥ ८०२ ॥ आउसो गोयमा, अत्थि खलु कुमारपुत्तिया नाम समणा निग्गन्था तुम्हाणं पवयणं पवयमाणा गाहावद्दं समणोवासणं उवसंपन्नं एवं पचक्खावेन्ति । नत्तत्थ अभिओएणं गाहावद्दचोरग्गहणविमोक्खणयाए तसेहिं पाणेहिं निहाय दण्डं । एवं ण्हं पचक्खन्ताणं दुप्पक्खायं भवइ । एवं ण्हं पचक्खावेमाणाणं दुपचक्खा-
 वियव्वं भवइ । एवं ते परं पचक्खावेमाणा अइयरन्ति सयं पइण्णं । कस्स णं तं हेउं ? संसारिया खलु पाणा, थावरा वि पाणा तसत्ताए पच्चायन्ति, तसा वि पाणा थावरत्ताए पच्चायन्ति, थावरकायाओ विप्पमुच्चमाणा तसकायंसि उववज्जन्ति, तसका-
 याओ विप्पमुच्चमाणा थावरकायंसि उववज्जन्ति । तेसिं च णं थावरकायंसि उवव-
 ण्णाणं ठाणमेयं वत्तं ॥ ५ ॥ ८०३ ॥ एवं ण्हं पचक्खन्ताणं सुपचक्खायं भवइ । एवं ण्हं पचक्खावेमाणाणं सुपचक्खावियं भवइ । एवं ते परं पचक्खावेमाणा नाइयरन्ति सयं पइण्णं नत्तत्थ अभियोगेणं गाहावद्दचोरग्गहणविमोक्खणयाए तसभूएहिं पाणेहिं निहाय दण्डं । एवमेव सइ भासाए परक्कमे विज्जमाणे जे ते कोहा वा लोहा वा परं पचक्खा-
 वेन्ति अयं पि नो उवएसे नो नेयाउए भवइ । अविद्याइ आउसो गोयमा तुब्भं पि एवं रोयइ ? ॥ ६ ॥ ८०४ ॥ सवायं भगवं गोयमे उदयं पेढालपुत्तं एवं वयासी-आउसन्तो उदगा, नो खलु अम्हे एवं रोयइ । जे ते समणा वा माहणा वा एवमाइक्खन्ति जाव पल्लवेन्ति नो खलु ते समणा वा निग्गन्था भासं भासन्ति, अणुत्तावियं खलु ते भासं भासन्ति, अब्भाइक्खन्ति खलु ते समणे समणोवासए वा जेहिं पि अजेहिं जीवेहिं पाणेहिं भूएहिं सत्तेहिं संजमयन्ति ताण वि ते अब्भाइक्खन्ति । कस्स णं तं हेउं ? संसारिया खलु पाणा, तसा वि पाणा थावरत्ताए पच्चायन्ति थावरा वि वा पाणा तसत्ताए पच्चायन्ति तसकायाओ विप्पमुच्चमाणा थावरकायंसि उववज्जन्ति, थावर-
 कायाओ विप्पमुच्चमाणा तसकायंसि उववज्जन्ति, तेसिं च णं तसकायंसि उववज्जणं ठाणमेयं अवत्तं ॥ ७ ॥ ८०५ ॥ सवायं उदए पेढालपुत्ते भगवं गोयमं एवं वयासी-
 कयरे खलु ते आउसन्तो गोयमा तुब्भे वयह तसा पाणा तसा आउ अन्नहा ? सवायं भगवं गोयमे उदयं पेढालपुत्तं एवं वयासी-आउसन्तो उदगा जे तुब्भे वयह तसभूया पाणा तसा ते वयं वयामो तसा पाणा, जे वयं वयामो तसा पाणा ते तुब्भे वयह तसभूया पाणा । एए सन्ति दुवे ठाणा तुल्ला एगट्ठा । किमाउसो इमे मे सुप्प-
 णीयतराए भवइ तसभूया पाणा तसा, इमे मे दुप्पणीयतराए भवइ-तसा पाणा तसा । तथो एगमाउसो पडिक्कोसह एक्कं अभिनन्दह । अयं पि भेदो से नो नेयाउए भवइ । भगवं च णं उदाहु-सन्तेगइया मणुस्सा भवन्ति, तेसिं च णं एवं वुत्तपुव्वं भवइ-नो खलु वयं संचाएमो मुण्डा भवित्ता अगाराओ अणगारियं पव्वइत्ताए ।

सावयं ष्हं अणुपुव्वेणं गुत्तस्स लिसिस्सामो । ते एवं संखवेन्ति, ते एवं संखं ठवयन्ति
 ते एवं संखं ठवयन्ति नज्जत्य अभिओएणं गाहावच्चोरगहणविमोक्खणयाए तसेहिं
 पाणेहिं निहाय दण्डं । तं पि तेसिं कुसलमेव भवइ ॥ ८८ ॥ ८०६ ॥ तसा वि वुच्चन्ति
 तसा तससंभारकडेणं कम्मणा नामं च णं अब्भुवगयं भवइ, तसाउयं च णं पलि-
 क्खीणं भवइ, तसकायट्ठिइया ते तओ आउयं विप्पजहन्ति । ते तओ आउयं
 विप्पजहिता थावरत्ताए पच्चायन्ति । थावरा वि वुच्चन्ति थावरा थावरसंभारकडेणं
 कम्मणा नामं च णं अब्भुवगयं भवइ थावराउयं च णं पलिक्खीणं भवइ । थावर-
 कायट्ठिइया ते तओ आउयं विप्पजहन्ति तओ आउयं विप्पजहिता भुज्जो परलो-
 इयत्ताए पच्चायन्ति । ते पाणा वि वुच्चन्ति, ते तसा वि वुच्चन्ति, ते महाकाया ते
 चिरट्ठिइया ॥ ९ ॥ ८०७ ॥ सवायं उदए पेडालपुत्ते भयवं गोयमं एवं वयासी-
 आउसन्तो गोयमा नत्थि णं से केइ परियाए जं णं समणोवासगस्स एगपाणाइ-
 वायविरए वि दण्डे निक्खित्ते । कस्स णं तं हेउं ? संसारिया खलु पाणा, थावरा
 वि पाणा तसत्ताए पच्चायन्ति, तसा वि पाणा थावरत्ताए पच्चायन्ति, थावरकायाओ
 विप्पमुच्चमाणा सव्वे तसकायंसि उववज्जन्ति, तसकायाओ विप्पमुच्चमाणा सव्वे
 थावरकायंसि उववज्जन्ति, तेसिं च णं थावरकायंसि उववज्जाणं ठाणमेयं घत्तं ।
 सवायं भगवं गोयमे उदयं पेडालपुत्तं एवं वयासी-नो खलु आउसो अम्हाकं वतव्व-
 एणं तुब्भं चैव अणुप्पवाएणं अत्थि णं से परियाए जे णं समणोवासगस्स सव्व-
 पाणेहिं सव्वभूएहिं सव्वजीवेहिं सव्वसत्तेहिं दण्डे निक्खित्ते भवइ । कस्स णं तं
 हेउं ? संसारिया खलु पाणा, तसा वि पाणा थावरत्ताए पच्चायन्ति, थावरा वि पाणा
 तसत्ताए पच्चायन्ति, तसकायाओ विप्पमुच्चमाणा सव्वे थावरकायंसि उववज्जन्ति,
 थावरकायाओ विप्पमुच्चमाणा सव्वे तसकायंसि उववज्जन्ति, तेसिं च णं तसकायंसि
 उववज्जाणं ठाणमेयं अघत्तं । ते पाणा वि वुच्चन्ति, ते तसा वि वुच्चन्ति, ते महा-
 काया ते चिरट्ठिइया । ते बहुयरगा पाणा जेहिं समणोवासगस्स सुपच्चक्खायं
 भवइ । ते अप्पयरगा पाणा जेहिं समणोवासगस्स अपच्चक्खायं भवइ । ते महाया
 तसकायाओ उवसन्तस्स उवट्ठियस्स पडिविरयस्स जं णं तुब्भे वा अन्नो वा एवं
 वयह-नत्थि णं से केइ परियाए जंसि समणोवासगस्स एगपाणाए वि दण्डे
 निक्खित्ते । अयं पि भेदे से नो नेयाउए भवइ ॥ १० ॥ ८०८ ॥ भगवं च णं
 उदाहु नियण्ठा खलु पुच्छियव्वा । आउसन्तो नियण्ठा इह खलु सन्तेगइया मणुस्सा
 भवन्ति । तेसिं च एवं वुत्तपुव्वं भवइ-जे इमे मुण्डे भवित्ता अगाराओ अणगारियं
 पव्वइए एसिं च णं आमरणन्ताए दण्डे निक्खित्ते । जे इमे अगारमावसन्ति एएसिं

णं आमरणन्ताए दण्डे नो निक्खित्ते । केइं च णं समणा जाव वाराइं चउपनमाइं
छट्ठहसमाइं अप्पयरो वा भुज्जयरो वा देसं दूइज्जिता अगारमावसेज्जा ? हंता-
वसेज्जा । तस्स णं तं गारत्थं वहमाणस्स से पक्कखाणे भग्गे भवइ ? नो इण्ठे
समट्ठे । एवमेव समणोवासगस्स वि तसेहिं पाणेहिं दण्डे निक्खित्ते, थावरेहिं पाणेहिं
दण्डे नो निक्खित्ते । तस्स णं तं थावरकायं वहमाणस्स से पक्कखाणे नो भग्गे
भवइ । से एवमायाणह ? नियण्ठा । एवमायाणियव्वं ॥ भगवं च णं उदाहु नियण्ठा
खलु पुच्छियव्वा-आउसन्तो नियण्ठा इह खलु गाहावई वा गाहावइपुत्तो वा
तहप्पगारेहिं कुलेहिं आगम्म धम्मं सवणवत्तियं उवसंकमेज्जा ? हन्ता उवसंकमेज्जा ।
तेसिं च णं तहप्पगाराणं धम्मं आइक्खियव्वे ? हन्ता आइक्खियव्वे । किं ते
तहप्पगारं धम्मं सोच्चा निसम्म एवं वएज्जा इणमेव निगगन्थं पावयणं सच्चं अणुत्तरं
केवलियं पडिपुणं संसुद्धं नेयाउयं सहकत्तणं सिद्धिमगं मुत्तिमगं निज्जाणमगं
निव्वाणमगं अवितहमसंदिद्धं सव्वदुक्खप्पहीणमगं । एत्थ ठिया जीवा सिज्झन्ति
बुज्झन्ति मुचन्ति परिणिव्वायन्ति सव्वदुक्खाणमन्तं करेन्ति । तमाणाए तहा
गच्छामो तहा चिट्ठामो तहा निसीयामो तहा तुयट्ठामो तहा भुज्जामो तहा भासामो
तहा अब्भुट्ठामो तहा उट्ठाए उट्ठेमो ति पाणाणं भूयाणं जीवाणं सत्ताणं संजमेणं
संजमामो ति वएज्जा ? हन्ता वएज्जा । किं ते तहप्पगारा कप्पन्ति पव्वावित्तए ?
हन्ता कप्पन्ति । किं ते तहप्पगारा कप्पन्ति मुण्डावित्तए ? हन्ता कप्पन्ति । किं
ते तहप्पगारा कप्पन्ति सिक्खावित्तए ? हन्ता कप्पन्ति । किं ते तहप्पगारा
कप्पन्ति उवट्ठावित्तए ? हन्ता कप्पन्ति । तेसिं च णं तहप्पगाराणं सव्वपाणेहिं
जाव सव्वसत्तेहिं दण्डे निक्खित्ते ? हंता निक्खित्ते । से णं एयारूवेणं विहारेणं
विहरमाणा जाव वासाइं चउपच्चमाइं छट्ठहसमाइं वा अप्पयरो वा भुज्जयरो वा देसं
दूइज्जिता अगारं वएज्जा ? हन्ता वएज्जा । तस्स णं सव्वपाणेहिं जाव सव्वसत्तेहिं
दण्डे नो निक्खित्ते ? नो इण्ठे समट्ठे । से जे से जीवे जस्स परेणं सव्वपाणेहिं
जाव सव्वसत्तेहिं दण्डे नो निक्खित्ते । से जे से जीवे जस्स आरेणं सव्वपाणेहिं
जाव सत्तेहिं दण्डे निक्खित्ते । से जे से जीवे जस्स इयाणिं सव्वपाणेहिं जाव सत्तेहिं
दण्डे नो निक्खित्ते भवइ, परेणं असंजए आरेणं संजए, इयाणिं असंजए, असंज-
यस्स णं सव्वपाणेहिं जाव सत्तेहिं दण्डे नो निक्खित्ते भवइ । से एवमायाणह ?
नियण्ठा से एवमायाणियव्वं ॥ भगवं च णं उदाहु नियण्ठा खलु पुच्छियव्वा-
आउसन्तो नियण्ठा इह खलु परिव्वाइया वा परिव्वाइयाओ वा अन्नयरेहितो
तित्थाययणेहितो आगम्म धम्मं सवणवत्तियं उवसंकमेज्जा ? हन्ता उवसंकमेज्जा

किं तेसिं तहप्पगारेणं धम्मो आइक्खियव्वे ? हन्ता आइक्खियव्वे । तं चेव उव्व-
 द्धावित्तए जाव कप्पन्ति ? हन्ता कप्पन्ति । किं ते तहप्पगारा कप्पन्ति संभुजित्तए ?
 हन्ता कप्पन्ति । ते णं एयारुवेणं विहारेणं विहरमाणा तं चेव जाव अगारं वएज्जा ?
 हन्ता वएज्जा । ते णं तहप्पगारा कप्पन्ति संभुजित्तए ? नो इणट्ठे समट्ठे । से जे से
 जीवे जे परेणं नो कप्पन्ति संभुजित्तए । से जे से जीवे आरेणं कप्पन्ति संभुजित्तए ।
 से जे से जीवे जे इयारिं नो कप्पन्ति संभुजित्तए । परेणं अस्समणे आरेणं समणे,
 इयारिं अस्समणे, अस्समणेणं सद्धि नो कप्पन्ति समणाणं निग्गंथाणं संभुजित्तए ।
 से एवमायाणह ? नियण्ठा से एवमायाणियव्वं ॥ ११ ॥ ८०९ ॥ भगवं च णं
 उदाहु सन्तेगइया समणोवासगा भवन्ति । तेसिं च णं एवं वुत्तपुव्वं भवइ-नो खलु
 वयं संचाएमो मुण्डा भवित्ता अगाराओ अणगारियं पव्वइत्तए । वयं णं चाउइसट्ठ-
 मुद्धिपुण्णिमासिणीसु पडिपुण्णं पोसहं सम्मं अणुपालेमाणा विहरिस्सामो । थूलगं
 पाणाइवायं पच्चक्खाइस्सामो, एवं थूलगं मुसावायं थूलगं अदिन्नादाणं थूलगं मेहुणं
 थूलगं परिग्गहं पच्चक्खाइस्सामो । इच्छापरिमाणं करिस्सामो, दुविहं तिविहेणं ।
 मा खलु ममट्ठाए किंचि करेह वा करावेह वा तत्थ वि पच्चक्खाइस्सामो । ते णं
 अभोच्चा अपिच्चा असिणाइत्ता आसन्दीपेडियाओ पच्चोरहिता, ते तहा कालगया
 किं वत्तव्वं सिया-सम्मं कालगय ति ? वत्तव्वं सिया । ते पाणा वि वुच्चन्ति ते
 तसा वि वुच्चन्ति ते महाकाया ते चिरट्ठिइया । ते बहुयरगा पाणा जेहिं समणो-
 वासगस्स सुपच्चक्खायं भवइ । ते अप्पयरगा पाणा जेहिं समणोवासगस्स अपच्च-
 क्खायं भवइ । इति से महयाओ जं णं तुब्भे वयह तं चेव जाव अयं पि भेदे से
 नो नेयाउए भवइ ॥ भगवं च णं उदाहु सन्तेगइया समणोवासगा भवन्ति । तेसिं
 च णं एवं वुत्तपुव्वं भवइ-नो खलु वयं संचाएमो मुण्डा भवित्ता अगाराओ जाव
 पव्वइत्तए । नो खलु वयं संचाएमो चाउइसट्ठमुद्धिपुण्णिमासिणीसु जाव अणुपाले-
 माणे विहरितए । वयं णं अपच्छिममारणन्तियं संलेहणाजूसणाजूसिया भत्तपाणं
 पडियाइक्खिया जाव कालं अणवकंखमाणा विहरिस्सामो । सव्वं पाणाइवायं पच्च-
 क्खाइस्सामो जाव सव्वं परिग्गहं पच्चक्खाइस्सामो तिविहं तिविहेणं मा खलु मम-
 ट्ठाए किंचि वि जाव आसन्दीपेडियाओ पच्चोरहिता एए तहा कालगया, किं वत्तव्वं
 सिया सम्मं कालगय ति ? वत्तव्वं सिया । ते पाणा वि वुच्चन्ति जाव अयं पि
 भेदे से नो नेयाउए भवइ ॥ भगवं च णं उदाहु सन्तेगइया मणुस्सा भवन्ति । तं
 जंहा-महइच्छा महारम्भा महापरिग्गहा अहम्मिया जाव दुप्पडियाणंदा जाव
 सव्वाओ परिग्गहाओ अप्पडिविरया जावजीवाए जेहिं समणोवासगस्स आयाणसो

आमरणंताए दण्डे निक्खित्ते ते तओ आउगं विप्पजहंति तओ भुज्जो सगमादाए दुग्गइगामिणो भवंति, ते पाणावि वुच्चंति ते तसावि वुच्चंति ते महाकाया ते चिर-
 ट्ठिइया ते बहुयरगा आयाणसो इति से महयाओ णं जणं तुब्भे वदह तं चेव
 अयंपि भेदे से णो नेयाउए भवइ-भगवं च णं उदाहु सन्तेगइया मणुस्सा भवन्ति ।
 तं जहा-अणारम्भा अपरिग्गहा धम्मिया धम्माणया जाव सन्वाओ परिग्गहाओ
 पडिविरया जावजीवाए, जेहिं समणोवासगस्स आयाणसो आमरणन्ताए दण्डे
 निक्खित्ते, ते तओ आउगं विप्पजहन्ति, ते तओ भुज्जो सगमायाए सोग्गइगामिणो
 भवन्ति । ते पाणा वि वुच्चन्ति जाव नो नेयाउए भवइ । भगवं च णं उदाहु
 सन्तेगइया मणुस्सा भवन्ति । तं जहा-अप्पिच्छा अप्पारम्भा अप्पपरिग्गहा
 धम्मिया धम्माणया जाव एगच्चाओ परिग्गहाओ अप्पडिविरया, जेहिं समणोवास-
 गस्स आयाणसो आमरणन्ताए दण्डे निक्खित्ते । ते तओ आउगं विप्पजहन्ति,
 तओ भुज्जो सगमादाए सोग्गइगामिणो भवन्ति । ते पाणा वि वुच्चन्ति जाव नो
 नेयाउए भवइ । भगवं च णं उदाहु सन्तेगइया मणुस्सा भवन्ति । तं जहा-
 आरणिण्या आवसहिंया गामणियन्तिया कण्हुईरहस्सिया, जेहिं समणोवासगस्स
 आयाणसो आमरणन्ताए दण्डे निक्खित्ते भवइ । नो बहुसंजया नो बहुपडिविरया
 पाणभूयजीवसत्तेहिं अप्पणा सच्चाओसाइं एवं विप्पडिवेदेन्ति-अहं न हन्तव्वो
 अत्रे हन्तव्वा जाव कालमासे कालं किच्चा अन्नयराइं आसुरियाइं किच्चिसियाइं
 जाव उववत्तारो भवन्ति, तओ विप्पमुच्चमाणा भुज्जो एलमुयत्ताए तमोरुवत्ताए
 पच्चायन्ति । ते पाणा वि वुच्चन्ति जाव नो नेयाउए भवइ । भगवं च णं उदाहु
 सन्तेगइया पाणा दीहाउया जेहिं समणोवासगस्स आयाणसो आमरणन्ताए जाव
 दण्डे निक्खित्ते भवइ । ते पुव्वामेव कालं करेन्ति करित्ता पारलोइयत्ताए पच्चा-
 यन्ति । ते पाणा वि वुच्चन्ति, ते तसा वि वुच्चन्ति । ते महाकाया ते चिरट्ठिइया
 ते दीहाउया ते बहुयरगा, पाणा जेहिं समणोवासगस्स सुपच्चक्खायं भवइ, जाव
 नो नेयाउए भवइ । भगवं च णं उदाहु सन्तेगइया पाणा समाउया, जेहिं समणो-
 वासगस्स आयाणसो आमरणन्ताए जाव दण्डे निक्खित्ते भवइ । ते सयमेव कालं
 करेन्ति, करित्ता पारलोइयत्ताए पच्चायन्ति । ते पाणा वि वुच्चन्ति, तसा वि वुच्चन्ति,
 ते महाकाया ते समाउया ते बहुयरगा जेहिं समणोवासगस्स सुपच्चक्खायं भवइ
 जाव नो नेयाउए भवइ । भगवं च णं उदाहु सन्तेगइया पाणा अप्पाउया, जेहिं
 समणोवासगस्स आयाणसो आमरणन्ताए जाव दण्डे निक्खित्ते भवइ । ते पुव्वामेव
 कालं करेन्ति, करित्ता पारलोइयत्ताए पच्चायन्ति । ते पाणा वि वुच्चन्ति, ते तसा वि

वुचन्ति, ते महाकाया ते अप्पाउया ते बहुयरगा पाणा जेहिं समणोवासगस्स सुप-
 च्चक्खायं भवइ, जाव नो नेयाउए भवइ । भगवं च णं उदाहु सन्तेगइया समणो-
 वासगा भवन्ति । तेसिं च णं एवं वुत्तपुव्वं भवइ--नो खलु वयं संचाएमो मुण्डे
 भवित्ता जाव पव्वइत्तए । नो खलु वयं संचाएमो चाउद्दसट्ठमुद्धिपुण्णमासिणीड
 पडिपुण्णं पोसहं अणुपालित्तए । नो खलु वयं संचाएमो अपच्छिमं जाव विहरित्तए
 वयं च णं सामाइयं देसावगासियं पुरत्था पाईणं वा पडीणं वा दाहिणं वा उदीणं
 वा एयावया जाव सव्वपाणेहिं जाव सव्वसत्तेहिं दण्डे निक्खित्ते सव्वपाणभूय-
 जीवसत्तेहिं खेमंकरे अहमंसि । तत्थ आरेणं जे तसा पाणा जेहिं समणोवासगस्स
 आयाणसो आमरणन्ताए दण्डे निक्खित्ते । तओ आउं विप्पजहन्ति, विप्पजहिता तत्थ
 आरेणं चेव जे तसा पाणा जेहिं समणोवासगस्स आयाणसो जाव तेसु पच्चायन्ति,
 जेहिं समणोवासगस्स सुपच्चक्खायं भवइ । ते पाणा वि जाव अयं पि भेदे जाव नेया-
 उए भवइ ॥ ८१० ॥ तत्थ आरेणं जे तसा पाणा जेहिं समणोवासगस्स आया-
 णसो आमरणन्ताए दण्डे निक्खित्ते ते तओ आउं विप्पजहन्ति । विप्पजहिता
 तत्थ आरेणं चेव जाव थावरा पाणा जेहिं समणोवासगस्स अट्ठाए दण्डे अणि-
 क्खित्ते अणट्ठाए दण्डे निक्खित्ते तेसु पच्चायन्ति । तेहिं समणोवासगस्स अट्ठाए दण्डे
 अणिक्खित्ते अणट्ठाए दण्डे निक्खित्ते, ते पाणा वि वुचन्ति, ते तसा ते चिरट्ठिइया
 जाव अयं पि भेदे से... । तत्थ जे आरेणं तसा पाणा जेहिं समणोवासगस्स
 आयाणसो आमरणन्ताए...तओ आउं विप्पजहन्ति विप्पजहिता तत्थ परेणं
 जे तसा थावरा पाणा जेहिं समणोवासगस्स आयाणसो आमरणन्ताए...तेसु
 पच्चायन्ति, तेहिं समणोवासगस्स सुपच्चक्खायं भवइ, ते पाणा वि जाव अयं पि
 भेदे से... । तत्थ जे आरेणं थावरा पाणा जेहिं समणोवासगस्स अट्ठाए दण्डे
 अणिक्खित्ते अणट्ठाए निक्खित्ते ते तओ आउं विप्पजहन्ति, विप्पजहिता तत्थ
 आरेणं चेव जे तसा पाणा जेहिं समणोवासगस्स आयाणसो आमरणन्ताए...
 तेसु पच्चायन्ति, तेसु समणोवासगस्स सुपच्चक्खायं भवइ, ते पाणा वि जाव अयं
 पि भेदे से... । तत्थ जे ते आरेणं जे थावरा पाणा जेहिं समणोवासगस्स अट्ठाए
 दण्डे अणिक्खित्ते अणट्ठाए निक्खित्ते, ते तओ आउं विप्पजहन्ति विप्पजहिता
 ते तत्थ आरेणं चेव जे थावरा पाणा जेहिं समणोवासगस्स अट्ठाए दण्डे अणि-
 क्खित्ते अणट्ठाए निक्खित्ते तेसु पच्चायन्ति । तेहिं समणोवासगस्स अट्ठाए अणट्ठाए
 ते पाणा वि जाव अयं पि भेदे से नो... । तत्थ जे ते आरेणं थावरा पाणा जेहिं
 समणोवासगस्स अट्ठाए दण्डे अणिक्खित्ते, अणट्ठाए निक्खित्ते तओ आउं विप्पज

हन्ति । विप्पजहिता तत्थ परेणं जे तसथावरा पाणा जेहिं समणोवासगस्स आयाणसो आमरणन्ताए० तेसु पचायन्ति । तेहिं समणोवासगस्स सुपच्चक्खायं भवइ । ते पाणा वि जाव अयं पि भेदे से नो नेयाउए भवइ । तत्थ जे ते परेणं तसथावरा पाणा जेहिं समणोवासगस्स आयाणसो आमरणन्ताए० ते तओ आउं विप्पजहन्ति, विप्पजहिता तत्थ आरेणं जे तसा पाणा जेहिं समणोवासगस्स आयाणसो आमरणन्ताए...तेसु पचायन्ति । तेहिं समणोवासगस्स सुपच्चक्खायं भवइ । ते पाणा वि जाव अयं पि भेदे से नो नेयाउए भवइ । तत्थ जे ते परेणं तसथावरा पाणा जेहिं समणोवासगस्स आयाणसो आमरणन्ताए...ते तओ आउं विप्पजहन्ति विप्पजहिता तत्थ आरेणं जे थावरा पाणा जेहिं समणोवासगस्स अट्टाए दण्डे अणिविक्खत्ते अणट्टाए निक्खत्ते तेसु पचायन्ति, जेहिं समणोवासगस्स अट्टाए अणिविक्खत्ते अणट्टाए निक्खत्ते जाव ते पाणा वि जाव अयं पि भेदे से नो...। तत्थ जे ते परेणं तसथावरा पाणा जेहिं समणोवासगस्स आयाणसो आमरणन्ताए... ते तओ आउं विप्पजहन्ति । विप्पजहिता ते तत्थ परेणं चेव जे तसथावरा पाणा जेहिं समणोवासगस्स आयाणसो आमरणन्ताए० तेसु पचायन्ति, जेहिं समणोवासगस्स सुपच्चक्खायं भवइ । ते पाणा वि जाव अयं पि भेदे से नो...। भगवं च णं उदाहु न एयं भूयं न एयं भव्वं न एयं भविस्सइ जं णं तसा पाणा वोच्छिज्जिहन्ति थावरा पाणा भविस्सन्ति, थावरा पाणा वि वोच्छिज्जिहन्ति तसा पाणा भविस्सन्ति । अवोच्छिज्जेहिं तसथावरेहिं पाणेहिं जं णं तुब्भे वा अन्नो वा एवं वदहन्ति णं से केइ परियाए जाव नो नेयाउए भवइ ॥ ८११ ॥ भगवं च णं उदाहु आउसन्तो उदगा जे खलु समणं वा माहणं वा परिभासेइ मित्ति मज्जन्ति आगमिता नाणं आगमिता दंसणं आगमिता चरितं पावाणं कम्माणं अकरणयाए से खलु परलोगपल्लिमन्थताए चिट्ठइ, जे खलु समणं वा माहणं वा नो परिभासइ मित्ति मज्जन्ति आगमिता नाणं आगमिता दंसणं आगमिता चरितं पावाणं कम्माणं अकरणयाए से खलु परलोगविमुद्धीए चिट्ठइ । तए णं से उदए पेडालपुत्ते भगवं गोयमं अणाढायमाणे जामेव दिसिं पाउब्भूए तामेव दिसिं पहारेत्थ गमणाए । भगवं च णं उदाहु आउसन्तो उदगा जे खलु तहाभूयस्स समणस्स वा माहणस्स वा अन्तिए एगमवि आरियं धम्मियं सुवयणं सोच्चा निसम्म अप्पणो चेव सुहुमाए पडिलेहाए अणुत्तरं जोगखेमपयं लम्भिए समाणे सो वि ताव तं आढाइ परिजाणेइ वन्दइ नमंसइ सक्कारेइ सम्माणेइ जाव कल्लणं मंगलं देवयं चेइयं पज्जुवासइ । तए णं से उदए पेडालपुत्ते भगवं गोयमं एवं वयासी-एएसिं णं भन्ते पदाणं पुब्बि

अन्नाणयाए असवणयाए अवोहिए अणभिगमेणं अदिट्ठाणं असुयाणं अमुयाणं
 अविज्जायाणं अव्वोगडाणं अविगूढाणं अविच्छिन्नाणं अणिसिट्ठाणं अणिवूढाणं अण्
 वहारियाणं एयमट्ठं नो सदहियं नो पत्तियं नो रोइयं । एएसिं णं भन्ते पदाणं एण्हि
 जाणयाए सवणयाए वोहिए जाव उवहारणयाए एयमट्ठं सदहामि पत्तियामि रोएमि
 एवमेव से जहेयं तुब्भे वदह । तए णं भगवं गोयमे उदगं पेढालपुत्तं एवं वयासी
 सदहाहि णं अज्जो पत्तियाहि णं अज्जो रोएहि णं अज्जो एवमेयं जहा णं अम्हे
 वयामो । तए णं से उदए पेढालपुत्ते भगवं गोयमं एवं वयासी-इच्छामि णं भन्ते
 तुब्भं अन्तिए चाउज्जामाओ धम्माओ पच्चमहव्वइयं सपडिक्कमणं धम्मं उवसंप-
 ज्जित्ता णं विहरित्तए ॥ तए णं से भगवं गोयमे उदगं पेढालपुत्तं गहाय जेणेव
 समणे भगवं महावीरे तेणेव उवागच्छइ, उवागच्छित्ता तए णं से उदए पेढालपुत्ते
 समणं भगवं महावीरं तिक्खुत्तो आयाहिणं पयाहिणं करेइ, तिक्खुत्तो आयाहिणं
 पयाहिणं करित्ता वन्दइ नमंसइ वन्दिता नमंसित्ता एवं वयासी-इच्छामि णं भन्ते
 तुब्भं अन्तिए चाउज्जामाओ धम्माओ पच्चमहव्वइयं सपडिक्कमणं धम्मं उवसंप-
 ज्जित्ता णं विहरित्तए । तए णं समणे भगवं महावीरे उदगं एवं वयासी-अहाइहं
 देवाणुप्पिया मा पडिबन्धं करेहि । तए णं से उदए पेढालपुत्ते समणस्स भगवओ
 महावीरस्स अन्तिए चाउज्जामाओ धम्माओ पच्चमहव्वइयं सपडिक्कमणं धम्मं उव-
 संपज्जित्ता णं विहरइ त्ति वेमि ॥ १४ ॥ ८१२ ॥ नालन्दइज्जज्झयणं सत्तमं ॥

सूयगडं समत्तं ॥



णमो त्थु णं समणस्स भगवओ णायपुत्त महावीरस्स

ठाणे

पढमं ठाणं

सुयं मे आउसं । तेणं भगवया एव मक्खायं, एगे आया ॥ १ ॥ एगे दंढे
 ॥ २ ॥ एगा किरिया ॥ ३ ॥ एगे लोए ॥ ४ ॥ एगे अलोए ॥ ५ ॥ एगे धम्मो
 ॥ ६ ॥ एगे अहम्मो ॥ ७ ॥ एगे वंधे ॥ ८ ॥ एगे मोक्खे ॥ ९ ॥ एगे पुण्णे
 ॥ १० ॥ एगे पावे ॥ ११ ॥ एगे आसवे ॥ १२ ॥ एगे संवरे ॥ १३ ॥ एगा
 वेयणा ॥ १४ ॥ एगा णिज्जरा ॥ १५ ॥ एगे जीवे पाडिक्कएणं सरीरणं ॥ १६ ॥
 एगा जीवाणं अपरिआइत्ता विगुण्वाणा ॥ १७ ॥ एगे मणे ॥ १८ ॥ एगा वई
 ॥ १९ ॥ एगे कायवायामे ॥ २० ॥ एगा उप्पा ॥ २१ ॥ एगा वियती ॥ २२ ॥
 एगा वियच्चा ॥ २३ ॥ एगा गई ॥ २४ ॥ एगा आगई ॥ २५ ॥ एगे चयणे
 ॥ २६ ॥ एगे उवत्ताए ॥ २७ ॥ एगा तक्का ॥ २८ ॥ एगा सन्ना ॥ २९ ॥ एगा
 मन्ना ॥ ३० ॥ एगा विन्नू ॥ ३१ ॥ एगा वेयणा ॥ ३२ ॥ एगा छेयणा ॥ ३३ ॥
 एगा भेयणा ॥ ३४ ॥ एगे मरणे अंतिमसारीरियाणं ॥ ३५ ॥ एगे संसुद्धे अहाभूते
 पत्ते ॥ ३६ ॥ एगे दुक्खे जीवाणं ॥ ३७ ॥ एगे भूए ॥ ३८ ॥ एगा अहम्मपडिमा
 जं से आया पडिकिलेसइ ॥ ३९ ॥ एगा धम्मपडिमा जं से आया पज्जवजाए
 ॥ ४० ॥ एगे मणे देवासुरमणुआणं तंसि तंसि समयंसि, एगा वई देवासुरमणुआणं
 तंसि तंसि समयंसि, एगे कायवायामे देवासुरमणुआणं तंसि तंसि समयंसि, एगे
 उट्ठाणकम्मवलवीरियपुरिसक्कारपरक्कमे देवासुरमणुआणं तंसि तंसि समयंसि ॥ ४१ ॥
 एगे नाणे ॥ ४२ ॥ एगे दंसणे ॥ ४३ ॥ एगे चरित्ते ॥ ४४ ॥ एगे समए
 ॥ ४५ ॥ एगे पएसे ॥ ४६ ॥ एगे परमाणू ॥ ४७ ॥ एगा सिद्धी ॥ ४८ ॥ एगे
 सिद्धे ॥ ४९ ॥ एगे परिनिव्वाणे ॥ ५० ॥ एगे परिनिव्वुए ॥ ५१ ॥ एगे सदे
 ॥ ५२ ॥ एगे रुवे ॥ ५३ ॥ एगे गंधे ॥ ५४ ॥ एगे रसे ॥ ५५ ॥ एगे फासे
 ॥ ५६ ॥ एगे सुब्भिसदे, एगे दुब्भिसदे ॥ ५७ ॥ एगे सुरुवे एगे दुरुवे ॥ ५८ ॥
 एगे वीहे एगे हस्से ॥ ५९ ॥ एगे वट्ठे-एगे तंसे-एगे चउरंसे-एगे पिहुले-एगे
 प्ररिमंडले ॥ ६० ॥ एगे किण्हे-एगे नीले एगे लोहिए-एगे हालिहे-एगे सुक्किहे
 ॥ ६१ ॥ एगे सुब्भिमंग्घे-एगे दुब्भिमंग्घे ॥ ६२ ॥ एगे तित्ते-एगे कडुए-एगे कसाए
 एगे अंबिले-एगे म्हुरे ॥ ६३ ॥ एगे कक्खडे-जाव एगे लुक्खे ॥ ६४ ॥ एगे

पाणाइवाए जाव एगे परिग्गहे ॥ एगे कोहे जाव लोहे, एगे पेजे, एगे दोसे, जाव
 एगे परपरिवाए, एगा अरइरइ, एगे मायामोसे एगे मिच्छादंसणसत्ते ॥ ६५ ॥ एगे
 पाणाइवायवेरमणे जाव परिग्गहवेरमणे, एगे कोहविवेगे, जाव मिच्छादंसणसत्तविवेगे
 ॥ ६६ ॥ एगा ओसप्पिणी एगा सुसमसुसमा जाव एगा दुसमदुसमा, एगा उस्सप्पिणी,
 एगा दुसमदुसमा जाव एगा सुसमसुसमा ॥ ६७ ॥ एगा णेरइयाणं वग्गणा,
 एगा असुरकुमारणं वग्गणा, चउवीसदंडओ जाव एगा वेमाणियाणं वग्गणा
 ॥ ६८ ॥ एगा भवसिद्धियाणं वग्गणा, एगा अभवसिद्धियाणं वग्गणा, एगा भव
 सिद्धियाणं णेरइयाणं वग्गणा, एगा अभवसिद्धियाणं णेरइयाणं वग्गणा, एवं जाव
 एगा भवसिद्धियाणं वेमाणियाणं वग्गणा एगा अभवसिद्धियाणं वेमाणियाणं वग्गणा
 ॥ ६९ ॥ एगा सम्मदिट्ठियाणं वग्गणा, एगा मिच्छदिट्ठियाणं वग्गणा, एगा सम्म-
 मिच्छदिट्ठियाणं वग्गणा, एगा सम्मदिट्ठियाणं णेरइयाणं वग्गणा, एगा मिच्छदिट्ठि-
 याणं णेरइयाणं वग्गणा, एगा सम्ममिच्छादिट्ठियाणं णेरइयाणं वग्गणा, एवं जाव
 थणियकुमारणं, एगा मिच्छदिट्ठियाणं पुढवीकाइयाणं वग्गणा, एवं जाव वणस्सइ-
 काइयाणं, एगासम्मदिट्ठियाणं बेइंदियाणं वग्गणा, एगा मिच्छदिट्ठियाणं बेइंदियाणं
 वग्गणा, एवं तेइंदियाणं चउरिंदियाणं वि सेसा जहा नेरइया, जाव एगा सम्म-
 मिच्छदिट्ठियाणं वेमाणियाणं वग्गणा ॥ ७० ॥ एगा कण्हपक्खियाणं वग्गणा, एगा
 सुक्कपक्खियाणं वग्गणा, एगा कण्हपक्खियाणं नेरइयाणं वग्गणा, एगा सुक्कपक्खियाणं
 णेरइयाणं वग्गणा, एवं चउवीसदंडओवि भाणियव्वो ॥ ७१ ॥ एगा कण्हलेस्साणं
 वग्गणा, एगा णीललेस्साणं वग्गणा, एवं जाव सुक्कलेस्साणं वग्गणा, एगा कण्हलेस्साणं
 नेरइयाणं वग्गणा, जाव काउलेस्साणं नेरइयाणं वग्गणा, एवं जस्स जति लेस्साओ,
 भवणवइवाणमंतरपुढविआउवणस्सइकाइयाणं च चत्तारि लेस्साओ तेऊवाउवेंदियते-
 ईंदियचउरिंदियाणं तिजिलेस्साओ पंचिंदियतिरिक्खजोणियाणं मणुस्साणं छल्लेस्साओ,
 जोइसियाणं एगा तेउलेस्सा, वेमाणियाणं तिजिउवरिमलेस्साओ एगा कण्हलेस्साणं
 भवसिद्धियाणं वग्गणा, एगा कण्हलेस्साणं अभवसिद्धियाणं वग्गणा, एवं छसु वि
 लेस्सासु दो दो पयाणि भाणियव्वाणि, एगा कण्हलेस्साणं भवसिद्धियाणं नेरइयाणं
 वग्गणा, एगा कण्हलेस्साणं अभवसिद्धियाणं नेरइयाणं वग्गणा, एवं जस्स जति
 लेस्साओ तस्स तति भाणियव्वाओ, जाव वेमाणियाणं । एगा कण्हलेस्साणं समदिट्ठि-
 याणं वग्गणा, एगा कण्हलेस्साणं मिच्छादिट्ठियाणं वग्गणा, एगा कण्हलेस्साणं सम्म-
 मिच्छदिट्ठियाणं वग्गणा, एवं छसु वि लेस्सासु जाव वेमाणियाणं जेसिं जइ दिट्ठीओ,
 एगा कण्हलेस्साणं कण्हपक्खियाणं वग्गणा, एगा कण्हलेस्साणं सुक्कपक्खियाणं

चग्गणा, एवं जाव चेमाणियाणं, जस्त जइ टेस्ताओ, एए अणु चउवीसदंढगा ॥७२॥
 एगा तित्थसिद्धाणं चग्गणा, एगा अतित्थसिद्धाणं चग्गणा, एवं जाव एगा एगसिद्धाणं
 चग्गणा, एगा अणेगसिद्धाणं चग्गणा, एगा पढमसमयसिद्धाणं चग्गणा, एवं जाव
 अणंतसमयसिद्धाणं चग्गणा ॥ ७३ ॥ एगा परमाणुपोग्गलाणं चग्गणा, एवं जाव
 एगा अणंतपएसियाणं खंधाणं पोग्गलाणं चग्गणा, एगा एगपएसोगाढाणं पोग्गलाणं
 चग्गणा, जाव एगा असंखेज्जपएसोगाढाणं पोग्गलाणं चग्गणा, एगा एगरामग-
 ठिइयाणं पोग्गलाणं चग्गणा, जाव असंखेज्जसमयठिइयाणं पोग्गलाणं चग्गणा,
 एगा एगगुणकालयाणं पोग्गलाणं चग्गणा, जाव एगा असंखेज्ज एगा अणंतगुण-
 कालयाणं पोग्गलाणं चग्गणा, एवं वण्णगंधरसफासा भाणियच्चा जाव एगा अणंत-
 गुणलुक्खाणं पोग्गलाणं चग्गणा, एगा जहन्नपएसियाणं खंधाणं चग्गणा, एगा
 उक्कोसपएसियाणं खंधाणं चग्गणा, एगा अजहल्लुक्कोसपएसियाणं खंधाणं चग्गणा,
 एवं जहन्नोगाहणगाणं, उक्कोसोगाहणगाणं, अजहल्लुक्कोसोगाहणगाणं, जहन्नठिइयाणं,
 उक्कोसठिइयाणं, अजहन्नक्कोसठिइयाणं, जहन्नगुणकालगाणं, उक्कोसगुणकालगाणं,
 अजहल्लुक्कोसगुणकालगाणं, एवं वण्णगंधरसफासाणं चग्गणा भाणियच्चा, जाव एगा
 अजहन्नक्कोसगुणलुक्खाणं पोग्गलाणं चग्गणा ॥ ७४ ॥ एगे जंयुद्दीवे २ सच्चवीव-
 समुद्दाणं जाव अदंठुलं च किंचि विसेसाहिए परिक्खेवेणं ॥ ७५ ॥ एगे समणे
 भगवं महावीरे इमीसे ओसप्पिणीए चउवीसाए तित्थगराणं चरमतित्थयरे सिद्धे
 बुद्धे मुत्ते जाव सच्चदुक्खप्पहीणे ॥ ७६ ॥ अणुत्तरोववाइयाणं देवाणं एगा रयणी
 उद्धं उच्चत्तेणं पन्नत्ता ॥ ७७ ॥ अद्धानक्खत्ते एगतारे पन्नत्ते, चित्तानक्खत्ते एगतारे
 पन्नत्ते, साईनक्खत्ते एगतारे पन्नत्ते ॥ ७८ ॥ एगपएसोगाढा पोग्गला अणंता
 पन्नत्ता, एवमेगसमयठिइया, एगगुणकालगा पोग्गला अणंता पन्नत्ता, जाव एगगुण-
 लुक्खा पोग्गला अणंता पन्नत्ता ॥ ७९ ॥ पढमं ठाणं समत्तं ॥

जदत्थि णं लोए तं सर्व्वं दुपडोआरं, तंजहा-जीवा चेव अजीवा चेव, तसे चेव
 थावरे चेव, सजोणिया चेव अजोणिया चेव, साउया चेव अणाउया चेव, सइंदिया
 चेव अणिदिया चेव, सवेयगा चेव अवेयगा चेव, सरूवि चेव अरूवि चेव, सपो-
 गला चेव अपोग्गला चेव, संसारसमावज्जगा चेव असंसारसमावज्जगा चेव, सासया
 चेव असासया चेव, आगासे चेव नो आगासे चेव, धम्मे चेव अधम्मे चेव, वंधे
 चेव मोक्खे चेव, पुण्णे चेव पावे चेव, आसवे चेव संवरे चेव, वेयणा चेव,
 णिज्जरा चेव ॥ ८० ॥ दो किरियाओ प० तंजहा-जीवकिरिया चेव अजीव-
 किरिया चेव, जीवकिरिया दुविहा पन्नत्ता, तंजहा-सम्मत्तकिरिया चेव मिच्छत्त-

किरिया चेव, अजीवकिरिया दुविहा पन्नत्ता, तंजहा-इरियावहिया चेव संपराइया चेव ॥ ८१ ॥ दो किरियाओ प० तंजहा-काइया चेव अहिगरणिया चेव, काइया किरिया दुविहा पन्नत्ता, तंजहा-अणुवरयकायकिरिया चेव, दुप्पउत्तकाय-किरिया चेव, अहिगरणियाकिरिया दुविहा पन्नत्ता, तंजहा-संजोयणाहिगरणिया चेव णिवत्तणाहिगरणिया चेव ॥ ८२ ॥ दो किरियाओ प० तंजहा-पाउसिया चेव पारियावणिया चेव, पाउसिया किरिया दुविहा पन्नत्ता, तंजहा-जीवपाउसिया चेव अजीवपाउसिया चेव, पारियावणियाकिरिया दुविहा पन्नत्ता, तंजहा-सहत्थपारियावणिया चेव, परहत्थपारियावणिया चेव ॥ ८३ ॥ दो किरियाओ प० तंजहा-पाणाइवायकिरिया चेव, अपच्चक्खाणकिरिया चेव, पाणाइवायकिरिया दुविहा पन्नत्ता, तंजहा-सहत्थपाणाइवायकिरिया चेव, परहत्थपाणाइवायकिरिया चेव, अपच्चक्खाणकिरिया दुविहा पन्नत्ता, तंजहा-जीवअपच्चक्खाणकिरिया चेव, अजीवअपच्चक्खाणकिरिया चेव ॥ ८४ ॥ दो किरियाओ प० तंजहा-आरंभिया चेव परिग्गहिया चेव, आरंभियाकिरिया दुविहा पन्नत्ता, तंजहा-जीवआरंभिया चेव अजीवआरंभिया चेव, एवं परिग्गहियावि ॥ ८५ ॥ दो किरियाओ प० तंजहा-मायावत्तिआ चेव, मिच्छादंसणवत्तिआ चेव, मायावत्तिआकिरिया दुविहा पन्नत्ता, तंजहा-आयभाववंकणया चेव परभाववंकणया चेव, मिच्छादंसणवत्तिआकिरिया दुविहा पन्नत्ता, तंजहा-ऊणाइरित्तमिच्छादंसणवत्तिआ चेव तव्वइरित्तमिच्छादंसणवत्तिआ चेव ॥ ८६ ॥ दो किरियाओ प० तंजहा-दिट्ठिया चेव पुट्ठिया चेव, दिट्ठियाकिरिया दुविहा प० तंजहा-जीवदिट्ठिया चेव अजीवदिट्ठिया चेव, एवं पुट्ठियावि ॥ ८७ ॥ दो किरियाओ प० तंजहा-पाडुच्चिया चेव सामंतोवणिवाइया चेव, पाडुच्चियाकिरिया दुविहा पन्नत्ता, तंजहा-जीवपाडुच्चिया चेव अजीवपाडुच्चिया चेव, एवं सामंतोवणिवाइयावि ॥ ८८ ॥ दो किरियाओ प० तंजहा-साहत्थिया चेव, णेसत्थिया चेव, साहत्थियाकिरिया दुविहा पन्नत्ता, तंजहा-जीवसाहत्थिया चेव, अजीवसाहत्थिया चेव, एवं णेसत्थियावि ॥ ८९ ॥ दो किरियाओ प० तंजहा-आणवणिया चेव वेयारणिया चेव, जहेव नेसत्थिया ॥ ९० ॥ दो किरियाओ प० तंजहा-अणाभोगवत्तिया चेव अणवकंसवत्तिया चेव, अणाभोगवत्तियाकिरिया दुविहा पन्नत्ता, तंजहा-अणाउत्तआइयणया चेव, अणाउत्तपमज्जणय चेव, अणवकंसवत्तिया किरिया दुविहा पन्नत्ता, तंजहा-आयसरीरअणवकंसवत्तिय चेव, परसरीरअणवकंसवत्तिया चेव ॥ ९१ ॥ दो किरियाओ प० तंजहा-पेज्जवत्तिया चेव, दोसवत्तिया चेव, पेज्जवत्तियाकिरिया दुविहा पन्नत्ता, तंजहा-माया

वत्तिआ चेव, लोहवत्तिआ चेव, दोसवत्तिआ किरिआ दुविहा पञ्जा, तंजहा-नोहे
 चेव माणे चेव ॥ ९२ ॥ दुविहा गरिहा पञ्जा, तंजहा-मणसावेगे गरिहइ पणसा-
 वेगे गरिहइ, अहवा गरिहा दुविहा प० दीहं एगे अरं गरिहइ, रदस्सं एगे अरं
 गरिहइ ॥ ९३ ॥ दुविहे पक्खलाणे, मणसावेगे पक्खलाइ, पणसावेगे पक्खलाइ,
 अहवा पक्खलाणे दुविहे, दीहं एगे अरं पक्खलाइ, रदस्सं एगे अरं पक्खलाइ
 ॥ ९४ ॥ दोहिं ठाणेहिं अणगारे संपसे अणादयं अणवदग्गं दीहमदं चाउरंत-
 संसारकंतारं वीइवएज्जा, तंजहा-विज्जाए चेव, चरणेण चंय ॥ ९५ ॥ दो ठाणाइं
 अपरियाणिता आया णो केवलिपन्नं धम्मं लभेज्जा सवणयाए, तंजहा-आरंभे चंय
 परिग्गहे चेव, दो ठाणाइं अपरियाणिता आया णो केवलं बोहिं गुज्जेज्जा तं०
 आरंभे चेव परिग्गहे चेव, दो ठाणाइं अपरियाणिता आया णो केवलं मुंठे भयिता
 आगाराओ अणगारिलं पच्चइज्जा, तंजहा-आरंभे चेव परिग्गहे चेव, एवं णो केवलं
 वंसचेरवासमावसेज्जा णो केवलेणं संजमेणं संजमेज्जा, णो केवलेणं संवरेणं संवरेज्जा,
 णो केवलं आभिणिबोहियणाणं उप्पाडेज्जा, एवं सुअणाणं, ओहिणाणं, मण-
 पज्जवणाणं, केवलणाणं ॥ ९६ ॥ दो ठाणाइं परियाइता आया केवलीपन्नं धम्मं
 लभेज्जा सवणयाए, तंजहा-आरंभे चेव परिग्गहे चेव, एवं जाव केवलणाणमुप्पा-
 डेज्जा ॥ ९७ ॥ दोहिं ठाणेहिं आया केवलिपन्नं धम्मं लभेज्जा सवणयाए तंजहा
 सोच्चा चेव, अभिसमेच्चा चेव, जाव केवलणाणं उप्पाडेज्जा ॥ ९८ ॥ दो समाओ
 पन्नत्ताओ, तंजहा-उस्सप्पिणिसमा चेव, ओसप्पिणिसमा चेव ॥ ९९ ॥
 दुविहे उम्माए पन्नत्ते, तंजहा-जक्खावेसे चेव सोहणिजस्स चेव कम्मस्स उदएणं,
 तत्थणं जे से जक्खावेसे से णं सुहवेयतराए चेव सुहविमोयतराए चेव, तत्थणं जे से
 सोहणिजस्स कम्मस्स उदएणं, से णं दुहवेयतराए चेव दुहविमोयतराए चेव ॥ १०० ॥
 दो दंडा पञ्जा, तंजहा-अट्ठादंडे चेव, अणट्ठादंडे चेव, नेरइयाणं दो दंडा पञ्जा
 तंजहा-अट्ठादंडे चेव अणट्ठादंडे य एवं चउवीसदंडओ जाव वेसाणियाणं ॥ १०१ ॥
 दुविहे दंसणे० सम्मदंसणे चेव, मिच्छादंसणे चेव, सम्मदंसणे दुविहे० गिसग्ग-
 सम्मदंसणे चेव, अभिगमसम्मदंसणे चेव, गिसग्गसम्मदंसणे दुविहे०, पडिवाई चेव,
 अपडिवाई चेव, अभिगमसम्मदंसणे दुविहे०, पडिवाई चेव, अपडिवाई चेव,
 मिच्छादंसणे दुविहे० तं जहा अभिगहियमिच्छादंसणे चेव, अणभिगहियमिच्छा-
 दंसणे चेव, अभिगहियमिच्छादंसणे दुविहे० सपज्जवसिए चेव, अपज्जवसिए चेव,
 एवमणभिगहियमिच्छादंसणेवि ॥ १०२ ॥ दुविहे नाणे० पक्खवे चेव, परोक्खे
 चेव, पक्खसनाणे दुविहे० केवलनाणे चेव, नो केवलनाणे चेव केवलनाणे दुविहे०

भवत्यकेवलनाणे चेव सिद्धकेवलनाणे चेव, भवत्यकेवलनाणे दुविहे० सजोगिभवत्य-
 केवलनाणे चेव अजोगिभवत्यकेवलनाणे चेव, सजोगिभवत्यकेवलनाणे दुविहे०
 पढमसमयसजोगिभवत्यकेवलनाणे चेव, अपढमसमयसजोगिभवत्यकेवलनाणे चेव,
 अहवा, चरिमसमयसजोगिभवत्यकेवलनाणे चेव, अचरिमसमयसजोगिभवत्यकेवल-
 नाणे चेव, एवं अजोगिभवत्यकेवलनाणे वि, सिद्धकेवलनाणे दुविहे०, अणंतर-
 सिद्धकेवलनाणे चेव, परंपरसिद्धकेवलनाणे चेव, अणंतरसिद्धकेवलनाणे दुविहे०
 एकाणंतरसिद्धकेवलनाणे चेव, अणेषाणंतरसिद्धकेवलनाणे चेव, परंपरसिद्धकेवल-
 नाणे दुविहे० एकपरंपरसिद्धकेवलनाणे चेव, अणेषपरंपरसिद्धकेवलनाणे चेव, णो
 केवलनाणे दुविहे० ओहिनाणे चेव, मणपज्वनाणे चेव, ओहिनाणे दुविहे० भव-
 पचइए चेव, खओवसमिए चेव, दोण्हं भवपचइए० देवाणं चेव, णेरइयाणं चेव,
 दोण्हं खओवसमिए० मणुस्साणं चेव, पंचिदियतिरेक्खजोणियाणं चेव, मणपज्व-
 णाणे दुविहे० उज्जुमई चेव, विउलमई चेव, परोक्खणाणे दुविहे० आभिणिबोहिय-
 णाणे चेव, सुअणाणे चेव, आभिणिबोहियणाणे दुविहे० सुयनिस्सिए चेव, असुय-
 निस्सिए चेव, सुयनिस्सिए दुविहे० अत्थोगगहे चेव, वंजणोगगहे चेव, असुय-
 निस्सिएवि एवमेव, सुयणाणे दुविहे० अंगपविट्ठे चेव, अंगवाहिरे चेव, अंगवाहिरे
 दुविहे० आवस्सए चेव आवस्सयवइरित्ते चेव, आवस्सयवइरित्ते दुविहे० कालिए
 चेव, उक्कालिए चेव ॥ १०३ ॥ दुविहे धम्मो० सुअधम्मो चेव, चरित्तधम्मो चेव,
 सुअधम्मो दुविहे० सुत्तसुअधम्मो चेव, अत्थसुअधम्मो चेव, चरित्तधम्मो
 दुविहे० अगारचरित्तधम्मो चेव, अणगारचरित्तधम्मो चेव, संजमे दुविहे०
 सरागसंजमे चेव, वीयरागसंजमे चेव, सरागसंजमे दुविहे० सुहुमसंपराय-
 सरागसंजमे चेव, सुहुमसंपरायसरागसंजमे चेव, सुहुमसंपरायसरागसंजमे दुविहे०
 पढमसमयसुहुमसंपरायसरागसंजमे चेव, अपढमसमयसुहुमसंपरायसरागसंजमे चेव,
 अहवा चरिमसमयसुहुमसंपरायसरागसंजमे चेव, अचरिमसमयसुहुमसंपरायसराग-
 संजमे चेव, अहवा सुहुमसंपरायसरागसंजमे दुविहे० संकिलेसमाणए चेव, विउज्ज-
 माणए चेव, वादरसंपरायसरागसंजमे दुविहे० पढमसमयवादरसंपरायसरागसंजमे,
 अपढमसमयवादरसंपरायसरागसंजमे, अहवा चरिमसमयवादरसंपरायसरागसंजमे,
 अचरिमसमयवादरसंपरायसरागसंजमे, अहवा वादरसंपरायसरागसंजमे दुविहे०
 पडिवाइए चेव, अपडिवाइए चेव, वीयरागसंजमे दुविहे० उवसंतकसायवीयरानं
 संजमे चेव, खीणकसायवीयरानं संजमे चेव, उवसंतकसायवीयरानं संजमे दुविहे०
 पढमसमयउवसंतकसायवीयरानं संजमे चेव, अपढमसमयउवसंतकसायवीयरानं

संजमे चेव, अहवा चरिमसमयउवसंतकसायवीयरगसंजमे चेव, अचरिमसमय-
उवसंतकसायवीयरगसंजमे चेव, खीणकसायवीयरगसंजमे दुविहे० छउमत्थखीण-
कसायवीयरगसंजमे चेव, केवलखीणकसायवीयरगसंजमे चेव, छउमत्थखीण-
कसायवीयरगसंजमे दुविहे० सयंबुद्धछउमत्थखीणकसायवीयरगसंजमे, बुद्धवोहिय-
छउमत्थखीणकसायवीयरगसंजमे, सयंबुद्धछउमत्थखीणकसायवीयरगसंजमे दुविहे०
पढमसमयसयंबुद्धछउमत्थखीणकसायवीयरगसंजमे, अपढमसमयसयंबुद्धछउमत्थ-
खीणकसायवीयरगसंजमे, अहवा चरिमसमयसयंबुद्धछउमत्थखीणकसायवीयरग-
संजमे, अचरिमसमयसयंबुद्धछउमत्थखीणकसायवीयरगसंजमे, बुद्धवोहियछउमत्थ-
खीणकसायवीयरगसंजमे दुविहे० पढमसमयबुद्धवोहियछउमत्थखीणकसायवीयरग-
संजमे, अपढमसमयबुद्धवोहियछउमत्थखीणकसायवीयरगसंजमे, अहवा चरिमसम-
यबुद्धवोहियछउमत्थखीणकसायवीयरगसंजमे अचरिमसमयबुद्धवोहियछउमत्थखीण-
कसायवीयरगसंजमे, केवलखीणकसायवीयरगसंजमे दुविहे० सजोगिकेवलखीणक-
सायवीयरगसंजमे, अजोगिकेवलखीणकसायवीयरगसंजमे, सजोगिकेवलखीणक-
सायवीयरगसंजमे दुविहे० पढमसमयसजोगिकेवलखीणकसायवीयरगसंजमे अपढ-
मसमयसजोगिकेवलखीणकसायवीयरगसंजमे, अहवा चरिमसमयसजोगिकेवलखी-
णकसायवीयरगसंजमे, अचरिमसमयसजोगिकेवलखीणकसायवीयरगसंजमे, अजो-
गिकेवलखीणकसायवीयरगसंजमे दुविहे० पढमसमयअजोगिकेवलखीणकसायवी-
यरगसंजमे, अपढमसमयअजोगिकेवलखीणकसायवीयरगसंजमे, अहवा चरिमस-
मयअजोगिकेवलखीणकसायवीयरगसंजमे, अचरिमसमयअजोगिकेवलखीणकसाय-
वीयरगसंजमे ॥ १०४ ॥ दुविहा पुढविकाइया पन्नता, तंजहा-सुहुमा चेव, बायरा
चेव, एवं जाव दुविहा वणस्सइकाइया पन्नता तंजहा-सुहुमा चेव बायरा चेव,
दुविहा पुढविकाइया पन्नता तंजहा-पज्जत्तगा चेव, अपज्जत्तगा चेव, एवं जाव
वणस्सइकाइया, दुविहा पुढविकाइया पन्नता, तंजहा-परिणया चेव, अपरिणया
चेव, जाव वणस्सइकाइया, दुविहा दब्बा० परिणया चेव अपरिणया चेव, दुविहा
पुढविकाइया पन्नता तंजहा-गइसमावन्नगा चेव अगइसमावन्नगा चेव, एवं जाव
वणस्सइकाइया, दुविहा दब्बा पन्नता तंजहा-गइसमावन्नगा चेव अगइसमावन्नगा
चेव, दुविहा पुढविकाइया० अणंतरोगाढगा चेव परंपरोगाढगा चेव, जाव दब्बा
॥ १०५ ॥ दुविहे काळे० ओसप्पिणीकाले चेव, उस्सप्पिणीकाले चेव ॥ १०६ ॥
दुविहे आगासे० लोगागासे चेव, अलोगागासे चेव ॥ १०७ ॥ णेरइयाणं दो
सीरगा० अन्मंतरगे चेव, बाहिरगे चेव, अन्मंतरए कम्मए, बाहिरए वेउब्बिए,

भवत्यकेवलनाणे चेव सिद्धकेवलनाणे चेव, भवत्यकेवलनाणे दुविहे० सजोगिभवत्य
 केवलनाणे चेव अजोगिभवत्यकेवलनाणे चेव, सजोगिभवत्यकेवलनाणे दुविहे०
 पढमसमयसजोगिभवत्यकेवलनाणे चेव, अपढमसमयसजोगिभवत्यकेवलनाणे चेव,
 अहवा, चरिमसमयसजोगिभवत्यकेवलनाणे चेव, अचरिमसमयसजोगिभवत्यकेवल
 नाणे चेव, एवं अजोगिभवत्यकेवलनाणे वि, सिद्धकेवलनाणे दुविहे०, अणंतर
 सिद्धकेवलनाणे चेव, परंपरसिद्धकेवलनाणे चेव, अणंतरसिद्धकेवलनाणे दुविहे०
 एकाणंतरसिद्धकेवलनाणे चेव, अणेकाणंतरसिद्धकेवलनाणे चेव, परंपरसिद्धकेवल
 नाणे दुविहे० एकपरंपरसिद्धकेवलनाणे चेव, अणेकपरंपरसिद्धकेवलनाणे चेव, णो
 केवलनाणे दुविहे० ओहिनाणे चेव, मणपज्जवनाणे चेव, ओहिनाणे दुविहे० भव
 पच्चइए चेव, खओवसमिए चेव, दोण्हं भवपच्चइए० देवाणं चेव, णेरइयाणं चेव,
 दोण्हं खओवसमिए० मणुस्साणं चेव, पंचिदियतिरिक्खजोणियाणं चेव, मणपज्जव
 णाणे दुविहे० उज्जुमई चेव, विठलमई चेव, परोक्खणाणे दुविहे० आभिणिबोहिय
 णाणे चेव, सुअणाणे चेव, आभिणिबोहियणाणे दुविहे० सुयनिस्सिए चेव, असुय
 निस्सिए चेव, सुयनिस्सिए दुविहे० अत्थोगगहे चेव, वंजणोगगहे चेव, असुय
 निस्सिएवि एवमेव, सुयणाणे दुविहे० अंगपविट्ठे चेव, अंगवाहिरे चेव, अंगवाहिरे
 दुविहे० आवस्सए चेव आवस्सयवइरित्ते चेव, आवस्सयवइरित्ते दुविहे० कालिए
 चेव, उक्कालिए चेव ॥ १०३ ॥ दुविहे धम्मे० सुअधम्मे चेव, चरित्तधम्मे चेव,
 सुअधम्मे दुविहे० सुत्तसुअधम्मे चेव, अत्थसुअधम्मे चेव, चरित्तधम्मे
 दुविहे० अगारचरित्तधम्मे चेव, अणगारचरित्तधम्मे चेव, संजमे दुविहे०
 सरागसंजमे चेव, वीयरगसंजमे चेव, सरागसंजमे दुविहे० सुहुमसंपराय
 सरागसंजमे चेव वादरसंपरायसरागसंजमे चेव, सुहुमसंपरायसरागसंजमे दुविहे०
 पढमसमयसुहुमसंपरायसरागसंजमे चेव, अपढमसमयसुहुमसंपरायसरागसंजमे चेव,
 अहवा चरिमसमयसुहुमसंपरायसरागसंजमे चेव, अचरिमसमयसुहुमसंपरायसराग
 संजमे चेव, अहवा सुहुमसंपरायसरागसंजमे दुविहे० संकिल्लेसमाणए चेव, विमुज्झं
 माणए चेव, वादरसंपरायसरागसंजमे दुविहे० पढमसमयवादरसंपरायसरागसंजमे,
 अपढमसमयवादरसंपरायसरागसंजमे, अहवा चरिमसमयवादरसंपरायसरागसंजमे,
 अचरिमसमयवादरसंपरायसरागसंजमे, अहवा वादरसंपरायसरागसंजमे दुविहे०
 पडिवाइए चेव, अपडिवाइए चेव, वीयरगसंजमे दुविहे० उवसंतकसायवीयरग
 संजमे चेव, खीणकसायवीयरगसंजमे चेव, उवसंतकसायवीयरगसंजमे दुविहे०
 पढमसमयउवसंतकसायवीयरगसंजमे चेव, अपढमसमयउवसंतकसायवीयरग

संजमे चेव, अहवा चरिमसमयउवसंतकसायवीयरगसंजमे चेव, अचरिमसमग-
उवसंतकसायवीयरगसंजमे चेव, खीणकसायवीयरगसंजमे दुविहे० छउमत्ताखीण-
कसायवीयरगसंजमे चेव, केवलखीणकसायवीयरगसंजमे चेव, छउमत्ताखीण-
कसायवीयरगसंजमे दुविहे० सयंबुद्धछउमत्तखीणकसायवीयरगसंजमे, बुद्धोहिय-
छउमत्तखीणकसायवीयरगसंजमे, सयंबुद्धछउमत्तखीणकसायवीयरगसंजमे दुविहे०
पढमसमयसयंबुद्धछउमत्तखीणकसायवीयरगसंजमे, अपढमसमयसयंबुद्धछउमत्त-
खीणकसायवीयरगसंजमे, अहवा चरिमसमयसयंबुद्धछउमत्तखीणकसायवीयरग-
संजमे, अचरिमसमयसयंबुद्धछउमत्तखीणकसायवीयरगसंजमे, बुद्धोहियछउमत्त-
खीणकसायवीयरगसंजमे दुविहे० पढमसमयबुद्धोहियछउमत्तखीणकसायवीयरग-
संजमे, अपढमसमयबुद्धोहियछउमत्तखीणकसायवीयरगसंजमे, अहवा चरिमसम-
यबुद्धोहियछउमत्तखीणकसायवीयरगसंजमे अचरिमसमयबुद्धोहियछउमत्तखीण-
कसायवीयरगसंजमे, केवलखीणकसायवीयरगसंजमे दुविहे० सजोगिकेवलखीणक-
सायवीयरगसंजमे, अजोगिकेवलखीणकसायवीयरगसंजमे, सजोगिकेवलखीणक-
सायवीयरगसंजमे दुविहे० पढमसमयसजोगिकेवलखीणकसायवीयरगसंजमे अपढ-
मसमयसजोगिकेवलखीणकसायवीयरगसंजमे, अहवा चरिमसमयसजोगिकेवलखी-
णकसायवीयरगसंजमे, अचरिमसमयसजोगिकेवलखीणकसायवीयरगसंजमे, अजो-
गिकेवलखीणकसायवीयरगसंजमे दुविहे० पढमसमयअजोगिकेवलखीणकसायवी-
यरगसंजमे, अपढमसमयअजोगिकेवलखीणकसायवीयरगसंजमे, अहवा चरिमस-
मयअजोगिकेवलखीणकसायवीयरगसंजमे, अचरिमसमयअजोगिकेवलखीणकसाय-
वीयरगसंजमे ॥ १०४ ॥ दुविहा पुढविकाइया पन्नत्ता, तंजहा-सुहुमा चेव, वायरा
चेव, एवं जाव दुविहा वणस्सइकाइया पन्नत्ता तंजहा-सुहुमा चेव वायरा चेव,
दुविहा पुढविकाइया पन्नत्ता तंजहा-पज्जत्ता चेव, अपज्जत्ता चेव, एवं जाव
वणस्सइकाइया, दुविहा पुढविकाइया पन्नत्ता, तंजहा-परिणया चेव, अपरिणया
चेव, जाव वणस्सइकाइया, दुविहा दब्बा० परिणया चेव अपरिणया चेव, दुविहा
पुढविकाइया पन्नत्ता तंजहा-गइसमावन्नगा चेव अगइसमावन्नगा चेव, एवं जाव
वणस्सइकाइया, दुविहा दब्बा पन्नत्ता तंजहा-गइसमावन्नगा चेव अगइसमावन्नगा
चेव, दुविहा पुढविकाइया० अणंतरोगाढगा चेव परंपरोगाढगा चेव, जाव दब्बा
॥ १०५ ॥ दुविहे काले० ओसप्पिणीकाले चेव, उस्सप्पिणीकाले चेव ॥ १०६ ॥
दुविहे आगासे० लोगागासे चेव, अलोगागासे चेव ॥ १०७ ॥ जेरइयाणं दो
सरीरगा० अब्भंतरगे चेव, बाहिरगे चेव, अब्भंतरए कम्मए, बाहिरए वेउव्विए,

सन्वेणवि आया सद्दाइं सुणेइ, एवं रूवाइं पासइ, गंधाइं आघायइ, रसाइं आसाएइ, फासाइं पडिसंवेएइ, दोहिं ठणेहिं आया ओभासइ, तंजहा-देसेणवि आया ओभासइ, सन्वेण वि आया ओभासइ, एवं पभासइ, विउव्वइ, परियारेइ, भासं भासइ, आहारेइ, परिणामेइ, वेएइ, निज्जरेइ, दोहिं ठणेहिं देवे सद्दाइं सुणेइ, तंजहा-देसेणवि देवे सद्दाइं सुणेइ, सन्वेण वि सद्दाइं सुणेइ, जाव णिज्जरेइ ॥ ११५ ॥ मरुया देवा दुविहा प० तं० एगसरीरी चेव विसरीरी चेव, एवं किन्नरा, किंपुरिसा, गंधन्वा, णागकुमारा, सुवन्नकुमारा अग्गि कुमारा, वाउकुमारा देवा दुविहा प० तं० एगसरीरी चेव विसरीरी चेव ॥ ११६ ॥ वीयट्ठाणस्स वीओहेसो समत्तो ॥

दुविहे सद्दे प० तं० भासासद्दे चेव नोभासासद्दे चेव । भासासद्दे दुविहे प० तं० अक्खरसंबद्धे चेव, नोअक्खरसंबद्धे चेव । णोभासासद्दे दुविहे प० तं० आउज्जसद्दे चेव, णोआउज्जसद्दे चेव, आउज्जसद्दे दुविहे प० तं० तते चेव, वितते चेव, तते दुविहे प० तं० घणे चेव झुसिरे चेव, एवं विततेवि, णोआउज्जसद्दे दुविहे प० तं० भूसणसद्दे चेव, णोभूसणसद्दे चेव, णोभूसणसद्दे दुविहे प० तं० तालसद्दे चेव लत्तियासद्दे चेव, दोहिं ठणेहिं सद्दुप्पाए सिया तंजहा-साहन्नंताणं चेव, पुग्गलाणं सद्दुप्पाए सिया भिज्जंताणं चेव पोग्गलाणं सद्दुप्पाए सिया ॥ ११७ ॥ दोहिं ठणेहिं पोग्गला साहन्नंति, तंजहा-सयं वा पोग्गला साहन्नंति परेण वा पोग्गला साहन्नंति, दोहिं ठणेहिं पोग्गला भिज्जंति, तंजहा-सयं वा पोग्गला भिज्जंति, परेण वा पोग्गला भिज्जंति, दोहिं ठणेहिं पोग्गला परिसडंति, सयं वा पोग्गला परिसडंति, परेण वा पोग्गला परिसडिज्जंति, एवं परिपडंति, विद्धंसंति ॥ ११८ ॥ दुविहा पोग्गला प० तं० भिन्ना चेव अभिन्ना चेव, दुविहा पोग्गला प० तं० भिउरधम्मा चेव नोभिउरधम्मा चेव, दुविहा पोग्गला प० तं० परमाणुपोग्गला चेव नोपरमाणुपोग्गला चेव, दुविहा पोग्गला प० तं० सुहुमा चेव वायरा चेव, दुविहा पोग्गला प० तं० बद्धपासपुट्ठा चेव नोबद्धपासपुट्ठा चेव, दुविहा पोग्गला प० तं० परियादितच्चेव, अपरियादितच्चेव, दुविहा पोग्गला प० तं० अत्ताचेव अणत्ताचेव, दुविहा पोग्गला प० तं० इट्ठा चेव अणिट्ठा चेव, एवं कंता, पिया, मणुजा, मणामा । दुविहा सद्दा प० तं० अत्ता चेव, अणत्ता चेव एवं इट्ठा जाव मणामा, दुविहा रूवा प० तं० अत्ता चेव अणत्ता चेव, जाव मणामा । एवं गंधा, रसा, फासा, एवमिक्किक्के छआलावगा भाणियव्वा ॥ ११९ ॥ दुविहे आयारे प० तं० णागायारे चेव णो णागायारे चेव, णोणागायारे दुविहे प० तं० दंसणायारे चेव, णोदंसणायारे चेव, णोदंसणायारे दुविहे पण्णत्ते, चरित्तायारे चेव, णो चरित्तायारे चेव, णो चरित्तायारे दविहे

प० तं० तवायारे चेव, वीरियायारे चेव ॥ १२० ॥ दो पडिमाओ प० तं० समाहिपडिमा चेव, उवहाणपडिमा चेव, दो पडिमाओ प० तं० विवेगपडिमा चेव, विउसग्गपडिमा चेव, दोपडिमाओ प० तं० महा चेव, सुभहा चेव, दो पडिमाओ प० तं० महाभहा चेव सव्वतोभहा चेव, दो पडिमाओ प० तं० खुट्टिया चेव मोयपडिमा महल्लिया चेव मोयपडिमा, दोपडिमाओ प० तं० जवमज्जे चेव चंदपडिमा वडरमज्जे चेव चंदपडिमा ॥ १२१ ॥ दुविहे सामाइए प० तं० आगारसामाइए चेव, अणगारसामाइए चेव ॥ १२२ ॥ दोण्हं उववाए प० तं० देवाणं चेव, नेरइयाणं चेव, दोण्हं उव्वट्टणा प० तं० नेरइयाणं चेव, णवणवासीणं चेव, दोण्हं चयणे प० तं० जोइसियाणं चेव, वेमाणियाणं चेव, दोण्हं गव्वभक्कंती प० तं० मणुस्साणं चेव, पंचिदियतिरिक्खजोणियाणं चेव । दोण्हं गव्वभत्थाणं आहारे प० तं० मणुस्साणं चेव पंचिदियतिरिक्खजोणियाणं चेव दोण्हं गव्वभत्थाणं बुद्धी प० तं० मणुस्साणं चेव पंचिदियतिरिक्खजोणियाणं चेव, एवं निव्वुद्धी विगुव्वणा गइपरियाए समुग्घाए कालसंजोगे आयाइ मरणे, दोण्हं ऋविपव्वा प० तं० मणुस्साणं चेव पंचिदियतिरिक्खजोणियाणं चेव, दो सुक्खसोणि-असंभवा, प० तं० मणुस्सा चेव पंचिदियतिरिक्खजोणिया चेव, दुविहा ठिई, कायट्ठिई चेव, भवट्ठिई चेव, दोण्हं कायट्ठिई, मणुस्साणं चेव पंचिदियतिरिक्खजो-णियाणं चेव, दोण्हं भवट्ठिई, देवाणं चेव णेरइयाणं चेव, दुविहे आउए, अद्धाउए चेव, भवाउए चेव, दोण्हं अद्धाउए, मणुस्साणं चेव पंचिदियतिरिक्खजोणियाणं चेव, दोण्हं भवाउए देवाणं चेव, णेरइयाणं चेव, दुविहे कम्मे, पएसकम्मे चेव, अणुभावकम्मे चेव, दो अहाउयं पालेंति, देवच्चेव णेरइयच्चेव, दोण्हं आउयसंवट्टए प० तं० मणुस्साणं चेव पंचिदियतिरिक्खजोणियाणं चेव ॥ १२३ ॥ जंबुद्दीवे दीवे मंदरस्स पव्वयस्स उत्तरदाहिणेणं दोवासा बहुसमउल्ला अविसेसमणाणत्ता अन्नमण्णं णाइवट्ठंति, आयामविक्खंभसंठाणपरिणाहेणं, तंजहा-भरहे चेव, एरवए चेव, एवमेणं अहिलवेणं नेयव्वं, हेमवए चेव हेरण्णवए चेव, हरिवरिसे चेव, रम्मयवरिसे चेव ॥ १२४ ॥ जंबुद्दीवे दीवे मंदरस्स पव्वयस्स पुरच्छिमपच्चत्थिमेणं दो खिता, बहुसमउल्ला अविसेस जाव पुव्वविदेहे चेव अवरविदेहे चेव ॥ १२५ ॥ जंबूमंदरस्स पव्वयस्स उत्तरदाहिणेणं दोकुराओ, बहुसमउल्लाओ अविसेसा जाव देव-कुरा चेव उत्तरकुरा चेव, तत्थ णं दो महइ महालया महादुमा, बहुसमउल्ला, अवि-सेसमणाणत्ता अन्नमन्नं णाइवट्ठंति, आयामविक्खंभुच्चोव्वेहसंठाणपरिणाहेणं तंजहा कूडसामली चेव, जंबू चेव सुदंसणा, तत्थणं दो देवा महिद्धिया जाव महासोक्खा,

पलिओवमठिइया परिवसंति, तंजहा-गरुळे चेव वेणुदेवे अणाठिए चेव जंवूदीवाहिर्वई
 ॥ १२६ ॥ जंवूमंदरस्स पव्वयस्स उत्तरदाहिणेणं दोवासहरपव्वया, बहुसमउल्ला,
 अविसेसमणाणत्ता, अजमन्नं नाइवइंति, आयामविकखंभुच्चतोव्वेहसंठाणपरिणाहेणं,
 तंजहा-चुल्लहिमवंते चेव सिहरी चेव एवं महाहिमवंते चेव, रुप्पी चेव, एवं णिसडे
 चेव, णीलवंते चेव ॥ १२७ ॥ जंवूमंदरस्स पव्वयस्स उत्तरदाहिणेणं हेमवएरन्न-
 वएसु वासेसु दोवट्टवेयड्डपव्वया, बहुसमउल्ला, अविसेसमणाणत्ता जाव सहावाई चेव
 वियडावाई चेव, तत्थणं दो देवा महिड्डिया जाव पलिओवमठिइया परिवसंति,
 तंजहा-साई चेव पभासे चेव ॥ १२८ ॥ जंवूमंदरस्स उत्तरदाहिणेणं हरिंवासरम्म-
 एसु वासेसु दोवट्टवेयड्डपव्वया, बहुसमउल्ला, जाव गंधावाई चेव, मालवंतपरियाए
 चेव, तत्थणं दोदेवा महिड्डिया, जाव पलिओवमठिइया परिवसंति, तंजहा-अरुणे चेव,
 पउमे चेव ॥ १२९ ॥ जंवूमंदरस्स पव्वयस्स दाहिणेणं देवकुराए पुव्वावरे पासे,
 एत्थणं आसक्खंधगसरिसा, अद्धचंदसंठाणसंठिया दोवक्खारपव्वया, बहुसमउल्ला
 जाव, सोमणसे चेव विज्जुप्पभे चेव, जंवूमंदरस्स उत्तरेणं उत्तरकुराए पुव्वावरे पासे
 एत्थणं आसक्खंधगसरिसा अद्धचंदसंठाणसंठिया दो वक्खारपव्वया प० तं० बहु०
 जाव, गंधमायणे चेव, मालवंते चेव ॥ जंवूमंदरस्स पव्वयस्स उत्तरदाहिणेणं
 दोदीहवेयड्डपव्वया, बहुसमउल्ला जाव भारहे चेव दीहवेयड्डे एरावए चेव दीह-
 वेयड्डे, भारहेणं दीहवेयड्डे दोगुहाओ, बहुसमउल्लाओ अविसेसमणाणत्ताओ अन्नमर्ग-
 णाइवइंति आयामविकखंभुच्चतसंठाणपरिणाहेणं, तंजहा-तिमिसगुहा चेव, खंड-
 गप्पवायगुहा चेव, तत्थणं दोदेवा महिड्डिया, जाव पलिओवमठिइया परिवसंति,
 तंजहा-कयमालए चेव, णट्टमालए चेव, एरावएणं दीहवेयड्डे दोगुहा, जाव कयमाल-
 ए चेव णट्टमालए चेव ॥ १३० ॥ जंवूमंदरस्स पव्वयस्स दाहिणेणं चुल्लहिमवंते
 वासहरपव्वए दोकूडा, बहुसमउल्ला, जाव विकखंभुच्चतसंठाणपरिणाहेणं, तंजहा-
 चुल्लहिमवंतकूडे चेव वेसमणकूडे चेव, जंवूमंदरस्स दाहिणेणं महाहिमवंते वास-
 हरपव्वए दोकूडा, बहुसमउल्ला जाव महाहिमवंतकूडे चेव, वेरलियकूडे चेव, एवं
 निसडे वासहरपव्वए दोकूडा, बहुसमउल्ला जाव० निसडकूडे चेव, रुयगप्पभे चेव,
 जंवूमंदरस्स उत्तरेणं नीलवंते वासहरपव्वए दोकूडा, बहुसमउल्ला जाव० नीलवंत-
 कूडे चेव, उवदंसणकूडे चेव, एवं रुप्पिमि वासहरपव्वए दोकूडा, बहुसमउल्ला
 जाव० तंजहा रुप्पिकूडे चेव, मणिकंचणकूडे चेव, एवं सिहरिमि वि वासहरपव्वए
 दोकूडा, बहुसमउल्ला तंजहा-सिहरिकूडे चेव, तिणिच्छिकूडे चेव ॥ १३१ ॥
 जंवूमंदरस्स उत्तरदाहिणेणं चुल्लहिमवंतसिहरीसु वासहरपव्वएसु दो महइहा, बहुसम-

उल्ला, अविसेसमणाणत्ता अण्णमण्णं नाइवदंति, आयामविकखंभजव्वेहसंठाणपरिणा-
 णं, तंजहा-पउमइहे चैव, पुंडरीयइहे चैव, तत्थणं दो देवयाओ महिद्धियाओ
 गाव पलिओवमठ्ठियाओ परिवसंति, तं० सिरी चैव लच्छी चैव, एवं महाहिमवंत-
 ण्णीसु वासहरपव्वएसु दो महइहा प० बहुसमउल्ला जाव महापउमइहे चैव,
 हापोंडरीयइहे चैव, देवताओ हिरिचैव बुद्धिचैव, एवं निसहनीलवंतेसु तिगि-
 ञ्छइहे चैव, केसरिइहे चैव, देवताओ धिई चैव किति चैव ॥ १३२ ॥
 ज्वूमंदरदाहिणेणं महाहिमवंताओ वासहरपव्वयाओ महापउमइहाओ दो महाणईओ
 पव्हंति तंजहा रोहियचैव हरिकंतचैव, एवं निसहाओ वासहरपव्वयाओ तिगिच्छि-
 ण्णो दोमहानईओ पव्हंति तं० हरिचैव, सीतोअचैव । ज्वूमंदरस्स उत्तरेणं नीलवं-
 तओ वासहरपव्वयाओ केसरिइहाओ दो महाणईओ पव्हंति तं० सीता चैव, नारि-
 ण चैव, एवं रुप्पिवासहरपव्वयाओ महापोंडरीयइहाओ दोमहानईओ पव्हंति,
 इहा णरकंता चैव रुप्पकूला चैव । ज्वूमंदरदाहिणेणं भारहेवासे दोपवायइहा प०
 बहुसमउल्ला जाव गंगप्पवायइहे चैव सिंधुप्पवायइहे चैव । एवं हेमवएवासे दोप-
 वायइहा प० बहुसमउल्ला तं० रोहियप्पवायइहे चैव, रोहियसप्पवायइहे चैव, जंबू-
 रदाहिणे णं हरिवासे वासे दोपवायइहा प० बहुसमउल्ला तं० हरिप्पवायइहे चैव हरि-
 प्पवायइहे चैव, जंबूमंदरउत्तरदाहिणेणं महाविदेहे वासे दोपवायइहा प० तं०
 समउल्ला जाव० सीयप्पवायइहे चैव, सीओयप्पवायइहे चैव, जंबूमंदरउत्तरेणं
 एवासे दोपवायइहा प० बहुसमउल्ला जाव नरकंतप्पवायइहे चैव णारिकंतप्प-
 वायइहे चैव, एवं हेरजवएवासे दोपवायइहा प० बहुसमउल्ला जाव० सुवन्नकूलप्प-
 वायइहे चैव, रुप्पकूलप्पवायइहे चैव, जंबूमंदरउत्तरेणं एरवएवासे दोपवायइहा, प०
 समउल्ला जाव० रत्तप्पवायइहे चैव रत्तावइप्पवायइहे चैव, जंबूमंदरदाहिणेणं भर-
 से दोमहानईओ प० बहुसमउल्ला गंगा चैव, सिंधू चैव, एवं जहा प्पवायइहा एवं
 ओ भाणियव्वाओ, जाव एरवए वासे दोमहानईओ प० बहुसमउल्लाओ जाव रत्ता
 रत्तवई चैव ॥ १३३ ॥ जंबुदीवे दीवे भरहेरवएसु वासेसुऽतीताए उस्सप्पिणीए सुस-
 माए समाए दो सागरोवमकोडाकोडीओ काले होत्था, एवमिमीसे ओसप्पिणीए
 प० एवं आगमिस्साए उस्सप्पिणीए जाव भविस्सइ । जंबुदीवे दीवे भरहेरवएसु
 सु तीयाए उस्सप्पिणीए सुसमाए समाए मण्णया दोगाउयाइं उड्डं उच्चत्तेणं होत्था,
 णयपलिओवमाइं परमाउं पालइत्था एवमिमीसे ओसप्पिणीए जाव पालइत्था,
 आगमिस्साए उस्सप्पिणीए जाव पालइस्संति ॥ १३४ ॥ जंबुदीवे दीवे भरहेर-
 व वासेसु एगसमए एगजुगे दो अरहंतवंसा उप्पजिंसु वा उप्पज्जंति वा उप्पज्जि-

स्संति वा । एवं चक्खवट्ठिंसा, दसारवंसा, जंबूभरहेरवएसु एगसमए दोअरिहंता
उप्पज्जिंसु वा उप्पज्जंति वा उप्पज्जिस्संति वा, एवं चक्खवट्ठिणो बलदेवा वासुदेवा,
जाव उपज्जिस्संति वा ॥ १३५ ॥ जंबू० दोसु कुरासु मणुया सया सुसमसुसमुत्तम-
मिद्धिं पत्ता पच्चणुभवमाणा विहरंति, तंजहा-देवकुराए चेव, उत्तरकुराए चेव,
जंबुदीवे दीवे दोसु वासेसु मणुया सया सुसमुत्तममिद्धिं पत्ता पच्चणुभवमाणा विहरंति
तंजहा-हरिवासे चेव रम्मगवासे चेव, जंबु० दोसु वासेसु मणुया सया सुसमदुस-
मुत्तममिद्धिं पत्ता पच्चणुभवमाणा विहरंति, तंजहा-हेमवए चेव एरन्नवए चेव, जंबु
दीवे दीवे दोसु खित्तेसु मणुया सया दुसमसुसमुत्तममिद्धिं पत्ता पच्चणुभवमाणा विह-
रंति, तंजहा-पुव्वविदेहे चेव अवरविदेहे चेव, जंबुदीवे दीवे दोसु वासेसु मणुय
छव्विहंपिकालं पच्चणुभवमाणा विहरंति, तंजहा-भरहे चेव, एरवए चेव ॥ १३६ ॥
जंबुदीवे २ दोचंदा पभासिंसु वा, पभासंति वा, पभासिस्संति वा, दोसूरिया तवइंसु वा
तवंति वा, तविस्संति वा, दो कत्तियाओ, दो रोहिणीओ दो मियसिराओ, दो अद्दाओ
एवं भाणियव्वं ॥ कत्तियरोहिणिमियसिर अद्दा य पुणव्वसू य पुस्सो य । तत्तो
अस्सलेता, महा य दो फग्गुणीओ य १ हत्थो चित्ता साई, विसाहा तह य होंति
अणुराहा, जेद्धा मूलो पुव्वा य, आसाढा उत्तरा चेव २ अभिई सवण धणिद्व
सयभिसया दो य होंति भइवया, रेवइ अरिसणि भरणी, जेयव्वा आणुपुव्वीए
एवं गाहानुसारेण णायव्वं जाव दो भरणीओ, दो अग्गी दो पयावई दोसोमा दोख
दोअइई दोवहस्सई दोसप्पी दोपीई दोभगा दोअज्जमा दोसविया दोतट्ठा दोवा
दोइंदग्गी दोमित्ता दोईदा दोनिरई दोआऊ दोविस्सा दोबद्धा दोविण्हू दोवसू दो
रुणा दोअया दोविविद्धी दोपुस्सा दोअस्सा दोयमा दोइंगालगा दोवियाल
दोलोहियक्खा दोसणिच्चरा दोआहुणिया दोपाहुणिया दोकणा दोकणगा दोक
कणगा दोकणगवियाणगा दोकणगसंताणगा दोसोमा दोसहिया दोआसासणा दोकजं
वगा दोकव्वडगा दोअयकरगा दोइंदुभगा दोसंखा दोसंखवन्ना दोसंखवन्ना
दोकंसा दोकंसवन्ना दोकंसवन्नाभा दोरुप्पी दोरुप्पाभासा दोनीला दोनीलोमा
दोभासा दोभासरासी दोतिला दोतिलपुप्फवन्ना दोदगा दोदगपंचवन्ना दोका
दोकक्कंथा दोइंदग्गीवा दोधूमकेऊ दोहरी दोपिंगला दोबुहा दोसुक्का दोवहस्स
दोराहू दोअंगत्थी दोमाणवगा दोकासा दोफासा दोधुरा दोपमुहा दोवियडा दोविसं
दोनियल्ला दोपइल्ला दोजडियाइलगा दोअरुणा दोअग्गिल्ला दोकाला दोमहाकाल
दोसोत्थिया दोसोवत्थिया दोबद्धमाणगा दोपूसमाणगा दोअंकुसा दोपलंवा दोनिच्च-
लगा दोनिच्चुज्जीया दोसयंपमा दोओभासा दोसेयंकरा दोखेमंकरा दोआमंकरा

दोपमंकरा दोअपराजिता दोअरया दोअसोगा दोविगयसोगा दोविमला दोवि-
तत्ता दोवितत्या दोविसाला दोसाला दोसुव्वया दोअणियट्ठी दोएगजडी दोदुजडी
दोकरकरिगा दोरायगगला दोपुप्फकेऊ दोभावकेऊ ॥१३७॥ जंबुदीवस्स णं दीवस्स
वेइआ दोगाउआइं उड्ढं उच्चत्तेणं प० लवणेणं समुदे दोजोयणसयसहस्साइं चक्कवा-
लविक्खंभेण प० लवणस्सणं समुद्स्स वेइया दोगाउआइं उड्ढं उच्चत्तेणं प० ॥१३८॥
धायईखंडेणं दीवे पुरत्थिमद्धेणं मंदरस्स पव्वयस्स उत्तरदाहिणेणं दोवासा, बहुसम-
उल्ला जाव भरहे चेव, एरवए चेव, एवं जहा जंबूदीवे तहा एत्थ वि भाणियव्वं,
जाव दोसु वासेसु मणुया छव्विहंपि कालं पच्चणुभवमाणा विहरंति, तंजहा-भरहे चेव
एरवए चेव, णवरं कूडसामली चेव, धायईख्खे चेव, देवा गरुले चेव वेणुदेवे
सुदंसणेचेव, धायईखंडदीवपच्चच्छिमद्धेणं मंदरस्स पव्वयस्स उत्तरदाहिणेणं दोवासा
प० बहुसमउल्ला जाव भरहे चेव एरवए चेव, जाव छव्विहंपि कालं पच्चणुभवमाणा
विहरंति, णवरं कूडसामली चेव महाधायईख्खे चेव, देवा गरुले चेव वेणुदेवे
पियदंसणे चेव, धायईखंडेणं दीवे दोभरहाइं दोएरवयाइं दोहिमवंताइं दो
हेरणवयाइं दोहरिवासाइं दोरम्मगवासाइं, दोपुव्वविदेहाइं दोअवरविदेहाइं
दोदेवकुराओ दोदेवकुल्लमाहादुमा, दोदेवकुल्लमाहादुमावासी देवा दोउत्तरकुराओ
दोउत्तरकुल्लमाहादुमा दोउत्तरकुल्लमाहादुमावासी देवा दोउत्तरहिमवंता दोमहाहिमवंता
दोनिहहा दोनीलवंता दोरुप्पी दोसिहरी दोसहावाइं दोसहावायवासी साइं देवा,
दोवियडावाइं दोवियडावाइंवासी पभासा देवा दोगंधावाइं दोगंधावाइंवासी
अरुणादेवा दोमालवंतपरियागा दोमालवंतपरियागावासी पउमादेवा दोमालवंता
दोचित्तकूडा दोपउमकूडा दोनलिनकूडा दोएगसेला दोतिकूडा दोवेसमणकूडा
दोअंजणा दोमातंजणा दोसोमणसा दोविज्जुप्पभा दोअंकावईं दोपम्हावईं दोआसी-
विसा दोसुहावहा दोचंदपव्वया दोसूरपव्वया दोणागपव्वया दोदेवपव्वया दोगंध-
मायणा दोउसुगारपव्वया दोउत्तरहिमवंतकूडा दोवेसमणकूडा दोमहाहिमवंतकूडा दोवे-
रुलियकूडा दोनिसहकूडा दोरुयगकूडा दोनीलवंतकूडा दोउवदंसणकूडा दोरुप्पिकूडा
दोमणिकंचणकूडा दोसिहरिकूडा दोतिगिच्छिकूडा दोपउमद्दहा, दोपउमद्दहासिणीओ
सिरीदेवीओ दोमहापउमद्दहा दोमहापउमद्दहासिणीओ हिरीओ एवं जाव दोपुंड-
रीयद्दहा दोपुंडरीयद्दहासिणीओ लच्छीओ देवीओ दोगंगप्पवायद्दहा जाव दोरत्त-
वईप्पवायद्दहा दोरोहियाओ जाव दोरुप्पकूलाओ दोगाहावईंओ दोदहवईंओ दोपंकव-
ईओ दोतत्तजलाओ दोमत्तजलाओ दोउम्मत्तजलाओ दोखीरोयाओ दोसीहसोयाओ
दोअंतोवाहिणीओ दोउम्मिमालिणीओ दोफेणमालिणीओ दोगभीरमालिणीओ दोक-

स्सन्ति वा । एवं चक्कवट्ठिंसा, दसारवंसा, जंवूभरहेरवणु एगसमए दोअरिहंता
उप्पज्जिंस्सु वा उप्पज्जंति वा उप्पज्जिस्सन्ति वा, एवं चक्कवट्ठिणो वलदेवा वासुदेवा,
जाव उपज्जिस्सन्ति वा ॥ १३५ ॥ जंवू० दोसु कुरासु मणुया सया सुसमुत्तमसुत्तम-
मिद्धिं पत्ता पच्चणुभवमाणा विहरन्ति, तंजहा-देवकुराए चेव, उत्तरकुराए चेव,
जंवुद्दीवे दीवे दोसु वासेसु मणुया सया सुसमुत्तममिद्धिं पत्ता पच्चणुभवमाणा विहरन्ति
तंजहा-हरिवासे चेव रम्मगवासे चेव, जंवु० दोसु वासेसु मणुया सया सुसमदुस-
मुत्तममिद्धिं पत्ता पच्चणुभवमाणा विहरन्ति, तंजहा-हेमवए चेव एरन्नवए चेव, जंवु-
द्दीवे दीवे दोसु खित्तेसु मणुया सया दुसमसुसमुत्तममिद्धिं पत्ता पच्चणुभवमाणा विह-
रन्ति, तंजहा-पुव्वविदेहे चेव अवरविदेहे चेव, जंवुद्दीवे दीवे दोसु वासेसु मणुया
छव्विहंपिकालं पच्चणुभवमाणा विहरन्ति, तंजहा-भरहे चेव, एरवए चेव ॥ १३६ ॥
जंवुद्दीवे २ दोचंदा पभासिंसु वा, पभासन्ति वा, पभासिस्सन्ति वा, दोसूरिया तवइंसु वा,
तवन्ति वा, तविस्सन्ति वा, दो कत्तियाओ, दो रोहिणीओ दो मियसिराओ, दो अद्दाओ,
एवं भाणियव्वं ॥ कत्तियरोहिणिमियसिर अद्दा य पुणव्वसू य पुस्तो य । तत्तोवि
अस्सलेसा, महा य दो फग्गुणीओ य १ हत्थो चित्ता साई, विसाहा तह य होंति
अणुराहा, जेठ्ठा मूलो पुव्वा य, आसाढा उत्तरा चेव २ अभिई सवण धणिठ्ठा
सयभिसया दो य होंति भइवया, रेवइ अस्सिणि भरणी, जेयव्वा आणुपुव्वीए ३
एवं गाहानुसारेण णायव्वं जाव दो भरणीओ, दो अग्गी दो पयावई दोसोमा दोल्ल
दोअई दोवहस्सई दोसप्पी दोपीई दोभगा दोअज्जमा दोसविया दोतट्ठा दोवाउ
दोइंदग्गी दोमिता दोईदा दोनिरई दोआऊ दोविस्सा दोवह्मा दोविण्हू दोवसू दोव
रुणा दोअया दोविविद्धी दोपुस्सा दोअस्सा दोयमा दोइंगालगा दोवियालगा
दोलोहियक्खा दोसणिच्चरा दोआहुणिया दोपाहुणिया दोकणा दोकणगा दोकण
कणगा दोकणगवियाणगा दोकणगसंताणगा दोसोमा दोसहिया दोआसासणा दोकज्जो
वगा दोकव्वडगा दोअयकरगा दोदुंदुभगा दोसंखा दोसंखवन्ना दोसंखवन्नाम
दोकंसा दोकंसवन्ना दोकंसवन्नाभा दोरुप्पी दोरुप्पाभासा दोनीला दोनीलोभास
दोभासा दोभासरासी दोतिला दोतिलपुप्फवन्ना दोदगा दोदगपंचवन्ना दोका
दोकाकंधा दोइंदग्गीवा दोधूमकेऊ दोहरी दोपिंगला दोबुहा दोसुक्का दोवहस्सई
दोराह्म दोअगत्थी दोमाणवगा दोकासा दोफासा दोधुरा दोपमुहा दोवियडा दोविसंधी
दोनियल्ला दोपइल्ला दोजडियाइलगा दोअरुणा दोअग्गिल्ला दोकाला दोमहाकालगा
दोसोत्थिया दोसोवत्थिया दोवद्धमाणगा दोपूसमाणगा दोअंकुसा दोपलंवा दोनिच्चा-
लगा दोनिच्चुज्जोया दोसर्यपभा दोओभासा दोसेयंकरा दोखेमंकरा दोआमंकरा

दोपमंकरा दोअपराजिता दोअरया दोअसोगा दोविगयसोगा दोविमला दोवि-
 तता दोवित्तया दोविसाला दोसाला दोसुव्वया दोअणियट्ठी दोएगजडी दोदुजडी
 दोकरकरिगा दोरायगगला दोपुप्फकेऊ दोभावकेऊ ॥१३७॥ जंबुदीवस्स णं दीवस्स
 वेइआ दोगाउआई उट्ठं उच्चतेणं प० लवणेणं समुदे दोजोयणसयसहस्साइं चक्कवा-
 लविक्खंभेण प० लवणस्सणं समुद्स्स वेइया दोगाउआई उट्ठं उच्चतेणं प० ॥१३८॥
 धायईखंडेणं दीवे पुरत्थिमद्वेणं मंदरस्स पव्वयस्स उत्तरदाहिणेणं दोवासा, बहुसम-
 उल्ला जाव भरहे चेव, एरवए चेव, एवं जहा जंबूदीवे तहा एत्थ वि भाणियव्वं,
 जाव दोसु वासेसु मणुया छव्विहंपि कालं पच्चणुभवमाणा विहरंति, तंजहा-भरहे चेव
 एरवए चेव, णवरं कूडसामली चेव, धायईरुक्खे चेव, देवा गरुले चेव वेणुदेवे
 सुदंसणेचेव, धायईखंडदीवपच्चच्छिमद्वेणं मंदरस्स पव्वयस्स उत्तरदाहिणेणं दोवासा
 प० बहुसमउल्ला जाव भरहे चेव एरवए चेव, जाव छव्विहंपि कालं पच्चणुभवमाणा
 विहरंति, णवरं कूडसामली चेव महाधायईरुक्खे चेव, देवा गरुले चेव वेणुदेवे
 पियदंसणे चेव, धायईखंडेणं दीवे दोभरहाइं दोएरवयाइं दोहिमवंताइं दो
 हेरणवयाइं दोहरिवासाइं दोरम्मगवासाइं, दोपुव्वविदेहाइं दोअवरविदेहाइं
 दोदेवकुराओ दोदेवकुल्लमहादुमा, दोदेवकुल्लमहादुमावासी देवा दोउत्तरकुराओ
 दोउत्तरकुल्लमहादुमा दोउत्तरकुल्लमहादुमावासी देवा दोचुल्लहिमवंता दोमहाहिमवंता
 दोनिसहा दोनीलवंता दोरुप्पी दोसिहरी दोसद्दावाई दोसद्दावायवासी साई देवा,
 दोवियडावाई दोवियडावाईवासी पभासा देवा दोगंधावाई दोगंधावाईवासी
 अरुणादेवा दोमालवंतपरियागा दोमालवंतपरियागावासी पउमादेवा दोमालवंता
 दोचित्तकूडा दोपउमकूडा दोनलिनकूडा दोएगसेला दोतिकूडा दोवेसमणकूडा
 दोअंजणा दोमातंजणा दोसोमणसा दोविज्जुप्पभा दोअंकावई दोपम्हावई दोआसी-
 विसा दोसुहावहा दोचंदपव्वया दोसूरपव्वया दोणागपव्वया दोदेवपव्वया दोगंध-
 मायणा दोउसुगारपव्वया दोचुल्लहिमवंतकूडा दोवेसमणकूडा दोमहाहिमवंतकूडा दोवे-
 रलियकूडा दोनिसहकूडा दोरुयगकूडा दोनीलवंतकूडा दोउवदंसणकूडा दोरुप्पिकूडा
 दोमणिकंचणकूडा दोसिहरिकूडा दोतिगिच्छिकूडा दोपउमद्दहा, दोपउमद्दहासिणीओ
 सिरीदेवीओ दोमहापउमद्दहा दोमहापउमद्दहासिणीओ हिरीओ एवं जाव दोपुंड-
 रीयद्दहा दोपुंडरीयद्दहासिणीओ लच्छीओ देवीओ दोगंगप्पवायद्दहा जाव दोरत्त-
 वईप्पवायद्दहा दोरोहियाओ जाव दोरुप्पकूलाओ दोगाहावईओ दोदंहवईओ दोपंकव-
 ईओ दोतत्तजलाओ दोमत्तजलाओ दोउम्मत्तजलाओ दोखीरोयाओ दोसीहसोयाओ
 दोअंतोवाहिणीओ दोउम्मिमालिणीओ दोफेणमालिणीओ दोगभीरमालिणीओ दोक-

स्संति वा । एवं चक्खवट्ठिंसा, दसारवंसा, जंवूरभरहेरवएसु एगसमए दोअरिहंता
उप्पज्जिषु वा उप्पज्जंति वा उप्पज्जिस्संति वा, एवं चक्खवट्ठिणो बलदेवा वासुदेवा,
जाव उपज्जिस्संति वा ॥ १३५ ॥ जंवू० दोसु कुरासु मणुया सया सुसमसुसमुत्तम-
मिद्धिं पत्ता पच्चणुभवमाणा विहरंति, तंजहा-देवकुराए चेव, उत्तरकुराए चेव,
जंवुदीवे दीवे दोसु वासेसु मणुया सया सुसमुत्तममिद्धिं पत्ता पच्चणुभवमाणा विहरंति
तंजहा-हरिवासे चेव रम्मगवासे चेव, जंवु० दोसु वासेसु मणुया सया सुसमदुस-
मुत्तममिद्धिं पत्ता पच्चणुभवमाणा विहरंति, तंजहा-हेमवए चेव एरन्नवए चेव, जंवु-
दीवे दीवे दोसु खित्तेसु मणुया सया दुसमसुसमुत्तममिद्धिं पत्ता पच्चणुभवमाणा विह-
रंति, तंजहा-पुव्वविदेहे चेव अवरविदेहे चेव, जंवुदीवे दीवे दोसु वासेसु मणुया
छव्विहंपिकालं पच्चणुभवमाणा विहरंति, तंजहा-भरहे चेव, एरवए चेव ॥ १३६ ॥
जंवुदीवे २ दोचंदा पभासिसु वा, पभासंति वा, पभासिस्संति वा, दोसूरिया तवईसु वा,
तवंति वा, तविस्संति वा, दो कत्तियाओ, दो रोहिणीओ दो मियसिराओ, दो अद्दाओ,
एवं भाणियव्वं ॥ कत्तियरोहिणिमियसिर अद्दा य पुणव्वसू य पुस्तो य । तत्तोवि
अस्सळेसा, महा य दो फग्गुणीओ य १ हत्थो चित्ता साई, विसाहा तह य होंति
अणुराहा, जेठ्ठा मूलो पुव्वा य, आसाढा उत्तरा चेव २ अभिई सवण धणिठ्ठा
सयभिसया दो य होंति भद्दया, रेवइ अस्सिणि भरणी, णेयव्वा आणुपुव्वीए ३
एवं गाहानुसारेण णायव्वं जाव दो भरणीओ, दो अग्गी दो पयावई दोसोमा दोरुद्धा
दोअईई दोबहस्सई दोसप्पी दोपीई दोभगा दोअज्जमा दोसविया दोतट्ठा दोवाज
दोईदग्गी दोमिता दोईंदा दोनिरई दोआऊ दोविस्सा दोवह्मा दोविण्हू दोवसू दोव-
रुणा दोअया दोविविद्धी दोपुस्सा दोअस्सा दोयमा दोईंगालगा दोवियालगा
दोलोहियक्खा दोसणिच्चरा दोआहुणिया दोपाहुणिया दोकणा दोकणगा दोकण-
कणगा दोकणगवियाणगा दोकणगसंताणगा दोसोमा दोसहिया दोआसासणा दोकज्जो-
वगा दोकव्वडगा दोअयकरगा दोडुंदुभगा दोसंखा दोसंखवन्ना दोसंखवन्नाभा
दोक्कंसा दोक्कंसवन्ना दोक्कंसवन्नाभा दोरुप्पी दोरुप्पाभासा दोनीला दोनीलोभासा
दोभासा दोभासरासी दोतिला दोतिलपुप्फवन्ना दोदगा दोदगपंचवन्ना दोकाका
दोक्कंधा दोईदग्गीवा दोधूमकेऊ दोहरी दोपिंगला दोबुहा दोसुक्का दोवहस्सई
दोराह्म दोअगत्थी दोमाणवगा दोकासा दोफासा दोधुरा दोपमुहा दोवियडा दोविसंथी
दोनियल्ला दोपइल्ला दोजड्डियाइलगा दोअरुणा दोअग्गिल्ला दोकाला दोमहाकालगा
दोसोत्थिया दोसोवत्थिया दोवद्धमाणगा दोपूसमाणगा दोअंकुसा दोपलंवा दोनिच्चा-
ल्लोगा दोनिच्चुज्जोया दोसयंपभा दोओभासा दोसेयंकरा दोखेमंकरा दोआमंकरा

दोपमंकरा दोअपराजिता दोअरया दोअसोगा दोविगयसोगा दोविमला दोवि-
 तत्ता दोवित्तया दोविसाला दोसाला दोसुव्वया दोअणियथी दोएगजदी दोदुजदी
 दोकरकारिगा दोरायगला दोपुप्फकेऊ दोभाचकेऊ ॥१३७॥ जंयुदीवस्स णं दीवस्स
 वेइआ दोगाउआई उट्ठं उच्चतेणं प० लवणेणं समुदे दोजोयणरायसहस्साइं चण्णा-
 लविकखंभेण प० लवणस्सणं समुहस्स वेइया दोगाउआई उट्ठं उच्चतेणं प० ॥१३८॥
 धायईखंडेणं दीवे पुरत्थिमद्वेणं मंदरस्स पव्वयस्स उत्तरदाहिणेणं दोवासा, बहुसम-
 न्ना जाव भरहे चेव, एरवए चेव, एवं जहा जंयुदीवे तहा एत्थ वि भाणियव्वं,
 त्व दोसुवासेसुमणया छव्विहंपि कालं पच्चणुभवमाणा विहरंति, तंजहा-भरहे चेव
 एवए चेव, णवरं कूडसामली चेव, धायईख्खे चेव, देवा गरुले चेव वेणुदेवे
 इंसणेचेव, धायईखंडदीवपच्चच्छिमद्वेणं मंदरस्स पव्वयस्स उत्तरदाहिणेणं दोवासा
 ० बहुसमउल्ला जाव भरहे चेव एरवए चेव, जाव छव्विहंपि कालं पच्चणुभवमाणा
 विहरंति, णवरं कूडसामली चेव महाधायईख्खे चेव, देवा गरुले चेव वेणुदेवे
 पेयदंसणे चेव, धायईखंडेणं दीवे दोभरहाइं दोएरवयाइं दोहिमवंताइं दो
 इरण्वयाइं दोहरिवासाइं दोरम्मगवासाइं, दोपुव्वविदेहाइं दोअवरविदेहाइं
 दोदेवकुराओ दोदेवकुस्महादुमा, दोदेवकुस्महादुमावासी देवा दोउत्तरकुराओ
 दोउत्तरकुस्महादुमा दोउत्तरकुस्महादुमावासी देवा दोउल्लहिमवंता दोमहाहिमवंता
 दोनिसहा दोनीलवंता दोरुप्पी दोसिहरी दोसहावाइं दोसहावायवासी साइं देवा,
 दोवियडावाइं दोवियडावाइंवासी पभासा देवा दोगंधावाइं दोगंधावाइंवासी
 अरुणादेवा दोमालवंतपरियागा दोमालवंतपरियागावासी पंडमादेवा दोमालवंता
 दोचित्तकूडा दोपउमकूडा दोनलिनकूडा दोएगसेला दोतिकूडा दोवेसमणकूडा
 दोअंजणा दोमातंजणा दोसोमणसा दोविजुप्पभा दोअंकावई दोपम्हावई दोआसी-
 विसा दोसुहावहा दोचंदपव्वया दोसूरपव्वया दोणागपव्वया दोदेवपव्वया दोगंध-
 मायणा दोउसुगारपव्वया दोउल्लहिमवंतकूडा दोवेसमणकूडा दोमहाहिमवंतकूडा दोवे-
 सलियकूडा दोनिसहकूडा दोरुगकूडा दोनीलवंतकूडा दोउवदंसणकूडा दोरुप्पिकूडा
 दोमणिकंचणकूडा दोसिहरीकूडा दोतिगिच्छिकूडा दोपउमदहा, दोपउमदहवासिणीओ
 सिरीदेवीओ दोमहापउमदहा दोमहापउमदहवासिणीओ हिरीओ एवं जाव दोपुंड-
 रीयदहा दोपुंडरीयदहवासिणीओ लच्छीओ देवीओ दोगंगप्पवायदहा जाव दोरत्त-
 वईप्पवायदहा दोरोहियाओ जाव दोरुप्पकूलाओ दोगाहावईओ दोदहवईओ दोपंकव-
 ईओ दोतत्तजलाओ दोमत्तजलाओ दोउम्मत्तजलाओ दोसीरीयाओ दोसीहसोयाओ
 दोअंतोवाहिणीओ दोउम्मिमालिणीओ दोफेणमालिणीओ दोगभीरमालिणीओ दोक-

स्संति वा । एवं चक्कवट्टिंसा, दसारवंसा, जंबूभरहेरवएसु एगसमए दोअरिहंता
उप्पजिंसु वा उप्पजंति वा उप्पजिस्संति वा, एवं चक्कवट्ठिणो वलदेवा वासुदेवा,
जाव उपजिस्संति वा ॥ १३५ ॥ जंबू० दोसु कुरासु मणुया सया सुसमसुसमुत्तम-
मिद्धिं पत्ता पच्चणुभवमाणा विहरंति, तंजहा-देवकुराए चेव, उत्तरकुराए चेव,
जंबुद्दीवे दीवे दोसु वासेसु मणुया सया सुसमुत्तममिद्धिं पत्ता पच्चणुभवमाणा विहरंति
तंजहा-हरिवासे चेव रम्मगवासे चेव, जंबु० दोसु वासेसु मणुया सया सुसमदुस-
मुत्तममिद्धिं पत्ता पच्चणुभवमाणा विहरंति, तंजहा-हेमवए चेव एरन्नवए चेव, जंबु-
द्दीवे दीवे दोसु खित्तेसु मणुया सया दुसमसुसमुत्तममिद्धिं पत्ता पच्चणुभवमाणा विह-
रंति, तंजहा-पुव्वविदेहे चेव अवरविदेहे चेव, जंबुद्दीवे दीवे दोसु वासेसु मणुया
छव्विहंपिकालं पच्चणुभवमाणा विहरंति, तंजहा-भरहे चेव, एरवए चेव ॥ १३६ ॥
जंबुद्दीवे २ दोचंदा पभासिंसु वा, पभासंति वा, पभासिस्संति वा, दोसूरिया तवइंसु वा,
तवंति वा, तविस्संति वा, दो कत्तियाओ, दो रोहिणीओ दो मियसिराओ, दो अद्दाओ,
एवं भाणियव्वं ॥ कत्तियरोहिणिमियसिर अद्दा य पुणव्वसू य पुस्सो य । तत्तोवि
अस्सलेसा, महा य दो फग्गुणीओ य १ हत्थो चित्ता साई, विसाहा तह य होंति
अणुराहा, जेठ्ठा मूलो पुव्वा य, आसाढा उत्तरा चेव २ अभिई सवण धणिठ्ठा
सयभिसया दो य होंति भद्दवया, रेवइ अस्सिणि भरणी, नेयव्वा आणुपुव्वीए ३
एवं गाहानुसारेण णायव्वं जाव दो भरणीओ, दो अग्गी दो पयावई दोसोमा दोरुद्धा
दोअई दोवहस्सई दोसप्पी दोपीई दोभगा दोअज्जमा दोसविया दोतट्ठा दोवाऊ
दोइंदग्गी दोमिक्का दोईंदा दोनिरई दोआऊ दोविस्सा दोवह्मा दोविण्हू दोवसू दोव-
रुणा दोअया दोविविद्धी दोपुस्सा दोअस्सा दोयमा दोइंगालगा दोवियालगा
दोलोहियक्खा दोसणिच्चरा दोआहुणिया दोपाहुणिया दोकणा दोकणगा दोकण-
कणगा दोकणगवियाणगा दोकणगसंताणगा दोसोमा दोसहिया दोआसासणा दोकज्जो-
वगा दोकव्वडगा दोअयकरगा दोदुंदुभगा दोसंखा दोसंखवन्ना दोसंखवन्नाभा
दोक्कंसा दोक्कंसवन्ना दोक्कंसवन्नाभा दोरुप्पी दोरुप्पाभासा दोनीला दोनीलोभासा
दोभासा दोभासरासी दोतिला दोतिलपुप्फवन्ना दोदगा दोदगपंचवन्ना दोकाका
दोक्कंधा दोइंदग्गीवा दोधूमकेऊ दोहरी दोपिंगला दोबुहा दोसुक्का दोवहस्सई
दोराहु दोअगत्थी दोमाणवगा दोकासा दोफासा दोधुरा दोपमुहा दोवियडा दोविसंधी
दोनियल्ला दोपइल्ला दोजडियाइलगा दोअरुणा दोअग्गिक्का दोकाला दोमहाकालगा
दोसोत्थिया दोसोवत्थिया दोवद्धमाणगा दोपूसमाणगा दोअंकुसा दोपलंवा दोनिच्चा-
लोगा दोनिच्चुज्जीया दोसयंपभा दोओभासा दोसेयंकरा दोखेमंकरा दोआभंकरा

दोपभंकरा दोअपराजिता दोअरया दोअसोगा दोविगयसोगा दोविमला दोवि-
 तत्ता दोवितत्या दोविसाला दोसाला दोमुव्वया दोअणियट्ठी दोएगजडी दोदुजडी
 दोकरकरिगा दोरायग्गला दोपुप्फकेऊ दोभावकेऊ ॥१३७॥ जंयुदीवस्स णं दीवस्स
 वेइआ दोगाउआई उट्ठं उच्चत्तेणं प० लवणेणं समुदे दोजोयणसयसहस्साइं चक्का-
 लविकखंभेण प० लवणस्सणं समुदस्स वेइया दोगाउआई उट्ठं उच्चत्तेणं प० ॥१३८॥
 धायईखंडेणं दीवे पुरत्थिमद्धेणं मंदरस्स पव्वयस्स उत्तरदाहिणेणं दोवासा, बहुसम-
 उल्ला जाव भरहे चेव, एरवए चेव, एवं जहा जंवूदीवे तहा एत्थ वि भाणियव्वं,
 जाव दोसु वासेसु मणुया छव्विहंपि कालं पच्चणुभवमाणा विहरंति, तंजहा-भरहे चेव
 एरवए चेव, णवरं कूडसामली चेव, धायईखखे चेव, देवा गरुले चेव वेणुदेवे
 सुदंसणेचेव, धायईखंडदीवपच्चच्छिमद्धेणं मंदरस्स पव्वयस्स उत्तरदाहिणेणं दोवासा
 प० बहुसमउल्ला जाव भरहे चेव एरवए चेव, जाव छव्विहंपि कालं पच्चणुभवमाणा
 विहरंति, णवरं कूडसामली चेव महाधायईखखे चेव, देवा गरुले चेव वेणुदेवे
 पियदंसणे चेव, धायईखंडेणं दीवे दोभरहाइं दोएरवथाइं दोहिमवंताइं दो
 हेरण्णवयाइं दोहरिवासाइं दोरम्मगवासाइं, दोपुव्वविदेहाइं दोअवरविदेहाइं
 दोदेवकुराओ दोदेवकुल्लमाहाडुमा, दोदेवकुल्लमाहाडुमावासी देवा दोउत्तरकुराओ
 दोउत्तरकुल्लमाहाडुमा दोउत्तरकुल्लमाहाडुमावासी देवा दोचुल्लहिमवंता दोमहाहिमवंता
 दोनिसहा दोनीलवंता दोरुप्पी दोसिहरी दोसद्दावाइं दोसद्दावायवासी साइं देवा,
 दोवियडावाइं दोवियडावाइंवासी पभासा देवा दोगंधावाइं दोगंधावाइंवासी
 अरुणादेवा दोमालवंतपरियागा दोमालवंतपरियागावासी पउमादेवा दोमालवंता
 दोचित्तकूडा दोपउमकूडा दोनलिनकूडा दोएगसेला दोतिकूडा दोवेसमणकूडा
 दोअंजणा दोमातंजणा दोसोमणसा दोविज्जुप्पभा दोअंकावई दोपम्हावई दोआसी-
 विसा दोसुहावहां दोचंदपव्वया दोसूरपव्वया दोणागपव्वया दोदेवपव्वया दोगंध-
 मायणा दोउसुगारपव्वया दोचुल्लहिमवंतकूडा दोवेसमणकूडा दोमहाहिमवंतकूडा दोवे-
 सलियकूडा दोनिसहकूडा दोरुयगकूडा दोनीलवंतकूडा दोउवदंसणकूडा दोरुप्पिकूडा
 दोमणिकंचणकूडा दोसिहरेकूडा दोतिगिच्छिकूडा दोपउमद्दहा, दोपउमद्दहासिणीओ
 सिरीदेवीओ दोमहापउमद्दहा दोमहापउमद्दहासिणीओ हिरीओ एवं जाव दोपुंड-
 रीयद्दहा दोपुंडरीयद्दहासिणीओ लच्छीओ देवीओ दोगंगप्पवायद्दहा जाव दोरत्त-
 वईप्पवायद्दहा दोरोहियाओ जाव दोरुप्पकूलाओ दोगाहावईओ दोदहवईओ दोपंकव-
 ईओ दोतत्तजलाओ दोमत्तजलाओ दोउम्मत्तजलाओ दोखीरोयाओ दोसीहसोयाओ
 दोअंतोवाहिणीओ दोउम्मिमालिणीओ दोफेणमालिणीओ दोगभीरमालिणीओ दोक-

च्छा दोसुकच्छा दोमहाक्छा दोक्छगावई दोआवत्ता दोमंगलावत्ता दोपुक्खला
 दोपुक्खलावई दोवच्छा दोसुवच्छा दोमहावच्छा दोवच्छगावई दोरम्मा दोरम्मगा
 दोरमणिजा दोमंगलावई दोपम्हा दोसुपम्हा दोमहापम्हा दोपम्हागावई दोसंखा दोण-
 लिणा दोकुमुया दोसलिलावई दोनलिणावई दोवप्पा दोसुवप्पा दोमहावप्पा दोवप्पगा-
 वई दोवग्गू दोसुवग्गू दोगंधिला दोगंधिलावई दोखेमाओ दोखेमपुरीओ दोरिठ्ठाओ
 दोरिठ्ठपुरीओ दोखग्गीओ दोमंजूसाओ दोओसहीओ दोपुण्डरीणिणीओ दोसुसीमाओ
 दोकुंडलाओ दोअपराइआओ दोप्पमंकराओ दोअंकावईओ दोपम्हावईओ दोसुभाओ
 दोरयणसंचयाओ दोआसपुराओ दोसीहपुराओ दोमहापुराओ दोविजयपुराओ दोअव-
 राजियाओ दोअवराओ दोअसोयाओ दोविगयसोयाओ दोविजयाओ दोवेजयंतीओ
 दोजयंतीओ दोअपराजियाओ दोचक्कपुराओ दोखग्गपुराओ दोअवज्झाओ दोअ-
 ओज्झाओ दोभइसालवणा दोणंदणवणा दोसोमणसवणा दोपंडगवणा दोपंडुकंवल-
 लसिलाओ दोअतिपंडुकंवलसिलाओ दोरत्तकंवलसिलाओ दोअइरत्तकंवलसिलाओ
 दोमंदरा दोमंदरचूलियाओ, धायइखंडस्सणं दीवस्स वेइया दोगाउयाई उड्डं
 उच्चत्तेणं पन्नता, कालोदस्सणं समुदस्स वेइया दोगाउयाई उड्डं उच्चत्तेणं पन्नता
 पुक्खरवरदीवद्धपुरच्छिमद्वेणं मंदरस्स पव्वयस्स उत्तरदाहिणेणं दोवासा प० बहु-
 समउल्ला जाव भरहे चैव एरवए चैव जाव दोकुराओ पण्णत्ताओ देवकुरा चैव उत्तर-
 कुरा चैव । तत्थणं दोमहइमहालया महहुंमा प० तं० कूडसामली चैव, पउमरुक्खे
 चैव, देवा गरुले चैव वेणुदेवे पउमे चैव, जाव छव्विहंपि कालं पच्चणुब्भवमाणा
 विहरंति, पुक्खरवरदीवद्धपच्चत्थिमद्वेणं मंदरपव्वयस्स उत्तरदाहिणेणं दोवासा प० तं०
 तहेव णाणत्तं कूडसामली चैव, महापउमरुक्खे चैव, देवा गरुले चैव, वेणुदेवे
 पुंडरीए चैव, पुक्खरवरदीवद्धेणं दीवे दोभरहाई दोएरवयाई जाव दोमंदरा दोमंद-
 रचूलाओ, पुक्खरवरस्स णं दीवस्स वेइया दोगाउयाई उड्डं उच्चत्तेणं प० सव्वेसिं पि
 णं दीवसमुद्दाणं वेइयाओ दोगाउयाई उड्डं उच्चत्तेणं पण्णत्ताओ ॥ १३९ ॥ दो
 असुरकुमारिंदा प० तं० चमरे चैव बली चैव, दोनागकुमारिंदा प० तं० धरणे चैव
 भूयाणंदे चैव, दोसुवण्णकुमारिंदा प० तं० वेणुदेवे चैव वेणुदाली चैव, दोविज्जु-
 कुमारिंदा प० तं० हरी चैव हरिस्सहे चैव, दोअग्गिकुमारिंदा प० तं० अग्गिसिहे चैव
 अग्गिमाणवे चैव, दोदीवकुमारिंदा प० तं० पुण्णे चैव, विसिट्ठे चैव, दोउदधिकुमारिंदा
 प० तं० जलकंते चैव जलप्पमे चैव, दोदिसाकुमारिंदा प० तं० अमियगई चैव,
 अमियवाहणे चैव, दोवाउकुमारिंदा प० तं० वेलंवे चैव पमंजणे चैव, दोथणिय-
 कुमारिंदा प० तं० घोसे चैव महाघोसे चैव, दोपिसायइंदा प० तं० काले चैव महा-

काले चैव, दोभूयइंदा प० तं० सुरुवे चैव पडिरुवे चैव, दोजकिंखदा प० तं० पुण्ण-
भदे चैव माणिभदे चैव, दोरक्खसिंदा प० तं० भीमे चैव महाभीमे चैव, दोकि-
न्नरिंदा प० तं० किन्नरे चैव किंपुरिसे चैव, दोकिंपुरिसिंदा प० तं० सम्पुुरिसे चैव
महापुरिसे चैव, दोमहोरगिंदा प० तं० अइकाये चैव महाकाये चैव, दोगंधव्विंदा
प० तं० गीयरई चैव गीयजसे चैव, दोअणपण्णिंदा प० तं० संनिहिंए चैव, सामण्णे
चैव, दोपणपण्णिंदा प० तं० धाए चैव विहाए चैव, दोइसिवाइंदा प० तं० इसिं येव
इसिवाले चैव, दोभूयवाइंदा प० तं० ईसरे चैव महिस्सरे चैव, दोकंदिंदा प०
तं० सुवच्छे चैव विसाले चैव, दोमहाकंदिंदा प० तं० हासे चैव हासरई चैव,
दोकुभंडिंदा प० तं० सेए चैव महासेए चैव, दोपयगिंदा प० तं० पयए चैव पयगवई
चैव, जोइसियाणं देवाणं दोइंदा प० तं० चंदे चैव सूरै चैव, सोहम्मीसाणेसु णं
कप्पेसु दोइंदा प० तं० सक्के चैव ईसाणे चैव, एवं सणकुमारमहिंदेसु कप्पेसु दोइंदा
प० तं० सणकुमारे चैव माहिंदे चैव, वंमलोयलंतगेसु णं दोइंदा प० तं० वंमे चैव
लंतए चैव, महासुक्कसहस्सारेसु णं कप्पेसु दोइंदा प० तं० पण्णए चैव, अञ्जुए
चैव ॥ १४० ॥ महासुक्कसहस्सारेसु णं कप्पेसु विमाणां दुवण्णा प० तं० हालिद्दा
चैव सुक्किल्ला चैव, गोविज्जगाणं देवाणं दोरयणीओ उट्ठं उच्चत्तेणं प० तं० ॥ १४१ ॥
वीयट्ठाणस्स तइओदेसो समत्तो ॥

समयाइ वा आवलियाइ वा, जीवाइ वा अजीवाइ वा पवुच्चइ, आणापाणूइ वा,
थोवाइ वा जीवाइ वा अजीवाइ वा पवुच्चइ, खणाइ वा लवाइ वा जीवाइ वा
अजीवाइ वा पवुच्चइ, एवं मुहुत्ताइ वा, अहोरत्ताइ वा, पक्खाइ वा, मासाइ वा,
उऊइ वा, अयणाइ वा, संवच्छराइ वा, जुगाइ वा, वाससयाइ वा, वाससहस्साइ
वा, वाससयसहस्साइ वा, वासकोडीइ वा, पुव्वंगाइ वा, पुव्वाइ वा, तुडियंगाइ
वा तुडियाइ वा अडडंगाइ वा, अडडाइ वा, अववंगाइ वा, अववाइ वा हूहूअंगाइ
वा, हूहूयाइ वा, उप्पलंगाइ वा, उप्पलाइ वा, पउमंगाइ वा, पउमाइ वा, णलिणं-
गाइ वा, णलिणाइ वा, अच्छणिउरंगाइ वा, अच्छणिउराइ वा, अउअंगाइ वा
अउआइ वा, णउअंगाइ वा, णउआइ वा पउअंगाइ वा, पउयाइ वा, चूलिअंगाइ
वा चूलियाइ वा, सीसप्पहेलिअंगाइ वा, सीसप्पहेलियाइ वा, पलिओवमाइ वा,
सागरोवमाइ वा उस्सप्पिणीइ वा, ओसप्पिणीइ वा, जीवाइ वा अजीवाइ वा
पवुच्चइ ॥ १४२ ॥ गामाइ वा, णगराइ वा, निगमाइ वा, रायहाणीइ वा, खेडाइ
वा, कव्वडाइ वा, मडंवाइ वा, दोणमुहाइ वा, पट्ठणाइ वा, आंगराइ वा, आस-

माइ वा, संवाहाइ वा, संनिवेसाइ वा, घोसाइ वा, आरामाइ वा, उज्जाणाइ वा, वणाइ वा, वणखंडाइ वा, वावीइ वा, पुक्खरणीइ वा, सराइ वा, सरपंतीइ वा, अगडाइ वा, तडागाइ वा, दहाइ वा, णदीइ वा, पुढवीइ वा, उदहीइ वा, वात-
 खंधाइ वा, उवासंतराइ वा, वलयाइ वा, विग्गहाइ वा, दीवाइ वा, समुद्दाइ वा, वेलाइ वा, वेइयाइ वा, दाराइ वा, तोरणाइ वा, णेरइयाइ वा, णेरइयावासाइ वा, जाव वेमाणियावासाइ वा, कप्पाइ वा, कप्पविमाणवासाइ वा, वासाइ वा, वा-
 सहरपव्वयाइ वा, कूडाइ वा, कूडागाराइ वा, विजयाइ वा, रायहाणीइ वा जीवाइ वा अजीवाइ वा पवुच्चइ ॥ १४३ ॥ छायाइ वा, आतवाइ वा, जोसिणाइ वा, अंधगाराइ वा, ओमाणाइ वा, पमाणाइ वा, उम्माणाइ वा, अतिताणगिहाइ वा, उज्जाणगिहाइ वा, अवलिम्वाइ वा, सणिप्पवायाइ वा जीवाइ वा अजीवाइ वा पवुच्चइ ॥ १४४ ॥ दोरासी ५० तं० जीवरासी चेव, अजीवरासी चेव, दुविहे वंधे ५० तं० पेज्जबंधे चेव, दोसबंधे चेव, जीवाणं दोहिं ठाणेहिं पावकम्मं वंधन्ति तं० रागेण चेव, दोसेण चेव, जीवाणं दोहिं ठाणेहिं पावकम्मं उदीरेन्ति तं० अब्भो-
 वगमियाए चेव वेयणाए उवक्कमियाए चेव वेयणाए एवं वेदेति एवं णिज्जरेति अब्भो-
 वगमियाए चेव वेयणाए उवक्कमियाए चेव वेयणाए, दोहिं ठाणेहिं आया सरीरं फुसित्ताणं णिज्जाति तं० देसेणवि आया सरीरं फुसित्ताणं णिज्जाति सव्वेणवि आया सरीरं फुसित्ताणं णिज्जाति, एवं फुरित्ताणं एवं फुडित्ताणं एवं संवट्ठित्ताणं निव्वट्ठित्ताणं, दोहिं ठाणेहिं आया केवलिपन्नत्तं धम्मं लभेज्जा सव्वणयाए तंजहां-खएण चेव उवसमेण चेव, एवं जाव मणपज्जवणाणं उप्पाडेज्जा तं० खएण चेव उवसमेण चेव ॥ १४५ ॥ दुविहे अद्धोवमिए ५० तं० पलिओवमे चेव सागरोवमे चेव । से किं तं पलिओवमे ? पलिओवमे जं जोयणविच्छिन्नं पल्लं एगाहियप्परूढाणं होज्ज णिरं-
 तरणिचियं भरियं वालगकोडीणं १ वाससए वाससए एकेके, अवहंडमि जो कालो; सो कालो वोद्धव्वो, उवमा एगस्स पल्लस्स २ एतेसिं पल्लानं कोडाकोडी हवेज्ज दसगुणिया; तं सागरोवमस्स उ एगस्स भवे परीमाणं ३-॥ १४६ ॥ दुविहे कोहे ५० तं० आयपइट्ठिए चेव, परपइट्ठिए चेव, एवं णेरइयाणं जाव वेमाणियाणं, एवं जाव मिच्छादंसणसल्ले ॥ १४७ ॥ दुविहा संसारसमावन्नगा जीवा ५० तं० तसा चेव, थावरा चेव, दुविहा सव्वजीवा ५० तं० सिद्धा चेव असिद्धा चेव । दुविहा सव्वजीवा ५० तं० सइंदिया चेव, अण्णिदिया चेव, एवं एसा गाहा फासे-
 यव्वा जाव ससरीरी चेव असरीरी चेव; सिद्धसइंदियकाए, जोगे वेए कसायलेसा य, णाणुवओगाहारै भासगचरिमे य ससरीरी (१) ॥ १४८ ॥ दोमरणाइं समणेणं

भगवया महावीरेणं समणाणं णिग्गंथाणं णो णिचं वणियाइं कित्तियाइं णो णिचं
 वुइयाइं णो णिचं पसत्थाइं णो णिचं अब्भणुत्तायाइं भवंति तं० वलयमरणे चेव,
 वसद्धमरणे चेव, एवं णियाणमरणे चेव, तब्भमवमरणे चेव, गिरिपटणे चेव, तरुपटणे
 चेव, जलप्पवेसे चेव, जलणप्पवेसे चेव, विसभक्खणे चेव, सत्थोवाउणे चेव,
 दोमरणाइं जाव णो णिचं अब्भणुत्तायाइं भवंति, कारणेणं पुण अप्पडिक्कुत्ताइं तंजहा-
 वेहाणसे चेव गिद्धपिट्ठे चेव ॥ १४९ ॥ दोमरणाइं समणेणं भगवया महावीरेणं
 समणाणं णिग्गंथाणं णिचं वणियाइं जाव अब्भणुत्तायाइं भवंति तं० पाओवगमणे
 चेव भत्तपच्चक्खाणे चेव, पाओवगमणे दुविहे प० तं० णीहारिमे चेव अणीहारिमे
 चेव, णियमं अप्पडिक्कमे, भत्तपच्चक्खाणे दुविहे प० तं० णीहारिमे चेव, अणीहा
 रिमे चेव, णियमं सप्पडिक्कमे ॥ १५० ॥ के अयं लोए ? जीवचेव अजीवचेव, के
 अणंतालोए ? जीवचेव अजीवचेव, के सासया लोए ? जीवचेव अजीवचेव ॥ १५१ ॥
 दुविहा वोही, णाणवोही चेव, दंसणवोही चेव । दुविहा बुद्धा-णाणबुद्धा चेव दंसण-
 बुद्धा चेव, एवं मोहे मूढा ॥ १५२ ॥ णाणावरणिजे कम्मे दुविहे पन्नत्ते तं० देस-
 णाणावरणिजे चेव, सव्वणाणावरणिजे चेव, दंसणावरणिजे कम्मे एवं चेव वेय-
 णिजे कम्मे दुविहे प० तं० सायावेयणिजे चेव असायावेयणिजे चेव मोहणिजे
 कम्मे दुविहे प० तं० दंसणमोहणिजे चेव चरित्तमोहणिजे चेव, आउकम्मे दुविहे
 प० तं० अद्धाउए चेव, भंवाउए चेव, णामकम्मे दुविहे प० तं० सुभणामे चेव
 असुभणामे चेव, गोत्तकम्मे दुविहे प० तं० उच्चागोए चेव णीयागोए चेव, अंत-
 राइएकम्मे दुविहे प० तं० पडुप्पण्णविणासिए चेव पिहियआगामिपहं ॥ १५३ ॥
 दुविहा सुच्छा प० तं० पेजवत्तिया चेव, दोसवत्तिया चेव, पेजवत्तियासुच्छा
 दुविहा प० तं० माए चेव लोहे चेव, दोसवत्तियासुच्छा दुविहा प० तं० कोहे
 चेव माणे चेव ॥ १५४ ॥ दुविहा आराहणा प० तं० धम्मियाराहणा चेव केवलि-
 आराहणा चेव, धम्मियाराहणा दुविहा प० तं० सुयधम्माराहणा चेव चरित्त-
 धम्माराहणा चेव, केवलिआराहणा दुविहा प० तं० अंतकिरिया चेव कप्पवि-
 माणोववत्तिया चेव ॥ १५५ ॥ दोतित्थयरा नीलुप्पलसमावज्जेणं प० तं० मुणिसुव्वए
 चेव, अरिठ्ठणेमी चेव, दोतित्थयरा पियंगुसमावज्जेणं प० तं० मल्ली चेव पासे चेव,
 दोतित्थयरा पउमगोरा वण्णेणं, प० तं० पउमप्पहे चेव, वासुपुज्जे चेव, दोतित्थयरा
 चंदगोरा वण्णेणं प० तं० चंदप्पमे चेव पुप्फदंते चेव ॥ १५६ ॥ सच्चप्पवाय-
 पुव्वस्सणं दुवे वत्थू पन्नत्ता, पुव्वभद्दवयानक्खत्ते दुतारे प० उत्तरभद्दवयानक्खत्ते
 दुतारे प०-एवं पुव्वफग्गुणी, उत्तरफग्गुणी ॥ १५७ ॥ अंतोणं मणुस्सखेत्तस्स दो

समुद्गा, प० तं० लवणे चेव कालोदे चेव, दोचक्कवट्टी अपरिचत्तकामभोगा काल-
 मासे कालं किच्चा अहे सत्तमाए पुढवीए अप्पइट्ठाणनरए नेरइयत्ताए उववत्ता तं०
 सुभूमे चेव वंभदत्ते चेव ॥ १५८ ॥ असुरिंदवज्जियाणं भवणवासीणं देवाणं देसू-
 णाई दोपलिओवमाई ठिई प० सोहम्मं कप्पे देवाणं उक्कोसेणं दोसागरोवमाई ठिई
 प० ईसाणे कप्पे देवाणं उक्कोसेणं साइरेगाई दोसागरोवमाई ठिई प० सणकुमारे
 कप्पे देवाणं जहत्तेणं दोसागरोवमाई ठिई प० माहिंदे कप्पे देवाणं जहत्तेणं
 साइरेगाई दोसागरोवमाई ठिई पन्नत्ता ॥ १५९ ॥ दोसु कप्पेसु कप्पत्थियाओ
 पणत्ताओ तं० सोहम्मं चेव ईसाणे चेव, दोसु कप्पेसु देवा तेउलेस्सा प० तं०
 सोहम्मं चेव ईसाणे चेव, दोसु कप्पेसु देवा कायपरियारगा प० तं० सोहम्मं चेव
 ईसाणे चेव, दोसु कप्पेसु देवा फासपरियारगा प० तं० सणकुमारे चेव, माहिंदे
 चेव, दोसु कप्पेसु देवा रूवपरियारगा प० तं० वंभलोए चेव, लंतए चेव, दोसु
 कप्पेसु देवा सहपरियारगा प० तं० महासुक्के चेव, सहस्सारे चेव, दोइदा मण-
 परियारगा, प० तं० पाणए चेव, अन्नुए चेव ॥ १६० ॥ जीवाणं दोट्ठाणनिव्वत्तिए
 पोग्गले पावकम्मत्ताए चिणिंसु वा चिणंति वा चिणिस्संति वा तंजहा-तसकायनिव्व-
 त्तिए चेव, थावरकायनिव्वत्तिए चेव, एवं उवचिणिंसु वा, उवचिणंति वा, उवचिणि-
 स्संति वा, बंधिंसु वा, बंधंति वा, बंधिस्संति वा, उदीरिंसु वा, उदीरंति वा,
 उदीरिस्संति वा, वेदिंसु वा, वेदिति वा, वेदिस्संति वा, णिज्जरिंसु वा, णिज्जरंति
 वा, णिज्जरिस्संति वा ॥ १६१ ॥ दुप्पएसिया खंधा अणंता प० दुपएसोगाढा
 पोग्गला अणंता प० एवं जाव दुगुणलुक्खा पोग्गला अणंता पणत्ता ॥ १६२ ॥
 वीयट्ठाणस्स चउत्थोहेसो समत्तो, वीयं ठाणं समत्तं ॥

तइयट्ठाणं

तओ इंदा प० तं० णामिंदे-दव्विंदे-भाविंदे ॥ तओ इंदा प० तं० णाणिंदे-
 दंसणिंदे-चरित्तिंदे, तओ इंदा प० तं० देविंदे-असुरिंदे-मणुस्सिंदे ॥ १६३ ॥
 तिविहा विउव्वणा प० तं० बाहिरए पोग्गलए परियाइत्ता एगा विउव्वणा, बाहिरए
 पोग्गले अपरियाइत्ता एगाविउव्वणा, बाहिरए पोग्गले परियाइत्ता वि अपरियाइत्ता वि
 एगा विउव्वणा तिविहा विउव्वणा, प० तं० अब्भंतरए पोग्गले परियाइत्ता एगा
 विउव्वणा अब्भंतरए पोग्गले अपरियाइत्ता एगाविउव्वणा अब्भंतरए पोग्गले
 परियाइत्तावि अपरियाइत्तावि एगा विउव्वणा, तिविहा विउव्वणा प० तं० बाहिर-
 अब्भंतरए पोग्गले परियाइत्ता एगा विउव्वणा बाहिरअब्भंतरए पोग्गले अपरियाइत्ता

एगा विउव्वणा चाहिरब्भंतरए पोम्मले परियाइत्तावि अपरियाइत्तावि एगा विउव्वणा ॥ १६४ ॥ तिविहा नेरइया प० तं० कतिसंचिया, अकतिसंचिया अवत्तव्वगसंचिया एवमेगिंदियवज्जा जाव वेमाणिया ॥ १६५ ॥ तिविहा परियारणा प० तं० एगे देवे अन्ने देवे अन्नेसिं देवाणं देवीओ य अभिजुंजिय २ परियारेइ, अप्पणिज्जिआओ देवीओ अभिजुंजिय २ परियारेइ अप्पाणमेव अप्पणा विउव्विय २ परियारेइ एगे देवे णो अन्नेदेवे णो अन्नेसिं देवाणं देवीओ अभिजुंजिय २ परियारेइ अप्पणिज्जिआओ देवीओ अभिजुंजिय २ परियारेइ अप्पाणमेव अप्पणा विउव्विय २ परियारेइ । एगे देवे णो अन्नेदेवे णो अन्नेसिं देवाणं देवीओ अभिजुंजिय २ परियारेइ, णो अप्पणिज्जियाओ देवीओ अभिजुंजिय २ परियारेइ अप्पाणमेव अप्पाणं विउव्विय २ परियारेइ ॥ १६६ ॥ तिविहे मेहुणे प० तं० दिव्वे माणुस्सए तिरिक्खजोणिए, तओ मेहुणं गच्छंति तं० देवा मणुस्सा तिरिक्खजोणिया, तओ मेहुणं सेवन्ति तं० इत्थी पुरिसा णपुंसगा ॥ १६७ ॥ तिविहे जोगे प० तं० मणजोगे वयजोगे कायजोगे, एवं णेरइयाणं विगल्लिंदियवज्जाणं जाव वेमाणियाणं, तिविहे पओगे प० तं० मणपओगे, वयपओगे, कायपओगे; जहा जोगो विगल्लिंदियवज्जाणं जाव वेमाणियाणं तहा पओगेवि । तिविहे करणे प० तं० मणकरणे, वयकरणे, कायकरणे, एवं णेरइयाणं विगल्लिंदियवज्जाणं जाव वेमाणियाणं । तिविहे करणे पन्नत्ते तं० आरंभकरणे, संरंभकरणे समारंभकरणे, णिरंतरं जाव वेमाणियाणं ॥ १६८ ॥ तिहिं ठाणेहिं जीवा अप्पाउअत्ताए कम्मं पगरंति तं० पाणे अइवाइत्ता भवइ, सुसंवइत्ता भवइ, तहारूवं समणं वा, णिग्गंथं वा, अफासुएणं अणेसणिज्जेणं असणपाणखाइमसाइमेणं पडिलाभित्ता भवइ, इच्चेएहिं तिहिं ठाणेहिं जीवा अप्पाउअत्ताए कम्मं पगरंति । तिहिं ठाणेहिं जीवा दीहाउअत्ताए कम्मं पगरंति तंजहा-णो पाणे अइवाइत्ता भवइ, णो सुसं वइत्ता भवइ, तहारूवं णं समणं णिग्गंथं वा फासुएसणिज्जेणं असणपाणखाइमसाइमेणं पडिलाभित्ता भवइ । इच्चेएहिं तिहिं ठाणेहिं जीवा दीहाउअत्ताए कम्मं पगरंति ॥ १६९ ॥ तिहिं ठाणेहिं जीवा असुभदीहाउअत्ताए कम्मं पगरंति तं० पाणे अइवाइत्ता भवइ, सुसं वइत्ता भवइ, तहारूवं समणं णिग्गंथं वा हीलेत्ता निदेत्ता खिसेत्ता गरिहत्ता अवमाणित्ता अन्नयरेणं अमणुत्तेणं अपीइकारएणं असणपाणखाइमसाइमेणं वा पडिलाभित्ता भवइ, इच्चेएहिं तिहिं ठाणेहिं जीवा असुभदीहाउअत्ताए कम्मं पगरंति, तिहिं ठाणेहिं जीवा सुभदीहाउअत्ताए कम्मं पगरंति, तंजहा-णो पाणे अइवाइत्ता भवइ, णो सुसं वइत्ता भवइ, तहारूवं समणं वा णिग्गंथं वा वंदित्ता नमंसित्ता सक्कारेत्ता सम्माणेत्ता कल्लणं मंगलं देवयं चेइयं पज्जुवासेत्ता

मणुत्तेणं पीइकारणं असणपाणखाइमसाइमेणं पडिलाभेत्ता भवइ, इच्चेएहिं तिहिं ठाणेहिं जीवा सुहदीहाउअत्ताए कम्मं पगरंति ॥ १७० ॥ तओ गुत्तीओ पन्नत्ताओ तं० मणगुत्ती, वयगुत्ती, कायगुत्ती, संजयमणुस्साणं तओ गुत्तीओ प० तं० मण, वय, काय०। तओ अगुत्तीओ प० तं० मणअगुत्ती, वयअगुत्ती, कायअगुत्ती, एवं णेरइयाणं जाव० थणियकुमाराणं पंचिदियतिरिक्खजोणियाणं असंजयमणुस्साणं वाणमंतराणं जोइ- सियाणं वेमाणियाणं। तओ दंडा प० तं० मणदंडे, वयदंडे, कायदंडे, णेरइयाणं तओ दंडा प० मणदंडे, जाव कायदंडे विगल्लिंदियवज्जं जाव वेमाणियाणं ॥ १७१ ॥ तिविहा गरिहा प० तं० मणसावेगे गरहइ, वयसावेगे गरहइ, कायसावेगे गरहइ, पावाणं कम्माणं अकरणयाए। अहवा गरहा तिविहा प० तं० दीहंवेगे अद्धं गरहइ, रहस्सं वेगे अद्धं गरहइ, कायंवेगे पडिसाहरइ पावाणं कम्माणं अकरणयाए, तिविहे पच्चक्खाणे प० तं० मणसावेगे पच्चक्खाइ, वयसावेगे पच्चक्खाइ, कायसावेगे पच्चक्खाइ, एवं जहा गरहा तहा पच्चक्खाणेवि दो आलावगा भाणियव्वा ॥ १७२ ॥ तओ रुक्खा, प० तं० पत्तोवए, फलोवए, पुप्फोवए, एवामेव तओ पुरिसजाया प० तं० पत्तो वा रुक्खसमाणे, पुप्फो वा रुक्खसमाणे फलो वा रुक्खसमाणे ॥ तओ पुरिसजाया प० तं० णामपुरिसे, दव्वपुरिसे, भावपुरिसे, तओ पुरिसजाया प० तं० णाणपुरिसे, दंसणपुरिसे, चरित्तपुरिसे, तओ पुरिसजाया प० तं० वेदपुरिसे, चिंधपुरिसे, अभिलावपुरिसे ॥ १७३ ॥ तिविहा पुरिसा प० तं० उत्तमपुरिसा, मज्झिमपुरिसा जहन्नपुरिसा, उत्तमपुरिसा तिविहा प० तं० धम्मपुरिसा, भोग- पुरिसा, कम्मपुरिसा, धम्मपुरिसा अरिहंता, भोगपुरिसा चक्कवट्ठी, कम्मपुरिसा वासुदेवा, मज्झिमपुरिसा तिविहा-उग्गा भोगा राइण्णा, जहन्नपुरिसा तिविहा, प० तं० दासा, भयगा, भाइल्लगा ॥ १७४ ॥ तिविहा मच्छा प० तं० अंडया, पोयया, संमुच्छिमा, अंडया मच्छा तिविहा प० तं० इत्थी, पुरिसा, णपुंसगा; पोयया मच्छा तिविहा प० तं० इत्थी, पुरिसा, णपुंसगा ॥ १७५ ॥ तिविहा पक्खी प० तं० अंडया, पोयया, संमुच्छिमा, अंडया पक्खी तिविहा प० तं० इत्थी पुरिसा, णपुंसगा, पोयया पक्खी तिविहा प० तं० इत्थी, पुरिसा, णपुंसगा, एवमे- एणं अभिलावेणं उरपरिसम्पावि भाणियव्वा, भुजपरिसम्पा वि णेयव्वा, एवं चेव ॥ १७६ ॥ तिविहाओ इत्थीओ पन्नत्ताओ तं० तिरिक्खजोणित्थीओ, मणुस्सित्थीओ, देवित्थीओ, तिरिक्खजोणित्थीओ तिविहाओ प० तं० जलचरीओ, थलचरीओ, खहचरीओ, मणुस्सित्थीओ तिविहाओ पण्णत्ताओ, तं० कम्मभूमियाओ, अकम्म- भूमियाओ, अंतरदीवियाओ ॥ १७७ ॥ तिविहा पुरिसा तिरिक्खजोणियपुरिसा,

मणुस्सपुरिसा, देवपुरिसा, तिरिक्खजोणियपुरिसा तिविहा ५० तं० जलयरा, थलयरा, खहयरा, मणुस्सपुरिसा तिविहा ५० तं० कम्मभूमिया, अकम्मभूमिया अंतरदीवया ॥ १७८ ॥ तिविहा णपुंसगा, णेरइयणपुंसगा, तिरिक्खजोणियणपुंसगा मणुस्सणपुंसगा, तिरिक्खजोणियणपुंसगा तिविहा-जलयरा थलयरा खहयरा ॥ १७९ ॥ मणुस्सणपुंसगा तिविहा ५० तं० कम्मभूमिया अकम्मभूमिया अंतरदीवगा, तिविहा तिरिक्खजोणिया, इत्थी पुरिसा णपुंसगा ॥ १८० ॥ णेरइयाणं तओ लेस्साओ ५० तं० कण्हलेस्सा नीललेस्सा काउलेस्सा, असुरकुमारणं तओ लेस्साओ संकिलिठ्ठाओ ५० तं० कण्हलेस्सा नीललेस्सा काउलेस्सा एवं जाव थणियकुमारणं । एवं पुढवि-काइयाणं आउवणस्सइकाइयाणं वि तेउवाउवेइदियतेइदियचउरिदियाणं वि तओ लेस्सा जहा णेरइयाणं, पंचिदियतिरिक्खजोणियाणं तओ लेस्साओ संकिलिठ्ठाओ ५० तं० कण्हनीलकाउलेस्सा, पंचिदियतिरिक्खजोणियाणं तओ लेस्साओ असंकिलिठ्ठाओ ५० तं० तेउपम्हसुकलेस्सा एवं मणुस्साणवि वाणमंतराणं जहा असुरकुमारणं, वेमाणियाणं तओ लेस्साओ ५० तं० तेउपम्हसुकलेस्सा ॥ १८१ ॥ तिहिं ठाणेहिं तारारुवे चलेजा तं० विक्खवमाणे वा परियारेमाणे वा, ठाणाओ वा ठाणं संकममाणे तारारुवे चलेजा । तिहिं ठाणेहिं देवे विज्जुयारं करेजा तं० विउव्वमाणे वा परियारेमाणे वा तहारुवस्स समणस्स वा णिगंगथस्स वा इद्धि जुइं जसं वलं वीरियं पुरिसक्कारपरक्कमं उवदंसेमाणे देवे विज्जुयारं करेजा, तिहिं ठाणेहिं देवे थणियसइं करेजा तं० विउव्वमाणे एवं जहा विज्जुयारं तहेव थणियसइंपि ॥ १८२ ॥ तिहिं ठाणेहिं लोगंधयारे सिया तंजहा-अरिहंतेहिं वोच्छिजमाणेहिं अरिहंतपण्णत्ते धम्मे वोच्छिजमाणे पुव्वगए वोच्छिजमाणे । तिहिं ठाणेहिं लोगुजोए सिया तं० अरिहं-तेहिं जायमाणेहिं अरिहंतेसु पव्वयमाणेसु, अरिहंताणं णाणुप्पायमहिमासु । तिहिं ठाणेहिं देवंधयारे सिया तं० अरिहंतेहिं वोच्छिजमाणेहिं अरिहंतपण्णत्ते धम्मे वोच्छिजमाणे पुव्वगए वोच्छिजमाणे । तिहिं ठाणेहिं देवुजोए सिया तं० अरिहंतेहिं जायमाणेहिं, अरिहंतेहिं पव्वयमाणेहिं, अरिहंताणं णाणुप्पायमहिमासु । तिहिं ठाणेहिं देवसन्निवाए सिया तं० अरिहंतेहिं जायमाणेहिं अरिहंतेहिं पव्वयमाणेहिं अरिहंताणं णाणुप्पायमहिमासु । एवं देवुकलिया, देवकहकहए, तिहिं ठाणेहिं देविंदा माणुसं लोगं हव्वमागच्छंति तं० अरिहंतेहिं जायमाणेहिं अरिहंतेहिं पव्वयमाणेहिं अरिहं-ताणं णाणुप्पायमहिमासु, एवं सामाणिया, तायत्तीसगा लोगपाला देवा अग्गमहि-सीओ देवीओ परिसोववन्नगा देवा, अणियाहिवई देवा, आयरक्खा देवा माणुसं लोगं हव्वमागच्छंति, तिहिं ठाणेहिं देवा अब्भुठ्ठेजा तं० अरिहंतेहिं जायमाणेहिं

जाव तं चेव । एवमासणाइं चलेजा, सीहणायं करेजा, चेलुक्खेवं करेजा । तिहिं ठाणेहिं देवाणं खखा चलेजा तं० अरिहंतेहिं जायमाणेहिं, जाव तं चेव । तिहिं ठाणेहिं लोगंतिया देवा माणुसं लोगं हव्वमागच्छेजा तं० अरिहंतेहिं जायमाणेहिं, अरिहंतेहिं पव्वयमाणेहिं, अरिहंताणं णाणुप्पायमहिमासु ॥ १८३ ॥ तिहं दुप्पडियारं समणाउसो तंजहा-अम्मापिउणो भट्टिस्स धम्मायरियस्स, संपाओवि य णं केइ पुरिसे अम्मापियरं सयपागसहस्सपागेहिं तिळेहिं अब्भंगेत्ता, सुरभिणा गंधदुण्णं उव्वट्ठिता, तिहिं उदगेहिं मज्जावेत्ता, सव्वालंकारविभूसियं करेत्ता, मणुजं थालीपागसुद्धं अट्ठारसवज्जणाउलं भोअणं भोआवेत्ता जावज्जीवं पिट्ठिवडिसियाए परिवहेजा, तेणावि तस्स अम्मापिउस्स दुप्पडियारं भवइ । अहेणं से तं अम्मापियरं केवलपन्नत्ते धम्मे आघवइत्ता पन्नवइत्ता परवइत्ता ठावइत्ता भवइ तेणामेव तस्स अम्मापिउस्स सुप्पडियारं भवइ । समणाउसो केइ महचे दरिइं समुक्कसेजा तएणं से दरिइं समुक्किठे समाणे पच्छा पुरं च णं विउलभोगसमिइसमण्णागए या विविहरेजा, तएणं से महचे अन्नया कयाइं दरिही हूए समाणे तस्स दरिइस्स अंतिए हव्वमागच्छेजा तएणं से दरिइं तस्स भट्टिस्स सव्वस्समवि दलयमाणे तेणावि तस्स दुप्पडियारं भवइ, अहेणं से तं भट्टिं केवलपन्नत्ते धम्मे आघवइत्ता पणवइत्ता परवइत्ता ठावइत्ता भवइ तेणामेव तस्स भट्टिस्स सुप्पडियारं भवइ । केइ तहारुवस्स समणस्स वा णिगंथस्स वा अंतियमेगमवि आरियं जिणभासियं धम्मं सुवयणं सोच्चा निसम्म कालमासे कालं किच्चा अन्नयरेसु देवलोएसु देवत्ताए उव्वत्ते, तएणं से देवे तं धम्मायरियं दुब्भिक्खाओ वा देसाओ सुभिक्षं देसं साहरेजा, कंताराओ वा णिकंतारं करेजा, दीहकालिणं वा रोआतंकेणं अभिभूयं समाणं विमोइजा, तेणावि तस्स धम्मायरियस्स दुप्पडियारं भवइ, अहेणं से तं धम्मायरियं केवलपन्नत्ताओ धम्माओ भट्ठं समाणं भुज्जोवि केवलपन्नत्ते धम्मे आघवइत्ता जाव ठावइत्ता भवइ तेणामेव तस्स धम्मायरियस्स सुप्पडियारं भवइ ॥ १८४ ॥ तिहिं ठाणेहिं संपन्ने अणगारे अणाइयं अणवदगं दीहमद्धं चाउरंतसंसारकंतारं वीइवएजा, तंजहा-अणियाणयाए, दिट्ठिसंपन्नाए, जोगवाहियाए ॥ १८५ ॥ तिविहा ओसप्पिणी प० तं० उक्कोसा मज्झिमा जहन्ना, एवं छप्पिसमाओ भाणियव्वाओ जाव दुसमदुसमा, तिविहा उस्सप्पिणी प० तं० उक्कोसा मज्झिमा जहन्ना एवं छप्पिसमाओ भाणियव्वाओ, जाव सुसमसुसमा ॥ १८६ ॥ तिहिं ठाणेहिं अच्छिन्ने पोगगले चलेजा तं० आहारिजमाणे वा पोगगले चलेजा, विउव्वमाणे वा पोगगले चलेजा, ठाणाओ ठाणं संकामेजमाणे वा पोगगले चलेजा ॥ १८७ ॥ तिविहा उवही प० तं० कम्मोवही

सरीरोवही बाहिरभंडमत्तोवही, एवं असुरकुमाराणं भाणियब्बं, एवं एगिंदियनेरइय-
वज्जं जाव वेमाणियाणं । अहवा तिविहा उवही प० तं० सचित्ता अचित्ता मीसिया ।
एवं नेरइयाणं निरंतरं जाव वेमाणियाणं, तिविहे परिग्गहे प० तं० कम्मपरिग्गहे
सरीरपरिग्गहे बाहिरभंडमत्तपरिग्गहे, एवं असुरकुमाराणं, एवं एगिंदियनेरइयवज्जं
जाव वेमाणियाणं, अहवा तिविहे परिग्गहे प० तं० सचित्ते अचित्ते मीसए एवं
णेरइयाणं निरंतरं जाव वेमाणियाणं ॥ १८८ ॥ तिविहे पणिहाणे प० तं० मणप-
णिहाणे वयपणिहाणे कायपणिहाणे एवं पंचिंदियाणं जाव वेमाणियाणं । तिविहे सुप्प-
णिहाणे प० तं० मणसुप्पणिहाणे वयसुप्पणिहाणे कायसुप्पणिहाणे, संजयमणुस्साणं
तिविहे सुप्पणिहाणे प० तं० मणसुप्पणिहाणे वयसुप्पणिहाणे कायसुप्पणिहाणे, तिविहे
दुप्पणिहाणे प० तं० मणदुप्पणिहाणे वयदुप्पणिहाणे कायदुप्पणिहाणे, एवं पंचिंदि-
याणं जाव वेमाणियाणं ॥ १८९ ॥ तिविहा जोणी पणत्ता तंजहा-सीआ उसिणा
सीओसिणा । एवमेगिंदियाणं विगल्लिंदियाणं तेउकाइयवज्जाणं संमुच्छिमपंचिंदियति-
रिक्खजोणियाणं संमुच्छिममणुस्साण य, तिविहा जोणी प० तं० सचित्ता अचित्ता
मीसिया एवमेगिंदियाणं विगल्लिंदियाणं संमुच्छिमपंचिंदियतिरिक्खजोणियाणं संमु-
च्छिममणुस्साण य । तिविहा जोणी प० तं० संवुडा, वियडा संवुडवियडा । तिविहा
जोणी प० तं० कुम्मुन्नया संखावत्ता वंसीवत्तिया, कुम्मुन्नयाणं जोणी उत्तमपुरिस-
माऊणं, कुम्मुन्नयाएणं जोणीए तिविहा उत्तमपुरिसा गब्भं वक्कमंति तं० अरिहंता
चक्कवट्ठी वलदेववासुदेवा, संखावत्ता जोणी इत्थीरयणस्स संखावत्ताएणं जोणीए
वहवे जीवा य पोग्गला य वक्कमंति विउक्कमंति चयंति उववज्जंति नो चेव णं णिप्पज्जंति ।
वंसीपत्तियाणं जोणी पिहज्जणस्स वंसीवत्तियाएणं जोणीए वहवे पिहज्जणे गब्भं वक्क-
मंति ॥ १९० ॥ तिविहा तणवणस्सइकाइया प० तं० संखेज्जजीविया असंखेज्जजी-
विया अणंतजीविया ॥ १९१ ॥ जंबुद्दीवे दीवे भारहेवासे तओ तित्था प० तं०
मागहे वरदामे पभासे एवं एरवएवि । जंबुद्दीवे दीवे महाविदेहवासे एगमेगे चक्क-
वट्ठिविजए तओ तित्था प० तं० मागहे वरदामे पभासे । एवं धायइखंडे दीवे
पुरच्छिमद्वेवि पच्चत्थिमद्वेवि पुक्खरवदीवद्धुपुरच्छिमद्वेवि पच्चत्थिमद्वेवि ॥ १९२ ॥
जंबुद्दीवे दीवे भरहेरवएसु वासेसु तीआए उस्सप्पिणीए सुसमाए समाए तिन्निसागरो-
वमकोडाकोडीओ कालो होत्था । एवं ओसप्पिणीए णवरं प० आगमेस्साए उस्स-
प्पिणीए भविस्सइ । एवं धायइखंडे पुरच्छिमद्वेवि पच्चत्थिमद्वेवि । एवं पुक्खरव-
रदीवद्धुपुरत्थिमद्वे पच्चत्थिमद्वेवि कालो भाणियव्वो ॥ १९३ ॥ जंबुद्दीवे दीवे भरहेर-
वएसु वासेसु तीयाए उस्सप्पिणीए सुसमसुसमाए समाए मणुया तिन्नि गाळआई

उद्धं उच्चत्तेणं तिणिगपलिओवमाई परमाउं पालइत्था एवं इमीसे ओसप्पिणीए आग-
मेस्ताए उस्सप्पिणीए । जंबुद्दीवे दीवे देवकुलउत्तरकुरासु मणुया तिन्नि गाउआई उद्धं
उच्चत्तेणं प० तिन्निपलिओवमाई परमाउं पालयंति । एवं जाव पुक्खरवरदीवद्धपच्चत्थिमद्धे ॥ १९४ ॥ जंबुद्दीवे दीवे भरहेरवएसु वासेसु एगमेगाए ओसप्पिणिउस्सप्पिणीए
तओ वंसा उप्पज्जिंसु वा उप्पज्जंति वा उप्पज्जिस्संति वा तं० अरिहंतवंसे चक्कवट्ठि-
वंसे दसारवंसे । एवं जाव पुक्खरवरदीवद्धपच्चत्थिमद्धे । जंबुद्दीवे दीवे भरहेरवएसु
वासेसु एगमेगाए ओसप्पिणीउस्सप्पिणीए तओ उत्तमपुरिसा उप्पज्जिंसु वा उप्पज्जंति
वा उप्पज्जिस्संति वा तं० अरिहंता वा चक्कवट्ठी वा बलदेववासुदेवा । एवं जाव
पुक्खरवरदीवद्धपच्चत्थिमद्धे । तओ अहाउयं पालेंति तं० अरिहंता चक्कवट्ठी बलदेव-
वासुदेवा, तओ मज्झिममाउयं पालयंति तं० अरिहंता चक्कवट्ठी बलदेववासुदेवा
॥ १९५ ॥ वायरतेऊकाइयाणं उक्कोसेणं तिन्नि राइंदियाई ठिई प० वायरवाउकाइ-
याणं उक्कोसेणं तिन्निवाससहस्साई ठिई पन्नत्ता ॥ १९६ ॥ अह भंते सालीणं वीहीणं
गोधूमाणं जवाणं जवजवाणं एएसिणं धन्नाणं कोट्ठाउत्ताणं पल्लाउत्ताणं मंचाउत्ताणं
मालाउत्ताणं ओलित्ताणं लिताणं लंछियाणं मुद्धियाणं पिहियाणं केवड्यं कालं जोणी
संचिठ्ठइ ? गोयमा । जहन्नेणं अंतोमुहुत्तं उक्कोसेणं तिन्निस्संवच्छराई तेण परं जोणी
पमिलायइ पविद्धंसइ विद्धंसइ तेण परं वीए अवीए भवइ तेण परं जोणी वोच्छेदे
प० ॥ १९७ ॥ दोच्चाएणं सक्करप्पभाए पुढवीए नेरइयाणं उक्कोसेणं तिन्निसागरो-
वमाई ठिई प० तच्चाएणं वालुयप्पभाए पुढवीए जहन्नेणं नेरइयाणं तिन्निसागरोव-
माई ठिई प० । पंचमाए णं धूमप्पभाए पुढवीए तिन्निनिरयावाससयसहस्सा प०
तिस्सु णं पुढवीसु नेरइया उसिणं वेयणं पच्चणुभवमाणा विहरंति तं० पढमाए दोच्चाए
तच्चाए ॥ १९८ ॥ तओ लोगे समा संपक्खि सपडिदिसिं प० तं० अप्पइट्ठाणे णरए
जंबुद्दीवे दीवे सव्वट्ठसिद्धे महाविमाणे । तओ लोगे समा संपक्खि सपडिदिसिं प०
तं० सीमंतएणं णरए समयक्खेत्ते ईसिपब्भारापुढवी ॥ १९९ ॥ तओ समुद्दा पगईए
उदगरसेणं प० तं० कालोदे पुक्खरोदे सयंभुरमणे, तओ समुद्दा बहुमच्छक्कच्छभा-
इण्णा प० तं० लवणे कालोदे सयंभुरमणे ॥ २०० ॥ तओ लोगे णिस्सीला णिव्वया
णिग्गुणा णिम्मेरा णिपच्चक्खाणपोसहोववासा कालमासे कालं किच्चा अहे सत्तमाए
पुढवीए अप्पइट्ठाणे णरए नेरइयत्ताए उववज्जंति तं० रायाणो मंडलिया जे य महा-
रंभा कोडुंवी । तओ लोए सुसीला सुव्वया सगुणा सम्मेरा सपच्चक्खाणपोसहोव-
वासा कालमासे कालं किच्चा सव्वट्ठसिद्धे महाविमाणे देवत्ताए उववत्तारो भवंति
तं० रायाणो परिचत्तकामभोगा सेणावई पसत्थारो ॥ २०१ ॥ वंभलोगलंतएसु णं

कप्पेसु विमाणा तिवन्ना पन्नत्ता तं० किण्हा नीला लोहिगा । आणयपाणगारणनुएसु
णं कप्पेसु देवाणं भवधारणिजसरीरगा उक्कोसेणं तिन्नि रयणीओ उन्तं उन्नत्तेणं प०
॥ २०२ ॥ तओ पन्नत्तीओ कालेणं अहिज्जन्ति तं० चंदपन्नत्ती सूरपन्नत्ती धीवन्नागर-
पन्नत्ती ॥ २०३ ॥ तइयट्ठाणस्स पढमोद्देसो समत्तो ॥

तिविहे लोगे पन्नत्ते तं० णामलोगे ठवणलोगे दव्वलोगे, तिविहे लोगे प० तं०
णाणलोगे दंसणलोगे चरित्तलोगे, तिविहे लोगे प० तं० उट्ठलोगे अहोलोगे तिरिय-
लोगे ॥ २०४ ॥ चमरस्सणं असुरिंदस्स असुरकुमाररण्णो तओ परिसाओ पण्णत्ताओ
तं० समिया चंडा जाया अम्भितरिया समिया मज्झमिया चंडा चाहिरिया जाया,
चमरस्स णं असुरिंदस्स असुरकुमाररण्णो सामाणियाणं देवाणं तओ परिसाओ
पण्णत्ताओ तं० समिया जहेव चमरस्स । एवं तायत्तीसगाणवि लोगपालाणं तुंवा
तुडिया पव्वा एवं अग्गमहिसीण वि । वलिस्स वि एवं चेव जाव अग्गमहिसीणं ।
धरणस्स य सामाणियतायत्तीसगाणं च समिया चंडा जाया, लोगपालाणं अग्ग-
महिसीणं ईसा तुडिया दढरहा, जहा धरणस्स तहा सेसाणं भवणवासीणं, काल-
स्सणं पिसाईदस्स पिसायरन्नो तओ परिसाओ पन्नत्ताओ, तं० ईसा तुडिया दढरहा,
एवं सामाणियअग्गमहिसीणं वि एवं जाव गीयरइ गीयजसाणं चंदस्स णं जोइसिंदस्स
जोइसरण्णो तओ परिसाओ, तुंवा तुडिया पव्वा, एवं सामाणियअग्गमहिसीणं,
एवं सूरस्स वि, सक्कस्स णं देविंदस्स देवरण्णो तओ परिसाओ पन्नत्ताओ तं० समिया
चंडा जाया, एवं जहा चमरस्स जाव अग्गमहिसीणं, एवं जाव अच्चयस्स लोगपालाणं
॥ २०५ ॥ तओ जामा प० तं० पढमे जामे मज्झिमे जामे पच्छिमे जामे, तिहिं
जामेहिं आया केवलिपन्नत्तं धम्मं लभेज्ज सवणयाए तं० पढमे जामे मज्झिमे
जामे पच्छिमे जामे, एवं जाव केवलनाणं उप्पाडेज्जा पढमे जामे मज्झिमे जामे
पच्छिमे जामे । तओ वया प० तं० पढमे वए मज्झिमे वए पच्छिमे वए, तिहिं
वएहिं आया केवलिपन्नत्तं धम्मं लभेज्ज सवणयाए तं० पढमे वए मज्झिमे वए
पच्छिमे वए, एसो चेव गमो णेयव्वो, जाव केवलनाणंति ॥ २०६ ॥ तिविहा वोही
प० तं० णाणवोही दंसणवोही चरित्तवोही, तिविहा बुद्धा प० तं० णाणबुद्धा
दंसणबुद्धा चरित्तबुद्धा, एवं मोहे मूढा ॥ २०७ ॥ तिविहा पव्वज्जा प० तं० इह-
लोगपडिवद्धा, परलोगपडिवद्धा, दुहओ पडिवद्धा, तिविहा पव्वज्जा प० तं० पुरओ-
पडिवद्धा, मग्गओपडिवद्धा, उभओपडिवद्धा, तिविहा पव्वज्जा प० तं० तुयावइत्ता
पुयावइत्ता तुयावइत्ता, तिविहा पव्वज्जा पण्णत्ता तं० उवायपव्वज्जा अक्खाय-
पव्वज्जा संगारपव्वज्जा ॥ २०८ ॥ तओ णियंठा णोसण्णोवउत्ता प० तं० पुलाए
१४ सुत्ता०

णियंठे सिगाए, तओ णियंठा सण्णणोसण्णोवउत्ता प० तं० वउसे पडिसेवणाकुसीले
 कसायकुसीले ॥ २०९ ॥ तओ सेहभूमीओ प० तं० उक्कोसा मज्झिमा जहण्णा
 उक्कोसा छम्मासा मज्झिमा चउमासा, जहन्ना सत्तराईदिया ॥ २१० ॥ तओ
 थेरभूमीओ पन्नताओ तं० जाइथेरे सुयथेरे परियायथेरे । सठ्ठिवासजाए समणे
 णिग्गंथे जाइथेरे, ठाणसमवायधरे णं समणे णिग्गंथे सुयथेरे, वीसवासपरियाए णं
 समणे णिग्गंथे परियायथेरे ॥ २११ ॥ तओ पुरिसजाया प० सुमणे दुम्मणे णो-
 सुमणेणोदुम्मणे, तओ पुरिसजाया प० गंताणामेगे सुमणे भवइ गंताणामेगे
 दुम्मणे भवइ गंताणामेगे णोसुमणेणोदुम्मणे भवइ, तओ पुरिसजाया प० तं०
 जामि एगे सुमणे भवइ, जामि एगे दुम्मणे भवइ, जामि एगे णोसुमणेणोदुम्मणे
 भवइ, एवं जाइस्सामि एगे सुमणे भवइ (३) तओ पुरिसजाया पण्णत्ता तं०
 अगंताणामेगे सुमणे भवइ (३) तओ पुरिसजाया प० तं० ण जामि एगे सुमणे
 भवइ (३) तओ पुरिसजाया प० तं० ण जाइस्सामि एगे सुमणे भवइ (३) एवं
 आगंताणामेगे सुमणे भवइ (३) एमि एगे सुमणे भवइ, एस्सामि एगे सुमणे भवइ (३)
 एवं एएणं अभिलावेणं गंता य अगंता य आगंता खलु तहा अगागंता । चिट्ठित्तम-
 चिट्ठित्ता, णिसिइत्ता चेव नो चेव १ हंता य अहंता य छिंदित्ता खलु तहा अछिंदित्ता,
 वूइत्ता अवूइत्ता, भासित्ता चेव णो चेव २ दच्चा य अदच्चा य, भुंजित्ता खलु
 तहा अभुंजित्ता, लंभित्ता अलंभित्ता, पिइत्ता चेव नो चेव ३ सुइत्ता असुइत्ता,
 जुज्झित्ता खलु तहा अजुज्झित्ता; जइत्ता अजइत्ता य, पराजिणित्ता चेव नो
 चेव ४ सद्दा रुवा गंधा, रसा य फासा तहेव ठाणा य; निस्सीलस्स गरहिया,
 पसत्था पुग सीलवंतस्स ५ एवमेक्के तिञ्चित्तिञ्जिउ आलावगा भाणियव्वा । सई
 सुणेत्ताणामेगे सुमणे भवइ (३) एवं सुणेमि त्ति (३) सुणेस्सामि त्ति ३ एवं असुणे-
 त्ताणामेगे सुमणे भवइ (३) न सुणेमि त्ति ३ न सुणेस्सामि त्ति ३ एवं रुवाई गंधाई
 रसाई फासाई इक्के छल्ल आलावगा भाणियव्वा, एवं १२७ आलावगा भवंति
 ॥ २१२ ॥ तओ ठाणा निस्सीलस्स णिव्वयस्स णिग्गुगस्स णिम्मेरस्स णिप्प-
 चक्खणपोसहोववासस्स गरहिया भवंति तं० अस्सि लोगे गरहिए भवइ उववाए
 गरहिए भवइ आयाई गरहिया भवइ । तओ ठाणा सुसीलस्स सुव्वयस्स सगुणस्स
 समेरस्स सपच्चक्खणपोसहोववासस्स पसत्था भवंति तं० अस्सि लोगे पसत्थे
 भवइ उववाए पसत्थे भवइ आयाई पसत्था भवइ ॥ २१३ ॥ तिविहा संसारसमा-
 वज्जगा जीवा प० तं० इत्थी पुरिसा णपुंसगा । तिविहा सव्वजीवा प० तं० सम्मदिट्ठी
 मिच्छदिट्ठी सम्ममिच्छदिट्ठी य । अहवा तिविहा सव्वजीवा प० तं० पज्जत्तगा

अपज्जत्तगा नोपज्जत्तगानोअपज्जत्तगा । एवं सम्मदिट्ठिपरितापज्जत्तगसुहुमसञ्चि-
भविता य ॥ २१४ ॥ तिविहा लोग्गिई प० तं० आगासपइट्ठिए वाए वायपइट्ठिए
उदही उदहीपइट्ठिया पुढवी । तओ दिसाओ प० तं० उट्ठा अहा तिरिया, तिहिं
दिसाहिं जीवाणं गई पवत्तई तं० उट्ठाए अहाए तिरियाए, एवं आगई वक्की आहारे
वुट्ठी णिवुट्ठी गइपरियाए समुग्घाए कालसंजोगे दंसणाभिगमे णाणाभिगमे जीवाभि-
गमे । तिहिं दिसाहिं जीवाणं अजीवाभिगमे प० तं० उट्ठाए अहाए तिरियाए, एवं
पंचिदियतिरेक्खजोणियाणं । एवं मणुस्साणवि ॥ २१५ ॥ तिविहा तसा प० तं०
तेउकाइया, वाउकाइया उराला तसा पाणा, तिविहा थावरा प० तं० पुढविकाइया
आउकाइया वणस्सइकाइया ॥ २१६ ॥ तओ अच्छेज्जा प० तं० समए पएसे
परमाणू; एवमभेज्जा अडज्झा अगिज्झा अणट्ठा अमज्झा अपएसा । तओ अवि-
भाइसा प० तं० समए पएसे परमाणू ॥ २१७ ॥ अज्जोत्ति समणे भगवं महावीरे
गोयमाई समणे णिग्गंथे आमंतिता एवं वयासी । किं भया पाणा समणाउसो ?
गोयमाई समणा णिग्गंथा समणं भगवं महावीरं उवसंकमंति, उवसंकमिता वंदंति
नमंसंति वंदिता नमंसिता एवं वयासी णो खलु वयं देवाणुप्पिया । एयमट्ठं जाणामो
वा पासामो वा तं जइणं देवाणुप्पिया ! एयमट्ठं नो गिलायंति परिकहेत्तए तमि-
च्छामो णं देवाणुप्पियाणं अंतिए एयमट्ठं जाणित्तए, अज्जोत्ति समणे भगवं महावीरे
गोयमाई समणे णिग्गंथे आमंतिता एवं वयासी, दुक्ख भया पाणा समणाउसो,
से णं भंते दुक्खे केण कडे ? जीवेण कडे पमाएणं, से णं भंते दुक्खे कहं वेइज्जति ?
अप्पमाएणं ॥ २१८ ॥ अण्णउत्थिया णं भंते एवमाइक्खन्ति, एवं भासेन्ति एवं
परुवेन्ति कहण्णं समणाणं निग्गंथाणं किरिया कज्जइ तत्थ जासा कडा कज्जइ णो
तं पुच्छंति, तत्थ जासा कडा नो कज्जइ णो तं पुच्छंति, तत्थ जासा अकडा नो
कज्जइ णो तं पुच्छंति, तत्थ जासा अकडा कज्जइ तं पुच्छंति, से एवं वत्तवं सिया
अकिच्चं दुक्खं अफुसं दुक्खं अकज्जमाणकडं दुक्खं अकट्ठु अकट्ठु पाणा भूया जीवा
सत्ता वेयणं वेयंति त्ति वत्तवं जे ते एवमाहंसु ते मिच्छा, अहं पुण एवमाइक्खामि,
एवं भासामि, एवं पन्नवेमि, एवं परुवेमि, किच्चं दुक्खं फुसं दुक्खं कज्जमाणं कडं
दुक्खं कट्ठु २ पाणा भूया जीवा सत्ता वेयणं वेयंति त्ति वत्तवं सिया ॥ २१९ ॥
तइयट्ठाणस्स वीओहेसो समत्तो ॥

तिहिं ठाणेहिं मायी मायं कट्ठु णो आलोएज्जा णो पडिक्कमेज्जा, णो णिदिज्जा णो गर-
हेज्जा णो विउट्ठेज्जा णो विसोहेज्जा णो अकरणयाए अब्भुट्ठेज्जा णो अहारिहं पायच्छित्तं
तवोकम्मं पडिवज्जिज्जा तं० अकरिंसु वाहं करेमि वाहं करिस्सामि वाहं ॥ २२० ॥

तिहिं ठाणेहिं मायी मायं कट्टु णो आलोएज्जा णो पडिक्कमेज्जा जाव णो पडिवज्जेज्जा
तं० अकित्ती वा मे सिया अवन्ने वा मे सिया अविणए वा मे सिया, तिहिं ठाणेहिं
मायी मायं कट्टु णो आलोएज्जा जाव णो पडिवज्जेज्जा तं० कित्ती वा मे परिहाइस्सइ
जसो वा मे परिहाइस्सइ पूयासक्कारे वा मे परिहाइस्सइ, तिहिं ठाणेहिं मायी मायं
कट्टु आलोएज्जा पडिक्कमेज्जा निंदेज्जा जाव पडिवज्जेज्जा तंजहा मायिस्स णं अस्सि
लोगे गरहिए भवइ उववाए गरहिए भवइ आयाई गरहिया भवइ । तिहिं ठाणेहिं
मायी मायं कट्टु आलोएज्जा जाव पडिवज्जेज्जा तं० अमायिस्स णं अस्सि लोगे
पसत्थे भवइ, उववाए पसत्थे भवइ आयाई पसत्था भवइ; तिहिं ठाणेहिं मायी मायं
कट्टु आलोएज्जा जाव पडिवज्जेज्जा तं० णाणट्ठयाए दंसणट्ठयाए चरित्तट्ठयाए ॥ २२१ ॥
तओ पुरिसजाया प० तं० सुत्तधरे अत्थधरे तदुभयधरे ॥ २२२ ॥ कप्पइ निग्गंथाण
वा निग्गंथीण वा तओ वत्थाई धारित्तए वा परिहरित्तए वा तं० जंगिए साणिए
खोसिए । कप्पइ निग्गंथाणं वा निग्गंथीणं वा तओ पायाई धारित्तए वा परिहरित्तए
वा तं० लाउयपाए वा दाहपाए वा मट्ठियापाए वा, तिहिं ठाणेहिं वत्थं धरेज्जा तं०
हिरिवत्तियं दुगुंछावत्तियं परीसहवत्तियं ॥ २२३ ॥ तओ आयरक्खा प० तं० धम्मियाए
पडिचोयणाए पडिचोएत्ता भवइ तुसिणीए वा सिया उट्ठिता वा आयाए एगंतमन्तम-
वक्कमेज्जा ॥ २२४ ॥ निग्गंथस्स णं गिलायमाणस्स कर्पंति तओ वियडदत्तीओ
पडिगाहित्तए तं० उक्कोसा मज्झिमा जहन्ना ॥ २२५ ॥ तिहिं ठाणेहिं समणे
निग्गंथे साहम्मियं संभोइयं विसंभोइयं करेमाणे णाइक्कमइ तं० सयं वा दट्ठुं सट्ठुस्स
वा निसम्म तच्चं मोसं आउट्ठइ चउत्थं नो आउट्ठइ ॥ २२६ ॥ तिविहा अणुत्ता प०
तं० आयरियत्ताए उवज्जायत्ताए गणित्ताए, तिविहा समणुत्ता प० तं० आयरियत्ताए
उवज्जायत्ताए गणित्ताए, एवं उवसंपया एवं विजहण्णा ॥ २२७ ॥ तिविहे वयणे
प० तं० तव्वयणे तदन्नवयणे णो अवयणे, तिविहे अवयणे प० तं० णो तव्वयणे
णो तदन्नवयणे अवयणे, तिविहे मणे प० तं० तम्मणे तयन्नमणे णो अमणे;
तिविहे अमणे णो तंमणे णो तयन्नमणे अमणे ॥ २२८ ॥ तिहिं ठाणेहिं अप्पवुट्ठि-
काए सिया तं० तस्सि च णं देसंसि वा पएसंसि वा णो वहवे उदगजोणिया जीवा
य पोगगला य उदगत्ताए वक्कमंति विउक्कमंति चयंति उववज्जंति पडिलोमवाऊ समु-
ट्ठियं उदगपोगगलं परिणयं वासिउकामं अण्णं देसं साहरइ, अब्भवट्ठलं च
णं समुट्ठियं परिणयं वासिउकामं वाउकाए विहुणेइ इच्चेएहिं तिहिं ठाणेहिं अप्पवु-
ट्ठिकाये सिया । तिहिं ठाणेहिं महावुट्ठिकाए सिया तं० तंसि च णं देसंसि वा
पएसंसि वा वहवे उदगजोणिया जीवा य पोगगला य उदगत्ताए वक्कमंति विउक्क-

मंति, चयंति उववज्जंति अणुलोमवाऊ समुठ्ठियं उदगपोग्गलं परिणयं वासिउकामं
तं देसं साहरति अव्वभवहलं च णं समुठ्ठियं परिणयं वासिउकामं णो वाउकाओ
विहुणेति, इच्चेहिं तिहिं ठाणेहिं महाउठ्ठिकाए सिया ॥ २२९ ॥ तिहिं ठाणेहिं
अहुणोववन्ने देवे देवलोगेसु इच्छेज्जा माणुसं लोगं हव्वमागच्छित्तए, णो चेव णं
संचाएइ हव्वमागच्छित्तए तं० अहुणोववन्ने देवे देवलोगेसु दिव्वेसु कामभोगेसु
मुच्छिए गिद्धे गडिए अज्झोववन्ने से णं माणुस्सए कामभोगे णो आढाइ णो
परियाणाइ णो अठ्ठं वंधइ णो णियाणं पगरेइ, णो ठिइप्पकप्पं पकरेइ, अहुणोववन्ने
देवे देवलोगेसु दिव्वेसु कामभोगेसु मुच्छिए गिद्धे गडिए अज्झोववन्ने तस्स णं
माणुस्सए पेम्मे वोच्छिन्ने दिव्वे संकंते भवइ, अहुणोववन्ने देवे देवलोएसु
दिव्वेसु कामभोगेसु मुच्छिए जाव अज्झोववन्ने तस्स णमेवं भवइ इयहिं न गच्छं
मुहुत्तं गच्छं तेणं कालेणमप्पाउया मणुस्सा कालधम्मणा संजुता भवंति इच्चेहिं
तिहिं ठाणेहिं अहुणोववन्ने देवे देवलोगेसु इच्छेज्जा माणुस्सं लोगं हव्वमागच्छित्तए नो
चेव णं संचाएइ हव्वमागच्छित्तए । तिहिं ठाणेहिं अहुणोववन्ने देवे देवलोएसु इच्छेज्जा
माणुस्सलोगं हव्वमागच्छित्तए संचाएइ हव्वमागच्छित्तए तं० अहुणोववन्ने देवे देव-
लोगेसु दिव्वेसु कामभोगेसु अमुच्छिए अगिद्धे अगडिए अणज्झोववन्ने तस्स णं एवं
भवइ अत्थि णं मम माणुस्सए भवे आयरिएइ वा, उवज्झाएइ वा पवत्तेइ वा थेरेइ वा,
गणीइ वा गणहरेइ वा गणावच्छेएइ वा जेसिं पभावेणं मए इमा एया रुवा दिव्वा
देविद्धी दिव्वा देवजुइ दिव्वे देवाणुभावे लद्धं पत्ते अभिसमण्णागए तं गच्छामि णं ते
भगवंते वंदामि णमंसामि सक्कारेमि सम्माणेमि कल्लणं मंगलं देवयं जाव पज्जुवासामि
अहुणोववन्ने देवे देवलोगेसु दिव्वेसु कामभोगेसु अमुच्छिए जाव अणज्झोववन्ने
तस्स णं एवं भवइ, एसणं माणुस्सए भवे णाणीइ वा, तवस्सीइ वा, अइदुक्करं-
दुक्करकारगे तं गच्छामि णं भगवंतं वंदामि णमंसामि जाव पज्जुवासामि अहुणोव-
वन्ने देवे देवलोगेसु जाव अणज्झोववन्ने तस्स णं एवं भवइ अत्थि णं मम माणुस्सए
भवे मायाइ वा जाव सुण्हाइ वा तं गच्छामि णं तेसिमंतियं पाउव्ववामि, पासंतु
ता मे इमं एयाखुवं दिव्वं देविद्धिं, दिव्वं देवजुइ दिव्वं देवाणुभावं लद्धं पत्तं
अभिसमण्णागयं इच्चेहिं तिहिं ठाणेहिं अहुणोववन्ने देवे देवलोगेसु इच्छेज्ज माणुसं
लोगं हव्वमागच्छित्तए संचाएइ हव्वमागच्छित्तए ॥ २३० ॥ तओ ठाणाइं देवे
पीहेज्जा तं० माणुस्सगं भवं, आरिए, खेत्ते जम्मं, सुकुलपच्चायाइं ॥ २३१ ॥ तिहिं
ठाणेहिं देवे प्ररितप्पेज्जा तं० अहो णं मए संते वले संने वीरिए संते पुरिसक्कार-
परक्कमे खेमंसि सुभित्खंसि आयरियं उवज्झाएहिं विज्जमाणेहिं कल्लसरीरेणं णो बहुए

सुए अहीए अहो णं मए इहलोगपडिबद्धेणं परलोगपरंमुहेणं विसयतिसिएणं णो
दीहे सामन्नपरियाए अणुपालिए । अहो णं मए इद्धिरससायगरुएणं भोगामिसगिद्धेणं
णो विसुद्धे चरिते फासिए इच्चेएहिं० ॥ २३२ ॥ तिहिं ठाणेहिं देवे चइस्सामीति
जाणइ, तं० विमाणाभरणाइं णिप्पभाइं पासित्ता, कप्पक्खगं मिलायमाणं पासित्ता
अप्पगो तेयलेस्सं परिहायमाणं जाणित्ता, इच्चेएहिं०, तिहिं ठाणेहिं देवे उव्वेगमाग-
च्छेज्जा तं०-अहो णं मए इमाओ एयारुवाओ दिव्वाओ देविद्धीओ दिव्वाओ देव-
जुईओ, दिव्वाओ देवाणुभावाओ पत्ताओ लद्धाओ अभिसमण्णागयाओ चइयव्वं
भविस्सइ । अहो णं मए माउओयं पिउसुक्कं तं तदुभयसंसिद्धं तप्पढमयाए आहारो
आहारैयव्वो भविस्सइ । अहो णं मए कलमलजंवालाए असुईए उव्वेयणियाए
भीमाए गम्भवसहीए वसियव्वं भविस्सइ । इच्चेएहिं तिहिं ठाणेहिं० ॥ २३३ ॥
तिसंठिया विमाणा प० तं० वट्ठा तंसा चउरंसा । तत्थ णं जे ते वट्ठविमाणा ते णं
पुक्खरकणिया संठाणसंठिया सव्वओ समंता पागारपरिक्खित्ता एगदुवारा प० ।
तत्थ णं जे ते तंसविमाणा ते सिंघाडगसंठाणसंठिया दुहओ पागारपरिक्खित्ता
एगओ वेइया परिक्खित्ता तिदुवारा प० । तत्थ णं जे ते चउरंसविमाणा ते णं
अक्खाडगसंठाणसंठिया सव्वओ समंता वेइया परिक्खित्ता चउदुवारा प० ।
तिपइठिया विमाणा प० तं० घणोदहिपइठिया, घणवायपइठिया, उवांसंतरपइठिया ।
तिविहा विमाणा प० तं० अवट्ठिया वेउव्विया परिजाणिया ॥ २३४ ॥ तिविहा
णेइया प० तं० सम्मदिट्ठी मिच्छादिट्ठी सम्मामिच्छादिट्ठी । एवं विगल्लिंदियवज्जं
जाव वेमाणियाणं । तओ दुग्गईओ पणत्ताओ तं० णेरइयदुग्गई, तिरिक्खजोणिय-
दुग्गई मणुयदुग्गई । तओ सुग्गईओ प० तं० सिद्धिसोग्गई देवसोग्गई मणुस्स-
सोग्गई । तओ दुग्गया प० तं० णेरइयदुग्गया तिरिक्खजोणियदुग्गया, मणुस्स-
दुग्गया, तओ सुग्गया प० तं० सिद्धसुग्गया देवसुग्गया मणुस्ससुग्गया ॥ २३५ ॥
चउत्थभत्तियस्स णं भिक्खुस्स कप्पंति तओ पाणगाइं पडिगाहित्तए तं० उस्सेइमे
संसेइमे चाउलधोवणे । छट्ठभत्तियस्स णं भिक्खुस्स कप्पंति तओ पाणगाइं पडि-
गाहित्तए, तंजहा-तिलोदए तुसोदए जवोदए, अट्ठभत्तियस्स भिक्खुस्स कप्पंति
तओ पाणगाइं पडिगाहित्तए तंजहा-आयामए सोवीरए सुद्धवियडे ॥ २३६ ॥
तिविहे उवहडे प० तं० फलिओवहडे सुद्धोवहडे संसट्ठोवहडे, तिविहे ओगहिए प०
तं० जं च ओगिण्हइ जं च साहरइ जं च आसगंसि पक्खिवइ ॥ २३७ ॥
तिविहा ओमोयरिया प० तं० उवगरणोमोयरिया, भत्तपाणोमोयरिया, भावोमोय-
रिया; उवगरणोमोयरिया तिविहा प० तं० एगे वत्थे, एगे पाये चियत्तोवहि-

साइज्जणया ॥ २३८ ॥ तओ ठाणा णिग्गंथाणं वा णिग्गंभीणं वा अट्ठियाए अगुत्ताए
 अक्खमाए अणिस्सेयसाए अणाणुगामियत्ताए भवन्ति, तं० नूअणया, ककारणया
 अवज्झाणया, तओ ठाणा णिग्गंथाणं वा णिग्गंभीणं वा हियाए गट्ठाए गमाए
 णिस्सेयसाए आणुगामियत्ताए भवन्ति, तं० अकूअणया अककारणया अणवज्झाणया
 ॥ २३९ ॥ तओ सल्ला प० तं० मायासल्ले णियाणसल्ले मिच्छादंसणसल्ले ॥ २४० ॥
 तिहिं ठाणेहिं समणे णिग्गंधे संखित्तविउल्लतेउल्लेस्से भवद् तं० आयावणयाए
 खंतिखमाए अपाणगेणं तवोक्कमेणं ॥ २४१ ॥ तिमासियं णं भिक्खुपडिमं पडि-
 वन्नस्स अणगारस्स कप्पंति तओ दत्तीओ भोयणस्स पडिगाहित्तए तओ पाणगस्स,
 एगराइयं भिक्खुपडिमं सम्ममणुपालेमाणस्स अणगारस्स इमे तओ ठाणा अहि-
 याए असुभाए अखमाए अणिस्सेयसाए अणाणुगामियत्ताए भवंति तं० उम्मायं वा
 लभेज्जा, दीहकालियं वा रोयातंकं पाउणेज्जा, केवलपण्णत्ताओ धम्माओ भंसेज्जा ।
 एगराइयं णं भिक्खुपडिमं सम्ममणुपालेमाणस्स अणगारस्स तओ ठाणा हियाए
 सुभाए खमाए णिस्सेयसाए आणुगामियत्ताए भवंति तं० ओहिणाणे वा से समुप्प-
 ज्जेज्जा मणपज्जवणाणे वा से समुप्पज्जेज्जा, केवलणाणे वा से समुप्पज्जेज्जा ॥ २४२ ॥
 जंबुद्दीवे दीवे तओ कम्मभूमीओ प० तं० भरहे, एरवए, महाविदेहे । एवं धायइ-
 खंडे दीवे पुरच्छिमद्वे जाव पुक्खर-वर-दीवद्व-पच्चत्थिमद्वे ॥ २४३ ॥ तिविहे दंसणे
 सम्मदंसणे, मिच्छादंसणे, सम्ममिच्छादंसणे, तिविहा रुई प० तं० सम्मरुई,
 मिच्छरुई, सम्ममिच्छरुई, तिविहे पओगे प० तं० सम्मप्पओगे, मिच्छप्पओगे,
 सम्ममिच्छप्पओगे ॥ २४४ ॥ तिविहे ववसाए प० तं० धम्मिए ववसाए अहम्मिए
 ववसाए, धम्मियाधम्मिए ववसाए, अहवा तिविहे ववसाए, प० तं० पंचक्खे,
 पच्चइए, आणुगामिए, अहवा तिविहे ववसाए प० तं० इहलोइए, परलोइए, इह-
 लोइयपरलोइए, इहलोइए ववसाए तिविहे प० तं० लोइए वेइए सामइए, लोइए
 ववसाए तिविहे प० तं० अत्थे धम्मे कामे, वेइए ववसाए तिविहे प० तं० रिउव्वेए
 जजुव्वेए सामवेए, सामइए ववसाए तिविहे प० तं० णाणे दंसणे चरित्ते ॥ २४५ ॥
 तिविहा अत्थजोणी प० तं० सामे दंडे भेए ॥ २४६ ॥ तिविहा पोरगला प० तं०
 पओगपरिणया, मीसांपरिणया, वीससापरिणया ॥ २४७ ॥ तिपइठ्ठिया णरगा प०
 तं० पुढवीपइठ्ठिया आगासपइठ्ठिया आयपइठ्ठिया, नेगमसंगहववहाराणं पुढवीप-
 इठ्ठिया, उज्जुसुयस्स आगासपइठ्ठिया तिण्हं सट्ठयाणं आयपइठ्ठिया ॥ २४८ ॥
 तिविहे मिच्छत्ते प० तं० अकिरिया अविणए अण्णाणे, अकिरिया तिविहा प०
 तं० पओगकिरिया, समुदाणकिरिया अन्नाणकिरिया, पओगकिरिया तिविहा प०

तं० मणपओगकिरिया वइपओगकिरिया कायपओगकिरिया, समुदाणकिरिया तिविहा
 प० तं० अणंतरसमुदाणकिरिया, परंपरसमुदाणकिरिया तदुभयसमुदाणकिरिया,
 अण्णाणकिरिया तिविहा प० तं० मइअण्णाणकिरिया, सुयअण्णाणकिरिया, विभंग-
 अण्णाणकिरिया, अविणए तिविहे प० तं० देसचाई, णिरालंवणया, णाणापेज्जदोसे,
 अण्णाणे तिविहे प० तं० देसअण्णाणे, सव्वअण्णाणे, भावअण्णाणे ॥ २४९ ॥
 तिविहे धम्मं प० तं० सुयधम्मं, चरित्तधम्मं, अत्थिकायधम्मं, तिविहे उवक्कमे
 प० तं० धम्मिण उवक्कमे, अहम्मिण उवक्कमे, धम्मियाधम्मिण उवक्कमे, अहवा
 तिविहे उवक्कमे प० तं० आओवक्कमे, परोवक्कमे, तदुभयोवक्कमे, एवं वेयावच्चे,
 अणुगगहे, अणुसिद्धि, उवालंभं, एवमिक्केक्के तिन्नि २ आलावगा जहेव उवक्कमे
 ॥ २५० ॥ तिविहा कहा प० तं० अत्थकहा, धम्मकहा, कामकहा, तिविहे विणिच्छए
 प० तं० अत्थविणिच्छए धम्मविणिच्छए कामविणिच्छए ॥ २५१ ॥ तहारुवं णं भंते
 समणं वा णिगंथं वा सेवमाणस्स किं फला सेवणया ? सवणफला, से णं भंते सवणे
 किं फले ? णाणफले, से णं भंते णाणे किं फले ? विण्णाण फले, एवमेएणं अभिलावेणं
 इमा गाहा अणुगंतव्वा—“सवणे णाणे य विण्णाणे, पच्चक्खाणे य संजमे । अण्हए
 तवे चैव, वोदाणे अकिरिय णिव्वाणे (१) जाव से णं भंते अकिरिया किं फला ?
 णिव्वाणफला, से णं भंते णिव्वाणे किं फले ? सिद्धिगइगमणपज्जवसाणफले पण्णत्ते
 समणाउसो ! ॥ २५२ ॥ **तइओहेसो समत्तो ॥**

पडिमापडिवणस्स णं अणगारस्स कप्पंति तओ उवस्सया पडिलेहितए तं०—
 अहे आगमणनिहंसि वा, अहे वियडनिहंसि वा, अहे रुक्खमूलनिहंसि वा, एव-
 मणुजवेत्तए, उवाइणित्तए, पडिमापडिवणस्स णं अणगारस्स कप्पंति तओ संथारगा
 पडिलेहितए तं० पुढवीसिला, कट्टसिला, अहासंथडमेव, एवमणुजवित्तए उवाइणि-
 त्तए ॥ २५३ ॥ तिविहे काले प० तं० तीए पडुप्पन्ने अणागए, तिविहे समए प०
 तं० तीए, पडुप्पन्ने, अणागए, एवं आवलिया, आणापाणू, थोवे लवे मुहुत्ते अहो-
 रत्ते, जाव वाससयसहस्से पुव्वंगे, पुव्वे, जाव ओसप्पिणी, तिविहे पोगलपरियट्ठे
 प० तं० तीते पडुप्पन्ने अणागए ॥ २५४ ॥ तिविहे वयणे प० तं०—एगवयणे,
 दुवयणे, बहुवयणे, अहवा तिविहे वयणे प० तं० इत्थिवयणे, पुंवयणे, णपुंसग-
 वयणे, अहवा तिविहे वयणे प० तं० तीतवयणे, पडुप्पणवयणे, अणागयवयणे
 ॥ २५५ ॥ तिविहा पज्जवणा तं० णाणपण्णवणा, दंसणपण्णवणा, चरित्तपण्णवणा,
 तिविहे सम्मे प० तं० णाणसम्मे, दंसणसम्मे, चरित्तसम्मे ॥ २५६ ॥ तिविहे
 उवघाए प० तं० उग्गमोवघाए, उप्पायणोवघाए, एसणोवघाए, एवं विसोही

॥ २५७ ॥ तिविहा आराहणा प० तं० णाणाराहणा, दंसणाराहणा, चरित्ताराहणा,
 णाणाराहणा तिविहा प० तं० उद्योसा, मज्झिमा, जहन्ना, एवं दंसणाराहणावि,
 चरित्ताराहणावि, तिविहे संकिलेसे प० तं० णाणसंकिलेसे, दंसणसंकिलेसे, चरित्त-
 संकिलेसे, एवं असंकिलेसेवि, एवं अइक्कमे वि, वइक्कमे वि, अइयारे वि, अणायारे
 वि, तिण्हमइक्कमाणं आलोएज्जा, पडिक्कमेज्जा, णिंदेज्जा, गरहिज्जा जाव पडिवज्जिज्जा,
 तं० णाणाइक्कमस्स, दंसणाइक्कमस्स, चरित्ताइक्कमस्स, एवं वइक्कमाणं, अइयाराणं,
 अणायाराणं ॥ २५८ ॥ तिविहे पायच्छित्ते प० तं० आलोयणारिहे, पडिक्कमणा-
 रिहे, तदुभयारिहे ॥ २५९ ॥ जंबुद्वीवे दीवे मंदरस्स पव्वयस्स दाहिणेणं तओ
 अकम्मभूमीओ प० तं० हेमवए हरिवासे देवकुरा, जंबुद्वीवे दीवे मंदरस्स पव्व-
 यस्स उत्तरेणं तओ अकम्मभूमीओ प० तं० उत्तरकुरा, रम्मगवासे, एरन्नवए,
 जंबुद्वीवे दीवे मंदरपव्वयस्स दाहिणेणं तओ वासा प० तं० भरहे, हेमवए, हरि-
 वासे, जंबूमंदरस्स उत्तरेणं तओ वासा प० तं० रम्मगवासे, हेरन्नवए, एरवए,
 जंबूमंदरस्स दाहिणेणं तओ वासहरपव्वया प० तं० चुल्लहिमवंते, महाहिमवंते,
 णिसडे, जंबूमंदरस्स उत्तरेणं तओ वासहरपव्वया प० तं० णीलवंते, रूप्पी,
 सिहरी, जंबूमंदरस्स दाहिणेणं तओ महादहा प० तं० पउमइहे, महापउमइहे,
 तिणिच्छिइहे, तत्थ णं तओ देवयाओ महिद्धियाओ जाव पल्लिओवमठ्ठिइयाओ परि-
 वसंति तं० सिरी, हिरी, धिई । एवं उत्तरेण वि, णवरं केसरिइहे, महापोंडरीयइहे,
 पोंडरीयइहे, देवयाओ किंती, बुद्धी, लच्छी, जंबूमंदरस्स दाहिणेणं चुल्लहिमवंताओ
 वासहरपव्वयाओ पउमदहाओ महादहाओ तओ महाणईओ पवहंति तं० गंगा
 सिन्धू रोहियंसा । जंबूमंदरस्स उत्तरेणं सिहरीओ वासहरपव्वयाओ पोंडरीयइहाओ
 महइहाओ तओ महाणदीओ पवहंति तं० सुवन्नकूला रत्ता रत्तवई । जंबूमंदरस्स
 पुरच्छिमेणं सीयाए महाणईए उत्तरेणं तओ अंतरणईओ प० तं० गाहावई,
 दहवई, पंकवई, जंबूमंदरस्स पुरत्थिमेणं सीयाए महाणईए दाहिणेणं तओ अंत-
 रणईओ प० तं० तत्तजला, मत्तजला, उम्मत्तजला, जंबूमंदरस्स पच्चत्थिमेणं
 सीओदाए महाणईए दाहिणेणं तओ अंतरणईओ प० तं० खीरोदा, सीहसोया,
 अंतोवाहिणी, जंबूमंदरस्स पच्चत्थिमेणं सीओदाए महाणईए उत्तरेणं तओ अंतरण-
 ईओ प० तं० उम्मिमालिणी, फेणमालिणी, गंभीरमालिणी, एवं धायईखंडे दीवे
 पुरच्छिमद्वेवि अकम्मभूमीओ आढवेत्ता जाव अंतरणईओत्ति, णिरवसेसं भाणि-
 यव्वं, जाव पुक्खरवरदीवद्वपच्चत्थिमद्वे तहेव णिरवसेसं भाणियव्वं ॥ २६० ॥
 तिहिं ठाणेहिं देसे पुढवीए चळेज्जा तंजहा-अहेणमिमीसे रयणप्पभाए पुढवीए

उराला पोगगला णिवतेज्जा, तएणं ते उराला पोगगला णिवयमाणा देसं पुढवीए चलेज्जा । महोरए वा महिद्धिए जाव महेसक्खे इमीसे रयणप्पभाए पुढवीए अहे उम्मज्जणिमज्जियं करेमाणे देसं पुढवीए चलेज्जा । णागसुवण्णाण वा संगमंसि वट्ठमांसि देसं पुढवीए चलेज्जा, इच्चएहिं तिहिं ठाणेहिं केवलकप्पा पुढवी चलेज्जा तं० अहेणं इमीसे रयणप्पभाए पुढवीए घणवाए गुप्पेज्जा, तएणं से घणवाए गुविए समाणे घणोदहिमेएज्जा, तएणं से घणोदही एइए समाणे केवलकप्पं पुढविं चलेज्जा । देवे वा महिद्धिए जाव महेसक्खे तहारूवस्स समणस्स णिगंथस्स वा इद्धि जुइं जसं वलं वीरियं पुरिसक्कारपरक्कमं उवदंसेमाणे केवलकप्पं पुढविं चलेज्जा । देवासुरसंगमंसि वा वट्ठमाणंसि केवलकप्पा पुढवी चलेज्जा इच्चएहिं तिहिं०

॥ २६१ ॥ तिविहा देवा किब्बिसिया प० तं० तिपलिओवमट्ठिइया, तिसागरोवमट्ठिइया, तेरससागरोवमट्ठिइया, कहि णं भंते तिपलिओवमट्ठिइया देवा किब्बिसिया परिवसंति ? उप्पि जोइसियाणं हिद्धिं सोहम्मीसाणेसु कप्पेसु एत्थणं तिपलिओवमट्ठिइया देवा किब्बिसिया परिवसंति, कहि णं भंते तिसागरोवमट्ठिइया देवा किब्बिसिया परिवसंति ? उप्पि सोहम्मीसाणाणं कप्पाणं, हेट्ठिं सणकुमारमाहिंद-कप्पेसु एत्थ णं तिसायरोवमट्ठिइया देवा किब्बिसिया परिवसंति । कहि णं भंते तेरससागरोवमट्ठिइया देवा किब्बिसिया परिवसंति ? उप्पि वंभलोयस्स कप्पस्स हिट्ठिं लंतगे कप्पे एत्थ णं तेरससागरोवमट्ठिइया देवा किब्बिसिया परिवसंति ॥ २६२ ॥ सक्कस्स णं देविंदस्स देवरणो बाहिरपरिसाए देवाणं तिन्निपलिओवमाइं ठिइं प०—सक्कस्स णं देविंदस्स देवरणो अब्भितरपरिसाए देवीणं तिन्निपलिओवमाइं ठिइं प० ईसाणस्सणं देविंदस्स देवरणो बाहिरपरिसाए देवीणं तिन्निपलिओवमाइं ठिइं प० ॥ २६३ ॥ तिविहे पायच्छित्ते प० तं० णाणपायच्छित्ते, दंसणपायच्छित्ते, चरित्तपायच्छित्ते । तओ अणुगघाइमा प० तं० हत्थकम्मं करेमाणे, मेहुणं सेवेमाणे, राइभोयणं भुंजमाणे, तओ पारंचिया प० तं० दुट्ठे पारंचिए, पमत्ते पारंचिए, अण्णमणं करेमाणे पारंचिए, तओ अणवट्ठप्पा प० तं० साहम्मियाणं तेणं करेमाणे, अण्णधम्मियाणं तेणं करेमाणे, हत्थतालं दलयमाणे, तओ णो कप्पंति पव्वावेत्तए, पंडए, वाइए, कीवे, एवं मुंडावेत्तए, सिक्खावेत्तए, उवट्ठावेत्तए, संमुंजित्तए, संवासित्तए ॥ २६४ ॥ तओ अवायणिज्जा प० तं० अविणीए, विगइपडिवद्धे, अविओसियपाहुडे । तओ कप्पंति वाइत्तए तं० विणीए अविगइपडिवद्धे विओसियपाहुडे ॥ २६५ ॥ तओ दुसण्णप्पा प० तं० दुट्ठे मूढे चुग्गाहिए, तओ सुसज्जप्पा प० तं० अदुट्ठे अमूढे अचुग्गाहिए ॥ २६६ ॥ तओ

मंडलियपव्वया प० तं० माणुसुत्तरे कुंडलवरे ख्यगवरे, तओ महइमहालया प०
तं० जंबुहीवे दीवे मंदरे मंदरेसु, सयंभुरमणसमुदे समुदेसु, वंभलोए कप्पे कप्पेसु
॥ २६७ ॥ तिविहा कप्पठिई प० तं० सामाइयकप्पठिई छेदोवट्ठावणियकप्पठिई
निव्विसमाणकप्पठिई, अहवा तिविहा कप्पठिई प० तं० णिविट्ठकप्पठिई, जिण-
कप्पठिई, थेरकप्पठिई ॥ २६८ ॥ णेरइयाणं तओ सरीरगा प० तं० वेउव्विए,
तेयए, कम्मए, असुरकुमाराणं तओ सरीरगा, एवं चेव सव्वेसिं देवाणं, पुढवी-
काइयाणं तओ सरीरगा प० तं० ओरालिए, तेयए, कम्मए, एवं वाउकाइयवज्जाणं
जाव चउरिंदियाणं ॥ २६९ ॥ गुहं पडुच्च तओ पडिणीया प० तं० आयरियपडि-
णीए, उवज्जायपडिणीए, थेरपडिणीए, गइं पडुच्च तओ पडिणीया प० तं० इह-
लोयपडिणीए, परलोयपडिणीए, दुहओलोयपडिणीए । समूहं पडुच्च तओ पडिणीया
प० तं० कुलपडिणीए, गणपडिणीए, संघपडिणीए, अणुकं पडुच्च तओ पडिणीया
प० तं० तवस्सिपडिणीए, गिलाणपडिणीए, सेहपडिणीए, भावं पडुच्च तओ पडि-
णीया प० तं० णाणपडिणीए, दंसणपडिणीए, चरित्तपडिणीए, सुयं पडुच्च तओ
पडिणीया प० तं० सुत्तपडिणीए, अत्थपडिणीए, तदुभयपडिणीए ॥ २७० ॥
तओ पितियंगा प० तं० अट्ठी, अट्ठिमिजा, केसमंसुरोमनहे । तओ माउयंगा प०
तं० मंसे, सोणिए, मत्थुलिंगे ॥ २७१ ॥ तिहिं ठाणेहिं समणे णिग्गंथे महानिज्जरे
महापज्जवसाणे भवइ तं० कया णं अहं अप्पं वा बहुं वा सुयं अहिंजिस्सामि, कया
णं अहं एकल्लविहारपडिमं उवसंपज्जित्ताणं विहरिस्सामि, कया णं अहं अपच्छिम-
मारणंतियसंलेहणाइस्सणाइस्सिए भत्तपाणपडियाइक्खिए पाओवगए कालमणवकंख-
माणे विहरिस्सामि । एवं समणसा सवयसा सकायसा, पागडेमाणे निग्गंथे महा-
णिज्जरे महापज्जवसाणे भवइ ॥ २७२ ॥ तिहिं ठाणेहिं समणोवासए महानिज्जरे
महापज्जवसाणे भवइ तं० कयाणमहमप्पं वा, बहुअं वा परिगहं परिचइस्सामि,
कयाणमहं मुंडे भवित्ता आगाराओ अणगारियं पव्वइस्सामि, कयाणमपच्छिममारणं-
तियसंलेहणाइस्सणाइस्सिए भत्तपाणपडियाइक्खिए पाओवगए कालमणवकंखमाणे
विहरिस्सामि, एवं समणसा सवयसा सकायसा जागरमाणे समणोवासए महा-
णिज्जरे महापज्जवसाणे भवइ ॥ २७३ ॥ तिविहे पोग्गलपडिघाए प० तं० परमाणु-
पोग्गले परमाणुपोग्गलं पप्प पडिहणिज्जा, लुक्खत्ताए वा पडिहणिज्जा, लोगंते वा
पडिहणिज्जा ॥ २७४ ॥ तिविहे चक्खू प० तं० एगचक्खू, विचक्खू, तिचक्खू;
छउमत्थेणं मणुस्से एगचक्खू, देवे विचक्खू, तहारूवे समणे वा णिग्गंथे वा
उप्पन्नणाणदंसणधरे से णं तिचक्खुत्ति वत्तव्वं सिया ॥ २७५ ॥ तिविहे अभि-

समागमे प० तं० उद्धं अहं तिरियं, जया णं तहारुवस्स समणस्स वा णिग्गंथस्स
 वा अइसेसे णाणदंसणे समुप्पज्जइ सेणं तप्पढमयाए उद्धमभिसमेइ, तओ तिरियं
 तओ पच्छा अहे अहोलोगेणं दुरभिगमे प० समणाउसो ॥ २७६ ॥ तिविहा इद्धी
 प० तं० देविद्धी-राइद्धी-गणिद्धी, देविद्धी तिविहा प० तं० विमाणिद्धी, विगुब्बिणिद्धी,
 परियारणिद्धी, अहवा देविद्धी तिविहा प० तं० सच्चित्ता, अचित्ता, मीसिया, राइद्धी
 तिविहा प० तं० रण्णो अइयाणिद्धी, रण्णो णिज्जाणिद्धी, रण्णो वलवाहणकोस-
 कोट्ठागारिद्धी, अहवा राइद्धी तिविहा प० तं० सच्चित्ता, अचित्ता, मीसिया, गणिद्धी
 तिविहा प० तं० णाणिद्धी, दंसणिद्धी, चरित्तिद्धी, अहवा गणिद्धी तिविहा प० तं०
 सच्चित्ता अचित्ता मीसिया ॥ २७७ ॥ तओ गारवा प० तं० इद्धीगारवे, रसगारवे,
 सायागारवे । करणे तिविहे प० तं० धम्मिए करणे, अधम्मिए करणे, धम्मिया-
 धम्मिए करणे ॥ २७८ ॥ तिविहे भगवया धम्मे प० तं० सुअहिजिए, सुज्झाइए,
 सुतवस्सिए जया सुअहिजियं भवइ, तदा सुज्झाइयं भवइ, जया सुज्झाइयं भवइ
 तथा सुतवस्सियं भवइ, से सुअहिजिए, सुज्झाइए, सुतवस्सिए, सुयक्खाएणं भग-
 वया धम्मे पन्नत्ते ॥ २७९ ॥ तिविहा वावत्ती प० तं० जाणू, अजाणू, विति-
 गिच्छा, एवमज्झोववज्जणा परियावज्जणा ॥ २८० ॥ तिविहे अंते प० तं०
 लोगंते, वेयंते, समयंते ॥ २८१ ॥ तओ जिणा प० तं० ओहिणाणंजिणे, मण-
 पज्जवणाणजिणे, केवलणाणजिणे, तओ केवली प० तं० ओहिनाणकेवली, मण-
 पज्जवनाणकेवली, केवलनाणकेवली, तओ अरहा प० तं० ओहिनाणअरहा, मण-
 पज्जवणाणअरहा, केवलनाणअरहा ॥ २८२ ॥ तओ लेस्साओ दुब्बिभगंधाओ प०
 तं० कण्हलेस्सा, नीललेस्सा, काउलेस्सा, तओ लेस्साओ सुब्बिभगंधाओ प० तं०
 तेऊ पम्ह सुक्कलेस्सा । एवं तिदुग्गइगामिणीओ, तिसुग्गइगामिणीओ तओ
 संकिलिद्धाओ, असंकिलिद्धाओ, अमणुत्ताओ, मणुत्ताओ, अविमुद्धाओ, विमुद्धाओ,
 अप्पसत्थाओ, पसत्थाओ, सीअलुक्खाओ, णिद्धुण्हाओ ॥ २८३ ॥ तिविहे मरणे
 प० तं० बालमरणे, पंडियमरणे, बालपंडियमरणे, बालमरणे तिविहे प० तं०
 ठिअलेस्से, संकिलिठ्ठलेस्से, पज्जवजायलेस्से । पंडियमरणे तिविहे प० तं० ठिअ-
 लेस्से, असंकिलिठ्ठलेस्से, पज्जवजायलेस्से, बालपंडियमरणे तिविहे प० तं० ठिअ-
 लेस्से असंकिलिठ्ठलेस्से अपज्जवजायलेस्से ॥ २८४ ॥ तओ ठाणा अव्ववसिअस्स
 अहियाए, असुभाए, अखमाए, अणिस्सेसाए, अणाणुगामियत्ताए भवंति तं० से णं
 मुंडे भवित्ता अगाराओ अणगारियं पव्वइए णिग्गंथे पावयणे संकिए कंखिए विति-
 गिच्छिए भेदसमावने कल्लससमावने णिग्गंथं पावयणं णो सइहइ णो पत्तियइ, णो

रोएइ, तं परीसहा अभिजुंजिय अभिजुंजिय अभिभवन्ति, नो से परीसहे अभि-
जुंजिय अभिजुंजिय अभिभवइ, से णं मुंडे भविता आगाराओ अणगारियं पव्वइए,
पंचहिं महव्वएहिं संकिए जाव कलुससमावण्णे, पंचमहव्वयाइं णो सहइ जाव नो
से परीसहे अभिजुंजिय २ अभिभवइ, से णं मुंडे भविता आगाराओ अणगारियं
पव्वइए छहिं जीवनिक्काएहिं जाव अभिभवइ, तओ ठाणा ववसिअस्स हियाए जाव
आणुगामियत्ताए भवन्ति तं० से णं मुंडे भविता आगाराओ अणगारियं पव्वइए
णिग्गंथे पावयणे णिस्संकिए णिक्कंखिए जाव णो कलुससमावण्णे णिग्गंथं पावयणं
सहइ पत्तियइ रोएइ से परीसहे अभिजुंजिय २ अभिभवइ, णो तं परीसहा
अभिजुंजिय २ अभिभवन्ति, सेणं मुंडे भविता आगाराओ अणगारियं पव्वइए
समाणे पंचहिं महव्वएहिं णिरसंकिए-णिक्कंखिए जाव, परीसहे अभिजुंजिय २
अभिभवइ, णो तं परीसहा अभिजुंजिय २ अभिभवन्ति, से णं जाव छहिं जीव-
निक्काएहिं णिस्संकिए जाव परीसहे अभिजुंजिय २ अभिभवइ णो तं परीसहा
अभिजुंजिय २ अभिभवन्ति ॥ २८५ ॥ एगमेगाणं पुढवी तिहिं वलएहिं सव्वओ
समंता संपरिविखत्ता तंजहा-घणोदहिवलएणं, घणवायवलएणं, तणुवायवलएणं
॥ २८६ ॥ णेरइयाणं उक्कोसेणं तिसमइएणं विग्गहेणं उववज्जंति एगिंदियवज्जं जाव
वेमाणियाणं ॥ २८७ ॥ खीणमोहस्सणं अरहओ तओ कम्मंसा जुगवं खिज्जंति तं०
णाणावरणिज्जं, दंसणावरणिज्जं, अंतराइयं ॥ २८८ ॥ अभीइणक्खत्ते तितारे प० एवं
सवणे अस्सिणी भरणी मगसिरे पूसे जेठ्ठा ॥ २८९ ॥ धम्माओ णं अरहाओ संती
अरहा तिहिं सागरोवमेहिं तिचउब्भाणं पलिओवमऊणएहिं वीइक्कंतेहिं समुप्पन्ने ।
समणस्स णं भगवओ महावीरस्स जाव तच्चाओ पुरिसजुगाओ जुगंतकडभूमी, मल्लीणं
अरहा तिहिं पुरिससएहिं सद्धिं मुंडे भवेत्ता जाव पव्वइए, एवं पासेवि, समणस्स णं
भगवओ महावीरस्स तिज्जिसया चोद्दसपुव्वीणं अजिणाणं जिणसंकासाणं सव्वक्ख-
रसज्जिवाईणं जिण इव अवितहवागरमाणणं उक्कोसिया चोद्दसपुव्विसंपया होत्था,
तओ तित्थयरा चक्कवट्ठी होत्था तं० संती कुंथू अरो ॥ २९० ॥ तओ गेविज्ज-
विमाणपत्थडा प० तं० हिट्ठिमगेविज्जविमाणपत्थडे, मज्झिमगेविज्जविमाणपत्थडे,
उवरिमगेविज्जविमाणपत्थडे, हिट्ठिमगेविज्जविमाणपत्थडे तिविहे प० तं० हिट्ठिम-
हिट्ठिमगेविज्जविमाणपत्थडे, हिट्ठिममज्झिमगेविज्जविमाणपत्थडे हिट्ठिमउवरिम-
गेविज्जविमाणपत्थडे, मज्झिमगेविज्जविमाणपत्थडे, तिविहे प० तं० मज्झिमहिट्ठिम-
गेविज्जविमाणपत्थडे, मज्झिममज्झिमगेविज्जविमाणपत्थडे, मज्झिमउवरिमगेविज्ज-
विमाणपत्थडे, उवरिमगेविज्जविमाणपत्थडे तिविहे प० तं० उवरिमहिट्ठिमगेविज्ज-

विमाणपत्थडे, उवरिममज्झिमगेविज्जविमाणपत्थडे, उवरिमउवरिमगेविज्जविमाण-
पत्थडे ॥ २९१ ॥ जीवाणं तिष्ठानिष्वत्तिए पोग्गले पावकम्मत्ताए चिणिंहु
वा चिणंति वा चिणिस्संति वा तंजहा-इत्थिणिष्वत्तिए, पुरिसणिष्वत्तिए, णपुंस-
गणिष्वत्तिए, एवं चिणउवचिणवंधउदीरवेय तह णिज्जरा चेव ॥ २९२ ॥ तिपए-
सिया खंधा अणंता पण्णत्ता, एवं जाव तिगुगलुक्खा पोग्गला अणंता पत्ता
॥ २९३ ॥ तिष्ठानं समत्तं ॥

चउत्थट्ठाणं

चत्तारे अंतकिरियाओ प० तं० तत्थ खलु इमा पढमा अंतकिरिया,
अप्पकम्मपच्चायाए यावि भवइ, से णं मुंडे भवित्ता अगाराओ अणगारिअं पव्व-
इए, संजमवहुले संवरवहुले समाहिबहुले लहे तीरट्ठी उवहाणवं दुक्खक्खवे तवस्सी
तस्सणं णो तहप्पगारे तवे भवइ णो तहप्पगारा वेयणा भवइ, तहप्पगारे पुरि-
सजाए दीहेणं परियाएणं सिज्झइ, वुज्झइ मुच्चइ परिणिव्वाइ सव्वदुक्खाणमंतं करेइ,
जहा से भरहे राया चाउरंतचक्कवट्ठी पढमा अंतकिरिया, अहावरा दोच्चा अंत-
किरि ॥, महाकम्मपच्चायाए यावि भवइ से णं मुंडे भवित्ता अगाराओ अणगारिअं
पव्वइए, संजमवहुले संवरवहुले.....जाव उवहाणवं दुक्खक्खवे तवस्सी तस्स णं
तहप्पगारे तवे भवइ, तहप्पगारा वेयणा भवइ तहप्पगारे पुरिसजाए निरुद्धेणं
परियाएणं सिज्झइ० जाव अंतं करेइ जहा से गजसूमाले अणगारे, दोच्चा अंत-
किरिया, अहावरा तच्चा अंतकिरिया, महाकम्मपच्चायाएयावि भवइ, से णं मुंडे
भवित्ता अगाराओ अणगारिअं पव्वइए जहा दोच्चा, णवरं दीहेणं परियाएणं
सिज्झइ जाव सव्वदुक्खाणमंतं करेइ, जहा से सणंकुमारे राया चाउरंतचक्कवट्ठी
तच्चा अंतकिरिया, अहावरा चउत्था अंतकिरिया, अप्पकम्मपच्चायाएयावि
भवइ, से णं मुंडे भवित्ता जाव पव्वइए संजमवहुले जाव तस्स णं णो तहप्पगारे तवे
भवइ नो तहप्पगारा वेयणा भवइ तहप्पगारे पुरिसजाए निरुद्धेणं परियाएणं
सिज्झइ जाव सव्वदुक्खाणमंतं करेइ जहा सा मरुदेवा भगवई, चउत्था अंत-
किरिया ॥ २९४ ॥ चत्तारे रुक्खा प० तं० उन्नए णाममेगे उन्नए, उन्नए णाममेगे
पणए, पणए णाममेगे उन्नए, पणए णाममेगे पणए, एवामेव चत्तारे पुरिसजाया
प० तं० उन्नए णाममेगे उन्नए, तहेव जाव पणए णाममेगे पणए । चत्तारे रुक्खा
प० तं० उन्नए णाममेगे उन्नयपरिणए, उन्नए णाममेगे पणयपरिणए, पणए
नाममेगे उन्नयपरिणए, पणए णाममेगे पणयपरिणए । एवामेव चत्तारे पुरिसजाया
प० तं० उन्नए णाममेगे उन्नयपरिणए, चउमंगो । चत्तारे रुक्खा प० तं० उन्नए

णाममेगे उन्नए हवे, तहेव चउभंगो, एवमेव चत्तारि पुरिसजाया प० तं० उन्नए
 णामं ४ । चत्तारि पुरिसजाया प० तं० उन्नए णाममेगे उन्नए मणे, उन्न० एवं संकप्पे-
 पत्ते-दिठ्ठी-सीलाचारे-ववहारे-परक्कमे-एगे पुरिसजाए पडिवक्खो णत्थि ॥ २९५ ॥
 चत्तारि रुक्खा प० तं० उज्जूणाममेगे उज्जू, उज्जूणाममेगे वंके, चउभंगो । एवमेव
 चत्तारि पुरिसजाया, प० तं० उज्जूणाममेगे उज्जू ४ एवं जहा उन्नयपणएहिं गमो
 तहा उज्जुवंकेहिं वि भाणियव्वो, जाव परक्कमे ॥ २९६ ॥ पडिमापडिवन्नस्सणं
 अणगारस्स कप्पंति चत्तारि भासाओ भासित्ताए तं० जायणी पुच्छणी अणुन्न-
 वणी पुठ्ठस्स वागरणी । चत्तारिभासजाया प० तं० सच्चमेगं भासजायं,
 वीयं मोसं तइयं सच्चमोसं चउत्थं असच्चमोसं ॥ २९७ ॥ चत्तारि वत्था प०
 तं० सुद्धे णाममेगे सुद्धे, सुद्धे णाममेगे असुद्धे, असुद्धे णाममेगे सुद्धे, असुद्धे णाम-
 मेगे असुद्धं । एवामेव चत्तारि पुरिसजाया प० तं० सुद्धे णाममेगे सुद्धे चउभंगो ।
 एवं परिणयरुवे वत्था सपडिवक्खा ॥ २९८ ॥ चत्तारि पुरिसजाया प० तं० सुद्धे
 णाममेगे सुद्धमणे चउभंगो, एवं संकप्पे जाव परक्कमे ॥ २९९ ॥ चत्तारि सुया
 प० तं० अइजाए, अणुजाए, अवजाए, कुलिंगाले ॥ ३०० ॥ चत्तारि पुरिसजाया
 प० तं० सच्चे णाममेगे सच्चे, सच्चे णाममेगे असच्चे (४) एवं परिणए जाव पर-
 क्कमे ॥ ३०१ ॥ चत्तारि वत्था प० तं० सुई णाममेगे सुई, सुई णाममेगे असुई,
 चउभंगो, एवमेव चत्तारि पुरिसजाया प० तं० सुई णाममेगे सुई, चउभंगो । एवं
 जहेव सुद्धेणं वत्थेणं भणियं, तहेव सुइणावि जाव परक्कमे ॥ ३०२ ॥ चत्तारि
 कोरवा प० तं० अंवपलंवकोरवे, तालपलंवकोरवे, वल्लिपलंवकोरवे, मिढ-
 विसाणकोरवे, एवमेव चत्तारि पुरिस जाया प० तं० अंवपलंवकोरवसमाणे,
 तालपलंवकोरवसमाणे, वल्लिपलंवकोरवसमाणे, मिढविसाणकोरवसमाणे
 ॥ ३०३ ॥ चत्तारि घुणा प० तं० तयक्खाए, छल्लिक्खाए, कट्ठक्खाए, सार-
 क्खाए, एवमेव चत्तारि भिक्खायरा प० तं० तयक्खायसमाणे, जाव सारक्खाय-
 समाणे, तयक्खायसमाणस्स णं भिक्खागस्स सारक्खायसमाणे तवे प० सारक्खाय-
 समाणस्सणं भिक्खागस्स तयक्खायसमाणे तवे पज्जते, छल्लिक्खायसमाणस्स णं
 भिक्खागस्स कट्ठक्खायसमाणे तवे प० कट्ठक्खायसमाणस्स णं भिक्खागस्स
 छल्लिक्खायसमाणे तवे प० ॥ ३०४ ॥ चउव्विहा तणवणस्सइकाइया प० तं०
 अगगवीया मूलवीया पोरेवीया खंधवीया ॥ ३०५ ॥ चउहिं ठाणेहिं अहुणोववण्णे
 णेरइए णिरयलोगंसि इच्छेज्जा माणुमं लोगं हव्वमागच्छित्तए णो चेवणं संचाएइ
 हव्वमागच्छित्तए, अहुणोववण्णे णेरइए णिरयलोगंसि समुब्भूयं वेयणं वेयमाणे

इच्छेज्जा माणुसं लोगं हव्वमागच्छित्तए णो चेव णं संचाएइ हव्वमागच्छित्तए, अहुणोववन्ने णेरइए णिरयलोगंसि णिरयपालेहिं भुज्जो भुज्जो अहिट्ठिज्जमाणे इच्छेज्जा माणुसं लोगं हव्वमागच्छित्तए, नो चेव णं संचाएइ हव्वमागच्छित्तए, अहुणोववन्ने णेरइए णिरयवेयणिज्जंसि कम्मंसि अक्खीणंसि अवेइयंसि अणिजिणंसि इच्छेज्जा० नो चेव णं संचाएइ, हव्वमागच्छित्तए, एवं णिरयाउअंसि कम्मंसि अक्खीणंसि, जाव णो संचाएइ हव्वमागच्छित्तए इच्चेएहिं चउहिं ठाणेहिं अहुणोववन्ने णेरइए जाव णो चेव णं संचाएइ हव्वमागच्छित्तए ॥ ३०६ ॥ कप्पंति णिगंधीणं चत्तारि संवाडीओ धारित्तए वा परिहरित्तए वा तं० एगं दुहत्थवित्थारं, दोतिहत्थवित्थाराओ, एगं चउहत्थवित्थारं ॥ ३०७ ॥ चत्तारि ज्ञाणा प० तं० अट्ठे ज्ञाणे, रोहे ज्ञाणे, धम्मं ज्ञाणे, सुक्के ज्ञाणे, अट्ठे ज्ञाणे चउव्विहे प० तं० अमणुन्नसंपओगसंपउत्ते तस्स विप्पओगसतिसमण्णागए यावि भवइ, मणुन्नसंपओगसंपउत्ते तस्स अविप्पओगसतिसमण्णागए यावि भवइ, आयंकसंपओगसंपउत्ते तस्स विप्पओगसतिसमण्णागए यावि भवइ, परिजुसियकामभोगसंपओगसंपउत्ते तस्स अविप्पओगसतिसमण्णागए यावि भवइ, अट्ठस्सणं ज्ञाणस्स चत्तारि लक्खणा प० तं० कंदणया, सोयणया, तिप्पणया परिदेवणया, रोहे ज्ञाणे चउव्विहे प० तं० हिंसाणुवंधि, मोसाणुवंधि तेणाणुवंधि संरक्खणाणुवंधि । रोहस्स णं ज्ञाणस्स चत्तारि लक्खणा प० तं० ओसन्नदोसे, बहुलदोसे, अन्नाणदोसे आमरणंतदोसे । धम्मं ज्ञाणे चउव्विहे चउपडोयारे प० तं० आणाविजए, अवायविजए, विवागविजए, संठाणविजए । धम्मस्स णं ज्ञाणस्स चत्तारि लक्खणा प० तं० आणारुई, णिसग्गरुई, सुत्तरुई, ओगाडरुई । धम्मस्स णं ज्ञाणस्स चत्तारि आलंबणा प० तं० वायणा, पडिपुच्छणा, परियट्ठणा, अणुप्पेहा । धम्मस्स णं ज्ञाणस्स चत्तारि अणुप्पेहाओ प० तं० एगाणुप्पेहा, अणिच्चाणुप्पेहा, असरणाणुप्पेहा, संसारणुप्पेहा । सुक्के ज्ञाणे चउव्विहे चउपडोयारे प० तं० पुहुत्तवियक्केसवियारी, एगत्तवियक्के अवियारी, सुहुमकिरिए अणियट्ठी, समुच्छिन्नकिरिए अपडिवाई । सुक्कस्स णं ज्ञाणस्स चत्तारि लक्खणा प० तं० अव्वहे असम्मोहे विवेगे विउस्सग्गे, सुक्कस्स णं ज्ञाणस्स चत्तारि आलंबणा प० तं० खंती मुत्ती मद्दे अज्जवे, सुक्कस्स णं ज्ञाणस्स चत्तारि अणुप्पेहाओ प० तं० अणंतवत्तियाणुप्पेहा, विपरिणामाणुप्पेहा, असुभाणुप्पेहा, अवायाणुप्पेहा ॥ ३०८ ॥ चउव्विहा देवाणं ठिई प० तं० देवेणामेगे, देवसिणाए णामेगे, देवपुरोहिए णामेगे, देवप्पज्जलणे णामेगे ॥ ३०९ ॥ चउव्विहे संवासे प० तं० देवेणामेगे देवीए सद्धिं संवासं गच्छेज्जा, देवेणामेगे छवीए सद्धिं संवासं

गच्छेज्जा, छवीणाममेगे देवीए सद्धि संवासं गच्छेज्जा, छवीणाममेगे छवीए सद्धि संवासं गच्छेज्जा ॥ ३१० ॥ चत्तारि कस्साया प० तं० कोहकसाए माणकसाए माया-
कसाए लोभकसाए, एवं नेरइयाणं जाव वेमाणियाणं, चउप्पइठ्ठिए कोहे प० तं०
आयपइठ्ठिए, परपइठ्ठिए, तदुभयपइठ्ठिए, अपइठ्ठिए, एवं नेरइयाणं जाव वेमाणि-
याणं, एवं जाव लोभे वेमाणियाणं, चउहिं ठाणेहिं कोधुप्पत्ती सिया तं० खेतं पडुच्च,
वत्थुं पडुच्च, सरीरं पडुच्च, उवहिं पडुच्च, एवं नेरइयाणं जाव वेमाणियाणं, एवं जाव
लोहे वेमाणियाणं, चउव्विहे कोहे प० तं० अणंताणुवंधिकोहे, अपच्चक्खाणकोहे,
पच्चक्खाणावरणे कोहे, संजलणे कोहे, एवं नेरइयाणं जाव वेमाणियाणं, एवं जाव
लोभे वेमाणियाणं, चउव्विहे कोहे पणत्ते, आभोगनिव्वत्तिए, अणाभोगनिव्वत्तिए,
उवसंते, अणुवसंते, एवं नेरइयाणं, जाव वेमाणियाणं, एवं जाव लोभे, जाव
वेमाणियाणं ॥ ३११ ॥ जीवा णं चउहिं ठाणेहिं अट्ठकम्मपगडीओ चिणिंसु तं०
कोहेणं माणेणं मायाए लोभेणं, एवं जाव वेमाणियाणं, एवं चिणंति एस दंडओ ।
एवं चिणिस्संति एस दंडओ, एवमेणं तिन्नि दंडगा, एवं उवचिणिंसु, उवचिणंति,
उवचिणिस्संति, वंधिंसु ३ । उदीरिंसु ३ । वेदेंसु ३ । णिज्जरेंसु णिज्जरेंति
णिज्जरिस्संति, जाव वेमाणियाणमेवमेक्किक्के पदे तिन्नि २ दंडगा भाणियव्वा, जाव
निज्जरिस्संति ॥ ३१२ ॥ चत्तारि पडिमाओ प० तं० समाहिपडिमा, उवहाण-
पडिमा, विवेगपडिमा, विउस्सग्गपडिमा, चत्तारि पडिमाओ प० तं० भद्दा, सुभद्दा,
महाभद्दा, सव्वओभद्दा, चत्तारि पडिमाओ प० तं० खुट्ठियामोयपडिमा, महल्लिया-
मोयपडिमा, जवमज्झा, वडरमज्झा ॥ ३१३ ॥ चत्तारि अत्थिकाया अजीवकाया
प० तं० धम्मत्थिकाए, अधम्मत्थिकाए, आगासत्थिकाए, पोगगलत्थिकाए, चत्तारि
अत्थिकाया अरुविकाया प० तं० धम्मत्थिकाए, अधम्मत्थिकाए, आगासत्थिकाए,
जीवत्थिकाए ॥ ३१४ ॥ चत्तारि फला प० तं० आमेणाममेगे आममहुरे, आमेणाम-
मेगे पक्कमहुरे, पक्केणाममेगे आममहुरे, पक्केणाममेगे पक्कमहुरे, एवामेव चत्तारि पुरि-
सजाया प० तं० आमेणाममेगे आममहुरफलसमाणे (४) ॥ ३१५ ॥ चउव्विहे
सच्चे प० तं० काउज्जुयया, भासुज्जुयया, भावुज्जुयया, अविस्वयायणाजोगे, चउ-
व्विहे मोसे प० तं० कायअणुज्जुयया, भासअणुज्जुयया, भावअणुज्जुयया, विसं-
वादणाजोगे ॥ ३१६ ॥ चउव्विहे पणिहाणे प० तं० मणपणिहाणे, वइपणिहाणे,
कायपणिहाणे, उवगरणपणिहाणे । एवं नेरइयाणं पंचिंदियाणं जाव वेमाणियाणं,
चउव्विहे सुप्पणिहाणे प० तं० मणसुप्पणिहाणे जाव उवगरणसुप्पणिहाणे, एवं
संजयमणुस्साणवि, चउव्विहे दुप्पणिहाणे प० तं० मणदुप्पणिहाणे जाव उवगरण

दु० एवं पंचिंदियाणं जाव वेमाणियाणं ॥ ३१७ ॥ चत्तारि पुरिसजाया प० तं०
 आवायभद्दए णाममेगे णो संवासभद्दए, संवासभद्दए णाममेगे णो आवायभद्दए, एगे
 आवायभद्दएवि संवासभद्दएवि, एगे णो आवायभद्दए णो संवासभद्दए, चत्तारि
 पुरिसजाया प० तं० अप्पणो णाममेगे वज्जं पासइ णो परस्स, परस्स णाममेगे वज्जं
 पासइ ४ । चत्तारि पुरिसजाया प० तं० अप्पणो णाममेगे वज्जं उदीरेति णो परस्स
 ४ । चत्तारि पुरिसजाया प० तं० अप्पणो णाममेगे वज्जं उवसामेइ णो परस्स ४ ।
 चत्तारि पुरिसजाया प० तं० अब्भुट्ठेइ णाममेगे णो अच्चुट्ठावेइ ४ । एवं वंदइ णाममेगे
 णो वंदवेइ ४ । एवं सक्कारेइ, सम्माणेइ ४ । पूएइ वाएइ पडिपुच्छइ पुच्छइ वाग-
 रेइ ४ । चत्तारि पुरिसजाया प० तं० सुत्तधरे णाममेगे णो अत्थधरे, अत्थधरे
 णाममेगे णो सुत्तधरे, एगे सुत्तधरेवि अत्थधरेवि, एगे णो सुत्तधरे णो अत्थधरे
 ॥ ३१८ ॥ चमरस्स णं असुरिंदस्स असुरकुमाररत्तो चत्तारि लोगपाला प० तं०
 सोमे जमे वरणे वेसमणे; एवं बलिस्सवि सोमे जमे वेसमणे वरणे, धरणस्स काल-
 वाले कोलवाले सेलवाले संखवाले । एवं भूतागंदस्स कालवाले कोलवाले संखवाले सेल-
 वाले, वेणुदेवस्स चित्ते विचित्ते चित्तपक्खे विचित्तपक्खे, वेणुदालिस्स चित्ते विचित्ते
 विचित्तपक्खे चित्तपक्खे । हरिकंतस्स पभे सुप्पमे पभकंते सुप्पभकंते; हरिसहस्स पभे
 सुप्पमे सुप्पभकंते पभकंते; अग्गिसिहस्स तेऊ तेउसिहे तेउकंते तेउप्पभे, अग्गि-
 माणवस्स तेऊ तेउसिहे तेउप्पभे तेउकंते, पुन्नस्स रुप रुयंसे रुयकंते रुयप्पभे, विसि-
 ठ्ठस्स रुप रुयंसे रुयप्पभे रुयकंते । जलकंतस्स जले जलरए जलकंते जलप्पभे ।
 जलप्पभस्स जले जलरए जलप्पभे जलकंते । अमियगइस्स तुरियगइं खिप्पगइं
 सीहगइं सीहविक्रमगइं, अमियवाहणस्स तुरियगइं खिप्पगइं सीहविक्रमगइं सीहगइं;
 वेलंवस्स काले महाकाले अंजणे रिट्ठे । पभंजणस्स काले महाकाले रिट्ठे अंजणे ।
 घोसस्स आवत्ते वियावत्ते णंदियावत्ते महाणंदियावत्ते । महाघोसस्स आवत्ते वियावत्ते
 महाणंदियावत्ते णंदियावत्ते, सक्कस्स सोमे जमे वरणे वेसमणे । ईसाणस्स सोमे जमे
 वेसमणे वरणे, एवं एगंतरिया जाव अच्चुयस्स ॥ ३१९ ॥ चउव्विहा वाउकुमारा
 प० तं० काले महाकाले वेलंवे पभंजणे, चउव्विहा देव्वा प० तं० भवणवासी
 वाणमंतरा जोइसिया विमाणवासी ॥ ३२० ॥ चउव्विहे पमाणे प० तं० दव्वप्प-
 माणे खेत्तप्पमाणे कालप्पमाणे भावप्पमाणे ॥ ३२१ ॥ चत्तारि दिसाकुमारिमहत्तरि-
 याओ प० तं० रुवा रुवंसा सुरुवा रुवावई । चत्तारि विज्जुमारिमहत्तरियाओ प०
 तं० चित्ता चित्तकण्णया सेयंसा सोयामणी ॥ ३२२ ॥ सक्कस्स णं देविंदस्स देवरत्तो
 मज्झिमपरिसाए देवाणं चत्तारि पलिओवमाईं ठिई प०; ईसाणस्स णं देविंदस्स देव-

रजो मज्झिमपरिसाए देवीणं चत्तारि पलिओवमाइं ठिइं प० ॥ ३२३ ॥ चउव्विहे
 संसारे दव्वसंसारे खेत्तसंसारे कालसंसारे भावसंसारे ॥ ३२४ ॥ चउव्विहे
 दिट्ठिवाए प० तं० परिकम्मं सुत्ताइं पुव्वगए अणुजोगे ॥ ३२५ ॥ चउव्विहे
 पायच्छित्ते, णाणपायच्छित्ते दंसणपायच्छित्ते चरित्तपायच्छित्ते वियत्तकिच्चपाय-
 च्छित्ते, चउव्विहे पायच्छित्ते, पडिसेवणापायच्छित्ते संजोयणापायच्छित्ते, आरोवणापा-
 यच्छित्ते, पालिउंचणापायच्छित्ते ॥ ३२६ ॥ चउव्विहे क ले पमाणकाले अहाउयणि-
 व्वत्तिकाले मरणकाले अद्धाकाले ॥ ३२७ ॥ चउव्विहे पोग्गलपरिणामे, वण्णपरि-
 णामे गंधपरिणामे रसपरिणामे फासपरिणामे ॥ ३२८ ॥ भरहेरवएसु णं वासेसु
 पुरिमपच्छिमवज्जा मज्झिमंगा वावीसं अरहंता भगवंता चाउज्जामं धम्मं पन्नवित्ति
 तं० सव्वाओ पाणाइवायाओ वेरमणं, एवं मुसावायाओ, अदिन्नादाणाओ, सव्वाओ
 बहिद्धादाणाओ वेरमणं । सव्वेसु णं महाविदेहेसु अरहंता भगवंता चाउज्जामं धम्मं
 पन्नवयंति तं० सव्वाओ पाणाइवायाओ वेरमणं जाव सव्वाओ बहिद्धादाणाओ
 वेरमणं ॥ ३२९ ॥ चत्तारि दुग्गईओ प० तं० णेरइयदुग्गई, तिरिक्खजोणियदुग्गई,
 मणुस्मदुग्गई, देवदुग्गई, चत्तारि सोग्गई प० तं० सिद्धसोग्गई, देवसोग्गई,
 मणुयसोग्गई, सुकुले पच्चायाई, चत्तारि दुग्गया प० तं० णेरइयदु० जाव देवदुग्गया,
 चत्तारि सुग्गया प० तं० सिद्धसुग्गया जाव सुकुलपच्चायाया ॥ ३३० ॥ पढमसमय-
 जिणस्स णं चत्तारि कम्मंसा खीणा भवंति तं० णाणावरणिज्जं, दरिसणावरणिज्जं,
 मोहणिज्जं, अंतराइयं । उप्पन्नणाणदंसणधरे णं अरहा जिणे केवली चत्तारि कम्मंसे
 वेदेति तं० वेयणिज्जं आउयं णामं गोयं । पढमसमयसिद्धस्स णं चत्तारि कम्मंसा
 जुगवं खिज्जंति तं० वेयणिज्जं आउयं णामं गोयं ॥ ३३१ ॥ चउहिं ठाणेहिं हासु-
 प्पत्ती सिया तं० पासेत्ता भासेत्ता सुणेत्ता संभरेत्ता ॥ ३३२ ॥ चउव्विहे अंतरे
 प० तं० कट्ठंतरे पम्हंतरे लोहंतरे पत्थरंतरे । एवामेव इत्थीए वा पुरिसस्स वा,
 चउव्विहे अंतरे प० तं० कट्ठंतरसमाणे, पम्हंतरसमाणे, लोहंतरसमाणे, पत्थरं-
 तरसमाणे ॥ ३३३ ॥ चत्तारि भयगा प० तं० दिवसभयए जत्ताभयए उच्चत्तभयए
 कव्वालभयए ॥ ३३४ ॥ चत्तारि पुरिसजाया प० तं० संपागडपडिसेवी णाममेगे
 णो पच्छण्णपडिसेवी, पच्छण्णपडिसेवी णाममेगे णो संपागडपडिसेवी, एगे संपागड-
 पडिसेवीवि पच्छण्णपडिसेवीवि, एगे णो संपागडपडिसेवी णो पच्छण्णपडिसेवी
 ॥ ३३५ ॥ चमरस्स णं असुरिंदस्स असुरकुमाररण्णो सोमस्स महारण्णो चत्तारि
 अग्गमहिंसीओ प० तं० कणगा कणगलया चित्तशुत्ता वसुंधरा, एवं जमस्स वरु-
 णस्स वेसमणस्स, बलिस्स णं वइरोयणिंदस्स वइरोयणरण्णो, सोमस्स महारण्णो
 चत्तारि अग्गमहिंसीओ प० तं० मित्तगा सुभद्दा विज्जुया असणी, एवं जमस्स वेस-

मणस्स वरुणस्स; धरणस्स णं णागकुमारिंदस्स णागकुमाररण्णो कालवालस्स महारण्णो चत्तारि अग्गमहिंसीओ प० तं० असोगा विमला सुप्पभा सुदंसणा, एवं जाव संख-
 वालस्स । भूयाणंदस्स णं णागकुमारिंदस्स णागकुमाररण्णो कालवालस्स महारण्णो चत्तारि अग्गमहिंसीओ प० तं० सुणंदा सुभदा सुजाया सुमणा । एवं जाव सेल-
 वालस्स जहा धरणस्स, एवं सव्वेसिं दाहिणिंदलोगपालाणं जाव घोसस्स जहा भूयाणंदस्स एवं जाव महाघोसस्स लोगपालाणं । कालस्स णं पिसाईंदस्स पिसाय-
 रण्णो चत्तारि अग्गमहिंसीओ प० तं० कमला कमलप्पभा उप्पला सुदंसणा, एवं महाकालस्स वि । सुरुवस्स णं भूईंदस्स भूयरण्णो चत्तारि अग्गमहिंसीओ प० तं० रुववई बहुरुवा सुरुवा सुभगा । एवं पडिरुवस्स वि, पुण्णभइस्स णं जक्खिंदस्स जक्खरण्णो चत्तारि अग्गमहिंसीओ प० तं० पुत्ता बहुपुत्तिया उत्तमा तारगा, एवं माणिभइस्स वि । भीमस्स णं रक्खसिंदस्स रक्खसरण्णो चत्तारि अग्गमहिंसीओ प० तं० पउमा वसुमई कणगा रयणप्पभा । एवं महाभीमस्स वि किन्नरस्स णं किन्नरिंदस्स चत्तारि अग्गमहिंसीओ प० तं० वडिसा केउमई रइसेणा रइप्पभा । एवं किंपुरिसस्स वि सुपुरिसस्स णं किंपुरिसिंदस्स चत्तारि अग्गमहिंसीओ प० तं० रोहिणी णवमिया हिरी पुप्फवई । एवं महापुरिसस्स वि, अइकायस्स णं महोरणिंदस्स चत्तारि अग्गमहिंसीओ प० तं० भुयगा भुयगवई महाकच्छा फुडा, एवं महाकायस्स वि, गीयरइस्स णं गंधर्विंदस्स चत्तारि अग्गमहिंसीओ प० तं० सुघोसा विमला सुस्सरा सरस्सई, एवं गीयजस्स वि, चंदस्स णं जोइसिंदस्स जोइसरण्णो चत्तारि अग्गमहिंसीओ प० तं० चंदप्पभा दोसिनाभा अच्चिमाली पभंकरा । एवं सूरस्स वि, णवरं सूरप्पभा दोसिनाभा अच्चिमाली पभंकरा । इंगालस्स णं महग्गहस्स चत्तारि अग्गमहिंसीओ प० तं० विजया वेजयंती जयंती अपराजिता । एवं सव्वेसिं महग्ग-
 हाणं जाव भावकेउस्स । सक्कस्स णं देविंदस्स देवरण्णो सोमस्स महारण्णो चत्तारि अग्गमहिंसीओ प० तं० रोहिणी मयणा चित्ता सोमा, एवं जाव वेसमणस्स ईसाण-
 स्स णं देविंदस्स देवरण्णो सोमस्स महारण्णो चत्तारि अग्गमहिंसीओ प० तं० पुढवी राई रयणी विज्जू, एवं जाव वरुणस्स ॥ ३३६ ॥ चत्तारि गोरसविगईओ प० तं० खीरं दहिं सप्पि णवणीअं, चत्तारि सिणेहविगईओ प० तं० तेल्लं घयं वसा णवणीअं, चत्तारि महाविगईओ वज्जणीयाओ तं० महुं मंसं मज्जं णवणीयं ॥ ३३७ ॥ चत्तारि कूडागारा प० तं० गुत्तेणाममेगे गुत्ते गुत्तेणाममेगे अगुत्ते अगुत्ते णाममेगे गुत्ते, अगुत्ते णाममेगे अगुत्ते । एवामेव चत्तारि पुरिसजाया प० तं० गुत्तेणाममेगे गुत्ते ४ । चत्तारि कूडागारसालाओ प० तं० गुत्ता णाममेगा गुत्तदुवारा, गुत्ताणाममेगा

अगुत्तदुवारा, अगुत्ता णाममेगा गुत्तदुवारा, अगुत्ता णाममेगा अगुत्तदुवारा, एवामेव
 चत्तारित्थीओ प० तं० गुत्ता णाममेगा गुत्तिंदिया, गुत्ता णाममेगा अगुत्तिंदिया ४ ।
 ॥ ३३८ ॥ चउव्विहा ओगाहणा प० तं० दव्वोगाहणा खेतोगाहणा कालो-
 गाहणा भावोगाहणा ॥ ३३९ ॥ चत्तारि पण्णत्तीओ अंगवाहिरियाओ प०
 तं० चंदपण्णत्ती सूरपण्णत्ती जंबुद्दीवपण्णत्ती, दीवसागरपण्णत्ती ॥ ३४० ॥
 चउट्ठाणस्स पढमोद्देसो समत्तो ॥

चत्तारि पडिसंलीणा प० तं० कोहपडिसंलीणे माणपडिसंलीणे मायापडिसंलीणे
 लोभपडिसंलीणे, चत्तारि अपडिसंलीणा प० तं० कोहअपडिसंलीणे जाव लोभ-
 अपडिसंलीणे । चत्तारि पडिसंलीणा प० तं० मणपडिसंलीणे, वड्पडिसंलीणे, काय-
 पडिसंलीणे, इंदियपडिसंलीणे; चत्तारि अपडिसंलीणा प० तं० मणअपडिसंलीणे
 जाव इंदिय० ॥ ३४१ ॥ चत्तारि पुरिसजाया प० तं० दीणे णाममेगे दीणे, दीणे
 णाममेगे अदीणे, अदीणे णाममेगे दीणे, अदीणे णाममेगे अदीणे । चत्तारि पुरिसजाया
 प० तं० दीणे णाममेगे दीणपरिणए, दीणे णाममेगे अदीणपरिणए, अदीणे णाममेगे
 दीणपरिणए, अदीणे णाममेगे अदीणपरिणए, चत्तारि पुरिसजाया प० तं० दीणे
 णाममेगे दीणरूवे ४ । एवं दीणमणे दीणसंकप्पे दीणपण्णे दीणदिट्ठी दीणसीलायारे
 दीणववहारे ४ । चत्तारि पुरिसजाया प० तं० दीणे णाममेगे दीणपरक्कमे, दीणे णाममेगे
 अदीणपरक्कमे ४ । एवं सव्वेसिं चउभंगो भाणियव्वो । चत्तारि पुरिसजाया प०
 तं० दीणे णाममेगे दीणविती ४ । एवं दीणजाई दीणभासी दीणोभासी, चत्तारि पुरिस-
 जाया पण्णत्ता प० तं० दीणे णाममेगे दीणसेवी ४ । एवं दीणे णाममेगे दीणपरियाए ४
 एवं दीणे णाममेगे दीणपरियाले ४ । सव्वत्थ चउभंगो ॥ ३४२ ॥ चत्तारि पुरिसजाया
 प० तं० अज्जे णाममेगे अज्जे ४ । चत्तारि पुरिसजाया प० तं० अज्जे णाममेगे अज्ज-
 परिणए ४ । एवं अज्जरूवे ४ । अज्जमणे ४ । अज्जसंकप्पे ४ । अज्जपण्णे ४ ।
 अज्जदिट्ठी ४ । अज्जसीलायारे ४ । अज्जववहारे ४ । अज्ज परक्कमे ४ । अज्ज-
 विती ४ । अज्जजाई ४ । अज्जभासी ४ । अज्ज ओभासी ४ । अज्जसेवी ४ । एवं
 अज्जपरियाए ४ । अज्जपरियाले ४ । एवं सत्तरस आलावगा, जहा दीणेण भणिया
 तहा अज्जेणवि भाणियव्वा । चत्तारि पुरिसजाया प० तं० अज्जे णाममेगे अज्जभावे,
 अज्जे णाममेगे अणज्जभावे, अणज्जे णाममेगे अज्जभावे, अणज्जे णाममेगे अणज्जभावे
 ॥ ३४३ ॥ चत्तारि उसभा प० तं० जाइसंपन्ने कुलसंपन्ने वलसंपन्ने रुवसंपण्णे,
 एवामेव चत्तारि पुरिसजाया प० तं० जाइसंपन्ने कुलसंपन्ने वलसंपन्ने रुवसंपन्ने,
 चत्तारि उसभा प० तं० जाइसंपन्ने णाममेगे णो कुलसंपन्ने, कुलसंपन्ने णाममेगे णो

जाइसंपन्ने, एगे कुलसंपन्नेवि जाइसंपन्नेवि, एगे णो जाइसंपन्ने णो कुलसंपन्णे
 एवामेव चत्तारि पुरिसजाया प० तं० जाइसंपन्ने णाममेगे णो कुलसंपन्ने ४
 चत्तारि उसभा प० तं० जाइसंपन्ने णाममेगे णो वलसंपन्ने ४ । एवामेव चत्तारि
 पुरिसजाया प० तं० जाइसंपन्ने णाममेगे णो वलसंपन्ने ४ । चत्तारि उसभा प० तं०
 जाइसंपन्ने णाममेगे नो रुवसंपन्ने ४ । एवामेव चत्तारि पुरिसजाया प० तं० जाइ
 संपन्ने णाममेगे णो रुवसंपन्ने ४ । चत्तारि उसभा प० तं० कुलसंपन्ने णाममेगे णं
 वलसंपन्ने ४ । एवामेव चत्तारि पुरिसजाया प० तं० कुलसंपन्ने णाममेगे णं
 वलसंपन्ने ४ । चत्तारि उसभा प० तं० कुलसंपन्ने णाममेगे णो रुवसंपन्ने ४
 एवामेव चत्तारि पुरिसजाया प० तं० कुलसंपन्ने णाममेगे णो रुवसंपन्ने ४
 चत्तारि उसभा प० तं० वलसंपन्ने णाममेगे णो रुवसंपन्ने ४ । एवामेव चत्तारि
 पुरिसजाया प० तं० वलसंपन्ने णाममेगे णो रुवसंपन्ने ४ ॥ ३४४ ॥ चत्तारि
 हत्थी प० तं० भेदे मंदे मिए संकिण्णे, एवामेव चत्तारि पुरिसजाया प० तं० भेदे
 मंदे मिए संकिण्णे, चत्तारि हत्थी प० तं० भेदे णाममेगे भद्मणे, भेदे णाममेगे
 मंदमणे, भेदे णाममेगे मियमणे, भेदे णाममेगे संकिण्णमणे, एवामेव चत्तारि पुरिस-
 जाया प० तं० भेदे णाममेगे भद्मणे, भेदे णाममेगे मंदमणे, भेदे णाममेगे मियमणे,
 भेदे णाममेगे संकिण्णमणे, चत्तारि हत्थी प० तं० मंदे णाममेगे भद्मणे, मंदे
 णाममेगे मंदमणे मंदे णाममेगे मियमणे, मंदे णाममेगे संकिण्णमणे, एवामेव चत्तारि
 पुरिसजाया प० तं० मंदे णाममेगे भद्मणे, तं चेव । चत्तारि हत्थी प० तं० मिए
 णाममेगे भद्मणे, मिए णाममेगे मंदमणे, मिए णाममेगे मियमणे, मिए णाममेगे
 संकिण्णमणे, एवामेव चत्तारि पुरिसजाया प० तं० मिए णाममेगे भद्मणे, तं चेव ।
 चत्तारि हत्थी प० तं० संकिण्णे णाममेगे भद्मणे, संकिण्णे णाममेगे मंदमणे,
 संकिण्णे णाममेगे मियमणे, संकिण्णे णाममेगे संकिण्णमणे । एवामेव चत्तारि पुरि-
 सजाया प० तं० संकिण्णे णाममेगे भद्मणे, तं चेव जाव संकिण्णे णाममेगे
 संकिण्णमणे । गाथा=मधुगुलियपिगलक्खो, अणुपुव्वसुजायदीहलंगूलो; पुरओ
 उदग्गधीरो, सव्वंगसमाहिओ भद्दो ॥ ३४५ ॥ (१) चलवहलविसमचम्मो
 थूलसिरो थूलण पेण्ण; थूलणहदंतवालो, हरिपिगललोयणो मंदो ॥ ३४६ ॥
 (२) तणुओ तणुयग्गीवो, तणुयतओ तणुयदंतणहवालो; भीरु तत्थुव्विग्गो;
 तासी य भवे मिए णामं ॥ ३४७ ॥ (३) एएसिं हत्थीणं, थोवं थोवं तु जो
 अणुहरइ हत्थी; रुवेण व सीलेण व, सो संकिण्णो ति णायव्वो ॥ ३४८ ॥ (४)
 भद्दो मज्जइ सरए, मंदो उण मज्जए वसंतम्मि; मिउ मज्जइ हेमंते, संकिण्णो सव्व-

कालम्मि (५) ॥ ३४९ ॥ चत्तारि विकहाओ प० तं० इत्थिकहा भत्तकहा
 देसकहा रायकहा । इत्थिकहा चउव्विहा प० तं० इत्थीणं जाइकहा, इत्थीणं
 कुलकहा, इत्थीणं ख्वकहा, इत्थीणं नेवत्थकहा, भत्तकहा चउव्विहा प० तं०
 भत्तस्स आवावकहा, भत्तस्स निव्वावकहा, भत्तस्स आरंभकहा, भत्तस्स णिठ्ठाण-
 कहा । देसकहा चउव्विहा प० तं० देसविहिकहा, देसविकप्पकहा, देसच्छंदकहा,
 देसनेवत्थकहा, रायकहा चउव्विहा प० तं० रण्णो अइयाणकहा रण्णो निज्जाण-
 कहा, रण्णो वलवाहणकहा, रण्णो कोसकोट्ठागारकहा ॥ ३५० ॥ चउव्विहा धम्म-
 कहा प० तं० अक्खेवणी विक्खेवणी संवेगणी णिव्वेगणी । अक्खेवणी कहा
 चउव्विहा प० तं० आयाऽक्खेवणी ववहारऽक्खेवणी पण्णत्तिऽक्खेवणी दिट्ठि-
 वायअक्खेवणी । विक्खेवणी कहा चउव्विहा प० तं० ससमयं कहेइ, ससमयं
 कहेत्ता परसमयं कहेइ, परसमयं कहेत्ता ससमयं ठावित्ता भवइ, सम्मावायं
 कहेइ, सम्मावायं कहेत्ता मिच्छावायं कहेइ, मिच्छावायं कहेत्ता सम्मावायं
 ठावित्ता भवइ । संवेगणी कहा चउव्विहा प० तं० इहलोगसंवेगणी परलोग-
 संवेगणी आयसरीरसंवेगणी परसरीरसंवेगणी । णिव्वेगणी कहा चउव्विहा प०
 तं० इहलोगे दुचिण्णा कम्मा इहलोगे दुहफलविवागसंजुत्ता भवंति, इहलोगे दुचिण्णा
 कम्मा परलोगे दुहफलविवागसंजुत्ता भवंति, परलोगे दुचिण्णा कम्मा इहलोगे दुहफल-
 विवागसंजुत्ता भवंति । परलोगे दुचिण्णा कम्मा परलोगे दुहफलविवागसंजुत्ता भवंति ।
 इहलोगे सुचिण्णाकम्मा इहलोगे सुहफलविवागसंजुत्ता भवंति, इहलोगे सुचिण्णा कम्मा
 परलोगे सुहफलविवागसंजुत्ता भवंति, एवं चउभंगो तहेव ॥ ३५१ ॥ चत्तारि पुरि-
 सजाया प० तं० किसे णाममेगे किसे, किसे णाममेगे दढे, दढे णाममेगे किसे, दढे
 णाममेगे दढे । चत्तारि पुरिसजाया प० तं० किसे णाममेगे किससरीरे, किसे णाम-
 मेगे दढसरीरे, दढे णाममेगे किससरीरे, दढे णाममेगे दढसरीरे । चत्तारि पुरिस-
 जाया प० तं० किससरीरस्स णाममेगस्स णाणंदसणे समुप्पज्जइ णो दढसरीरस्स,
 दढसरीरस्स णाममेगस्स णाणंदसणे समुप्पज्जइ णो किससरीरस्स, एगस्स किससरी-
 रस्स वि णाणंदसणे समुप्पज्जइ दढसरीरस्स वि, एगस्स णो किससरीरस्स णाणंदसणे
 समुप्पज्जइ णो दढसरीरस्स ॥ ३५२ ॥ चउहिं ठाणेहिं णिगंग्थाण वा, णिगंग्थीण
 वा अस्सिं समयंसि अइसेसे णाणंदसणे समुपज्जिउकामेवि णो समुप्पजेज्जा तं० अभि-
 क्खणं अभिक्खणं इत्थिकहं भत्तकहं देसकहं रायकहं कहेत्ता भवइ, विवेगेणं विउ-
 सरेणेणं णो सम्ममप्पाणं भावेत्ता भवइ, पुव्वरत्तावरत्तकालसमयंसि णो धम्मजाग-
 रियं जागरित्ता भवइ, फासुयस्स एसणिज्जस्स उच्छस्स सामुदाणियस्स णो सम्मं

गवेसइत्ता भवइ, इच्चेएहिं चउहिं ठाणेहिं णिग्गंथाण वा णिग्गंथीण वा जाव णो
समुप्पजेज्जा, चउहिं ठाणेहिं णिग्गंथाण वा णिग्गंथीण वा अइसेसे णाणदंसणे
समुप्पज्जिउकामे समुप्पजेज्जा तं० इत्थिकहं भत्तकहं देसकहं रायकहं णो कहेत्ता
भवइ, विवेगेण विउसग्गेणं सम्ममप्पाणं भावेत्ता भवइ, पुव्वरत्तावरत्तकालसमयंसि
धम्मजागरियं जागरित्ता भवइ, फासुयस्स एसणिज्जस्स उच्छस्स सामुदाणियस्स
सम्मं गवेसइत्ता भवइ, इच्चेएहिं चउहिं ठाणेहिं णिग्गंथाण वा णिग्गंथीण वा जाव
समुप्पजेज्जा ॥ ३५३ ॥ णो कप्पइ णिग्गंथाण वा णिग्गंथीण वा चउहिं महा-
पाडिवएहिं सज्झायं करेत्तए तं० आसाढपाडिवए इंदमहपाडिवए कत्तिथपाडिवए
सुगिम्हपाडिवए, णो कप्पइ णिग्गंथाण वा णिग्गंथीण वा चउहिं संझाहिं सज्झायं
करेत्तए तं० पढमाए पच्छिमाए मज्झण्हे अद्वरत्ते । कप्पइ णिग्गंथाण वा णिग्गं-
थीण वा चाउक्कालं सज्झायं करेत्तए तं० पुव्वण्हे अवरण्हे पओसे पच्चूसे ॥ ३५४ ॥
चउव्विहा लोगट्ठिई प० तं० आगासपइट्ठिए वाए, वायपइट्ठिए उदही, उदहिपइट्ठिया
पुढवी, पुढविपइट्ठिया तसा थावरा पाणा ॥ ३५५ ॥ चत्तारि पुरिसजाया प० तं०
तहे णाममेगे णोतहे णाममेगे सोवथी णाममेगे पहाणे णाममेगे ॥ ३५६ ॥ चत्तारि
पुरिसजाया प० तं० आयंतकरे णाममेगे णो परंतकरे, परंतकरे णाममेगे णो
आयंतकरे, एगे आयंतकरेवि परंतकरेवि, एगे णो आयंतकरे णो परंतकरे, चत्तारि
पुरिसजाया प० तं० आयंतमे णाममेगे णो परंतमे परंतमे णाममेगे णो आयंतमे
४ । चत्तारि पुरिसजाया प० तं० आयंदमे णाममेगे णो परंदमे, परंदमे णाममेगे
णो आयंदमे, एगे आयंदमेवि परंदमेवि, एगे णो आयंदमे णो परंदमे ॥ ३५७ ॥
चउव्विहा गरहा प० तं० उवसंपज्जामित्ति एगा गरहा, वित्तिगिच्छामित्ति एगा
गरहा, जं किंचिमिच्छामित्ति एगा गरहा, एवंपि पण्णत्ते एगा गरहा ॥ ३५८ ॥
चत्तारि पुरिसजाया प० तं० अप्पणो णाममेगे अलमंथू भवइ णो परस्स, परस्स णाम-
मेगे अलमंथू भवइ णो अप्पणो, एगे अप्पणोवि अलमंथू भवइ परस्सवि, एगे णो
अप्पणो अलमंथू भवइ णो परस्स ॥ ३५९ ॥ चत्तारि मग्गा प० तं० उज्जू णाममेगे
उज्जू, उज्जू णाममेगे वंके, वंके णाममेगे उज्जू, वंके णाममेगे वंके । एवामेव चत्तारि
पुरिसजाया प० तं० उज्जू णाममेगे उज्जू ४ । चत्तारि मग्गा प० तं० खेमे णाममेगे
खेमे, खेमे णाममेगे अखेमे ४ । एवामेव चत्तारि पुरिसजाया प० तं० खेमे णाममेगे
खेमे ४ । चत्तारि मग्गा प० तं० खेमे णाममेगे खेमरूवे, खेमे णाममेगे अखेमरूवे
४ । एवामेव चत्तारि पुरिसजाया प० तं० खेमे णाममेगे खेमरूवे ४ ॥ ३६० ॥
चत्तारि संजुक्का प० तं० वामे णाममेगे वामावत्ते, वामे णाममेगे दाहिणावत्ते,

दाहिणे णाममेगे वामावत्ते, दाहिणे णाममेगे दाहिणावत्ते, एवामेव चत्तारि पुरि-
सजाया प० तं० वामे णाममेगे वामावत्ते ४ । चत्तारि धूमसिहाओ प० तं० वामा
णाममेगा वामावत्ता ४ । एवामेव चत्तारित्थियाओ प० तं० वामा णाममेगा
वामावत्ता ४ । चत्तारि अगिसिहाओ प० तं० वामा णाममेगा वामावत्ता ४ ।
एवामेव चत्तारित्थियाओ प० तं० वामा णाममेगा वामावत्ता ४ । चत्तारि वाय-
मंडलिया, वामा णाममेगा वामावत्ता ४ । एवामेव चत्तारित्थियाओ प० तं०
वामा णाममेगा वामावत्ता ४ । चत्तारि वणखंडा प० तं० वामे णाममेगे वामावत्ते
४ । एवामेव चत्तारि पुरिसजाया प० तं० वामे णाममेगे वामावत्ते ४ ॥ ३६१ ॥
चउहिं ठाणेहिं णिगंथे णिगंथि आलवमाणे वा संलवमाणे वा णाइक्कमइ, तं० पंथं
पुच्छमाणे वा पंथं देसमाणे वा असणं वा पाणं वा खाइमं वा साइमं वा दलयमाणे
वा, दलावेमाणे वा ॥ ३६२ ॥ तमुक्कायस्स णं चत्तारि णामधेज्जा प० तं० तमेइ वा,
तमुक्काएइ वा, अंधयारेइ वा, महंधयारेइ वा, तमुक्कायस्स णं चत्तारि णामधेज्जा
प० तं० लोगंधयारेइ वा, लोगतमसेइ वा, देवंधयारेइ वा, देवतमसेइ वा, तमु-
क्कायस्स णं चत्तारि णामधेज्जा प० तं० वायफलिहेइ वा, वायफलिहखोभेइ वा,
देवरण्णेइ वा, देववूहेइ वा, तमुक्काए णं चत्तारि कप्पे आवरित्ता चिट्ठइ तं० सोहम्म-
साणं सणकुमारमाहिंदं ॥ ३६३ ॥ चत्तारि पुरिसजाया प० तं० संपागडपडिसेवी
णाममेगे, पच्छण्णपडिसेवी णाममेगे, पडुप्पण्णणंदी णाममेगे, णिस्सरणणंदी
णाममेगे ॥ ३६४ ॥ चत्तारि सेणाओ प० तं० जइत्ता णाममेगा णो पराजिणित्ता,
पराजिणित्ता णाममेगा णो जइत्ता, एगा जइत्ता वि पराजिणित्तावि, एगा णो जइत्ता
णो पराजिणित्ता । एवामेव चत्तारि पुरिसजाया प० तं० जइत्ता णाममेगे णो
पराजिणित्ता ४ । चत्तारि सेणाओ प० तं० जइत्ता णाममेगा जयइ, जइत्ता णाममेगा
पराजिणइ, पराजिणित्ता णाममेगा जयइ, पराजिणित्ता णाममेगा पराजिणइ, एवा-
मेव चत्तारि पुरिसजाया प० तं० जइत्ता णाममेगे जयइ ॥ ३६५ ॥ चत्तारि केअणा
प० तं० वंसीमूलकेअणए, मंडविसाणकेअणए, गोमुत्तिकेअणए, अवलेहणियके-
अणए । एवामेव चउव्विहा माया प० तं० वंसीमूलकेअणासमाणा जाव अवलेहणि-
याकेअणासमाणा, वंसीमूलकेअणासमाणं मायं अणुप्पविट्ठे जीवे कालं करेइ णेरइएसु
उववज्जइ, मंडविसाणकेअणासमाणं मायमणुप्पविट्ठे जीवे कालं करेइ तिरिक्ख-
जोणिएसु उववज्जइ, गोमुत्तिअं जाव कालं करेइ मणुस्सेसु उववज्जइ, अवलेहणिया
जाव देवेसु उववज्जइ ॥ ३६६ ॥ चत्तारि थंभा प० तं० सेलथंभे अट्ठिथंभे दारु-
थंभे, तिणिसलयाथंभे; एवामेव चउव्विहे माणे प० तं० सेलथंभसमाणे जाव तिणि-

सलयाथंभसमाणे । सेलयंभसमाणं माणं अणुप्पविठ्ठे जीवे कालं करेइ णेरइएसु उववज्जइ, एवं जाव तिणिसलयाथंभसमाणं माणं अणुप्पविठ्ठे जीवे कालं करेइ देवेषु उववज्जइ ॥ ३६७ ॥ चत्तारि वत्था प० तं० किमिरागरत्ते कद्मरागरत्ते खंजणरागरत्ते हलिद्रागरत्ते एवामेव चउव्विहे लोभे प० तं० किमिरागरत्तवत्थसमाणे कद्मरागरत्तवत्थसमाणे खंजणरागरत्तवत्थसमाणे हलिद्रागरत्तवत्थसमाणे, किमिरागरत्तवत्थसमाणं लोभमणुप्पविठ्ठे जीवे कालं करेइ नेरइएसु उववज्जइ, तहेव जाव हलिद्रागरत्तवत्थसमाणं लोभमणुप्पविठ्ठे जीवे कालं करेइ देवेषु उववज्जइ ॥ ३६८ ॥ चउव्विहे संसारे प० तं० णेरइयसंसारे जाव देवसंसारे, चउव्विहे आउए प० तं० णेरइयआउए जाव देवाउए, चउव्विहे भवे प० तं० णेरइयभवे जाव देवभवे ॥ ३६९ ॥ चउव्विहे आहारे प० तं० असणे पाणे खाइमे साइमे । चउव्विहे आहारे प० तं० उवक्खरसंपन्ने, उवक्खडसंपन्ने, सभावसंपन्ने, परिजुसियसंपन्ने ॥ ३७० ॥ चउव्विहे वंधे प० तं० पगइबंधे ठिइबंधे अणुभावबंधे पएसबंधे, चउव्विहे उवक्कमे प० तं० वंधणोवक्कमे उदीरणोवक्कमे उवसमणोवक्कमे विप्परिणामणोवक्कमे, वंधणोवक्कमे चउव्विहे प० तं० पगइबंधणोवक्कमे ठिइबंधणोवक्कमे अणुभावबंधणोवक्कमे पएसबंधणोवक्कमे, उदीरणोवक्कमे चउव्विहे प० तं० पगइउदीरणोवक्कमे ठिइउदीरणोवक्कमे अणुभागउदीरणोवक्कमे पएसउदीरणोवक्कमे, उवसामणोवक्कमे चउव्विहे प० तं० पगइउवसामणोवक्कमे ठिइअणुभावपएसउवसामणोवक्कमे । विपरिणामणोवक्कमे चउव्विहे प० तं० पगइठिइअणुभावपएसविपरिणामणोवक्कमे । चउव्विहे अप्पावहुए प० तं० पगइअप्पावहुए ठिइअणुभावपएसअप्पावहुए; चउव्विहे संकमे, पगइसंकमे ठिइअणुभावपएससंकमे । चउव्विहे निधत्ते प० तं० पगइनिधत्ते, ठिइअणुभावपएसनिधत्ते । चउव्विहे निगाइए प० तं० पगइनिगाइए, ठिइनिगाइए, अणुभावनिगाइए, पएसनिगाइए ॥ ३७१ ॥ चत्तारि एक्का प० तं० दविए एकए माउएकए पज्जएकए संगहएकए, चत्तारि कई प० तं० दवियकई माउयकई पज्जवकई संगहकई, चत्तारि सव्वा प० तं० णामसव्वए ठवणसव्वए आएससव्वए निरवसेससव्वए ॥ ३७२ ॥ माणुसुत्तरस्स णं पव्वयस्स चउद्दिसिं चत्तारि कूडा प० तं० रयणे रयणुच्चए सव्वरयणए रयणसंचए ॥ ३७३ ॥ जंबुद्दीवे २ भरहेरवएसु वासेसु तीयाए उस्सप्पिणीए सुसमसुसमाए समाए चत्तारि सागरोवमकोडाकोडीओ कालो होत्था, जंबुद्दीवे २ भरहेरवए इमीसे ओसप्पिणीए दुसमसुसमाए समाए जहण्णपए णं चत्तारि सागरोवमकोडाकोडीओ कालो होत्था । जंबुद्दीवे दीवे जाव आगमिस्साए उस्सप्पिणीए सुसमसुसमाए समाए

चत्तारि सागरोचमकोडाकोडीओ कालो भविस्सइ, जंबुदीवे दीवे देवकुलउत्तरकुल-
 जाओ चत्तारि अक्कम्मभूमीओ प० तं० हेमवए एरण्णवए हरेवासे रम्मगवासे,
 चत्तारि वट्टवेयसूपव्वया प० तं० सहावई वियडावई गंधावई मालवंतपरियाए ।
 तत्थ णं चत्तारि देवा महिद्धिया जाव पलिओवमठिइया परिवसंति तं० साई पभासे
 अरुणे पउमे, जंबुदीवे दीवे महाविदेहेवासे चउव्विहे प० तं० पुब्बविदेहे,
 अवरविदेहे, देवकुरा, उत्तरकुरा, सव्वेवि णं णिसढणीलवंतवासहरपव्वया चत्तारि
 जोयणसयाई उच्चं उच्चत्तेणं, चत्तारि गाउयसयाई उव्वेहेणं प० । जंबुदीवे
 दीवे मंदरस्स पव्वयस्स पुरत्थिमेणं सीआए महानईए उत्तरकूले चत्तारि वक्खा-
 रपव्वया प० तं० चित्तकूडे पम्हकूडे णलिणकूडे एगसेले, जंबूमंदरपुरत्थिमेणं
 सीआए महानईए दाहिणकूले चत्तारि वक्खारपव्वया प० तं० तिकूडे वेसमणकूडे
 अंजणे मायंजणे, जंबूमंदरस्स पच्चत्थिमेणं सीओआए महानईए दाहिणकूले चत्तारि
 वक्खारपव्वया प० तं० अंकावई पम्हावई आसीविसे सुहावहे । जंबूमंदरस्स
 पच्चत्थिमेणं सीओआए महानईए उत्तरकूले चत्तारि वक्खारपव्वया प० तं० चंद-
 पव्वए सूरपव्वए देवपव्वए णागपव्वए, जंबुदीवे दीवे मंदरस्स पव्वयस्स चउसु
 विदिसासु चत्तारि वक्खारपव्वया प० तं० सोमणसे विज्जुप्पभे गंधमायणे माल-
 वंते, जंबुदीवे दीवे महाविदेहे वासे जहण्णपए चत्तारि अरिहंता, चत्तारि चक्कवट्ठी,
 चत्तारि बलदेवा, चत्तारि वासुदेवा, उप्पज्जिंस्सु वा उप्पज्जंति वा उप्पज्जिस्संति
 वा, जंबुदीवे दीवे मंदरे पव्वए चत्तारि वणा प० तं० भइसालवणे, णंदणवणे,
 सोमणसवणे, पंडगवणे, जंबूमंदरपव्वयपंडगवणे चत्तारि अभिसेगसिलाओ प० तं०
 पंडुकंवलसिला, अतिपंडुकंवलसिला, रत्तकंवलसिला, अइरत्तकंवलसिला, मंदरचूलि-
 या णं उवरिं चत्तारि जोयणाई विक्खंभेणं पण्णत्ता, एवं धायइखंडदीवपुरच्छिमद्धेवि
 कालं आई करित्ता जाव मंदरचूलियत्ति । एवं जाव पुक्खरवरदीवपच्चत्थिमद्धे जाव
 मंदरचूलियत्ति, जंबूदीवगआवस्सगं तु कालाओ चूलिया जाव धायइखंडे पुक्खर-
 वरे य पुव्वावरे पासे । जंबूदीवस्स णं दीवस्स चत्तारि दारा प० तं० विजये वेजयंते
 जयते अपराजिए, ते णं दारा चत्तारि जोयणाई विक्खंभेणं तावइयं चेव पवेसेणं
 प० तत्थ ण चत्तारि देवा महिद्धिया जाव पलिओवमठिइया परिवसंति तं० विजए
 वेजयंते जयंते अपराजिए ॥ ३७४ ॥ जंबुदीवे दीवे मंदरस्स पव्वयस्स दाहिणेणं
 चुल्लहिमवंतस्स वासहरपव्वयस्स चउसु विदिसासु लवणसमुद्दं तिणिणं जोयण-
 सयाई ओगाहेत्ता एत्थणं चत्तारि अंतरदीवा प० तं० एगरूयदीवे ओभासिअदीवे
 वेसाणियदीवे णंगोलियदीवे, तेसु णं दीवेसु चउव्विहा मणुस्सा परिवसंति, एगरूया ।

ओभासिया वेसाणिया णंगोलिया, तेसि णं दीवाणं चउसु वि दिसासु लवणसमुद्दं चत्तारि चत्तारि जोयणसयाइं ओगाहेत्ता एत्थ णं चत्तारि अंतरदीवा प० तं० ह्य-
 कण्णदीवे, गयकण्णदीवे गोकण्णदीवे सकुलिकण्णदीवे, तेसु णं दीवेसु चउव्विहा
 मणुस्सा परिवसंति तं० ह्यकण्णा गयकण्णा गोकण्णा सकुलिकण्णा, तेसि णं दीवाणं
 चउसु विदिसासु लवणसमुद्दं पंच पंच जोयणसयाइं ओगाहेत्ता एत्थ णं चत्तारि अंतर-
 दीवा प०तं० आयंसमुहदीवे मेंडगमुहदीवे अओमुहदीवे गोमुहदीवे । तेसु णं दीवेसु
 चउव्विहा मणुस्सा भाणियव्वा, तेसिं णं दीवाणं चउसु विदिसासु लवणसमुद्दं छ
 छजोयणसयाइं ओगाहेत्ता एत्थ णं चत्तारि अंतरदीवा प० तं० आसमुहदीवे हत्थि-
 मुहदीवे सीहमुहदीवे वग्घमुहदीवे, तेसु णं दीवेसु मणुस्सा भाणियव्वा तेसिं णं
 दीवाणं चउसु विदिसासु लवणसमुद्दं सत्तसत्तजोयणसयाइं ओगाहिता एत्थ णं चत्तारि
 अंतरदीवा प० तं० आसकण्णदीवे हत्थिकण्णदीवे अकण्णदीवे कण्णपाउरणदीवे ।
 तेसु णं दीवेसु मणुस्सा भाणियव्वा । तेसिं णं दीवाणं चउसु विदिसासु लवणसमुद्दं
 अठ्ठ अठ्ठजोयणसयाइं ओगाहिता एत्थ णं चत्तारि अंतरदीवा प० तं० उक्कामुहदीवे
 मेहमुहदीवे विज्जुमुहदीवे विज्जुदंतदीवे तेसु णं दीवेसु मणुस्सा भाणियव्वा । तेसिं णं
 दीवाणं चउसु विदिसासु लवणसमुद्दं णव णव जोयणसयाइं ओगाहिता एत्थणं चत्तारि
 अंतरदीवा प० तं० घणदंतदीवे लठ्ठदंतदीवे गूढदंतदीवे सुद्धदंतदीवे, तेसु णं दीवेसु
 चउव्विहा मणुस्सा परिवसंति तं० घणदंता लठ्ठदंता गूढदंता सुद्धदंता । जंबुद्दीवे
 दीवे मंदरस्स पव्वयस्स उत्तरेणं सिंहिरस्स वासहरपव्वयस्स चउसु विदिसासु
 लवणसमुद्दं तिण्णि तिण्णि जोयणसयाइं ओगाहिता एत्थणं चत्तारि अंतरदीवा
 प० तं० एगल्लयदीवे सेसं तहेव निरवसेसं भाणियव्वं जाव सुद्धदंता ॥ ३७५ ॥
 जंबुद्दीवस्स णं दीवस्स बाहिरिल्लाओ वेइयंताओ चउद्दिसिं लवणसमुद्दं पंचाणउज्जोयण-
 सहस्साइं ओगाहेत्ता एत्थणं महइमहालया महालिंजरसंठाणसंठिया चत्तारि महा-
 पायाला प० तं० वलयामुहे केउए जूवए ईसरे, तत्थणं चत्तारि देवा महिद्धिया जाव
 पलिओवमठिइया परिवसंति तं० काले महाकाले वेलंबे पभंजणे ॥ ३७६ ॥ जंबु-
 दीवस्स णं दीवस्स बाहिरिल्लाओ वेइयंताओ चउद्दिसिं लवणसमुद्दं वायालीसं २ जोयण-
 सहस्साइं ओगाहिता एत्थणं चउण्हं वेलंधरणागरायाणं चत्तारि आवासपव्वया
 प०तं० गोथूमे उदयभासे संखे दगसीमे, तत्थ णं चत्तारि देवा महिद्धिया जाव परि-
 वसंति तं०गोथूमे सिवए जाव मणोसिलए । जंबुद्दीवस्स णं दीवस्स बाहिरिल्लाओ वेइय-
 न्ताओ चउसु विदिसासु लवणसमुद्दं वायालीसं २ जोयणसहस्साइं ओगाहेत्ता एत्थणं
 चउण्हं अणुवेलंधरणागराईणं चत्तारि आवासपव्वया प० तं० कक्कोडए विज्जुपभे

केलासे अरुणप्पमे । तत्थ णं चत्तारि महिद्धिया जाव पलिओवमठिईया देवा परिव-
संति तं० कक्कोडए कद्दमए केलासे अरुणप्पमे ॥ ३७७ ॥ लवणे णं समुद्दे चत्तारि चंदा
पभासिंसु वा पभासंति वा पभासिस्संति वा, चत्तारि सूरिया तविंसु वा तवंति वा तावि-
स्संति वा, चत्तारि कत्तियाओ जाव चत्तारि भरणीओ, चत्तारि अग्गी जाव चत्तारि
जमा, चत्तारि अंगारया जाव चत्तारि भावकेऊ ॥ ३७८ ॥ लवणस्स णं समुद्दस्सा
चत्तारि दारा प० तं० विजए वेजयंते जयंते अपराजिए, ते णं दारा णं चत्तारि
जोयणाई विक्खंभेणं तावइयं चेव पवेसेगं पण्णत्ता, तत्थ णं चत्तारि देवा महिद्धिया
जाव पलिओवमठिईया परिवसंति विजए जाव अपराजिए ॥ ३७९ ॥ धायइखंडे णं
दीवे चत्तारि जोयणसयसहस्साई चक्कवालविक्खंभेणं प० ॥ ३८० ॥ जंबुदीवस्स णं
दीवस्स वहिया चत्तारि भरहाई चत्तारि एरवयाई, एवं जहा सद्दुद्देसए तहेव णिरव-
सेसं भाणियव्वं, जाव चत्तारि मंदरा चत्तारि मंदरचूलियाओ ॥ ३८१ ॥ णंदीस-
रवरस्स णं दीवस्स चक्कवालविक्खंभस्स बहुमज्झदेसभाए चउद्दिसिं चत्तारि
अंजणगपव्वया प० तं० पुरच्छिमिल्ले अंजणगपव्वए दाहिणिल्ले अंजणगपव्वए,
पच्चत्थिमिल्ले अंजणगपव्वए उत्तरिल्ले अंजणगपव्वए, ते णं अंजणगपव्वया चउरासीइ-
जोयणसहस्साई उहुं उच्चतेणं एगं जोयणसहस्सं उव्वेहेणं मूले दसजोयणसहस्साई
विक्खंभेणं तदणंतरं च णं मायाए मायाए परिहाएमाणा परिहाएमाणा उवरिमेणं
जोयणसहस्सं विक्खंभेणं प० मूले एकतीसं जोयणसहस्साई छच्चतेवीसे जोयणसए
परिक्खेवेणं उवरिं तिणिण २ जोयणसहस्साई एगं च छावट्ठं जोयणसयं परिक्खेवेणं
मूले विच्छिण्णा मज्झे संखित्ता उप्पिं तणुया गोपुच्छसंठाणसंठिया सव्वअंजण-
मया अच्छा जाव पडिरूवा, तेसिणं अंजणगपव्वयाणं चउद्दिसिं चत्तारि २ णं-
दाओ पुक्खरणीओ प० तासिणं पोक्खरणीणं पत्तेयं पत्तेयं चउद्दिसिं चत्तारि वण-
खंडा प० तं० पुरच्छिमेणं दाहिणेणं पच्चत्थिमेणं उत्तरेणं, पुव्वेणं असोगवणं
दाहिणओ होति सत्तवणवणं, अवरेण चंपगवणं, अंववणं उत्तरे पासे ॥ १ ॥
तत्थ णं जे से पुरच्छिमिल्ले अंजणगपव्वए तस्स णं चउद्दिसिं चत्तारि णंदापोक्खर-
णीओ पण्णत्ताओ तं० णंदा णंदुत्तरा आणंदा णंदिवद्धणा, तासिणं पोक्खरणीणं पत्तेयं
पत्तेयं चउद्दिसिं चत्तारि तिसोवाणपडिरूवगा प० तेसिणं तिसोवाणपडिरूवगाणं पुरओ
चत्तारि तोरणा प० पुरच्छिमेणं दाहिणेणं पच्चत्थिमेणं उत्तरेणं, तासिणं पोक्खर-
णीणं पत्तेयं पत्तेयं चउद्दिसिं चत्तारि वणखंडा प० तं० पुरओ दाहिणओ पच्चत्थिमेणं
उत्तरेणं, पुव्वेणं असोगवणं जाव अंववणं उत्तरे पासे । तासिणं पुक्खरणीणं बहु-
मज्झदेसभाए चत्तारि दाहिमुहगपव्वया प० ते णं दाहिमुहगपव्वया चउसट्ठिं जोयण-

सहस्साई उड्डं उच्चतेणं एगं जोयणसहस्समुव्वेहेणं, सव्वत्थसमा पल्लगसंठाणसंठिया
 दसजोयणसहस्साई विक्खंभेणं एकतीसं जोयणसहस्साई छच्चतेवीसजोयणसए
 परिकखेवेणं सव्वरयणामया अच्छा जाव पडिह्वा । सेसं जहेव अंजणगपव्वयाणं
 तहेव गिरवसेसं भाणियव्वं जाव अंजवगं उत्तरेपासे । तत्थ णं जे से दाहिणिल्ले
 अंजगगपव्वए तस्सणं चउद्दिसिं चत्तारि णंदाओ पुक्खरणीओ प० तं० भद्दा
 विसाला कुमुया पोंडरीगिणी । सेसं तं चेव जाव दाहिमुहगपव्वया जाव वणखंडा ।
 तत्थणं जे से पच्चत्थिमिल्ले अंजणगपव्वए तस्स णं चउद्दिसिं चत्तारि णंदाओ पोक्खर-
 णीओ पण्णत्ताओ तं० णंदिसेणा अमोहा गोथूभा सुदंसणा, सेसं तं चेव, तहेव
 दाहिमुहगपव्वया तहेव जाव वणखंडा । तत्थणं जे से उत्तरिल्ले अंजणगपव्वए तस्स
 णं चउद्दिसिं चत्तारि णंदाओ पोक्खरणीओ प० तं० विजया वेजयंती जयंती अपरा-
 जिया, तहेव दाहिमुहगपव्वया, तहेव जाव वणखंडा । णंदीसरवरस्स णं दीवस्स चक्क-
 वालविकखंभस्स बहुमज्झदेसभाए चउसु विदिसासु चत्तारि रतिकरगपव्वया प० तं०
 उत्तरपुरच्छिमिल्ले रतिकरगपव्वए दाहिणपुरत्थिमिल्ले रतिकरगपव्वए दाहिणपच्चत्थि-
 मिल्ले रतिकरगपव्वए उत्तरपच्चत्थिमिल्ले रतिकरगपव्वए, ते णं रतिकरगपव्वया दस-
 जोयणसयाई उड्डं उच्चतेणं दसगाउयसयाई उव्वेहेणं, सव्वत्थसमा झल्लरिसंठाण-
 संठिया, दसजोयणसहस्साई विक्खंभेणं, एकतीसं जोयणसहस्साई छच्चतेवीसे जोयण-
 सए परिकखेवेणं, सव्वरयणामया अच्छा जाव पडिह्वा । तत्थ णं जे से उत्तरपुरच्छि-
 मिल्ले रतिकरगपव्वए तस्सणं चउद्दिसिमीसाणस्स देविंदस्स देवरणो चउण्हमग्गम-
 हिसीणं जंबुद्दीवप्पमाणमेत्ताओ चत्तारि रायहाणीओ पण्णत्ताओ तं० णंदोत्तरा णंदा
 उत्तरकुरा देवकुरा । कण्हाए कण्हराईए कामाए कामरक्खियाए, तत्थ णं जे से
 दाहिणपुरच्छिमिल्ले रतिकरगपव्वए तस्सणं चउद्दिसिं सक्कस्स देविंदस्स देवरणो
 चउण्हमग्गमहिसीणं जंबुद्दीवप्पमाणाओ चत्तारि रायहाणीओ प० तं० सुमणा सोम-
 णसा अच्चिमाली मणोरमा । पउमाए सिवाए सईए अंजूए । तत्थणं जे से दाहिण-
 पच्चत्थिमिल्ले रतिकरगपव्वए तस्सणं चउद्दिसिं सक्कस्स देविंदस्स देवरणो चउण्ह-
 मग्गमहिसीणं जंबुद्दीवप्पमाणमेत्ताओ चत्तारि रायहाणीओ प० तं० भूया भूयवडिसा
 गोथूभा सुदंसणा । अमलाए अच्छराए नवमियाए रोहिणीए । तत्थ णं जे से उत्तर-
 पच्चत्थिमिल्ले रतिकरगपव्वए तस्सणं चउदिसिमीसाणस्स चउण्हमग्गमहिसीणं जंबु-
 द्दीवप्पमाणमेत्ताओ चत्तारि रायहाणीओ प० तं० रयणा रयणोच्चया सव्वरयणा
 रयणसंचया । वसूए वसुगुत्ताए वसुमित्ताए वसुंधराए ॥ ३८२ ॥ चउव्विहे सच्चे
 प० तं० णामसच्चे ठवणसच्चे दव्वसच्चे भावसच्चे ॥ ३८३ ॥ आजी-

वियाणं चउव्विहे तवे प० तं० उगगतवे घोरतवे रगनिज्झणया जिद्धिदिग्गपहि-
 संलीणया ॥ ३८४ ॥ चउव्विहे संजमे प० तं० मणसंजमे वइसंजमे फागसंजमे
 उवगरणसंजमे । चउव्विहे चियाए प० तं० मणचियाए वइचियाए कायचियाए
 उवगरणचियाए, चउव्विहा अकिंचणया प० तं० मणअकिंचणया वइअकिंचणया
 कायअकिंचणया उवगरणअकिंचणया ॥ ३८५ ॥ चउत्थङ्गाणस्स वीओ-
 देसो समत्तो ॥

चत्तारि राईओ प० तं० पव्वयराई पुढविराई वालयराई उदगराई । एवामेव
 चउव्विहे कोहे प० तं० पव्वयराइसमाणे पुढविराइसमाणे वालयराइसमाणे उदग-
 राइसमाणे । पव्वयराइसमाणं कोहमणुपविठ्ठे जीवे कालं करेइ णेरइएसु उववज्जइ,
 पुढविराइसमाणं कोहमणुपविठ्ठे जीवे कालं करेइ तिरिक्खजोणिएसु उववज्जइ, वाल-
 यराइसमाणं कोहमणुपविठ्ठे जीवे कालं करेइ मणुस्सेसु उववज्जइ, उदगराइसमाणं
 कोहमणुपविठ्ठे जीवे कालं करेइ देवेषु उववज्जइ, चत्तारि उदगा प० तं० कइमोदए
 खंजणोदए वालुओदए सेलोदए, एवामेव चउव्विहे भावे प० तं० कइमोदगसमाणे
 खंजणोदगसमाणे वालुओदगसमाणे सेलोदगसमाणे । कइमोदगसमाणं भावमणुपविठ्ठे
 जीवे कालं करेइ णेरइएसु उववज्जइ एवं जाव सेलोदगसमाणं भावमणुपविठ्ठे जीवे
 कालं करेइ देवेषु उववज्जइ ॥ ३८६ ॥ चत्तारि पक्खी प० तं० रुयसंपन्ने णाममेगे
 णो रुवसंपन्ने, रुवसंपन्ने णाममेगे णो रुयसंपन्ने, एगे रुयसंपन्ने वि रुवसंपन्ने वि,
 एगे णो रुयसंपन्ने णो रुवसंपन्ने, एवामेव चत्तारि पुरिसजाया प० तं० रुयसंपन्ने
 णाममेगे णो रुवसंपन्ने ४ ॥ ३८७ ॥ चत्तारि पुरिसजाया प० तं० पत्तियं करेमिन्ति
 एगे पत्तियं करेइ, पत्तियं करेमिन्ति एगे अपत्तियं करेइ, अपत्तियं करेमिन्ति एगे
 पत्तियं करेइ, अपत्तियं करेमिन्ति एगे अपत्तियं करेइ, चत्तारि पुरिसजाया प० तं०
 अप्पणो णाममेगे पत्तियं करेइ णो परस्स, परस्स णाममेगे पत्तियं करेइ णो अप्पणो
 ४ । चत्तारि पुरिसजाया प० तं० पत्तियं पवेसामिन्ति एगे पत्तियं पवेसेइ, पत्तियं
 पवेसामिन्ति एगे अपत्तियं पवेसेइ, अपत्तियं पवेसामिन्ति एगे पत्तियं पवेसेइ, अप-
 त्तियं पवेसामिन्ति एगे अपत्तियं पवेसेइ, चत्तारि पुरिसजाया प० तं० अप्पणो णाम-
 मेगे पत्तियं पवेसेइ णो परस्स ४ ॥ ३८८ ॥ चत्तारि रुक्खा प० तं० पत्तोवए
 पुप्फोवए फलोवए छायोवए, एवामेव चत्तारि पुरिसजाया प० तं० पत्तो वा रुक्ख-
 समाणे पुप्फो वा रुक्खसमाणे फलो वा रुक्खसमाणे छायो वा रुक्खसमाणे
 ॥ ३८९ ॥ भारं णं वहमाणस्स चत्तारि आसासा प० तं० जत्थ णं अंसाओ अंसं
 साहइ तत्थ वि य से एगे आसासे पणत्ते, जत्थ वि य णं उच्चारं वा पासवणं

वा परिठावेति तत्थ वि य से एगे आसासे प० जत्थ वि य णं णागकुमारावासंसि
वा सुवन्नकुमारावासंसि वा वासं उवेइ तत्थ वि य से एगे आसासे प० जत्थ वि
य णं आवक्कहाए चिट्ठइ जाव आसासे प०, एवामेव समणोवासगस्स चत्तारि
आसासा प० तं० जत्थ वि य णं सीलव्वयगुणव्वयवेरमणपच्चक्खणपोसहोववा-
साइं पडिवज्जइ तत्थ वि य से एगे आसासे प०, जत्थ वि य णं सामाइयं देसा-
वगासियं सम्ममणुपालेइ तत्थ वि य से एगे आसासे प०, जत्थ वि य णं चाउइसट्ठमु-
दिट्ठपुण्णिमासिणीसु पडिपुण्णं पोसहं सम्मं अणुपालेइ तत्थ वि य से एगे आसासे
प०, जत्थ वि य णं अपच्छिममारणंतियसंलेहणाजूसणाजूसिए भत्तपाणपडिया-
इक्खिए पाओवगए कालमणवक्खमाणे विहरइ तत्थ वि य से एगे आसासे प०
॥ ३९० ॥ चत्तारि पुरिसजाया प० तं० उदिओदिए णाममेगे, उदियत्थमिए
णाममेगे, अत्थमिओदिए णाममेगे, अत्थमियत्थमिए णाममेगे । भरहं राया
चाउरंतचक्कवट्ठी णं उदिओदिए, चंभदत्ते णं राया चाउरंतचक्कवट्ठी उदियत्थमिए,
हरिएसवलेणमणगारे अत्थमिओदिए, काले णं सोयरिए अत्थमियत्थमिए ॥ ३९१ ॥
चत्तारि जुंसा प० तं० कडजुम्मे तेयोए दावरजुम्मे कलिओए, णेरइयाणं चत्तारि
जुंसा प० तं० कडजुंमे जाव कलिओए, एवमसुरकुमाराणं जाव थणियकुमाराणं,
एवं पुढविकाइयाणं आउतेउवाउवणस्सइव्वेदियाणं तेइदियाणं चउरिंदियाणं पंवि-
दियतिरिक्खजोणियाणं मणुस्साणं वाणमंतरजोइसियाणं वेमाणियाणं सव्वेसिं जहा
नेरइयाणं ॥ ३९२ ॥ चत्तारि सूरा प० तं० खंतिसूरे तवसूरे दाणसूरे जुद्धसूरे,
खंतिसूरा अरिहंता तवसूरा अणगारा; दाणसूरे वेसमणे जुद्धसूरे वासुदेवे ॥ ३९३ ॥
चत्तारि पुरिसजाया प० तं० उच्चे णाममेगे उच्चच्छंदे उच्चे णाममेगे णीयच्छंदे णीए
णाममेगे उच्चच्छंदे णीए णाममेगे णीयच्छंदे ॥ ३९४ ॥ असुरकुमाराणं चत्तारि
लेस्सा प० तं० कण्हलेस्सा णीललेस्सा काउलेस्सा तेउलेस्सा, एवं जाव थणिय-
कुमाराणं एवं पुढविकाइयाणं आउवणस्सइकाइयाणं वाणमंतराणं सव्वेसिं जहा
असुरकुमाराणं ॥ ३९५ ॥ चत्तारि जाणा प० तं० जुत्ते णाममेगे जुत्ते जुत्ते णाममेगे
अजुत्ते अजुत्ते णाममेगे जुत्ते अजुत्ते णाममेगे अजुत्ते, एवामेव चत्तारि पुरिसजाया
प० तं० जुत्ते णाममेगे जुत्ते ४ । चत्तारि जाणा प० तं० जुत्ते णाममेगे जुत्तपरिणए,
जुत्ते णाममेगे अजुत्तपरिणए ४ । एवामेव चत्तारि पुरिसजाया प० तं० जुत्ते णाममेगे
जुत्तपरिणए ४ । चत्तारि जाणा प० तं० जुत्ते णाममेगे जुत्तरूवे जुत्ते णाममेगे
अजुत्तरूवे ४ । एवामेव चत्तारि पुरिसजाया प० तं० जुत्ते णाममेगे जुत्तरूवे ४ ।
चत्तारि जाणा प० तं० जुत्ते णाममेगे जुत्तसोभे ४ । एवामेव चत्तारि पुरिसजाया

प० तं० जुत्ते णाममेगे जुत्तसोभे ४ । चत्तारि जुग्गा प० तं० जुत्ते णाममेगे जुत्ते
 ४ । एवामेव चत्तारि पुरिसजाया प० तं० जुत्ते णाममेगे जुत्ते ४ । एवं जहा
 जाणेण चत्तारि आलावगा तहा जुग्गेणवि पडिवक्खो तहेव पुरिसजाया जाव
 सोभेत्ति, चत्तारि सारही प० तं० जोआवइत्ता णाममेगे णो विजोयावइत्ता,
 विजोयावइत्ता णाममेगे णो जोयावइत्ता, एगे जोयावइत्तावि विजोयावइत्तावि,
 एगे णो जोयावइत्ता णो विजोयावइत्ता, एवामेव चत्तारि पुरिसजाया, चत्तारि हया
 प० तं० जुत्ते णाममेगे जुत्ते ४ । एवामेव चत्तारि पुरिसजाया प० तं० जुत्ते
 णाममेगे जुत्ते ४ । एवं जुत्तपरिणए जुत्तरूवे जुत्तसोभे सव्वेसिं पडिवक्खो पुरि-
 सजाया । चत्तारि गया प० तं० जुत्ते णाममेगे जुत्ते ४ । एवामेव चत्तारि पुरिसजाया
 प० तं० जुत्ते णाममेगे जुत्ते ४ । एवं जहा हयाणं तहा गयाणवि भाणियव्वं ।
 पडिवक्खो तहेव पुरिसजाया, चत्तारि जुग्गारिया प० तं० पंथजाई णाममेगे णो
 उप्पहजाई उप्पहजाई णाममेगे णो पंथजाई एगे पंथजाई वि उप्पहजाई वि एगे
 णो पंथजाई णो उप्पहजाई । एवामेव चत्तारि पुरिसजाया ४ ॥ ३९६ ॥ चत्तारि
 पुप्फा प० तं० रुवसंपन्ने णाममेगे णो गंधसंपन्ने गंधसंपन्ने णाममेगे णो रुवसंपन्ने
 एगे रुवसंपन्नेवि गंधसंपन्नेवि एगे णो रुवसंपन्ने णो गंधसंपन्ने । एवामेव चत्तारि
 पुरिसजाया प० तं० रुवसंपन्ने णाममेगे णो सीलसंपन्ने ४ ॥ ३९७ ॥ चत्तारि
 पुरिसजाया प० तं० जाइसंपन्ने णाममेगे णो कुलसंपन्ने कुलसंपन्ने णाममेगे णो
 जाइसंपन्ने ४ । चत्तारि पुरिसजाया प० तं० जाइसंपन्ने णाममेगे णो वलसंपन्ने
 वलसंपन्ने णाममेगे णो जाइसंपन्ने ४ । एवं जाईए रुवेण य चत्तारि आलावगा,
 एवं जाईए सुएण य ४ । एवं जाईए सीलेण ४ एवं जाईए चरित्तेण ४ । एवं कुलेण
 वलेण ४ । कुलेण रुवेण ४ । कुलेण सुएण ४ । कुलेण सीलेण ४ । कुलेण चरित्तेण
 ४ । चत्तारि पुरिसजाया प० तं० वलसंपन्ने णाममेगे णो रुवसंपन्ने ४ । एवं वलेण
 सुएण ४ । एवं वलेण सीलेण ४ । एवं वलेण चरित्तेण ४ । चत्तारि पुरिसजाया प०
 तं० रुवसंपन्ने णाममेगे णो सुयसंपन्ने ४ । एवं रुवेण सीलेण ४ । रुवेण चरित्तेण
 ४ । चत्तारि पुरिसजाया प० तं० सुयसंपन्ने णाममेगे णो सीलसंपन्ने ४ । एवं सुएण
 चरित्तेण य ४ । चत्तारि पुरिसजाया प० तं० सीलसंपन्ने णाममेगे णो चरित्तसंपन्ने
 ४ । एए डक्कवीसं भंगा भाणियव्वा ॥ ३९८ ॥ चत्तारि फला प० तं० आमलगमहुरे
 सुदियामहुरे खीरमहुरे खंडमहुरे, एवामेव चत्तारि आयरिया प० तं० आमलगमहु-
 रफलसमाणे जाव खंडमहुरफलसमाणे ॥ ३९९ ॥ चत्तारि पुरिसजाया प० तं०
 आयवेयावच्चकरे णाममेगे णो परवेयावच्चकरे ४ । चत्तारि पुरिसजाया प० तं०

करेइ णाममेगे वेयावच्चं णो पडिच्छइ पडिच्छइ णाममेगे वेयावच्चं णो करेइ ४ ।
 ॥ ४०० ॥ चत्तारि पुरिसजाया प० तं० अठ्ठकरे णाममेगे णो माणकरे माणकरे
 णाममेगे णो अठ्ठकरे, एगे अठ्ठकरेवि माणकरेवि एगे णो अठ्ठकरे णो माणकरे,
 चत्तारि पुरिसजाया प० तं० गणठ्ठकरे णाममेगे णो माणकरे ४, च० पु० जा०
 प० तं० गणसंगहकरे णाममेगे णो माणकरे ४ । चत्तारि पुरिसजाया प० तं०
 गणसोभकरे णाममेगे णो माणकरे ४ । चत्तारि पुरिसजाया प० तं० गणसोहिकरे
 णाममेगे णो माणकरे ४ ॥ ४०१ ॥ चत्तारि पुरिसजाया प० तं० रुवं णाममेगे
 जहइ णो धम्मं धम्मं णाममेगे जहइ णो रुवं एगे रुवंपि जहइ धम्मंपि जहइ,
 एगे णो रुवं जहइ णो धम्मं, चत्तारि पुरिसजाया प० तं० धम्मं णाममेगे
 जहइ णो गणसंठिइ ४ । चत्तारि पुरिसजाया प० तं० पियधम्मं णाममेगे णो
 दढधम्मं दढधम्मं णाममेगे णो पियधम्मं, एगे पियधम्मंवि दढधम्मंवि एगे णो
 पियधम्मं णो दढधम्मं ॥ ४०२ ॥ चत्तारि आयरिया प० तं० पव्वावणायरिए
 णाममेगे णो उवठ्ठावणायरिए उवठ्ठावणायरिए णाममेगे णो पव्वावणायरिए, एगे
 पव्वावणायरिएवि उवठ्ठावणायरिएवि, एगे णो पव्वावणायरिए णो उवठ्ठावणाय-
 रिए, चत्तारि आयरिया प० तं० उद्देसणायरिए णाममेगे णो वायणायरिए ४
 धम्मायरिए सम्मत्तपओ णायव्वो ॥ ४०३ ॥ चत्तारि अंतेवासी प० तं० पव्वा-
 वणंतेवासी णाममेगे णो उवठ्ठावणंतेवासी ४ जाव धम्मंतेवासी, चत्तारि अंतेवासी
 प० तं० उद्देसणंतेवासी णाममेगे णो वायणंतेवासी ४ ॥ ४०४ ॥ चत्तारि णिग्गंथा
 प० तं० रायणिए समणे निग्गंथे महाकम्मं महाकिरिए अणायावी असमिए धम्मस्स
 अणाराहए भवइ, रायणिए समणे निग्गंथे अप्पकम्मं अप्पकिरिए आयावी समिए
 धम्मस्स आराहए भवइ, ओमराइणिए समणे णिग्गंथे महाकम्मं महाकिरिए अणा-
 यावी असमिए धम्मस्स अणाराहए भवइ, ओमराइणिए समणे णिग्गंथे अप्पकम्मं
 अप्पकिरिए आयावी समिए धम्मस्स आराहए भवइ, चत्तारि णिग्गंधीओ प० तं०
 राइणिया समणी णिग्गंधी ४ एवं चेव, चत्तारि समणोवासगा प० तं० रायणिए
 समणोवासए महाकम्मं ४ तहेव, चत्तारि समणोवासियाओ प० तं० रायणिया सम-
 णोवासिया महाकम्मा तहेव चत्तारि गमा ॥ ४०५ ॥ चत्तारि समणोवासगा प०
 तं० अम्मापिइसमाणे भाइसमाणे मित्तसमाणे सवत्तिसमाणे । चत्तारि समणोवा-
 सगा प० तं० अद्दागसमाणे पडागसमाणे खाणुसमाणे खरकंटकसमाणे ॥ ४०६ ॥
 समणस्स णं भगवओ महावीरस्स समणोवासगाणं सोहम्मं कप्पे अरुणाभे विमाणे
 चत्तारि पल्लिओवमाइं ठिइ प० ॥ ४०७ ॥ चउहिं ठाणेहिं अहुणोववन्ने देवे देवलोगेसु

इच्छेज्जा माणुसं लोगं हव्वमागच्छित्तए णो चेव णं संचाएइ हव्वमागच्छित्तए तं०
 अहुणोववन्ने देवे देवलोगेसु दिव्वेसु कामभोगेसु मुच्छिए गिद्धे गडिए अज्जोववन्ने
 से णं माणुस्सए कामभोगे णो आढाइ णो परियाणाइ णो अट्ठं वंधइ णो णियाणं
 पगरेइ, णो ठिइप्पगणं पगरेइ, अहुणोववन्ने देवे देवलोगेसु दिव्वेसु कामभोगेसु
 मुच्छिए ४ तस्स णं माणुस्सए पेमे वोच्छिण्णे दिव्वे पेमे संकंते भवइ, अहुणोववन्ने
 देवे देवलोएसु दिव्वेसु कामभोगेसु मुच्छिए ४ तस्स णं एवं भवइ, इयहिं गच्छं
 मुहुत्तेग गच्छं तेणं कालेणमप्पाउआ मणुस्सा कालधम्मणा संजुत्ता भवंति, अहुणोव-
 वन्ने देवे देवलोएसु दिव्वेसु कामभोगेसु मुच्छिए ४ तस्स णं माणुस्सए गंधे पडिक्खे
 पडिलोमे यावि भवइ, उट्ठं पिय णं माणुस्सए गंधे जाव चत्तारिपंचजोयणसयाइं
 हव्वमागच्छइ ४ इच्चेहिं चउहिं ठाणेहिं अहुणोववन्ने देवे देवलोएसु इच्छेज्जा
 माणुसं लोगं हव्वमागच्छित्तए णो चेव णं संचाएइ हव्वमागच्छित्तए ॥४०८॥ चउहिं
 ठाणेहिं अहुणोववन्ने देवे देवलोएसु इच्छेज्जा माणुसं लोगं हव्वमागच्छित्तए संचा-
 एइ हव्वमागच्छित्तए तं० अहुणोववन्ने देवे देवलोगेसु दिव्वेसु कामभोगेसु अमु-
 च्छिए जाव अणज्झोववन्ने तस्स णं एवं भवइ अत्थि खलु मम माणुस्सए भवे
 आयरिएइ वा उवज्झाएइ वा पवतीइ वा थेरेइ वा गणीइ वा गणहरेइ वा गणा-
 वच्छेएइ वा जेसिं पभावेण मए इमा एयारुवा दिव्वा देविद्धी दिव्वा देवजुइं लद्धा
 पत्ता अभिसमण्णागया तं गच्छामि णं ते भगवंते वंदामि जाव पज्जुवासामि, अहु-
 णोववन्ने देवे देवलोएसु जाव अणज्झोववन्ने तस्स णं एवं भवइ एस णं माणुस्सए
 भवे णाणीइ वा तवस्सीइ वा अइदुक्करदुक्करकारए तं गच्छामि णं भगवन्तं वंदामि
 जाव पज्जुवासामि, अहुणोववन्ने देवे जाव अणज्झोववन्ने तस्स णं एवं भवइ अत्थि णं
 मम माणुस्सए भवे मायाइ वा जाव सुण्हाइ वा तं गच्छामि णं तेसिमंतियं पाउब्भवामि
 पासंतु ता मे इममेयारुवं दिव्वं देविद्धिं दिव्वं देवजुइं लद्धं पत्तं अभिसमण्णागयं,
 अहुणोववन्ने देवे देवलोएसु जाव अणज्झोववन्ने तस्स णं एवं भवइ अत्थि णं मम
 माणुस्सए भवे मित्तेइ वा सुहीइ वा सहीइ वा सहाएइ वा संगइए वा तेसिं च णं
 अम्हे अण्णमण्णस्स संगारे पडिसुए भवइ, जो मे पुव्वि चयइ से संवोहियव्वे इच्चे-
 एहिं जाव संचाएइ हव्वमागच्छित्तए ॥ ४०९ ॥ चउहिं ठाणेहिं लोगंधगारे सिया
 तं० अरिहंतैहिं वोच्छिज्जमाणेहिं, अरिहंतपण्णत्ते धम्मे वोच्छिज्जमाणे पुव्वगए
 वोच्छिज्जमाणे जायतेए वोच्छिज्जमाणे, चउहिं ठाणेहिं लोउज्जोए सिया तं० अरिहंतैहिं
 जायमाणेहिं, अरिहंतैहिं पव्वयमाणेहिं, अरिहंताणं णाणुप्पायमहिमासु, अरिहंताणं
 परिनिव्वाणमहिमासु, एवं देवंधगारे देवुज्जोए देवसन्निवाए देवुकलिया देवकहकहए,

चउहिं ठाणेहिं देविंदा माणुसं लोगं हव्वमागच्छंति, एवं जहा तिठाणे जाव लोगं-
 तिया देवा माणुस्सं लोगं हव्वमागच्छेज्जा तं० अरिहंतेहिं जायमाणेहिं जाव अरिहं-
 ताणं परिनिव्वानमहिमासु ॥ ४१० ॥ चत्तारि दुहसेज्जाओ प० तं० तत्थ खलु
 इमा पढमा दुहसेज्जा से णं मुंडे भवित्ता अगाराओ अणगारियं पव्वइए निग्गंथे
 पावयणे संकिए कंखिए वित्तिगिच्छिए भेयसमावणे कलुससमावणे निग्गंथं पावयणं
 णो सद्हइ णो पत्तियइ णो रोएइ, निग्गंथं पावयणं असद्हमाणे अपत्तियमाणे अरोए-
 माणे मणं उच्चावयं नियच्छइ विणिघायमावज्जइ पढमा दुहसेज्जा, अहावरा दोच्चा
 दुहसेज्जा से णं मुंडे भवित्ता अगाराओ अणगारियं पव्वइए सएणं लाभेणं णो
 तुस्सइ परस्स लाभमासाएइ पीहेइ पत्थेइ अभिलसइ परस्स लाभमासाएमाणे
 जाव अभिलसमाणे मणं उच्चावयं नियच्छइ विणिघायमावज्जइ दोच्चा दुहसेज्जा,
 अहावरा तच्चा दुहसेज्जा, से णं मुंडे भवित्ता अगाराओ अणगारियं पव्वइए
 दिव्वे माणुस्सए कामभोगे आसाएइ जाव अभिलसइ दिव्वे माणुस्सए कामभोगे
 आसाएमाणे जाव अभिलसमाणे मणं उच्चावयं नियच्छइ, विणिघायमावज्जइ तच्चा
 दुहसेज्जा, अहावरा चउत्था दुहसेज्जा से णं मुंडे भवित्ता जाव पव्वइए तस्स
 णमेवं भवइ जया णं अहमगारवासमावसामि तया णमहं संवाहणपरिमद्वणगायब्भंग-
 गाउच्छोलणाइं लभामि जप्पभिइं च णं अहं मुंडे भवित्ता जाव पव्वइए तप्पभिइं-
 च णं अहं संवाहणं जाव गाउच्छोलणाइं णो लभामि से णं संवाहणं जाव गाउ-
 च्छोलणाइं आसाएइ जाव अभिलसइ से णं संवाहणं जाव गाउच्छोलणाइं आसाए-
 माणे जाव मणं उच्चावयं नियच्छइ विणिघायमावज्जइ चउत्था दुहसेज्जा ॥ ४११ ॥
 चत्तारि सुहसेज्जाओ प० तं० तत्थ खलु इमा पढमा सुहसेज्जा से णं मुंडे
 भवित्ता अगाराओ अणगारियं पव्वइए निग्गंथे पावयणे णिस्संकिए णिक्कंखिए,
 णिव्वित्तिगिच्छिए, णो भेयसमावणे णो कलुससमावणे निग्गंथं पावयणं सद्हइ
 पत्तियइ रोएइ निग्गंथं पावयणं सद्हमाणे पत्तियमाणे रोएमाणे णो मणं उच्चावयं
 नियच्छइ, णो विणिघायमावज्जइ पढमा सुहसेज्जा, अहावरा दोच्चा सुहसेज्जा से
 णं मुंडे भवित्ता जाव पव्वइए सएणं लाभेणं तुस्सइ, परस्स लाभं णो आसाएइ, णो
 पीहेइ, णो पत्थेइ, णो अभिलसइ, परस्स लाभमणासाएमाणे जाव अणभिलसमाणे
 णो मणं उच्चावयं नियच्छइ, णो विणिघायमावज्जइ, दोच्चा सुहसेज्जा, अहावरा
 तच्चा सुहसेज्जा, से णं मुंडे भवित्ता जाव पव्वइए दिव्वमाणुस्सए कामभोगे णो
 आसाएइ जाव णो अभिलसइ, दिव्वमाणुस्सए कामभोगे अणासाएमाणे जाव अण-
 भिलसमाणे णो मणं उच्चावयं नियच्छइ णो विणिघायमावज्जइ, तच्चा सुहसेज्जा,

अहावरा चउत्था सुहसेज्जा, से णं मुंडे भविता जाव पव्वइए तस्स णमेवं
भवइ जइ ताव अरिहंता भगवंता दृष्टा आरोग्गा वल्लिया कलसरीरा अजयराइं
ओरालाईं कल्लणाईं विउलाईं पयत्ताईं पग्गहियाईं महाणुभागाईं कम्मक्खयकारणाईं
तवोक्कम्माईं पडिवज्जंति किमंगपुण अहं अब्भोवगमिओवक्कमियं वेयणं णो सम्मं
सहामि खमामि तितिकखेमि अहियासेमि ममं च णं अब्भोवगमिओवक्कमियं सम्मम-
सहमाणस्स अखममाणस्स अतितिकखमाणस्स अणहियासेमाणस्स किमण्णे कज्जइ ?
एंगंतसो मे पावे कम्मे कज्जइ ममं च णं अब्भोवगमिओ जाव सम्मं सहमाणस्स
जाव अहियासेमाणस्स किमण्णे कज्जइ ? एंगंतसो मे णिज्जरा कज्जइ, चउत्था सुह-
सेज्जा ॥ ४१२ ॥ चत्तारि अवायणिज्जा प० तं० अविणीए, विगईपडिवद्धे,
अविओसवियपाहुडे, मायी, चत्तारि वायणिज्जा प० तं० विणीए, अविगईपडिवद्धे,
विओसवियपाहुडे, अमायी ॥ ४१३ ॥ चत्तारि पुरिसजाया प० तं० आर्यभरे
णाममेगे णो परंभरे, परंभरे णाममेगे णो आर्यभरे, एगे आर्यभरेवि परंभरेवि,
एगे णो आर्यभरे णो परंभरे ॥ ४१४ ॥ चत्तारि पुरिसजाया प० तं० दुग्गए णाम-
मेगे दुग्गए, दुग्गए णाममेगे सुग्गए, सुग्गए णाममेगे दुग्गए, सुग्गए णाममेगे
सुग्गए, चत्तारि पुरिसजाया प० तं० दुग्गए णाममेगे दुव्वए, दुग्गए णाममेगे
सुव्वए, सुग्गए णाममेगे दुव्वए, सुग्गए णाममेगे सुव्वए, चत्तारि पुरिसजाया प०
तं० दुग्गए णाममेगे दुप्पडियाणंदे, दुग्गए णाममेगे सुप्पडियाणंदे ४ । चत्तारि
पुरिसजाया प० तं० दुग्गए णाममेगे दुग्गइगामी, दुग्गए णाममेगे सुग्गइगामी ४ ।
चत्तारि पुरिसजाया प० तं० दुग्गए णाममेगे दुग्गइं गए, दुग्गए णाममेगे सुग्गइं गए
॥ ४१५ ॥ चत्तारि पुरिसजाया प० तं० तमे णाममेगे तमे, तमे णाममेगे जोई,
जोई णाममेगे तमे, जोई णाममेगे जोई, चत्तारि पुरिसजाया प० तं० तमे णाममेगे
तमवले, तमे णाममेगे जोईवले, जोई णाममेगे तमवले, जोई णाममेगे जोईवले, चत्तारि
पुरिसजाया प० तं० तमे णाममेगे तमवलपलज्जणे, तमे णाममेगे जोईवलपलज्जणे,
४ ॥ ४१६ ॥ चत्तारि पुरिसजाया प० तं० परिण्णायकम्मे णाममेगे णो परिण्णायसण्णे,
परिण्णायसण्णे णाममेगे णो परिण्णायकम्मे, एगे परिण्णायकम्मेवि परिण्णायसण्णेवि,
एगे णो परिण्णायकम्मे णो परिण्णायसण्णे, चत्तारि पुरिसजाया प० तं० परिण्णाय-
कम्मे णाममेगे णो परिण्णायगिहावासे, परिण्णायगिहावासे णाममेगे णो परिण्णाय-
कम्मे ४ । चत्तारि पुरिसजाया प० तं० परिण्णायसण्णे णाममेगे णो परिण्णाय-
गिहावासे परिण्णायगिहावासे णाममेगे णो परिण्णायसण्णे ४ ॥ ४१७ ॥ चत्तारि
पुरिसजाया प० तं० इहत्थे णाममेगे णो परत्थे, परत्थे णाममेगे णो इहत्थे ४ । चत्तारि

पुरिसजाया प० तं० एगेणं णाममेगे वड्डइ एगेणं हायइ, एगेणं णाममेगे वड्डइ दोहिं हायइ, दोहिं णाममेगे वड्डइ एगेण हायइ, दोहिं णाममेगे वड्डइ दोहिं हायइ ॥ ४१८ ॥ चत्तारि कंथका प० तं० आइन्ने णाममेगे आइन्ने, आइन्ने णाममेगे खलुंके, खलुंके णाममेगे आइन्ने, खलुंके णाममेगे खलुंके, एवामेव चत्तारि पुरिसजाया प० तं० आइन्ने णाममेगे आइन्ने, चउभंगो । चत्तारि कंथका प० तं० आइन्ने णाममेगे आइन्नेत्ताए विहरइ, आइन्ने णाममेगे खलुंक्ताए विहरइ ४ । एवामेव चत्तारि पुरिसजाया प० तं० आइन्ने णाममेगे आइन्नेत्ताए विहरइ, चउभंगो । चत्तारि पकंथका प० तं० जाइसंपन्ने णाममेगे णो कुलसंपन्ने ४ । एवामेव चत्तारि पुरिसजाया प० तं० जाइसंपन्ने णाममेगे चउभंगो । चत्तारि कंथगा प० तं० जाइसंपन्ने णाममेगे णो बलसंपन्ने ४ । एवामेव चत्तारि पुरिसजाया प० तं० जाइसंपन्ने णाममेगे नो बलसंपन्ने ४ । चत्तारि कंथगा प० तं० जाइसंपन्ने णाममेगे णो रुवसंपन्ने ४ । एवामेव चत्तारि पुरिसजाया प० तं० जाइसंपन्ने णाममेगे णो रुवसंपन्ने ४ । चत्तारि कंथगा प० तं० जाइसंपन्ने णाममेगे णो जयसंपन्ने ४ । एवामेव चत्तारि पुरिसजाया प० तं० जाइसंपन्ने ४ । एवं कुलसंपन्नेण य बलसंपन्नेण य ४ । कुलसंपन्नेण य रुवसंपन्नेण य ४ । कुलसंपन्नेण य जयसंपन्नेण य ४ । एवं बलसंपन्नेण य रुवसंपन्नेण य ४ । बलसंपन्नेण य जयसंपन्नेण य ४ । संवत्थ पुरिसजाया पडिक्खो, चत्तारि कंथगा प० तं० रुवसंपन्ने णाममेगे णो जयसंपन्ने ४ । एवामेव चत्तारि पुरिस० ॥ ४१९ ॥ चत्तारि पुरिसजाया प० तं० सीहत्ताए णाममेगे णिक्खंते सीहत्ताए विहरइ, सीहत्ताए णाममेगे णिक्खंते सियालत्ताए विहरइ, सियालत्ताए णाममेगे णिक्खंते सीहत्ताए विहरइ, सियालत्ताए णाममेगे णिक्खंते सियालत्ताए विहरइ ॥ ४२० ॥ चत्तारि लोणे समा प० तं० अपइट्ठाणे णरए, जंबुदीवे दीवे, पालए जाणाविमाणे, संवत्थसिद्धे महाविमाणे, चत्तारि लोणे समा, सपक्खि सपडिदिसिं प० तं० सीमंतए णरए समयक्खेत्ते उड्डविमाणे ईसिंपब्भारा पुढवी ॥ ४२१ ॥ उड्डलोए णं चत्तारि विसरीरा प० तं० पुढविकाइया आउवणस्सइका० उराला तसा पाणा, अहे लोणे णं चत्तारि विसरीरा प० तं० एवं चेव, एवं तिरियलोएवि ४ ॥ ४२२ ॥ चत्तारि पुरिसजाया प० तं० हिरिसत्ते हिरिमणसत्ते चलसत्ते थिरसत्ते ॥ ४२३ ॥ चत्तारि सेज्जपडिमाओ प० चत्तारि वत्थपडिमाओ प० चत्तारि पायपडिमाओ प० चत्तारि ठाणपडिमाओ प० ॥ ४२४ ॥ चत्तारि सरीरगा जीवफुडा प० तं० वेउव्विए आहारगे तेयए कम्मए; चत्तारि सरीरगा कम्मुम्मीसगा प० तं० ओरालिए वेउव्विए आहारए तेयए ॥ ४२५ ॥ चउहिं अत्थिकाएहिं लोणे फुडे प० तं० धम्म-

गइया दुन्नाणी अत्थेगइया एगणाणी जे दुन्नाणी ते आभिणिवोहियनाणी सुयनाणी,
जे एगनाणी ते केवलनाणी, जे अन्नाणी ते नियमा दुअन्नाणी, तंजहा-मइअन्नाणी य
सुयअन्नाणी य, चर्क्खिदियघाणिंदियलद्धियाणं अलद्धियाण य जहेव सोइंदिय-
लद्धिया अलद्धिया य, जिर्विभंदियलद्धियाणं चत्तारि णाणाइं तिन्नि य अन्नाणाणि भय-
णाए, तस्स अलद्धियाणं पुच्छा, गोयमा ! नाणीवि अन्नाणीवि, जे नाणी ते नियमा
एगनाणी केवलनाणी, जे अन्नाणी ते नियमा दुअन्नाणी, तंजहा-मइअन्नाणी य
सुयअन्नाणी य, फासिंदियलद्धियाणं अलद्धियाणं जहा इंदियलद्धिया य अलद्धिया
य ॥ ३१९ ॥ सागारोवउत्ता णं भंते ! जीवा किं नाणी अन्नाणी ? पंच नाणाइं
तिन्नि अन्नाणाइं भयणाए ॥ आभिणिवोहियनाणसागारोवउत्ता णं भंते ! चत्तारि
णाणाइं भयणाए । एवं सुयनाणसागारोवउत्तावि । ओहिनाणसागारोवउत्ता जहा
ओहिनाणलद्धिया, मणपज्जवनाणसागारोवउत्ता जहा मणपज्जवनाणलद्धिया, केवल-
नाणसागारोवउत्ता जहा केवलनाणलद्धिया, मइअन्नाणसागारोवउत्ताणं तिन्नि अन्ना-
णाइं भयणाए, एवं सुयअन्नाणसागारोवउत्तावि, विभंगनाणसागारोवउत्ताणं तिन्नि
अन्नाणाइं नियमा ॥ अणागारोवउत्ता णं भंते ! जीवा किं नाणी अन्नाणी ? पंच
नाणाइं तिन्नि अन्नाणाइं भयणाए । एवं चक्खुदंसणअचक्खुदंसणअणागारोवउत्तावि,
नवरं चत्तारि णाणाइं तिन्नि अन्नाणाइं भयणाए, ओहिदंसणअणागारोवउत्ताणं
पुच्छा, गोयमा ! नाणीवि अन्नाणीवि, जे नाणी ते अत्थेगइया तिन्नाणी अत्थेगइया
चउनाणी, जे तिन्नाणी ते आभिणिवोहियनाणी सुयनाणी ओहिनाणी, जे चउणाणी
ते आभिणिवोहियनाणी जाव मणपज्जवनाणी, जे अन्नाणी ते नियमा तिअन्नाणी,
तंजहा-मइअन्नाणी सुयअन्नाणी विभंगनाणी, केवलदंसणअणागारोवउत्ता जहा केवल-
नाणलद्धिया ॥ सजोगी णं भंते ! जीवा किं नाणी० ? जहा सकाइया, एवं मणजोगी
वइजोगी कायजोगीवि, अजोगी जहा सिद्धा ॥ सलेस्सा णं भंते ! जीवा किं नाणी० ?
जहा सकाइया, कण्हलेस्सा णं भंते ! जहा सकाइया सइंदिया, एवं जाव पम्हलेसा, सुक-
लेस्सा जहा सलेस्सा, अलेस्सा जहा सिद्धा ॥ सकसाई णं भंते ! जहा सइंदिया, एवं
जाव लोहकसाई, अकसाई णं भंते ! ० ? पंच नाणाइं भयणाए ॥ सवेयगा णं
भंते ! जहा सइंदिया, एवं इत्थिवेयगावि, एवं पुरिसवेयगावि, एवं नपुंसगवे०, अवेयगा
जहा अकसाई ॥ आहारगा णं भंते ! जीवा० ? जहा सकसाई नवरं केवल-
नाणंपि, अणाहारगा णं भंते ! जीवा किं नाणी अन्नाणी ? मणपज्जवनाणवज्जाइं
नाणाइं अन्नाणाणि य तिन्नि भयणाए ॥ ३२० ॥ आभिणिवोहियनाणस्स णं भंते !
केवइए विसए पन्नते ? गोयमा ! से समासओ चट्ठविहे प०, तंजहा-द्व्वओ खेत्तओ

अज्ञाणी, पंच नाणाई भयणाए जहा अज्ञाणस्स लद्धिया अलद्धिया य भणिया एवं मइअज्ञाणस्स सुयअज्ञाणस्स य लद्धिया अलद्धिया य भाणियव्वा । विभंगनाण-
लद्धियाणं तिन्नि अज्ञाणाई नियमा, तस्स अलद्धियाणं पंच नाणाई भयणाए दो
अज्ञाणाई नियमा ॥ दंसणलद्धिया णं भंते ! जीवा किं नाणी अज्ञाणी ?, गोयमा !
नाणीवि अज्ञाणीवि, पंच नाणाई तिन्नि अज्ञाणाई भयणाए, तस्स अलद्धिया णं भंते !
जीवा किं नाणी अज्ञाणी ?, गोयमा ! तस्स अलद्धिया नत्थि । सम्मइसणलद्धियाणं पंच
नाणाई भयणाए, तस्स अलद्धियाणं तिन्नि अज्ञाणाई भयणाए, मिच्छादंसणलद्धिया
णं भंते ! पुच्छा, णो नाणी अण्णाणी, तिन्नि अज्ञाणाई भयणाए, तस्स अलद्धियाणं
पंच नाणाई तिन्नि य अज्ञाणाई भयणाए, सम्मामिच्छादंसणलद्धिया अलद्धिया य
जहा मिच्छादंसणलद्धिया अलद्धिया तहेव भाणियव्वा ॥ चरित्तलद्धिया णं भंते ! जीवा
किं नाणी अज्ञाणी ?, गोयमा ! नाणी नो अण्णाणी पंच नाणाई भयणाए, तस्स अल-
द्धियाणं मणपज्जवणाणवज्जाई चत्तारि नाणाई तिन्नि य अज्ञाणाई भयणाए, सामाइय-
चरित्तलद्धिया णं भंते ! जीवा किं नाणी अज्ञाणी ?, गोयमा ! नाणी० केवलवज्जाई
चत्तारि नाणाई भयणाए, तस्स अलद्धियाणं पंच नाणाई तिन्नि य अज्ञाणाई भयणाए, एवं
जहा सामाइयचरित्तलद्धिया अलद्धिया य भणिया एवं जाव अहक्खायचरित्तलद्धिया
अलद्धिया य भाणियव्वा, नवरं अहक्खायचरित्तलद्धियाणं पंच नाणाई म०, चरित्ता-
चरित्तलद्धिया णं भंते ! जीवा किं नाणी अज्ञाणी ?, गोयमा ! नाणी नो अज्ञाणी,
अत्थेगइया दुण्णाणी अत्थेगइया तिन्नाणी, जे दुन्नाणी ते आभिणिन्नोहियनाणी य
सुयनाणी य, जे तिन्नाणी ते आभि० सुयनाणी ओहिनाणी, तस्स अलद्धियाणं पंच
नाणाई तिन्नि अज्ञाणाई भयणाए ४ ॥ दाणलद्धियाणं पंच नाणाई तिन्नि अज्ञाणाई
भयणाए, तस्स अ० पुच्छा, गोयमा ! नाणी नो अज्ञाणी, नियमा एगनाणी केवल-
नाणी । एवं जाव वीरियलद्धिया अलद्धिया य भाणियव्वा ॥ वालवीरियलद्धियाणं
तिन्नि नाणाई तिन्नि अज्ञाणाई भयणाए, तस्स अलद्धियाणं पंच नाणाई भयणाए ।
पंडियवीरियलद्धियाणं पंच नाणाई भयणाए, तस्स अलद्धियाणं मणपज्जवणाणव-
ज्जाई नाणाई अज्ञाणाणि तिन्नि य भयणाए । वालपंडियवीरियलद्धिया णं भंते !
जीवा० तिन्नि नाणाई भयणाए, तस्स अलद्धियाणं पंच नाणाई तिन्नि अज्ञाणाई
भयणाए ॥ इंदियलद्धिया णं भंते ! जीवा किं नाणी अज्ञाणी ?, गोयमा ! चत्तारि
णाणाई तिन्नि य अज्ञाणाई भयणाए, तस्स अलद्धियाणं पुच्छा, गोयमा ! नाणी
नो अज्ञाणी नियमा एगनाणी केवलनाणी, सोइंदियलद्धियाणं जहा इंदियलद्धिया,
तस्स अलद्धियाणं पुच्छा, गोयमा ! नाणीवि अज्ञाणीवि, जे नाणी ते अत्थे-

सुयनाणपज्जवा प० ? एवं चेव एवं जाव केवलनाणस्स । एवं मइअन्नाणस्स सुय-
अन्नाणस्स, केवइया णं भंते ! विभंगनाणपज्जवा प० ? गोयमा ! अणंता विभंग-
न्नाणपज्जवा प०, एएसि णं भंते ! आभिणिवोहियनाणपज्जवाणं सुयनाण० ओहि-
नाण० मणपज्जवनाण० केवलनाणपज्जवाण य कयरे २ जाव विसेसाहिया वा ?
गोयमा ! सव्वत्थोवा मणपज्जवनाणपज्जवा ओहिनाणपज्जवा अणंतगुणा सुयनाणप-
ज्जवा अणंतगुणा आभिणिवोहियनाणपज्जवा अणंतगुणा केवलनाणपज्जवा अणंत-
गुणा ॥ एएसि णं भंते ! मइअन्नाणपज्जवाणं सुयअन्नाण० विभंगनाणपज्जवाण य कयरे
२ जाव विसेसाहिया वा ? गोयमा ! सव्वत्थोवा विभंगनाणपज्जवा सुयअन्नाणपज्जवा
अणंतगुणा मइअन्नाणपज्जवा अणंतगुणा ॥ एएसि णं भंते ! आभिणिवोहि-
यणाणपज्जवाणं जाव केवलनाणप० मइअन्नाणप० सुयअन्नाणप० विभंगनाणप०
कयरे २ जाव विसेसाहिया वा ? गोयमा ! सव्वत्थोवा मणपज्जवनाणपज्जवा विभंग-
नाणपज्जवा अणंतगुणा ओहिनाणपज्जवा अणंतगुणा सुयअन्नाणपज्जवा अणंतगुणा
सुयनाणपज्जवा विसेसाहिया मइअन्नाणपज्जवा अणंतगुणा आभिणिवोहियनाणपज्जवा
विसेसाहिया केवलनाणपज्जवा अणंतगुणा । सेवं भंते ! सेवं भंते ! त्ति ॥ ३२२ ॥
अट्टमस्स सयस्स विइओ उडेसो समत्तो ॥

कइविहा णं भंते ! क्वंखा पन्नत्ता ? गोयमा ! तिविहा क्वंखा प०, तंजहा-
संखेज्जजीविया असंखेज्जजीविया अणंतजीविया । से किं तं संखेज्जजीविया ? संखेज्ज०
अणेगविहा प०, तंजहा-ताले तमाले तक्कलि तेतलि जहा पन्नवणाए जाव नालि-
एरी, जे यावन्ने तहप्पगारा, सेत्तं संखेज्जजीविया । से किं तं असंखेज्जजीविया ?
असंखेज्जजीविया दुविहा प०, तंजहा-एगट्ठिया य बहुवीयगा य । से किं तं एग-
ट्ठिया ? २ अणेगविहा प०, तंजहा-निवंबजंबू० एवं जहा पन्नवणाए जाव फला
बहुवीयगा, सेत्तं बहुवीयगा, सेत्तं असंखेज्जजीविया । से किं तं अणंतजीविया ?
अणंतजीविया अणेगविहा प०, तंजहा-आल्लए मूल्लए सिंगवेरे, एवं जहा सत्तमसंए
जाव सीउण्हे सिउंढी मुसुंढी, जे यावन्ने त०, सेत्तं अणंतजीविया ॥ ३२३ ॥ अह
भंते ! कुम्मे कुम्मावलिया गोहे गोहावलिया गोणे गोणावलिया मणुस्से मणुस्सा-
वलिया महिसे महिसावलिया एएसि णं दुहा वा तिहा वा संखेज्जहा वा छिन्नाणं जे
अंतरा तेवि णं तेहिं जीवपएसेहिं फुडा ? हंता ! फुडा । पुरिसे णं भंते ! (जं अंतरे)
ते अंतरे हत्थेण वा पाएण वा अंगुलियाए वा सलागाए वा कट्ठेण वा कल्लिचेण
वा आमुसमाणे वा संमुसमाणे वा आलिहमाणे वा विलिहमाणे वा अन्नयरेण वा
तिक्खेण सत्थजाएणं आच्छिंदमाणे वा विच्छिंदमाणे वा अगणिकाएणं वा समोउ-

हमाणे तेरि जीवपएसाणं किंचि आवाहं वा विवाहं वा उप्पायइ छविच्छेदं वा करेइ ? णो तिण्ठे समट्ठे, नो खलु तत्थ सत्थं संकमइ ॥ ३२४ ॥ कइ णं भंते ! पुढवीओ पण्णात्ताओ ? गोयमा ! अट्ठ पुढवीओ पनत्ताओ, तंजहा-रवणप्पभा जाव अहे सत्तमा पुढविईसिपव्वभारा । इमा णं भंते ! रयणप्पभापुढवी किं चरिमा अचरिमा ? चरिमपयं निरवसेसं भाणियव्वं जाव वेमाणिया णं भंते ! फासचरिमेणं किं चरिमा अचरिमा ? गोयमा ! चरिमावि अचरिमावि । सेवं भंते ! २ ति भगवं गो० ॥ ३२५ ॥ अट्ठमसए तइओ उद्देसो समत्तो ॥

रायणिहे जाव एवं वयासी-कइ णं भंते ! किरियाओ पनत्ताओ ? गोयमा ! पंव किरियाओ पनत्ताओ, तंजहा-काइया अहिगरणिया, एवं किरियापयं निरवसेसं भाणियव्वं जाव मायावत्तियाओ किरियाओ विसेसाहियाओ, सेवं भंते ! सेवं भंते ! ति भगवं गोयमे० ॥ ३२६ ॥ अट्ठमसए चउत्थो उद्देसो समत्तो ॥

रायणिहे जाव एवं वयासी-आजीविया णं भंते ! थेरे भगवंते एवं वयासी-समणोवासगस्स णं भंते ! सामाइयकडस्स समणोवस्सए अच्छमाणस्स केइ भंडं अवहरेज्जा से णं भंते ! तं भंडं अणुगवेसमाणे किं सयं भंडं अणुगवेसइ परायगं भंडं अणुगवेसइ ? गोयमा ! सयं भंडं अणुगवेसइ, नो परायगं भंडं अणुगवेसइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं से भंडं अभंडं भवइ ? हंता ! भवइ ॥ से केणं खाइ णं अट्ठेणं भंते ! एवं वुच्चइ सयं भंडं अणुगवेसइ नो परायगं भंडं अणुगवेसइ ? गोयमा ! तस्स णं एवं भवइ-णो मे द्वित्ते मे सुवन्ने नो मे कंते नो मे दूसे नो मे विउलधणकणगरयणमणिमोत्तियसंल-सिलप्पवालत्तरयणमाइए संतसारसावएजे, ममत्तभावे पुण से अपरिण्णाए भवइ, से तेणट्ठेणं गोयमा ! एवं वुच्चइ-सयं भंडं अणुगवेसइ नो परायगं भंडं अणुगवेसइ ॥ समणोवासगस्स णं भंते ! सामाइयकडस्स समणोवस्सए अच्छमाणस्स केइ जायं चरेज्जा से णं भंते ! किं जायं चरइ अजायं चरइ ? गोयमा ! जायं चरइ नो अजायं चरइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं सा जाया अजाया भवइ ? हंता ! भवइ, से केणं खाइ णं अट्ठेणं भंते ! एवं वुच्चइ जायं चरइ नो अजायं चरइ ? गोयमा ! तस्स णं एवं भवइ-णो मे माया णो मे पिया णो मे माया णो मे भगिणी णो मे भज्जा णो मे पुत्ता णो मे भूया नो मे सुण्हा, पेजवंधणे पुण से अवोच्छिन्ने भवइ, से तेणट्ठेणं गोयमा ! जाव नो अजायं चरइ ॥ ३२७ ॥ समणोवासगस्स णं भंते ! पुव्वामेव थूलए पाणाइवाए अपचक्खाए भवइ से णं भंते ! पच्छा पच्चाइक्खमाणे किं करेइ ? गोयमा ! तीयं पडिक्क

मइ पडुप्पन्नं संवरेइ अणागयं पच्चक्खाइ ॥ तीर्थं पडिक्कममाणे किं तिविहं तिविहेणं
 पडिक्कमइ १ तिविहं दुविहेणं पडिक्कमइ २ तिविहं एगविहेणं पडिक्कमइ ३ दुविहं
 तिविहेणं पडिक्कमइ ४ दुविहं दुविहेणं पडिक्कमइ ५ दुविहं एगविहेणं पडिक्कमइ ६
 एकविहं तिविहेणं पडिक्कमइ ७ एकविहं दुविहेणं पडिक्कमइ ८ एकविहं एगविहेणं
 पडिक्कमइ ९ ? गोयमां ! तिविहं तिविहेणं पडिक्कमइ तिविहं दुविहेणं वा पडिक्कमइ
 तं चेव जाव एकविहं वा एकविहेणं पडिक्कमइ, तिविहं तिविहेणं पडिक्कममाणे
 न करेइ न कारवेइ करेतं नाणुजाणइ मणसा वयसा कायसा १, तिविहं दुविहेणं
 पडि० न क० न का० करेतं नाणुजाणइ मणसा वयसा २, अहवा न करेइ न
 का० करेतं नाणुजाणइ मणसा कायसा ३, अहवा न करेइ ३ वयसा कायसा ४,
 तिविहं एगविहेणं पडि० न करेइ ३ मणसा ५, अहवा न करेइ ३ वयसा ६,
 अहवा न करेइ ३ कायसा ७, दुविहं ति० प० न करेइ न का० मणसा वयसा
 कायसा ८, अहवा न करेइ करेतं नाणुजाणइ मणसा वयसा कायसा ९, अहवा न
 कारवेइ करेतं नाणुजाणइ मणसा वयसा कायसा १०, दु० दु० प० न क० न का०
 म० व० ११, अहवा न क० न का० म० कायसा १२, अहवा न क० न का०
 वयसा कायसा १३, अहवा न करेइ करेतं नाणुजाणइ मणसा वयसा १४, अहवा
 न करेइ करेतं नाणुजाणइ मणसा कायसा १५, अहवा न करेइ करेतं नाणुजाणइ
 वयसा कायसा १६, अहवा न कारवेइ करेतं नाणुजाणइ मणसा वयसा १७,
 अहवा न कारवेइ करेतं नाणुजाणइ मणसा कायसा १८, अहवा न कारवेइ करेतं
 नाणुजाणइ वयसा कायसा १९, दुविहं एकविहेणं पडिक्कममाणे न करेइ न कारवेइ
 मणसा २०, अहवा न करेइ न कारवेइ वयसा २१, अहवा न करेइ न कारवेइ
 कायसा २२, अहवा न करेइ करेतं नाणुजाणइ मणसा २३, अहवा न करेइ करेतं
 नाणुजाणइ वयसा २४, अहवा न करेइ करेतं नाणुजाणइ कायसा २५, अहवा न
 कारवेइ करेतं नाणुजाणइ मणसा २६, अहवा न कारवेइ करेतं नाणुजाणइ वयसा
 २७, अहवा न कारवेइ करेतं नाणुजाणइ कायसा २८, एगविहं तिविहेणं पडि०
 न करेइ मणसा वयसा कायसा २९, अहवा न कारवेइ मणसा वयसा कायसा ३०,
 अहवा करेतं नाणुजाणइ मणसा ३१, ३१, एकविहं दुविहेणं पडिक्कममाणे न करेइ
 मणसा वयसा ३२, अहवा न करेइ मणसा कायसा ३३, अहवा न करेइ वयसा
 कायसा ३४, अहवा न कारवेइ मणसा वयसा ३५, अहवा न कारवेइ मणसा
 कायसा ३६, अहवा न कारवेइ वयसा कायसा ३७, अहवा करेतं नाणुजाणइ मणसा
 वयसा ३८, अहवा करेतं नाणुजाणइ मणसा कायसा ३९, अहवा करेतं नाणुजाणइ

हमाणे तेसिं जीवपएसणं किंचि आवाहं वा विवाहं वा उप्पायइ छविच्छेदं वा करेइ ? णो तिण्ठे समट्ठे, नो खलु तत्थ सत्थं संक्रमइ ॥ ३२४ ॥ कइ णं भंते ! पुढवीओ पण्णत्ताओ ? गोयमा ! अट्ठ पुढवीओ पन्नत्ताओ, तंजहा-रयणप्पभा जाव अहे सत्तमा पुढविईसिपवभारा । इमा णं भंते ! रयणप्पभापुढवी किं चरिमा अचरिमा ? चरिमपयं निरवसेसं भाणियव्वं जाव वेमाणिया णं भंते ! फासचरिमेणं किं चरिमा अचरिमा ? गोयमा ! चरिमावि अचरिमावि । सेवं भंते ! २ ति भगवं गो० ॥ ३२५ ॥ अट्ठमसए तइओ उद्देसो समत्तो ॥

रायगिहे जाव एवं वयासी-कइ णं भंते ! किरियाओ पन्नत्ताओ ? गोयमा ! पंच किरियाओ पन्नत्ताओ, तंजहा-काइया अहिगरणिया, एवं किरियापयं निरवसेसं भाणियव्वं जाव मायावत्तियाओ किरियाओ विसेसाहियाओ, सेवं भंते ! सेवं भंते ! ति भगवं गोयमे० ॥ ३२६ ॥ अट्ठमसए चउत्थो उद्देसो समत्तो ॥

रायगिहे जाव एवं वयासी-आजीविया णं भंते ! थेरे भगवंते एवं वयासी-समणोवासगस्स णं भंते ! सामाइयकडस्स समणोवस्सए अच्छमाणस्स केइ भंडं अवहरेज्जा से णं भंते ! तं भंडं अणुगवेसमाणे किं सयं भंडं अणुगवेसइ परायणं भंडं अणुगवेसइ ? गोयमा ! सयं भंडं अणुगवेसइ नो परायणं भंडं अणुगवेसइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं से भंडे अभंडे भवइ ? हंता ! भवइ ॥ से केणं खाइ णं अट्ठेणं भंते ! एवं वुच्चइ सयं भंडं अणुगवेसइ नो परायणं भंडं अणुगवेसइ ? गोयमा ! तस्स णं एवं भवइ-णो मे हिरन्ने नो मे सुवन्ने नो मे कंसे नो मे दूसे नो मे विउलधणकणगरयणमणिमोत्तियसंख-सिलप्पवालरत्तरयणमाइए संतसारसावएजे, ममत्तभावे पुण से अपरिण्णाए भवइ, से तेणट्ठेणं गोयमा ! एवं वुच्चइ-सयं भंडं अणुगवेसइ नो परायणं भंडं अणुगवेसइ ॥ समणोवासगस्स णं भंते ! सामाइयकडस्स समणोवस्सए अच्छमाणस्स केइ जायं चरेज्जा से णं भंते ! किं जायं चरइ अजायं चरइ ? गोयमा ! जायं चरइ नो अजायं चरइ, तस्स णं भंते ! तेहिं सीलव्वयगुणवेरमणपच्चक्खाणपोसहोववासेहिं सा जाया अजाया भवइ ? हंता ! भवइ, से केणं खाइ णं अट्ठेणं भंते ! एवं वुच्चइ-जायं चरइ नो अजायं चरइ ? गोयमा ! तस्स णं एवं भवइ-णो मे माया णो मे पिया णो मे भाया णो मे भगिणी णो मे भज्जा णो मे पुत्ता णो मे धूया नो मे सुण्हा, पेज्जवंधणे पुण से अवोच्छिन्ने भवइ, से तेणट्ठेणं गोयमा ! जाव नो अजायं चरइ ॥ ३२७ ॥ समणोवासगस्स णं भंते ! पुव्वामेव थूलए पाणाइवाए अपच्च-प्पाए भवइ से णं भंते ! पच्छा पच्चाइक्खमाणे किं करेइ ? गोयमा ! तीयं पडिक्क-

मइ पडुप्पन्नं संवरेइ अणागयं पच्चक्खाइ ॥ तीर्यं पडिक्कममाणे किं तिविहं तिविहेणं
 पडिक्कमइ १ तिविहं दुविहेणं पडिक्कमइ २ तिविहं एगविहेणं पडिक्कमइ ३ दुविहं
 तिविहेणं पडिक्कमइ ४ दुविहं दुविहेणं पडिक्कमइ ५ दुविहं एगविहेणं पडिक्कमइ ६
 एकविहं तिविहेणं पडिक्कमइ ७ एकविहं दुविहेणं पडिक्कमइ ८ एकविहं एगविहेणं
 पडिक्कमइ ९ ? गोयमां ! तिविहं तिविहेणं पडिक्कमइ तिविहं दुविहेणं वा पडिक्कमइ
 तं चेव जाव एकविहं वा एकविहेणं पडिक्कमइ, तिविहं तिविहेणं पडिक्कममाणे
 न करेइ न कारवेइ करेतं नाणुजाणइ मणसा वयसा कायसा १, तिविहं दुविहेणं
 पडि० न क० न का० करेतं नाणुजाणइ मणसा वयसा २, अहवा न करेइ न
 का० करेतं नाणुजाणइ मणसा कायसा ३, अहवा न करेइ ३ वयसा कायसा ४,
 तिविहं एगविहेणं पडि० न करेइ ३ मणसा ५, अहवा न करेइ ३ वयसा ६,
 अहवा न करेइ ३ कायसा ७, दुविहं ति० प० न करेइ न का० मणसा वयसा
 कायसा ८, अहवा न करेइ करेतं नाणुजाणइ मणसा वयसा कायसा ९, अहवा न
 कारवेइ करेतं नाणुजाणइ मणसा वयसा कायसा १०, दु० दु० प० न क० न का०
 म० व० ११, अहवा न क० न का० म० कायसा १२, अहवा न क० न का०
 वयसा कायसा १३, अहवा न करेइ करेतं नाणुजाणइ मणसा वयसा १४, अहवा
 न करेइ करेतं नाणुजाणइ मणसा कायसा १५, अहवा न करेइ करेतं नाणुजाणइ
 वयसा कायसा १६, अहवा न कारवेइ करेतं नाणुजाणइ मणसा वयसा १७,
 अहवा न कारवेइ करेतं नाणुजाणइ मणसा कायसा १८, अहवा न कारवेइ करेतं
 नाणुजाणइ वयसा कायसा १९, दुविहं एकविहेणं पडिक्कममाणे न करेइ न कारवेइ
 मणसा २०, अहवा न करेइ न कारवेइ वयसा २१, अहवा न करेइ न कारवेइ
 कायसा २२, अहवा न करेइ करेतं नाणुजाणइ मणसा २३, अहवा न करेइ करेतं
 नाणुजाणइ वयसा २४, अहवा न करेइ करेतं नाणुजाणइ कायसा २५, अहवा न
 कारवेइ करेतं नाणुजाणइ मणसा २६, अहवा न कारवेइ करेतं नाणुजाणइ वयसा
 २७, अहवा न कारवेइ करेतं नाणुजाणइ कायसा २८, एगविहं तिविहेणं पडि०
 न करेइ मणसा वयसा कायसा २९, अहवा न कारवेइ मणसा वयसा कायसा ३०,
 अहवा करेतं नाणुजाणइ मणसा ३१, ३१, एकविहं दुविहेणं पडिक्कममाणे न करेइ
 मणसा वयसा ३२, अहवा न करेइ मणसा कायसा ३३, अहवा न करेइ वयसा
 कायसा ३४, अहवा न कारवेइ मणसा वयसा ३५, अहवा न कारवेइ मणसा
 कायसा ३६, अहवा न कारवेइ वयसा कायसा ३७, अहवा करेतं नाणुजाणइ मणसा
 वयसा ३८, अहवा करेतं नाणुजाणइ मणसा कायसा ३९, अहवा करेतं नाणुजाणइ

वयसा कायसा ४०, एकविहं एगविहेणं पडिक्कममाणे न करेइ मणसा ४१, अहवा न करेइ वयसा ४२, अहवा न करेइ कायसा ४३, अहवा न कारवेइ मणसा ४४, अहवा न कारवेइ वयसा ४५, अहवा न कारवेइ कायसा ४६, अहवा करेतं नाणु-
जाणइ मणसा ४७, अहवा करेतं नाणुजाणइ वयसा ४८, अहवा करेतं नाणुजाणइ कायसा ४९ । पडुप्पन्नं संवरेमाणे किं तिविहं तिविहेणं संवरेइ ? एवं जहा पडि-
क्कममाणेणं एगूणपन्नं भंगा भाणिया एवं संवरमाणेणवि एगूणपन्नं भंगा भाणियव्वा ।
अणागयं पच्चक्खमाणे किं तिविहं तिविहेणं पच्चक्खाइ ? एवं ते चेव भंगा एगूण-
पण्णं भाणियव्वा जाव अहवा करेतं नाणुजाणइ कायसा ॥ समणोवासगस्स णं
भंते ! पुव्वामेव थूलए मुसावाए अपच्चक्खाए भवइ से णं भंते ! पच्छा पच्चाइक्ख-
माणे एवं जहा पाणाइवायस्स सीयालं भंगसयं भाणियं तहा मुसावायस्सवि भाणि-
यव्वं । एवं अदिन्नादाणस्सवि, एवं थूलगस्स मेहुणस्सवि थूलगस्स परिग्गहस्सवि
जाव अहवा करेतं नाणुजाणइ कायसा ॥ एए खलु एरिसगा समणोवासगा भवंति,
नो खलु एरिसगा आजीवियोवासगा भवंति ॥ ३२८ ॥ आजीवियसमयस्स णं
अयमट्ठे पण्णत्ते अक्खीणपडिभोइणो सव्वे सत्ता से हंता छेत्ता भेत्ता लुंपित्ता विहुं-
पित्ता उह्वइत्ता आहारमाहारंति, तत्थ खलु इमे दुवालस आजीवियोवासगा भवंति,
तंजहा-ताले, १ तालपलंवे, २ उव्विहे, ३ संविहे, ४ अवविहे, ५ उदए,
६ नामुदए, ७ णमुदए, ८ अणुवालए, ९ संखवालए, १० अयंपुळे, ११ कायरिए,
१२, इच्चेए दुवालस आजीवियोवासगा अरिहंतदेवयागा अम्मापिउसुस्सूसागा पंचफल-
पडिक्कंता तंजहा उंवरेहिं, वडेहिं, वोरेहिं, सतरेहिं, पिलंखहिं, पलंडुल्हस(सु)णकंद-
मूलविवज्जगा अणिल्लंछिएहिं अणक्कभिन्नेहिं गोणेहिं तसपाणविवज्जिएहिं च्चि(वि)त्तेहिं
वित्तिं कप्पेमाणा विहरंति एएवि ताव एवं इच्छंति, किंसंग पुण जे इमे समणोवासगा
भवन्ति जेसिं नो कप्पंति इमाइं पन्नरस कम्मादाणाइं सयं करेतए वा कारवेत्तए वा
करेतं वा अन्नं समणुजाणेत्तए तंजहा-इंगालकम्मे, वणकम्मे, साडीकम्मे, भाडीकम्मे,
फोडीकम्मे, दंतवाणिज्जे, लक्खवाणिज्जे, केसवाणिज्जे, रसवाणिज्जे, विसवाणिज्जे,
जंतपीलणकम्मे, निल्लंछणकम्मे, दवग्गिदावणया, सरदहतलायपरिसोसणया, असई-
पोसणया, इच्चेए समणोवासगा सुक्का सुक्काभिजाइया भविया भवित्ता कालमासे कालं
किच्चा अन्नयरेखु देवलोएसु देवत्ताए उववत्तारो भवंति ॥ ३२९ ॥ कइविहा णं
भंते ! [देवा] देवलोगा पण्णत्ता ? गोयमा ! चउव्विहा देवलोगा प०, तंजहा-
भवणवासिवाणमंतरजोइसवेमाणिया, सेवं भंते ! २ त्ति ॥ ३३० ॥ अट्ठमसयस्स
पंचमो ज्जेम्मो मग्गो ॥

समणोवासगस्स णं भंते ! तहारुवं समणं वा माहणं वा फासुएसणिज्जेणं अस-
 णपाणखाइमसाइमेणं पडिलाभेमाणस्स किं कज्जइ ? गोयमा ! एगंतसो निज्जरा
 कज्जइ नत्थि य से पावे कम्मे कज्जइ । समणोवासगस्स णं भंते ! तहारुवं समणं
 वा माहणं वा अफासुएणं अणेसणिज्जेणं असणपाण जाव पडिलाभेमाणस्स किं कज्जइ ?
 गोयमा ! बहुतरिया से निज्जरा कज्जइ अप्पतराए से पावे कम्मे कज्जइ । समणोवास-
 गस्स णं भंते ! तहारुवं असंजयअविरयअपडिहयपच्चक्खायपावकम्मं फासुएण वा
 अफासुएण वा एसणिज्जेण वा अणेसणिज्जेण वा असणपाण जाव किं कज्जइ ? गोयमा !
 एगंतसो से पावे कम्मे कज्जइ नत्थि से काइ निज्जरा कज्जइ, [मोक्खत्थं जं दाणं, तं
 पइ एसो विही समक्खाओ । अणुकंपादाणं पुण, जिणेहिं न कयाइ पडिसिद्धं] ॥ ३३१ ॥
 निगंथं च णं गाहावइकुलं पिंडवायपडियाए अणुप्पविट्ठं केइ दोहिं पिंडेहिं उवनिमंते-
 ज्जा-एगं आउसो ! अप्पणा भुंजाहि एगं थेराणं दलयाहि, से य तं पिण्डं पडिग्गाहेज्जा,
 थेरा य से अणुगवेसियव्वा सिया जत्थेव अणुगवेसमाणे थेरे पासिज्ज तत्थेव अणुप्प-
 दायव्वे सिया नो चेव णं अणुगवेसमाणे थेरे पासिज्जा तं नो अप्पणा भुंजेज्जा नो अन्नेसिं
 दावए एगंते अणावाए अचित्ते बहुफासुए थंडिल्ले पडिल्लेहेता पमजित्ता परिट्ठावेयव्वे
 सिया । निगंथं च णं गाहावइकुलं पिंडवायपडियाए अणुप्पविट्ठं केइ तिहिं पिंडेहिं
 उवनिमंतेज्जा-एगं आउसो ! अप्पणा भुंजाहि दो थेराणं दलयाहि, से य तं पडि-
 ग्गाहेज्जा, थेरा य से अणुगवेसेयव्वा सेसं तं चेव जाव परिट्ठावेयव्वे सिया, एवं
 जाव दसहिं पिंडेहिं उवनिमंतेज्जा नवरं एगं आउसो ! अप्पणा भुंजाहि नव थेराणं
 दलयाहि सेसं तं चेव जाव परिट्ठावेयव्वे सिया । निगंथं च णं गाहावइकुलं जाव
 केइ दोहिं पडिग्गाहेहिं उवनिमंतेज्जा एगं आउसो ! अप्पणा पडिभुंजाहि एगं थेराणं
 दलयाहि, से य तं पडिग्गाहेज्जा, तहेव जाव तं नो अप्पणा पडिभुंजेज्जा नो अन्नेसिं
 दावए सेसं तं चेव जाव परिट्ठावेयव्वे सिया, एवं जाव दसहिं पडिग्गाहेहिं, एवं
 जहा पडिग्गाहवत्तव्वया भणिया एवं गोच्छगरयहरणचोलपट्टगक्कवललट्टिसंथारगव-
 त्तव्वया य भाणियव्वा जाव दसहिं संथारएहिं उवनिमंतेज्जा जाव परिट्ठावेयव्वे
 सिया ॥ ३३२ ॥ निगंथेण य गाहावइकुलं पिंडवायपडियाए पविट्ठेणं अन्नयरे
 अकिच्चट्ठाणे पडिसेविए, तस्स णं एवं भवइ-इहेव ताव अहं एयस्स ठाणस्स आलो-
 एमि पडिक्कमामि निंदामि गरिहामि विउट्टामि विसोहेमि अकरणयाए अब्भुट्ठेमि
 अहारिहं पायच्छित्तं तवोक्कम्मं पडिवज्जामि, तओ पच्छा थेराणं अंतियं आलोए-
 स्सामि जाव तवोक्कम्मं पडिवज्जिस्सामि, से य संपट्टिए असंपत्ते थेरा य पुव्वामेव
 अमुहा सिया से णं भंते ! किं आराहए विराहए ? गोयमा ! आराहए नो विरा-

हए १ । से य संपट्टिए असंपत्ते अप्पणा य पुव्वामेव अमुहे सिया से णं भंते ! किं आराहए विराहए ? गोयमा ! आराहए नो विराहए २, से य संपट्टिए असंपत्ते थेरा य कालं करेज्जा से णं भंते ! किं आराहए विराहए ? गोयमा ! आराहए नो विराहए ३, से य संपट्टिए असंपत्ते अप्पणा य पुव्वामेव कालं करेज्जा से णं भंते ! किं आराहए विराहए ? गोयमा ! आराहए नो विराहए ४, से य संपट्टिए संपत्ते थेरा य अमुहा सिया से णं भंते ! किं आराहए विराहए ? गोयमा ! आराहए नो विराहए, से य संपट्टिए संपत्ते अप्पणा य० एवं संपत्तेणवि चत्तारि आलावगा भाणियव्वा जहेव असंपत्तेणं । निग्गंथेण य वहिया वियारभूमिं वा विहारभूमिं वा निक्खंतेणं अन्नयरे अकिच्चट्ठाणे पडिसेविए तस्स णं एवं भवइ-इहेव ताव अहं० एवं एत्थवि एए चेव अट्ठ आलावगा भाणियव्वा जाव नो विराहए । निग्गंथेण य गामाणुगामं दूड्जमाणेणं अन्नयरे अकिच्चट्ठाणे पडिसेविए तस्स णं एवं भवइ इहेव ताव अहं० एत्थवि ते चेव अट्ठ आलावगा भाणियव्वा जाव नो विराहए ॥ निग्गंथीए य गाहावइकुलं पिंडवायपडियाए अणुपविट्ठाए अन्नयरे अकिच्चट्ठाणे पडिसेविए तीसे णं एवं भवइ इहेव ताव अहं एयस्स ठाणस्स आलोएमि जाव तवोकम्मं पडिवज्जामि तओ पच्छा पवत्तिणीए अंतियं आलोएस्सामि जाव पडिवज्जिस्सामि, सा य संपट्टिया असंपत्ता पवत्तिणी य अमुहा सिया सा णं भंते ! किं आराहिया विराहिया ? गोयमा ! आराहिया नो विराहिया, सा य संपट्टिया जहा निग्गंथस्स तिन्निगमा भणिया एवं निग्गंथीएवि तिन्नि आलावगा भाणियव्वा जाव आराहिया नो विराहिया ॥ से केणट्ठेणं भंते ! एवं वुच्चइ-आराहए नो विराहए ? गोयमा ! से जहा नामए-केइ पुरिसे एगं महं उच्चालोमं वा गयलोमं वा सणलोमं वा कप्पासलोमं वा तणसूर्यं वा दुहा वा तिहा वा संखेज्जहा वा छिंदित्ता अगणिकार्यंति पक्खिवेज्जा से नूणं गोयमा ! छिज्जमाणे छिन्ने पक्खिप्पमाणे पक्खित्ते दज्जमाणे दद्धेत्ति वत्तव्वं सिया ? हंता भगवं ! छिज्जमाणे छिन्ने जाव दद्धेत्ति वत्तव्वं सिया, से जहा वा केइ पुरिसे वत्थं अहयं वा धोयं वा तंतुगयं वा मंजिट्ठादोणीए पक्खिवेज्जा से नूणं गोयमा ! उक्खिप्पमाणे उक्खित्ते पक्खिप्पमाणे पक्खित्ते रज्जमाणे रत्तेत्ति वत्तव्वं सिया ? हंतां भगवं ! उक्खिप्पमाणे उक्खित्ते जाव रत्तेत्ति वत्तव्वं सिया, से तेणट्ठेणं गोयमा ! एवं वुच्चइ-आराहए नो विराहए ॥ ३३३ ॥ पईवस्स णं भंते ! झियायमाणस्स किं पईवे झियाइ लट्ठी झियाइ वत्ती झियाइ तेळे झियाइ पईवचंपए झियाइ जोई झियाइ ? गोयमा ! नो पईवे झियाइ जाव नो पईवचंपए झियाइ, जोई झियाइ ॥ अगारस्स णं भंते ! झियाय-

माणस्स किं अगारे झियाइ कुड्डा झियाइ कडणा झि० धारणा झि० चलहरणे
 झि० वंसा० मल्ला झि० वग्गा झियाइ छित्तरा झियाइ छाणे झियाइ जोई झियाइ ?
 गोयमा ! नो अगारे झियाइ नो कुड्डा झियाइ जाव नो छाणे झियाइ, जोई झियाइ
 ॥ ३३४ ॥ जीवे णं भंते ! ओरालियसरीराओ कइकिरिए ? गोयमा ! सिय
 तिकिरिए सिय चउकिरिए सिय पंचकिरिए सिय अकिरिए ॥ नेरइए णं भंते !
 ओरालियसरीराओ कइकिरिए ? गोयमा ! सिय तिकिरिए सिय चउकिरिए
 सिय पंचकिरिए । असुरकुमारे णं भंते ! ओरालियसरीराओ कइकिरिए ? एवं चेव,
 एवं जाव वेमाणिए, नवरं मणुस्से जहा जीवे । जीवे णं भंते ! ओरालियसरीरेहिंतो
 कइकिरिए ? गोयमा ! सिय तिकिरिए जाव सिय अकिरिए । नेरइए णं भंते !
 ओरालियसरीरेहिंतो कइकिरिए ? एवं एसो जहा पढमो दंडओ तहा इमोवि अपरिसेसो
 भाणियव्वो जाव वेमाणिए, नवरं मणुस्से जहा जीवे । जीवा णं भंते ! ओरालिय-
 सरीराओ कइकिरिया ? गोयमा ! सिय तिकिरिया जाव सिय अकिरिया, नेरइया णं
 भंते ! ओरालियसरीराओ कइकिरिया ? एवं एसोवि जहा पढमो दंडओ तहा भाणि-
 यव्वो, जाव वेमाणिया, नवरं मणुस्सा जहा जीवा । जीवा णं भंते ! ओरालियसरी-
 रेहिंतो कइकिरिया ? गोयमा ! तिकिरियावि चउकिरियावि पंचकिरियावि अकिरि-
 यावि, नेरइया णं भंते ! ओरालियसरीरेहिंतो कइकिरिया ? गोयमा ! तिकिरियावि
 चउकिरियावि पंचकिरियावि एवं जाव वेमाणिया, नवरं मणुस्सा जहा जीवा ॥ जीवे
 णं भंते ! वेउव्वियसरीराओ कइकिरिए ? गोयमा ! सिय तिकिरिए सिय चउकिरिए
 सिय अकिरिए, नेरइए णं भंते ! वेउव्वियसरीराओ कइकिरिए ? गोयमा ! सिय
 तिकिरिए सिय चउकिरिए एवं जाव वेमाणिए, नवरं मणुस्से जहा जीवे, एवं जहा
 ओरालियसरीरेणं चत्तारि दंडगा तहा वेउव्वियसरीरेणवि चत्तारि दंडगा भाणियव्वा,
 नवरं पंचमकिरिया न भन्नइ, सेसं तं चेव, एवं जहा वेउव्वियं तहा आहारगंपि
 तेयगंपि कम्मगंपि भाणियव्वं, एक्केक्के चत्तारि दंडगा भाणियव्वा जाव वेमाणिया णं
 भंते ! कम्मगसरीरेहिंतो कइकिरिया ? गोयमा ! तिकिरियावि चउकिरियावि । सेवं
 भंते ! सेवं भंते ! त्ति ॥ ३३५ ॥ अट्टमसयस्स छट्ठो उद्देसओ समत्तो ॥

तेणं कालेणं २ रायगिहे नगरे वन्नओ, गुणसिलए उज्जाणे वन्नओ, जाव पुढवि-
 सिलापट्टए, तस्स णं गुणसिलयस्स उज्जाणस्स अदूरसामंते वहवे अन्नउत्थिया परि-
 वसंति, तेणं कालेणं २ समणे भगवं महावीरे आइगरे जाव समोसंडे जाव परिसा
 पडिगया, तेणं कालेणं २ समणस्स भगवओ महावीरस्स वहवे अंतेवासी थेरा
 भगवंतो जाइसंपन्ना कुलसंपन्ना जहा विइयसए जाव जीवियासामरणभयविप्पसुक्का

समणस्स भगवओ महावीरस्स अदूरसामंते उद्धंजाणू अहोसिरा झाणकोट्ठोवगया संजमेणं तवसा अप्पाणं भावेमाणा विहरंति, तए णं ते अन्नउत्थिया जेणेव थेरा भगवंतो तेणेव उवागच्छंति २ ता ते थेरे भगवंते एवं वयासी-तुब्भे णं अज्जो ! तिविहं तिविहेणं असंजयअविरयअप्पडिहय जहा सत्तमसए विइए उदेसए जाव एगंतवाला यावि भवह, तए णं ते थेरा भगवंतो ते अन्नउत्थिए एवं वयासी-केण कारणेणं अज्जो ! अम्हे तिविहं तिविहेणं असंजयअविरय जाव एगंतवाला यावि भवामो ?, तए णं ते अन्नउत्थिया ते थेरे भगवंते एवं वयासी-तुब्भे णं अज्जो ! अदिन्नं गेण्हह अदिन्नं भुंजह अदिन्नं साइज्जह, तए णं ते तुब्भे अदिन्नं गेण्हमाणा अदिन्नं भुंजमाणा अदिन्नं साइज्जमाणा तिविहं तिविहेणं असंजयअविरय जाव एगंत-वाला यावि भवह, तए णं ते थेरा भगवंतो ते अन्नउत्थिए एवं वयासी-केण कार-णेणं अज्जो ! अम्हे अदिन्नं गेण्हामो अदिन्नं भुंजामो अदिन्नं साइज्जामो, जएणं अम्हे अदिन्नं गेण्हमाणा जाव अदिन्नं साइज्जमाणा तिविहं तिविहेणं असंजय जाव एगंतवाला यावि भवामो ?, तए णं ते अन्नउत्थिया ते थेरे भगवंते एवं वयासी-तुम्हे णं अज्जो ! दिज्जमाणे अदिन्ने पडिग्गाहेज्जमाणे अपडिग्गाहिए निसिरिज्जमाणे अणिसिद्धे, तुब्भे णं अज्जो ! दिज्जमाणं पडिग्गहणं असंपत्तं एत्थ णं अंतरा केइ अव-हरिजा, गाहावइस्स णं तं भंते ! नो खलु तं तुब्भं. तए णं तुज्झे अदिन्नं गेण्हह जाव अदिन्नं साइज्जह, तए णं तुज्झे अदिन्नं गेण्हमाणा जाव एगंतवाला यावि भवह, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे अदिन्नं गिण्हामो अदिन्नं भुंजामो अदिन्नं साइज्जामो अम्हे णं अज्जो ! दिन्नं गेण्हामो दिन्नं भुंजामो दिन्नं साइज्जामो, तएणं अम्हे दिन्नं गेण्हमाणा दिन्नं भुंजमाणा दिन्नं साइ-ज्जमाणा तिविहं तिविहेणं संजयविरयपडिहय जहा सत्तमसए जाव एगंतपंडिया यावि भवामो, तएणं ते अन्नउत्थिया ते थेरे भगवंते एवं वयासी-केण कारणेणं अज्जो ! तुम्हे दिन्नं गेण्हह जाव दिन्नं साइज्जह, जएणं तुज्झे दिन्नं गेण्हमाणा जाव एगंत-पंडिया यावि भवह ?, तएणं ते थेरा भगवंतो ते अन्नउत्थिए एवं वयासी-अम्हे णं अज्जो ! दिज्जमाणे दिन्ने पडिग्गाहेज्जमाणे पडिग्गहिए निसिरिज्जमाणे निसिद्धे । अम्हे णं अज्जो ! दिज्जमाणं पडिग्गहणं असंपत्तं एत्थ णं अंतरा केइ अवहरेजा अम्हाणं तं णो खलु तं गाहावइस्स, जएणं अम्हे दिन्नं गेण्हामो दिन्नं भुंजामो दिन्नं साइज्जामो तएणं अम्हे दिन्नं गेण्हमाणा जाव दिन्नं साइज्जमाणा तिविहं तिविहेणं संजय जाव एगंतपंडिया यावि भवामो, तुज्झे णं अज्जो ! अप्पणा चेव तिविहं तिविहेणं असंजय जाव एगंतवाला यावि भवह, तए णं ते अन्नउत्थिया ते थेरे

भगवंते एवं वयासी-केण कारणेण अज्जो ! अम्हे तिविहं जाव एगंतवाला यावि भवामो ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! अदिन्नं गेण्हह ३, तए णं तु अज्जो ! तुज्जे अदिन्नं गे० जाव एगंत०, तए णं ते अन्नउत्थिया ते थेरे भगवंते एवं वयासी-केण कारणेण अज्जो ! अम्हे अदिन्नं गेण्हामो जाव एगंतवा० ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! दिज्जमाणे अदिज्जे तं चेव जाव गाहावइस्स णं णो खलु तं तुज्जे, तए णं तुज्जे अदिन्नं गेण्हह, तं चेव जाव एगंतवाला यावि भवह, तए णं ते अन्नउत्थिया ते थेरे भ० एवं व०-तुज्जे णं अज्जो ! तिविहं तिविहेणं असंजय जाव एगंतवा० भवह, तए णं ते थेरा भ० ते अन्नउत्थिए एवं वयासी-केण कारणेण अम्हे तिविहं तिविहेणं जाव एगंतवाला यावि भवामो ?, तए णं ते अन्नउत्थिया ते थेरे भगवंते एवं वयासी-तुज्जे णं अज्जो ! रीयं रीयमाणा पुढविं पेच्चेह अभिहणह वत्तेह लेसेह संघाएह संघट्टेह परियावेह किलामेह उवद्देवह तएणं तुज्जे पुढविं पेच्चेमाणा जाव उवद्देवमाणा तिविहं तिविहेणं असंजयअविरय जाव एगंतवाला यावि भवह, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे रीयं रीयमाणा पुढविं पेच्चेमो अभिहणामो जाव उवद्देवमो अम्हे णं अज्जो ! रीयं रीयमाणा कायं वा जोगं वा रीयं वा पडुच्च देसं देसेणं वयामो पएसं पएसेणं वयामो तेणं अम्हे देसं देसेणं वयमाणा पएसं पएसेणं वयमाणा नो पुढविं पेच्चेमो अभिहणामो जाव उवद्देवमो, तएणं अम्हे पुढविं अपेच्चेमाणा अणंभिहणेमाणा जाव अणुवद्देवमाणा तिविहं तिविहेणं संजय जाव एगंतपंडिया यावि भवामो, तुज्जे णं अज्जो ! अप्पणा चेव तिविहं तिविहेणं असंजय जाव एगंत वाला यावि भवह, तए णं ते अन्नउत्थिया थेरे भगवंते एवं वयासी-केण कारणेण अज्जो ! अम्हे तिविहं तिविहेणं जाव एगंतवाला यावि भवामो ?, तए णं ते थेरा भगवंतो ते अन्नउत्थिए एवं वयासी-तुज्जे णं अज्जो ! रीयं रीयमाणा पुढविं पेच्चेह जाव उवद्देवह, तए णं तुज्जे पुढविं पेच्चेमाणा जाव उवद्देवमाणा तिविहं तिविहेणं जाव एगंतवाला यावि भवह, तए णं ते अन्नउत्थिया ते थेरे भगवंते एवं वयासी-तुज्जे णं अज्जो ! गममाणे अगए वीइक्कमिज्जमाणे अवीइक्कंते रायगिहं नगरं संपाविउकामे असंपत्ते, तए णं ते थेरा भगवंतो ते अन्नउत्थिए एवं वयासी-नो खलु अज्जो ! अम्हे गममाणे अगए वीइक्कमिज्जमाणे अवीइक्कंते रायगिहं नगरं जाव असंपत्ते, अम्हे णं अज्जो ! गममाणे गए वीइक्कमिज्जमाणे वीइक्कंते रायगिहं नगरं संपाविउकामे संपत्ते, तुज्जे णं अप्पणा चेव गममाणे अगए वीइक्कमिज्जमाणे अवीइक्कंते रायगिहं नगरं जाव असंपत्ते, तए

णं ते थेरा भगवन्तो अन्नउत्थिए एवं पडिहणेन्ति पडिहणित्ता गइप्पवायनामं अज्झ-
यणं पन्नवइंसु ॥ ३३६ ॥ कइविहे णं भंते ! गइप्पवाए पण्णत्ते ? गोयमा ! पंचविहे
गइप्पवाए पण्णत्ते, तंजहा-पओगगई, ततगई, वंधणछेयणगई, उववायगई, विहाय-
गई, एत्तो आरब्भ पओगपयं निरवसेसं भाणियव्वं, जाव सेत्तं विहायगई । सेवं
भंते ! सेवं भंते ! त्ति ॥ ३३७ ॥ अट्टमसयस्स सत्तमो उद्देसो समत्तो ॥

रायगिहे नयरे जाव एवं वयासी-गुरुणं भंते ! पडुच्च कइ पडिणीया पण्णत्ता ?
गोयमा ! तओ पडिणीया पण्णत्ता, तंजहा-आयरियपडिणीए, उवज्झायपडिणीए,
थेरपडिणीए ॥ गइं णं भंते ! पडुच्च कइ पडिणीया पण्णत्ता ? गोयमा ! तओ पडिणीया
पण्णत्ता, तंजहा-इहलोगपडिणीए, परलोगपडिणीए, दुहओलोगपडिणीए ॥ समूहणं
भंते ! पडुच्च कइ पडिणीया पण्णत्ता ? गोयमा ! तओ पडिणीया पण्णत्ता, तंजहा-कुल-
पडिणीए, गणपडिणीए, संघपडिणीए ॥ अणुकंपं भंते ! पडुच्च० पुच्छा, गोयमा !
तओ पडिणीया पण्णत्ता, तंजहा-तवस्सिपडिणीए, गिलाणपडिणीए, सेहपडिणीए ॥
सुयणं भंते ! पडुच्च पुच्छा, गोयमा ! तओ पडिणीया पण्णत्ता, तंजहा-सुत्तपडिणीए,
अंत्यपडिणीए, तदुभयपडिणीए । भावं णं भंते ! पडुच्च पुच्छा, गोयमा ! तओ
पडिणीया पण्णत्ता, तंजहा-नाणपडिणीए, दंसणपडिणीए, चरित्तपडिणीए ॥ ३३८ ॥
कइविहे णं भंते ! ववहारे पण्णत्ते ? गोयमा ! पंचविहे ववहारे पण्णत्ते, तंजहा-
आगमे, सुए, आणा, धारणा, जीए, जहा से तत्थ आगमे सिया आगमेणं ववहारं
पट्टवेज्जा, णो य से तत्थ आगमे सिया जहा से तत्थ सुए सिया सुएणं ववहारं
पट्टवेज्जा, णो य से तत्थ सुए सिया जहा से तत्थ आणा सिया आणाए ववहारं
पट्टवेज्जा, णो य से तत्थ आणा सिया जहा से तत्थ धारणा सिया धारणाए
ववहारं पट्टवेज्जा, णो य से तत्थ धारणा सिया जहा से तत्थ जीए सिया जीएणं
ववहारं पट्टवेज्जा, इच्चएहिं पंचहिं ववहारं पट्टवेज्जा, तंजहा-आगमेणं, सुएणं, आणाए,
धारणाए, जीएणं, जहा २. से आगमे सुए आणा धारणा जीए तथा २ ववहारं
पट्टवेज्जा ॥ से किमाहु भंते ! आगमवळिया समणा निगंथा इच्चयं पंचविहं ववहारं
जहा २ जहिं २ तथा २ तहिं २ अणिस्सिओवसियं सम्मं ववहरमाणे समणे निगंधे
आणाए आराहए भवइ ॥ ३३९ ॥ कइविहे णं भंते ! वंधे पण्णत्ते ? गोयमा !
दुविहे वंधे पण्णत्ते, तंजहा-इरियावहियबंधे य संपराइयबंधे य । इरियावहियणं
भंते ! कम्मं किं नेरइओ वंधइ तिरिक्खजोणिओ वंधइ तिरिक्खजोणिणी वंधइ
मणुस्सो वंधइ मणुस्सी वंधइ देवो वंधइ देवी वंधइ ? गोयमा ! नो नेरइओ वंधइ
नो तिरिक्खजोणिओ वंधइ नो तिरिक्खजोणिणी वंधइ नो देवो वंधइ नो देवी वंधइ,

पुव्वपडिवज्जए पडुच्च मणुस्सा य मणुस्सीओ य वंधंति, पडिवज्जमाणए पडुच्च मणुस्सो वा वंधइ १ मणुस्सी वा वंधइ २ मणुस्सा वा वंधंति ३ मणुस्सीओ वा वंधंति ४ अहवा मणुस्सो य मणुस्सी य वंधइ ५ अहवा मणुस्सो य मणुस्सीओ य वंधन्ति ६ अहवा मणुस्सा य मणुस्सी य वंधइ ७ अहवा मणुस्सा य मणुस्सीओ य वंधंति ॥ तं भंते ! किं इत्थी वंधइ पुरिसो वंधइ नपुंसगो वंधइ, इत्थीओ वंधन्ति पुरिसा वंधंति नपुंसगा वंधन्ति, नोइत्थीनोपुरिसोनोनपुंसओ वंधइ ? गोयमा ! नो इत्थी वंधइ नो पुरिसो वंधइ जाव नो नपुंसगा वंधन्ति, पुव्वपडिवज्जए पडुच्च अवगयवेया वंधंति, पडिवज्जमाणए य पडुच्च अवगयवेओ वा वंधइ अवगयवेया वा वंधंति ॥ जइ भंते ! अवगयवेओ वा वंधइ अवगयवेया वा वंधंति तं भंते ! किं इत्थीपच्छाकडो वंधइ १ पुरिसपच्छाकडो वंधइ २ नपुंसगपच्छाकडो वंधइ ३ इत्थीपच्छाकडा वंधंति ४ पुरिसपच्छाकडा वंधंति ५ नपुंसगपच्छाकडा वंधंति ६ उदाहु इत्थि-पच्छाकडो य पुरिसपच्छाकडो य वंधइ, उदाहु इत्थिपच्छाकडो य पुरिसपच्छाकडा य वंधंति, उदाहु इत्थिपच्छाकडा य पुरिसपच्छाकडो य वंधइ, उदाहु इत्थिपच्छा-कडा य पुरिसपच्छाकडा य वंधंति, उदाहु इत्थीपच्छाकडो य नपुंसगपच्छाकडो य वंधइ ७ उदाहु पुरिसपच्छाकडो य नपुंसगपच्छाकडो य वंधइ ४ उदाहु इत्थिपच्छाकडो य पुरिसपच्छाकडो य नपुंसगपच्छाकडो य (वंधइ) भाणियव्वं ८, एवं एए छवीसं भंगा २६ जाव उदाहु इत्थीपच्छाकडा य पुरिसप० नपुंसगप० वंधंति ? गोयमा ! इत्थिपच्छाकडोवि वंधइ १ पुरिसपच्छाकडोवि वंधइ २ नपुंसग-पच्छाकडोवि वंधइ ३ इत्थीपच्छाकडावि वंधंति ४ पुरिसपच्छाकडावि वंधंति ५ नपुंसगपच्छाकडावि वंधंति ६ अहवा इत्थीपच्छाकडो पुरिसपच्छाकडो य वंधइ ७ एवं एए चेव छवीसं भंगा भाणियव्वा, जाव अहवा इत्थिपच्छाकडा य पुरिस-पच्छाकडा य नपुंसगपच्छाकडा य वंधंति ॥ तं भंते ! किं वंधी वंधइ वंधिस्सइ १ वंधी वंधइ न वंधिस्सइ २ वंधी न वंधइ वंधिस्सइ ३ वंधी न वंधइ न वंधि-स्सइ ४ न वंधी वंधइ वंधिस्सइ ५ न वंधी वंधइ न वंधिस्सइ ६ न वंधी न वंधइ वंधिस्सइ ७ न वंधी न वंधइ न वंधिस्सइ ८ ? गोयमा ! भवागरिसं पडुच्च अत्थेगइए वंधी वंधइ वंधिस्सइ अत्थेगइए वंधी वंधइ न वंधिस्सइ, एवं तं चेव सर्व्व जाव अत्थेगइए न वंधी न वंधइ न वंधिस्सइ, गहणागरिसं पडुच्च अत्थेगइए वंधी वंधइ वंधिस्सइ एवं जाव अत्थेगइए न वंधी वंधइ वंधिस्सइ, णो चेव णं न वंधी वंधइ न वंधिस्सइ, अत्थेगइए न वंधी न वंधइ वंधिस्सइ अत्थेगइए न वंधी न वंधइ न वंधिस्सइ ॥ तं भंते ! किं साइयं मपज्जवसियं वंधइ साइयं अपज्जवसियं

वम्मीयस्स पढमं वप्पि भिंदंति, ते णं तत्थ अच्छं पत्थं जच्चं तणुयं फालियवन्नाभं उरालं उदगरयणं आसादेंति, तए णं ते वणिया हट्टवुट्ठा पाणियं पिबंति २ ता वाहणाइं पज्जेति वा० २ ता भायणाइं भरेंति भा० २ ता दोच्चंपि अन्नमन्नं एवं वयासी-एवं खलु देवाणुप्पिया ! अम्हेहिं इमस्स वम्मीयस्स पढमाए वप्पाए भिण्णाए ओराले उदगरयणे अस्सादिए, तं सेयं खलु देवाणुप्पिया ! अम्हं इमस्स वम्मीयस्स दोच्चंपि वप्पि भिंदित्तए, अवि याइं एत्थ ओरालं सुवन्नरयणं अस्सादेस्सामो, तए णं ते वणिया अन्नमन्नस्स अंतियं एयमट्ठं पडिउणेंति अ० २ ता तस्स वम्मीयस्स दोच्चंपि वप्पि भिंदंति, ते णं तत्थ अच्छं जच्चं तावणिज्जं महत्थं महग्गं महरिहं ओरालं सुवन्नरयणं अस्सादेंति, तए णं ते वणिया हट्टवुट्ठा भायणाइं भरेंति २ ता पवहणाइं भरेंति २ ता तच्चंपि अन्नमन्नं एवं वयासी-एवं खलु देवाणुप्पिया ! अम्हे इमस्स वम्मीयस्स पढमाए वप्पाए भिन्नाए ओराले उदगरयणे अस्सादिए, दोच्चाए वप्पाए भिन्नाए ओराले सुवन्नरयणे अस्सादिए, तं सेयं खलु देवाणुप्पिया ! अम्हं इमस्स वम्मीयस्स तच्चंपि व(प्पं)प्पि भिंदित्तए, अवि याइं एत्थ ओरालं मणिरयणं अस्सादेस्सामो, तए णं ते वणिया अन्नमन्नस्स अंतियं एयमट्ठं

चंडविसं घोरविसं महाविसं अइकायमहाकायं मसिमूसाकालगं नयणविसरोसपुत्रं
अंजणपुंजनिगरप्पगासं रत्तच्छं जमलजुयलचंचलचलंतजीहं धरणितलवेणिभूयं
उक्कडफुडकुडिलजडुलकक्खडविकडफडाडोवकरणदच्छं लोहागरधम्ममाणधमधमे-
तघोसं अणागलियचंडतिव्वरोसं समुहिं तुरियं चवलं धमंतं दिट्ठिविसं सप्पं संघट्ठेति,
तए णं से दिट्ठिविसे सप्पे तेहिं वणिएहिं संघट्ठिए समाणे आसुरते जाव मिसिमिसे-
माणे सणियं २ उट्ठेइ २ ता सरसरसरस्स वम्मीयस्स, सिहरंतलं दुरुहइ. सि० २
ता आइच्चं णिज्झाइ आ० २ ता ते वणिए अणिमिसाए दिट्ठीए सव्वओ समंता
समभिलोएइ, तए णं ते वणिया तेणं दिट्ठिविसेणं सप्पेणं अणिमिसाए दिट्ठीए
सव्वओ समंता समभिलोइया समाणा खिप्पामेव समंडमतोवगरणमायाए एगाहच्चं
कूडाहच्चं भासरासी कया यावि होत्था, तत्थ णं जे से वणिए तेसिं वणियाणं हिय-
कामए जाव हियसुहनिस्सेसकामए से णं अणुकं(प)पियाए देवयाए समंडमतोवगर-
णमायाए नियगं नयरं साहिए, एवामेव आणंदा ! तववि धम्मायरिएणं धम्मोवए-
सएणं समणेणं नायपुत्तेणं ओराले परियाए अस्सादिए, ओराला कित्तिवन्नसइसिलोगा
सदेवमणुयासुरे लोए पुव्वंति गुवंति थुवंति इति खलु समणे भगवं महावीरे
इति० २, तं जइ मे से अज किंचिवि वदइ, तो णं तवेणं तेएणं एगाहच्चं
कूडाहच्चं भासरासिं करेमि जहा वा वालेणं ते वणिया, तुमं च णं आणंदा !
सारक्खामि संगोवयामि जहा वा से वणिए तेसिं वणियाणं हियकामए जाव निस्सेस-
कामए अणुकंपियाए देवयाए समंडमतोव० जाव साहिए, तं गच्छह णं तुमं
आणंदा ! तव धम्मायरियस्स धम्मोवएसगस्स समणस्स नायपुत्तस्स एयमट्ठं
परिकहेहि । तए णं से आणंदे थेरे गोसालेणं मंखलिपुत्तेणं एवं वुत्ते समाणे भीए
जाव संजायभए गोसालस्स मंखलिपुत्तस्स अंतियाओ हालाहलाए कुंभकारीए
कुंभकारावणाओ, पडिनिक्खमइ २ ता सिग्घं तुरियं सावत्थिं नयरिं मज्झमज्झेणं
निग्गच्छइ २ ता जेणेव कोट्टए उज्जाणे जेणेव समणे भगवं महावीरे तेणेव उवा-
गच्छइ २ ता समणं भगवं महावीरं तिक्खुत्तो आयाहिणं पयाहिणं करेइ २ ता वंदइ
नमंसइ वं० २ ता एवं वयासी-एवं खलु अहं भंते ! छट्ठक्खमणपारणगंसि तुव्वेहिं
अव्वभणुजाए समाणे सावत्थीए नयरीए उच्चनीय जाव अडमाणे हालाहलाए
कुंभकारीए जाव वीईवयामि, तए णं गोसाले मंखलिपुत्ते ममं हालाहलाए जाव
पासिता एवं वयासी-एहि ताव आणंदा ! इओ एगं महं उवमियं निसामेहि, तए
णं अहं गोसालेणं मंखलिपुत्तेणं एवं वुत्ते समाणे जेणेव हालाहलाए कुंभकारीए
कुंभकारावणे जेणेव गोसाले मंखलिपुत्ते तेणेव उवागच्छामि, तए णं से गोसाले

मंखलिपुत्ते ममं एवं वयासी-एवं खलु आणंदा । इओ चिराईयाए अद्दाए केइ उच्चावया
 वणिया एवं तं चेव सव्वं निरवसेसं भाणियव्वं जाव नियगं नयरं साहिए तं गच्छ
 णं तुमं आणंदा । तव धम्मयारियस्स धम्मोवएसगस्स जाव परिकहेहि ॥ ५४६ ॥
 तं पभू णं भंते । गोसाले मंखलिपुत्ते तवेणं तेएणं एगाहच्चं कूडाहच्चं भासरासि
 करेतए, विसए णं भंते । गोसालस्स मंखलिपुत्तस्स जाव करेतए, समत्थे णं भंते ।
 गोसाले मंखलिपुत्ते तवेणं जाव करेतए ? पभू णं आणंदा । गोसाले मंखलिपुत्ते तवेणं
 जाव करेतए, विसए णं आणंदा । गोसाले जाव करेतए, समत्थे णं आणंदा । गोसाले
 जाव करेतए, नो चेव णं अरिहंते भगवंते, परियावणियं पुण करेज्जा, जावइएणं
 आणंदा । गोसालस्स मंखलिपुत्तस्स तवतेए एत्तो अणंतगुणविसिद्धतराए चेव तवतेए
 अणगाराणं भगवंताणं, खंतिखमा पुण अणगारा भगवंतो, जावइएणं आणंदा ।
 अणगाराणं भगवंताणं तवतेए एत्तो अणंतगुणविसिद्धतराए चेव तवतेए थेराणं
 भगवंताणं, खंतिखमा पुण थेरा भगवंतो, जावइएणं आणंदा । थेराणं भगवंताणं
 तवतेए एत्तो अणंतगुणविसिद्धतराए चेव तवतेए अरिहंताणं भगवंताणं, खंति-
 खमा पुण अरहंता भगवंतो, तं पभू णं आणंदा । गोसाले मंखलिपुत्ते तवेणं
 तेएणं जाव करेतए, विसए णं आणंदा । जाव करेतए, समत्थे णं आणंदा । जाव
 करेतए, नो चेव णं अरिहंते भगवंते, पारियावणियं पुण करेज्जा ॥ ५४७ ॥ तं
 गच्छ णं तुमं आणंदा । गोयमाईणं समणाणं निग्गंधाणं एयमट्ठं परिकहेहि-मा णं
 अज्जो ! तुब्भं केइ गोसालं मंखलिपुत्तं धम्मियाए पडिच्चोयणाए पडिच्चोएउ,
 धम्मियाए पडिसारणाए पडिसारेउ, धम्मिएणं पडोयारेणं पडोयारेउ, गोसाले णं
 मंखलिपुत्ते समणेहिं निग्गंधेहिं मिच्छं विप्पडिवजे, तए णं से आणंदे थेरे समणेणं
 भगवया महावीरेणं एवं वुत्ते समाणे समणं भगवं महावीरं वंदइ नमंसइ वं २ ता
 जेणेव गोयमाइसमणा निग्गंधा तेणेव उवागच्छइ २ ता गोयमाइसमणे निग्गंधे
 आमंतेइ २ ता एवं वयासी-एवं खलु अज्जो ! छट्ठकखमणपारणगंति समणेणं भगवया
 महावीरेणं अब्भणुज्जाए समाणे सावत्थीए नयरीए उच्चनीय तं चेव सव्वं जाव
 णायपुत्तस्स एयमट्ठं परिकहेहिं, तं मा णं अज्जो ! तुब्भं केइ गोसालं मंखलिपुत्तं
 धम्मियाए पडिच्चोयणाए पडिच्चोएउ जाव मिच्छं विप्पडिवजे ॥ ५४८ ॥ जाव
 च णं आणंदे थेरे गोयमाईणं समणाणं निग्गंधाणं एयमट्ठं परिकहेइ ताव च णं से
 गोसाले मंखलिपुत्ते हालाहलाए कुंभकारीए कुंभकारावणाओ पडिनिक्खमइ पडिनि-
 क्खमिता आजीवियसंघसंपरिवुडे महया अमरिसं वहमाणे सिग्घं तुरियं जाव सांवत्थि
 नयरिं मज्झमज्झेणं निग्गच्छइ २ ता जेणेव कोट्टए उज्जाणे जेणेव समणे भगवं

महावीरे तेणेव उवागच्छइ ते० २ ता समणस्स भगवओ महावीरस्स अदूरसामंते
 ठेचा समणं भगवं महावीरं एवं वयासी-सुदु णं आउसो । कासवा । ममं एवं
 वयासी साहु णं आउसो । कासवा । ममं एवं वयासी-गोसाले मंखलिपुत्ते ममं
 धम्मंतेवासी गोसाले० २, जे णं गोसाले मंखलिपुत्ते तव धम्मंतेवासी से णं सुक्के
 सुक्काभिजाइए भविता कालमासे कालं किच्चा अन्नयरेसु देवलोएसु देवताए उववजे,
 अहण्णं उदाई नामं कुंडियायणीए अज्जुणस्स गोथमपुत्तस्स सरीरगं विप्पजहामि
 अ० २ ता गोसालस्स मंखलिपुत्तस्स सरीरगं अणुप्पविसामि गो० २ ता इमं सत्तमं
 पउट्टपरिहारं परिहरामि, जेवि आ(या)इं आउसो । कासवा । अम्हं समयंसि केइ
 सिज्झिंसु वा सिज्झंति वा सिज्झिस्संति वा सव्वे ते चउरासीइ महाकप्पसयसह-
 स्साइं सत्त दिव्वे सत्त संजूहे सत्त सण्णिगम्भे सत्त पउट्टपरिहारे पंच कम्मणि-
 सयसहस्ताइं सट्ठिं च सहस्साइं छच्च सए तिज्झि य कम्मसे अणुपुव्वेणं खवइत्ता
 तओ पच्छा सिज्झंति वुज्झंति मुच्चंति परिनिव्वाइंति सव्वदुक्खाणमंतं करिंसु वा
 करंति वा करिस्संति वा, से जहा वा गंगा महानई जओ पवूढा जहिं वा पज्जुव-
 त्थिया एस णं अद्धपंचजोयणसंयाइं आयामेणं अद्धजोयणं विक्खंभेणं पंच धणुहसयाइं
 उव्वेहेणं एएणं गंगापमाणेणं सत्त गंगाओ सा एगा महागंगा, सत्त महागंगाओ सा
 एगा साईणगंगा, सत्त साईणगंगाओ सा एगा मच्चुगंगा, सत्त मच्चुगंगाओ सा एगा
 लोहियगंगा, सत्त लोहियगंगाओ सा एगा आवईगंगा, सत्त आवईगंगाओं सा एगा
 परमावई, एवामेव सपुव्वावरेणं एगं गंगासयसहस्सं सत्तरस य सहस्सा छच्चगुणपन्न-
 गंगासया भवन्तीति मक्खाया, तासिं दुविहे उद्धारे पण्णत्ते, तंजहा-सुहुमवोंदिकलेवरे
 चेव वायरवोंदिकलेवरे चेव, तत्थ णं जे से सुहुमवोंदिकलेवरे से ठप्पे, तत्थ णं जे
 से वायरवोंदिकलेवरे तओ णं चाससए २ गए २ एगमेगं गंगावालयं अवहाय
 जावइएणं कालेणं से कोट्टे खीणे णी(र)रेए निल्लेवे निट्टिए भवइ, सेतं सरे सरप्पमाणे,
 एएणं सरप्पमाणेणं तिज्झि सरसयसाहस्सीओ से एगे महाकप्पे, चउरासीइ महाकप्प-
 सयसहस्साइं से एगे महामाणसे, अणंतओ संजूहाओ जीवे चयं चइत्ता उवारिल्ले
 माणसे संजूहे देवे उववज्जइ, से णं तत्थ दिव्वाइं भोगभोगाईं मुंजमाणे विहरइ
 विहरिता ताओ देवलोगाओ आउक्खएणं भवक्खएणं ठिइक्खएणं अणंतरं चयं
 चइत्ता पढमे सन्निगम्भे जीवे पच्चायाइ, से णं तओहितो अणंतरं उव्वट्ठिता मज्झिल्ले
 माणसे संजूहे देवे उववज्जइ, से णं तत्थ दिव्वाइं भोगभोगाईं जाव विहरिता ताओ
 देवलोगाओ आउक्खएणं ३ जाव चइत्ता दोच्चे सन्निगम्भे जीवे पच्चायाइ, से णं
 तओहितो अणंतरं उव्वट्ठिता हेट्ठिल्ले माणसे संजूहे देवे उववज्जइ, से णं तत्थ

वासाइं पंचमं पउट्टपरिहारं परिहरामि, तत्थ णं जे से छट्ठे पउट्टपरिहारे से णं वेसालीए नयरीए बहिया कों(कं)डियायणंसि उज्जाणंसि भारद्वाइस्स सरीरगं विप्पज-
हामि भा० २ ता अज्जुणगस्स गोयमपुत्तस्स सरीरगं अणुप्पविसामि अ० २ ता
सत्तरस्स वासाइं छट्ठं पउट्टपरिहारं परिहरामि, तत्थ णं जे से सत्तमे पउट्टपरिहारे से
णं इहेव सावत्थीए नयरीए हालाहलाए कुंभकारीए कुंभकारावणंसि अज्जुणगस्स
गोयमपुत्तस्स सरीरगं विप्पजहामि अज्जुणगस्स० २ ता गोसालस्स मंखलिपुत्तस्स
सरीरगं अलं थिरं धुवं धारणिज्जं सीयसहं उण्हसहं खुहांसहं विविहदंसमसंगं
परीसहोवसग्गसहं थिरसंघयणंतिक्कुं, तं अणुप्पविसामि २ ता तं सोलस
वासाइं इमं सत्तमं पउट्टपरिहारं परिहरामि, एवामेव आउसो ! कासवा !
एगेणं तेत्तीसेणं वाससएणं सत्त पउट्टपरिहारा परिहरिया भवंतीति मक्खायां
तं सुट्ठु णं आउसो ! कासवा ! ममं एवं वयासी साहु णं आउसो ! कासवा !
ममं एवं वयासी-गोसाले मंखलिपुत्ते ममं धम्मंतेवासित्ति गोसाले० २॥ ५४९ ॥
तए णं समणे भगवं महावीरे गोसालं मंखलिपुत्तं एवं वयासी-गोसाला ! से जहा-
नामए तेणए सियां गामेल्लएहिं परब्भ(व)माणे २ कत्थ(वि)इ ग(त्तं)इ वा दरिं वा दुग्गं
वा निन्नं वा पव्वयं वा विसमं वा अणस्सादेमाणे एगेणं महं उच्चालोमेण वा सणलोमेण
वा कप्पासपम्हेण वा तणसूएण वा अत्ताणं आवरेत्ताणं चिट्ठेज्जा, से णं अणावरिए
आवरियमिति अप्पाणं मज्झइ, अपच्छण्णे य पच्छेणमिति अप्पाणं मज्झइ, अ(ण)णि-
लुक्के णिलुक्कमिति अप्पाणं मज्झइ, अपलंयंए पलायमिति अप्पाणं मज्झइ, एवामेव तुमं पि
गोसाला ! अणत्ते संते अन्नमिति अप्पाणं उपलभसि, तं मां एवं गोसाला ! नारिहसि
गोसाला ! सच्चैव ते सा छाया नो अन्ना ॥ ५५० ॥ तए णं से गोसाले मंखलिपुत्ते
समणेणं भगवया महावीरेणं एवं वुत्ते समाणे आसुस्ते ५ समणं भगवं महावीरं
उच्चावयाहिं आउसणाहिं आउसइ उच्चा० २ ता उच्चावयाहिं उद्धंसणाहिं उद्धंसेइ
उद्धंसेत्ता उच्चावयाहिं निब्भंछणाहिं निब्भंछेइ उ० २ ता उच्चावयाहिं निच्छोडणाहिं
निच्छोडेइ उ० २ ता एवं वयासी-नट्ठेसि कयाइ, विणट्ठेसि कयाइ, भट्ठेसि कयाइ,
नट्ठविणट्ठभट्ठेसि कयाइ, अज्ज न भवसि नाहि ते ममाहिं तो सुहमत्थि ॥ ५५१ ॥
तेणं कालेणं तेणं समेणं समणस्स भगवओ महावीरस्स अंतेवासी पाईणजाणवए
सव्वाणुभूई णामं अणगारे पगइमद्दए जाव विणीए धम्मायरियाणुरागेणं एयमट्ठं
असद्दहमाणे उट्ठाए उट्ठेइ उ० २ ता जेणेव गोसाले मंखलिपुत्ते तेणेव उवागच्छइ २
ता गोसालं मंखलिपुत्तं एवं वयासी-जेवि ताव गोसाला ! तहारुवस्स समणस्स वा
माहणस्स वा अंतियं एगमवि आ(य)रियं धम्मियं वुवयणं निसामेइ सेवि ताव तं

मिसिमिसेमाणे नो संचाएइ समणाणं निग्गंथाणं सरीरगस्स किंचि आवाहं वा
चावाहं वा उप्पाएत्तए छविच्छेदं वा करेत्तए; तए णं ते आजीविया थेरा गोसालं
मंखलिपुत्तं समणेहिं निग्गंथेहिं धम्मियाए पडिचोयणाए पडिचोएजमाणं धम्मियाए
पडिसारणाए पडिसारिजमाणं धम्मिणं पडोयारेणं पडोयारिजमाणं अट्टेहि य
हेजहि य जाव कीरमाणं आसुस्तं जाव मिसिमिसेमाणं समणाणं निग्गंथाणं सरीर-
गस्स किंचि आवाहं वा चावाहं वा छविच्छेदं वा अकरेमाणं पासंति २ ता गोसा-
लस्स मंखलिपुत्तस्स अंतियाओ आयाए अवक्कमंति आयाए अवक्कमंति जेणेव
समणे भगवं महावीरे तेणेव उवागच्छंति ते ० २ ता समणं भगवं महावीरं तिक्खुत्तो
आयाहिणं पयाहिणं ० वंदंति नमंस्संति वं ० २ ता समणं भगवं महावीरं उवसंपज्जित्ताणं
विहरंति, अंत्येगइया आजीविया थेरा गोसालं चेव मंखलिपुत्तं उवसंपज्जित्ताणं
विहरंति । तए णं से गोसाले मंखलिपुत्ते जस्सट्ठाए हव्वमाणए तमट्ठं असाहेमाणे
संदाइं पलोएमाणे दीहुण्हाइं नी(स)सासमाणे दाढियाए लोमा(इं)ए लुंचमाणे अचंडं
कंड्यमाणे पुयल्लिं पप्फोडेमाणे हत्थे विणिद्धुणमाणे दोहिवि पाएहिं भूमिं कोट्टेमाणे
हाहा अहो ! हओऽहमस्सीतिकट्ठु समणस्स भगवंओ महावीरस्स अंतियाओ
कोट्टयाओ उज्जाणाओ पडिनिक्खमइ २ ता जेणेव सावंत्थी नयरी जेणेव हालाहलाए
कुंभकारीए कुंभकारावणे तेणेव उवागच्छइ ते ० २ ता हालाहलाए कुंभकारीए कुंभ-
कारावणंसि अंवकूणगहत्थगए मज्जपाणं पियमाणे अभिक्खणं गायमाणे अभि-
क्खणं नचमाणे अभिक्खणं हालाहलाए कुंभकारीए अंजलिकम्मं करेमाणे सीयल-
एणं मट्ठियापाणएणं आयंचणिउदएणं गांयाइं परिसिंचमाणे विहरइ ॥ ५५२ ॥
अज्जोत्ति समणे भगवं महावीरे समणे निग्गंथे आसंतेत्ता एवं वयासी-जावइएणं
अज्जो ! गोसालेणं मंखलिपुत्तेणं ममं वहाए सरीरगंसि तेए निसट्टे से णं अलाहि
पज्जंते सोलसण्हं जणंवयाणं, तं ०-अंगाणं वंगाणं मगहाणं मलयानं मालवगाणं
अ(च्छा)त्थाणं वत्थाणं कोत्थाणं पाढाणं लाढाणं वज्जीणं मोलीणं कासीणं कोसलगणं
अवाहाणं सुंभुत्तराणं घायाए वहाए उच्छादणट्ठयाए भासीकरणयाए, जंपि य अज्जो !
गोसाले मंखलिपुत्ते हालाहलाए कुंभकारीए कुंभकारावणंसि अंवकूणगहत्थगए
मज्जपाणं पियमाणे अभिक्खणं जाव अंजलिकम्मं करेमाणे विहरइ, तस्सवि य णं
वज्जस्स पच्छादणट्ठयाए इमाइं अट्ठ चरिमाइं पन्नवेइ, तंजहा-चरिमे पाणे, चरिमे
गेए, चरिमे नेट्ठ, चरिमे अंजलिकम्मे, चरिमे पोक्खलसंवट्ठए महासेहे, चरिमे सेयणए
गंधहत्थी, चरिमे महासिलाकंटए संगामे, अहं च णं इमीसे ओसप्पिणीए चउवीसाए
त्यंकरं ! चरिमे तित्थंकरे सिज्झिस्सं जाव अंतं करेस्सं ति, जंपि य अज्जो !

गोसाले मंखलिपुत्ते सीयलएणं मेद्वियापाणएणं आयंचणिउदएणं गाथाइं परिसिंचमाणे विहरइ, तस्सवि य णं वज्जस्स पच्छादणद्वयाए इमाइं चत्तारि पाणगाइं चत्तारि अपाणगाइं पन्नवेइ, से किं तं पाणए ? पाणए चउव्विहे पन्नत्ते, तंजहा-गोपुट्टए, हत्थम-द्वियए, आयवतत्तए, सिलापंचभट्टए, सेत्तं पाणए, से किं तं अपाणए ? अपाणए चउव्विहे पण्णत्ते, तंजहा-थालपाणए, तथापाणए, सिंवलपाणए, सुद्धपाणए, से किं तं थाल-पाणए ? २ जणं (जेणं) दांथालगं वा दावारगं वा दाकुंभगं वा दाकलसं वा सीयलगं (वा) उल्लगं हत्थेहिं परामुसइ नय पाणियं पियइ, सेत्तं थालपाणए, से किं तं तथापा-णए ? २ जणं अंबं वा अंबाडगं वा जहा पओगपए जाव चोरं वा तिंदुर्यं वा [तस्यं] वा तरुणगं वा आमगं वा आसगंसि आवीलेइ वा पवीलेइ वा न य पाणियं पियइ, सेत्तं तथापाणए, से किं तं सिंवलपाणए ? २ जणं कलसंगलियं वा मुग्गसंगलियं वा माससंगलियं वा सिंवलसंगलियं वा तरुणियं आमियं आसगंसि आवीलेइ वा पवीलेइ वा न य पाणियं पियइ, सेत्तं सिंवलपाणए, से किं तं सुद्धपाणए ? सुद्धपा-णए जणं छम्मासे सुद्धखाइमं खाइ दो मासे पुडविसंथारोवगए दो मासे कट्ट-संथारोवगए दो मासे दब्भसंथारोवगए, तस्स णं बहुपडिपुञ्ञाणं छण्हं मासाणं अंतिमराइए इमे दो देवा महिंद्विया जाव महेसक्खा अंतियं पाउव्वमंति, तं-पुन्नभेदे य माणिभेदे य, तए णं ते देवा सीयलएहिं उल्लएहिं हत्थेहिं गाथाइं परा-मुसंति, जे णं ते देवे साइज्जइ से णं आसीविसत्ताए कम्मं पकरेइ, जे णं ते देवे नो साइज्जइ तस्स णं संसि सरीरगंसि अगणिकाए संभवइ, से णं सएणं तेएणं सरीरगं ज्ञामेइ स० २ ता तओ पच्छा सिज्जइ जाव अंतं करेइ, सेत्तं सुद्धपाणए । तत्थ णं सावत्थीए नयरीए अयंपुले णामं आजीवियोवासए परिवसइ अट्ठे जाव अपरिभूए जहा हालाहला जाव आजीवियसमएणं अप्पाणं भावेमाणे विह-रइ, तए णं तस्स अयंपुलेस्स आजीवियोवासगस्स अन्नया कयाइ पुव्वर-त्तावरत्तकालसमयंसि कुंडुवजागरियं जागरमाणस्स अयमेयारूवे अज्झत्थिए जाव समुप्पजित्था-किंसंठियां हल्लं पण्णत्तां ?, तए णं तस्स अयंपुलेस्स आजी-वियोवासगंस्स दोचंपिं अयमेयारूवे अज्झत्थिए जाव समुप्पजित्था-एवं खलु मम धम्मयारिए धम्मोवंसए गोसाले मंखलिपुत्ते उप्पन्नानाणदंसणधरे जाव संव्वन्नू संव्वदरिसी इहेव सावत्थीए नयरीए हालाहलाए कुंभकारीए कुंभकारोवणंसि आजीवियसंघसंपरिवुडे आजीवियसमएणं अप्पाणं भावेमाणे विहरइ, तं सेयं खलु मे कल्लं जाव जलंते गोसालं मंखलिपुत्तं वंदित्ता जाव पज्जुवासित्ता इमं एया(णं) हल्लं चांगरणं वागरित्तएत्तिकट्टु एवं संपेहेइ संपेहित्ता कल्लं जाव जलंते प्हाए जाव

अप्पमहग्घाभरणालंकियसरीरे साओ गिहाओ पडिनिक्खमइ सा० २ ता पाय-
विहारचारेणं सावत्थि नयरिं मज्झमज्झेणं जेणेव हालाहलाए कुंभकारीए कुंभकारा-
वणे तेणेव उवागच्छइ २ ता पासइ गोसालं मंखलिपुत्तं हालाहलाए कुंभकारीए
कुंभकारावणंसि अंबकूणगहत्थगयं जाव अंजलिकम्मं करेमाणं सीयलयाएणं मट्ठिया
जाव गायाइं परिसिंचमाणं पासइ २ ता लज्जिए विलिए विट्ठे सणियं २ पच्चोसकइ,
तए णं ते आजीविया थेरा अयंपुलं आजीवियोवासगं लज्जियं जाव पच्चोसकमाणं
पासेत्ति २ ता एवं वयासी-एहि ताव अयंपुला । एत(इ)ओ, तए णं से अयंपुले
आजीवियोवासए आजीवियथेरेहिं एवं वुत्ते समाणे जेणेव आजीविया थेरा तेणेव
उवागच्छइ उवागच्छित्ता आजीविए थेरे वंदइ नमंसइ वं० २ ता नच्चासन्ने जाव
पज्जुवासइ, अयंपुलाइ आजीविया थेरा अयंपुलं आजीवियोवासगं एवं वयासी-से
नूणं ते(भे) अयंपुला । पुव्वरत्तावरत्तकालसमयंसि जाव किंसंठियां हल्ला पण्णत्ता ?,
तए णं तव अयंपुला ! दोच्चंपि अयमेया० तं चेव सव्वं भाणियव्वं जाव सावत्थि
नयरिं मज्झमज्झेणं जेणेव हालाहलाए कुंभकारीए कुंभकारावणे जेणेव इहं तेणेव
हव्वमागए, से नूणं ते अयंपुला ! अट्ठे समट्ठे ? हंता अत्थि, जंपि य अयंपुला !
तव धम्मायरिए धम्मोवएसए गोसाले मंखलिपुत्ते हालाहलाए कुंभकारीए
कुंभकारावणंसि अंबकूणगहत्थगए जाव अंजलिं करेमाणे विहरइ, तत्थवि णं भगवं
इमाइं अट्ठ चरिमाइं पन्नवेइ, तं०-चरिमे पाणे जाव अंतं करेस्सइ, जेवि य
अयंपुला ! तव धम्मायरिए धम्मोवएसए गोसाले मंखलिपुत्ते सीयलयाएणं मट्ठिया
जाव विहरइ, तत्थवि णं भगवं इमाइं चत्तारि पाणगाइं चत्तारि अपाणगाइं पन्नवेइ, से
किं तं पाणए ? पाणए जाव तओ पच्छा सिज्झ(न्ति)इ जाव अंतं करे(न्ति)इ, तं गच्छ-
ह णं तुमं अयंपुला ! एस चेव तव धम्मायरिए धम्मोवएसए गोसाले मंखलिपुत्ते इमं
एयारुव्वं वागरणं वाग(रेही)रित्तएत्ति, तए णं से अयंपुले आजीवियोवासए आजीविएहिं
थेरेहिं एवं वुत्ते समाणे इट्ठवुट्ठ० उट्ठाए उट्ठेइ उ० २ ता जेणेव गोसाले मंखलिपुत्ते
तेणेव पहरेतथ गमणाए, तए णं ते आजीविया थेरा गोसालस्स मंखलिपुत्तस्स
अंबकूणगप(ए)डावणट्ठयाए एगंतमंते संगारं कुव्वंति, तए णं से गोसाले मंखलिपुत्ते
आजीवियाणं थेराणं संगारं पडिच्छइ २ ता अंबकूणगं एगंतमंते एडेइ, तए णं से
अयंपुले आजीवियोवासए जेणेव गोसाले मंखलिपुत्ते तेणेव उवागच्छइ उवागच्छि-
त्ता गोसालं मंखलिपुत्तं तिक्खुत्तो जाव पज्जुवासइ, अयंपुलाइ गोसाले मंखलिपुत्ते
अयंपुलं आजीवियोवासगं एवं वयासी-से नूणं अयंपुला । पुव्वरत्तावरत्तकालसमयंसि
जेणेव ममं अंतियं तेणेव हव्वमागए, से नूणं अयंपुला ! अट्ठे समट्ठे ? हंता

अत्थि, तं नो खलु एस अंबकूणए अंबचोयए णं एसे, किंसंठिया हल्ला पन्नत्ता ? वंसीमूलसंठिया हल्ला पण्णत्ता, वीणं वाएहि रे वीरगा वी० २, तए णं से अयंपुले आजीवियोवासए गोसालेणं मंखलिपुत्तेणं इमं एयारूवं वागरणं वागरिए समाणे हट्टुट्टु जाव हियए गोसालं मंखलिपुत्तं वंदइ नमंसइ वं० २ ता पसिणाइं पुच्छइ २ ता अट्ठाइं परियादियइ अ० २ ता उट्ठाए उट्ठेइ उ० २ ता गोसालं मंखलिपुत्तं वंदइ नमंसइ वं० २ ता जाव पडिगए । तए णं से गोसाले मंखलिपुत्ते अप्पणो मरणं आभोएइ २ ता आजीविए थेरे सद्दावेइ आ० २ ता एवं वयासी-तुब्भे णं देवाणुप्पिया ! ममं कालगयं जाणित्ता सुरभिणा गंधोदएणं ण्हाणेह सु० २ ता पम्हलसुकुमालाए गंधकासाईए गायाइं लहेह गा० २ ता सरसेणं गोसीसचंदणेणं गायाइं अणुलिंपह स० २ ता महरिहं हंसलक्खणं पाडसाडगं नियंसेह मह० २ ता सव्वालंकार-विभूसियं करेह स० २ ता पुरिससहस्सवाहिणिं सीयं दुरुहेह पुरि० २ ता सावत्थीए नयरीए सिंघाडग जाव पहेसु महया महया सहेणं उग्घोसेमाणा २ एवं वदह-एवं खलु देवाणुप्पिया ! गोसाले मंखलिपुत्ते जिणे जिणप्पलावी जाव जिणसइं पगासेमाणे विहरित्ता इमीसे ओसप्पिणीए चउवीसाए तित्थयराणं चरिमे तित्थयरे सिद्धे जाव सव्वदुक्खप्पहीणे, इट्ठीसक्कारसमुदएणं ममं सरीरगस्स णीहरणं करेह, तए णं ते आजीविया थेरा गोसालस्स मंखलिपुत्तस्स एयमट्ठं विणएणं पडिमुणेंति ॥ ५५३ ॥ तए णं तस्स गोसालस्स मंखलिपुत्तस्स सत्तरत्तंसि परिणम-माणंसि पडिलद्धसम्मत्तस्स अयमेयारूवे अज्झत्थिए जाव समुप्पजित्था-णो खलु अहं जिणे जिणप्पलावी जाव जिणसइं पगासेमाणे विहरइ, अहं णं गोसाले चेव मंखलिपुत्ते समणघायए समणमारए समणपडिणीए आयरियउवज्झायाणं अयस-कारए अवन्नकारए अकित्तिकारए वट्ठहिं असव्भावुवभावणाहिं मिच्छत्ताभिनिवेसेहि यं अप्पाणं वा परं वा तदुभयं वा वुग्गाहेमाणे वुप्पाएमाणे विहरित्ता सएणं तेएणं अन्नाइट्ठे समाणे अंतो सत्तरत्तस्स पित्तजरपरिगयसरीरे दाहवक्कंतीए छउमत्थे चेव कालं करेस्सं, समणे भगवं महावीरे जिणे जिणप्पलावी जाव जिणसइं पगासेमाणे विहरइ, एवं संपेहेइ एवं संपेहित्ता आजीविए थेरे सद्दावेइ आ० २ ता उच्चावय-सवहसाविए करेइ उच्चा० २ ता एवं वयासी-नो खलु अहं जिणे जिणप्पलावी जाव पगासेमाणे विहरइ, अहं गोसाले मंखलिपुत्ते समणघायए जाव छउमत्थे चेव कालं करेस्सं, समणे भगवं महावीरे जिणे जिणप्पलावी जाव जिणसइं पगा-सेमाणे विहरइ, तं तुब्भे णं देवाणुप्पिया ! ममं कालगयं जाणित्ता वामे पाए सुंवेणं बंधह वा० २ ता तिक्खुत्तो मुहे उट्ठुभह ति० २ ता सावत्थीए नयरीए सिंघाडग

जाव पहेसु आकड्विकड्डि करेमाणा महया २ सहेणं उग्घोसेमाणा २ एवं वदहन्तो
 खलु देवाणुप्पिया ! गोसाले मंखलिपुत्ते जिणे जिणप्पलावी जाव विह(रइ)रिए, एस
 णं गोसाले चेव मंखलिपुत्ते समणघायए जाव छउमत्थे चेव कालगए, समणे
 भगवं महावीरे जिणे जिणप्पलावी जाव विहरइ, अणिट्ठीअसक्कारसमुदएणं ममं
 सरीरगस्स नीहरणं करेज्जाह, एवं वदित्ता कालगए ॥५५४॥ तए णं ते आजीविया
 थेरा गोसालं मंखलिपुत्तं कालगयं जाणित्ता हालाहलाए कुंभकारीए कुंभकारावणस्स
 दुवाराइं पिहेति दु० २ ता हालाहलाए कुंभकारीए कुंभकारावणस्स बहुमज्झदेस-
 भाए सावत्थिं नयरिं आलिहंति सा० २ ता गोसालस्स मंखलिपुत्तस्स सरीरगं
 वामे पाए सुंबेणं वंधंति वा० २ ता तिवखुत्तो मुहे उड्डुभंति २ ता सावत्थीए
 नयरीए सिंघाडग जाव पहेसु आकड्विकड्डि करेमाणा, णीयं २ सहेणं उग्घोसेमाणा
 २ एवं वयासी-नो खलु देवाणुप्पिया ! गोसाले मंखलिपुत्ते जिणे जिणप्पलावी
 जाव विहरिए, एस णं गोसाले चेव मंखलिपुत्ते समणघायए जाव छउमत्थे चेव
 कालगए, समणे भगवं महावीरे जिणे जिणप्पलावी जाव विहरइ, सवहपडिमोक्ख-
 णगं करेति स० २ ता दोच्चं पि पूयासक्कारथिरीकरणट्टयाए गोसालस्स मंखलिपुत्तस्स
 वामाओ पायाओ सुवं मुयंति सु० २ ता हालाहलाए कुंभकारीए कुंभकारावणस्स
 दुवारवयणाइं अवगुणंति २ ता गोसालस्स मंखलिपुत्तस्स सरीरगं सुरभिणा
 गंधोदएणं ण्हाणेति तं चेव जाव महया २ इट्ठीसक्कारसमुदएणं गोसालस्स मंखलिपु-
 त्तस्स सरीरगस्स नीहरणं करेति ॥ ५५५ ॥ तए णं समणे भगवं महावीरे अन्नया
 कयाइं सावत्थीओ नयरीओ कोट्टयाओ उज्जाणाओ पडिनिक्खमइ २ ता बहिया
 जणवयविहारं विहरइ । तेणं कालेणं तेणं समएणं म्मिडियगामे नामं नयरे होत्था
 वन्नओ, तस्स णं म्मिडियगामस्स नयरस्स बहिया उत्तरपुरच्छिमे दिसीभाए एत्थं णं
 सालकोट्टए नामं उज्जाणे होत्था वन्नओ जाव पुढविसिलापट्टओ, तस्स णं सालको-
 ट्टगस्स उज्जाणस्स अदूरसामंते एत्थं णं महेगे मालुयाकच्छए यावि होत्था
 किण्हे किण्होभासे जाव निकुल्लभूए पत्तिए पुप्फिए फलिए हरियंगरेरिज्जमाणे
 सिरीए अईव २ उवसोभेमाणे २ चिट्ठइ, तत्थं णं म्मिडियगामे नयरे रेवईं नामं
 गाहावड्ढी परिवसइ अट्ठा जाव अपरिभूया, तए णं समणे भगवं महावीरे अन्नया
 कयाइ पुब्बाणुपुल्लि चरमाणे जाव जेणेव म्मिडियगामे नयरे जेणेव साण(ल)कोट्टए
 उज्जाणे जाव परिसा पडिगया । तए णं समणस्स भगवओ महावीरस्स सरीरगंसि
 विडले रोगायंके पाउंभूए उज्जले जाव दुरहियासे पित्तजरपरिगयसरीरे दाहवक्कं-
 तीए यावि विहरइ, अविआइं लोहियवचाइं पि पकरेइ, चाउव्वन्नं वागरेइ-एवं खलु

समणे भगवं महावीरे गोसालस्स मंखलिपुत्तस्स तवेणं तेएणं अन्नाइट्ठे समाणे
 अंतो छण्हं मासाणं पित्तज्जरपरिगयसरीरे दाहवक्कंतीए छउमत्थे चेव कालं करि-
 स्सइ । तेणं कालेणं तेणं समएणं समणस्स भगवओ महावीरस्स अंतेवासी सीहे
 नामं अणगारे पगइभइए जाव विणीए मालुयाकच्छगस्स अदूरसामंते छट्ठंछट्ठेणं
 अनिक्खित्तेणं तवोकम्मेणं उट्ठं वाहाओ जाव विहरइ, तए णं तस्स सीहस्स अणगारस्स
 ज्ञाणंतरियाए वट्ठमाणस्स अयमेयारुवे जाव समुप्पज्जित्था-एवं खलु मम धम्माय-
 रियस्स धम्मोवएसगस्स समणस्स भगवओ महावीरस्स सरीरगंसि विउले रोगायंके
 पाउच्चभूए उज्जले जाव छउमत्थे चेव कालं करेस्सइ, वदिस्संति य णं अन्नउत्थिया
 छउमत्थे चेव कालगए, इमेणं एयारुवेणं महया मणोमाणसिएणं दुक्खेणं अभिभूए
 समाणे आयावणभूमीओ पच्चोरुहइ आया० २ ता जेणेव मालुयाकच्छए तेणेव
 उवागच्छइ २ ता मालुयाकच्छयं अंतो २ अणुप्पविसइ मालुया० २ ता महया २
 सदेणं कुहुकुहुस्स परुत्ते । अज्जोत्ति समणे भगवं महावीरे समणे निग्गंथे आमंतेइ
 २ ता एवं वयासी-एवं खलु अज्जो ! मम अंतेवासी सीहे नामं अणगारे पगइभइए
 तं चेव सव्वं भाणियव्वं जाव परुत्ते, तं गच्छह णं अज्जो ! तुच्चे सीहं अणगारं
 सइह, तए णं ते समणा निग्गंथा समणेणं भगवया महावीरेणं एवं वुत्ता समाणा
 समणं भगवं महावीरं वंदंति नमंसंति वं० २ ता समणस्स भगवओ महावीरस्स
 अंतियाओ सालक्रोट्टयाओ उज्जाणाओ पडिनिक्खयंति सा० २ ता जेणेव
 मालुयाकच्छए जेणेव सीहे अणगारे तेणेव उवागच्छन्ति २ ता सीहं अणगारं
 एवं वयासी-सीहा ! तव धम्मायरियां सदावेति, तए णं से सीहे अणगारे समणेहिं
 निग्गंथेहिं सद्धिं मालुयाकच्छयाओ पडिनिक्खमइ २ ता जेणेव सालक्रोट्टए
 उज्जाणे जेणेव समणे भगवं महावीरे तेणेव उवागच्छइ २ ता समणं भगवं महा-
 वीरं तिक्खुत्तो आयाहिणं २ जाव पज्जुवासइ, सीहादि समणे भगवं महावीरे सीहं
 अणगारं एवं वयासी-से नूणं ते सीहा । ज्ञाणंतरियाए वट्ठमाणस्स अयमेयारुवे जाव
 परुत्ते, से नूणं ते सीहा । अट्ठे समट्ठे ? हंता अत्थि, तं नो खलु अहं सीहा । गोसा-
 लस्स मंखलिपुत्तस्स तवेणं तेएणं अन्नाइट्ठे समाणे अंतो छण्हं मासाणं जाव कालं
 करेस्सं, अहं अन्नाइ अदसोलसवासइ जिणे सुहत्थी विहरिस्सामि, तं गच्छह णं
 तुमं सीहा । मँढियगामं नयरं रेवईए गाहावइणीए गिहे, तत्थ णं रेवईए गाहावइणीए
 ममं अट्ठाए दुवे (कोहंडफला) उवक्खडिया तेहिं नो अट्ठो, अत्थि से अंने पारियासिए
 [फासुए वीयऊरए] तमाहराहि तेणं अट्ठो, तए णं से सीहे अणगारे समणेणं भगवया म-
 हावीरेणं एवं वुत्ते समाणे हट्ठट्ठ जाव हियए समणं भगवं महावीरं वंदइ नमंसइ वंदित्ता

नमंसित्ता अतुरियमचवलमसंभंतं मुहपोत्तियं पडिलेहेइ मु० २ ता जहा गोयमसामी जाव जेणेव समणे भगवं महावीरे तेणेव उवागच्छइ २ ता समणं भगवं महावीरं वंदइ नमंसइ वं० २ ता समणस्स भगवओ महावीरस्स अंतियाओ साल्लकोट्टयाओ उज्जाणाओ पडिनिक्खमइ २ ता अतुरिय जाव जेणेव मेंढियगामे नयरे तेणेव उवागच्छइ २ ता मेंढियगामं नयरं मज्झमज्झेणं जेणेव रेवईए गाहावइणीए गिहे तेणेव उवागच्छइ २ ता रेवईए गाहावइणीए गिहं अणुप्पविट्ठे, तए णं सा रेवई गाहावइणी सीहं अणगारं एजमाणं पासइ २ ता हट्ठुट्ठ० खिप्पामेव आसणाओ अब्भुट्ठेइ २ ता सीहं अणगारं सत्तट्ठपयाइं अणुगच्छइ स० २ ता तिव्खुत्तो आयाहिणं पयाहिणं० वंदइ नमंसइ वं० २ ता एवं वयासी-संदिसंतु णं देवाणुप्पिया ! किमागमणप्पओयणं ?, तए णं से सीहे अणगारे रेवई गाहावइणि एवं वयासी-एवं खलु तुमे देवाणुप्पिए ! समणस्स भगवओ महावीरस्स अट्ठाए दुवे [कोहंडफला] उवक्खडिया तेहिं नो अट्ठो, अत्थि ते अन्ने पारियासिए (फासुए बीयऊरए) तमाहंराहि तेणं अट्ठो, तए णं सा रेवई गाहावइणी सीहं अणगारं एवं वयासी-केस णं सीहा ! से णाणी वा तवस्सी वा जेणं तव एस अट्ठे मम ताव रहस्सकडे हव्वमक्खाए जओ णं तुमं जानासि ? एवं जहा खंदए जाव जओ णं अहं जानामि, तए णं सा रेवई गाहावइणी सीहस्स अणगारस्स अंतियं एयमट्ठं सोच्चा निसम्म हट्ठुट्ठा जेणेव भत्तघरे तेणेव उवागच्छइ २ ता पत्तगं मोएइ पत्तगं मोएत्ता जेणेव सीहे अणगारे तेणेव उवागच्छइ २ ता सीहस्स अणगारस्स पडिग्गहगंसि तं सव्वं सम्मं नित्सिरइ, तए णं तीए रेवईए गाहावइणीए तेणं दव्वसुद्धेणं जाव दाणेणं सीहे अणगारे पडिलाभिए समाणे देवाउए निवद्धे जहा विजयस्स जाव जम्मजीवियफले रेवईए गाहावइणीए रेवईए गाहावणीए, तए णं से सीहे अणगारे रेवईए गाहावइणीए गिहाओ पडिनिक्खमइ २ ता मेंढियगामं नयरं मज्झमज्झेणं निग्गच्छइ निग्गच्छइत्ता जहा गोयमसामी जाव भत्तपाणं पडिदंसेइ २ ता समणस्स भगवओ महावीरस्स पाणिसि तं सव्वं सम्मं नित्सिरइ, तए णं समणे भगवं महावीरे अमुच्छिए जाव अणज्झोववन्ने विलमिव पन्नगभूएणं अप्पाणेणं तमाहारं सरीरकोट्ठगंसि पक्खिवइ, तए णं समणस्स भगवओ महावीरस्स तमाहारं आहारियस्स समाणस्स से विउले रोगायकं खिप्पामेव उवसमं पत्ते हट्ठे जाए आरोगे वल्लियसरीरे तुट्ठा समणा तुट्ठाओ समणीओ तुट्ठा सावया तुट्ठाओ सावियाओ तुट्ठा देवा तुट्ठाओ देवीओ सदेवमणुयासुरे लोए तुट्ठे हट्ठे जाए समणे भगवं महावीरे हट्ठे० २ ॥ ५५६ ॥ भंतेत्ति भगवं गोयमे समणं भगवं

महावीरं वंदइ नमंसइ वं० २ ता एवं घयासी-एवं खलु देवाणुप्पियाणं अंतेवासी
 पाईणजाणवए सव्वाणुभूई नामं अणगारे पगइभइए जाव विणीए, से णं भंते ।
 तथा गोसालेणं मंखलिपुत्तेणं तवेणं तेएणं भासारसीकए समाणे कहिं गए कहिं
 उववन्ने ? एवं खलु गोयमा ! ममं अंतेवासी पाईणजाणवए सव्वाणुभूई नामं अणगारे
 पगइभइए जाव विणीए, से णं तथा गोसालेणं मंखलिपुत्तेणं तवेणं तेएणं भासारसीकए
 समाणे उद्धं चंदिमसूरिय जाव वंभलंतगमहासुक्के कप्पे वीईवइत्ता सहस्सारे कप्पे
 देवत्ताए उववन्ने, तत्थ णं अत्थेगइयाणं देवाणं अट्टारस सागरोवमाइं ठिई पणत्ता,
 तत्थ णं सव्वाणुभूइस्सवि देवस्स अट्टारस सागरोवमाइं ठिई पणत्ता, से णं सव्वा-
 णुभूई देवे ताओ देवलोगाओ आउक्खएणं भवक्खएणं ठिइक्खएणं जाव गहा-
 विदेहे वासे सिज्झिहिइ जाव अंतं करेहिइ । एवं खलु देवाणुप्पियाणं अंतेवासी
 कोसलजाणवए सुनक्खत्ते नामं अणगारे पगइभइए जाव विणीए, से णं भंते ।
 तथा गोसालेणं मंखलिपुत्तेणं तवेणं तेएणं परिताविए समाणे कालमासे कालं किच्चा
 कहिं गए कहिं उववन्ने ? एवं खलु गोयमा ! ममं अंतेवासी सुनक्खत्ते नामं
 अणगारे पगइभइए जाव विणीए, से णं तथा गोसालेणं मंखलिपुत्तेणं तवेणं तेएणं
 परिताविए समाणे जेणेव ममं अंतिए तेणेव उवागच्छइ २ ता वंदइ नमंसइ वं०
 २ ता सयमेव पंच महव्वयाइं आरुहेइ सयमेव पंच महव्वयाइं आरुहेत्ता समणा
 य समणीओ य खामेइ २ ता आलोइयपडिक्कंते समाहिपत्ते कालमासे कालं किच्चा
 उद्धं चंदिमसूरिय जाव आणयपाणयारणकप्पे वीईवइत्ता अच्चुए कप्पे देवत्ताए
 उववन्ने, तत्थ णं अत्थेगइयाणं देवाणं वावीसं सागरोवमाइं ठिई पणत्ता, तत्थ णं
 सुनक्खत्तस्सवि देवस्स वावीसं सागरोवमाइं सेसं जहा सव्वाणुभूइस्स जाव अंतं
 काहिइ ॥ ५५७ ॥ एवं खलु देवाणुप्पियाणं अंतेवासी कुसिस्से गोसाले नामं
 मंखलिपुत्ते से णं भंते ! गोसाले मंखलिपुत्ते कालमासे कालं किच्चा कहिं गए कहिं
 उववन्ने ? एवं खलु गोयमा ! ममं अंतेवासी कुसिस्से गोसाले नामं मंखलिपुत्ते
 समणघायए जाव छउमत्थे चेव कालमासे कालं किच्चा उद्धं चंदिमसूरिय जाव अच्चुए
 कप्पे देवत्ताए उववन्ने, तत्थ णं अत्थेगइयाणं देवाणं वावीसं सागरोवमाइं ठिई प०,
 तत्थ णं गोसालस्सवि देवस्स वावीसं सागरोवमाइं ठिई प० । से णं भंते ।
 गोसाले देवे ताओ देवलोगाओ आउक्खएणं ३ जाव कहिं उववज्जिहिइ ? गोयमा ।
 इहेव जंबूदीवे २ भारहे वासे विंझगिरिपायमूले पुंडेसु जणवएसु सयडुवारे नयरे
 संसु (सुम)इस्स रत्तो भइए भारियाए कुच्छिसि पुत्तत्ताए पच्चायाहिइ, से णं तत्थ नवण्हं
 भासाणं बहुपडिपुच्चाणं जाव वीइक्कंताणं जाव सुरुवे दारए पयाहिइ, जं रयणिं च णं से

दारए जाइ(पया)हिइ तं रयणिं च णं सयदुवारे नयरे सन्निभतरवाहिरिए भारगसो
 य कुंभगसो य पउमवासे य रयणवासे य वासे वासिहिइ, तए णं तस्स दारगस्स
 अम्मापियरो एकारसमे दिवसे वीइकंते जाव संपत्ते वारसाहदिवसे अयमेयारुवं
 गोणं गुणनिष्कं नामधेज्जं काहिंति-जम्हा णं अम्हं इमंसि दारगंसि जायंसि
 समाणंसि सयदुवारे नयरे सन्निभतरवाहिरिए जाव रयणवासे य वासे वुट्ठे, तं होउ णं
 अम्हं इमस्स दारगस्स नामधेज्जं महापउमे महापउमे, तए णं तस्स दारगस्स
 अम्मापियरो नामधेज्जं करेहिंति महापउमेत्ति, तए णं तं महापउमं दारगं
 अम्मापियरो साइरेगट्ठवासजायगं जाणिता सोहणंसि तिहिकरणदिवसनक्खतमुहुत्तंसि
 महया २ रायाभिसेगेणं अभिसिंचेहिंति, से णं तत्थ राया भविस्सइ महया
 हिमवंतमंहंत० वन्नओ जाव विहरिस्सइ, तए णं तस्स महापउमस्स रत्तो अन्नया
 कयाइ दो देवा महिद्धिया जाव महेसक्खा सेणाकम्मं काहिंति, तं०-पुन्नभदे
 य माणिभदे य, तए णं सयदुवारे नयरे बहवे राईसरतलवर जाव
 संत्थवाहप्पभिईओ अन्नमन्नं सद्दावेहिंति अ० २ ता एवं वदेहिंति-जम्हा णं
 देवाणुप्पिया ! अम्हं महापउमस्स रत्तो दो देवा महिद्धिया जाव सेणाकम्मं करेति
 तं०-पुन्नभदे य माणिभदे य, तं होउ णं देवाणुप्पिया ! अम्हं महापउमस्स रत्तो
 दोच्चेवि नामधेज्जे देवसेणे २, तए णं तस्स महापउमस्स रत्तो दोच्चेवि नामधेज्जे
 भविस्सइ देवसेणेति, तए णं तस्स देवसेणस्स रत्तो अन्नया कयाइ सेए संख-
 तलविमलसन्निगासे चउइंते हत्थिरयणे समुप्पजिस्सइ, तए णं से देवसेणे राया
 तं सेयं संखतलविमलसन्निगासं चउइंते हत्थिरयणं दुरुढे समाणे सयदुवारं नयरं
 मज्झमज्झेणं अभिक्खणं २ अ(भि)इजाहिइ य निज्जाहिइ य, तए णं सयदुवारे नयरे
 बहवे राईसर जाव पभिईओ अन्नमन्नं सद्दावेहिंति अ० २ ता वदेहिंति-जम्हा णं
 देवाणुप्पिया ! अम्हं देवसेणस्स रत्तो सेए संखतलसन्निगासे चउइंते हत्थिरयणे
 समुप्पजे, तं होउ णं देवाणुप्पिया ! अम्हं देवसेणस्स रत्तो तच्चेवि नामधेज्जे विम-
 लवाहणे २, तए णं तस्स देवसेणस्स रत्तो तच्चेवि नामधेज्जे भविस्सइ विमलवाह-
 नेत्ति । तए णं से विमलवाहणे राया अन्नया कयाइ समणेहिं निगंधेहिं मिच्छं
 विप्पडिवज्जिहिइ, अ(त्थे)प्पेगइए आउसेहिइ, अप्पेगइए अ(उ)वहसिहिइ, अप्पेगइए
 निच्छोडेहिइ, अप्पेगइए निब्भच्छेहिइ, अप्पेगइए वंधेहिइ, अप्पेगइए णिरुंभेहिइ, अप्पे-
 गइयाणं छविच्छेदं करेहिइ, अप्पेगइए पमारेहिइ, अप्पेगइयाणं उद्वेहिइ, अप्पेगइयाणं
 वत्थं पडिगहं कवलं पायपुच्छणं आच्छिदिहिइ विच्छिदिहिइ भिदिहिइ अवहरिहिइ,
 अप्पेगइयाणं भत्तपाणं वोच्छिदिहिइ अप्पेगइ(याणं)ए णिज्जगरे करेहिइ, अप्पेगइए

निव्विसए करेहि(न्ति)इ, तए णं सयदुवारे नयरे वहवे राईसर जाव वदिहिंति-एवं खलु देवाणुप्पिया । विमलवाहणे राया समणेहिं निगंथेहिं मिच्छं विप्पडिवन्ने, अप्पेगइए आउसइ जाव निव्विसए करेइ, तं नो खलु देवाणुप्पिया । एयं अम्हं सेयं, नो खलु एयं विमलवाहणस्स रत्तो सेयं, नो खलु एयं रज्जस्स वा रट्ठस्स वा वलस्स वा वाहणस्स वा पुरस्स वा अंतेउरस्स वा जणवयस्स वा सेयं जणं विमलवाहणे राया समणेहिं निगंथेहिं मिच्छं विप्पडिवन्ने, तं सेयं खलु देवाणुप्पिया । अम्हं विमलवाहणं रायं एयमट्ठं विजवित्तएत्तिकट्ठु अन्नमज्जस्स अंतियं एयमट्ठं पडिसुणेति अ० २. ता जेणेव विमलवाहणे राया तेणेव उवागच्छंति २ ता करयलपरिगंघियं विमलवाहणं रायं जएणं विजएणं वद्धावेंति ज० २. ता एवं वयासी-एवं खलु देवाणुप्पिया । समणेहिं निगंथेहिं मिच्छं विप्पडिवन्ना, अप्पेगइए आउस्संति जाव अप्पेगइए निव्विसए करंति, तं नो खलु एयं देवाणुप्पियाणं सेयं, नो खलु एयं अम्हं सेयं, नो खलु एयं रज्जस्स वा जाव जणवयस्स वा सेयं जं णं देवाणुप्पिया । समणेहिं निगंथेहिं मिच्छं विप्पडिवन्ना, तं विरमंतु णं देवाणुप्पिया । एयस्स अट्ठस्स अकरणयाए, तए णं से विमलवाहणे राया तेहिं वहुहिं राईसर जाव सत्थवाहप्प-भिईहिं एयमट्ठं विजत्ते समाणे नो धम्मोत्ति नो तवोत्ति मिच्छाविणएणं एयमट्ठं पडिसुणेहिइ, तस्स णं सयदुवारस्स नयरस्स वहिया उत्तरपुरच्छिमे दिसीभाए एत्थ णं सुभूमिभागे नामं उज्जाणे भविस्सइ सव्वोउय० वन्नओ । तेणं कालेणं तेणं समएणं विमलस्स अरहओ पउप्पए सुमंगले नामं अणंगारे जाइसंपन्ने जहा धम्म-घोसस्स वन्नओ जाव संखित्तविउलतेयलेस्से तिज्जाणोवगए सुभूमिभागस्स उज्जाणस्स अदूरसामंते छट्ठंछट्ठेणं अणिव्वित्तएणं जाव आयावेमाणे विहरिस्सइ । तए णं से विमलवाहणे राया अज्जया कयाइ रहचरियं काउं निज्जाहिइ, तए णं से विमलवाहणे राया सुभूमिभागस्स उज्जाणस्स अदूरसामंते रहचरियं करेमाणे सुमंगलं अणंगारं छट्ठंछट्ठेणं जाव आयावेमाणं पासिहिइ २ ता आसुस्से जाव मिसिमिसेमाणे सुमंगलं अणंगारं रहसिरेणं णोल्लावेहिइ, तए णं से सुमंगले अणंगारे विमलवाहणेणं रत्ता रहसिरेणं णोल्लाविए समाणे सणियं २ उट्ठेहिइ २ ता दोच्चपि उट्ठं बाहाओ पगिज्झियं २ जाव आयावेमाणे विहरिस्सइ, तए णं से विमलवाहणे राया सुमंगलं अणंगारं दोच्चपि रहसिरेणं णोल्लावेहिइ, तए णं से सुमंगले अणंगारे विमलवाहणेणं रत्ता दोच्चपि रहसिरेणं णोल्लाविए समाणे सणियं २ उट्ठेहिइ २ ता ओहिं पउंजेहिइ २ ता विमलवाहणस्स रण्णो तीतदं ओहिणा आभोएहिइ २ ता विमलवाहणं रायं एवं वदिहिइ-नो खलु तुमं विमलवाहणे राया, नो खलु तुमं देवसेणे राया, नो खलु

सुमं महापउमे राया, तुमणं इओ तच्चे भवंगहणे गोसाले नामं मंखलिंपुत्ते होत्था,
 समणघायए जाव छउमत्थे चेव कालगए, तं जइ ते तया सव्वाणभूइणा अणगारेणं
 पभुणावि होऊणं सम्मं सहियं खमियं तितिविखयं अहियासियं, जइ ते तया सुनक्ख-
 त्तैगं अणगारेणं पभुणावि होऊणं जाव अहियासियं, जइ ते तया समणेणं भगवयां महा-
 वीरेणं पभुणावि जाव अहियासियं, तं नो खलु अहं ते तहा सम्मं सहिस्सं जाव अहिया-
 सिस्सं, अहं ते नवरं सहयं सरहं ससारहियं तवेणं तेएणं एगाहच्चं कूडाहच्चं भास-
 रासिं करेज्जामि, तए णं से विमलवाहणे राया सुमंगलेणं अणगारेणं एवं वुत्ते समाणे
 आसुरत्ते जाव मिसिमिसेमाणे सुमंगलं अणगारं तच्चंपि रहसिरेणं णोल्लावेहिइ, तए
 णं से सुमंगले अणगारे विमलवाहणेणं रण्णा तच्चंपि रहसिरेणं णोल्लाविए समाणे
 आसुरत्ते जाव मिसिमिसेमाणे आयावणभूमीओ पच्चोरुहइ आ० २ ता तेयासमु-
 ण्घाएणं समोहणिहिइ तेया० २ ता सत्तट्ठपयाइं पच्चोसक्किहिइ सत्तट्ठ० २ ता
 विमलवाहणं रायं सहयं सरहं ससारहियं तवेणं तेएणं जाव भासरासिं करेहिइ ।
 सुमंगले णं भंते ! अणगारे विमलवाहणं रायं सहयं जाव भासरासिं करेत्ता कहिं
 गच्छिहिइ कहिं उववज्जिहिइ ? गोयमा ! सुमंगले णं अणगारे विमलवाहणं रायं
 सहयं जाव भासरासिं करेत्ता बहूहिं चउत्थछट्ठमदसमदुवालस जाव विचित्तेहिं
 तवोक्कमेहिं अप्पाणं भावेमाणे बहूइं वासाइं सामन्नपरियागं पाउणिहिइ बहू० २ ता
 मासियाए संलेहणाए सट्ठि भत्ताइं अणसणाए जाव छेदेत्ता आलोइयपडिक्कंते समाहि-
 पत्ते उट्ठं चंदिमसूरिय जाव गोविज्जविमाणावाससयं वीइवइत्ता सव्वट्ठसिद्धे महाविमाणे
 देवत्ताए उववज्जिहिइ, तत्थ णं देवाणं अजहन्नमणुक्कोसेणं तेत्तीसं सागरोवमाइं ठिई
 प०, तत्थ णं सुमंगलस्सवि देवस्स अजहन्नमणुक्कोसेणं तेत्तीसं सागरोवमाइं ठिई
 प० । से णं भंते ! सुमंगले देवे ताओ देवलोगाओ जाव महाविदेहे वासे सिज्झिहिइ
 जाव अंतं करेहिइ ॥ ५५८ ॥ विमलवाहणे णं भंते ! राया सुमंगलेणं अणगारेणं सहए
 जाव भासरासीकए समाणे कहिं गच्छिहिइ कहिं उववज्जिहिइ ? गोयमा ! विमलवाहणे
 णं राया सुमंगलेणं अणगारेणं सहए जाव भासरासीकए समाणे अहे सत्तमाए पुढवीए
 उक्कोसकालट्ठिइयंसि नरयंसि नेरइयत्ताए उववज्जिहिइ, से णं तओ अणंतरे उव्वट्ठित्ता
 मच्छेसु उववज्जिहिइ, तत्थवि णं सत्थवज्जे दाहवक्कंतीए कालमासे कालं किच्चा
 दोच्चंपि अहे सत्तमाए पुढवीए उक्कोसकालट्ठिइयंसि नरयंसि नेरइयत्ताए उववज्जिहिइ,
 से णं तओ अणंतरे उव्वट्ठित्ता दोच्चंपि मच्छेसु उववज्जिहिइ, तत्थवि णं सत्थवज्जे
 जाव किच्चा छट्ठीए तमाए पुढवीए उक्कोसकालट्ठिइयंसि नरयंसि नेरइयत्ताए उवव-
 ज्जिहिइ, से णं तओहिंतो जाव उव्वट्ठित्ता इत्थियासु उववज्जिहिइ, तत्थवि णं

सत्थवज्जे दाह जाव दोचंपि छट्ठीए तमाए पुढवीए उक्कोसकाल जाव उव्वट्ठिता दोचंपि इत्थियासु उव्वज्जिहिइ, तत्थवि णं सत्थवज्जे जाव किच्चा पंचमाए धूमप्प-
भाए पुढवीए उक्कोसकालट्ठियंसि जाव उव्वट्ठिता उरएसु उव्वज्जिहिइ, तत्थवि णं
सत्थवज्जे जाव किच्चा दोचंपि पंचमाए जाव उव्वट्ठिता दोचंपि उरएसु उव्वज्जिहिइ
जाव किच्चा चउत्थीए पंकप्पभाए पुढवीए उक्कोसकालट्ठियंसि जाव उव्वट्ठिता सीहेसु
उव्वज्जिहिइ, तत्थवि णं सत्थवज्जे तहेव जाव कालं किच्चा दोचंपि चउत्थीए पंक-
प्पभाए जाव उव्वट्ठिता दोचंपि सीहेसु उव्वज्जिहिइ जाव किच्चा तच्चाए वालुयप्पभाए
पुढवीए उक्कोसकाल जाव उव्वट्ठिता पक्खीसु उव्वज्जिहिइ, तत्थवि णं सत्थवज्जे जाव
किच्चा दोचंपि तच्चाए वालुय० जाव उव्वट्ठिता दोचंपि पक्खीसु उव्वज्जिहिइ जाव
किच्चा दोच्चाए सक्करप्पभाए जाव उव्वट्ठिता सिरीसवेसु उव्वज्जिहिइ, तत्थवि णं
सत्थवज्जे जाव किच्चा दोचंपि दोच्चाए सक्करप्पभाए जाव उव्वट्ठिता दोचंपि सिरीसवेसु
उव्वज्जिहिइ जाव किच्चा इमीसे रयणप्पभाए पुढवीए उक्कोसकालट्ठियंसि नरयंसि
नेरइयत्ताए उव्वज्जिहिइ जाव उव्वट्ठिता सण्णीसु उव्वज्जिहिइ, तत्थवि णं सत्थवज्जे
जाव किच्चा असन्नीसु उव्वज्जिहिइ, तत्थवि णं सत्थवज्जे जाव किच्चा दोचंपि इमीसे
रयणप्पभाए पुढवीए पलिओवमस्स असंखेज्जभागट्ठियंसि णरयंसि नेरइयत्ताए
उव्वज्जिहिइ, से णं तओ जाव उव्वट्ठिता जाइं इमाइं खह्चरविहाणाइं भवंति, तं०-
चम्मपक्खीणं, लोमपक्खीणं, समुग्गपक्खीणं, विययपक्खीणं, तेसु अणेगसयसहस्स-
खुत्तो उद्दाइत्ता २ तत्थेव २ भुज्जो २ पच्चायाहिइ, सव्वत्थवि णं सत्थवज्जे दाहवक्कंतीए
कालमासे कालं किच्चा जाइं इमाइं भुयपरिसप्पविहाणाइं भवंति, तंजहा-गोहाणं
नउलाणं जहा पन्नवणापए जाव जाहगाणं, तेसु अणेगसयसहस्सखुत्तो सेसं जहा
खहचराणं जाव किच्चा जाइं इमाइं उरपरिसप्पविहाणाइं भवंति, तं०-अहीणं अय-
गराणं आसालियाणं महोरगाणं, तेसु अणेगसयसहस्सखुत्तो जाव किच्चा जाइं इमाइं
चउप्पयविहाणाइं भवंति, तं०-एगखुराणं दुखुराणं गंडीपयाणं सणहपयाणं, तेसु
अणेगसयसहस्स जाव किच्चा जाइं इमाइं जलचरविहाणाइं भवंति, तं०-मच्छाणं
कच्छभाणं जाव सुंसुमाराणं, तेसु अणेगसयसहस्स जाव किच्चा जाइं इमाइं चउरि-
दियविहाणाइं भवंति, तं०-अंधियाणं पोत्तियाणं जहा पन्नवणापए जाव गोमंय-
कीडाणं, तेसु अणेगसयसहस्स जाव किच्चा जाइं इमाइं तेइंदियविहाणाइं भवंति,
तं०-उ(ओ)वचियाणं जाव हत्थिसोडाणं, तेसु अणेग जाव किच्चा जाइं इमाइं वेइं-
दियविहाणाइं भवंति, तं०-पुलाकिमियाणं जाव समुदल्लिक्खाणं, तेसु अणेगसय जाव
किच्चा जाइं इमाइं वणस्सइविहाणाइं भवंति, तं०-स्खवाणं गुच्छाणं जाव कुह(हु)णाणं,

तेसु अणेगसय जाव पचायाइस्सइ, उस्सजं च णं कडुयएक्खेसु कडुयवल्लीसु सव्व-
 त्थवि णं सत्थवज्जे जाव किच्चा जाइं इमाइं वाउक्काइयविहाणाइं भवंति, तंजहा-
 पाईणवायाणं जाव सुद्धवायाणं, तेसु अणेगसयसहस्स जाव किच्चा जाइं इमाइं
 तेउक्काइयविहाणाइं भवंति, तं०-इंगालाणं जाव सूरियकंतमणिनिस्सियाणं, तेसु अणे-
 गसयसहस्स जाव किच्चा जाइं इमाइं आउक्काइयविहाणाइं भवंति, तं०-उस्साणं
 जाव खातोदगाणं, तेसु अणेगसयसहस्स जाव पचायाइस्सइ, उस्सणं च णं
 खारोदएसु खातोदएसु, सव्वत्थवि णं सत्थवज्जे जाव किच्चा जाइं इमाइं पुढविका-
 इयविहाणाइं भवंति, तं०-पुढवीणं सक्कराणं जाव सूरकंताणं, तेसु अणेगसय जाव
 पचायाहिइ, उस्सजं च णं खरवायरपुढविकाइएसु, सव्वत्थवि णं सत्थवज्जे जाव
 किच्चा रायगिहे नयरे वाहिं खरियत्ताए उववज्जिहिइ, तत्थवि णं सत्थवज्जे जाव
 किच्चा दोच्चंपि रायगिहे नयरे अंतो खरियत्ताए उववज्जिहिइ, तत्थवि णं सत्थ-
 वज्जे जाव किच्चा इहेव जंवुदीये दीवे भारहे वासे विंझगिरिपायमूले विभेले
 सन्निवेसे माहणकुलंसि दारियत्ताए पचायाहिइ । तए णं तं दारियं अम्मापियरो
 उम्मुक्कवालभावं जोव्वणगमणुप्पत्तं पडिरुवएणं सुक्केणं पडिरुवएणं विणएणं पडि-
 रुवियस्स भत्तारस्स भारियत्ताए दलइस्संति, सा णं तस्स भारिया भविस्सइ इट्ठा
 कंता जाव अणुमया भंडकरंडगसमाणा तेल्लकेला इव सुसंगोविया चेलपे(ला)डा इव
 सुसंपरिग्गहिया रयणकरंडओविव सुसारक्खिया सुसंगोविया मा णं सीयं मा णं उण्हं
 जाव परिस्सहोवसग्गा फुसंतु । तए णं सा दारिया अन्नया कयाइ गुव्विणी ससुरकु-
 लाओ कुलघरं निजमाणी अंतरा दवग्गिजालाभिहया कालमासे कालं किच्चा दाहिणि-
 लेसु अग्गिकुमारेसु देवेसु देवत्ताए उववज्जिहिइ, से णं तओहिंतो अणंतरं उव्वट्ठित्ता
 माणुस्सं विग्गहं लभिहिइ माणुस्सं० २ ता केवलं वोहिं बुज्झिहिइ के० २ ता केवलं
 मुंडे भविता अगाराओ अणगारियं पव्वइहिइ, तत्थविय णं विराहियसामन्ने कालमासे
 कालं किच्चा दाहिणिल्लेसु असुरकुमारेसु देवेसु देवत्ताए उववज्जिहिइ, से णं तओहिंतो
 जाव उव्वट्ठित्ता माणुस्सं विग्गहं तं चेव जाव तत्थवि णं विराहियसामन्ने कालमासे
 कालं किच्चा दाहिणिल्लेसु नागकुमारेसु देवेसु देवत्ताए उववज्जिहिइ, से णं तओहिंतो
 अणंतरं उव्वट्ठित्ता एवं एएणं अभिलावेणं दाहिणिल्लेसु सुवन्नकुमारेसु एवं विज्जुकुमारेसु
 एवं अग्गिकुमारवज्जं जाव दाहिणिल्लेसु थणियकुमारेसु से णं तओ जाव उव्वट्ठित्ता
 माणुस्सं विग्गहं लभिहिइ जाव विराहियसामन्ने जोइसिएसु देवेसु उववज्जिहिइ, से
 णं तओ अणंतरं चयं चइत्ता माणुस्सं विग्गहं लभिहिइ जाव अविराहियसामन्ने
 कालमासे कालं किच्चा सोहम्मे कप्पे देवत्ताए उववज्जिहिइ, से णं तओहिंतो अणंतरं

चयं चइत्ता माणुस्सं विग्गहं लभिहिइ, केवलं वोहिं बुज्झिहिइ, तत्थवि णं अवि-
 राहियसामन्ने कालमासे कालं किच्चा ईसाणे कप्पे देवत्ताए उववज्झिहिइ, से णं तओ०
 चइत्ता माणुस्सं विग्गहं लभिहिइ० तत्थवि णं अविराहियसामन्ने कालमासे कालं
 किच्चा सणकुमारे कप्पे देवत्ताए उववज्झिहिइ, से णं तओहिंतो एवं जहा सणकुमारे
 तहा वंभलोए महासुक्के आणए आरणे, से णं तओ जाव अविराहियसामन्ने काल-
 मासे कालं किच्चा संव्वट्ठसिद्धे महाविमाणे देवत्ताए उववज्झिहिइ, से णं तओहिंतो
 अणंतरं चयं चइत्ता महाविदेहे वासे जाइ इमाइं कुलाइं भवन्ति-अद्धाइं जाव
 अपरिभूयाइं, तहप्पगारेसु कुलेसु पुत्तत्ताए पच्चायाहिइ, एवं जहा उववाइए दढप्प-
 इन्नवत्तव्वया सच्चैव वत्तव्वयां निरवसेसा भाणियव्वा जाव केवलवरणाणदंसणे
 समुप्पज्झिहिइ, तए णं से दढप्पइन्ने केवली अप्पणो तीतद्धं आभोएहिइ अप्प०
 २ ता समणे निग्गंथे सद्दावेहिइ सम० २ ता एवं वदिहिइ-एवं खलु अहं अज्जो !
 इओ चिरातीयाए अद्धाए गोसाले नामं मंखलिपुत्ते होत्था समणघायए जाव छउमत्थे
 चेव कालगए, तम्मूलगं च णं अहं अज्जो ! अणादीयं अणवदग्गं दीहमद्धं चाउरंत-
 संसारकंतारं अणुपरियट्ठिए, तं मा णं अज्जो ! तुव्भंपि कैइ भवउ आयरियपडिणीए
 उवज्झायपडिणीए आयरियउवज्झायाणं अयसकारए अवन्नकारए अकित्तिकारए,
 मा णं सेऽवि एवं चेव अणादीयं अणवदग्गं जाव संसारकंतारं अणुपरियट्ठिहिइ जहा
 णं अहं । तए णं ते समणा निग्गंथा दढप्पइन्नस्स केवलिस्स अंतियं एयमट्ठं
 सोच्चा निसम्म भीया तत्था तसिया संसारभयउव्विग्गा दढप्पइन्नं केवलिं वंदिहिंति
 नमंसिंहिति वं० २ ता तस्स ठाणस्स आलोइएहिंति निदिहिंति जाव पडिवज्झिंहिति,
 तए णं से दढप्पइन्ने केवली बहूइं वासाइं केवलपरियागं पाउणिहिइ बहूइं० २ ता
 अप्पणोआउसेसं जाणित्ता भत्तं पच्चक्खाहिइ, एवं जहा उववाइए जाव सव्वदुक्खाण-
 मंतं काहिइ । सेवं भंते । २ ति जाव.विहरइ ॥ ५५९ ॥ तेयनिसग्गो समत्तो
 (अद्धेणं) ॥ समत्तं च पन्नरसमं सयं एकसरयं ॥

अहिगरणि जरा कम्मे जावइयं गंगदत्त सुमिणे य । उवओग लोग वलि ओहि दीव
 उदही दिसा थणिया ॥१॥ चउइस० सोलसमे ॥ तेणं कालेणं तेणं समएणं रायगिहे
 जाव पज्जुवासमाणे एवं वयासी-अत्थि णं भंते । अहिगरणिसि वाउयाए वक्कमइ ?
 हंता अत्थि, से भंते । किं पुट्ठे उदाइ अपुट्ठे उदाइ ? गोयमा । पुट्ठे उदाइ नो अपुट्ठे
 उदाइ, से भंते । किं ससरीरी निक्खमइ असरीरी निक्खमइ ? एवं जहा खंदए जाव
 से तेणट्ठेणं जाव नो असरीरी निक्खमइ ॥५६०॥ इंगालकारियाए णं भंते ! अगणि-
 काए केवइयं कालं संचिद्धइ ? गोयमा ! जहन्नेणं अंतोमुहुत्तं उक्कोसेणं तिन्नि राइंदियाइं,

अज्ञेवि तत्थ वाउयाए वक्कमइ, न विणा वाउयाएणं अगणिकाए उज्जलइ ॥ ५६१ ॥
 पुरिसे णं भंते ! अयं अयकोट्टंसि अयोमएणं संडासएणं उव्विहमाणे वा पव्विहमाणे
 वा कइकिरिए ? गोयमा ! जावं च णं से पुरिसे अयं अयकोट्टंसि अयोमएणं संडा-
 सएणं उव्विहिइ वा पव्विहिइ वा तावं च णं से पुरिसे काइयाए जाव पाणाइवाय-
 किरियाए पंचहिं किरियाहिं पुट्ठे, जेसिंपिय णं जीवाणं सरीरेहिंतो अए निव्वत्तिए
 अयकोट्ठे निव्वत्तिए संडासए निव्वत्तिए इंगाला निव्वत्तिया इंगालकट्ठिणी निव्व-
 त्तिया भत्था निव्वत्तिया तेवि णं जीवा काइयाए जाव पंचहिं किरियाहिं पुट्ठा ।
 पुरिसे णं भंते ! अयं अयकोट्ठाओ अयोमएणं संडासएणं गहाय अहिगरणिसि
 उक्खिवमाणे वा निक्खिवमाणे वा कइकिरिए ? गोयमा ! जावं च णं से पुरिसे
 अयं अयकोट्ठाओ जाव निक्खिवइ वा तावं च णं से पुरिसे काइयाए जाव
 पाणाइवायकिरियाए पंचहिं किरियाहिं पुट्ठे, जेसिंपिय णं जीवाणं सरीरेहिंतो अए
 निव्वत्तिए संडासए निव्वत्तिए चम्मेट्ठे निव्वत्तिए मुट्ठिए निव्वत्तिए अहिगरणी
 निव्वत्ति(ए)या अहिगरणिखोडी णिव्वत्तिया उदगदोणी णिव्वत्तिया अहिगरणसाला
 निव्वत्तिया तेविय णं जीवा काइयाए जावं पंचहिं किरियाहिं पुट्ठा ॥ ५६२ ॥ जीवे
 णं भंते ! किं अहिगरणी अहिगरणं ? गोयमा ! जीवे अहिगरणीवि अहिगरणंपि,
 से केणट्ठेणं भंते ! एवं वुच्चइ जीवे अहिगरणीवि अहिगरणंपि ? गोयमा ! अविरइं
 पडुच्च, से तेणट्ठेणं जाव अहिगरणंपि ॥ नेरइए णं भंते ! किं अधिगरणी अधिग-
 रणं ? गोयमा ! अहिगरणीवि अहिगरणंपि, एवं जहेव जीवे तहेव नेरइएवि, एवं
 निरंतरं जाव वेमाणिए ॥ जीवे णं भंते ! किं साहिगरणी निरहिगरणी ? गोयमा !
 साहिगरणी नो निरहिगरणी, से केणट्ठेणं पुच्छा, गोयमा ! अविरइं पडुच्च, से
 तेणट्ठेणं जाव नो निरहिगरणी, एवं जाव वेमाणिए ॥ जीवे णं भंते ! किं आया-
 हिगरणी पराहिगरणी तदुभयाहिगरणी ? गोयमा ! आयाहिगरणीवि पराहिगरणीवि
 तदुभयाहिगरणीवि, से केणट्ठेणं भंते ! एवं वुच्चइ जाव तदुभयाहिगरणीवि ?
 गोयमा ! अविरइं पडुच्च, से तेणट्ठेणं जाव तदुभयाहिगरणीवि, एवं जाव वेमा-
 णिए ॥ जीवाणं भंते ! अहिगरणे किं आयप्पओगनिव्वत्तिए परप्पओगनिव्वत्तिए
 तदुभयप्पओगनिव्वत्तिए ? गोयमा ! आयप्पओगनिव्वत्तिएवि परप्पओगनिव्वत्ति-
 एवि तदुभयप्पओगनिव्वत्तिएवि, से केणट्ठेणं भंते ! एवं वुच्चइ ० गोयमा ! अविरइं
 पडुच्च, से तेणट्ठेणं जाव तदुभयप्पओगनिव्वत्तिएवि, एवं जाव वेमाणियाणं ॥ ५६३ ॥
 कइ णं भंते ! सरीरगा पणत्ता ? गोयमा ! पंच सरीरगा पणत्ता, तंजहा-ओरालिए
 जाव कम्मए । कइ णं भंते ! इंदिया पणत्ता ? गोयमा ! पंच इंदिया पणत्ता,

तंजहा-सोइंदिए जाव फासिंदिए, कइविहे णं भंते । जोए पणत्ते ? गोयमा ! तिविहे जोए पणत्ते, तंजहा-मणजोए वइजोए कायजोए ॥ जीवे णं भंते । ओरालियसरीरं निव्वत्तेमाणे किं अहिगरणी अहिगरणं ? गोयमा ! अहिगरणीवि अहिगरणंपि, से केणट्ठेणं भंते । एवं वुच्चइ अहिगरणीवि अहिगरणंपि ? गोयमा ! अविरइं पडुच्च, से तेणट्ठेणं जाव अहिगरणंपि, पुढविकाइए णं भंते । ओरालियसरीरं निव्वत्तेमाणे किं अहिगरणी अहिगरणं ? एवं चेव, एवं जाव मणस्से । एवं वेउव्वियसरीरंपि, नवरं जस्स अत्थि । जीवे णं भंते । आहारगसरीरं निव्वत्तेमाणे किं अहिगरणी० पुच्छा, गोयमा ! अहिगरणीवि अहिगरणंपि, से केणट्ठेणं जाव अहिगरणंपि ? गोयमा ! पमायं पडुच्च, से तेणट्ठेणं जाव अहिगरणंपि, एवं मणस्सेवि, तेयासरीरं जहा ओरालियं, नवरं सव्वजीवाणं भाणियव्वं, एवं कम्मगसरीरंपि । जीवे णं भंते । सोइंदियं निव्वत्तेमाणे किं अहिगरणी अहिगरणं ? एवं जहेव ओरालिय-सरीरं तहेव सोइंदियंपि भाणियव्वं, नवरं जस्स अत्थि सोइंदियं, एवं चक्खिदिय-घाणिदियजिड्ढिभदियफासिंदियाणवि, नवरं जाणियव्वं जस्स जं अत्थि । जीवे णं भंते । मणजोगं निव्वत्तेमाणे किं अहिगरणी अहिगरणं ? एवं जहेव सोइंदियं तहेव निरवसेसं, वइजोगो एवं चेव, नवरं एणिदियवज्जाणं, एवं कायजोगोवि, नवरं सव्वजीवाणं जाव वेमाणिए । सेवं भंते । २ ति ॥ ५६४ ॥ **सोलसमस्स सयस्स पढमो उद्देशो समत्तो ॥**

रायणिहे जाव एवं वयासी-जीवाणं भंते । किं जरा सोगे ? गोयमा ! जीवाणं जरावि सोगेवि, से केणट्ठेणं भंते । एवं वुच्चइ जाव सोगेवि ? गोयमा ! जे णं जीवा सारीरं वेयणं वेदंति तेसि णं जीवाणं जरा, जे णं जीवा माणसं वेयणं वेदंति तेसि णं जीवाणं सोगे, से तेणट्ठेणं जाव सोगेवि, एवं नेरइयाणवि, एवं जाव थणियकुमा-राणं, पुढविकाइयाणं भंते । किं जरा सोगे ? गोयमा ! पुढविकाइयाणं जरा नो सोगे, से केणट्ठेणं जाव नो सोगे ? गोयमा ! पुढविकाइया णं सारीरं वेयणं वेदंति नो माणसं वेयणं वेदंति, से तेणट्ठेणं जाव नो सोगे, एवं जाव चउरिंदियाणं, सेसाणं जहा जीवाणं जाव वेमाणियाणं, सेवं भंते । २ ति जाव पज्जुवासइ ॥ ५६५ ॥ तेणं कालेणं तेणं समएणं सक्के देविंदे देवराया वज्जपाणी पुरंदरे जाव भुंजमाणे विहरइ, इमं च णं केवलकपं जंबुदीवं २ विउलेणं ओहिणा आभोएमाणे २ पासइ समणं भंगवं महावीरं जंबुदीवे दीवे एवं जहा ईसाणे तइयसए तहेव सक्कोवि नवरं आभिओगे ण सद्देवइ हरी पायत्ताणियाहिबई, सुघोसा घंटा, पालओ विमाणकारी पालणं विमाणं, उत्तरिल्ले निज्जाणमग्गे, दाहिणपुरच्छिमिल्ले रइकरगपव्वए सेसं तं चेव

जाव नामंगं सावेत्ता पज्जुवासइ, धम्मकहा जाव परिसा पडिगया, तए णं से सक्के देविंदे देवराया समणस्स भगवओ महावीरस्स अंतियं धम्मं सोच्चा निसम्म हट्ठ-
तुट्ठ० समणं भगवं महावीरं वंदइ नमंसइ वं० २ ता एवं वयासी-कइविहे णं भंते !
उग्गहे पन्नत्ते ? सक्का ! पंचविहे उग्गहे पण्णत्ते, तंजहा-देविंदोग्गहे, रायोग्गहे,
गाहावइउग्गहे, सागारियउग्गहे, साहम्मियउग्गहे ॥ जे इमे भंते ! अज्जत्ताए समणा
निमंगंथा विहरंति, एएसि णं अहं उग्गहं अणुजाणामीतिकट्ठु समणं भगवं महावीरं
वंदइ नमंसइ वं० २ ता तमेव दिव्वं जाणविमाणं दुरुहइ २ ता जामेव दिसिं पाउब्भूए
तामेव दिसिं पडिगए । भंते ! त्ति भगवं गोयमे समणं भगवं महावीरं वंदइ नमंसइ
वं० २ ता एवं वयासी-जं णं भंते ! सक्के देविंदे देवरायां तुब्भे एवं वदइ सच्चे णं
एसमट्ठे ? हंता सच्चे ॥ ५६६ ॥ सक्के णं भंते ! देविंदे देवराया किं सम्मावाई
मिच्छावाई ? गोयमा ! सम्मावाई नो मिच्छावाई ॥ सक्के णं भंते ! देविंदे देव-
राया किं सच्चं भासं भासइ, मोसं भासं भासइ, सच्चामोसं भासं भासइ, असच्चामोसं
भासं भासइ ? गोयमा ! सच्चंपि भासं भासइ जाव असच्चामोसंपि भासं भासइ ॥
सक्के णं भंते ! देविंदे देवराया किं सावज्जं भासं भासइ अणवज्जं भासं भासइ ?
गोयमा ! सावज्जंपि भासं भासइ अणवज्जंपि भासं भासइ, से केणट्ठेणं भंते ! एवं
वुच्चइ-सावज्जंपि जाव अणवज्जंपि भासं भासइ ? गोयमा ! जाहे णं सक्के देविंदे
देवराया सुहुमकायं अणिजूहिताणं भासं भासइ ताहे णं सक्के देविंदे देवराया
सावज्जं भासं भासइ, जाहे णं सक्के देविंदे देवराया सुहुमकायं निजूहिताणं भासं
भासइ ताहे णं सक्के देविंदे देवराया अणवज्जं भासं भासइ, से तेणट्ठेणं जाव
भासइ, सक्के णं भंते ! देविंदे देवराया किं भवसिद्धिए अभवसिद्धिए सम्महिट्ठिए
मिच्छादिट्ठिए एवं जहा मोउद्देसए सणंकुमारे जाव नो अचरिमे ॥ ५६७ ॥ जीवाणं भंते !
किं चेयकडा कम्मा कज्जंति अचेयकडा कम्मा कज्जंति ? गोयमा ! जीवाणं चेयकडा
कम्मा कज्जंति नो अचेयकडा कम्मा कज्जंति, से केणट्ठेणं भंते ! एवं वुच्चइ जाव
कज्जंति ? गोयमा ! जीवाणं आहारोवचिया पोग्गला, वौदिविया पोग्गला, क(डे)लेवर-
चिया पोग्गला तहा २ णं ते पोग्गला परिणमंति नत्थि अचेयकडा कम्मा समणा-
उसो !, दुट्ठाणेषु दुसेज्जासु दुज्जिसीहियासु तहा २ णं ते पोग्गला परिणमंति नत्थि
अचेयकडा कम्मा समणाउसो !, आर्यके से वहाए होइ संकप्पे से वहाए होइ मर-
णंते से वहाए होइ तहा २ णं ते पोग्गला परिणमंति नत्थि अचेयकडा कम्मा
समणाउसो !, से तेणट्ठेणं जाव कम्मा कज्जंति, एवं नेरइयाणवि एवं जाव चेमाणि-
याणं । सेवं भंते ! सेवं भंते ! त्ति जाव विहरइ ॥ ५६८ ॥ सोलसमस्स
सयस्स वीथो उद्देसो समत्तो ॥

रायगिहे जाव एवं वयासी-कइ णं भंते ! कम्मपगडीओ पण्णत्ताओ ? गोयमा !
 अट्ठ कम्मपगडीओ पण्णत्ताओ, तंजहा-नाणावरणिज्जं जाव अंतराइयं, एवं जाव
 वेमाणियाणं । जीवे णं भंते ! नाणावरणिज्जं कम्मं वेदेमाणे कइ कम्मपगडीओ
 वेदेइ ? गोयमा ! अट्ठ कम्मपगडीओ, एवं जहा पन्नवणाए वेयावेउद्देसओ सो चेव
 निरवसेसो भाणियव्वो, वेदावंधोवि तहेव, वंधावेदोवि तहेव, वंधावंधोवि तहेव
 भाणियव्वो जाव वेमाणियाणंति । सेवं भंते ! २ त्ति जाव विहरइ ॥ ५६९ ॥
 तए णं समणे भगवं महावीरे अन्नया कयाइ रायगिहाओ नयरओ गुणसिलाओ
 उज्जाणाओ पडिनिक्खमइ २ ता वहिया जणवयविहारं विहरइ, तेणं कालेणं तेणं
 समएणं उल्लुयातीरे नामं नयरं होत्था वन्नओ, तस्स णं उल्लुयातीरस्स नयरस्स
 वहिया उत्तरपुरच्छिमे दिसीभाए एत्थ णं एगजंबुए नामं उज्जाणे होत्था वन्नओ,
 तए णं समणे भगवं महावीरे अन्नया कयाइ पुव्वाणुपुव्वि चरमाणे जाव एगजंबुए
 समोसडे जाव परिसा पडिगया, भंते ! त्ति भगवं गोयमे समणं भगवं महावीरं वंदइ
 नमंसइ वंदित्ता नमंसित्ता एवं वयासी-अणगारस्स णं भंते ! भावियप्पणो छट्ठंछ-
 ट्ठेणं अणिक्खित्तेणं जाव आयावेमाणस्स तस्स णं पुरच्छिमेणं अवड्ढं दिवसं नो
 कप्पइ हत्थं वा पायं वा वाहं वा ऊरुं वा आउंटावेत्तए वा पसारत्तए वा, पच्चच्छि-
 मेणं से अवड्ढं दिवसं कप्पइ हत्थं वा पायं वा जाव ऊरुं वा आउंटावेत्तए वा
 पसारत्तए वा, तस्स णं अंसियाओ लंवंति, तं च वेजे अदक्खुइ(ई)सिं पाडेइ २ तां
 अंसियाओ छिंदेज्जा, से नूणं भंते ! जे छिंदइ तस्सं किरिया कज्जइ, जस्स छिज्जइ
 नो तस्स किरियां कज्जइ णण्णत्थेगेणं धम्मंतराइएणं ? हंता गोयमा ! जे छिंदइ
 जाव धम्मंतराइएणं । सेवं भंते ! सेवं भंते ! त्ति ॥ ५७० ॥ सोलसमस्स सयस्स
 तइओ उद्देसो समत्तो ॥

रायगिहे जाव एवं वयासी-जावइयन्नं भंते ! अन्नगिलायए समणे निगंग्थे कम्मं
 निज्जरेइ एवइयं कम्मं नरएसु नेरइयाणं वासेण वा वासेहिं वा वाससए(ण)हिं वा
 खवयंति ? णो इण्ठे समट्ठे, जावइयणं भंते ! चउत्थभत्तिए समणे निगंग्थे कम्मं
 निज्जरेइ एवइयं कम्मं नरएसु नेरइया वाससएण वा वाससएहिं वा वाससहस्से(ण)हिं
 वा वाससयसहस्से(ण)हिं वा खवयंति ? णो इण्ठे समट्ठे, जावइयन्नं भंते !
 छट्ठभत्तिए समणे निगंग्थे कम्मं निज्जरेइ एवइयं कम्मं नरएसु नेरइया वाससहस्सेण
 वा वाससहस्सेहिं वा वाससयसहस्से(हिं)ण वा खवयंति ? णो इण्ठे समट्ठे,
 जावइयन्नं भंते ! अट्ठभत्तिए समणे निगंग्थे कम्मं निज्जरेइ एवइयं कम्मं नरएसु
 नेरइया वाससयसहस्सेण वा वाससयसहस्सेहिं वा वासकोडीए वा खवयंति ? नो

इण्ठे समट्ठे, जावइयन्नं भंते । दसमभत्तिए समणे निग्गंथे कम्मं निज्जरेइ एवइयं कम्मं नरएसु नेरइया वासकोडीए वा वासकोडीहिं वा वासकोडाकोडीए वा खवयंति ? नो इण्ठे समट्ठे, से केणट्ठेणं भंते ! एवं वुच्चइ जावइयं अन्न(इ)गिलायए समणे निग्गंथे कम्मं निज्जरेइ एवइयं कम्मं नरएसु नेरइया वासेण वा वासेहिं वा वाससएण वा (जाव) वास-(सय) सहस्सेण वा नो खवयंति, जावइयं चउत्थभत्तिए एवं तं चेव पुव्वभणियं उच्चारयव्वं जाव वासकोडाकोडीए वा नो खवयंति ? गोयमा ! से जहानामए-केइ पुरिसे जुञ्जे जराजज्जरियदेहे सिद्धिलतयावलिंतरंगसंपिणद्धगत्ते पविरलपरिसडियदंतसेढी उण्हाभिहए तण्हाभिहए आउरे झुंझिए पिवासिए दुव्वले किलंते एगं महं कोसंवगंडियं सुक्कं जडिलं गंठिल्लं चिक्कणं वाइद्धं अपत्तियं मुंडेण परसुणा अक्केज्जा, तए णं से पुरिसे महंताइं २ सद्दाइं करेइ नो महंताइं २ दलाइं अवद्दालेइ, एवामेव गोयमा ! नेरइयाणं पावाइं कम्माइं गाढीकयाइं चिक्कणीकयाइं एवं जहा छट्ठसए जाव नो महापज्जवसाणा भवन्ति, से जहानामए-केइ पुरिसे अहिगरणिं आउडेमाणे महया जाव नो महापज्जवसाणा भवन्ति, से जहानामए-केइ पुरिसे तरुणे बलवं जाव मेहावी निउणसिप्पोवगए एगं महं सामलिगंडियं उल्लं अजडिलं अगंठिल्लं अचिक्कणं अवाइद्धं सपत्तियं अइतिक्खेण परसुणा अक्केज्जा, तए णं से पुरिसे नो महंताइं २ सद्दाइं करेइ, महंताइं २ दलाइं अवद्दालेइ, एवामेव गोयमा ! समणाणं निग्गंथाणं अहावायराइं कम्माइं सिद्धिलीकयाइं णिट्ठियाइं कयाइं जाव खिप्पामेव परिविद्धत्थाइं भवन्ति, जावइयं तावइयं जाव महापज्जवसाणा भवन्ति, से जहा वां केइ पुरिसे सुकतणहत्थगं जायतेयंसि पक्खिवेज्जा, एवं जहा छट्ठसए तहा अयोक्वळेवि जाव महापज्जवसाणा भवन्ति, से तेणट्ठेणं गोयमा ! एवं वुच्चइ जावइयं अन्नगिलायए समणे निग्गंथे कम्मं निज्जरेइ तं चेव जाव वासकोडाकोडीए वा नो खवयंति ॥ सेवं भंते ! सेवं भंते ! त्ति जाव विहरइ ॥ ५७१ ॥ सोलसमस्स सयस्स चउत्थो उद्देसो समत्तो ॥

तेणं कालेणं तेणं समएणं उल्लुयातीरे नामं नयरे होत्था वन्नओ, एगजंघुए उज्जाणे वन्नओ, तेणं कालेणं तेणं समएणं सामी समोसडे जाव परिसा पज्जुवासइ, तेणं कालेणं तेणं समएणं सक्के देविंदे देवराया वज्जपाणी एवं जहेव विइए उद्देसए तहेव दिव्वेणं जाणविमाणेणं आगओ जाव जेणेव समणे भगवं महावीरे तेणेव उवागच्छइ २ ता जाव नमंसित्ता एवं वयासी—देवे णं भंते ! महिद्धिए जाव महसक्खे वाहिरए पोग्गळे अपरियाइत्ता पभू आगमित्तए ? नो इण्ठे समट्ठे, देवे णं भंते ! महिद्धिए जाव महसक्खे वाहिरए पोग्गळे परियाइत्ता पभू आग-

मित्तए ? हंता पभू, देवे णं भंते । महिद्धिए एवं एएणं अभिलावेणं गमित्तए
 २, एवं भासित्तए वा वा(विया)गरित्तए वा ३, उम्मिसावेत्तए वा निम्मिसावेत्तए वा ४,
 आउंटावेत्तए वा पसारित्तए वा ५, ठाणं वा सेज्जं वा निसीहियं वा चेइत्तए वा ६, एवं
 विउव्वित्तए वा ७, एवं परियारावेत्तए वा ८ जाव हंता पभू, इमाइं अट्ठ उक्खि-
 त्तपत्तिणवागरणाइं पुच्छइ इमाइं० २ ता संभंतियवंदणएणं वंदइ संभंतिय० २ ता
 तमेव दिव्वं जाणविमाणं दुरुहइ २ ता जामेव दिसिं पाउब्भूए तामेव दिसिं पडिगए
 ॥५७२॥ भंते ! त्ति भगवं गोयमे समणं भगवं महावीरं वंदइ नमंसइ वं० २ ता एवं
 वयासी-अन्नया णं भंते । सक्के देविंदे देवराया देवाणुप्पियं वंदइ नमंसइ सक्कारेइ
 जाव पज्जुवासइ, किण्णं भंते ! अज्ज सक्के देविंदे देवराया देवाणुप्पियं अट्ठ उक्खि-
 त्तपत्तिणवागरणाइं पुच्छइ २ ता संभंतियवंदणएणं वंदइ णमंसइ वं० २ ता जाव
 पडिगए ? गोयमादि समणे भगवं महावीरे भगवं गोयमं एवं वयासी-एवं खलु
 गोयमा । तेणं कालेणं तेणं समएणं महासक्के कप्पे महासामाणे विमाणे दो देवा
 महिद्धिया जाव महेसक्खा एगविमाणंसि देवत्ताए उववन्ना, तं०-माइमिच्छदिट्ठि-
 उववन्नए य अमाइसम्मदिट्ठिउववन्नए य, तए णं से माइमिच्छादिट्ठिउववन्नए देवे तं
 अमाइसम्मदिट्ठिउववन्नं देवं एवं वयासी-परिणममाणा पोग्गला नो परिणया अप-
 रिणया, परिणमंतीति पोग्गला नो परिणया अपरिणया, तए णं से अमाइसम्मदिट्ठि-
 उववन्नए देवे तं माइमिच्छदिट्ठिउववन्नं देवं एवं वयासी-परिणममाणा पोग्गला
 परिणया नो अपरिणया, परिणमंतीति पोग्गलां परिणया नो अपरिणया, तं माइमि-
 च्छदिट्ठिउववन्नं देवं एवं पडिहणइ २ ता ओहिं पडंजइ २ ता ममं ओहिणा आभोएइ
 ममं० २ ता अयमेयारूवे जाव समुप्पजित्था-एवं खलु समणे भगवं महावीरे
 जंबुद्दीवे २ जेणेव भारहे वासे जेणेव उल्लुयातीरे नयरे जेणेव एगजंजुए उज्जाणे अहा-
 पडिरूवं जाव विहरइ, तं सेयं खलु मे समणं भगवं महावीरं वंदित्ता जाव पज्जुवा-
 सित्ता इमं एयारूवं वागरणं पुच्छित्तएत्तिकट्ठु एवं संपेहेइ एवं संपेहित्ता चउहिवि
 सामाणियसाहस्सीहिं परियारो जहा सूरियाभस्स जाव निग्घोसनाइयरवेणं जेणेव
 जंबुद्दीवे २ जेणेव भारहे वासे जेणेव उल्लुयातीरे नयरे जेणेव एगजंजुए उज्जाणे
 जेणेव ममं अंतिए तेणेव प्हारेत्थ गमणाए, तए णं से सक्के देविंदे देवराया तस्स
 देवस्स तं दिव्वं देविद्धिं दिव्वं देवजुइं दिव्वं देवाणुभा(वं)गं दिव्वं तेयळेस्स असहमाणे
 ममं अट्ठ उक्खित्तपत्तिणवागरणाइं पुच्छइ २ ता संभंतिय जाव पडिगए ॥५७३॥ जावं
 च णं समणे भगवं महावीरे भगवओ गोयमस्स एयमट्ठं परिकहेइ तावं च णं से
 देवे तं देसं हव्वमागए, तए णं से देवे समणं भगवं महावीरं तिक्खुत्तो वंदइ

नमंसइ वं० २ ता एवं वयासी-एवं खलु भंते ! महासुक्के कप्पे महासामाणे विमाणे एगे माइमिच्छादिट्ठिउववन्नए देवे ममं एवं वयासी-परिणममाणा पोग्गला नो परिणया अपरिणया, परिणमंतीति पोग्गला नो परिणया अपरिणया, तए णं अहं तं माइमिच्छादिट्ठिउववन्नगं देवं एवं वयासी-परिणममाणा पोग्गला परिणया नो अपरिणया, परिणमंतीति पोग्गला परिणया णो अपरिणया, से कहमेयं भंते ! एवं ? गंगदत्तादि समणे भगवं महावीरे गंगदत्तं देवं एवं वयासी-अहंपि णं गंगदत्ता ! एवमाइक्खामि ४-परिणममाणा पोग्गला जाव नो अपरिणया सच्चमेसे अट्ठे, तए णं से गंगदत्ते देवे समणस्स भगवओ महावीरस्स अंतियं एयमट्ठं सोच्चा निसम्म हट्ठतुट्ठं० समणं भगवं महावीरं वंदइ नमंसइ वं० २ ता नच्चासन्ने जाव पज्जुवासइ, तए णं समणे भगवं महावीरे गंगदत्तस्स देवस्स तीसे य जाव धम्मं परिकहेइ जाव आराहए भवइ, तए णं से गंगदत्ते देवे समणस्स भगवओ महावीरस्स अंतिए धम्मं सोच्चा निसम्म हट्ठतुट्ठे उट्ठाए उट्ठेइ उ० २ ता समणं भगवं महावीरं वंदइ नमंसइ वं० २ ता एवं वयासी-अहण्णं भंते ! गंगदत्ते देवे किं भवसिद्धिए अभवसिद्धिए ? एवं जहा सूरियाभो जाव वत्तीसइविहं नट्ठविहं उवदंसेइ २ ता जाव तामेव दिसिं पडिगए ॥ ५७४ ॥ भंते ! त्ति भगवं गोयमे समणं भगवं महावीरं जाव एवं वयासी-गंगदत्तस्स णं भंते ! देवस्स सा दिव्वा देविट्ठी दिव्वा देवजुई जाव अणुप्पविट्ठा ? गोयमा ! सरीरं गया सरीरं अणुप्पविट्ठा कूडागारसालादिट्ठंतो जाव सरीरं अणुप्पविट्ठा । अहो णं भंते ! गंगदत्ते देवे महिट्ठिए जाव महेसक्खे, गंगदत्तेणं भंते ! देवेणं सा दिव्वा देविट्ठी दिव्वा देवजुई किण्णा लद्धा जाव जं णं गंगदत्तेणं देवेणं सा दिव्वा देविट्ठी जाव अभिसमन्नागया ? गोयमादि समणे भगवं महावीरे, भगवं गोयमं एवं वयासी-एवं खलु गोयमा ! तेणं कालेणं तेणं समएणं इहेव जंनुहीवे २ भारहे वासे हत्थिणापुरे नामं नयरे होत्था वन्नओ, सहसंववणे उज्जाणे वन्नओ, तत्थ णं हत्थिणापुरे नयरे गंगदत्ते नामं गाहावई परिवसइ अट्ठे जाव अपरिभूए, तेणं कालेणं तेणं समएणं मुणिसुव्वए अरहा आइगरे जाव सव्वन्नू सव्वदरिसी आगासगएणं चक्केणं जाव पकट्ठिज्जमाणेणं २ सीसगणसंपरिवुडे पुव्वाणुपुव्वि चरमाणे गामाणुगामं जाव जेणेव सहसंववणे उज्जाणे जाव विहरइ, परिसा निग्गया जाव पज्जुवासइ, तए णं से गंगदत्ते गाहावई इमीसे कहाए लद्धट्ठे समाणे हट्ठतुट्ठ जाव सरीरे साओ गिहाओ पडिनिक्खमइ २ ता पायविहारचारेणं हत्थिणाउरं नयरं मज्झमज्झेणं निग्गच्छइ २ ता जेणेव सहसंववणे उज्जाणे जेणेव मुणिसुव्वए अरहा तेणेव उवागच्छइ २ ता मुणिसुव्वयं अरहं तिव्वुत्तो

आयाहिणं पयाहिणं जाव तिविहाए पज्जुवासणाए पज्जुवासइ, तए णं मुणिसुव्वए अरहा गंगदत्तस्स गाहावइस्स तीसे य महइ जाव परिसा पडिगया, तए णं से गंगदत्ते गाहावई मुणिसुव्वयस्स अरहओ अंतियं धम्मं सोच्चा निसम्म हट्टतुट्ठं उट्ठाए उट्ठेइ २ ता मुणिसुव्वयं अरहं वंदइ नमंसइ वंदित्ता नमंसित्ता एवं वयासी-सद्दहामि णं भंते ! निग्गंथं पावयणं जाव से जहेयं तुब्भे वदह, जं नवरं देवाणुप्पिया ! जेट्ठपुत्तं कुडुंवे ठावेमि, तए णं अहं देवाणुप्पियाणं अंतियं मुंडे जाव पव्वयामि, अहासुहं देवाणुप्पिया ! मा पडिवंधं, तए णं से गंगदत्ते गाहावई मुणिसुव्वएणं अरहया एवं सुत्ते समाणे हट्टतुट्ठं मुणिसुव्वयं अरहं वंदइ नमंसइ वं० २ ता मुणिसुव्वयस्स अरहओ अंतियाओ सहसंववणाओ उज्जाणाओ पडिनिक्खमइ २ ता जेणेव हत्थिणापुरे नयरे जेणेव सए गिहे तेणेव उवागच्छइ २ ता विउलं असणं पाणं जाव उवक्खळावेइ २ ता मित्तणाइनियग जाव आमंतेइ आमंतेत्ता तओ पच्छा ण्हाए जहा पूरणे जाव जेट्ठपुत्तं कुडुंवे ठावेइ, तं मित्तणाइ जाव जेट्ठपुत्तं च आपुच्छइ २ ता पुरिससहस्स-वाहिणिं सीयं दुरुहइ पुरिससह० २ ता मित्तणाइनियग जाव परिजणेणं जेट्ठपुत्तेण य समणुगम्ममाणमग्गे सव्विह्वीए जाव णाइयरवेणं हत्थिणापुरं नयरं मज्झंमज्झेणं निग्गच्छइ २ ता जेणेव सहसंववणे उज्जाणे तेणेव उवागच्छइ २ ता छत्ताइए तित्थगराइसए पासइ एवं जहा उदायणे जाव सयमेव आभरणं उमुयइ स० २ ता सयमेव पंचमुट्ठियं लोयं करेइ स० २ ता जेणेव मुणिसुव्वए अरहा एवं जहेव उदायणे तहेव पव्वइए, तहेव एक्कारस अंगाई अहिज्जइ जाव मासियाए संलेहणाए सट्ठि भत्ताई अणसणाए (जाव) छेदेइ सट्ठि भत्ताई० २ ता आलोइयपडिक्कंते समाहिपत्ते कालमासे कालं किच्चा महासुक्के कप्पे महासामाणे विमाणे उववायसभाए देवसयणिज्जंति जाव गंगदत्तदेवत्ताए उववन्ने; तए णं से गंगदत्ते देवे अहुणोववन्नमेत्तए समाणे पंचविहाए पज्जत्तीए पज्जत्तिभावं गच्छइ, तंजहा-आहारपज्जत्तीए जाव भासामणपज्जत्तीए, एवं खलु गोयमा ! गंगदत्तेणं देवेणं सा दिव्वा देविह्वी जाव अभिसमजागया । गंगदत्तस्स णं भंते ! देवस्स केवइयं कालं ठिई पन्नत्ता ? गोयमा ! सत्तर ससागरोवमाई ठिई प०, गंगदत्ते णं भंते ! देवे ताओ देवलोगाओ आउक्खएणं जाव महाविदेहे वासे सिज्झिहिइ जाव अंतं काहिइ ॥ सेवं भंते ! २ त्ति ॥ ५७५ ॥ सोलसमस्स संयस्स पञ्चमो उदेसो समत्तो ॥

कइविहे णं भंते ! सुविणंदसणे पण्णत्ते ? गोयमा ! पंचविहे सुविणंदसणे पण्णत्ते, तंजहा-अहातक्के प्रयाणे चिंतासुविणे तव्विवरीए अव्वत्तदंसणे ॥ सुत्ते णं भंते ! सुविणं पासइ; जागरे सुविणं पासइ, सुत्तजागरे सुविणं पासइ ? गोयमा ! नो सुत्ते सुविणं पासइ,

नो जागरे सुविणं पासइ, सुत्ताजागरे सुविणं पासइ ॥ जीवा णं भंते ! किं सुत्ता जागरा
सुत्ताजागरा ? गोयमा ! जीवा सुत्तावि जागरावि सुत्ताजागरावि, नेरइया णं भंते ! किं
सुत्ता० पुच्छा, गोयमा ! नेरइया सुत्ता नो जागरा नो सुत्ताजागरा, एवं जाव चउ-
रिंदिया, पंचिंदियतिरिक्खजोणिया णं भंते ! किं सुत्ता० पुच्छा, गोयमा ! सुत्ता नो
जागरा सुत्ताजागरावि, मणुस्सा जहा जीवा, वाणमंतरजोइसियवेमाणिया जहा नेरइया
॥ ५७६ ॥ संवुडे णं, भंते ! सुविणं पासइ, असंवुडे सुविणं पासइ, संवुडासंवुडे सुविणं
पासइ ? गोयमा ! संवुडेवि सुविणं पासइ, असंवुडेवि सुविणं पासइ, संवुडासंवुडेवि सुविणं
पासइ, संवुडे सुविणं पासइ अहातच्चं पासइ, असंवुडे सुविणं पासइ तथा वा तं होज्जा
अज्जा वा तं होज्जा, संवुडासंवुडे सुविणं पासइ एवं चेव ॥ जीवा णं भंते ! किं
संवुडा असंवुडा संवुडासंवुडा ? गोयमा ! जीवा संवुडावि असंवुडावि संवुडासंवु-
डावि, एवं जहेव सुत्ताणं दंडओ तहेव भाणियव्वो ॥ कइ णं भंते ! सुविणा पण्णत्ता ?
गोयमा ! वायालीसं सुविणा पन्नत्ता, कइ णं भंते ! महासुविणा पण्णत्ता ? गोयमा !
तीसं महासुविणा पण्णत्ता, कइ णं भंते ! सव्वसुविणा पण्णत्ता ? गोयमा ! वावत्तरिं
सव्वसुविणा पण्णत्ता । तित्थगरमायरो णं भंते ! तित्थगरंसि गब्भं वक्कममाणंसि
कइ महासुविणे पासित्ताणं पडिवुज्झंति ? गोयमा ! तित्थगरमायरो णं तित्थगरंसि
गब्भं वक्कममाणंसि एएसिं तीसाए महासुविणाणं इमे चोइस महासुविणे पासित्ताणं
पडिवुज्झंति, तं०-गयउसभसीहअभिसेय जाव सिहिं च । चक्कवट्ठिमायरो णं भंते !
चक्कवट्ठिंसि गब्भं वक्कममाणंसि कइ महासुमिणे पासित्ताणं पडिवुज्झंति ? गोयमा !
चक्कवट्ठिमायरो चक्कवट्ठिंसि जाव वक्कममाणंसि एएसिं तीसाए महासुविणाणं एवं
जहा तित्थगरमायरो जाव सिहिं च । वासुदेवमायरो णं पुच्छा, गोयमा ! वासुदेव-
मायरो जाव वक्कममाणंसि एएसिं चोइसण्हं महासुविणाणं अज्जयरे सत्त महासुविणे
पासित्ताणं पडिवुज्झंति । वलदेवमायरो णं पुच्छा, गोयमा ! वलदेवमायरो
जाव एएसिं चोइसण्हं महासुविणाणं अज्जयरे चत्तारि महासुविणे पासित्ताणं पडि-
वुज्झंति । मंडलियमायरो णं भंते ! पुच्छा, गोयमा ! मंडलियमायरो जाव
एएसिं चोइसण्हं महासुविणाणं अज्जयरं एगं महासुविणं जाव पडिवुज्झंति ॥ ५७७ ॥
समणे भगवं महावीरे छउमत्थकालियाए अंतिमराइयंसि इमे दस महासुविणे
पासित्ताणं पडिवुद्धे, तं०-एगं च णं महं घोररुवदित्थधरं तालपिसायं सुविणे
पराजियं पासित्ताणं पडिवुद्धे १, एगं च णं महं सुक्किल्लपक्खगं पुंसकोइलं सुविणे
पासित्ताणं पडिवुद्धे २, एगं च णं महं चित्तविचित्तपक्खगं पुंसकोइलगं सुविणे
पासित्ताणं पडिवुद्धे ३, एगं च णं महं दामदुगं सव्वरयणामयं सुविणे पासित्ताणं

पडिवुद्धे ४, एगं च णं महं सेयं गोवग्गं सुविणे पासित्ताणं पडिवुद्धे ५, एगं च णं महं पउमसरं सव्वओ समंता कुसुमियं सुविणे पासित्ताणं पडिवुद्धे ६, एगं च णं महं सागरं उम्मीवीईसहस्सकलियं भुयाहिं तिन्नं सुविणे पासित्ताणं पडिवुद्धे ७, एगं च णं महं दिणयरं तेयसा जलंतं सुविणे पासित्ताणं पडिवुद्धे ८, एगं च णं महं हरिवेरुलियवन्नाभेणं नियगेणं अंतेणं माणुसुतरं पव्वयं सव्वओ समंता आवेढियं परिवेढियं सुविणे पासित्ताणं पडिवुद्धे ९, एगं च णं महं मंदरे पव्वए मंदरचूलियाए उवरिं सीहासणवरगयं अप्पाणं सुविणे पासित्ताणं पडिवुद्धे १० । जण्णं समणे भगवं महावीरे एगं महं घोररूवदित्तधरं तालपिसायं सुविणे पराजियं पासित्ताणं पडिवुद्धे, तण्णं समणेणं भगवया महावीरेणं मोहणिज्जे कम्मे मूलाओ उग्घाए १, जन्नं समणे भगवं महावीरे एगं महं सुक्किल्ल जाव पडिवुद्धे, तण्णं समणे भगवं महावीरे सुक्कज्जाणोवगए विहरइ २, जण्णं समणे भगवं महावीरे एगं महं चित्तविचित्त जाव पडिवुद्धे, तण्णं समणे भगवं महावीरे विचित्तं ससमयपरसमइयं दुवालसंगं गणिपिडगं आघवेइ पन्नवेइ पल्लवेइ दंसेइ निर्दंसेइ उवदंसेइ, तंजहा-आयारं सूयगडं जाव दिट्ठिवायं ३, जण्णं समणे भगवं महावीरे एगं महं दामदुगं सव्वरयणामयं सुविणे पासित्ताणं पडिवुद्धे, तण्णं समणे भगवं महावीरे दुविहं धम्मं पन्नवेइ, तं०-आगारधम्मं वा अणागारधम्मं वा ४, जण्णं समणे भगवं महावीरे एगं महं सेयगोवग्गं जाव पडिवुद्धे, तण्णं समणस्स भगवओ महावीरस्स चाउव्वण्णाइन्ने समणसंघे प०, तं०-समणा समणीओ सावया सावियाओ ५, जण्णं समणे भगवं महावीरे एगं महं पउमसरं जाव पडिवुद्धे, तण्णं समणे भगवं महावीरे चउव्विहे देवे पन्नवेइ, तं०-भवणवासी वाणमंतरे जोइसिए वेमाणिए ६, जन्नं समणे भगवं महावीरे एगं महं सागरं जाव पडिवुद्धे, तन्नं समणेणं भगवया महावीरेणं अणादीए अणवदग्गे जाव संसारकंतारे तिन्ने ७, जन्नं समणे भगवं महावीरे एगं महं दिणयरं जाव पडिवुद्धे, तन्नं समणस्स भगवओ महावीरस्स अणंते अणुत्तरे निव्वाघाए निरावरणे कसिणे पडिपुत्ते केवलवरणाणदंसणे समुप्पन्ने ८, जण्णं समणे जाव वीरे एगं महं हरिवेरुलिय जाव पडिवुद्धे, तण्णं समणस्स भगवओ महावीरस्स ओराला कित्तिवन्नसद्दसिलोया सदेवमणुयासुरे लोगे परिभ(वं)मंति-इति खलु समणे भगवं महावीरे इति खलु समणे भगवं महावीरे ९, जन्नं समणे भगवं महावीरे मंदरे पव्वए मंदरचूलियाए जाव पडिवुद्धे, तण्णं समणे भगवं महावीरे सदेवमणुयासुराए परिसाए मज्झगए केवलीपन्नत्तं धम्मं आघवेइ जाव उवदंसेइ ॥५७८॥ इत्थी वा पुरिसे वा सुविणंते एगं महं ह्यपंतिं वा गयपंतिं वा जाव उसभपंतिं वा पासमाणे पासइ, दुरुहमाणे दुरुहइ, दुरुढमिति अप्पाणं मन्नइ,

तक्खणामेव बुज्झइ, तेणेव भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं दामिणिं पाईणपढीणाययं दुहओ समुदे पुट्टं पांसमाणे पासइ, संवेळेमाणे संवेळेइ, संवेळियमिति अप्पाणं मन्नइ, तक्खणामेव बुज्झइ, तेणेव भवग्गहणेणं जाव अंतं करेइ । इत्थी वा पुरिसे वा सुविणंते एगं महं रज्जुं पाईणपढीणाययं दुहओ लोगंते पुट्टं पासमाणे पासइ, छिंदमाणे छिंदइ, छिन्नमिति अप्पाणं मन्नइ, तक्खणामेव जाव अंतं करेइ । इत्थी वा पुरिसे वा सुविणंते एगं महं किण्हसुत्तगं वा जाव सुक्किळसुत्तगं वा पासमाणे पासइ, उग्गोवेमाणे उग्गोवेइ, उग्गोवियमिति अप्पाणं मन्नइ, तक्खणामेव जाव अंतं करेइ । इत्थी वा पुरिसे वा सुविणंते एगं महं अयरसिं वा तंवरासिं वा तउयरासिं वा सीसगरासिं वा पासमाणे पासइ, दुरुहमाणे दुरुहइ, दुरुढमिति अप्पाणं मन्नइ, तक्खणामेव बुज्झइ, दोच्चेणं भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं हिरन्नरासिं वा सुवन्नरासिं वा रयणरासिं वा वइररासिं वा पासमाणे पासइ, दुरुहमाणे दुरुहइ, दुरुढमिति अप्पाणं मन्नइ, तक्खणामेव बुज्झइ, तेणेव भवग्गहणेणं सिज्झइ जाव अंतं करेइ । इत्थी वा पुरिसे वा सुविणंते एगं महं तणरासिं वा जहा तेयनिसग्गे जाव अवकररासिं वा पासमाणे पासइ, विक्खिरमाणे विक्खिरइ, विक्किणमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं सरथंभं वा वीरिणथंभं वा वंसीमूलथंभं वा वल्लीमूलथंभं वा पासमाणे पासइ, उम्मूलेमाणे उम्मूलेइ, उम्मूलियमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं खीरकुंभं वा दहिक्कुंभं वा घयक्कुंभं वा महुक्कुंभं वा पासमाणे पासइ, उप्पाडेमाणे उप्पाडेइ, उप्पाडियमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा सुविणंते एगं महं सुरावियडकुंभं वा सोवीरवियडकुंभं वा तेळकुंभं वा वसाकुंभं वा पासमाणे पासइ, भिंदमाणे भिंदइ, भिन्नमिति अप्पाणं मन्नइ, तक्खणामेव बुज्झइ, दोच्चेणं भवग्गहणेणं जाव अंतं करेइ । इत्थी वा पुरिसे वा सुविणंते एगं महं पउमसरं कुसुमियं पासमाणे पासइ, ओगाहेमाणे ओगाहेइ, ओगाढमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा जाव सुविणंते एगं महं सागरं उम्मीवीई जाव कलियं पासमाणे पासइ, तरमाणे तरइ, तिन्नमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा जाव सुविणंते एगं महं भवणं सव्वरयणाभयं पासमाणे पासइ, [दुरुहमाणे दुरुहइ, दुरुढमिति अप्पाणं मण्णइ,] अणुप्पविसमाणे अणुप्पविसइ, अणुप्पविट्ठमिति अप्पाणं मन्नइ, तक्खणामेव बुज्झइ, तेणेव जाव अंतं करेइ । इत्थी वा पुरिसे वा

सुविणंते एगं महं विमाणं सव्वरयणामयं पासमाणे पासइ, दुरुहमाणे दुरुहइ, दुरुह-
मिति अप्पाणं मन्नइ, तक्खणामेव वुज्झइ, तेणेव जाव अंतं करेइ ॥ ५७९ ॥ अह
भंते ! कोट्टपुडाण वा जाव केयईपुडाण वा अणुवायंसि उब्भिज्जमाणाण वा जाव
ठाणाओ वा ठाणं संक्रामिज्जमाणाणं किं कोट्टे वाइ जाव केयई वाइ ? गोयमा ! नो
कोट्टे वाइ जाव नो केयई वाइ, घाणसहगया पोग्गला वाइ । सेवं भंते ! २ ति
॥ ५८० ॥ सोलसमस्स सयस्स छट्ठो उद्देसो समत्तो ॥

कइविहे णं भंते ! उवओगे पन्नत्ते ? गोयमा ! दुविहे उवओगे पन्नत्ते, एवं जहा
उवओगपयं पन्नवणाए तहेव निरवसेसं भाणियव्वं, पासणयापयं च निरवसेसं
नेयव्वं । सेवं भंते ! सेवं भंते ! ति ॥ ५८१ ॥ सोलसमस्स सयस्स सत्तमो
उद्देसो समत्तो ॥

केमहालए णं भंते ! लोए पन्नत्ते ? गोयमा ! महइमहालए जहा वारसमसए
तहेव जाव असंखेज्जाओ जोयणकोडाकोडीओ परिक्खेवेणं, लोगस्स णं भंते ! पुर-
च्छिमिल्ले चरिमंते किं जीवा जीवदेसा जीवप्पएसा अजीवा अजीवदेसा अजीव-
प्पएसा ? गोयमा ! नो जीवा जीवदेसावि जीवप्पएसावि अजीवावि अजीवदेसावि
अजीवप्पएसावि ॥ जे जीवदेसा ते नियमं एगिंदियदेसा अहवा एगिंदियदेसा य
वेइंदियस्स य देसे एवं जहा दसमसए अग्गेइंदिसा तहेव, नवरं देसेसु अणिंदियाणं
आइल्लविरहिओ । जे अरुवी अजीवा ते छव्विहा, अद्दासमओ नत्थि, सेसं तं चेव
सव्वं निरवसेसं । लोगस्स णं भंते ! दाहिणिल्ले चरिमंते किं जीवा० ? एवं चेव,
एवं पच्चच्छिमिल्लेवि, एवं उत्तरिल्लेवि, लोगस्स णं भंते ! उवरिल्ले चरिमंते किं जीवा०
पुच्छा, गोयमा ! नो जीवा जीवदेसावि जीवप्पएसावि जाव अजीवप्पएसावि । जे
जीवदेसा ते नियमं एगिंदियदेसा य अणिंदियदेसा य अहवा एगिंदियदेसा य
अणिंदियदेसा य वेइंदियस्स य देसे, अहवा एगिंदियदेसा य अणिंदियदेसा य
वेइंदियाण य देसा, एवं मज्झिल्लविरहिओ जाव पंचिंदियाणं, जे जीवप्पएसां ते
नियमं एगिंदियप्पएसा य अणिंदियप्पएसा य अहवा एगिंदियप्पएसा य अणिंदिय-
प्पएसा य वेइंदियस्स पएसा य अहवा एगिंदियप्पएसा य अणिंदियप्पएसा य वेइं-
दियाण य पएसा, एवं आइल्लविरहिओ जाव पंचिंदियाणं, अजीवा जहा दसमसए
तमाए तहेव निरवसेसं भाणियव्वं ॥ लोगस्स णं भंते ! हेट्ठिल्ले चरिमंते किं जीवा०
पुच्छा, गोयमा ! नो जीवा जीवदेसावि जीवप्पएसावि जाव अजीवप्पएसावि, जे
जीवदेसा ते नियमं एगिंदियदेसा अहवा एगिंदियदेसा य वेइंदियस्स देसे अहवा
एगिंदियदेसा वेइंदियाण य देसा, एवं मज्झिल्लविरहिओ जाव अणिंदियाणं पएसा,

आइल्लविरहिओ सव्वेसिं जहा पुरच्छिमिल्ले चरिमंते तहेव, अजीवा जहेव उवरिल्ले चरिमंते तहेव ॥ इमीसे णं भंते ! रयणप्पभाए पुढवीए पुरच्छिमिल्ले चरिमंते किं जीवा० पुच्छा, गोयमा ! नो जीवा एवं जहेव लोगस्स तहेव चत्तारिवि चरिमंता जाव उत्तरिल्ले, उवरिल्ले तहेव जहा दसमसए विमला दिसा तहेव निरवसेसं, हेट्ठिल्ले चरिमंते जहेव लोगस्स हेट्ठिल्ले चरिमंते तहेव, नवरं देसे पंचिदिएसु तियमंगोत्ति सेसं तं चेव, एवं जहा रयणप्पभाए चत्तारि चरिमंता भणिया एवं सक्करप्पभाएवि उवरिमहेट्ठिल्ला जहा रयणप्पभाए हेट्ठिल्ले, एवं जाव अहे सत्तमाए, एवं सोहम्मस्सवि जाव अच्चयस्स, गोविज्जविमाणाणं एवं चेव, नवरं उवरिमहेट्ठिल्लेसु चरिमंतेसु देसेसु पंचिदियाणवि मज्झिल्लविरहिओ सेसं तहेव, एवं जहा गोवेज्जविमाणा तहा अणुत्तरविमाणावि, ईसिप्पवभारावि ॥५८२॥ परमाणुपोगगले णं भंते ! लोगस्स पुरच्छिमिल्लाओ चरिमंताओ पच्चच्छिमिल्लं चरिमंतं एगसमएणं गच्छइ, पच्चच्छिमिल्लाओ चरिमंताओ पुरच्छिमिल्लं चरिमंतं एगसमएणं गच्छइ, दाहिणिल्लाओ चरिमंताओ उत्तरिल्लं जाव गच्छइ, उत्तरिल्लाओ चरिमंताओ दाहिणिल्लं चरिमंतं जाव गच्छइ, उवरिल्लाओ चरिमंताओ हेट्ठिल्लं चरिमंतं जाव गच्छइ, हेट्ठिल्लाओ चरिमंताओ उवरिल्लं चरिमंतं एगसमएणं गच्छइ ? हंता गोयमा ! परमाणुपोगगले णं लोगस्स पुरच्छिमिल्लं तं चेव जाव उवरिल्लं चरिमंतं गच्छइ ॥ ५८३ ॥ पुरिसे णं भंते ! वासं वासइ नो वासइत्ति हत्थं वा पायं वा वाहुं वा ऊरुं वा आउंटावेमाणे वा पसारमाणे वा कइकिरिए ? गोयमा ! जावं च णं से पुरिसे वासं वासइ वासं नो वासतीत्ति हत्थं वा जाव ऊरुं वा आउंटावेइ वा पसारइ वा तावं च णं से पुरिसे काइयाए जाव पंचहिं किरियाहिं पुट्ठे ॥५८४॥ देवे णं भंते ! महिद्धिए जाव महेसक्खे लोगंते ठिच्चा पभू अलोगंसि हत्थं वा जावं ऊरुं वा आउंटावेत्तए वा पसारत्तए वा ? णो इणट्ठे समट्ठे, से केणट्ठेणं भंते ! एवं बुच्चइ देवे णं महिद्धिए जाव महेसक्खे लोगंते ठिच्चा णो पभू अलोगंसि हत्थं वा जाव पसारत्तए वा ? गोयमा ! जीवाणं आहारोवचिया पोगगला वौदिचिया पोगगला कलेवरचिया पोगगला पोगगला(चे)मेव पप्प जीवाणं य अजीवाणं य गइपरियाए आहिज्जइ, अलोए णं नेवत्थि जीवा नेवत्थि पोगगला से तेणट्ठेणं जाव पसारत्तए वा ॥ सेवं भंते ! २ ति ॥५८५॥ सोलसमे सए अट्ठमो उडेसो समत्तो ॥

कहिन्नं भंते ! वलिस्स वइरोयणिंदस्स वइरोयणरत्तो सभा सुहम्मा प० ? गोयमा ! इहेव जंबुदीवे दीवे मंदरस्स पव्वयस्स उत्तरेणं तिरियमसंखेज्जे जहेव चमरस्स जाव वायालीसं जोयणसहस्साई ओगाहिता एत्थ णं वलिस्स वइरोयणिंदस्स वइरोयणरत्तो रुयगिदे नामं उप्पायपव्वए पज्जेत्ते, सत्तरस एकवीसे जोयणसए एवं

परिमाणं जहेव तिगिच्छिक्कूडस्स पासायवडिंसगरस्सवि तं चेव पमाणं सीहासणं सप-
रिवारं वलिस्स परि(वा)यारेणं अट्ठो तहेव, नवरं ख्यगिंदप्पभाइं ३ सेसं तं चेव जाव
वलिचंचाए रायहाणीए अनेसिं च जाव (णिचे) ख्यगिंदस्स णं उप्पायपव्वयस्स उत्तरेणं
छक्कोडिसए तहेव जाव चत्तालीसं जोयणसहस्साइं ओगाहिता एत्थ णं वलिस्स
वड्ढोयणिंदस्स वड्ढोयणरत्तो वलिचंचा नामं रायहाणी प० एगं जोयणंसयसहस्सं
पमाणं तहेव उववाओ जाव आयरक्खा सव्वं तहेव निरवसेसं, नवरं साइरेणं
सागरोवमं ठिई प०, सेसं तं चेव जाव वली वड्ढोयणिंदे वली० २ ॥ सेवं भंते ! २
त्ति जाव विहरइ ॥ ५८६ ॥ सोलसमस्स सयस्स नवमो उद्देसो समत्तो ॥

कइविहे णं भंते ! ओही पन्नते ? गोयमा ! दुविहा ओही प०, तं०-ओहीपयं निरव-
सेसं भाणियव्वं ॥ सेवं भंते ! सेवं भंते ! त्ति जाव विहरइ ॥ ५८७ ॥ सोल-
समस्स सयस्स दसमो उद्देसो समत्तो ॥

दीवकुमारा णं भंते ! सव्वे समाहारा सव्वे समुस्सासनिस्सासां ? णो इणट्ठे
समट्ठे, एवं जहा पढमसए विड्यउद्देसए दीवकुमाराणं वत्तव्वया तहेव जाव समाउया
समुस्सासनिस्सासा । एवं नागावि, दीवकुमाराणं भंते ! कइ लेस्साओ पन्नताओ ?
गोयमा ! चत्तारि लेस्साओ पन्नताओ, तंजहा-कण्हलेस्सा जाव तेउलेस्सा । एएसि
णं भंते ! दीवकुमाराणं कण्हलेस्साणं जाव तेउलेस्साण य कयरे कयरेहिंतो जाव
विसेसाहिया वा ? गोयमा ! सव्वत्थोवा दीवकुमारा तेउलेस्सा, काउलेस्सा असंखेज्ज-
गुणा, नीललेस्सा विसेसाहिया, कण्हलेस्सा विसेसाहिया । एएसि णं भंते ! दीवकुमाराणं
कण्हलेस्साणं जाव तेउलेस्साण य कयरे कयरेहिंतो अप्पिड्डिया वा महिड्डिया वा ?
गोयमा ! कण्हलेस्साहिंतो नीललेस्सा महिड्डिया जाव सव्वमहिड्डिया तेउलेस्सा ।
सेवं भंते ! सेवं भंते ! त्ति जाव विहरइ ॥ १६ ॥ ११ ॥ उदहिकुमारा णं भंते !
सव्वे समाहारा० एवं चेव, सेवं भंते ! २ त्ति ॥ १६ ॥ १२ ॥ एवं दिसाकुमारावि
सेवं भंते ! २ त्ति ॥ १६ ॥ १३ ॥ एवं थणियकुमारावि, सेवं भंते ! सेवं भंते ! त्ति
जाव विहरइ ॥ ५८८ ॥ सोलसमस्स सयस्स चउद्दसमो उद्देसो
समत्तो ॥ सोलसमं सयं समत्तं ॥

नमो सुयदेवयाए भगवईए ॥ कुंजर १ संजय २ सेलेसि ३ किरिय ४ ईसाण
५ पुढवि ६-७ दग ८-९ वाऊ १०-११ । एगिंदिय १२ नाग १३ सुवन्न १४
विज्जु १५ वाउ १६ ऽग्गि १७ सत्तरसे ॥ १ ॥ रायगिहे जाव एवं वयासी-
उदाई णं भंते ! हत्थिराया कओहिंतो अणंतरं उव्वट्ठिता उदाइहत्थिरायत्ताए
उव्वज्जे ? गोयमा ! असुरकुमारेहिंतो देवेहिंतो अणंतरं उव्वट्ठिता उदाइहत्थिरा-

यत्ताए उववजे, उदाई णं भंते ! हत्थिराया कालमासे कालं किच्चा कहिं गच्छिहिइ कहिं उववज्जिहिइ ? गोयमा ! इमीसे णं रयणप्पभाए पुढवीए उक्कोससागरोवमड्डिं इयंसि निरयावासंसि नेरइयत्ताए उववज्जिहिइ, से णं भंते ! तओहिंतो अणंतरं उव्वट्ठिता कहिं गच्छिहिइ कहिं उववज्जिहिइ ? गोयमा ! महाविदेहे वांसे सिज्झिहिइ जाव अंतं काहिइ ॥ भूयाणंदे णं भंते ! हत्थिराया कओहिंतो अणंतरं उव्वट्ठिता भूयाणंदे हत्थिरायत्ताए एवं जहेव उदाई जाव अंतं काहिइ ॥ ५८९ ॥ पुरिसे णं भंते ! तालमारुहइ ता० २ ता तालाओ तालफलं पचालेमाणे वा पवाडेमाणे वा कइकिरिए ? गोयमा ! जावं च णं से पुरिसे तालमारुहइ तालमारुहिता तालाओ तालफलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे, जेसिंपिय णं जीवाणं सरीरेहिंतो तले निव्वत्तिए तालफले निव्वत्तिए तेवि णं जीवा काइयाए जाव पंचहिं किरियाहिं पुट्ठा ॥ अहे णं भंते ! से तालफले अप्पणो गस्यत्ताए जाव पच्चोवयमाणे जाइं तत्थ पाणाइं जाव जीवियाओ ववरोवेइ तए णं भंते ! से पुरिसे कइकिरिए ? गोयमा ! जावं च णं से पुरिसे तालफले अप्पणो ग(गु)स्यत्ताए जाव जीवियाओ ववरोवेइ तावं च णं से पुरिसे काइयाए जाव चउहिं किरियाहिं पुट्ठे, जेसिंपिय णं जीवाणं सरीरेहिंतो तले निव्वत्तिए तेवि णं जीवा काइयाए जाव चउहिं किरियाहिं पुट्ठा, जेसिंपिय णं जीवाणं सरीरेहिंतो तालफले निव्वत्तिए तेवि णं जीवा काइयाए जाव पंचहिं किरियाहिं पुट्ठा, जेविय से जीवा अहे वीससाए पच्चोवयमाणस्स उवग्गहे वट्ठति तेविय णं जीवा काइयाए जाव पंचहिं किरियाहिं पुट्ठा ॥ पुरिसे णं भंते ! रुक्खस्स मूलं पचालेमाणे वा पवाडेमाणे वा कइकिरिए ? गोयमा ! जावं च णं से पुरिसे रुक्खस्स मूलं पचालेइ वा पवाडेइ वा तावं च णं से पुरिसे काइयाए जाव पंचहिं किरियाहिं पुट्ठे, जेसिंपिय णं जीवाणं सरीरेहिंतो मूले निव्वत्तिए जाव बीए निव्वत्तिए तेविय णं जीवा काइयाए जाव पंचहिं किरियाहिं पुट्ठा, अहे णं भंते ! से मूले अप्पणो गस्यत्ताए जाव जीवियाओ ववरोवेइ तओ णं भंते ! से पुरिसे कइकिरिए ? गोयमा ! जावं च णं से मूले अप्पणो जाव ववरोवेइ तावं च णं से पुरिसे काइयाए जाव चउहिं किरियाहिं पुट्ठे, जेसिंपिय णं जीवाणं सरीरेहिंतो कंदे निव्वत्तिए जाव बीए निव्वत्तिए तेवि णं जीवा काइयाए जाव चउहिं किरियाहिं पुट्ठा, जेसिंपिय णं जीवाणं सरीरेहिंतो मूले निव्वत्तिए तेवि णं जीवा काइयाए जाव पंचहिं किरियाहिं पुट्ठा, जेविय णं से जीवा अहे वीससाए पच्चोवयमाणस्स उवग्गहे वट्ठति तेवि णं जीवा काइयाए जाव पंचहिं किरियाहिं पुट्ठा ॥ पुरिसे णं भंते ! रुक्खस्स

कंदं पचाले० ? गोयमा ! जावं च णं से पुरिसे जाव पंचहिं किरियाहिं पुट्टे, जेरिंपिय
 णं जीवाणं सरीरेहिंतो मूले निव्वत्तिए जाव वीए निव्वत्तिए तेवि णं जीवा जाव
 पंचहिं किरियाहिं पुट्टा, अहे णं भंते ! से कंदे अप्पणो जाव चउहिं किरियाहिं पुट्टे,
 जेरिंपिय णं जीवाणं सरीरेहिंतो मूले निव्वत्तिए खंधे निव्वत्तिए जाव चउहिं पुट्टा,
 जेरिंपिय णं जीवाणं सरीरेहिंतो कंदे निव्वत्तिए तेवि णं जीवा जाव पंचहिं किरियाहिं
 पुट्टा, जेवि य से जीवा अहे वीससाए पचोवयमाणस्स जाव पंचहिं पुट्टा जहा (कंदे)
 खंधो एवं जाव वीयं ॥५९०॥ कइ णं भंते ! सरीरगा पणत्ता ? गोयमा ! पंच सरीरगां
 पत्ता, तंजहा-ओरालिए जाव कम्मए । कइ णं भंते ! इंदिया प० ? गोयमा !
 पंच इंदिया प०, तं०-सोइंदिए जाव फासिंदिए । कइविहे णं भंते ! जोए प० ?
 गोयमा ! तिविहे जोए प०, तं०-मणजोए वइजोए कायजोए । जीवे णं भंते !
 ओरालियसरीरं निव्वत्तेमाणे कइकिरिए ? गोयमा ! सिय तिकिरिए सिय चउकिरिए
 सिय पंचकिरिए, एवं पुढविकाइएवि, एवं जाव मणुस्से । जीवा णं भंते ! ओरालि-
 यसरीरं निव्वत्तेमाणा कइकिरिया ? गोयमा ! तिकिरियावि चउकिरियावि पंचकि-
 रियावि, एवं पुढविकाइयावि, एवं जाव मणुस्सा, एवं वेउव्वियसरीरेणवि दो दंडगा
 नवरं जस्स अत्थि वेउव्वियं, एवं जाव कम्मगसरीरं, एवं सोइंदियं जाव फासिंदियं,
 एवं मणजोगं वइजोगं कायजोगं जस्स जं अत्थि तं भाणियव्वं, एए एगत्तपुहुत्तेणं
 छव्वीसं दंडगा ॥ ५९१ ॥ कइविहे णं भंते ! भावे पणत्ते ? गोयमा ! छव्विहे
 भावे प०, तं०-उदइए उवसमिए जाव सज्जिवाइए, से किं तं उदइए भावे ? उदइए
 भावे दुविहे पणत्ते, तंजहा-उदइए य उंदयनिप्पन्ने य, एवं एएणं अभिलावेणं जहा
 अणुओगदारे छन्नामं तहेव निरवसेसं भाणियव्वं जाव से तं सज्जिवाइए भावे ॥
 सेवं भंते ! सेवं भंते ! ति ॥५९२॥ सत्तरसमे सए पढमो उहेसो संमत्तो ॥
 से नूणं भंते ! संजयविरयपडिहयपच्चक्खायपावकम्मे धम्मे ठिए, असंजयअवि-
 रयअपडिहयपच्चक्खायपावकम्मे अहम्मे ठिए, संजयासंजए धम्माधम्मे ठिए ? हंता
 गोयमा ! संजयविरय जाव धम्माधम्मे ठिए, एएसि णं भंते ! धम्मंसि वा अहं-
 म्मंसि वा धम्माधम्मंसि वा चक्किया केइ आसइत्तए वा जाव तुयट्ठित्तए वा ?
 गोयमा ! णो इण्ठे समट्ठे, से केणं खाइ अट्ठेणं भंते ! एवं वुच्चइ जाव धम्माधम्मे
 ठिए ? गोयमा ! संजयविरय जाव पावकम्मे धम्मे ठिए धम्मं चेव उवसंपजित्ताणं
 विहरइ, असंजय जाव पावकम्मे अहम्मे ठिए अहम्मं चेव उवसंपजित्ताणं विहरइ,
 संजयासंजए धम्माधम्मे ठिए धम्माधम्मं उवसंपजित्ताणं विहरइ, से तेणट्ठेणं गोयमा !
 जाव ठिए ॥ जीवा णं भंते ! किं धम्मे ठिया अहम्मे ठिया धम्माधम्मे ठिया ?

गोयमा ! जीवा धम्मेवि ठिया अहम्मेवि ठिया धम्माधम्मेवि ठिया, नेरइयाणं भंते ! पुच्छा, गोयमा ! नेरइया णो धम्मे ठिया, अहम्मे ठिया, णो धम्माधम्मे ठिया, एवं जाव चउरिंदियाणं, पंचिंदियतिरिक्खजोणियाणं पुच्छा, गोयमा ! पंचिंदियतिरिक्खजोणिया नो धम्मे ठिया, अहम्मे ठिया, धम्माधम्मेवि ठिया, मणुस्सा जहा जीवा, वाणमंतरजोइसियवेमाणिया जहा नेरइया ॥ ५९३ ॥ अन्नउत्थिया णं भंते ! एवमाइक्खंति जाव परुवेंति-एवं खलु समणा पंडिया समणोवासगा वालपंडिया, जस्स णं एगपाणाएवि दंडे अणिक्खत्ते से णं एगंतवालेत्ति वत्तव्वं सिया, से कहमेयं भंते ! एवं ? गोयमा ! जणं ते अन्नउत्थिया एवमाइक्खंति जाव वत्तव्वं सिया, जे ते एवमाहंसु मिच्छं ते एवमाहंसु, अहं पुण गोयमा ! एवमाइक्खामि जाव परुवेमि-एवं खलु समणा पंडिया, समणोवासगा वालपंडिया, जस्स णं एगपाणाएवि दंडे निक्खत्ते से णं नो एगंतवालेत्ति वत्तव्वं सिया ॥ जीवा णं भंते ! किं वाला पंडिया वालपंडिया ? गोयमा ! जीवा वालावि पंडियावि वालपंडियावि, नेरइयाणं पुच्छा, गोयमा ! नेरइया वाला नो पंडिया नो वालपंडिया, एवं जाव चउरिंदियाणं । पंचिंदियतिरिक्खजोणियाणं पुच्छा, गोयमा ! पंचिंदियतिरिक्खजोणिया वाला नो पंडिया वालपंडियावि, मणुस्सा जहा जीवा, वाणमंतरजोइसियवेमाणिया जहा नेरइया ॥ ५९४ ॥ अन्नउत्थिया णं भंते ! एवमाइक्खंति जाव परुवेंति-एवं खलु पाणाइवाए मुसावाए जाव मिच्छादंसणसल्ले वट्टमाणस्स अन्ने जीवे अन्ने जीवाया, पाणाइवायवेरमणे जाव परिग्गहवेरमणे कोहविवेगे जाव मिच्छादंसणसल्लविवेगे वट्टमाणस्स अन्ने जीवे अन्ने जीवाया, उप्पत्तियाए जाव पारिणामियाए वट्टमाणस्स अन्ने जीवे अन्ने जीवाया, उग्गहे ईहा अवाए धारणाए वट्टमाणस्स जाव जीवाया, उट्ठाणे जाव परक्कमे वट्टमाणस्स जाव जीवाया, नेरइयत्ते तिरिक्खमणुस्सदेवत्ते वट्टमाणस्स जाव जीवाया, नाणाचरणिजे जाव अंत-राइए वट्टमाणस्स जाव जीवाया, एवं कण्हेस्साए जाव सुक्खेस्साए, सम्महिट्ठीए ३, एवं चक्खुदंसणे ४, आभिणिबोहियनाणे ५, मइअन्नाणे ३, आहारसन्नाए ४, एवं ओरालियसरीरे ५, एवं मणजोए ३, सागारोवओगे अणागारोवओगे वट्टमाणस्स अण्णे जीवे अन्ने जीवाया, से कहमेयं भंते ! एवं ? गोयमा ! जणं ते अन्नउत्थिया एवमाइक्खंति जाव मिच्छं ते एवमाहंसु, अहं पुण गोयमा ! एवमाइक्खामि जाव परुवेमि-एवं खलु पाणाइवाए जाव मिच्छादंसणसल्ले वट्टमाणस्स सच्चेव जीवे सच्चेव जीवाया जाव अणागारोवओगे वट्टमाणस्स सच्चेव जीवे सच्चेव जीवाया ॥ ५९५ ॥ देवे णं भंते ! महिद्विण जाव महसक्खे पुण्वामेव खवी भवित्ता पभू अरुविं विउ-

वित्ताणं चिट्ठित्तए ? णो इण्टे समट्ठे, से केणट्ठेणं भंते ! एवं बुच्चइ देवे णं जाव नो पभू अरुविं विउव्वित्ताणं चिट्ठित्तए ? गोयमा । अहमेयं जाणामि, अहमेयं पासामि, अहमेयं बुज्झामि, अहमेयं अभिसमन्नागच्छामि, मए एयं नायं, मए एयं दिट्ठं, मए एयं बुद्धं, मए एयं अभिसमन्नागयं—जणं तहागयस्स जीवस्स सरूविस्स सकम्मस्स सरागस्स सवेयस्स समोहस्स सलेसस्स ससरीरस्स ताओ सरीराओ अविप्पमुक्कस्स एवं पन्नायइ, तंजहा—कालत्ते वा जाव सुक्किलत्ते वा, सुब्भिगंधत्ते वा दुब्भिगंधत्ते वा, तित्तत्ते वा जाव महुरत्ते वा, कक्खडत्ते वा जाव लुक्खत्ते वा, से तेणट्ठेणं गोयमा । जाव चिट्ठित्तए ॥ सच्चैव णं भंते ! से जीवे पुव्वामेव अरुवी भवित्ता पभू रूविं विउव्वित्ताणं चिट्ठित्तए ? णो इण्टे समट्ठे, से केणट्ठेणं जाव चिट्ठित्तए ? गोयमा । अहमेयं जाणामि जाव जन्नं तहागयस्स जीवस्स अरूविस्स अकम्मस्स अरागस्स अवेयस्स अमोहस्स अलेसस्स असरीरस्स ताओ सरीराओ विप्पमुक्कस्स णो एवं पन्नायइ, तं०—कालत्ते वा जाव लुक्खत्ते वा, से तेणट्ठेणं जाव चिट्ठित्तए वा ॥ सेवं भंते ! २ त्ति ॥ ५९६ ॥ सत्तरसमस्स सयस्स वीओ उद्देसो समत्तो ॥

सेलेसिं पडिवन्नए णं भंते ! अणगारे सया समियं एयइ वेयइ जाव तं तं भावं परिणमइ ? णो इण्टे समट्ठे, णण्हयेगेणं परप्पओगेणं ॥ कइविहा णं भंते ! एयणा प० ? गोयमा । पंचविहा एयणा प०, तंजहा—दव्वेयणा खेत्तेयणा कालेयणा भवैयणा भावेयणा, दव्वेयणा णं भंते ! कइविहा प० ? गोयमा । चउव्विहा प०, तंजहा—नेरइयदव्वेयणा, तिरिक्खदव्वेयणा, मणुस्सदव्वेयणा, देवदव्वेयणा, से केणट्ठेणं भंते ! एवं बुच्चइ—नेरइयदव्वेयणा २ ? गोयमा । जन्नं नेरइया नेरइयदव्वे वट्ठिंसु वा वट्ठति वा वट्ठिस्संति वा ते णं तत्थ नेरइया नेरइयदव्वे वट्ठमाणा नेरइयदव्वेयणं एइंसु वा एयंति वा एइस्संति वा, से तेणट्ठेणं जाव दव्वेयणा, से केणट्ठेणं भंते ! एवं बुच्चइ तिरिक्खजोणियदव्वेयणा २ ? एवं चेव, नवरं तिरिक्खजोणियदव्वे० भाणियव्वं, सेसं तं चेव, एवं जाव देवदव्वेयणा । खेत्तेयणा णं भंते ! कइविहा प० ? गोयमा । चउव्विहा प०, तं०—नेरइयखेत्तेयणा जाव देवखेत्तेयणा, से केणट्ठेणं भंते ! एवं बुच्चइ नेरइयखेत्तेयणा २ ? एवं चेव, नवरं नेरइयखेत्तेयणा भाणियव्वा, एवं जाव देवखेत्तेयणा, एवं कालेयणावि, एवं भवेयणावि, एवं जाव देवभावेयणावि ॥ ५९७ ॥ कइविहा णं भंते ! चलणा प० ? गोयमा । तिविहा चलणा प०, तं०—सरीरचलणा इंदियचलणा जोगचलणा, सरीरचलणा णं भंते ! कइविहा प० ? गोयमा । पंचविहा प०, तं०—ओरालियसरीरचलणा जाव कम्मगसरीरचलणा, इंदियचलणा णं भंते ! कइविहा प० ? गोयमा । पंचविहा प०, तंजहा—

सोईदियचलणा जाव फासिंदियचलणा, जोगचलणा णं भंते ! कइविहा ५० ? गोयमा ! तिविहा ५०, तं०—मणजोगचलणा वइजोगचलणा कायजोगचलणा, से केणट्ठेणं भंते ! एवं वुच्चइ ओरालियसरीरचलणा २ ? गोयमा ! जं णं जीवा ओरालियसरीरे वट्टमाणा ओरालियसरीरप्पाओगाइं दव्वाइं ओरालियसरीरत्ताए परिणामेमाणा ओरालियसरीरचलणं चलिंसु वा चलंति वा चलिस्संति वा से तेणट्ठेणं जाव ओरालियसरीरचलणा २, से केणट्ठेणं भंते ! एवं वुच्चइ वेउव्वियसरीरचलणा २ ? एवं चेव, नवरं वेउव्वियसरीरे वट्टमाणा एवं जाव कम्मगसरीरचलणा, से केणट्ठेणं भंते ! एवं वुच्चइ सोईदियचलणा २ ? गोयमा ! जन्नं जीवा सोईदिए वट्टमाणा सोईदियप्पाओगाइं दव्वाइं सोईदियत्ताए परिणामेमाणा सोईदियचलणं चलिंसु वा चलंति वा चलिस्संति वा से तेणट्ठेणं जाव सोईदियचलणा २, एवं जाव फासिंदियचलणा, से केणट्ठेणं भंते ! एवं वुच्चइ मणजोगचलणा २ ? गोयमा ! जण्णं जीवा मणजोए वट्टमाणा मणजोगप्पाओगाइं दव्वाइं मणजोगत्ताए परिणामेमाणा मणजोगचलणं चलिंसु वा चलंति वा चलिस्संति वा से तेणट्ठेणं जाव मणजोगचलणा २, एवं वइजोगचलणावि, एवं कायजोगचलणावि ॥ ५९८ ॥ अह भंते ! संवेगे निव्वे(गे)ए गुरुसाहम्मियसुस्सुसणया आंलोयणया निंदणया गरहणया खमावणया सुयसहायया विउसमणया भावे अप्पडिवद्धया विणिवट्ठणया विवित्तसयणासणसेवणया सोईदियसंवरे जाव फासिंदियसंवरे जोगपच्चक्खाणे सरीरपच्चक्खाणे कसायपच्चक्खाणे संभोगपच्चक्खाणे उवहिपच्चक्खाणे भत्तपच्चक्खाणे खमा विरागया भावसच्चे जोगसच्चे करणसच्चे मणसमण्णाहरणया वइसमन्नाहरणया कायसमन्नाहरणया कोहविवेगे जाव मिच्छादंसणसल्लविवेगे णाणसंपन्नया दंसणसंपन्नया चरित्तसंपन्नया वेयणअहियासणया मारणंतियअहियासणया एए णं भन्ते ! पया किंपज्जवसाणफला पण्णत्ता ? समणाउसो ! गोयमा ! संवेगे निव्वेए जाव मारणंतियअहियासणया एए णं सिद्धिपज्जवसाणफला ५० समणाउसो ! ॥ सेवं भंते ! २ ति जाव विहरइ ॥ ५९९ ॥ सत्तरसमस्स सयस्स तइओ उद्देसो समत्तो ॥

तेणं कालेणं तेणं समएणं रायणिहे नयरे जाव एवं वयासी-अत्थि णं भंते ! जीवाणं पाणाइवाएणं किरिया कज्जइ ? हंता अत्थि, सा भंते ! किं पुट्ठा कज्जइ अपुट्ठा कज्जइ ? गोयमा ! पुट्ठा कज्जइ नो अपुट्ठा कज्जइ, एवं जहा पढमसए छट्ठेइसए जाव नो अणाणुपुव्विकडत्ति वत्तव्वं सिया, एवं जाव वेमाणियाणं, नवरं जीवाणं एगिंदियाण य निव्वाघाएणं छट्ठिसिं वाघायं पडुच्च सिय तिदिसिं सिय चउदिसिं सिय पंचदिसिं सेसाणं नियमं छट्ठिसिं । अत्थि णं भंते ! जीवाणं मुसा-

वाएणं किरिया कज्जइ ? हंता अत्थि, सा भंते ! किं पुट्टा कज्जइ अपुट्टा कज्जइ ? जहा पाणाइवाएणं दंडओ एवं सुसावाएणवि, एवं अदिन्नादाणेणवि मेहुणेणवि परिग्गहेणवि, एवं एए पंच दंडगा ५ । जंसमयन्नं भंते ! जीवाणं पाणाइवाएणं किरिया कज्जइ सा भंते ! किं पुट्टा कज्जइ अपुट्टा कज्जइ ? एवं तहेव जाव वत्तव्वं सिया जाव वेमाणियाणं, एवं जाव परिग्गहेणं, एवं एएवि पंच दंडगा १० । जंदेसेणं भंते ! जीवाणं पाणाइवाएणं किरिया कज्जइ एवं चेव जाव परिग्गहेणं, एवं एएवि पंच दंडगा १५ । जंपएसन्नं भंते ! जीवाणं पाणाइवाएणं किरिया कज्जइ सा भंते ! किं पुट्टा कज्जइ एवं तहेव दण्डओ, एवं जाव परिग्गहेणं २०, एवं एए वीसं दंडगा ॥ ६०० ॥ जीवाणं भंते ! किं अत्तकडे दुक्खे, परकडे दुक्खे, तदुभयकडे दुक्खे ? गोयमा ! अत्तकडे दुक्खे, नो परकडे दुक्खे, नो तदुभयकडे दुक्खे, एवं जाव वेमाणियाणं, जीवा णं भंते ! किं अत्तकडं दुक्खं वेदेंति, परकडं दुक्खं वेदेंति, तदुभयकडं दुक्खं वेदेंति ? गोयमा ! अत्तकडं दुक्खं वेदेंति, नो परकडं दुक्खं वेदेंति, नो तदुभयकडं दुक्खं वेदेंति, एवं जाव वेमाणियाणं । जीवाणं भंते ! किं अत्तकडा वेयणा, परकडा वेयणा, तदुभयकडा वेयणा ? गोयमा ! अत्तकडा वेयणा, णो परकडा वेयणा, णो तदुभयकडा वेयणा, एवं जाव वेमाणियाणं, जीवा णं भंते ! किं अत्तकडं वेयणं वेदेंति, परकडं वेयणं वेदेंति, तदुभयकडं वेयणं वेदेंति ? गोयमा ! जीवा अत्तकडं वेयणं वेदेंति, नो परकडं वेयणं वेदेंति, नो तदुभयकडं वेयणं वेदेंति, एवं जाव वेमाणियाणं । सेवं भंते ! सेवं भंते ! त्ति ॥ ६०१ ॥ सत्तरस्समे सए चउत्थो उद्देशो समत्तो ॥

कहि णं भंते ! ईसाणस्स देविंदस्स देवरओ सभा सुहम्मा पण्णत्ता ? गोयमा ! जंबु-द्वीवे २ मंदरस्स पव्वयस्स उत्तरेणं इमीसे णं रयणप्पभाए पुढवीए बहुसमरमणिज्जाओ भूमिभागाओ उड्डं चंदिमसूरिय जहा ठाणपए जाव मज्झे ईसाणवडिंसए महाविमाणे से णं ईसाणवडिंसए महाविमाणे अद्धतेरसजोयणसयसहस्साई० एवं जहा दसमसए सक्खविमाणवत्तव्वया सा इहवि ईसाणस्स निरवसेसा भाणियव्वा जाव आयरक्खत्ति, ठिई साइरेगाई दो सांगरोवमाई, सेसं तं चेव जाव ईसाणे देविंदे देवराया २, सेवं भंते ! सेवं भंते ! त्ति ॥ ६०२ ॥ सत्तरस्समे सए पंचमो उद्देशो समत्तो ॥

पुढविकाइए णं भंते ! इमीसे रयणप्पभाए पुढवीए समोहए २ ता जे भविए सोहम्मे कप्पे पुढविकाइयत्ताए उववज्जितए से भंते ! किं पुव्वि उववज्जित्ता पच्छा संपाउणेज्जा, पुव्वि वा संपाउणित्ता पच्छा उववजेज्जा ? गोयमा ! पुव्वि वा उव-वज्जित्ता पच्छा संपाउणेज्जा, पुव्वि वा संपाउणित्ता पच्छा उववजेज्जा, से केणट्टेणं जाव पच्छा उववजेज्जा ? गोयमा ! पुढविकाइयाणं तयो समुग्घाया प०, तं०-

वेयणासमुग्धाए कसायसमुग्धाए मारणंतियसमुग्धाए, मारणंतियसमुग्धाएणं समो-
हणमाणे देसेण वा समोहणइ सव्वेण वा समोहणइ, देसेणं समोहणमाणे पुब्बि
संपाउणित्ता पच्छा उववज्जिजा, सव्वेणं समोहणमाणे पुब्बि उववज्जित्ता पच्छा
संपाउणेजा, से तेणट्ठेणं जाव उववजेजा । पुढविकाइए णं भंते ! इमीसे रयणप्प-
भाए पुढवीए जाव समोहए २ ता जे भविए ईसाणे कप्पे पुढवि० एवं चेव ईसाणेवि,
एवं जाव अचुयगेविज्जविमाणे, अणुत्तरविमाणे ईसिप्पब्भाराए य एवं चेव । पुढविकाइए
णं भंते ! सक्करप्पभाए पुढवीए समोहए २ ता जे भविए सोहम्मे कप्पे पुढवि० एवं
जहा रयणप्पभाए पुढविकाइओ उववाइओ एवं सक्करप्पभाएवि पुढविकाइओ उववा-
एयव्वो जाव ईसिप्पब्भाराए, एवं जहा रयणप्पभाए वत्तव्वया भणिया एवं जाव अहे
सत्तमाए समोहए ईसिप्पब्भाराए उववाएयव्वो । सेवं भंते ! २ त्ति (१७-६) ॥६०३॥
पुढविकाइए णं भंते ! सोहम्मे कप्पे समोहए समोहणित्ता जे भविए इमीसे रयण-
प्पभाए पुढवीए पुढविकाइयत्ताए उववज्जित्ते से णं भंते ! किं पुब्बि सेसं तं चेव
जहा रयणप्पभाए पुढविकाइओ सव्वकप्पेसु जाव ईसिप्पब्भाराए ताव उववाइओ एवं
सोहम्मपुढविकाइओवि सत्तसुवि पुढवीसु उववाएयव्वो जाव अहे सत्तमाए, एवं जहा
सोहम्मपुढविकाइओ सव्वपुढवीसु उववाइओ एवं जाव ईसिप्पब्भारापुढविकाइओ
सव्वपुढवीसु उववाएयव्वो जाव अहे सत्तमाए, सेवं भंते ! २ त्ति (१७-७) ॥६०४॥
आउक्काइए णं भंते ! इमीसे रयणप्पभाए पुढवीए समोहए २ ता जे भविए सोहम्मे
कप्पे आउक्काइयत्ताए उववज्जित्ते एवं जहा पुढविकाइओ तहा आउक्काइओवि
सव्वकप्पेसु जाव ईसिप्पब्भाराए तहेव उववाएयव्वो, एवं जहा रयणप्पभाआउ-
क्काइओ उववाइओ तहा जाव अहेसत्तमापुढविआउक्काइओ उववाएयव्वो जाव ईसिप्प-
ब्भाराए, सेवं भंते ! २ त्ति (१७-८) ॥६०५॥ आउक्काइए णं भंते ! सोहम्मे कप्पे
समोहए समोहणित्ता जे भविए इमीसे रयणप्पभाए पुढवीए घणोदहिबलएसु आउ-
क्काइयत्ताए उववज्जित्ते से णं भंते ! सेसं तं चेव एवं जाव अहे सत्तमाए जहा सोहम्म-
आउक्काइओ एवं जाव ईसिप्पब्भाराआउक्काइओ जाव अहे सत्तमाए उववाएयव्वो,
सेवं भंते ! २ त्ति (१७-९) ॥६०६॥ वाउक्काइए णं भंते ! इमीसे रयणप्पभाए पुढवीए
जाव जे भविए सोहम्मे कप्पे वाउक्काइयत्ताए उववज्जित्ते से णं जहा पुढविकाइओ
तहा वाउक्काइओवि नवरं वाउक्काइयाणं चत्तारि समुग्धाया ५०, तं०-वेयणासमु-
ग्धाए जाव वेउव्वियसमुग्धाए, मारणंतियसमुग्धाएणं समोहणमाणे देसेण वा समो०
सेसं तं चेव जाव अहे सत्तमाए समोहओ ईसिप्पब्भाराए उववाएयव्वो, सेवं भंते !
२ त्ति (१७-१०) ॥ ६०७ ॥ वाउक्काइए णं भंते ! सोहम्मे कप्पे समोहए २ ता जे

भविए इमीसे रयणप्पभाए पुढवीए घणवाए तणुवाए घणवायवलएसु तणुवायवलएसु
वाउक्काइयत्ताए उववज्जितए से णं भंते ! सेसं तं चेव एवं जहा सोहम्मकप्पवाउक्काइओ
सत्तलुवि पुढवीसु उववाइओ एवं जाव ईसिप्पब्भाराए वाउक्काइओ अहे सत्तमाए जाव
उववाएयव्वो, सेवं भंते ! २ ति (१७-११) ॥ ६०८ ॥ एगिंदिया णं भंते ! सव्वे
समाहारा सव्वे (समसरीरा) समुत्सासणीसासा एवं जहा पढमसए विइयउद्देसए
पुढविकाइयाणं वत्तव्वया भणिया सा चेव एगिंदियाणं इह भाणियव्वा जाव समाउया
समोववन्नगा । एगिंदियाणं भंते ! कइ लेस्साओ प० ? गोयमा ! चत्तारि लेस्साओ प०,
तं०-कण्हलेस्सा जाव तेउलेस्सा । एएत्ति णं भंते ! एगिंदियाणं कण्हलेस्साणं जाव
विसेसाहिया वा ? गोयमा ! सव्वत्थोवा एगिंदियाणं तेउलेस्सा, काउलेस्सा अणंतगुणा,
णीललेस्सा विसेसाहिया, कण्हलेस्सा विसेसाहिया । एएत्ति णं भंते ! एगिंदियाणं
कण्हलेस्सा इड्ढी जहेव दीवकुमाराणं, सेवं भंते ! २ ति (१७-१२) ॥ ६०९ ॥
नागकुमारा णं भंते ! सव्वे समाहारा जहा सोलसमसए दीवकुमारुद्देसए तहेव निरवसेसं
भाणियव्वं जाव इड्ढीति, सेवं भंते ! २ ति जाव विहरइ (१७-१३) ॥ ६१० ॥
सुवन्नकुमारा णं भंते ! सव्वे समाहारा० एवं चेव, सेवं भंते ! २ ति (१७-१४) ॥
६११ ॥ विज्जुकुमारा णं भंते ! सव्वे समाहारा० एवं चेव, सेवं भंते ! २ ति
(१७-१५) ॥ ६१२ ॥ वाउकुमारा णं भंते ! सव्वे समाहारा० एवं चेव, सेवं
भंते ! २ ति (१७-१६) ॥ ६१३ ॥ अग्गिकुमारा णं भंते ! सव्वे समाहारा०
एवं चेव, सेवं भंते ! २ ति ॥ ६१४ ॥ सत्तरसमस्स सयस्स सत्तरसमो
उद्देसो समत्तो ॥ सत्तरसमं सयं समत्तं ॥

पढमे १ विसाह २ मायदिए य ३ पाणाइवाय ४ असुरे य ५ । गुल ६ केवल्लि
७ अणगारे ८ भविए ९ तह सोमिलऽट्ठारसे १० ॥ १ ॥ तेणं कालेणं तेणं सम-
एणं रायगिहे जाव एवं वयासी-जीवे णं भंते ! जीवभावेणं किं पढमे अपढमे ?
गोयमा ! नो पढमे अपढमे, एवं नेरइए जाव वेमाणिए । सिद्धे णं भंते ! सिद्ध-
भावेणं किं पढमे अपढमे ? गोयमा ! पढमे नो अपढमे, जीवा णं भंते ! जीवभावेणं
किं पढमा अपढमा ? गोयमा ! नो पढमा अपढमा, एवं जाव वेमाणियाणं १ ॥
सिद्धाणं पुच्छा, गोयमा ! पढमा नो अपढमा ॥ आहारए णं भंते ! जीवे आहार-
भावेणं किं पढमे अपढमे ? गोयमा ! नो पढमे अपढमे, एवं जाव वेमाणिए,
पोहत्तिएवि एवं चेव । अणाहारए णं भंते ! जीवे अणाहारभावेणं पुच्छा, गोयमा !
सिय पढमे सिय अपढमे । नेरइए णं भंते ! एवं नेरइए जाव वेमाणिए नो पढमे
अपढमे, सिद्धे पढमे नो अपढमे । अणाहारगा णं भंते ! जीवा अणाहारभावेणं

पुच्छा, गोयमा ! पढमावि, अपढमावि, नेरइया जाव वेमाणिया णो पढमा अपढमा, सिद्धा पढमा नो अपढमा, एक्केक्के पुच्छा भाणियव्वा २ ॥ भवसिद्धिए एगत्तपुहुत्तेणं जहा आहारए, एवं अभवसिद्धिएवि, नोभवसिद्धियनोअभवसिद्धिए णं भंते ! जीवे नोभव० पुच्छा, गोयमा ! पढमे नो अपढमे, णोभवसिद्धिय नोअभवसिद्धिया णं भंते ! सिद्धा नोभ० अभव०, एवं चेव पुहुत्तेणवि दोण्हावि ॥ सत्ती णं भंते ! जीवे सण्णिभावेणं किं पढमे पुच्छा, गोयमा ! नो पढमे अपढमे, एवं विगल्लिदियवज्जं जाव वेमाणिए, एवं पुहुत्तेणवि ३ ॥ असत्ती एवं चेव एगत्तपुहुत्तेणं नवरं जाव वाणमंतरा, नोसत्तीनोअसत्ती जीवे मणुस्से सिद्धे पढमे नो अपढमे, एवं पुहुत्तेणवि ४ ॥ सलेस्से णं भंते ! पुच्छा, गोयमा ! जहा आहारए एवं पुहुत्तेणवि, कण्हलेस्सा जाव सुक्कलेस्सा एवं चेव नवरं जस्स जा लेस्सा अत्थि । अलेस्से णं जीवमणुस्ससिद्धे जहा नोसत्तीनोअसत्ती ५ ॥ सम्महिट्ठिए णं भंते ! जीवे सम्महिट्ठिभावेणं किं पढमे पुच्छा, गोयमा ! सिय पढमे सिय अपढमे, एवं एगिदियवज्जं जाव वेमाणिए, सिद्धे पढमे नो अपढमे, पुहुत्तिया जीवा पढमावि अपढमावि, एवं जाव वेमाणिया, सिद्धा पढमा नो अपढमा, मिच्छादिट्ठिए एगत्तपुहुत्तेणं जहा आहारगा, सम्मामिच्छादिट्ठिए एगत्तपुहुत्तेणं जहा सम्मदिट्ठी, नवरं जस्स अत्थि सम्मामिच्छत्तं ६ ॥ संजए जीवे मणुस्से य एगत्तपुहुत्तेणं जहा सम्महिट्ठी, असंजए जहा आहारए, संजयासंजए जीवे पंचिदियतिरिक्खजोणियमणुस्सा एगत्तपुहुत्तेणं जहा सम्महिट्ठी, नोसंजएनोअसंजएनोसंजयासंजए जीवे सिद्धे य एगत्तपुहुत्तेणं पढमे नो अपढमे ७ ॥ सकसाई कोहकसाई जाव लोभकसाई एए एगत्तपुहुत्तेणं जहा आहारए, अकसाई जीवे सिय पढमे सिय अपढमे, एवं मणुस्सेवि, सिद्धे पढमे नो अपढमे, पुहुत्तेणं जीवा मणुस्सा पढमावि अपढमावि, सिद्धा पढमा नो अपढमा ८ ॥ णाणी एगत्तपुहुत्तेणं जहा सम्महिट्ठी, आभिणिवोहियनाणी जाव मणपज्वनाणी एगत्तपुहुत्तेणं एवं चेव, नवरं जस्स जं अत्थि, केवलनाणी जीवे मणुस्से सिद्धे य एगत्तपुहुत्तेणं पढमा नो अपढमा । अन्नाणी मइअन्नाणी सुयअन्नाणी विभंगनाणी एगत्तपुहुत्तेणं जहा आहारए ९ ॥ सजोगी मणजोगी वइजोगी कायजोगी एगत्तपुहुत्तेणं जहा आहारए, नवरं जस्स जो जोगो अत्थि, अजोगी जीवमणुस्ससिद्धा एगत्तपुहुत्तेणं पढमा नो अपढमा १० ॥ सागारोवउत्ता अणागारोवउत्ता एगत्तपुहुत्तेणं जहा अणाहारए ११ ॥ सवेदगो जाव नपुंसगवेदगो एगत्तपुहुत्तेणं जहा आहारए नवरं जस्स जो वेदो अत्थि, अवेदओ एगत्तपुहुत्तेणं तिसुवि पएसु जहा अकसाई १२ ॥ ससरीरी जहा आहारए, एवं जाव कम्मगसरीरी जस्स जं अत्थि

सरीरं, नवरं आहारगसरीरी एगत्तपुहुत्तेणं जहा सम्मदिट्ठी, असरीरी जीवो सिद्धो
 एगत्तपुहुत्तेणं पढमो नो अपढमो १३ ॥ पंचहिं पज्जतीहिं पंचहिं अपज्जतीहिं एग-
 त्तपुहुत्तेणं जहा आहारए, नवरं जस्स जा अत्थि जाव वेमाणिया नो पढमा अपढमा
 १४ ॥ इमा लक्खणगाहा—जो जेण पत्तपुव्वो भावो सो तेण अपढमो होइ ।
 सेसेसु होइ पढमो अपत्तपुव्वेसु भावेसु ॥ १ ॥ जीवे णं भंते ! जीवभावेणं किं
 चरिमे अचरिमे ? गोयमा ! नो चरिमे अचरिमे । नेरइए णं भंते ! नेरइयभावेणं
 पुच्छा, गोयमा ! सिय चरिमे सिय अचरिमे, एवं जाव वेमाणिए, सिद्धे जहा
 जीवे । जीवाणं पुच्छा, गोयमा ! जीवा नो चरिमा अचरिमा, नेरइया चरिमावि
 अचरिमावि, एवं जाव वेमाणिया, सिद्धा जहा जीवा १ ॥ आहारए सव्वत्थ एगत्तेणं
 सिय चरिमे सिय अचरिमे, पुहुत्तेणं चरिमावि अचरिमावि, अणाहारओ जीवो सिद्धो
 य एगत्तेणवि पुहुत्तेणवि नो चरिमो अचरिमो, सेसट्ठाणेषु एगत्तपुहुत्तेणं जहा आहा-
 रओ २ ॥ भवसिद्धीओ जीवपए एगत्तपुहुत्तेणं चरिमे नो अचरिमे, सेसट्ठाणेषु जहा
 आहारओ । अभवसिद्धीओ सव्वत्थ एगत्तपुहुत्तेणं नो चरिमे अचरिमे, नोभवसि-
 द्दीयनोअभवसिद्धीय जीवा सिद्धा य एगत्तपुहुत्तेणं जहा अभवसिद्धीओ ३ ॥ सन्नी
 जहा आहारओ, एवं असन्नीवि, नोसन्नीनोअसन्नी जीवपए सिद्धपए य अचरिमो,
 मणुस्सपए चरिमो एगत्तपुहुत्तेणं ४ ॥ सळेस्सो जाव सुकळेस्सो जहा आहारओ नवरं
 जस्स जा अत्थि, अळेस्सो जहा नोसन्नीनोअसन्नी ५ ॥ सम्मदिट्ठी जहा अणा-
 हारओ, मिच्छादिट्ठी जहा आहारओ, सम्मामिच्छादिट्ठी एगिंदियविगलिंदियवज्जं
 सिय चरिमे सिय अचरिमे, पुहुत्तेणं चरिमावि अचरिमावि ६ ॥ संजओ जीवो
 मणुस्सो य जहा आहारओ, असंजओवि तहेव, संजयासंजओवि तहेव, नवरं जस्स
 जं अत्थि, नोसंजयनोअसंजयनोसंजयासंजय जहा नोभवसिद्धीयनोअभवसिद्धीओ
 ७ ॥ सकसाई जाव लोभकसाई सव्वट्ठाणेषु जहा आहारओ, अकसाई जीवपए
 सिद्धपए य नो चरिमो अचरिमो, मणुस्सपए सिय चरिमो सिय अचरिमो ८ ॥ णाणी
 जहा सम्मदिट्ठी सव्वत्थ आभिणिवोहियनाणी जाव मणपज्जवनाणी जहा आहारओ
 नवरं जस्स जं अत्थि, केवलनाणी जहा नोसन्नीनोअसन्नी, अच्चाणी जाव विभंगनाणी
 जहा आहारओ ९ ॥ सजोगी जाव कायजोगी जहा आहारओ जस्स जो जोगो
 अत्थि, अजोगी जहा नोसन्नीनोअसन्नी १० ॥ सगारोवउत्तो अणागारोवउत्तो य
 जहा अणाहारओ ११ ॥ सवेदओ जाव नपुंसगवेदओ जहा आहारओ, अवेदओ
 जहा अकसाई १२ ॥ ससरीरी जाव कम्मगसरीरी जहा आहारओ नवरं जस्स जं
 अत्थि, असरीरी जहा नोभवसिद्धीयनोअभवसिद्धीय १३ ॥ पंचहिं पज्जतीहिं पंचहिं

अपजत्तीहिं जहा आहारओ सव्वत्थ एगत्तपुहुत्तेणं दंडगा भाणियव्वा १४ ॥ इमा लक्खणगाहा—जो जं पाविहिइ पुणो भावं सो तेण अचरिमो होइ । अचंतविओगो जस्स जेण भावेण सो चरिमो ॥ १ ॥ सेवं भंते ! २ त्ति जाव विहरइ ॥ ६१५ ॥
अट्टारसमस्स सयस्स पढमो उद्देसो समत्तो ॥

तेणं कालेणं तेणं समएणं विसाहा नामं नयरी होत्था वन्नओ, बहुपुत्तिए उज्जाणे वन्नओ, सामी समोसढे जाव पज्जुवासइ, तेणं कालेणं तेणं समएणं सक्के देविंदे देवराया वज्जपाणी पुरंदरे एवं जहा सोलसमसए विइयउद्देसए तहेव दिव्वेणं जाणविमाणेणं आगओ नवरं एत्थ आभिओगा(वि)इ अत्थि जाव वत्तीसइविहं नट्टविहिं उवदंसेइ २ ता जाव पडिगए । भंते ! त्ति भगवं गोयमे समणं भगवं महावीरं जाव एवं वयासी—जहा तइयसए ईसाणस्स तहेव कूडागारसालादिट्ठंतो तहेव पुव्वभव-पुच्छा जाव अंभिसमन्नागया ? गोयमादि समणे भगवं महावीरे भगवं गोयमं एवं वयासी—एवं खलु गोयमा ! तेणं कालेणं तेणं समएणं इहेव जंबुद्दीवे २ भारहे वासे हत्थिणाउरे नामं नयरे होत्था वन्नओ, सहसंववणे उज्जाणे वन्नओ, तत्थ णं हत्थिणाउरे नयरे कत्तिए नामं सेट्ठी परिवसइ अट्ठे जाव अपरिभूए णेगमपढमा-सणिए णेगमट्टसहस्सस्स बहुसु कज्जेसु य कारणेसु य कोडुंवेसु य एवं जहा राय-प्पसेणइजे चित्ते जाव चक्खुभूए णेगमट्टसहस्सस्स स(सी)यस्स य कुडुंवरस्स आहेवचं जावं कारेमाणे पालेमाणे य समणोवासए अभिगयजीवाजीवे जाव विहरइ । तेणं कालेणं तेणं समएणं मुणिसुव्वए अरहा आइगरे जहा सोलसमसए तहेव जाव समोसढे जाव परिसा पज्जुवासइ, तए णं से कत्तिए सेट्ठी इमीसे कहाए लद्धट्ठे समाणे हट्टतुट्ठं ० एवं जहा एक्कारसमसए सुदंसणे तहेव निग्गओ जाव पज्जुवासइ, तए णं मुणिसुव्वए अरहा कत्तियस्स सेट्ठिस्स धम्मकहा जाव परिसा पडिगया, तए णं से कत्तिए सेट्ठी मुणिसुव्वयस्स जाव निसम्म हट्टतुट्ठं ० उट्ठाए उट्ठेइ उ ० २ ता मुणि-सुव्वयं जाव एवं वयासी—एवमेयं भंते ! जाव से जहेयं तुज्जे वदह, जं नवरं देवाणु-प्पिया ! नेगमट्टसहस्सं आपुच्छामि जेट्टपुत्तं च कुडुंवे ठावेमि, तए णं अहं देवाणु-प्पियाणं अंतियं पव्वयामि, अहासुहं जाव मा पडिवंधं, तए णं से कत्तिए सेट्ठी जाव पडिनिक्खमइ २ ता जेणेव हत्थिणापुरे नयरे जेणेव सए गेहे तेणेव उवागच्छइ २ ता णेगमट्टसहस्सं सद्दवेइ २ ता एवं वयासी—एवं खलु देवाणुप्पिया ! मए मुणिसुव्वयस्स अरहओ अंतियं धम्मं निसन्ते सेविय मे धम्मं इच्छिए पडिच्छिए अभिरुइए, तए णं अहं देवाणुप्पिया ! संसारभयउत्विग्गे जाव पव्वयामि, तं तुब्भे णं देवाणुप्पिया ! किं करेह किं ववसह किं भे हियइच्छिए किं भे सामत्थे ?, तए णं

तं नेगमट्टसहस्संपि तं कत्तियं सेट्ठी एवं वयासी-जइ णं देवाणुप्पिया ! संसारभय-
उव्विग्गा भीया जाव पव्वइस्संति अम्हं देवाणुप्पिया ! किं अन्ने आलंवणे वा आहारे
वा पडिबन्धे वा ? अम्हेवि णं देवाणुप्पिया ! संसारभयउव्विग्गा भीया जम्मणमरणाणं
देवाणुप्पिएहिं सद्धिं मुणिसुव्वयस्स अरहओ अंतियं मुं(डे)डा भवेत्ता अगाराओ
जाव पव्वयामो, तए णं से कत्तिए सेट्ठी तं नेगमट्टसहस्सं एवं वयासी-जइ णं देवाणु-
प्पिया ! संसारभउव्विग्गा भीया जम्मणमरणाणं मए सद्धिं मुणिसुव्वय जाव पव्वयह
तं गच्छह णं तुब्भे देवाणुप्पिया ! सएसु २ गिहेसु विउलं असणं जाव उवक्खडावेह
मित्तणाइ जाव पुरओ जेट्ठपुत्ते कुडुंवे ठावेह जेट्ठ० २ ता तं मित्तणाइ जाव जेट्ठपुत्ते
आपुच्छह २ ता पुरिससहस्सवाहिणीओ सीयाओ दुरुहह पु० २ ता मित्तणाइ जाव
परिजणेणं जेट्ठपुत्तेहि य समणुगम्ममाणमग्गा सव्विड्ढीए जाव रवेणं अकालपरिहीणं
चेव ममं अंतियं पाउव्वभवह, तए णं ते नेगमट्टसहस्संपि कत्तियस्स सेट्ठिस्स एय-
मट्ठं विणएणं पडिसुणेंति २ ता जेणेव साइं साइं गिहाइं तेणेव उवागच्छंति २ ता
विपुलं असणं जाव उवक्खडावेंति २ ता मित्तणाइ जाव तस्सेव मित्तणाइ जाव
पुरओ जेट्ठपुत्ते कुडुंवे ठावेंति जेट्ठपुत्ते० २ ता तं मित्तणाइ जाव जेट्ठपुत्ते य
आपुच्छंति जेट्ठ० २ ता पुरिससहस्सवाहिणीओ सीयाओ दुरुहंति २ ता मित्तणाइ
जाव परिजणेणं जेट्ठपुत्तेहि य समणुगम्ममाणमग्गा सव्विड्ढीए जाव रवेणं अकाल-
परिहीणं चेव कत्तियस्स सेट्ठिस्स अंतियं पाउव्ववन्ति, तए णं से कत्तिए सेट्ठी विपुलं
असणं ४ जहा गंगदत्तो जाव मित्तणाइ जाव परिजणेणं जेट्ठपुत्तेणं नेगमट्टसहस्सेण
य समणुगम्ममाणमग्गे सव्विड्ढीए जाव रवेणं हत्थिणापुरं नयरं मज्झमज्झेणं जहा
गंगदत्तो जाव आलित्ते णं भंते ! लोए पलित्ते णं भंते ! लोए आलित्तपलित्ते णं भंते !
लोए जाव आणुगामियताए भविस्सइ, तं इच्छामि णं भंते ! नेगमट्टसहस्सेणं सद्धिं
सयमेव पव्वावियं सयमेव मुंडावियं जाव धम्ममाइक्खियं, तए णं मुणिसुव्वए अरहा
कत्तियं सेट्ठी नेगमट्टसहस्सेणं सद्धिं सयमेव पव्वावेइ जाव धम्ममाइक्खइ, एवं देवाणु-
प्पिया ! गंतव्वं एवं चिट्ठियव्वं जाव संजमियव्वं, तए णं से कत्तिए सेट्ठी नेगमट्टसह-
स्सेणं सद्धिं मुणिसुव्वयस्स अरहओ इमं एयारुवं धम्मियं उवएसं सम्मं संपडिवज्जइ,
तमाणाए तहा गच्छइ जाव संजमेइ, तए णं से कत्तिए सेट्ठी नेगमट्टसहस्सेणं सद्धिं
अणंगारे जाए इरियासमिए जाव गुतवंभयारी, तए णं से कत्तिए अणंगारे मुणि-
सुव्वयस्स अरहओ तहारुवाणं थेराणं अंतियं सामाइयमाइयाइं चोइस पुव्वाइं
अहिज्जइ सा० २ ता वट्ठहिं चउत्थछट्ठम जाव अप्पाणं भावेमाणे वट्ठपडिपुंजाइं
दुवालंसवासाइं सामन्नपरियागं पाउणइ २ ता मात्तियाए संलेहणाए अत्ताणं झोसेइ

मा० २ ता सट्ठिं भत्ताइं अणसणाए छेदेइ स० २ ता आलोइयपडिक्कंते जाव कालं किच्चा सोहम्मो कप्पे सोहम्मवडिंसए विमाणे उववायसभाए देवसयणिज्जंसि जाव सक्के देविंदत्ताए उववन्ने, तए णं से सक्के देविंदे देवराया अहुणोववण्णे सेसं जहा गंगदत्तस्स जाव अंतं काहिइ, नवरं ठिई दो सागरोवमाइं प० सेसं तं चेव । सेवं भंते ! २ त्ति ॥ ६१६ ॥ अट्टारसमस्स सयस्स वीओ उद्देसो समत्तो ॥

तेणं कालेणं तेणं समएणं रायगिहे नामं नयरे होत्था वन्नओ, गुणसिलए उज्जाणे वन्नओ जाव परिसा पडिगया, तेणं कालेणं तेणं समएणं समणस्स भगवओ महा-वीरस्स जाव अंतेवासी मागंदियपुत्ते नामं अणगारे पगइभइए जहा मंडियपुत्ते जाव पज्जुवासमाणे एवं वयासी-से नूणं भंते ! काउलेस्से पुढविकाइए काउलेस्से-हिंतो पुढविकाइएहिंतो अणंतरं उव्वट्ठित्ता माणुसं विग्गहं लभइ मा० २ ता केवलं वोहिं वुज्झइ के० २ ता तओ पच्छा सिज्झइ जाव अंतं करेइ ? हंता मागंदिय-पुत्ता ! काउलेस्से पुढविकाइए जाव अंतं करेइ । से नूणं भंते ! काउलेस्से आउकाइए काउलेस्सेहिंतो आउकाइएहिंतो अणंतरं उव्वट्ठित्ता माणुसं विग्गहं लभइ मा० २ ता केवलं वोहिं वुज्झइ जाव अंतं करेइ ? हंता मागंदियपुत्ता ! जाव अंतं करेइ । से नूणं भंते ! काउलेस्से वणस्सइकाइए एवं चेव जाव अंतं करेइ, सेवं भंते ! २ त्ति मागंदियपुत्ते अणगारे समणं भगवं महावीरं जाव नमंसित्ता जेणेव समणे निग्गंथे तेणेव उवागच्छइ २ ता समणे निग्गंथे एवं वयासी-एवं खलु अज्जो ! काउलेस्से पुढविकाइए तहेव जाव अंतं करेइ, एवं खलु अज्जो ! काउलेस्से आउकाइए जाव अंतं करेइ, एवं खलु अज्जो ! काउलेस्से वणस्सइकाइए जाव अंतं करेइ, तए णं ते समणा निग्गंथा मा(कं)गंदियपुत्तस्स अणगारस्स एवमाइक्खमाणस्स जाव एवं परूवे-माणस्स एयमट्ठं नो सद्वहंति ३ एयमट्ठं असद्वहमाणा ३ जेणेव समणे भगवं महा-वीरे तेणेव उवागच्छंति २ ता समणं भगवं महावीरं वंदंति नमंसंति वं० २ ता एवं वयासी-एवं खलु भंते ! मागंदियपुत्ते अणगारे अम्हं एवमाइक्खइ जाव परूवेइ-एवं खलु अज्जो ! काउलेस्से पुढविकाइए जाव अंतं करेइ, एवं खलु अज्जो ! काउलेस्से आउकाइए जाव अंतं करेइ, एवं खलु० वणस्सइकाइएवि जाव अंतं करेइ, से कह-मेयं भंते ! एवं ? अज्जोत्ति समणे भगवं महावीरे ते समणे निग्गंथे आमंतेत्ता एवं वयासी-जणं अज्जो ! मागंदियपुत्ते अणगारे उज्जे एवं आइक्खइ जाव परूवेइ-एवं खलु अज्जो ! काउलेस्से पुढवीकाइए जाव अंतं करेइ, एवं खलु अज्जो ! काउ-लेस्से आउकाइए जाव अंतं करेइ, एवं खलु अज्जो ! काउलेस्से वणस्सइकाइएवि जाव अंतं करेइ, सचे णं एसमट्ठे, अहंपि णं अज्जो ! एवमाइक्खामि ४-एवं खलु

धेज्जो ! कण्हलेस्से पुढाविकाइए कण्हलेस्सेहिंतो पुढाविकाइएहिंतो जाव अंतं करेइ, एवं खलुं अज्जो ! नीललेस्से पुढाविकाइए जाव अंतं करेइ, एवं काउलेस्सेवि जहा पुढाविकाइए जाव अंतं करेइ, एवं आउकाइएवि, एवं वणस्सइकाइएवि, सच्चे णं एसमट्ठे ॥ सेवं भंते ! २ त्ति समणा निगंथा समणं भगवं महावीरं वंदंति नमंसंति वं० २ ता जेणेव मागंदियपुत्ते अणगारे तेणेव उवागच्छंति २ ता मागंदियपुत्तं अणगारं वंदंति नमंसंति वं० २ ता एयमट्ठं सम्मं विणएणं भुज्जो २ खामेंति ॥६१७॥ तए णं से मागंदियपुत्ते अणगारे उट्ठाए उट्ठेइ २ ता जेणेव समणे भगवं महावीरे तेणेव उवागच्छइ ते० २ ता समणं भगवं महावीरं वंदइ नमंसइ वं० २ ता एवं वयासी-अणगारस्स णं भंते ! भावियप्पणो सव्वं कम्मं वेदेमाणस्स सव्वं कम्मं निज्जरेमाणस्स सव्वं मारं मरमाणस्स सव्वं सरीरं विप्पजहमाणस्स चरिमं कम्मं वेदेमाणस्स चरिमं कम्मं निज्जरेमाणस्स चरिमं मारं मरमाणस्स चरिमं सरीरं विप्पजहमाणस्स मारणंतियं कम्मं वेदेमाणस्स मारणंतियं कम्मं निज्जरेमाणस्स मारणंतियं मारं मरमाणस्स मारणंतियं सरीरं विप्पजहमाणस्स जे चरिमा निज्जरापोग्गला सुहुमा णं ते पोग्गला प०, संमणाउसो ! सव्वं लोगंपिणं ते उग्गाहित्ताणं चिट्ठंति ? हंता मागंदियपुत्ता ! अणगारस्स णं भावियप्पणो जाव ओगाहित्ताणं चिट्ठंति, छउमत्थे णं भंते ! मणुस्से तेसिं निज्जरापोग्गलाणं किंचि आणत्तं वा णाणत्तं वा एवं जहा इंदियउहेसए पढसे जाव वेमाणिया जाव तत्थ णं जे ते उवउत्ता ते जाणंति पासंति आहारेंति, से तेणट्ठेणं निक्खेवो भाणियव्वोत्ति न पासंति आहारेंति, नेरइया णं भंते ! निज्जरापोग्गला न जाणंति न पासंति आहारेंति, एवं जाव पंचिंदियतिरिक्खजोणि-याणं, मणुस्सा णं भंते ! निज्जरापोग्गले किं जाणंति पासंति आहारेंति उदाहु न जाणंति न पासंति न आहारेंति ? गोयमा ! अत्थेगइया जाणंति ३ अत्थेगइया न जाणंति न पासंति आहारेंति, से केणट्ठेणं भंते ! एवं वुच्चइ अत्थेगइया जाणंति पासंति आहारेंति, अत्थेगइया न जाणंति न पासंति आहारेंति ? गोयमा ! मणुस्सा दुविहा प०, तंजहा-सन्निभूया य असन्निभूया य, तत्थ णं जे ते असन्निभूया ते न जाणंति न पासंति आहारेंति, तत्थ णं जे ते सन्निभूया ते दुविहा प०, तं०-उवउत्ता य अणुवउत्ता य, तत्थ णं जे ते अणुवउत्ता ते न जाणंति न पासंति आहारेंति, तत्थ णं जे ते उवउत्ता ते जाणंति ३, से तेणट्ठेणं गोयमा ! एवं वुच्चइ अत्थेगइया न जाणंति २ आहारेंति, अत्थेगइया जाणंति ३, वाणमंतरजोइसिया जहा नेरइया । वेमाणिया णं भंते ! ते निज्जरापोग्गले किं जाणंति ६ ? गोयमा ! जहा मणुस्सा नवरं वेमाणिया दुविहा प०, तं०-माइमिच्छइट्ठिववजंगा य अमा-

इसम्मद्दिट्ठिउव्वन्नगा य, तत्थ णं जे ते माइमिच्छद्दिट्ठिउव्वन्नगा ते णं न जाणंति न पासंति आहारेंति, तत्थ णं जे ते अमाइसम्मद्दिट्ठिउव्वन्नगा ते दुविहा प०, तं०-अणंतरोव्वन्नगा य परंपरोव्वन्नगा य, तत्थ णं जे ते अणंतरोव्वन्नगा ते णं न जाणंति न पासंति आहारेंति, तत्थ णं जे ते परंपरोव्वन्नगा ते दुविहा प०, तं०-पज्जत्तगा य अपज्जत्तगा य, तत्थ णं जे ते अपज्जत्तगा ते णं न जाणंति न पासंति आहारेंति, तत्थ णं जे ते पज्जत्तगा ते दुविहा प०, तं०-उवउत्ता य अणुवउत्ता य, तत्थ णं जे ते अणुवउत्ता ते णं न जाणंति २ आहारेंति ॥६१८॥ कइविहे णं भन्ते ! वंधे प० ? मागंदियपुत्ता ! दुविहे वंधे प०, तं०-दव्वबंधे य भावबंधे य, दव्वबंधे णं भंते ! कइविहे प० ? मागंदियपुत्ता ! दुविहे प०, तं०-पओगबंधे य वीससाबंधे य, वीससाबंधे णं भंते ! कइविहे प० ? मागंदियपुत्ता ! दुविहे प०, तं०-साईयवीससाबंधे य अणाईयवीससाबंधे य, पओगबंधे णं भंते ! कइविहे प० ? मागंदियपुत्ता ! दुविहे प०, तं०-सिद्धिलबंधणवन्धे य धणियबंधणवन्धे य, भावबंधे णं भंते ! कइविहे प० ? मागंदियपुत्ता ! दुविहे प०, तं०-मूलपगडिवंधे य उत्तरपगडिवंधे य, नेरइयाणं भंते ! कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिवंधे य उत्तरपगडिवंधे य, एवं जाव वेमाणियाणं, नाणावरणिज्जस्स णं भंते ! कम्मस्स कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिवंधे य उत्तरपगडिवंधे य, नेरइयाणं भंते ! नाणावरणिज्जस्स कम्मस्स कइविहे भावबंधे प० ? मागंदियपुत्ता ! दुविहे भावबंधे प०, तं०-मूलपगडिवंधे य उत्तरपगडिवंधे य, एवं जाव वेमाणियाणं, जहा नाणावरणिज्जेणं दंडओ भणिओ एवं जाव अंतराइएणं भाणियव्वो ॥ ६१९ ॥ जीवाणं भंते ! पावे कम्मे जे य कडे जाव जे य कज्जिस्सइ अत्थि याइ तस्स केइ णाणत्ते ? हंता अत्थि, से केणट्ठेणं भंते ! एवं वुच्चइ जीवाणं पावे कम्मे जे य कडे जाव जे य कज्जिस्सइ अत्थि याइ तस्स णाणत्ते ? मागंदियपुत्ता ! से जहानामए-केइ पुरिसे धणुं परामुसइ २ ता उखुं परामुसइ २ ता ठाणं ठाइ २ ता आययकन्नाययं उखुं करेइ आ० २ ता उहुं वेहासं उव्विहइ से नूर्ण मागंदियपुत्ता ! तस्स उखुस्स उहुं वेहासं उव्वीढस्स समाणस्स एयइवि णाणत्तं जाव तं तं भावं परिणमइवि णाणत्तं ? हंता भगवं ! एयइवि णाणत्तं जाव परिणमइवि णाणत्तं, से तेणट्ठेणं मागंदियपुत्ता ! एवं वुच्चइ जाव तं तं भावं परिणमइवि णाणत्तं, नेरइयाणं भंते ! पावे कम्मे जे य कडे एवं चेव, एवं जाव वेमाणियाणं ॥ ६२० ॥ नेरइया णं भंते ! जे पोग्गले आहारत्ताए गेण्हंति वेत्ति णं भंते ! पोग्गलाणं सेयकालंसि कइभागं आहारेंति, कइभागं निज्जरेंति ?

मागंदियपुत्ता । असंखेज्जइभागं आहारेंति अणंतभागं निज्जरेंति, चक्रिया णं भंते ।
केइ तेसु निज्जरापोग्गलेसु आसइत्तए वा जाव तुयट्ठित्तए वा ? णो इणट्ठे समट्ठे,
अणाहरणमेयं बुइयं समणाउसो ! एवं जाव वेमाणियाणं । सेवं भंते ! सेवं भंते ।
त्ति ॥ ६२१ ॥ अट्टारसमस्स सयस्स तइओ उद्देसो समत्तो ॥

तेणं कालेणं तेणं समएणं रायगिहे जाव भगवं गोयमे एवं वयासी-अह भंते ।
पाणाइवाए मुसावाए जाव मिच्छादंसणसल्ले, पाणाइवायवेरमणे मुसावाय० जाव
मिच्छादंसणसल्लवेरमणे, पुढविकाइए जाव वणस्सइकाइए, धम्मत्थिकाए अधम्मत्थि-
काए आगासत्थिकाए जीवे असरीरपडिवद्धे परमाणुपोग्गले सेलेसिं पडिवन्नए अणगारे
सव्वे य वायरवोंदिधरा कलेवरा एए णं दुविहा जीवदव्वा य अजीवदव्वा य जीवाणं
परिभोगत्ताए हव्वमागच्छंति ? गोयमा ! पाणाइवाए जाव एए णं दुविहा जीवदव्वा
य अजीवदव्वा य अत्थेगइया जीवाणं परिभोगत्ताए हव्वमागच्छंति, अत्थेगइया
जीवाणं जाव नो हव्वमागच्छंति, से केणट्ठेणं भंते ! एवं वुच्चइ पाणाइवाए जाव नो
हव्वमागच्छंति ? गोयमा ! पाणाइवाए जाव मिच्छादंसणसल्ले, पुढविकाइए जाव
वणस्सइकाइए, सव्वे य वायरवोंदिधरा कलेवरा एए णं दुविहा जीवदव्वा य अजी-
वदव्वा य जीवाणं परिभोगत्ताए हव्वमागच्छंति, पाणाइवायवेरमणे जाव मिच्छा-
दंसणसल्लविवेगे, धम्मत्थिकाए अधम्मत्थिकाए जाव परमाणुपोग्गले सेलेसिं पडिवन्नए
अणगारे एए णं दुविहा जीवदव्वा य अजीवदव्वा य जीवाणं परिभोगत्ताए नो
हव्वमागच्छंति, से तेणट्ठेणं जाव नो हव्वमागच्छंति ॥ ६२२ ॥ कइ णं भंते !
कसाया पन्नत्ता ? गोयमा ! चत्तारि कसाया प०, तं०-कसायपयं निरवसेसं भाणि-
यव्वं जाव निज्जरिस्संति लोभेणं ॥ कइ णं भंते ! जुम्मा पन्नत्ता ? गोयमा !
चत्तारि जुम्मा पन्नत्ता, तं०-कडजुम्मे तेओगे दावरजुम्मे कलिओगे, से केणट्ठेणं भंते !
एवं वुच्चइ जाव कलिओगे ? गोयमा ! जे णं रासी चउक्कएणं अवहारेणं अवहीरमाणे
चउपज्जवसिए सेत्तं कडजुम्मे, जे णं रासी चउक्कएणं अवहारेणं अवहीरमाणे तिप-
ज्जवसिए सेत्तं तेओगे, जे णं रासी चउक्कएणं अवहारेणं अवहीरमाणे (२) दुपज्जव-
सिए सेत्तं दावरजुम्मे, जे णं रासी चउक्कएणं अवहारेणं अवहीरमाणे एगपज्जवसिए
सेत्तं कलिओगे, से तेणट्ठेणं गोयमा ! एवं वुच्चइ जाव कलिओगे ॥ नेरइया णं भंते !
किं कडजुम्मा तेओगा दावरजुम्मा कलिओगा ? गोयमा ! जहन्नपए कडजुम्मा,
उक्कोसपए तेओगा, अजहण्णमणुक्कोसपए सिय कडजुम्मा जाव सिय कलिओगा, एवं
जाव थणियकुमारा । वणस्सइकाइयाणं पुच्छा, गोयमा ! जहन्नपए अपया उक्कोस-
पए य अपया अजहण्णमणुक्कोसपए सिय कडजुम्मा जाव सिय कलिओगा । वेइंदि-

याणं पुच्छा, गोयमा ! जहन्नपए कडजुम्मा, उक्कोसपए दावरजुम्मा, अजहन्नमणु-
 क्कोसपए सिय कडजुम्मा जाव सिय कलिओगा, एवं जाव चउरिंदिया, सेसा एणिं-
 दिया जहा वेइंदिया, पंचिंदियतिरिक्खजोणिया जाव वेमाणिया जहा नेरइया, सिद्धा
 जहा वणस्सइकाइया । इत्थीओ णं भंते ! किं कडजुम्माओ० पुच्छा, गोयमा !
 जहन्नपए कडजुम्माओ, उक्कोसपए कडजुम्माओ, अजहन्नमणुक्कोसपए सिय कडजु-
 म्माओ जाव सिय कलिओगाओ, एवं असुरकुमारइत्थीओवि जाव थणियकुमारइ-
 त्थीओवि, एवं तिरिक्खजोणियइत्थीओवि, एवं मणुस्सइत्थीओवि, एवं वाणमं-
 तरजोइसियवेमाणियदेवइत्थीओवि ॥ ६२३ ॥ जावइयाणं भंते ! वरा अंधगवण्हिणो
 जीवा तावइया परा अंधगवण्हिणो जीवा ? हंता गोयमा ! जावइया वरा अंधग-
 वण्हिणो जीवा तावइया परा अंधगवण्हिणो जीवा । सेवं भंते ! २ त्ति ॥ ६२४ ॥
 अट्टारसमस्स सयस्स चउत्थो उद्देसो समत्तो ॥

दो भंते ! असुरकुमारा एगंसि असुरकुमारावासंसि असुरकुमारदेवत्ताए उव्वन्ना,
 तत्थ णं एगे असुरकुमारे देवे पासादीए दरिसणिजे अभिरुवे पडिरुवे, एगे असुर-
 कुमारे देवे से णं नो पासादीए नो दरिसणिजे नो अभिरुवे नो पडिरुवे, से कहमेयं
 भंते ! एवं ? गोयमा ! असुरकुमारा देवा दुविहा प०, तं०-वेउव्वियसरीरा य अवे-
 उव्वियसरीरा य, तत्थ णं जे से वेउव्वियसरीरे असुरकुमारे देवे से णं पासादीए
 जाव पडिरुवे, तत्थ णं जे से अवेउव्वियसरीरे असुरकुमारे देवे से णं नो पासादीए
 जाव नो पडिरुवे, से केणट्ठेणं भंते ! एवं चुच्चइ-तत्थ णं जे से वेउव्वियसरीरे तं
 चेव जाव णो पडिरुवे ? गोयमा ! से जहानामए-इहं मणुस्सलोगंसि दुवे पुरिसा
 भवंति, एगे पुरिसे अलंकियविभूसिए, एगे पुरिसे अणलंकियविभूसिए, एएसि णं
 गोयमा ! दोण्हं पुरिसाणं कयरे पुरिसे पासादीए जाव पडिरुवे, कयरे पुरिसे नो
 पासादीए जाव नो पडिरुवे, जे वा से पुरिसे अलंकियविभूसिए जे वा से पुरिसे
 अणलंकियविभूसिए ? भगवं ! तत्थ जे से पुरिसे अलंकियविभूसिए से णं पुरिसे
 पासादीए जाव पडिरुवे, तत्थ णं जे से पुरिसे अणलंकियविभूसिए से णं पुरिसे नो
 पासादीए जाव नो पडिरुवे, से तेणट्ठेणं जाव नो पडिरुवे । दो भंते ! नागकुमारा
 देवा एगंसि नागकुमारावासंसि एवं चेव, एवं जाव थणियकुमारा, वाणमंतरजोइसिय-
 वेमाणिया एवं चेव ॥ ६२५ ॥ दो भंते ! नेरइया एगंसि नेरइयावासंसि नेरइयत्ताए
 उव्वन्ना, तत्थ णं एगे नेरइए महाकम्मतराए चेव जाव महावेयणतराए चेव, एगे
 नेरइए अप्पकम्मतराए चेव जाव अप्पवेयणतराए चेव, से कहमेयं भंते ! एवं ?
 गोयमा ! नेरइया दुविहा प०, तं०-माइमिच्छादिट्ठिउव्वन्नगा य अमाइस्सम्मदिट्ठि-

उववन्नगा य, तत्थ णं जे से माइमिच्छादिट्ठिउववन्नए नेरइए से णं महाकम्मतराए
 चेव जाव महावेयणतराए चेव, तत्थ णं जे से अमाइसम्महिट्ठिउववन्नए नेरइए
 से णं अप्पकम्मतराए चेव जाव अप्पवेयणतराए चेव, दो भंते ! असुरकुमारा एवं
 चेव, एवं एगिंदियविगल्लिंदियवज्जं जाव वेमाणिया ॥ ६२६ ॥ नेरइ(या)ए णं भंते !
 अणंतरं उव्वट्ठिता जे भविए पंचिंदियतिरिक्खजोणिएसु उववज्जित्तए, से णं भंते !
 कयरं आउयं पडिसंवेदेइ ? गोयमा ! नेरइयाउयं पडिसंवेदेइ, पंचिंदियतिरिक्ख-
 जोणियाउए से पुरओ कडे चिट्ठइ, एवं मणुस्सेवि, नवरं मणुस्साउए से पुरओ
 कडे चिट्ठइ । असुरकुमारा णं भंते ! अणंतरं उव्वट्ठिता जे भविए पुढविकाइएसु
 उववज्जित्तए पुच्छा, गोयमा ! असुरकुमाराउयं पडिसंवेदेइ, पुढविकाइयाउए से
 पुरओ कडे चिट्ठइ, एवं जो जहिं भविओ उववज्जित्तए तस्स तं पुरओ कडं चिट्ठइ,
 जत्थ ठिओ तं पडिसंवेदेइ जाव वेमाणिए, नवरं पुढविकाइए पुढविकाइएसु उव-
 न्नजइ पुढविकाइयाउयं पडिसंवेदेइ, अन्ने य से पुढविकाइयाउए पुरओ कडे चिट्ठइ,
 एवं जाव मणुस्सो सट्ठाणे उववाएयव्वो परट्ठाणे तहेव ॥ ६२७ ॥ दो भंते ! असुर-
 कुमारा एगंसि असुरकुमारावासंसि असुरकुमारदेवत्ताए उववन्ना, तत्थ णं एगे असुर-
 कुमारे देवे उज्जुयं विउव्विस्सामिति उज्जुयं विउव्वइ, वंकं विउव्विस्सामिति वंकं
 विउव्वइ, जं जहा इच्छइ तं तहा विउव्वइ, एगे असुरकुमारे देवे उज्जुयं विउव्वि-
 स्सामिति वंकं विउव्वइ, वंकं विउव्विस्सामिति उज्जुयं विउव्वइ, जं जहा इच्छइ णो
 तं तहा विउव्वइ, से कहमेयं भंते ! एवं ? गोयमा ! असुरकुमारा देवा दुविहा प०,
 तं०-माइमिच्छादिट्ठिउववन्नगा य अमाइसम्महिट्ठिउववन्नगा य, तत्थ णं जे से माइ-
 मिच्छादिट्ठिउववन्नए असुरकुमारे देवे से णं उज्जुयं विउव्विस्सामिति वंकं विउव्वइ
 जाव णो तं तहा विउव्वइ, तत्थ णं जे से अमाइसम्महिट्ठिउववन्नए असुरकुमारे देवे
 से णं उज्जुयं विउव्विस्सामीति उज्जुयं विउव्वइ जाव तं तहा विउव्वइ । दो भंते !
 नागकुमारा एवं चेव, एवं जाव थणियकुमारा, वाणमंतरजोइसियवेमाणिया एवं चेव ॥
 त्तेवं भंते ! २ ति ॥ ६२८ ॥ अट्टारसमस्स सयस्स पंचमो उद्देसो समत्तो ॥

फाणियगुले णं भंते ! कइवन्ने कइगंधे कइरसे कइफासे पण्णत्ते ? गोयमा ! एत्थ
 णं दो नया भवंति, तं०-निच्छइयनए य वावहारियनए य, वावहारियनयस्स गोठे
 फाणियगुले, नेच्छइयनयस्स पंचवन्ने दुगंधे पंचरसे अट्ठफासे प० । भमरे णं भंते !
 कइवन्ने० पुच्छा, गोयमा ! एत्थ णं दो नया भवंति, तं०-निच्छइयनए य वाव-
 हारियनए य, वावहारियनयस्स कालए भमरे, नेच्छइयनयस्स पंचवन्ने जाव अट्ठ-
 फासे प० । सुयपिच्छे णं भंते ! कइवन्ने० प० ? एवं चेव, नवरं वावहारियनयस्स

नीलए सुयपिच्छे, नेच्छइयनयस्स पंचवण्णे सेसं तं चेव, एवं एएणं अभिलावेणं लोहि-
 (ति)या मंजिद्विया, पीतिया हालिदा, सुक्खिण्णए संखे, सुव्विभगंधे कोट्ठे, दुव्विभगंधे मियग-
 सरीरे, तित्ते निवे, कडुया सुंठी, कसाए कविट्ठे, अंवा अंविलिया, महुरे खंडे, कक्खंडे
 वइरे, मउए नवणीए, गुरुए अए, लहुए उल्लयपत्ते, सीए हिमे, उसिणे अगणिक्काए,
 णिद्धे तेहे । छारिया णं भंते ! पुच्छा, गोयमा ! एत्थ णं दो नया भवंति, तं०-निच्छ-
 इयनए य वावहारियनए य, वावहारियनयस्स लुक्खा छारिया, नेच्छइयनयस्स पंच-
 वन्ना जाव अट्ठफासा प० ॥ ६२९ ॥ परमाणुपोग्गले णं भंते ! कइवन्ने जाव कइ-
 फासे पन्नत्ते ? गोयमा ! एगवन्ने एगगंधे एगरसे दुफासे पन्नत्ते ॥ दुपएसिए णं भंते !
 खंधे कइवन्ने० पुच्छा, गोयमा ! सिय एगवन्ने सिय दुवन्ने, सिय एगगंधे सिय दुगंधे,
 सिय एगरसे सिय दुरसे, सिय दुफासे सिय तिफासे सिय चउफासे पन्नत्ते, एवं तिप-
 एसिएवि, नवरं सिय एगवन्ने सिय दुवन्ने सिय तिवन्ने, एवं रसेसुवि, सेसं जहा
 दुपएसियस्स, एवं चउप्पएसिएवि, नवरं सिय एगवन्ने जाव सिय चउवन्ने, एवं रसे-
 सुवि, सेसं तं चेव, एवं पंचपएसिएवि, नवरं सिय एगवन्ने जाव सिय पंचवन्ने, एवं
 रसेसुवि, गंधफासा तहेव, जहा पंचपएसिओ एवं जाव असंखेज्जपएसिओ ॥ सुहुम-
 परिणए णं भंते ! अणंतपएसिए खंधे कइवन्ने० ? जहा पंचपएसिए तहेव निरवसेसं,
 वायरपरिणए णं भंते ! अणंतपएसिए खंधे कइवन्ने० पुच्छा, गोयमा ! सिय एगवन्ने
 जाव सिय पंचवन्ने, सिय एगगंधे सिय दुगंधे, सिय एगरसे जाव सिय पंचरसे, सिय
 चउफासे जाव सिय अट्ठफासे प० ॥ सेवं भंते ! सेवं भंते ! त्ति ॥ ६३० ॥
अट्ठारसमस्स सयस्स छट्ठो उद्देसो समत्तो ॥

रायगिहे जाव एवं वयासी-अन्नउत्थिया णं भंते ! एवमाइक्खंति जाव परु-
 वेंति-एवं खलु केवली जक्खाएसेणं आइस्सइ, एवं खलु केवली जक्खाएसेणं आइट्ठे
 समाणे आहच्च दो भासाओ भासइ, तं०-मोसं वा सच्चाभोसं वा, से कहमेयं भंते !
 एवं ? गोयमा ! जण्णं ते अन्नउत्थिया जाव जे ते एवमाहंसु मिच्छं ते एवमाहंसु,
 अहं पुण गोयमा ! एवमाइक्खामि ४-नो खलु केवली जक्खाएसेणं आइस्सइ, नो
 खलु केवली जक्खाएसेणं आइट्ठे समाणे आहच्च दो भासाओ भासइ, तं०-मोसं
 वा सच्चाभोसं वा, केवली णं असावज्जाओ अपरोवघाइयाओ आहच्च दो भासाओ
 भासइ, तं०-सच्चं वा असच्चाभोसं वा ॥ ६३१ ॥ कइविहे णं भंते ! उवही
 पण्णत्ते ? गोयमा ! तिविहे उवही प०, तं०-कम्मोवही, सरीरोवही, याहिरमंडमत्तो-
 वगरणोवही, नेरइयाणं भंते ! पुच्छा, गोयमा ! दुविहे उवही प०, तं०-कम्मोवही य
 सरीरोवही य, सेसाणं तिविहे उवही एगिदियवजाणं जाव वेमाणियाणं, एगिदियाणं

दुविहे उवही प०, तंजहा-कम्मोवही य सरीरोवही य, कइविहे णं भंते ! उवही प० ? गोयमा ! तिविहे उवही प०, तंजहा-सचित्ते, अचित्ते, भीसए, एवं नेरइयाणवि, एवं निरवसे(सा)सं जाव वेमाणियाणं । कइविहे णं भंते ! परिग्गहे प० ? गोयमा ! तिविहे परिग्गहे प०, तं०-कम्मपरिग्गहे, सरीरपरिग्गहे, बाहिरभंडमत्तोवगरण-परिग्गहे, नेरइयाणं भंते ! एवं जहा उवहिणा दो दंडगा भणिया तहेव परिग्गहेणवि दो दंडगा भाणियव्वा, कइविहे णं भंते ! पणिहाणे प० ? गोयमा ! तिविहे पणिहाणे प०, तं०-मणपणिहाणे, वइपणिहाणे, कायपणिहाणे, नेरइयाणं भंते ! कइविहे पणिहाणे प० ? एवं चेव, एवं जाव थणियकुमाराणं, पुढविकाइयाणं पुच्छा, गोयमा ! एगे कायपणिहाणे प०, एवं जाव वणस्सइकाइयाणं, वेइंदियाणं पुच्छा, गोयमा ! दुविहे पणिहाणे प०, तं०-वइपणिहाणे य कायपणिहाणे य, एवं जाव चउरिंदियाणं, सेसाणं तिविहेवि जाव वेमाणियाणं । कइविहे णं भंते ! दुप्पणिहाणे प० ? गोयमा ! तिविहे दुप्पणिहाणे प०, तं०-मणदुप्पणिहाणे, वइदुप्पणिहाणे, कायदुप्पणिहाणे, जहेव पणिहाणेणं दंडगो भणिओ तहेव दुप्पणिहाणेणवि भाणियव्वो । कइविहे णं भंते ! सुप्पणिहाणे प० ? गोयमा ! तिविहे सुप्पणिहाणे प०, तंजहा-मणसुप्प-णिहाणे, वइसुप्पणिहाणे, कायसुप्पणिहाणे, मणुस्साणं भंते ! कइविहे सुप्पणिहाणे प० ? एवं चेव जाव वेमाणियाणं, सेवं भंते । २ त्ति जाव विहरइ ॥ तए णं समणे भगवं महावीरे जाव बहिया जणवयविहारं विहरइ ॥ ६३२ ॥ तेणं कालेणं तेणं समएणं रायगिहे नामं नयरे गुणसिलए उज्जाणे वन्नओ जाव पुढविसिला-पट्टओ, तस्स णं गुणसिलयस्स उज्जाणस्स अदूरसामंते वहवे अन्नउत्थिया परिवसंति, तं०-कालोदाई सेलोदाई एवं जहा सत्तमसए अन्नउत्थिउद्देसए जाव से कहमेयं मन्ने एवं ? तत्थ णं रायगिहे नयरे महुए नामं समणोवासए परिवसइ, अद्धे जाव अपरि-भूए अभिगयजीवाजीवे जाव विहरइ, तए णं समणे भगवं महावीरे अन्नया कयाइ पुव्वाणुपुर्वि चरमाणे जाव समोसडे, परिसा जाव पज्जुवासइ, तए णं म(इ)-हुए समणोवासए इमीसे कहाए लद्धट्ठे समाणे हट्ठुट्ठ जाव हियए ण्हाए जाव सरीरे सयाओ गिहाओ पडिनिक्खमइ स० २ ता पायविहारचारेणं रायगिहं नयरं जाव निग्गच्छइ २ ता तेसिं अन्नउत्थियाणं अदूरसामंतेणं वीईवयइ, तए णं ते अन्नउत्थिया महुयं समणोवासयं अदूरसामंतेणं वीईवयमाणं पासंति २ ता अन्नमन्नं सहावेति २ ता एवं वयासी-एवं खलु देवाणुप्पिया । अम्हं इमा कहा अविउप्पकळा इमं च णं महुए समणोवासए अम्हं अदूरसामंतेणं वीईवयइ, तं सेयं खलु देवाणु-प्पिया ! अम्हं महुयं समणोवासणं एयमट्ठं पुच्छित्तएत्तिकट्ठु अन्नमन्नस्स अंतियं

एयमट्ठं पडिसुणेंति अन्नमन्नस्स० २ ता जेणेव -महुए समणोवासए तेणेव उवा-
 गच्छंति २ ता महुयं समणोवासगं एवं वयासी-एवं खलु महु(मंडु)या ! तव धम्मायरिए
 धम्मोवएसए समणे णायपुत्ते पंच अत्थिकाए पन्नवेइ जहा सत्तमे सए अन्नउत्थिय-
 उद्देसए जाव से कहमेयं महुया ! एवं ?, तए णं से महुए समणोवासए ते अन्नउत्थिए
 एवं वयासी-जइ कज्जं कज्जइ जाणामो पासामो, अह कज्जं न कज्जइ न जाणामो न
 पासामो, तए णं ते अन्नउत्थिया महुयं समणोवासयं एवं वयासी-केस णं तुमं
 महुया ! समणोवासगणं भवसि, जे णं तुमं एयमट्ठं न जाणसि न पाससि ?, तए णं
 से महुए समणोवासए ते अन्नउत्थिए एवं वयासी—अत्थि णं आउसो ! वाउयाए
 वाइ ? हंता महुया ! वाइ, तु(ज्झे)ब्भे णं आउसो ! वाउयायस्स वायमाणस्स रुवं
 पासह ? णो इणट्ठे समट्ठे, अत्थि णं आउसो ! घाणसहगया पोगगला ? हंता अत्थि,
 तुब्भे णं आउसो ! घाणसहगयाणं पोगगलाणं रुवं पासह ? णो इणट्ठे समट्ठे, अत्थि
 णं आउसो ! अरणिसहगए अगणिकाए ? हंता अत्थि, तुब्भे णं आउसो !
 अरणिसहगयस्स अगणिकायस्स रुवं पासह ? णो इणट्ठे समट्ठे, अत्थि णं आउसो !
 समुद्दस्स पारगयाइं रुवाइं ? हंता अत्थि, तुब्भे णं आउसो ! समुद्दस्स पारगयाइं
 रुवाइं पासह ? णो इणट्ठे समट्ठे, अत्थि णं आउसो ! देवलोगगयाइं रुवाइं ?
 हंता अत्थि, तुब्भे णं आउसो ! देवलोगगयाइं रुवाइं पासह ? णो इणट्ठे समट्ठे,
 एवामेव आउसो ! अहं वा तुब्भे वा अन्नो वा छउमत्थो जइ जो जं न जाणइ न
 पासइ तं सव्वं न भवइ एवं मे सुवहुए लोए ण भविस्सतीतिकट्ठ ते अन्नउत्थिए
 एवं पडिहणइ एवं पडिहणित्ता जेणेव गुणसिलए उज्जाणे जेणेव समणे भगवं महावीरे
 तेणेव उवागच्छइ २ ता समणं भगवं महावीरं पंचविहेणं अभिगमेणं अभि० जाव
 पज्जुवासइ । महुयादि ! समणे भगवं महावीरे महुयं समणोवासयं एवं वयासी-सुट्ठु णं
 महुया ! तुमं ते अन्नउत्थिए एवं वयासी, साहु णं महुया ! तुमं ते अन्नउत्थिए एवं
 वयासी, जे णं महुया ! अट्ठं वा हेउं वा पसिणं वा वागरणं वा अन्नायं अदिट्ठं
 अस्सुयं अमयं अविण्णायं बहुजणमज्झे आघवेइ पन्नवेइ जाव उवदंसेइ, से णं
 अरिहंताणं आसायणाए वट्ठइ, अरिहंतपन्नत्तस्स धम्मस्स आसायणाए वट्ठइ, केवलीणं
 आसायणाए वट्ठइ, केवलिपन्नत्तस्स धम्मस्स आसायणाए वट्ठइ, तं सुट्ठु णं तुमं महुया !
 ते अन्नउत्थिए एवं वयासी, साहु णं तुमं महुया ! जाव एवं वयासी, तए णं महुए
 समणोवासए समणेणं भगवया महावीरेणं एवं वुत्ते समाणे हट्ठतुट्ठे समणं भगवं
 महावीरं वंदइ नमंसइ वं० २ ता णचासन्ने जाव पज्जुवासइ, तए णं समणे भगवं
 महावीरे महुयस्स समणोवासगस्स तीसे य जाव परिसा पडिगया, तए णं महुए

समणोवासए समणस्स भगवओ महावीरस्स जाव निसम्म हट्ठुट्ठे पसिणाइं (वागर-
णाइं) पुच्छइ प० २ ता अट्ठाइं परियादियइ २ ता उट्ठाए उट्ठेइ २ ता समणं भगवं
महावीरं वंदइ नमंसइ वं० २ ता जाव पडिगए । भंते ! त्ति भगवं गोयमे समणं भगवं
महावीरं वंदइ नमंसइ वं० २ ता एवं वयासी-पभू णं भंते ! महुए समणोवासए देवाणु-
प्पियाणं अंतियं जाव पव्वइत्तए ? णो इणट्ठे समट्ठे, एवं जहेव संखे तहेव अरुणाभे
जाव अंतं करे(का)हिइ ॥ ६३३ ॥ देवे णं भंते ! महिद्धिए जाव महेसक्खे रुवसहस्सं
विउच्चित्ता पभू अन्नमन्नेणं सद्धिं संगामं संगामेत्तए ? हंता पभू । ताओ णं भंते !
वोदीओ किं एगजीवफुडाओ अणेगजीवफुडाओ ? गोयमा ! एगजीवफुडाओ णो
अणेगजीवफुडाओ, तेसि णं भंते ! वोदीणं अंतरा किं एगजीवफुडा अणेगजीव-
फुडा ? गोयमा ! एगजीवफुडा नो अणेगजीवफुडा । पुरिसे णं भंते ! अंतरेणं
हत्येण वा एवं जहा अट्ठमसए तइए उइसए जाव नो खलु तत्थ सत्थं कमइ
॥ ६३४ ॥ अत्थि णं भंते ! देवासुराणं संगामे २ ? हंता अत्थि, देवासुरेसु णं
भंते ! संगामेसु वट्ठमाणेसु किञ्चं तेसिं देवाणं पहरणरयणत्ताए परिणमइ ? गोयमा !
जन्नं ते देवा तणं वा कट्ठं वा पत्तं वा सक्करं वा परासुसंति तं (णं) तं तेसिं देवाणं
पहरणरयणत्ताए परिणमइ, जहेव देवाणं तहेव असुरकुमाराणं ? णो इणट्ठे समट्ठे,
असुरकुमाराणं देवाणं निच्चं विउच्चिया पहरणरयणा प० ॥ ६३५ ॥ देवे णं भंते !
महिद्धिए जाव महेसक्खे पभू लवणसमुद्दं अणुपरियट्ठित्ताणं हव्वमागच्छित्तए ?
हंता पभू, देवे णं भंते ! महिद्धिए एवं धायइसंडं दीवं जाव हंता पभू, एवं जाव
रुयगवरं दीवं जाव हंता पभू, ते णं परं वीइवएज्जा नो चेव णं अणुपरियट्ठेज्जा
॥ ६३६ ॥ अत्थि णं भंते ! देवा जे अणंते कम्मसे जहन्नेणं एक्केण वा दोहिं वा
तिहिं वा उक्कोसेणं पंचहिं वाससएहिं खवयंति ? हंता अत्थि, अत्थि णं भंते !
देवा जे अणंते कम्मसे जहन्नेणं एक्केण वा दोहिं वा तिहिं वा उक्कोसेणं पंचहिं वास
सहस्सेहिं खवयंति ? हंता अत्थि, अत्थि णं भंते ! ते देवा जे अणंते कम्मसे जहन्नेणं
एक्केण वा दोहिं वा तिहिं वा उक्कोसेणं पंचहिं वाससयसहस्सेहिं खवयंति ? हंता अत्थि,
कयरे णं भंते ! ते देवा जे अणंते कम्मसे जहन्नेणं एक्केण वा दोहिं वा तिहिं वा जाव
पंचहिं वाससएहिं खवयंति, कयरे णं भंते ! ते देवा जाव पंचहिं वाससहस्सेहिं
खवयंति, कयरे णं भंते ! ते देवा जाव पंचहिं वाससयसहस्सेहिं खवयंति ?
गोयमा ! वाणमंतरा देवा अणंते कम्मसे एगेणं वाससएणं खवयंति, असुरिंदव-
ज्जिया णं भवणवासी देवा अणंते कम्मसे दोहिं वाससएहिं खवयंति, असुरकुमारा णं
देवा अणंते कम्मसे ति(ती)हिं वाससएहिं खवयंति, गहगणनक्खत्तताराहुवा जोइसिय

देवा अणंते कम्मंसे चउहिं वास जाव खवयंति, चंदिमसूरिया जोइसिंदा जोइसरा-
याणो अणंते कम्मंसे पंचहिं वाससएहिं खवयंति, सोहम्मीसाणगा देवा अणंते
कम्मंसे एगेणं वाससहस्सेणं (जाव) खवयंति, सणंकुमारमाहिंदगा देवा अणंते कम्मंसे
दोहिं वाससहस्सेहिं [खवयंति, एवं एएणं अभिलावेणं वंभलोगलंतगा देवा अणंते
कम्मंसे तिहिं वाससहस्सेहिं खवयंति, महासुक्कसहस्सारगा देवा अणंते कम्मंसे चउहिं
वाससहस्सेहिं खवयंति, आणयपाणयआरणअच्चुयगा देवा अणंते कम्मंसे पंचहिं वास-
सहस्सेहिं खवयंति, हेट्ठिमगेवेज्जगा देवा अणंते कम्मंसे एगेणं वाससयसहस्सेणं खव-
यंति, मज्झिमगेवेज्जगा देवा अणंते कम्मंसे दोहिं वाससयसहस्सेहिं खवयंति, उवरि-
मगेवेज्जगा देवा अणंते कम्मंसे तिहिं वाससयसहस्सेहिं खवयंति, विजयवेजयंतजयं-
तअपराजियगा देवा अणंते कम्मंसे चउहिं वाससयसहस्सेहिं खवयंति, सव्वट्ठसिद्धगा
देवा अणंते कम्मंसे पंचहिं वाससयसहस्सेहिं खवयंति, एएणं गोयमा ! ते देवा जे
अणंते कम्मंसे जहन्नेण एकेण वा दोहिं वा तिहिं वा उक्कोसेणं पंचहिं वाससएहिं खवयंति,
एएणं गोयमा ! ते देवा जाव पंचहिं वाससहस्सेहिं खवयंति, एएणट्ठेणं गोयमा ! ते
देवा जाव पंचहिं वाससयसहस्सेहिं खवयंति । सेवं भंते ! सेवं भंते ! त्ति ॥ ६३७ ॥

अट्ठारसमस्स सयस्स सत्तमो उद्देसो समत्तो ॥

रायगिहे जाव एवं वयासी-अणगारस्स णं भंते ! भावियप्पणो पुरओ दुहुओ
जुगमायाए पेहाए रीयं रीयमाणस्स पायस्स अहे कुक्कुडपोए वा वट्ठापोए वा कुलिं-
गच्छाए वा परियावज्जेजा, तस्स णं भंते ! किं इरियावहिया किरिया कज्जइ, संप-
राइया किरिया कज्जइ ? गोयमा ! अणगारस्स णं भावियप्पणो जाव तस्स णं इरि-
यावहिया किरिया कज्जइ, नो संपराइया किरिया कज्जइ, से केणट्ठेणं भंते ! एवं
वुच्चइ० ? जहा सत्तमसए संवुडुद्देसए जाव अट्ठो निक्खत्तो । सेवं भंते ! सेवं भंते !
त्ति जाव विहरइ ॥ तए णं समणे भगवं महावीरे वहिया जाव विहरइ ॥ ६३८ ॥

तेणं कालेणं तेणं समएणं रायगिहे जाव पुढाविसिलापट्टए, तस्स णं गुणसिलयस्स
उज्जाणस्स अट्ठारसामंते बहवे अन्नउत्थिया परिवसंति, तए णं समणे भगवं महावीरे
जाव समोसडे जाव परिसा पडिगया, तेणं कालेणं तेणं समएणं समणस्स भगवओ
महावीरस्स जेट्ठे अंतेवासी इंदभूर्इ नामं अणगारे जाव उट्ठं जाणू जाव विहरइ, तए
णं ते अन्नउत्थिया जेणेव भगवं गोयमे तेणेव उवागच्छन्ति उवागच्छइत्ता भगवं
गोयमं एवं वयासी-तुब्भे णं अज्जो ! तिविहं तिविहेणं असंजय जाव एगंतवाला यावि
भवह, तए णं भगवं गोयमे ते अन्नउत्थिए एवं वयासी-से केणं कारणेणं अज्जो !
अम्हे तिविहं तिविहेणं असंजय जाव एगंतवाला यावि भवामो ?, तए णं ते अन्न-

उत्थिया भगवं गोयमं एवं वयासी-तुब्भे णं अज्जो ! रीयं रीयमाणा पाणे पेच्चैह अभिहणह जाव उ(व)द्देह, तए णं तुब्भे पाणे पेच्चैमाणा जाव उद्देमाणा तिविहं तिविहेणं जाव एगंतवाला यावि भवह, तए णं भगवं गोयमे ते अन्नउत्थिए एवं वयासी-नो खलु अज्जो ! अम्हे रीयं रीयमाणा पाणे पेच्चैमो जाव उद्देमो, अम्हे णं अज्जो ! रीयं रीयमाणा कायं च जोयं च रीयं च पडुच्च दिस्सा २ पदिस्सा २ चयामो, तए णं अम्हे दिस्सा दिस्सा वयमाणा पदिस्सा पदिस्सा वयमाणा णो पाणे पेच्चैमो जाव णो उद्देमो, तए णं अम्हे पाणे अपेच्चैमाणा जाव अणोद्देमाणा तिविहं तिविहेणं जाव एगंतपंडिया यावि भवामो, तुब्भे णं अज्जो ! अप्पणा चेव तिविहं तिविहेणं जाव एगंतवाला यावि भवह, तए णं ते अन्नउत्थिया भगवं गोयमं एवं वयासी-केणं कारणेणं अज्जो ! अम्हे तिविहं तिविहेणं जाव भवामो ?, तए णं भगवं गोयमे ते अन्नउत्थिए एवं वयासी-तु(ज्जे)ब्भे णं अज्जो ! रीयं रीयमाणा पाणे पेच्चैह जाव उद्देह, तए णं तुब्भे पाणे पेच्चैमाणा जाव उद्देमाणा तिविहं जाव एगंतवाला यावि भवह, तए णं भगवं गोयमे ते अन्नउत्थिए एवं पडिहणइ एवं पडिहणित्ता ज्जेणेव समणे भगवं महावीरे तेणेव उवागच्छइ २ ता समणं भगवं महावीरं वंदइ नमंसइ वंदित्ता नमंसित्ता णच्चासन्ने जाव पज्जुवासइ, गोयमादि ! समणे भगवं महावीरे भगवं गोयमं एवं वयासी-सुद्धं णं तुमं गोयमा ! ते अन्नउत्थिए एवं वयासी, साहु णं तुमं गोयमा ! ते अन्नउत्थिए एवं वयासी, अत्थि णं गोयमा ! ममं वहवे अंतेवासी समणा निग्गंथा छउमत्था जे णं नो पभू एयं वागरणं वागरेत्तए जहा णं तुमं, तं सुद्धं णं तुमं गोयमा ! ते अन्नउत्थिए एवं वयासी, साहु णं तुमं गोयमा ! ते अन्नउत्थिए एवं वयासी ॥ ६३९ ॥ तए णं भगवं गोयमे समणेणं भगवया महावीरेणं एवं बुत्ते समाणे हट्ठतुट्ठं समणं भगवं महावीरं वंदइ नमंसइ वं० २ ता एवं वयासी-छउमत्थे णं भंते ! मणूस्से परमाणुपोग्गलं किं जाणइ पासइ उदाहु न जाणइ न पासइ ? गोयमा ! अत्थेगइए जाणइ पासइ, अत्थेगइए न जाणइ न पासइ, छउमत्थे णं भंते ! मणूस्से दुपएसियं खंधं किं जाणइ पासइ ? एवं चेव, एवं जाव असंखेज्जपएसियं, छउमत्थे णं भंते ! मणूस्से अणंतपएसियं खंधं किं पुच्छा, गोयमा ! अत्थेगइए जाणइ पासइ १, अत्थेगइए जाणइ न पासइ २, अत्थेगइए न जाणइ पासइ ३, अत्थेगइए न जाणइ न पासइ ४, आहोहिए णं भंते ! मणूस्से परमाणुपोग्गलं जहा छउमत्थे एवं आहोहिएवि जाव अणंतपएसियं, परमाहोहिए णं भंते ! मणूस्से परमाणुपोग्गलं जं समयं जाणइ तं समयं पासइ, जं समयं पासइ तं समयं जाणइ ? णो इणट्ठे समट्ठे, से केणट्ठेणं भंते ! एवं बुच्चइ परमाहोहिए णं मणूस्से पर-

माणुपोग्गलं जं समयं जाणइ नो तं समयं पासइ, जं समयं पासइ नो तं समयं जाणइ ? गोयमा ! सागारे से नाणे भवइ, अणागारे से दंसणे भवइ, से तेणट्ठेणं जाव नो तं समयं जाणइ, एवं जाव अणंतपएसियं । केवली णं भंते ! मणुस्से परमाणुपोग्गलं जहा परमाहोहिंए तहा केवलीवि जाव अणंतपएसियं ॥ सेवं भंते ! सेवं भंते ! ति ॥ ६४० ॥ अट्टारसमस्स सयस्स अट्टमो उद्देसो समत्तो ॥

रायगिहे जाव एवं वयासी-अत्थि णं भंते ! भवियदव्वनेरइया २ ? हंता अत्थि, से केणट्ठेणं भंते ! एवं वुच्चइ भवियदव्वनेरइया २ ? गोयमा ! जे भविं पंचिंदियतिरिक्खजोणिं वा मणुस्से वा नेरइएसु उव्वज्जित्ते से तेणट्ठेणं, एवं जाव थणियकुमारा, अत्थि णं भंते ! भवियदव्वपुढविकाइया २ ? हंता अत्थि, से केणट्ठेणं भंते ! एवं ? गोयमा ! जे भविं तिरिक्खजोणिं वा मणुस्से वा देवे वा पुढविकाइएसु उव्वज्जित्ते से तेणट्ठेणं, आउक्काइयवणस्सइकाइयाणं एवं चेव उव्ववाओ, तेउवाउवेइंदियतेइंदियच्चउरिंदियाणं य जे भविं तिरिक्खजोणिं वा मणुस्से वा पंचिंदियतिरिक्खजोणिं-याणं जे भविं नेरइए वा तिरिक्खजोणिं वा मणुस्से वा देवे वा पंचिंदियतिरिक्खजोणिं(वा)सु उव्वज्जित्ते एवं मणुस्सावि, वाणमंतरजोइसियवेमाणियाणं जहा नेरइयाणं ॥ भवियदव्वनेरइयस्स णं भंते ! केवइयं कालं ठिई प० ? गोयमा ! जहन्नेणं अंतोमुहुत्तं उक्कोसेणं पुव्वकोडी, भवियदव्वअसुरकुमारस्स णं भंते ! केवइयं कालं ठिई प० ? गोयमा ! जहन्नेणं अंतोमुहुत्तं उक्कोसेणं तिञ्चि पलिओवमाई, एवं जाव थणियकुमारस्स । भवियदव्वपुढविकाइयस्स णं पुच्छा, गोयमा ! जहन्नेणं अंतोमुहुत्तं उक्कोसेणं साइरेगाई दो सागरोवमाई, एवं आउक्काइयस्सवि, तेउवाउ जहा नेरइयस्स, वणस्सइकाइयस्स जहा पुढविकाइयस्स, वेइंदियस्स तेइंदियस्स चउरिंदियस्स जहा नेरइयस्स, पंचिंदियतिरिक्खजोणियस्स जहन्नेणं अंतोमुहुत्तं उक्कोसेणं तेत्तीसं सागरोवमाई, एवं मणुस्सावि, वाणमंतरजोइसियवेमाणियस्स जहा असुरकुमारस्स ॥ सेवं भंते ! सेवं भंते ! ति ॥ ६४१ ॥ अट्टारसमस्स सयस्स नवमो उद्देसो समत्तो ॥

रायगिहे जाव एवं वयासी-अणगारे णं भंते ! भावियप्पा असिधारं वा खुरधारं वा ओगाहेज्जा ? हंता ओगाहेज्जा, से णं तत्थ छिज्जेज्जा वा भिज्जेज्जा वा ? णो इणट्ठे समट्ठे, णो खलु तत्थ सत्थं कमइ, एवं जहा पंचमसए परमाणुपोग्गलवत्तव्वया जाव अणगारे णं भंते ! भावियप्पा उदावत्तं वा जाव नो खलु तत्थ सत्थं कमइ ॥ ६४२ ॥ परमाणुपोग्गले णं भंते ! वाउयाएणं फुडे वाउयाए वा परमाणुपोग्गलेणं फुडे ? गोयमा ! परमाणुपोग्गले वाउयाएणं फुडे नो वाउयाए परमाणुपोग्गलेणं

फुडे । दुपएसिए णं भंते ! खंधे वाउयाएणं एवं चेव, एवं जाव असंखेज्जपएसिए ॥
 अणंतपएसिए णं भंते ! खंधे वाउयाए० पुच्छा, गोयमा ! अणंतपएसिए खंधे वाउया-
 एणं फुडे वाउयाए अणंतपएसिएणं खंधेणं सिय फुडे सिय नो फुडे ॥ वत्थी णं भंते !
 वाउयाएणं फुडे वाउयाए वत्थिणा फुडे ? गोयमा ! वत्थी वाउयाएणं फुडे नो
 वाउयाए वत्थिणा फुडे ॥६४३॥ अत्थि णं भंते ! इमीसे रयणप्पभाए पुढवीए अहे-
 दन्वाइ वन्नओ कालनीललोहियहालिदुसुक्खिहाइं, गंधओ सुब्भिगंधाइं दुब्भिगंधाइं,
 रसओ तित्तकडुयकसायअं विलमहुराइं, फासओ कक्खडमउयगुरुयलहुयसीयउसिण-
 निदल्लुक्ख्वाइं, अन्नमन्नवद्धाइं अन्नमन्नपुट्ठाइं जाव अन्नमन्नवडत्ताए चिट्ठंति ? हंता
 अत्थि, एवं जाव अहेसत्तमाए । अत्थि णं भंते ! सोहम्मस्स कप्पस्स अहे० एवं
 चेव, एवं जाव ईसिप्पवभाराए पुढवीए । सेवं भंते ! २ त्ति जाव विहरइ । तए णं
 समणे भगवं महावीरे जाव वहिया जणवंयविहारं विहरइ ॥६४४॥ तेणं कालेणं तेणं
 समएणं वाणियगामे नामं नयरे होत्था वन्नओ, दूइपलासए उज्जाणे वन्नओ, तत्थ
 णं वाणियगामे नयरे सोमिले नामं माहणे परिवसइ, अट्ठे जाव अपरिभूए, रिउव्वेय
 जाव सुपरिनिट्ठिए पंचण्हं खंडियसयाणं सयस्स कुडुवस्स आहेवच्चं जाव विहरइ,
 तए णं समणे भगवं महावीरे जाव समोसडे जाव परिसा पज्जुवासइ, तए णं तस्स
 सोमिलस्स माहणस्स इमीसे कहाए लद्धट्ठस्स समाणस्स अयमेयारूवे जाव समुप्प-
 ज्जित्था-एवं खलु समणे णायपुत्ते पुव्वाणपुर्व्वि चरमाणे गामाणुगामं दूइजमाणे
 सुहंसुहेणं जाव इहमागए जाव दूइपलासए उज्जाणे अहापडिरूवं जाव विहरइ, तं
 गच्छामि णं समाणस्स नायपुत्तस्स अंतियं पाउव्वभामि, इमाइं च णं एयारूवाइं
 अट्ठाइं जाव वागरणाइं पुच्छिस्सामि, तं जइ मे से इमाइं एयारूवाइं अट्ठाइं जाव वागर-
 णाइं वागरेहिइ तओ णं वं(दी)दिहामि नमं(सी)सिहामि जाव पज्जुवासिहामि, अहमेयं
 से इमाइं अट्ठाइं जाव वागरणाइं नो वागरेहिइ तो णं एएहिं चेव अट्ठेहि य जाव
 वागरणेहि य निप्पट्ठपसिणवागरणं करेस्सामित्तिकडु एवं संपेहेइ २ ता ण्हाए जाव
 सरीरे साओ गिहाओ पडिनिक्खमइ २ ता पायविहारचारेणं एगेणं खंडियसएणं
 सद्धिं संपरिवुडे वाणियगामं नयरं मज्झमज्जेणं निग्गच्छइ २ ता जेणेव दूइपलासए
 उज्जाणे जेणेव समणे भगवं महावीरे तेणेव उवागच्छइ २ ता समाणस्स भगवओ
 महावीरस्स अदूरसामंते ठिच्चा समणं भगवं महावीरं एवं वयासी-जत्ता ते भंते !
 जवणिज्जं ते भंते ! अव्वावाहं ते भंते ! फासुयविहारं ते भंते ! ? सोमिला । जत्तावि मे,
 जवणिज्जं पि मे, अव्वावाहं पि मे, फासुयविहारं पि मे, किं ते भंते ! जत्ता ? सोमिला !
 जं मे तवनियमसंजमसज्जायज्जाणावस्सयमाइएसु जोगेसु जयणा सेतं जत्ता, किं ते

भंते ! जवणिजं ? सोमिला ! जवणिजे दुविहे प०, तं०-इंदियजवणिजे य नोइंदिय-
जवणिजे य, से किं तं इंदियजवणिजे ? इंदियजवणिजे जं मे सोइंदियचक्खिंदियघाणिं-
इंदियजिद्धिंभदियफासिंदियाइं निरुवहयाइं वसे वट्टंति सेत्तं इंदियजवणिजे, से किं तं
नोइंदियजवणिजे ? २ जं मे कोहमाणमायालोभा वोच्छिन्ना नो उदीरंति सेत्तं नोइंदिय-
जवणिजे, सेत्तं जवणिजे, से किं ते भंते ! अब्बावाहं ? सोमिला ! जं मे वाइयपित्ति-
यसिंभियसन्निवाइया विविहा रोगायंका सरिरगया दोसा उवसंता नो उदीरंति सेत्तं
अब्बावाहं, किं ते भंते ! फासुयविहारं ? सोमिला ! जन्नं आरामेसु उज्जाणेषु देवकुलेसु
सभासु पवासु इत्थीपसुपंडगविवज्जियासु वसहीसु फासुएसणिजं पीढफलगसेजासंथा-
रं उवसंपज्जिताणं विहरामि सेत्तं फासुयविहारं ॥ सरिसवा ते भंते ! किं भक्खेया
अभक्खेया ? सोमिला ! सरिसवा भक्खेयावि अभक्खेयावि, से केणट्ठेणं भंते !
एवं वुच्चइ सरिसवा भक्खेयावि अभक्खेयावि ? से नूणं ते सोमिला ! वंभन्नएसु
नएसु दुविहा सरिसवा पन्नत्ता, तंजहा-मित्तसरिसवा य धन्नसरिसवा य, तत्थ णं
जे ते मित्तसरिसवा ते तिविहा प०, तं०-सहजायया सहवद्धि(य)या सहपंसुकीलि-
(य)या, ते णं समणाणं निगंथाणं अभक्खेया, तत्थ णं जे ते धन्नसरिसवा ते
दुविहा प०, तं०-सत्थपरिणया य असत्थपरिणया य, तत्थ णं जे ते असत्थपरि-
णया ते णं समणाणं निगंथाणं अभक्खेया, तत्थ णं जे ते सत्थपरिणया ते
दुविहा प०, तं०-एसणिज्जा य अणेसणिज्जा य, तत्थ णं जे ते अणेसणिज्जा ते
समणाणं निगंथाणं अभक्खेया, तत्थ णं जे ते एसणिज्जा ते दुविहा प०, तं०-
जाइया य अजाइया य, तत्थ णं जे ते अजाइया ते णं समणाणं निगंथाणं अभ-
क्खेया, तत्थ णं जे ते जाइया ते दुविहा प०, तं०-लद्धा य अलद्धा य, तत्थ
णं जे ते अलद्धा ते णं समणाणं निगंथाणं अभक्खेया, तत्थ णं जे ते लद्धा ते
णं समणाणं निगंथाणं भक्खेया, से तेणट्ठेणं सोमिला ! एवं वुच्चइ जाव अभक्खे-
यावि । मासा ते भंते ! किं भक्खेया अभक्खेया ? सोमिला ! मासा मे भक्खेयावि
अभक्खेयावि, से केणट्ठेणं भंते ! जाव अभक्खेयावि ? से नूणं ते सोमिला !
वंभन्नएसु नएसु दुविहा मासा प०, तं०-दव्वमासा य कालमासा य, तत्थ णं जे ते
कालमासा ते णं सावणादीया आसाढपज्जवसाणा दुवालस प०, तं०-सावणे भद्वए
आसोए कत्तिए मग्गसिरे पोसे माहे फाणुणे चेत्ते वइसाहे जेट्ठामूले आसाढे, ते णं
समणाणं निगंथाणं अभक्खेया, तत्थ णं जे ते दव्वमासा ते दुविहा प०, तं०-
अत्थमासा य धण्णमासा य, तत्थ णं जे ते अत्थमासा ते दुविहा प०, तं०-
उवन्नमासा य रुपमासा य, ते णं समणाणं निगंथाणं अभक्खेया, तत्थ णं जे ते

धनमासा ते दुविहा प०, तं०—सत्थपरिणया य असत्थपरिणया य, एवं जहा धन-
सरिसवा जाव से तेणट्ठेणं जाव अभक्खेयावि । कुलत्था ते भंते ! किं भक्खेया
अभक्खेया ? सोमिला ! कुलत्था मे भक्खेयावि अभक्खेयावि, से केणट्ठेणं जाव
अभक्खेयावि ? से नूणं ते सोमिला ! वंभन्नएसु नएसु दुविहा कुलत्था प०, तं०—
इत्थिकुलत्था य धन्नकुलत्था य, तत्थ णं जे ते इत्थिकुलत्था ते तिविहा प०, तंजहा—
कुलकन्नयाइ वा कुलवहू(धू)याइ वा कुलमाउयाइ वा, ते णं समणानं निगगं-
थानं अभक्खेया, तत्थ णं जे ते धन्नकुलत्था एवं जहा धन्नसरिसवा, से तेणट्ठेणं
जाव अभक्खेयावि ॥ ६४५ ॥ एगे भवं दुवे भवं अक्खए भवं अव्वए भवं अव-
ट्ठिए भवं अणेगभूयभावभविए भवं ? सोमिला ! एगेवि अहं जाव अणेगभूयभाव-
भविएवि अहं, से केणट्ठेणं भंते ! एवं वुच्चइ जाव भविएवि अहं ? सोमिला ! दक्क-
ट्ठयाए एगे अहं, नाणदंसणट्ठयाए दुविहे अहं, पएसट्ठयाए अक्खएवि अहं अव्वएवि
अहं अवट्ठिएवि अहं, उवओगट्ठयाए अणेगभूयभावभविएवि अहं, से तेणट्ठेणं जाव
भविएवि अहं, एत्थ णं से सोमिले माहणे संवुद्धे, तए णं से समणं भगवं महावीरं जहा
खंदओ जाव से जहेयं तुव्वमे वदह जहा णं देवाणुप्पियाणं अंतियं वहवे राईसर
एवं जहा रायप्पसेणइजे चित्तो जाव दुवालसविहं सावगधम्मं पडिवज्जइ पडिवज्जिता
समणं भगवं महावीरं वंदइ नमंसइ वं० २ ता जाव पडिगए, तए णं से सोमिले माहणे
समणोवासए जाए अभिगयजीवा जाव विहरइ । भंते ! त्ति भगवं गोयमे समणं भगवं
महावीरं वंदइ नमंसइ वं० २ ता एवं वयासी-पभू णं भंते ! सोमिले माहणे
देवाणुप्पियाणं अंतिए मुंडे भविता जहेव संखे तहेव निरक्खसेसं जाव अंतं काहिइ ।
सेवं भंते ! २ त्ति जाव विहरइ ॥ ६४६ ॥ अट्ठारसमस्स सयस्स दसमो
उद्देसो समत्तो ॥ अट्ठारसमं सयं समत्तं ॥

लेस्सा य १ गव्व २ पुढवी ३ महासवा ४ चरम ५ दीव ६ भवणा ७ य
निव्वत्ति ८ करण ९ वणचरसुरा य १० एगूणवीसइमे ॥ १ ॥ रायगिहे जाव एवं
वयासी-कइ णं भंते ! लेस्साओ पन्नत्ताओ ? गोयमा ! छेस्साओ पन्नत्ताओ, तंजहा—
एवं जहा पन्नवणाए चउत्थो लेसुद्देसओ भाणियव्वो निरक्खसेसो । सेवं भंते ! २ त्ति
॥ ६४७ ॥ एगूणवीसइमस्स सयस्स पढमो उद्देसो समत्तो ॥

कइ णं भंते ! लेस्साओ प० ? एवं जहा पन्नवणाए गव्वमुद्देसो सो चैव निरक्खसेसो
भाणियव्वो । सेवं भंते ! सेवं भंते ! त्ति (१९-२) ॥ ६४८ ॥ रायगिहे जाव एवं
वयासी-सिय भंते ! जाव चत्तारि पंच पुढविकाइया एगयओ साहारणसरीरं वंयंति
एग० २ ता तओ पच्छा आहारंति वा परिणामंति वा सरीरं वा वंयंति ? नो इणट्ठे

समट्ठे, पुढविकाइयाणं पत्तेयाहारा पत्तेयपरिणामा पत्तेयं सरीरं बंधंति प० २ ता
 त्तओ पच्छा आहारेंति वा परिणामेंति वा सरीरं वा बंधंति १, तेसि णं भंते !
 जीवाणं कइ लेस्साओ प० ? गोयमा ! चत्तारि लेस्साओ प०, तं०-कण्हलेस्सा,
 नीललेस्सा, काउलेस्सा, तेउलेस्सा २, ते णं भंते ! जीवा किं सम्मद्दिट्ठी मिच्छादिट्ठी
 सम्मामिच्छादिट्ठी ? गोयमा ! मिच्छादिट्ठी नो सम्मद्दिट्ठी नो सम्मामिच्छादिट्ठी ३,
 ते णं भंते ! जीवा किं नाणी अन्नाणी ? गोयमा ! नो नाणी अन्नाणी, नियमा
 दुअन्नाणी, तं०-मइअन्नाणी य सुयअन्नाणी य ४, ते णं भंते ! जीवा किं मणजोगी
 वइजोगी कायजोगी ? गोयमा ! नो मणजोगी, नो वइजोगी, कायजोगी ५, ते णं
 भंते ! जीवा किं सागारोवउत्ता अणागारोवउत्ता ? गोयमा ! सागारोवउत्तावि अणा-
 गारोवउत्तावि ६, ते णं भंते ! जीवा किमाहारमाहारेंति ? गोयमा ! दव्वओ णं
 अणंतपएसियाइं दव्वाइं एवं जहा पन्नवणाए पढमे आहारुहेसए जाव सव्वप्पणयाए
 आहारमाहारेंति ७, ते णं भन्ते ! जीवा जमाहारेंति तं चिज्जंति, जं नो आहारेंति
 तं नो चिज्जंति, चिन्ने वा से उद्दाइ पलिसप्पइ वा ? हंता गोयमा ! ते णं जीवा
 जमाहारेंति तं चिज्जंति, जं नो जाव पलिसप्पइ वा ८, तेसि णं भंते ! जीवाणं एवं
 सन्नाइ वा पन्नाइ वा मणोइ वा वईइ वा अम्हे णं आहारमाहारेमो ? णो इण्ठे
 समट्ठे, आहारेंति पुण ते ९, तेसि णं भंते ! जीवाणं एवं सन्नाइ वा जाव वईइ वा
 अम्हे णं इट्ठाणिठ्ठे फासेयरे वेदेमो पडिसंवेदेमो ? णो इण्ठे समट्ठे, पडिसंवेदेंति पुण
 ते १०, ते णं भंते ! जीवा किं पाणाइवाए उवक्खाइज्जंति, मुसावाए अदिन्नादाने
 जाव मिच्छादंसणसल्ले उवक्खाइज्जंति ? गोयमा ! पाणाइवाएवि उवक्खाइज्जंति जाव
 मिच्छादंसणसल्लेवि उवक्खाइज्जंति, जेसिपिय णं जीवाणं ते जीवा एवमाहिज्जंति
 तेसिपिय णं जीवाणं नो वि(ण्णा)ज्जाए नाणत्ते ११ ॥ ते णं भंते ! जीवा कओहिंतो
 उववज्जंति किं नेरइएहिंतो उववज्जंति ? एवं जहा वक्कंतीए पुढविकाइयाणं उववाओ तद्वा
 भाणियव्वो १२ । तेसि णं भंते ! जीवाणं केवइयं कालं ठिई प० ? गोयमा ! जह-
 ज्जेणं अंतोमुहुत्तं उक्कोसेणं वावीसं वाससहस्साइं १३ ॥ तेसि णं भंते ! जीवाणं कइ
 समुग्घाया प० ? गोयमा ! तओ समुग्घाया प०, तं०-वेयणासमुग्घाए, कसायसमु-
 ग्घाए, मारणंतियसमुग्घाए । ते णं भंते ! जीवा मारणंतियसमुग्घाएणं किं समोहया
 मरंति असमोहया मरंति ? गोयमा ! समोहयावि मरंति, असमोहयावि मरंति ॥ ते
 णं भंते ! जीवा अणंतरं उव्वट्ठिता कहिं गच्छंति कहिं उववज्जंति ? एवं उव्वट्ठणा
 जहा वक्कंतीए १४ । सिय भंते ! जाव चत्तारि पंच आउक्काइया एगयओ साहा-
 स्सणं सरीरं बंधंति २ ता तओ पच्छा आहारेंति एवं जो पुढविकाइयाणं गमो

सो चेव भाणियव्वो जाव उव्वट्ठंति, नवरं ठिई सत्तवाससहस्साइं उक्कोसेणं सेसं तं चेव । सिय भंते ! जाव चत्तारि पंच तेउक्काइया एवं चेव नवरं उववाओ ठिई उव्वट्ठणा य जहा पन्नवणाए सेसं तं चेव । वाउक्काइयाणं एवं चेव नाणत्तं नवरं चत्तारि समुग्घाया । सिय भंते ! जाव चत्तारि पंच वणस्सइक्काइया पुच्छा, गोयमा ! जो इणट्ठे समट्ठे, अणंता वणस्सइक्काइया एगयओ साहारणसरीरं वंयंति एग० २ ता तओ पच्छा आहारंति वा परिणामेति वा सेसं जहा तेउक्काइयाणं जाव उव्वट्ठंति, नवरं आहारो नियमं छद्दिसिं, ठिई जहन्नेणं अंतोमुहुत्तं उक्कोसेणवि अंतोमुहुत्तं, सेसं तं चेव ॥ ६४९ ॥ एएसि णं भंते ! पुढविकाइयाणं आउतेउवाउवणस्सइक्काइयाणं सुहुमाणं वायराणं पज्जत्तगाणं अपज्जत्तगाणं जाव जहनुक्कोसियाए ओगाहणाए कयरे २ जाव विसेसाहिया वा ? गोयमा ! सव्वत्थोवा सुहुमनिगोयस्स अपज्जत्तगस्स जहन्निया ओगाहणा १, सुहुमवाउक्काइयस्स अपज्जत्तगस्स जहन्निया ओगाहणा असंखेज्जगुणा २, सुहुमतेउअपज्जत्तगस्स जहणिया ओगाहणा असंखेज्जगुणा ३, सुहुमआउअपज्जत्तगस्स जहणिया ओगाहणा असंखेज्जगुणा ४, सुहुमपुढविअपज्जत्तगस्स जहन्निया ओगाहणा असंखेज्जगुणा ५, वायरवाउक्काइयस्स अपज्जत्तगस्स जहन्निया ओगाहणा असंखेज्जगुणा ६, वायरतेउअपज्जत्तगस्स जहन्निया ओगाहणा असंखेज्जगुणा ७, वायरआउअपज्जत्तगस्स जहन्निया ओगाहणा असंखेज्जगुणा ८, वायरपुढविकाइयअपज्जत्तगस्स जहन्निया ओगाहणा असंखेज्जगुणा ९, पत्तयसरीरवायरवणस्सइक्काइयस्स वायरनिगोयस्स एएसि णं पज्जत्तगाणं एएसि णं अपज्जत्तगाणं जहन्निया ओगाहणा दोण्हवि तुल्ला असंखेज्जगुणा १०-११, सुहुमनिओयस्स पज्जत्तगस्स जहन्निया ओगाहणा असंखेज्जगुणा १२, तस्स चेव अपज्जत्तगस्स उक्कोसिया ओगाहणा विसेसाहिया १३, तस्स चेव पज्जत्तगस्स उक्कोसिया ओगाहणा विसेसाहिया १४, सुहुमवाउक्काइयस्स पज्जत्तगस्स जहणिया ओगाहणा असंखेज्जगुणा १५, तस्स चेव अपज्जत्तगस्स उक्कोसिया ओगाहणा विसेसाहिया १६, तस्स चेव पज्जत्तगस्स उक्कोसिया ओगाहणा विसेसाहिया १७, एवं सुहुमतेउक्काइयस्स विसे० १८।१९।२०। एवं सुहुमआउक्काइयस्सवि २१।२२।२३। एवं सुहुमपुढविकाइयस्स विसेसाहिया २४।२५।२६। एवं वायरवाउक्काइयस्स विसेसाहिया २७।२८। २९। एवं वायरतेउक्काइयस्स विसेसाहिया ३०।३१।३२। एवं वायरआउक्काइयस्स विसेसाहिया ३३।३४।३५। एवं वायरपुढविकाइयस्स विसेसाहिया ३६।३७।३८। सव्वेसिं तिविहेणं गमेणं भाणियव्वं, वायरनिगोयस्स पज्जत्तगस्स जहन्निया ओगाहणा असंखेज्जगुणा ३९, तस्स चेव अपज्जत्तगस्स उक्कोसिया ओगाहणा विसेसा-

हिया ४०, तस्स चेव पज्जत्तगस्स उक्कोसिया ओगाहणा विसेसाहिया ४१, पत्ते-
यसरीरवायरवणस्सइकाइयस्स पज्जत्तगस्स जहणिया ओगाहणा असंखेज्जगुणा ४२,
तस्स चेव अपज्जत्तगस्स उक्कोसिया ओगाहणा असंखेज्जगुणा ४३, तस्स चेव
पज्जत्तगस्स उक्कोसिया ओगाहणा असंखेज्जगुणा ४४ ॥ ६५० ॥ एयस्स णं भंते !
पुढविकाइयस्स आउक्काइयस्स तेउक्काइयस्स वाउक्काइयस्स वणस्सइकाइयस्स
कयरे काए सव्वसुहुमे कयरे काए सव्वसुहुमतराए ? गोयमा ! वणस्सइकाइए
सव्वसुहुमे वणस्सइकाइए सव्वसुहुमतराए १, एयस्स णं भंते ! पुढविकाइयस्स
आउक्काइयस्स तेउक्काइयस्स वाउक्काइयस्स कयरे काए सव्वसुहुमे कयरे काए
सव्वसुहुमतराए ? गोयमा ! वाउक्काइए सव्वसुहुमे वाउक्काइए सव्वसुहुमतराए
२, एयस्स णं भंते ! पुढविकाइयस्स आउक्काइयस्स तेउक्काइयस्स कयरे काए
सव्वसुहुमे कयरे काए सव्वसुहुमतराए ? गोयमा ! तेउक्काए सव्वसुहुमे तेउक्काए
सव्वसुहुमतराए ३, एयस्स णं भंते ! पुढविकाइयस्स आउक्काइयस्स कयरे काए
सव्वसुहुमे कयरे काए सव्वसुहुमतराए ? गोयमा ! आउक्काए सव्वसुहुमे आउक्काए
सव्वसुहुमतराए ४ ॥ एयस्स णं भंते ! पुढविकाइयस्स आउक्काइयस्स तेउक्काइयस्स
वाउक्काइयस्स वणस्सइकाइयस्स कयरे काए सव्ववादरे कयरे काए सव्ववावरत-
राए ? गोयमा ! वणस्सइकाइए सव्ववादरे वणस्सइकाइए सव्ववावरतराए १, एयस्स
णं भंते ! पुढविकाइयस्स आउक्काइयस्स तेउक्काइयस्स वाउक्काइयस्स कयरे काए
सव्ववादरे कयरे काए सव्ववावरतराए ? गोयमा ! पुढविकाए सव्ववादरे पुढविकाए
सव्ववावरतराए २, एयस्स णं भंते ! आउक्काइयस्स तेउक्काइयस्स वाउक्काइयस्स
कयरे काए सव्ववादरे कयरे काए सव्ववावरतराए ? गोयमा ! आउक्काए सव्ववादरे
आउक्काए सव्ववावरतराए ३, एयस्स णं भंते ! तेउक्काइयस्स वाउक्काइयस्स कयरे
काए सव्ववादरे कयरे काए सव्ववावरतराए ? गोयमा ! तेउक्काए सव्ववादरे तेउक्काए
सव्ववावरतराए ४ ॥ केमहालए णं भंते ! पुढविसरीरे पन्नते ? गोयमा ! अणंताणं
सुहुमवणस्सइकाइयाणं जावइया सरीरा से एगे सुहुमवाउसरीरे, असंखेजाणं सुहुम-
वाउसरीराणं जावइया सरीरा से एगे सुहुमतेउसरीरे, असंखेजाणं सुहुमतेउक्काइय-
सरीराणं जावइया सरीरा से एगे सुहुमआउसरीरे, असंखेजाणं सुहुमआउक्काइय-
सरीराणं जावइया सरीरा से एगे सुहुमपुढविसरीरे, असंखेजाणं सुहुमपुढविकाइय-
सरीराणं जावइया सरीरा से एगे वायरवाउसरीरे, असंखेजाणं वायरवाउक्काइयाणं
जावइया सरीरा से एगे वायरतेउसरीरे, असंखेजाणं वायरतेउक्काइयाणं जावइया
सरीरा से एगे वायरआउसरीरे, असंखेजाणं वायरआउक्काइयाणं जावइया सरीरा

से एगे वायरपुढविसरीरे, एमहालए णं गोयमा । पुढविसरीरे पज्जत्ते ॥ ६५१ ॥
 पुढविकाइयस्स णं भंते । केमहालिया सरीरोगाहणा प० ? गोयमा । से जहानामए
 रज्जो चाउरंतचक्कवट्टिस्स वन्नगपेसिया तरुणी वलवं जुगवं जुवाणी अप्पायंका
 वन्नओ जाव निउणसिप्पोवगया नवरं चम्मेट्टुदुहणमुट्ठियसमाहयणिचियगत्तकाया न
 भण्णइ सेसं तं चेव जाव निउणसिप्पोवगया तिक्खाए वइरामईए सण्हकरणीए
 तिक्खेणं वइरामएणं वट्टावरएणं एणं महं पुढविकाइयं जडगोलसमाणं गहाय पडि-
 साहरिय २ पडिसंखिविय २ जाव इणामेवत्तिकट्टु तिसत्तखुत्तो उप्पीसेज्जा, तत्थ णं
 गोयमा । अत्येगइया पुढविकाइया आलिद्धा, अत्येगइया पुढविकाइया नो आलिद्धा,
 अत्येगइया संघट्टि(ट्टि)या, अत्येगइया नो संघट्टि(ट्टि)या, अत्येगइया परियाविया,
 अत्येगइया नो परियाविया, अत्येगइया उद्विया, अत्येगइया नो उद्विया, अत्येगइया
 पिट्ठा, अत्येगइया नो पिट्ठा, पुढविकाइयस्स णं गोयमा । एमहालिया सरीरोगाहणा
 प० ॥ पुढविकाइए णं भंते । अक्कंते समाणे केरिसियं वेयणं पच्चणुवभवमाणे विह-
 रइ ? गोयमा । से जहानामए-केइ पुरिसे तरुणे वलवं जाव निउणसिप्पोवगए एणं
 पुरिसं जुज्जं जराजज्जरियदेहं जाव दुव्वलं किलंतं जमलपाणिणा मुद्धानंसि, अभिह-
 णिज्जा, से णं गोयमा । पुरिसे तेणं पुरिसेणं जमलपाणिणा मुद्धानंसि अभिहए समाणे
 केरिसियं वेयणं पच्चणुवभवमाणे विहरइ ? अणिट्ठं समणाउसो !, तस्स णं गोयमा ।
 पुरिसस्स वेयणाहितो पुढविकाइए अक्कंते समाणे एत्तो अणिट्ठतरियं चेव अकंततरियं
 चेव जाव अमणामतरियं चेव वेयणं पच्चणुवभवमाणे विहरइ । आउयाए णं भंते ।
 संघट्टिए समाणे केरिसियं वेयणं पच्चणुवभवमाणे विहरइ ? गोयमा । जहा पुढविकाइए
 एवं आउकाएवि, एवं तेउकाएवि, एवं वाउकाएवि, एवं वणस्सइकाएवि जाव विहरइ,
 सेवं भंते ! २ त्ति ॥ ६५२ ॥ एगूणवीसइमे सए तइओ उद्देसो समत्तो ॥

सिय भंते ! नेरइया महासवा महाकिरिया महावेयणा महानिज्जरा ? गोयमा !
 णो इणट्ठे समट्ठे १, सिय भंते ! नेरइया महासवा महाकिरिया महावेयणा अप्प-
 निज्जरा ? हंता सिया २, सिय भंते ! नेरइया महासवा महाकिरिया अप्पवेयणा
 महानिज्जरा ? गोयमा ! णो इणट्ठे समट्ठे ३, सिय भंते ! नेरइया महासवा महा-
 किरिया अप्पवेयणा अप्पनिज्जरा ? गोयमा ! णो इणट्ठे समट्ठे ४, सिय भंते !
 नेरइया महासवा अप्पकिरिया महावेयणा महानिज्जरा ? गोयमा ! णो इणट्ठे समट्ठे
 ५, सिय भंते ! नेरइया महासवा अप्पकिरिया महावेयणा अप्पनिज्जरा ? गोयमा !
 नो इणट्ठे समट्ठे ६, सिय भंते ! नेरइया महासवा अप्पकिरिया अप्पवेयणा
 महानिज्जरा ? नो इणट्ठे समट्ठे ७, सिय भंते ! नेरइया महासवा अप्पकिरिया

अप्पवेयणा अप्पनिज्जरा ? णो इण्ठे समट्ठे ८, सिय भंते ! नेरइया अप्पासवा महाकिरिया महावेयणा महानिज्जरा ? नो इण्ठे समट्ठे ९, सिय भंते ! नेरइया अप्पासवा महाकिरिया महावेयणा अप्पनिज्जरा ? नो इण्ठे समट्ठे १०, सिय भंते ! नेरइया अप्पासवा महाकिरिया अप्पवेयणा महानिज्जरा ? नो इण्ठे समट्ठे ११, सिय भंते ! नेरइया अप्पासवा महाकिरिया अप्पवेयणा अप्पनिज्जरा ? णो इण्ठे समट्ठे १२, सिय भंते ! नेरइया अप्पासवा अप्पकिरिया महावेयणा महानिज्जरा ? नो इण्ठे समट्ठे १३, सिय भंते ! नेरइया अप्पासवा अप्पकिरिया महावेयणा अप्पनिज्जरा ? नो इण्ठे समट्ठे १४, सिय भंते ! नेरइया अप्पासवा अप्पकिरिया अप्पवेयणा महानिज्जरा ? नो इण्ठे समट्ठे १५, सिय भंते ! नेरइया अप्पासवा अप्पकिरिया अप्पवेयणा अप्पनिज्जरा ? णो इण्ठे समट्ठे १६, एए सोलस भंगा । सिय भंते ! असुरकुमारा महासवा महाकिरिया महावेयणा महानिज्जरा ? णो इण्ठे समट्ठे, एवं चउत्थो भंगो भाणियव्वो, सेसा पन्नरस भंगा खोडैयव्वा, एवं जाव थणियकुमारा, सिय भंते ! पुढविकाइया महासवा महाकिरिया महावेयणा महानिज्जरा ? हंता सिया, एवं जाव सिय भंते ! पुढविकाइया अप्पासवा अप्पकिरिया अप्पवेयणा अप्पनिज्जरा ? हंता सिया, एवं जाव मणुस्सा, वाणमंतरजोइसियवेमाणिया जहा असुरकुमारा, सेवं भंते ! सेवं भंते ! ति ॥ ६५३ ॥ एगूणवी-सइमस्स सयस्स चउत्थो उहेसो समत्तो ॥

अत्थि णं भंते ! चरिमावि नेरइया परमावि नेरइया ? हंता अत्थि, से नूणं भंते ! चरिमेहिंतो नेरइएहिंतो परमा नेरइया महाकम्मतराए चेव महाकिरियतराए चेव महासवतराए चेव महावेयणतराए चेव, परमेहिंतो वा नेरइएहिंतो चरमा नेरइया अप्पकम्मतराए चेव अप्पकिरियतराए चेव अप्पासवतराए चेव अप्पवेयणतराए चेव ? हंता गोयमा ! चरमेहिंतो नेरइएहिंतो परमा जाव महावेयणतराए चेव, परमेहिंतो नेरइएहिंतो चरमा नेरइया जाव अप्पवेयणतरा चेव, से केणट्ठेणं भंते ! एवं चुच्चइ जाव अप्पवेयणतरा चेव ? गोयमा ! ठिइं पडुच्च, से तेणट्ठेणं गोयमा ! एवं चुच्चइ जाव अप्पवेयणतरा चेव । अत्थि णं भंते ! चरमावि असुरकुमारा परमावि असुरकुमारा ? एवं चेव, नवरं विवरीयं भाणियव्वं, परमा अप्पकम्मा, चरमा महाकम्मा, सेसं तं चेव जाव थणियकुमारा ताव एवमेव, पुढविकाइया जाव मणुस्सा एए जहा नेरइया, वाणमंतरजोइसियवेमाणिया जहा असुरकुमारा ॥ ६५४ ॥ कइविहा णं भंते ! वेयणा प० ? गोयमा ! दुविहा वेयणा प०, तं०—निदा य अनिदा य । नेरइया णं भंते ! किं निदायं वेयणं वेदंति अनिदायं वेयणं वेदंति ? जहा पन्न-

चणाए जाव वेमाणियत्ति । सेवं भंते ! सेवं भंते ! त्ति ॥ ६५५ ॥ एगूणवीसइ-
मस्स सयस्स पंचमो उद्देसो समत्तो ॥

कहि णं भंते ! दीवसमुद्दा, केवइया णं भंते ! दीवसमुद्दा, किंसंठिया णं भंते !
दीवसमुद्दा ? एवं जहा जीवाभिगमे दीवसमुद्देसो सो चेव इहवि जोइसियमंडि-
उद्देसगवज्जो भाणियव्वो जाव परिणामो जीवउव्वाओ जाव अणंतखुत्तो, सेवं भंते !
२ त्ति ॥ ६५६ ॥ एगूणवीसइमस्स सयस्स छट्ठो उद्देसो समत्तो ॥

केवइया णं भंते ! असुरकुमारभवणावाससयसहस्सा प० ? गोयमा ! चउसट्ठि
असुरकुमारभवणावाससयसहस्सा प०, ते णं भंते ! किमया प० ? गोयमा !
सव्वरयणामया अच्छा सण्हा जाव पडिह्वा, तत्थ णं वहवे जीवा य पोग्गला य
वक्कमंति विउक्कमंति चयंति उव्वज्जंति, सासया णं ते भवणा दव्वट्ठयाए, वन्नपज्जवेहिं
जाव फासपज्जवेहिं असात्तया, एवं जाव थणियकुमारावासा, केवइया णं भंते !
चाणमंतरभोमेज्जनयरावाससयसहस्सा प० ? गोयमा ! असंखेज्जा चाणमंतरभोमे-
ज्जनयरावाससयसहस्सा प०, ते णं भंते ! किमया प० ? सेसं तं चेव, केवइया णं
भंते ! जोइसियविमाणावाससयसहस्सा पुच्छा, गोयमा ! असंखेज्जा जोइसिय-
विमाणावाससयसहस्सा प०, ते णं भंते ! किमया प० ? गोयमा ! सव्वफालिहा-
मया अच्छा सेसं तं चेव, सोहम्मो णं भंते ! कप्पे केवइया विमाणावाससयसहस्सा
प० ? गोयमा ! वत्तीसं विमाणावाससयसहस्सा प०, ते णं भंते ! किमया प० ?
गोयमा ! सव्वरयणामया अच्छा सेसं तं चेव, एवं जाव अणुत्तरविमाणा, नवरं
जाणियव्वा जत्थ जत्तिया भवणा विमाणा वा । सेवं भंते ! २ त्ति ॥ ६५७ ॥
एगूणवीसइमस्स सयस्स सत्तमो उद्देसो समत्तो ॥

कइविहा णं भंते ! जीवनिव्वत्ती प० ? गोयमा ! पंचविहा जीवनिव्वत्ती प०,
तं०-एगिंदियजीवनिव्वत्ती जाव पंचिंदियजीवनिव्वत्ती, एगिंदियजीवनिव्वत्ती णं भंते !
कइविहा प० ? गोयमा ! पंचविहा प०, तं०-पुढविकाइयएगिंदियजीवनिव्वत्ती जाव
चणस्सइकाइयएगिंदियजीवनिव्वत्ती, पुढविकाइयएगिंदियजीवनिव्वत्ती णं भंते ! कइ-
विहा प० ? गोयमा ! दुविहा प०, तं०-छुहुमपुढविकाइयएगिंदियजीवनिव्वत्ती य वाय-
रपुढवीकाइयएगिंदियजीवनिव्वत्ती य, एवं एएणं अभिलावेणं मेओ जहा वट्ठगवंधो
तेयगसरीरस्स जाव सव्वट्ठसिद्धअणुत्तरोव्वाइयकप्पातीतवेमाणियदेवपंचिंदियजीव-
निव्वत्ती णं भंते ! कइविहा प० ? गोयमा ! दुविहा प०, तं०-पज्जतगसव्वट्ठसिद्धअ-
णुत्तरोव्वाइय जाव देवपंचिंदियजीवनिव्वत्ती य अपज्जतगसव्वट्ठसिद्धअणुत्तरोव्वाइय
जाव देवपंचिंदियजीवनिव्वत्ती य । कइविहा णं भंते ! कम्मनिव्वत्ती प० ? गोयमा !

अट्टविहा कम्मनिव्वत्ती प०, तं०-नाणावरणिज्जकम्मनिव्वत्ती जाव अंतराइयक-
 म्मनिव्वत्ती, नेरइयाणं भंते ! कइविहा कम्मनिव्वत्ती प० ? गोयमा ! अट्टविहा
 कम्मनिव्वत्ती प०, तं०-नाणावरणिज्जकम्मनिव्वत्ती जाव अंतराइयकम्मनिव्वत्ती,
 एवं जाव वेमाणियाणं । कइविहा णं भंते ! सरीरनिव्वत्ती प० ? गोयमा ! पंच-
 विहा सरीरनिव्वत्ती प०, तं०-ओरालियसरीरनिव्वत्ती जाव कम्मगसरीरनिव्वत्ती ।
 नेरइयाणं भंते ! एवं चेव, एवं जाव वेमाणियाणं, नवरं नायवं जस्स जइ सरी-
 राणि । कइविहा णं भंते ! सव्विदियनिव्वत्ती प० ? गोयमा ! पंचविहा सव्वि-
 दियनिव्वत्ती प०, तं०-सोइंदियनिव्वत्ती जाव फासिंदियनिव्वत्ती, एवं (जाव) नेरइयां
 जाव थणियकुमारा णं, पुढविकाइयाणं पुच्छा, गोयमा ! एगा फासिंदियनिव्वत्ती
 प०, एवं जस्स जइ इंदियाणि जाव वेमाणियाणं । कइविहा णं भंते ! भासानि-
 व्वत्ती प० ? गोयमा ! चउव्विहा भासानिव्वत्ती प०, तं०-सच्चाभासानिव्वत्ती,
 मोसाभासानिव्वत्ती, सच्चामोसभासानिव्वत्ती, असच्चामोसभासानिव्वत्ती, एवं एगिं-
 दियवज्जं जस्स जा भासा जाव वेमाणियाणं, कइविहा णं भंते ! मणनिव्वत्ती प० ?
 गोयमा ! चउव्विहा मणनिव्वत्ती प०, तं०-सच्चमणनिव्वत्ती जाव असच्चामोसम-
 णनिव्वत्ती, एवं एगिंदियविगल्लिंदियवज्जं जाव वेमाणियाणं । कइविहा णं भंते !
 कसायनिव्वत्ती प० ? गोयमा ! चउव्विहा कसायनिव्वत्ती प०, तं०-कोहकसाय-
 निव्वत्ती जाव लोभकसायनिव्वत्ती, एवं जाव वेमाणियाणं । कइविहा णं भंते !
 वन्ननिव्वत्ती प० ? गोयमा ! पंचविहा वन्ननिव्वत्ती प०, तं०-कालवन्ननिव्वत्ती
 जाव सुक्खिलवन्ननिव्वत्ती, एवं निरवसेसं जाव वेमाणियाणं, एवं गंधनिव्वत्ती दुविहा
 जाव वेमाणियाणं, रसनिव्वत्ती पंचविहा जाव वेमाणियाणं, फासनिव्वत्ती अट्टविहा
 जाव वेमाणियाणं । कइविहा णं भंते ! संठाणनिव्वत्ती प० ? गोयमा ! छव्विहा
 संठाणनिव्वत्ती प०, तं०-समचउरंससंठाणनिव्वत्ती जाव हुंडसंठाणनिव्वत्ती, नेर-
 इयाणं पुच्छा, गोयमा ! एगा हुंडसंठाणनिव्वत्ती प०, असुरकुमाराणं पुच्छा,
 गोयमा ! एगा समचउरंससंठाणनिव्वत्ती प०, एवं जाव थणियकुमाराणं, पुढवि-
 काइयाणं पुच्छा, गोयमा ! एगा मसूरचंदसंठाणनिव्वत्ती प०, एवं जस्स जं संठाणं
 जाव वेमाणियाणं, कइविहा णं भंते ! सन्नानिव्वत्ती प० ? गोयमा ! चउव्विहा
 सन्ना निव्वत्ती प०, तं०-आहारसन्नानिव्वत्ती जाव परिग्गहसन्नानिव्वत्ती, एवं जाव
 वेमाणियाणं, कइविहा णं भंते ! लेस्सानिव्वत्ती प० ? गोयमा ! छव्विहा लेस्सा-
 निव्वत्ती प०, तं०-कण्हलेस्सानिव्वत्ती जाव सुक्कलेस्सानिव्वत्ती, एवं जाव वेमाणि-
 याणं जस्स जइ लेस्साओ तस्स तत्तिया भाणियवा । कइविहा णं भंते ! दिट्ठिनिव्वत्ती

प० ? गोयमा ! तिविहा दिट्टिनिव्वत्ती प०, तंजहा-सम्मादिट्टिनिव्वत्ती, मिच्छादिट्टिनिव्वत्ती, सम्मामिच्छादिट्टिनिव्वत्ती, एवं जाव वेमाणियाणं जस्स जइविहा दिट्ठी । कइविहा णं भंते ! णाणनिव्वत्ती पन्नत्ता ? गोयमा ! पंचविहा णाणनिव्वत्ती प०, तं०-आभिण्योहियणाणनिव्वत्ती जाव केवलनाणनिव्वत्ती, एवं एगिंदियवज्जं जाव वेमाणियाणं जस्स जइ णाणाई । कइविहा णं भंते ! अन्नाणनिव्वत्ती प० ? गोयमा ! तिविहा अन्नाणनिव्वत्ती प०, तं०-मइअन्नाणनिव्वत्ती, सुयअण्णाणनिव्वत्ती, विभंगनाणनिव्वत्ती, एवं जस्स जइ अन्नाणा जाव वेमाणियाणं । कइविहा णं भंते ! जोगनिव्वत्ती प० ? गोयमा ! तिविहा जोगनिव्वत्ती प०, तं०-मणजोगनिव्वत्ती, वइजोगनिव्वत्ती, कायजोगनिव्वत्ती, एवं जाव वेमाणियाणं जस्स जइविहो जोगो । कइविहा णं भंते ! उवओगनिव्वत्ती प० ? गोयमा ! दुविहा उवओगनिव्वत्ती प०, तं०-सागारोवओगनिव्वत्ती, अणगारोवओगनिव्वत्ती, एवं जाव वेमाणियाणं, संगहगाहा-जीवाणं निव्वत्ती कम्मप्पगडी सरीरनिव्वत्ती । सव्विदियनिव्वत्ती भासा य मणे कसाया य ॥ १ ॥ वन्ने गंधे रसे फासे संठाणविही य होइ वोद्धव्वो । लेस्सा दिट्ठी णाणे उवओगे चव जोगे य ॥ २ ॥ सेवं भंते ! सेवं भंते ! त्ति ॥ ६५८ ॥ एगूणवीसइमस्स सयस्स अट्ठमो उद्देशो समत्तो ॥

कइविहे णं भंते ! करणे पण्णत्ते ? गोयमा ! पंचविहे करणे पन्नत्ते, तंजहा-दव्वकरणे, खेत्तकरणे, कालकरणे, भवकरणे, भावकरणे, नेरइयाणं भंते । कइविहे करणे प० ? गोयमा ! पंचविहे करणे प०, तं०-दव्वकरणे, जाव भावकरणे, एवं जाव वेमाणियाणं, कइविहे णं भंते ! सरीरकरणे प० ? गोयमा ! पंचविहे सरीरकरणे पन्नत्ते, तंजहा-ओरालियसरीरकरणे जाव कम्मगसरीरकरणे, एवं जाव वेमाणियाणं जस्स जइ सरीराणि । कइविहे णं भंते ! इंदियकरणे प० ? गोयमा ! पंचविहे इंदियकरणे प०, तंजहा-सोइंदियकरणे जाव फासिंदियकरणे, एवं जाव वेमाणियाणं जस्स जइ इंदियाई, एवं एएणं कमेणं भासाकरणे चउव्विहे, मणकरणे चउव्विहे, कसायकरणे चउव्विहे, समुग्घायकरणे सत्तविहे, सन्नाकरणे चउव्विहे, लेस्साकरणे छव्विहे, दिट्ठिकरणे तिविहे, वेयकरणे तिविहे पन्नत्ते, तंजहा-इत्थिवेयकरणे, पुरिसवेयकरणे, नपुंसगवेयकरणे, एए सव्वे नेरइयादिदंडगा जाव वेमाणियाणं जस्स जं अत्थि तं तस्स सव्वं भाणियव्वं । कइविहे णं भंते ! पाणाइवायकरणे प० ? गोयमा ! पंचविहे पाणाइवायकरणे प०, तं०-एगिंदियपाणाइवायकरणे जाव पंचिंदियपाणाइवायकरणे, एवं निरवसेसं जाव वेमाणियाणं । कइविहे णं भंते ! योग्गलकरणे प० ? गोयमा ! पंचविहे पोग्गलकरणे प०, तं०-वन्नकरणे, गंधकरणे,

रसकरणे, फासकरणे, संठाणकरणे, वन्नकरणे णं भंते ! कइविहे प० ? गोयमा ! पंचविहे प०, तंजहा-कालवन्नकरणे जाव सुक्किलवन्नकरणे, एवं भेदो, गंधकरणे दुविहे, रसकरणे पंचविहे, फासकरणे अट्टविहे, संठाणकरणे णं भंते ! कइविहे प० ? गोयमा ! पंचविहे प०, तंजहा-परिमंडलसंठाणकरणे जाव आययसंठाणकरणे, सेवं भंते ! सेवं भंते ! त्ति जाव विहरइ ॥ ६५९ ॥ एगूणवीसइमस्स सयस्स नवमो उद्देसो समत्तो ॥

वाणमंतराणं भंते ! सव्वे समाहारा एवं जहा सोलसमसए दीवकुमारहेसए जाव अप्पिड्वियत्ति, सेवं भंते ! २ त्ति ॥ ६६० ॥ एगूणवीसइमे सए दसमो उद्देसो समत्तो ॥ एगूणवीसइमं सयं समत्तं ॥ १९ ॥

वेइंदिय १ मागासे २ पाणवहे ३ उवचए ४ य परमाणू ५ । अंतर ६ बंधे ७ भूमी ८ चारण ९ सोवक्कमा जीवा १० ॥ १ ॥ रायगिहे जाव एवं वयासी-सिय भंते ! जाव चत्तारि पंच वेइंदिया एगयओ साहारणसरीरं बंधंति २ ता तओ पच्छा आहारेंति वा परिणामेंति वा सरीरं वा बंधंति ? णो इणट्ठे समट्ठे, वेइंदिया णं पत्तेयाहारा पत्तेयपरिणामा पत्तेयसरीरं बंधंति प० २ ता तओ पच्छा आहारेंति वा परिणामेंति वा सरीरं वा बंधंति, तेसि णं भंते ! जीवाणं कइ लेस्साओ प० ? गोयमा ! तओ लेस्साओ प०, तं०-कण्हलेस्सा नीललेस्सा काउलेस्सा, एवं जहा एगूणवीसइमे सए तेउकाइयाणं जाव उव्वट्ठंति, नवरं सम्महिट्ठीवि मिच्छहिट्ठीवि, नो सम्मामिच्छादिट्ठी, दो नाणा दो अन्नाणा नियमं, नो मणजोगी, वइजोगीवि कायजोगीवि, आहारो नियमं छहिसिं, तेसि णं भंते ! जीवाणं एवं सन्नाइ वा पन्नाइ वा मणेइ वा वईइ वा अम्हे णं इट्ठाणिट्ठे रसे इट्ठाणिट्ठे फासे पडिसंवेदेमो ? णो इणट्ठे समट्ठे, पडिसंवेदेति पुण ते, ठिई जहन्नेणं अंतोमुहुत्तं उक्कोसेणं वारस-संवच्छराइं, सेसं तं चेव, एवं तेइंदिया(ण)वि, एवं चउरिंदियावि, नाणत्तं इंदिएसु ठिईए य सेसं तं चेव ठिई जहा पन्नवणाए । सिय भंते ! जाव चत्तारि पंच पंचिंदिया एगयओ साहारणसरीरं एवं जहा वेइंदियाणं नवरं छलेस्साओ, दिट्ठी तिविहावि, चत्तारि नाणा, तिन्नि अन्नाणा भयणाए, तिविहा जोगा, तेसि णं भंते ! जीवाणं एवं सन्नाइ वा पन्नाइ वा जाव वईइ वा अम्हे णं आहारमाहारेमो ? गोयमा ! अत्येगइयाणं एवं सन्नाइ वा पन्नाइ वा मणेइ वा वईइ वा अम्हे णं आहारमाहारेमो, अत्येगइयाणं नो एवं सन्नाइ वा जाव वईइ वा अम्हे णं आहारमाहारेमो, आहारेंति पुण ते, तेसि णं भंते ! जीवाणं एवं सन्नाइ वा जाव वईइ वा अम्हे णं इट्ठाणिट्ठे सदे, इट्ठाणिट्ठे रुवे, इट्ठाणिट्ठे गंधे, इट्ठाणिट्ठे रसे, इट्ठाणिट्ठे फासे पडिसं-

वेदेमो ? गोयमा । अत्येगइयाणं एवं सनाइ वा जाव वईइ वा अम्हे णं इट्ठाणिट्ठे सदे जाव इट्ठाणिट्ठे फासे पडिसंवेदेमो, अत्येगइयाणं नो एवं सनाइ वा पण्णाइ वा जाव वईइ वा अम्हे णं इट्ठाणिट्ठे सदे जाव इट्ठाणिट्ठे फासे पडिसंवेदेमो, पडिसंवेदेति पुण ते, ते णं भंते । जीवा किं पाणाइवाए उवक्खाइज्जंति० ? गोयमा । अत्येगइया पाणाइवाएवि उवक्खाइज्जंति जाव मिच्छादंसणसल्लेवि उवक्खाइज्जंति, अत्येगइया नो पाणाइवाए उवक्खाइज्जंति नो मुसावाए उवक्खाइज्जंति जाव नो मिच्छादंसणसल्ले उवक्खाइज्जंति, जेसिंपिय णं जीवाणं ते जीवा एवमाहिज्जंति तेसिंपि णं जीवाणं अत्येगइयाणं विज्जाए नाणत्ते, अत्येगइयाणं नो विण्णाए नाणत्ते, उववाओ सव्वओ जत्त सव्वट्ठसिद्धाओ, ठिई जह्वेणं अंतोमुहुत्तं उक्कोसेणं तेत्तीसं सागरोवमाइं, छस्स-मुग्घाया केवलिवज्जा, उव्वट्ठणा सव्वत्थ गच्छंति जाव सव्वट्ठसिद्धंति, सेसं जहा वेइंदियाणं । एएसि णं भंते । वेइंदियाणं जाव पंचिंदियाण य कयरे २ जाव विसे-साहिया वा ? गोयमा । सव्वत्थोवा पंचिंदिया, चउरिंदिया विसेसाहिया, तेइंदिया विसेसाहिया, वेइंदिया विसेसाहिया । सेवं भंते । सेवं भंते । त्ति जाव विहरइ ॥ ६६१ ॥ वीसइमस्स सयस्स पढमो उद्देसो समत्तो ॥

कइविहे णं भंते । आगासे प० ? गोयमा । दुविहे आगासे प०, तं०-लोयागासे य अलोयागासे य, लोयागासे णं भंते । किं जीवा जीवदेसा० ? एवं जहा विइयसए अत्थिउद्देसए तह चेव इहवि भाणियव्वं, नवरं अभिलावो जाव धम्मत्थिकाए 'णं भंते । केमहालए प० ? गोयमा । लोए लोयमेत्ते लोयप्पमाणे लोयफुडे लोयं चेव ओगाहिताणं चिट्ठइ, एवं जाव पोग्गलत्थिकाए । अहेलोए णं भंते । धम्मत्थिका-यस्स केवइयं ओगाढे ? गोयमा । साइरेगं अद्धं ओगाढे, एवं एएणं अभिलावेणं जहा विइयसए जाव ईसिप्पवभारा णं भंते । पुढवी लोयागासस्स किं संखेज्जइभागं ओगाढा० पुच्छा, गोयमा । नो संखेज्जइभागं ओगाढा, असंखेज्जइभागं ओगाढा, नो संखेजे भागे ओगाढा, नो असंखेजे भागे ओगाढा, नो सव्वलोयं ओगाढा, सेसं तं चेव ॥ ६६२ ॥ धम्मत्थिकायस्स णं भंते । केवइया अभिवयणा प० ? गोयमा । अणेगा अभिवयणा प०, तंजहा-धम्मेइ वा धम्मत्थिकाएइ वा पाणाइवायवेरमणेइ वा मुसावायवेरमणेइ वा एवं जाव परिग्गहवेरमणेइ वा कोहविवेगेइ वा जाव मिच्छा-दंसणसल्लविवेगेइ वा इरियासमि(ए)ईइ वा भासासमिईइ वा एसणासमिईइ वा आया-णभंडमत्तनिक्खेवणासमिईइ वा उच्चारपासवणखेलजल्लसिंघाणपारिट्ठावणियासमिईइ वा मणगुतीइ वा वइगुतीइ वा कायगुतीइ वा जे यावजे तहप्पगारा सव्वे ते धम्म-त्थिकायस्स अभिवयणा, अहम्मत्थिकायस्स णं भंते । केवइया अभिवयणा प० ?

गोयमा ! अणेगा अभिवयणा प०, तं०-अवम्मेइ वा अधम्मत्थिकाएइ वा पाणाइ-
 वाएइ वा जाव मिच्छादंसणसल्लेइ वा इरियाअसमिईइ वा जाव उच्चारपासवण
 जाव पारिद्धावणियाअसमिईइ वा मणअगुत्तीइ वा वइअगुत्तीइ वा कायअगुत्तीइ वा
 जे यावन्ने तहप्पगारा सव्वे ते अहम्मत्थिकायस्स अभिवयणा, आगासत्थिकायस्स
 णं पुच्छा, गोयमा ! अणेगा अभिवयणा प०, तं०-आगासेइ वा आगासत्थिकाएइ
 वा गगणेइ वा नमेइ वा समेइ वा विसमेइ वा खहेइ वा विहेइ वा वीईइ वा
 विवरेइ वा अंवरेइ वा अंवरसेइ वा छिहेइ वा झुसिरेइ वा मग्गेइ वा विमुहेइ वा
 अ(ट्टे)हेइ वा विय(ट्टे)हेइ वा आधारेइ वा वोमेइ वा भायणेइ वा अंतरिक्खेइ वा सांमेइ
 वा उवासंतरेइ वा अगमेइ वा फल्लिहेइ वा अणंतेइ वा जे यावन्ने तहप्पगारा सव्वे
 ते आगासत्थिकायस्स अभिवयणा प० । जीवत्थिकायस्स णं भंते ! केवइया अभिवयणा
 प० ? गोयमा ! अणेगा अभिवयणा प०, तं०-जीवेइ वा जीवत्थिकाएइ वा पाणेइ
 वा भूएइ वा सत्तेइ वा विन्नूइ वा चेयाइ वा जेयाइ वा आयाइ वा रंगणेइ वा
 हिंडुएइ वा पोग्गलेइ वा माणवेइ वा कत्ताइ वा विकत्ताइ वा जएइ वा जंतूइ वा
 जौणीइ वा सयंभूइ वा ससरीरीइ वा नायएइ वा अंतरप्पाइ वा जे यावन्ने तहप्प-
 गारा सव्वे ते जीवअभिवयणा प० । पोग्गलत्थिकायस्स णं भंते ! पुच्छा, गोयमा !
 अणेगा अभिवयणा प०, तं०-पोग्गलेइ वा पोग्गलत्थिकाएइ वा परमाणुपोग्गलेइ
 वा दुपएसिएइ वा तिपएसिएइ वा जाव असंखेजपएसिएइ वा अणंतपएसिएइ वा
 (खंधे) जे यावन्ने तहप्पगारा सव्वे ते पोग्गलत्थिकायस्स अभिवयणा प० । सेवं
 भंते ! २ त्ति ॥ ६६३ ॥ **वीसइमस्स सयस्स वीओ उहेसो समत्तो ॥**

अह भंते ! पाणाइवाए सुसावाए जाव मिच्छादंसणसल्ले, पाणाइवायवेरमणे जाव
 मिच्छादंसणसल्लविवेगे, उप्पत्तिया जाव पारिणामिया, उग्गहे जाव धारणा, उट्ठाणे
 कम्मे वल्ले वीरिए पुरिसकारपरकमे, नेरइयत्ते असुरकुमारत्ते जाव वेमाणियत्ते, नाणा-
 वरणिजे जाव अंतराइए, कण्हलेस्सा जाव सुक्कलेस्सा, सम्मदिट्ठी ३, चक्खुदंसणे ४,
 आभिणिचोहियणाणे जाव विभंगनाणे, आहारसन्ना ४, ओरालियसरीरे ५, मणजोगे
 ३, सागारोवओगे अणागारोवओगे जे यावन्ने तहप्पगारा सव्वे ते णण्णत्थ आयाए
 परिणमंति ? हंता गोयमा ! पाणाइवाए जाव सव्वे ते णण्णत्थ आयाए परिणमंति
 ॥ ६६४ ॥ जीवे णं भंते ! गन्धं वक्कममाणे कइवन्नं कइगंधं एवं जहा वारसमसए
 पंचमुहेसए जाव कम्मओ णं जए णो अकम्मओ विभत्तिभावं परिणमइ । सेवं भंते !
 २ त्ति जाव विहरइ ॥ ६६५ ॥ **वीसइमे सए तइओ उहेसो समत्तो ॥**
 कइविहे णं भंते ! इंदियउवचए पन्नत्ते ? गोयमा ! पंचविहे इंदियउवचए प०,

तं०-सोइंदियउवचए एवं चिइओ ईंदियउद्देसओ निरवसेसो भाणियव्वो जहा पन्नव-
णाए । सेवं भंते ! सेवं भंते ! ति भगवं गोयमे जाव विहरइ ॥ ६६६ ॥
वीसइमस्स सयस्स चउत्थो उद्देसो समत्तो ॥

परमाणुपोग्गले णं भंते ! कइवन्ने कइगंधे कइरसे ऋइफासे पन्नते ? गोयमा ।
एगवन्ने एगगंधे एगरसे दुफासे पन्नते, तंजहा-जइ एगवन्ने सिय कालए सिय नीलए
सिय लोहिए सिय हालिइए सिय सुक्किइए, जइ एगगंधे सिय सुव्विभगंधे सिय दुव्विभ-
गंधे, जइ एगरसे सिय तित्ते सिय कडुए सिय कत्ताए सिय अंविटे सिय महुरे, जइ
दुफासे सिय सीए य निद्धे य १, सिय सीए य लुकखे य २, सिय उसिणे य निद्धे
य ३, सिय उसिणे य लुकखे य ४ ॥ दुपएसिए णं भंते ! खंधे कइवन्ने० ? एवं जहा
अट्टारसमसए छट्ठुद्देसए जाव सिय चउफासे पन्नते । जइ एगवन्ने सिय कालए जाव
सिय सुक्किइए, जइ दुवन्ने सिय कालए य नीलए य १, सिय कालए य लोहिए य २,
सिय कालए य हालिइए य ३, सिय कालए य सुक्किइए य ४, सिय नीलए य लोहियए
य ५, सिय नीलए य हालिइए य ६, सिय नीलए य सुक्किइए य ७, सिय लोहियए य
हालिइए य ८, सिय लोहियए य सुक्किइए य ९, सिय हालिइए य सुक्किइए य १०, एवं
एए दुयासंजोगे दस भंगा । जइ एगगंधे सिय सुव्विभगंधे सिय दुव्विभगंधे । जइ
दुगंधे सुव्विभगंधे य दुव्विभगंधे य, रसेसु जहा वन्नेसु, जइ दुफासे सिय सीए य
निद्धे य एवं जहेव परमाणुपोग्गले ४, जइ तिफासे सव्वे सीए देसे निद्धे देसे लुकखे
१, सव्वे उसिणे देसे निद्धे देसे लुकखे २, सव्वे निद्धे देसे सीए देसे उसिणे ३, सव्वे
लुकखे देसे सीए देसे उसिणे ४, जइ चउफासे देसे सीए देसे उसिणे देसे निद्धे देसे
लुकखे १, एए नव भंगा फासेसु ॥ तिपएसिए णं भंते ! खंधे कइवन्ने० जहा अट्टार-
समसए छट्ठुद्देसे जाव चउफासे ५०, जइ एगवन्ने सिय कालए जाव सुक्किइए ५, जइ
दुवन्ने सिय कालए य सिय नीलए य १, सिय कालए य नीलगा य २, सिय कालगा
य नीलए य ३, सिय कालए य लोहियए य १, सिय कालए य लोहियगा य २, सिय
कालगा य लोहियए य ३, एवं हालिइएणवि समं भंगा ३, एवं सुक्किइएणवि समं ३,
सिय नीलए य लोहियए य एत्थंपि भंगा ३, एवं हालिइएणवि समं भंगा ३, एवं
सुक्किइएणवि समं भंगा ३, सिय लोहियए य हालिइए य भङ्गा ३, एवं सुक्किइएणवि समं
भंगा ३, सिय हालिइए य सुक्किइए य भंगा ३, एवं सव्वेते दस दुयासंजोगा भंगा
तीसं भवंति, जइ तिवन्ने सिय कालए य नीलए य लोहियए य १, सिय कालए य
नीलए य हालिइए य २, सिय कालए य नीलए य सुक्किइए य ३, सिय कालए य
लोहियए य हालिइए य ४, सिय कालए य लोहियए य सुक्किइए य ५, सिय कालए

य हालिद्ए य सुक्लिद्ए य ६, सिय नीलए य लोहियए य हालिद्ए य ७, सिय नीलए य लोहियए य सुक्लिद्ए य ८, सिय नीलए य हालिद्ए य सुक्लिद्ए य ९, सिय लोहियए य हालिद्ए य सुक्लिद्ए य १०, एवं एए दस तियासंजोगा । जइ एगगंधे सिय सुब्भिगंधे सिय दुब्भिगंधे, जइ दुगंधे सुब्भिगंधे य दुब्भिगंधे य भंगा ३ । रसा जहा वन्ना । जइ दुफासे सिय सीए य निद्धे य एवं जहेव दुपएसियस्स तहेव चत्तारि भंगा, जइ तिफासे सव्वे सीए देसे निद्धे देसे लुकखे १, सव्वे सीए देसे निद्धे देसा लुकखा २, सव्वे सीए देसा निद्धा देसे लुकखे ३, सव्वे उसिणे देसे निद्धे देसे लुकखे एत्थवि भंगा तिन्नि ६, सव्वे निद्धे देसे सीए देसे उसिणे भंगा तिन्नि ९, सव्वे लुकखे देसे सीए देसे उसिणे भंगा तिन्नि एवं १२, जइ चउफासे देसे सीए देसे उसिणे देसे निद्धे देसे लुकखे १, देसे सीए देसे उसिणे देसे निद्धे देसा लुकखा २, देसे सीए देसे उसिणे देसा निद्धा देसे लुकखे ३, देसे सीए देसा उसिणा देसे निद्धे देसे लुकखे ४, देसे सीए देसा उसिणा देसे निद्धे देसा लुकखा ५, देसे सीए देसा उसिणा देसा निद्धा देसे लुकखे ६, देसा सीया देसे उसिणे देसे निद्धे देसे लुकखे ७, देसा सीया देसे उसिणे देसे निद्धे देसा लुकखा ८, देसा सीया देसे उसिणे देसा निद्धा देसे लुकखे ९, एवं एए तिपएसिए फासेसु पणवीसं भंगा ॥ चउप्पएसिए णं भंते ! खंवे कइवन्ने० जहा अट्टारसमसए जाव सिय चउफासे पन्नत्ते, जइ एगवन्ने सिय कालए य जाव सुक्लिद्ए य ५, जइ दुवन्ने सिय कालए य नीलए य १, सिय कालए य नीलगा य २, सिय कालगा य नीलए य ३, सिय कालगा य नीलगा य ४, सिय कालए य लोहियए य एत्थवि चत्तारि भंगा ४, सिय कालए य हालिद्ए य ४, सिय कालए य सुक्लिद्ए य ४, सिय नीलए य लोहियए य ४, सिय नीलए य हालिद्ए य ४, सिय नीलए य सुक्लिद्ए य ४, सिय लोहियए य हालिद्ए य ४, सिय लोहियए य सुक्लिद्ए य ४, सिय हालिद्ए य सुक्लिद्ए य ४, एवं एए दस दुयासंजोगा भंगा पुण चत्तालीसं ४०, जइ तिवन्ने सिय कालए य नीलए य लोहियए य १, सिय कालए य नीलए य लोहियगा य २, सिय काल(ए)गा य नीलगा य लोहियए य ३, सिय कालगा य नीलए य लोहियए य, एए णं चत्तारि भंगा, एवं कालनीलहालिद्एहिं भंगा ४, कालनील-सुक्लिद्० ४, काललोहियहालिद्० ४, काललोहियसुक्लिद्० ४, कालहालिद्सुक्लिद्० ४, नीललोहियहालिद्गणं भंगा ४, नीललोहियसुक्लिद्० ४, नीलहालिद्सुक्लिद्० ४, लोहिय-हालिद्सुक्लिद्गणं भंगा ४, एवं एए दसतियासंजोगा एक्केक्के संजोए चत्तारि भंगा सव्वे ते चत्तालीसं भंगा ४०, जइ चउवन्ने सिय कालए य नीलए य लोहियए य हालिद्ए

य १, सिय कालए य नीलए य लोहियए य सुक्किलए य २, सिय कालए य नीलए य हालिहए य सुक्किलए य ३, सिय कालए य लोहियए य हालिहए य सुक्किलए य ४, सिय नीलए य लोहियए य हालिहए य सुक्किलए य ५, एवमेए चउक्कगसंजोए पंच भंगा, एए सव्वे नउइभंगा, जइ एगगंधे सिय सुब्भिगंधे सिय दुब्भिगंधे, जइ दुगंधे सुब्भिगंधे य दुब्भिगंधे य । रसा जहा वन्ना । जइ दुफासे जहेव परमाणुपोग्गळे ४, जइ तिफासे सव्वे सीए देसे निद्धे देसे लुक्खे १, सव्वे सीए देसे निद्धे देसा लुक्खा २, सव्वे सीए देसा निद्धा देसे लुक्खे ३, सव्वे सीए देसा निद्धा देसा लुक्खा ४, सव्वे उत्तिणे देसे निद्धे देसे लुक्खे एवं भंगा ४, सव्वे निद्धे देसे सीए देसे उत्तिणे ४, सव्वे लुक्खे देसे सीए देसे उत्तिणे ४, एए तिफासे सोलस भंगा, जइ चउफासे देसे सीए देसे उत्तिणे देसे निद्धे देसे लुक्खे १, देसे सीए देसे उत्तिणे देसे निद्धे देसा लुक्खा २, देसे सीए देसे उत्तिणे देसा निद्धा देसे लुक्खे ३, देसे सीए देसे उत्तिणे देसा निद्धा देसा लुक्खा ४, देसे सीए देसा उत्तिणा देसे निद्धे देसे लुक्खे ५, देसे सीए देसा उत्तिणा देसे निद्धे देसा लुक्खा ६, देसे सीए देसा उत्तिणा देसा निद्धा देसे लुक्खे ७, देसे सीए देसा उत्तिणा देसा निद्धा देसा लुक्खा ८, देसा सीया देसे उत्तिणे देसे निद्धे देसे लुक्खे ९, एवं एए चउफासे सोलस भंगा भाणियव्वा जाव देसा सीया देसा उत्तिणा देसा निद्धा देसा लुक्खा, सव्वे एए फासेसु छत्तीसं भंगा ॥ पंचपएसिए णं भंते ! खंधे कइवन्ने० जहा अट्टारसमसए जाव सिय चउफासे प०, जइ एगवन्ने एगवन्नदुवन्ना जहेव चउप्पएसिए, जइ तिवन्ने सिय कालए य नीलए य लोहियए य १, सिय कालए य नीलए य लोहियगा य २, सिय कालए य नीलगा य लोहियए य ३, सिय कालए य नीलगा य लोहियगा य ४, सिय काल(गा)ए य नीलए य लोहियए य ५, सिय कालगा य नीलए य लोहियगा य ६, सिय कालगा य नीलगा य लोहियए य ७, सिय कालए य नीलए य हालिहए य एत्थवि सत्त भंगा ७, एवं कालगनीलगसुक्किलएसु सत्त भंगा ७, कालगलोहियहालिहएसु ७, कालगलोहियसुक्किलेसु ७, कालगहालिहसुक्किलेसु ७, नीलगलोहियहालिहएसु ७, नीलगलोहियसुक्किलेसु सत्त भंगा ७, नीलगहालिहसुक्किलेसु ७, लोहियहालिहसुक्किलेसुवि सत्त भंगा ७, एवमेए तियासंजोएणं सत्तरि भंगा, जइ चउवन्ने सिय कालए य नीलए य लोहियए य हालिहए य १, सिय कालए य नीलए य लोहियए य हालिहगा य २, सिय कालए य नीलए य लोहियगा य हालिहगे य ३, सिय कालए य नीलगा य लोहियगे य हालिहगे य ४, सिय कालगा य नीलए य लोहियगे य हालिहगे य ५, एए पंच भंगा, सिय कालए य नीलए य लोहियए य सुक्किलए य एत्थवि पंच भंगा, एवं कालगनीलग-

हालिहसुक्लिहसुवि पंच भंगा, कालगलोहियहालिहसुक्लिहसुवि पंच भंगा ५, नीलग-
लोहियहालिहसुक्लिहसुवि पंच भंगा, एवमेए चउक्कगसंजोएणं पणवीसं भंगा, जइ पंच-
वन्ने कालए य नीलए य लोहियए य हालिहए य सुक्लिहए य सव्वमेए एकगदुयगतिय-
गचउक्कपंचगसंजोगेणं ईयालं भंगसयं भवइ । गंधा जहा चउप्पएसियस्स । रसा जहा
चन्ना । फासा जहा चउप्पएसियस्स ॥ छप्पएसिए णं भंते ! खंधे कइवन्ने ० ? एवं
जहा पंचपएसिए जाव सिय चउफासे पन्नत्ते, जइ एगवन्ने एगवन्नदुवन्ना जहा
पंचपएसियस्स, जइ तिवन्ने सिय कालए य नीलए य लोहियए य एवं जहेव
पंचपएसियस्स सत्त भंगा जाव सिय कालगा य नीलगा य लोहियए य ७, सिय
कालगा य नीलगा य लोहियगा य ८, एए अट्ठ भन्ना, एवमेए दस तियासंजोगा
एक्केक्कए संजोगे अट्ठ भंगा, एवं सव्वेवि तियगसंजोगे असीइ भंगा, जइ चउवन्ने
सिय कालए य नीलए य लोहियए य हालिहए य १, सिय कालए य नीलए य
लोहियए य हालिहगा य २, सिय कालए य नीलए य लोहियगा य हालिहए य ३,
सिय कालए य नीलए य लोहियगा य हालिहगा य ४, सिय कालए य नीलगा य
लोहियए य हालिहए य ५, सिय कालए य नीलगा य लोहियए य हालिहगा य ६,
सिय कालए य नीलगा य लोहियगा य हालिहए य ७, सिय कालगा य नीलए य
लोहियए य हालिहए य ८, सिय कालगा य नीलए य लोहियए य हालिहगा य ९,
सिय कालगा य नीलए य लोहियगा य हालिहए य १०, सिय कालगा य नीलगा य
लोहियए य हालिहए य ११, एए एक्कारस भंगा, एवमेए पंचचउक्कासंजोगा कायव्वा,
एक्केक्कसंजोए एक्कारस भंगा, सव्वेते चउक्कगसंजोगेणं पणपन्नं भंगा, जइ पंचवन्ने
सिय कालए य नीलए य लोहियए य हालिहए य सुक्लिहए य १, सिय कालए य
नीलए य लोहियए य हालिहए य सुक्लिहगा य २, सिय कालए य नीलए य लोहियगे
य हालिहगा य सुक्लिहगे य ३, सिय कालए य नीलए य लोहियगा य हालिहए य
सुक्लिहए य ४, सिय कालए य नीलगा य लोहियए य हालिहए य सुक्लिहए य ५,
सिय कालगा य नीलए य लोहियए य हालिहए य सुक्लिहए य ६, एवं एए छव्वभंगा
भाणियव्वा, एवमेए सव्वेवि एकगदुयगतियगचउक्कगपंचगसंजोगेसु छासीयं भंगसयं
भवइ । गंधा जहा पंचपएसियस्स । रसा जहा एयस्स चेव वन्ना, फासा जहा चउ-
प्पएसियस्स ॥ सत्तपएसिए णं भंते ! खंधे कइवन्ने ० ? जहा पंचपएसिए जाव सिय
चउफासे ५०, जइ एगवन्ने एवं एगवन्नदुवण्णतिवन्ना जहा छप्पएसियस्स, जइ चउ-
वन्ने सिय कालए य नीलए य लोहियए य हालिहए य १, सिय कालए य नीलए
य लोहियए य हालिहगा य २, सिय कालए य नीलए य लोहियगा य हालिहए य

३, एवमेते चउक्कसंजोगेणं पन्नरस भंगा भाणियव्वा जाव सिय कालगा य नीलगा य लोहियगा य हालिद्दए य १५, एवमेए पंचचउक्कसंजोगा नेयव्वा एक्केक्के संजोए पन्नरस भंगा, सव्वमेए पंचसत्तरिं भंगा भवंति । जइ पंचवन्ने सिय कालए य नीलए य लोहियए य हालिद्दए य सुक्किल्लए य १, सिय कालए य नीलए य लोहियए य हालिद्दए य सुक्किल्लगा य २, सिय कालए य नीलए य लोहियए य हालिद्दगा य सुक्किल्लए य ३, सिय कालए य नीलए य लोहियए य हालिद्दगा य सुक्किल्लगा य ४, सिय कालए य नीलए य लोहियगा य हालिद्दए य सुक्किल्लए य ५, सिय कालए य नीलए य लोहियगा य हालिद्दए य सुक्किल्लगा य ६, सिय कालए य नीलए य लोहियगा य हालिद्दगा य सुक्किल्लए य ७, सिय कालए य नीलगा य लोहियए य हालिद्दए य सुक्किल्लए य ८, सिय कालए य नीलगा य लोहियए य हालिद्दए य सुक्किल्लगा य ९, सिय कालगे य नीलगा य लोहियए य हालिद्दगा य सुक्किल्लगे य १०, सिय कालए य नीलगा य लोहियगा य हालिद्दए य सुक्किल्लए य ११, सिय कालगा य नीलए य लोहियए य हालिद्दए य सुक्किल्लए य १२, सिय कालगा य नीलए य लोहियए य हालिद्दए य सुक्किल्लगा य १३, सिय कालगा य नीलए य लोहियए य हालिद्दगा य सुक्किल्लए य १४, सिय कालगा य नीलए य लोहियगा य हालिद्दए य सुक्किल्लए य १५, सिय कालगा य नीलगा य लोहियए य हालिद्दए य सुक्किल्लए य १६, एए सोलस भंगा, एवं सव्वमेए एक्कगदुयगतियगचउक्कगपंचगसंजोगेणं दो सोलस भंगसया भवंति, गंधा जहा चउप्पएसियस्स, रसा जहा एयस्स चैव वन्ना, फासा जहा चउप्पएसियस्स ॥ अट्ठपएसिए णं भंते ! खंधे० पुच्छा, गोयमा ! सिय एगवन्ने जहा सत्तपएसियस्स जाव सिय चउफासे प०; जइ एगवन्ने एवम एगवन्नदुवन्नतिवन्ना जहेव सत्तपएसिए, जइ चउवन्ने सिय कालए य नीलए य लोहियए य हालिद्दए य १, सिय कालए य नीलए य लोहियए य हालिद्दगा य २, एवं जहेव सत्तपएसिए जाव सिय कालगा य नीलगा य लोहियगा य हालिद्दगे य १५, सिय कालगा य नीलगा य लोहियगा य हालिद्दगा य १६, एए सोलस भंगा, एवमेए पंच चउक्कसंजोगा, एवमेए असीइ भंगा ८०, जइ पंचवन्ने सिय कालए य नीलए य लोहियए य हालिद्दए य सुक्किल्लए य १, सिय कालए य नीलए य लोहियए य हालिद्दए य सुक्किल्लगा य २, एवं एएणं कमेणं भंगा चा(उच्चा)रेयव्वा जाव सिय कालए य नीलगा य लोहियगा य हालिद्दगा य सुक्किल्लए य १५, एसो पन्नरसमो भंगो, सिय कालगा य नीलगे य लोहियए य हालिद्दए य सुक्किल्लए य १६, सिय कालगा य नीलगे य लोहियए य हालिद्दए य सुक्किल्लगा य

१७, सिय कालगा य नीलए य लोहियए य हालिद्गा य सुक्किल्लगे य १८, सिय कालगा य नीलगे य लोहियगे य हालिद्गा य सुक्किल्लगा य १९, सिय कालगा य नीलगे य लोहियगा य हालिद्ए य सुक्किल्लए य २०, सिय कालगा य नीलगे य लोहियगा य हालिद्ए य सुक्किल्लगा य २१, सिय कालगा य नीलगे य लोहियगा य हालिद्गा य सुक्किल्लगे य २२, सिय कालगा य नीलगा य लोहियए य हालिद्ए य सुक्किल्लए य २३, सिय कालगा य नीलगा य लोहियगे य हालिद्ए य सुक्किल्लगा य २४, सिय कालगा य नीलगा य लोहियगे य हालिद्गा य सुक्किल्लए य २५, सिय कालगा य नीलगा य लोहियगा य हालिद्ए य सुक्किल्लए य २६, एए पंचसंजोएणं छव्वीसं भंगा भवंति, एवामेव सपुव्वावरेणं एकगदुयगतियगच्चउक्कगपंचगसंजोगेहिं दो एकतीसं भंगसया भवंति, गंधा जहा सत्तपएसियस्स, रसा जहा एयस्स चैव वन्ना, फासा जहा चउप्पएसियस्स ॥ नवपएसियस्स पुच्छा, गोयमा ! सिय एगवन्ने जहा अट्टपएसिए जाव सिय चउफासे ५०, जइ एगवन्ने एगवन्नदुवन्नतिवन्नचउवन्ना जहेव अट्टपएसियस्स, जइ पंचवन्ने सिय कालए य नीलए य लोहियए य हालिद्ए य सुक्किल्लए य १, सिय कालए य नीलए य लोहियए य हालिद्ए य सुक्किल्लगा य २, एवं परिवाडीए एकतीसं भंगा भाणियव्वा जाव सिय कालगा य नीलगा य लोहियगा य हालिद्गा य सुक्किल्लए य ३१, एवं एकगदुयगतियगच्चउक्कगपंचगसंजोगेहिं दो छत्तीसा भंगसया भवंति, गंधा जहा अट्टपएसियस्स, रसा जहा एयस्स चैव वन्ना, फासा जहा चउप्पएसियस्स । दसपएसिए णं भंते ! खंधे० पुच्छा, गोयमा ! सिय एगवन्ने जहा नवपएसिए जाव सिय चउफासे पन्नत्ते, जइ एगवन्ने एगवन्नदुवन्नतिवन्नचउवन्ना जहेव नवपएसियस्स, पंचवन्नेवि तहेव नवरं वत्तीसइमोवि भंगो भन्नइ, एवमेए एकगदुयगतियगच्चउक्कगपंचगसंजोएसु दोन्नि सत्तती(सं)सा भंगसया भवंति, गंधा जहा नवपएसियस्स, रसा जहा एयस्स चैव वन्ना, फासा जहा चउप्पएसियस्स । जहा दसपएसिओ एवं संखेजपएसिओवि, एवं असंखेजपएसिओवि, सुहुमपरिणओवि अणंतपएसिओवि एवं चैव ॥ ६६७ ॥ वायरपरिणए णं भंते ! अणंतपएसिए खंधे कइवन्ने० ? एवं जहा अट्टारसमसए जाव सिय अट्टफासे पन्नत्ते, चन्नगंधरसा जहा दसपएसियस्स, जइ चउफासे सव्वे कक्खडे सव्वे गुरुए सव्वे सीए सव्वे निद्धे १, सव्वे कक्खडे सव्वे गुरुए सव्वे सीए सव्वे लुक्खे २, सव्वे कक्खडे सव्वे गुरुए सव्वे उत्तिणे सव्वे निद्धे ३, सव्वे कक्खडे सव्वे गुरुए सव्वे उत्तिणे सव्वे लुक्खे ४, सव्वे कक्खडे सव्वे लहुए सव्वे सीए सव्वे निद्धे ५, सव्वे कक्खडे सव्वे लहुए सव्वे सीए सव्वे लुक्खे ६, सव्वे कक्खडे सव्वे लहुए सव्वे

उत्तिणे सव्वे निद्धे ७, सव्वे कक्खडे सव्वे लहुए सव्वे उत्तिणे सव्वे लुक्खे ८, सव्वे मउए सव्वे गुरुए सव्वे सीए सव्वे निद्धे ९, सव्वे मउए सव्वे गुरुए सव्वे सीए सव्वे लुक्खे १०, सव्वे मउए सव्वे गुरुए सव्वे उत्तिणे सव्वे निद्धे ११, सव्वे मउए सव्वे गुरुए सव्वे उत्तिणे सव्वे लुक्खे १२, सव्वे मउए सव्वे लहुए सव्वे सीए सव्वे निद्धे १३, सव्वे मउए सव्वे लहुए सव्वे सीए सव्वे लुक्खे १४, सव्वे मउए सव्वे लहुए सव्वे उत्तिणे सव्वे निद्धे १५, सव्वे मउए सव्वे लहुए सव्वे उत्तिणे सव्वे लुक्खे १६, एए सोलस भंगा ॥ जइ पंचफासे सव्वे कक्खडे सव्वे गुरुए सव्वे सीए देसे निद्धे देसे लुक्खे १, सव्वे कक्खडे सव्वे गुरुए सव्वे सीए देसे निद्धे देसा लुक्खा २, सव्वे कक्खडे सव्वे गुरुए सव्वे सीए देसा निद्धा दे(सा)से लुक्खे ३, सव्वे कक्खडे सव्वे गुरुए सव्वे सीए देसा निद्धा देसा लुक्खा ४, सव्वे कक्खडे सव्वे गुरुए सव्वे उत्तिणे देसे निद्धे देसे लुक्खे ४, सव्वे कक्खडे सव्वे लहुए सव्वे सीए देसे निद्धे देसे लुक्खे ४, सव्वे कक्खडे सव्वे लहुए सव्वे उत्तिणे देसे निद्धे देसे लुक्खे । ४ । एवं एए कक्खडेणं सोलस भंगा । सव्वे मउए सव्वे गुरुए सव्वे सीए देसे निद्धे देसे लुक्खे ४, एवं मउएणवि समं सोलस भंगा, एवं वत्तीसं भंगा । सव्वे कक्खडे सव्वे गुरुए सव्वे निद्धे देसे सीए देसे उत्तिणे ४, सव्वे कक्खडे सव्वे गुरुए सव्वे लुक्खे देसे सीए देसे उत्तिणे ४, एए वत्तीसं भंगा, सव्वे कक्खडे सव्वे सीए सव्वे निद्धे देसे गुरुए देसे लहुए ४, एत्थवि वत्तीसं भंगा, सव्वे गुरुए सव्वे सीए सव्वे निद्धे देसे कक्खडे देसे मउए ४, एत्थवि वत्तीसं भंगा, एवं सव्वेते पंचफासे अट्ठावीसं भंगसयं भवइ । जइ छप्फासे सव्वे कक्खडे सव्वे गुरुए देसे सीए देसे उत्तिणे देसे निद्धे देसे लुक्खे १, सव्वे कक्खडे सव्वे गुरुए देसे सीए देसे उत्तिणे देसे निद्धे देसा लुक्खा २, एवं जाव सव्वे कक्खडे सव्वे गुरुए देसा सीया देसा उत्तिणा देसा निद्धा देसा लुक्खा १६, एए सोलस भंगा । सव्वे कक्खडे सव्वे लहुए देसे सीए देसे उत्तिणे देसे निद्धे देसे लुक्खे एत्थवि सोलस भंगा, सव्वे मउए सव्वे गुरुए देसे सीए देसे उत्तिणे देसे निद्धे देसे लुक्खे एत्थवि सोलस भंगा, सव्वे मउए सव्वे लहुए देसे सीए देसे उत्तिणे देसे निद्धे देसे लुक्खे एत्थवि सोलस भंगा, एए चउसट्ठिं भंगा, सव्वे कक्खडे सव्वे सीए देसे गुरुए देसे लहुए देसे निद्धे देसे लुक्खे एवं जाव सव्वे मउए सव्वे उत्तिणे देसा गुरुया देसा लहुया देसा निद्धा देसा लुक्खा एत्थवि चउसट्ठिं भंगा, सव्वे कक्खडे सव्वे निद्धे देसे गुरुए देसे लहुए देसे सीए देसे उत्तिणे जाव सव्वे मउए सव्वे लुक्खे देसा गुरुया देसा लहुया देसा सीया देसा उत्तिणा

१६, एए चउसट्ठि भंगा, सव्वे गुरुए सव्वे सीए देसे कक्खडे देसे मउए देसे निद्धे देसे लुक्खे एवं जाव सव्वे लहुए सव्वे उसिणे देसा कक्खडा देसा निद्धा देसा मउया देसा लुक्खा, एए चउसट्ठि भंगा, सव्वे गुरुए सव्वे निद्धे देसे कक्खडे देसे मउए देसे सीए देसे उसिणे जाव सव्वे लहुए सव्वे लुक्खे देसा कक्खडा देसा मउया देसा सीया देसा उसिणा, एए चउसट्ठि भंगा, सव्वे सीए सव्वे निद्धे देसे कक्खडे देसे मउए देसे गुरुए देसे लहुए जाव सव्वे उसिणे सव्वे लुक्खे देसा कक्खडा देसा मउया देसा गुरुया देसा लहुया, एवमेए चउसट्ठि भंगा, सव्वे ते छप्पासे तिन्निचउरासीया भंगसया भवंति ३८४ । जइ सत्तप्पासे सव्वे कक्खडे देसे गुरुए देसे लहुए देसे सीए देसे उसिणे देसे निद्धे देसे लुक्खे १, सव्वे कक्खडे देसे गुरुए देसे लहुए देसे सीए देसे उसिणे देसा निद्धा देसा लुक्खा ४, सव्वे कक्खडे देसे गुरुए देसे लहुए देसे सीए देसा उसिणा देसे निद्धे दे(से)सा लुक्खा ४, सव्वे कक्खडे देसे गुरुए देसे लहुए देसा सीया देसे उसिणे देसे निद्धे देसे लुक्खे ४, सव्वे कक्खडे देसे गुरुए देसे लहुए देसा सीया देसा उसिणा देसे निद्धे देसे लुक्खे, सव्वेए सोलस भंगा भाणियव्वा, सव्वे कक्खडे देसे गुरुए देसा लहुया देसे सीए देसे उसिणे देसे निद्धे देसे लुक्खे, एवं गुरुएणं एगत्तेणं लहुएणं पुहुत्तेणं एएवि सोलस भंगा, सव्वे कक्खडे देसा गुरुया देसे लहुए देसे सीए देसे उसिणे देसे निद्धे देसे लुक्खे एएवि सोलस भंगा भाणियव्वा, सव्वे कक्खडे देसा गुरुया देसा लहुया देसे सीए देसे उसिणे देसे निद्धे देसे लुक्खे एएवि सोलस भंगा भाणियव्वा, एवमेए चउसट्ठि भंगा कक्खडेण समं, सव्वे मउए देसे गुरुए देसे लहुए देसे सीए देसे उसिणे देसे निद्धे देसे लुक्खे । एवं मउएणवि समं चउसट्ठि भंगा भाणियव्वा, सव्वे गुरुए देसे कक्खडे देसे मउए देसे सीए देसे उसिणे देसे निद्धे देसे लुक्खे एवं गुरुएणवि समं चउसट्ठि भंगा कायव्वा, सव्वे लहुए देसे कक्खडे देसे मउए देसे सीए देसे उसिणे देसे निद्धे देसे लुक्खे एवं लहुएणवि समं चउसट्ठि भंगा कायव्वा, सव्वे सीए देसे कक्खडे देसे मउए देसे गुरुए देसे लहुए देसे निद्धे देसे लुक्खे एवं सीएणवि समं चउसट्ठि भंगा कायव्वा, सव्वे उसिणे देसे कक्खडे देसे मउए देसे गुरुए देसे लहुए देसे निद्धे देसे लुक्खे एवं उसिणेणवि समं चउसट्ठि भंगा कायव्वा, सव्वे निद्धे देसे कक्खडे देसे मउए देसे गुरुए देसे लहुए देसे सीए देसे उसिणे एवं निद्धेणवि समं चउसट्ठि भंगा कायव्वा, सव्वे लुक्खे देसे कक्खडे देसे मउए देसे गुरुए देसे लहुए देसे सीए देसे उसिणे एवं लुक्खेणवि समं चउसट्ठि भंगा कायव्वा जाव सव्वे लुक्खे देसा कक्खडा देसा

मउया देसा गुह्या देसा लहुया देसा सीया देसा उसिणां, एवं सत्ताफासे पंचवार-
सुत्तरा भंगसया भवंति । ॥ ६६३ ॥ अट्टफासे देसे कक्खडे देसे मउए देसे गुरुए देसे
लहुए देसे सीए देसे उसिणे देसे निद्धे देसे लुक्खे ४, देसे कक्खडे देसे मउए देसे
गुरुए देसे लहुए देसे सीए देसा उसिणा देसे निद्धे देसे लुक्खे ४, देसे कक्खडे देसे
मउए देसे गुरुए देसे लहुए देसा सीया दे(सा)से उसिणे देसे निद्धे देसे लुक्खे ४,
देसे कक्खडे देसे मउए देसे गुरुए देसे लहुए देसा सीया देसा उसिणा देसे निद्धे
देसे लुक्खे ४, एए चत्तारि चउक्का सोलस भंगा, देसे कक्खडे देसे मउए देसे
गुरुए देसा लहुया देसे सीए देसे उसिणे देसे निद्धे देसे लुक्खे, एवं एए गुरुएणं
एगत्तएणं लहुएणं पोहत्तएणं सोलस भंगा कायव्वा, देसे कक्खडे देसे मउए देसा
गुह्या देसे लहुए देसे सीए देसे उसिणे देसे निद्धे देसे लुक्खे एएवि सोलस
भंगा कायव्वा, देसे कक्खडे देसे मउए देसा गुह्या देसा लहुया देसे सीए देसे
उसिणे देसे निद्धे देसे लुक्खे एएवि सोलस भंगा कायव्वा, सव्वेऽवि ते चउसट्ठिं
भंगा कक्खडमउएहिं एगत्तएहिं, ताहे कक्खडेणं एगत्तएणं मउएणं पुहत्तेणं एए चेव
चउसट्ठिं भंगा कायव्वा, ताहे कक्खडेणं पुहत्तएणं मउएणं एगत्तएणं चउसट्ठिं भंगा
कायव्वा, ताहे एएहिं चेव दोहिवि पुहुत्तेहिं चउसट्ठिं भंगा कायव्वा जाव देसा
कक्खडा देसा मउया देसा गुह्या देसा लहुया देसा सीया देसा उसिणा देसा
निद्धा देसा लुक्खा एसो अपच्छिमो भंगो, सव्वेते अट्टफासे दो छप्पन्ना भंगसया
भवन्ति । एवं एए वायरपरिणए अणंतपएसिए खंधे सव्वेसु संजोएसु बारस छन्नउया
भंगसया भवंति ॥ ६६८ ॥ कइविहे णं भंते ! परमाणू प० ? गोयमा ! चउव्विहे
परमाणू प०, तं०-दव्वपरमाणू, खेत्तपरमाणू, कालपरमाणू, भावपरमाणू, दव्व-
परमाणू णं भंते ! कइविहे प० ? गोयमा ! चउव्विहे प०, तं०-अच्छेज्जे, अभेज्जे,
अडज्जे, अगेज्जे, खेत्तपरमाणू णं भंते ! कइविहे प० ? गोयमा ! चउव्विहे प०,
तं०-अणद्धे, अमज्जे, अपएसे, अविभाइमे, कालपरमाणू पुच्छा, गोयमा ! चउव्विहे
प०, तं०-अवज्जे, अगंधे, अरसे, अफासे, भावपरमाणू णं भंते ! कइविहे प० ?
गोयमा ! चउव्विहे प०, तं०-वन्नमंते, गंधमंते, रसमंते, फासमंते । सेवं भंते ! २
ति जाव विहरइ ॥ ६६९ ॥ वीसइमस्स सयस्स पंचमो उद्देसो समत्तो ॥
पुढविकाइए णं भंते ! इमीसे रयणप्पभाए य सक्करप्पभाए य अंतरा समोहए
समोहणित्ता जे भविए सोहम्मे कप्पे पुढविकाइयत्ताए उववज्जितए से णं भंते ! किं
पुव्वि उववज्जित्ता पच्छा आहारेज्जा पुव्वि आहारित्ता पच्छा उववज्जेज्जा ? गोयमा !
पुव्वि वा उववज्जित्ता एवं जहा सत्तरसमसए छड्ढेसए जाव से तेणट्ठेणं गोयमा !
५१ सुत्ता०

एवं वुच्चइ पुंवि वा जाव उववज्जेजा नवरं तहिं संपाउणेजा इमेहिं आहारो भनइ
 सेसं तं चेव । पुढविकाइए णं भंते ! इमीसे रयणप्पभाए पुढवीए सक्करप्पभाए पुढवीए
 अंतरा समोहए जे भविए ईसाणे कप्पे पुढविकाइयत्ताए उववज्जितए एवं चेव, एवं
 जाव ईसिप्पब्भाराए उववाएयव्वो । पुढविकाइए णं भंते ! सक्करप्पभाए पुढवीए
 वालुयप्पभाए पुढवीए अंतरा समोहए २ ता जे भविए सोहम्मे जाव ईसिप्पब्भाराए,
 एवं एएणं कमेणं जाव तमाए अहेसत्तमाए य पुढवीए अंतरा समोहए २ ता जे
 भविए सोहम्मे कप्पे जाव ईसिप्पब्भाराए उववाएयव्वो । पुढविकाइए णं भंते !
 सोहम्मीसाणाणं सणंकुमारमाहिंदाण य कप्पाणं अंतरा समोहए २ ता जे भविए
 इमीसे रयणप्पभाए पुढवीए पुढविकाइयत्ताए उववज्जितए से णं भंते ! पुंवि उव-
 वज्जिता पच्छा आहारेजा सेसं तं चेव जाव से तेणट्ठेणं जाव णिकखेवओ । पुढ-
 विकाइए णं भंते ! सोहम्मीसाणाणं सणंकुमारमाहिंदाण य कप्पाणं अंतरा समोहए
 २ ता जे भविए सक्करप्पभाए पुढवीए पुढविकाइयत्ताए उववज्जितए एवं चेव, एवं
 जाव अहेसत्तमाए उववाएयव्वो, एवं सणंकुमारमाहिंदाणं वंभलोगस्स कप्पस्स
 अंतरा समोहए समोहणित्ता पुणरवि जाव अहेसत्तमाए उववाएयव्वो, एवं वंभलो-
 गस्स लंतगस्स य कप्पस्स अंतरा समोहए पुणरवि जाव अहेसत्तमाए, एवं लंत-
 गस्स महासुक्कस्स कप्पस्स य अंतरा समोहए पुणरवि जाव अहेसत्तमाए, एवं
 महासुक्कस्स सहस्सारस्स य कप्पस्स अंतरा पुणरवि जाव अहेसत्तमाए, एवं सह-
 स्सारस्स आणयपाणयकप्पाणं अंतरा पुणरवि जाव अहेसत्तमाए, एवं आणयपाण-
 याणं आरणअञ्जुयाण य कप्पाणं अंतरा पुणरवि जाव अहेसत्तमाए, एवं आरणअञ्जु-
 याणं गेवेज्जविमाणाण य अंतरा पुणरवि जाव अहेसत्तमाए, एवं गेवेज्जविमाणाणं
 अणुत्तरविमाणाण य अंतरा पुणरवि जाव अहेसत्तमाए, एवं अणुत्तरविमाणाणं ईसि-
 प्पब्भाराए य पुणरवि जाव अहेसत्तमाए उववाएयव्वो ॥ ६७० ॥ आउक्काइए णं
 भंते ! इमीसे रयणप्पभाए य सक्करप्पभाए य पुढवीए अंतरा समोहए समोहणित्ता
 जे भविए सोहम्मे कप्पे आउक्काइयत्ताए उववज्जितए सेसं जहा पुढविकाइयस्स
 जाव से तेणट्ठेणं, एवं पढमादोचाणं अंतरा समोहओ जाव ईसिप्पब्भाराए उववाए-
 यव्वो, एवं एएणं कमेणं जाव तमाए अहेसत्तमाए य पुढवीए अंतरा समोहए २
 ता जाव ईसिप्पब्भाराए उववाएयव्वो आउक्काइयत्ताए, आउक्काइए णं भंते ! सोह-
 म्मीसाणाणं सणंकुमारमाहिंदाण य कप्पाणं अंतरा समोहए समोहणित्ता जे भविए
 इमीसे रयणप्पभाए पुढवीए घणोदहि(२)-वलएणु आउक्काइयत्ताए उववज्जितए सेसं
 तं चेव एवं एएहिं चेव अंतरा समोहए जाव अहेसत्तमाए पुढवीए घणोदहिवलएणु

आउक्काइयत्ताए उववाएयव्वो, एवं जाव अणुत्तरविमाणणं ईसिप्पव्वभाराए पुढवीए अंतरा समोहए जाव अहेसत्तमाए घणोदहिवलएसु उववाएयव्वो ॥ ६७१ ॥ वाउक्काइए णं भंते ! इमीसे रयणप्पभाए पुढवीए सक्करप्पभाए पुढवीए अंतरा समोहए समोहणित्ता जे भविए सोहम्मसे कपे वाउक्काइयत्ताए उववज्जित्तए एवं जहा सत्तरसमसए वाउक्काइयउद्देसए तहा इहवि, नवरं अंतरेसु समोहणा नेयव्वा सेसं तं चेव जाव अणुत्तरविमाणणं ईसिप्पव्वभाराए य पुढवीए अंतरा समोहए समोहणित्ता जे भविए घणवायतणुवाए घणवायतणुवायवलएसु वाउक्काइयत्ताए उववज्जित्तए सेसं तं चेव जाव से तेणट्ठेणं जाव उववज्जेज्जा । सेवं भंते ! २ त्ति ॥ ६७२ ॥ वीसइमस्स सयस्स छट्ठो उद्देसो समत्तो ॥

कइविहे णं भंते ! वंधे प० ? गोयमा ! तिविहे वंधे प०, तं०—जीवप्पओगवंधे, अणंतरवंधे, परंपरवंधे । नेरइयाणं भंते ! कइविहे वंधे प० ? एवं चेव, एवं जाव वेमाणियाणं । नाणावरणिज्जस्स णं भंते ! कम्मस्स कइविहे वंधे प० ? गोयमा ! तिविहे वंधे प०, तं०—जीवप्पओगवंधे, अणंतरवंधे, परंपरवंधे, नेरइयाणं भंते ! नाणावरणिज्जस्स कम्मस्स कइविहे वंधे प० ? एवं चेव, एवं जाव वेमाणियाणं, एवं जाव अंतराइयस्स । नाणावरणिज्जोदयस्स णं भंते ! कम्मस्स कइविहे वंधे प० ? गोयमा ! तिविहे वंधे प० एवं चेव, एवं नेरइयाणवि एवं जाव वेमाणियाणं, एवं जाव अंतराइयउदयस्स, इत्थीवेयस्स णं भंते ! कइविहे वंधे प० ? गोयमा ! तिविहे वंधे प० एवं चेव, असुरकुमाराणं भंते ! इत्थीवेयस्स कइविहे वंधे प० ? गोयमा ! तिविहे वंधे प० एवं चेव, एवं जाव वेमाणियाणं, नवरं जस्स इत्थिवेदो अत्थि, एवं पुरिसवेयस्सवि, एवं नपुंसगवेयस्सवि जाव वेमाणियाणं, नवरं जस्स जो अत्थि वेदो, दंसणमोहणिज्जस्स णं भंते ! कम्मस्स कइविहे वंधे प० ? एवं चेव निरंतरं जाव वेमाणियाणं, एवं चरित्तमोहणिज्जस्सवि जाव वेमाणियाणं, एवं एएणं क्रमेणं ओरालियसरीरस्स जाव कम्मगसरीरस्स, आहारसन्नाए जाव परिग्गहसण्णाए, कण्हलेस्साए जाव सुक्कलेस्साए, सम्मदिट्ठीए मिच्छादिट्ठीए सम्मामिच्छादिट्ठीए, आभिणिवोहियणाणस्स जाव केवलनाणस्स, मइअन्नाणस्स सुयअन्नाणस्स विभंगनाणस्स, एवं आभिणिवोहियणाणविसयस्स णं भंते ! कइविहे वंधे प० जाव केवलनाणविसयस्स मइअन्नाणविसयस्स सुयअन्नाणविसयस्स विभंगणाणविसयस्स एएसिं सव्वेसिं पयाणं तिविहे वंधे प०, सव्वेते चउव्वीसं दंडगा भाणियव्वा, नवरं जाणियव्वं जस्स जइ अत्थि जाव वेमाणियाणं भंते ! विभंगणाणविसयस्स कइविहे वंधे प० ? गोयमा ! तिविहे वंधे प०, तं०—जीवप्पओगवंधे, अणंतरवंधे, परंपरवंधे, सेवं भंते ! २ त्ति जाव विहरइ ॥ ६७३ ॥ वीसइमस्स सयस्स सत्तमो उद्देसो समत्तो ॥

कइ णं भंते ! कम्मभूमीओ प० ? गोयमा ! पन्नरस कम्मभूमीओ प०, तं०-पंच
 भरहाइं, पंच एरवयाइं, पंच महाविदेहाइं, कइ णं भंते ! अकम्मभूमीओ प० ?
 गोयमा ! तीसं अकम्मभूमीओ प०, तं०-पंच हेमवयाइं, पंच हे(ए)रन्नवयाइं, पंच हरी-
 वासाइं, पंच रम्मगवासाइं, पंच देवकुराइं, पंच उत्तरकुराइं, एयासु णं भंते ! तीसासु
 अकम्मभूमीसु अत्थि उस्सप्पिणीइ वा ओसप्पिणीइ वा ? णो इण्ठे समट्ठे, एएसु
 णं भंते ! पंचसु भरहेसु पंचसु एरवएसु अत्थि उस्सप्पिणीइ वा ओसप्पिणीइ वा ?
 हंता अत्थि, एएसु णं पंचसु महाविदेहेसु०, णेवत्थि उस्सप्पिणी नेवत्थि ओस-
 प्पिणी अवट्ठिए णं तत्थ काले प० समणाउसो ! ॥ ६७४ ॥ एएसु णं भंते ! पंचसु
 महाविदेहेसु अरिहंता भगवंतो पंचमहव्वइयं सपडिक्कमणं धम्मं पन्नवयंति ? णो
 इण्ठे समट्ठे, एएसु णं पंचसु भरहेसु पंचसु एरवएसु पु(रिम)रच्छिमप(च्च)च्छिमगा
 दुवे अरिहंता भगवंतो पंचमहव्वइयं पंचाणुव्वइयं सपडिक्कमणं धम्मं पन्न(वै)वयंति,
 अवसेसा णं अरिहंता भगवंतो चाउज्जामं धम्मं पन्नवयंति, एएसु णं पंचसु महावि-
 देहेसु अरिहंता भगवंतो चाउज्जामं धम्मं पन्नवयंति । जंबुद्वीवे णं भंते ! दीवे भारहे
 वासे इमीसे ओसप्पिणीए कइ तित्थगरा पन्नत्ता ? गोयमा ! चउव्वीसं तित्थगरा
 पन्नत्ता, तंजहा-उसभअजियसंभवअभिनंदणसुमइसुप्पभसुपासससिपुप्फदंतसीयलसे-
 जंसवासुपुज्जविमलअणंतधम्मसंतिकुंथुअरमल्लिमु णिसुव्वयनमिनेमिपासवद्धमाणा २४
 ॥ ६७५ ॥ एएसि णं भंते ! चउवीसाए तित्थगराणं कइ जिणंतरा प० ? गोयमा !
 तेवीसं जिणंतरा प० । एएसु णं भंते ! तेवीसाए जिणंतरेसु कस्स काहिं कालिय-
 सुयस्स वोच्छेदे प० ? गोयमा ! एएसु णं तेवीसाए जिणंतरेसु पुरिमपच्छिमएसु
 अट्ठसु २ जिणंतरेसु एत्थ णं कालियसुयस्स अवोच्छेदे प०, मज्झिमएसु सत्तसु
 जिणंतरेसु एत्थ णं कालियसुयस्स वोच्छेदे प०, सव्वत्थवि णं वोच्छिन्ने दिट्ठिवाए
 ॥ ६७६ ॥ जंबुद्वीवे णं भंते ! दीवे भारहे वासे इमीसे ओसप्पिणीए देवाणुप्पियाणं
 केवइयं कालं पुव्वगए अणु(सि)सज्जिस्सइ ? गोयमा ! जंबुद्वीवे णं दीवे भारहे वासे
 इमीसे ओसप्पिणीए ममं एगं वाससहस्सं पुव्वगए अणुसज्जिस्सइ, जहा णं भंते !
 जंबुद्वीवे दीवे भारहे वासे इमीसे ओसप्पिणीए देवाणुप्पियाणं एगं वाससहस्सं पुव्वगए
 अणुसज्जिस्सइ तथा णं भंते ! जंबुद्वीवे दीवे भारहे वासे इमीसे ओसप्पिणीए अवसे-
 साणं तित्थगराणं केवइयं कालं पुव्वगए अणुसज्जित्या ? गोयमा ! अत्येगइयाणं
 संखेज्जं कालं अत्येगइयाणं असंखेज्जं कालं ॥ ६७७ ॥ जंबुद्वीवे णं भंते ! दीवे
 भारहे वासे इमीसे ओसप्पिणीए देवाणुप्पियाणं केवइयं कालं तित्थे अणुसज्जिस्सइ ?
 गोयमा ! जंबुद्वीवे दीवे भारहे वासे इमीसे ओसप्पिणीए ममं एगवीसं वाससहस्साइं

तित्थे अणुसज्जिस्सइ ॥ ६७८ ॥ जहा णं भंते । जंबुदीवे दीवे भारहे वासे इमीसे ओसप्पिणीए देवाणुप्पियाणं एक्कवीसं वाससहस्साइं तित्थे अणुसिज्जिस्सइ तहा णं भंते । जंबुदीवे दीवे भारहे वासे आगमेस्साणं चरिमतिथ्यगरस्स केवइयं कालं तित्थे अणुसज्जिस्सइ ? गोयमा ! जावइए णं उसभस्स अरहओ कोसलियस्स जिणपरियाए एवइयाइं संखेजाइं आगमेस्साणं चरिमतिथ्यगरस्स तित्थे अणुसज्जिस्सइ ॥ ६७९ ॥ तित्थं भंते ! ति(त्थे)त्थं तित्थगरे तित्थं ? गोयमा ! अरहा ताव नियमं तित्थगरे, तित्थं पुण चाउवन्नाइन्ने समणसंघे, तं०-समणा समणीओ सावगा सावियाओ ॥ ६८० ॥ पवयणं भंते ! पवयणं पावयणी पवयणं ? गोयमा ! अरहा ताव नियमं पावयणी, पवयणं पुण दुवालसंगे गणिपिडगे, तं०-आयारो जाव दिट्ठिवाओ ॥ जे इमे भंते । उग्गा भोगा राइन्ना इक्खागा नाया कोरव्वा एए णं अस्सि धम्मो ओगाहंति अस्सि० २ ता अट्ठविहं कम्मरयमलं पवाहेति पवाहिता तओ पच्छा सिज्जंति जाव अंतं करेति ? इंता गोयमा ! जे इमे उग्गा भोगा तं चेव जाव अंतं करेति, अत्थेगइया अन्नयरेसु देवलोएसु देवत्ताए उववत्तारो भवंति । कइविहा णं भंते ! देवलोया प० ? गोयमा ! चउव्विहा देवलोया प०, तं०-भवणवासी, वाणमंतरा, जोइसिया, वेमाणिया । सेवं भंते ! २ ति ॥ ६८१ ॥ वीसइमे सए अट्ठमो उहेसो समत्तो ॥

कइविहा णं भंते ! चारणा प० ? गोयमा ! दुविहा चारणा प०, तंजहा-विज्जा-चारणा य जंघाचारणा य, से केणट्ठेणं भंते ! एवं बुच्चइ विज्जाचारणा विज्जाचारणा ? गोयमा ! तस्स णं छट्ठंछट्ठेणं अनिक्खित्तेणं तवोकम्मेणं विज्जाए उत्तरगुणलद्धिं खममाणस्स विज्जाचारणलद्धी नामं लद्धी समुप्पज्जइ, से तेणट्ठेणं जाव विज्जाचारणा २, विज्जाचारणस्स णं भंते ! कहां सीहा गई कहां सीहे गइविसए पण्णत्ते ? गोयमा ! अयन्नं जंबुदीवे दीवे जाव किंचिविसेसाहिए परिकखेवेणं देवे णं महिड्ढिए जाव महेसक्खे जाव इणामेवत्तिकइ केवलकप्पं जंबुदीवं दीवं तिहिं अच्छरानिवाएहिं तिकखुत्तो अणुपरियट्ठित्ताणं हव्वमागच्छेज्जा, विज्जाचारणस्स णं गोयमा ! तहा सीहा गई तहा सीहे गइविसए पण्णत्ते । विज्जाचारणस्स णं भंते ! तिरियं केवइए गइविसए पण्णत्ते ? गोयमा ! से णं इओ एगेणं उप्पाएणं माणुसुत्तरे पव्वए समोसरणं करेइ करेत्ता विइएणं उप्पाएणं नंदीसरवरे दीवे समोसरणं करेइ करेत्ता तओ पडिनियत्तइ २ ता इहमागच्छइ, विज्जाचारणस्स णं गोयमा ! तिरियं एवइए गइविसए पण्णत्ते, विज्जाचारणस्स णं भंते ! उट्ठं केवइए गइविसए पण्णत्ते ? गोयमा ! से णं इओ एगेणं उप्पाएणं नंदणवणे समोसरणं करेइ करेत्ता विइएणं उप्पाएणं पंडगवणे समोसरणं करेइ करेत्ता तओ पडिनियत्तइ २ ता इहमागच्छइ,

विज्ञाचारणस्स णं गोयमा ! उड्ढं एवइए गइविसए पण्णत्ते, से णं तस्स ठाणस्स अणालोइयपडिक्कंते कालं करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा ॥६८२॥ से केणट्ठेणं भंते ! एवं वुच्चइ जंघाचार(णे)णा २ ? गोयमा ! तस्स णं अट्ठमंअट्ठमेणं अनिक्खित्तेणं तवोकम्ममेणं अप्पाणं भावेमाणस्स जंघाचारणलद्धी नामं लद्धी समुप्पज्जइ, से तेणट्ठेणं जाव जंघाचारणा २, जंघाचारणस्स णं भंते ! कहं सीहा गई कहं सीहे गइविसए पण्णत्ते ? गोयमा ! अयञ्चं जंबुहीवे दीवे एवं जहेव विज्ञाचारणस्स नवरं तिसत्तखुत्तो अणुपरियट्ठित्ताणं हव्वमागच्छेज्जा, जंघाचारणस्स णं गोयमा ! तहा सीहा गई तहा सीहे गइविसए पण्णत्ते सेसं तं चेव । जंघाचारणस्स णं भंते ! तिरियं केवइए गइविसए पण्णत्ते ? गोयमा ! से णं इओ एगेणं उप्पाएणं ख्यगवरे दीवे समोसरणं करेइ करेत्ता तओ पडिनियत्तमाणे विइएणं उप्पाएणं नंदीसरवर-दीवे समोसरणं करेइ करेत्ता इह(हव्व)मागच्छइ । जंघाचारणस्स णं गोयमा ! तिरियं एवइए गइविसए पण्णत्ते, जंघाचारणस्स णं भंते ! उड्ढं केवइए गइविसए पण्णत्ते ? गोयमा ! से णं इओ एगेणं उप्पाएणं पंडगवणे समोसरणं करेइ करेत्ता तओ पडिनियत्तमाणे विइएणं उप्पाएणं नंदणवणे समोसरणं करेइ २ ता इहमागच्छइ, जंघा-चारणस्स णं गोयमा ! उड्ढं एवइए गइविसए पण्णत्ते, से णं तस्स ठाणस्स अणालोइयपडिक्कंते कालं करेइ नत्थि तस्स आराहणा, से णं तस्स ठाणस्स आलोइयपडिक्कंते कालं करेइ अत्थि तस्स आराहणा, सेवं भंते ! सेवं भंते ! त्ति जाव विहरइ ॥ ६८३ ॥ वीसइमे सए नवमो उद्देसो समत्तो ॥

जीवा णं भंते ! किं सोवक्कमाउया निरुवक्कमाउया ? गोयमा ! जीवा सोवक्कमाउयावि निरुवक्कमाउयावि, नेरइयाणं पुच्छा, गोयमा ! नेरइया नो सोवक्कमाउया निरुवक्कमाउया, एवं जाव थणियकुमारा, पुढविकाइया जहा जीवा, एवं जाव मणुस्सा, वाणमंतरजोइसियवेमाणिया जहा नेरइया ॥६८४॥ नेरइया णं भंते ! किं आओवक्कमेणं उववज्जंति, परोवक्कमेणं उववज्जंति, निरुवक्कमेणं उववज्जंति ? गोयमा ! आओवक्कमेणवि उववज्जंति, परोवक्कमेणवि उववज्जंति, निरुवक्कमेणवि उववज्जंति, एवं जाव वेमाणिया णं । नेरइया णं भंते ! किं आओवक्कमेणं उववट्ठंति, परोवक्कमेणं उववट्ठंति, निरुवक्कमेणं उववट्ठंति ? गोयमा ! नो आओवक्कमेणं उववट्ठंति, नो परोवक्कमेणं उववट्ठंति, निरुवक्कमेणं उववट्ठंति, एवं जाव थणियकुमारा, पुढविकाइया जाव मणुस्सा तिसु उव्वट्ठंति, सेसा जहा नेरइया नवरं जोइसियवेमाणिया चयंति ॥ नेरइया णं भंते ! किं आ(य)इद्धीए उववज्जंति परिद्धीए उववज्जंति ? गोयमा ! आइद्धीए

उव्वज्जंति नो परिट्ठीए उव्वज्जंति, एवं जाव वेमाणिया णं । नेरइया णं भंते ! किं आइट्ठीए उव्वट्ठंति परिट्ठीए उव्वट्ठंति ? गोयमा ! आइट्ठीए उव्वट्ठंति नो परिट्ठीए उव्वट्ठंति, एवं जाव वेमाणिया, नवरं जोइसियवेमाणिया चयंतीति अभित्तावो । नेरइया णं भंते ! किं आयकम्मुणा उव्वज्जंति परकम्मुणा उव्वज्जंति ? गोयमा ! आयकम्मुणा उव्वज्जंति नो परकम्मुणा उव्वज्जंति, एवं जाव वेमाणिया, एवं उव्वट्ठणादंडओवि । नेरइया णं भंते ! किं आयप्पओगेणं उव्वज्जंति परप्पओगेणं उव्वज्जंति ? गोयमा ! आयप्पओगेणं उव्वज्जंति नो परप्पओगेणं उव्वज्जंति, एवं जाव वेमाणिया, एवं उव्वट्ठणादंडओवि ॥ ६८५ ॥ नेरइया णं भंते ! किं कइसंचिया अकइसंचिया अव्वत्त(व)गसंचिया ? गोयमा ! नेरइया कइसंचियावि अकइसंचियावि अव्वत्तगसंचियावि, से केणट्ठेणं जाव अव्वत्तगसंचियावि ? गोयमा ! जे णं नेरइया संखेज्जएणं पवेसणएणं पविसंति ते णं नेरइया कइसंचिया, जे णं नेरइया असंखेज्जएणं पवेसणएणं पविसंति ते णं नेरइया अकइसंचिया, जे णं नेरइया एकएणं पवेसणएणं पविसंति ते णं नेरइया अव्वत्तगसंचिया, से तेणट्ठेणं गोयमा ! जाव अव्वत्तगसंचियावि, एवं जाव थणियकुमारा, पुढविकाइयाणं पुच्छा, गोयमा ! पुढविकाइया नो कइसंचिया अकइसंचिया नो अव्वत्तगसंचिया, से केणट्ठेणं भंते ! एवं बुच्चइ जाव नो अव्वत्तगसंचिया ? गोयमा ! पुढविकाइया असंखेज्जएणं पवेसणएणं पविसंति से तेणट्ठेणं जाव नो अव्वत्तगसंचिया, एवं जाव वणस्सइकाइया, बेइदिया जाव वेमाणिया जहा नेरइया, सिद्धाणं पुच्छा, गोयमा ! सिद्धा कइसंचिया नो अकइसंचिया अव्वत्त(व)गसंचियावि, से केणट्ठेणं भंते ! जाव अव्वत्तगसंचियावि ? गोयमा ! जे णं सिद्धा संखेज्जएणं पवेसणएणं पविसंति ते णं सिद्धा कइसंचिया, जे णं सिद्धा एकएणं पवेसणएणं पविसंति ते णं सिद्धा अव्वत्तगसंचिया, से तेणट्ठेणं गोयमा ! जाव अव्वत्तगसंचियावि ॥ एएसि णं भंते ! नेरइयाणं कइसंचियाणं अकइसंचियाणं अव्वत्तगसंचियाणं य कयरे २ जाव विसेसाहिया वा ? गोयमा ! सव्वत्थोवा नेरइया अव्वत्तगसंचिया, कइसंचिया संखेज्जगुणा, अकइसंचिया असंखेज्जगुणा, एवं एगिंदियवज्जाणं जाव वेमाणियाणं अप्पावहुगं, एगिंदियाणं नत्थि अप्पावहुगं । एएसि णं भंते ! सिद्धाणं कइसंचियाणं अव्वत्तगसंचियाणं य कयरे २ जाव विसेसाहिया वा ? गोयमा ! सव्वत्थोवा सिद्धा कइसंचिया, अव्वत्तगसंचिया संखेज्जगुणा ॥ नेरइया णं भंते ! किं छक्कसमज्जिया १, नोछक्कसमज्जिया २, छक्केण य नोछक्केण य समज्जिया ३, छक्केहि य समज्जिया ४, छक्केहि य नोछक्केण य समज्जिया ५ ? गोयमा ! नेरइया छक्कसमज्जियावि १, नोछक्कसमज्जियावि २, छक्केण य नोछक्केण य समज्जियावि ३,

छक्केहिं समजियावि ४, छक्केहि य नोछक्केण य समजियावि ५, से केणट्टेणं भंते ! एवं वुच्चइ नेरइया छक्कसमजियावि जाव छक्केहि य नोछक्केण य समजियावि ? गोयमा ! जे णं नेरइया छक्कएणं पवेसणएणं पविसंति ते णं नेरइया छक्कसमजिया १, जे णं नेरइया जहन्नेणं एक्केण वा दोहिं वा ति(ती)हिं वा उक्कोसेणं पंचएणं पवेसणएणं पविसंति ते णं नेरइया नोछक्कसमजिया २, जे णं नेरइया एगेणं छक्कएणं अन्नेण य जहन्नेणं एक्केण वा दोहिं वा तिहिं वा उक्कोसेणं पंचएणं पवेसणएणं पविसंति ते णं नेरइया छक्केण य नोछक्केण य समजिया ३, जे णं नेरइया अणेगेहिं छक्केहिं पवेसणएणं पविसंति ते णं नेरइया छक्केहिं समजिया ४, जे णं नेरइया अणेगेहिं छक्केहिं अण्णेण य जहन्नेणं एक्केण वा दोहिं वा तिहिं वा उक्कोसेणं पंचएणं पवेसणएणं पविसंति ते णं नेरइया छक्केहि य नोछक्केण य समजिया ५, से तेणट्टेणं तं चव जाव समजियावि, एवं जाव थणियकुमारा । पुढविकाइयाणं पुच्छा, गोयमा ! पुढविकाइया नो छक्कसमजिया १, नो नोछक्कसमजिया २, नो छक्केण य नोछक्केण य समजिया ३, छक्केहिं समजियावि ४, छक्केहि य नोछक्केण य समजियावि ५, से केणट्टेणं भंते ! जाव समजियावि ? गोयमा ! जे णं पुढविकाइया णेगेहिं छक्कएहिं पवेसणं पविसंति ते णं पुढविकाइया छक्केहिं समजिया, जे णं पुढविकाइया णेगेहिं छक्कएहिं अन्नेण य जहन्नेणं एक्केण वा दोहिं वा तिहिं वा उक्कोसेणं पंचएणं पवेसणएणं पविसंति ते णं पुढविकाइया छक्केहिं य नोछक्केण य समजिया, से तेणट्टेणं जाव समजियावि, एवं जाव वणस्सइकाइया, वेइदिया जाव वेमाणिया सिद्धा एए जहा नेरइया । एएसि णं भंते ! नेरइयाणं छक्कसमजियाणं नोछक्कसमजियाणं छक्केण य नोछक्केण य समजियाणं छक्केहि य समजियाणं छक्केहि य नोछक्केण य समजियाणं य कयरे २ जाव विसेसाहिया वा ? गोयमा ! सव्वत्थोवा नेरइया छक्कसमजिया, नोछक्कसमजिया संखेज्जगुणा, छक्केण य नोछक्केण य समजिया संखेज्जगुणा, छक्केहि य समजिया असंखेज्जगुणा, छक्केहि य नोछक्केण य समजिया संखेज्जगुणा, एवं जाव थणियकुमारा । एएसि णं भंते ! पुढविकाइयाणं छक्केहिं समजियाणं छक्केहि य नोछक्केण य समजियाणं कयरे २ जाव विसेसाहिया वा ? गोयमा ! सव्वत्थोवा पुढविकाइया छक्केहिं समजिया, छक्केहि य नोछक्केण य समजिया संखेज्जगुणा, एवं जाव वणस्सइकाइयाणं, वेइदियाणं जाव वेमाणियाणं जहा नेरइयाणं । एएसि णं भंते ! सिद्धाणं छक्कसमजियाणं नोछक्कसमजियाणं जाव छक्केहि य नोछक्केण य समजियाणं य कयरे २ जाव विसेसाहिया वा ? गोयमा ! सव्वत्थोवा सिद्धा छक्केहि य नोछक्केण य समजिया, छक्केहिं समजिया संखेज्जगुणा, छक्केण य नोछक्केण य सम-

जिया संखेजगुणा, छक्कसमजिया संखेजगुणा, नोछक्कसमजिया संखेजगुणा । नेर-
इया णं भंते ! किं वारससमजिया १, नोवारससमजिया २, वारसएण य नोवारस-
एण य समजिया ३, वारसएहिं समजिया ४, वारसएहि य नोवारसएण य समजिया
५ ? गोयमा ! नेरइया वारससमजियावि जाव वारसएहि य नोवारसएण य सम-
जियावि, से केणट्टेणं भंते । एवं जाव समजियावि ? गोयमा ! जे णं नेरइया वार-
सएणं पवेसणएणं पविसंति ते णं नेरइया वारससमजिया १, जे णं नेरइया जह-
न्नेणं एक्केण वा दोहिं वा तिहिं वा उक्कोसेणं एक्कारसएणं पवेसणएणं पविसंति ते णं
नेरइया नोवारससमजिया २, जे णं नेरइया वारसएणं पवेसणएणं अन्नेण य जह-
न्नेणं एक्केण वा दोहिं वा तिहिं वा उक्कोसेणं एक्कारसएणं पवेसणएणं पविसंति ते णं
नेरइया वारसएण य नोवारसएण य समजिया ३, जे णं नेरइया नेगेहिं वारसएहिं
पवेसणं पविसंति ते णं नेरइया वारसएहिं समजिया ४, जे णं नेरइया नेगेहिं
वारसएहिं अन्नेण य जहन्नेणं एक्केण वा दोहिं वा तिहिं वा उक्कोसेणं एक्कारसएणं
पवेसणएणं पविसंति ते णं नेरइया वारसएहि य नोवारसएण य समजिया ५, से
तेणट्टेणं जाव समजियावि, एवं जाव थणियकुमारा, पुढविकाइयाणं पुच्छा,
गोयमा ! पुढविकाइया नो वारससमजिया १, नो नोवारससमजिया २, नो वारस-
एण य नोवारसएण य समजिया ३, वारसएहिं समजिया ४, वारसएहि य नो वार-
सएण य समजियावि ५, से केणट्टेणं भंते ! जाव समजियावि ? गोयमा ! जे णं पुढ-
विकाइया नेगेहिं वारसएहिं पवेसणं पविसंति ते णं पुढविकाइया वारसएहिं सम-
जिया, जे णं पुढविकाइया नेगेहिं वारसएहिं अन्नेण य जहन्नेणं एक्केण वा दोहिं वा
तिहिं वा उक्कोसेणं एक्कारसएणं पवेसणएणं पविसंति ते णं पुढविकाइया वारसएहि य
नोवारसएण य समजिया, से तेणट्टेणं जाव समजियावि, एवं जाव वणस्सइकाइया,
वेईदिया जाव सिद्धा जहा नेरइया । एएसि णं भंते ! नेरइयाणं वारससमजियाणं०
सन्वेसि अप्पावहुगं जहा छक्कसमजियाणं नवरं वारसाभिलावो सेसं तं चव । नेर-
इया णं भंते ! किं चुलसीइसमजिया १, नोचुलसीइसमजिया २, चुलसीईए य
नोचुलसीईए य समजिया ३, चुलसीईहिं समजिया ४, चुलसीईहि य नोचुलसीईए
य समजिया ५ ? गोयमा ! नेरइया चुलसीइसमजियावि जाव चुलसीईहि य
नोचुलसीईए य समजियावि, से केणट्टेणं भंते ! एवं वुच्चइ जाव समजियावि ?
गोयमा ! जे णं नेरइया चुलसी(ई)इएणं पवेसणएणं पविसंति ते णं नेरइया चुलसीइ-
समजिया १, जे णं नेरइया जहन्नेणं एक्केण वा दोहिं वा तिहिं वा उक्कोसेणं तेसीइ-
पवेसणएणं पविसंति ते णं नेरइया नोचुलसीइसमजिया २, जे णं नेरइया चुलसी-

इएणं अन्नेण य जहन्नेणं एक्केण वा दोहिं वा तिहिं वा उक्कोसेणं तेसीइएणं पवे-
 सणएणं पविसंति ते णं नेरइया चुलसीईए य नोचुलसीईए य समजिया ३, जे णं
 नेरइया णेगेहिं चुलसीइएहिं पवेसणं पविसंति ते णं नेरइया चुलसीई(ए)हिं सम-
 जिया ४, जे णं नेरइया णेगेहिं चुलसीइएहिं अन्नेण य जहन्नेणं एक्केण वा जाव
 उक्कोसेणं तेसीइएणं जाव पविसंति ते णं नेरइया चुलसीईहि य नोचुलसीईए य
 समजिया ५, से तेणट्टेणं जाव समजियावि, एवं जाव थणियकुमारा, पुढविकाइया
 तहेव पच्छिछएहिं दोहिं २ नवरं अभिलावो चुलसीइओ भंगो एवं जाव वणस्सइ-
 काइया, वेइंदिया जाव वेमाणिया जहा नेरइया । सिद्धाणं पुच्छा, गोयमा ! सिद्धा
 चुलसीइसमजियावि १, नोचुलसीइसमजियावि २, चुलसीईए य नोचुलसीईए य
 समजियावि ३, नो चुलसीईहिं समजिया ४, नो चुलसीईहि य नोचुलसीईए य सम-
 जिया ५, से केणट्टेणं भंते ! जाव समजिया ? गोयमा ! जे णं सिद्धा चुलसीइएणं
 पवेसणएणं पविसंति ते णं सिद्धा चुलसीइसमजिया, जे णं सिद्धा जहन्नेणं एक्केण वा
 दोहिं वा तिहिं वा उक्कोसेणं तेसीइएणं पवेसणएणं पविसंति ते णं सिद्धा नोचुलसी-
 इसमजिया, जे णं सिद्धा चुलसीइएणं अन्नेण य जहन्नेणं एक्केण वा दोहिं वा तिहिं
 वा उक्कोसेणं तेसीइएणं पवेसणएणं पविसंति ते णं सिद्धा चुलसीईए य नोचुलसीईए
 य समजिया, से तेणट्टेणं जाव समजिया । एएसि णं भंते ! नेरइयाणं चुलसीइस-
 मजियाणं नोचुलसीइसमजियाणं० सव्वेसिं अप्पावहुगं जहा छक्कसमजियाणं जाव
 वेमाणियाणं, नवरं अभिलावो चुलसीइओ । एएसि णं भंते ! सिद्धाणं चुलसीइसम-
 जियाणं नोचुलसीइसमजियाणं चुलसीईए य नोचुलसीईए य समजियाणं कयरे २
 जाव विसेसाहिया वा ? गोयमा ! सव्वत्थोवा सिद्धा चुलसीईए य नोचुलसीईए य
 समजिया, चुलसीइसमजिया अणंतगुणा, नोचुलसीइसमजिया अणंतगुणा । सेवं
 भंते ! २ ति जाव विहरइ ॥ ६८६ ॥ वीसइमस्स सयस्स दसमो उद्देसो
 समत्तो ॥ वीसइमं सयं समत्तं ॥ २० ॥

सालि कल अयसि वंसे इक्खू दब्भे य अब्भ तुलसी य । अट्टेए दस वग्गा
 असीइं पुण होंति उद्देसा ॥ १ ॥ रायगिहे जाव एवं वयासी-अह भंते ! साली वीही
 गोधूम जाव जवजवाणं एएसि णं भंते ! जे जीवा मूलत्ताए वक्कमंति ते णं भंते ! जीवा
 कओहितो उववजंति किं नेरइएहितो उववजंति तिरि० मणु० देवेहितो० जहा
 वक्कंतीए तहेव उववाओ नवरं देवजं, ते णं भंते ! जीवा एगसमएणं केवइया उव-
 वजंति ? गोयमा ! जहन्नेणं एक्को वा दो वा तिज्जि वा उक्कोसेणं संखेज्जा वा असंखेज्जा
 वा उववजंति, अवहारो जहा उप्पलुद्देसए, तेसि णं भंते ! जीवाणं केमहालिया सरी-

रोगाहणा प० ? गोयमा ! जहणेणं अंगुलस्स असंखेज्जभागं उप्पोसेणं धणुहपुहुत्तं, ते णं भंते ! जीवा नाणावरणिजस्स कम्मस्स किं वंधगा अवंधगा ? तहेव जहा उप्पलुद्देसए, एवं वेदेवि उदएवि उदीरणाएवि । ते णं भंते ! जीवा किं कण्हलेस्सा नीललेस्सा काउलेस्सा छवीसं भंगा, दिट्ठी जाव इंदिया जहा उप्पलुद्देसए, ते णं भंते ! साली वीही गोधूम जाव जवजवगमूलगजीवे कालओ केवच्चिरं होइ ? गोयमा ! जहणेणं अंतोमुहुत्तं उक्कोसेणं असंखेज्जं कालं ॥ से णं भंते ! साली वीही गोधूम जाव जवजवगमूलगजीवे पुढवीजीवे पुणरवि साली वीही जाव जवजवगमूलगजीवेत्ति केवइयं कालं सेवेज्जा केवइयं कालं गइरागइं करेज्जा ? एवं जहा उप्पलुद्देसए, एएणं अभिलावेणं जाव मणुस्सजीवे, आहारो जहा उप्पलुद्देसे ठिई जहणेणं अंतोमुहुत्तं उक्कोसेणं वासपुहुत्तं, समुग्घायसमोहया उव्वट्टणा य जहा उप्पलुद्देसे । अह भंते ! सब्बपाणा जाव सब्बसत्ता साली वीही जाव जवजवगमूलगजीवत्ताए उववन्नपुव्वा ? हंता गोयमा ! असइं अदुवा अणंतखुत्तो । सेवं भंते ! २ त्ति ॥ ६८७ ॥ एगवीसइमे सए पढमवग्गस्स पढमो उद्देसो समत्तो ॥ २१-१-१ ॥

अह भंते ! साली वीही जाव जवजवाणं एएसि णं जे जीवा कंदत्ताए वक्कमंति ते णं भंते ! जीवा कओहिंतो उववज्जंति एवं कंदाहिगारेण सो चेव मूलुद्देसो अपरिसेसो भाणियव्वो जाव असइं अदुवा अणंतखुत्तो, सेवं भंते ! २ त्ति (२१-१-२) एवं खंधेवि उद्देसओ णेयव्वो (२१-१-३) एवं तथाएवि उद्देसो भाणियव्वो (२१-१-४) सालेवि उद्देसो भाणियव्वो (२१-१-५) पवालैवि उद्देसो भाणियव्वो (२१-१-६) पत्तेवि उद्देसो भाणियव्वो (२१-१-७) एए सत्तावि उद्देसगा अपरिसेसं जहा मूले तहा णेयव्वा । एवं पुप्फेवि उद्देसओ णवरं देवो उववज्जइ जहा उप्पलुद्देसे चत्तारि लेस्साओ असीइ भंगा ओगाहणा जहणेणं अंगुलस्स असंखेज्जभागं उक्कोसेणं अंगुलपुहुत्तं सेसं तं चेव, सेवं भंते ! २ त्ति (२१-१-८) जहा पुप्फे एवं फलेवि उद्देसओ अपरिसेसो भाणियव्वो (२१-१-९) एवं वीएवि उद्देसओ (२१-१-१०) एए दस उद्देसगा ॥ पढमो वग्गो समत्तो ॥ २१-१ ॥ अह भंते ! कलायमसूरतिलमुग्गमासनिष्कावकुलत्थआलिसंदगसइणपल्लिमंथगाणं एएसि णं जे जीवा मूलत्ताए वक्कमंति ते णं भंते ! जीवा कओहिंतो उववज्जंति ? एवं मूलादीया दस उद्देसगा भाणियव्वा जहेव सालीणं णिरवसेसं तहेव ॥ विइओ वग्गो समत्तो ॥ २१-२ ॥ अह भंते ! अयसिकुसुंभकोद्दवकंगुरालगतुवरीकोद्दसासणसरिसवमूलगवीयाणं एएसि णं जे जीवा मूलत्ताए वक्कमंति ते णं भंते ! जीवा कओहिंतो उववज्जंति ? एवं एत्थवि मूलादीया दस उद्देसगा जहेव सालीणं णिरवसेसं तहेव भाणि-

यव्वं ॥ तइओ वग्गो समत्तो ॥ २१-३ ॥ अह भंते ! वंसवेणुकणगकक्कावंसवारुवंस-
 दंडाकुडाविमाचंडावेणुयाकल्लाणीणं एएसि णं जे जीवा मूलत्ताए वक्कमंति एवं एत्थवि
 मूलादीया दस उद्देसगा जहेव सालीणं, णवरं देवो सव्वत्थवि न उववज्जइ, तिणि
 लेस्साओ, सव्वत्थवि छव्वीसं भंगा सेसं तं चेव-॥ चउत्थो वग्गो समत्तो ॥ २१-४ ॥
 अह भंते ! उक्खुइक्खुवाडियावीरणाइक्कडभमाससुंठिसत्तवेत्ततिमिरसयपोरगनलणं
 एएसि णं जे जीवा मूलत्ताए वक्कमंति एवं जहेव वंसवग्गो तहेव एत्थवि मूलादीया
 दस उद्देसगा, णवरं खंधुद्देसे देवा उववज्जंति, चत्तारि लेस्साओ ५०, सेसं तं चेव ॥ पंचमो
 वग्गो समत्तो ॥ २१-५ ॥ अह भंते ! सेडियभंडियदब्भकोतियदब्भकुसदब्भगयो-
 इदलअंजुलआसाढगरोहियंसमुतवखीरभुसएरिंडकुरुभकुंदकरवरसुंठविभंगुमहुवयणथु-
 रगसिप्पियसुंकलितणाणं एएसि णं जे जीवा मूलत्ताए वक्कमंति एवं एत्थवि दस उद्दे-
 सगा निरवसेसं जहेव वंस(वग्गो)स्स ॥ छट्ठो वग्गो समत्तो ॥ २१-६ ॥ अह भंते ! अब्भ-
 रुहवोयाणहरितगतंदुळेजगतणवत्थुलचोरगमज्जारयाईच्चिल्लियालंक्कदगपिप्पलियदव्वि-
 सोत्थिकसायमंडुक्किमूलगसरिसवअंविलसागजिवंतगाणं एएसि णं जे जीवा मूलत्ताए
 वक्कमंति एवं एत्थवि दस उद्देसगा जहेव वंसस्स ॥ सत्तमो वग्गो समत्तो ॥ २१-७ ॥
 अह भंते ! तुलसीकण्हदलफणेजाअज्जाचूयणाचोराजीरादमणामरुयाइंदीवरसयं-
 पुप्फाणं एएसि णं जे जीवा मूलत्ताए वक्कमंति एत्थवि दस उद्देसगा निरवसेसं जहा
 वंसाणं ॥ अट्ठमो वग्गो समत्तो ॥ २१-८ ॥ एवं एएसु अट्ठसु वग्गेषु असीइं उद्देसगा
 भवंति ॥ ६८८ ॥ एकवीसइमं सयं समत्तं ॥

ताल्लेगट्टियवहुवीयगा य गुच्छा य गुम्म वल्ली य । छइस वग्गा एए सट्ठिं पुण
 होंति उद्देसा ॥ १ ॥ रायणिहे जाव एवं वयासी-अह भंते ! ताल्लतमालतकलिते-
 तल्लिसालसरलासारगल्लाणं जाव केयतिकदलचम्मरुक्खगुंतर्क्खहिं गुरुक्खलवंगरुक्ख-
 पूयफलखजूरिनालिएरीणं एएसि णं जे जीवा मूलत्ताए वक्कमंति ते णं भंते ! जीवा
 कओहिंतो उववज्जंति ? एवं एत्थवि मूलादीया दस उद्देसगा कायव्वा जहेव सालीणं-
 णवरं इमं णाणत्तं मूले कंदे खंधे तयाए साले य एएसु पंचसु उद्देसएसु देवो न उव-
 वज्जइ, तिणि लेस्साओ, ठिई जहण्णेणं अंतोमुहुत्तं उक्कोसेणं दसवाससहस्साइं, उव,
 रिल्लेसु पंचसु उद्देसएसु देवो उववज्जइ, चत्तारि लेस्साओ, ठिई जहण्णेणं अंतोमुहुत्तं
 उक्कोसेणं वासपुहुत्तं, ओगाहणा मूले कंदे धण्हपुहुत्तं, खंधे तयाय साले य गाउय-
 पुहुत्तं, पवाले पत्ते धण्हपुहुत्तं, पुप्फे हत्थपुहुत्तं, फले वीए य अंगुलपुहुत्तं, सव्वेसिं
 जहण्णेणं अंगुलस्स असंखेज्जइभागं सेसं जहा सालीणं, एवं एए दस उद्देसगा ॥
 पडमो वग्गो समत्तो ॥ २२-१ ॥ अह भंते ! निवंवजंजुकोसंवतालअंकोल्लपीलुसेलुत्त-

ल्लइमोयइमालुयचउलपलासकरंजपुत्तंजीवगरिट्टवहेडगहरियगभालायउंवरियसीरणिधा-
यइपियालपूइयणिवायगसेण्हयपासियसीसवअयसिपुण्णागनागरुक्खसीवण्णअसोगाणं
एएसि णं जे जीवा मूलत्ताए वक्कमंति एवं मूलादीया दस उद्देसगा कायव्वा निरव-
सेसं जहा तालवग्गो ॥ विइओ वग्गो समत्तो ॥ २२-२ ॥ अह भंते ! अत्थियात्तिंदु-
यवोरकविट्टअंवाडगमाउलिंगचिल्लआमलगफणसदाडिमआसत्थउंवरवडणग्गोहनंदिरु-
क्खपिप्पलिसतरपिलक्खुरुक्खकाउंवरियकुच्छुंभरियदेवदालितिलगलउयछत्तोहसिरी-
ससत्तवण्णदहिवण्णलोद्धवचंदणअज्जुणणीवकुडुगकलंवाणं एएसि णं जे जीवा मूल-
त्ताए वक्कमंति ते णं भंते ! एवं एत्थवि मूलादीया दस उद्देसगा तालवग्गसरिसा णेयव्वा
जाव वीयं ॥ तइओ वग्गो समत्तो ॥ २२-३ ॥ अह भंते ! वाइंगणिअल्लइपोडइ एवं
जहा पण्णवणाए गाहाणुसारेणं णेयव्वं जाव गंजपाडलावासिअंकोल्लाणं एएसि णं जे
जीवा मूलत्ताए वक्कमंति एवं एत्थवि मूलादीया दस उद्देसगा तालवग्गसरिसा णेयव्वा
जाव वीयंति निरवसेसं जहा वंसवग्गो ॥ चउत्थो वग्गो समत्तो ॥ २२-४ ॥ अह
भंते ! सिरियकाणवनालियकोरंटगवंधुजीवगमणोज्जा जहा पण्णवणाए पढमपए गाहा-
णुसारेणं जाव नलणी य कुंदमहाजाईणं एएसि णं जे जीवा मूलत्ताए वक्कमंति एवं
एत्थवि मूलादीया दस उद्देसगा निरवसेसं जहा सालीणं ॥ पंचमो वग्गो समत्तो ॥
॥ २२-५ ॥ अह भंते ! पूसफलिकालिंगीतुंवीतउसीएलावालुंकी एवं पयाणि छिंदिय-
व्वाणि पण्णवणागाहाणुसारेणं जहा तालवग्गो जाव दधिफोल्लइकाकलिसोक्कलिअक्क-
वोदीणं एएसि णं जे जीवा मूलत्ताए वक्कमंति एवं मूलादीया दस उद्देसगा कायव्वा
जहा तालवग्गो, णवरं फलउद्देसे ओगाहणा जहण्णेणं अंगुलस्स असंखेज्जभागं
उक्कोसेणं धणुहपुहुत्तं, ठिई सव्वत्थ जहण्णेणं अंतोमुहुत्तं उक्कोसेणं वासपुहुत्तं सेसं
तं चेव ॥ छट्ठो वग्गो समत्तो ॥ २२-६ ॥ एवं छसुवि वग्गोसु सट्ठि उद्देसगा भवंति
॥ ६८९ ॥ **वावीसइमं सयं समत्तं ॥**

णमो सुयदेवयाए भगवईए । आलुयलोही अवया पाढी तह मासवणिवल्ली य ।
पंचेते दसवग्गा पण्णासं होंति उद्देसा ॥ १ ॥ रायगिहे जाव एवं वयासी-अह भंते !
आलुयमूलगसिगवेरहालिंदुरुक्खकंडरियजारुच्छीरविरालिकिट्ठिकुंदुकण्हकडडसुमहुप-
यलइमहुसिंगिणिरूहासप्पसुगंधाछिण्णरूहावीयरूहाणं एएसि णं जे जीवा मूलत्ताए
वक्कमंति एवं मूलादीया दस उद्देसगा कायव्वा वंसवग्गसरिसा णवरं परिमाणं जह-
ण्णेणं एक्को वा दो वा तिण्णि वा उक्कोसेणं संखेज्जा वा असंखेज्जा वा अणंता वा
उववज्जंति, अवहारो गोयमा ! ते णं अणंता समए २ अवहीरमाणा २ अणंताहिं
ओसप्पिणीहिं उस्सप्पिणीहिं एवइयकालेणं अवहीरंति णो चेव णं अवहरिया सिया,

ठिई जहण्णेणवि उक्कोसेणवि अंतोमुहुत्तं, सेसं तं चेव ॥ पढमो वग्गो समत्तो ॥ २३-१ ॥ अह भंते ! लोहीणीहूथीहूथिवगाअस्सकण्णीसीहकण्णीसीउंढीमुसंढीणं एएसि णं जे जीवा मूलत्ताए वक्कमंति एवं एत्थवि दस उद्देसगा जहेव आलुयवग्गो, णवरं ओगाहणा तालवग्गसरिसा, सेसं तं चेव, सेवं भंते ! २ त्ति ॥ विइओ वग्गो समत्तो ॥ २३-२ ॥ अह भंते ! आयकायकुहुणकुंदुस्सकउव्वेहलियासफासज्जाछत्तावं-साणियकुमारणं एएसि णं जे जीवा मूलत्ताए एवं एत्थवि मूलादीया दस उद्देसगा निरवसेसं जहा आलुवग्गो णवरं ओगाहणा तालवग्गसरिसा, सेसं तं चेव, सेवं भंते ! २ त्ति ॥ तइओ वग्गो समत्तो ॥ २३-३ ॥ अह भंते ! पाढामियवालुंकि-महुररसारावल्लिपउमामोढरिदंतिचंडीणं एएसि णं जे जीवा मूल० एवं एत्थवि मूला-दीया दस उद्देसगा आलुयवग्गसरिसा णवरं ओगाहणा जहा वल्लीणं, सेसं तं चेव, सेवं भंते ! २ त्ति ॥ चउत्थो वग्गो समत्तो ॥ २३-४ ॥ अह भंते ! मासपण्णीमु-ग्गपण्णीजीवसरिसवकएणुयकाओलिखीरकाकोलिभंणिणहिंकिमिरासिभइमुच्छणंगलइ-पओयकिंणापउलपाढेहेरेणुयालोहीणं एएसि णं जे जीवा मूल० एवं एत्थवि दस उद्देसगा निरवसेसं आलुयवग्गसरिसा ॥ पंचमो वग्गो समत्तो ॥ २३-५ ॥ एवं एत्थ पंचसुवि वग्गेषु पचांसं उद्देसगा भाणियव्वा सव्वत्थ देवा ण उववज्जंति, तिन्नि लेस्साओ । सेवं भंते ! २ त्ति ॥ ६९० ॥ तेवीसइमं सयं समत्तं ॥

उववायपरीमाणं संघयणुच्चत्तमेव संठाणं । लेस्सा दिट्ठी णाणे अच्चाणे जोग उव-ओगे ॥ १ ॥ सच्चाकसायइंदियसमुग्घाया वेयणा य वेदे य । आउं अज्जवसाणा अणुवंधो कायसंवेहो ॥ २ ॥ जीवपदे जीवपदे जीवाणं दंडगंमि उद्देसो । चउवीस-इमंमि सए चउवीसं होति उद्देसा ॥ ३ ॥ रायणिहे जाव एवं वयासी-णेरइया णं भंते ! कओहिंतो उववज्जंति, किं नेरइएहिंतो उववज्जंति, तिरिक्खजोणिएहिंतो उववज्जंति, मणुस्सेहिंतो उववज्जंति, देवेहिंतो उववज्जंति ? गोयमा ! णो नेरइएहिंतो उववज्जंति, तिरिक्खजोणिएहिंतोवि उववज्जंति, मणुस्सेहिंतोवि उववज्जंति, णो देवेहिंतो उववज्जंति, जइ तिरिक्खजोणिएहिंतो उववज्जंति किं एगिंदियतिरिक्खजोणिएहिंतो उववज्जंति, वेइ-दियतिरिक्खजोणिएहिंतो० तेइंदियतिरिक्खजोणिएहिंतो० चउरिंदियतिरिक्खजोणिए-हिंतो० पंचिंदियतिरिक्खजोणिएहिंतो उववज्जंति ? गोयमा ! नो एगिंदियतिरिक्खजो-णिएहिंतो उववज्जंति, णो वेइंदिय० णो तेइंदिय० णो चउरिंदिय० पंचिंदियतिरिक्ख-जोणिएहिंतो उववज्जंति, जइ पंचिंदियतिरिक्खजोणिएहिंतो उववज्जंति किं सण्णिपंचि-दियतिरिक्खजोणिएहिंतो उववज्जंति असण्णिपंचिंदियतिरिक्खजोणिएहिंतो उववज्जंति ? गोयमा ! सन्निपंचिंदियतिरिक्खजोणिएहिंतो उववज्जंति असन्निपंचिंदियतिरिक्खजोणि

एहिंतोवि उववज्जंति, जइ सन्निपंचिदियतिरिक्खजोणिएहिंतो उववज्जंति किं जलचरे-
 हिंतो उववज्जंति थलचरेहिंतो उववज्जंति खहचरेहिंतो उववज्जंति ? गोयमा । जलच-
 रेहिंतो उववज्जंति, थलचरेहिंतोवि उववज्जंति, खहचरेहिंतोवि उववज्जंति, जइ जल-
 चरे० थलचरे० खहचरेहिंतो उववज्जंति किं पज्जत्तएहिंतो उववज्जंति अपज्जत्तएहिंतो
 उववज्जंति ? गोयमा । पज्जत्तएहिंतो उववज्जंति णो अपज्जत्तएहिंतो उववज्जंति,
 पज्जत्तअसन्निपंचिदियतिरिक्खजोणिए णं भंते ! जे भविए नेरइएसु उववज्जित्तए से
 णं भंते ! कइसु पुढवीसु उववज्जेज्जा ? गोयमा । एगाए रयणप्पभाए पुढवीए
 उववज्जेज्जा, पज्जत्तअसन्निपंचिदियतिरिक्खजोणिए णं भंते ! जे भविए रयणप्पभाए
 पुढवीए नेरइएसु उववज्जित्तए से णं भंते ! केवइयकालट्ठिइएसु उववज्जेज्जा ? गोयमा !
 जहन्नेणं दसवाससहस्सट्ठिइएसु उक्कोसेणं पलिओवमस्स असंखेज्जइभागट्ठिइएसु
 उववज्जेज्जा १, ते णं भंते ! जीवा एगसमएणं केवइया उववज्जंति ? गोयमा !
 जहन्नेणं एक्को वा दो वा तिन्नि वा उक्कोसेणं संखेज्जा वा असंखेज्जा वा उववज्जंति
 २, तेसि णं भंते ! जीवाणं सरीरगा किंसंघयणी पन्नत्ता ? गोयमा ! छेवट्ठसंघयणी
 प० ३, तेसि णं भंते ! जीवाणं केमहालिया सरीरोगाहणा पन्नत्ता ? गोयमा !
 जहन्नेणं अंगुलस्स असंखेज्जइभागं उक्कोसेणं जोयणसहस्सं ४, तेसि णं भंते !
 जीवाणं सरीरगा किंसंठिया पन्नत्ता ? गोयमा ! हुंडसंठाणसंठिया पन्नत्ता ५, तेसि
 णं भंते ! जीवाणं कइ लेस्साओ प० ? गोयमा ! तिन्नि लेस्साओ प०, तं०-कण्हलेस्सा
 नीललेस्सा काउलेस्सा ६, ते णं भंते ! जीवा किं सम्मदिट्ठी मिच्छादिट्ठी सम्मा-
 मिच्छादिट्ठी ? गोयमा ! णो सम्मदिट्ठी मिच्छादिट्ठी णो सम्मामिच्छादिट्ठी ७, ते णं
 भंते ! जीवा किं णाणी अन्नाणी ? गोयमा ! णो णाणी अन्नाणी नियमा दुअन्नाणी
 तं०-मइअन्नाणी य सुयअन्नाणी य ८-९, ते णं भंते ! जीवा किं मणजोगी वइ-
 जोगी कायजोगी ? गोयमा ! णो मणजोगी वइजोगीवि कायजोगीवि १०, ते णं
 भंते ! जीवा किं सागारोवत्ता अणागारोवत्ता ? गोयमा ! सागारोवत्तावि
 अणागारोवत्तावि ११, तेसि णं भंते ! जीवाणं कइ सन्नाओ पन्नत्ताओ ?
 गोयमा ! चत्तारि सन्नाओ प०, तं०-आहारसन्ना भयसन्ना मेहुणसन्ना परिग्गहसन्ना
 १२, तेसि णं भंते ! जीवाणं कइ कसाया प० ? गोयमा ! चत्तारि कसाया प०,
 तं०-कोहकसाए माणकसाए मायाकसाए लोभकसाए १३, तेसि णं भंते ! जीवाणं
 कइ इंदिया प० ? गोयमा ! पंचिदिया प०, तं०-सोइंदिए चक्खिदिए जाव
 फासिदिए १४, तेसि णं भंते ! जीवाणं कइ समुग्घाया प० ? गोयमा ! तओ
 समुग्घाया प०, तं०-वेयणासमुग्घाए कसायसमुग्घाए मारणंतियसमुग्घाए १५,

ते णं भंते ! जीवा किं सायावेयगा आसायावेयगा ? गोयमा ! सायावेयगावि
 असायावेयगावि १६, ते णं भंते ! जीवा किं इत्थीवेयगा पुरिसवेयगा नपुंसग-
 वेयगा ? गोयमा ! णो इत्थीवेयगा णो पुरिसवेयगा नपुंसगवेयगा १७, तेसि णं
 भंते ! जीवाणं केवइयं कालं ठिई प० ? गोयमा ! जहन्नेण अंतोमुहुत्तं उक्कोसेणं
 पुव्वकोडी १८, तेसि णं भंते ! जीवाणं केवइया अज्झवसाणा प० ? गोयमा !
 असंखेज्जा अज्झवसाणा प०, ते णं भंते ! किं पसत्था अप्पसत्था ? गोयमा !
 पसत्थावि अप्पसत्थावि १९, से णं भंते ! पज्जत्तअसन्निपंचिदियतिरिक्खजोणिएत्ति
 कालओ केवच्चिरं होइ ? गोयमा ! जहन्नेण अंतोमुहुत्तं उक्कोसेणं पुव्वकोडी २०,
 से णं भंते ! पज्जत्तअसन्निपंचिदियतिरिक्खजोणिए रयणप्पभापुढविणेरइए
 पुणरवि पज्जत्तअसन्निपंचिदियतिरिक्खजोणिएत्ति केवइयं कालं सेवेज्जा केवइयं कालं
 गइरागइं करेज्जा ? गोयमा ! भवादेसेणं दो भवग्गहणाइं, कालादेसेणं जहन्नेणं दस-
 वाससहस्साइं अंतोमुहुत्तमव्वभहियाइं उक्कोसेणं पलिओवमस्स असंखेज्जइभागं
 पुव्वकोडिमव्वभहियं एवइयं कालं सेवेज्जा एवइयं कालं गइरागइं करेज्जा २१ ।
 पज्जत्तअसन्निपंचिदियतिरिक्खजोणिए णं भंते ! जे भविए जहन्नकालट्ठिईएसु रयण-
 प्पभापुढविनेरइएसु उववज्जितए से णं भंते ! केवइयकालट्ठिईएसु उववजेज्जा ?
 गोयमा ! जहन्नेणं दसवाससहस्सट्ठिईएसु उक्कोसेणावि दसवाससहस्सट्ठिईएसु उवव-
 जेज्जा, ते णं भंते ! जीवा एगसमएणं केवइया उववज्जंति ? एवं सच्चैव वत्तव्वया
 निरवसेसा भाणियव्वा जाव अणुवंधोत्ति, से णं भंते ! पज्जत्तअसन्निपंचिदियति-
 रिक्खजोणिए जहन्नकालट्ठिईयरयणप्पभापुढविणेरइए जहन्नकाल० २ पुणरवि
 पज्जत्तअसन्नि जाव गइरागइं करेज्जा ? गोयमा ! भवादेसेणं दो भवग्गहणाइं, काला-
 देसेणं जहन्नेणं दसवाससहस्साइं अंतोमुहुत्तमव्वभहियाइं उक्कोसेणं पुव्वकोडी दसहिं
 वाससहस्सेहिं अव्वभहिया एवइयं कालं सेवेज्जा एवइयं कालं गइरागइं करेज्जा २ ।
 पज्जत्तअसन्निपंचिदियतिरिक्खजोणिए णं भंते ! जे भविए उक्कोसकालट्ठिईएसु रयणप्प-
 भापुढविनेरइएसु उववज्जितए से णं भंते ! केवइयकालट्ठिईएसु उववजेज्जा ? गोयमा !
 जहन्नेणं पलिओवमस्स असंखेज्जइभागट्ठिईएसु उववजेज्जा, उक्कोसेणावि पलिओवमस्स
 असंखेज्जइभागट्ठिईएसु उववजेज्जा, ते णं भंते ! जीवा अवसेसं तं चेव जाव अणु-
 वंधो । से णं भंते ! पज्जत्तअसन्निपंचिदियतिरिक्खजोणिए उक्कोसकालट्ठिईयरयण-
 प्पभापुढविनेरइए उक्कोस पुणरवि पज्जत्त जाव करेज्जा ? गोयमा ! भवादेसेणं दो भव-
 ग्गहणाइं, कालादेसेणं जहन्नेणं पलिओवमस्स असंखेज्जइभागं अंतोमुहुत्तमव्वभहियं
 उक्कोसेणं पलिओवमस्स असंखेज्जइभागं पुव्वकोडिमव्वभहियं एवइयं कालं सेवेज्जा

एवइयं कालं गइरागइं करेज्जा ३ । जहन्नकालट्टिइयपज्जत्तअसन्निपंचिदियतिरिक्ख-
जोणिए णं भंते ! जे भविए रयणप्पभापुढविनेरइएसु उववज्जितए से णं भंते !
केवइयकालट्टिइएसु उववजेज्जा ? गोयमा ! जहन्नेणं दसवाससहस्सट्टिइएसु उक्कोसेणं
पलिओवमस्स असंखेज्जइभागट्टिइएसु उववजेज्जा, ते णं भंते ! जीवा एगसमएणं
केवइया अवसेसं तं चेव णवरं इमाइं तिन्नि णाणत्ताइं आउं अज्झवसाणा अणुबंधो
य, जहन्नेणं ठिइं अंतोमुहुत्तं उक्कोसेणवि अंतोमुहुत्तं, तेसि णं भंते ! जीवाणं केवइया
अज्झवसाणा प० ? गोयमा ! असंखेज्जा अज्झवसाणा प०, ते णं भंते ! किं
पसत्था अप्पसत्था ? गोयमा ! णो पसत्था अप्पसत्था, अणुबंधो अंतोमुहुत्तं सेसं
तं चेव । से णं भंते ! जहन्नकालट्टिइयपज्जत्तअसन्निपंचिदिय० रयणप्पभा जाव
करेज्जा ? गोयमा ! भवादेसेणं दो भवग्गहणाइं, कालादेसेणं जहण्णेणं दसवाससह-
स्साइं अंतोमुहुत्तमब्भहियाइं उक्कोसेणं पलिओवमस्स असंखेज्जइभागं अंतोमुहु-
त्तमब्भहियं एवइयं कालं सेवेज्जा जाव गइरागइं करेज्जा ४ । जहन्नकालट्टिइयप-
ज्जत्तअसन्निपंचिदियतिरिक्खजोणिए णं भंते ! जे भविए जहन्नकालट्टिइएसु रयण-
प्पभापुढविनेरइएसु उववज्जितए से णं भंते ! केवइयकालट्टिइएसु उववजेज्जा ?
गोयमा ! जहण्णेणं दसवाससहस्सट्टिइएसु उक्कोसेणवि दसवाससहस्सट्टिइएसु उव-
वजेज्जा, ते णं भंते ! जीवा सेसं तं चेव ताइं चेव तिन्नि णाणत्ताइं जाव से णं
भंते ! जहन्नकालट्टिइयपज्जत्त जाव जोणिए जहन्नकालट्टिइयरयणप्पभा पुणरवि
जाव गोयमा ! भवादेसेणं दो भवग्गहणाइं, कालादेसेणं जहन्नेणं दसवाससहस्साइं
अंतोमुहुत्तमब्भहियाइं उक्कोसेणवि दसवाससहस्साइं अंतोमुहुत्तमब्भहियाइं एवइयं
कालं सेवेज्जा जाव करेज्जा ५ । जहन्नकालट्टिइयपज्जत्त जाव तिरिक्खजोणियाणं
भंते ! जे भविए उक्कोसकालट्टिइएसु रयणप्पभापुढविनेरइएसु उववज्जितए से णं भंते !
केवइयकालट्टिइएसु उववजेज्जा ? गोयमा ! जहन्नेणं पलिओवमस्स असंखेज्जइभा-
गट्टिइएसु उक्कोसेणवि पलिओवमस्स असंखेज्जइभागट्टि(इ)इएसु उववजेज्जा, ते णं
भंते ! जीवा अवसेसं तं चेव ताइं चेव तिन्नि णाणत्ताइं जाव से णं भंते ! जह-
न्नकालट्टिइयपज्जत्त जाव तिरिक्खजोणिए उक्कोसकालट्टिइयरयणप्पभा जाव करेज्जा ?
गोयमा ! भवादेसेणं दो भवग्गहणाइं, कालादेसेणं जहन्नेणं पलिओवमस्स असंखे-
ज्जइभागं अंतोमुहुत्तमब्भहियं उक्कोसेणवि पलिओवमस्स असंखेज्जइभागं अंतोमुहुत्त-
मब्भहियं एवइयं कालं जाव करेज्जा ६ । उक्कोसकालट्टिइयपज्जत्तअसन्निपंचिदिय-
तिरिक्खजोणिए णं भंते ! जे भविए रयणप्पभापुढविनेरइएसु उववज्जितए से णं
भंते ! केवइयकाल(ट्टिइ)स्स जाव उववजेज्जा ? गोयमा ! जहन्नेणं दसवाससहस्सट्टि-

ईएसु उक्कोसेणं पलिओवमस्स असंखेज्जइभागट्ठिईएसु उववजेज्जा, ते णं भंते ! जीवा एगसमएणं अवसेसं जहेव ओहियगमएणं तहेव अणुगंतव्वं, नवरं (जान) इमाई दोन्नि नाणत्ताई-ठिई जह्वेणं पुव्वकोडी उक्कोसेणावि पुव्वकोडी, एवं अणुवंधोवि, अवसेसं तं चेव, से णं भंते ! उक्कोसकालट्ठिईयपज्जत्तअसन्नि जाव तिरिक्खजोणिए रयणप्पभा जाव गोयमा ! भवादेसेणं दो भवग्गहणाई, कालादेसेणं जह्वेणं पुव्वकोडी दसंहिं वाससहस्सेहिं अब्भहिया उक्कोसेणं पलिओवमस्स असंखेज्जइभागं पुव्वकोडीए अब्भहियं एवइयं जाव करेज्जा ७ । उक्कोसकालट्ठिईयपज्जत्त-तिरिक्खजोणिए णं भंते ! जे भविए जह्वकालट्ठिईएसु रयणप्पभा जाव उववज्जितए से णं भंते ! केवइ जाव उववजेज्जा ? गोयमा ! जह्वेणं दसवाससहस्सट्ठिईएसु उक्कोसेणावि दसवाससहस्सट्ठिईएसु उववजेज्जा, ते णं भंते ! सेसं तं चेव जहा सत्तमगमए जाव से णं भंते ! उक्कोसकालट्ठिई जाव तिरिक्खजोणिए जह्वकालट्ठिईयरयणप्पभा जाव करेज्जा ? गोयमा ! भवादेसेणं दो भवग्गहणाई, कालादेसेणं जह्वेणं पुव्वकोडी दसंहिं वाससहस्सेहिं अब्भहिया उक्कोसेणावि पुव्वकोडी दसंहिं वाससहस्सेहिं अब्भहिया एवइयं जाव करेज्जा ८ । उक्कोसकालट्ठिईयपज्जत्त जाव तिरिक्खजोणिए णं भंते ! जे भविए उक्कोसकालट्ठिईएसु रयणप्पभा जाव उववज्जितए से णं भंते ! केवइयकाल जाव उववजेज्जा ? गोयमा ! जह्वेणं पलिओवमस्स असंखेज्जइभागट्ठिईएसु उक्कोसेणावि पलिओवमस्स असंखेज्जइभागट्ठिईएसु उववजेज्जा, ते णं भंते ! जीवा एगसमएणं सेसं जहा सत्तमगमए जाव से णं भंते ! उक्कोसकालट्ठिईयपज्जत्त जाव तिरिक्खजोणिए उक्कोसकालट्ठिईयरयणप्पभा जाव करेज्जा ? गोयमा ! भवादेसेणं दो भवग्गहणाई, कालादेसेणं जह्वेणं पलिओवमस्स असंखेज्जइभागं पुव्वकोडीए अब्भहियं उक्कोसेणावि पलिओवमस्स असंखेज्जइभागं पुव्वकोडीए अब्भहियं एवइयं कालं सेवेज्जा जाव गइरागइं करेज्जा ९ । एवं एए ओहिया तिन्नि गमगा ३, जह्वकालट्ठिईएसु तिन्नि गमगा ६, उक्कोसकालट्ठिईएसु तिन्नि गमगा ९, सव्वेते णव गमगा भवन्ति ॥ ६९१-२ ॥ जइ सन्निपंचिदियतिरिक्खजोणिएहिंतो उववज्जंति किं संखेज्जवासाउयसन्निपंचिदिय-तिरिक्खजोणिएहिंतो उववज्जंति असंखेज्जवासाउयसन्निपंचिदियतिरिक्ख जाव उववज्जंति ? गोयमा ! संखेज्जवासाउयसन्निपंचिदियतिरिक्खजोणिएहिंतो उववज्जंति णो असंखेज्जवासाउयसन्निपंचिदिय जाव उववज्जंति, जइ संखेज्जवासाउयसन्निपंचिदिय जाव उववज्जंति किं जलचरेहिंतो उववज्जंति पुच्छा, गोयमा ! जलचरेहिंतो उववज्जंति जहा असन्नी जाव पज्जत्तएहिंतो उववज्जंति णो अपज्जत्तएहिंतो उववज्जंति,

पञ्चत्तसंखेज्जवासाउयसन्निपंचिदियतिरिक्खजोणिए णं भंते ! जे भविए णेरइएसु उववज्जितए से णं भंते ! कइसु पुढवीसु उववज्जेज्जा ? गोयमा ! सत्तसु पुढवीसु उववज्जेज्जा, तंजहा-रयणप्पभाए जाव अहेसत्तमाए, पञ्चत्तसंखेज्जवासाउयसन्निपंचि-दियतिरिक्खजोणिए णं भंते ! जे भविए रयणप्पभापुढविनेरइएसु उववज्जितए से णं भंते ! केवइयकालट्ठिईएसु उववज्जेज्जा ? गोयमा ! जहन्नेणं दसवाससहस्सट्ठिई-एसु उक्कोसेणं सागरोवमट्ठिईएसु उववज्जेज्जा, ते णं भंते ! जीवा एगसमएणं केव-इया उववज्जंति ? जहेव असन्नी, तेसि णं भंते ! जीवाणं सरीरगा किंसंघयणी प० ? गोयमा ! छव्विहसंघयणी प०, तं०-वइरोसभनारायसंघयणी उसभनाराय-संघयणी जाव छेवट्ठसंघयणी, सरीरोगाहणा जहेव असन्नीणं जहन्नेणं अंगुलस्स असंखेज्जइभागं उक्कोसेणं जोयणसहस्सं, तेसि णं भंते ! जीवाणं सरीरगा किंसंठिया प० ? गोयमा ! छव्विहसंठिया प०, तंजहा-समच्चउरंस० णगगोह० जाव हुंड०, तेसि णं भंते ! जीवाणं कइ लेस्साओ प० ? गोयमा ! छलेस्साओ पन्नत्ताओ, तंजहा-कण्हलेस्सा जाव सुक्कलेस्सा, दिट्ठी तिविहावि, तिन्नि नाणा तिन्नि अन्नाणा भयणाए, जोगो तिविहोवि सेसं जहा असन्नीणं जाव अणुवंधो, नवरं पंच समुग्घाया प० आइल्ला, वेदो तिविहोवि, अवसेसं तं चेव जाव से णं भंते ! पञ्चत्तसंखेज्जवासाउय जाव तिरिक्खजोणिए रयणप्पभा जाव करेज्जा ? गोयमा ! भवादेसेणं जहन्नेणं दो भवग्गहणाइं उक्कोसेणं अट्ठ भवग्गहणाइं, कालादेसेणं जहन्नेणं दसवाससहस्साइं अंतोमुहुत्तमव्वभहियाइं उक्कोसेणं चत्तारि सागरोवमाइं चउहिं पुव्वकोडीहिं अव्वभहि-याइं एवइयं कालं सेवेज्जा जाव करेज्जा १ । पञ्चत्तसंखेज्जवासाउय जाव जे भविए जहन्नकाल जाव से णं भंते ! केवइयकालट्ठिईएसु उववज्जेज्जा ? गोयमा ! जहण्णेणं दसवाससहस्सट्ठिईएसु उक्कोसेणवि दसवाससहस्सट्ठिईएसु उववज्जेज्जा, ते णं भंते ! जीवा एवं सो चेव पढमो गमओ निरवसेसो भाणियव्वो जाव कालादेसेणं जहन्नेणं दसवाससहस्साइं अंतोमुहुत्तमव्वभहियाइं उक्कोसेणं चत्तारि पुव्वकोडीओ चत्तालीसाए वाससहस्सेहिं अव्वभहियाओ एवइयं कालं सेवेज्जा एवइयं कालं गइ-रागइं करेज्जा २, सो चेव उक्कोसकालट्ठिईएसु उववज्जो जहन्नेणं सागरोवमट्ठिईएसु उक्कोसेणवि सागरोवमट्ठिईएसु उववज्जेज्जा, अवसेसो परि(णामा)भाणादीओ भवादेसप-ज्जवसाणो सो चेव पढमगमगो णेयव्वो जाव कालादेसेणं जहन्नेणं सागरोवमं अंतोमुहु-त्तमव्वभहियं उक्कोसेणं चत्तारि सागरोवमाइं चउहिं पुव्वकोडीहिं अव्वभहियाइं एवइयं कालं सेवेज्जा जाव करेज्जा ३, जहन्नकालट्ठिईयपञ्चत्तसंखेज्जवासाउयसन्निपंचिदिय-तिरिक्खजोणिए णं भंते ! जे भविए रयणप्पभापुढवि जाव उववज्जितए से णं भंते !

કેવડ્યકાલટ્વિર્દેષુ ઉવવજ્જેજ્ઞા ? ગોયમા ! જહ્નેષ્ણં દસવાસસહસ્સટ્વિર્દેષુ ઉક્કોસેણ સાગરોવમટ્વિર્દેષુ ઉવવજ્જેજ્ઞા, તે ણં મંતે ! જીવા અવસેસો સો ચેવ ગમઓ નવરં દ્માઈં અટ્ટ ણાણત્તાઈં-સરીરોગાદ્દા જહ્નેષ્ણં અંગુલસ્સ અસંગ્ગેજ્ઞાદ્દા અટ્ટોસેણ ધણહપુહુત્તં, ટેસ્સાઓ તિત્થિ આદિદ્દાઓ, ણો સમ્મદિટ્ઠી મિચ્છાદિટ્ઠી ણો સમ્મા-મિચ્છાદિટ્ઠી, ણો ણાણી દો અજ્ઞાણા ણિયમં, સમુગ્ધાયા આદિદ્દા તિત્થિ, આરં અજ્ઞવસાણા અણવંધો ય જહેવ અસઙ્ગીણં અવસેસં જહ્ણ પઠમગમએ જાવ કાલા-દેસેણં જહ્નેષ્ણં દસવાસસહસ્સાઈં અંતોમુહુત્તમબ્બહિયાઈં ઉક્કોસેણં ચત્તારિ સાગરોવ-માઈં ચઉહિં અંતોમુહુત્તેહિં અબ્બહિયાઈં એવડ્યં કાલં જાવ કરેજ્ઞા ૪, સો ચેવ જહ્ણકાલટ્વિર્દેષુ ઉવવજ્જો જહ્નેષ્ણં દસવાસસહસ્સટ્વિર્દેષુ ઉક્કોસેણાવિ દસવાસસહ-સ્સટ્વિર્દેષુ ઉવવજ્જેજ્ઞા, તે ણં મંતે ! એવં સો ચેવ ચઉત્થો ગમઓ નિરવસેસો ભાણિયવ્વો જાવ કાલાદેસેણં જહ્નેષ્ણં દસવાસસહસ્સાઈં અંતોમુહુત્તમબ્બહિયાઈં ઉક્કોસેણં ચત્તાલીસં વાસસહસ્સાઈં ચઉહિં અંતોમુહુત્તેહિં અબ્બહિયાઈં એવડ્યં જાવ કરેજ્ઞા ૫ । સો ચેવ ઉક્કોસકાલટ્વિર્દેષુ ઉવવજ્જો જહ્નેષ્ણં સાગરોવમટ્વિર્દેષુ ઉક્કોસેણાવિ સાગરોવમટ્વિર્દેષુ ઉવવજ્જેજ્ઞા, તે ણં મંતે ! એવં સો ચેવ ચઉત્થો ગમઓ નિરવસેસો ભાણિયવ્વો જાવ કાલાદેસેણં જહ્નેષ્ણં સાગ-રોવમં અંતોમુહુત્તમબ્બહિયં ઉક્કોસેણં ચત્તારિ સાગરોવમાઈં ચઉહિં અંતોમુહુત્તેહિં અબ્બહિયાઈં એવડ્યં જાવ કરેજ્ઞા ૬ । ઉક્કોસકાલટ્વિર્દેયપજ્જતસંખેજ્ઞવાસાઉય જાવ તિરિક્ખજોણિએ ણં મંતે ! જે ભવિએ રયણપ્પમાપુઢવિનેરડેષુ ઉવવજ્જિત્તએ સે ણં મંતે ! કેવડ્યકાલટ્વિર્દેષુ ઉવવજ્જેજ્ઞા ? ગોયમા ! જહ્નેષ્ણં દસવાસસહસ્સટ્વિર્દેષુ ઉક્કોસેણં સાગરોવમટ્વિર્દેષુ ઉવવજ્જેજ્ઞા, તે ણં મંતે ! જીવા અવસેસો પરિમાણાદીઓ મ્હાદેસપજ્જવસાણો એસિં ચેવ પઠમો ગમઓ ણેયવ્વો નવરં ઠિઈં જહ્નેષ્ણં પુવ્વકોઢી ઉક્કોસેણાવિ પુવ્વકોઢી, એવં અણવંધોવિ, સેસં તં ચેવ, કાલાદેસેણં જહ્નેષ્ણં પુવ્વકોઢી દસહિં વાસસહસ્સેહિં અબ્બહિયા ઉક્કોસેણં ચત્તારિ સાગરોવમાઈં ચઉહિં પુવ્વકોઢીહિં અબ્બહિયાઈં એવડ્યં કાલં જાવ કરેજ્ઞા ૭ । સો ચેવ જહ્ણકાલટ્વિર્દેષુ ઉવવજ્જો જહ્નેષ્ણં દસવાસસહસ્સટ્વિર્દેષુ ઉક્કોસેણાવિ દસવાસસહસ્સટ્વિર્દેષુ ઉવવ-જ્જેજ્ઞા, તે ણં મંતે ! જીવા સો ચેવ સત્તમો ગમઓ નિરવસેસો ભાણિયવ્વો જાવ મ્હા-દેસોત્તિ, કાલાદેસેણં જહ્નેષ્ણં પુવ્વકોઢી દસહિં વાસસહસ્સેહિં અબ્બહિયા ઉક્કોસેણં ચત્તારિ પુવ્વકોઢીઓ ચત્તાલીસાએ વાસસહસ્સેહિં અબ્બહિયાઓ એવડ્યં જાવ કરેજ્ઞા ૮, ઉક્કોસકાલટ્વિર્દેયપજ્જત જાવ તિરિક્ખજોણિએ ણં મંતે ! જે ભવિએ ઉક્કોસકાલટ્વિર્દેય જાવ ઉવવજ્જિત્તએ સે ણં મંતે ! કેવડ્યકાલટ્વિર્દેષુ ઉવવજ્જેજ્ઞા ? ગોયમા ! જહ્નેષ્ણં

सागरोवमट्टिईएसु उक्कोसेणवि सागरोवमट्टिईएसु उववज्जेज्जा, ते णं भंते ! जीवा सो चेव सत्तमो गमओ निरवसेसो भाणियव्वो जाव भवादेसोत्ति, कालादेसेणं जहजेणं सागरोवमं पुव्वकोडीए अब्भहियं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं एवइयं जाव करेज्जा ९ । एवं एए णव गमगा उक्खेवनिकखेवओ नवसुवि जहेव असत्तीणं ॥ ६९३ ॥ पज्जत्तसंखेज्जवासाउयसन्निपिंचिदियतिरिक्ख-जोणिए णं भंते ! जे भविए सक्करप्पभाए पुढवीए णेरइएसु उववज्जितए से णं भंते ! केवइयकालट्टिईएसु उववज्जेज्जा ? गोयमा ! जहजेणं सागरोवमट्टिईएसु उववज्जेज्जा, उक्कोसेणं तिसागरोवमट्टिईएसु उववज्जेज्जा, ते णं भंते ! जीवा एगसमएणं एवं जहेव रयणप्पभाए उववज्जंत(गम)गस्स लद्धी सच्चेव निरवसेसा भाणियव्वा जाव भवादेसोत्ति, कालादेसेणं जहजेणं सागरोवमं अंतोमुहुत्तमव्भहियं उक्कोसेणं बार-ससागरोवमाइं चउहिं पुव्वकोडीहिं अब्भहियाइं एवइयं जाव करेज्जा १, एवं रयणप्पभापुढविगमगसरिसा णववि गमगा भाणियव्वा नवरं सव्वगमएसुवि नेरइय-ट्टिई(य)संवेहेसु सागरोवमा भाणियव्वा एवं जाव छट्ठीपुढवित्ति, णवरं नेरइयठिई जा जत्थ पुढवीए जहत्तुक्कोसिया सा तेणं चेव कमेणं चउग्गुणा कायव्वा, वालुयप्पभाए पुढवीए अट्ठावीसं सागरोवमा चउग्गुणिया भवंति, पंकप्पभाए चत्तालीसं, धूमप्प-भाए अट्ठसट्ठि, तमाए अट्ठासीइं, संघयणाइं वालुयप्पभाए पंचविहसंघयणी तं०-वइ-रोसभनारायसंघयणी जाव कीलियासंघयणी, पंकप्पभाए चउव्विहसंघयणी, धूमप्प-भाए तिविहसंघयणी, तमाए दुविहसंघयणी तं०-वइरोसभनारायसंघयणी य उसभनारायसंघयणी य, सेसं तं चेव ॥ पज्जत्तसंखेज्जवासाउय जाव तिरिक्ख-जोणिए णं भंते ! जे भविए अहेसत्तमाए पुढवीए नेरइएसु उववज्जितए से णं भंते ! केवइयकालट्टिईएसु उववज्जेज्जा ? गोयमा ! जहजेणं वावीससागरोवमट्टिईएसु उक्को-सेणं तेत्तीससागरोवमट्टिईएसु उववज्जेज्जा, ते णं भंते ! जीवा एवं जहेव रयणप्प-भाए णव गमगा लद्धीवि सच्चेव णवरं वइरोसभनारायसंघयणी, इत्थिवेदगा न उववज्जंति सेसं तं चेव जाव अणुवंधोत्ति, संवेहो भवादेसेणं जहजेणं तिन्नि भवग्गहणाइं उक्कोसेणं सत्त भवग्गहणाइं, कालादेसेणं जहजेणं वावीसं सागरोवमाइं दोहिं अंतोमुहुत्तेहिं अब्भहियाइं उक्कोसेणं छावट्ठिं सागरोवमाइं चउहिं पुव्वकोडीहिं अब्भहियाइं एवइयं जाव करेज्जा १, सो चेव जहज्जकालट्टिईएसु उववज्जो सच्चेव वत्तव्वयां जाव भवादेसोत्ति, कालादेसेणं जहजेणं कालादेसोवि तहेव जाव चउहिं पुव्वकोडीहिं अब्भहियाइं एवइयं जाव करेज्जा २, सो चेव उक्कोसकालट्टिईएसु उववण्णो सच्चेव लद्धी जाव अणुवंधोत्ति, भवादेसेणं जहजेणं तिन्नि भवग्गहणाइं

उक्तीसेणं पंच भवग्गहणाइं, कालादेसेणं जहन्नेणं तेत्तीसं सागरोवमाइं दोहिं अंतो-
मुहुत्तेहिं अब्भहियाइं उक्तीसेणं छावट्ठिं सागरोवमाइं तिहिं पुव्वकोटीहिं अब्भहियाइं
एवइयं जाव करेज्जा ३, सो चेव अप्पणा जहन्नकालट्ठिइंओ जाओ सच्चेव रयणप्पभा-
पुडविजहन्नकालट्ठिइंयवत्तव्वया भाणियव्वा जाव भवादेसोत्ति, नवरं पढमसंघयणं णो
इत्थिचेदगा, भवादेसेणं जहन्नेणं तिन्नि भवग्गहणाइं उक्तीसेणं सत्त भवग्गहणाइं, काला-
देसेणं जहन्नेणं वावीसं सागरोवमाइं दोहिं अंतोमुहुत्तेहिं अब्भहियाइं उक्तीसेणं छावट्ठिं
सागरोवमाइं चउहिं अंतोमुहुत्तेहिं अब्भहियाइं एवइयं जाव करेज्जा ४ । सो चेव
जहन्नकालट्ठिइंएमु उववन्नो एवं सो चेव चउत्थो गमओ निरवसेसो भाणियव्वो
जाव कालादेसोत्ति ५ । सो चेव उक्तीसकालट्ठिइंएमु उववन्नो सच्चेव लद्धी जाव
अणुवंधोत्ति, भवादेसेणं जहन्नेणं तिन्नि भवग्गहणाइं उक्तीसेणं पंच भवग्गहणाइं,
कालादेसेणं जहन्नेणं तेत्तीसं सागरोवमाइं दोहिं अंतोमुहुत्तेहिं अब्भहियाइं उक्तीसेणं
छावट्ठिं सागरोवमाइं तिहिं अंतोमुहुत्तेहिं अब्भहियाइं एवइयं कालं जाव करेज्जा ६ । सो
चेव अप्पणा उक्तीसकालट्ठिइंओ जाओ जहन्नेणं वावीससागरोवमट्ठिइंएमु उक्तीसेणं
तेत्तीससागरोवमट्ठिइंएमु उववज्जेज्जा, ते णं भंते । अवसेसा सच्चेव सत्तमपुडविपढ-
मगमगवत्तव्वया भाणियव्वा जाव भवादेसोत्ति, नवरं ठिइं अणुवंधो य जहन्नेणं
पुव्वकोडी उक्तीसेणवि पुव्वकोडी सेसं तं चेव, कालादेसेणं जहन्नेणं वावीसं सागरो-
वमाइं दोहिं पुव्वकोडीहिं अब्भहियाइं उक्तीसेणं छावट्ठिं सागरोवमाइं चउहिं
पुव्वकोडीहिं अब्भहियाइं एवइयं जाव करेज्जा ७ । सो चेव जहन्नकालट्ठिइंएमु
उववन्नो सच्चेव लद्धी संवेहोवि तहेव सत्तमगमगसरिसो ८ । सो चेव उक्तीसकाल-
ट्ठिइंएमु उववन्नो सच्चेव लद्धी जाव अणुवंधोत्ति, भवादेसेणं जहन्नेणं तिन्नि
भवग्गहणाइं उक्तीसेणं पंच भवग्गहणाइं, कालादेसेणं जहन्नेणं तेत्तीसं सागरोवमाइं
दोहिं पुव्वकोडीहिं अब्भहियाइं उक्तीसेणं छावट्ठिं सागरोवमाइं तिहिं पुव्वकोडीहिं
अब्भहियाइं एवइयं कालं सेवेज्जा जाव करेज्जा ॥ ६९४ ॥ जइ मणुस्सेहिंतो
उववज्जंति किं सन्निमणुस्सेहिंतो उववज्जंति असण्णिमणुस्सेहिंतो उववज्जंति ? गोयमा !
सन्निमणुस्सेहिंतो उववज्जंति णो असण्णिमणुस्सेहिंतो उववज्जंति, जइ सन्निमणुस्सेहिंतो
उववज्जन्ति किं संखेज्जवासाउयसन्निमणुस्सेहिंतो उववज्जंति असंखेज्जवासाउय जाव
उववज्जंति ? गोयमा ! संखेज्जवासाउयसन्निमणुस्सेहिंतो उ० णो असंखेज्जवासाउय
जाव उववज्जन्ति, जइ संखेज्जवासाउय जाव उववज्जन्ति किं पज्जत्तसंखेज्जवासाउय
जाव उववज्जंति अपज्जत्त जाव उववज्जंति ? गोयमा ! पज्जत्तसंखेज्जवासाउय जाव
उववज्जंति नो अपज्जत्तसंखेज्जवासाउय जाव उववज्जंति, पज्जत्तसंखेज्जवासाउयसन्नि-

मणुस्से णं भंते ! जे भविए नेरइएसु उववज्जितए से णं भंते ! कइसु पुढवीसु उव-
 वजेज्जा ? गोयमा ! सत्तसु पुढवीसु उववजेज्जा, तं०-रयणप्पभाए जाव, अहेसत्तमाए,
 पज्जत्तसंखेज्जावासाउयसन्निमणुस्से णं भंते ! जे भविए रयणप्पभाए पुढवीए
 नेरइएसु उववज्जितए से णं भंते ! केवइयकालट्ठिइएसु उववजेज्जा ? गोयमा ! जह-
 ण्णेणं दसवाससहस्सट्ठिइएसु उक्कोसेणं सागरोवमट्ठिइएसु उववजेज्जा, ते णं भंते !
 जीवा एगसमएणं केवइया उववज्जंति ? गोयमा ! जहन्नेणं एक्को वा दो वा तिन्नि वा
 उक्कोसेणं संखेज्जा (वा) उववज्जंति, संघयणा छ, सरीरोगाहणा जहन्नेणं अंगुलपुहुत्तं
 उक्कोसेणं पंचधणुहसयाइं, एवं सेसं जहा सन्निपंचिदियतिरिक्खजोणियाणं जाव भवा-
 देसोत्ति, नवरं चत्तारि णाणा तिन्नि अन्नाणा भयणाए, छ समुग्घाया केवलिवज्जा,
 ठिई अणुवंधो य जहन्नेणं मासपुहुत्तं उक्कोसेणं पुव्वकोडी सेसं तं चेव, कालादेसेणं
 जहन्नेणं दसवाससहस्साइं मासपुहुत्तमब्भहियाइं उक्कोसेणं चत्तारि सागरोवमाइं
 चउहिं पुव्वकोडीहिं अब्भहियाइं एवइयं जाव करेज्जा १, सो चेव जहन्नकालट्ठि-
 इएसु उववन्नो सा चेव वत्तव्वया नवरं कालादेसेणं जहन्नेणं दसवाससहस्साइं मास-
 पुहुत्तमब्भहियाइं उक्कोसेणं चत्तारि पुव्वकोडीओ चत्तालीसाए वाससहस्सेहिं अब्भहि-
 याओ एवइयं जाव करेज्जा २, सो चेव उक्कोसकालट्ठिइएसु उववन्नो एस चेव
 वत्तव्वया नवरं कालादेसेणं जहन्नेणं सागरोवमं मासपुहुत्तमब्भहियं उक्कोसेणं चत्तारि
 सागरोवमाइं चउहिं पुव्वकोडीहिं अब्भहियाइं एवइयं जाव करेज्जा ३, सो चेव
 अप्पणा जहन्नकालट्ठिइओ जाओ एस चेव वत्तव्वया नवरं इमाइं पंच नाणत्ताइं-
 सरीरोगाहणा जहन्नेणं अंगुलपुहुत्तं उक्कोसेणवि अंगुलपुहुत्तं, तिन्नि नाणा तिन्नि अन्ना-
 णा भयणाए, पंच समुग्घाया आइल्ला, ठिई अणुवंधो य जहन्नेणं मासपुहुत्तं उक्को-
 सेणवि मासपुहुत्तं सेसं तं चेव जाव भवादेसोत्ति, कालादेसेणं जहन्नेणं दसवासस-
 हस्साइं मासपुहुत्तमब्भहियाइं उक्कोसेणं चत्तारि सागरोवमाइं चउहिं मासपुहुत्तेहिं
 अब्भहियाइं एवइयं जाव करेज्जा ४ । सो चेव जहन्नकालट्ठिइएसु उववन्नो एस
 चेव वत्तव्वया उउत्थगमगसरिसा णेयव्वा नवरं कालादेसेणं जहन्नेणं दसवाससह-
 स्साइं मासपुहुत्तमब्भहियाइं उक्कोसेणं चत्तालीसं वाससहस्साइं चउहिं मासपुहुत्तेहिं
 अब्भहियाइं एवइयं जाव करेज्जा ५ । सो चेव उक्कोसकालट्ठिइएसु उववन्नो एस
 चेव गमगो नवरं कालादेसेणं जहन्नेणं सागरोवमं मासपुहुत्तमब्भहियं उक्कोसेणं
 चत्तारि सागरोवमाइं चउहिं मासपुहुत्तेहिं अब्भहियाइं एवइयं जाव करेज्जा ६ ।
 सो चेव अप्पणा उक्कोसकालट्ठिइओ जाओ सो चेव पढमगमओ णेयव्वो नवरं
 सरीरोगाहणा जहन्नेणं पंचधणुहसयाइं उक्कोसेणवि पंचधणुहसयाइं, ठिई जहन्नेणं

पुव्वकोटी उक्कोसेणवि पुव्वकोटी, एवं अणुवंधोवि, कालादेसेणं जहन्नेणं पुव्वकोटी दसहिं वासराहस्सेहिं अब्भहिया उक्कोसेणं चत्तारि सागरोवमाइं चउहिं पुव्वकोटीहिं अब्भहियाइं एवइयं कालं जाव करेज्जा ७ । सो चेव जहन्नकालट्टिइंएमु उववन्नो राचेव सत्तमगमगवत्तव्वया नवरं कालादेसेणं जहन्नेणं पुव्वकोटी दसहिं वाससहस्सेहिं अब्भहिया उक्कोसेणं चत्तारि पुव्वकोटीओ चत्तालीसाए वाससहस्सेहिं अब्भहियाओ एवइयं कालं जाव करेज्जा ८ । सो चेव उक्कोसकालट्टिइंएमु उववन्नो सा चेव सत्तमगमगवत्तव्वया नवरं कालादेसेणं जहन्नेणं एगं सागरोवमं पुव्वकोटीए अब्भहियं उक्कोसेणं चत्तारि सागरोवमाइं चउहिं पुव्वकोटीहिं अब्भहियाइं एवइयं कालं जाव करेज्जा ९ ॥ ६९५ ॥ पज्जत्तसंखेज्जवासाउयसन्निमणुस्से णं भंते । जे भविए सक्करप्पभाए पुढवीए नेरइएसु जाव उववज्जितए से णं भंते । केवइयकाल जाव उववजेज्जा ? गोयमा । जहन्नेणं सागरोवमट्टिइंएसु उक्कोसेणं तिसागरोवमट्टिइंएसु उववजेज्जा, ते णं भंते । एवं सो चेव रयणप्पभापुढविगमओ णेयव्वो नवरं सरीरोगाहणा जहन्नेणं रयणिपुहुत्तं उक्कोसेणं पंचधणुहसयाइं, ठिइं जहन्नेणं वासपुहुत्तं उक्कोसेणं पुव्वकोटी, एवं अणुवंधोवि, सेसं तं चेव जाव भवादेसोत्ति, कालादेसेणं जहन्नेणं सागरोवमं वासपुहुत्तमव्भहियं उक्कोसेणं वास सागरोवमाइं चउहिं पुव्वकोटीहिं अब्भहियाइं एवइयं जाव करेज्जा १, एवं एसा ओहिएसु तिसु गमएसु मणूसस्स लद्धी नाणत्तं नेरइयट्टिइं कालादेसेणं संवेहं च जाणेज्जा ३, सो चेव अप्पणा जहन्नकालट्टिइंओ जाओ तिसुवि गमएसु एस चेव लद्धी नवरं सरीरोगाहणा जहन्नेणं रयणिपुहुत्तं उक्कोसेणवि रयणिपुहुत्तं, ठिइं जहन्नेणं वासपुहुत्तं उक्कोसेणवि वासपुहुत्तं एवं अणुवंधोवि, सेसं जहा ओहियाणं संवेहो सव्वो उव(जुज्जि)जुंजिऊण भाणियव्वो ४-५-६, सो चेव अप्पणा उक्कोसकालट्टिइंओ जाओ तस्सवि तिसुवि गमएसु इमं णाणत्तं-सरीरोगाहणा जहन्नेणं पंचधणुहसयाइं उक्कोसेणवि पंचधणुहसयाइं, ठिइं जहन्नेणं पुव्वकोटी उक्कोसेणवि पुव्वकोटी एवं अणुवंधोवि, सेसं जहा पढमगमए नवरं नेरइयठि(इं) इं कायसंवेहं च जाणेज्जा ९, एवं जाव छट्ठपुढवी नवरं तच्चाए आढचेता एकैकं संघयणं परिहायइ जहेव तिरिक्खजोणियाणं कालादेसोवि तहेव नवरं मणुस्सट्टिइं भाणियव्वा ॥ पज्जत्तसंखेज्जवासाउयसन्निमणुस्से णं भंते । जे भविए अहेसत्तमापुढविनेरइएसु उववज्जितए से णं भंते । केवइयकालट्टिइंएसु उववजेज्जा ? गोयमा । जहन्नेणं वावीसं सागरोवमट्टिइंएसु उक्कोसेणं तेत्तीसं सागरोवमट्टिइंएसु उववजेज्जा, ते णं भंते । जीवा एगसमएणं अवसेसो सो चेव सक्करप्पभापुढविगमओ णेयव्वो नवरं पढमं संघयणं इत्थि-वेयगा न उववज्जंति सेसं तं चेव जाव अणुवंधोत्ति, भवादेसेणं दो भवग्गहाणइं

कालादेसेणं जहन्नेणं वावीसं सागरोवमाइं वासपुहुत्तमव्भहियाइं उक्कोसेणं तेत्तीसं सागरोवमाइं पुव्वकोडीए अव्भहियाइं एवइयं जाव करेज्जा १, सो चेव जहन्नकालट्ठिइएसु उववन्नो एस चेव वत्तव्वया नवरं नेरइयट्ठिइं संवेहं च जाणेज्जा २, सो चेव उक्कोसकालट्ठिइएसु उववन्नो एस चेव वत्तव्वया नवरं संवेहं च जाणेज्जा ३, सो चेव अप्पणा जहन्नकालट्ठिइओ जाओ तस्सवि तिसुवि गमएसु एस चेव वत्तव्वया नवरं सरीरोगाहणा जहन्नेणं रयणिपुहुत्तं उक्कोसेणवि रयणिपुहुत्तं, ठिइं जहन्नेणं वासपुहुत्तं उक्कोसेणवि वासपुहुत्तं एवं अणुवंधोवि, संवेहो उवउंजिऊण भाणियव्वो ६ । सो चेव अप्पणा उक्कोसकालट्ठिइओ जाओ तस्सवि तिसुवि गमएसु एस चेव वत्तव्वया नवरं सरीरोगाहणा जहन्नेणं पंचधणुहसयाइं उक्कोसेणवि पंचधणुहसयाइं, ठिइं जहन्नेणं पुव्वकोडी उक्कोसेणवि पुव्वकोडी एवं अणुवंधोवि णवसुवि एसु गमएसु नेरइयट्ठि(इं)इं संवेहं च जाणेज्जा, सव्वत्थ भवग्गहणाइं दोन्नि जाव णवमगमए कालादेसेणं जहन्नेणं तेत्तीसं सागरोवमाइं पुव्वकोडीए अव्भहियाइं उक्कोसेणवि तेत्तीसं सागरोवमाइं पुव्वकोडीए अव्भहियाइं एवइयं कालं सेवेज्जा एवइयं कालं गइरागइं करेज्जा ९ । सेवं भंते ! २ ति जाव विहरइ ॥ ६९६ ॥ चउवीसइमस्स सयस्स पढमो उद्देसो समत्तो ॥

रायगिहे जाव एवं वयासी-असुरकुमारा णं भंते ! कओहिंतो उववज्जंति किं नेरइ-एहिंतो उववज्जंति तिरिक्ख० मणुस्से० देवेहिंतो उववज्जंति ? गोयमा ! णो णेरइएहिंतो उववज्जंति तिरिक्ख० मणुस्सेहिंतो उववज्जंति नो देवेहिंतो उववज्जंति, एवं जहेव नेरइय-उद्देसए जाव पज्जतअसन्निपंचिदियतिरिक्खजोणिए णं भंते ! जे भविए असुरकुमारेसु उववज्जितए से णं भंते ! केवइयकालट्ठिइएसु उववजेज्जा ? गोयमा ! जहन्नेणं दसवास-सहस्सट्ठिइएसु उक्कोसेणं पलिओवमस्स असंखेज्जइभागट्ठिइएसु उववजेज्जा, ते णं भंते ! जीवा एवं रयणप्पभागमगसरिसा णववि गमा भाणियव्वा नवरं जाहे अप्पणा जहन्नकालट्ठिइओ भवइ ताहे अज्झवसाणा पसत्था णो अप्पसत्था तिसुवि गमएसु अवसेसं तं चेव ९॥ जइ सन्निपंचिदियतिरिक्खजोणिएहिंतो उववज्जंति किं संखेज्जवासाउय-सन्निपंचिदिय जाव उववज्जंति असंखेज्जवासाउय जाव उववज्जंति ? गोयमा ! संखेज्ज-वासाउय जाव उववज्जंति असंखेज्जवासाउय जाव उववज्जंति, असंखेज्जवासाउय-सन्निपंचिदियतिरिक्खजोणिए णं भंते ! जे भविए असुरकुमारेसु उववज्जितए से णं भंते ! - केवइयकालट्ठिइएसु उववजेज्जा ? गोयमा ! जहन्नेणं दसवाससहस्सट्ठिइएसु उववजेज्जा उक्कोसेणं तिपलिओवमट्ठिइएसु उववजेज्जा, ते णं भंते ! जीवा एगसमएणं पुच्छा, गोयमा ! जहन्नेणं एक्को वा दो वा तिन्नि वा उक्कोसेणं संखेज्जा

उववज्जंति, वडरोसभनारायसंघयणी, ओगाहणा जहणेणं धणुहपुहुतं उक्कोसेणं छ
गाउयाइं, गमनउरंसंठाणसंठिया १०, चत्तारि ऐस्साओ आइहाओ, णो सम्महिट्ठी
मिच्छादिट्ठी णो सम्मामिच्छादिट्ठी, णो णाणी अजाणी नियमं दुअजाणी मइअजाणी य
सुयअजाणी य, जोगो ति विहोवि, उवओगो दुविहोवि, चत्तारि सत्ताओ, चत्तारि
कसाया, पंच इंदिया, तिन्नि समुग्घाया आइहागा, समोहयावि मरंति असमोहयावि
मरंति, चेयणा दुविहावि सायाचेयगावि असायाचेयगावि, चेदो दुविहोवि इत्थिवेयगावि
पुरिसवेयगावि णो नपुंसगवेयगा, ठिइं जहन्नेणं साइरेगा पुव्वकोडी उक्कोसेणं तिन्नि
पलिओवमाइं, अज्जवसाणा पसत्थावि अप्पसत्थावि, अणुबंधो जहेव ठिइं, कायसंवेहो
भवादेसेणं दो भवग्गहणाइं, कालादेसेणं जहन्नेणं साइरेगा पुव्वकोडी दसहिं वास-
सहस्सेहिं अब्भहिया उक्कोसेणं छप्पलिओवमाइं एवइयं जाव करेज्जा १, सो चेव
जहन्नकालट्ठिइंएसु उववन्नो एस चेव वत्तव्वया नवरं असुरकुमारट्ठिइं(इं)इं संवेहं च
जाणेज्जा २, सो चेव उक्कोसकालट्ठिइंएसु उववन्नो जहन्नेणं तिपलिओवमट्ठिइंएसु
उक्कोसेणवि तिपलिओवमट्ठिइंएसु उववज्जेज्जा एस चेव वत्तव्वया नवरं ठिइं से
जहन्नेणं तिन्नि पलिओवमाइं उक्कोसेणवि तिन्नि पलिओवमाइं एवं अणुबंधोवि,
कालादेसेणं जहन्नेणं छप्पलिओवमाइं उक्कोसेणवि छप्पलिओवमाइं एवइयं सेसं तं
चेव ३, सो चेव अप्पणा जहन्नकालट्ठिइंओ जाओ जहन्नेणं दसवाससहस्सट्ठिइंएसु
उक्कोसेणं साइरेगं पुव्वकोडीआउएसु उववज्जेज्जा, ते णं भंते ! अवसेसं तं
चेव जाव भवादेसोत्ति, नवरं ओगाहणा जहन्नेणं धणुहपुहुतं उक्कोसेणं साइरेगं
धणुहसहस्सं, ठिइं जहन्नेणं साइरेगा पुव्वकोडी उक्कोसेणवि साइरेगा पुव्वकोडी एवं
अणुबंधोवि, कालादेसेणं जहन्नेणं साइरेगा पुव्वकोडी दसहिं वाससहस्सेहिं अब्भहिया
उक्कोसेणं साइरेगाओ दो पुव्वकोडीओ एवइयं ४, सो चेव अप्पणा जहन्नकालट्ठिइं-
एसु उववण्णो एस चेव वत्तव्वया नवरं असुरकुमारट्ठिइं संवेहं च जाणेज्जा ५, सो चेव
उक्कोसकालट्ठिइंएसु उववण्णो जहन्नेणं साइरेगपुव्वकोडिआउएसु उक्कोसेणवि साइरे-
गपुव्वकोडीआउएसु उववज्जेज्जा सेसं तं चेव, नवरं कालादेसेणं जहन्नेणं साइरेगाओ दो
पुव्वकोडीओ उक्कोसेणवि साइरेगाओ दो पुव्वकोडीओ एवइयं कालं सेवेज्जा ६, सो
चेव अप्पणा उक्कोसकालट्ठिइंओ जाओ सो चेव पढमगमगो भाणियव्वो नवरं ठिइं
जहन्नेणं तिन्नि पलिओवमाइं उक्कोसेणवि तिन्नि पलिओवमाइं एवं अणुबंधोवि,
कालादेसेणं जहन्नेणं तिन्नि पलिओवमाइं दसहिं वाससहस्सेहिं अब्भहियाइं उक्को-
सेणं छ पलिओवमाइं एवइयं ७, सो चेव जहन्नकालट्ठिइंएसु उववन्नो एस चेव वत्त-
व्वया नवरं असुरकुमारट्ठिइं संवेहं च जाणेज्जा ८, सो चेव उक्कोसकालट्ठिइंएसु उववन्नो

जहण्णेणं तिपलिओव० उक्कोसेणवि तिपलिओव० एस चेव वत्तव्वया नवरं कालादेसेणं
जहण्णेणं छप्पलिओवमाइं उक्कोसेणवि छप्पलिओवमाइं एवइयं० ९ ॥ जइ संखेज्जवा-
साउयसन्निपिंचिदिय जाव उववज्जंति किं जलचर० एवं जाव पज्जत्तसंखेज्जवासाउयस-
न्निपिंचिदियतिरिक्खजोणि एणं भंते । जे भविए असुरकुमारेसु उववज्जितए से णं भंते !
केवइयकालट्ठिईएसु उववज्जेजा ? गोयमा ! जहण्णेणं दसवाससहस्सट्ठिईएसु उक्कोसेणं
साइरेगसागरोवमट्ठिईएसु उववज्जेजा, ते णं भंते ! जीवा एगसमएणं एवं एएसिं रय-
णप्पभपुढविगमगसरिसा नव गमगा णेयव्वा, नवरं जाहे अप्पणा जहन्नकालट्ठिईओ
भवइ ताहे तिसुवि गमएसु इमं णाणत्तं चत्तारि लेस्साओ अज्झवसाणा पसत्था नो
अप्पसत्था सेसं तं चेव संवेहो साइरेगेण सागरोवमेण कायव्वो ९ ॥ जइ मणुस्सेहिंतो
उववज्जंति किं सन्निमणुस्सेहिंतो उ० असन्निमणुस्सेहिंतो उ० ? गोयमा ! सन्निमणु-
स्सेहिंतो उ० नो असन्निमणुस्सेहिंतो उववज्जंति, जइ सन्निमणुस्सेहिंतो उववज्जंति
किं संखेज्जवासाउयसन्निमणुस्सेहिंतो उववज्जंति असंखेज्जवासाउयसन्निमणुस्सेहिंतो
उववज्जंति ? गोयमा ! संखेज्जवासाउय जाव उववज्जंति असंखेज्जवासाउय जाव
उववज्जंति, असंखेज्जवासाउयसन्निमणुस्से णं भंते ! जे भविए असुरकुमारेसु
उववज्जितए से णं भंते ! केवइयकालट्ठिईएसु उववज्जेजा ? गोयमा ! जहण्णेणं दस-
वाससहस्सट्ठिईएसु उक्कोसेणं तिपलिओवमट्ठिईएसु उववज्जेजा, एवं असंखेज्जवासा-
उयतिरिक्खजोणियसरिसा आइल्ला तिन्नि गमगा नेयव्वा, नवरं सरीरोगाहणा
पढमविइएसु गमएसु जहन्नेणं साइरेगाइं पंचधणुहसयाइं उक्कोसेणं तिन्नि गाउयाइं
सेसं तं चेव, तइयगमे ओगाहणा जहन्नेणं तिन्नि गाउयाइं उक्कोसेणवि तिन्नि
गाउयाइं सेसं जहेव तिरिक्खजोणियाणं ३, सो चेव अप्पणा जहन्नकालट्ठिईओ
जाओ तस्सवि जहन्नकालट्ठिईयतिरिक्खजोणियसरिसा तिन्नि गमगा भाणियव्वा,
नवरं सरीरोगाहणा तिसुवि गमएसु जहण्णेणं साइरेगाइं पंचधणुहसयाइं उक्कोसेणवि
साइरेगाइं पंचधणुहसयाइं सेसं तं चेव ६, सो चेव अप्पणा उक्कोसकालट्ठिईओ
जाओ तस्सवि ते चेव पच्छिल्ला तिन्नि गमगा भाणियव्वा नवरं सरीरोगाहणा
तिसुवि गमएसु जहन्नेणं तिन्नि गाउयाइं उक्कोसेणवि तिन्नि गाउयाइं अवसेसं तं चेव
९ ॥ जइ संखेज्जवासाउयसन्निमणुस्सेहिंतो उववज्जंति किं पज्जत्तसंखेज्जवासाउय०
अपज्जत्तसंखेज्ज जाव उववज्जंति ? गोयमा ! पज्जत्तसंखेज्ज० णो अपज्जत्तसंखेज्ज०,
पज्जत्तसंखेज्जवासाउयसन्निमणुस्से णं भंते ! जे भविए असुरकुमारेसु उववज्जितए से
णं भंते ! केवइयकालट्ठिईएसु उववज्जेजा ? गोयमा ! जहन्नेणं दसवाससहस्सट्ठिईएसु
उक्कोसेणं साइरेगसागरोवमट्ठिईएसु उववज्जेजा, ते णं भंते ! जीवा एवं जहेव

एएहिं रयणप्पभाण उववज्जमाणं णव गमगा नहेव इहवि णव गमगा भाणियव्वा
णवरं संवेहो साइरेणेण सागरोचणेण कायव्वो सेसं तं चेव ९, सेवं भंते । २ ति
॥ ६९७ ॥ चउवीसइमे सए वीओ उहेसो समत्तो ॥

रायगिहे जाव एणं वयासी-नागकुमारा णं भंते । कओहिंतो उववज्जंति किं
नेरइएहिंतो उववज्जंति तिरि० मणु० देवेहिंतो उववज्जंति ? गोयमा । णो नेरइएहिंतो
उववज्जंति तिरिक्खजोणिएहिंतो उ० मणुस्सेहिंतो उववज्जंति नो देवेहिंतो उववज्जंति,
जइ तिरिक्खजोणि० एयं जहा असुरकुमाराणं वत्तव्वया तहा एएसिपि जाव अस-
णिन्ति, जइ सन्निपंचिदियतिरिक्खजोणिएहिंतो उ० किं संखेज्जवासाउय० असंखेज्जवा-
साउय० ? गोयमा । संखेज्जवासाउय० असंखेज्जवासाउय जाव उववज्जंति, असंखे-
ज्जवासाउयसन्निपंचिदियतिरिक्खजोणिए णं भंते । जे भविए नागकुमारेसु उववज्जि-
त्तए से णं भंते । केवइकालट्ठिइ० ? गोयमा । जहणेणंदस वाससहस्सट्ठिइएसु उक्को-
सेणं देसूणदुपलिओवमट्ठिइएसु उववज्जेज्जा, ते णं भंते । जीवा अवसेसो सो चेव अशु-
रकुमारेसु उववज्जमाणस्स गमगो भाणियव्वो जाव भवादेसोत्ति, कालादेसेणं जहणेणं
साइरेगा पुव्वक्कोडी दसहिं वाससहस्सेहिं अब्भहिया उक्कोसेणं देसूणाइं पंच पलि-
ओवमाइं एवइयं जाव करेज्जा १, सो चेव जहन्नकालट्ठिइएसु उववज्जो एस चेव वत्त-
व्वया नवरं नागकुमारट्ठिइं संवेहं च जाणेज्जा २, सो चेव उक्कोसकालट्ठिइएसु उववज्जो
तस्सवि एस चेव वत्तव्वया नवरं ठिइं जहणेणं देसूणाइं दो पलिओवमाइं उक्कोसेणं
तिन्नि पलिओवमाइं सेसं तं चेव जाव भवादेसोत्ति, कालादेसेणं जहणेणं देसूणाइं
चत्तारि पलिओवमाइं उक्कोसेणं देसूणाइं पंच पलिओवमाइं एवइयं कालं ३, सो चेव
अप्पणा जहन्नकालट्ठिइओ जाओ तस्सवि तिसुवि गमएसु जहेव असुरकुमारेसु उव-
वज्जमाणस्स जहन्नकालट्ठिइयस्स तहेव निरवसेसं ६, सो चेव अप्पणा उक्कोसकाल-
ट्ठिइओ जाओ तस्सवि तहेव तिन्नि गमगा जहा असुरकुमारेसु उववज्जमाणस्स नवरं
नागकुमारट्ठिइं संवेहं च जाणेज्जा सेसं तं चेव ९ ॥ जइ संखेज्जवासाउयसन्निपंचिदिय
जाव किं पज्जत्तसंखेज्जवासाउय० अपज्जत्तसंखेज्ज० ? गोयमा । पज्जत्तसंखेज्जवासाउय०
णो अपज्जत्तसंखेज्जवासाउय०, पज्जत्तसंखेज्जवासाउय जाव जे भविए नागकुमारेसु
उववज्जित्तए से णं भंते । केवइयकालट्ठिइएसु उववज्जेज्जा ? गोयमा । जहणेणं दसवा-
ससहस्सट्ठि० उक्कोसेणं देसूणदोपलिओवमट्ठि० एवं जहेव असुरकुमारेसु उववज्जमाणस्स
वत्तव्वया तहेव इहवि णवसुवि गमएसु, णवरं नागकुमारट्ठिइं संवेहं च जाणेज्जा, सेसं
तं चेव ९ ॥ जइ मणुस्सेहिंतो उववज्जंति किं सन्निमणु० असणिमणु० ? गोयमा ।
सन्निमणु० णो असन्निमणुस्से० जहा असुरकुमारेसु उववज्जमाणस्स जाव असंखेज्जवा-

साउयसन्निमणुस्से णं भंते ! जे भविए णागकुमारेसु उववज्जित्तए से णं भंते ! केवइयकालट्ठिईएसु उववज्जइ ? गोयमा ! जहन्नेणं दसवाससहस्सट्ठिईएसु उक्कोसेणं देसूणदोपलिओवमट्ठिईएसु एवं जहेव असंखेज्जवासाउयाणं तिरिक्खजोणियाणं नागकुमारेसु आइल्ला तिन्नि गमगा तहेव इमस्सवि, नवरं पढमविइएसु गमएसु सरीरोगाहणा जहन्नेणं साइरेगाइं पंचधणुहसयाइं उक्कोसेणं तिन्नि गाउयाइं, तइयगमे ओगाहणा जहन्नेणं देसूणाइं दो गाउयाइं उक्कोसेणं तिन्नि गाउयाइं सेसं तं चेव ३, सो चेव अप्पणा जहन्नकालट्ठिईओ जाओ तस्स तिसुवि गमएसु जहा तस्स चेव असुरकुमारेसु उववज्जमाणस्स तहेव निरवसेसं ६, सो चेव अप्पणा उक्कोसकालट्ठिईओ जाओ तस्स तिसुवि गमएसु जहा तस्स चेव उक्कोसकालट्ठिईयस्स असुरकुमारेसु उववज्जमाणस्स नवरं णागकुमारट्ठिइं संवेहं च जाणेज्जा, सेसं तं चेव ९ ॥ जइ संखेज्जवासाउयसन्निमणु० किं पज्जत्तसंखेज्ज० अपज्जत्तसंखेज्ज० ? गोयमा ! पज्जत्तसंखेज्ज० णो अपज्जत्तसंखेज्ज०, पज्जत्तसंखेज्जवासाउयसन्निमणुस्से णं भंते ! जे भविए णागकुमारेसु उववज्जित्तए से णं भंते ! केवइं ? गोयमा ! जहन्नेणं दसवाससहस्सट्ठिईएसु उक्कोसेणं देसूणदोपलिओवमट्ठिईएसु उ० एवं जहेव असुरकुमारेसु उववज्जमाणस्स सच्चेव लद्धी निरवसेसा नवसु गमएसु णवरं णागकुमारट्ठिइं संवेहं च जाणेज्जा, सेवं भंते ! २ ति ॥ ६९८ ॥ चउवीसइमस्स सयस्स तइओ उद्देसो समत्तो ॥

अवसेसा सुवन्नकुमाराई जाव थणियकुमारा एएवि अट्ठ उद्देसगा जहेव नागकुमाराणं तहेव निरवसेसा भाणियव्वा, सेवं भंते ! सेवं भंते ! ति ॥ ६९९ ॥ चउवीसइमस्स सयस्स एकारसमो उद्देसो समत्तो ॥

पुढविकाइया णं भंते ! कओहिंतो उववज्जंति किं नेरइएहिंतो उववज्जंति तिरिक्ख० मणु० देवेहिंतो उववज्जंति ? गोयमा ! णो नेरइएहिंतो उववज्जंति तिरिक्ख० मणु० देवेहिंतोवि उववज्जंति, जइ तिरिक्खजोणिएहिंतो उ० किं एगिंदियतिरिक्खजोणिए० एवं जहा वकंतीए उववाओ जाव जइ वायरपुढविकाइयएगिंदियतिरिक्खजोणिएहिंतो उववज्जंति किं पज्जत्तवादर जाव उववज्जंति अपज्जत्तवादरपुढवि जाव उ० ? गोयमा ! पज्जत्तवादरपुढवि० अपज्जत्तवादरपुढवि जाव उववज्जंति, पुढविकाइए णं भंते ! जे भविए पुढविकाइएसु उववज्जित्तए से णं भंते ! केवइयकालट्ठिईएसु उववज्जेज्जा ? गोयमा ! जहन्नेणं अंतोमुहुत्तट्ठिईएसु उक्कोसेणं वावीसवाससहस्सट्ठिईएसु उववज्जेज्जा, ते णं भंते ! जीवा एगसमएणं पुच्छा, गोयमा ! अणुसमयं अविरहिया असंखेज्जा उववज्जंति, छेवट्ठसंघयणी, सरीरोगाहणा जहन्नेणं अंगुलस्स असंखेज्जइ-भागं उक्कोसेणवि अंगुलस्स असंखेज्जइभागं, मसूरचंदसंठिया, चत्तारि छेस्साओ, णो

सम्मदिट्ठी मिच्छादिट्ठी णो सम्मा मिच्छादिट्ठी, णो णाणी अघाणी दो अघाणा नियमं, णो मणजोगी णो चउजोगी कायजोगी, उवओगो दुविहोनि, चत्तारि सत्ताओ, चत्तारि कसाया, एगे फासिदिण पज्जे, तिन्नि समुग्गया, चेयणा दुविहा, णो इत्थिवेदगा णो पुरिसवेदगा नपुंसगवेदगा, ठिई जहन्नेणं अंतोमुहुत्तं उक्कोसेणं वावीसं वाससहस्साई, अज्जवसाणा परत्थावि अप्पसत्थावि अणुबंधो जहा ठिई १, से णं भंते ! पुडविकाए पुणरवि पुडविकाएत्ति केवइयं कालं सेवेज्जा केवइयं कालं गइरागइं करेज्जा ? गोयमा ! भवादेसेणं जहन्नेणं दो भवग्गहणाई उक्कोसेणं असंखेज्जाई भवग्गहणाई, कालादेसेणं जहन्नेणं दो अंतोमुहुत्ता उक्कोसेणं असंखेज्जं कालं एवइयं जाव करेज्जा १, सो चेव जहन्नकालट्ठिईएसु उववन्नो जहन्नेणं अंतोमुहुत्तट्ठिईएसु उक्कोसेणवि अंतोमुहुत्तट्ठिईएसु एवं चेव वत्तव्वया निरवसेसा २, सो चेव उक्कोसकालट्ठिईएसु उववन्नो जहन्नेणं वावीसवाससहस्सट्ठिईएसु उक्कोसेणवि वावीसवाससहस्सट्ठिईएसु सेसं तं चेव जाव अणुबंधोत्ति, णवरं जहन्नेणं एक्को वा दो वा तिन्नि वा उक्कोसेणं संखेज्जा वा असंखेज्जा वा उववजेज्जा, भवादेसेणं जहन्नेणं दो भवग्गहणाई उक्कोसेणं अट्ठ भवग्गहणाई, कालादेसेणं जहन्नेणं वावीसं वाससहस्साई अंतोमुहुत्तमब्भहियाई उक्कोसेणं छावत्तरिं वाससहस्सुत्तरं सयसहस्सं एवइयं कालं जाव करेज्जा ३, सो चेव अप्पणा जहन्नकालट्ठिईओ जाओ सो चेव पढमिहओ गमओ भाणियन्नो नवरं लेस्साओ तिन्नि, ठिई जहन्नेणं अंतोमुहुत्तं उक्कोसेणवि अंतोमुहुत्तं, अप्पसत्था अज्जवसाणा, अणुबंधो जहा ठिई सेसं तं चेव ४, सो चेव जहन्नकालट्ठिईएसु उववन्नो सच्चेव चउत्थगमगवत्तव्वया भाणियन्वा ५, सो चेव उक्कोसकालट्ठिईएसु उववन्नो एस चेव वत्तव्वया नवरं जहन्नेणं एक्को वा दो वा तिन्नि वा उक्कोसेणं संखेज्जा वा असंखेज्जा वा जाव भवादेसेणं जहन्नेणं दो भवग्गहणाई उक्कोसेणं अट्ठ भवग्गहणाई, कालादेसेणं जहन्नेणं वावीसं वाससहस्साई अंतोमुहुत्तमब्भहियाई उक्कोसेणं अट्ठासीई वाससहस्साई चउहिं अंतोमुहुत्तेहिं अब्भहियाई एवइयं ० ६, सो चेव अप्पणा उक्कोसकालट्ठिईओ जाओ एवं तइयगमगसरिसो निरवसेसो भाणियन्नो नवरं अप्पणा से ठिई जहन्नेणं वावीसं वाससहस्साई उक्कोसेणवि वावीसं वाससहस्साई ७, सो चेव जहन्नकालट्ठिईएसु उववन्नो जहन्नेणं अंतोमुहुत्तं उक्कोसेणवि अंतोमुहुत्तं, एवं जहा सत्तमगमगो जाव भवादेसो, कालादेसेणं जहन्नेणं वावीसं वाससहस्साई अंतोमुहुत्तमब्भहियाई उक्कोसेणं अट्ठासीई वाससहस्साई चउहिं अंतोमुहुत्तेहिं अब्भहियाई एवइयं ० ८, सो चेव उक्कोसकालट्ठिईएसु उववन्नो जहन्नेणं वावीसं वाससहस्सट्ठिईएसु उक्कोसेणवि वावीसं वाससहस्सट्ठिईएसु एस.

चेव सत्तमगमगवत्तव्वया जाणियव्वा जाव भवादेसोत्ति, कालादेसेणं जहण्णेणं चोयालीसं वाससहस्साइं उक्कोसेणं छावत्तरिवाससहस्सुत्तरं सयसहस्सं एवइयं ० ९ ॥ जइ आउक्काइएहिंति उववज्जंति किं सुहुमआउ० वादर-
आउ० एवं चउक्कओ भेदो भाणियव्वो जहा पुढविकाइयाणं, आउक्काइयाणं भंते ! जे भविए पुढविकाइएसु उववज्जितए से णं भंते ! केवइयकालट्टिईएसु उववज्जेजा ? गोयमा ! जहन्नेणं अंतोमुहुत्तट्टिईएसु उक्कोसेणं वावीसं वाससहस्सट्टिईएसु उववज्जेजा, एवं पुढविकाइयगमगसरिसा नव गमगा भाणियव्वा ९, नवरं थिवुगविंदुसंठिए, ठिई जहन्नेणं अंतोमुहुत्त उक्कोसेणं सत्त वाससहस्साइं, एवं अणुवंधोवि एवं तिसुवि गमएसु, ठिई संवेहो तइयछट्टसत्तमट्टमणवमगमएसु भवादेसेणं जहण्णेणं दो भवग्ग-
हणाइं उक्कोसेणं अट्ट भवग्गहणाइं, सेसेसु चउसु गमएसु जहण्णेणं दो भवग्गहणाइं उक्कोसेणं असंखेजाइं भवग्गहणाइं, तइयगमए कालादेसेणं जहन्नेणं वावीसं वासस-
हस्साइं अंतोमुहुत्तमव्वभहियाइं उक्कोसेणं सोलसुत्तरं वाससयसहस्सं एवइयं ०, छट्टे गमए कालादेसेणं जहन्नेणं वावीसं वाससहस्साइं अंतोमुहुत्तमव्वभहियाइं उक्कोसेणं अट्टासीइं वाससहस्साइं चउहिं अंतोमुहुत्तेहिं अव्वभहियाइं एवइयं ०, सत्तमे गमए कालादेसेणं जहन्नेणं सत्त वाससहस्साइं अंतोमुहुत्तमव्वभहियाइं उक्कोसेणं सोलसुत्त-
रवाससयसहस्सं एवइयं ०, अट्टमे गमए कालादेसेणं जहन्नेणं सत्त वाससहस्साइं अंतोमुहुत्तमव्वभहियाइं उक्कोसेणं अट्टावीसं वाससहस्साइं चउहिं अंतोमुहुत्तेहिं अव्वभहियाइं एवइयं ०, णवमे गमए भवादेसेणं जहन्नेणं दो भवग्गहणाइं उक्कोसेणं अट्ट भवग्गहणाइं, कालादेसेणं जहन्नेणं एगूणतीसं वाससहस्साइं उक्कोसेणं सोलसु-
त्तरं वाससयसहस्सं एवइयं ०, एवं णवसुवि गमएसु आउक्काइयठिई जाणियव्वा ९ ॥ जइ तेउक्काइएहिंति उववज्जंति तेउक्काइयाणवि एस चेव वत्तव्वया नवरं नवसुवि गमएसु तिन्नि लेस्साओ तेउक्काइयाणं सु(सू)ईकलावसंठिया ठिई जाणियव्वा तइय-
गमए कालादेसेणं जहण्णेणं वावीसं वाससहस्साइं अंतोमुहुत्तमव्वभहियाइं उक्कोसेणं अट्टासीइं वाससहस्साइं वारसहिं राइंदिएहिं अव्वभहियाइं एवइयं एवं संवेहो उवजुंजि-
ऊण भाणियव्वो ९ ॥ जइ वाउक्काइएहिंति उववज्जंति वाउक्काइयाणवि एवं चेव णव गमगा जहेव तेउक्काइयाणं णवरं पडागासंठिया ५० संवेहो वाससहस्सेहिं कायव्वो तइयगमए कालादेसेणं जहण्णेणं वावीसं वाससहस्साइं अंतोमुहुत्तमव्वभहियाइं उक्कोसेणं एगं वाससयसहस्सं एवं संवेहो उवजुंजिऊण भाणियव्वो ॥ जइ वणस्सइ-
काइएहिंति उववज्जंति वणस्सइकाइयाणं आउक्काइयगमगसरिसा णव गमगा भाणियव्वा नवरं णाणासंठिया सरीरोगाहणा ५० पढमएसु पच्छिइएसु

य तिसु गमएषु जहण्णेणं अंगुलस्स असंखेज्जइभागं उक्कोसेणं सादरेणं जोयणसहस्सं मज्झिम्मेणु तिसु तहेव जहा पुढविकाइयाणं संवेहो ठिई य जाणियव्वा तइयगमए कालादेसेणं जहन्नेणं वावीसं वाससहस्साइं अंतोमुहुत्तमब्भहियाइं उक्कोसेणं अट्ठावीगुत्तरं वाससयसहस्सं एवइयं एवं संवेहो उवजुंजिऊण भाणियव्वो ॥ ७०० ॥ जइ वेइंदिएहिंतो उववजंति किं पज्जतवेइंदिएहिंतो उववजंति अपज्जतवेइंदिएहिंतो उववजंति ? गोयमा ! पज्जतवेइंदिएहिंतो उववजंति अपज्जतवेइंदिएहिंतोवि उववजंति, वेइंदिए णं भंते । जे भविए पुढविकाइएमु उववजितए से णं भंते । केवइ-काल० ? गोयमा ! जहण्णेणं अंतोमुहुत्तट्ठिईएमु उक्कोसेणं वावीसं वाससहस्सट्ठिईएमु, ते णं भंते । जीवा एगसमएणं० ? गोयमा ! जहन्नेणं एको वा दो वा तिसि वा उक्कोसेणं संखेज्जा वा असंखेज्जा वा उववजंति, छेवट्ठसंघयणी, ओगाहणा जहन्नेणं अंगुलस्स असंखेज्जइभागं उक्कोसेणं वासस जोयणाइं, हुंडसंठिया, तिसि लेस्साओ, सम्मदिट्ठीवि मिच्छादिट्ठीवि नो सम्मामिच्छादिट्ठी, दो णाणा दो अन्नाणा नियमं, णो मणजोगी वइजोगीवि कायजोगीवि, उवओगो दुविहोवि, चत्तारि सन्नाओ, चत्तारि कसाया, दो इंदिया प०, तं०-जिर्विभदिए य फासिदिए य, तिसि समुग्घाया सेसं जहा पुढविकाइयाणं णवरं ठिई जहन्नेणं अंतोमुहुत्तं उक्कोसेणं वासस संवच्छराइं एवं अणुवंधोवि, सेसं तं चेव, भवादेसेणं जहण्णेणं दो भवग्गहणाइं उक्कोसेणं संखेज्जाइं भवग्गहणाइं, कालादेसेणं जहन्नेणं दो अंतोमुहुत्ता उक्कोसेणं संखेज्जं कालं एवइयं० १, सो चेव जहन्नकालट्ठिईएमु उववन्नो एस चेव वत्तव्वया सव्वा २, सो चेव उक्कोसकालट्ठिईएमु उववन्नो एसा चेव वेइंदियस्स लद्धी नवरं भवादेसेणं जहण्णेणं दो भवग्गहणाइं उक्कोसेणं अट्ठ भवग्गहणाइं, कालादेसेणं जहण्णेणं वावीसं वाससहस्साइं अंतोमुहुत्तमब्भहियाइं उक्कोसेणं अट्ठासीइं वाससहस्साइं अडयालीसाए संवच्छरेहिं अब्भहियाइं एवइयं० ३, सो चेव अप्पणा जहन्नकालट्ठिईओ जाओ तस्सवि एस चेव वत्तव्वया तिसुवि गमएषु नवरं इमाइं सत्त णाणत्ताइं सरीरोगाहणा जहा पुढविकाइयाणं, णो सम्मदिट्ठी मिच्छादिट्ठी णो सम्मामिच्छादिट्ठी, दो अन्नाणा नियमं, णो मणजोगी णो वइजोगी कायजोगी, ठिई जहन्नेणं अंतोमुहुत्तं उक्कोसेणवि अंतोमुहुत्तं, अज्झवसाणा अप्पसत्था, अणुवंधो जहा ठिई, संवेहो तहेव आइल्लेसु दोसु गमएषु तइयगमए भवादेसो तहेव अट्ठ भवग्गहणाइं कालादेसेणं जहन्नेणं वावीसं वाससहस्साइं अंतोमुहुत्तमब्भहियाइं उक्कोसेणं अट्ठासीइं वाससहस्साइं चउहिं अंतोमुहुत्तेहिं अब्भहियाइं ६, सो चेव अप्पणा उक्कोसकालट्ठिईओ जाओ एयस्सवि ओहियगमसरिसा तिसि गमगा भाणियव्वा नवरं तिसुवि गमएषु ठिई जहन्नेणं

वारस संवच्छराइं उक्कोसेणवि वारस संवच्छराइं, एवं अणुवंधोवि, भवादेसेणं जहण्णेणं
 दो भवग्गहणाइं उक्कोसेणं अट्ट भवग्गहणाइं, कालादेसेणं उवजुंजिऊण भाणियव्वं
 जाव णवमे गमए जहन्नेणं वावीसं वाससहस्साइं वारसहिं संवच्छरेहिं अब्भहियाइं
 उक्कोसेणं अट्टासीइ वाससहस्साइं अड्यालीसाए संवच्छरेहिं अब्भहियाइं एवइयं०
 ९ ॥ जइ तेइदिएहिंतो पुढविकाइएसु उववज्जन्ति एवं चेव नव गमंगा भाणियव्वा
 नवरं आइहेसु तिसुवि गमएसु सरीरोगाहणा जहन्नेणं अंगुलस्स असंखेज्जइभागं
 उक्कोसेणं तिन्नि गाडयाइं, तिन्नि इंदियाइं, ठिई जहन्नेणं अंतोमुहुत्तं उक्कोसेणं एगूण-
 पन्नं राइंदियाइं, तइयगमए कालादेसेणं जहन्नेणं वावीसं वाससहस्साइं अंतोमुहुत्त-
 मव्भहियाइं उक्कोसेणं अट्टासीइ वाससहस्साइं छन्नउइं राइंदियसयमव्भहियाइं
 एवइयं०, मज्झिमंगा तिन्नि गमंगा तहेव पच्छिमंगावि तिन्नि गमंगा तहेव नवरं ठिई
 जहन्नेणं एगूणपन्नं राइंदियाइं उक्कोसेणवि एगूणपन्नं राइंदियाइं संवेहो उवजुंजिऊण
 भाणियव्वो ९ ॥ जइ चउरिंदिएहिंतो उववज्जन्ति एवं चेव चउरिंदियाणवि नव गमंगा
 भाणियव्वा नवरं एएसु चेव ठाणेषु नाणत्तां भाणियव्वा सरीरोगाहणा जहन्नेणं
 अंगुलस्स असंखेज्जइभागं उक्कोसेणं चत्तारि गाडयाइं, ठिई जहन्नेणं अंतोमुहुत्तं
 उक्कोसेणं छम्मासां एवं अणुवंधोवि, चत्तारि इंदियाइं सेसं तं चेव जाव नवमगमए
 कालादेसेणं जहण्णेणं वावीसं वाससहस्साइं छहिं मासेहिं अब्भहियाइं उक्कोसेणं अट्टा-
 सीइ वाससहस्साइं चउवीसाए मासेहिं अब्भहियाइं एवइयं० ९ ॥ जइ पंचिंदियतिरि-
 खजोणिएहिंतो उववज्जन्ति किं सन्निपंचिंदियतिरिखजोणिएहिंतो उववज्जन्ति असन्निपं-
 चिंदियतिरिखजोणिए०? गोयमा ! सन्निपंचिंदिय०, असण्णिपंचिंदिय०, जइ असण्णि-
 पंचिंदिय जाव उ० किं जलचरेहिंतो उववज्जन्ति जाव किं पज्जतएहिंतो उववज्जन्ति अपं-
 ज्जतएहिंतो उववज्जन्ति ? गोयमा ! पज्जतएहिंतोवि उववज्जन्ति अपज्जतएहिंतोवि उवव-
 ज्जन्ति, असन्निपंचिंदियतिरिखजोणिए ण भंते ! जे भविए पुढविकाइएसु उववज्जितए
 से ण भंते ! केवइ० ? गोयमा ! जहन्नेणं अंतोमुहुत्तं उक्कोसेणं वावीसं वाससहस्साइं, तं
 ण भंते ! जीवा एवं जहेव वेइंदियस्स ओहियगमए लद्धी तहेव नवरं सरीरोगाहणा
 जहण्णेणं अंगुलस्स असंखेज्जइभागं उक्कोसेणं जोयणसहस्सं, पंचिंदिया, ठिई अणुवंधो
 य जहण्णेणं अंतोमुहुत्तं उक्कोसेणं पुव्वकोडी सेसं तं चेव, भवादेसेणं जहण्णेणं दो भव-
 ग्गहणाइं उक्कोसेणं अट्ट भवग्गहणाइं, कालादेसेणं जहण्णेणं दो अंतोमुहुत्ता उक्कोसेणं
 चत्तारि पुव्वकोडीओ अट्टासीइए वाससहस्सेहिं अब्भहियाओ एवइयं० णवसुवि
 गमएसु कायसंवेहो भवादेसेणं जहन्नेणं दो भवग्गहणाइं उक्कोसेणं अट्ट भवग्गहणाइं
 कालादेसेणं उवजुंजिऊण भाणियव्वं, नवरं मज्झिमएसु तिसु गमएसु जहेव वेइंदियस्स

मज्झिमएणु तिसु गमएणु पच्छिन्नएणु तिसु गमएणु जहा एयस्स चेव पढमगमए, नवरं ठिई अणुबंधो जहन्नेणं पुव्वकोटी उक्कोसेणवि पुव्वकोटी, सेसं तं चेव जाव नवम गमए जहन्नेणं पुव्वकोटी वावीसाए वाससहरसेहिं अब्भहिया उक्कोसेणं चत्तारि पुव्वकोटीओ अट्ठासीईए वाससहरसेहिं अब्भहियाओ एवइयं कालं संवेजा० ९ ॥ जइ सज्जिमपंचिंदियतिरिक्खजोणि जाव उ० किं संखेज्जवासाउय० असंखेज्जवासाउय० ? गोयमा ! संखेज्जवासाउय० णो असंखेज्जवासाउय जाव उ०, जइ संखेज्जवासाउय जाव उ० किं जलचरेहिंतो सेसं जहा अरार्त्ताणं जाव ते णं भंते । जीवा एगसमएणं केवइया उववज्जंति एवं जहा रयणप्पभाए उववज्जमाणस्स सज्जिमपंचिंदियस्स तहेव इहवि, नवरं ओगाहणा जहन्नेणं अंगुलस्स असंखेज्जइभागं उक्कोसेणं जोयणसहस्सं सेसं तहेव जाव कालादेसेणं जहन्नेणं दो अंतोमुहुत्ता उक्कोसेणं चत्तारि पुव्वकोटीओ अट्ठासीईए वाससहस्सेहिं अब्भहियाओ एवइयं०, एवं संवेहो णवगुवि गमएणु जहा असत्तीणं तहेव निरवसेसं लद्धी से आइल्लएणु तिसुवि गमएणु एणु चेव मज्झिन्नएणुवि तिसु गमएणु एणु चेव नवरं इमाइं नव णाणत्ताइं ओगाहणा जहन्नेणं अंगुलस्स असंखेज्जइभागं उक्कोसेणवि अंगुलस्स असंखेज्जइभागं, तिज्जि लेस्साओ, मिच्छादिट्ठी, दो अन्नाणा, कायजोगी, तिज्जि समुग्घाया, ठिई जहन्नेणं अंतोमुहुत्तं उक्कोसेणवि अंतोमुहुत्तं, अप्पसत्था अज्झवसाणा, अणुबंधो जहा ठिई सेसं तं चेव, पच्छिन्नएणु तिसुवि गमएणु जहेव पढमगमए णवरं ठिई अणुबंधो जहन्नेणं पुव्वकोटी उक्कोसेणवि पुव्वकोटी, सेसं तं चेव ९ ॥ ७०१ ॥ जइ मणुरसेहिंतो उववज्जंति किं सण्णिमणुस्सेहिंतो उववज्जंति असण्णिमणुस्सेहिंतो उ० ? गोयमा ! सण्णिमणुस्सेहिंतो उववज्जंति असण्णिमणुस्सेहिंतोवि उववज्जंति, असज्जिमणुस्सेणं भंते ! जे भविए पुढविकाइएणु० से णं भंते ! केवइयकालंट्ठिईएणु० एवं जहा असण्णिपंचिंदियतिरिक्खजोणियस्स जहन्नकालंट्ठिईयस्स तिज्जि गमगा तहा एयस्सवि ओहिया तिज्जि गमगा भाणियव्वा तहेव निरवसेसा सेसा छ न भण्णंति १ ॥ जइ सज्जिमणुस्सेहिंतो उववज्जंति किं संखेज्जवासाउय० असंखेज्जवासाउय जाव उ० ? गोयमा ! संखेज्जवासाउय० णो असंखेज्जवासाउय जाव उ०, जइ संखेज्जवासाउय जाव उ० किं पज्जत्त० अपज्जत्त० ? गोयमा ! पज्जत्तसंखेज्जवासाउय० अपज्जत्तसंखेज्जवासा जाव उ०, सज्जिमणुस्से णं भंते ! जे भविए पुढविकाइएणु उववज्जित्तए से णं भंते ! केवइकाल० ? गोयमा ! जहन्नेणं अंतोमुहुत्तं उक्कोसेणं वावीसं वाससहस्सट्ठिईएणु, ते णं भंते ! जीवा एवं जहेव रयणप्पभाए उववज्जमाणस्स तहेव तिसुवि गमएणु लद्धी नवरं ओगाहणा जहन्नेणं अंगुलस्स असंखेज्जइभागं उक्कोसेणं पंचधणुहसयाइं, ठिई जहन्नेणं अंतोमुहुत्तं उक्को-

सेणं पुव्वकोडी एवं अणुवंधोवि, संवेहो नवसु गमएसु जहेव सन्निपंचिदियस्स मज्झि-
 ण्सु तिसु गमएसु लद्धी जहेव सन्निपंचिदियस्स म० सेसं तं चेव निरवसेसं, पच्छि-
 त्तिणि गमगा जहा एयस्स चेव ओहिया गमगा नवरं ओगाहणा जहण्णेणं पंचध-
 ण्हसयाइं उक्कोसेणवि पंच धण्हसयाइं, ठिई अणुवंधो जहण्णेणं पुव्वकोडी उक्कोसेणवि
 पुव्वकोडी सेसं तहेव नवरं पच्छिण्सु गमएसु संखेज्जा उववज्जंति नो असंखेज्जा
 उववज्जंति ॥ जइ देवेहिंतो उववज्जंति किं भवणवासिदेवेहिंतो उववज्जंति वाणमं-
 तर० जोइसियदेवेहिंतो उववज्जंति वेमाणियदेवेहिंतो उववज्जंति ? गोयमा ! भवण-
 वासिदेवेहिंतोवि उववज्जंति जाव वेमाणियदेवेहिंतोवि उववज्जंति, जइ भवणवासिदे-
 वेहिंतो उववज्जंति किं असुरकुमारभवणवासिदेवेहिंतो उववज्जंति जाव थणियकुमा-
 रभवणवासिदेवेहिंतो उ० ? गोयमा ! असुरकुमारभवणवासिदेवेहिंतो उववज्जंति जाव
 थणियकुमारभवणवासिदेवेहिंतो उववज्जंति, असुरकुमारे णं भंते ! जे भविए पुढवि-
 काइएसु उववज्जित्तए से णं भंते ! केवइ० ? गोयमा ! जहन्नेणं अंतोमुहुत्तं उक्कोसेणं
 वावीसं वाससहस्साइं ठिई, ते णं भंते ! जीवा पुच्छा, गोयमा ! जहण्णेणं एक्को
 वा दो वा तिन्नि वा उक्कोसेणं संखेज्जा वा असंखेज्जा वा उववज्जंति, तेसि णं भंते !
 जीवाणं सरीरगा किंसंघयणी प० ? गोयमा ! छण्हं संघयणाणं असंघयणी जाव
 परिणमंति, तेसि णं भंते ! जीवाणं केमहालिया सरीरोगाहणा ? गोयमा ! दुविहा
 प०, तं०-भवधारणिज्जा य उत्तरवेउव्विया य, तत्थ णं जा सा भवधारणिज्जा सा
 जहन्नेणं अंगुलस्स असंखेज्जइभागं उक्कोसेणं सत्त रयणीओ, तत्थ णं जा सा उत्तर-
 वेउव्विया सा जहन्नेणं अंगुलस्स असंखेज्जइभागं उक्कोसेणं जोयणसयसहस्सं,
 तेसि णं भंते ! जीवाणं सरीरगा किंसंठिया प० ? गोयमा ! दुविहा प०, तं०-
 भवधारणिज्जा य उत्तरवेउव्विया य, तत्थ णं जे ते भवधारणिज्जा ते समचउरंस-
 संठाणसंठिया प०, तत्थ णं जे ते उत्तरवेउव्विया ते णाणासंठाणसंठिया प०, छेस्साओ
 चत्तारि, दिट्ठी तिविहावि, तिन्नि णाणा नियमं, तिन्नि अन्नाणा भयणाए, जोगो तिविहोवि,
 उवओगो दुविहोवि, चत्तारि सन्नाओ, चत्तारि कसाया, पंच इंदिया, पंच समुग्घाया,
 वेयणा दुविहावि, इत्थिवेदगावि पुरिसवेदगावि णो णपुंसगवेदगा, ठिई जहन्नेणं
 दंसवाससहस्साइं उक्कोसेणं साइरेगं सागरोवमं, अज्झवसाणा असंखेज्जा पसत्थावि
 अप्पसत्थावि, अणुवंधो जहा ठिई, भवादेसेणं दो भवग्गहणाइं, कालादेसेणं जहण्णेणं
 दसवाससहस्साइं अंतोमुहुत्तमव्वभहियाइं उक्कोसेणं साइरेगं सागरोवमं वावीसाए
 वाससहस्सेहिं अव्वभहियं एवइयं०, एवं णववि गमा णेयव्वा नवरं मज्झिण्सु
 पच्छिण्सु तिसु गमएसु असुरकुमाराणं ठिइविसेसो जाणियव्वो सेसा ओहिया चेव

लद्धी कायसंवेहं च जाणेज्जा, सञ्जत्य दो भवग्गहणाइं जाव णवमगमए कालादेसेणं जहण्णेणं साइरेणं सागरोवमं वावीसाए वाससहस्सेहिं अब्भहियं उक्कोसेणवि साइरेणं सागरोवमं वावीसाए वाससहस्सेहिं अब्भहियं एवइयं० ९ ॥ णागकुमारा णं भंते । जे भविए पुढविकाइए एस चैव वत्तव्वया जाव भवादेसोत्ति, णवरं ठिइं जहण्णेणं दसवाससहस्साइं उक्कोसेणं देसूणाइं दो पलिओवमाइं, एवं अणुवंधोवि, कालादे-
 सेणं जहण्णेणं दसवाससहस्साइं अंतोमुहुत्तमब्भहियाइं उक्कोसेणं देसूणाइं दो पलि-
 ओवमाइं वावीसाए वाससहस्सेहिं अब्भहियाइं, एवं णववि गमगा असुरकुमारगमगा-
 सरिसा नवरं ठिइं कालादेसं च जाणेज्जा, एवं जाव थणियकुमारणं ॥ जइ वाणमंतरदे-
 वेहिंतो उववजंति किं पिसायवाणमंतर० जाव गंधव्ववाणमंतर० ? गोयमा । पिसाय-
 वाणमंतर० जाव गंधव्ववाणमंतर०, वाणमंतरदेवे णं भंते । जे भविए पुढविकाइए
 एएसिंपि असुरकुमारगमगसरिसा नव गमगा भाणियव्वा, नवरं ठिइं कालादेसं च
 जाणेज्जा, ठिइं जहण्णेणं दसवाससहस्साइं उक्कोसेणं पलिओवमं सेसं तहेव ॥ जइ
 जोइसियदेवेहिंतो उववजंति किं चंदविमाणजोइसियदेवेहिंतो उववजंति जाव तारा-
 विमाणजोइसियदेवेहिंतो उ० ? गोयमा । चंदविमाण जाव उ० जाव ताराविमाण जाव
 उ०, जोइसियदेवे णं भंते । जे भविए पुढविकाइए लद्धी जहा असुरकुमारणं णवरं एसा
 तेउलेस्सा प०, तिन्नि णाणा तिन्नि अन्नाणा णियमं, ठिइं जहण्णेणं अट्टभागपलिओवमं
 उक्कोसेणं पलिओवमं वाससयसहस्समब्भहियं एवं अणुवंधोवि, कालादेसेणं जहण्णेणं
 अट्टभागपलिओवमं अंतोमुहुत्तमब्भहियं उक्कोसेणं पलिओवमं वाससयसहस्सेणं वावी-
 साए वाससहस्सेहिं अब्भहियं एवइयं०, एवं सेसावि अट्ट गमगा भाणियव्वा नवरं ठिइं
 कालादेसं च जाणेज्जा ॥ जइ वेमाणियदेवेहिंतो उववजंति किं कप्पोववण्णगवेमाणिय०
 कप्पातीयवेमाणिएहिंतो उ० ? गोयमा । कप्पोववण्णगवेमाणिय जाव उ० णो कप्पाती-
 तवेमाणिय जाव उ०, जइ कप्पोववज्जग जाव उ० किं सोहम्मकप्पोववण्णगवेमाणिय०
 जाव अञ्चुयकप्पोववण्णगवेमाणिय जाव उ० ? गोयमा । सोहम्मकप्पोववज्जगवेमाणिय०
 ईसाणकप्पोववज्जगवेमाणिय जाव उ०, णो सर्णकुमार जाव णो अञ्चुयकप्पोववण्णगवे-
 माणिय जाव उ०, सोहम्मगदेवे णं भंते । जे भविए पुढविकाइएसु उववज्जितए से णं
 भंते । केवइयं० एवं जहा जोइसियस्स गमगो णवरं ठिइं अणुवंधो य जहण्णेणं पलि-
 ओवमं उक्कोसेणं दो सागरोवमाइं, कालादेसेणं जहण्णेणं पलिओवमं अंतोमुहुत्तमब्भ-
 हियं उक्कोसेणं दो सागरोवमाइं वावीसाए वाससहस्सेहिं अब्भहियाइं एवइयं कल्लं०,
 एवं सेसावि अट्ट गमगा भाणियव्वा, णवरं ठिइं कालादेसं च जाणेज्जा । ईसाणदेवे णं
 भंते । जे भविए एवं ईसाणदेवेणवि णव गमगा भाणियव्वा नवरं ठिइं अणुवंधो जहण्णेणं

साइरेणं पलिओवमं उक्कोसेणं साइरेगाइं दो सागरोवमाइं सेसं तं चेव । सेवं भंते । २
त्ति जाव विहरइ ॥ ७०२ ॥ चउवीसइमे सए वारहमो उद्देसो समत्तो ॥

आउक्काइया णं भंते । कओहिंतो उववज्जंति ? एवं जहेव पुढविकाइयउद्देसए जाव
पुढविकाइए णं भंते ! जे भविए आउक्काइएसु उववज्जित्तए से णं भंते ! केवइ० ?
गोयमा ! जहन्नेणं अंतोमुहुत्तं उक्कोसेणं सत्तवाससहस्सट्ठिइएसु उववज्जेजा, एवं
पुढविकाइयउद्देसगसरिसो भाणियव्वो णवरं ठिइं संवेहं च जाणेजा, सेसं तहेव,
सेवं भंते ! २ त्ति ॥ ७०३ ॥ चउवीसइमे सए तेरहमो उद्देसो समत्तो ॥

तेउक्काइया णं भंते । कओहिंतो उववज्जंति ? एवं (णवरं) पुढविकाइयउद्देसगसरिसो
उद्देसो भाणियव्वो नवरं ठिइं संवेहं च जाणेजा, देवेहिंतो ण उववज्जंति, सेसं तं
चेव । सेवं भंते ! २ त्ति जाव विहरइ ॥ ७०४ ॥ चउवीसइमस्स सयस्स
चउद्दसमो उद्देसो समत्तो ॥

वाउक्काइया णं भंते । कओहिंतो उववज्जंति ? एवं जहेव तेउक्काइयउद्देसओ
तहेव नवरं ठिइं संवेहं च जाणेजा । सेवं भंते ! २ त्ति ॥ ७०५ ॥ चउवीसइमे
सए पण्णरहमो उद्देसो समत्तो ॥

वणस्सइकाइया णं भंते । कओहिंतो उववज्जंति ? एवं पुढविकाइयसरिसो उद्देसो नवरं
जाहे वणस्सइकाइया वणस्सइकाइएसु उववज्जन्ति ताहे पढमविइयचउत्थपंचमेसु
गमएसु परिमाणं अणुसमयं अविरहियं अणंता उववज्जंति, भवादेसेणं जहण्णेणं दो
भवग्गहणाइं उक्कोसेणं अणंताइं भवग्गहणाइं, कालादेसेणं जहण्णेणं दो अंतोमुहुत्ता
उक्कोसेणं अणंतं कालं एवइयं०, सेसा पंच गमा अट्ठभवग्गहणिया तहेव नवरं
ठिइं संवेहं च जाणेजा । सेवं भंते ! २ त्ति ॥ ७०६ ॥ चउवीसइमस्स सयस्स
सोलहमो उद्देसो समत्तो ॥

वेइंदिया णं भंते ! कओहिंतो उववज्जंति जाव पुढविकाइए णं भंते ! जे भविए
वेइंदिएसु उववज्जित्तए से णं भंते ! केवइ० सच्चेव पुढविकाइयस्स लद्धी जाव
कालादेसेणं जहन्नेणं दो अंतोमुहुत्ता उक्कोसेणं संखेजाइं भवग्गहणाइं एवइयं०,
एवं तेसु चेव चउसु गमएसु संवेहो सेसेसु पंचसु गमएसु तहेव अट्ठ भवा । एवं जाव
चउरिंदिएणं समं चउसु संखेजा भवा, पंचसु अट्ठ भवा, पंचिंदियतिरिक्खजोणि-
यमणुस्सेसु समं तहेव अट्ठ भवा, देवे चेव न उववज्जंति, ठिइं संवेहं च जाणेजा ।
सेवं भंते ! २ त्ति ॥ ७०७ ॥ २४-१७ ॥ तेइंदिया णं भंते ! कओहिंतो उववज्जंति ?
एवं तेइंदियाणं जहेव वेइंदियाणं उद्देसो नवरं ठिइं संवेहं च जाणेजा, तेउक्काइ-
एसु समं तइयगमो उक्कोसेणं अट्ठतराइं वेराइंदियसयाइं वेइंदिएहिं समं तइयगमे

उफोसेणं अउयालीसं संवच्छराइं छन्नउयराइंदियसयमब्भहियाइं तेइंदिएहिं समं
तइयगमे उफोसेणं वाणउयाइं तिज्जि राइंदियसयाइं एवं सच्चत्थ जाणेज्जा जाव
सज्जिमणुस्तात्ति, सेवं भंते ! २ ति ॥ ७०८ ॥ २४-१८ ॥ चउरिंदिया णं भंते !
कओहिंतो उववजंति ? जहा तेइंदियाणं उदेसओ तहेव चउरिंदियाणवि नवरं ठिइं
संवेहं च जाणेज्जा । सेवं भंते ! सेवं भंते ! ति ॥ ७०९ ॥ २४-१९ ॥ पंचिंदिय-
तिरिक्खजोणिया णं भंते ! कओहिंतो उववजंति किं नेरइ० तिरिक्ख० मणु०
देवेहिंतो उववजंति ? गोयमा ! नेरइएहिंतोवि उववजंति तिरिक्ख० मणुस्सेहिंतोवि
उ० देवेहिंतोवि उववजंति, जइ नेरइएहिंतो उववजंति किं रयणप्पभापुढविनेरइएहिंतो
उववजंति जाव अहेसत्तमापुढविनेरइएहिंतो उववजंति ? गोयमा ! रयणप्पभा-
पुढविनेरइएहिंतो उववजंति जाव अहेसत्तमापुढविनेरइएहिंतोवि उववजंति,
रयणप्पभापुढविनेरइए णं भंते ! जे भविए पंचिंदियतिरिक्खजोणिएसु उववज्जितए
से णं भंते ! केवइकालट्टिइंएसु उववजेज्जा ? गोयमा ! जहन्नेणं अंतोमुहुत्तट्टिइंएसु
उक्कोसेणं पुव्वकोडिआउएसु उववजेज्जा, ते णं भंते ! जीवा एगसमएणं केवइया उव-
वजंति ? एवं जहा असुरकुमाराणं वत्तव्वया नवरं संघयणे पोगगला अणिट्ठा अकंता
जाव परिणमंति, ओगाहणा दुविहा प०, तं०-भवधारणिज्जा य उत्तरवेउव्विया य, तत्थ
णं जा सा भवधारणिज्जा सा जहण्णेणं अंगुलस्स असंखेज्जइभागं उक्कोसेणं सत्त धणूइं
तिज्जि रयणीओ छच्चंगुलाइं, तत्थ णं जा सा उत्तरवेउव्विया सा जहन्नेणं अंगुलस्स
संखेज्जइभागं उक्कोसेणं पन्नरस धणूइं अट्ठाइजाओ रयणीओ, तेसि णं भंते !
जीवाणं सरीरगा किंसंठिया प० ? गोयमा ! दुविहा प०, तं०-भवधारणिज्जा य
उत्तरवेउव्विया य, तत्थ णं जे ते भवधारणिज्जा ते हुंडसंठिया प०, तत्थ णं जे
ते उत्तरवेउव्विया तेवि हुंडसंठिया प०, एगा काउलेस्सा प०, समुग्घाया चत्तारि,
णो इत्थिवेदगा णो पुरिसवेदगा णपुंसगवेदगा, ठिइं जहन्नेणं दसवाससहस्साइं
उक्कोसेणं सागरोवमं एवं अणुवंधोवि, सेसं तहेव, भवादेसेणं जहण्णेणं दो भवग्ग-
हणाइं उक्कोसेणं अट्ठ भवग्गहणाइं, कालादेसेणं जहन्नेणं दसवाससहस्साइं अंतो-
मुहुत्तमब्भहियाइं उक्कोसेणं चत्तारि सागरोवमाइं चउहिं पुव्वकोडीहिं अब्भहियाइं
एवइयं०, सो चेव जहन्नकालट्टिइंएसु उववज्जो जहन्नेणं अंतोमुहुत्तट्टिइंएसु उववजेज्जा,
उक्कोसेणवि अंतोमुहुत्तट्टिइंएसु अवसेसं तहेव, नवरं कालादेसेणं जहन्नेणं तहेव
उक्कोसेणं चत्तारि सागरोवमाइं चउहिं अंतोमुहुत्तेहिं अब्भहियाइं एवइयं कालं० २,
एवं सेसावि सत्त गमगा भाणियव्वा जहेव नेरइयउदेसए सज्जिपंचिंदिए(णं)हिं समं
णेरइयाणं मज्झिमएसु य तिसुवि गमएसु पच्छिमएसु तिसुवि गमएसु ठिइणणत्तं

भवइ, सेसं तं चेव सव्वत्थ ठिइं संवेहं च जाणेज्जा ९ ॥ सक्करप्पभापुढविनेरइए णं भंते ! जे भविए एवं जहा रयणप्पभाए णव गमगा तहेव सक्करप्पभाएवि, नवरं सरी-
रोगाहणा जहा ओगाहणासंठाणे, तिञ्जि णाणा तिञ्जि अन्नाणां नियमं, ठिइं अणुवंधो य पुव्वभणिया, एवं णववि गमगा उवजुंजिऊण भाणियव्वा, एवं जाव छट्ठपुढवी,
नवरं ओगाहणा छेस्ता ठिइं अणुवंधो संवेहो य जाणियव्वा, अहेसत्तमापुढवी-
नेरइए णं भंते ! जे भविए एवं चेव णव गमगा, णवरं ओगाहणा छेस्ता ठिइं
अणुवंधा जाणियव्वा, संवेहो भवादेसेणं जहण्णेणं दो भवग्गहणाइं उक्कोसेणं छव्वभ-
ग्गहणाइं, कालादेसेणं जहण्णेणं वावीसं सागरोवमाइं अंतोमुहुत्तमव्वभहियाइं उक्कोसेणं
छावट्ठिं सागरोवमाइं तिहिं पुव्वकोडीहिं अव्वभहियाइं एवइयं०, आइल्लएसु छसुवि गम-
एसु जहन्नेणं दो भवग्गहणाइं उक्कोसेणं छ भवग्गहणाइं, पच्छिळ्ळएसु तिसुं गमएसु जह-
न्नेणं दो भवग्गहणाइं उक्कोसेणं चत्तारि भवग्गहणाइं, लद्धी नवसुवि गमएसु जहा
पढमगमए नवरं ठिइंविसेसो कालादे(सेणं)सो य विइयगमए जहन्नेणं वावीसं
सागरोवमाइं अंतोमुहुत्तमव्वभहियाइं उक्कोसेणं छावट्ठिं सागरोवमाइं तिहिं अंतोमुहुत्तेहिं
व्वभहियाइं एवइयं कालं०, तइयगमए जहन्नेणं वावीसं सागरोवमाइं पुव्वकोडीए
व्वभहियाइं उक्कोसेणं छावट्ठिं सागरोवमाइं तिहिं पुव्वकोडीहिं अव्वभहियाइं, चउ-
इयगमए जहन्नेणं वावीसं सागरोवमाइं अंतोमुहुत्तमव्वभहियाइं उक्कोसेणं छावट्ठिं
सागरोवमाइं तिहिं पुव्वकोडीहिं अव्वभहियाइं, पंचमगमए जहन्नेणं वावीसं सागरोव-
माइं अंतोमुहुत्तमव्वभहियाइं उक्कोसेणं छावट्ठिं सागरोवमाइं तिहिं अंतोमुहुत्तेहिं
व्वभहियाइं, छट्ठगमए जहन्नेणं वावीसं सागरोवमाइं पुव्वकोडीहिं अव्वभहियाइं
उक्कोसेणं छावट्ठिं सागरोवमाइं तिहिं पुव्वकोडीहिं अव्वभहियाइं, सत्तमगमए जहन्नेणं
तेत्तीसं सागरोवमाइं अंतोमुहुत्तमव्वभहियाइं उक्कोसेणं छावट्ठिं सागरोवमाइं दोहिं
(अंतोमुहुत्तेहिं) पुव्वकोडीहिं अव्वभहियाइं, अट्ठमगमए जहन्नेणं तेत्तीसं सागरोवमाइं
अंतोमुहुत्तमव्वभहियाइं उक्कोसेणं छावट्ठिं सागरोवमाइं दोहिं अंतोमुहुत्तेहिं अव्वभहियाइं,
णवमगमए जहन्नेणं तेत्तीसं सागरोवमाइं पुव्वकोडीए अव्वभहियाइं उक्कोसेणं छावट्ठिं
सागरोवमाइं दोहिं पुव्वकोडीहिं अव्वभहियाइं एवइयं० ९ ॥ जइ तिरिक्खजोणिएहिंतो
उव्वज्जंति किं एगिंदियतिरिक्खजोणिएहिंतो उ० एवं उववाओ जहा पुढविकाइयंउहेसए
जाव पुढविकाइए णं भंते ! जे भविए पंचिंदियतिरिक्खजोणिएसु उव्वज्जंतए से
णं भंते ! केवइ० ? गोयमा ! जहन्नेणं अंतोमुहुत्तट्ठिइंएसु उक्कोसेणं पुव्वकोडीआउ-
एसु उव्वज्जेज्जा, ते णं भंते ! जीवां एवं परिमाणादीया अणुवंधपज्जवसाणा जच्चेव
अप्पणो सट्ठाणे वत्तव्वयां सच्चेव पंचिंदियतिरिक्खजोणिएसुवि उव्वज्जमाणस्स

भाणियव्वा णवरं णवमुवि गमएमु परिमाणो जहजेणं एयो वा दो वा तिणि वा उक्कोसेणं संखेज्जा वा असंखेज्जा वा उववज्जंति, भवादेसेणवि णवमुवि गमएमु जहजेणं दो भवग्गहणाइं उक्कोसेणं अट्ट भवग्गहणाइं, सेसं तं चेव, कालादेसेणं उभओ ठि(इं)इं पकरेज्जा । जइ आउक्काइएहिंतो उववज्जन्ति एवं आउक्काइ(ए)याणवि एवं जाव चउरिंदिया उववाएयव्वा, नवरं सव्वत्थ अप्पणो लद्धी भाणियव्वा, णवमुवि गमएमु भवादेसेणं जहजेणं दो भवग्गहणाइं उक्कोसेणं अट्ट भवग्गहणाइं, कालादेसेणं उभओ ठिइं करेज्जा सव्वेसिं सव्वगमएमु, जहेव पुढविकाइएमु उववज्जमाणं लद्धी तहेव सव्वत्थ ठिइं संवेहं च जाणेज्जा ॥ जइ पंचिंदियतिरिक्खजोणिएहिंतो उववज्जंति किं सन्निपंचिंदियतिरिक्खजोणिएहिंतो उववज्जंति असन्निपंचिंदियतिरिक्खजोणिएहिंतो उववज्जंति ? गोयमा । सन्निपंचिंदिय० असन्निपंचिंदिय०, भेदो जहेव पुढविकाइएमु उववज्जमाणस्स जाव असन्निपंचिंदियतिरिक्खजोणिए णं भंते । जे भविए पंचिंदियतिरिक्खजोणिएमु उववज्जित्तए से णं भंते । केवइकाल० ? गोयमा । जहजेणं अंतोमुहुत्तं उक्कोसेणं पलिओवमस्स असंखेज्जइभागट्ठिइंएमु उवव०, ते णं भंते । अवसेसं जहेव पुढविकाइएमु उववज्जमाणस्स असन्निस्स तहेव निरवसेसं जाव भवादेसोत्ति, कालादेसेणं जहजेणं दो अंतोमुहुत्ता उक्कोसेणं पलिओवमस्स असंखेज्जइभागं पुव्वकोडिपुहुत्तमब्भहियं एवइयं० १, विइयगमए एस चेव लद्धी नवरं कालादेसेणं जहजेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ एवइयं० २, सो चेव उक्कोसकालट्ठिइंएमु उववन्नो जहजेणं पलिओवमस्स असंखेज्जइभागट्ठिइंएमु उक्कोसेणवि पलिओवमस्स असंखेज्जइभागट्ठिइंएमु उववज्जइ, ते णं भंते । जीवा एवं जहा रयणप्पभाए उववज्जमाणस्स असन्निस्स तहेव निरवसेसं जाव कालादेसोत्ति, नवरं परिमाणं जहजेणं एको वा दो वा तिणि वा उक्कोसेणं संखेज्जा उववज्जंति, सेसं तं चेव ३, सो चेव अप्पणा जहजकालट्ठिइंओ जाओ जहजेणं अंतोमुहुत्तट्ठिइंएमु उक्कोसेणं पुव्वकोडिआउएमु उववज्जेज्जा, ते णं भंते । अवसेसं जहा एयस्स पुढविकाइएमु उववज्जमाणस्स मज्झिमेसु तिसु गमएमु तहां इहवि मज्झिमेसु तिसु गमएमु जाव अणुवंधोत्ति, भवादेसेणं जहजेणं दो भवग्गहणाइं उक्कोसेणं अट्ट भवग्गहणाइं, कालादेसेणं जहजेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अब्भहियाओ ४, सो चेव जहजकालट्ठिइंएमु उववन्नो एस चेव वत्तव्वया नवरं कालादेसेणं जहजेणं दो अंतोमुहुत्ता उक्कोसेणं अट्ट अंतोमुहुत्ता एवइयं० ५, सो चेव उक्कोसकालट्ठिइंएमु उववन्नो जहजेणं पुव्वकोडिआउएमु उक्कोसेणवि पुव्वकोडिआउएमु उववज्जेज्जा, एस चेव वत्तव्वया नवरं कालादेसेणं जाणेज्जा ६, सो चेव

अप्पणा उक्कोसकालट्टिईओ जाओ सचेव पढमगमगवत्तव्वया नवरं ठिई जहण्णेणं पुव्वकोडी उक्कोसेणवि पुव्वकोडी सेसं तं चेव, कालादेसेणं जहण्णेणं पुव्वकोडी अंतोमुहुत्तमव्वहिया उक्कोसेणं पलिओवमस्स असंखेज्जइभागं पुव्वकोडिपुहुत्तमव्वहियं एवइयं० ७, सो चेव जहण्णकालट्टिईएसु उव्वन्नो एस चेव वत्तव्वया जहा सत्तमगमए नवरं कालादेसेणं जहण्णेणं पुव्वकोडी अंतोमुहुत्तमव्वहिया उक्कोसेणं चत्तारि पुव्वकोडीओ चउहिं अंतोमुहुत्तेहिं अव्वहियाओ एवइयं० ८, सो चेव उक्कोसकालट्टिईएसु उव्वन्नो जहण्णेणं पलिओवमस्स असंखेज्जइभागं उक्कोसेणवि पलिओवमस्स असंखेज्जइभागं, एवं जहा रयणप्पभाए उव्वज्जमाणस्स असन्निस्स नवमगमए तहेव निरवसेसं जाव कालादेसोत्ति, नवरं परिमाणं जहा एयस्सेव तइयगमे सेसं तं चेव ९॥ जइ सन्निपंचिदियतिरिक्खजोणिएहिंतो उव्वज्जंति किं संखेज्जवासा० असंखेज्जवासा० ? गोयमा ! संखेज्ज० णो असंखेज्ज०, जइ संखेज्जवासाउय जाव किं पज्जत्तसंखेज्ज० अपज्जत्तसंखेज्ज० ? दोसुवि, संखेज्जवासाउयसन्निपंचिदियतिरिक्खजोणिए णं भंते ! जे भविए पंचिदियतिरिक्खजोणिएसु उव्वज्जित्ते से णं भंते ! केवइ० ? गोयमा ! जहण्णेणं अंतोमुहुत्तं उक्कोसेणं तिपलिओवमट्टिईएसु उव्वज्जेजा, ते णं भंते ! अवसेसं जहा एयस्स चेव सन्निस्स रयणप्पभाए उव्वज्जमाणस्स पढमगमए, नवरं ओगाहणा जहण्णेणं अंगुलस्स असंखेज्जइभागं उक्कोसेणं जोअणसहस्सं सेसं तं चेव जाव भवादेसोत्ति, कालादेसेणं जहण्णेणं दो अंतोमुहुत्ता उक्कोसेणं तिन्नि पलिओवमाइं पुव्वकोडीपुहुत्तमव्वहियाइं एवइयं० १, सो चेव जहण्णकालट्टिईएसु उव्वन्नो एस चेव वत्तव्वया नवरं कालादेसेणं जहण्णेणं दो अंतोमुहुत्ता उक्कोसेणं चत्तारि पुव्वकोडीओ चउहिं अंतोमुहुत्तेहिं अव्वहियाओ २, सो चेव उक्कोसकालट्टिईएसु उव्वण्णो जहण्णेणं तिपलिओवमट्टिईएसु उक्कोसेणवि तिपलिओवमट्टिईएसु उव्वज्जेजा, एस चेव वत्तव्वया नवरं परिमाणं जहण्णेणं एक्को वा दो वा तिन्नि वा उक्कोसेणं संखेज्जा उव्वज्जंति, ओगाहणा जहण्णेणं अंगुलस्स असंखेज्जइभागं उक्कोसेणं जोयणसहस्सं सेसं तं चेव जाव अणुवंधोत्ति, भवादेसेणं दो भवग्गहणाइं, कालादेसेणं जहण्णेणं तिन्नि पलिओवमाइं अंतोमुहुत्तमव्वहियाइं उक्कोसेणं तिन्नि पलिओवमाइं पुव्वकोडीए अव्वहियाइं ३, सो चेव अप्पणा जहण्णकालट्टिईओ जाओ जहण्णेणं अंतोमुहुत्तं उक्कोसेणं पुव्वकोडिआउएसु उव्वज्जेजा, लद्धी से जहा एयस्स चेव सन्निपंचिदियस्स पुढविकाइएसु उव्वज्जमाणस्स मज्झिअएसु तिसु गमएसु सचेव इहवि मज्झिमेसु तिसु गमएसु कायव्वा, संवेहो जहेव एत्थ चेव असन्निस्स मज्झिमेसु तिसु गमएसु, सो चेव अप्पणा उक्कोसकालट्टिईओ जाओ जहा पढमगमए नवरं

टिई अणुवंधो जहन्नेणं पुव्वकोडी उक्कोसेगवि पुव्वकोटी, कालादेसेणं जहन्नेणं
 पुव्वकोटी अंतोमुहुत्तमव्वहिया उक्कोसेणं तिन्नि पलिओवमाइं पुव्वकोटीपुहुत्तमव्व-
 हियाइं ७, सो चैव जहन्नकालट्ठिईएसु उववन्नो एस चैव वत्तव्वया नवरं कालादेसेणं
 जहन्नेणं पुव्वकोटी अंतोमुहुत्तमव्वहिया उक्कोसेणं चत्तारि पुव्वकोटीओ चउहिं
 अंतोमुहुत्तेहिं अव्वहियाओ ८, सो चैव उक्कोसकालट्ठिईएसु उववन्नो जहन्नेणं
 तिपलिओवमट्ठिईएसु उक्कोसेगवि तिपलिओवमट्ठिईएसु अव्वसेसं तं चैव, नवरं परिमाणं
 ओगाहणा य जहा एयस्सेव तइयगमए, भवादेसेणं दो भवग्गहणाइं, कालादेसेणं
 जहन्नेणं तिन्नि पलिओवमाइं पुव्वकोटीए अव्वहियाइं उक्कोसेणावि तिन्नि पलिओवमाइं
 पुव्वकोटीए अव्वहियाइं एवइयं ० ९॥ जइ मणुस्सेहिंतो उववज्जंति किं सन्निमणु०
 असन्निमणु० ? गोयमा ! सन्निमणु० असन्निमणु०, असन्निमणुस्से णं भंते ! जे
 भविए पंचिंदियतिरिक्खजोणिएसु उववज्जित्तए से णं भंते ! केवइकाल० ? गोयमा !
 जहन्नेणं अंतोमुहुत्तं उक्कोसेणं पुव्वकोटीआउएसु उववज्जंति, लद्धी से तिसुवि गमएसु
 जहा पुढविकाइएसु उववज्जमाणस्स संवेहो जहा एत्थ चैव असन्निपंचिंदियस्स
 मज्झिमेसु तिसु गमएसु तहेव निरव्वसेसो भाणियव्वो, जइ सन्निमणुस्स० किं संखेज-
 वासाउयसन्निमणुस्स० असंखेजवासाउयसण्णिमणुस्स० ? गोयमा ! संखेजवासाउय०
 नो असंखेजवासाउय०, जइ संखेज० किं पज्जत० अपज्जत० ? गोयमा ! पज्जत० अप-
 ज्जतसंखेजवासाउय०, सन्निमणुस्से णं भंते ! जे भविए पंचिंदियतिरिक्खजोणिएसु
 उववज्जित्तए से णं भंते ! केवइ० ? गोयमा ! जहन्नेणं अंतोमुहुत्तं उक्कोसेणं
 तिपलिओवमट्ठिईएसु उववज्जेजा, ते णं भंते ! लद्धी से जहा एयस्सेव सन्निमणुस्सस्स
 पुढविकाइएसु उववज्जमाणस्स पढमगमए जाव भवादेसोत्ति, कालादेसेणं जहन्नेणं
 दो अंतोमुहुत्ता उक्कोसेणं तिन्नि पलिओवमाइं पुव्वकोडिपुहुत्तमव्वहियाइं १; सो
 चैव जहन्नकालट्ठिईएसु उववन्नो एस चैव वत्तव्वया नवरं कालादेसेणं जहन्नेणं दो
 अंतोमुहुत्ता उक्कोसेणं चत्तारि पुव्वकोटीओ चउहिं अंतोमुहुत्तेहिं अव्वहियाओ २, सो
 चैव उक्कोसकालट्ठिईएसु उववन्नो जहन्नेणं ति(ण्णि)पलिओवमट्ठिईएसु उक्कोसेणावि तिप-
 लिओवमट्ठिईएसु सच्चैव वत्तव्वया नवरं ओगाहणा जहन्नेणं अंगुलपुहुत्तं उक्कोसेणं पंच
 धणुहसयाइं, ठिई जहन्नेणं मासपुहुत्तं उक्कोसेणं पुव्वकोटी एवं अणुवंधोवि, भवादेसेणं
 दो भवग्गहणाइं, कालादेसेणं जहन्नेणं तिन्नि पलिओवमाइं मासपुहुत्तमव्वहियाइं
 उक्कोसेणं तिन्नि पलिओवमाइं पुव्वकोटीए अव्वहियाइं एवइयं ० ३, सो चैव
 अप्पणा जहन्नकालट्ठिईओ जाओ जहां सन्निपंचिंदियतिरिक्खजोणियस्स पंचिंदिय-
 तिरिक्खजोणिएसु उववज्जमाणस्स मज्झिमेसु तिसु गमएसु वत्तव्वया भाणिया सच्चैव

एयस्सवि मज्झिमेसु तिसु गमएसु निरवसेसा भाणियव्वा, नवरं परिमाणं उक्कोसेणं संखेज्जा उववज्जंति, सेसं तं चेव ६, सो चेव अप्पणा उक्कोसकालट्ठिईओ जाओ सचेव पढमगमगवत्तव्वया नवरं ओगाहणा जहण्णेणं पंच धणुहसयाइं उक्कोसेणवि पंच धणुहसयाइं, ठिई अणुबंधो जहण्णेणं पुव्वकोडी उक्कोसेणवि पुव्वकोडी, सेसं तहेव जाव भवादेसोत्ति, कालादेसेणं जहण्णेणं पुव्वकोडी अंतोमुहुत्तमव्वहिया उक्कोसेणं तिन्नि पलिओवमाइं पुव्वकोडिपुहुत्तमव्वहियाइं एवइयं० ७, सो चेव जहन्नकाल-ट्ठिईएसु उववन्नो एस चेव वत्तव्वया नवरं कालादेसेणं जहण्णेणं पुव्वकोडी अंतोमुहु-त्तमव्वहिया उक्कोसेणं चत्तारि पुव्वकोडीओ चउहिं अंतोमुहुत्तेहिं अव्वहियाओ ८, सो चेव उक्कोसकालट्ठिईएसु उववन्नो जहण्णेणं तिन्नि पलिओवमाइं उक्कोसेणवि तिन्नि पलि-ओवमाइं, एस चेव लद्धी जहेव सत्तमगमए, भवादेसेणं दो भवग्गहणाइं, कालादेसेणं जहन्नेणं तिन्नि पलिओवमाइं पुव्वकोडीए अव्वहियाइं उक्कोसेणवि तिन्नि पलिओवमाइं पुव्वकोडीए अव्वहियाइं एवइयं० ९ ॥ जइ देवेहिंतो उववज्जंति किं भवणवासिदे-वेहिंतो उववज्जंति वाणमंतरं जोइसियं वेमाणियदेवेहिंतो उ० ? गोयमा ! भवण-वासिदेवेहिंतो उ० जाव वेमाणियदेवेहिंतोवि उ०, जइ भवणवासि जाव उ० किं असुर-कुमारभवणं जाव थणियकुमारभवणं ? गोयमा ! असुरकुमारं जाव थणियकुमार-भवणं, असुरकुमारेणं भंते ! जे भविए पंचिंदियतिरिक्खजोणिएसु उववज्जितए सेणं भंते ! केवइयं० ? गोयमा ! जहन्नेणं अंतोमुहुत्तट्ठिईएसु उक्कोसेणं पुव्वकोडिआउएसु उववजेज्जा, असुरकुमाराणं लद्धी णवसुवि गमएसु जहा पुढविकाइएसु उववज्जमाणस्स एवं जाव ईसाणदेवस्स तहेव लद्धी भवादेसेणं सव्वत्थ अट्ठ भवग्गहणाइं उक्कोसेणं जहण्णेणं दोन्नि, भवट्ठिईं संवेहं च सव्वत्थ जाणेज्जा ९॥ नागकुमाराणं भंते ! जे भविए एस चेव वत्तव्वया नवरं ठिईं संवेहं च जाणेज्जा, एवं जाव थणियकुमारे ९। जइ वाणमंतरेहिंतो उ० किं पिसायं तहेव जाव वाणमंतरेणं भंते ! जे भविए पंचिंदियतिरिक्खं एवं चेव नवरं ठिईं संवेहं च जाणेज्जा ९, जइ जोइसियं उववाओ तहेव जाव जोइसिएणं भंते ! जे भविए पंचिंदियतिरिक्खं एस चेव वत्तव्वया जहा पुढविकाइयउद्देसए भवग्गहणाइं णवसुवि गमएसु अट्ठ जाव कालादेसेणं जहन्नेणं अट्ठ-भागपलिओवमं अंतोमुहुत्तमव्वहियं उक्कोसेणं चत्तारि पलिओवमाइं चउहिं पुव्वको-डीहिं चउहिं य वाससयसहस्सेहिं अव्वहियाइं एवइयं०, एवं नवसुवि गमएसु नवरं ठिईं संवेहं च जाणेज्जा ९॥ जइ वेमाणियदेवे० किं कप्पोववन्नगं कप्पातीतवेमाणियं ? गोयमा ! कप्पोववण्णगवेमाणियं नो कप्पातीतवेमाणियं, जइ कप्पोववण्णगं जाव सहस्सारकप्पोववण्णगवेमाणियदेवेहिंतोवि उववज्जंति, नो आणय जाव णो

अनुयक्तपोयतण्णगवेमाणिय०, सोहम्मगदेवे णं भंते । जे भविए पंचिंदियतिरिक्ख-
जोणिएसु उयवज्जितए से णं भंते । केवइ० ? गोयमा । जहण्णेणं अंतोमुहुत्त०
उक्कोसेणं पुव्वकोटिआउएसु सेसं जहेव पुढविकाइयउद्देसए नवसुवि गमएसु नवरं
नवसुवि गमएसु जहण्णेणं दो भवग्गहणाइं उक्कोसेणं अट्ट भवग्गहणाइं, ठिइं काला-
देसं च जाणेज्जा, एवं ईसाणदेवेवि, एवं एएणं कमेणं अवसेसावि जाव सहस्साए-
देवेसु उववाएयव्वा नवरं ओगाहणा जहा ओगाहणासंठाणे, लेस्सा सणंकुमार-
माहिंदयंभलोएसु एगा पम्हलेस्सा सेसाणं एगा सुक्कलेस्सा, वेदे नो इत्थिवेदगा
पुरिसवेदगा णो नपुंसगवेदगा, आउअणुवंधा जहा ठिइपदे सेसं जहेव ईसाणगाणं
कायसंवेहं च जाणेज्जा । सेवं भंते । सेवं भंते । त्ति ॥ ७१० ॥ चउवीसइमे सए
वीसइमो उद्देसो समत्तो ॥

मणुस्सा णं भंते ! कओहिंतो उववज्जंति किं नेरइएहिंतो उववज्जंति जाव
देवेहिंतो उववज्जंति ? गोयमा । नेरइएहिंतोवि उववज्जंति जाव देवेहिंतोवि उवव-
ज्जंति, एवं उववाओ जहा पंचिंदियतिरिक्खजोणियउद्देसए जाव तमापुढविनेरइएहिं-
तोवि उववज्जंति णो अहेसत्तमापुढविनेरइएहिंतो उववज्जंति, रयणप्पभापुढविनेरइए-
णं भंते ! जे भविए मणुस्सेसु उववज्जितए से णं भंते ! केवइकाल० ? गोयमा !
जहण्णेणं मासपुहुत्तट्ठिईएसु उक्कोसेणं पुव्वकोडीआउएसु अवसेसा वत्तव्वया जहा
पंचिंदियतिरिक्खजोणिए उववज्जंतस्स तहेव नवरं परिमाणे जहण्णेणं एक्को वा दो
वा तिन्नि वा उक्कोसेणं संखेज्जा उववज्जंति, जहा तहिं अंतोमुहुत्तेहिं तहा इहं मास-
पुहुत्तेहिं संवेहं करेज्जा सेसं तं चेव ९ ॥ जहा रयणप्पभाए वत्तव्वया तहा सक्कर-
प्पभाएवि वत्तव्वया नवरं जहण्णेणं वासपुहुत्तट्ठिईएसु उक्कोसेणं पुव्वकोडि०, ओगा-
हणालेस्साणाणट्ठिइअणुवंधसंवेहं णाणत्तं च जाणेज्जा जहेव तिरिक्खजोणियउद्देसए
एवं जाव तमापुढविनेरइए ९ ॥ जइ तिरिक्खजोणिएहिंतो उववज्जंति किं एगिंदि-
यतिरिक्खजोणिएहिंतो उववज्जंति जाव पंचिंदियतिरिक्खजोणिएहिंतो उववज्जंति ?
गोयमा ! एगिंदियतिरिक्खजोणिए० भेदो जहा पंचिंदियतिरिक्खजोणियउद्देसए नवरं
तेउवाऊ पडिसेहेयव्वा, सेसं तं चेव जाव पुढविकाइए णं भंते ! जे भविए
मणुस्सेसु उववज्जितए से णं भंते ! केवइ० ? गोयमा ! जहण्णेणं अंतोमुहुत्तट्ठिईएसु
उक्कोसेणं पुव्वकोडीआउएसु उववज्जेज्जा, ते णं भंते । जीवा एवं जचेव पंचिंदियति-
रिक्खजोणिएसु उववज्जमाणस्स पुढविकाइयस्स वत्तव्वया सा चेव इहवि उववज्ज-
माणस्स भाणियव्वा णवसुवि गमएसु, नवरं तइयछट्ठणवमेसु गमएसु परिमाणं
जहण्णेणं एक्को वा दो वा तिन्नि वा उक्कोसेणं संखेज्जा उववज्जंति, जाहे अप्पणा

जहन्नकालट्टिईओ भवइ ताहे पढमगमए अज्झवसाणा पसत्थावि अप्पसत्थावि, विइयगमए अप्पसत्था, तइयगमए पसत्था भवन्ति सेसं तं चेव निरवसेसं ९ ॥ जइ आउकाइए एवं आउकाइयाणवे, एवं वणस्सइकाइयाणवे, एवं जाव चउरिंदियाणवे, असन्निपंचिदियतिरिक्खजोणिया सन्निपंचिदियतिरिक्खजोणिया असन्निमणुस्सा सन्निमणुस्सा य एए सव्वेवि जहा पंचिदियतिरिक्खजोणियउद्देसए तहेव भाणियव्वा, नवरं एयाणि चेव परिमाणअज्झवसाणाणत्ताणि जाणिज्जा, पुढविकाइयस्स एत्थ चेव उद्देसए भाणियाणि सेसं तहेव निरवसेसं ॥ जइ देवेहिंतो उववज्जंति किं भवणवासिदेवेहिंतो उववज्जंति चाणमंतरं जोइसियं वेमाणियदेवेहिंतो उववज्जंति ? गोयमा ! भवणवासिं जाव वेमाणिय जाव उ०, जइ भवणं किं असुरं जाव थणियं ? गोयमा ! असुरं जाव थणियं, असुरकुमारे णं भंते । जे भविए मणुस्सेसु उववज्जितए से णं भंते । केवइ० ? गोयमा ! जहण्णेणं मासपुहुत्तट्टिईएसु उक्कोसेणं पुव्वकोडिआउएसु उववज्जेज्जा, एवं जच्चेव पंचिदियतिरिक्खजोणियउद्देसए वत्तव्वया सच्चेव एत्थवि भाणियव्वा, नवरं जहा तहिं जहन्नगं अंतोमुहुत्तट्टिईएसु तहा इहं मासपुहुत्तट्टिईएसु, परिमाणं जहन्नेणं एक्को वा दो वा तिन्नि वा उक्कोसेणं संखेज्जा उववज्जंति, सेसं तं चेव, एवं जाव ईसाणदेवोत्ति, एयाणि चेव णाणत्ताणि सणकुमारादीया जाव सहस्सारोत्ति जहेव पंचिदियतिरिक्खजोणियउद्देसए, नवरं परिमाणं जहण्णेणं एक्को वा दो वा तिन्नि वा उक्कोसेणं संखेज्जा उववज्जंति, उववाओ जहन्नेणं वासपुहुत्तट्टिईएसु उक्कोसेणं पुव्वकोडिआउएसु उववज्जंति, सेसं तं चेव संवेहं चा(मा)सपुहुत्तपुव्वकोडीसु करेज्जा ॥ सणकुमारे ठिई चउगुणिया अट्ठावीसं सागरोवमा भवन्ति, माहिंदे ताणि चेव साइरेगाणि, वंभलोए चत्तालीसं, लंतए छप्पन्नं, महासुक्के अट्ठसट्ठिं, सहस्सारे वावत्तरिं सागरोवमाइं एसा उक्कोसा ठिई भाणियव्वा जहन्नट्टिईं पि चउ गुणेज्जा ९ ॥ आणयदेवे णं भंते । जे भविए मणुस्सेसु उववज्जितए से णं भंते । केवइ० ? गोयमा ! जहन्नेणं वासपुहुत्तट्टिईएसु उववज्जेज्जा उक्कोसेणं पुव्वकोडिठिईएसु, ते णं भंते ! एवं जहेव सहस्सारदेवाणं वत्तव्वयां नवरं ओगाहणा ठिई अणुबंधो य जाणेज्जा, सेसं तं चेव, भवादेसेणं जहन्नेणं दो भवग्गहणाइं उक्कोसेणं छं भवग्गहणाइं, कालादेसेणं जहन्नेणं अट्ठारस सागरोवमाइं वासपुहुत्तमन्महियाइं उक्कोसेणं सत्तावन्नं सागरोवमाइं तिहिं पुव्वकोडीहिं अन्महियाइं एवइयं कालं, एवं णववि गमगां, नवरं ठिई अणुबंधं संवेहं च जाणेज्जा, एवं जाव अञ्चयदेवो, नवरं ठिई अणुबंधं संवेहं च जाणेज्जा, पाणयदेवस्स ठिई तिगुणिया सट्ठिं सागरोवमाइं, आरणगस्स तेवट्ठिं सागरोवमाइं, अञ्चयदेवस्स छावट्ठिं सागरो-

वमाई ॥ जइ कप्पातीतवेमाणियदेवेहिंतो उववज्जंति किं मेवेज्जकप्पातीत० अणुत्तरोववाइयकप्पातीत जाव उ० ? गोयमा । मेवेज्ज० अणुत्तरोववाइय०, जइ मेवेज्ज० किं हेट्ठिम २ मेवेज्जगकप्पातीत० जाव उवरिम २ मेवेज्ज० ? गोयमा । हेट्ठिम २ मेवेज्ज० जाव उवरिम २ मेवेज्ज०, मेवेज्जगदेवे णं भंते । जे भविए मणुस्सेसु उववज्जितए से णं भंते । केवइकाल० ? गोयमा । जहण्णेणं वासपुहुत्तट्ठिईएसु उक्कोसेणं पुव्वकोडिआउएसु उ० अवसेसं जइ आणयदेवस्स वत्तव्वया नवरं ओगाहणा० गोयमा । एगे भववारणिजे सरीरए से जहणेणं अंगुलस्स असंखेज्जदभागं उक्कोसेणं दो रयणीओ, संठाणं, गोयमा ! एगे भवधारणिजे सरीरए से समच्चउरंससंठाणसंठिए प०, पंच समुग्घाया प०, तं०— वेयणासमुग्घाए जाव तेयगसमुग्घाए णो चेव णं वेउव्वियतेयगसमुग्घाएहिंतो समोहणिसु वा रामोहणंति वा समोहणिसंति वा, ठिई अणुबंधो जहणेणं वावीसं सागरोवमाई उक्कोसेणं एकतीसं सागरोवमाई, सेसं तं चेव, कालादेसेणं जहणेणं वावीसं सागरोवमाई वासपुहुत्तमब्भहियाई उक्कोसेणं तेणउई सागरोवमाई तिहिं पुव्वकोडीहिं अब्भहियाई एवइयं०, एवं सेसेसुवि अट्टगमएसु नवरं ठिई संवेहं च जाणेज्जा ९॥ जइ अणुत्तरोववाइयकप्पातीतवेमाणिय जाव उ० किं विजयअणुत्तरोववाइय० वेजयंतअणुत्तरोववाइय० जाव सव्वट्ठसिद्ध० ? गोयमा । विजयअणुत्तरोववाइय० जाव सव्वट्ठसिद्धअणुत्तरोववाइय०, विजयवेजयंतजयंतअपराजियदेवे णं भंते ! जे भविए मणुस्सेसु उववज्जितए से णं भंते ! केवइ० ? एवं जहेव मेवेज्जगदेवाणं नवरं ओगाहणा जहणेणं अंगुलस्स असंखेज्जदभागं उक्कोसेणं एगा रयणी, सम्महिट्ठी णो सिच्छादिट्ठी णो सम्मामिच्छादिट्ठी, णाणी णो अन्नाणी नियमं तिन्नाणी तं०— आभिणिबोहियनाणी सुयनाणी ओहिणाणी, ठिई जहणेणं एकतीसं सागरोवमाई उक्कोसेणं तेत्तीसं सागरोवमाई, सेसं तहेव, भवादेसेणं जहणेणं दो भवग्गहणाई उक्कोसेणं चत्तारि भवग्गहणाई, कालादेसेणं जहणेणं एकतीसं सागरोवमाई वासपुहुत्तमब्भहियाई उक्कोसेणं छावट्ठि सागरोवमाई दोहिं पुव्वकोडीहिं अब्भहियाई एवइयं०, एवं सेसांवि अट्टगमगा भाणियव्वा नवरं ठिई अणुबंधं संवेहं च जाणेज्जा सेसं तं चेव ॥ सव्वट्ठसिद्धगदेवे णं भंते ! जे भविए मणुस्सेसु उववज्जितए सा चेव विजयादिदेववत्तव्वया भाणियव्वा णवरं ठिई अजहन्नमणुक्कोसेणं तेत्तीसं सागरोवमाई एवं अणुबंधोवि, सेसं तं चेव, भवादेसेणं दो भवग्गहणाई, कालादेसेणं जहणेणं तेत्तीसं सागरोवमाई वासपुहुत्तमब्भहियाई उक्कोसेणं तेत्तीसं सागरोवमाई पुव्वकोडीए अब्भहियाई एवइयं० १॥ सो चेव जहंजकालट्ठिईएसु उववज्जो एस चेव वत्तव्वया नवरं कालादेसेणं जहणेणं तेत्तीसं सागरोवमाई वासपुहुत्तमब्भहियाई

उक्कोसेणवि तेत्तीसं सागरोवमाइं वासपुहुत्तमव्वहियाइं एवइयं० २ । सो चेव उक्कोसकालट्टिइएसु उववन्नो एस चेव वत्तव्वया, नवरं कालादेसेणं जहण्णेणं तेत्तीसं सागरोवमाइं पुव्वकोडीए अव्वहियाइं उक्कोसेणवि तेत्तीसं सागरोवमाइं पुव्वकोडीए अव्वहियाइं एवइयं० ३, एए चेव तिन्नि गमगा सेसा न भण्णंति । सेवं भंते ! २ ति ॥ ७११ ॥ चउवीसइमे सए एकवीसइमो उद्देसो समत्तो ॥

वाणमन्तरा णं भंते ! कओहिंतो उववज्जंति किं नेरइएहिंतो उववज्जंति तिरिक्ख० एवं जहेव णागकुमारउद्देसए असन्नी तहेव निरवसेसं । जइ सन्निपंचिदिय० जाव असंखेज्जवासाउयसन्निपंचिदिय० जे भविए वाणमन्तर० से णं भंते ! केवइ० ? गोयमा ! जहन्नेणं दसवाससहस्सट्टिइएसु उक्कोसेणं पलिओवमट्टिइएसु सेसं तं चेव जहा नागकुमारउद्देसए जाव कालादेसेणं जहण्णेणं साइरेगा पुव्वकोडी दसहिं वाससहस्सेहिं अव्वहिया उक्कोसेणं चत्तारि पलिओवमाइं एवइयं०, सो चेव जहन्ने-कालट्टिइएसु उववन्नो जहेव णागकुमाराणं विइयगमे वत्तव्वया २, सो चेव उक्कोस-कालट्टिइएसु उववण्णो जहण्णेणं पलिओवमट्टिइएसु उक्कोसेणवि पलिओवमट्टिइएसु एस चेव वत्तव्वया नवरं ठिई से जहण्णेणं पलिओवमं उक्कोसेणं तिन्नि पलिओव-माइं, संवेहो जहण्णेणं दो पलिओवमाइं उक्कोसेणं चत्तारि पलिओवमाइं एवइयं० ३, मज्झिमगमगा तिन्निवि जहेव नागकुमारेसु पच्छिमेसु तिसु गमएसु तं चेव जहा नाग-कुमारउद्देसए नवरं ठिई संवेहं च जाणेज्जा, संखेज्जवासाउय तहेव नवरं ठिई अणुवंधो. संवेहं च उभओ ठिईएसु जाणेज्जा, जइ मणुस्स० असंखेज्जवासाउयाणं जहेव नाग-कुमाराणं उद्देसए तहेव वत्तव्वया नवरं तइयगमए ठिई जहन्नेणं पलिओवमं उक्कोसेणं तिन्नि पलिओवमाइं, ओगाहणा जहण्णेणं गाउयं उक्कोसेणं तिन्नि गाउयाइं सेसं तं चेव, संवेहो से जहा एत्थ चेव उद्देसए असंखेज्जवासाउयसन्निपंचिदियाणं, संखेज्जवा-साउयसन्निमणुस्से जहेव नागकुमारउद्देसए नवरं वाणमन्तरे ठिई संवेहं च जाणेज्जा । सेवं भंते ! २ ति ॥ ७१२ ॥ चउवीसइमे सए वावीसइमो उद्देसो समत्तो ॥

जोइसिया णं भंते ! कओहिंतो उववज्जंति किं नेरइए० भेदो जाव सन्निपंचिदियतिरिक्खजोणिएहिंतो उववज्जंति नो असन्निपंचिदियतिरिक्ख०, जइ सन्नि० किं संखेज्ज० असंखेज्ज० ? गोयमा ! संखेज्जवासाउय० असंखेज्जवासाउय जाव उ०, असंखेज्ज-वासाउयसन्निपंचिदियतिरिक्खजोणिए णं भंते ! जे भविए जोइसिएसु उववज्जित्तए से णं भंते ! केवइ० ? गोयमा ! जहन्नेणं अट्ठभागपलिओवमट्टिइएसु उक्कोसेणं पलिओ-वमवाससयसहस्समव्वहियट्टिइएसु उववज्जेज्जा, अवसेसं जहा असुरकुमारउद्देसए नवरं ठिई जहन्नेणं अट्ठभागपलिओवमं उक्कोसेणं तिन्नि पलिओवमाइं एवं अणुवंधोवि सेसं

उववज्जंति० ईसाणदेवाणं एस चेव सोहम्मगदेवसरिसा वत्तव्वया नवरं असंखेज्जवा-
 साउयसज्जिपंचिदियतिरिक्खजोणियस्स जेमु ठाणेमु सोहम्मो उववज्जमाणस्स पलिओ-
 वमट्ठिई तेसु ठाणेसु इहं साइरेगं पलिओवमं कायव्वं, चउत्त्वगमे ओगाहणा, जहन्नेणं
 धणहपुहुतं उक्कोसेणं साइरेगाइं दो गाउयाइं सेसं तं चेव ९ ॥ असंखेज्जवासाउयस-
 ज्जिमणुस्सस्सवि तहेव ठिई जहा पंचिदियतिरिक्खजोणियस्स असंखेज्जवासाउयस्स
 ओगाहणावि जेमु ठाणेसु गाउयं तेसु ठाणेसु इहं साइरेगं गाउयं सेसं तहेव ९ ॥
 संखेज्जवासाउयाणं तिरिक्खजोणियाणं मणुस्साण य जहेव सोहम्मो उववज्जमाणं
 तहेव निरवसेसं णववि गमगा नवरं ईसाणट्ठिई संवेहं च जाणेज्जा ९ ॥ सणकुमार-
 गदेवा णं भंते ! कओहिंतो उववज्जंति० उववाओ जहा सक्करप्पभापुढविनेरइयाणं जाव
 पज्जत्तसंखेज्जवासाउयसज्जिपंचिदियतिरिक्खजोणि ए णं भंते ! जे भवि ए सणकुमारग-
 देवेसु उववज्जित ए अवसेसा परिमाणादीया भवादेसपज्जवसाणा सच्चेव वत्तव्वया
 भाणियव्वा जहा सोहम्मो उववज्जमाणस्स नवरं सणकुमारट्ठिई संवेहं च जाणेज्जा,
 जाहे य अप्पणा जहन्नकालट्ठिईओ भवइ ताहे तिसुवि गमएसु पंच लेस्साओ आइ-
 ल्लाओ कायव्वाओ सेसं तं चेव ९ ॥ जइ मणुस्सेहिंतो उववज्जंति मणुस्साणं जहेव
 सक्करप्पभा ए उववज्जमाणं तहेव णववि गमा भाणियव्वा नवरं सणकुमारट्ठिई संवेहं
 च जाणेज्जा ९ ॥ माहिंदगदेवा णं भंते ! कओहिंतो उववज्जंति० जहा सणकुमार-
 देवाणं वत्तव्वया तहा माहिंदगदेवाणवि भाणियव्वा, नवरं माहिंदगदेवाणं ठिई साइ-
 रेगा जा(भा)णियव्वा सा चेव, एवं वंभलोगदेवाणवि वत्तव्वया नवरं वंभलोगट्ठिई
 संवेहं च जाणेज्जा, एवं जाव सहस्सारो, णवरं ठिई संवेहं च जाणेज्जा, लंतगाईणं
 जहन्नकालट्ठिईयस्स तिरिक्खजोणियस्स तिसुवि गमएसु छप्पि लेस्साओ कायव्वाओ,
 संघयणाइं वंभलोगलंतएसु पंच आइल्लगाणि, महासुक्कसहस्सारेसु चत्तारि, तिरिक्ख-
 जोणियाणवि मणुस्साणवि, सेसं तं चेव ९ ॥ आणयदेवा णं भंते ! कओहिंतो उव-
 वज्जंति० उववाओ जहा सहस्सारे देवाणं णवरं तिरिक्खजोणिया खोडेयव्वा जाव
 पज्जत्तसंखेज्जवासाउयसज्जिमणु(स्सा)स्से णं भंते ! जे भवि ए आणयदेवेसु उववज्जित ए
 मणुस्साणं वत्तव्वया जहेव सहस्सारेसु उववज्जमाणं णवरं तिज्जि संघयणाणि सेसं
 तहेव जाव अणुवंधो भवादेसेणं जहन्नेणं तिज्जि भवग्गहणाइं उक्कोसेणं सत्त भवग्ग-
 हणाइं, कालादेसेणं जहन्नेणं अट्ठारस सागरोवमाइं दोहिं वासपुहुत्तेहिं अब्भहियाइं
 उक्कोसेणं सत्तावनं सागरोवमाइं चउहिं पुव्वकोडीहिं अब्भहियाइं एवइयं०, एवं
 ेसावि अट्ठ गमगा भाणियव्वा नवरं ठिई संवेहं च जाणेज्जा, सेसं तहेव ९ ॥
 एवं जाव अच्चयदेवा, नवरं ठिई संवेहं च जाणेज्जा ९ ॥ चउसुवि संघयणा तिज्जि

आणयाईसु । गेवेज्जगदेवा णं भंते । कओहिंतो उववज्जंति० एस चेव वत्तव्वया नवरं दो संघयणा, ठिइं संवेहं च जाणेज्जा । विजयवेजयंतजयंतअपराजियदेवा णं भंते । कओहिंतो उववज्जंति० एस चेव वत्तव्वया निरवसेसा जाव अणुवंधोत्ति, नवरं पढमं संघयणं, सेसं तहेव, भवादेसेणं जहजेणं तिज्जि भवग्गहणाइं उक्कोसेणं पंच भवग्गहणाइं, कालादेसेणं जहजेणं एकत्तीसं सागरोवमाइं दोहिं वासपुहुत्तेहिं अब्भहियाइं उक्कोसेणं छावट्ठि सागरोवमाइं तिहिं पुव्वकोडीहिं अब्भहियाइं एवइयं०, एवं सेसावि अट्ठ गमगा भाणियव्वा, नवरं ठिइं संवेहं च जाणेज्जा, मणूसे लद्धी णवसुवि गमएसु जहा गेवेज्जेसु उववज्जमाणस्स नवरं पढमं संघयणं । सव्वट्ठसिद्धगदेवा णं भंते । कओहिंतो उववज्जंति० उववाओ जहेव विजयाइंणं जाव से णं भंते । केवइयकालट्ठि-ईएसु उववजेज्जा ? गोयमा । जहजेणं तेत्तीसं सागरोवमट्ठिईएसु उक्कोसेणवि तेत्तीसं सागरोवमट्ठिईएसु उववजेज्जा, अवसेसा जहा विजयाईसु उववज्जंताणं नवरं भवादे-सेणं तिज्जि भवग्गहणाइं, कालादेसेणं जहजेणं तेत्तीसं सागरोवमाइं दोहिं वासपुहु-त्तेहिं अब्भहियाइं उक्कोसेणवि तेत्तीसं सागरोवमाइं दोहिं पुव्वकोडीहिं अब्भहियाइं एवइयं० ९ ॥ सो चेव अप्पणा जहज्जकालट्ठिईओ जाओ एस चेव वत्तव्वया नवरं ओगाहणाठिईओ रयणिपुहुत्तवासपुहुत्ताणि सेसं तहेव संवेहं च जाणेज्जा ९ ॥ सो चेव अप्पणा उक्कोसकालट्ठिईओ जाओ एस चेव वत्तव्वया नवरं ओगाहणा जहण्णेणं पंच धणुहसयाइं उक्कोसेणवि पंचधणुहसयाइं, ठिइं जहण्णेणं पुव्वकोडी उक्कोसेणवि पुव्व-कोडी, सेसं तहेव जाव भवादेसोत्ति, कालादेसेणं जहण्णेणं तेत्तीसं सागरोवमाइं दोहिं पुव्वकोडीहिं अब्भहियाइं उक्कोसेणवि तेत्तीसं सागरोवमाइं दोहिं पुव्वकोडीहिं अब्भहि-याइं एवइयं कालं सेवेज्जा एवइयं कालं गइरागइं करेज्जा, एए तिज्जि गमगा सव्वट्ठसि-द्धगदेवाणं । सेवं भंते । २ ति भगवं गोयमे जाव विहरइ ॥७१४॥ चउवीसइमस्स सयस्स चउवीसइमो उद्देसो समत्तो ॥ चउवीसइमं सयं समत्तं ॥

लेस्सा य १ दव्व २ संठाण ३ जुम्म ४ पज्जव ५ नियंठ ६ समणा य ७ ओहे ८ भविआ ९ भविए १० सम्मा ११ सिच्छे य १२ उद्देसा ॥१॥ तेणं कालेणं तेणं समएणं रायगिहे जाव एवं वयासी-कइ णं भंते । लेस्साओ प०? गोयमा । छल्लेस्साओ प०, तं०-कण्हलेस्सा जहा पढमसए विइए उद्देसए तहेव लेस्साविभागो अप्पावहुगं च जाव चउव्विहाणं देवाणं चउव्विहाणं देवीणं मीसगं अप्पावहुगंति ॥ ७१५ ॥ कइविहा णं भंते । संसारसमावज्जगा जीवा पज्जता ? गोयमा । चउइसविहा संसारस-मावज्जगा जीवा प०, तं०-सुहुमअपज्जत्तगा १, सुहुमपज्जत्तगा २, वायरअपज्जत्तगा ३, वायरपज्जत्तगा ४, वेइंदिया अपज्जत्तगा ५, वेइंदिया पज्जत्तगा ६, एवं तेइ-

दिया ८, एवं चउरिंदिया १०, अरुणिपंचिंदिया अपजत्तगा ११, असुनिपंचिंदिया पजत्तगा १२, सनिपंचिंदिया अपजत्तगा १३, सनिपंचिंदिया पजत्तगा १४। एएसि णं भंते ! चउदसविहाणं संसारसमावन्नगाणं जीवाणं जहहुक्कोसगस्स जोगस्स कयरे २ जाव विसेसाहिया वा ? गोयमा ! सच्चत्थोवे सुहुमस्स अपजत्तगस्स जहन्नए जोए १, वायरस्स अपजत्तगस्स जहन्नए जोए असंखेज्जगुणे २, वेइंदियस्स अपजत्तगस्स जहन्नए जोए असंखेज्जगुणे ३, एवं तेइंदियस्स ४, एवं चउरिंदियस्स ५, असुनिपंचिंदियस्स अपजत्तगस्स जहन्नए जोए असंखेज्जगुणे ६, सनिपंचिंदियस्स अपजत्तगस्स जहन्नए जोए असंखेज्जगुणे ७, सुहुमस्स पजत्तगस्स जहन्नए जोए असंखेज्जगुणे ८, वायरस्स पजत्तगस्स जहन्नए जोए असंखेज्जगुणे ९, सुहुमस्स अपजत्तगस्स उक्कोसए जोए असंखेज्जगुणे १०, वायरस्स अपजत्तगस्स उक्कोसए जोए असंखेज्जगुणे ११, सुहुमस्स पजत्तगस्स उक्कोसए जोए असंखेज्जगुणे १२, वायरस्स पजत्तगस्स उक्कोसए जोए असंखेज्जगुणे १३, वेइंदियस्स पजत्तगस्स जहन्नए जोए असंखेज्जगुणे १४, एवं तेइंदियस्सवि १५, एवं जाव सनिपंचिंदियस्स पजत्तगस्स जहन्नए जोए असंखेज्जगुणे १८, वेइंदियस्स अपजत्तगस्स उक्कोसए जोए असंखेज्जगुणे १९, एवं तेइंदियस्सवि २०, एवं चउरिंदियस्सवि २१, एवं जाव सनिपंचिंदियस्स अपजत्तगस्स उक्कोसए जोए असंखेज्जगुणे २३, वेइंदियस्स पजत्तगस्स उक्कोसए जोए असंखेज्जगुणे २४, एवं तेइंदियस्सवि पजत्तगस्स उक्कोसए जोए असंखेज्जगुणे २५, चउरिंदियस्स पजत्तगस्स उक्कोसए जोए असंखेज्जगुणे २६, असुनिपंचिंदियपजत्तगस्स उक्कोसए जोए असंखेज्जगुणे २७, एवं सनिपंचिंदियस्स पजत्तगस्स उक्कोसए जोए असंखेज्जगुणे ॥ २८ ॥ ७१६ ॥ दो भंते ! नेरइया पढमसमयोववन्नगा किं समजोगी किं विसमजोगी ? गोयमा ! सिय समजोगी सिय विसमजोगी, से केणट्ठेणं भंते ! एवं बुच्चइ सिय समजोगी सिय विसमजोगी ? गोयमा ! आहारयाओ वा से अणाहारए अणाहारयाओ वा से आहारए सिय हीणे सिय तुल्ले सिय अब्भहिए, जइ हीणे असंखेज्जइभागहीणे वा संखेज्जइभागहीणे वा संखेज्जगुणहीणे वा असंखेज्जगुणहीणे वा, अह अब्भहिए असंखेज्जइभागमब्भहिए वा संखेज्जइभागमब्भहिए वा संखेज्जगुणमब्भहिए वा असंखेज्जगुणमब्भहिए वा, से तेणट्ठेणं जाव सिय समजोगी सिय विसमजोगी, एवं जाव वेमाणियाणं ॥ ७१७ ॥ कइविहे णं भंते ! जोए ५० ? गोयमा ! पन्नरसविहे जोए ५०, तं०-सच्चमणजोए मोसमणजोए सच्चामोसमणजोए असच्चामोसमणजोए सच्चवइजोए मोसवइजोए सच्चामोसवइजोए असच्चामोसवइजोए ओरालियसरीरकायजोए ओरालि-

यमीसासरीरकायजोए वेउव्वियसरीरकायजोए वेउव्वियमीसासरीरकायजोए आहार-
गसरीरकायजोए आहारगमीसासरीरकायजोए कम्मासरीरकायजोए १५ ॥ एयस्स णं
भंते ! पन्नरसविहस्स जहन्नुक्कोसगस्स कयरे २ जाव विसेसाहिया वा ? गोयमा । सव्व-
त्थोवे कम्मगसरीरस्स जहन्नुए जोए १, ओरालियमीसगस्स जहन्नुए जोए असंखेज्ज-
गुणे २, वेउव्वियमीसगस्स जहन्नुए जोए असंखेज्जगुणे ३, ओरालियसरीरस्स जहन्नुए
जोए असंखेज्जगुणे ४, वेउव्वियसरीरस्स जहन्नुए जोए असंखेज्जगुणे ५, कम्मगसरीरस्स
उक्कोसए जोए असंखेज्जगुणे ६, आहारगमीसगस्स जहन्नुए जोए असंखेज्जगुणे ७,
आहारगमीसगस्स उक्कोसए जोए असंखेज्जगुणे ८, ओरालियमीसगस्स वेउव्वियमी-
सगस्स एएसि णं उक्कोसए जोए दोण्हवि तुल्ले असंखेज्जगुणे ९-१०, असच्चा मोसमण-
जोगस्स जहन्नुए जोए असंखेज्जगुणे ११, आहारगसरीरस्स जहन्नुए जोए असंखेज्ज-
गुणे १२, तिविहस्स मणजोगस्स चउव्विहस्स वइजोगस्स एएसि णं सत्तण्हवि तुल्ले
जहन्नुए जोए असंखेज्जगुणे १९, आहारगसरीरस्स उक्कोसए जोए असंखेज्जगुणे २०,
ओरालियसरीरस्स वेउव्वियसरीरस्स चउव्विहस्स य मणजोगस्स चउव्विहस्स य
वइजोगस्स एएसि णं दसण्हवि तुल्ले उक्कोसए जोए असंखेज्जगुणे ३०, सेवं भंते ! २
त्ति ॥ ७१८ ॥ पणवीसइमस्स सयस्स पढमो उद्देसो समत्तो ॥

कइविहा णं भंते ! दव्वा पन्नत्ता ? गोयमा ! दुविहा दव्वा प०, तं०-जीवदव्वा
य अजीवदव्वा य, अजीवदव्वा णं भंते ! कइविहा प० ? गोयमा ! दुविहा प०,
तंजहा-रुविअजीवदव्वा य अरुविअजीवदव्वा य, एवं एएणं अभिलावेणं जहा
अजीवपज्जा जाव से तेणट्ठेणं गोयमा ! एवं वुच्चइ ते णं नो संखेज्जा नो असंखेज्जा
अणंता । जीवदव्वा णं भंते ! किं संखेज्जा असंखेज्जा अणंता ? गोयमा ! नो संखेज्जा
नो असंखेज्जा अणंता, से केणट्ठेणं भंते ! एवं वुच्चइ जीवदव्वा णं नो संखेज्जा नो
असंखेज्जा अणंता ? गोयमा ! असंखेज्जा नेरइया जाव असंखेज्जा वाउक्काइया, वणस्स-
इकाइया अणंता, असंखेज्जा वेइंदिया एवं जाव वेमाणिया, अणंता सिद्धा, से तेणट्ठेणं
जाव अणंता ॥ ७१९ ॥ जीवदव्वाणं भंते ! अजीवदव्वा परिभोगत्ताए हव्वमागच्छंति
अजीवदव्वाणं जीवदव्वा परिभोगत्ताए हव्वमागच्छंति ? गोयमा ! जीवदव्वाणं
अजीवदव्वा परिभोगत्ताए हव्वमागच्छंति नो अजीवदव्वाणं जीवदव्वा परिभोगत्ताए
हव्वमागच्छंति, से केणट्ठेणं भंते ! एवं वुच्चइ जाव हव्वमागच्छंति ? गोयमा ! जीव-
दव्वा णं अजीवदव्वे परियादियंति अजीव० २ त्ता ओरालियं वेउव्वियं आहारगं तेयगं
कम्मगं सोइंदियं जाव फासिंदियं मणजोगं वइजोगं कायजोगं आणापाणुत्तं च निव्व-
(त्त)त्तियंति, से तेणट्ठेणं जाव हव्वमागच्छंति, नेरइयाणं भंते ! अजीवदव्वा परिभोग-

ताए हव्वमागच्छंति अजीवदव्वाणं नेरइया परिभोगत्ताए हव्वमागच्छंति ? गोयमा !
 नेरइयाणं अजीवदव्वा परिभोगत्ताए हव्वमागच्छंति नो अजीवदव्वाणं नेरइया जाव
 हव्वमागच्छंति, से केणट्ठेणं ० ? गोयमा ! नेरइया णं अजीवदव्वे परियादियंति अ० २
 ता वेउव्वियं तेयगं कम्मगं सोइंदियं जाव फासिंदियं आणापाणुत्तं च निव्वत्तियंति, से
 तेणट्ठेणं गोयमा ! एवं वुचइ०, एवं जाव चेमाणिया नवरं सरीरइंदियजोगा भाणियव्वा
 जस्स जे अत्थि ॥ ७२० ॥ से नूणं भंते ! असंखेजे लोए अणंताइं दव्वाइं आगासं
 भइयव्वाइं ? हंता गोयमा ! असंखेजे लोए जाव भइयव्वाइं ॥ लोगस्स
 णं भंते ! एगंमि आगासपएसे कइदिसिं पोग्गला चिज्जंति ? गोयमा ! निव्वाघाएणं
 छइदिसिं वाघायं पडुच्च सिय तिदिसिं सिय चउदिसिं सिय पंचदिसिं, लोगस्स
 णं भंते ! एगंमि आगासपएसे कइदिसिं पोग्गला छिज्जंति ? एवं चेव, एवं उवचिज्जंति
 एवं अवचिज्जंति ॥ ७२१ ॥ जीवे णं भंते ! जाइं दव्वाइं ओरालियसरीरत्ताए
 गेण्हइ ताइं किं ठियाइं गेण्हइ अठियाइं गेण्हइ ? गोयमा ! ठियाइंपि गेण्हइ अठि-
 याइंपि गेण्हइ, ताइं भंते ! किं दव्वओ गेण्हइ खेत्तओ गेण्हइ कालओ गेण्हइ
 भावओ गेण्हइ ? गोयमा ! दव्वओवि गेण्हइ खेत्तओवि गेण्हइ कालओवि गेण्हइ
 भावओवि गेण्हइ, ताइं दव्वओ अणंतपएसियाइं दव्वाइं खेत्तओ असंखेज्जपएसोगा-
 डाइं एवं जहा पन्नवणाए पढमे आहारुहेसए जाव निव्वाघाएणं छइदिसिं वाघायं पडुच्च
 सिय तिदिसिं सिय चउदिसिं सिय पंचदिसिं ॥ जीवे णं भंते ! जाइं दव्वाइं वेउ-
 व्वियसरीरत्ताए गेण्हइ ताइं किं ठियाइं गेण्हइ अठियाइं गेण्हइ ? एवं चेव नवरं
 नियमं छइदिसिं, एवं आहारगसरीरत्ताएवि ॥ जीवे णं भंते ! जाइं दव्वाइं तेयग-
 सरीरत्ताए गिण्हइ पुच्छा, गोयमा ! ठियाइं गेण्हइ नो अठियाइं गेण्हइ सेसं जहा
 ओरालियसरीरस्स कम्मगसरीरे एवं चेव एवं जाव भावओवि गेण्हइ, जाइं दव्वाइं
 दव्वओ गेण्हइ ताइं किं एगपएसियाइं गेण्हइ दुपएसियाइं गेण्हइ ? एवं जहा
 भासापए जाव आणुपुव्वि गेण्हइ नो अणाणुपुव्वि गेण्हइ, ताइं भंते ! कइदिसिं
 गेण्हइ ? गोयमा ! निव्वाघाएणं जहा ओरालियस्स ॥ जीवे णं भंते ! जाइं दव्वाइं
 सोइंदियत्ताए गेण्हइ जहा वेउव्वियसरीरं एवं जाव जिब्बिमदियत्ताए फासिंदियत्ताए
 जहा ओरालियसरीरं मणजोगत्ताए जहा कम्मगसरीरं नवरं नियमं छइदिसिं एवं
 वइजोगत्ताएवि कायजोगत्ताएवि जहा ओरालियसरीरस्स । जीवे णं भंते ! जाइं
 दव्वाइं आणापाणुत्ताए गेण्हइ जहेव ओरालियसरीरत्ताए जाव सिय पंचदिसिं । सेवं
 भंते ! २ त्ति । केइ चउवीसदंडएणं एयाणि पयाणि भन्नंति जस्स जं अत्थि ॥ ७२२ ॥
 पणवीसइमस्स सयस्स बीओ उहेसो समत्तो ॥

कइ णं भंते । संठाणा प० ? गोयमा । छ संठाणा प०, तं०-परिमंडले वट्टे तंसे चउ-
 रंसे आयए अणित्थंथे, परिमंडला णं भंते । संठाणा दब्बट्टयाए किं संखेज्जा असंखेज्जा
 अणंता ? गोयमा । नो संखेज्जा नो असंखेज्जा अणंता, वट्टा णं भंते । संठाणा० एवं चेव,
 एवं जाव अणित्थंथा, एवं पएसट्टयाएवि, एवं दब्बट्टपएसट्टयाएवि, एएसि णं भंते ।
 परिमंडलवट्टतंसचउरंसआययअणित्थंथाणं संठाणाणं दब्बट्टयाए पएसट्टयाए दब्बट्ट-
 पएसट्टयाए कयरे २ हितो जाव विसेसाहिया वा ? गोयमा । सव्वत्थोवा परिमंडला
 संठाणा दब्बट्टयाए, वट्टा संठाणा दब्बट्टयाए संखेज्जगुणा, चउरंसा संठाणा दब्बट्टयाए
 संखेज्जगुणा, तंसा संठाणा दब्बट्टयाए संखेज्जगुणा, आययसंठाणा दब्बट्टयाए संखेज्ज-
 गुणा, अणित्थंथा संठाणा दब्बट्टयाए असंखेज्जगुणा, पएसट्टयाए-सव्वत्थोवा परि-
 मंडला संठाणा पएसट्टयाए, वट्टा संठाणा पएसट्टयाए संखेज्जगुणा, जहा दब्बट्टयाए
 तहा पएसट्टयाएवि जाव अणित्थंथा संठाणा पएसट्टयाए असंखेज्जगुणा, दब्बट्टपए-
 सट्टयाए सव्वत्थोवा परिमंडला संठाणा दब्बट्टयाए सो चेव गमओ भाणियव्वो जाव
 अणित्थंथा संठाणा दब्बट्टयाए असंखेज्जगुणा, अणित्थंथेहितो संठाणेहितो दब्बट्टयाए
 (हितो) परिमंडला संठाणा पएसट्टयाए असंखेज्जगुणा, वट्टा संठाणा पएसट्टयाए
 संखेज्जगुणा, सो चेव पएसट्टयाए गमओ भाणियव्वो जाव अणित्थंथा संठाणा पएस-
 ट्टयाए असंखेज्जगुणा ॥७२३॥ कइ णं भंते । संठाणा पन्नत्ता ? गोयमा । पंच संठाणा
 प०, तं०-परिमंडले जाव आयए । परिमंडला णं भंते । संठाणा किं संखेज्जा असंखेज्जा
 अणंता ? गोयमा । नो संखेज्जा नो असंखेज्जा अणंता, वट्टा णं भंते । संठाणा किं
 संखेज्जा० ? एवं चेव, एवं जाव आयया । इमीसे णं भंते । रयणप्पभाए पुढवीए परि-
 मंडला संठाणा किं संखेज्जा असंखेज्जा अणंता ? गोयमा । नो संखेज्जा नो असंखेज्जा
 अणंता, वट्टा णं भंते । संठाणा किं संखेज्जा असंखेज्जा० ? एवं चेव, एवं जाव आयया ।
 सक्करप्पभाए णं भंते । पुढवीए परिमंडला संठाणा एवं चेव, एवं जाव आयया,
 एवं जाव अहेसत्तमाए । सोहम्मे णं भंते । कप्पे परिमंडला संठाणा एवं चेव, एवं जाव
 अञ्जुए, गेवेज्जगविमाणणं भंते । परिमंडलसंठाणा एवं चेव, एवं अणुत्तरविमाणेसुवि, एवं
 ईसिप्पभाराएवि ॥ जत्थ णं भंते । एगे परिमंडले संठाणे जवमज्जे तत्थ परिमंडला
 संठाणा किं संखेज्जा असंखेज्जा अणंता ? गोयमा । नो संखेज्जा नो असंखेज्जा अणंता ।
 वट्टा णं भंते । संठाणा किं संखेज्जा असंखेज्जा अणंता ? एवं चेव, एवं जाव
 आयया । जत्थ णं भंते । एगे वट्टे संठाणे जवमज्जे तत्थ परिमंडला संठाणा एवं चेव,
 वट्टा संठाणा एवं चेव, एवं जाव आयया, एवं एक्केक्केणं संठाणेणं पंचवि चारेयव्वा,
 जत्थ णं भंते । इमीसे रयणप्पभाए पुढवीए एगे परिमंडले संठाणे जवमज्जे तत्थ

णं परिमंडलसंठाणा किं संखेज्जा० पुच्छा, गोयमा ! नो संखेज्जा नो असंखेज्जा अणंता, वट्ठा णं भंते ! संठाणा किं संखेज्जा० पुच्छा, गोयमा ! नो संखेज्जा नो असंखेज्जा अणंता, एवं (चेव) जाव आयया, जत्थ णं भंते ! इमीसे रयणप्पभाए पुढवीए एगे वट्ठे संठाणे जवमज्झे तत्थ णं परिमंडला संठाणा किं संखेज्जा० पुच्छा, गोयमा ! नो संखेज्जा नो असंखेज्जा अणंता, वट्ठा संठाणा एवं चेव, एवं जाव आयया, एवं पुणरवि एक्केक्केणं संठाणेणं पंचवि चारेयन्वा जहेव हेट्ठिआ जाव आय(ए)याणं, एवं जाव अहेसत्तमाए, एवं कप्पेसुवि जाव ईसिप्पम्भाराए पुढवीए ॥ ७२४ ॥ वट्ठे णं भंते ! संठाणे कइपएसिए कइपएसोगाढे प० ? गोयमा ! वट्ठे संठाणे दुविहे प०, तं०-घणवट्ठे य पयरवट्ठे य, तत्थ णं जे से पयरवट्ठे से दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए पयरवट्ठे से जहन्नेणं पंचपएसिए पंचपएसोगाढे उक्कोसेणं अणंतपएसिए असंखेज्जपएसोगाढे, तत्थ णं जे से जुम्मपएसिए से जहन्नेणं वारसपएसिए वारसपएसोगाढे उक्कोसेणं अणंतपएसिए असंखेज्जपएसोगाढे, तत्थ णं जे से घणवट्ठे से दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए से जहन्नेणं सत्तपएसिए सत्तपएसोगाढे प०, उक्कोसेणं अणंतपएसिए असंखेज्जपएसोगाढे प०, तत्थ णं जे से जुम्मपएसिए से जहन्नेणं वत्तीसपएसिए वत्तीसपएसोगाढे प०, उक्कोसेणं अणंतपएसिए असंखेज्जपएसोगाढे प० ॥ तंसे णं भंते ! संठाणे कइपएसिए कइपएसोगाढे प० ? गोयमा ! तंसे णं संठाणे दुविहे प०, तं०-घणतंसे य पयरतंसे य, तत्थ णं जे से पयरतंसे से दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए से जहन्नेणं तिपएसिए तिपएसोगाढे प०, उक्कोसेणं अणंतपएसिए असंखेज्जपएसोगाढे प०, तत्थ णं जे से जुम्मपएसिए से जहन्नेणं छप्पएसिए छप्पएसोगाढे प०, उक्कोसेणं अणंतपएसिए असंखेज्जपएसोगाढे प०, तत्थ णं जे से घणतंसे से दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए से जहन्नेणं पणतीसपएसिए पणतीसपएसोगाढे प०, उक्कोसेणं अणंतपएसिए तं चेव, तत्थ णं जे से जुम्मपएसिए से जहन्नेणं चउप्पएसिए चउप्पएसोगाढे प०, उक्कोसेणं अणंतपएसिए तं चेव ॥ चउरंसे णं भंते ! संठाणे कइपएसिए० पुच्छा, गोयमा ! चउरंसे संठाणे दुविहे प०, भेदो जहेव वट्ठस्स जाव तत्थ णं जे से ओयपएसिए से जहन्नेणं नवपएसिए नवपएसोगाढे प०, उक्कोसेणं अणंतपएसिए असंखेज्जपएसोगाढे प०, तत्थ णं जे से जुम्मपएसिए से जहन्नेणं चउप्पएसिए चउप्पएसोगाढे प०, उक्कोसेणं अणंतपएसिए तं चेव, तत्थ णं जे से घणचउरंसे से दुविहे प०, तंजहा-ओयपएसिए

य जुम्मपएसिए य, तत्थ णं जे से ओयपएसिए से जह्णेणं सत्तावीसइपएसिए सत्ता-
वीसइपएसोगाढे उक्कोसेणं अणंतपएसिए तहेव, तत्थ णं जे से जुम्मपएसिए से जह-
न्नेणं अट्टपएसिए अट्टपएसोगाढे प०, उक्कोसेणं अणंतपएसिए तहेव ॥ आयए णं
भंते ! संठाणे कइपएसिए कइपएसोगाढे प० ? गोयमा ! आयए णं संठाणे तिविहे
प०, तं०-सेढिआयए पयरायए घणायए, तत्थ णं जे से सेढिआयए से दुविहे प०,
तं०-ओयपएसिए य जुम्मपएसिए य, तत्थ णं जेसे ओयपएसिए से जह्णेणं तिप-
एसिए तिपएसोगाढे उक्कोसेणं अणंतपएसिए तं चेव, तत्थ णं जे से जुम्मपएसिए से
जह्णेणं दुपएसिए दुपएसोगाढे उक्कोसेणं अणंतपएसिए तं चेव, तत्थ णं जे से पयरा-
यए से दुविहे प०, तं०-ओयपएसिए य जुम्मपएसिए य, तत्थ णं जे से ओयपएसिए
से जह्णेणं पन्नरसपएसिए पन्नरसपएसोगाढे उक्कोसेणं अणंत० तहेव, तत्थ णं जे से
जुम्मपएसिए से जह्णेणं छप्पएसिए छप्पएसोगाढे उक्कोसेणं अणंत० तहेव, तत्थ णं
जे से घणायए से दुविहे प०, तं०-ओयपएसिए य जुम्मपएसिए य, तत्थ णं जे से
ओयपएसिए से जह्णेणं पणयालीसपएसिए पणयालीसपएसोगाढे प०, उक्कोसेणं अणं-
त० तहेव, तत्थ णं जे से जुम्मपएसिए से जह्णेणं वारसपएसिए वारसपएसोगाढे
प०, उक्कोसेणं अणंत० तहेव ॥ परिमंडले णं भंते ! संठाणे कइपएसिए० पुच्छा,
गोयमा ! परिमंडले णं संठाणे दुविहे प०, तं०-घणपरिमंडले य पयरपरिमंडले य,
तत्थ णं जे से पयरपरिमंडले से जह्णेणं वीसइपएसिए वीसइपएसोगाढे उक्कोसेणं
अणंतपएसिए तहेव, तत्थ णं जे से घणपरिमंडले से जह्णेणं चत्तालीसपएसिए
चत्तालीसपएसोगाढे प०, उक्कोसेणं अणंतपएसिए असंखेजपएसोगाढे पन्नते
॥ ७२५ ॥ परिमंडले णं भंते ! संठाणे दव्वट्टयाए किं कडजुम्मे तेओए दावर-
जुम्मे कलिओए ? गोयमा ! नो कडजुम्मे णो तेओए णो दावरजुम्मे कलिओए,
वट्टे णं भंते ! संठाणे दव्वट्टयाए एवं चेव, एवं जाव आयए ॥ परिमंडला णं भंते !
संठाणा दव्वट्टयाए किं कडजुम्मा तेओगा दावरजुम्मा कलिओगा पुच्छा, गोयमा !
ओघादेसेणं सिय कडजुम्मा सिय तेओगा सिय दावरजुम्मा सिय कलिओगा,
विहाणादेसेणं नो कडजुम्मा नो तेओगा नो दावरजुम्मा कलिओगा, एवं जाव
आयया ॥ परिमंडले णं भंते ! संठाणे पएसट्टयाए किं कडजुम्मे० पुच्छा,
गोयमा ! सिय कडजुम्मे सिय तेओगे सिय दावरजुम्मे सिय कलिओगे, एवं जाव
आयए, परिमंडला णं भंते ! संठाणा पएसट्टयाए किं कडजुम्मा० पुच्छा, गोयमा !
ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि
तेओगावि दावरजुम्मावि कलिओगावि, एवं जाव आयया ॥ परिमंडले णं

भंते ! संठाणे किं कडजुम्मपएसोगाढे जाव कलिओगपएसोगाढे ? गोयमा ! कड-
जुम्मपएसोगाढे णो तेओगपएसोगाढे नो दावरजुम्मपएसोगाढे नो कलिओगपए-
सोगाढे ॥ वट्ठे णं भंते ! संठाणे किं कडजुम्म० पुच्छा, गोयमा ! सिय कडजुम्म-
पएसोगाढे सिय तेओगपएसोगाढे नो दावरजुम्मपएसोगाढे सिय कलिओगपएसो-
गाढे ॥ तंसे णं भंते ! संठाणे पुच्छा, गोयमा ! सिय कडजुम्मपएसोगाढे सिय
तेओगपएसोगाढे सिय दावरजुम्मपएसोगाढे नो कलिओगपएसोगाढे । चउरंसे णं
भंते ! संठाणे जहा वट्ठे तहा चउरंसेवि । आयए णं भंते ! पुच्छा, गोयमा ! सिय
कडजुम्मपएसोगाढे जाव सिय कलिओगपएसोगाढे । परिमंडला णं भंते ! संठाणा
किं कडजुम्मपएसोगाढा तेओगपएसोगाढा० पुच्छा, गोयमा ! ओघादेसेणवि विहा-
णादेसेणवि कडजुम्मपएसोगाढा णो तेओगपएसोगाढा नो दावरजुम्मपएसोगाढा
नो कलिओगपएसोगाढा । वट्ठा णं भंते ! संठाणा किं कडजुम्मपएसोगाढा० पुच्छा,
गोयमा ! ओघादेसेणं कडजुम्मपएसोगाढा नो तेओग० नो दावरजुम्म० नो कलि-
ओग०, विहाणादेसेणं कडजुम्मपएसोगाढावि तेओगपएसोगाढावि णो दावरजुम्म-
पएसोगाढा कलिओगपएसोगाढावि, तंसा णं भंते ! संठाणा किं कडजुम्मा० पुच्छा,
गोयमा ! ओघादेसेणं कडजुम्मपएसोगाढा नो तेओग० नो दावरजुम्म० नो कलि-
ओगपएसोगाढा, विहाणादेसेणं कडजुम्मपएसोगाढावि तेओगपएसोगाढावि (नो)
दावरजुम्मपएसोगाढा नो कलिओगपएसोगाढा । चउरंसा जहा वट्ठा, आयया णं
भंते ! संठाणा पुच्छा, गोयमा ! ओघादेसेणं कडजुम्मपएसोगाढा नो तेओगपए-
सोगाढा नो दावरजुम्मपएसोगाढा नो कलिओगपएसोगाढा, विहाणादेसेणं कड-
जुम्मपएसोगाढावि जाव कलिओगपएसोगाढावि ॥ परिमंडले णं भंते ! संठाणे किं
कडजुम्मसमयठिईए तेओगसमयठिईए दावरजुम्मसमयठिईए कलिओगसमयठि-
ईए ? गोयमा ! सिय कडजुम्मसमयठिईए जाव सिय कलिओगसमयठिईए, एवं जाव
आयए । परिमंडला णं भंते ! संठाणा किं कडजुम्मसमयठिईया० पुच्छा, गोयमा !
ओघादेसेणं सिय कडजुम्मसमयठिईया जाव सिय कलिओगसमयठिईया, विहाणादेसेणं
कडजुम्मसमयठिईयावि जाव कलिओगसमयठिईयावि, एवं जाव आयया ॥
परिमंडले णं भंते ! संठाणे कालवन्नपज्जवेहिं किं कडजुम्मे जाव कलिओगे ?
गोयमा ! सिय कडजुम्मे एवं एएणं अभिलावेणं जहेव ठिईए एवं नीलवन्नपज्जवेहिं,
एवं पंचहिं वजेहिं, दोहिं गंधेहिं, पंचहिं रसेहिं, अट्ठहिं फासेहिं जाव लुक्खफासपज्जवेहिं
॥ ७२६ ॥ सेदीओ णं भंते ! दव्वट्ठयाए किं संखेज्जाओ असंखेज्जाओ अणंताओ ?
गोयमा ! नो संखेज्जाओ नो असंखेज्जाओ अणंताओ, पाईणपडीणाययाओ णं भंते !

सेदीओ दव्वट्टयाए किं संखेज्जाओ ३ एवं चेव, एवं दाहिणुत्तराययाओवि, एवं उट्ठमहाययाओवि । लोगागाससेदीओ णं भंते । दव्वट्टयाए किं संखेज्जाओ असंखेज्जाओ अणंताओ ? गोयमा ! नो संखेज्जाओ असंखेज्जाओ नो अणंताओ, पाईणपडीणाययाओ णं भंते । लोगागाससेदीओ दव्वट्टयाए किं संखेज्जाओ० एवं चेव, एवं दाहिणुत्तराययाओवि, एवं उट्ठमहाययाओवि । अलोगागाससेदीओ णं भंते । दव्वट्टयाए किं संखेज्जाओ असंखेज्जाओ अणंताओ ? गोयमा ! नो संखेज्जाओ नो असंखेज्जाओ अणंताओ, एवं पाईणपडीणाययाओवि, एवं दाहिणुत्तराययाओवि, एवं उट्ठमहाययाओवि । सेदीओ णं भंते । पएसट्टयाए किं संखेज्जाओ० जहा दव्वट्टयाए तहा पएसट्टयाएवि जाव उट्ठमहाययाओवि सव्वाओ अणंताओ । लोगागाससेदीओ णं भंते । पएसट्टयाए किं संखेज्जाओ० पुच्छा, गोयमा ! सिय संखेज्जाओ सिय असंखेज्जाओ नो अणंताओ, एवं पाईणपडीणाययाओवि, एवं दाहिणुत्तराययाओवि, एवं चेव उट्ठमहाययाओवि नो संखेज्जाओ असंखेज्जाओ नो अणंताओ ॥ अलोगागाससेदीओ णं भंते । पएसट्टयाए पुच्छा, गोयमा ! सिय संखेज्जाओ सिय असंखेज्जाओ सिय अणंताओ, पाईणपडीणाययाओ णं भंते । अलोया० पुच्छा, गोयमा ! नो संखेज्जाओ नो असंखेज्जाओ अणंताओ, एवं दाहिणुत्तराययाओवि, उट्ठमहाययाओ पुच्छा, गोयमा ! सिय संखेज्जाओ सिय असंखेज्जाओ सिय अणंताओ ॥ ७२७ ॥ सेदीओ णं भंते । किं साइयाओ सपज्जवसियाओ १, साइयाओ अपज्जवसियाओ २, अणाइयाओ सपज्जवसियाओ ३, अणाइयाओ अपज्जवसियाओ ४ ? गोयमा ! नो साइयाओ सपज्जवसियाओ, नो साइयाओ अपज्जवसियाओ, णो अणाइयाओ सपज्जवसियाओ, अणाइयाओ अपज्जवसियाओ, एवं जाव उट्ठमहाययाओ, लोगागाससेदीओ णं भंते । किं साइयाओ सपज्जवसियाओ० पुच्छा, गोयमा ! साइयाओ सपज्जवसियाओ, नो साइयाओ अपज्जवसियाओ, नो अणाइयाओ सपज्जवसियाओ, नो अणाइयाओ अपज्जवसियाओ, एवं जाव उट्ठमहाययाओ । अलोगागाससेदीओ णं भंते । किं साइयाओ सपज्जवसियाओ० पुच्छा, गोयमा ! सिय साइयाओ सपज्जवसियाओ १, सिय साइयाओ अपज्जवसियाओ २, सिय अणाइयाओ सपज्जवसियाओ ३, सिय अणाइयाओ अपज्जवसियाओ ४, पाईणपडीणाययाओ दाहिणुत्तराययाओ य एवं चेव, नवरं नो साइयाओ सपज्जवसियाओ सिय साइयाओ अपज्जवसियाओ सेसं तं चेव, उट्ठमहाययाओ जहा ओहियाओ तहेव चउभंगो । सेदीओ णं भंते । दव्वट्टयाए किं कडजुम्माओ तेओयाओ० पुच्छा, गोयमा ! कडजुम्माओ नो तेओगाओ नो दावरजुम्माओ नो कल्लिओगाओ, एवं जाव उट्ठमहाययाओ, लोगागाससेदीओ

एवं चेव, एवं अलोगागाससेदीओवि । सेदीओ णं भंते । पएसट्टयाए किं कडजुम्माओ ० पुच्छा, एवं चेव, एवं जाव उट्टमहाययाओ । लोगागाससेदीओ णं भंते । पएसट्ट-
याए पुच्छा, गोयमा । सिय कडजुम्माओ नो तेओगाओ सिय दावरजुम्माओ नो
कलिओगाओ, एवं पाईणपडीगाययाओवि दाहिणुत्तराययाओवि, उट्टमहाययाओ णं
पुच्छा, गोयमा । कडजुम्माओ नो तेओगाओ नो दावरजुम्माओ नो कलिओगाओ ।
अलोगागाससेदीओ णं भंते । पएसट्टयाए पुच्छा, गोयमा । सिय कडजुम्माओ
जाव सिय कलिओगाओ, एवं पाईणपडीगाययाओवि, एवं दाहिणुत्तराययाओवि,
उट्टमहाययाओवि एवं चेव, नवरं नो कलिओगाओ सेसं तं चेव ॥ ७२८ ॥ कइ
णं भंते ! सेदीओ प० ? गोयमा । सत्त सेदीओ पन्नताओ, तंजहा-उज्जुआयया
एगओवंका दुहओवंका एगओखहा दुहओखहा चक्कवाला अद्धचक्कवाला ॥ परमाणु-
पोग्गलाणं भंते ! किं अणुसेदिं(डी) गई पवत्तइ विसेदिं गई पवत्तइ ? गोयमा ! अणु-
सेदिं गई पवत्तइ नो विसेदिं गई पवत्तइ । दुपएसियाणं भंते ! खंधाणं अणुसेदिं गई
पवत्तइ विसेदिं गई पवत्तइ ? एवं चेव, एवं जाव अणंतपएसियाणं खंधाणं । नेरइयाणं
भंते ! किं अणुसेदिं गई पवत्तइ विसेदिं गई पवत्तइ ? एवं चेव, एवं जाव वेमाणियाणं
॥ ७२९ ॥ इमीसे णं भंते ! रयणप्पभाए पुढवीए केवइया निरयावाससयसहस्सा
प० ? गोयमा । तीसं निरयावाससयसहस्सा प०, एवं जहा पूढमसए पंचमुद्देसए
जाव अणुत्तरविमाणत्ति ॥ ७३० ॥ कइविहे णं भंते ! गणिपिडए प० ? गोयमा !
दुवालसंगे गणिपिडए प०, तं०-आयारो जाव दिट्ठिवाओ, से किं तं आयारो ?
आयारे णं समणाणं निर्गंथाणं आयारगोयर० एवं अंगपरूवणा भाणियव्वा जहा
नंदीए जाव सुत्तत्थो खलु पढमो बीओ निजुत्तिमीसिओ भणिओ । तइओ य निर-
चसेसो एस विही होइ अणुओगे ॥ १ ॥ ७३१ ॥ एएसि णं भंते ! नेरइयाणं जाव
देवाणं सिद्धाणं य पंचगइसमासेणं कयरे २ हिंतो० पुच्छा, गोयमा । अप्पावहुयं जहा
बहुवत्तव्वयाए अट्ठगइसमासअप्पावहुयं च । एएसि णं भंते ! सइंदियाणं एग्गि-
दियाणं जाव अण्णिदियाणं य कयरे० ? एयंपि जहा बहुवत्तव्वयाए तहेव ओहियं
पर्यं भाणियव्वं, सकाइयअप्पावहुयं तहेव ओहियं भाणियव्वं ॥ एएसि णं भंते !
जीवाणं पोग्गलाणं जाव सव्वपज्जवाणं य कयरे २ जाव बहुवत्तव्वयाए एएसि णं
भंते ! जीवाणं आउयस्स कम्मस्स बंधगाणं अवंधगाणं जहा बहुवत्तव्वयाए जाव
आउयस्स कम्मस्स अवंधगा विसेसाहिया । सेवं भंते ! सेवं भंते ! त्ति ॥ ७३२ ॥
पणवीसइमस्स सयस्स तइओ उद्देसो समत्तो ॥

कइ णं भंते ! जुम्मा पन्नता ? गोयमा ! चत्तारि जुम्मा प०, तं०-कडजुम्मे जाव

कलिओगे, से केणट्टेणं भंते । एवं वुचइ चत्तारि जुम्मा प० कडजुम्मे जाव कलिओगे
 एवं जहा अट्टारसमसए चउत्थे उद्देसए तहेव जाव से तेणट्टेणं गोयमा । एवं वुचइ ।
 नेरइयाणं भंते । कइ जुम्मा प० ? गोयमा । चत्तारि जुम्मा, प०, तंजहा-कडजुम्मे जाव
 कलिओगे, से केणट्टेणं भंते । एवं वुचइ नेरइयाणं चत्तारि जुम्मा प०, तं०-कडजुम्मे
 अट्टो तहेव, एवं जाव वाउकाइयाणं, वणस्सइकाइयाणं पुच्छा, गोयमा । वणस्स-
 इकाइया सिय कडजुम्मा सिय तेओया सिय दावरजुम्मा सिय कलिओया, से केणट्टेणं
 भंते । एवं वुचइ वणस्सइकाइया जाव कलिओगा ? गोयमा । उववायं पडुच, से
 तेणट्टेणं तं चेव, वेइंदियाणं जहा नेरइयाणं, एवं जाव वेमाणियाणं, सिद्धाणं जहा
 वणस्सइकाइयाणं ॥ कइविहा णं भंते ! सव्वदव्वा प० ? गोयमा । छ्विहा सव्वदव्वा
 प०, तंजहा-धम्मत्थिकाए अधम्मत्थिकाए जाव अट्टासमए । धम्मत्थिकाए णं भंते ।
 दव्वट्टयाए किं कडजुम्मे जाव कलिओगे ? गोयमा । नो कडजुम्मे नो तेओगे नो
 दावरजुम्मे कलिओगे, एवं अहम्मत्थिकाएवि, एवं आगासत्थिकाएवि, जीवत्थिकाए
 णं भंते । पुच्छा, गोयमा । कडजुम्मे नो तेओए नो दावरजुम्मे नो कलिओए,
 पोग्गलत्थिकाए णं भंते । पुच्छा, गोयमा । सिय कडजुम्मे जाव सिय कलिओगे,
 अट्टासमए जहा जीवत्थिकाए ॥ धम्मत्थिकाए णं भंते । पएसट्टयाए किं कडजुम्मे
 पुच्छा, गोयमा । कडजुम्मे नो तेओए नो दावरजुम्मे नो कलिओए, एवं जाव
 अट्टासमए ॥ एएसि णं भंते ! धम्मत्थिकाय अहम्मत्थिकाय जाव अट्टासमयाणं
 दव्वट्टयाए० एएसि णं अप्पावहुगं जहा बहुवत्तवयाए तहेव निरवसेसं ॥ धम्म-
 त्थिकाए णं भंते ! किं ओगाढे अणोगाढे ? गोयमा । ओगाढे नो अणोगाढे, जइ
 ओगाढे किं संखेजपएसोगाढे असंखेजपएसोगाढे अणंतपएसोगाढे ? गोयमा । नो
 संखेजपएसोगाढे असंखेजपएसोगाढे नो अणंतपएसोगाढे, जइ असंखेजपएसोगाढे
 किं कडजुम्मपएसोगाढे० पुच्छा, गोयमा । कडजुम्मपएसोगाढे नो तेओग० नो
 दावरजुम्म० नो कलिओगपएसोगाढे, एवं अहम्मत्थिकाएवि, एवं आगासत्थिकाएवि,
 जीवत्थिकाए पोग्गलत्थिकाए अट्टासमए एवं चेव ॥ इमा णं भंते ! रयणप्पभ
 पुढवी किं ओगाढा अणोगाढा जहेव धम्मत्थिकाए एवं जाव अहेसत्तमा, सोहम्म-
 एवं चेव, एवं जाव ईसिप्पभारापुढवी ॥ ७३३ ॥ जीवे णं भंते ! दव्वट्टयाए किं
 कडजुम्मे० पुच्छा, गोयमा । नो कडजुम्मे नो तेओगे नो दावरजुम्मे कलिओगे,
 एवं नेरइएवि, एवं जाव सिद्धे । जीवा णं भंते ! दव्वट्टयाए किं कडजुम्मा० पुच्छा
 गोयमा । ओघादेसेणं कडजुम्मा नो तेओगा नो दावरजुम्मा नो कलिओगा, विहाणां
 देसेणं नो कडजुम्मा नो तेओगा नो दावरजुम्मा कलिओगा, नेरइया णं भंते ।

द्वन्द्वद्वयाए पुच्छा, गोयमा ! ओघादेसेणं सिय कडजुम्मा जाव सिय कलिओगा, विहाणादेसेणं णो कडजुम्मा णो तेओगा णो दावरजुम्मा कलिओगा, एवं जाव सिद्धा ॥ जीवे णं भंते ! पएसद्वयाए किं कडजुम्मे० पुच्छा, गोयमा ! जीवपएसे पडुच्च कडजुम्मे नो तेओगे नो दावरजुम्मे नो कलिओगे, सरीरपएसे पडुच्च सिय कडजुम्मे जाव सिय कलिओगे, एवं जाव वेमाणिए । सिद्धे णं भंते ! पएसद्वयाए किं कडजुम्मे० पुच्छा, गोयमा ! कडजुम्मे नो तेओगे नो दावरजुम्मे नो कलिओगे । जीवा णं भंते ! पएसद्वयाए किं कडजुम्मा० पुच्छा, गोयमा ! जीवपएसे पडुच्च ओघादेसेणवि विहाणादेसेणवि कडजुम्मा नो तेओगा नो दावरजुम्मा नो कलिओगा, सरीरपएसे पडुच्च ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि जाव कलिओगावि, एवं नेरइयावि, एवं जाव वेमाणिया । सिद्धा णं भंते ! पुच्छा, गोयमा ! ओघादेसेणवि विहाणादेसेणवि कडजुम्मा नो तेओगा नो दावरजुम्मा नो कलिओगा ॥ ७३४ ॥ जीवे णं भंते ! किं कडजुम्मपएसोगाढे० पुच्छा, गोयमा ! सिय कडजुम्मपएसोगाढे जाव सिय कलिओगपएसोगाढे, एवं जाव सिद्धे । जीवा णं भंते ! किं कडजुम्मपएसोगाढा० पुच्छा, गोयमा ! ओघादेसेणं कडजुम्मपएसोगाढा नो तेओग० नो दावर० नो कलिओगपएसोगाढा, विहाणादेसेणं कडजुम्मपएसोगाढावि जाव कलिओगपएसोगाढावि, नेरइया णं भंते ! पुच्छा, गोयमा ! ओघादेसेणं सिय कडजुम्मपएसोगाढा जाव सिय कलिओगपएसोगाढा, विहाणादेसेणं कडजुम्मपएसोगाढावि जाव कलिओगपएसोगाढावि, एवं एगिंदियसिद्धवज्जा (जाव वेमाणिया) सव्वेवि, सिद्धा एगिंदिया य जहा जीवा । जीवे णं भंते ! किं कडजुम्मसमयट्ठिईए० पुच्छा, गोयमा ! कडजुम्मसमयट्ठिईए नो तेओग० नो दावर० नो कलिओगसमयट्ठिईए । नेरइए णं भंते ! पुच्छा, गोयमा ! सिय कडजुम्मसमयट्ठिईए जाव सिय कलिओगसमयट्ठिईए, एवं जाव वेमाणिए, सिद्धे जहा जीवे । जीवा णं भंते ! पुच्छा, गोयमा ! ओघादेसेणवि विहाणादेसेणवि कडजुम्मसमयट्ठिईया नो तेओग० नो दावरजुम्म० नो कलिओगसमयट्ठिईया, नेरइयाणं पुच्छा, गोयमा ! ओघादेसेणं सिय कडजुम्मसमयट्ठिईया जाव सिय कलिओगसमयट्ठिईया, विहाणादेसेणं कडजुम्मसमयट्ठिईयावि जाव कलिओगसमयट्ठिईयावि, एवं जाव वेमाणिया, सिद्धा जहा जीवा ॥ ७३५ ॥ जीवे णं भंते ! कालवन्नपज्जवेहिं किं कडजुम्मे० पुच्छा, गोयमा ! जीवपएसे पडुच्च णो कडजुम्मे जाव णो कलिओगे, सरीरपएसे पडुच्च सिय कडजुम्मे जाव सिय कलिओगे, एवं जाव वेमाणिए, सिद्धो चेव न पुच्छिज्जइ ।

जीवा णं भंते । कालवन्नपज्जवेहिं० पुच्छा, गोयमा । जीवपएसे पडुच ओघादेसेणवि
विहाणादेसेणवि णो कडजुम्मा जाव णो कलिओगा, सरिरपएसे पडुच ओघादेसेण
सिय कडजुम्मा जाव सिय कलिओगा, विहाणादेसेण कडजुम्मावि जाव कलिओगावि,
एवं जाव वेमाणिया, एवं नीलवन्नपज्जवेहिं दंडओ भाणियव्वो एगत्तपुहत्तेणं एवं
जाव लुक्खफासपज्जवेहिं ॥ जीवे णं भंते । आभिणिवोहियणाणपज्जवेहिं किं
कडजुम्मे० पुच्छा, गोयमा । सिय कडजुम्मे जाव सिय कलिओगे, एवं एगिंदियवज्जं
जाव वेमाणिए । जीवा णं भंते ! आभिणिवोहियणाणपज्जवेहिं० पुच्छा, गोयमा ।
ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि जाव
कलिओगावि, एवं एगिंदियवज्जं जाव वेमाणिया, एवं सुयणाणपज्जवेहिवि, ओहि-
णाणपज्जवेहिवि एवं चेव, नवरं विगल्लिंदियाणं नत्थि ओहिनाणं, मणपज्जवनाणंपि
एवं चेव, नवरं जीवाणं मणुस्साण य, सेसाणं नत्थि, जीवे णं भंते ! केवलनाणप-
ज्जवेहिं किं कडजुम्मे० पुच्छा, गोयमा । कडजुम्मे णो तेओगे णो दावरजुम्मे णो
कलिओगे, एवं मणुस्सेवि, एवं सिद्धेवि, जीवा णं भंते ! केवलनाण०पुच्छा, गोयमा ।
ओघादेसेणवि विहाणादेसेणवि कडजुम्मा नो तेओगा नो दावरजुम्मा णो कलिओगा,
एवं मणुस्सावि, एवं सिद्धावि । जीवे णं भंते ! मइअन्नाणपज्जवेहिं किं कडजुम्मे० ?
जहा आभिणिवोहियणाणपज्जवेहिं तहेव दो दंडगा, एवं सुयअन्नाणपज्जवेहिवि, एवं
विभंगनाणपज्जवेहिवि । चक्खुदंसणअचक्खुदंसणओहिदंसणपज्जवेहिवि एवं चेव,
नवरं जस्स जं अत्थि तस्स तं भाणियव्वं, केवलदंसणपज्जवेहिं जहा केवलनाणपज्जवेहिं
॥ ७३६ ॥ कइ णं भंते ! सरीरगा प० ? गोयमा । पंच सरीरगा प०, तं०-ओरालिए
जाव कम्मए, एत्थं सरीरपदं निरवसेसं भाणियव्वं जहा पन्नवणाए ॥ ७३७ ॥
जीवा णं भंते ! किं सेया निरेया ? गोयमा । जीवा सेयावि निरेयावि, से केणट्ठेणं
भंते ! एवं वुच्चइ जीवा सेयावि निरेयावि ? गोयमा । जीवा दुविहा प०, तंजहा-
संसारसमावन्नगा य असंसारसमावन्नगा य, तत्थ णं जे ते असंसारसमावन्नगा
ते णं सिद्धा, सिद्धा णं दुविहा प०, तंजहा-अणंतरसिद्धा य परंपरसिद्धा य, तत्थ
णं जे ते परंपरसिद्धा ते णं निरेया, तत्थ णं जे ते अणंतरसिद्धा ते णं सेया, ते णं
भंते ! किं देसेया सव्वेया ? गोयमा । णो देसेया सव्वेया, तत्थ णं जे ते संसार-
समावन्नगा ते दुविहा प०, तंजहा-सेलेसिपडिवन्नगा य असेलेसिपडिवन्नगा य,
तत्थ णं जे ते सेलेसीपडिवन्नगा ते णं निरेया, तत्थ णं जे ते असेलेसीपडिवन्नगा
ते णं सेया, ते णं भंते ! किं देसेया सव्वेया ? गोयमा । देसेयावि सव्वेयावि, से
तेणट्ठेणं जाव निरेयावि । नेरइया णं भंते ! किं देसेया सव्वेया ? गोयमा । देसे-

यावि सव्वेयावि, से केणट्टेणं जाव सव्वेयावि ? गोयमा ! नेरइया दुविहा प०, तं०-विग्गह्गइसमावन्नगा य अविग्गह्गइसमावन्नगा य, तत्थ णं जे ते विग्गह्गइसमावन्नगा ते णं सव्वेया, तत्थ णं जे ते अविग्गह्गइसमावन्नगा ते णं देसेया, से तेणट्टेणं जाव सव्वेयावि, एवं जाव वेमाणिया ॥ ७३८ ॥ परमाणुपोग्गला णं भंते ! किं संखेज्जा असंखेज्जा अणंता ? गोयमा ! नो संखेज्जा नो असंखेज्जा अणंता, एवं जाव अणंतपएसिया खंधा । एगपएसोगाढा णं भंते । पोग्गला किं संखेज्जा असंखेज्जा अणंता ? एवं चेव, एवं जाव असंखेज्जपएसोगाढा । एगसमयट्ठिईया णं भंते ! पोग्गला किं संखेज्जा० ? एवं चेव, एवं जाव असंखेज्जसमयट्ठिईया । एगगुणकालगा णं भंते । पोग्गला किं संखेज्जा० ? एवं चेव, एवं जाव अणंतगुणकालगा, एवं अवसेसावि वण्णगंधरसफासा णेयव्वा जाव अणंतगुणलुक्खत्ति । एएसि णं भंते । परमाणुपोग्गलानं दुपएसियाण य खंधाणं दव्वट्ठयाए कयरे २ हिंतो अप्पा वा बहुया वा तुल्ला वा विसेसाहिया वा ? गोयमा ! दुपएसिएहिंतो खंधेहिंतो परमाणुपोग्गला दव्वट्ठयाए बहुया, एएसि णं भंते ! दुपएसियाणं तिपएसियाण य खंधाणं दव्वट्ठयाए कयरे २ हिंतो बहुया ? गोयमा ! तिपएसिएहिंतो खंधेहिंतो दुपएसिया खंधा दव्वट्ठयाए बहुया, एवं एएणं गमएणं जाव दसपएसिएहिंतो खंधेहिंतो नवपएसिया खंधा दव्वट्ठयाए बहुया । एएसि णं भंते ! दसपएसि० पुच्छा, गोयमा ! दसपएसिएहिंतो खंधेहिंतो संखेज्जपएसिया खंधा दव्वट्ठयाए बहुया, एएसि णं भंते ! संखेज्ज० पुच्छा, गोयमा ! संखेज्जपएसिएहिंतो खंधेहिंतो असंखेज्जपएसिया खंधा दव्वट्ठयाए बहुया, एएसि णं भंते ! असंखेज्जपएसि० पुच्छा, गोयमा ! अ(संखेज्ज)णंतपएसिएहिंतो खंधेहिंतो अ(णंत)संखेज्जपएसिया खंधा दव्वट्ठयाए बहुया, एएसि णं भंते ! परमाणुपोग्गलानं दुपएसियाण य खंधाणं पएसट्ठयाए कयरे २ हिंतो बहुया ? गोयमा ! परमाणुपोग्गलेहिंतो दुपएसिया खंधा पएसट्ठयाए बहुया, एवं एएणं गमएणं जाव नवपएसिएहिंतो खंधेहिंतो दसपएसिया खंधा पएसट्ठयाए बहुया, एवं सव्वत्थ पुच्छियव्वं, दसपएसिएहिंतो खंधेहिंतो संखेज्जपएसिया खंधा पएसट्ठयाए बहुया, संखेज्जपएसिएहिंतो खंधेहिंतो असंखेज्जपएसिया खंधा पएसट्ठयाए बहुया, एएसि णं भंते ! असंखेज्जपएसियाणं पुच्छा, गोयमा ! अणंतपएसिएहिंतो खंधेहिंतो असंखेज्जपएसिया खंधा पएसट्ठयाए बहुया ॥ एएसि णं भंते ! एगपएसोगाढाणं दुपएसोगाढाण य पोग्गलानं दव्वट्ठयाए कयरे २ हिंतो जाव विसेसाहिया वा ? गोयमा ! दुपएसोगाढेहिंतो पोग्गलेहिंतो एगपएसोगाढा पोग्गला दव्वट्ठयाए विसेसाहिया, एवं एएणं गमएणं तिपएसोगाढेहिंतो पोग्गलेहिंतो दुपएसोगाढा पोग्गला दव्वट्ठयाए विसेसाहिया जाव दसपए-

सोगादेहिंतो पोग्गलेहिंतो नवपएसोगाटा पोग्गला दव्वट्टयाए विसेसाहिया, एएसि णं भंते ! दसपए० पुच्छा, गोयमा ! दसपएसोगादेहिंतो पोग्गलेहिंतो संखेज्जपएसोगाटा पोग्गला दव्वट्टयाए बहुया, संखेज्जपएसोगादेहिंतो पोग्गलेहिंतो असंखेज्जपएसोगाटा पोग्गला दव्वट्टयाए बहुया, पुच्छा सव्वत्थ भाणियच्चा । एएसि णं भंते ! एगपएसोगाटाणं दुपएसोगाटाणं य पोग्गलाणं पएसट्टयाए कयरे २ हिंतो जाव विसेसाहिया वा ? गोयमा ! एगपएसोगादेहिंतो पोग्गलेहिंतो दुपएसोगाटा पोग्गला पएसट्टयाए विसेसाहिया, एवं जाव नवपएसोगादेहिंतो पोग्गलेहिंतो दसपएसोगाटा पोग्गला पएसट्टयाए विसेसाहिया, दसपएसोगादेहिंतो पोग्गलेहिंतो संखेज्जपएसोगाटा पोग्गला पएसट्टयाए बहुया, संखेज्जपएसोगादेहिंतो पोग्गलेहिंतो असंखेज्जपएसोगाटा पोग्गला पएसट्टयाए बहुया । एएसि णं भंते ! एगसमयट्ठिइयाणं दुसमयट्ठिइयाणं य पोग्गलाणं दव्वट्टयाए जहा ओगाहणाए वत्तव्वया एवं टिइएवि । एएसि णं भंते ! एगगुणकालयाणं दुगुणकालयाणं य पोग्गलाणं दव्वट्टयाए एएसि णं जहा परमाणुपोग्गलाइणं तहेव वत्तव्वया निरवसेसा, एवं सव्वेसिं वन्नगंधरसाणं, एएसि णं भंते ! एगगुणकक्खडाणं दुगुणकक्खडाणं य पोग्गलाणं दव्वट्टयाए कयरे २ हिंतो जाव विसेसाहिया वा ? गोयमा ! एगगुणकक्खडेहिंतो पोग्गलेहिंतो दुगुणकक्खडा पोग्गला दव्वट्टयाए विसेसाहिया, एवं जाव नवगुणकक्खडेहिंतो पोग्गलेहिंतो दसगुणकक्खडा पोग्गला दव्वट्टयाए विसेसाहिया, दसगुणकक्खडेहिंतो पोग्गलेहिंतो संखेज्जगुणकक्खडा पोग्गला दव्वट्टयाए बहुया, संखेज्जगुणकक्खडेहिंतो पोग्गलेहिंतो असंखेज्जगुणकक्खडा पोग्गला दव्वट्टयाए बहुया, असंखेज्जगुणकक्खडेहिंतो पोग्गलेहिंतो अणंतगुणकक्खडा पोग्गला दव्वट्टयाए बहुया, एवं पएसट्टयाए सव्वत्थ पुच्छा भाणियच्चा, जहा कक्खडा एवं मडयगुस्यलहुयावि, सीयउत्तिणनिद्धलुक्खा जहा वन्ना ॥ ७३९ ॥ एएसि णं भंते ! परमाणुपोग्गलाणं संखेज्जपएसियाणं असंखेज्जपएसियाणं अणंतपएसियाणं य खंधाणं दव्वट्टयाए पएसट्टयाए दव्वट्टपएसट्टयाए कयरे २ जाव विसेसाहिया वा ? गोयमा ! सव्वत्थोवा अणंतपएसिया खंधा दव्वट्टयाए, परमाणुपोग्गला दव्वट्टयाए अणंतगुणा, संखेज्जपएसिया खंधा दव्वट्टयाए संखेज्जगुणा, असंखेज्जपएसिया खंधा दव्वट्टयाए असंखेज्जगुणा, पएसट्टयाए-सव्वत्थोवा अणंतपएसिया खंधा पएसट्टयाए, परमाणुपोग्गला अपएसट्टयाए अणंतगुणा, संखेज्जपएसिया खंधा पएसट्टयाए संखेज्जगुणा, असंखेज्जपएसिया खंधा पएसट्टयाए असंखेज्जगुणा, दव्वट्टपएसट्टयाए-सव्वत्थोवा अणंतपएसिया खंधा दव्वट्टयाए ते चेव पएसट्टयाए अणंतगुणा, परमाणुपोग्गला दव्वट्टयाए अपएसट्टयाए

अणंतगुणा, संखेज्जपएसिया संधा दव्वट्टयाए संखेज्जगुणा ते चेव पएसट्टयाए संखेज्जगुणा, असंखेज्जपएसिया संधा दव्वट्टयाए असंखेज्जगुणा ते चेव पएसट्टयाए असंखेज्जगुणा । एएसि णं भंते ! एगपएसोगाढाणं संखेज्जपएसोगाढाणं असंखेज्जपएसोगाढाणं य पोग्गलाणं दव्वट्टयाए पएसट्टयाए दव्वट्टपएसट्टयाए कयरे २ जाव विसेसाहिया वा ? गोयमा ! सव्वत्थोवा एगपएसोगाढा पोग्गला दव्वट्टयाए, संखेज्जपएसोगाढा पोग्गला दव्वट्टयाए संखेज्जगुणा, असंखेज्जपएसोगाढा पोग्गला दव्वट्टयाए असंखेज्जगुणा, पएसट्टयाए-सव्वत्थोवा एगपएसोगाढा पोग्गला(अ)पएसट्टयाए, संखेज्जपएसोगाढा पोग्गला पएसट्टयाए(अ)संखेज्जगुणा, असंखेज्जपएसोगाढा पोग्गला पएसट्टयाए असंखेज्जगुणा, दव्वट्टपएसट्टयाए-सव्वत्थोवा एगपएसोगाढा पोग्गला दव्वट्टपएसट्टयाए, संखेज्जपएसोगाढा पोग्गला दव्वट्टयाए संखेज्जगुणा ते चेव पएसट्टयाए संखेज्जगुणा, असंखेज्जपएसोगाढा पोग्गला दव्वट्टयाए असंखेज्जगुणा ते चेव पएसट्टयाए असंखेज्जगुणा । एएसि णं भंते ! एगसमयट्ठिइयाणं संखेज्जसमयट्ठिइयाणं असंखेज्जसमयट्ठिइयाणं य पोग्गलाणं जहा ओगाह्णाए तहा ठिइएवि भाणियव्वं अप्पावहुगं । एएसि णं भंते ! एगगुणकालगाणं संखेज्जगुणकालगाणं असंखेज्जगुणकालगाणं अणंतगुणकालगाणं य पोग्गलाणं दव्वट्टयाए पएसट्टयाए दव्वट्टपएसट्टयाए एएसि णं जहा परमाणुपोग्गलाणं अप्पावहुगं तहा एएसिपि अप्पावहुगं, एवं सेसाणवि वन्नगंधरसाणं । एएसि णं भंते ! एगगुणकक्खडाणं संखेज्जगुणकक्खडाणं असंखेज्जगुणकक्खडाणं अणंतगुणकक्खडाणं य पोग्गलाणं दव्वट्टयाए पएसट्टयाए दव्वट्टपएसट्टयाए कयरे २ जाव विसेसाहिया वा ? गोयमा ! सव्वत्थोवा एगगुणकक्खडा पोग्गला दव्वट्टयाए, संखेज्जगुणकक्खडा पोग्गला दव्वट्टयाए संखेज्जगुणा, असंखेज्जगुणकक्खडा पोग्गला दव्वट्टयाए असंखेज्जगुणा, अणंतगुणकक्खडा पोग्गला दव्वट्टयाए अणंतगुणा, पएसट्टयाए एवं चेव नवरं संखेज्जगुणकक्खडा पोग्गला पएसट्टयाए असंखेज्जगुणा सेसं तं चेव, दव्वट्टपएसट्टयाए सव्वत्थोवा एगगुणकक्खडा पोग्गला दव्वट्टपएसट्टयाए, संखेज्जगुणकक्खडा पोग्गला दव्वट्टयाए संखेज्जगुणा ते चेव पएसट्टयाए संखेज्जगुणा, असंखेज्जगुणकक्खडा पो० दव्वट्टयाए असंखेज्जगुणा ते चेव पएसट्टयाए असंखेज्जगुणा, अणंतगुणकक्खडा पो० दव्वट्टयाए अणंतगुणा ते चेव पएसट्टयाए अ(संखेज्ज) णंतगुणा, एवं मउयगुस्यलहुयाणवि अप्पावहुगं, सीयउसिणनिद्धलक्खाणं जहा वज्जाणं तहेव ॥ ७४० ॥ परमाणुपोग्गले णं भंते ! दव्वट्टयाए किं कडजुम्मे तेओए दावरजुम्मे कलिओए ? गोयमा ! नो कडजुम्मे नो तेओए नो दावरजुम्मे कलिओए, एवं जाव अणंतपएसिए

खंधे । परमाणुपोग्गला णं भंते ! दव्वट्टयाए किं कडजुम्मा० पुच्छा, गोयमा !
 ओघादेसेणं सिय कडजुम्मा जाव सिय कलिओगा, विहाणादेसेणं नो कडजुम्मा नो
 तेओगा नो दावरजुम्मा कलिओगा, एवं जाव अणंतपएसिया खंधा । परमाणु-
 पोग्गले णं भंते ! पएसट्टयाए किं कडजुम्मे० पुच्छा, गोयमा ! नो कडजुम्मे नो
 तेओए नो दावरजुम्मे कलिओए, दुपएसिए पुच्छा, गोयमा ! नो कडजुम्मे नो
 तेओए दावरजुम्मे नो कलिओए, तिपएसिए पुच्छा, गोयमा ! नो कडजुम्मे तेओए
 नो दावरजुम्मे नो कलिओए, चउप्पएसिए पुच्छा, गोयमा ! कडजुम्मे नो तेओए
 नो दावरजुम्मे नो कलिओए, पंचपएसिए जहा परमाणुपोग्गले, छप्पएसिए जहा
 दुपएसिए, सत्तपएसिए जहा तिपएसिए, अट्टपएसिए जहा चउप्पएसिए, नवपएसिए
 जहा परमाणुपोग्गले, दसपएसिए जहा दुपएसिए, संखेज्जपएसिए णं भंते ! पोग्गले
 पुच्छा, गोयमा ! सिय कडजुम्मे जाव सिय कलिओगे, एवं असंखेज्जपएसिएवि, एवं
 अणंतपएसिएवि । परमाणुपोग्गला णं भंते ! पएसट्टयाए किं कडजुम्मा० पुच्छा,
 गोयमा ! ओघादेसेणं सिय कडजुम्मा जाव सिय कलिओगा, विहाणादेसेणं नो
 कडजुम्मा नो तेओगा नो दावरजुम्मा कलिओगा, दुपएसियाणं पुच्छा, गोयमा !
 ओघादेसेणं सिय कडजुम्मा नो तेओगा सिय दावरजुम्मा नो कलिओगा, विहाणा-
 देसेणं नो कडजुम्मा नो तेओगा दावरजुम्मा नो कलिओगा, तिपएसियाणं पुच्छा,
 गोयमा ! ओघादेसेणं सिय कडजुम्मा जाव सिय कलिओगा, विहाणादेसेणं नो
 कडजुम्मा तेओगा नो दावरजुम्मा नो कलिओगा, चउप्पएसियाणं पुच्छा, गोयमा !
 ओघादेसेणवि विहाणादेसेणवि कडजुम्मा नो तेओगा नो दावरजुम्मा नो कलिओगा,
 पंचपएसिया जहा परमाणुपोग्गला, छप्पएसिया जहा दुपएसिया, सत्तपएसिया
 जहा तिपएसिया, अट्टपएसिया जहा चउप्पएसिया, नवपएसिया जहा परमाणु-
 पोग्गला, दसपएसिया जहा दुपएसिया, संखेज्जपएसियाणं पुच्छा, गोयमा !
 ओघादेसेणं सिय कडजुम्मा जाव सिय कलिओगा, विहाणादेसेणं कडजुम्मावि जाव
 कलिओगावि, एवं असंखेज्जपएसियावि अणंतपएसियावि ॥ परमाणुपोग्गले णं भंते !
 किं कडजुम्मपएसोगाडे० पुच्छा, गोयमा ! (णो) कडजुम्मपएसोगाडे नो तेओग० नो
 दावरजुम्म० कलिओगपएसोगाडे । दुपएसिए णं पुच्छा, गोयमा ! नो कडजुम्म-
 पएसोगाडे णो तेओग० सिय दावरजुम्मपएसोगाडे सिय कलिओगपएसोगाडे ।
 तिपएसिए णं पुच्छा, गोयमा ! णो कडजुम्मपएसोगाडे सिय तेओगपएसोगाडे
 सिय दावरजुम्मपएसोगाडे सिय कलिओगपएसोगाडे ३ । चउप्पएसिए णं पुच्छा,
 गोयमा ! सिय कडजुम्मपएसोगाडे जाव सिय कलिओगपएसोगाडे ४, एवं जाव

अणंतपएसिए ॥ परमाणुपोगला णं भंते । किं कडजुम्मपएसोगाढा० पुच्छा, गोयमा ! ओघादेसेणं कडजुम्मपएसोगाढा णो तेओग० नो दावर० नो कलिओग०, विहाणादेसेणं नो कडजुम्मपएसोगाढा णो तेओग० नो दावर० कलिओगपएसोगाढा । दुपएसियाणं पुच्छा, गोयमा ! ओघादेसेणं कडजुम्मपएसोगाढा नो तेओग० नो दावर० नो कलिओगपएसोगाढा, विहाणादेसेणं नो कडजुम्मपएसोगाढा नो तेओगपएसोगाढा दावरजुम्मपएसोगाढावि कलिओगपएसोगाढावि । तिपएसियाणं पुच्छा, गोयमा ! ओघादेसेणं कडजुम्मपएसोगाढा नो तेओग० नो दावर० नो कलिओगपएसोगाढा, विहाणादेसेणं नो कडजुम्मपएसोगाढा तेओगपएसोगाढावि दावरजुम्मपएसोगाढावि कलिओगपएसोगाढावि ३ । चउप्पएसियाणं पुच्छा, गोयमा ! ओघादेसेणं कडजुम्मपएसोगाढा नो तेओग० नो दावर० नो कलिओगपएसोगाढा, विहाणादेसेणं कडजुम्मपएसोगाढावि जाव कलिओगपएसोगाढावि, एवं जाव अणंतपएसिया ॥ परमाणुपोगले णं भंते ! किं कडजुम्मसमयट्ठिईए० पुच्छा, गोयमा ! सिय कडजुम्मसमयट्ठिईए जाव सिय कलिओगसमयट्ठिईए, एवं जाव अणंतपएसिए । परमाणुपोगला णं भंते ! किं कडजुम्मसमयठिईया० पुच्छा, गोयमा ! ओघादेसेणं सिय कडजुम्मसमयट्ठिईया जाव सिय कलिओगसमयट्ठिईया ४, विहाणादेसेणं कडजुम्मसमयट्ठिईयावि जाव कलिओगसमयट्ठिईयावि ४, एवं जाव अणंतपएसिया । परमाणुपोगले णं भंते ! कालवन्नपज्जवेहिं किं कडजुम्मे तेओगे० जहा ठिईए वत्तव्वया एवं व्वनेसुवि सव्वेसु गंधेसुवि एवं चेव रसेसुवि जाव महुरो रसोत्ति, अणंतपएसिए णं भंते ! खंधे कक्खड्ढासपज्जवेहिं किं कडजुम्मे० पुच्छा, गोयमा ! सिय कडजुम्मे जाव सिय कलिओगे । अणंतपएसिया णं भंते ! खंधा कक्खड्ढासपज्जवेहिं किं कडजुम्मा० पुच्छा, गोयमा ! ओघादेसेणं सिय कडजुम्मा जाव सिय कलिओगा ४, विहाणादेसेणं कडजुम्मावि जाव कलिओगावि ४, एवं मउयगुख्यलहुयावि भाणियव्वा, सीयउत्तिणनिद्धलक्खा जहा वन्ना ॥ ७४१ ॥ परमाणुपोगले णं भंते ! किं स(अ)ट्ठे अणट्ठे ? गोयमा ! नो सट्ठे अणट्ठे । दुपएसिए णं पुच्छा, गोयमा ! सट्ठे नो अणट्ठे, तिपएसिए जहा परमाणुपोगले, चउप्पएसिए जहा दुपएसिए, पंचपएसिए जहा तिपएसिए, छप्पएसिए जहा दुपएसिए, सत्तपएसिए जहा तिपएसिए, अट्ठपएसिए जहा दुपएसिए, नव्वपएसिए जहा तिपएसिए, दसपएसिए जहा दुपएसिए, संखेज्जपएसिए णं भंते ! खंधे पुच्छा, गोयमा ! सिय सट्ठे सिय अणट्ठे, एवं असंखेज्जपएसिएवि, एवं अणंतपएसिएवि । परमाणुपोगला णं भंते ! किं सट्ठा अणट्ठा ?

गोयमा । सद्वा वा अणद्वा वा, एवं जाव अणंतपएसिया ॥ ७४२ ॥
 परमाणुपोग्गले णं भंते । किं सेए निरेए ? गोयमा । सिय सेए सिय निरेए, एवं
 जाव अणंतपएसिए । परमाणुपोग्गला णं भंते । किं सेया निरेया ? गोयमा ।
 सेयावि निरेयावि, एवं जाव अणंतपएसिया ॥ परमाणुपोग्गले णं भंते । सेए कालओ
 केवच्चिरं होइ ? गोयमा । जहण्णेणं एकं समयं उक्कोसेणं आवलियाए असंखेज्जइभागं,
 परमाणुपोग्गले णं भंते । निरेए कालओ केवच्चिरं होइ ? गोयमा । जहण्णेणं एकं
 समयं उक्कोसेणं असंखेज्जं कालं, एवं जाव अणंतपएसिए, परमाणुपोग्गला णं भंते ।
 सेया कालओ केवच्चिरं हो(इ)न्ति ? गोयमा । सव्वद्धं, परमाणुपोग्गला णं भंते । निरेया
 कालओ केवच्चिरं होन्ति ? गोयमा । सव्वद्धं, एवं जाव अणंतपएसिया ॥ परमाणु-
 पोग्गलस्स णं भंते । सेयस्स केवइयं कालं अंतरं होइ ? गोयमा । सद्वाणंतरं पडुच्च
 जहन्नेणं एकं समयं उक्कोसेणं असंखेज्जं कालं, परट्ठाणंतरं पडुच्च जहन्नेणं एकं समयं
 उक्कोसेणं असंखेज्जं कालं । निरेयस्स केवइयं कालं अंतरं होइ ? गोयमा । सद्वाणं-
 तरं पडुच्च जहन्नेणं एकं समयं उक्कोसेणं आवलियाए असंखेज्जइभागं, परट्ठाणंतरं
 पडुच्च जहन्नेणं एकं समयं उक्कोसेणं असंखे(ज्ज)ज्जं कालं । दुपएसियस्स णं भंते ।
 खंधस्स सेयस्स पुच्छा, गोयमा । सद्वाणंतरं पडुच्च जहन्नेणं एकं समयं उक्कोसेणं
 असंखेज्जं कालं, परट्ठाणंतरं पडुच्च जहण्णेणं एकं समयं उक्कोसेणं अणंतं कालं ।
 निरेयस्स केवइयं कालं अंतरं होइ ? गोयमा । सद्वाणंतरं पडुच्च जहन्नेणं एकं समयं
 उक्कोसेणं आवलियाए असंखेज्जइभागं, परट्ठाणंतरं पडुच्च जहन्नेणं एकं समयं
 उक्कोसेणं अणंतं कालं, एवं जाव अणंतपएसियस्स । परमाणुपोग्गलाणं भंते ।
 सेयाणं केवइयं कालं अंतरं होइ ? गोयमा । नत्थि अंतरं, निरेयाणं केवइयं
 कालं अंतरं होइ ? गोयमा । नत्थि अंतरं, एवं जाव अणंतपएसियाणं
 खंधाणं ॥ एएसि णं भंते । परमाणुपोग्गलाणं सेयाणं निरेयाणं य कयरे २ हितो
 जाव विसेसाहिया वा ? गोयमा । सव्वत्थोवा परमाणुपोग्गला सेया, निरेया असं-
 खेज्जगुणा एवं जाव असंखेज्जपएसियाणं खंधाणं । एएसि णं भंते । अणंतपएसि-
 याणं खंधाणं सेयाणं निरेयाणं य कयरे २ जाव विसेसाहिया वा ? गोयमा ।
 सव्वत्थोवा अणंतपएसिया खंधा निरेया, सेया अणंतगुणा ॥ एएसि णं भंते ।
 परमाणुपोग्गलाणं संखेज्जपएसियाणं असंखेज्जपएसियाणं अणंतपएसियाणं य खंधाणं
 सेयाणं निरेयाणं य दव्वट्ठयाए पएसट्ठयाए दव्वट्ठपएसट्ठयाए कयरे २ जाव विसे-
 साहिया वा ? गोयमा । सव्वत्थोवा अणंतपएसिया खंधा निरेया दव्वट्ठयाए १,
 अणंतपएसिया खंधा सेया दव्वट्ठयाए अणंतगुणा २, परमाणुपोग्गला सेया दव्व-

द्वयाए अणंतगुणा ३, संखेज्जपएसिया खंधा सेया दव्वद्वयाए असंखेज्जगुणा ४, असंखेज्जपएसिया खंधा सेया दव्वद्वयाए असंखेज्जगुणा ५, परमाणुपोग्गला निरेया दव्वद्वयाए असंखेज्जगुणा ६, संखेज्जपएसिया खंधा निरेया दव्वद्वयाए संखेज्जगुणा ७, असंखेज्जपएसिया खंधा निरेया दव्वद्वयाए असंखेज्जगुणा ८, पएसद्वयाए एवं चेव नवरं परमाणुपोग्गला अपएसद्वयाए भाणियव्वा, संखेज्जपएसिया खंधा निरेया पएसद्वयाए असंखेज्जगुणा सेसं तं चेव, दव्वद्वपएसद्वयाए-सव्वत्थोवा अणंतपएसिया खंधा निरेया दव्वद्वयाए १, ते चेव पएसद्वयाए अणंतगुणा २, अणंतपएसिया खंधा सेया दव्वद्वयाए अणंतगुणा ३, ते चेव पएसद्वयाए अणंतगुणा ४, परमाणुपोग्गला सेया दव्वद्वयाए अपएसद्वयाए अणंतगुणा ५, संखेज्जपएसिया खंधा सेया दव्वद्वयाए असंखेज्जगुणा ६, ते चेव पएसद्वयाए (अ)संखेज्जगुणा ७, असंखेज्जपएसिया खंधा सेया दव्वद्वयाए असंखेज्जगुणा ८, ते चेव पएसद्वयाए असंखेज्जगुणा ९, परमाणुपोग्गला निरेया दव्वद्वयाए अपएसद्वयाए असंखेज्जगुणा १०, संखेज्जपएसिया खंधा निरेया दव्वद्वयाए असंखेज्जगुणा ११, ते चेव पएसद्वयाए (अ)संखेज्जगुणा १२, असंखेज्जपएसिया खंधा निरेया दव्वद्वयाए असंखेज्जगुणा १३, ते चेव पएसद्वयाए असंखेज्जगुणा १४ । परमाणुपोग्गले णं भंते ! किं देसेए सव्वेए निरेए ? गोयमा ! नो देसेए सिय सव्वेए सिय निरेए, दुपएसिए णं भंते ! खंधे पुच्छा, गोयमा ! सिय देसेए सिय सव्वेए सिय निरेए, एवं जाव अणंतपएसिए । परमाणुपोग्गला णं भंते ! किं देसेया सव्वेया निरेया ? गोयमा ! नो देसेया सव्वेयावि निरेयावि, दुपएसिया णं भंते ! खंधा पुच्छा, गोयमा ! देसेयावि सव्वेयावि निरेयावि, एवं जाव अणंतपएसिया । परमाणुपोग्गले णं भंते ! सव्वेए कालओ केवच्चिरं होइ ? गोयमा ! जहजेणं एक्कं समयं उक्कोसेणं आवलियाए असंखेज्जइभागं, निरेए कालओ केवच्चिरं होइ ? गोयमा ! जहजेणं एक्कं समयं उक्कोसेणं असंखेज्जं कालं । दुपएसिए णं भंते ! खंधे देसेए कालओ केव(चि)च्चिरं होइ ? गोयमा ! जहजेणं एक्कं समयं उक्कोसेणं आवलियाए असंखेज्जइभागं, सव्वेए कालओ केवच्चिरं होइ ? गोयमा ! जहजेणं एक्कं समयं उक्कोसेणं आवलियाए असंखेज्जइभागं, निरेए कालओ केवच्चिरं होइ ? गोयमा ! जहजेणं एक्कं समयं उक्कोसेणं असंखेज्जं कालं, एवं जाव अणंतपएसिए । परमाणुपोग्गला णं भंते ! सव्वेया कालओ केवच्चिरं होंति ? गोयमा ! सव्वद्वं, निरेया कालओ केवच्चिरं हो(न्ति)इ ? गोयमा ! सव्वद्वं । दुपएसिया णं भंते ! खंधा देसेया कालओ केवच्चिरं होंति ? गोयमा ! सव्वद्वं, सव्वेया कालओ केवच्चिरं होंति ? सव्वद्वं, निरेया कालओ केवच्चिरं होंति ? सव्वद्वं, एवं जाव अणंतपएसिया । परमाणुपोग्ग-

लस्स णं भंते ! सव्वेयस्स केवइयं कालं अंतरं होइ ? गोयमा ! सट्ठाणंतं पडुच्च जह-
जेणं एकं समयं उक्कोसेण असंखेज्जं कालं, परट्ठाणंतं पडुच्च जहजेणं एकं समयं उक्को-
सेण असंखेज्जं कालं । निरेयस्स केवइयं कालं अंतरं होइ ? सट्ठाणंतं पडुच्च जहजेणं
एकं समयं उक्कोसेण आवलियाए असंखेज्जइभागं, परट्ठाणंतं पडुच्च जहजेणं एकं
समयं उक्कोसेण असंखेज्जं कालं । दुपएसियस्स णं भंते ! खंधस्स देसेयस्स केवइयं
कालं अंतरं होइ ? गोयमा ! सट्ठाणंतं पडुच्च जहजेणं एकं समयं उक्कोसेण असंखेज्जं
कालं, परट्ठाणंतं पडुच्च जहजेणं एकं समयं उक्कोसेण अणंतं कालं, सव्वेयस्स केवइयं
कालं० ? एवं चेव जहा देसेयस्स, निरेयस्स केवइयं कालं० ? सट्ठाणंतं पडुच्च
जहजेणं एकं समयं उक्कोसेण आवलियाए असंखेज्जइभागं, परट्ठाणंतं पडुच्च जहजेणं
एकं समयं उक्कोसेण अणंतं कालं, एवं जाव अणंतपएसियस्स ॥ परमाणुपोग्गलाणं
भंते ! सव्वेयाणं केवइयं कालं अंतरं होइ ? गोयमा ! नत्थि अंतरं, निरेयाणं केव-
इयं० ? नत्थि अंतरं, दुपएसियाणं भंते ! खंधाणं देसेयाणं केवइयं कालं० ? नत्थि
अंतरं, सव्वेयाणं केवइयं कालं० ? नत्थि अंतरं, निरेयाणं केवइयं कालं० ? नत्थि
अंतरं, एवं जाव अणंतपएसियाणं । एसि णं भंते ! परमाणुपोग्गलाणं सव्वेयाणं
निरेयाणं य कयरे २ जाव विसेसाहिया वा ? गोयमा ! सव्वत्थोवा परमाणुपोग्गला
सव्वेया, निरेया असंखेज्जगुणा । एसि णं भंते ! दुपएसियाणं खंधाणं देसेयाणं
सव्वेयाणं निरेयाणं य कयरे २ जाव विसेसाहिया वा ? गोयमा ! सव्वत्थोवा दुपए-
सिया खंधा सव्वेया, देसेया असंखेज्जगुणा, निरेया असंखेज्जगुणा, एवं जाव असं-
खेज्जपएसियाणं खंधाणं । एसि णं भंते ! अणंतपएसियाणं खंधाणं देसेयाणं सव्वे-
याणं निरेयाणं य कयरे २ जाव विसेसाहिया वा ? गोयमा ! सव्वत्थोवा अणंतप-
एसिया खंधा सव्वेया, निरेया अणंतगुणा, देसेया अणंतगुणा । एसि णं भंते !
परमाणुपोग्गलाणं संखेज्जपएसियाणं असंखेज्जपएसियाणं अणंतपएसियाणं य खंधाणं
देसेयाणं सव्वेयाणं निरेयाणं दव्वट्ठयाए एसट्ठयाए दव्वट्ठपएसट्ठयाए कयरे २ जाव
विसेसाहिया वा ? गोयमा ! सव्वत्थोवा अणंतपएसिया खंधा सव्वेया दव्वट्ठयाए १,
अणंतपएसिया खंधा निरेया दव्वट्ठयाए अणंतगुणा २, अणंतपएसिया खंधा देसेया
दव्वट्ठयाए अणंतगुणा ३, असंखेज्जपएसिया खंधा सव्वेया दव्वट्ठयाए अणंतसंखेज्ज-
गुणा ४, संखेज्जपएसिया खंधा सव्वेया दव्वट्ठयाए असंखेज्जगुणा ५, परमाणुपोग्गला
सव्वेया दव्वट्ठयाए असंखेज्जगुणा ६, संखेज्जपएसिया खंधा देसेया दव्वट्ठयाए असं-
खेज्जगुणा ७, असंखेज्जपएसिया खंधा देसेया दव्वट्ठयाए असंखेज्जगुणा ८, परमाणु-
पोग्गला निरेया दव्वट्ठयाए असंखेज्जगुणा ९, संखेज्जपएसिया खंधा निरेया दव्व-

द्वयाए संखेज्जगुणा १०, असंखेज्जपएसिया खंधा निरेया दव्वद्वयाए असंखेज्जगुणा ११, पएसद्वयाए-सव्वत्थोवा अणंतपएसिया खंधा पएसद्वयाए एवं पएसद्वयाएणि नवरं परमाणुपोग्गला अपएसद्वयाए भाणियव्वा, संखेज्जपएसिया खंधा निरेया पएसद्वयाए असंखेज्जगुणा सेसं तं चेव, दव्वद्वपएसद्वयाए सव्वत्थोवा अणंतपएसिया खंधा सव्वेया दव्वद्वयाए १, ते चेव पएसद्वयाए अणंतगुणा २, अणंतपएसिया खंधा निरेया दव्वद्वयाए अणंतगुणा ३, ते चेव पएसद्वयाए अणंतगुणा ४, अणंतपएसिया खंधा देसेया दव्वद्वयाए अणंतगुणा ५, ते चेव पएसद्वयाए अणंतगुणा ६, असंखेज्जपएसिया खंधा सव्वेया दव्वद्वयाए अणंतगुणा ७, ते चेव पएसद्वयाए असंखेज्जगुणा ८, संखेज्जपएसिया खंधा सव्वेया दव्वद्वयाए असंखेज्जगुणा ९, ते चेव पएसद्वयाए (अ)संखेज्जगुणा १०, परमाणुपोग्गला सव्वेया दव्वद्वपएसद्वयाए असंखेज्जगुणा ११, संखेज्जपएसिया खंधा देसेया दव्वद्वयाए असंखेज्जगुणा १२, ते चेव पएसद्वयाए (अ)संखेज्जगुणा १३, असंखेज्जपएसिया खंधा देसेया दव्वद्वयाए असंखेज्जगुणा १४, ते चेव पएसद्वयाए असंखेज्जगुणा १५, परमाणुपोग्गला निरेया दव्वद्वपएसद्वयाए असंखेज्जगुणा १६, संखेज्जपएसिया खंधा निरेया दव्वद्वयाए असंखेज्जगुणा १७, ते चेव पएसद्वयाए संखेज्जगुणा १८, असंखेज्जपएसिया निरेया दव्वद्वयाए असंखेज्जगुणा १९, ते चेव पएसद्वयाए असंखेज्जगुणा २० ॥ ७४३ ॥

कइ णं भंते ! धम्मत्थिकायस्स मज्झपएसा प० ? गोयमा ! अट्ठ धम्मत्थिकायस्स मज्झपएसा प० । कइ णं भंते ! अहम्मत्थिकायस्स मज्झपएसा प० ? गोयमा ! एवं चेव, कइ णं भंते ! आगासत्थिकायस्स मज्झपएसा प० ? एवं चेव । कइ णं भंते ! जीवत्थिकायस्स मज्झपएसा प० ? गोयमा ! अट्ठ जीवत्थिकायस्स मज्झपएसा प०, एए णं भंते ! अट्ठ जीवत्थिकायस्स मज्झपएसा कइसु आगासपएसेसु ओगा-
हंति ? गोयमा ! जहणेणं एक्कंसि वा दोहिं वा तिहिं वा चउहिं वा पंचहिं वा छहिं वा उक्कोसेणं अट्ठसु, नो चेव णं सत्तसु । सेवं भंते ! २ ति ॥ ७४४ ॥ पणवी-
सइमस्स सयस्स चउत्थो उद्देसो समत्तो ॥

कइविहा णं भंते ! पज्जवा पज्जता ? गोयमा ! दुविहा पज्जवा प०, तं०-जीव-
पज्जवा य अजीवपज्जवा य, पज्जवपयं निरवसेसं भाणियव्वं जहा पज्जवणाए ॥ ७४५ ॥
आवल्लियाणं भंते ! किं संखेज्जा समया असंखेज्जा समया अणंता समया ?
गोयमा ! नो संखेज्जा समया असंखेज्जा समया नो अणंता समया, आणापाणूणं
भंते ! किं संखेज्जा० ? एवं चेव, थोवे णं भंते ! किं संखेज्जा० ? एवं चेव, एवं लवेवि
मुहुत्तेवि, एवं अहोरत्तेवि, एवं पक्खे मासे उ(ऊ)ट्ठ अयणे संवच्छरे जुगे वाससए

वाससहस्ते वाससयसहस्ते पुव्वंगे पुव्वे तुडियंगे तुडिए अउडंगे अउडे अव्वंगे
 अव्वे हुहुअंगे हुहुए उप्पलंगे उप्पले पडमंगे पडमे नलिंगे नलिणे अच्छिणि(उ)-
 पूरंगे अच्छिणि(उ)पूरे अउयंगे अउए नउयंगे नउए पउयंगे पउए चूलियंगे चूलि(या)ए
 सीसपहेलियंगे सीसपहेलिया पलिओवमे सागरोवमे ओसप्पिणी एवं उरसप्पिणीवि,
 पोग्गलपरियट्ठे णं भंते ! किं संखेज्जा समया असंखेज्जा समया अणंता समया ?
 गोयमा ! नो संखेज्जा समया नो असंखेज्जा समया अणंता समया, एवं तीयद्धा
 अणागयद्धा सव्वद्धा ॥ आवलियाओ णं भंते ! किं संखेज्जा समया० पुच्छा,
 गोयमा ! नो संखेज्जा समया सिय असंखेज्जा समया सिय अणंता समया, आणापा-
 णूणं भंते ! किं संखेज्जा समया० पुच्छा, एवं चेव, थोवाणं भंते ! किं संखेज्जा समया
 ३ ? एवं चेव एवं जाव उरसप्पिणीओत्ति, पोग्गलपरियट्ठाणं भंते ! किं संखेज्जा
 समया० पुच्छा, गोयमा ! णो संखेज्जा समया णो असंखेज्जा समया अणंता
 समया, आणापाणूणं भंते ! किं संखेज्जाओ आवलियाओ० पुच्छा, गोयमा ! संखे-
 ज्जाओ आवलियाओ णो असंखेज्जाओ आवलियाओ नो अणंताओ आवलियाओ,
 एवं थोवेवि, एवं जाव सीसप्पहेलियत्ति । पलिओवमे णं भंते ! किं संखेज्जा०
 पुच्छा, गोयमा ! णो संखेज्जाओ आवलियाओ असंखेज्जाओ आवलियाओ नो
 अणंताओ आवलियाओ, एवं सागरोवमेवि, एवं ओसप्पिणीवि उरसप्पिणीवि,
 पोग्गलपरियट्ठे पुच्छा, गोयमा ! नो संखेज्जाओ आवलियाओ णो असंखेज्जाओ
 आवलियाओ अणंताओ आवलियाओ, एवं जाव सव्वद्धा ! आणापाणूणं भंते !
 किं संखेज्जाओ आवलियाओ० पुच्छा, गोयमा ! सिय संखेज्जाओ आवलियाओ
 सिय असंखेज्जाओ सिय अणंताओ, एवं जाव सीसप्पहेलियाओ, पलिओवमाणं
 पुच्छा, गोयमा ! णो संखेज्जाओ आवलियाओ सिय असंखेज्जाओ आवलियाओ सिय
 अणंताओ आवलियाओ, एवं जाव उरसप्पिणीओत्ति, पोग्गलपरियट्ठाणं पुच्छा,
 गोयमा ! णो संखेज्जाओ आवलियाओ णो असंखेज्जाओ आवलियाओ अणंताओ
 आवलियाओ । थोवे णं भंते ! किं संखेज्जाओ आणापाणूओ असंखेज्जाओ जहा आव-
 लियाए वत्तव्वया एवं आणापाणूओवि निरवसेसा, एवं एएणं गमएणं जाव सीसप्पहे-
 लिया भाणियव्वा । सागरोवमे णं भंते ! किं संखेज्जा पलिओवमा० पुच्छा, गोयमा !
 संखेज्जा पलिओवमा णो असंखेज्जा पलिओवमा णो अणंता पलिओवमा, एवं ओस-
 प्पिणीएवि उरसप्पिणीएवि, पोग्गलपरियट्ठे णं भंते ! पुच्छा, गोयमा ! णो संखेज्जा
 पलिओवमा णो असंखेज्जा पलिओवमा अणंता पलिओवमा, एवं जाव सव्वद्धा ।
 सागरोवमाणं भंते ! किं संखेज्जा पलिओवमा० पुच्छा, गोयमा ! सिय संखेज्जा

पलिओवमा सिय असंखेज्जा पलिओवमा सिय अणंता पलिओवमा, एवं जाव
 ओसप्पिणी(ओ)वि उस्सप्पिणीवि । पोग्गलपरियट्ठाणं पुच्छा, गोयमा । णो संखेज्जा
 पलिओवमा णो असंखेज्जा पलिओवमा अणंता पलिओवमा । ओसप्पिणी णं भंते ।
 किं संखेज्जा सागरोवमा जहा पलिओवमस्स वत्तव्वया तहा सागरोवमस्सवि,
 पोग्गलपरियट्ठे णं भंते । किं संखेज्जाओ ओसप्पिणीओ० पुच्छा, गोयमा । णो संखे-
 ज्जाओ ओसप्पिणीओ णो असंखेज्जाओ अणंताओ ओसप्पिणीओ, पोग्गलपरियट्ठाणं
 भंते । किं संखेज्जाओ ओसप्पिणीओ० पुच्छा, गोयमा । नो संखेज्जाओ नो असंखे-
 ज्जाओ अणंताओ, पोग्गलपरियट्ठे णं भंते । किं संखेज्जाओ ओसप्पिणिउस्सप्पिणीओ०
 पुच्छा, गोयमा । णो संखेज्जाओ ओसप्पिणिउस्सप्पिणीओ णो असंखेज्जाओ अणं-
 ताओ ओसप्पिणिउस्सप्पिणीओ, एवं जाव सव्वद्धा, पोग्गलपरियट्ठाणं भंते । किं
 संखेज्जाओ ओसप्पिणिउस्सप्पिणीओ० पुच्छा, गोयमा । णो संखेज्जाओ ओसप्पिणि-
 उस्सप्पिणीओ णो असंखेज्जाओ अणंताओ ओसप्पिणिउस्सप्पिणीओ । तीतद्धाणं
 भंते । किं संखेज्जा पोग्गलपरियट्ठा० पुच्छा, गोयमा । नो संखेज्जा पोग्गलपरियट्ठा
 नो असंखेज्जा अणंता पोग्गलपरियट्ठा, एवं अणागयद्धावि, एवं सव्वद्धावि ॥ ७४६ ॥
 अणागयद्धाणं भंते । किं संखेज्जाओ तीतद्धाओ असंखेज्जाओ० अणंताओ० ? गोयमा ।
 णो संखेज्जाओ तीतद्धाओ णो असंखेज्जाओ तीतद्धाओ णो अणंताओ तीतद्धाओ,
 अणागयद्धा णं तीतद्धाओ समयाहिया, तीतद्धा णं अणागयद्धाओ समयज्जाणा ।
 सव्वद्धाणं भंते । किं संखेज्जाओ तीतद्धाओ० पुच्छा, गोयमा । णो संखेज्जाओ तीत-
 द्धाओ णो असंखेज्जाओ तीतद्धाओ णो अणंताओ तीतद्धाओ, सव्वद्धा णं तीतद्धाओ
 साइरेगदुगुणा तीतद्धा णं सव्वद्धाओ थोवूणए अद्धे, सव्वद्धाणं भन्ते । किं संखे-
 ज्जाओ अणागयद्धाओ० पुच्छा, गोयमा । णो संखेज्जाओ अणागयद्धाओ णो असं-
 खेज्जाओ अणागयद्धाओ णो अणंताओ अणागयद्धाओ, सव्वद्धा णं अणागयद्धाओ
 थोवूणगदुगुणा अणागयद्धा णं सव्वद्धाओ साइरेगे अद्धे ॥ ७४७ ॥ कइविहा णं
 भंते । णिओदा प० ? गोयमा । दुविहा णिओदा प०, तं०-णिओ(य)गा य णिओ-
 यजीवा य, णिओदा णं भंते । कइविहा प० ? गोयमा । दुविहा प०, तंजहा-सुहु-
 मनिओदा य वायरनिओ(दा)गा य, एवं निओदा भाणियव्वा जहा जीवाभिगमे
 तहेव निरवसेसं ॥ ७४८ ॥ कइविहे णं भंते । णामे पन्नत्ते ? गोयमा । छव्विहे
 णामे पन्नत्ते, तंजहा-उदइए जाव सज्जिवाइए । से किं तं उदइए णामे ? उदइए णामे
 दुविहे प०, तं०-उद(इ)ए य उदयनिप्फज्जे य, एवं जहा सत्तरसमसए पढमे उद्देसए
 भावो तहेव इहवि, नवरं इमं नामणणत्तं, सेसं तहेव जाव सज्जिवाइए । सेवं भंते ।
 २ ति ॥ ७४९ ॥ पणवीसइमे सए पंचमो उद्देसो समत्तो ॥

पन्नवण १ वेय २ रागे ३ कप्प ४ चरित्त ५ पडिसेवणा ६ णाणे ७ । तित्थे
 ८ लिंग ९ सरीरे १० खेत्ते ११ काले १२ गइ १३ संजम १४ निगासे १५
 ॥ १ ॥ जोसु १६ वओग १७ कसाए १८ टेसा १९ परिणाम २० वंध २१ वेदे
 य २२ । कम्मोदीरण २३ उवसंपजहन्न २४ सन्ना य २५ आहारे २६ ॥ २ ॥
 भव २७ आगरिसे २८ कालं २९ तरे य ३० समुग्घाय ३१ खेत्त ३२ फुसणा य
 ३३ । भावे ३४ परि(माणे)णामे ३५ (खलु)विय अप्पावहुयं ३६ नियंठाणं ३७ ॥ ३ ॥
 रायगिहे जाव एवं वयासी-कइ णं भंते ! णियंठा पन्नत्ता ? गोयमा ! पंच णियंठा
 पन्नत्ता, तंजहा-पुलाए वउसे कुसीले णियंटे सिणाए ॥ पुलाए णं भंते ! कइविहे
 पन्नत्ते ? गोयमा ! पंचविहे प०, तं०-नाणपुलाए दंसणपुलाए चरित्तपुलाए लिंगपु-
 लाए अहासुहुमपुलाए णामं पंचमे । वउसे णं भंते ! कइविहे प० ? गोयमा !
 पंचविहे प०, तं०-आभोगवउसे अणाभोगवउसे संवुडवउसे असंवुडवउसे अहा-
 सुहुमवउसे णामं पंचमे । कुसीले णं भंते ! कइविहे प० ? गोयमा ! दुविहे प०,
 तं०-पडिसेवणाकुसीले य कसायकुसीले य, पडिसेवणाकुसीले णं भंते ! कइविहे
 पन्नत्ते ? गोयमा ! पंचविहे प०, तंजहा-नाणपडिसेवणाकुसीले दंसणपडिसेवणा-
 कुसीले चरित्तपडिसेवणाकुसीले लिंगपडिसेवणाकुसीले अहासुहुमपडिसेवणाकुसीले
 णामं पंचमे, कसायकुसीले णं भंते ! कइविहे पन्नत्ते ? गोयमा ! पंचविहे प०, तं०-
 नाणकसायकुसीले दंसणकसायकुसीले चरित्तकसायकुसीले लिंगकसायकुसीले अहासु-
 हुमकसायकुसीले णामं पंचमे । नियंटे णं भंते ! कइविहे प० ? गोयमा ! पंचविहे
 प०, तंजहा-पढमसमयनियंटे अपढमसमयनियंटे चरिमसमयनियंटे अचरिमसमय
 नियंटे अहासुहुमनियंटे णामं पंचमे । सिणाए णं भंते ! कइविहे प० ? गोयमा
 पंचविहे प०, तं०-अच्छवी १, असवले २, अकम्मंसे ३, संसुद्धणाणदंसणधरे अरहा
 ञ्जिणे केवली ४, अपरिस्सावी ५।१। पुलाए णं भंते ! किं सवेयए होज्जा अवेयए
 होज्जा ? गोयमा ! सवेयए होज्जा णो अवेयए होज्जा, जइ सवेयए होज्जा किं
 इत्थिवेयए होज्जा पुरिसवेयए होज्जा पुरिसनपुंसगवेयए होज्जा ? गोयमा ! नो
 इत्थिवेयए होज्जा पुरिसवेयए होज्जा पुरिसनपुंसगवेयए वा होज्जा । वउसे णं भंते !
 किं सवेयए होज्जा अवेयए होज्जा ? गोयमा ! सवेयए होज्जा णो अवेयए होज्जा, जइ
 सवेयए होज्जा किं इत्थिवेयए होज्जा पुरिसवेयए होज्जा पुरिसनपुंसगवेयए होज्जा ?
 गोयमा ! इत्थिवेयए वा होज्जा पुरिसवेयए वा होज्जा पुरिसनपुंसगवेयए वा होज्जा,
 एवं पडिसेवणाकुसीलेवि, कसायकुसीले णं भंते ! किं सवेयए होज्जा० पुच्छा, गोयमा !
 सवेयए वा होज्जा अवेयए वा होज्जा, जइ अवेदए होज्जा किं उवसंतवेदए होज्जा

खीणवेदए होजा ? गोयमा ! उवसंतवेदए वा होजा खीणवेदए वा होजा, जइ सवेदए होजा किं इथिवेदए होजा० पुच्छा, गोयमा ! तिसुवि जहा वउसे । नियंठेणं भंते ! किं सवेदए० पुच्छा, गोयमा ! णो सवेदए होजा अवेदए होजा, जइ अवेदए होजा किं उवसंत० पुच्छा, गोयमा ! उवसंतवेदए वा होजा खीणवेदए वा होजा । सिणाए णं भंते ! किं सवेयए होजा० ? जहा नियंठे तहा सिणाएवि, नवरं णो उवसंतवेयए होजा खीणवेयए होजा २ ॥ ७५० ॥ पुलए णं भंते ! किं सरागे होजा वीयरगे होजा ? गोयमा ! सरागे होजा णो वीयरगे होजा, एवं जाव कसायकुसीले । नियंठे णं भंते ! किं सरागे होजा० पुच्छा, गोयमा ! णो सरागे होजा वीयरगे होजा, जइ वीयरगे होजा किं उवसंतकसायवीयरगे होजा खीण-कसायवीयरगे होजा ? गोयमा ! उवसंतकसायवीयरगे वा होजा खीणकसायवीयरगे वा होजा, सिणाए एवं चेव, नवरं णो उवसंतकसायवीयरगे होजा खीणकसायवीयरगे होजा ३ ॥ ७५१ ॥ पुलए णं भंते ! किं ठियकप्पे होजा अट्ठियकप्पे होजा ? गोयमा ! ठियकप्पे वा होजा अट्ठियकप्पे वा होजा, एवं जाव सिणाए । पुलए णं भंते ! किं जिणकप्पे होजा थेरकप्पे होजा कप्पातीते होजा ? गोयमा ! नो जिणकप्पे होजा थेरकप्पे होजा णो कप्पातीते होजा । वउसे णं भंते ! पुच्छा, गोयमा ! जिणकप्पे वा होजा थेरकप्पे वा होजा नो कप्पातीते होजा, एवं पडिसेवणाकु-सीलेवि । कसायकुसीले णं पुच्छा, गोयमा ! जिणकप्पे वा होजा थेरकप्पे वा होजा कप्पातीते वा होजा । नियंठे णं पुच्छा, गोयमा ! नो जिणकप्पे होजा नो थेरकप्पे होजा कप्पातीते होजा, एवं सिणाएवि ४ ॥ ७५२ ॥ पुलए णं भंते ! किं सामाइय-संजमे होजा छेओवट्ठावणियसंजमे होजा परिहारविसुद्धियसंजमे होजा सुहुमसंपराय-संजमे होजा अहक्खायसंजमे होजा ? गोयमा ! सामाइयसंजमे वा होजा छेओवट्ठावणियसंजमे वा होजा णो परिहारविसुद्धियसंजमे होजा णो सुहुमसंपराय-संजमे होजा णो अहक्खायसंजमे होजा, एवं वउसेवि, एवं पडिसेवणाकुसीलेवि, कसायकुसीले णं पुच्छा, गोयमा ! सामाइयसंजमे वा होजा जाव सुहुमसंपराय-संजमे वा होजा णो अहक्खायसंजमे होजा । नियंठे णं पुच्छा, गोयमा ! णो सामाइयसंजमे होजा जाव णो सुहुमसंपरायसंजमे होजा अहक्खायसंजमे होजा, एवं सिणाएवि ५ ॥ ७५३ ॥ पुलए णं भंते ! किं पडिसेवए होजा अपडिसेवए होजा ? गोयमा ! पडिसेवए होजा णो अपडिसेवए होजा, जइ पडिसेवए होजा किं मूलगुणपडिसेवए होजा उत्तरगुणपडिसेवए होजा ? गोयमा ! मूलगुणपडिसेवए वा होजा उत्तरगुणपडिसेवए वा होजा, मूलगुणपडिसेवमाणे पंचण्हं अणासवाणं

अन्नयरं पडिसेवेज्जा, उत्तरगुणपडिसेवमाणे दसविहस्स पच्चक्खाणस्स अन्नयरं पडिसेवेज्जा । वउसे णं पुच्छा, गोयमा ! पडिसेवए होज्जा णो अपडिसेवए होज्जा, जइ पडिसेवए होज्जा किं मूलगुणपडिसेवए होज्जा उत्तरगुणपडिसेवए होज्जा ? गोयमा ! णो मूलगुणपडिसेवए होज्जा उत्तरगुणपडिसेवए होज्जा, उत्तरगुणपडिसेवमाणे दसविहस्स पच्चक्खाणस्स अन्नयरं पडिसेवेज्जा, पडिसेवणाकुसीले जइहा पुलाए । कसायकुसीले णं पुच्छा, गोयमा ! णो पडिसेवए होज्जा अपडिसेवए होज्जा, एवं नियंठेवि, एवं सिणाएवि ६ ॥ ७५४ ॥ पुलाए णं भंते ! कइसु नाणेसु होज्जा ? गोयमा ! दोसु वा तिसु वा होज्जा, दोसु होज्जमाणे दोसु आभिणिबोहियनाणे सुअनाणे होज्जा, तिसु होज्जमाणे तिसु आभिणिबोहियनाणे सुयनाणे ओहिनाणे होज्जा, एवं वउसेवि, एवं पडिसेवणाकुसीलेवि, कसायकुसीले णं पुच्छा, गोयमा ! दोसु वा तिसु वा चउसु वा होज्जा, दोसु होज्जमाणे दोसु आभिणिबोहियनाणे सुयनाणे होज्जा, तिसु होज्जमाणे तिसु आभिणिबोहियनाणसुयनाणओहिनाणेसु होज्जा अहवा तिसु होज्जमाणे आभिणिबोहियनाणसुयनाणमणपज्जवनाणेसु होज्जा, चउसु होज्जमाणे चउसु आभिणिबोहियनाणसुयनाणओहिनाणमणपज्जवनाणेसु होज्जा, एवं नियंठेवि । सिणाए णं पुच्छा, गोयमा ! एगंसि केवलनाणे होज्जा ॥ ७५५ ॥ पुलाए णं भंते ! केवइयं सुयं अहिजेज्जा ? गोयमा ! जहजेणं नवमस्स पुव्वस्स तइयं आयावत्थुं, उक्कोसेणं नव पुव्वाइं अहिजेज्जा । वउसे णं पुच्छा, गोयमा ! जहजेणं अट्ठ पवयणमायाओ उक्कोसेणं दस पुव्वाइं अहिजेज्जा । एवं पडिसेवणाकुसीलेवि । कसायकुसीले णं पुच्छा, गोयमा ! जहजेणं अट्ठ पवयणमायाओ उक्कोसेणं चउइस पुव्वाइं अहिजेज्जा, एवं नियंठेवि । सिणाए णं पुच्छा, गोयमा ! सुयवइरित्ते होज्जा ॥ ७५६ ॥ पुलाए णं भंते ! किं तित्थे होज्जा अतित्थे होज्जा ? गोयमा ! तित्थे होज्जा णो अतित्थे होज्जा, एवं वउसेवि, एवं पडिसेवणाकुसीलेवि । कसायकुसीले पुच्छा, गोयमा ! तित्थे वा होज्जा अतित्थे वा होज्जा, जइ अतित्थे होज्जा किं तित्थयरे होज्जा पत्तेयवुद्धे होज्जा ? गोयमा ! तित्थगरे वा होज्जा पत्तेयवुद्धे वा होज्जा, एवं नियंठेवि, एवं सिणाएवि ८ ॥ ७५७ ॥ पुलाए णं भंते ! किं सल्लिगे होज्जा अन्नल्लिगे होज्जा गिहिल्लिगे होज्जा ? गोयमा ! दव्वल्लिगं पडुच्च सल्लिगे वा होज्जा अन्नल्लिगे वा होज्जा गिहिल्लिगे वा होज्जा, भावल्लिगं पडुच्च निय(मं)मा सल्लिगे होज्जा, एवं जाव सिणाए ९ ॥ ७५८ ॥ पुलाए णं भंते ! कइसु सरीरेसु होज्जा ? गोयमा ! तिसु ओरालियतेयाकम्मएसु होज्जा, वउसे णं भंते ! पुच्छा, गोयमा ! तिसु वा चउसु वा होज्जा, तिसु होज्जमाणे तिसु ओरालियतेयाकम्मएसु होज्जा, चउसु होज्जमाणे चउसु ओरालिय-

वेदवियतयाकम्मएणु होजा, एवं पडिसेवणाकुसीलेवि । कसायकुसीले पुच्छा,
 गोयमा ! तिसु वा चउसु वा पंचसु वा होजा, तिसु होजमाणे तिसु ओरालियतया-
 कम्मएणु होजा, चउसु होजमाणे चउसु ओरालियवेदवियतयाकम्मएणु होजा, पंचसु
 होजमाणे पंचसु ओरालियवेदवियआहारगतयाकम्मएणु होजा, गियंटो सिणाओ
 य जहा पुलाओ ॥ १० ॥ ७५९ ॥ पुलाए णं भंते ! किं कम्मभूमी(नु)ए होजा अकम्म-
 भूमीए होजा ? गोयमा ! जम्मणसंतिभावं पडुच्च कम्मभूमीए होजा णो अकम्मभूमीए
 होजा, वउसे णं पुच्छा, गोयमा ! जम्मणसंतिभावं पडुच्च कम्मभूमीए होजा
 णो अकम्मभूमीए होजा, साहरणं पडुच्च कम्मभूमीए वा होजा अकम्मभूमीए वा
 होजा, एवं जाव सिणाए ॥ ११ ॥ ७६० ॥ पुलाए णं भंते ! किं ओसप्पिणिकाले
 होजा उस्सप्पिणिकाले होजा णोओसप्पिणिणोउस्सप्पिणिकाले होजा ? गोयमा !
 ओसप्पिणिकाले वा होजा उस्सप्पिणिकाले वा होजा नोओसप्पिणिनोउस्स-
 प्पिणिकाले वा होजा, जइ ओसप्पिणिकाले होजा किं सुसमसुसमाकाले होजा
 १, सुसमाकाले होजा २, सुसमदूसमाकाले होजा ३, दूसमसुसमाकाले होजा
 ४, दूसमाकाले होजा ५, दूसमदूसमाकाले होजा ६ ? गोयमा ! जम्मणं पडुच्च णो
 सुसमसुसमाकाले होजा १, णो सुसमाकाले होजा २, सुसमदूसमाकाले वा होजा ३,
 दूसमसुसमाकाले वा होजा ४, णो दूसमाकाले होजा ५, णो दूसमदूसमाकाले होजा ६,
 संतिभावं पडुच्च णो सुसमसुसमाकाले होजा णो सुसमाकाले होजा सुसमदूसमाकाले
 वा होजा दूसमसुसमाकाले वा होजा दूसमाकाले वा होजा णो दूसमदूसमाकाले
 होजा, जइ उस्सप्पिणिकाले होजा किं दूसमदूसमाकाले होजा दूसमाकाले होजा
 दूसमसुसमाकाले होजा सुसमदूसमाकाले होजा सुसमाकाले होजा सुसमसुसमाकाले
 होजा ? गोयमा ! जम्मणं पडुच्च णो दूसमदूसमाकाले होजा १, दूसमाकाले वा
 होजा २, दूसमसुसमाकाले वा होजा ३, सुसमदूसमाकाले वा होजा ४, णो सुसमा-
 काले होजा ५, णो सुसमसुसमाकाले होजा ६, संतिभावं पडुच्च णो दूसमदूसमाकाले
 होजा १, (नो)दूसमाकाले होजा २, दूसमसुसमाकाले वा होजा ३, सुसमदूसमाकाले
 वा होजा ४, णो सुसमाकाले होजा ५, णो सुसमसुसमाकाले होजा ६ । जइ णोओस-
 प्पिणिनोउस्सप्पिणिकाले होजा किं सुसमसुसमापलिभागे होजा सुसमापलिभागे
 होजा सुसमदूसमापलिभागे होजा दूसमसुसमापलिभागे होजा ? गोयमा ! जम्मणं
 संतिभावं च पडुच्च णो सुसमसुसमापलिभागे होजा णो सुसमापलिभागे होजा णो दू(सु)
 पलिभागे होजा दूसमसुसमापलिभागे होजा । वउसे णं भंते ! पुच्छा,
 ! ओसप्पिणिकाले वा होजा उस्सप्पिणिकाले वा होजा नोओसप्पिणिनोउस्स-

पिणिकाले वा होजा, जइ ओसपिणिकाले होजा किं सुसमसुसमाकाले० पुच्छा,
 गोयमा ! जम्मणं संतिभावं च पडुच्च णो सुसमसुसमाकाले होजा णो सुसमाकाले होजा
 सुसमदूसमाकाले वा होजा दुस्समसुसमाकाले वा होजा दूसमाकाले वा होजा णो
 दूसमदूसमाकाले होजा, साहरणं पडुच्च अन्नयरे समाकाले होजा । जइ उस्सपि-
 णिकाले होजा किं दूसमदूसमाकाले होजा ६ पुच्छा, गोयमा ! जम्मणं पडुच्च
 णो दुस्समदुस्समाकाले होजा जहेव पुलाए, संतिभावं पडुच्च णो दूसमदूसमाकाले
 होजा णो दूसमाकाले होजा एवं संतिभावेणवि जहा पुलाए जाव णो सुसमसुसमा-
 काले होजा, साहरणं पडुच्च अन्नयरे समाकाले होजा । जइ नोओसपिणि-
 नोउस्सपिणिकाले होजा० पुच्छा, गोयमा ! जम्मणसंतिभावं पडुच्च णो सुसमसुस-
 मापलिभागे होजा जहेव पुलाए जाव दूसमसुसमापलिभागे होजा, साहरणं पडुच्च
 अन्नयरे पलिभागे होजा, जहा वउसे एवं पडिसेवणाकुसीलेवि, एवं कसायकुसीलेवि,
 नियंठो सिणाओ य जहा पुलाओ, नवरं एएसिं अन्नमहिंसा साहरणं भाणियव्वं, सेसं तं
 चेव १२ ॥ ७६१ ॥ पुलाए णं भंते ! कालगए समाणे (किं) कं गइं गच्छइ ? गोयमा !
 देवगइं गच्छइ, देवगइं गच्छमाणे किं भवणवासीसु उववजेजा वाणमंतरेसु उववजेजा
 जोइसियवेमाणिएसु उववजेजा ? गोयमा ! णो भवणवासीसु उ० णो वाणमंतरेसु उ०
 णो जोइसिएसु उ० वेमाणिएसु उववजेजा, वेमाणिएसु उववजमाणे जहण्णेणं सोहम्मं
 कप्पे उक्कोसेणं सहस्सारे कप्पे उववजेजा, वउसे णं एवं चेव नवरं उक्कोसेणं अचुए
 कप्पे, पडिसेवणाकुसीले जहा वउसे, कसायकुसीले जहा पुलाए, नवरं उक्कोसेणं अणु-
 त्तरविमाणेसु उववजेजा, णियंठे णं भंते ! एवं चेव, एवं जाव वेमाणिएसु उववजमाणे
 अजहन्नमणुक्कोसेणं अणुत्तरविमाणेसु उववजेजा, सिणाए णं भंते ! कालगए समाणे
 कं गइं गच्छइ ? गोयमा ! सिद्धिगइं गच्छइ । पुलाए णं भंते ! देवेसु उववजमाणे
 किं इंदत्ताए उववजेजा सामाणियत्ताए उववजेजा तायत्तीसगत्ताए उववजेजा
 लोगपालत्ताए उववजेजा अहमिंदत्ताए उववजेजा ? गोयमा ! अविराहणं पडुच्च
 इंदत्ताए उववजेजा सामाणियत्ताए उववजेजा लोगपालत्ताए वा उववजेजा तायत्ती-
 सगत्ताए वा उववजेजा नो अहमिंदत्ताए उववजेजा, विराहणं पडुच्च अन्नयरेसु
 उववजेजा, एवं वउसेवि, एवं पडिसेवणाकुसीलेवि, कसायकुसीले पुच्छा, गोयमा !
 अविराहणं पडुच्च इंदत्ताए वा उववजेजा जाव अहमिंदत्ताए उववजेजा, विराहणं
 पडुच्च अन्नयरेसु उववजेजा, नियंठे पुच्छा, गोयमा अविराहणं पडुच्च णो इंदत्ताए
 उववजेजा जाव णो लोगपालत्ताए उववजेजा अहमिंदत्ताए उववजेजा, विराहणं
 पडुच्च अन्नयरेसु उववजेजा ॥ पुलागस्स णं भंते ! देवलोगेसु उववजमाणेसु

केवइयं कालं ठिई प० ? गोयमा ! जहजेणं पलिओवमपुहुत्तं उक्कोसेणं अट्टारस-
 सागरोवमाई, वउसस्स णं पुच्छा, गोयमा ! जहजेणं पलिओवमपुहुत्तं उक्कोसेणं
 चावीसं सागरोवमाई, एवं पडिसेवणाकुसीलस्सवि, कसायकुसीलस्स पुच्छा, गोयमा !
 जहजेणं पलिओवमपुहुत्तं उक्कोसेणं तेत्तीसं सागरोवमाई, णियंठस्स पुच्छा, गोयमा !
 अजहजमणुक्कोसेणं तेत्तीसं सागरोवमाई १३ ॥ ७६२ ॥ पुलागस्स णं भंते !
 केवइया संजमट्टाणा प० ? गोयमा ! असंखेज्जा संजमट्टाणा प०, एवं जाव कसाय-
 कुसीलस्स । नियंठस्स णं भंते ! केवइया संजमट्टाणा प० ? गोयमा ! एगे अजहजम-
 णुक्कोसए संजमट्टाणे प०, एवं तिणायस्सवि, एएत्ति णं भंते ! पुलागवउसपडिसेवणाक-
 सायकुसीलनियंठत्तिणायणं संजमट्टाणाणं कयरे २ जाव विसेसाहिया वा ? गोयमा !
 सव्वत्थेवि नियंठस्स तिणायस्स २ एगे अजहजमणुक्कोसए संजमट्टाणे, पुलागस्स
 संजमट्टाणा असंखेज्जगुणा, वउसस्स संजमट्टाणा असंखेज्जगुणा, पडिसेवणाकुसीलस्स
 संजमट्टाणा असंखेज्जगुणा, कसायकुसीलस्स संजमट्टाणा असंखेज्जगुणा १४ ॥ ७६३ ॥
 पुलागस्स णं भंते ! केवइया चरित्तपज्जवा प० ? गोयमा ! अणंता चरित्तपज्जवा
 प०, एवं जाव तिणायस्स । पुलागए णं भंते ! पुलागस्स सट्टाणसज्जिगासेणं
 चरित्तपज्जवेहिं किं हीणे तुल्ले अब्भहिए ? गोयमा ! सिय हीणे १, सिय तुल्ले २, सिय
 अब्भहिए ३, जइ हीणे अणंतभागहीणे वा असंखेज्जइभागहीणे वा संखेज्जइभागहीणे
 वा संखेज्जगुणहीणे वा असंखेज्जगुणहीणे वा अणंतगुणहीणे वा, अह अब्भहिए अणंत-
 भागमब्भहिए वा असंखेज्जइभागमब्भहिए वा संखेज्जइभागमब्भहिए वा संखेज्जगुण-
 मब्भहिए वा असंखेज्जगुणमब्भहिए वा अणंतगुणमब्भहिए वा ॥ पुलागए णं भंते !
 वउसस्स परट्टाणसज्जिगासेणं चरित्तपज्जवेहिं किं हीणे तुल्ले अब्भहिए ? गोयमा ! हीणे
 नो तुल्ले नो अब्भहिए, अणंतगुणहीणे १, एवं पडिसेवणाकुसीलेवि, कसायकुसीलेण समं
 छट्टाणवडिए जहेव सट्टाणे, नियंठस्स जहा वउसस्स, एवं तिणायस्सवि ॥ वउसे णं
 भंते ! पुलागस्स परट्टाणसज्जिगासेणं चरित्तपज्जवेहिं किं हीणे तुल्ले अब्भहिए ?
 गोयमा ! णो हीणे णो तुल्ले अब्भहिए अणंतगुणमब्भहिए । वउसे णं भंते ! वउसस्स
 सट्टाणसज्जिगासेणं चरित्तपज्जवेहिं ० पुच्छा, गोयमा ! सिय हीणे सिय तुल्ले सिय
 अब्भहिए, जइ हीणे छट्टाणवडिए । वउसे णं भंते ! पडिसेवणाकुसीलस्स परट्टाणस-
 ज्जिगासेणं चरित्तपज्जवेहिं किं हीणे ० ? छट्टाणवडिए, एवं कसायकुसीलस्सवि ॥
 वउसे णं भंते ! नियंठस्स परट्टाणसज्जिगासेणं चरित्तपज्जवेहिं ० पुच्छा, गोयमा !
 हीणे णो तुल्ले णो अब्भहिए, अणंतगुणहीणे, एवं तिणायस्सवि, पडिसेवणाकुसीलस्स
 एस-चेव वउसवत्तव्वया भाणियव्वा, कसायकुसीलस्स सज्जिगासेणं एस-चेव

वउसवत्तव्वया नवरं पुलाएणवि समं छट्ठाणवडिए । णियंठे णं भंते । पुलागस्स परट्ठाणसन्निगासेणं चरित्तपज्जवेहिं० पुच्छा, गोयमा । णो हीणे णो तुल्ले अब्भहिए अणंतगुणमव्वहिए, एवं जाव कसायकुसीलस्स । णियंठे णं भंते । णियंठस्स सट्ठाणसन्निगासेणं पुच्छा, गोयमा । नो हीणे तुल्ले णो अब्भहिए, एवं सिणायस्सवि । सिणाए णं भंते । पुलागस्स परट्ठाणसण्णिगासेणं एवं जहा नियंठस्स वत्तव्वया तहा सिणायस्सवि भाणियव्वा जाव सिणाए णं भंते । सिणायस्स सट्ठाणसन्निगासेणं पुच्छा, गोयमा । णो हीणे तुल्ले णो अब्भहिए ॥ एएसि णं भंते । पुलागवउसपडिसेवणाकुसीलकसायकुसीलनियंठसिणायाणं जहभुक्कोसगाणं चरित्तपज्जवाणं कयरै २ जाव विसेसाहिया वा ? गोयमा । पुलागस्स कसायकुसीलस्स य एएसि णं जहन्नगा चरित्तपज्जवा दोण्हवि तुल्ला सव्वत्थोवा, पुलागस्स उक्कोसगा चरित्तपज्जवा अणंतगुणा, वउसस्स पडिसेवणाकुसीलस्स य एएसि णं जहन्नगा चरित्तपज्जवा दोण्हवि तुल्ला अणंतगुणा, वउसस्स उक्कोसगा चरित्तपज्जवा अणंतगुणा, पडिसेवणाकुसीलस्स उक्कोसगा चरित्तपज्जवा अणंतगुणा, कसायकुसीलस्स उक्कोसगा चरित्तपज्जवा अणंतगुणा, णियंठस्स सिणायस्स य एएसि णं अजहन्नमणुक्कोसगा चरित्तपज्जवा दोण्हवि तुल्ला अणंतगुणा १५ ॥ ७६४ ॥ पुलाए णं भंते । किं सजोगी होज्जा अजोगी होज्जा ? गोयमा । सजोगी होज्जा नो अजोगी होज्जा, जइ सजोगी होज्जा किं मणजोगी होज्जा वइजोगी होज्जा कायजोगी होज्जा ? गोयमा । मणजोगी वा होज्जा वइजोगी वा होज्जा कायजोगी वा होज्जा, एवं जाव नियंठे । सिणाए णं भंते । पुच्छा, गोयमा । सजोगी वा होज्जा अजोगी वा होज्जा, जइ सजोगी होज्जा किं मणजोगी होज्जा सेसं जहा पुलागस्स १६ ॥ ७६५ ॥ पुलाए णं भंते । किं सागारोवउत्ते होज्जा अणागारोवउत्ते होज्जा ? गोयमा । सागारोवउत्ते वा होज्जा अणागारोवउत्ते वा होज्जा, एवं जाव सिणाए १७ ॥ ७६६ ॥ पुलाए णं भंते । किं सकसाई होज्जा अकसाई होज्जा ? गोयमा । सकसाई होज्जा णो अकसाई होज्जा, जइ सकसाई होज्जा से णं भंते । कइसु कसाएसु होज्जा ? गोयमा । चउसु कोहमाणमायालोमेसु होज्जा, एवं वउसेवि, एवं पडिसेवणाकुसीलेवि, कसायकुसीले णं पुच्छा, गोयमा । सकसाई होज्जा णो अकसाई होज्जा, जइ सकसाई होज्जा से णं भंते । कइसु कसाएसु होज्जा ? गोयमा । चउसु वा तिसु वा दोसु वा एगम्मि वा होज्जा, चउसु होज्जमाणे चउसु संजलणकोहमाणमायालोमेसु होज्जा, तिसु होज्जमाणे तिसु संजलणमाणमायालोमेसु होज्जा, दोसु होज्जमाणे दोसु संजलणमायालोमेसु होज्जा, एगम्मि होज्जमाणे एगम्मि संजलणलोमे होज्जा, नियंठे णं पुच्छा, गोयमा । णो सकसाई

होजा अकसाई होजा, जइ अकसाई होजा किं उवसंतकसाई होजा खीणकसाई होजा ? गोयमा ! उवसंतकसाई वा होजा खीणकसाई वा होजा, सिणाए एवं चेव, नवरं णो उवसंतकसाई होजा, खीणकसाई होजा १८ ॥ ७६७ ॥ पुलाए णं भंते ! किं सलेस्से होजा अलेस्से होजा ? गोयमा ! सलेस्से होजा णो अलेस्से होजा, जइ सलेस्से होजा से णं भंते ! कइसु लेस्सासु होजा ? गोयमा ! तिसु विसुद्धलेस्सासु होजा, तं०-तेउलेस्साए पम्हलेस्साए सुक्कलेस्साए, एवं वउसस्सवि, एवं पडिसेवणाकुसीलेवि, कसायकुसीले पुच्छा, गोयमा ! सलेस्से होजा णो अलेस्से होजा, जइ सलेस्से होजा से णं भंते ! कइसु लेस्सासु होजा ? गोयमा ! छसु लेस्सासु होजा, तं०-कण्हलेस्साए जाव सुक्कलेस्साए, नियंठे णं भंते ! पुच्छा, गोयमा ! सलेस्से होजा णो अलेस्से होजा, जइ सलेस्से होजा से णं भंते ! कइसु लेस्सासु होजा ? गोयमा ! एगाए सुक्कलेस्साए होजा, सिणाए पुच्छा, गोयमा ! सलेस्से वा होजा अलेस्से वा होजा, जइ सलेस्से होजा से णं भंते ! कइसु लेस्सासु होजा ? गोयमा ! एगाए परमसुक्कलेस्साए होजा १९ ॥ ७६८ ॥ पुलाए णं भंते ! किं वड्डमाणपरिणामे होजा ही(हा)यमाणपरिणामे होजा अवट्ठियपरिणामे होजा ? गोयमा ! वड्डमाणपरिणामे वा होजा हीयमाणपरिणामे वा होजा अवट्ठियपरिणामे वा होजा, एवं जाव कसायकुसीले । नियंठे णं पुच्छा, गोयमा ! वड्डमाणपरिणामे होजा, णो हीयमाणपरिणामे होजा, अवट्ठियपरिणामे वा होजा, एवं सिणाएवि ॥ पुलाए णं भंते ! केवइयं कालं वड्डमाणपरिणामे होजा ? गोयमा ! जहन्नेणं एक्कं समयं उक्कोसेणं अंतोमुहुत्तं, केवइयं कालं हीयमाणपरिणामे होजा ? गोयमा ! जहन्नेणं एक्कं समयं उक्कोसेणं अंतोमुहुत्तं, केवइयं कालं अवट्ठियपरिणामे होजा ? गोयमा ! जहन्नेणं एक्कं समयं उक्कोसेणं सत्त समया, एवं जाव कसायकुसीले । नियंठे णं भंते ! केवइयं कालं वड्डमाणपरिणामे होजा ? गोयमा ! जहन्नेणं अंतोमुहुत्तं उक्कोसेणवि अंतोमुहुत्तं, केवइयं कालं अवट्ठियपरिणामे होजा ? गोयमा ! जहन्नेणं एक्कं समयं उक्कोसेणं अंतोमुहुत्तं । सिणाए णं भंते ! केवइयं कालं वड्डमाणपरिणामे होजा ? गोयमा ! जहन्नेणं अंतोमुहुत्तं उक्कोसेणवि अंतोमुहुत्तं, केवइयं कालं अवट्ठियपरिणामे होजा ? गोयमा ! जहन्नेणं अंतोमुहुत्तं उक्कोसेणं देसूणा पुव्वकोडी २० ॥ ७६९ ॥ पुलाए णं भंते ! कइ कम्मप्पगडीओ वंधइ ? गोयमा ! आउयवज्जाओ सत्त कम्मप्पगडीओ वंधइ । वउसे पुच्छा, गोयमा ! सत्तविहवंधए वा अट्ठविहवंधए वा, सत्त वंधमाणे आउयवज्जाओ सत्त कम्मप्पगडीओ वंधइ, अट्ठ वंधमाणे पडिपुत्ताओ अट्ठ कम्मप्पगडीओ वंधइ, एवं पडिसेवणाकुसीलेवि, कसायकुसीले णं पुच्छा, गोयमा !

सत्तविहवंधए वा अट्टविहवंधए वा छव्विहवंधए वा, सत्त वंधमाणे आउयवज्जाओ
सत्त कम्मप्पगडीओ वंधइ, अट्ट वंधमाणे पडिपुत्ताओ अट्ट कम्मप्पगडीओ वंधइ,
छ वंधमाणे आउयमोहणिज्वज्जाओ छक्कम्मप्पगडीओ वंधइ । नियंठे णं पुच्छा,
गोयमा ! एगं वेयणिज्जं कम्मं वंधइ । सिणाए णं पुच्छा, गोयमा ! एगविहवंधए वा
अवंधए वा, एगं वंधमाणे एगं वेयणिज्जं कम्मं वंधइ २१ ॥ ७७० ॥ पुल्लाए णं
भंते ! कइ कम्मप्पगडीओ वेदेइ ? गोयमा ! नियमं अट्ट कम्मप्पगडीओ वेदेइ, एवं
जाव कसायकुसीले, नियंठे णं पुच्छा, गोयमा ! मोहणिज्वज्जाओ सत्त कम्मप्पग-
डीओ वेदेइ । सिणाए णं पुच्छा, गोयमा ! वेयणिज्जआउयनामगोयाओ चत्तारि
कम्मप्पगडीओ वेदेइ २२ ॥ ७७१ ॥ पुल्लाए णं भंते ! कइ कम्मप्पगडीओ उदीरेइ ?
गोयमा ! आउयवेयणिज्वज्जाओ छ कम्मप्पगडीओ उदीरेइ । वउसे णं पुच्छा,
गोयमा ! सत्तविहउदीरेए वा अट्टविहउदीरेए वा छव्विहउदीरेए वा, सत्त उदीरेमाणे
आउयवज्जाओ सत्त कम्मप्पगडीओ उदीरेइ, अट्ट उदीरेमाणे पडिपुत्ताओ अट्ट
कम्मप्पगडीओ उदीरेइ, छ उदीरेमाणे आउयवेयणिज्वज्जाओ छ कम्मप्पगडीओ
उदीरेइ, पडिसेवणाकुसीले एवं चेव, कसायकुसीले णं पुच्छा, गोयमा ! सत्तविह-
उदीरेए वा अट्टविहउदीरेए वा छव्विहउदीरेए वा पंचविहउदीरेए वा, सत्त उदीरे-
माणे आउयवज्जाओ सत्त कम्मप्पगडीओ उदीरेइ, अट्ट उदीरेमाणे पडिपुत्ताओ
अट्ट कम्मप्पगडीओ उदीरेइ, छ उदीरेमाणे आउयवेयणिज्वज्जाओ छ कम्मप्पग-
डीओ उदीरेइ, पंच उदीरेमाणे आउयवेयणिज्जमोहणिज्वज्जाओ पंच कम्मप्पगडीओ
उदीरेइ । नियंठे णं पुच्छा, गोयमा ! पंचविहउदीरेए वा दुविहउदीरेए वा, पंच
उदीरेमाणे आउयवेयणिज्जमोहणिज्वज्जाओ पंच कम्मप्पगडीओ उदीरेइ, दो उदी-
रेमाणे णामं च गोयं च उदीरेइ । सिणाए णं पुच्छा, गोयमा ! दुविहउदीरेए वा
अणुदीरेए वा, दो उदीरेमाणे णामं च गोयं च उदीरेइ २३ ॥ ७७२ ॥ पुल्लाए
णं भंते ! पुल्लायत्तं जहमाणे किं जहइ किं उवसंपज्जइ ? गोयमा ! पुल्लायत्तं जहइ
कसायकुसीलं वा अस्संजमं वा उवसंपज्जइ, वउसे णं भंते ! वउसत्तं जहमाणे किं
जहइ किं उवसंपज्जइ ? गोयमा ! वउसत्तं जहइ पडिसेवणाकुसीलं वा कसायकुसीलं
वा अस्संजमं वा संजमासंजमं वा उवसंपज्जइ, पडिसेवणाकुसीले णं भंते ! पडि-
सेवणाकुसीलत्तं पुच्छा, गोयमा ! पडिसेवणाकुसीलत्तं जहइ वउसं वा कसायकुसीलं
वा अस्संजमं वा संजमासंजमं वा उवसंपज्जइ, कसायकुसीले पुच्छा, गोयमा !
कसायकुसीलत्तं जहइ पुल्लायं वा वउसं वा पडिसेवणाकुसीलं वा नियंठे वा अस्संजमं
वा संजमासंजमं वा उवसंपज्जइ, नियंठे णं पुच्छा, गोयमा ! नियंठत्तं जहइ कसाय-

कुसीलं वा सिणायं वा अस्संजमं वा उवसंपज्जइ । सिणाए णं पुच्छा, गोयमा । सिणायत्तं जहइ सिद्धिगइं उवसंपज्जइ २४ ॥ ७७३ ॥ पुल्लाए णं भंते । किं सन्नोवउत्ते होज्जा नोसन्नोवउत्ते होज्जा ? गोयमा । णो सन्नोवउत्ते होज्जा नोसन्नोवउत्ते होज्जा । वउसे णं भंते । पुच्छा, गोयमा । सन्नोवउत्ते वा होज्जा नोसन्नोवउत्ते वा होज्जा, एवं पडिसेवणाकुसीलेवि, एवं कसायकुसीलेवि, नियंठे सिणाए य जहा पुल्लाए २५ ॥ ७७४ ॥ पुल्लाए णं भंते । किं आहारए होज्जा अणाहारए होज्जा ? गोयमा । आहारए होज्जा णो अणाहारए होज्जा, एवं जाव नियंठे । सिणाए णं पुच्छा, गोयमा । आहारए वा होज्जा अणाहारए वा होज्जा २६ ॥ ७७५ ॥ पुल्लाए णं भंते । कइ भवग्गहणाइं होज्जा ? गोयमा । जहन्नेणं एक्कं उक्कोसेणं तिन्नि । वउसे णं पुच्छा, गोयमा । जहण्णेणं एक्कं उक्कोसेणं अट्ठ, एवं पडिसेवणाकुसीलेवि, एवं कसायकुसीलेवि, नियंठे जहा पुल्लाए । सिणाए णं पुच्छा, गोयमा । एक्कं २७ ॥ ७७६ ॥ पुल्लागस्स णं भंते । एगभवग्गहणिया केवइया आगरिसा प० ? गोयमा । जहन्नेणं एक्को उक्कोसेणं तिन्नि । वउसरस्स णं पुच्छा, गोयमा । जहन्नेणं एक्को उक्कोसेणं सयग्गसो, एवं पडिसेवणाकुसीलेवि, कसायकुसीले एवं चेव । णियंठस्स णं पुच्छा, गोयमा । जहन्नेणं एक्को उक्कोसेणं दोन्नि । सिणायस्स णं पुच्छा, गोयमा । एक्को ॥ पुल्लागस्स णं भंते । नाणाभवग्गहणिया केवइया आगरिसा प० ? गोयमा । जहन्नेणं दोन्नि उक्कोसेणं सत्त । वउसरस्स णं पुच्छा, गोयमा । जहन्नेणं दोन्नि उक्कोसेणं सहस्सग्गसो, एवं जाव कसायकुसीलस्स । नियंठस्स णं पुच्छा, गोयमा । जहन्नेणं दोन्नि उक्कोसेणं पंच । सिणायस्स णं पुच्छा, गोयमा । नत्थि एक्कोवि ३८ ॥ ७७७ ॥ पुल्लाए णं भंते । कालओ केवच्चिरं होइ ? गोयमा । जहन्नेणं अंतोमुहुत्तं उक्कोसेणवि अंतोमुहुत्तं । वउसे णं पुच्छा, गोयमा । जहण्णेणं एक्कं समयं उक्कोसेणं देसूणा पुव्वकोडी, एवं पडिसेवणाकुसीलेवि, कसायकुसीलेवि एवं चेव । नियंठे णं पुच्छा, गोयमा । जहण्णेणं एक्कं समयं उक्कोसेणं अंतोमुहुत्तं । सिणाए णं पुच्छा, गोयमा । जहन्नेणं अंतोमुहुत्तं उक्कोसेणं देसूणा पुव्वकोडी ॥ पुल्लागा णं भंते । कालओ केवच्चिरं होइ ? गोयमा । जहन्नेणं एक्कं समयं उक्कोसेणं अंतोमुहुत्तं । वउसा णं भंते । पुच्छा, गोयमा । सव्वद्धं, एवं जाव कसायकुसीला, नियंठा जहा पुल्लागा, सिणाया जहा वउसा २९ ॥ ७७८ ॥ पुल्लागस्स णं भंते । केवइयं कालं अंतरं होइ ? गोयमा । जहण्णेणं अंतोमुहुत्तं उक्कोसेणं अणंतं कालं अणंताओ ओसप्पिणिउस्सप्पिणीओ कालओ, खेत्तओ अवद्धं पोग्गलपरियट्ठं देसूणं, एवं जाव नियंठस्स । सिणायस्स णं पुच्छा, गोयमा । नत्थि अंतरं ॥ पुल्लागाणं भंते । केवइयं कालं अंतरं होइ ? गोयमा । जहण्णेणं एक्कं समयं उक्कोसेणं संखे-

ज्जाइं वासाइं । वउसाणं भंते । पुच्छा, गोयमा । नत्थि अंतरं, एवं जाव कसाय-
कुसीलाणं । नियंठाणं पुच्छा, गोयमा । जहण्णेणं एक्को समयं उक्कोसेणं छम्मासा,
सिणायाणं जहा वउसाणं ३० ॥ ७७९ ॥ पुलगस्स णं भंते । कइ समुग्घाया
प० ? गोयमा ! तिन्नि समुग्घाया प०, तं०-वेयणासमुग्घाए कसायसमुग्घाए मारणं-
तियसमुग्घाए, वउसस्स णं भंते । पुच्छा, गोयमा । पंच समुग्घाया प०, तं०-
वेयणासमुग्घाए जाव तेयासमुग्घाए, एवं पडिसेवणाकुसीलेवि, कसायकुसीलस्स
पुच्छा, गोयमा ! छ समुग्घाया प०, तं०-वेयणासमुग्घाए जाव आहारगसमुग्घाए,
नियंठस्स णं पुच्छा, गोयमा । नत्थि एक्कोवि, सिणायस्स णं पुच्छा, गोयमा । एगे
केवलिसमुग्घाए प० ३१ ॥ ७८० ॥ पुलाए णं भंते ! लोगस्स किं संखेज्जइभागे
होज्जा १, असंखेज्जइभागे होज्जा २, संखेज्जेसु भागेसु होज्जा ३, असंखेज्जेसु भागेसु
होज्जा ४, सव्वलोए होज्जा ५ ? गोयमा ! णो संखेज्जइभागे होज्जा, असंखेज्जइभागे
होज्जा, णो संखेज्जेसु भागेसु होज्जा, (णो) असंखेज्जेसु भागेसु होज्जा, णो सव्वलोए
होज्जा, एवं जाव नियंठे । सिणाए णं पुच्छा, गोयमा ! णो संखेज्जइभागे होज्जा
असंखेज्जइभागे होज्जा णो संखेज्जेसु भागेसु होज्जा असंखेज्जेसु भागेसु होज्जा सव्व-
लोए वा होज्जा ३२ ॥ ७८१ ॥ पुलाए णं भंते ! लोगस्स किं संखेज्जइभागं फुसइ
असंखेज्जइभागं फुसइ० ? एवं जहा ओगाहणा भणिया तहा फुसणावि भाणियव्वा
जाव सिणाए ३३ ॥ ७८२ ॥ पुलाए णं भंते ! कयरम्मि भावे होज्जा ? गोयमा !
खवोवसमिए भावे होज्जा, एवं जाव कसायकुसीले । नियंठे पुच्छा, गोयमा !
उवसमिए वा भावे होज्जा खइए वा भावे होज्जा । सिणाए पुच्छा, गोयमा ! खइए
भावे होज्जा ३४ ॥ ७८३ ॥ पुलाया णं भंते ! एगसमएणं केवइया होज्जा ?
गोयमा ! पडिवज्जमाणए पडुच्च सिय अत्थि सिय नत्थि, जइ अत्थि जहन्नेणं एक्को
चा दो वा तिन्नि वा उक्कोसेणं सयपुहुत्तं, पुव्वपडिवन्नए पडुच्च सिय अत्थि सिय
नत्थि, जइ अत्थि जहन्नेणं एक्को वा दो वा तिन्नि वा उक्कोसेणं सहस्सपुहुत्तं । वउसा
णं भंते ! एगसमएणं० पुच्छा, गोयमा ! पडिवज्जमाणए पडुच्च सिय अत्थि सिय
नत्थि, जइ अत्थि जहन्नेणं एक्को वा दो वा तिन्नि वा उक्कोसेणं सयपुहुत्तं, पुव्वपडि-
वन्नए पडुच्च जहन्नेणं कोडिसयपुहुत्तं उक्कोसेणवि कोडिसयपुहुत्तं, एवं पडिसेवणा-
कुसीलेवि । कसायकुसीलाणं पुच्छा, गोयमा ! पडिवज्जमाणए पडुच्च सिय अत्थि सिय
नत्थि, जइ अत्थि जहन्नेणं एक्को वा दो वा तिन्नि वा उक्कोसेणं (कोडि)सहस्सपुहुत्तं,
पुव्वपडिवन्नए पडुच्च जहन्नेणं कोडिसहस्सपुहुत्तं उक्कोसेणवि कोडिसहस्सपुहुत्तं ।
नियंठाणं पुच्छा, गोयमा ! पडिवज्जमाणए पडुच्च सिय अत्थि सिय नत्थि, जइ

अत्थि जहजेणं एक्को वा दो वा तिज्जि वा उक्कोसेणं चावट्ठं सयं, अट्टसयं खवगाणं चउप्पयं उव(स)सामगाणं, पुव्वपडिवज्जए पडुच्च सिय अत्थि सिय नत्थि, जइ अत्थि जहजेणं एक्को वा दो वा तिज्जि वा उक्कोसेणं सयपुहुत्तं । सिणायाणं पुच्छा, गोयमा ! पडिवज्जमाणए पडुच्च सिय अत्थि सिय नत्थि, जइ अत्थि जहजेणं एक्को वा दो वा तिज्जि वा उक्कोसेणं अट्टसयं, पुव्वपडिवज्जए पडुच्च जहजेणं कोडिपुहुत्तं उक्कोसेणवि कोडिपुहुत्तं ॥ एएसि णं भंते ! पुलगवउसपडिसेवणाकुसीलकसायकुसीलनियंठ-सिणायाणं कयरे २ जाव विसेसाहिया वा ? गोयमा । सव्वत्थोवा नियंठा, पुलगा संखेज्जगुणा, सिणाया संखेज्जगुणा, वउसा संखेज्जगुणा, पडिसेवणाकुसीला संखेज्जगुणा, कसायकुसीला संखेज्जगुणा । सेवं भंते ! सेवं भंते ! त्ति जाव विहरइ ॥ ७८४ ॥

पणवीसइमस्स सयस्स छट्ठो उद्देसो समत्तो ॥

कइ णं भंते ! संजया प० ? गोयमा । पंच संजया प०, तं०-सामाइयसंजए छेओवट्ठावणियसंजए परिहारविसुद्धियसंजए सुहुमसंपरायसंजए अहक्खायसंजए, सामाइयसंजए णं भंते । कइविहे पन्नत्ते ? गोयमा । दुविहे पन्नत्ते, तंजहा—इत्तरिए य आवकहिए य, छेओवट्ठावणियसंजए णं पुच्छा, गोयमा । दुविहे प०, तं०—साइयारे य निरइयारे य, परिहारविसुद्धियसंजए पुच्छा, गोयमा । दुविहे प०, तं०-णिव्विसमाणए य निव्विट्ठकाइए य, सुहुमसंपराय० पुच्छा, गोयमा । दुविहे प०, तं०-संकलिस्समाणए य विसुद्धमाणए य, अहक्खायसंजए पुच्छा, गोयमा । दुविहे प०, तं०-छउमत्थे य केवली य ॥ गाहाओ-सामाइयंमि उ कए चाउज्जामं अणुत्तरं धम्मं । तिविहेण फासयंतो सामाइयसंजओ स खलु ॥ १ ॥ छेत्तण उ परियागं पोरणं जो ठवेइ अप्पाणं । धम्मंमि पंचजामे छेदोवट्ठावणो स खलु ॥ २ ॥ परिहरइ जो विसुद्धं तु पंचजामं अणुत्तरं धम्मं । तिविहेण फासयंतो परिहारियसंजओ स खलु ॥ ३ ॥ लोभाणु वेययंतो जो खलु उवसामओ व खवओ वा । सो सुहुमसंपराओ अहक्खाया ऊणओ किंचि ॥ ४ ॥ उवसंते खीणंमि व जो खलु कम्मंमि मोहणिजंमि । छउमत्थो व जिणो वा अहक्खाओ संजओ स खलु ॥ ५ ॥ ७८५ ॥

सामाइयसंजए णं भंते ! किं सवेदए होज्जा अवेदए होज्जा ? गोयमा । सवेदए वा होज्जा अवेदए वा होज्जा, जइ सवेदए होज्जा० एवं जहा कसायकुसीले तहेव निरवसेसं, एवं छेदोवट्ठावणियसंजएवि, परिहारविसुद्धियसंजओ जहा पुलओ, सुहुमसंपरायसंजओ अहक्खायसंजओ यं जहा नियंठो २ । सामाइयसंजए णं भंते ! किं सरागे होज्जा वीयरगे होज्जा ? गोयमा । सरागे होज्जा नो वीयरगे होज्जा, एवं जाव सुहुमसंपरायसंजए, अहक्खायसंजए जहा नियंठो ३ ॥ सामाइयसंजए णं भंते ! किं

ठियकप्पे होज्जा अट्ठियकप्पे होज्जा ? गोयमा ! ठियकप्पे वां होज्जा अट्ठियकप्पे वा होज्जा, छेदोवट्ठावणियसंजए पुच्छा, गोयमा ! ठियकप्पे होज्जा नो अट्ठियकप्पे होज्जा, एवं परिहारविसुद्धियसंजएवि, सेसा जहा सामाइयसंजए । सामाइयसंजए णं भंते ! किं जिणकप्पे होज्जा थेरकप्पे होज्जा कप्पातीते होज्जा ? गोयमा ! जिणकप्पे वा होज्जा जहा कसायकुसीले तहेव निरवसेसं, छेदोवट्ठावणिओ परिहार-
विसुद्धिओ य जहा वउसो, सेसा जहा नियंठे ४ ॥ ७८६ ॥ सामाइयसंजए णं भंते ! किं पुलाए होज्जा वउसे जाव सिणाए होज्जा ? गोयमा ! पुलाए वा होज्जा वउसे जाव कसायकुसीले वा होज्जा, नो नियंठे होज्जा नो सिणाए होज्जा, एवं छेदो-
वट्ठावणिएवि, परिहारविसुद्धियसंजए णं भंते ! पुच्छा, गोयमा ! नो पुलाए नो वउसे नो पडिसेवणाकुसीले होज्जा, कसायकुसीले होज्जा, नो नियंठे होज्जा नो सिणाए होज्जा, एवं सुहुमसंपराएवि, अहक्खायसंजए पुच्छा, गोयमा ! नो पुलाए होज्जा जाव नो कसायकुसीले होज्जा, नियंठे वा होज्जा सिणाए वा होज्जा ५ ॥ सामाइय-
संजए णं भंते ! किं पडिसेवए होज्जा अपडिसेवए होज्जा ? गोयमा ! पडिसेवए वा होज्जा अपडिसेवए वा होज्जा, जइ पडिसेवए होज्जा किं मूलगुणपडिसेवए होज्जा०
सेसं जहा पुलागस्स, जहा सामाइयसंजए एवं छेदोवट्ठावणिएवि, परिहारविसुद्धिय-
संजए पुच्छा, गोयमा ! नो पडिसेवए होज्जा अपडिसेवए होज्जा, एवं जाव अह-
क्खायसंजए ६ ॥ सामाइयसंजए णं भंते ! कइसु नाणेसु होज्जा ? गोयमा ! दोसु वा तिसु वा चउसु वा नाणेसु होज्जा, एवं जहा कसायकुसीलस्स तहेव चत्तारि-
नाणाइं भयणाए, एवं जाव सुहुमसंपरा(इ)ए, अहक्खायसंजयस्स पंच नाणाइं भय-
णाए जहा नाणुइसए । सामाइयसंजए णं भंते ! केवइयं सुयं अहिज्जेज्जा ? गोयमा !
जहन्नेणं अट्ठ पवयणमायाओ जहा कसायकुसीले, एवं छेदोवट्ठावणिएवि, परिहार-
विसुद्धियसंजए पुच्छा, गोयमा ! जहन्नेणं नवमस्स पुव्वस्स तइयं आचारवत्थुं उक्कोसेणं
असंपुन्नाइं दस पुव्वाइं अहिज्जेज्जा, सुहुमसंपरायसंजए जहा सामाइयसंजए,
अहक्खायसंजए पुच्छा, गोयमा ! जहन्नेणं अट्ठ पवयणमायाओ उक्कोसेणं चउइस-
पुव्वाइं अहिज्जेज्जा सुयवइरित्ते वा होज्जा ७ । सामाइयसंजए णं भंते ! किं तित्थे-
होज्जा अतित्थे होज्जा ? गोयमा ! तित्थे वा होज्जा अतित्थे वा होज्जा जहा कसाय-
कुसीले, छेदोवट्ठावणिए परिहारविसुद्धिए (सुहुमसंपराए) य जहा पुलाए, सेसा जहा
सामाइयसंजए ८ । सामाइयसंजए णं भंते ! किं सल्लिगे होज्जा अन्नल्लिगे होज्जा निहि-
ल्लिगे होज्जा ? जहा पुलाए, एवं छेदोवट्ठावणिएवि, परिहारविसुद्धियसंजए णं भंते !
किं० पुच्छा, गोयमा ! दन्वल्लिगं पि भावल्लिगं पि पडुच्च सल्लिगे होज्जा नो अन्नल्लिगे

होज्जा नो गिहिलिगे होज्जा, सेसा जहा सामाइयसंजए ९ । सामाइयसंजए णं भंते । कइसु सरीरेसु होज्जा ? गोयमा । तिसु वा चउसु वा पंचसु वा होज्जा जहा कसाय-कुसीले, एवं छेओवट्ठावणिएवि, सेसा जहा पुलाए १० । सामाइयसंजए णं भंते । किं कम्मभूमीए होज्जा अकम्मभूमीए होज्जा ? गोयमा । जम्मणं संतिभावं च पडुच्च कम्मभूमीए होज्जा नो अकम्मभूमीए जहा वउसे, एवं छेओवट्ठावणिएवि, परिहारवि-सुद्धिए य जहा पुलाए, सेसा जहा सामाइयसंजए ११ ॥ ७८७ ॥ सामाइयसंजए णं भंते । किं ओसप्पिणीकाले होज्जा उस्सप्पिणीकाले होज्जा नोओसप्पिणिनोउस्सप्पि-णिकाले होज्जा ? गोयमा । ओसप्पिणीकाले जहा वउसे, एवं छेओवट्ठावणिएवि, नवरं जम्मणं संतिभावं (च) पडुच्च चउसुवि पलिभागेसु नत्थि, साहरणं पडुच्च अन्नयरे पलिभागे होज्जा, सेसं तं चेव, परिहारविसुद्धिए पुच्छा, गोयमा । ओस-प्पिणिकाले वा होज्जा उस्सप्पिणिकाले वा होज्जा नोओसप्पिणिनोउस्सप्पिणिकाले वा होज्जा, जइ ओसप्पिणिकाले होज्जा जहा पुलाओ, उस्सप्पिणिकालेवि जहा पुलाओ, सुहुमसंपरा(इ)ओ जहा नियंठो, एवं अहक्खाओवि १२ ॥ ७८८ ॥ सामा-इयसंजए णं भंते । कालगए समाणे किं गइं गच्छइ ? गोयमा । देवगइं गच्छइ, देवगइं गच्छमाणे किं भवणवासीसु उववज्जेज्जा वाणमंतरेसु उववज्जेज्जा जोइसिएसु उववज्जेज्जा वेमाणिएसु उववज्जेज्जा ? गोयमा । णो भवणवासीसु उववज्जेज्जा जहा कसायकुसीले, एवं छेओवट्ठावणिएवि, परिहारविसुद्धिए जहा पुलाए, सुहुमसंपराए जहा नियंठे, अहक्खाए पुच्छा, गोयमा । एवं अहक्खायसंजएवि जाव अजहन्नम-णुक्कोसेणं अणुत्तरविमाणेसु उववज्जेज्जा, अत्थेगइ(या)ए सिज्ज(न्ति)इ जाव अंतं करे-(न्ति)इ ॥ सामाइयसंजए णं भंते । देवलोगेसु उववज्जमाणे किं इंदत्ताए उववज्जइ पुच्छा, गोयमा । अविराहणं पडुच्च एवं जहा कसायकुसीले, एवं छेओवट्ठावणिएवि, परिहारविसुद्धिए जहा पुलाए, सेसा जहा नियंठे । सामाइयसंजयस्स णं भंते । देव-लोगेसु उववज्जमाणस्स केवइयं कालं ठिई प० ? गोयमा । जहज्जेणं दो पलिओवमाई उक्कोसेणं तेत्तीसं सागरोवमाई, एवं छेओवट्ठावणिएवि, परिहारविसुद्धियस्स पुच्छा, गोयमा । जहज्जेणं दो पलिओवमाई उक्कोसेणं अट्ठारस सागरोवमाई, सेसाणं जहा नियंठस्स १३ ॥ ७८९ ॥ सामाइयसंजयस्स णं भंते । केवइया संजमट्ठाणा प० ? गोयमा । असंखेज्जा संजमट्ठाणा प०, एवं जाव परिहारविसुद्धियस्स, सुहुमसंपराय-संजयस्स पुच्छा, गोयमा । असंखेज्जा अंतोमुहुत्तिया संजमट्ठाणा प०, अहक्खाय-संजयस्स पुच्छा, गोयमा । एगे अजहन्नमणुक्कोसए संजमट्ठाणे प० । एसि णं भंते । सामाइयछेओवट्ठावणियपरिहारविसुद्धियसुहुमसंपरायअहक्खायसंजयाणं संजमट्ठाणाणं

कयरे २ जाव विसेसाहिया वा ? गोयमा ! सव्वत्थोवे अहक्खायसंजयस्स एगे
 अजहन्नमणुक्कोसए संजमट्ठाणे, सुहुमसंपरायसंजयस्स अंतोमुहुत्तिया संजमट्ठाणा
 असंखेज्जगुणा, परिहारविबुद्धियसंजयस्स संजमट्ठाणा असंखेज्जगुणा, सामाइयसंजयस्स
 छेदोवट्ठावणियसंजयस्स य एएसि णं संजमट्ठाणा दोण्हवि तुल्ला असंखेज्जगुणा १४
 ॥ ७९० ॥ सामाइयसंजयस्स णं भंते ! केवइया चरित्तपज्जवा प० ? गोयमा !
 अणंता चरित्तपज्जवा प०, एवं जाव अहक्खायसंजयस्स ॥ सामाइयसंजए णं भंते !
 सामाइयसंजयस्स सट्ठाणसन्निगासेणं चरित्तपज्जवेहिं किं हीणे तुल्ले अब्भहिए ?
 गोयमा ! सिय हीणे छट्ठाणवडिए, सामाइयसंजए णं भंते ! छेदोवट्ठावणियसंजयस्स
 परट्ठाणसन्निगासेणं चरित्तपज्जवेहिं पुच्छा, गोयमा ! सिय हीणे छट्ठाणवडिए, एवं
 परिहारविबुद्धियस्सवि, सामाइयसंजए णं भंते ! सुहुमसंपरायसंजयस्स परट्ठाण-
 सन्निगासेणं चरित्तपज्जवे० पुच्छा, गोयमा ! हीणे नो तुल्ले नो अब्भहिए, अणंतगुण-
 हीणे, एवं अहक्खायसंजयस्सवि, एवं छेदोवट्ठावणिएवि, हेट्ठिल्लेसु तिसुवि समं
 छट्ठाणवडिए, उवरिल्लेसु दोसुवि तहेव हीणे, जहा छेदोवट्ठावणिए तथा परिहारविबुद्धि-
 एवि, सुहुमसंपरायसंजए णं भंते ! सामाइयसंजयस्स परट्ठाण० पुच्छा, गोयमा ! नो
 हीणे नो तुल्ले अब्भहिए अणंतगुणमब्भहिए, एवं छेदोवट्ठावणियपरिहारविबुद्धिएसुवि
 समं सट्ठाणे सिय हीणे नो (सिय)तुल्ले सिय अब्भहिए, जइ हीणे अणंतगुणहीणे, अह
 (जइ) अब्भहिए अणंतगुणमब्भहिए, सुहुमसंपरायसंजयस्स अहक्खायसंजयस्स पर-
 ट्ठाण० पुच्छा, गोयमा ! हीणे नो तुल्ले नो अब्भहिए, अणंतगुणहीणे, अहक्खाए हेट्ठि-
 ल्लणं चउण्हवि नो हीणे नो तुल्ले अब्भहिए अणंतगुणमब्भहिए, सट्ठाणे नो हीणे तुल्ले
 नो अब्भहिए । एएसि णं भंते ! सामाइयछेदोवट्ठावणियपरिहारविबुद्धियसुहुमसंपराय-
 अहक्खायसंजयाणं जहन्नक्कोसगाणं चरित्तपज्जवाणं कयरे २ जाव विसेसाहिया
 वा ? गोयमा ! सामाइयसंजयस्स छेदोवट्ठावणियसंजयस्स य एएसि णं जहन्नगा
 चरित्तपज्जवा दोण्हवि तुल्ला सव्वत्थोवा, परिहारविबुद्धियसंजयस्स जहन्नगा चरित्त-
 पज्जवा अणंतगुणा तस्स चैव उक्कोसगा चरित्तपज्जवा अणंतगुणा, सामाइयसंजयस्स
 छेदोवट्ठावणियसंजयस्स य एएसि णं उक्कोसगा चरित्तपज्जवा दोण्हवि तुल्ला अणंत-
 गुणा, सुहुमसंपरायसंजयस्स जहन्नगा चरित्तपज्जवा अणंतगुणा तस्स चैव उक्कोसगा
 चरित्तपज्जवा अणंतगुणा, अहक्खायसंजयस्स अजहन्नमणुक्कोसगा चरित्तपज्जवा
 अणंतगुणा १५ ॥ सामाइयसंजए णं भंते ! किं सजोगी होज्जा अजोगी होज्जा ?
 गोयमा ! सजोगी जहा पुलाए, एवं जाव सुहुमसंपरायसंजए, अहक्खाए जहा
 सिणाए १६ ॥ सामाइयसंजए णं भंते ! किं सागारोवउत्ते होज्जा अगागारोवउत्ते

होज्जा ? गोयमा । सागारोवउत्ते जहा पुलाए, एवं जाव अहक्खाए, नवरं सुहुमसं-
 पराए सागारोवउत्ते होज्जा नो अणागारोवउत्ते होज्जा १७ ॥ सामाइयसंजए णं भंते ।
 किं सकसाई होज्जा अकसाई होज्जा ? गोयमा । सकसाई होज्जा नो अकसाई होज्जा,
 जहा कसायकुसीले, एवं छेदोवट्ठावणिएवि, परिहारविसुद्धिए जहा पुलाए, सुहुमसंपरा-
 यसंजए पुच्छा, गोयमा । सकसाई होज्जा नो अकसाई होज्जा, जइ सकसाई होज्जा
 से णं भंते । कइसु कसाएसु होज्जा ? गोयमा । एगम्मि संजलणलोभे होज्जा, अह-
 क्खायसंजए जहा नियंठे १८ ॥ सामाइयसंजए णं भंते । किं सलेस्से होज्जा
 अलेस्से होज्जा ? गोयमा । सलेस्से होज्जा जहा कसायकुसीले, एवं छेदोवट्ठावणिएवि,
 परिहारविसुद्धिए जहा पुलाए, सुहुमसंपराए जहा नियंठे, अहक्खाए जहा सिणाए,
 नवरं जइ सलेस्से होज्जा एगाए सुक्खेस्साए होज्जा १९ ॥ ७९१ ॥ सामाइयसंजए
 णं भंते । किं वड्डमाणपरिणामे होज्जा हीयमाणपरिणामे होज्जा अवट्ठियपरिणामे होज्जा ?
 गोयमा । वड्डमाणपरिणामे होज्जा जहा पुलाए, एवं जाव परिहारविसुद्धिए, सुहुमसं-
 पराय० पुच्छा, गोयमा । वड्डमाणपरिणामे वा होज्जा हीयमाणपरिणामे वा होज्जा नो
 अवट्ठियपरिणामे होज्जा, अहक्खाए जहा नियंठे । सामाइयसंजए णं भंते । केवइयं
 कालं वड्डमाणपरिणामे होज्जा ? गोयमा । जहण्णेणं एकं समयं जहा पुलाए, एवं जाव
 परिहारविसुद्धिए, सुहुमसंपरायसंजए णं भंते । केवइयं कालं वड्डमाणपरिणामे होज्जा ?
 गोयमा । जहण्णेणं एकं समयं उक्कोसेणं अंतोमुहुत्तं, केवइयं कालं हीयमाणपरिणामे
 होज्जा एवं चेव, अहक्खायसंजए णं भंते । केवइयं कालं वड्डमाणपरिणामे होज्जा ?
 गोयमा । जहण्णेणं अंतोमुहुत्तं उक्कोसेणवि अंतोमुहुत्तं, केवइयं कालं अवट्ठियपरिणामे
 होज्जा ? गोयमा । जहण्णेणं एकं समयं उक्कोसेणं देसूणा पुव्वकोडी २० ॥ ७९२ ॥
 सामाइयसंजए णं भंते । कइ कम्मप्पगडीओ बंधइ ? गोयमा । सत्तविहबंधए वा
 अट्ठविहबंधए वा एवं जहा वउसे, एवं जाव परिहारविसुद्धिए, सुहुमसंपरायसंजए
 पुच्छा, गोयमा । आउयमोहणिज्जवज्जाओ छ कम्मप्पगडीओ बंधइ, अहक्खायसंजए
 जहा सिणाए २१ ॥ सामाइयसंजए णं भंते । कइ कम्मप्पगडीओ वेदेइ ? गोयमा ।
 नियमं अट्ठ कम्मप्पगडीओ वेदेइ, एवं जाव सुहुमसंपराए, अहक्खाए पुच्छा,
 गोयमा । सत्तविहवेदए वा चउव्विहवेदए वा, सत्त वेदेमाणे मोहणिज्जवज्जाओ
 सत्त कम्मप्पगडीओ वेदेइ, चत्तारि वेदेमाणे वेयणिज्जाउयनामगोयाओ चत्तारि
 कम्मप्पगडीओ वेदेइ २२ ॥ सामाइयसंजए णं भंते । कइ कम्मप्पगडीओ उदीरेइ ?
 गोयमा । सत्तविह० जहा वउसे, एवं जाव परिहारविसुद्धिए, सुहुमसंपराए पुच्छा,
 गोयमा । छव्विहउदीरेण वा पंचविहउदीरेण वा, छ उदीरेमाणे आउयवेयणिज्जव-

ज्जाओ छ कम्मप्पगडीओ उदीरेइ, पंच उदीरेमाणे आउयवेयणिज्जमोहणिज्जवज्जाओ.
 पंच कम्मप्पगडीओ उदीरेइ, अहक्खायसंजए पुच्छा, गोयमा । पंचविहउदीरेए वा
 दुविहउदीरेए वा अणुदीरेए वा, पंच उदीरेमाणे आउय० सेसं जहा नियंठस्त २३
 ॥ ७९३ ॥ सामाइयसंजए णं भंते । सामाइयसंजयत्तं जहमाणे किं जहइ किं उवसं-
 पज्जइ ? गोयमा । सामाइयसंजयत्तं जहइ छेदोवट्ठावणियसंज(यं)मं वा सुहुमसंपराय-
 संज(यं)मं वा असंजमं वा संजमासंजमं वा उवसंपज्जइ, छेदोवट्ठावणिय० पुच्छा,
 गोयमा । छेदोवट्ठावणियसंजयत्तं जहइ सामाइयसंजमं वा परिहारविसुद्धियसंजमं वा
 सुहुमसंपरायसंजमं वा असंजमं वा संजमासंजमं वा उवसंपज्जइ, परिहारविसुद्धिए
 पुच्छा, गोयमा । परिहारविसुद्धियसंजयत्तं जहइ छेदोवट्ठावणियसंज(यं)मं वा असंजमं
 वा उवसंपज्जइ, सुहुमसंपराए पुच्छा, गोयमा । सुहुमसंपरायसंजयत्तं जहइ सामाइय-
 संज(यं)मं वा छेदोवट्ठावणियसंज(यं)मं वा अहक्खायसंज(यं)मं वा असंजमं वा उवसं-
 पज्जइ, अहक्खायसंजए णं पुच्छा, गोयमा । अहक्खायसंजयत्तं जहइ सुहुमसंपरायसं-
 ज(यं)मं वा असंजमं वा सिद्धिगई वा उवसंपज्जइ २४ ॥ ७९४ ॥ सामाइयसंजए णं
 भंते । किं सन्नोवउत्ते होज्जा नोसन्नोवउत्ते होज्जा ? गोयमा । सन्नोवउत्ते होज्जा जहा
 वउसे, एवं जाव परिहारविसुद्धिए, सुहुमसंपराए अहक्खाए य जहा पुलाए २५ ॥
 सामाइयसंजए णं भंते । किं आहारए होज्जा अणाहारए होज्जा ? जहा पुलाए, एवं जाव
 सुहुमसंपराए, अहक्खायसंजए जहा सिणाए २६ ॥ सामाइयसंजए णं भंते । कइ भवग्ग-
 हणाई होज्जा ? गोयमा । जहण्णेणं एक्कं (समयं) उक्कोसेणं अट्ठ, एवं छेदोवट्ठावणिएवि,
 परिहारविसुद्धिए पुच्छा, गोयमा । जहण्णेणं एक्कं उक्कोसेणं तिज्जि, एवं जाव अहक्खाए
 २७ ॥ ७९५ ॥ सामाइयसंजयस्स णं भंते । एगभवग्गहणिया केवइया आगरिसा
 प० ? गोयमा । जहन्नेणं जहा वउसस्स, छेदोवट्ठावणियस्स पुच्छा, गोयमा । जहन्नेणं
 एक्कं उक्कोसेणं वीसपुहुत्तं, परिहारविसुद्धियस्स पुच्छा, गोयमा । जहन्नेणं एक्कं उक्को-
 सेणं तिज्जि, सुहुमसंपरायस्स पुच्छा, गोयमा । जहन्नेणं ए(क्को)क्कं उक्कोसेणं चत्तारि,
 अहक्खायस्स पुच्छा, गोयमा । जहन्नेणं एक्कं उक्कोसेणं दोज्जि । सामाइयसंजयस्स
 णं भंते । नाणाभवग्गहणिया केवइया आगरिसा प० ? गोयमा । जहा वउसे, छेदो-
 वट्ठावणियस्स पुच्छा, गोयमा । जहन्नेणं दोज्जि उक्कोसेणं उवरिं नवण्हं सयाणं अंतो.
 सहस्सस्स, परिहारविसुद्धियस्स जहन्नेणं दोज्जि उक्कोसेणं सत्त, सुहुमसंपरायस्स जह-
 न्नेणं दोज्जि उक्कोसेणं नव, अहक्खायस्स जहन्नेणं दोज्जि उक्कोसेणं पंच २८ ॥ ७९६ ॥
 सामाइयसंजए णं भंते । कालओ केवच्चिरं होइ ? गोयमा । जहन्नेणं एक्कं समयं
 उक्कोसेणं देसूणएहिं नवहिं वासेहिं उणिया पुच्चकोडी, एवं छेदोवट्ठावणिएवि,

परिहारविबुद्धिए जहन्नेणं एक्कं समयं उक्कोसेणं देसूणएहिं एगूणतीसाए वासेहिं
ऊणिया पुव्वकोडी, सुहुमसंपराए जहा नियंटे, अहक्खाए जहा सामाइयसंजए ।
सामाइयसंजया णं भंते । कालओ केवच्चिरं होइ ? गोयमा ! सव्व(द्धं)द्धा, छेदोवट्ठा-
वणिय० पुच्छा, गोयमा ! जहन्नेणं अट्ठाइजाइं वाससयाइं उक्कोसेणं पन्नासं सागरो-
वमकोडिसयसहस्साइं, परिहारविबुद्धिए पुच्छा, गोयमा ! जहन्नेणं देसूणाइं दो वास-
सयाइं उक्कोसेणं देसूणाओ दो पुव्वकोडीओ, सुहुमसंपरायसंजया णं भंते । पुच्छा,
गोयमा ! जहण्णेणं एक्कं समयं उक्कोसेणं अंतोमुहुत्तं, अहक्खायसंजया जहा सामाइ-
यसंजया २९ ॥ सामाइयसंजयस्स णं भंते ! केवड्यं कालं अंतरं होइ ? गोयमा !
जहन्नेणं जहा पुलागस्स एवं जाव अहक्खायसंजयस्स, सामाइयसंजयाणं भंते !
पुच्छा, गोयमा ! नत्थि अंतरं, छेदोवट्ठावणिय० पुच्छा, गोयमा ! जहन्नेणं तेवट्ठिं
वाससहस्साइं उक्कोसेणं अट्ठारस सागरोवमकोडाकोडीओ, परिहारविबुद्धियस्स पुच्छा,
गोयमा ! जहन्नेणं चउरासीइं वाससहस्साइं उक्कोसेणं अट्ठारस सागरोवमकोडाको-
डीओ, सुहुमसंपरायाणं जहा नियंठाणं, अहक्खायाणं जहा सामाइयसंजयाणं ३० ॥
सामाइयसंजयस्स णं भंते ! कइं समुग्घाया पन्नत्ता ? गोयमा ! छ समुग्घाया
पन्नत्ता, जहा कसायकुसीलस्स, एवं छेदोवट्ठावणियस्सवि, परिहारविबुद्धियस्स
जहा पुलागस्स, सुहुमसंपरायस्स जहा नियंठस्स, अहक्खायस्स जहा सिणायस्स
३१ ॥ सामाइयसंजए णं भंते ! लोगस्स किं संखेजइभागे होज्जा असंखेजइभागे०
पुच्छा, गोयमा ! नो संखेजइ० जहा पुलाए, एवं जाव सुहुमसंपराए । अहक्खाय-
संजए जहा सिणाए ३२ ॥ सामाइयसंजए णं भंते ! लोगस्स किं संखेजइभागं
फुसइ जहेव होज्जा तहेव फुसइ ३३ ॥ सामाइयसंजए णं भंते ! कयरम्मि भावे
होज्जा ? गोयमा ! उ(खओ)वसमिए भावे होज्जा, एवं जाव सुहुमसंपराए, अहक्खाय-
संजए पुच्छा, गोयमा ! उवसमिए वा खइए वा भावे होज्जा ३४ । सामाइय-
संजया णं भंते ! एगसमएणं केवड्या होज्जा ? गोयमा ! पडिवज्जमाणए पडुच्च जहा
कसायकुसीला तहेव निरवसेसं, छेदोवट्ठावणिया पुच्छा, गोयमा ! पडिवज्जमाणए
पडुच्च सिय अत्थि सिय नत्थि, जइ अत्थि जहन्नेणं एक्को वा दो वा तिन्नि वा उक्कोसेणं
सयपुहुत्तं, पुव्वपडिवज्जए पडुच्च सिय अत्थि सिय नत्थि, जइ अत्थि जहन्नेणं कोडि-
सयपुहुत्तं उक्कोसेणवि कोडिसयपुहुत्तं, परिहारविबुद्धिया जहा पुलागा, सुहुमसंपराया
जहा नियंठा, अहक्खायसंजयाणं पुच्छा, गोयमा ! पडिवज्जमाणए पडुच्च सिय अत्थि
सिय नत्थि, जइ अत्थि जहन्नेणं एक्को वा दो वा तिन्नि वा उक्कोसेणं वावट्ठसयं अट्ठ-
त्तरसयं खवगाणं चउप्पन्नं उवसामगाणं, पुव्वपडिवज्जए पडुच्च जहन्नेणं कोडिपुहुत्तं

उक्कोसेणवि कोडिपुहुत्तं ॥ एएसि णं भंते । सामाइयछेदोवट्ठावणियपरिहारविसुद्धियसु-
हुमसंपरायअहक्खायसंजयाणं कयरं २ जाव विसेसाहिया वा ? गोयमा । सव्वत्थोवा
सुहुमसंपरायसंजया, परिहारविसुद्धियसंजया संखेज्जगुणा, अहक्खायसंजया संखेज्ज-
गुणा, छेदोवट्ठावणियसंजया संखेज्जगुणा, सामाइयसंजया संखेज्जगुणा ३६ ॥ ७९७ ॥
पडिसेवण दोसालोयणा य आलोयणारिहे चेव । तत्तो सामायारी पायच्छित्ते तवे चेव
॥ १ ॥ कइविहा णं भंते । पडिसेवणा प० ? गोयमा । दसविहा पडिसेवणा प०, तं०—
दप्प १ प्पमाद २ ऽणाभोगे ३, आउरे ४ आवती ५ ति य । संकिन्ने ६ सहसकारे,
७ भय ८ प्पओसा ९ य वीमंसा १० ॥ १ ॥ दस आलोयणादोसा प०, तंजहा—
आकंपइत्ता १ अणुमाणइत्ता २ जं दिट्ठं ३ वायरं च ४ सुहुमं (च) वा ५ । छन्नं ६ सद्दा-
उलयं ७ बहुजण ८ अव्वत्त ९ तस्सेवी १० ॥ २ ॥ दसहिं ठाणेहिं संपन्ने अणगारे
अरिहइ अत्तदोसं आलोइत्तए, तंजहा—जाइसंपन्ने १, कुलसंपन्ने २, विणयसंपन्ने ३,
णाणसंपन्ने ४, दंसणसंपन्ने ५, चरित्तसंपन्ने ६, खंते ७, दंते ८, अमाई ९, अपच्छा-
णुतावी १० । अट्ठहिं ठाणेहिं संपन्ने अणगारे अरिहइ आलोयणं पडिच्छित्तए, तंजहा—
आयारवं १, आहारवं २, ववहारवं ३, उव्वीलए ४, पकुव्वए ५, अपरिस्सावी ६,
निज्जवए ७, अवायदंसी ८ ॥ ७९८ ॥ दसविहा सामायारी प०, तं०—इच्छा १
मिच्छा २ तहक्कारे ३, आवस्सिया य ४ निसीहिया ५ । आपुच्छणा य ६ पडिपुच्छा
७, छंदणा य ८ निमंतणा ९ ॥ १ ॥ उवसंपया १० य काले, सामायारी भवे दसहा
॥ ७९९ ॥ दसविहे पायच्छित्ते प०, तं०—आलोयणारिहे पडिक्कमणारिहे तदुभयारिहे
विवेगारिहे विउसग्गारिहे तवारिहे छेदारिहे मूलारिहे अणवट्ठप्पारिहे पारंचियारिहे
॥ ८०० ॥ दुविहे तवे पन्नत्ते, तंजहा—वाहि(रि)रए य अडिभतरए य, से किं तं वाहि-
रए तवे ? वाहिरए तवे छव्विहे प०, तं०—अणसण ऊणोयरिया भिक्खायरिया य
रसपरिच्चाओ । कायकिळेसो पडिसंलीणया (वज्झो तवो होइ) ॥ १ ॥ से किं तं
अणसणे ? अणसणे दुविहे प०, तं०—इत्तरिए य आवकहिए य, से किं तं इत्तरिए ?
इत्तरिए अणेगविहे पन्नत्ते, तंजहा—चउत्थे भत्ते छट्ठे भत्ते अट्ठमे भत्ते दसमे भत्ते
दुवालसमे भत्ते चउद्दसमे भत्ते अद्धमासिए भत्ते मासिए भत्ते दोमासिए भत्ते
ते(ति)मासिए भत्ते जाव छम्मासिए भत्ते, सेत्तं इत्तरिए । से किं तं आवकहिए ?
आवकहिए दुविहे प०, तं०—पाओवगमणे य भत्तपच्चक्खाणे य, से किं तं पाओवगमणे ?
पाओवगमणे दुविहे प०, तं०—नीहारिमे य अणीहारिमे य निय(मा)मं अपडिक्कमे, से
तं पाओवगमणे, से किं तं भत्तपच्चक्खाणे ? भत्तपच्चक्खाणे दुविहे प०, तं०—नीहारिमे
य अनीहारिमे य नियमं सपडिक्कमे, सेत्तं भत्तपच्चक्खाणे, सेत्तं आवकहिए, सेत्तं

अणसणे । से किं तं ओमोयरिया ? ओमोयरिया दुविहा प०, तं०—द्वोमोयरिया य भावोमोयरिया य, से किं तं द्वोमोयरिया ? द्वोमोयरिया दुविहा प०, तं०—
 उवगरणद्वोमोयरिया य भत्तपाणद्वोमोयरिया य, से किं तं उवगरणद्वोमोय-
 रिया ? उवगरणद्वोमोयरिया एगे वत्थे एगे पाए चियत्तोवगरणसाइज्जया, सेतं
 उवगरणद्वोमोयरिया, से किं तं भत्तपाणद्वोमोयरिया ? भत्तपाणद्वोमोयरिया
 अट्ठ कवले आहारं आहारेमा(णे)णस्स अप्पाहारे दुवालस० जहा सत्तमसए पढमोद्दे-
 सए जाव नो पकामरसभोईति वत्तव्वं सिया, सेतं भत्तपाणद्वोमोयरिया, सेतं द्वो-
 मोयरिया, से किं तं भावोमोयरिया ? भावोमोयरिया अणेगविहा प०, तं०—अप्पकोहे
 जाव अप्पलोभे अप्पसद्दे अप्पझञ्जे अप्पतुमंतुमे, सेतं भावोमोयरिया, सेतं ओमोय-
 रिया । से किं तं भिक्खायरिया ? भिक्खायरिया अणेगविहा प०, तं०—द्वामि-
 ग्गहचरणे जहा उववाइए जाव सुद्धेसणिए संखादत्तिए, सेतं भिक्खायरिया । से किं
 तं रसपरिच्चाए ? रसपरिच्चाए अणेगविहे प०, तं०—निव्विगइए पणीयरसविवज्जए जहा
 उववाइए जाव लहाहारे, सेतं रसपरिच्चाए । से किं तं कायकिलेसे ? कायकिलेसे अणेग-
 विहे प०, तं०—ठाणाईए उकुडुयासणिए जहा उववाइए जाव सव्वगायपडिकम्मवि-
 प्पमुक्के, सेतं कायकिलेसे । से किं तं पडिसंलीणया ? पडिसंलीणया चउव्विहा प०, तं०—
 ईदियपडिसंलीणया कसायपडिसंलीणया जोगपडिसंलीणया विवित्तसयणासणसेव-
 णया । से किं तं ईदियपडिसंलीणया ? ईदियपडिसंलीणया पंचविहा प०, तं०—सोईदिय-
 विसयप्पयारणिरोहो वा सोईदियविसयप्पत्तेसु वा अत्थेसु रागदोसविणिग्गहो चर्क्खिदि-
 यविसय० एवं जाव फासिंदियविसयप्पयारणिरोहो वा फासिंदियविसयप्पत्तेसु वा अत्थेसु
 रागदोसविणिग्गहो, सेतं ईदियपडिसंलीणया, से किं तं कसायपडिसंलीणया ? कसाय-
 पडिसंलीणया चउव्विहा प०, तंजहा—कोहोदयनिरोहो वा उदयप्पत्तस्स वा कोहस्स
 विफलीकरणं एवं जाव लोभोदयनिरोहो वा उदयप्पत्तस्स वा लोभस्स विफलीकरणं,
 सेतं कसायपडिसंलीणया, से किं तं जोगपडिसंलीणया ? जोगपडिसंलीणया तिविहा
 प०, तं०—मणजोगप० वइजोगप० कायजोगपडिसंलीणया, से किं तं मणजोगपडि-
 संलीणया ? २ तिविहा प०, तं०—अकुसलमणनिरोहो वा कुसलमणउदीरणं वा मणस्स
 वा एगत्तीभावकरणं, से किं तं वइजोगपडिसंलीणया ? २ तिविहा प०, तं०—अकुसल-
 वइनिरोहो वा कुसलवइउदीरणं वा वईए वा एगत्तीभावकरणं, से किं तं कायपडि-
 संलीणया ? कायपडिसंलीणया जन्नं सुसमाहियपसंतसाहरियपाणिपाए कुम्भो इव
 तिदि, अल्लीणे पल्लीणे चिट्ठइ, सेतं कायपडिसंलीणया, सेतं जोगपडिसंलीणया,
 किं तं विवित्तसयणासणसेवणया ? विवित्तसयणासणसेवणया जन्नं आरामेसु

वा उज्जाणेषु वा जहा सोमिलुद्देसए जाव सेज्जासंधारणं उवसंपज्जिताणं विहरइ, सेतं विवित्तसयणासणसेवणया, सेतं पडिसंलीणया, सेतं बाहिरए तवे १ ॥ से किं तं अन्धितरए तवे ? अन्धितरए तवे छव्विहे प०, तं०-पायच्छित्तं विणओ वेयावच्चं तहेव सज्जाओ । ज्ञाणं विउसग्गो । से किं तं पायच्छित्ते ? पायच्छित्ते दसविहे प०, तं०-आलोयणारिहे जाव पारंच्चियारिहे, सेतं पायच्छित्ते । से किं तं विणए ? विणए सत्तविहे पन्नत्ते, तंजहा-नाणविणए दंसणविणए चरित्तविणए मणविणए वइविणए कायविणए लो गोवयारविणए, से किं तं नाणविणए ? नाणविणए पंचविहे प०, तं०-आभिणिवोहियनाणविणए जाव केवलनाणविणए, सेतं नाणविणए, से किं तं दंसणविणए ? दंसणविणए दुविहे प०, तं०-सुस्सूसणाविणए य अणच्चासायणाविणए य, से किं तं सुस्सूसणाविणए ? सुस्सूसणाविणए अणेगविहे प०, तं०-सक्कारेइ वा सम्माणेइ वा जहा चउइसमसए तइए उद्देसए जाव पडिसंसाह(र)णया, सेतं सुस्सूसणाविणए, से किं तं अणच्चासायणाविणए ? अणच्चासायणाविणए पणयालीसइविहे प०, तं०-अरिहंताणं अणच्चासायणया अरिहंतपन्नत्तस्स धम्मस्स अणच्चासायणया आयरियाणं अणच्चासायणया उवज्झायाणं अणच्चासायणया थेराणं अणच्चासायणया कुलस्स अणच्चासायणया गणस्स अणच्चासायणया संघस्स अणच्चासायणया किरियाए अणच्चासायणया संभोगस्स अणच्चासायणया आभिणिवोहियनाणस्स अणच्चासायणया जाव केवलनाणस्स अणच्चासायणया १५, एएसिं चेव भत्तिवहुमाणेणं एएसिं चेव वन्नसंजलणया, सेतं अणच्चासायणयाविणए, सेतं दंसणविणए, से किं तं चरित्तविणए ? चरित्तविणए पंचविहे प०, तं०-सामाइयचरित्तविणए जाव अहक्खायचरित्तविणए, सेतं चरित्तविणए, से किं तं मणविणए ? मणविणए दुविहे प०, तं०-पसत्थमणविणए य अपसत्थमणविणए य, से किं तं पसत्थमणविणए ? पसत्थमणविणए सत्तविहे प०, तंजहा-अपावए असावजे अकिरिए निह्वक्केसे अण्हयकरे अच्छविकरे अभूयाभिसंक्रणे, सेतं पसत्थमणविणए, से किं तं अपसत्थमणविणए ? अपसत्थमणविणए सत्तविहे प०, तं०-पावए सावजे सकिरिए सउवक्केसे अण्हयकरे छविकरे भूयाभिसंक्रणे, सेतं अपसत्थमणविणए, सेतं मणविणए, से किं तं वइविणए ? वइविणए दुविहे प०, तं०-पसत्थवइविणए य अप्सत्थवइविणए य, से किं तं पसत्थवइविणए ? पसत्थवइविणए सत्तविहे प०, तं०-अपावए जाव अभूयाभिसंक्रणे, सेतं पसत्थवइविणए, से किं तं अप्सत्थवइविणए ? अप्सत्थवइविणए सत्तविहे प०, तं०-पावए सावजे जाव भूयाभिसंक्रणे, सेतं अप्सत्थवइविणए, से तं वइविणए, से किं तं कायविणए ? कायविणए दुविहे प०, तं०-पसत्थकायविणए य अप्सत्थकायविणए

य, से किं तं पसत्थकायविणए ? पसत्थकायविणए सत्तविहे प०, तंजहा—आउत्तं गमणं आउत्तं ठाणं आउत्तं निसीयणं आउत्तं तुयट्ठणं आउत्तं उल्लंघणं आउत्तं पल्लंघणं आउत्तं सव्विदियजोगजुंजणया, सेत्तं पसत्थकायविणए, से किं तं अप्पसत्थकायविणए ? अप्पसत्थकायविणए सत्तविहे पन्नत्ते, तंजहा—अणाउत्तं गमणं जाव अणाउत्तं सव्विदियजोगजुंजणया, सेत्तं अप्पसत्थकायविणए, सेत्तं कायविणए, से किं तं लोगोवयारविणए ? लोगोवयारविणए सत्तविहे प०, तं०—अव्भासवत्तिर्यं परच्छंदाणुवत्तिर्यं कज्जहेऊं कयपडिकिइया अत्तगवेसणया देसकालणया सव्वत्थेसु अप्पडिलोमया, सेत्तं लोगोवयारविणए, सेत्तं विणए । से किं तं वेयावच्चे ? वेयावच्चे दसविहे प०, तं०—आयरियवेयावच्चे उवज्झायवेयावच्चे थेरवेयावच्चे तवस्सिवेयावच्चे गिलाणवेयावच्चे सेहवेयावच्चे कुलवेयावच्चे गणवेयावच्चे संघवेयावच्चे साहम्मियवेयावच्चे, सेत्तं वेयावच्चे । से किं तं सज्झाए ? सज्झाए पंचविहे पन्नत्ते, तं०—वायणा पडिपुच्छणा परियट्ठणा अणुप्पेहा धम्मकहा, सेत्तं सज्झाए ॥ ८०१ ॥ से किं तं ज्ञाणे ? ज्ञाणे चउव्विहे पन्नत्ते, तंजहा—अट्ठे ज्ञाणे रोद्धे ज्ञाणे धम्मं ज्ञाणे सुक्खे ज्ञाणे, अट्ठे ज्ञाणे चउव्विहे पन्नत्ते, तंजहा—अमणुन्नसंपओगसंपउत्ते तस्स विप्पओगसइसमन्नागए यावि भवइ १, मणुन्नसंपओगसंपउत्ते तस्स अविप्पओगसइसमन्नागए यावि भवइ २, आर्यकसंपओगसंपउत्ते तस्स विप्पओगसइसमन्नागए यावि भवइ ३, परिजुसियकामभोगसंपओगसंपउत्ते तस्स अविप्पओगसइसमन्नागए यावि भवइ ४, अट्ठस्स णं ज्ञाणस्स चत्तारि लक्खणा प०, तं०—कंदणया सोयणया तिप्पणया परिदेवणया १ । रोद्धे ज्ञाणे चउव्विहे प०, तं०—हिंसाणुवंधी मोसाणुवंधी तेयाणुवंधी सारक्खणाणुवंधी, रोद्धे ज्ञाणे चत्तारि लक्खणा प०, तं०—ओसन्नदोसे बहुलदोसे अण्णाणदोसे आमरणांतदोसे २ । धम्मं ज्ञाणे चउव्विहे चउप्पडोयारे प०, तं०—आणाविजए अवायविजए विवागविजए संठाणविजए, धम्मस्स णं ज्ञाणस्स चत्तारि लक्खणा प०, तं०—आणारुई निसग्गेरुई सुत्तरुई ओगाढरुई, धम्मस्स णं ज्ञाणस्स चत्तारि आलंबणा प०, तं०—वायणा पडिपुच्छणा परियट्ठणा धम्मकहा, धम्मस्स णं ज्ञाणस्स चत्तारि अणुप्पेहाओ प०, तं०—एगत्ताणुप्पेहा अणिच्चाणुप्पेहा असरणाणुप्पेहा संसाराणुप्पेहा ३ । सुक्खे ज्ञाणे चउव्विहे चउप्पडोयारे प०, तं०—पुहुत्तवियक्खे सवियारी १, एगंतवियक्खे अवियारी २, सुहुमंकिरिए अनियट्ठी ३, समुच्छिन्नकिरिए अप्पडिवाई ४, सुक्खस्स णं ज्ञाणस्स चत्तारि लक्खणा प०, तं०—खंती मुत्ती अज्जवे मद्दे, सुक्खस्स णं ज्ञाणस्स चत्तारि आलंबणा प०, तं०—अव्वहे असंमोहे विवेगे विउसग्गे, सुक्खस्स णं ज्ञाणस्स चत्तारि

अणुप्पेहाओ प०, तं०—अणंतवत्तियाणुप्पेहा विप्परिणामाणुप्पेहा असुभाणुप्पेहा
 अवायाणुप्पेहा ४, सेत्तं ज्ञाणे ॥ ८०२ ॥ से किं तं विउसग्गे ? विउसग्गे दुविहे
 प०, तं०—दव्वविउसग्गे य भावविउसग्गे य, से किं तं दव्वविउसग्गे ? दव्व-
 विउसग्गे चउव्विहे प०, तं०—गणविउसग्गे सरीरविउसग्गे उवहिउसग्गे
 भत्तपाणविउसग्गे, सेत्तं दव्वविउसग्गे, से किं तं भावविउसग्गे ? भावविउसग्गे
 तिविहे प०, तं०—कसायविउसग्गे संसारविउसग्गे कम्मविउसग्गे, से किं तं
 कसायविउसग्गे ? कसायविउसग्गे चउव्विहे प०, तंजहा—कोहविउसग्गे माणवि-
 उसग्गे मायाविउसग्गे लोभविउसग्गे, सेत्तं कसायविउसग्गे, से किं तं संसारविउ-
 सग्गे ? संसारविउसग्गे चउव्विहे पक्कते, तंजहा—नेरइयसंसारविउसग्गे जाव
 देवसंसारविउसग्गे, सेत्तं संसारविउसग्गे, से किं तं कम्मविउसग्गे ? कम्मविउसग्गे
 अट्ठविहे प०, तंजहा—णाणावरणिज्जकम्मविउसग्गे जाव अंतराइयकम्मविउसग्गे,
 सेत्तं कम्मविउसग्गे, सेत्तं भावविउसग्गे, सेत्तं अट्ठिमत(र)रिए तवे । सेवं भंते । २
 ति ॥ ८०३ ॥ पणवीसइमस्स सयस्स सत्तमो उद्देसो समत्तो ॥

रायगिहे जाव एवं वयासी—नेरइया णं भंते । क्हं उववज्जंति ? गोयमा ! से
 जहानामए पवए पवमाणे अज्झवसाणनिव्वत्तिएणं करणोवाएणं सेयकाले तं ठाणं
 विप्पजहिता पुरिमं ठाणं उवसंपज्जित्ताणं विहरइ एवामेव एए(ते)वि जीवा पवओविव
 पवमाणा अज्झवसाणनिव्वत्तिएणं करणोवाएणं सेयकाले तं भवं विप्पजहिता पुरिमं
 भवं उवसंपज्जित्ताणं विहरन्ति । तेसि णं भंते ! जीवाणं क्हं सीहा गई क्हं सीहे
 गइविसए प० ? गोयमा ! से जहानामए—केइ पुरिसे तरुणे वलवं एवं जहा चउइसम-
 सए पढमुद्देसए जाव तिसमएण वा विग्गहेणं उववज्जंति, तेसि णं जीवाणं तहा
 सीहा गई तहा सीहे गइविसए प० । ते णं भंते ! जीवा क्हं परभवियाउयं पक-
 रेंति ? गोयमा ! अज्झवसाण(जोग)निव्वत्तिएणं करणोवाएणं एवं खलु ते जीवा पर-
 भवियाउयं पकरेन्ति, तेसि णं भंते ! जीवाणं क्हं गई पवत्तइ ? गोयमा ! आउ-
 व्खएणं भवक्खएणं ठिइक्खएणं, एवं खलु तेसि जीवाणं गई पवत्तइ, ते णं भंते !
 जीवा किं आइड्ढीए उववज्जंति परिड्ढीए उववज्जंति ? गोयमा ! आइड्ढीए उववज्जंति
 नो परिड्ढीए उववज्जंति । ते णं भंते ! जीवा किं आयकम्मुणा उववज्जंति परकम्मुणा
 उववज्जंति ? गोयमा ! आयकम्मुणा उववज्जंति नो परकम्मुणा उववज्जंति, ते णं
 भंते ! जीवा किं आयप्पओगेणं उववज्जंति परप्पओगेणं उववज्जंति ? गोयमा !
 आयप्पओगेणं उववज्जंति नो परप्पओगेणं उववज्जंति । असुरकुमारा णं भंते ! क्हं
 उववज्जंति ? जहा नेरइया तहेव निरवसेसं जाव नो परप्पओगेणं उववज्जंति, एवं

तए णं पउमावई पडिबुद्धिणा रत्ता अन्धमण्णजाया समाणी ह(ट्टु)ट्टा जाव कोडुं-
 वियपुरिसे सद्दावेइ २ ता एवं वयासी-एवं खलु देवाणुप्पिया । मम कळं नागजन्ए
 भविस्सइ । तं तुव्वमे मालागारे सद्दावेइ २ ता एवं वयह-एवं खलु पउमावईए
 देवीए कळं नागजन्ए भविस्सइ । तं तुव्वमे णं देवाणुप्पिया । जलथलय(०)दसद्धवणं
 महं नागघरयंसि साहरह एगं च णं महं सिरिदामगंडं उवणेह । तए णं जलथल-
 यदसद्धवणेणं मल्लेणं नाणाविहभत्तिनुविरइयं (करेह तंसि भत्तिसि) हंसमियमयू-
 कोंचसारराचक्कवायमयणसालकोइलकुलोववेयं ईहामिय जाव भत्तिचित्तं महग्घं मह-
 रिहं विउलं पुप्फमंडवं विरएह । तस्स णं बहुमज्झदेसभाए एगं महं सिरिदामगंडं
 जाव गंधद्वणिं मुयंतं उल्लोयंसि आ(ओ)लंवेह २ ता पउमावईं देविं पडिवाल्लेमाणा
 २ चिट्ठह । तए णं ते कोडुंविया जाव चिट्ठंति । तए णं सा पउमावईं देवी कळं०
 कोडुंवि(यपुरिसे)ए (सद्दावेइ २ ता) एवं वयासी-खिप्पामेव भो देवाणुप्पिया ।
 सागेयं नयरं सद्धिभतरवाहिरियं आसियसम्मज्जिओवलित्तं जाव पच्चप्पिणंति । तए
 णं सा पउमावई (देवी) दोच्चं पि कोडुंविय जाव खिप्पामेव लहुकरणजुतं जाव
 जुत्तामेव (उवट्टवेह, तए णं तेवि तहेव) उव(ट्टा)ट्टवेंति । तए णं सा पउमावईं
 अंतो अंतेउरंसि ण्हाया सव्वालंकाराविभूसिया धम्मियं जाणं दुल्लुडा । तए णं सा
 पउमावई नियगपरि(वा)यालसंपरिवुडा सागेयं नयरं मज्झंमज्झेणं नि(ज)जाइ २
 ता जेणेव पुक्खरणी तेणेव उवागच्छइ २ ता पो(पु)क्खरणिं ओगा(ह)हेइ २ ता
 जलमज्जणं जाव परमसुइभूया उल्लपडसाडया जाइ तत्थ उप्पलाइं जाव गेण्हइ २
 ता जेणेव नागघरए तेणेव पहारेत्थ गमणाए । तए णं पउमावईए दासचेडीओ
 वहुओ पुप्फपडल्लगहत्थगयाओ धूवक(डु)डच्छु(ग)यहत्थगयाओ पिट्ठओ समणुग-
 च्छंति । तए णं पउमावई सव्विद्धीए जेणेव नागघ(रे)ए तेणेव उवागच्छइ २
 ता नागघ(रयं)रं अणुप्पविसइ २ ता लोमहत्थगं जाव धूवं डहइ २ ता पडिबुद्धि
 (रायं) पडिवाल्लेमाणी २ चिट्ठइ । तए णं पडिबुद्धी(राया) ण्हाए हत्थिखंधवरगए
 सकोरंट जाव सेयवरचामरा(हिं)हि य (महया)हयगयरह(जोह)महयाभडचडगर-
 पहकरेहिं सागेयं नगरं मज्झंमज्झेणं निग्गच्छइ २ ता जेणेव नागघरए तेणेव
 उवागच्छइ २ ता हत्थिखंधाओ पच्चोरुहइ २ ता आलोए पणामं करेइ २ ता
 पुप्फमंडवं अणुपविसइ २ ता पासइ तं एगं महं सिरिदामगंडं । तए णं पडिबुद्धी
 तं सिरिदामगंडं सु(इ)चिरं कालं निरिक्खइ २ ता तंसि सिरिदामगंडंसि जायविम्हए
 सुवुद्धिं अमच्चं एवं वयासी-तुमं(णं) देवाणुप्पिया । मम दोच्चेणं वहुणिं गामागर
 जाव सन्निवेसाइं आहिंडसि वहु(णि)ण य रा(य)ईसर जाव गिहाइं अणुपविसि,

तं अत्थि णं तुमे कहिंचि एरिसए तिरिदामगंडे दिट्ठपुण्वे जारिसए णं इमे पउमा-
वई(ए)देवीए तिरिदामगंडे ? । तए णं सुवुद्धी पडिवुद्धिं रायं एवं वयासी-एवं खलु
सामी । अहं अनया कयाइं तुब्भं दोच्चेणं मिहिलं रायहाणिं गए । तत्थ णं मए
कुंभगस्स रत्तो धूयाए पभावईए देवीए अत्तयाए मल्लीए (विदेहरायवरकन्याए)संव-
च्छरपडिलेहणयंसि दिव्वे तिरिदामगंडे दिट्ठपुण्वे । तस्स णं तिरिदामगंडस्स इमे
पउमावईए [देवीए] तिरिदामगंडे सयसहस्सइमंपि कलं न अग्घइ । तए णं पडि-
वुद्धी(राया) सुवुद्धिं अमच्चं एवं वयासी-केरिसिया णं देवाणुप्पिया । मल्ली २ जस्स
णं संवच्छरपडिलेहणयंसि तिरिदामगंडस्स पउमावईए देवीए तिरिदामगंडे सयस-
हस्सइमंपि कलं न अग्घइ ? । तए णं सुवुद्धी (अमच्चे) पडिवुद्धिं इक्खामरायं एवं
वयासी-(एवं खलु सामी !) मल्ली विदेहरायवरकन्या सुपइट्ठियकुम्मुन्नयचारुचरणा
वण्णओ । तए णं पडिवुद्धी (राया) सुवुद्धिस्स अमच्चस्स अंतिए एयमट्ठं सोच्चा
निसम्म तिरिदामगंडजणियहासे दूयं सदावेइ २ ता एवं वयासी-गच्छाहि णं तुमं
देवाणुप्पिया । मिहिलं रायहाणिं, तत्थ णं कुंभगस्स रत्तो धूयं पभावईए (देवीए)
अ(त्त)त्तियं मल्लिं २ मम भारियत्ताए वरेहिं जइ वि य णं सा सयं रज्जुंका । तए
णं से दूए पडिवुद्धिणा रत्ता एवं वुत्ते समाणे हट्ठ जाव पडिसुणेइ २ ता जेणेव सए
गिहे जेणेव चाउग्घंटे आसरहं तेणेव उवागच्छइ २ ता चाउग्घंटे आसरहं पडि-
कप्पावेइ २ ता दुरुहे जाव हयगयमहयाभडचडगरेणं साएयाओ निग्गच्छइ २ ता
जेणेव विदेहजणवए जेणेव मिहिला रायहाणी तेणेव पहारेत्थ गमणाए (१)
॥ ७५ ॥ तेणं काठेणं तेणं समएणं अंग नाम जणवए होत्था । तत्थ णं चंपा नामं
नयरी होत्था । तत्थ णं चंपाए नयरीए चंदच्छाए अंगराया होत्था । तत्थ णं चंपाए
नयरीए अरहन्नगपामोक्खा बहवे संजत्तानावावाणियगा परिवसंति अट्ठा जाव
अपरिभूया । तए णं से अरहन्नगे समणोवासए यावि होत्था अहिगयजीवाजीवे
वण्णओ । तए णं तेसिं अरहन्नगपामोक्खाणं संजत्तानावावाणियगाणं अन्नया कयाइ
एगयओ सहियाणं इमे(ए)यारुवे मिहोक्कासमुल्ला(संला)वे समुप्पजित्था-सेयं खलु
अम्हं गणिमं(च) धरिमं च मेज्जं च प(पा)रिच्छेज्जं च भंडगं गहाय लवणसमुद्धं
पोयवहणेणं ओगाहित्तए-त्तिकट्ठु अन्नम(न्नं)नस्स एयमट्ठं पडिसुणेति २ ता गणिमं
च ४ गेण्हंति २ ता सग(डि)डीसाग(डि)डयं (च) सज्जेति २ ता गणिमस्स ४
भंडगस्स सगडसागडियं भरेति २ ता सोहणंसि तिहिकरणनक्खत्तमुहुत्तंसि विउलं
असणं ४ उवक्खडावेति मित्तनाइ भोयणवेलाए भुंजावेति जाव आपुच्छंति २ ता
सगडीसागडियं जोयंति २ ता चंपाए नयरीए मज्झमज्झेणं निग्गच्छंति २ ता जेणेव

चमाणं अप्फोदंतं अभिवयंतं अभिगज्जंतं बहुसो २ अट्टहासे विणिम्मुयंतं नीलुप्प-
 लगवलगुलियअयसिकुसुमप्पगासं खुरधारं असिं गहाय अभिमुहमावयमाणं पासंति ।
 तए णं ते अरहन्नगवज्जा संजत्तानावावाणियगा एगं च णं महं तालपिसायं (पासंति)
 पासित्ता तालजंघं दिवंगयाहिं वाहाहिं फुट्टसिरं भमरनिगरवरमासरासिमहिसकालगं
 भरियमेहवणं सुप्पणहं फालसरिसजीहं लंबोद्वं धवलवट्टअसिलिट्टतिकखथिरपीणकु-
 डिलदाढोवगूढवयणं विकोसियधारासिजुयलसमसरिसतणुयचंचलगलंतरसलोलच-
 वलफुत्तफुरेंतनिष्ठालियग्गजीहं अवयच्छियमहल्लविगयबीभच्छलालपगलंतरत्ततालुयं
 हिंगु(लु)लयसगव्भकंदरविलं व अंजणगिरिस्स अग्गिजालुग्गिलंतवयणं आऊसिय-
 अक्खच्चम्मउड्डगंडदेसं चीणचि(पिड)मिडवंकभग्गनासं रोसागयधमधमैतमारुय-
 निट्टुरखरफरुसञ्चुसिरं ओभुग्गनासियपुडं घ(घा)डउब्भडरइयभीसणमुहं उद्धमुहक-
 ण्णसकुलियमहंतविगयलोमसंखालगलंवंतचलियकणं पिंगलदिप्पंतलोयणं भिउडित-
 डि(य)निडालं नरसिरमालपरिणद्धचिंधं विचित्तगोणससुवद्धपरिकरं अवहोलंतपु(प्फु)-
 प्फयायंतसप्पविच्छुयगोधुंदरनउलसरडविरइयवित्तित्तत्रेयच्छमालियागं भोगकूरकण्ह-
 सप्पधमधमैतलंवंतकण्णपूरं मज्जारसियाललइयखंधं दित्त(धुधु)धूधूयंतधूयकयकुंतल-
 सिरं घंटारवेण भीमं भयंकं कायरजणहिययफोडणं दित्तमट्टहासं विणिम्मुयंतं वसा-
 रुहिरपूयमंसमलमलिणपोच्चडतणुं उत्तासणयं विसालवच्छं पेच्छंताभिन्ननहमुहनयण-
 कण्णवरवधचित्तकत्तीणि(व)यंसणं सरसरुहिरगयचम्मविययऊसवियवाहुजुयलं ताहिं
 य खरफरुसअसिणिद्धअणिट्टदित्तअसुभअप्पिय(अमणुन्न)अकंतवग्गूहि य तज्जयंतं
 पासंति तं तालपिसायरुवं एज्जमाणं पासंति २ ता भीया संजायभया अन्नमन्नस्स
 कायं समतुरंगेमाणा २ वहूणं ईदाण य खंदाण य रुद्धसिववेसमणनागाणं भूयाण य
 जक्खाण य अज्जकोट्टकिरियाण य वहूणि उवाइयसयाणि ओवाइयमाणा २ चिट्ठंति ।
 तए णं से अरहन्नए समणोवासए तं दिव्वं पिसायरुवं एज्जमाणं पासइ २ ता अभीए
 अतत्थे अचलिए असंभंते अणाउले अणुत्तिवगे अभिन्नमुहरागनयणवण्णे अदीणवि-
 मणमाणसे पोयवहणस्स एगदेसंसि वत्थंतेणं भूमिं पमज्जइ २ ता ठाणं ठाइ २ ता
 करयल(ओ) जाव एवं वयासी-नमोत्थु णं अरहंताणं जाव संपत्ताणं, जइ णं अहं
 एत्तो उवसग्गाओ सुंचामि तो मे कप्पइ पारित्तए, अहं णं एत्तो उवसग्गाओ न
 सुंचामि तो मे तहा पच्चक्खाएयव्वे-(त्ति)तिकट्ठु सागारं भत्तं पच्चक्खाइ । तए णं
 से पिसायरुवे जेणेव अरहन्न(ए)गे समणोवासए तेणेव उवागच्छइ २ ता अरहन्नगं
 एवं वयासी-हं भो ! अरहन्नगा अपत्थियपत्थिया जाव परिवज्जिया [!] नो खलु
 कप्पइ तव सीलव्वयगुणवेरमणपच्चक्खा(णे)णपोसहोववासाइं चालित्तए वा एवं

खो(भे)मित्तए वा संडित्तए वा भंजित्तए वा उज्जित्तए वा परिचइत्तए वा । तं जइ
 णं तुमं सीलव्वयं जाव न परिचयसि तो ते अहं एयं पोयवहणं दोहिं अंगुलियाहिं
 गेण्हामि २ ता सत्तट्ठतलप्पमाणमेत्ताइं उट्ठं वेहासं उव्विहामि (२ ता) अंतो-
 जलंसि निच्छोलेमि जा(जे)णं तुमं अट्ठदुहट्ठवसट्ठे असमाहिपत्ते अकाले चेव जीवि-
 याओ ववरोविज्जसि । तए णं से अरहन्नगे समणोवासए तं देवं मणसा चेव एवं
 वयासी-अहं णं देवाणुप्पिया । अरहन्नए नामं समणोवासए अहिगयजीवाजीवे, नो
 खलु अहं सक्का केणइ देवेण वा जाव निगंगथाओ पावयणाओ चालित्तए वा खोभि-
 त्तए वा विपरिणा(मे)मित्तए वा, तुमं णं जा सद्धा तं करेहि-त्तिकट्ठु अभीए जाव
 अभिन्नमुहरागनयणवण्णे अदीणविमणमाणसे निच्चले निष्फंदे तुसिणीए धम्मज्झाणो-
 वगए विहरइ । तए णं से दिव्वे पिसायरूवे अरहन्नगं समणोवासगं दोच्चंपि तच्चंपि
 एवं वयासी-हं भो अरहन्नगा । जाव (अदीणविमणमाणसे निच्चले निष्फंदे तुसिणीए)
 धम्मज्झाणोवगए विहरइ । तए णं से दिव्वे पिसायरूवे अरहन्नगं धम्मज्झाणोवगं
 पासइ २ ता वलियतरागं आसुरुत्ते तं पोयवहणं दोहिं अंगुलियाहिं गिण्हइ २ ता
 सत्तट्ठतलाइं जाव अरहन्नगं एवं वयासी-हं भो अरहन्नगा ! अपत्थियपत्थिया ! नो
 खलु कप्पइ तव सीलव्वय तहेव जाव धम्मज्झाणोवगए विहरइ । तए णं से पिसा-
 यरूवे अरहन्नगं जाहे नो संचाएइ निगंगथाओ० चालित्तए वा (०ताहे)तहेव (उव)-
 संते जाव निव्विण्णे तं पोयवहणं सणियं २ उवरिं जलस्स ठवेइ २ ता तं दिव्वं
 पिसायरूवं पडिसाह(र)रेइ २ ता दिव्वं देवरूवं विउव्वइ २ ता अंतलिक्खपडिवन्ने
 सखिखि(णि)णीयाइं जाव परिहिए अरहन्नगं समणोवासगं एवं वयासी-हं भो अर-
 हन्नगा ! धन्नोसि णं तुमं देवाणुप्पिया ! जाव जीवियफले जस्स णं तव निगंगथे
 पावयणे इमेयारूवा पडिवत्ती लद्धा पत्ता अभिसमन्नागया, एवं खलु देवाणुप्पिया !
 सक्के देविंदे देवराया सोहम्ममे कप्पे सोहम्मवडिंसए विमाणे सभाए सुहम्मए बहूणं
 देवाणं मज्झगए महया [२] सहेणं [एवं] आइक्खइ ४-एवं खलु जंतुहीवे २ भारहे वासे
 चंपाए नयरीए अरहन्नए समणोवासए अभिगंगजीवाजीवे नो खलु सक्का केणइ देवेण
 वा (दाणवेण वा) ६ निगंगथाओ पावयणाओ चालित्तए वा जाव विपरिणासित्तए वा ।
 तए णं अहं देवाणुप्पिया ! सक्कस्स (देविंदस्स) नो एयमट्ठं सद्हामि(०) । तए णं मम
 इमेयारूवे अज्झत्थिए०-गच्छामि णं [अहं] अरहन्न(य)गस्स अंतियं पाउब्भवामि
 जाणामि ताव अहं अरहन्नगं किं पियधम्मो नो पियधम्मो, दढधम्मो नो दढधम्मो,
 सीलव्वयगुणे किं चालेइ जाव परिचयइ नो परिचयइ-त्तिकट्ठु एवं संपेहेमि २ ता
 ओहिं पउंजामि २ ता देवाणुप्पियं ओहिणा आभोएमि २ ता उत्तरपुरच्छिमं २

उत्तरवेडव्वियं० ताए उक्किट्टाए(जाव)जेणेव लवणसमुदे जेणेव देवाणुप्पिया तेणेव उवागच्छामि २ ता देवाणुप्पि(प्राणं)यं उवसगं करेमि नो चेव णं देवाणुप्पिया भीया वा(०), तं जं णं सक्के ३ [एवं] वयइ सक्के णं एसमट्ठे, तं दिट्ठे णं देवाणुप्पियाणं इट्ठी जाव परक्कमे लद्धे पत्ते अभिसमन्नागए । तं खामेमि णं देवाणुप्पिया ! खमंतु मरहंतु णं देवाणुप्पिया । नाइभुज्जो (२) एवंकरणयाए-त्तिकट्ठु पंजलिउडे पायवडिए एयमट्ठं विणएणं भुज्जो २ खामेइ (२ ता) अरहन्नगस्स [य] दुवे कुंडलजुयले दलयइ २ ता जामेव दिसिं पाउब्भूए तामेव(दिसिं)पडिगए ॥ ७६ ॥ ताए णं से अरहन्नए निरुवसग्गमितिकट्ठु पडिमं पारेइ । ताए णं ते अरहन्नगपामोक्खा जाव वाणियगा दक्खिणाणुकूलेणं वाएणं जेणेव गंभीरए पोय(पट्टणे)ट्टाणे तेणेव उवागच्छंति २ ता पोयं लवेंति २ ता सगडिसागडं सज्जेति (२ ता) तं गणिमं [च] ४ सगडि० संकामेंति २ ता सगडी० जो(ए)विति २ ता जेणेव मिहिला(०) तेणेव उवागच्छंति २ ता मिहिलाए रायहाणीए वहिया अग्गुज्जाणंसि सगडीसागडं मोएति २ ता (मिहिलाए रायहाणीए तं)महत्थं (महग्घं महरिहं) विउलं रायारिहं पाहुडं कुंडलजुयलं च गेण्हंति २ ता (मिहिलाए रायहाणीए) अणुप्पविसंति २ ता जेणेव कुंभए(राया) तेणेव उवागच्छंति २ ता करयल जाव महत्थं दिव्वं कुंडलजुयलं उवणेति । ताए णं कुंभए(राया) तेसिं संजत्तगाणं जाव पडिच्छइ २ ता मल्लिं २ सद्दवेइ २ ता तं दिव्वं कुंडलजुयलं मल्लीए २ पिणद्धेइ २ ता पडिविसज्जेइ । ताए णं से कुंभए राया ते अरहन्नगपामोक्खे जाव वाणियगे विपुलेणं (अस०) वत्थगंधमल्लालंकारेणं जाव उस्तुक्कं वियरइ २ ता रायमग्गमोगाढे(इ)य आवासे वियरइ [२ ता] पडिविसज्जेइ । ताए णं अरहन्नगसंजत्तगा जेणेव रायमग्गमोगाढे आवासे तेणेव उवागच्छंति २ ता भंडववहरणं करंति (२ ता) पडिभं(डं)डे गेण्हंति २ ता सगडी० भरंति जेणेव गंभीरए पोयपट्टणे तेणेव उवागच्छंति २ ता पोयवहणं सज्जेति २ ता भंडं संकामेंति दक्खिणाणु० जेणेव चंपा पोयट्टाणे तेणेव पोयं लवेंति २ ता सगडी० सज्जेति २ ता तं गणिमं ४ सगडी० संकामेंति जाव महत्थं [महग्घं] पाहुडं दिव्वं च कुंडलजुयलं गेण्हंति २ ता जेणेव चंदच्छाए अंगराया तेणेव उवागच्छंति २ ता तं महत्थं जाव उवणेति । ताए णं चंदच्छाए अंगराया तं दिव्वं महत्थं(च) कुंडलजुयलं पडिच्छइ २ ता ते अरहन्नगपामोक्खे एवं वयासी-तुब्भे णं देवाणुप्पिया । वहूणि गामागर जाव आहिंढह लवणसमुदं च अभिक्खणं २ पोयवहणेहिं ओगाहेह, तं अत्थियाईं भे केइ कहिंचि अच्छेरए दिट्ठुप्पवे ? । ताए णं ते अरहन्नगपामोक्खा चंदच्छायं अंगरायं ।

वयासी-एवं खलु रागी । अम्हे इहेव चंपाए नयरीए अरहन्नगपामोक्खा बहवे संजतगानावावाणियगा परिवसागो । तए णं अम्हे अन्नया कयाइ गणिमं च ४ तहेव अहीण(म)अइरित्तं जाव कुंभगस्स रओ उवणेमो । तए णं से कुंभए मलीए २ तं दिव्वं कुंडलजुलं पिण्णदेइ २ ता पडिविसजेइ । तं एस णं सामी ! अम्हेहिं कुंभ[ग]रायभवणंसि मल्ली २ अच्छेए दिट्ठे । तं नो खलु अन्ना कावि तारिसिया देवकन्ना वा जाव जारिसिया णं मल्ली २ । तए णं चंदच्छाए(ते)अरहन्नगपामोक्खे सकारेइ सम्माणेइ स० २ ता [उस्सुंकं वियरइ] पडिविसजेइ । तए णं चंदच्छाए वाणियगजणियहासे दूयं सद्दावेइ जाव जइ वि य णं सा सयं रज्जसुक्का । तए णं से दूए हट्ठ जाव पहारेत्थ गमणाए (२) ॥ ७७ ॥ तेणं कालेणं तेणं समएणं कुणाला नामं जणवए होत्था । तत्थ णं सावत्थी नामं नयरी होत्था । तत्थ णं रुप्पी कुणालाहिवई नामं राया होत्था । तस्स णं रुप्पिस्स धूया धारिणीए देवीए अत्तया सुवा(हु)ह नामं दारिया होत्था सुकुमाल जाव रुवेण य जोव्वणे(णं)ण य लावण्णेण य उक्किट्ठा उक्किट्ठसरीरा जाया यावि होत्था । तीसे णं सुवाहूए दारियाए अन्नया चाउम्मासियमज्जणए जाए यावि होत्था । तए णं से रुप्पी कुणालाहिवई सुवाहुए दारियाए चाउम्मासियमज्जणयं उवट्ठियं जाणइ २ ता कोडुंबियपुरिसे सद्दावेइ २ ता एवं वयासी-एवं खलु देवाणुप्पिया । सुवाहु(ए)दारियाए कल्लं चाउम्मासियमज्जणए भविस्सइ । तं(कल्लं)तुब्भे णं रायमग्गमोगाढंसि(चउक्कंसि)मंडवंसि जलथलयदसं द्ववणमल्लं साह(रे)रह जाव सिरिदामगं(डे)डं ओलईति । तए णं से रुप्पी कुणालाहिवई सुवण्णगारसेणिं सद्दावेइ २ ता एवं वयासी-खिप्पामेव भो देवाणुप्पिया । रायमग्गमोगाढंसि पुप्फमंडवंसि नाणाविहपंचवण्णेहिं तंदुलेहिं नयरं आलिहह तस्स बहुमज्झदेसभाए पट्ठयं एहं जाव पच्चप्पिणंति । तए णं से रुप्पी कुणालाहिवई हत्थिखंधवरगए चाउरंगिणीए सेणाए महया भडच्चडगर जाव अंतोउरपरियालसंपरिवुडे सुवाहुं दारियं पुरओ कट्ठु जेणेव रायमग्गे जेणेव पुप्फमंडवे तेणेव उवागच्छइ २ ता हत्थिखंधाओ पच्चोरुहइ २ ता पुप्फमंड(वं)वे अणुप्पविसइ २ ता सीहासणवरगए पुरत्थाभिमुहे सजिसण्णे । तए णं ताओ अंतोउरियाओ सुवाहुं दारियं पट्ठयंसि दुरुहेति २ ता से(य)यापीयएहिं कलसेहिं ण्हाणेति २ ता सव्वालंकारविभूसियं करेति २ ता पिउणो पा(यं)यवंदि(उं)यं उवणेति । तए णं सुवाहु दारिया जेणेव रुप्पी राया तेणेव उवागच्छइ २ ता पायग्गहणं करेइ । तए णं से रुप्पी राया सुवाहुं दारियं अंके निवेसेइ २ ता सुवाहु(ए)दारियाए रुवेण य जोव्वणेण य वण्णेण य (जाव विम्हिए) जायविम्हए वरिसधरं सद्दावेइ २ ता एवं वयासी-तुमं

णं देवाणुप्पिया । मम दोचेणं वहूणि गामागरनगरणिहाणि अणुप्पविससि, तं
 अत्थियाइं ते कस्सइ रत्तो वा ईसरस्स वा कहिंचि एयारिसए मज्जणए दिट्ठपुव्वे
 जारिसए णं इमीसे सुवाहुदारियाए मज्जणए ? । तए णं से वरिसधरे रुप्पि करयल
 जाव वद्धावेत्ता एवं वयासी-एवं खलु सामी ! अहं अज्जया तु(व्वेणं)व्वं दोचेणं
 मिहिलं गए, तत्थ णं मए कुंभगस्स रत्तो धूयाए पभावईए देवीए अत्तयाए मल्लीए
 २ मज्जणए दिट्ठे, तस्स णं मज्जणगस्स इ(मे)मीए सुवाहु(ए)दारियाए मज्जणए
 सयसहस्सइमं पि कलं न अ(ग्घे)ग्घइ । तए णं से रूपी राया वरिसधरस्स अंति-
 (ए)यं एयमट्ठं सोच्चा निसम्म(सेसं तहेव) मज्जणगजणियहासे दूयं सद्दावेइ जाव
 जेणेव मिहिला नयरी तेणेव पहारेत्थ गमणाए (३) ॥ ७८ ॥ तेणं कालेणं तेणं
 समएणं कासी नामं जणवए होत्था । तत्थ णं वाणारसी नामं नयरी होत्था । तत्थ
 णं संखे नामं कासीराया होत्था । तए णं तीसे मल्लीए २ अज्जया कयाइ तस्स
 दिव्वस्स कुंडलजुयलस्स संधी विसंघडिए यावि होत्था । तए णं से कुंभए राया
 सुवण्णगारसेणिं सद्दावेइ २ ता एवं वयासी-तुव्वे णं देवाणुप्पिया ! इमस्स दिव्वस्स
 कुंडलजुयलस्स संधिं संघाडेह । तए णं सा सुवण्णगारसेणी एयमट्ठं तहत्ति पडिमुणेइ
 २ ता तं दिव्वं कुंडलजुयलं गेण्हइ २ ता जेणेव सुवण्णगारभिसियाओ तेणेव उवा-
 गच्छइ २ ता सुवण्णगारभिसियासु निवेसेइ २ ता वहूहिं आएहि य जाव परिणामे-
 माणा इच्छ(न्ति)इ तस्स दिव्वस्स कुंडलजुयलस्स संधिं घडित्तए नो चेव णं संचा-
 एइ (सं)घडित्तए । तए णं सा सुवण्णगारसेणी जेणेव कुंभए तेणेव उवागच्छइ २ ता
 करयल जाव वद्धावेत्ता एवं वयासी-एवं खलु सामी ! अज्ज तु(व्वे)म्वहे अम्वहे सद्दावेह
 जाव संधिं संघाडेत्ता ए(य)वमा(णं)णत्तियं पच्चप्पिणह । तए णं अम्वहे तं दिव्वं कुंड-
 लजुयलं गेण्हामो जेणेव सुवण्णगारभिसियाओ जाव नो संचाएमो संघाडित्तए । तए
 णं अम्वहे सामी ! एयस्स दिव्वस्स कुंडलस्स अज्जं सरिसयं कुंडलजुयलं घडेमो । तए
 णं से कुंभए राया तीसे सुवण्णगारसेणीए अंतिए एयमट्ठं सोच्चा निसम्म आसुस्से ४
 तिवलियं भिउडिं निडाळे साहट्ठु एवं वयासी-(से के)केस णं तुव्वे कलायाणं भवह (?)
 जे णं तुव्वे इमस्स [दिव्वस्स] कुंडलजुयलस्स नो संचाएह संधिं संघाडित्तए ? ते
 सुवण्णगारे निव्विसए आणवेइ । तए णं ते सुवण्णगारा कुं(भे)भगेणं रत्ता निव्विसया
 आणत्ता समाणा जेणेव साइं २ गिहाइं तेणेव उवागच्छंति २ ता सभंडमत्तोवगर-
 णमाया(ओ)ए मिहिलाए रायहाणीए मज्झंमज्झेणं निक्खमंति २ ता विदेहस्स
 जणवयस्स मज्झंमज्झेणं जेणेव कासी जणवए जेणेव वाणारसी नयरी तेणेव उवा-
 गच्छंति २ ता अग्गुजाणंसि सगडीसागडं मोएंति २ ता महत्थं जाव पाहुडं गेण्हंति

२ ता वाणारसीए नयरीए मज्झमज्जेणं जेणेव संखे कासीराया तेणेव उवागच्छंति
 २ ता करयल जाव वद्धावेंति २ ता (पाहुं पुरओ ठावेंति २ ता संखरायं) एवं
 वयासी-अम्हे णं सामी ! मिहिलाओ (नयरीओ) कुंभएणं रत्ता निव्विसया आणत्ता
 रामाणा ३(हं)ह हव्वमागया, तं इच्छामो णं सामी ! तुब्भं बाहुच्छायापरिग्गहिया
 निव्वभया निहव्विग्गया सुहंमुहेणं परिवसिउं । तए णं संखे कासीराया ते सुवण्णगारे
 एवं वयासी-किं णं तुब्भे देवाणुप्पिया । कुंभएणं रत्ता निव्विसया आणत्ता ? । तए
 णं ते सुवण्णगारा संखं एवं वयासी-एवं खलु सामी ! कुंभगस्स रत्तो धूयाए पभा
 वईए देवीए अत्तयाए मल्लीए कुंडलजुयलस्स संधी विसंघडिए । तए णं से कुंभए
 सुवण्णगारसेणिं सद्दावेइ जाव निव्विसया आणत्ता । तं एएणं कारणेणं सामी ! अम्हे
 कुंभएणं निव्विसया आणत्ता । तए णं से संखे सुवण्णगारे एवं वयासी-केरिसिया
 णं देवाणुप्पिया । कुंभ(ग)स्स [रत्तो] धूया पभावईदेवीए अत्तया मल्ली विदेहराय-
 वरकत्ता ? । तए णं ते सुवण्णगारा सं(ख)खं रायं एवं वयासी-नो खलु सामी ! अत्ता
 का(ई)वि तारिसिया देवकत्ता वा गंधव्वकत्ता वा जाव जारिसिया णं मल्ली २ । तए णं
 से संखे कुंडल(जुअल)जणियहासे दूरं सद्दावेइ जाव तहेव पहारेत्थ गमणाए (४)
 ॥ ७९ ॥ तेणं कालेणं तेणं समएणं कुरुजणवए होत्था । हत्थिणाउरे नयरे । अदी-
 णसत्तू नामं राया होत्था जाव विहरइ । तत्थ णं मिहिलाए [तस्स णं] कुंभगस्स पुत्ते
 पभावईए अत्तए मल्लीए अणु[मग्ग]जायए मल्लदि(ण्णए)जे नामं कुमारे जाव जुवराया
 यावि होत्था । तए णं मल्लदिजे कुमारे अन्नया कोडुंवियपुरिसे सद्दावेइ २ ता एवं
 वयासी-गच्छह णं तुब्भे मम पमदवणंसि एगं महं चित्तसभं करेह अणेग जाव
 पच्चप्पिणंति । तए णं से मल्लदिजे चित्तगरसेणिं सद्दावेइ २ ता एवं वयासी-तुब्भे णं
 देवाणुप्पिया ! चित्तसभं हावभावविलासविव्वोयकलिएहिं रुवेहिं चित्तेह जाव पच्च-
 प्पिणह । तए णं सा चित्तगरसेणी तहत्ति पड्डिसुणेइ २ ता जेणेव सयाइं गिहाइं
 तेणेव उवागच्छइ २ ता तूलियाओ वण्णए य गेण्हइ २ ता जेणेव चित्तसभा तेणेव
 (उवागच्छइ २ ता) अणुप्पविसइ २ ता भूमिभागे विरयइ २ ता भूमिं सज्जेइ २
 ता चित्तसभं हावभाव जाव चित्तेउं पयत्ता यावि होत्था । तए णं एगस्स चित्तग-
 रस्स इमेयारूवा चित्तगरलद्धी लद्धा पत्ता अभिसमन्नागया-जस्स णं दुपयस्स वा
 चउ(प)पयस्स वा अपयस्स वा एगदेसमवि पासइ तस्स णं देसाणुसारेणं तयाणु-
 रुवं [रुवं] नि(व्व)वत्तेइ । तए णं से चित्तगर(दार)ए मल्लीए जवणियंतारियाए जालं-
 तरेण पायंगुट्ठं पासइ । तए णं तस्स(णं) चित्तगरस्स इमेयारूवे अज्झत्थिए जाव
 समुप्पज्जित्था-सेयं खलु ममं मल्लीए २ पायंगुट्ठाणुसारेणं सरिसगं जाव गुणोववेयं

रुवं निव्वत्तिह । एवं संपेहेइ २ ता भूमिभागं सज्जेइ (२ ता) मल्लीए २ पायंगुट्टा-
णुसारेणं जाव निव्वत्तेइ । तए णं सा चित्तगरसेणी चित्तसभं जाव हावभा(वे)वं
चित्तेइ २ ता जेणेव मल्लदिन्ने कुमारे तेणेव उवागच्छइ जाव ए(य)वमाणत्तियं पच-
प्पिणइ । तए णं मल्लदिन्ने चित्तगरसेणिं सक्कारेइ २(०) विपुलं जीवियारिहं पीइदानं
द(ले)लयइ २ ता पडिविसज्जेइ । तए णं मल्लदिन्न (कुमारे) अन्नया ण्हाए अंतेउ-
रपरियालसंपरिवुडे अम्मधाईए सद्धिं जेणेव चित्तसभा तेणेव उवागच्छइ २ ता
चित्तसभं अणुप्पविसइ २ ता हावभावविलास(वि)विब्बोयकलियाइं रुवाइं पासमाणे
(२) जेणेव मल्लीए २ तयाणुरु(वे)वं निव्वत्तिह तेणेव पहारेत्थ गमणाए । तए णं
से मल्लदिन्ने (कुमारे) मल्लीए २ तयाणुरुवं निव्वत्तियं पासइ २ ता इमेयारुवे अज्झत्थिए
जाव समुप्पज्जित्था-एस णं मल्ली २ तिकडु लज्जिए वीडिए वि(अडे)ट्टे सणियं २
पच्चोसक्कइ । तए णं [तं] मल्लदिन्नं अम्मधाई [सणियं २] पच्चोसक्कंतं पासित्ता एवं
वयासी-किन्नं तुमं पुत्ता । लज्जिए वीडिए विट्ठं सणियं २ पच्चोसक्कसि ? । तए णं से
मल्लदिन्ने अम्मधाई एवं वयासी-जुत्तं णं अम्मो ! मम जेट्ठाए भगिणीए गुरुदेवय-
भूयाए लज्जणिज्जाए मम चित्तगरणिव्वत्तियं सभं अणुपविसित्तए ? । तए णं अम्म-
धाई मल्लदिन्नं कुमारं एवं वयासी-नो खलु पुत्ता ! एस मल्ली, एस णं मल्लीए २
चित्तगरएणं तयाणुरुवे निव्वत्तिह । तए णं [से] मल्लदिन्ने अम्मधाईए एयमट्ठं सोच्चा
निसम्म आसुत्ते [४] एवं वयासी-केस णं भो (!) [से] चित्त(य)गरए अपत्थियपत्थिए
जाव परिवज्जिए जे णं मम जेट्ठाए भगिणीए गुरुदेवयभूयाए जाव निव्वत्तिह-तिकडु
तं चित्तगरं वज्झं आणवेइ । तए णं सा चित्तगर(स्)पेणी इमीसे कहाए लद्धट्ठा समाणा
जेणेव मल्लदिन्ने कुमारे तेणेव उवागच्छइ २ ता करयलपरिग्गहिं जाव वद्धावेत्ता
एवं वयासी-एवं खलु सामी ! तस्स चित्तगरस्स इमेयारुवा चित्त(क)गरलद्धी लद्धा
पत्ता अभिसमन्नागया-जस्स णं दुपयस्स वा जाव निव्वत्तेइ, तं मा णं सामी ! तुब्भे तं
चित्तगरं वज्झं आणवेइ, तं तुब्भे णं सामी ! तस्स चित्तगरस्स अन्नं तयाणुरुवं दंडं
निव्वत्तह । तए णं से मल्लदिन्ने तस्स चित्तगरस्स संडासगं छिंदावेइ २ ता निव्वि-
सयं आणवेइ । तए णं से चित्तगरए मल्लदिन्नेणं निव्विसए आणत्ते (समाणे) सभंड-
मत्तोवगरणमायाए मिहिलाओ नयरीओ निक्खमइ २ ता विदेहं जगवयं मज्झंम-
ज्झेणं जेणेव कुरुजणवए जेणेव हत्थिगाउरे नयरे (जेणेव अदीणसत्तू राया) तेणेव
उवागच्छइ २ ता भंडनिक्खेवं करेइ २ ता चित्तफलं सज्जेइ २ ता मल्लीए २
पायंगुट्टाणुसारेण रुवं निव्वत्तेइ २ ता कक्खंतरंसि लुब्भइ २ ता महत्थं जाव पाहुडं
गेण्हइ २ ता हत्थिगाउरं नयरं मज्झंमज्झेणं जेणेव अदीणसत्तू राया तेणेव उवा-

गच्छइ २ ता तं करयल जाव वद्धावेइ २ ता पाहुंटे उवणेइ २ ता एवं वयासी-
 एवं खलु अहं सामी । मिहिलाओ रायहाणीओ कुंभगस्स रत्तो पुत्तेणं पभावईए
 देवीए अत्तएणं मल्लदिन्नेणं कुमारेणं निव्विसए आणत्ते समाणं इ(ह)हं हव्वमाणए,
 तं इच्छामि णं सामी । तुब्भं वाहुच्छायापरिगगहिए जाव परिवत्तिए । तए णं
 से अदीगसत्तू राया तं चित्तगरदारयं एवं वयासी-किन्नं तुमं देवाणुप्पिया ।
 मल्लदिन्नेणं निव्विसए आणत्ते ? । तए णं से चित्त(य)गरदारए अदीगस(त्तु)त्तुं रायं
 एवं वयासी-एवं खलु सामी । मल्लदिन्ने कुमारे अनया कया(ई)इ चित्तगरसेणिं सदावेइ
 २ ता एवं वयासी-तुब्भे णं देवाणुप्पिया । मम चित्तसभं तं चैव सव्वं भाणियंवं
 जाव मम संडासगं छिदावेइ २ ता निव्विसयं आणवेइ, तं एवं खलु [अहं] सामी ।
 मल्लदिन्नेणं कुमारेणं निव्विसए आणत्ते । तए णं अदीगसत्तू राया तं चित्तगरं एवं
 वयासी-से केरिसए णं देवाणुप्पिया । तुमे मल्लीए त(दा)हाणुरूवे (रूवे) निव्व-
 त्तिए ? । तए णं से चित्तगरे कक्खंतराओ चित्तफल(यं)गं नीणेइ २ ता अदीगसत्तुस्स
 उवणेइ २ ता एवं वयासी-एस णं सामी । मल्लीए २ तयाणुरूवस्स रूवस्स केइ
 आगारभावपडोयारे निव्वत्तिए, नो खलु सक्का केणइ देवेण वा जाव मल्लीए २
 तयाणुरूवे रूवे निव्वत्तिए । तए णं [से] अदीगसत्तू (राया) पडिरूवजणियहासे दूयं
 सदावेइ २ ता एवं वयासी तहेव जाव पहारेत्थ गम(णया)णाए (५) ॥८०॥ तेणं
 कालेणं तेणं समएणं पंचाले जणवए कपि(ल्ले)ल्लपुरे (नामं) नयरे (होत्था) । जिय-
 सत्तू नामं राया पंचालाहिबई । तस्स णं जियसत्तुस्स धारिणीपामोक्खं दे(वि)वीस-
 हस्सं ओरोहे होत्था । तत्थ णं मिहिलाए चोक्खा नामं परिव्वाइया रिउव्वेय जाव [सु]प-
 रिणिट्ठिया यावि होत्था । तए णं सा चोक्खा परिव्वाइया मिहिलाए बहूणं राईसर
 जाव सत्थवाहपभिईणं पुरओ दाणधम्मं च सोयधम्मं च तित्थाभिसेयं च आघवे-
 माणी पन्नवेमाणी पहूवेमाणी उवदंसेमाणी विहरइ । तए णं सा चोक्खा (परिव्वा-
 इया) अनया कयाइ तिदंडं च कुंडियं च जाव धाउरत्ताओ (य) ४ गेणहइ २ ता
 परिव्वाइगावसहाओ पडिनिक्खमइ २ ता पविरलपरिव्वाइयासद्धिं संपरिकुडा
 मिहिलं रायहाणिं मज्झंमज्जेणं जेणेव कुंभगस्स रत्तो भवणे जेणेव कन्नंतेउरे जेणेव
 मल्ली २ तेणेव उवागच्छइ २ ता उदयपरि(फा)फोसियाए दब्भोच्चरि पच्चत्थुयाए
 भिसियाए नि(सि)सीयइ २ ता मल्लीए २ पुरओ दाणधम्मं च जाव विहरइ । तए
 णं मल्ली २ चोक्खं परिव्वाइयं एवं वयासी-तुब्भे णं चोक्खे । किंमूलए धम्मे
 पन्नत्ते ? । तए णं सा चोक्खा परिव्वाइया मल्लि २ एवं वयासी-अमहं णं देवाण-
 १ । सोयमूलए धम्मे पन्न(वेमि)त्ते, जं णं अमहं किंचि असुई भवइ तं णं उद-

एण य मट्टियाए जाव आविगघेणं सगं गच्छामो । तए णं मल्ली २ चोक्खं परिव्वा-
इयं एवं वयासी-चोक्खा । से जहानामए के(ई)इ पुरिसे रुहिरकयं वत्थं रुहिरे(ण)णं
चेव धोवेज्जा अत्थि णं चोक्खा । तस्स रुहिरकयस्स वत्थस्स रुहिरेणं धोवमाणस्स
का(ई)इ सोही ? नो इण्ठे समठ्ठे । एवामेव चोक्खा । तुब्भे णं पाणाइवाएणं जाव
मिच्छादंसणसत्तेणं नत्थि काइ सोही जहा (व) वा तस्स रुहिरकयस्स वत्थस्स रुहि-
रेणं चेव धोवमाणस्स । तए णं सा चोक्खा परिव्वाइया मल्लीए २ एवं वुत्ता समा-
(णा)णी संकिया कंखिया विइगिच्छिया भेयसमावज्जा जाया(या)वि होत्था मल्लीए
नो संचाएइ किंचिवि पामोक्खमाइक्खित्तए तुत्तिणीया संचिट्ठइ । तए णं तं चोक्खं
मल्लीए २] व(हु)हुओ दासचेडीओ हीलेंति निंदंति खिसंति ग(र)रिहंति अप्पेगइया
[ओ] हेरुया(ल)लेंति अप्पेगइया मुहमक्कडियाओ करेंति अप्पेगइया वग्घाडीओ करेंति
अप्पेगइया त(ज)जेमाणीओ (क० अ०) तालेमा(णि)णीओ (क०अ०) निच्छु(भं)
हंति । तए णं सा चोक्खा मल्लीए २ दासचेडियाहिं हीलज्जमाणी जाव गरहिज्जमाणी
आसुत्ता जाव मिसिमिसेमाणी मल्लीए २ पओसमावज्जइ [२] भित्थियं गेण्हइ २ ता
क्खं तेउराओ पडिनिक्खमइ २ ता मिहिलाओ निगगच्छइ २ ता परिव्वाइयासंपरिवुडा
जेणेव पंचालजणवए जेणेव कंप्पिणपुरे तेणेव उवागच्छइ २ ता बहूणं राईसर जाव
पह्वेमाणी विहरइ । तए णं से जियसत्तु अन्नया कयाइ अंतेउरपरियालसद्धि संप-
रिवुडे एवं जाव विहरइ । तए णं सा चोक्खा परिव्वाइयासंपरिवुडा जेणेव जिय-
सत्तुस्स रत्तो भवणे जेणेव जियसत्तु तेणेव (उवागच्छइ २ ता) अणुपविसइ २ ता
जियसत्तुं जएणं विजएणं वद्धावेइ । तए णं से जियसत्तु चोक्खं परिव्वाइयं एज्जमाणं
पासइ २ ता सीहासणाओ अब्भुट्ठेइ २ ता चोक्खं (परिव्वाइयं) सक्कारेइ २ (०) आस-
णेणं उवनिमंतेइ । तए णं सा चोक्खा उदगपरिफोसियाए जाव भित्थियाए निविसइ
जियसत्तुं रायं रत्ते य जाव अंतेउरे य कुसलोदंतं पुच्छइ । तए णं सा चोक्खा
जियसत्तुस्स रत्तो दाणधम्मं च जाव विहरइ । तए णं से जियसत्तु अप्पणो ओरो-
हंसि (जाव विम्भिए) जायविम्भिए चोक्खं (परिव्वाइयं) एवं वयासी-तुमं णं देवा-
णुप्पिया ! बहूणि गामागर जाव (अडह) आहिंउसि बहूण य राईसरगिहाइं अणु-
प्पविस(सि)हि, तं अत्थियाइं ते कस्स(वि)इ रत्तो वा जाव एरिसए ओरोहे दिट्ठ-
पुव्वे जारिसए णं इमे म(ह)म ओ(उव)रोहे ? । तए णं सा चोक्खा परिव्वाइया
जियसत्तुं (रायं) एवं (वयासी-)ईसि अवहसियं करेइ २ ता एवं वयासी-(एवं च)
सरिसए णं तुमं देवाणुप्पिया । तस्स अगडदहुस्स । केस णं देवाणुप्पिए । से अग-
डदहुरे ? जियसत्तु । से जहानामए अगडदहुरे सिया, से णं तत्थ जाए तत्थेव वु(ट्ठे)-

द्विए अन्नं अगळं वा तलागं वा दहं वा सरं वा सागरं वा अपासमाणे (नेवं) मज्झ-
 अयं चेव अगळे वा जाव सागरे वा । तए णं तं कूवं अन्ने सामुदए दहुरे हव्वमागए । तए
 णं से कूवदहुरे तं स(सा)मुददहुरं एवं वयासी-से केस णं तुमं देवाणुप्पिया । कत्तो
 वा इह हव्वमागए ? तए णं से सामुदए दहुरे तं कूवदहुरं एवं वयासी-एवं खलु
 देवाणुप्पिया । अहं सामुदए दहुरे । तए णं से कूवदहुरे तं सामुदयं दहुरं एवं
 वयासी-कैमहालए ण देवाणुप्पिया । से समुदे ? । तए णं से सामुदए दहुरे तं कूव-
 दहुरं एवं वयासी-महालए णं देवाणुप्पिया । समुदे । तए णं से कूवदहुरे पाएणं लीहं
 कट्ठेइ २ ता एवं वयासी-एमहालए णं देवाणुप्पिया । से समुदे ? नो इणट्ठे समट्ठे,
 महालए णं से समुदे । तए णं से कूवदहुरे पुर(च्छि)त्थिमिल्लओ तीराओ उप्फिडि-
 त्तानं [पच्चत्थिमिल्लं तीरं] गच्छइ २ ता एवं वयासी-एमहालए णं देवाणुप्पिया । से
 समुदे ? नो इणट्ठे (समट्ठे) तहेव । एवामेव तुमं पि जियसत्तू अनेसिं वहुणं राईसर जाव
 सत्थवाह(प)प्पभिईणं भज्जं वा भगिणिं वा धूयं वा सुण्हं वा अपासमाणे जा(णे)णसि
 जारिसए मम चेव णं ओरोहे तारिसए नो अन्नस्स । तं एवं खलु जियसत्त । मिहि-
 लाए नयरीए कुंभगस्स धूया पभावईए अत्तिया मल्लीनामं(ति) २ रुवेण य(जुव्वणेण)
 जाव नो खलु अन्ना काइ देवकन्ना वा जारिसिया मल्ली । विदेहवररायकन्नाए छिन्नस्स
 वि पायंगुट्ठगस्स इमे तव ओरोहे सयसहस्सइमं पि कलं न अगघइ-त्तिकट्ठु जामेव
 दिसं पाउब्भूया तामेव दिसं पडिगंया । तए णं से जियसत्तू परिव्वाइयाजणियहासे
 दूयं सद्वावेइ जाव पहारेत्थ गमणाए (६) ॥ ८१ ॥ तए णं तेसिं जियस(त्तु)तूपासो-
 क्खाणं छहं राईणं दूया जेणेव मिहिला तेणेव पहारेत्थ गमणाए । तए णं छप्पि
 (य)दू(त्तका)यगा जेणेव मिहिला तेणेव उवागच्छंति २ ता मिहिलाए अणुज्जाणंसि
 पत्तयं २ खंधावारनिवेसं करंति २ ता मिहिलं रायहाणिं अणुप्पविसंति २ ता
 जेणेव कुंभए तेणेव उवागच्छंति २ ता पत्तयं (२) करयल जाव साणं २ राईणं वय-
 णाई निवेदंति । तए णं से कुंभए (राया) तेसिं दूयाणं (अंति) एयमट्ठं सोब्बा आसुरत्ते
 जाव तिवलियं भिउडिं (णिडाळे साहट्ठु) एवं वयासी-न देमि णं अहं तुब्भं मल्लिं २
 तिकट्ठु ते छप्पि दूए असक्कारिय असम्माणिय अवदारेणं निच्छुभावेइ । तए णं
 जियसत्तुपासोक्खाणं छहं राईणं दूया कुंभएणं रत्ता असक्कारिया असम्माणिया
 अवदारेणं निच्छुभाविया समाणा जेणेव सगा २ ज(जा)णवया जेणेव सयाई २
 नगराई जेणेव स(गा)या २ रायाणो तेणेव उवागच्छंति २ ता करयल जाव एवं
 वयासी-एवं खलु सामी ! अम्हे जियस(त्तु)तुपासोक्खाणं छहं रा(ई)याणं दूया
 जमगसमगं चेव जेणेव मिहिला जाव अवदारेणं निच्छुभावेइ । तं न देइ णं

सामी ! कुंभए मल्लि २ । साणं २ राईणं एयमट्ठं निवेदिंति । तए णं ते जियसत्तु-
 पामोक्खा छप्पि रायाणो तेसिं दूयाणं अंतिए एयमट्ठं सोचा(निसम्म)भासुरुत्ता
 अन्नमन्नस्स दूयसंपेसणं करेति (०) एवं वयासी-एवं खलु देवाणुप्पिया । अम्हं छण्हं
 राईणं दूया जमगसमगं चेव जाव निच्छुडा । तं सेयं खलु देवाणुप्पिया । (अम्हं)
 कुंभगस्स जत्तं गेण्हितए-त्तिकट्ठु अन्नमन्नस्स एयमट्ठं पडिसुणेति २ ता ण्हाया
 सन्नद्धा हत्थिखंधवरगया सको(रं)रिंटमद्दामा जाव सेयवरचामराहिं(०)महया-
 हयगयरहपवरजोहकलियाए चाउरंगिणीए सेणाए सद्धिं संपरिवुडा सव्विद्धीए जाव
 रवेणं सएहिं[नो] २ नगरेहिंनो जाव निग्गच्छंति २ ता एगयओ मिलायंति(२ता)
 जेणेव मिहिला तेणेव पहारेत्य गमणाए । तए णं कुंभए राया इमीसे कहाए
 लद्धट्ठे समाणे बलवाउयं सद्दावेइ २ ता एवं वयासी-खिप्पामेव(भो देवाणुप्पिया ।)
 हय जाव सेनं सन्नाहेह जाव पच्चप्पिणंति । तए णं कुंभए(राया)ण्हाए सन्नद्धे हत्थि-
 खंधवरगए जाव सेयवरचाम(राहिं)रए महया (०) मिहिलं(रायहाणि)मज्झंमज्झेणं
 नि(ग्गच्छइ)जाइ २ ता विदे(हं)हजणवयं मज्झंमज्झेणं जेणेव देसअंत तेणेव
 (उवागच्छइ २ ता)खंधावारनिवेसं करेइ २ ता जियसत्तुपामोक्खा छप्पि य रायाणो
 पडिबालेमाणे जुज्झसज्जे पडिचिद्धइ । तए णं ते जियसत्तुपामोक्खा छप्पि(य)
 रायाणो जेणेव कुंभए तेणेव उवागच्छंति २ ता कुंभएणं रत्ता सद्धिं संपलग्गा
 यावि होत्था । तए णं (ने) जियसत्तुपामोक्खा छप्पि रायाणो कुंभयं रायं हयमहिय-
 पवरवीरचाइय(नि)विवडियच्चिब(द्ध)वय(छत्त) पडागं किच्छप्पागेवगयं दिसोदि(सिं)-
 सं पडिसे(हिं)हंति । तए णं से कुंभए (राया)जियसत्तुपामोक्खेहिं छहिं राईहिं हय-
 महिय जाव पडिसेहिए समाणे अत्थामे अवले अवीरिए जाव अधारणिजमितिकट्ठु
 सिग्घं तुरियं जाव वेइयं जेणेव मिहिला तेणेव उवागच्छइ २ ता मिहिलं अणुपवि-
 सइ २ ता मिहिलाए दुवाराइं पिहेइ २ ता रोहसज्जे चिद्धइ । तए णं ते जिय-
 सत्तुपामोक्खा छप्पि रायाणो जेणेव मिहिला तेणेव उवागच्छंति २ ता मिहिलं
 रायहाणिं निस्संचारं निस्संचारं सव्वओ समंता ओहंभिताणं चिद्धंति । तए णं से
 कुंभए(राया)मिहिलं रायहाणिं रुद्धं जाणिता अ(ब्भं)विंभतरियाए उवट्ठाणसालाए
 सीहासणवरगए तेसिं जियसत्तुपामोक्खाणं छण्हं राईणं छिद्दाणि य विवराणि य
 मम्माणि य अलभमाणे बहूहिं आएहिं य उवाएहिं य उप्पत्तियाहिं य ४ बुद्धीहिं
 परिणामेमाणे २ किंचि आयं वा उवायं वा अलभमाणे ओहयमणसंक्रुपे जाव
 झियायइ । इमं च णं मल्ली २ ण्हाया सव्वालंकारविभूसिया बहूहिं खुजाहिं परि-
 वुडा जेणेव कुंभए तेणेव उवागच्छइ २ ता कुंभगस्स पायगहणं करेइ । ता णं

कुंभए(राया)मल्लिं २ नो आढाइ नो परियाणाइ तुसिणीए संचिट्ठइ । तए णं मल्ली
 २ कुंभगं(रायं)एवं वयासी-तुब्भे णं ताओ ! अन्नया ममं एजमाणं जाव निवेसेह,
 किञ्चं तुब्भं अज्ज ओहय जाव झियायह ? । तए णं कुंभए मल्लिं २ एवं वयासी-
 एवं खलु पुत्ता ! तव कजे जियसत्तुपामोक्खेहिं छहिं राईहिं दूया संपेसिया । ते
 णं मए असक्कारिया जाव निच्छुडा । तए णं(ते)जियसत्तुपा(मु)मोक्खा तेसिं दूयाणं
 अंतिए एयमट्ठं सोचा परिकुविया समाणा मिहिलं रायहाणि निस्संचारं जाव
 चिट्ठंति । तए णं अहं पुत्ता(!)तेसिं जियसत्तुपामोक्खाणं छण्हं राईणं अंतराणि
 अलभमाणे जाव झियामि । तए णं सा मल्ली २ कुंभ(यं)गं रायं एवं वयासी-मा
 णं तुब्भे ताओ ! ओहयमणसंकप्पा जाव झियायह, तुब्भे णं ताओ ! तेसिं
 जियसत्तुपामोक्खाणं छण्हं राईणं पत्तेयं २ रह(तियं)स्सिए दूयसंपेसे करेह एगमेगं
 एवं वयह-तव देमि मल्लिं २ तिकट्ठु संझाकालसमयंसि पविरलमणुस्संसि निसंत-
 पडिनिस्तंतसि पत्तेयं २ मिहिलं रायहाणि अणुप्प(वे)विसेह २ ता गब्भघरएसु
 अणुप्पविसेह मिहिलाए रायहाणीए दुवाराइं पिहेह २ ता रोहसजे चिट्ठह । तए
 णं कुंभए(राया)एवं तं चेव जाव पवेसेइ रोहसजे चिट्ठइ । तए णं ते जियसत्तु-
 पामोक्खा छप्पि(य)रायाणो कल्लं(पाउब्भूया)जाव [जलंते] जालंतरेहिं कणगमयं
 मत्थयछिड्डं पउमुप्पलपिहाणं पडिमं पासंति एस णं मल्ली २ तिकट्ठु मल्लीए २ रुवे
 य जोव्वणे य लावण्णे य मुत्तिछया गिद्धा जाव अज्झोववन्ना अणिमिसाए दिट्ठीए
 पेहमाण्णा २ चिट्ठंति । तए णं सा मल्ली २ ण्हाया सव्वालंकारविभूसिया वड्ढहिं
 खुज्जाहिं जाव परिकिखत्ता जेणेव जालघरए जेणेव कण(य)गपडिमा तेणेव उवागच्छइ
 २ ता तीसे कण पडिमाए मत्थयाओ तं पउमं अवणेइ । तए णं गंधे निद्धा(व)वेइ
 से जहानामए अहिमडेइ वा जाव असुभतराए चेव । तए णं ते जियसत्तुपामोक्खा
 तेणं असुभेणं गंधेणं अभिभूया समाणा सएहिं २ उत्तरि(जए)जेहिं आसाइं पिहेंति
 २ ता परम्मुहा चिट्ठंति । तए णं सा मल्ली २ ते जियसत्तुपामोक्खे एवं वयासी-
 किं णं तु(ब्भं)ब्भे देवाणुप्पिया ! सएहिं २ उत्तरिजेहिं जाव परम्मुहा चिट्ठइ ? ।
 तए णं ते जियसत्तुपामोक्खा मल्लिं २ एवं वयंति-एवं खलु देवाणुप्पिए ! अम्हे
 इमेणं असुभेणं गंधेणं अभिभूया समाणा सएहिं २ जाव चिट्ठामो । तए णं मल्ली
 २ ते जियसत्तुपामोक्खे एवं वयासी-जइ ताव देवाणुप्पिया ! इमीसे कणग जाव
 पडिमाए कल्लाकल्लिं ताओ मणुत्ताओ असणाओ ४ एगमेगे पिंडे पक्खिप्पमाणे २
 इमेयारुवे असुभे पोग्ग(ल)ले परिणामे इमस्स पुण ओरालियसरीरस्स खेलासवस्स
 वंतासवस्स पित्तासवस्स सु(क्क)क्कासवस्स सोणियपूयासवस्स दु(रूव)व्यऊसासनीसा-

सस्स दुल्लयमुत्त(पु)पूइयपुरीसपुण्णस्स सडण जाव धम्मस्स केरिसए[य]परिणामे भवि-
 स्सइ ? तं मा णं तुब्भे देवाणुप्पिया ! माणुस्सएसु कामभोगेसु सज्जह रज्जह गिज्जह
 मुज्जह अज्जोववज्जह । एवं खलु देवाणुप्पिया ! (तुम्हे)अम्हे इ(माओ,मे तचे
 भवग्गहणे अवरविदेहवासे सलिलावईविजए वीयसोगाए रायहाणीए महव्वल-
 पामोक्खा सत्त(वि)पियवालवयंसया रायाणो होत्था सहजाया जाव पव्वइया । तए
 णं अहं देवाणुप्पिया ! इमेणं कारणेणं इत्थीनामगोयं कम्मं निव्वत्तेमि-जइ णं
 तु(व्भं)व्भे चउ(चो)त्थं उवसंपज्जिताणं विहरह त(ए)ओ णं अहं छट्ठं उवसंपज्जि-
 ताणं विहरामि सेसं तहेव सव्वं । तए णं तुब्भे देवाणुप्पिया ! कालमासे कालं किच्चा
 जयंते विमाणे उववन्ना । तत्थ णं तु(व्भे)व्भं देसूणाइं वत्तीसाइं सागरोवमाइं
 ठिई । तए णं तुब्भे ताओ देवलो(या)गाओ अणंतरे चयं चइत्ता इहेव जंघुद्दीवे
 २ (जाव) साइं २ रज्जाइं उवसंपज्जिताणं विहरह । तए णं अहं(देवाणुप्पिया !)ताओ
 देवलोगाओ आउक्खएणं जाव दारियत्ताए पच्चायाया । किं(थ)च तयं पम्हुट्ठं जं
 थ तया भो जयंतपवरंमि । नुत्था समयनिवद्धं देवा तं संभरह जाइं ॥ १ ॥ तए
 णं तेसिं जियसत्तुपामोक्खाणं छण्हं रा(या)ईणं मल्लीए २ अंतिए एयमट्ठं सोच्चा २
 सुभेणं परिणामेणं पसत्थेणं अज्जवसाणेणं लेसाहिं विसुज्झमाणीहिं तयावरणिज्जाणं
 कम्माणं खओवसमेणं ईहा(वू)पूह जाव सज्जिजाईसरणे समुप्पन्ने एयमट्ठं सम्मं
 अभिसमागच्छंति । तए णं मल्ली अरहा जियसत्तुपामोक्खे छप्पि रायाणो समु-
 प्पन्नजा(इ)ईसरणे जाणित्ता गव्वभराणं दाराइं विहा(डावे)डेइ । तए णं(ते)
 जियसत्तुपामोक्खा जेणेव मल्ली अरहा तेणेव उवागच्छंति । तए णं महव्वल-
 पामोक्खा सत्त पियवालवयंसा एग्यओ अभिसमन्नागया(या)वि होत्था । तए णं
 मल्ली अरहा ते जियसत्तुपामोक्खे छप्पि(य)रायाणो एवं वयासी-एवं खलु अहं
 देवाणुप्पिया ! संसारभ(य)उव्विग्गा जाव पव्वयामि, तं तुब्भे णं किं करेह किं
 ववसह(जाव)किं भे हियसामत्थे ? । तए णं जियसत्तुपामोक्खा(छ० रा०)मल्लिं
 अरहं एवं वयासी-जइ णं तुब्भे देवाणुप्पिया ! संसार जाव पव्वयह अम्हाणं
 देवाणुप्पिया ! के अन्ने आलंवणे वा आहारे वा पडिवंधे वा ? जह चेव णं देवाणु-
 प्पिया ! तुब्भे अ(म्हे)म्हं इओ तचे भवग्गहणे वहूखु कज्जेसु य मेढी पमाणं जाव
 धम्मधुरा होत्था त(हा)ह चेव णं देवाणुप्पिया ! इण्हिपि जाव भविस्सह । अम्हे
 वि(य)णं देवाणुप्पिया ! संसारभउव्विग्गा जाव भीया जम्मगमरणाणं देवाणुप्पिया-
 (णं)मद्धि मुंडा भवित्ता जाव पव्वयामो । तए णं मल्ली अरहा ते जियसत्तुपामोक्खे
 एवं वयासी-(जं)जइ णं तुब्भे संसार जाव मए सद्धिं पव्वयह तं गच्छह णं तुब्भे

देवाणुप्पिया ! सएहिं २ रज्जेहिं जे(ट्टे)ट्टुत्ते रज्जे ठावेह २ ता पुरिससहस्स-
वाहिणीओ सीयाओ दुल्लहह(दुल्लडा समाणा) २ ता मम अंतियं पाउब्भवह ।
तए णं ते जियसत्तुपामोक्खा मल्लिस्स अरहओ एयमट्ठं पडिमुणेंति । तए णं
मल्ली अरहा ते जियसत्तुपामो(क्खे)क्खा गहाय जेणेव कुंभए (राया) तेणेव
उवागच्छइ २ ता कुंभगस्स पाएसु पाडेइ । तए ण कुंभए (राया) ते जियसत्तु-
पामोक्खा विउलेणं असणेणं ४ पुप्फवत्थगंधमल्लालंकारेणं सक्कारेइ जाव पडिवि-
सज्जेइ । तए णं ते जियसत्तुपामोक्खा कुंभएणं रज्जा विसज्जिया समाणा जेणेव
साइं २ रज्जाइं जेणेव नगराइ तेणेव उवागच्छंति २ ता सगाइं [२] रज्जाइं
उवसंपज्जिता[णं] विहरंति । तए णं मल्ली अरहा संवच्छरावसाणे निक्खमिस्सामिति
मणं पहारेइ ॥ ८२ ॥ तेणं कालेणं तेण समएणं सक्कस्स आसणं चल्इ । तए णं
सक्के देविंदे देवराया आसणं चलियं पासइ २ ता ओहिं पउंजइ ० ता मल्लिं अरहं
ओहिणा आभोएइ ० ता इमेयारूवे अज्झत्थिए जाव समुप्पज्जित्था-एवं खलु
जंबुद्दीवे २ भारहे वासे मिहिलाए कुंभगस्स रज्जो मल्ली अरहा निक्खमिस्सामिति
मणं पहारेइ । तं जीयमेयं तीयपच्चुप्पन्नमगागयाणं सक्काणं (३) अरहतागं भगवं-
ताणं निक्खममाणाणं इमेयारूवं अत्थसंपयाणं द(लि)लइत्तए तंजहा-तिणेव य
कोडिसया अट्ठासीइं च हुं(हों)ति कोडीओ । असिइं च सयसहस्सा इंदा दलयति
अरहाणं ॥ ९ ॥ एवं संपेहेइ २ ता वेसमणं देवं सहावेइ २ ता एवं वयासी-एवं
खलु देवाणुप्पिया ! जंबुद्दीवे २ भारहे वासे जाव असीइं च सयसहस्साइं दलइत्तए,
तं गच्छह णं देवाणुप्पिया ! जंबुद्दीवे (दीवे) भारहे वासे मिहिलाए कुंभगभवणंसि
इमेयारूवं अत्थसंपयाणं साहराहि २ ता खिप्पामेव मम एयमाणत्तियं पच्चप्पिणाहि । तए
णं से वेसमणे देवे सक्केणं देविदेणं(०) एवं वुत्ते (समाणे) ह(०)ट्टे करयल जाव पडि-
सुणेइ २ ता जंभए देवे सहावेइ २ ता एवं वयासी-गच्छह णं तुब्भे देवाणुप्पिया । जंबु-
द्दीवं २ भारहं वासं मिहिलं रायहाणिं कुंभगस्स रज्जो भवणंसि तिजेव य कोडिसया
अट्ठासीयं च कोडीओ अ(सि)सीयं च सयसहस्साइं अयमेयारूवं अत्थसंपयाणं साहरह
२ ता मम एयमाणत्तियं पच्चप्पिणह । तए णं ते जंभगा देवा वेसमणेणं जाव सुणेत्ता
उत्तरपुरच्छिमं दिसीभागं अवक्कमति जाव उत्तरवेउव्वियाइं रूवाइं वि(इ)उव्वंति २ ता
ताए उक्किट्ठाए जाव वीइवयमाणा जेणेव जंबुद्दीवे २ भारहे वासे जेणेव मिहिला
रायहाणी जेणेव कुंभगस्स रज्जो भवणे तेणेव उवागच्छंति २ ता कुंभगस्स रज्जो
तिज्जि कोडिसया जाव साहरंति २ ता जेणेव वेसमणे देवे तेणेव उवागच्छंति
करयल जाव पच्चप्पिणंति । तए णं से वेसमणे देवे जेणेव सक्के ३ तेणेव

उवागच्छइ २ ता करयल जाव पचप्पिणइ । तए णं मल्ली अरहा कय्झकहिं जाव
मागहओ पायरासो त्ति बहूणं सणाहाण य अणाहाण य पहियाण य पंधियाण य
करोडियाण य कप्पडियाण य एगमेगं हिरणकोळिं अट्ट य अणूणाइं सयसहस्साइं
इमेयाहवं अत्थसंपयाणं दलयइ । तए णं (से)कुंभए (राया) मिहेलाए रायहाणीए
तत्थ २ तंहिं २ देसे २ बहूओ महाणससालाओ करेइ । तत्थ णं बहवे मणुया दिजभइ-
भत्तवेयणा विउलं असणं ४ उवक्खडेंति (०) जे जहा आगच्छंति तजहा-पंधिया वा
पहिया वा करोडिया वा कप्पडिया वा पासंडत्था वा गिहत्था वा तस्स य तहा
आसत्थस्स वीसत्थस्स सुहासणवरगयस्स तं विउलं असणं ४ परिभाएमाणा परिवे-
सेमाणा विहरंति । तए णं मिहेलाए सिंघाडग जाव बहुजणो अजमन्नस्स एवमाइ-
क्खइ-एवं खलु देवाणुप्पिया । कुंभगस्स रज्जो भवणंति सव्वकामगुणियं किमिच्छियं
विपुलं असणं ४ बहूणं समणाण य जाव परिवेसिज्जइ । वरवरिया घोसिज्जइ किमि-
च्छियं दिज्जए बहुविहीयं । सुरअसुरदेवदाणवन्नरिदमहियाण निक्खमणे ॥ १ ॥ तए
णं मल्ली अरहा संवच्छरेणं तिन्नि कोडिसया अट्ठासी(तिं)यं च होंति कोडीओ
अ(सिंति)सीयं च सयसहस्साइं इमेयाहवं अत्थसंपयाणं दलइत्ता निक्खमामिति मणं
पहारेइ ॥ ८३ ॥ तेणं कालेणं तेणं समएणं लोगंतिया देवा वंभलोए कप्पे रिट्ठे
विमाणपत्थडे सएहिं २ विमाणेहिं सएहिं २ पासायवडिंसएहिं पत्तेयं २ चउहिं
सामाणियसाहस्सीहिं तिहिं परिसाहिं सत्तहिं अणिएहिं सत्तहिं अणियाहिवईहिं
सोलसहिं आयरक्खदेवसाहस्सीहिं अन्नहि य बहूहिं लोगंतिएहिं देवेहिं सद्धिं संपरि-
वुडा महयाहयनट्ठगीयवाइय जाव रवेणं भुंजमाणा विहरंति तंजहा—सारस्सयमाइच्चा
वण्ही वरुणा य गहूतोया य । तुसिया अवावाहा अग्गिच्चा चेव रिट्ठा य ॥ १ ॥ तए
णं तेसिं लो(यं)गंतियाणं देवाणं पत्तेयं २ आसणाइं चलंति तहेव जाव अरहंताणं
निक्खममाणं संवोहणं क(रे)रित्तए—त्ति तं गच्छामो णं अम्हे । मल्लिस्स अरहओ
संवोहणं करे(मि)मो—त्तिकट्ठ एवं संपेहेंति २ ता उत्तरपुरच्छिमं दिसीभा(यं०)गं
वेउच्चियसमुग्घाएणं समोहणंति(०) सं(खि)खेज्जाइं जोयणाइं एवं जहा जंभगा जाव
जेणेव मिहेला रायहाणी जेणेव कुंभगस्स रज्जो भवणे जेणेव मल्ली अरहा तेणेव
उवागच्छंति २ ता अंतलिक्खपडिवन्ना सखिंखिणियाइं जाव वत्थाइं पवरपरिहिया
करयल जाव ताहिं इट्ठाहिं (जाव) एवं वयासी-वुज्झाहि भंगवं(1) लोग । हा । पवत्तेहि
धम्मतित्थं जीवाणं हियसुहनिस्सेयसकरं भविस्सइ—त्तिकट्ठ दोच्चपि तच्चंपि एवं वयंति
(०) मल्लि अरहं वंदंति नमंसंति वं० २ ता जामेव दिसिं पाउब्भू(आ)या तामेव दिसिं
पडिगया । तए णं मल्ली अरहा तेहिं लोगंतिएहिं देवेहिं संवोहिए समाणे जेणेव

अम्मापियरो तेणेव उवागच्छइ २ ता करयल जाव एवं वयासी-इच्छामि णं अम्मा-
याओ । तुब्भेहिं अब्भणुजाए मुंदे भविता जाव पव्वइत्तए । अहासुहं देवाणुप्पिया ।
मा पडिवंधं करे(हि)ह । तए णं कुंभए राया कोडुंवियपुरिसे सद्दावेइ २ ता एवं
वयासी-खिप्पामेव अट्टसहस्सं सोवणियाणं [कलसाणं] जाव भोमेजाणं (ति) अन्नं
च महत्थं जाव तित्थयराभिसेयं उवट्टवेह जाव उवट्टवेंति । तेणं कालेणं तेणं
समएणं चमरे असुरिंदे जाव अच्छुयपज्जवसाणा आगया । तए णं सक्के (३)
आभिओगिए देवे सद्दावेइ २ ता एवं वयासी-खिप्पामेव अट्टसहस्सं सोवणियाणं
(कलसाणं) जाव अन्नं च तं विपुलं उवट्टवेह जाव उवट्टवेंति । तेवि कलसा ते
चेव कलसे अणुपविट्ठा । तए णं से सक्के देविंदे देवराया कुंभए य राया मल्लिं
अरहं सीहासणंसि पुरत्थाभिमुहं निवेसेइ अट्टसहस्सेणं सोवणियाणं जाव अभि-
सिंचंति । तए णं मल्लिस्स भगवओ अभिसेए वट्टमाने अप्पेगइया देवा मिहिलं च
सब्बिमत(रं)रवा(हिं)हिरं जाव सव्वओ समंता [सं]परिधावंति । तए णं कुंभए राया
दोच्चंपि उत्तरावक्कमणं जाव सव्वालंकारविभूसियं करेइ २ ता कोडुंवियपुरिसे सद्दावेइ
२ ता एवं वयासी-खिप्पामेव मणोरमं सीयं उवट्टवेह ते उवट्टवेंति । तए णं सक्के
(३) आभिओगिए देवे सद्दावेइ २ ता एवं वयासी-खिप्पामेव अणेगस्संभ जाव
(मणोरमं) सीयं उवट्टवेह जाव सावि सीया तं चेव सीयं अणुप्पविट्ठा । तए णं मल्लीं
अरहा सीहासणाओ अब्भुट्ठेइ २ ता जेणेव मणोरमा सीया तेणेव उवागच्छइ २ ता
मणोरमं सीयं अणुपयाहिणीकरेमाणा मणोरमं सीयं दुरूहइ २ ता सीहासणवरगए
पुरत्थाभिमुहे सच्चिसण्णे । तए णं कुंभए (राया) अट्टारस सेणिप्पसेणीओ सद्दावेइ
२ ता एवं वयासी-तुब्भे णं देवाणुप्पिया । ण्हाया सव्वालंकारविभूसिया मल्लिस्स सीयं
परिवहह जाव परिवहंति । तए णं सक्के ३ मणोरमाए [सीयाए] दक्खिणिळं उवरिल्लं
वाहं गेण्हइ । ईसाणे उत्तरिल्लं उवरिल्लं वाहं गेण्हइ । चमरे दाहिणिळं हेट्ठिल्लं बली
उत्तरिल्लं हेट्ठिल्लं अवसेसा देवा जहारिहं मणोरमं सीयं परिवहंति-पुव्वि उक्खिता
माणु(र)सेहिं (तो)सा हट्ठरोमकूवेहिं । पच्छा वहंति सीयं असुरिंदसुरिंदना(गें)गिंदा
॥१॥ चलचवलकुंडलधरा सच्छंदविउव्वियाभरणधारी । देविंददाणविंदा वहंति सीयं
जिगिंदस्स ॥२॥ तए णं मल्लिस्स अरहओ मणोरमं सीयं दुरूडस्स इमे अट्टट्ठमंगलगा
पुरओ अहाणु(व्वीए)व्वेणं एवं निग्गमो जहा जमालिस्स । तए णं मल्लिस्स अरहओ
निक्खममाणस्स अप्पेगइया देवा मिहिलं आसिय जाव अब्भितरवासविहिगाहा जाव
परिधावंति । तए णं मल्लीं अरहा जेणेव सहस्संभवणे उज्जाणे जेणेव असोगवरपायवे
तेणेव उवागच्छइ २ ता सीयाओ पच्चोर(भ)हइ० आभरणालंकारं पभावई पडिच्छइ ।

तए णं मल्ली अरहा सयमेव पंचमुट्ठियं लोयं करेइ । तए णं सक्के ३ मल्लिस्स केसे पडिच्छइ
 (२त्ता) खीरोदगसमुद्दे साहर(पक्खि)इ । तए णं मल्ली अरहा नमो(S)त्थु णं सिद्धाणं-
 तिकट्ठु सामाइय(च)चारित्तं पडिवज्जइ । जं समयं च णं मल्ली अरहा चारित्तं पडिवज्जइ
 तं समयं च णं देवाणं [य]माणुसाण य निग्घोसे तु(रि)डिय(नि)णा(य)ए गीयवाइय-
 निग्घोसे य सक्क(स्स)वयणसंदेसेणं निलुक्के यावि होत्था । जं समयं च णं मल्ली अरहा
 सामाइ(यं)यचारित्तं पडिवज्जे तं समयं च णं मल्लिस्स अरहओ माणुसधम्माओ उत्तरिए
 मणपज्जवनाणे समुप्पन्ने । मल्ली णं अरहा जे से हेमंताणं दोचे मासे चउत्थे पक्खे
 पोससुद्धे तस्स णं पोससुद्धस्स एकारसीपक्खेणं पुव्वण्हकालसमयंसि अट्ठमेणं भत्तेणं
 अपाणएणं अस्सिणीहिं नक्खत्तेणं जोगमुवागएणं तिहिं इत्थीसएहिं अब्भितरियाए
 परिसाए तिहिं पुरिससएहिं वाहिरियाए परिसाए सद्धिं मुंडे भविता पव्वइए । मल्लिं
 अरहं इमे अट्ठ ना(रा)यकुमारा अणुपव्वइंसु तंजहा-नंदे य नंदिमित्ते सुमित्तवलमित्त-
 भाणुमित्ते य । अमरवइ अमरसेणे महसेणे चेव अट्ठमए ॥ १ ॥ तए णं (से) ते भव-
 णवई ४ मल्लिस्स अरहओ निक्खमणमहिमं करेति २ ता जेणेव नंदीस(रव)रे(०)
 अट्ठाहियं करेति जाव पडिगया । तए णं मल्ली अरहा जं चेव दिवसं पव्वइए तस्सेव
 दिवसस्स पुव्वा(प०)वरण्हकालसमयंसि असोगवरपायवस्स अहे पुढविसिलापट्ठयंसि
 सुहासणवरगयस्स सुहेणं परिणामेणं(पसत्थेहिं अज्झवसाणेहिं) पसत्थाहिं लेसाहिं
 (विसुज्झमाणीहिं) तयावरणकम्मरयविकरणकरं अपुव्वकरणं अणुपविट्ठस्स अणंते
 जाव केवल[वर]नाणदंसणे समुप्पन्ने ॥ ८४ ॥ तेणं कालेणं तेणं समएणं सव्वदेवाणं आ-
 सणाइ च(लं)लेंति समोसढा रुणेंति अट्ठाहि(य)यं म(हिमा)हा० नंदीस(रे)रं [जाव]
 जामेव दिसिं पाउव्वभूया तामेव (दिसिं) पडिगया । कुंभए वि निग्गच्छइ । तए णं
 ते जियसत्तुपामोक्खा छप्पि य रायाणो जेट्ठपुत्ते रज्जे ठावेत्ता पुरिससहस्सवाहिणी-
 याओ दुरूढा सव्विट्ठीए जेणेव मल्ली अरहा जाव पज्जुवासंति । तए णं मल्ली अरहा
 तीसे महइमहालियाए कुंभगस्स (रण्णो) तेसिं च जियसत्तुपामोक्खाणं धम्मं
 [परि]कहेइ । परिसा जामेव दिसिं पाउव्वभूया तामेव दिसिं पडिगया । कुंभए
 समणोवासए जाए पडिगए पमावई(य समणोवासिया जाया पडिगया) पि । तए
 णं जियसत्तुपामोक्खा छप्पि रायाणो धम्मं सोच्चा आलित्तए णं भंते । जाव पव्वइया
 [जाव]चोइसपुव्विणो अणंते केव(ले)ली सिद्धा । तए णं मल्ली अरहा सहसंववणाओ
 [पडि]निक्खमइ २ ता वहिया जणवयविहारं विहरइ । मल्लिस्स णं (अरहओ) भिसग्ग-
 (किंसुय)पामोक्खा अट्ठावीसं गणा अट्ठावीसं गणहरा होत्था । मल्लिस्स णं अरहओ
 [अट्ठ]चत्तालीसं समणसाहस्सीओ उट्ठो० । वंधुम(ई)इपामोक्खाओ पणपन्नं अज्जिया-

साहस्सीओ उक्को ० । सुव्वयपामोक्खा(मल्लिस्स णं अरह)ओ सावयाणं एगा सयसा-
 हरसी चुलसीई (च) सहस्सा (०) मुगंदापामोक्खा(मल्लिस्स णं अरह)ओ सावियाणं
 तिण्णि सयसाहस्सीओ पण्णाट्टि च सहस्सा (०) छ(स्)चसया चोद्दसपुव्वीणं [सं१या ।]
 वी(स)सं सया ओहिनाणीणं वत्तीसं सया केवल्लनाणीणं पणतीसं सया वेउव्वियाणं
 अट्टसया मणपज्जयनाणीणं चोद्दससया वाईणं वीसं सया अणुत्तरोववाइयाणं ।
 मल्लिस्स [णं] अरहओ दुविहा अंतगडभूमी होत्था तंजहा-जु(यं)गंतकरभूमी परिया-
 यंतकरभूमी य जाव वीसइमाओ पुरिसजुगाओ जुगंतकरभूमी दुवा[ल]परियाए
 अंतमकासी । मल्ली णं अरहा पणवीसं धणू (०) उट्ठं उच्चत्तेणं वण्णेणं पियंगु(स)पामे
 समचउरंससंठाणे वज्जरिसहनारायसंधयणे मज्झदेसे सुहंसुहेणं विहरिता जेणेव
 सम्मेए पव्वए तेणेव उवागच्छइ २ ता संमेयसेलसिहरे पाओवगमणुववन्ने । मल्ली
 णं अरहा एगं वाससयं अगारवासमज्झे पणपन्नं वाससहस्साइं वाससयऊणाइं
 केवल्लपरियाणं पाउणिता पणपन्नं वाससहस्साइं सव्वाउयं पालइत्ता जे से गिम्हाणं
 पढमे मासे दोच्चे पक्खे चे(चि)नसुद्धे तस्स णं चेतसुद्धस्स चउत्थीए भरणीए नक्खत्तेणं
 अद्धरत्तकालसमयंसि पंचहिं अज्जियासएहिं अट्ठिभतरियाए परिसाए पंचहिं अणगार-
 सएहिं बाहिरियाए परिसाए मासिएणं भत्तेणं अपाणएणं वग्घारियपाणी खीणे वेयणिजे
 आउए ना(मे)मगोए सिद्धे । एवं परिनिव्वाणमहिमा भाणियव्वा जहा जंबुद्दीवपणतीए
 नंदीसरे अट्ठाहियाओ पडिगयाओ । एवं खलु जंबू । समणेणं ३ जाव संपत्तेणं
 अट्टमस्स नायज्झयणस्स अयमट्ठे पन्नत्ते-त्तिबेमि ॥ ८५ ॥ गाहाउ-उरगतव-
 संजमवओ पगिट्ठकलसाहगस्सवि जियस्स । धम्मविसएवि सुहुमावि होइ माया
 अणत्थाय ॥ १ ॥ जह मल्लिस्स महावल्लभवंमि तित्थयरनामवंधेऽवि । तवविसय-
 थेवमाया जाया जुवइत्तहेउत्ति ॥ २ ॥ अट्टमं नायज्झयणं समत्तं ॥

जइ णं भंते ! समणेणं भगवया महावीरेणं जाव संपत्तेणं अट्टमस्स नायज्झय-
 णस्स अयमट्ठे पन्नत्ते नवमस्स णं भंते ! नायज्झयणस्स समणेणं जाव संपत्तेणं के
 अट्ठे पन्नत्ते ? एवं खलु जंबू ! तेणं कालेणं तेणं समएणं चंपा नामं नयरी होत्था ।
 (तीसे णं चंपाए नयरीए कोणिए नामं राया होत्था तत्थ णं चंपाए नयरीए वहिया
 उत्तरपुरच्छिमे दिसीभाए) पुण्णभेइ(नामं) उज्जाणे(होत्था) । तत्थ णं माकंदी नामं
 सत्थवाहे परिवसइ अट्ठे जाव अपरिभूए । तस्स णं भद्दा नामं भारिया होत्था ।
 तीसे णं भद्दाए अत्तया दुवे सत्थवाहदारया होत्था तंजहा-जिणपालिए य जिगर-
 क्खिए य । तए णं तेसिं मागंदियदारगाणं अत्तया कयाइ एगयओ इमेयाह्वे
 मिहोक्खासमुल्लावे समुप्पज्जित्था-एवं खलु अम्हे लवणसमुदं पोयवहणेणं एक्कारस

वारा ओगाढा सव्वत्थ वि य णं लद्धट्ठा कयकज्जा अणहसमग्गा पुणरवि निय(य)-
 गधरं हव्वमागया । तं सेयं खलु अम्हं देवाणुप्पिया । दुवालसमं पि लवणसमुदं
 पोयवहणेणं ओगाहित्तए-त्तिकट्टु अन्नमन्नस्स एयमट्ठं पडिस्सुणेति २ ता जेणेव अम्मा-
 पियरो तेणेव उवागच्छंति २ ता एवं वयासी-एवं खलु अम्हे अम्मयाओ । एक्कारस
 वारा तं चेव जाव निय(यं)गधरं हव्वमागया, तं इच्छामो णं अम्मयाओ ।
 तुब्भेहिं अब्भणुन्नाया समाणा दुवालस(मं)लवणसमुदं पोयवहणेणं ओगाहित्तए ।
 तए णं ते मागंदियदारए अम्मापियरो एवं वयासी-इमे (ते) मे जाया । अज्जग
 जाव परिभाएत्तए, तं अणुहोह ताव जाया । विपुळे माणुस्सए इट्ठीसक्कार-
 समुदए, किं मे सपच्चवाएणं निरालंबणेणं लवणसमुदं तारेणं ? एवं खलु पुत्ता ।
 दुवालसमी जत्ता सोवसग्गा यावि भवइ, तं मा णं तुब्भे दुवे पुत्ता । दुवालसमं पि
 लवण जाव ओगाहेह, मा हु तुब्भं सरीरस्स वावती भविस्सइ । तए णं [ते]
 मा(गं)कंदियदारगा अम्मापियरो दोच्चं पि तच्चं पि एवं वयासी-एवं खलु अम्हे अम्म-
 याओ । एक्कारस वारा लवण जाव ओगाहित्तए । तए णं ते मा(गंदी)कंदियदारए
 अम्मापियरो जाहे नो संचाएंति वहुहिं आघवणाहि य पणवणाहि य (आघवित्तए
 वा पन्नवित्तए वा) ताहे अकामा चेव एयमट्ठं अणु(जाणि)मन्नित्था । तए णं ते
 माकंदियदारगा अम्मापिऊहिं अब्भणुन्नाया समाणा गणिमं च धरिमं च मेज्जं च
 पारिच्छेज्जं च जहा अरहन्नगस्स जाव लवणसमुदं वहुइं जो(अ)यणसयाइं ओगाढा
 ॥ ८६ ॥ तए णं तेसिं माकंदियदारगाणं अणेगाइं जोयणसयाइं ओगाढाणं समा-
 गाणं अणेगाइं उप्पाइयसयाइं पाउब्भूयाइं तंजहा-अकाले गज्जियं जाव थणियसद्दे
 कालियवाए तत्थ समुट्ठिए । तए णं सा नावा तेणं कालियवाएणं आहुणिज्जमाणी
 २ संचालिज्जमाणी २ संखोभिज्जमाणी २ सलिलतिक्खवेगेहिं अइव(आय)ट्ठिज्ज-
 माणी २ कोट्ठिमंसि करतलाहए विव तिं(तें)दूसए तत्थेव २ ओवयमाणी य उप्पयमाणी
 य उप्पयमाणी-विव धरणीयलाओ सिद्धविज्जा विज्जाहरकन्नगा ओवयमाणी विव
 गगणतलाओ भट्टविज्जा विज्जाहरकन्नगा विपलायमाणी विव महागरुलवेगवित्तासिया
 भुयगवरकन्नगा धावमाणी विव महाजणरसियसद्वित्तत्था ठाणभट्टा आसकिसोरी
 निगुंजमाणी विव गुरुजणदिट्ठावराहा सु(य)जणकुलकन्नगा घुम्ममाणी विव वी(ची)-
 च्चिपहारसयतालिया गलियलंबगा विव गगणतलाओ रोयमाणी विव सलिल[भिन्न]-
 गंठिपिप्परमाण(घो)थोरंसुवाएहिं नववहु उवरयभत्तुया विलवमाणी विव परचक्कराया-
 भिरोहिया परममहब्भयाभिद्दुया महापुरवरी ज्ञायमाणी विव कवडच्छोम[ण]पओग-
 जुत्ता जोगपरिन्वाइया नीस(निसा)समाणी विव महार्कंतारविणिग्गयपरिस्संता

परिणयवया अम्मया सोयमाणी विव तवचरणखीणपरिभोगा च(य)वणकाले देव-
 रवह संचुण्णियकट्टकवरा भग्गमेढिमोडियसहस्समाला सूलाइयवंकपरिमासा फलहं-
 तरतडतडेंतफुट्तसंधिवियलंतलोह(की)खीलिया सव्वंगवियंभिया परिसडियरज्जुवि-
 सरंतसव्वगता आमगमह्गभूया अकयपुण्णजगमणोरहो विव चित्तिज्जमागगुरुहं
 हाहाकयकण्णधारनावियवाणियगजगकम्म(गा)करविलविया नाणाविहरयणपणियसं-
 पुण्णा वह्हिं पुरिससएहिं रोयमाणेहिं कंदमाणेहिं सोममाणेहिं तिप्पमाणेहिं विलव-
 माणेहिं एगं महं अंतोजलगयं गिरिसिहरमासा(य)इत्ता संभग्गकूवतोरणा मोडिय(झ)-
 ज्झयदंडा वलयसयखंडिया क(र)डकडस्स तत्थेव विद्वं उवगया । तए णं तीए
 नावाए भिज्जमाणीए [ते] वहवे पुरिसा विपुलप(डि)णियभंडमायाए अंतोजलंमि निम-
 ज्जावि यावि होत्था । तए णं ते माकंदियदारगा छेया दक्खा पत्तट्ठा कुसला मेहावी
 निउणसिग्गोवगया बहुसु पोयवहणसंपराएसु कय कर(ण)णा लद्धविजया अमुहा
 अमूढहत्था एगं महं फलगखंडं आसादेति । जं(सिं)सि च णं पएसंसि से पोयवहणे
 विवने तंसि च णं पएसंसि एगे महं रयण(दी)दीवे नामं दीवे होत्था अणेगाई
 जोयणाई आयामविकखंभेगं अणेगाई जोयणाई परिकखेवेणं नाणाडुमसंडमंडिउइसे
 सस्सिरीए पासाईए दरि(दं)सणिजे अभिरूवे पडिरूवे । तस्स णं बहुमज्झदेममाए
 [त]त्थं णं महं एगे पासायवडेंसए होत्था अब्भुग्गयमूसि(य)ए जाव सस्सिरी(भू)यहूवे
 साईए ४ । तत्थं णं पासायवडेंसए रयणदीवदेवया नामं देवया परिवसइ पांवा
 चंडा रुहा खुहा साहसिया । तस्स णं पासायव(डि)डेंसयस्स चउ(द्दि)दिसिं चत्तारि
 वणसंडा [पत्तत्ता] किण्हा किण्होभासा । तए णं ते माकंदियदारगा तेणं फलय-
 खंडेणं उवुज्झमाणा २ रयणदीवतेणं संवुडा यावि होत्था । तए णं ते माकंदियदा-
 रगा थःहं लभंति २ ता मुहुत्तंतरं आ(स)सासंति २ ता फलगखंडं विसजंति २ ता
 रयणदीवं उत्त(रं)रेंति २ ता फलाणं मग्गणगवेसणं करेंति २ ता फलाई (गि(गे)ण्हंति
 २ ता) आहारेंति २ ता नालि(ए)यराणं मग्गणगवेसणं करेंति २ ता नालियराई
 फोडेंति २ ता नालियरतेल्लेणं अन्नमज्जस्स गाया(गत्ता)इं अ(वभं)ळिभंति २ ता
 पोक्खरणीओ ओगा(हिं)हेंति २ ता जलमज्जणं करेंति २ ता जाव पच्चुत्तरंति २ ता पुढ-
 विसिलापट्ठयंसि निसीयंति २ ता आसत्था वीसत्था सुहासणवरगया चं(पा)पं नयरिं
 अम्मापिउअपुच्छणं च लवणसमुद्दोत्ता(रं)रणं च कालियवायसं(स)मु(त्य)च्छणं च
 पोयवहणविवत्तिं च फलयखंड[य]स्स आसायणं च रयणदी(वु)वोत्तारं च अणुचिते-
 माणा २ ओहयमणसंक्रप्पा जाव झिया(यें)यंति । तए णं सा रयणदीवदेवया ते माकं-
 दियदारए ओहिणा आभोएइ २ ता असिफलगवग्गहत्था सत्त[अ]ड्ड(ता)तलप्पमाणं

उद्धं वेहासं उप्पयइ २ ता ताए उक्किट्ठाए जाव देवगईए वी(इ)ईवयमाणी २ जेणेव
 माकंदियदारए तेणेव उवागच्छइ २ ता आसुत्ता [ते] माकंदियदारए खरफरुसनिट्ठुर-
 वयणेहिं एवं वयासी-हं भो माकंदियदारया ! (अपत्थियपत्थिया !) जइ णं तुब्भे
 मए सद्धि विउलाइं भोगभोगाईं भुंजमाणा विहरह तो भे अत्थि जीवि(अं)यं,
 अह(०)णं तुब्भे मए सद्धि विउलाइं नो विहरह तो भे इमेणं नीलुप्पलगवलगुलिय
 जाव खुरधारेणं असिणा रत्तगंडमंसुयाईं माउ(या)आहिं उवसोहियाईं तालफला-
 (णी)णिव सीसाईं एगंते एडेमि । तए णं ते माकंदियदारगा रयणदीवदेवयाए अंतिए
 एयमट्ठं सोचा निसम्म भीया करयल जाव वद्धावेत्ता एवं वयासी—जन्नं देवाणु-
 प्पिया (!) वइस्सइ तस्स आणाउववायवयणनिहेसे चिट्ठिस्सामो । तए णं सा रयणदीव-
 देवया ते माकंदियदारए गेण्हइ २ ता जेणेव पासायवडेंसए तेणेव उवागच्छइ
 २ ता असुभपोगगलावहारं करेइ २ ता सुभपोगलगलपक्खेवं करेइ २ ता [तओ] पच्छा
 तेहिं सद्धि विउलाइं भोगभोगाईं भुंजमाणी विहरइ कल्लाकल्लि च अमयफलाइं
 उवणेइ ॥ ८७ ॥ तए णं सा रयणदीवदेवया सक्कवयणसंदेसेणं सुट्ठिएणं लवणाहि-
 वइणा लवणसमुद्दे तिसत्तखुत्तो अणुपरिय(ट्ठि)ट्ठेयव्वे त्ति जं किंचि तत्थ तणं वा पत्तं
 वा कट्ठं वा कयवरं वा अहु(ई)इ पू(ति)यं दुरभिगंधमचोक्खं तं सव्वं आहुणिय २
 तिसत्तखुत्तो एगंते एडेयव्वं—तिक्कु निउत्ता । तए णं सा रयणदीवदेवया ते माकं-
 दियदारए एवं वयासी—एवं खलु अहं देवाणुप्पिया ! सक्कवयणसंदेसेणं सुट्ठिए(णं)ण
 लवणाहिवइणा तं चेव जाव निउत्ता । तं जाव [ताव] अहं देवाणुप्पिया ! लवण-
 समुद्दे जाव एडेमि ताव तुब्भे इहेव पासायवडेंसए सुहंसुहेणं अभिरममाणा चिट्ठह ।
 जइ णं तुब्भे एयंसि अंतरंसि उव्विग्गा वा उस्सुया वा उप्पुया वा भवेज्जाह तो णं
 तुब्भे पुर(च्छि)त्थिमिल्लं वणसंडं गच्छेज्जाह । तत्थ णं दो उ(ऊ)ऊ सया साहीणा
 तंजहा—पाउसे य वासारत्ते य । तत्थ उ कंदलसिलिधंदतो निउरवरपुप्फपीवरकरो ।
 कुडयज्जुणनीवसुरभिदाणो पाउसउऊ-गयवरो साहीणो ॥ १ ॥ तत्थ य—सुरगोवमणि-
 विचित्तो दहुरकुलरसियउज्जररवो । वरहिण(वि)वंदपरिणद्धसिहरो वासार(त्तो)तउ-
 ऊपव्वओ साहीणो ॥ २ ॥ तत्थ णं तुब्भे देवाणुप्पिया ! बहुसु वावीसु य जाव
 सरसरपंतियासु [य] व(ह्)हुसु आलीघरएसु य मालीघरएसु य जाव कुसुमघरएसु य
 सुहंसुहेणं अभिरममाणा [२] विह(रे)रिज्जाह । जइ णं तुब्भे त(ए)त्थ वि उव्विग्गा वा
 उस्सुया वा उप्पुया वा भवेज्जाह तो णं तुब्भे उत्तरिल्लं वणसंडं गच्छेज्जाह । तत्थ णं
 दो उऊ सया साहीणा तंजहा—सरदो य हेमंतो य । तत्थ उ सणस(त्त)त्तिवण्णकउ-
 (ओ)हो नीलुप्पलपउमनलिंगसिंगो । सारसच(क्कवा)कायरवियघोसो सरयउऊ—गोवइ

साहीणो ॥ १ ॥ तत्थ य सियकुंदधवलजोण्हो कुमुमियलोद्धवगसंडमंडलतलो ।
 तुसारदगधारपीवरकरो हेमंतउऊससी सया साहीणो ॥ २ ॥ तत्थ णं तुब्भे
 देवाणुप्पिया ! वावीसु य जाव विहरेज्जाह । जइ णं तुब्भे तत्थ वि उच्चिग्गा वा जाव
 उस्सुया वा भवेज्जाह तो णं तुब्भे अवरेल्लं वणसंडं गच्छेज्जाह । तत्थ णं दो उऊ
 सया साहीणा तंजहा-वसंते य गिम्हे य । तत्थ उ सहकारचारुहारो किंसुयकण्णि-
 यारासोगमउडो । ऊसियतिलगव(उ)कुलायवत्तो वसंतउऊ-नरवई साहीणो ॥ १ ॥
 तत्थ य पाडलसिरीससलिलो म(लि)ळियावासंतियधवलवेलो सीयलसुरभिअनि-
 लमगरचरिओ गिम्हउऊसागरो साहीणो ॥ २ ॥ तत्थ णं बहूसु जाव विहरेज्जाह ।
 जइ णं तुब्भे देवाणुप्पिया ! तत्थ वि उच्चिग्गा [वा] उस्सुया [वा उप्पुया वा] भवेज्जाह
 तओ तुब्भे जेणेव पासायवडेंसए तेणेव उवागच्छेज्जाह ममं पडिवालेमाणा २ चिट्ठे-
 ज्जाह । मा णं तुब्भे दक्खिणिल्लं वणसंडं गच्छेज्जाह । तत्थ णं महं एगे उग्गविसे
 चंडविसे घोरविसे महाविसे अइका(य)ए महाकाए जहा तेयनिसग्गे मसिमहि(सा)-
 समूसाकालए नयणविसरोसपुण्णे अंजगपुंजनियरप्पगासे रत्तच्छे जमलजुयलचंचल-
 चलंतजीहे धरणियलवेणिभूए उक्कडफुडकुडिलजडिलकक्खडवियडफडाडोवकरण-
 दच्छे लो(गाहा)हागरधम्ममाणधमधमंतवोसे अणागलियचंडतिव्वरोसे समु(हिं)हं
 तुरि(यं)यच्चवलं धमध(मं)नेतदिट्ठीविसे सप्पे (य) परिवसइ । मा णं तुब्भं
 सरीर(ग)स्स वावत्ती भविस्सइ । ते माकंदियदारए दोच्चंपि तच्चंपि एवं वयइ २ ता
 वेउव्वियसमुग्घाएणं समोह[ण]गइ २ ता ताए उक्किट्ठाए लवणसमुद्धं तिसत्तखुत्तो
 अणुपरियट्ठेउं पयत्ता यावि होत्था ॥ ८८ ॥ तए णं ते माकंदियदारया तओ मुहुत्त-
 तरस्स पासायवडेंसए सइ वा रइ वा धिइ वा अलभमाणा अन्नमन्नं एवं वयासी-
 एवं खलु देवाणुप्पिया । रयगदीवदेवया अम्हे एवं वयासी-एवं खलु अहं सक्कवय-
 णसंदेसेणं सुट्ठिएणं लवणाहिवइणा जाव वावत्ती भविस्सइ । तं सेयं खलु अम्हं
 देवाणुप्पिया ! पुरत्थिमि(ल्ले)ल्लं वणसंडं गमितए । अन्नमन्नस्स (एयमट्ठं) पडिपुणेंति
 २ ता जेणेव पुरत्थिमिल्ले वणसंडे तेणेव उवागच्छंति २ ता तत्थ णं वावीसु य जाव
 आलीघरएसु य जाव विहरंति । तए णं ते माकंदियदारया तत्थ वि सइ वा जाव
 अलभमाणा जेणेव उत्तरिल्ले वणसंडे तेणेव उवागच्छंति (२ ता) तत्थ णं वावीसु
 य जाव आलीघरएसु य विहरंति । तए णं ते माकंदियदार(या)गा तत्थ वि सइ वा
 जाव अलभमाणा जेणेव पच्चत्थिमिल्ले वणसंडे तेणेव उवागच्छंति २ ता जाव विहरंति ।
 तए णं ते माकंदियदारया तत्थवि सइ वा जाव अलभमाणा अन्नमन्नं एवं वयासी-
 एवं खलु देवाणुप्पिया ! अम्हे रयगदीवदेवया एवं वयासी-एवं खलु अहं देवाणु-

पिया ! सक्र(स्स)वयणसंदेसेणं सुट्टिए(ण)णं लवणाहिचइणा जाव मा णं तुब्भं सरी-
 रस्स वावत्ती भविस्सइ । तं भवियव्वं एत्थ कारणेणं । तं सेयं खलु अम्हं दक्खिणिल्लं
 वणसंडं गमित्तए-त्तिकहुं अन्नमन्नस्स एयमट्ठं पडिसुणेंति २ ता जेणेव दक्खिणिल्ले
 वणसंडे तेणेव पहारेत्थ गमणाए । त(ए)ओ णं गंधे निद्धाइ से जहानामए
 अहिमडेइ वा जाव अणिट्ठतराए(चेव) । तए णं ते मार्कंदियदार(या)गा तेणं असु-
 भेणं गंधेणं अभिभूया समाणा सएहिं २ उत्तरिजेहिं आसाइं पिहेंति २ ता जेणेव
 दक्खिणिल्ले वणसंडे तेणेव उवागया । तत्थ णं महं एगं आ(घा)घयणं पासंति(०)
 अट्ठियरात्तिसयसंकुलं भीमदरिसणिज्जं एगं च तत्थ सूलाइ(त्त)यं पुरिसं कलुणाइं
 कट्ठाइं विस्सराइं कुब्बमाणं पासंति(२ ता)भीया जाव संजायभया जेणेव से सूलाइ(य)-
 ए पुरिसे तेणेव उवागच्छंति २ ता तं सूलाइयं पुरिसं एवं वयासी-एस णं देवाणुप्पिया !
 कस्स आघयणे तुमं च णं के कओ वा इहं हव्वमाणे केण वा इमेयाह्वं आव(त्ति)यं
 पाविए ? । तए णं से सूलाइए पुरिसे[ते]मार्कंदियदार(ए)गे एवं वयासी-एस णं
 देवाणुप्पिया ! रयणदीवदेवयाए आघयणे । अहं णं देवाणुप्पिया ! जंबुदीवाओ
 दीवाओ भारहाओ चासाओ का(गंदी)कंदिए आसवाणियए विपुलं पणियभंडमायाए
 पोयवहणेणं लवणसमुद्धं ओयाए । तए णं अहं पोयवहणविवत्तीए निव्वुड्ढभंडसारे
 एगं फलगखंडं आसाएमि । तए णं अहं उवुज्झमाणे २ रयणदीवतेणं संवूढे ।
 तए णं सा रयणदीवदेवया ममं (ओहिणा) पासइ २ ता ममं गेण्हइ २ ता मए सद्धिं
 विउलाइं भोगभोगाइं भुंजमाणी विहरइ । तए णं सा रयणदीवदेवया अन्नया
 कयाइ अहालहुसगंसि अवराहंसि परिकुविया समाणी ममं एयाह्वं आवयं पावेइ ।
 तं न नज्जइ णं देवाणुप्पिया ! तु(म्हं)व्वं पि इमेसिं सरीरगाणं का मन्ने आवइ भवि-
 स्सइ (?) । तए णं ते मार्कंदियदारगा तस्स सूलाइ(य)गस्स अंतिए एयमट्ठं सोच्चा
 निसम्म वलियत्तरं भीया जाव संजायभया सूलाइयं पुरिसं एवं वयासी-कहं णं
 देवाणुप्पिया ! अम्हे रयणदीवदेवयाए हत्थाओ साहत्थि नित्थरिज्जामो ? । तए
 णं से सूलाइए पुरिसे ते मार्कंदियदारगे एवं वयासी-एस णं देवाणुप्पिया ! पुरत्थि-
 म्मेले वणसंडे सेलगस्स जक्खस्स जक्खा(य)यणे सेलए नामं आसरुवधारी जक्खे
 परिवसइ । तए णं से सेलए जक्खे चाउ(चो)इसट्ठमुद्धिपुण्णमासिणीसु आगयसमए
 पत्तसमए महया २ सहेणं एवं वदइ-कं तारयामि ? कं पालयामि ? तं गच्छह णं तुब्भे
 देवाणुप्पिया ! पुरत्थिमिल्लं वणसंडं सेलगस्स जक्खस्स महरिहं पुप्फचणियं करेह
 २ ता जन्नुपायवडिया पंजलिउडा विणएणं पज्जुवासमाणा विहर(चिट्ठ)ह । जाहे णं से
 सेलए जक्खे आगयसमए पत्तसमए एवं वएज्जा-कं तारयामि ? कं पालयामि ? ताहे

तुब्भे [एवं] वयह-अम्हे तारयाहि अम्हे पालयाहि । सेलए (भे) भो जक्खे परं
 रयणदीवदेवयाए हत्थाओ साहत्थि नित्थारेज्जा । अज्जहा भो न याणामि इमेसिं
 सरीरगाणं का मज्जे आवई भविस्सइ ॥ ८९ ॥ तए णं ते माकंदियदारगा तस्स सूला-
 इयस्स अंतिए एयमट्ठं सोच्चा निसम्म सिग्घं चंडं चवलं तुरियं वेइयं जेणेव पुरत्थिमिल्ले
 वणसंडे जेणेव पोक्खरिणी तेणेव उवागच्छंति २ ता पोक्खरिणि ओगाहं(गाहं)ति
 २ ता जलमज्जणं करंति २ ता जाइं तत्थ उप्पलाइं जाव गेण्हंति २ ता जेणेव सेलगस्स
 जक्खस्स जक्खाययणे तेणेव उवागच्छंति २ ता आलोए पणामं करंति २ ता महारिहं
 पुप्फच्चणियं करंति २ ता जलुपायवडिया सुस्सुसमाणा नमंसमाणा पज्जुवासंति । तए णं
 से सेलए जक्खे आगयसमए पत्तसमए एवं वयासी-कं तारयामि ? कं पालयामि ? ।
 तए णं ते माकंदियदारगा उट्ठाए उट्ठंति करयल जाव वद्धावेत्ता एवं वयासी-अम्हे
 तारयाहि अम्हे पालयाहि । तए णं से सेलए जक्खे ते माकंदियदारए एवं वयासी-एवं
 खलु देवाणुप्पिया ! तुब्भं मए सद्धिं लवणसमु(द्देणं)दं मज्झंमज्झेणं वीईवयमा(णे)णाणं
 सा रयणदीवदेवया पावा चंडा खुदा खुदा साहसिया बह्माहिं खरएहि य मउएहि य
 अणुलोमेहि य पडिलोमेहि य सिंगारेहि य कलुणेहि य उवसग्गेहि य उवसग्गं
 करेहिइ । तं जइ णं तुब्भे देवाणुप्पिया ! रयणदीवदेवयाए एयमट्ठं आढाह वा
 परियाणह वा अव(ए)यक्खह वा तो मे अहं पिट्ठाओ वि(धु)हूणामि । अह णं तुब्भे
 रयणदीवदेवयाए एयमट्ठं नो आढाह नो परियाणह नो अवयक्खह तो मे रयण-
 दीवदेवया[ए] हत्थाओ साहत्थि नित्थारेमि । तए णं ते माकंदियदारगा सेलगं जक्खं
 एवं वयासी-जं णं देवाणुप्पिया(1)वइस्संति तस्स णं उववायवयणनिहेसे चिट्ठिस्सामो ।
 तए णं से सेलए जक्खे उत्तरपुर(च्छि)त्थिमं दिसीभागं अवक्कमइ २ ता वेउव्वियसमु-
 ग्घाएणं समोहणइ २ ता संखेजाइं जोयणाइं दंडं निस्सरइ दोच्चंपि(तच्चंपि)वेउव्विय-
 समुग्घाएणं समोहणइ २ ता एणं महं आसरुवं वे(वि)उव्वइ २ ता ते माकंदियदारए
 एवं वयासी-हं भो माकंदियदारया ! आरुह णं देवाणुप्पिया ! मम पिट्ठंति । तए णं ते
 माकंदियदारया हट्ठ० सेलगस्स जक्खस्स पणामं करंति २ ता सेलगस्स पि(ट्ठि)ट्ठं
 दुरुढा । तए णं से सेलए ते माकंदियदारए दुरुढे जाणित्ता सत्त[अ]ट्ठतालप्पमाणमेत्ताइं
 उट्ठं वैहासं उप्पयइ २ ता (य) ताए उक्किट्ठाए तुरियाए[चवलाए चंडाए दिव्वाए]
 देवयाए दे(दि०)वगईए लवणसमुदं मज्झंमज्झेणं जेणेव जंबुद्दीवे वीवे जेणेव भारहे
 वासे जेणेव चंपा नयरी तेणेव पहारेत्थ गमणाए ॥९०॥ तए णं सा रयणदीवदेवया
 लवणसमुदं तिसत्तखुत्तो अणुपरियट्ठइ जं तत्थ तणं वा जाव एडेइ(२ ता)जेणेव पासा-
 यवडेंसए तेणेव उवागच्छइ २ ता ते माकंदियदारया पासायवडेंसए अपासमाणं

जेणेव पुरत्थिमिल्ले वणसंडे जाव सव्वओ समंता मग्गणगवेसणं करेइ २ ता तेसिं
 माकंदियदारगाणं कत्थइ सुइं वा ३ अलभमाणी जेणेव उत्तरिल्ले (वणसंडे) एवं चेव
 पच्चत्थिमिल्ले वि जाव अपासमाणी ओहिं पउंजइ (०) ते माकंदियदारए सेलएणं सद्धिं
 लवणसमुदं मज्झंमज्झेणं वीईवयमाणे २ पासइ २ ता आसुरुत्ता असिखेडगं गेण्हइ
 २ ता सत्तट्ठ जाव उप्पयइ २ ता ताए उक्किट्ठाए जेणेव माकंदियदार(गा)या तेणेव उवा-
 गच्छइ २ ता एवं वयासी-हं भो माकंदियदारगा अपत्थियपत्थिया ! किण्णं तुब्भे
 जाणह विप्पजहाय सेलएणं जक्खेणं सद्धिं लवणसमुदं मज्झंमज्झेणं वीईवयमाणा ? तं
 ममं एवमवि गए जइ णं तुब्भे ममं अवयक्खह तो भे अत्थि जीवियं, अहं णं नावय-
 क्खह तो भे इमेणं नीलुप्पलगवल जाव एडेमि । तए णं ते माकंदियदारगा रयण-
 दीवदेवयाए अंतिए एयमट्ठं सोच्चा निसम्म अभीया अतत्था अणुव्विग्गा अक्खुभिया
 असंभंता रयणदीवदेवयाए एयमट्ठं नो आढंति नो परियाणंति ना(णो अ)वयक्खंति
 अणाढायमाणा अपरियाणमाणा अणवयक्खमाणा[य]सेलए(ण)णं जक्खेणं सद्धिं
 लवणसमुदं मज्झंमज्झेणं वीईवयंति । तए णं सा रयणदीवदेवया ते माकंदि[यदार]या
 जाहे नो संचाएइ वहूहिं पडिलोमेहि य उवसग्गेहि य चालित्तए वा खोभित्तए वा
 विपरिणामित्तए वा (लोभित्तए वा) ताहे महुरे(हि)हिं[य]सिंगारेहि य कल्लणेहि य उव-
 सग्गेहि य उवसग्गेउं पयत्ता यावि होत्था-हं भो माकंदियदारगा ! जइ णं तुब्भेहिं
 देवानुप्पिया ! मए सद्धिं हसियाणि य रमियाणि य ललियाणि य कीलियाणि य
 हिंडियाणि य मोहियाणि य ताहे णं तुब्भे सव्वाइं अगणेमाणा ममं विप्पजहाय
 सेलएणं सद्धिं लवणसमुदं मज्झंमज्झेणं वीईवयह । तए णं सा रयणदीवदेवया
 जिणरक्खयस्स मणं ओहिणा आभोएइ २ ता एवं वयासी-निच्चं पि य णं अहं जिण-
 पालियस्स अणिट्ठा ५ । निच्चं मम जिणपालिए अणिट्ठे ५ । निच्चं पि य णं अहं
 जिणरक्खयस्स इट्ठा ५ । निच्चं पि य णं ममं जिणरक्खिए इट्ठे ५ । जइ णं ममं
 जिणपालिए रोयमा(णीं)णिं कंदमाणिं सोयमाणिं तिप्पमाणिं विलवमाणिं नावयक्खइ
 किण्णं तुमं[पि]जिणरक्खया ! ममं रोयमाणिं जाव नावयक्खसि ? तए णं—सा
 पवररयणदीवस्स देवया ओहिणा (उ) जिणरक्खयस्स मणं ! नाऊ(ण)णं वधनि-
 मित्तं उव(रि)रिं माकंदियदारगा(णं)ण दोण्हं पि ॥ १ ॥ दोसकलिया स(ललि)लिलयं
 नाणाविहचुण्णवासमीसियं दिव्वं । घाणमणनिव्वुइकरं सव्वोउयसुरभिकुसुमवुट्ठिं
 पसुंचमाणी ॥ २ ॥ नाणामणिकणगरयणघंटियखिंखिणिने(ऊ)उरमेहलभूसणरवेणं ।
 दिसाओ विदिसाओ पूरयंती वयणमिणं वेइ सा (स)कल्लसा ॥ ३ ॥ होल वसुलं
 गोलं नाह दइय पिय रमण कंत सामिय निग्घिण नित्यक्क । थि(छि)ण्ण निक्किव

अकय(लु)नुय सिद्धिलभाव निद्वज्ज लुक्ख अकलुण जिणरक्खिय मज्झं हिययर-
 क्ख(गा)ग ॥ ४ ॥ न हु जुज्जसि एक्कियं अणाहं अवंधवं तुज्झ चलणओवायकारियं
 उज्झिउम(ह)धञ्जं । गुणसंकर (। अ)हं तुमे विहूणा न समत्था (वि) जीविउं खणंपि
 ॥ ५ ॥ इमस्स उ अणेगझसमगरविविधसावयसया(उ)कुलघरस्स । रयणागरस्स
 मज्झे अप्पाणं वहेमि तुज्झ पुरओ एहि नियत्ताहि जइ सि कुविओ खमाहि
 ए(क्का)कावराहं मे ॥ ६ ॥ तुज्झ य विगयघणविमलससिमंड(ल)लागारसस्सिरीयं
 सारयनवकमलकुमुदकुवलयविमलदलनिकरसरिसनि(भं)भनयणं । वयणं पिवासा-
 गयाए सद्धा मे पेच्छिउं जे अवलोएहि ता इओ ममं नाह जा ते पेच्छामि वयण-
 कमलं ॥ ७ ॥ एवं सप्पणयसरलमहुराई पुणो २ कलुणाई वयणाई जंपमाणी सा
 पावा मग्गओ समण्णेइ पावहियया ॥ ८ ॥ तए णं से जिणरक्खिए चलमणे तेणेव
 भूसणरवेणं कणसुहमणोहरेणं तेहि य सप्पणयसरलमहुरभणिएहिं संजायविउण-
 [अणु]राए रयणदीवस्स देवयाए तीसे सुंदरथणजहणवयणकरचरणनयणलावण्णरूव-
 जोवण्णसिरिं च दिव्वं सरभसउवगूहियाई (जातिं)बिब्बोयविलसियाणि य विहसियस-
 कडक्खदिट्ठिनिस्ससियमलियउवललिय(ठि)थियगमणपणयखिजिय(पा)पसाइयाणि य
 सरमाणे रागमोहियमई अवसे कम्मवसगए अवयक्खइ मग्गओ सविलियं । तए णं
 जिणरक्खियं समुप्पन्नकलुणभावं मच्चगलत्थल्लणोल्लियमइं अवयक्खंतं तहेव जक्खे (य)
 उ सेलए जाणिऊण सणियं २ उव्विहइ नियगपिट्ठा(हि)हिं विगयस(त्थं)द्धे । तए णं
 सा रयणदीवदेवया निस्संसा कलुणं जिणरक्खियं सकलसा सेलगपिट्ठाहिं ओ(उ)व-
 यंतं-दास ! मओसि त्ति जंपमाणी अ(ए)पत्तं सागरसलिलं गेण्हिय बाहाहिं आरसंतं
 उद्धं उव्विहइ अंवरतले ओवयमाणं च मंडलग्गेण पडिच्छित्ता नीलुप्पलगवल-
 अयसिप्पगासे(ण)णं असिवरेणं खंडाखंडिं करेइ २ ता तत्थ विलवमाणं तस्स य
 सरसवहियस्स धेत्तूण अंगमंगाई सरुहिराई उक्खित्तवलिं चउट्ठिसिं करेइ सा पंजली
 प(हि)हट्ठा ॥ ९१ ॥ एवामेव समणाउसो ! जो अम्हं निग्गंथाण वा निग्गंथीण वा
 अंतिए पव्वइए समाणे पुणरवि माणुस्सए कामभोगे आसायइ पत्थयइ पीहेइ
 अभिलसइ से णं इहभवे चेव वट्ठणं समणाणं वट्ठणं समणीणं वट्ठणं सावयाणं वट्ठणं
 सावियाणं जाव संसारं अणुपरियट्ठिस्सइ जहा (वा) व से जिणरक्खिए । छलिओ अवय-
 क्खंतो निरावयक्खो गओःअविग्घेणं । तम्हा पवयणसारे निरावयक्खेण भवियव्वं
 ॥ १ ॥ भोगे अवयक्खंता पडंति संसारसा(य)गरे घोरे । भोगेहिं [य] निरवयक्खा
 तरंति संसारकंतारं ॥ २ ॥ ९२ ॥ तए णं सा रयणदीवदेवया जेणेव जिणपालिए तेणेव
 उवागच्छइ २ ता वट्ठहिं अणुलोमेहि य पडिलोमेहि य खरम(हुर)उयसिगारे(हिं)हि

य कलुणेहि य उवसग्गेहि य जाहे नो संचाएइ चालित्तए वा खोभित्तए वा वि(र)परि-
णामित्तए वा ताहे संता तंता परितंता निव्विण्णा समा(णा)णी जामेव दिसिं पाउब्भूया
तामेव दि(सं)सिं पडिगया । तए णं से सेलए जक्खे जिणपालिएण सद्धिं लवणसमुद्दं
मज्झमज्झेणं वीईवयइ २ ता जेणेव चंपा नयरी तेणेव उवागच्छइ २ ता चंपाए नयरीए
अग्गुज्जाणंसि जिणपालियं प(पि)ट्ठाओ ओयारेइ २ ता एवं वयासी-एस णं देवाणु-
प्पिया ! चंपा-नयरी दीसइ-त्तिकट्ठु जिणपालियं आपुच्छइ २ ता जामेव दिसिं
पाउब्भूए तामेव दिसिं पडिगए ॥ ९३ ॥ तए णं जिणपालिए चंपं अणुपविसइ
२ ता जेणेव सए गिहे जेणेव अम्मापियरो तेणेव उवागच्छइ २ ता अम्मापिऊणं
रोयमाणे जाव विलवमाणे जिणरक्खियवावत्तिं निवेदेइ । तए णं जिणपालिए
अम्मापियरो मित्तनाइ जाव परियणेणं सद्धिं रोयमाणाइं वहुइं लोइयाइं मयकिचाइं
करंति २ ता कालेणं विगयसोया जाया । तए णं जिणपालियं अनया कया(इ)इं
सुहासणवरगयं अम्मापियरो एवं वयासी-कहणं पुत्ता । जिणरक्खिए कालगए ? ।
तए णं से जिणपालिए अम्मापिऊणं लवणसमुद्दोत्तारणं च कालियवायसमुच्छणं [च]
पोयवहणविवत्तिं च फलहखंडआसायणं च रयणदीवुत्तारं च रयणदीवदेवया(गिहं)-
गेहिं च भोगविभूइं च रयणदीवदेवयाअप्पाहणं च सूलाइयपुरिसदरिसणं च
सेलगजक्खआरुहणं च रयणदीवदेवयाउवसग्गं च जिणरक्खियविवत्तिं च लवण-
समुद्दउत्तरणं च चंपागमणं च सेलगजक्खआपुच्छणं च जहाभूयमवितहमसंदिद्धं
परिकहेइ । तए णं जिणपालिए जाव अप्पसोगे जाव विउलाइं भोगभोगाइं भुंजमाणे
विहरइ ॥ ९४ ॥ तेणं कालेणं तेणं समएणं समणे भगवं महावीरे (जाव जेणेव
चंपा न(ग)यरी जेणेव पुण्णभेइ उज्जाणे तेणेव) समोसडे (परिसा णिग्गया कूणिओ
वि राया निग्गओ जिणपालिए) जाव धम्मं सोच्चा पव्वइए ए(क्का)गारसंग(विऊ)वी
मासिएणं भत्तेणं जाव अत्ताणं झुसेत्ता सोहम्मे कप्पे दो सागरोवमाइं ठिइं प० । ताओ
आउक्खएणं ठिइक्खएणं भवक्खएणं अणंतरं चयं चइत्ता जेणेव महाविदेहे वासे
सिज्झहिइ जाव अंतं काहिइ । एवामेव समणाउसो ! जाव माणुस्सए कामभोगे
नो पुणरवि आसाइ से णं जाव वीईवइस्सइ जहा व से जिणपालिए । एवं खलु
जंबू ! समणेणं भगवया महावीरेणं जाव संपत्तेणं नवमस्स नायज्झयणस्स अयमट्ठे
पन्नत्ते त्तिवेमि ॥ ९५ ॥ गाहाओ-जह रयणदीवदेवी तह एत्थं अविरइ महापावा ।
जह लाहत्थी वणिया तह सुहकामा इहं जीवा ॥ १ ॥ जह तेहिं भीएहिं दिट्ठो
आघायमंडले पुरिसो । संसारदुक्खभीया पासंति तहेव धम्मकहं ॥ २ ॥ जह
तेण तेसि कहिया देवी दुक्खाणं कारणं घोरं । तत्तो चिय नित्थारो सेलगजक्खाओ

नणत्तो ॥ ३ ॥ तह धम्मकही भव्वाण साहए दिट्ठअविरइसहावो । सयलदुहहेउभूओ
 विसया विरयंति जीवाणं ॥ ४ ॥ सत्ताणं दुहत्ताणं सरणं चरणं जिणिंदपणत्तं ।
 आणंदरुवनिव्वाणसाहणं तह य देसेइ ॥ ५ ॥ जह तेसिं तरियव्वो रुदसमुदो तहेव
 संसारो । जह तेसिं सणिहगमणं निव्वाणगमो तहा एत्थं ॥ ६ ॥ जह सेलग-
 पिट्ठाओ भट्ठो देवीइ मोहियमईओ । सावयसहस्सपउरम्मि सायरे पाविओ निहणं
 ॥ ७ ॥ तह अविरईइ नडिओ चरणचुओ दुक्खसावयाइणो । निवडइ अपारसंसार-
 सायरे दाहणसरुवे ॥ ८ ॥ जह देवीए अक्खोहो पत्तो सट्ठाण जीवियसुहाई । तह
 चरणट्ठिओ साहू अक्खोहो जाइ निव्वाणं ॥ ९ ॥ **नवमं नायज्झयणं समत्तं ॥**

जइ णं भंते ! समणेणं० नवमस्स नायज्झयणस्स अयमट्ठे पन्नत्ते दसमस्स(०)
 के अट्ठे पन्नत्ते ? एवं खलु जंबू ! तेणं कालेणं तेणं समएणं रायणिहे (नामं) नयरे
 (हो० तत्थ णं रा० न० से० णा० रा० हो० तस्स णं रा० न० व० उ० दि०
 एत्थ णं गु० णा० उ० हो० ते० का० ते० स० स० भ० म० पु० च० जाव
 जे० गु० उ० ते० स०) सामी समोसढे (प० नि० सेणिओ वि रा० नि० धम्मं
 सोच्चा प० प० तए णं)गोय(मसामी)मो(समणं ३) एवं वयासी-कहणं भंते ! जीवां
 वड्ढंति वा हायंति वा ? गोयमा ! से जहानामए बहुलपक्खस्स पाडिवयाचंदे पुण्णि-
 माचंदं पणिहाय ही(णो)णे वण्णेणं हीणे सो(म्)मयाए हीणे निद्वयाए हीणे कंतीए एवं
 दित्तीए जुत्तीए छायाए पभाए ओयाए ले(स्)साए मंडलेणं । तयाणंतं च णं बीया-
 चंदे प(पा)डिव(यं)याचंदं पणिहाय हीणतराए वण्णेणं जाव मंडलेणं । तयाणंतं च
 णं तइयाचंदे बी(विति)याचंदं पणिहाय हीणतराए वण्णेणं जाव मंडलेणं । एवं खलु
 एएणं कमेणं परिहायमाणे २ जाव अमाव(स्)साचंदे चाउइसिचंदं पणिहाय नट्ठे वण्णेणं
 जाव नट्ठे मंडलेणं । एवामेव समणाउसो ! जो अम्हं निग्गंथो वा निग्गंथी वा जाव
 पव्वइए समाणे हीणे खंतीए एवं मुत्तीए गुत्तीए अज्जवेणं मद्देवेणं लाघवेणं सच्चेणं
 तवेणं चियाए अकिंचणयाए वंभचेरवासेणं । तयाणंतं च णं हीणे हीणतराए खंतीए
 जाव हीणतराए वंभचेरवासेणं । एवं खलु एएणं कमेणं परिहायमाणे २ नट्ठे खंतीए
 जाव नट्ठे वंभचेरवासेणं । से जहा वा सुक्कपक्खस्स पडिवयाचंदे अमावसा(ए)चंदं
 पणिहाय अहिए वण्णेणं जाव अहिए मंडलेणं । तयाणंतं च णं बीयाचंदे पडिव-
 याचंदं पणिहाय अहिययराए वण्णेणं जाव अहिययराए मंडलेणं । एवं खलु एएणं
 कमेणं परि(वु)वड्ढेमाणे २ जाव पुण्णिमाचंदे चाउइसिं चंदं पणिहाय पडिपुण्णे
 वण्णेणं जाव पडिपुण्णे मंडलेणं । एवामेव समणाउसो ! जाव पव्वइए समाणे
 अहिए खंतीए जाव वंभचेरवासेणं । तयाणंतं च णं अहिययराए खंतीए जाव

वंभचेरवासेणं । एवं खलु एएणं कमेणं परिवहेमाणे २ जाव पडिपुण्णे वंभचेरवा-
 सेणं । एवं खलु जीवा वद्धंति वा हायंति वा । एवं खलु जंबू ! समणेणं भगवथा
 महावीरेणं० दसमस्स नायज्झयणस्स अयमट्ठे पन्नत्ते त्ति वेमि ॥९६॥ गाहाओ-
 जह चंदो तह साहू राहुवरोहो जहा तह पनाओ । वण्णाई गुणगणो जह तहा खमाई
 समणधम्मो ॥ १ ॥ पुण्णो वि पइदिणं जह हायंतो सव्वहा ससी नस्से । तह
 पुण्णचरित्तोऽवि हु कुसीलसंसग्गिमाईहिं ॥ २ ॥ जणियपमाओ साहू हायंतो
 पइदिणं खमाईहिं । जायइ नट्टचरित्तो तत्तो दुक्खाई पावेइ ॥ ३ ॥ हीणगुणो
 वि हु होउं सुहगुरुजोगाइजणियसंवेंगो । पुण्णसरूवो जायइ विवड्ढमाणो सस-
 हरोव्व ॥ ४ ॥ दसमं नायज्झयणं समत्तं ॥

जइ णं भंते ! समणेणं० दसमस्स नायज्झयणस्स अयमट्ठे पन्नत्ते एकारसमस्स(०)
 के अट्ठे पन्नत्ते ? एवं खलु जंबू ! तेणं कालेणं तेणं समएणं रायगिहे जाव गोयमे
 (समणं ३) एवं वयासी-कहं णं भंते ! जीवा आराहगा वा विराहगा वा भवंति ?
 गोयमा ! से जहानामए एगंसि समुद्दकूलंसि दावद्वा नामं रुक्खा पन्नत्ता किण्ह-
 जाव निउ(रं)रंवभूया पत्तिया पुप्फिया फलिया हरियगरेरिज्जमाणा सिरीए अईव
 उवसोभेमाणा २ चिट्ठंति । जया णं दीविच्चगा ईसिं पुरेवाया पच्छावाया मंदावाया
 महावाया वायंति तया णं वहवे दावद्वा रुक्खा पत्तिया जाव चिट्ठंति । अप्पेगइया
 दावद्वा रुक्खा जुण्णा झोडा परिसडियपंडुपत्तपुप्फफला सुक्करुक्खओ विव मिला-
 यमाणा २ चिट्ठंति । एवामेव समणाउसो ! (जे) जो अम्हं निग्गंथो वा २ जाव
 पव्वइए समाणे बहूणं समणाणं ४ सम्मं सहइ जाव अहियासेइ बहूणं अन्नउत्थि-
 याणं बहूणं गिहत्थाणं नो सम्मं सहइ जाव नो अहियासेइ एस णं मए पुरिसे
 देसविराहए पन्नत्ते समणाउसो ! जया णं सामुद्दगा ईसिं पुरेवाया पच्छावाया मंदा-
 वाया महावाया वायंति तया णं वहवे दावद्वा रुक्खा जुण्णा झोडा जाव मिलाय-
 माणा २ चिट्ठंति । अप्पेगइया दावद्वा रुक्खा पत्तिया पुप्फिया जाव उवसोभेमाणा
 २ चिट्ठंति । एवामेव समणाउसो ! जो अम्हं निग्गंथो वा २ जाव पव्वइए समाणे
 बहूणं अन्नउत्थि(याणं व०)यगिहत्थाणं सम्मं सहइ बहूणं समणाणं ४ नो सम्मं सहइ
 एस णं मए पुरिसे देसाराहए पन्नत्ते समणाउसो ! जया णं नो दीविच्चगा नो सामु-
 द्दगा ईसिं (पुरेवाया) पच्छावाया जाव महावाया वायंति त(ए)या णं सव्वे दावद्वा
 रुक्खा जुण्णा झोडा(०) । एवामेव समणाउसो ! जाव पव्वइए समाणे बहूणं समणाणं
 ४ बहूणं अन्नउत्थियगिहत्थाणं नो सम्मं सहइ एस णं मए पुरिसे सव्वविराहए पन्नत्ते
 समणाउसो ! जया णं दीविच्चगा वि सामुद्दगा वि ईसिं (पुरेवाया पच्छावाया) जाव

वायंति तथा णं सव्वे दावद्वा (रुक्खा) पत्तिया जाव चिट्ठंति । एवामेव समणाउसो !
 जो अम्हं पव्वइए समाणे वहूणं समणाणं ४ वहूणं अन्नउत्थियगिहत्थाणं सम्मं सहइ
 एस णं मए पुरिसे सव्वआराहए पन्नत्ते (समणाउसो !) । एवं खलु गोयमा ! जीवा
 आराहगा वा विराहगा वा भवंति । एवं खलु जंवू ! समणेणं भगवया महावीरेणं
 जाव संपत्तेणं एकारसमस्स अयमट्ठे पन्नत्ते त्तिवेमि ॥ ९७ ॥ गाहाओ-जह
 दावद्दवतरुवणमेवं साहू जहेव दीविच्चा । वाया तह समणाइयसपक्खवयणाइं दुसहाइं
 ॥ १ ॥ जह सामुद्दववाया तहऽण्णगित्थाइकडुयवयणाइं । कुसुमाइसंपया जह
 सिवमग्गाराहणा तह उ ॥ २ ॥ जह कुसुमाइविणासो सिवमग्गविराहणा तहा नेया । जह
 दीववाउजोगे बहु इद्धी ईसि य अणिद्धी ॥ ३ ॥ तह साहम्मियवयणाण सहमागाराहणा
 भवे वहुया । इयराणमसहणे पुण सिवमग्गविराहणा थोवा ॥ ४ ॥ जह जलहिवा-
 उजोगे थेविद्धी वहुयरा यऽणिद्धी य । तह परपक्खक्खमणे आराहणमीसि वहु य
 यरं ॥ ५ ॥ जह उभयवाउविरहे सव्वा तरुसंपया विणट्ठ त्ति । अनिमित्तोभयमच्छ-
 ररुवे विराहणा तह य ॥ ६ ॥ जह उभयवाउजोगे सव्वसमिद्धी वणस्स संजाया ।
 तह उभयवयणसहणे सिवमग्गाराहणा वुत्ता ॥ ७ ॥ ता पुण्णसमणधम्माराहण-
 चित्तो सया महासत्तो । सव्वेण वि कीरंतं सहेज्ज सव्वं पि पडिकूलं ॥ ८ ॥
एकारसमं नायज्झयणं समत्तं ॥

जइ णं भंते ! समणेणं जाव संपत्तेणं एकारसमस्स नायज्झयणस्स अयमट्ठे पन्नत्ते
 वारसमस्स णं (०) के अट्ठे पन्नत्ते ? एवं खलु जंवू ! तेणं कालेणं तेणं समएणं चंपा
 ना(मं)म नयरी । पुण्णभेदे उज्जाणे । जियसत्तू [नामं] राया (होत्था) । (तस्स णं जिय-
 सत्तुस्स रण्णो) धारिणी (नामं) देवी (होत्था अही० जाव सुहवा) । (तस्स णं जि०
 र० पुत्ते धारिणीए अत्तए) अदीणसत्तू नामं कुमारे जुवराया वि होत्था । सुबुद्धी
 [नामं] अमच्चे जाव रज्जवुराचित्तए [यावि होत्था जाव] समणोवासए (अ०) । तीसे णं
 चंपाए नयरीए बंहिया उत्तरपुरत्थिमेणं एगे फरिहोदए यावि होत्था मेयवसारुहिरमं-
 सपूय-पडलपोच्चडे मयगकलेवरसंछन्ने अमणुत्ते [णं] वण्णेणं जाव फासेणं से जहानामए
 अहिमडेइ वा गोमडेइ वा जाव मयकुहियविणट्ठकिमिणवावण्णदुरभिगंधे किमिजा-
 लाउले संसत्ते असुइविगयवीभच्छदरिसणिज्जे । भवेयारुवे सिया ? नो इणट्ठे समट्ठे ।
 एत्तो अणिट्ठतराए चेव जाव गंधेणं पन्नत्ते ॥ ९८ ॥ तए णं से जियसत्तू राया
 अन्नया कयाइ ण्हाए अप्पमहग्घाभरणालंकियसरीरे वहूहिं(रां)ईसर जाव सत्थ-
 वाहपभि(ति)ईहिं सड्ढि[भोयणमंडवंसि]भोयणवेलाए सुहासणवरगए विउलं असणं ४
 जाव विहरइ जिमियभुत्तुत्तरागए जाव सुइभूए तंसि विपुलंसि अस(ण)णंसि ४ जाव

जायविम्हए ते वहवे ईसर जाव पभिईए एवं वयासी-अहो णं देवाणुप्पिया । इमे मणुञ्जे असणं ४ वण्णेणं उववेए जाव फासेणं उववेए अस्सायणिज्जे वि(रु)सायणिज्जे पीणणिज्जे दीवणिज्जे दप्पणिज्जे मयणिज्जे विहणिज्जे सव्विदियगायपल्हायणिज्जे । तए णं ते वहवे ईसर जाव पभियओ जियसत्तुं एवं वयासी-तहवे णं सामी । जण्णं तुब्भे वयह-अहो णं इमे मणुञ्जे अस(णं)णे ४ वण्णेणं उववेए जाव पल्हायणिज्जे । तए णं जियसत्तु सुवुद्धिं अमच्चं एवं वयासी-अहो णं सुवुद्धी ! इमे मणुञ्जे असणे ४ जाव पल्हायणिज्जे । तए णं सुवुद्धी जियसत्तुस्स [रत्तो] एयमट्ठं नो आढाइ जाव तुसिणीए संचिट्ठइ । [तए णं जियसत्तु सुवुद्धिं दोच्चंपि तच्चंपि एवं वयासी-अहो णं सुवुद्धी ! इमे मणुञ्जे तं चेव जाव पल्हायणिज्जे ।] तए णं (जियसत्तुणा) से सुवुद्धी [अमच्चे] दोच्चंपि तच्चंपि एवं वुत्ते समाणे जियसत्तुं रायं एवं वयासी-नो खलु सामी । अ(हं)म्हं एयंसि मणुञ्जंसि असणंसि ४ केइ विम्हए । एवं खलु सामी ! सु(ब्भि)रभिसद्दा वि पो(पु)ग्गला दुरभिसद्दाए परिणमंति दुरभिसद्दा वि पोग्गला सुरभिसद्दाए परिणमंति । सुरुवा वि पोग्गला दुरुवत्ताए परिणमंति दुरुवा वि पोग्गला सुरुवत्ताए परिणमंति । सुरभिगंधा वि पोग्गला दुरभिगंधत्ताए परिणमंति दुरभिगंधा वि पोग्गला सुरभिगंधत्ताए परिणमंति । सुरसा वि पोग्गला दुरसत्ताए परिणमंति दुरसा वि पोग्गला सुरसत्ताए परिणमंति । सुहफासा वि पोग्गला दुहफासत्ताए परिणमंति दुहफासा वि पोग्गला सुहफासत्ताए परिणमंति । पओगवीससा-परिणया वि य णं सामी । पोग्गला पन्नत्ता । तए णं(से)जियसत्तु सुवुद्धिस्स अमच्चस्स एवमाइक्खमाणस्स ४ एयमट्ठं नो आढाइ नो परियाणइ तुसिणीए संचिट्ठइ । तए णं से जियसत्तु अन्नया कयाइ ण्हाए आसखंधवरगए महया-भडचडगर(ह)आसवाहणियाए निजायमाणे तस्स फरिहोद(ग)यस्स अदूरसामंतेणं वीईवयइ । तए णं जियसत्तु (राया) तस्स फरिहोदगस्स असुभेणं गंधेणं अभिभूए समाणे सएणं उत्तरिज्ज(गे)एणं आसगं पिहेइ एगंतं अवक्कमइ.(ते) २ ता वहवे ईसर जाव पभिओ एवं वयासी-अहो णं देवाणुप्पिया । इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणा-मतराए चेव । तए णं ते वहवे राईसर जाव पभियओ एवं वयासी-तहवे णं तं सामी । जं णं तुब्भे एवं वयह-अहो णं इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणामतराए चेव । तए णं से जियसत्तु सुवुद्धिं अमच्चं एवं वयासी-अहो णं सुवुद्धी ! इमे फरिहोदए अमणुञ्जे वण्णेणं ४ से जहानामए अहिमडेइ वा जाव अमणामतराए चेव । तए णं[से]सुवुद्धी अमच्चे जाव तुसिणीए संचिट्ठइ । तए णं से जियसत्तु राया सुवुद्धिं अमच्चं दोच्चंपि तच्चंपि एवं वयासी-

अहो णं तं चेव । तए णं से सुवुद्धी अमच्चे जियसत्तुणा रत्ता दोच्चंपि तच्चंपि एवं
 चुत्ते समाणे एवं वयासी-नो खलु सामी ! अम्हं एयंसि फरिहोदगंसि केइ विम्हए ।
 एवं खलु सामी ! सुरभिसद्दा वि पोग्गला दुब्भिसद्दाए परिणमंति तं चेव जाव
 पओगवीससापरिण्या वि य णं सामी ! पोग्गला पन्नत्ता । तए णं जियसत्तू(राया)
 सुवुद्धिं (अमच्चं) एवं वयासी-मा णं तुमं देवाणुप्पिया ! अप्पाणं च परं च तदुभयं
 च बहूहि य असब्भावुवभावणाहिं भिच्छत्ताभिनिवेसेण य दुग्गाहेमाणे पुप्पाएमाणे
 विहराहि । तए णं सुवुद्धिस्स इमेयारूवे अज्झत्थिए० समुप्पजित्था-अहो णं
 जियसत्तू संते तच्चे ताहिए अवितहे सब्भूए जिणपन्नत्ते भावे नो उवलभइ । तं
 सेयं खलु मम जियसत्तुस्स रत्तो संताणं तच्चाणं ताहियाणं अवितहाणं सब्भूयाणं
 जिणपन्नत्ताणं भावाणं अभिगमणट्ठयाए एयमट्ठं उवा(इ)यणावेत्तए । एवं संपेहेइ २
 ता पच्चइएहिं पुरिसेहिं सद्धिं अंतरावणाओ नवए घड(य)ए य पडए य(प)गेण्हइ
 २ ता संज्ञाकालसमयंसि पविरलमणुस्संसि निसंतपडिनिसंतंसि जेणेव फरिहोदए
 तेणेव उवाग(ए)च्छइ २ ता तं फरिहोदगं गेण्हावेइ २ ता नवएसु घडएसु गालावेइ
 २ ता नवएसु घडएसु पक्खिवावेइ २ ता [सज्जखारं पक्खिवावेइ] लंछियमुद्दिए
 का(क)रावेइ २ ता सत्तरत्तं परिवसावेइ २ ता दोच्चंपि नवएसु घडएसु गालावेइ २
 ता नवएसु घडएसु पक्खिवावेइ २ ता सज्ज(क्)खारं पक्खिवावेइ २ ता लंछियमुद्दिए
 का(र)रावेइ २ ता सत्तरत्तं परिवसावेइ २ ता तच्चंपि नवएसु घडएसु जाव संवसा-
 वेइ । एवं खलु एएणं उवाएणं अंतरा गा(ग)ल्लवेमाणे अंतरा पक्खिवावेमाणे
 अंतरा य (विपरि)वसावेमाणे (२) सत्तसत्त[य]राइंदिया[इं](वि)परिवसावेइ । तए
 णं से फरिहोदए सत्त(म)मंसि सत्तयंसि परिणममाणंसि उदगरयणे जाए यावि होत्था
 अच्छे पत्थे जच्चे तणुए फालिय(फलिह)वण्णाभे वण्णेणं उववेए ४ आसायणिज्जे जाव
 सव्विदियगायपल्हायणिज्जे । तए णं सुवुद्धी(अमच्चं)जेणेव से उदगरयणे तेणेव उवा-
 गच्छइ २ ता करयलंसि आसादेइ २ ता तं उदगरयणं वण्णेणं उववेयं ४ आसा-
 यणि(ज्जे)ज्जं जाव सव्विदियगायपल्हायणिज्जं जाणित्ता हंठुट्ठे बहूहि उदगसंभा-
 रणिज्जेहिं दव्वेहिं संभारेइ २ ता जियसत्तुस्स रत्तो पाणियघरियं सद्दावेइ २ ता
 एवं वयासी-तुमं (च) णं देवाणुप्पिया ! इमं उदगरयणं गेण्हाहि २ ता जियसत्तुस्स
 रत्तो भोयणवेलाए उवणेज्जासि । तए णं से पाणियघरिए सुवुद्धि(य)स्स एयमट्ठं
 पडिमुणेइ २ ता तं उदगरयणं गेण्ह(गिण्हा)इ २ ता जियसत्तुस्स रत्तो भोयणवेलाए
 उवट्ठवेइ । तए णं से जियसत्तू-राया तं विपुलं असणं ४ आसाएमाणे जाव विहरइ
 जिमियमुत्ततरा(यया)गए वि य णं जाव परमसुइभूए तंसि उदगरय(णे)णंसि जाय-

विम्हए ते बहवे राईसर जाव एवं वयासी-अहो णं देवाणुप्पिया । इमे उदगरयणे
अच्छे जाव सव्विदियगायपल्हायणिज्जे । तए णं[ते] बहवे राईसर जाव एवं वयासी-
तहेव णं सामी । जणं तुब्भे वयह जाव एवं चेव पल्हायणिज्जे । तए णं जियसत्तू राया
पाणियघरियं सद्दावेइ २ ता एवं वयासी-एस णं तु(ब्भे)मे देवाणुप्पिया । उदगरयणे
कओ आसाइए ? । तए णं से पाणियघरिए जियसत्तुं एवं वयासी-एस णं सामी ।
मए उदगरयणे सुवुद्धिस्स अंतियाओ आसाइए । तए णं जियसत्तू (राया) सुवुद्धिं
अमच्चं सद्दावेइ २ ता एवं वयासी-अहो णं सुवुद्धी ! केणं कारणेणं अहं तव अणिट्ठे
५ जेणं तुमं मम कल्लाकल्लिं भोयणवेलाए इमं उदगरयणं न उवट्ठवेसि ? तं एस(तए)
णं तुमे देवाणुप्पिया । उदगरयणे कओ उवलद्धे ? । तए णं सुवुद्धी जियसत्तुं एवं
वयासी-एस णं सामी ! से फरिहोदए । तए णं से जियसत्तू सुवुद्धिं एवं वयासी-
केणं कारणेणं सुवुद्धी ! एस से फरिहोदए ? तए णं सुवुद्धी जियसत्तुं एवं वयासी-
एवं खलु सामी ! तु(म्हे)ब्भे तया मम एवमाइक्खमाणस्स ४ एयमट्ठं नो सद्दहह ।
तए णं मम इमेयारुवे अज्झत्थिए०-अहो णं जियसत्त संते जाव भावे नो सद्दहइ नो
पत्तियइ नो रोएइ । तं सेयं खलु म(मं)म जियसत्तुस्स रत्तो संताणं जाव सव्वभूयाणं
जिणपन्नत्ताणं भावाणं अभिगमणट्ठयाए एयमट्ठं उवायणावेत्तए । एवं संपेहेमि २
त्ता तं चेव जाव पाणियघरियं सद्दावेमि २ ता एवं वदामि-तुमं णं देवाणुप्पिया ।
उदगरयणं जियसत्तुस्स रत्तो भोयणवेलाए उवणेहि । तं एएणं कारणेणं सामी !
एस से फरिहोदए । तए णं जियसत्तू राया सुवुद्धिस्स(अमच्चस्स)एवमाइक्खमाणस्स
४ एयमट्ठं नो सद्दहइ ३ असद्दहमाणे अपत्तियमाणे अरो(य)एमाणे अविभतर(ट्ठा)-
ठाणिज्जे पुरिसे सद्दावेइ २ ता एवं वयासी-गच्छह णं तुब्भे देवाणुप्पिया । अंतराव-
णाओ नव[ए]घडए पडए य गेण्हह जाव उदगसं(हा)भारणिज्जेहिं दव्वेहिं संभारेह ।
तेवि तहेव संभारेंति २ ता जियसत्तुस्स उवणेंति । तए णं से जियसत्तू राया
तं उदगरयणं करयलंसि आसाइए आसायणिज्जं जाव सव्विदियगायपल्हायणिज्जं
जाणित्ता सुवुद्धिं अमच्चं सद्दावेइ २ ता एवं वयासी-सुवुद्धी ! एए णं तुमे संता तच्चा
जाव सव्वभूया भावा कओ उवलद्धा ? । तए णं सुवुद्धी जियसत्तुं एवं वयासी-एए
णं सामी ! मए संता जाव भावा जिणवयणाओ उवलद्धा । तए णं जियसत्त सुवुद्धिं
एवं वयासी-तं इच्छामि णं देवाणुप्पिया । तव अंतिए जिणवयणं निसा(मे)मित्तए ।
तए णं सुवुद्धी जियसत्तुस्स विचित्तं केवलपन्नत्तं चाउज्जामं धम्मं परिकहेइ तमाइ-
क्खइ जहा जीवा वज्झंति जाव पंचाणुव्वयाइ । तए णं जियसत्तू सुवुद्धिस्स अंतिए
धम्मं सोच्चा निसम्म इट्ठ० सुवुद्धिं अमच्चं एवं वयासी-सद्दहामि णं देवाणुप्पिया !

निगगंथं पावयणं ३ जाव से जहेयं तुब्भे वयह । तं इच्छामि णं तव अंतिए पंचा-
णुव्वइयं सत्तसिक्खावइयं जाव उवसंपज्जिताणं विहरितिए । अहासुहं देवाणुप्पिया !
मा पडिवंभं (करेह) । तए णं से जियसत्तू सुवुद्धिस्स (अमच्चस्स) अंतिए पंचाणु-
व्वइयं जाव दुवालसविहं सावयधम्मं पडिवज्जइ । तए णं जियसत्तू समणोवासए जाए
अ(भि)हिगयजीवाजीवे जाव पडिलाभेमाणे विहरइ । तेणं कालेणं तेणं समएणं
(धेरा जेणेव चंपा नयरी जेणेव पुण्णभेइ उज्जाणे तेणेव स०) धेरागमणं । जियसत्त
राया सुवुद्धी य निगगच्छइ । सुवुद्धी धम्मं सोचा जं नवरं जियसत्तुं आपुच्छामि
जाव पव्वयामि । अहासुहं देवाणुप्पिया ! । तए णं[से]सुवुद्धी जेणेव जियसत्त तेणेव
उवागच्छइ २ ता एवं वयासी-एवं खलु सामी ! मए धेराणं अंतिए धम्मं निसंते ।
से(ऽ)वि य धम्मं इच्छि(य)ए पडिच्छिए ३ । तए णं अहं सामी ! संसारभउव्विग्गे
भीए जाव इच्छामि णं तुब्भेहिं अब्भणुत्ताए (स०) जाव पव्वइत्तए । तए णं
जियसत्तू सुवुद्धिं एयं वयासी-अ(च्छा)च्छसु ताव देवाणुप्पिया ! कइवयाइं वासाइं
उरालाई जाव भुंजमाणा । तओ पच्छा एगयओ धेराणं अंतिए मुंडे भाविता जाव
पव्वइस्सामो । तए णं सुवुद्धी जियसत्तुस्स रत्तो एयमट्ठं पडिसुणेइ । तए णं तस्स
जियसत्तुस्स रत्तो सुवुद्धिणा सद्धिं विपुलाइं माणुस्सगाइं जाव पच्चणुव्वभवमाणस्स
दुवालस वासाइं वीइक्कंताइं । तेणं कालेणं तेणं समएणं धेरागमणं । (तए णं) जिय-
सत्त धम्मं सोचा एवं जं नवरं देवाणुप्पिया ! सुवुद्धिं आमंतेमि जेट्ठपुत्तं रज्जे ठा(ठ)-
वेमि तए णं तुब्भं [अंतिए] जाव पव्वयामि । अहासुहं देवाणुप्पिया ! । तए णं
जियसत्तू राया जेणेव सए गिहे तेणेव उवागच्छइ २ ता सुवुद्धिं सद्दावेइ २ ता
एवं वयासी-एवं खलु मए धेराणं जाव पव्व(जा)यामि, तुमं णं किं करेसि ? । तए
णं सुवुद्धी जियसत्तुं एवं वयासी जाव के अन्ने आ(हा)धारे वा जाव प(व्वया)व्वामि ।
तं जइ णं देवाणुप्पिया ! जाव प(व्वयह)व्वहि । गच्छह णं देवाणुप्पिया ! जेट्ठपुत्तं च
कुडुंवे ठावेहि २ ता सीयं दुरुहिताणं ममं अंतिए सीया जाव पाउव्वभ(वेति)वइ ।
(त० सु० जाव पाउव्वभवइ) तए णं जियसत्त कोडुंबियपुरिसे सद्दावेइ २ ता एवं
वयासी-गच्छह णं तुब्भे देवाणुप्पिया ! अदीणसत्तुस्स कुमारस्स रायाभिसेयं उव-
ट्ठवेह जाव अभिसिंचंति जाव पव्वइए । तए णं जियसत्तू एक्कारस अंगाई अहिज्जइ
वट्ठणि वासाणि परियाओ(पाउणित्ता)मासियाए संलेहणाए जाव सिद्धे । तए णं सुवुद्धी
एक्कारस अंगाई अहिज्जित्ता वट्ठणि वासाणि जाव सिद्धे । एवं खलु जंबू ! समणेणं
भगवया महावीरेणं जावं संपत्तेणं वारसमस्स नायज्झयणस्स अयमट्ठे पचत्ते ति
वेमि ॥ ९९ ॥ गाहा-भिच्छत्तमोहियमणां पावपसत्तावि पाणिणो विगुणा । फरिहो-
दगं व गुणिणो हवंति वरगुरुपसायाओ ॥ १ ॥ वारसमं नायज्झयणं समत्तं ॥

जइ णं भंते ! समणेणं जाव संपत्तेणं वारसमस्स (णा०) अयमट्ठे पज्जते तेरस-
मस्स (णं भंते ! नाय०) के अट्ठे पज्जते ? एवं खलु जंबू ! तेणं कालेणं तेणं समएणं
रायगिहे नयरे (०) गुणसिलए उज्जाणे (ते० का० ते० स० समणे ३ चउ (६) दसहिं
समणसाहस्सीहिं जाव सद्धि पु० च० जाव जे० गु० उ० ते० स० अ० उ० सं०
त० अ० भा० विहरइ) समोसरणं परिसा निग्गया । तेणं कालेणं तेणं समएणं
सोहम्मं कप्पे ददुरवडिसए विमाणे सभाए सुहम्माए ददुरंसि सीहासणंसि ददुरे देवे
चउहिं सामाणियसाहस्सीहिं चउहिं अग्गमहिंसीहिं सपरिसाहिं एवं जहा स (सु)रिया-
(भो)भे जाव दिव्वाइं भोगभोगाइं भुंजमा (णो)णे विहरइ इमं च णं केवलकप्पं जंबु-
द्दीवं दीवं विउलेणं ओहिणा आभोएमाणे २ जाव नट्टविहिं उवदंसित्ता पडिगए जहा
सूरियाभे । भंते (ति) ! त्ति भगवं गोयमे समणं ३ वंदइ नमंसइ वं० २ ता एवं वयासी-
अहो णं भंते ! ददुरे देवे महिद्धि ६ । ददुरस्स णं भंते ! देवस्स सा दिव्वा
देविद्धी ३ कहिं गया ? कहिं (अणु)पविट्ठा ? गोयमा ! सरीरं गया सरीरं अणु-
पविट्ठा कूडागारदिट्ठंतो । ददुरेणं भंते ! देवेणं सा दिव्वा देविद्धी ३ किञ्चा लद्धा
जाव अभिसमन्नागया ? एवं खलु गोयमा ! इहेव जंबुद्दीवे २ भारहे वासे रायगिहे
गुणसिलए उज्जाणे सेणिए राया । तत्थ णं रायगिहे नंदे नामं मणियारसेट्ठी परिव-
सइ अट्ठे दित्ते० । तेणं कालेणं तेणं समएणं अहं गोयमा ! समोस (ढे)ट्ठे परिसा
निग्गया सेणिए वि (राया) निग्गए । तए णं से नंदे मणियारसेट्ठी इमीसे कहाए लद्धट्ठे
समाणे ण्हाए पायच्चारें जाव पज्जुवासइ । नंदे धम्मं सोच्चा समणोवासए जाए ।
तए णं अहं रायगिहाओ पडिनिक्खंते वहिया जणवयविहारं विहरामि । तए णं से
नं (दे) दमणियारसेट्ठी अन्नया कयाइ असाहुदंसणेण य अपज्जुवासणाए य अणुसा-
सणाए य असुस्सूसाणाए य सम्मत्तपज्जवेहिं परिहायमाणेहिं २ मिच्छत्तपज्जवेहिं परि-
वट्ठमाणेहिं २ मिच्छत्तं विप्पडिवत्ते जाए यावि होत्था । तए णं नंदे मणियारसेट्ठी
अन्नया [कयाइ] गिम्हकालसमयंसि जेट्ठामूलंसि मासंसि अट्ठमभत्तं परिगेण्हइ २ ता
पोसहसालाए जाव विहरइ । तए णं नंदस्स अट्ठमभत्तंसि परिणममाणंसि तण्हाए
ज्जुहाए य अभिभूयस्स समाणस्स इमेयारुवे अज्झत्थिए०-धन्ना णं ते जाव ईसर-
पभियओ जेसिं णं रायगिहस्स वहिया वहूओ वावीओ पोक्ख (र) रिणीओ जाव सर-
सरपंतियाओ जत्थ णं वहुजणो ण्हाइ य पियइ य पाणियं च संवहइ ॥ तं सेयं खलु
म (मं) म कल्लं (पाउ०) सेणियं रायं आपुच्छित्ता रायगिहस्स वहिया उत्तरपुरत्थिमे
दिसीभा (ए) मे वे [०] भारपव्वयस्स अदूरसामंतं वत्थुपाढगरोइयंसि भूमिभागंसि (जाव)
नंदं पोक्खरिणिं खणावेत्तए-त्तिकट्ठु एवं संपेहेइ २ ता कल्लं जाव पोसहं पारेइ २ ता

पहाए मित्तनाइ जाव संपरिवुडे महत्तं जाव पाहुडं रायारिहं गेण्हइ २ ता जेणेव
 सेणिए राया तेणेव उवागच्छइ जाव पाहुडं उवट्टवेइ २ ता एवं वयासी-इच्छामि
 णं सामी । तुब्भेहिं अब्भणुजाए समाणे रायगिहस्स बहिया जाव खणावेत्तए ।
 अहासुहं देवाणुप्पिया (१) । तए णं [से] नंदे सेणिएणं रत्ता अब्भणुजाए समाणे हट्टतुट्टे
 रायगिहं [नगरं] मज्झंमज्झेणं निगगच्छइ २ ता वत्थुपाठयरोइयंसि भूमिभागंसि नंदं
 पोक्खरणि खणा(वि)वेउं पयत्ते यावि होत्था । तए णं सा नंदा पोक्खरणी अणुपु-
 व्वेणं ख(ण)म्ममाणा २ पोक्खरणी जाया यावि होत्था चाउक्कोणा समतीरा अणु-
 पु(व्व)व्वं सुजायवप्पसीयलजला संछन्नपत्त(वि)भिसमुणाला बहु[उ]प्पलपउमकुमुद-
 नलि(णि)णसुभगसोगंधियपुंडरीयमहापुंडरीयसयपत्तसहरसपत्त(पफुल्ल)पुप्फफलकेस-
 रोववेया परिहत्थभमंतमत्तच्छप्पयअणेगसउणगणमिहुणवियारियस(हुज्ज)इनइयमहुरस-
 रनाइया पासाइया ४ । तए णं से नंदे मणियारसेट्ठी नंदाए पोक्खरणीए चउदिसिं
 चत्तारि वणसंडे रोवावेइ । तए णं ते वणसंडा अणुपुव्वेणं सारक्खिज्जमाणा संगो-
 विज्जमाणा (य) संवट्ठि(य)ज्जमाणा य (से) वणसंडा जाया किण्हा जाव नि(कु)उरंबं
 भूया पत्तिया पुप्फिया जाव उवसोभेमाणा २ चिट्ठंति । तए णं नंदे पुरत्थिमिल्ले
 वणसंडे एगं महं चित्तसभं करावेइ [२] अणेगखंभसयसंनिविट्ठं पासाइयं ४ । तत्थ
 णं बहूणि किण्हाणि य जाव सुक्किलाणि य कट्टकम्माणि य पोत्थकम्माणि य चित्त(०)-
 ले(लि)प्प(०)गंथिमवेढिमपूरिमसंघाइ(म०)माइ उवदंसिज्जमाणाइं २ चिट्ठंति । तत्थ
 णं बहूणि आसणाणि य सयणाणि य अत्थुयपच्चत्थुयाइं चिट्ठंति । तत्थ णं बहवे नडा
 य नट्टा य जाव दिन्नभइभत्तवेयणा तालायरकम्मं करेमाणा विहरंति । रायगिहवि-
 णिगगओ(य) त(ज)त्थ [णं] व(हु)हुज्जो तेसु पुव्वन्नत्थेसु आसणसयणेसु संनिसणो
 य संतुयट्ठो य सुणमाणो य पेच्छमाणो य सा(सो)हेमाणो य सुहंसुहेणं विहरइ । तए
 णं नंदे दाहिणिल्ले वणसंडे एगं महं महाणससालं कारावेइ अणेगखंभ जाव रुवं । तत्थ
 णं बहवे पुरिसा दिन्नभइभत्तवेयणा विउलं असणं ४ उवक्खडेंति बहूणं समणमाहण-
 अति(ही)हिकिवणवणीमगाणं परिभाएमाणा २ विहरंति । तए णं नंदे मणियारसेट्ठी
 पच्चत्थिमिल्ले वणसंडे एगं महं ति(ते)गिच्छियसालं क(रे)रावेइ अणेगखंभसय जाव
 पडिरुवं । तत्थ णं बहवे वेज्जा य वेज्जपुत्ता य जाणुया य जाणुयपुत्ता य कुसला य
 कुसलपुत्ता य दिन्नभइभत्तवेयणा बहूणं वाहिया(णं)ण य गिलाणाण य रोगियाण य
 दुब्बलाण य तेइ(च्छं)च्छकम्मं करेमाणा विहरंति । अन्ने य त(ए)त्थ बहवे पुरिसा
 दिन्नभइ० तेसिं बहूणं वाहियाण य रोगि(०)यगिला(०)णदुब्बलाण य ओसहभेस-
 ज्जभत्तपाणेणं पडियारकम्मं विहरंति । तए णं नंदे उत्तरिल्ले वणसंडे एगं

महं अलंकारियसभं कारेइ अणेगखंभसय जाव पडिरुवं । तत्थ णं वहवे अलंकारि-
य(पुरिसा)मणुस्सा दिन्नभइभत्त(वेय)पाणा बहुणं समणाण य [माहणाण य सनाहाण
य] अणाहाण य गिलाणाण य रोगियाण य दुब्बलाण य अलंकारियकम्मं करेमाणा
२ विहरंति । तए णं तीए नंदाए पोक्खरिणीए वहवे सणाहा य अणाहा य पंथिया
य पहिया य करोडिया य (कारिया०) त(णा)णहारा पत्तहारा कट्टहारा अप्पेगइया
ण्हायंति अप्पेगइया पाणियं पियंति अप्पेगइया पाणियं संवहंति अप्पेगइया विस-
जियसेयजल्लमलपरिस्समनिदइखुप्पिवासा सुहंसुहेणं विहरंति । रायगिह(वि)निग्गओ
वि ए(ज)त्थ बहुजणो किं ते जलरमणविविहमज्जणकयलिलया(घ)हरयकुसुमसत्थर-
यअणेगसउणगण(रु)कयरिभियसंकुलेसु सुहंसुहेणं अभिरममाणो २ विहरइ । तए णं
नंदाए पोक्खरिणीए बहुजणो ण्हायमाणो य पीयमाणो य पाणियं च संवहमाणो य
अन्नमन्नं एवं वयासी-धन्ने णं देवाणुप्पिया ! नंदे मणियारसेट्ठी कयत्थे जाव जम्म-
जीवियफले जस्स णं इमेयारुवा नंदा पोक्खरिणी चाउक्कोणा जाव पडिरुवा जस्स
णं पुरत्थिमिल्ले तं चेव सव्वं चउसु वि वणसंडेसु जाव रायगिहविणिग्गओ जत्थ बहु-
जणो आसणेसु य सयणेसु य सन्निसण्णो य संतुयट्ठो य पेच्छमाणो य साहेमाणो य
सुहंसुहेणं विहरइ । तं धन्ने कयत्थे [कयलक्खणे] कयपुण्णे कया णं लोया(!) सुलद्धे
माणुस्सए जम्मजीवियफले नंदस्स मणियारस्स । तए णं रायगिहे सिं(सं)घाडग जाव
बहुजणो अन्नमन्नस्स एवमाइक्खइ ४-धन्ने णं देवाणुप्पिया ! नंदे मणियारे सो चेव
गमओ जाव सुहंसुहेणं विहरइ । तए णं से नंदे मणियारे बहुजणस्स अंतिए एय-
मट्ठं सोच्चा निसम्म हट्ठुट्ठे धाराहयक(लं)यंव(गं)कं पिव समूस(सि)वियरोमकूवे
परं सायासोक्खमणुभ(व)वेमाणे विहरइ ॥ १०० ॥ तए णं तस्स नंदस्स मणिया-
रसेट्ठिस्स अन्नया कयाइ सरीरगंसि सोलस रोयायंका पाउब्भूया तंजहा-सासे कासे
जरे दाहे कुच्छिसूले भगंदरे । अरिसा अजीरए दि(ट्ठि)ट्ठीसुद्धसूले अ(गा)कारए
॥ १ ॥ अच्छिवेयणा कण्णवेयणा कंइ दउदरे कोढे ॥ तए णं से नंदे मणियारसेट्ठी
सोलसहिं रोयायंकेहिं अभिभूए समाणे कोडुंवियपुरिसे सद्दावेइ २ ता एवं वयासी-
गच्छह णं तुब्भे देवाणुप्पिया ! रायगिहे नयरे सिंघाडग जाव(म०)पहेसु महया [२]
सद्देणं उग्घोसेमाणा २ एवं वयह-एवं खलु देवाणुप्पिया ! नंदस्स मणियार(सेट्ठि)स्स
सरीरगंसि सोलस रोयायंका पाउब्भूया तंजहा-सासे जाव कोढे । तं जो णं इच्छइ
देवाणुप्पिया ! वि(वे)ज्जो वा विज्जपुत्तो वा जाणुओ वा २ कुसलो वा २ नंदस्स
मणियारस्स तेसिं च णं सोलसण्हं रोयायंकाणं एगमवि रोयायंकं उवसा(मे)मित्तए
तस्स णं (दे०!)नंदे मणियारे विउलं अत्थसंपयाणं दलयइ-त्तिकट्ठु दोचंपि तच्चंप्पि

घोसणं घोसेह २ ता एयमाणत्तियं पचाप्पिणह तेवि तहेव पचाप्पिणंति । तए णं
 रायगिहे इमेयारूवं घोसणं सोचा निसम्म वहवे वेज्जा य वेज्जपुत्ता य जाव कुसल-
 पुत्ता य सत्थकोसहत्यगया य (कोसगपायहत्यगया य) सिलियाहत्यगया य गुलि-
 याहत्यगया य ओसहेभेसज्जहत्यगया य सएहिं २ गिहेहिंतो निक्खमंति २ ता
 रायगिहं मज्झंमज्झेणं जेणेव नंदस्स मणियारसेट्ठिस्स गिहे तेणेव उवागच्छंति २
 ता नंदस्स मणियारस्स सरी(रं)रगं पासंति [२] तेसिं रोयायंकाणं नियणं पुच्छंति
 [२ ता] नंदस्स मणियारस्स बहुहिं उव्वलणेहि य उव्वट्टणेहि य सिणेहपाणेहि य
 चमणेहि य विरेयणेहि य सेयणेहि य अवदहणेहि य अवण्हा[व]णेहि य अणुवासं(णे)-
 णाहि य व(व)त्थिकम्मेहि य निरुहेहि य सिरावेहेहि य तच्छणाहि य पच्छणाहि
 य सिरा(वेढे)वत्थीहि य तप्पणाहि य पु(ढ)डवाएहि य छल्लीहि य वल्लीहि य मूलेहि
 य कंदेहि य पत्तेहि य पुप्फेहि य फलेहि य बीएहि य सिलियाहि य गुलियाहि य
 ओसहेहि य भेसज्जेहि य इच्छंति तेसिं सोलसण्हं रोयायंकाणं एगमवि रोयायंकां
 उवसामित्तए नो चेव णं संचाएंति उवसामेत्तए । तए णं ते वहवे विज्जा य ६ जाहे
 नो संचाएंति तेसिं सोलसण्हं रो(गा)यायंकाणं एगमवि रोयायंकां उवसामित्तए ताहे
 संता तंता जाव पडिगया । तए णं नंदे [मणियारे] तेहिं सोलसेहिं रोयायंकेहिं अभि-
 भूए समाणे नंदा[ए] पु(पो)क्खरिणीए मुच्छिण ४ तिरिक्खजोणिएहिं निवद्धाउए
 चद्धपएसिए अट्टदुहट्टवसट्टे कालमांसे कालं किच्चा नंदाए पोक्खरिणीए दहुरीए कुच्छिंति
 दहुरताए उववजे । तए णं नंदे दहुरे गव्भाओ वि(णिम्मु)प्पमुक्के समाणे उ(म)मु-
 क्कवालभावे विनायपरिणयमित्ते जोव्वणगमण[ए]पत्ते नंदाए पोक्खरिणीए अभिरममाणे
 २ विहरइ । तए णं नंदाए पोक्खरिणीए बहुज(णे)णो ण्हायमाणो य पिय(माणो)इ
 य पाणियं च संवहमाणो(य)अन्नम(जस्स)जं एवमाइक्खइ ४-धजे णं देवाणुप्पिया !
 नंदे मणियारे जस्स णं इमेयारूवा नंदा पुक्खरिणी चाउक्कोणा जाव पडिरूवा जस्स
 णं पुरत्थिमिहे वणसंडे चित्तसभा अणेगखंभ(०)तहेव चत्तारि स(हा)भाओ जाव
 जम्मजीवियफळे । तए णं तस्स दहुरस्स तं अभिक्खणं २ बहुजणस्स अंतिए एयमट्ठं
 सोचा निसम्म इमेयारूवे अज्झत्थिए० समुप्पज्जित्था-से कहिं मजे मए इमेयारूवे
 सहे निसंतपुव्वे-त्तिकट्टु सुभेणं परिणामेणं जाव जाईसरणे समुप्पजे पुव्वजाइं सम्मं
 समागच्छइ । तए णं तस्स दहुरस्स इमेयारूवे अज्झत्थिए०-एवं खलु अहं इहेव
 रायगिहे नयरे नंदे नामं मणियारे अट्ठे० । तेणं कालेणं तेणं समएणं समणे भगवं
 महावीरे[इह]समोसट्ठे । तए णं [मए]समणस्स ३ अंतिए पंचाणुव्वइए सत्तसिक्खा-
 चइए जाव पडिवजे । तए णं अहं अज्जा कयाइ असाहुदंसणेण य जाव मिच्छंतं

विप्पडिवन्ने । तए णं अहं अन्नया कया(ई)इं गि(म्हे)म्हकालसमयंसि जाव उवसंप-
ज्जित्ताणं विहरामि-एवं जहेव चिंता आपुच्छणा नंदापुक्खरिणी वणसंडा सहाओ तं
चेव सव्वं जाव नंदाए (पु(पो)क्ख०) दहुरत्ताए उववन्ने । तं अहो णं अहं अहन्ने
अपुण्णे अकयपुण्णे निगंथाओ पावयणाओ नट्टे भट्टे परिब्भट्टे । तं सेयं खलु ममं
सयमेव पुव्वपडिवन्नाइं पंचाणुव्वयाइं (०) उवसंपज्जित्ताणं विहरित्तए । एवं संपेहेइ
२ ता पुव्वपडिवन्नाइं पंचाणुव्वयाइं जाव आरु(हे)हइ २ ता इमेयारुवं अभिग्गहं
अभिणिग्गहइ-कप्पइ मे जाव(जी)जीवं छट्ठंछट्ठेणं अणिक्खित्तेणं अप्पाणं भावेमाणस्स
विहरित्तए । छट्ठस्स वि य णं पारणगंसि कप्पइ मे नंदाए पोक्खरिणीए परिपेरंतेसु
फासुएणं ण्हाणोदएणं उम्मइ(णो)णालोलियाहि य वित्तिं कप्पेमाणस्स विहरित्तए ।
इमेयारुवं अभिग्गहं अभिगेण्हइ जावजीवाए छट्ठंछट्ठेणं जाव विहरइ । तेणं कालेणं
तेणं समएणं अहं गोयमा । गुणसिलए-समोसड्ढे परिसा निग्गया । तए णं नंदाए
पो(पु)क्खरिणीए बहुजणो ण्हा(य०)इ ३ अन्नमन्नं (०) जाव समणे ३ इहेव गुणसि-
लए उज्जाणे समोसड्ढे । तं गच्छामो णं देवाणुप्पिया । समणं ३ वंदामो जाव पज्जुवा-
सामो । एयं (मे) णे इहभवे परभवे य हियाए जाव आ(अ)णुगामियत्ताए भविस्सइ ।
तए णं तस्स दहुरस्स बहुजणस्स अंतिए एयमट्ठं सोच्चा निसम्म अयमेयारुवे अज्झ-
त्थिए० समुप्पज्जित्था-एवं खलु समणे ३ (०) समोसडे । तं गच्छामि णं वंदा-
मि (०) । एवं संपेहेइ २ ता नंदाओ पुक्खरिणीओ सणियं २ उत्त(र)रेइ (२ ता)
जेणेव रायमग्गे तेणेव उवागच्छइ २ ता ताए उक्किट्ठाए ५ दहुरगईए वीईवयमाणे
जेणेव ममं अंतिए तेणेव पहारेत्थ गमणाए । इमं च णं सेणिए राया भिं(भं)भसारे
ग्हाए सव्वालंकारविभूसिए हत्थिखंधवरगए सको(रं)रेंटमल्लदामेणं छत्तेणं धरिज्जमा-
योगेणं सेयवरचाम(रा)रे० हयगयरह० महया भड्चडगर(०)चाउरंगिणीए सेणाए
सद्धिं संपरिवुडे मम पायवंदए हव्वमागच्छइ । तए णं से दहुरे सेणियस्स रत्तो
एगेणं आसकिसोरएणं वामपाएणं अकंते समाणे अंतनिग्घाइए कए यावि होत्था ।
तए णं से दहुरे अ(त्)थामे अवले अवीरिए अपुरिस(का)क्कारपरक्कमे अधारणिज्जमि-
तिकट्ठु एणंतमवक्कमइ (०) करयल(परिग्गहियं तिखुत्तो सिरसावत्तं म० अं० कट्ठु)
जाव एवं वयासी-नमोत्थु णं अ(रु)रहंताणं (भगवंताणं) जाव संपत्ताणं । नमोत्थु णं
(समणस्स ३) मम धम्मायरियस्स जाव संपाविउकामस्स । पुव्विपि य णं मए
समणस्स ३ अंतिए थूलए पाणाइवाए पच्चक्खाए जाव थूलए परिग्गहे पच्चक्खाए ।
तं इयाणिपि तस्सेव अंतिए सव्वं पाणाइवायं पच्चक्खामि जाव सव्वं परिग्गहं पच्च-
क्खामि जावजीवं सव्वं असणं ४ पच्चक्खामि जावजीवं जंपि य इमं सरीरं इट्ठं

कंतं जाव मा फुसंतु एयंपि [य] णं चरिमेहिं ऊसासेहिं वोसिरामि-त्तिकट्टु । तए णं से ददुरे कालमासे कालं किच्चा जाव सोहम्मे कप्पे ददुरवडिंसए (विमाणे) उववा-यसभाए ददुरदेवत्ताए उववजे । एवं खलु गोयमा ! ददुरेणं सा दिव्वा देविद्धी लद्धा ३ । ददुरस्स णं भंते ! देवस्स केव(ति)इयं कालं ठिई पन्नत्ता ? गोयमा ! चत्तारि पलिओवमाई ठिई पन्नत्ता । [ददुरे णं भंते ! देवे ताओ देवलोगाओ आउ-क्खएणं ठिइक्खएणं कहिं गच्छिहिइ कहिं उववज्जिहिइ ? गोयमा !] से णं ददुरे देवे (०) महाविदेहे वासे सिज्झिहिइ वुज्झिहिइ [मुच्चिहिइ] जाव अंतं करेहिइ । एवं खलु [जंबू !] समणेणं भगवया महावीरेणं जाव संपत्तेणं तेरसमस्स नायज्झयणस्स अयमट्ठे पन्नत्ते त्ति वेमि ॥ १०१ ॥ गाहाउ-संपन्नगुणो वि जओ सुसा-हुसंसग्गिवज्जिओ पायं । पावइ गुणपरिहारिणं ददुरजीवोव्व मणियारो ॥ १ ॥ तित्थ-यरवंदणत्थं चलिओ भावेण पावए सगं । जह ददुरदेवेणं पत्तं वेमाणियसुरत्तं ॥ २ ॥ तेरसमं नायज्झयणं समत्तं ॥

जइ णं भंते ! समणेणं जाव संपत्तेणं तेरसमस्स नायज्झयणस्स अयमट्ठे पन्नत्ते चोइसमस्स (०) के अट्ठे पन्नत्ते ? एवं खलु जंबू ! तेणं कालेणं तेणं समएणं तेय-लिपु(रे)रं ना(मं)म नय(रे)रं (होत्था) । (त० णं ते० व० उ० दि० एत्थ णं) पमयवणे (णामं) उज्जाणे (होत्था) । (तत्थ णं ते० णयरे) कणगरहे (णामं) राया (होत्था) । तस्स णं कणगरहस्स (रण्णो) पउमावई (णामं) देवी (होत्था) । तस्स णं कणगरहस्स रन्नो तेयलिपुत्ते नामं अमच्चे (होत्था) साम(दाम)दंडभेय(दंडे)-निउणे । तत्थ णं तेयलिपुरे कलादे नामं मूसियारदारए होत्था अट्ठे जाव अपरि-भूए । तस्स णं भद्दा नामं भारिया (होत्था) । तस्स णं कलायस्स मूसियारदार- (य)गस्स धूया भद्दाए अत्तया पोट्टिला नामं दारिया होत्था रुवेण य (जोव्वणेण य ला०) जाव उक्किट्ठा उक्किट्ठसरीरा । तए णं [सा] पोट्टिला दारिया अन्नया कयाइ ण्हाया सव्वालंकारविभूसिया चेडियाचक्कवालसंपरिवुडा उप्पि पासायवरगया आगा-सतलंगंसि कणग(मएणं)तिंदूसएणं कीलमाणी २ विहरइ । इमं च णं तेयलिपुत्ते अमच्चे ण्हाए आसखंधवरगए महया भडचडगर[०] आसवाहणियाए निज्जायमाणे कलायस्स मूसियारदारगस्स गिहस्स अदूरसामंतेणं वीईवयइ । तए णं से तेयलि-पुत्ते [अमच्चे] मूसियारदारगगिहस्स अदूरसामंतेणं वीईवयमाणे २ पोट्टिलं दारियं उप्पि (पासायवरगयं) आगासतलंगंसि कणगतिंदूसएणं कीलमाणीं पासइ २ ता पोट्टिलाए दारियाए रुवे य (३) जाव अज्झोववजे कोडुंबियपुरिसे सद्दावेइ २ ता एवं वयासी-एस णं देवाणुप्पिया ! कस्स दारिया किं नामधेज्जा [वा] ? । तए णं

कोडुंवियपुरि(से)सा तेयलिपुत्तं एवं वयासी-एस णं सामी ! कलायस्स मूत्तियारदा-
 रयस्स धूया भद्दाए अत्तया पोट्टिला नामं दारिया रुवेण य जाव [उक्किट्ट]सरीरा ।
 तए णं से तेयलिपुत्ते आसवाहणियाओ पडिनियत्ते समाणे अर्विभतर(ट्टा)ठाणिज्जे
 पुरिसे सद्दावेइ २ ता एवं वयासी-गच्छह णं तुब्भे देवाणुप्पिया ! कला(द)यस्स २
 धूर्यं भद्दाए अत्तयं पोट्टिलं दारियं मम भारियत्ताए वरेह । तए णं ते अर्विभतरठा-
 णिज्जा पुरिसा तेयलिणा एवं वुत्ता (समाणा) हट्ट० करयल० तहत्ति जेणेव कलायस्स
 २ गिहे तेणेव उवागया । तए णं से कलाए मूत्तियारदार[ए]ते पुरिसे एजमाणे
 पासइ २ ता हट्टतुट्टे आसणाओ अब्भुट्टेइ २ ता सत्तट्टपयाइं अणुगच्छइ २ ता आस-
 णेणं उवणिमंतेइ २ ता आसत्थे वीसत्थे सुहासणवरगए एवं वयासी-संदिसंतु णं
 देवाणुप्पिया ! किमागमणपओयणं (?) । तए णं ते अर्विभतरठाणिज्जा (पुरिसा)
 कलायं २ एवं वयासी-अम्हे णं देवाणुप्पिया ! तव धूर्यं भद्दाए अत्तयं पोट्टिलं दारियं
 तेयलिपुत्तस्स भारियत्ताए वरेमो, तं जइ णं जाणस्ति देवाणुप्पिया ! जुत्तं वा पत्तं वा
 सलाहणिज्जं वा सरिसो वा संजोगो ता दिज्जउ णं पोट्टिला दारिया तेयलिपुत्तस्स,
 (ता) तो भण देवाणुप्पिया ! किं दलामो सुक्कं (?) । तए णं कलाए २ ते अर्विभतर-
 ठाणिज्जे पुरिसे एवं वयासी-एस चेव णं देवाणुप्पिया ! मम सु(क्के)क्कं जन्नं तेयलिपुत्ते
 मम दारियानिमित्तेणं अणुग्गहं करेइ । ते ठाणिज्जे पुरिसे विपुलेणं अस(ण)गेणं ४
 पुप्फवत्थ जाव मल्लालंकारेणं सक्कारेइ सम्माणेइ (०) पडिविसज्जेइ । तए णं [ते
 पुरिसा] कलायस्स २ गिहाओ पडिनि(क्खमं)यत्तंति २ ता जेणेव तेयलिपुत्ते अमच्चे
 तेणेव उवागच्छंति २ ता तेयलिपुत्तं एयमहं निवे(यं)इंति । तए णं कलाए २
 अन्नया कयाइं सोहणंति तिहि[करण]नक्खत्तमुहुत्तंति पोट्टिलं दारियं ण्हायं सव्वालं-
 कारविभूसियं सीयं (दुरुहइ) दुरु(हि)हेता मित्तणाइसंपरिवुडे सया(सा)ओ गिहाओ
 पडिनिक्खमइ २ ता सव्विड्डीए [४] तेयलिपुरं [नयरं] मज्झंमज्जेणं जेणेव तेय-
 लिस्स गिहे तेणेव उवागच्छइ (०) पोट्टिलं दारियं तेयलिपुत्तस्स सयमेव भारियत्ताए
 दलयइ । तए णं तेयलिपुत्ते पोट्टिलं दारियं भारियत्ताए उवणीयं पासइ २ ता पोट्टिलाए
 सद्धिं पट्टयं दुरुहइ २ ता सेयापी(त)एहिं कलसेहिं अप्पाणं मज्जावेइ २ ता अग्नि-
 होमं करेइ २ ता पाणिग्गहणं करेइ २ ता पोट्टिलाए भारियाए मित्तनाइ जाव परि-
 (ज)यणं विउलेणं असणपाणखाइमसाइमेणं पुप्फ[वत्थ] जाव पडिविसज्जेइ । तए णं
 से तेयलिपुत्ते पोट्टिलाए भारियाए अणुरत्ते अविरत्ते उरालाइं जाव विहरइ ॥ १०२ ॥
 तए णं से कणगरहे (राया) रंज्जे य रट्टे य वळे य वाहणे य कोसे य कोट्टागारे य
 अंतैउरे य मुच्छिए ४ जाए २ पुत्ते वियंगेइ । अप्पेगइयाणं हत्थंगुलियाओ छिंदइ

अप्पेगइयाणं हत्थंगुट्टए छिंदइ । एवं पायंगुलियाओ पायंगुट्टए वि कण्ण(सङ्खु)संकुली-
 (ए)याओ वि नासापुडाइं फालेइ अं(गमं)गोवंगाइं वियंगेइ । तए णं तीसे पउमाव-
 ईए देवीए अन्नया [कयाइ] पुच्चरत्तावरत्तकालसमयंसि अयमेयारुवे अज्झत्थिए ४
 समुप्पज्जित्था-एवं खलु कणगरहे राया रज्जे य जाव पुत्ते वियंगेइ जाव अंगमंगाईं
 वियंगेइ । तं जइ [णं] अहं दारयं प(या)यामि सेयं खलु म(मं)म तं दारगं कणगर-
 हस्स रहस्सि[य]यं चेव सारक्खमाणीए संगोवेमाणीए विहरत्तिए-त्तिकइ एवं संपेहेइ
 २ ता तेयलिपुत्तं अमच्चं सदावेइ २ ता एवं वयासी-एवं खलु देवाणुप्पिया । कण-
 गरहे राया रज्जे य जाव वियंगेइ । तं जइ णं अहं देवाणुप्पिया । दारगं पयायामि
 तए णं तुमं कणगरहस्स रहस्सिययं चेव अणुपुव्वेणं सारक्खमाणे संगोवेमाणे संव-
 ड्ढेहि । तए णं से दारए उमुक्कवालभावे [जाव] जोव्वणगमणुप्पत्ते तव य मम य
 भिक्खाभायणे भविस्सइ । तए णं से तेयलिपुत्ते पउमावईए एयमट्ठं पडिमुणेइ २
 ता पडिगए । तए णं पउमावई (य) देवी पोट्टिला य अमच्ची सममेव गब्भं गेण्ह-
 (न्ति)इ सममेव (गब्भं) परिवहंति (सममेव गब्भं परिवड्ढंति) । तए णं सा पउ-
 मावई नवण्हं मासाणं जाव पियदंसणं सुरूवं दारगं पयाया । जं रयणिं च णं पउ-
 मावई (देवी) दारयं पयाया तं रयणिं च णं पोट्टिला वि अमच्ची नवण्हं मासाणं
 विणि(हा)घायमावन्नं दारियं पयाया । तए णं सा पउमावई देवी अम्मधाईं सदा-
 वेइ २ ता एवं वयासी-गच्छह णं तु(मे)मं अम्मो । (तेयलि(पुत्त)गिहे) तेयलि-
 पुत्तं रहस्सिययं चेव सदावे(ह)हि । तए णं सा अम्मधाईं तहत्ति पडिमुणेइ २ ता
 अंतैउरस्स अव(हा)दारेणं निग्गच्छइ २ ता जेणेव तेयलिस्स गिहे जेणेव तेयलि-
 पुत्ते तेणेव उवागच्छइ २ ता करयल जाव एवं वयासी-एवं खलु देवाणुप्पिया ।
 पउमावई देवी सदावेइ । तए णं तेयलिपुत्ते अम्मधाईए अंतिए एयमट्ठं सोच्चा
 (णिसम्म) हट्ठु(ट्ठ)ट्ठे अम्मधाईए सद्धिं सयाओ गिहाओ निग्गच्छइ २ ता अंतैउ-
 रस्स अवदारेणं रहस्सिययं चेव अणु[ए]पविसइ २ ता जेणेव पउमावई (देवी) तेणेव
 उवागच्छइ (२ ता) करयल जाव एवं वयासी-संदिसंतु णं देवाणुप्पिया । जं मए
 कायव्वं । तए णं पउमावई तेयलिपुत्तं एवं वयासी-एवं खलु कणगरहे राया जाव
 वियंगेइ । अहं च णं देवाणुप्पिया । दारगं पयाया । तं तु(मं)म्मे णं देवाणुप्पिया ।
 (तं) एयं दारगं गेण्हाहि जाव तव मम य भिक्खाभायणे भविस्सइ-त्तिकइ तेय-
 लिपुत्तस्स हत्थे दलयइ । तए णं तेयलिपुत्ते पउमावईए हत्थाओ दारगं गेण्हइ उत्त-
 रिजेणं पिहेइ २ ता अंतैउरस्स रहस्सिययं अवदारेणं निग्गच्छइ २ ता जेणेव
 सए गिहे जेणेव पोट्टिला भारिया तेणेव उवागच्छइ २ ता पोट्टिलं एवं वयासी-एवं

खलु देवाणुप्पि(या)ए । कणगरहे राया रज्जे य जाव वियंगेइ । अयं च णं दारए
 कणगरहस्स पुत्ते पउमावईए भत्तए । (तेणं) तज्जं तुमं देवाणुप्पिए । इमं दारगं
 कणगरहस्स रहस्सिययं चेव अणुपुव्वेणं सारक्खाहि य संगोवेहि य संवद्देहि य ।
 तए णं एस दारए उमुक्कवालभावे तव य मम य पउमावईए य आहारे भविस्सइ-
 त्तिकट्ठु पोट्टिलाए पासे निक्खिवइ [२] पोट्टिला(ओ)ए पासाओ तं विणिहायमाव-
 न्नियं दारियं गेण्हइ २ ता उत्तरिज्जेणं पिहेइ २ ता अंतेउरस्स अवदारेणं अणुप्प-
 विसइ २ ता जेणेव पउमावई देवी तेणेव उवागच्छइ २ ता पउमावईए देवीए पासे
 ठावेइ (०) जाव पडिनिग्गए । तए णं तीसे पउमावईए अंगपडियारियाओ पउ-
 मावई देविं विणिहायमावन्नियं (च) दारियं पयायं पासंति २ ता जेणेव कणगरहे
 राया तेणेव उवागच्छंति २ ता करयल जाव एवं वयासी-एवं खलु सामी ! पउ-
 मावई देवी म(इ)एल्लियं दारियं पयाया । तए णं कणगरहे राया तीसे मएल्लियाए
 दारियाए [महया] नीहरणं करेइ बहू(णि)इं लो(इ)गियाइं मयकिच्चाइं करेइ [२]
 कालेणं विगयसोए जाए । तए णं से तेयलिपुत्ते क(ल्ले)ल्लं कोडुंबियपुरिसे सदावेइ २
 ता एवं वयासी-खिप्पामेव चारगसोहणं जाव ठिइपडियं जम्हा णं अम्हं एस दारए
 कणगरहस्स रज्जे जाए तं होउ णं दारए नामेणं कणगज्झए जाव अलंभोगसमत्थे
 जाए ॥ १०३ ॥ तए णं सा पोट्टिला अन्नया कयाइ तेयलिपुत्तस्स अणिट्ठा ५
 जाया यावि होत्था नेच्छइ (य) णं तेयलिपुत्ते पोट्टिलाए नामगो(त्त)यमवि सवणयाए
 किंपुण दं(दरि)सणं वा परिभोगं वा (?) । तए णं तीसे पोट्टिलाए अन्नया कयाइ पुव्व-
 रत्तावरत्तकालसमयंसि इमेयारूवे अज्झत्थिए ४ जाव समुप्पज्जित्था-एवं खलु अहं
 तेयलिस्स पुव्वि इट्ठा ५ आसि इयाणिं अणिट्ठा ५ जाया । नेच्छइ णं तेयलिपुत्ते
 मम नामं जाव परिभोगं वा ओहयमणसंकप्पा जाव झियायइ । तए णं तेयलिपुत्ते
 पोट्टिलं ओहयमणसंकप्पं जाव झियायमाणं पासइ २ ता एवं वयासी-मा णं तुमं
 देवाणुप्पिए ! ओहयमणसंकप्पा जाव झियाहि, तुमं णं मम महाणसंसि विपुलं
 असणं ४ उवक्खडावेहि २ ता बहूणं समणमाहण जाव वणीमगाणं देयमाणी य
 द(दे)वावेमाणी य विहराहि । तए णं सा पोट्टिला तेयलिपुत्तेणं [अमच्चेणं] एवं वुत्तां
 समा(णा)णी हट्ठ० तेयलिपुत्तस्स एयमट्ठं पडिसुणेइ २ ता कल्लाक(ल्लं)ल्लि महाणसंसि
 विपुलं असणं ४ जाव दवावेमाणी विहरइ ॥ १०४ ॥ तेणं कालेणं तेणं समएणं
 सुव्वयाओ नामं अज्जाओ इ(ई)रियांसमियाओ जाव गुत्तवंभ(या)चारिणीओ बहु-
 स्सुयाओ बहुपरिवाराओ पुव्वाणुपुव्वि [चरमाणीओ] जेणामेव तेयलिपुरे नयरे तेणेव
 उवागच्छंति २ ता अहापडिरूवं उग्गहं ओगिण्हंति २ ता संजमे(ण)णं तवसा

अप्पाणं भावेमाणीओ विहरंति । तए णं तासिं सुव्वयाणं अज्जाणं एगे संघाडए पढमाए पोरिसीए सज्झायं करेइ जाव अडमाणीओ तेयलिस्स गिहं अणुपविट्ठाओ । तए णं सा पोट्टिला ताओ अज्जाओ एज्जमाणीओ पासइ २ ता हट्ठं आसणाओ अब्भुट्ठेइ (०) वंदइ नमंसइ वं० २ ता विपु(लं)लेणं अस(णं)णेणं ४ पडिलाभेइ २ ता एवं वयासी-एवं खलु अहं अज्जाओ ! तेयलिपुत्तस्स पुर्व्वि इट्ठा ५ आसि इयाणिं अणिट्ठा ५ जाव दंसणं वा परिभोगं वा, तं तुव्वे णं अज्जाओ बहुनायाओ [वहु]सि-क्खियाओ बहुपडियाओ बहूणि गामागर जाव आहिंडह बहूणं राईसर जाव गिहाई अणुपविसह, तं अत्थि-याइं भे अज्जाओ ! केइ क(हं)हिंचि चुण्णजोए वा मंतजोगे वा कम्मणजोए वा हियउट्ठावणे वा काउट्ठावणे वा आभिओगिए वा वसीकरणे वा कोउयकम्मे वा भूइकम्मे वा मूले [वा] कंदे [वा] छल्ली वल्ली सिलिया वा गुलिया वा ओसहे वा भेसज्जे वा उवलद्धपुव्वे जेणाहं तेयलिपुत्तस्स पुणरवि इट्ठा ५ भवे-ज्जामि [?] । तए णं ताओ अज्जाओ पोट्टिलाए एवं वुत्ताओ समाणीओ दोवि कण्णे [अंगुलियं] ठव्वे(ठाई)ति २ ता पोट्टिलं एवं वयासी-अम्हे णं देवाणुप्पिए ! सम-णीओ निग्गंथीओ जाव गुत्तवंभचारिणीओ । नो खलु कप्पइ अम्हं एयप्प(या)गारं कण्णे(हिं)हिं वि निसा(मे)मित्तए किमंग पुण उव(दि)दंसित्तए वा आयरित्तए वा (?) । अम्हे णं तव देवाणुप्पिया ! विचित्तं केवलपन्नत्तं धम्मं प(डि)रिकहिज्जामो । तए णं सा पोट्टिला ताओ अज्जाओ एवं वयासी-इच्छामि णं अज्जाओ ! तु(म्हं)व्वं अंतिए केवलपन्नत्तं धम्मं निसामित्तए । तए णं ताओ अज्जाओ पोट्टिलाए विचित्तं धम्मं परिकहेति । तए णं सा पोट्टिला धम्मं सोच्चा निसम्म हट्ठं एवं वयासी-सइहामि णं अज्जाओ ! निग्गंथं पावयणं जाव से जहेयं तुव्वे वयह, इच्छामि णं अहं तुव्वं अंतिए पंचाणुव्व(याइं)इयं जाव धम्मं पडिवज्जित्तए । अहासुहं [देवाणुप्पिया] । तए णं सा पोट्टिला तासिं अज्जाणं अंतिए पंचाणुव्वइयं जाव धम्मं पडिवज्जइ ताओ अज्जाओ वंदइ नमंसइ वं० २ ता पडिविसज्जेइ । तए णं सा पोट्टिला समणोवासिया जाया जाव पडिलाभेमाणी विहरइ ॥ १०५ ॥ तए णं तीसे पोट्टिलाए अन्नया कयाइ पुव्वरत्तावरत्तकालसमयंसि कुडुंवजागरियं जागरमाणीए अयमेयारुवे अज्झ-त्थिए०-एवं खलु अहं तेयलिपुत्तस्स पुर्व्वि इट्ठा ५ आसि इयाणिं अणिट्ठा ५ जाव परिभोगं वा, तं सेयं खलु म(म)मं सुव्वयाणं अज्जाणं अंतिए पव्वइत्तए । एवं संपे-हेइ २ ता कलं (पाउ०) जेणेव तेयलिपुत्ते तेणेव उवागच्छइ २ ता करयल जाव एवं वयासी-एवं खलु देवाणुप्पिया ! मए सुव्वयाणं अज्जाणं अंतिए धम्मे निसंते जाव अब्भणुत्ताया पव्वइत्तए । तए णं तेयलिपुत्ते पोट्टिलं एवं वयासी-एवं खलु

तुमं देवाणुप्पिए ! मुंडा पव्वइया समाणी कालमासे कालं किच्चा अ(न)णंतरेसु देवलोएसु देवत्ताए उववज्जिहिसि, तं जइ णं तुमं देवाणुप्पिए ! ममं ताओ देव-लो(या)गाओ आगम्म केवल्लिपन्नते धम्मे वो(हि)हेहि तो हं विसज्जेमि, अहं णं तुमं ममं न संवोहेसि तो ते न विसज्जेमि । तए णं सा पोट्टिला तेयलिपुत्तस्स एयमट्ठं पडिसुणेइ । तए णं तेयलिपुत्ते विउलं असणं ४ उवक्खडावेइ २ ता मित्तनाइ जाव आमंतेइ (०) जाव सम्माणेइ २ पोट्टिलं ण्हायं स० पुरिससहस्सवा(ह)हिणीयं सीयं दुल्लहिता मित्तनाइ जाव [सं]परिवुडे सव्वि(ट्ठि)ट्ठीए जाव रवेणं तेयलिपु(रस्स)रं मज्झमज्झेणं जेणेव सुव्वयाणं उवस्सए तेणेव उवागच्छइ २ ता सीयाओ पच्चोरुहइ २ ता पोट्टिलं पुरओ-कट्ठु जेणेव सुव्वया अजा तेणेव उवागच्छइ २ ता वंदइ नमंसइ वं० २ ता एवं वयासी-एवं खलु देवाणुप्पिए(ए)या ! मम पोट्टिला भारिया इट्ठा ५, एस णं संसारभउव्विग्गा जाव पव्वइत्ताए, पडिच्छंलु णं देवाणुप्पिया ! सिस्सिणि-भिव्वं (दलयामि) । अहासुहं मा पडिवंधं (करेह) । तए णं सा पोट्टिला सुव्वयाहिं अज्जाहिं एवं वुत्ता समाणी हट्ठ० उत्तरपुर(च्छिमे)त्थिमं दिसीभा(ए)गं [अवक्कमइ २] सयमेव आभरणमल्लालंकारं ओमुयइ २ ता सयमेव पंचमुट्ठियं लोयं करेइ २ ता जेणेव सुव्वयाओ अजाओ तेणेव उवागच्छइ २ ता वंदइ नमंसइ वं० २ ता एवं वयासी-आलित्ते णं भंते ! लोए एवं जहा देवाणंदा जाव एकारस अंगाइं वहुणि वासाणि सामण्णपरियागं पाउणइ २ ता मासियाए संलेहणाए अत्ताणं शोसेत्ता सट्ठि भत्ताइं अणस(णाइं)णेणं [छेएत्ता] आलोइयपडिक्कंता समाहिपत्ता कालमासे कालं किच्चा अन्नयरेसु देवलोएसु देवत्ताए उववज्जा ॥ १०६ ॥ तए णं से कणगरहे राया अन्नया कयाइ कालधम्मूणा संजुत्ते यावि होत्था । तए णं [ते] राईसर जाव नीहरणं करेति २ ता अन्नमन्नं एवं वयासी-एवं खलु देवाणुप्पिया ! कणगरहे राया रज्जे य जाव पुत्ते विर्यंगित्था । अम्हे णं देवाणुप्पिया ! रायाहीणा रायाहिट्ठिया रायाहीण-कज्जा । अयं च णं तेयली अमच्चे कणगरहस्स रज्जो सव्वट्ठाणेषु सव्वभूमियासु लद्धपच्चए दिन्नवियारे सव्वकज्जव(ट्ठा)ट्ठावए यावि होत्था । तं सेयं खलु अम्हं तेय-लिपुत्तं अमच्चं कुमारं जाइत्ताए-त्तिकट्ठु अन्नमन्नस्स एयमट्ठं पडिसुणेति २ ता जेणेव तेयलिपुत्ते अमच्चे तेणेव उवागच्छंति २ ता तेयलिपुत्तं एवं वयासी-एवं खलु देवा-णुप्पिया ! कणगरहे राया रज्जे य रट्ठे य जाव विर्यंगेइ, अम्हे (य) णं देवाणुप्पिया ! रायाहीणा जाव रायाहीणकज्जा, तुमं च णं देवाणुप्पिया ! कणगरहस्स रज्जो सव्व-ट्ठा)ठाणेषु जाव रज्जधुराचितए [होत्था], तं जइ णं देवाणुप्पिया ! अत्थि केइ कुमारं रायलक्खणसंपन्ने अभिसेयारिहे तण्णं तुमं अम्हं दलाहि जण(जा)णं अम्हे

महया २ रायाभिसेएणं अभिसिंचामो । तए णं तेयलिपुत्ते तेसिं ईसर जाव एयमट्ठं पडिखुणेइ २ ता कणगज्झयं कुमारं ण्हायं सब्वालंकारविभूसियं सस्सिरीयं करेइ २ ता तेसिं ईसर जाव उवणेइ २ ता एवं वयासी-एस णं देवाणुप्पिया ! कणगरहस्स रत्तो पुत्ते पउमावईए देवीए अत्तए कणगज्झए नामं कुमारे अभिसेयारिहे रायल-क्खणसंपन्ने मए कणगरहस्स रत्तो रहस्सिययं संवट्ठिए, एयं णं तुब्भे महया २ रायाभिसेएणं अभिसिंचह । सब्बं च तेसिं उट्ठाणपरियावणियं परिकहेइ । तए णं ते ईसर जाव कणगज्झयं कुमारं महया (२) रायाभिसेएणं अभिसिंचंति । तए णं से कणगज्झए कुमारे राया जाए महयाहिमवंत(मलय) वण्णओ जाव रज्जं पसा-(से)हेमाणे विहरइ । तए णं सा पउमावई देवी कणगज्झयं रायं सद्दावेइ २ ता एवं वयासी-एस णं पुत्ता ! तव रज्जे जाव अंतेउरे य तुमं च तेयलिपुत्तस्स [अम-च्चस्स] प(हा)भावेणं, तं तुमं णं तेयलिपुत्तं अमच्चं आढाहि परिजाणाहि सक्कारेहि सम्माणेहि इंतं अब्भुट्ठेहि ठियं पज्जुवासाहि वच्चंतं पडिसंसाहेहि अद्धासणेणं उव-णिमंतेहि भोगं च से अणुवट्ठेहि । तए णं से कणगज्झए पउमावईए (देवीए) तहत्ति [वयणं] पडिखुणेइ जाव भोगं च से [सं]वट्ठेइ ॥ १०७ ॥ तए णं से पोट्टिले देवे तेयलिपुत्तं अभिक्खणं २ केवलपन्नत्ते धम्मे संवोहेइ नो चेव णं से तेयलि-पुत्ते संवुज्झइ । तए णं तस्स पोट्टिलदेवस्स इमेयारुवे अज्झत्थिए०-एवं खलु कण-गज्झए राया तेयलिपुत्तं आढाइ जाव भोगं च संवट्ठेइ । तए णं से तेय(ली)लि-पुत्ते अभिक्खणं २ संवोहिज्जमाणे वि धम्मे नो संवुज्झइ । तं सेयं खलु कणगज्झयं तेयलिपुत्ताओ विप्परिणा(मे)मित्तए-त्तिकुट्टु एवं संपेहेइ २ ता कणगज्झयं तेयलिपु-त्ताओ विप्परिणामेइ । तए णं तेयलिपुत्ते कलं ण्हाए आसखंधवरगए बहूहिं पुरिसेहिं [सद्धिं] संपरिवुडे सयाओ गिहाओ निग्गच्छइ २ ता जेणेव कणगज्झए राया तेणेव पहारेत्थ गमणाए । तए णं तेयलिपुत्तं अमच्चं जे जहा बहवे राईसरतलवर जावे पभियओ पासंति ते तहेव आढायंति परि(जा)याणंति अब्भुट्ठेति २ ता अंजलि-परिग्गहं करेंति इट्ठाहिं कंताहिं जाव वग्गूहिं आल(वे)वमाणा य संलवमाणा य पुरओ य पिट्ठओ य पासओ य मग्गओ य समणुगच्छंति । तए णं से तेयलिपुत्ते जेणेव कणगज्झए तेणेव उवागच्छइ । तए णं [से] कणगज्झए तेयलिपुत्तं एज्ज-माणं पासइ २ ता नो आढाइ नो परियाणाइ नो अब्भुट्ठेइ अणाढायमाणे ३ पर-म्मुहे संचिट्ठइ । तए णं [से] तेयलिपुत्ते कणगज्झयस्स रत्तो अंजलिं करेइ । तए णं से कणगज्झए राया अणाढायमाणे तुसिणीए परम्मुहे संचिट्ठइ । तए णं तेयलि-पुत्ते कणगज्झयं [रायं] विप्परिणयं जाणित्ता भीए जाव संजायभए एवं वयासी-रुट्ठे

णं मम कणगज्झए राया । हीणे णं मम कणगज्झए राया । अवज्झाए णं कणग-
ज्झए (राया) । तं न नज्झइ णं मम केणइ कुमारेण मारेहिइ-त्तिकट्ठु भीए तत्थे
(य) जाव सणियं २ पच्चोस(क्के)कइ २ ता तमेव आसखंधं दुरु(हि)हइ २ ता तेय-
लिपुरं मज्झंमज्झेणं जेणेव सए गिहे तेणेव पहारेत्थ गमणाए । तए णं तेयलिपुत्ते
जे जहा ईसर जाव पासंति ते तहा नो आढायंति नो परियाणंति नो अब्भुट्ठेति
नो अंज(लि)लिं० इट्ठा(हिं)इं जाव नो संलवंति नो पुरओ य पिट्ठओ य पासओ
(य मग्गओ य)समणुगच्छंति । तए णं तेयलिपुत्ते जेणेव सए गिहे तेणेव उवाग-
(च्छइ)ए । जा वि य से तत्थ बाहिरिया परिसा भवइ तंजहा-दासेइ वा पेसेइ वा
भाइल्लएइ वा सा वि य णं नो आढाइ ३ । जा वि य से अर्भितरिया परिसा भवइ
तंजहा-पियाइ वा मायाइ वा जाव सुण्हाइ वा सा वि य णं नो आढाइ ३ । तए
णं से तेयलिपुत्ते जेणेव वासघरे जेणेव (सए) सयणिज्जे तेणेव उवागच्छइ २ ता
सयणिज्जंति निसीयइ २ ता एवं वयासी-एवं खलु अहं सयाओ गिहाओ निग्गच्छामि
तं चेव जाव अर्भितरिया परिसा नो आढाइ नो परियाणाइ नो अब्भुट्ठेइ । तं
सेयं खलु मम अप्पाणं जीवियाओ ववरोवित्तए-त्तिकट्ठु एवं संपेहेइ २ ता तालउडं
विसं आसगंसि पक्खिवइ, से (य विसे) नो संकमइ । तए णं से तेयलिपुत्ते [अमच्चे]
नीलुप्पल जाव असिं खंधे)धंसि ओहरइ, तत्थ वि य से धारा ओपल्ला । तए णं से
तेयलिपुत्ते जेणेव असोगवणिया तेणेव उवागच्छइ २ ता पासगं गीवाए वंधइ २ ता
रुक्खं दुरुहइ २ ता पा(सं)सगं रुक्खे वंधइ २ ता अप्पाणं मुयइ, तत्थ वि य से
रजू छिन्ना । तए णं से तेयलिपुत्ते महइमहा(ल)लियं सिलं गीवाए वंधइ २ ता
अत्थाहमतारमपोरि(सि)सीयंसि उदगंसि अप्पाणं मुयइ, तत्थ वि से थाहे जाए ।
तए णं से तेयलिपुत्ते सुक्कंसि तणकूडंसि अगणिकायं पक्खिवइ २ ता अप्पाणं मुयइ,
तत्थ वि य से अगणिकाए विज्झाए । तए णं से तेयलिपुत्ते एवं वयासी-सद्धेयं
खलु भो समणा वयंति, सद्धेयं खलु भो माहणा वयंति, सद्धेयं खलु भो समणा
माहणा वयंति, अहं एगो असद्धेयं वयामि, एवं खलु अहं सह पुत्तेहिं अपुत्ते, को
मेदं सद्दहिस्सइ ? सह मित्तेहिं अमित्ते, को मेदं सद्दहिस्सइ ? एवं अत्थेणं दारेणं
दासेहिं [पेसेहिं] परिजणेणं । एवं खलु तेयलिपुत्तेणं अमच्चेणं कणगज्झएणं रत्ता अव-
ज्झाएणं समाणेणं तालपुडगे विसे आसगंसि पक्खित्ते, से वि य नो (सं)कमइ,
को मेयं सद्दहिस्सइ ? तेयलिपुत्ते नीलुप्पल जाव खंधंसि ओहरिए, तत्थ वि य से
धारा ओपल्ला, को मेदं सद्दहिस्सइ ? तेयलिपु(त्तस्स)त्ते पासगं गीवाए वंधे)धित्ता
जाव रजू छिन्ना, को मे(दं)यं सद्दहिस्सइ ? तेयलिपुत्ते महा(सिल)लियं जाव वंधित्ता

अत्थाह जाव उदगंसि अप्पा[णं] मुक्के, तत्थ वि य णं थाहे जाए, को मेयं सद-
हिस्सइ ? तेयलिपुत्ते सुक्कंसि तणक्खे अग्गी विज्झाए, को मेयं सदहिस्सइ ?—ओह-
यमणसंकप्पे जाव झिया[य]इ । तए णं से पोट्टिले देवे पोट्टिलाहवं विउव्वइ २ ता
तेयलिपुत्तस्स अदूरसामंते ठिच्चा एवं वयासी—हं भो तेयलिपुत्ता ! पुरओ पवाए
पिट्ठओ हत्थिभयं दुहओ अचक्खुपासे मज्झे सराणि पतं(वरिसयं)ति, गामे पलित्ते
रत्ते झियाइ रत्ते पलित्ते गामे झियाइ, आउसो (I) तेयलिपुत्ता ! कओ वयामो ? । तए
णं से तेयलिपुत्ते पोट्टिलं एवं वयासी—भीयस्स खलु भो ! पव्वज्जा सरणं, उक्कं(ठि)-
द्वियस्स सदेसगमणं छुहियस्स अन्नं तिसियस्स पाणं आउरस्स भैसज्जं माइयस्स
रहस्सं अभिजुत्तस्स पच्चयकरणं अद्धानपरिसंतस्स वाहणगमणं तरिउकामस्स पव-
ह(णं)णकिच्चं परं अभिओजिउकामस्स सहायकिच्चं, खंतस्स दंतस्स जिइंदियस्स
एत्तो एगमवि न भवइ । तए णं से पोट्टिले देवे तेयलिपुत्तं अमच्चं एवं वयासी—
सुट्ठु णं तुमं तेयलिपुत्ता ! एयमट्ठं आया(णि)णहि—त्तिकट्ठु दोच्चंपि [तच्चंपि] एवं वयइ
२ ता जामेव दि(सं)सि पाउभूए तामेव दिसिं पडिगए ॥ १०८ ॥ तए णं तस्स
तेयलिपुत्तस्स सुमेणं परिणामेणं जाइसरणे समुप्पन्ने । तए णं (तस्स) तेयलिपुत्तस्स
अयमेयाह्वे अज्झत्थिए ० समुप्पन्ने—एवं खलु अहं इहेव जंजुदीवे २ महाविदेहे
वासे पोक्खलावईविजए पौड(री)रिगिणीए रायहाणीए महापउमे नामं राया
होत्था । तए णं (अ)हं थेराणं अंतिए मुंडे भवित्ता जाव चोइस—पुव्वाइं (०) वहुणि
वासाणि सामण्णपरिया(ए)गं पाउणित्ता मासियाए संलेहणाए महासुक्के कप्पे देवे
(उव्वन्ने) । तए णं हं ताओ देवलोगाओ आउक्खएणं [भवक्खएणं ठिइक्खएणं
अणंतरे चयं चइत्ता] इहेव तेयलिपुरे तेयलिस्स अमच्चस्स भद्दाए भारियाए दार-
गत्ताए पच्चायाए । तं सेयं खलु मम पुव्वदिट्ठाइं महव्वयाइं सयमेव उवसंपजित्ताणं
विहरितए । एवं संपेहेइ २ ता सयमेव महव्वयाइं आरुहेइ २ ता जेणेव पमय-
वणे उज्जाणे तेणेव उवागच्छइ २ ता असोगवरपायवस्स अहे पुढविसिलापट्टयंसि
सुहनिसण्णस्स अणुचितेमाणस्स पुव्वाहीयाइं सामाइयमाइयाइं चोइसपुव्वाइं सय-
मेव अभिसमन्नागयाइं । तए णं तस्स तेयलिपुत्तस्स अणगारस्स सुमेणं परिणा-
मेणं जाव तयावरणिज्जाणं कम्माणं खओवसमेणं कम्मरयविकरणकरं अपुव्वकरणं
पविट्ठस्स केवलवरनाणदंसणे समुप्पन्ने ॥ १०९ ॥ तए णं तेयलिपुरे नयरे अहास-
निहिएहिं वाणमंतरेहिं देवेहिं देवीहि य देवदुंदु(भी)हीओ समाहयाओ दसद्धवणे
कुसुमे निवाइए दिव्वे गीयगंधव्वनिनाए कए यावि होत्था । तए णं से कणगज्झए
राया इमीसे कहाए लद्धट्ठे समाणे एवं वयासी—एवं खलु तेय(लिं)लिपुत्ते मए अव-

ज्झाए मुंडे भवित्ता पव्वइए तं गच्छामि णं तेयलिपुत्तं अणगारं वंदामि नमंसामि
 वं० २ ता एयमट्ठं विणएणं भुज्जो २ खामेमि । एवं संपेहेइ २ ता ण्हाए चाउरंगि-
 णीए सेणाए जेणेव पमंयवणे उज्जाणे जेणेव तेयलिपुत्ते अणगारे तेणेव उवागच्छइ
 २ ता तेयलिपुत्तं (अणगारं) वंदइ नमंसइ वं० २ ता एयमट्ठं च [णं] विणएणं भुज्जो
 २ खामेइ [२] नच्चासन्ने जाव पज्जुवासइ । तए णं से तेयलिपुत्ते अणगारे कणगज्झ-
 यस्स रत्तो तीसे य महइमहालियाए परिसाए धम्मं परिकहेइ । तए णं से कणग-
 ज्झाए राया तेयलिपुत्तस्स केवलस्स अंतिए धम्मं सोच्चा निसम्मं पंचाणुव्वइयं
 सत्तसिक्खावइयं सावगधम्मं पडिवज्जइ २ ता समणोवासए जाए जाव अ(हि)भि-
 गयजीवाजीवे । तए णं तेयलिपुत्ते केवली बहूणि वासाणि केवलिपरियागं पाउणिता
 जाव सिद्धे । एवं खलु जंबू ! समणेणं भगवया महावीरेणं जाव संपत्तेणं चोहस-
 मस्स नायज्झयणस्स अयमट्ठे पन्नत्ते त्तिवेमि ॥ ११० ॥ गाहा-जाव न दुक्खं
 पत्ता माणव्वभंसं च पाणिणो पायं । ताव न धम्मं गेण्हंति भावओ तेयलिसुउव्व
 ॥ १ ॥ चोह(चउद)समं नाय(अ)ज्झयणं समत्तं ॥

जइ णं भंते ! समणेणं० चोहसमस्स नायज्झयणस्स अयमट्ठे पन्नत्ते पन्नरसमस्स
 णं (०) के अट्ठे पन्नत्ते ? एवं खलु जंबू ! तेणं कालेणं तेणं समएणं चंपा ना(मं)म
 नयरी होत्था पुण्णभेइ उज्जाणे जियसत्त राया । तत्थ णं चंपाए नयरीए ध(ण)णे
 नामं सत्थवाहे होत्था अट्ठे जाव अपरिभूए । तीसे णं चंपाए नयरीए उत्तरपुरत्थिमे
 दि(सि)सीभाए अहिच्छत्ता ना(मं)मं नयरी होत्था रिद्धत्थिमियसमिद्धा वण्णओ ।
 तत्थ णं अहिच्छत्ताए नयरीए कणगकेऊ नामं राया होत्था (महया) वण्णओ ।
 [तए णं] तस्स ध(ण)णस्स सत्थवाहस्स अन्नया कयाइ पुव्वरत्तावरत्तकालसमयंसि
 इमेयारूवे अज्झत्थिए चित्तिए पत्थिए मणोगए संकप्पे समुप्पज्जित्था-सेयं खलु
 मम विपुलं पणियभंडमायाए अहिच्छत्तं न(गरं)यरिं वाणिज्जाए गमित्तए । एवं संपे-
 हेइ २ ता गणिमं च ४ चउव्विहं भंडं गेण्हइ (०) सगडीसागडं सज्जेइ २ ता
 सगडीसागडं भरेइ २ ता कोडुंवियपुरिसे सदावेइ २ ता एवं वयासी-गच्छह णं
 तुव्वे देवाणुप्पिया । चंपाए नयरीए सिंघाडग जाव पहे(सुं)सु [एवं वयह—] एवं
 खलु देवाणुप्पिया । धणे सत्थवाहे विपु(ले)लं पणि(य०)यं [आदाय] इच्छइ अहि-
 च्छत्तं नयरिं वाणिज्जाए गमित्तए । तं जो णं देवाणुप्पिया ! चरए वा चीरिए वा चम्म-
 खंडिए वा भिच्छुंडे वा पं(डु)डरगे वा गोयमे वा गोव(ती)त्तिए वा (गिहिधम्मे वा)
 गिहिधम्मचित्तए वा अवरुद्धविरुद्धुव्वसावगरत्तपडनिगंथप्पभिइपासंडत्थे वा गिहत्थे
 वा (तस्स णं) ध(ण)णेणं सद्धिं अहिच्छत्तं नयरिं गच्छइ तस्स णं धणे अच्छत्तगस्स

छत्तगं दलाइ अणुवाहणस्स ओ(उ)वाहणा(उ)ओ दलयइ अकुंडियस्स कुंडियं दल-
यइ अपत्थयणस्स पत्थयणं दलयइ अपक्खेवगस्स पक्खेवं दलयइ अंतरा वि य से
पडियस्स वा भग्गलुग्ग[स्स] साहेज्जं दलयइ सुहंसुहेण य (णं) अहिच्छत्तं संपावेइ-
त्तिकट्ठु दोच्चंपि तच्चंपि [घोसणं] घोसेह २ ता मम एयमाणत्तियं पच्चप्पिणह । तए णं
ते कोडुंवियपुरिसा जाव एवं वयासी-हंदि सुणंतु भगवंतो चंपानयरीवत्थव्वा वहवे
चरगा (य) जाव पच्चप्पिणंति । तए णं (से) तेसिं कोडुंविय(घोस)पुरिसाणं [अंतिए
एयमट्ठं] सो(सु)च्चा चंपाए नयरीए वहवे चरगा य जाव गिहत्था य जेणेव धणे सत्थ-
वाहे तेणेव उवागच्छंति । तए णं धणे [सत्थवाहे] तेसिं चरगाण य जाव गिहत्थाण
य अच्छत्तगस्स छत्तं दलयइ जाव पत्थयणं दलाइ-गच्छह णं तुब्भे देवाणुप्पिया !
चंपाए नयरीए वहिया अग्गुज्जाणंसि ममं पडिवालेमाणा चिट्ठह । तए णं [ते] चरगा
य० धणेणं सत्थवाहेणं एवं वुत्ता समाणा जाव चिट्ठंति । तए णं धणे सत्थवाहे
सोहणंसि तिहिकरणनक्खत्तंसि विउलं असणं ४ उवक्खडावेइ २ ता मित्तना(ई)इ
आमंतेइ २ ता भोयणं भोयावेइ २ ता आपुच्छइ २ ता सगडीसागडं जोयावेइ २
ता चंपा[ओ] नयरीओ निग्गच्छइ (०) नाइविप्पगिट्ठेहिं अद्धाणेहिं वसमाणे २ सुहेहिं
वसहिपायरासेहिं अंगं जणवयं मज्झमज्झेणं जेणेव देसगं तेणेव उवागच्छइ २
ता सगडीसागडं मोयावेइ (०) सत्थनिवेसं करेइ २ ता कोडुंवियपुरिसे सदावेइ २
ता एवं वयासी-तुब्भे णं देवाणुप्पिया ! मम सत्थनिवेसंसि महया २ सदेणं उग्घो-
सेमाणा २ एवं वयह-एवं खलु देवाणुप्पिया ! इमीसे आगामियाए छिन्नावायाए
दीहमद्धाए अडवीए बहुमज्झदेसभाए [एत्थ णं] वहवे नंदिफला नामं रुक्खा पत्तता
किण्हा जाव पत्तिया पुप्फिया फलिया हरिया रेरिजमाणा सिरीए अईव २ उवसो-
भेमाणा चिट्ठंति मणुन्ना वण्णेणं [४] जाव मणुन्ना फासेणं मणुन्ना छायाए । तं जो णं
देवाणुप्पिया ! तेसिं नंदिफलाणं रुक्खाणं मूलाणि वा कंद(०)तयपत्तपुप्फफलवी-
याणि वा हरियाणि वा आहारेइ छायाए वा वीसमइ तस्स णं आवाए भइए भवइ
तओ पच्छा परिणममाणा २ अकाले चेव जीवियाओ ववरोवे(न्ति)इ । तं मा णं
देवाणुप्पिया ! केइ तेसिं नंदिफलाणं मूलाणि वा जाव छायाए वा वीसमउ मा णं
से(ऽ)वि अकाले चेव जीवियाओ ववरोविजिस्सइ । तुब्भे णं देवाणुप्पिया ! अत्तेसिं
रुक्खाणं मूलाणि य जाव हरियाणि य आहारे(थ)ह छायासु वीसमह त्ति घोसणं
घोसेह जाव पच्चप्पिणंति । तए णं धणे सत्थवाहे सगडीसागडं जोएइ २ ता जेणेव
नंदिफला रुक्खा तेणेव उवागच्छइ २ ता तेसिं नंदिफलाणं अदूरसामंते सत्थनिवेसं
करेइ २ ता दोच्चंपि तच्चंपि कोडुंवियपुरिसे सदावेइ २ ता एवं वयासी-तुब्भे णं

देवाणुप्पिया ! मम सत्थनिवेसंति महया [२] सद्देणं उग्घोसेमाणा २ एवं वयह-एए णं देवाणुप्पिया ! ते नंदिफला [रुक्खा] किण्हा जाव मणुजा छायाए । तं जो णं देवाणुप्पिया ! एएसिं नंदिफलाणं रुक्खाणं मूलाणि वा कंद(०) पुप्फतयापत्तफलाणि जाव अकाळे चेव जीवियाओ ववरोवेइ । तं मा णं तुब्भे जाव (दूरं दूरेणं परिहर-माणा) वीसमह मा णं अकाळे [चेव] जीवियाओ ववरोविस्संति अत्तेसिं रुक्खाणं मूलाणि य जाव वीसमह-त्तिकट्टु घोसणं [जाव] पच्चप्पिणंति । तत्थ णं अत्थेगइया पुरिसा धणस्स सत्थवाहस्स एयमट्ठं सद्दहंति जाव रोयंति एयमट्ठं सद्दहमाणा तेसिं नंदिफलाणं दूरंदूरेणं परिहरमाणा २ अत्तेसिं रुक्खाणं मूलाणि य जाव वीसमंति । तेसिं णं आवाए नो भद्दए भवइ तओ पच्छा परिणममाणा २ सु(ह)भरूवत्ताए ५ भुज्जो २ परिणमंति । एवामेव समणाउसो ! जो अम्मं निग्गंथो वा २ जाव पंचसु कामगुणेषु नो स(जे)ज्जइ (नो रज्जेइ) से णं इहभवे चेव बहूणं समणाणं ४ अच्च-णिज्जे परलोए नो आगच्छइ जाव वीईवइस्सइ । तत्थ णं (जे से) अप्पेगइया पुरिसा धणस्स एयमट्ठं नो सद्दहंति ३ धणस्स एयमट्ठं असद्दहमाणा ३ जेणेव ते नंदिफला तेणेव उवागच्छंति २ ता तेसिं नंदिफलाणं मूलाणि य जाव वीसमंति तेसिं णं आवाए भद्दए भवइ तओ पच्छा परिणममाणा जाव ववरोवेति । एवामेव समणाउसो ! जो अम्मं निग्गंथो वा २ पव्वइए पंचसु कामगुणेषु सज्जइ जाव अणु-परियट्ठिस्सइ जहा व ते पुरिसा । तए णं से धणे सगडीसागडं जोयावेइ २ ता जेणेव अहिच्छत्ता नयरी तेणेव उवागच्छइ २ ता अहिच्छत्ताए नयरीए बहिया अग्गुज्जाणे सत्थनिवेसं करेइ २ ता सगडीसागडं मोयावेइ । तए णं से धणे सत्थ-वाहे महत्थं ३ रायारिहं पाहुडं गेण्हइ २ ता बहुपुरिसेहिं सद्धिं संपरिवुडे अहि-च्छत्तं नय(रं)रिं मज्झमज्झेणं अणुप्पविसइ २ ता जेणेव कणगकेऊ राया तेणेव उवागच्छइ २ ता करयल जाव वद्धावेइ २ ता तं महत्थं ३ पाहुडं उवणेइ । तए णं से कणगकेऊ राया हट्ठु(ट्ठ०)ट्ठे धणस्स सत्थवाहस्स तं महत्थं (३) जाव पडिच्छइ २ ता ध(०)णं सत्थवाहं सक्कारेइ सम्माणेइ स० २ ता उरसुकं वियरइ २ ता पडि-विसज्जेइ [२] भंडविणिमयं करेइ २ ता पडिभंडं गेण्हइ २ ता सुहंसुहेणं जेणेव चंपा नयरी तेणेव उवागच्छइ २ ता मित्तनाइअभिसमज्जागए विपुलाइं माणुस्सगाइं जाव विहरइ । तेणं कालेणं तेणं समएणं थेरागमणं ध० धम्मं सोचा जेट्ठपुत्तं कुंडंवे ठावेत्ता [जाव] पव्वइए सामा[इयमा]इयाइं एक्कारस अंगाइं बहूणि वासाणि जाव मासियाए (सं०) जाव अजयरेसु देवलोएसु देवत्ताए उववने (से णं देवे ताओ देव-लोगाओ आउक्ख० चयं चइत्ता) महाविदेहे वासे सिज्झिहिइ जाव अंतं करेहिइ ।

एवं खलु जंबू ! समणेणं जाव संपत्तेणं पन्नरस[म]स्स नायज्झयणस्स अयमट्ठे पन्नते
 त्तिवेमि ॥ १११ ॥ गाहाओ-चंपा इव मणुयगई धणो व्व भयवं जिणो दएकरसो ।
 अहिळत्तानयरिसमं इह निव्वाणं मुणेयव्वं ॥ १ ॥ घोसणया इव तित्थंकरस्स सिव-
 मग्गदेसणमहग्गं । चरगाइणोव्व इत्थं सिवसुहकामा जिया वहवे ॥ २ ॥ नंदिफलाइ
 व्व इहं सिवपहपडिवण्णगाण विसया उ । तव्वभक्खणाओ मरणं जह तह विसएहिं
 संसारो ॥ ३ ॥ तव्वज्जणेण जह इट्ठपुरगमो विसयवज्जणेण तहा । परमानंदनिवंध-
 णसिवपुरगमणं मुणेयव्वं ॥ ४ ॥ पन्नरसमं नायज्झयणं समत्तं ॥

जइ णं भंते ! समणेणं ३ जाव संपत्तेणं पन्नरसमस्स नायज्झयणस्स अयमट्ठे
 पन्नते सोलसमस्स णं भंते ! नायज्झयणस्स (०) के अट्ठे पन्नते ? एवं खलु जंबू !
 तेणं कालेणं तेणं समएणं चंपा नामं नयरी होत्था । तीसे णं चंपाए नयरीए वहिया
 उत्तरपुरत्थिमे दिसीभाए सुभूमिभागे नामं उज्जाणे होत्था । तत्थ णं चंपाए नयरीए
 तओ माहणा भायरो परिवसंति तंजहा-सोमे सोमदत्ते सोमभूई अट्ठा जाव [अपरि-
 भूया] रिउव्वेयजउव्वेयसामवेयअथव्वणवेय जाव सुपरिनिट्ठिया । ते(सि णं)सिं
 माहणाणं तओ भारियाओ होत्था तंजहा-नागसिरी भूयसिरी जक्खसिरी सुकुमा-
 (ल)ला जाव तेसि णं माहणाणं इट्ठाओ वि(पु)उळे माणुस्सए जाव विहरंति । तए णं
 तेसि माहणाणं अन्नया कयाइ एगयओ समुवागयाणं जाव इमेयारूवे मिहोकहासमु-
 छावे समुप्पज्जित्था-एवं खलु देवाणुप्पिया ! अम्हं इमे विउळे धणे जाव सावएजे
 अलाहि जाव आसत्तमाओ कुलवंसाओ पकामं दाउं पकामं भोत्तुं पकामं परिभाएउं ।
 तं सेयं खलु अम्हं देवाणुप्पिया ! अन्नमन्नस्स गिहेसु कल्लाकल्लिं विपुलं अस(णं)णपा-
 (णं)णखाइ(मं)मसाइमं उवक्खडेउं (२) परिभुं(ज)जेमाणाणं विहरित्तए । अन्नम-
 न्नस्स एयमट्ठं पडिउणेंति कल्लाकल्लिं अन्नमन्नस्स गिहेसु विपुलं असणं ४ उवक्खडा-
 वेंति २ ता परिभुंजेमाणा विहरंति । तए णं तीसे नागसिरीए माहणीए अन्नया
 [कयाइ] भोयणवाराए जाए यावि होत्था । तए णं सा नागसिरी [माहणी] विपुलं
 असणं ४ उवक्ख(डे)डावेइ २ ता एणं महं सालइयं ति(त्ता)तलाउ(अं)यं बहुसंभार-
 संजुत्तं नेहावगाढं उवक्खडावेइ एणं विंदुयं करयलंसि आसाएइ [२] तं खारं कडुयं
 अखज्जं (अभोज्जं) विस(व)भूयं जाणित्ता एवं वयासी-धिरत्थु णं मम नागसिरीए
 अ(ह)धन्नाए अपुण्णाए दूभगाए दूभगसत्ताए दूभगनिबोलियाए जा(जी)ए णं मए
 सालइए बहुसंभारसंभिणं नेहावगाढे उवक्खडिए सुवहुदव्वक्खए(णं) नेहक्खए य
 कए । तं जइ णं ममं जाउयाओ जाणिस्संति तो णं मम खिसिस्संति । तं जाव-ताव
 ममं जाउयाओ न जाणंति ताव मम सेयं एयं सालइयं ति(त्ता)तलाउ[यं] बहुसंभार-

नेहकयं एगंते गो(वे)वित्तए अन्नं सालइयं महु(रा)रलाउयं जाव नेहावगाढं उव-
क्ख(डे)डित्तए । एवं संपेहेइ २ ता तं सालइयं जाव गोवेइ [२] अन्नं सालइयं महु-
लाउयं उवक्खडेइ [२] तेसिं माहणाणं ण्हायाणं सुहासणवरगयाणं तं विपुलं असणं
४ परिवेसेइ । तए णं ते माहणा जिमियभुत्तुत्तरागया समाणा आयंता चोक्खा परम-
सुइभूया सकम्मसंपउत्ता जाया यावि होत्था । तए णं ताओ माहणीओ ण्हायाओ
सव्वालंकारविभूसियाओ तं विपुलं असणं ४ आहारंति २ ता जेणेव सयाइं २ गि(गे)-
हाइं तेणेव उवागच्छंति २ ता सकम्मसंपउत्ताओ जायाओ ॥ ११२ ॥ तेणं कालेणं
तेणं समएणं धम्मघोसा ना(म)मं थेरा जाव बहुपरिवारा जेणेव चंपा (नामं) नयरी
जेणेव सुभूमिभागे उज्जाणे तेणेव उवागच्छंति २ ता अहापडिह्वं जाव विहरंति ।
परिसा निग्गया धम्मो कहिओ परिसा पडिगया । तए णं तेसिं धम्मघोसाणं थेराणं
अंतेवासी धम्मरुई नामं अणगारे उ(ओ)राले जाव ते(उ)यलेस्से मासंमासेणं खम-
माणे विहरइ । तए णं से धम्मरुई अणगारे मासखमणपारणगंसि पढमाए पोरिसीए
सज्झायं करेइ २ ता वीयाए पोरिसीए एवं जहा गोयमसामी तहेव उग्गाहेइ २ ता
तहेव धम्मघोसं थेरं आपुच्छइ जाव चंपाए नयरीए उच्चनीयमज्झिमकुलाइं जाव
अडमाणे जेणेव नागसिरीए माहणीए गिहे तेणेव अणुपविट्ठे । तए णं सा नाग-
सिरी माहणी धम्मरुई एज्जमाणं पासइ २ ता तस्स सालइयस्स तित्तकडुयस्स बहु-
(०)नेहावगाढस्स एड(निसिर)णट्टयाए हट्टतुट्ठा [उट्टाए] उट्टेइ २ ता जेणेव भत्तघरे
तेणेव उवागच्छइ २ ता तं सालइयं तित्तकडुयं च बहुने(हं)हावगाढं धम्मरुइस्स
अणगारस्स पडिग्गहंसि सव्वमेव नि(सि)सिरइ । तए णं से धम्मरुई अणगारे अहा-
पज्जत्तमितिकट्टुनागसिरीए माहणीए गिहाओ पडिनिक्खमइ २ ता चंपाए नयरीए
मज्झंमज्झेणं पडिनिक्खमइ २ ता जेणेव सुभूमिभागे उज्जाणे तेणेव उवागच्छइ २
ता [जेणेव धम्मघोसा थेरा तेणेव उवागच्छइ २] धम्मघोसस्स अदूरसामंते अन्न-
पाणं पडि(दंसे)लेहेइ २ ता अन्नपाणं करयलंसि पडिदंसेइ । तए णं (ते) धम्मघोसा
थेरा तस्स सालइयस्स नेहावगाढस्स गंधेणं अभिभूया समाणा तओ सालइयाओ
नेहावगाढाओ एगं विंदु(गं)यं गहाय करयलंसि आसा(दे)दिंति ति(त्तगं)त्तं खारं
कडुयं अखज्जं अभोज्जं विसभूयं जाणित्ता धम्मरुई अणगारं एवं वयासी-जइ णं तुमं
देवाणुप्पिया ! एयं सालइयं जाव नेहावगाढं आहारेसि तो णं तुमं अकाले चेव जीवि-
याओ ववरोविज्जसि । तं मा णं तुमं देवाणुप्पिया ! इमं सालइयं जाव आहारेसि मा णं
तुमं अकाले चेव जीवियाओ ववरोविज्जसि । तं गच्छ[ह] णं तुमं देवाणुप्पिया ! इमं
सालइयं एगंतमणावाए अ(च्चि)चित्ते थंडि(ले)ले परिट्ठवेहि २ ता अन्नं फासुयं एस०

णिजं असणं ४ पडिगाहेत्ता आहारं आहारेहि । तए णं से धम्मरुई अणगारे धम्म-
घोसेणं थेरेणं एवं वुत्ते समाणे धम्मघोसस्स थेरस्स अंतियाओ पडिनिक्खमइ २ ता
सुभूमिभा(ग)गाओ उज्जाणाओ अदूरसामंते थंडिल्लं पडिलेहेइ २ ता ता(त)ओ साल-
इयाओ एगं विंदुगं ग(हेइ)हाय २ थंडि(लं)लंसि निसिरइ । तए णं तस्स सालइयस्स
तित्तकडुयस्स बहुनेहावगाढस्स गंधेणं वहूणि पिपीलिगासहस्साणि पाउब्भू० जा
जहा य णं पिपीलिगा आहारेइ सा [णं] तहा अकाले चेव जीवियाओ ववरोविजइ ।
तए णं तस्स धम्मरुइस्स अणगारस्स इमेयारुवे अज्झत्थिए०-जइ ताव इमस्स
सालइयस्स जाव एगंमि विंदु(गं)यंमि पक्खित्तंमि अणेगाइं पिपीलि(का)गासहस्साइं
ववरोविजंति तं जइ णं अहं एयं सालइयं थंडिल्लंसि सव्वं निसिरामि (तए) तो णं
वहूणं पाणाणं ४ वहकरणं भविस्सइ । तं सेयं खलु मम एयं सालइयं जाव [नेहाव]-
गाढं सयमेव आहा(रे)रित्तए मम चेव एएणं सरी(रे)रणं निजाउ-त्तिकट्टु एवं
संपेहेइ २ ता मुहुपोत्तियं [२] पडिलेहेइ २ ता ससीसोवरियं कायं पमजेइ २ ता तं
सालइयं तित्तकडुयं बहुनेहावगाढं विलमिव पन्नगभूएणं अप्पा(णे)णएणं सव्वं सरी-
रको(ट्ठं)ट्ठगंसि पक्खिवइ । तए णं तस्स धम्मरुइ[य]स्स तं सालइयं जाव नेहावगाढं
आहारियस्स समाणस्स मुहुत्तंतरेणं परिणममाणंसि सरीरगंसि वेयणा पाउब्भूया
उज्जला जाव दुरहियासा । तए णं से धम्मरु(ची)ई अणगारे अथामे अवले अवीरिए
अपुरिसक्कारपरक्कमे अधारणिज्जमित्तिकट्टु आयारभंडगं एगंते ठा(ठ)वेइ २ ता थंडिल्लं
पडिलेहेइ २ ता दब्भसंथारगं संथारेइ २ ता दब्भसंथारगं दुरुहइ २ ता पुरत्था-
भिमुहे संपलियं कनिसण्णे करयलपरिगगहियं एवं वयासी-नमोत्थु णं अरहंताणं जाव
संपत्ताणं नमोत्थु णं धम्मघोसाणं थेराणं मम धम्मायरियाणं [मम] धम्मोवएसगाणं
पुव्वि पि णं मए धम्मघोसाणं थेराणं अंतिए सव्वे पाणाइवाए पच्चक्खाए जावजी-
वाए जाव परिगगहे इयाणि पि णं अहं तेसिं चेव भगवंताणं अंति(यं)ए सव्वं
पाणाइवायं पच्चक्खामि जाव परिगगहं पच्चक्खामि जाव(जी)जीवाए जहा खंदओ
जाव चरिमेहिं उस्सासेहिं वोसिरामि-त्तिकट्टु आलोइयपडिक्कंते समाहिपत्ते कालगए ।
तए णं ते धम्मघोसा थेरा धम्मरुई अणगारं च्चि(रं)रगयं जाणित्ता समणे निगंथे
सद्दावेति २ ता एवं वयासी-एवं खलु देवाणुप्पिया ! धम्मरुइस्स अणगारस्स मास-
[क्]खमणपारणगंसि सालइयस्स जाव [नेहाव]गाढस्स निसिरणट्ठयाए बहिया
निगगए चिरा[वे]इ, तं गच्छह णं तुब्भे देवाणुप्पिया ! धम्मरुइस्स अणगारस्स
सव्वओ समंता मग्गणगवेसणं करेह । तए णं ते समणा निगंथा जाव पडिमुणेंति २
ता धम्मघोसाणं थेराणं अंतियाओ पडिनिक्खमंति २ ता धम्मरुइस्स अणगारस्स

सव्वओ समंता मग्गणगवेसणं करेमाणा जेणेव थंडिहं तेणेव उवागच्छंति २ ता धम्म-
रुइयस्स अणगारस्स सरीरगं निप्पाणं निचेट्ठं जीवविप्पजडं पासंति २ ता हा हा [!]
अहो ! अकज्जमितिकट्ठु धम्मरुइस्स अणगारस्स परिनिव्वाणवत्तियं काउस्सगं करेति
(०) धम्मरुइस्स आयारभंडगं गेण्हंति २ ता जेणेव धम्मघोसा थेरा तेणेव उवागच्छंति
२ ता गमणागमणं पडिक्कमंति २ ता एवं वयासी-एवं खलु अम्हे तुव्वं अंतियाओ
पडिनिक्खमामो २ ता सुभूमिभागस्स उज्जाणस्स परिपेरंतेणं धम्मरुइस्स अणगा-
रस्स सव्वं जाव करेमा(णे)णा जेणेव थंडिहं तेणेव उवागच्छामो (०) जाव इहं
हव्वमागया, तं कालगए णं मंते । धम्मरुइ अणगारे इमे से आयारभंडए । तए णं
(ते) धम्मघोसा थेरा पुव्वगए उवओगं गच्छंति २ ता समणे निग्गंथे निग्गंथीओ य
सद्दवैति २ ता एवं वयासी-एवं खलु अज्जो ! मम अंतेवासी धम्मरुइ ना(म)मं अण-
गारे पगइभद्दए जाव विणीए मासंमासेणं अणिक्खित्तेणं तवोक्कमेणं जाव नाग-
सिरीए माहणीए गि(हे)हं अणुपवि(ट्ठे)सइ । तए णं सा नागसिरी माहणी जाव
निलिरइ । तए णं से धम्मरुइ अणगारे अहापज्जत्तमि(ति)त्तिकट्ठु जाव कालं अणव-
क्कंखमाणे विहरइ । से णं धम्मरुइ अणगारे वहुणि वासाणि सामण्णपरियागं पाउणित्ता
आलोइयपडिक्कंते समाहिपत्ते कालमासे कालं किच्चा उट्ठं सोह(म्म)म्मे जाव सव्वट्ठ-
सिद्धे महाविमाणे देवत्ताए उववत्ते । तत्थ णं [अत्थेगइयाणं] (अ)जहन्नमणुक्कोसेणं
तेत्तीसं सागरोवमाइं ठिई पन्नत्ता । तत्थ [णं] धम्मरुइस्स वि देवस्स तेत्तीसं सागरो-
वमाइं ठिई पन्नत्ता । से णं धम्मरुइ देवे ताओ देवलोगाओ जाव महाविदेहे व्रासे
सिज्जिह्मिइ ॥११३॥ तं धिरत्थु णं अज्जो ! नागसिरीए माहणीए अधन्नाए अपुण्णाए
जाव निवोलियाए जाए णं तहारूवे साहू [साहुरूवे] धम्मरुइ अणगारे मासक्खमण-
पारणगंसि सालइएणं जाव गाढेणं अकाले चेव जीवियाओ ववरोविए । तए णं ते
समणा निग्गंथा धम्मघोसाणं थेराणं अंतिए एयमट्ठं सोच्चा निसम्म चंपाए सिंघाडग
(तिग) जाव [पहेसु] बहुजणस्स एवमाइक्खंति [४]-धिरत्थु णं देवाणुप्पिया ! नाग-
सिरीए (माहणीए) जाव निवोलियाए जाए णं तहारूवे साहू साहुरूवे सालइएणं
जीवियाओ ववरो(वेइ)विए । तए णं तेसिं समणाणं अंतिए एयमट्ठं सोच्चा निसम्म
बहुजणो अन्नमन्नस्स एवमाइक्खइ एवं भासइ-धिरत्थु णं नागसिरीए माहणीए जाव
जीवियाओ ववरोविए । तए णं ते माहणा चंपाए नयरीए बहुजणस्स अंतिए एयमट्ठं
सोच्चा निसम्म आसुरुत्ता जाव मिसिमिसेमाणा जेणेव नागसिरी माहणी तेणेव उवा-
गच्छंति २ ता नागसि(रीं)रिं माह(णीं)णि एवं वयासी-हं भो नागसिरी ! अपत्थियप-
त्थिए [!] दुरंतपंतलक्खणे [!] हीणपुण्णचाउइसे [!] धिरत्थु णं तव अधन्नाए अपु-

ज्जाए (जाव) निंघोलियाए जाए णं तुमे तहास्से साहू साहुस्से मासखमणपारणगंसि
 सालइएणं जाव ववरोविए उच्चाव(ए)याहिं अक्कोसणाहिं अक्कोसंति उच्चावयाहिं उद्धंस-
 णाहिं उद्धंसंति उच्चावयाहिं निब्भ(त्थ)च्छणाहिं निब्भ(त्थ)च्छंति उच्चावयाहिं
 निच्छोडणाहिं निच्छोडंति तज्जेति तालेंति त(ज्जि)जित्ता ता(ले)लित्ता सयाओ गिहाओ
 निच्छुभंति । तए णं सा नागसिरी सयाओ गिहाओ निच्छूढा समाणी चंपाए नयरीए
 सिंघाडगतिथचउक्कचच्चरचउम्मुहमहापहपहेसु बहुजणेणं हीलिजमाणी खिसिजमाणी
 निंदिजमाणी गरहिजमाणी तज्जिजमाणी पव्वहिजमाणी धिक्कारिजमाणी थुक्कारिज-
 माणी कत्थइ ठाणं वा निलयं वा अलभमाणी २ दंडीखंडनिवसणा खंडमद्दयखंडघड-
 गहत्थगया फुट्टहडाहडसीसा मच्छिद्याचडगरेणं अज्जिजमाणमग्गा नि(ने)हं(ने)नि-
 हेणं देहंवलियाए वित्तिं कप्पेमा(णी)णा विहरइ । तए णं तीसे नागसिरीए माहणीए
 तब्भवंसि चेव सोलस रोयायंका पाउब्भूया तंजहा-सासे कासे जोणिसूले जाव कोढे ।
 तए णं सा नागसिरी माहणी सोलसहिं रो(या)गायंकेहिं अभिभूया समाणी अट्टदु-
 हट्टवसट्टा कालमासे कालं किच्चा छट्ठीए पुढवीए उक्को(सेणं)सं वावीससागरोवम(ठि-
 ती)ट्टिइएसु नेरइ(नर)एसु नेरइयत्ताए उववन्ना । सा णं तओ(S)अणंतंरं(सि) उव्व-
 ट्ठित्ता मच्छेसु उववन्ना । तत्थ णं सत्थवज्झा दाहवक्कंतीए कालमासे कालं किच्चा
 अहेसत्त(मी)माए पुढवीए उक्को(साए)स(तित्ती०)सागरोवमट्टिइएसु [नरएसु] नेरइ-
 एसु उववन्ना । सा णं तओ(S)णंतंरं उव्वट्ठित्ता दोच्चंपि मच्छेसु उववज्जइ । तत्थ वि य
 णं सत्थवज्झा दाहवक्कंतीए दोच्चंपि अहे सत्तमाए पुढवीए उक्को(सं)स(तेत्तीस)साग-
 रोवमट्टिइएसु नेरइएसु उववज्जइ । सा णं तओहिंतो जाव उव्वट्ठित्ता तच्चंपि मच्छेसु
 उववन्ना । तत्थ वि य णं सत्थवज्झा जाव [कालमासे] कालं किच्चा दोच्चंपि छट्ठीए
 पुढवीए उक्कोसेणं (०) । तओणंतंरं उव्वट्ठित्ता उरएसु एवं जहा गोसाले तहा नेयव्वं
 जाव रयणप्पभा(ए)ओ [पुढवीओ उव्वट्ठित्ता] स(त्त)नीसु उववन्ना । तओ उव्वट्ठित्ता
 जा(व)इं इमाइं खहयरविहाणाइं जाव अदुत्तरं च णं खरवायरपुढविकाइयत्ताए तेसु
 अणेगसयसहस्सखुत्तो ॥ ११४ ॥ सा णं तओणंतंरं उव्वट्ठित्ता इहेव जंबुदीवे दीवे
 भारहे वासे चंपाए नयरीए सागरदत्तस्स सत्थवाहस्स भद्दाए भारियाए कुच्छिसि
 दारियत्ताए पच्चायाया । तए णं सा भद्दा सत्थवाही नवण्हं मासाणं दारियं पयाया
 सुकुमालकोमलियं गयताल्लयसमाणं । तीसे [णं] दारियाए निव्व(त्ते)त्तवारसाहियाए
 अम्मापियरो इमं एयाह्वं गोणं गुणनिप्फन्नं नामधेज्जं करंति-जम्हा णं अम्हं एसा
 दारिया सुकुमाला गयताल्लयसमाणा तं होउ णं अम्हं इमीसे दारियाए नामधे(जे)ज्जं
 सुकुमालियाः [२] । तए णं तीसे दारियाए अम्मापियरो नामधेज्जं करंति सूमालि-

यत्ति । तए णं सा सूमालिया दारिया पंचधाईपरिग्गहिया तंजहा-खीरधाईए जाव
गिरिकंदरमल्लीणा इव चंप(क)गलया नि(०)वा(ए)यनिव्वाघायंसि जाव परिवहुइ ।
तए णं सा सूमालिया दारिया उम्मुक्कवालभावा जाव रुवेण य जौव्वणेण य लाव-
ण्णेण य उक्किट्ठा उक्किट्सरीरा जाया यावि होत्था ॥ ११५ ॥ तत्थ णं चंपाए नयरीए
जिणदत्ते ना(म)मं सत्थवाहे अट्ठे(०) । तस्स णं जिणदत्तस्स भद्दा भारिया सूमालां
इट्ठा (जाव) माणुस्सए कामभो(ए)गे पच्चणुब्भवमाणा विहरइ । तस्स णं जिणदत्तस्स
पुत्ते भद्दाए भारियाए अत्तए सागरए नामं दारए सुकुमाले जाव सुहवे । तए णं से जिण-
दत्ते सत्थवाहे अन्नया कयाइ सयाओ गिहाओ पडिनिक्खमइ २ ता सागरदत्तस्स
सत्थवाह(गिह)स्स अदूरसामंतेणं वीईवयइ । इमं च णं सूमालिया दारिया ण्हाया
चैडियातंघपरिवुडा उप्पि आगासतलगंसि कणग(त्तिं)तिंदूसएणं कीलमाणी (२)
विहरइ । तए णं से जिणदत्ते सत्थवाहे सूमालियं दारियं पासइ २ ता सूमालियाए
दारियाए रुवे य ३ जायविम्हए कोडुंवियपुरिसे सद्दावेइ २ ता एवं वयासी-एस णं
देवाणुप्पिया ! कस्स दारिया किं वा नामधेज्जं से ? । तए णं ते कोडुंवियपुरिसा जिण-
दत्तेणं सत्थवाहेणं एवं वुत्ता समाणा ह० करयल जाव एवं वयासी-एस णं (देवा-
णुप्पिया !) सागरदत्तस्स २ धूया भद्दाए अत्तया सूमालिया ना(म)मं दारिया सुकुमा-
लपाणिपाया जाव उक्किट्ठा । तए णं (से) जिणदत्ते सत्थवाहे तेसिं कोडुंवियाणं अंतिए
एयमट्ठं सोच्चा जेणेव सए गिहे तेणेव उवागच्छइ २ ता ण्हाए स० मित्तनाइपरिवुडे चंपाए
नयरीए मज्झमज्झेणं जेणेव सागरदत्तस्स गिहे तेणेव उवाग(च्छइ)ए । तए णं [से]
सागरदत्ते २ जिणदत्तं २ एज्जमाणं पासइ २ ता आसणाओ अब्भुट्ठेइ २ ता आस-
णेणं उवनिमंतेइ २ ता आसत्थं वीसत्थं सुहासणवरगयं एवं वयासी-भण देवाणु-
प्पिया ! किमागमणपओयणं (?) । तए णं से जिणदत्ते (सत्थवाहे) सागरदत्तं (सत्थ-
वाहं) एवं वयासी-एवं खलु अहं देवाणुप्पिया ! तव धूयं भद्दाए अत्तिर्यं सूमालियं
सागरस्स भारियत्ताए वरेमि । जइ णं जाणह देवाणुप्पिया ! जुत्तं वा पत्तं वा सला-
हणिज्जं वा सारिसो वा संजोगो ता दिज्जउ णं सूमालिया सागर[दारग]स्स । तए णं
देवाणुप्पिया ! किं दलयामो सुकं [च] सूमालियाए ? । तए णं से सागरदत्ते (त्तिं) २
जिणदत्तं [२] एवं वयासी-एवं खलु देवाणुप्पिया ! सूमालिया दारिया (मम) एगा
एगजाया इट्ठा [५] जाव किमंग पुण पासणयाए । तं नो खलु अहं इच्छामि सूमा-
लियाए दारियाए खणमवि विप्पओगं । तं जइ णं देवाणुप्पिया ! सागर[ए] दारए
मम घरजामाउए भवइ तो णं अहं सागर(स्स)दारगस्स सूमालियं दलयामि । तए
णं से जिणदत्ते २ सागरदत्तेणं २ एवं वुत्ते समाने जेणेव सए गिहे तेणेव उवाग-

च्छइ २ ता सागरदारणं सहावेइ २ ता एवं वयासी-एवं खलु पुत्ता । सागरदत्ते २ म(म)मं एवं वयासी-एवं खलु देवाणुप्पिया । सूमालिया दारिया इट्ठा तं चेव, तं जइ णं सागरदारए मम घरजामाउए भवइ ता[व] दलयामि । तए णं से सागरए दारए जिणदत्तेणं २ एवं वुत्ते समाणे तुसिणीए । तए णं जिणदत्ते २ अन्नया कयाइ सोहणंसि तिहिकरणे वि(उ)पुलं असणं ४ उवक्खडावेइ २ ता मित्तना(ई)इ आमंतेइ जाव [सक्कारेता] सम्मा(णि)णेत्ता सागरं दारणं ण्हायं सव्वालंकारविभूसियं करेइ २ ता पुरिससहस्सवाहि(णि)णीयं सीयं दुरूहावेइ २ ता मित्तनाइ जाव संपरिवुडे सव्विद्धीए सयाओ गिहाओ निग्गच्छइ २ ता चं(पा)पं नयरिं मज्झंमज्जेणं जेणेव सागरदत्तस्स गिहे तेणेव उवागच्छइ २ ता सीयाओ पच्चोरुहइ २ ता साग(रं)रं दारणं सागरदत्तस्स २ उवणेइ । तए णं [से] सागरदत्ते २ विपुलं असणं ४ उवक्खडावेइ २ ता जाव सम्माणेत्ता सागरं दारणं सूमालियाए दारियाए सद्धिं पट्ठयं[सि] दुरूहावेइ २ ता सेयापी(त)एहिं कलसेहिं मज्जावेइ २ ता [अग्गि]होमं करावेइ २ ता सागरं दारयं सूमालियाए दारियाए पाणिं गेण्हा(वित्ति)वेइ ॥ ११६ ॥ तए णं सागर(दार)ए सूमालियाए दारियाए इमं एयाह्वं पाणिफासं (पडि)संवेदेइ से जहानामए असिपत्तेइ वा जाव मुम्मुरेइ वा (इतो) एत्तो अणिट्ठतराए चेव पाणिफासं संवेदेइ । तए णं से सागरए अकामए अवस(व)वसे (तं) मुहुत्त(मि)मेत्तं संचिट्ठइ । तए णं (से) सागरदत्ते २ सागरस्स (दारगस्स) अम्मापियरो मित्तनाइ विपुलं असणं ४ पुप्फवत्थ जाव सम्माणेत्ता पडिविसज्जेइ । तए णं सागरए (दारए) सूमालियाए सद्धिं जेणेव वासवरे तेणेव उवागच्छइ २ ता सूमालियाए दारियाए सद्धिं तलि(गं)मंसि निवज्जइ । तए णं से सागरए दारए सूमालियाए दारियाए इमं एयाह्वं अंगफासं पडिसंवेदेइ से जहानामए असिपत्तेइ वा जाव अमणाम(य)तराणं चेव अंगफासं पच्चण्णभवमाणे विहरइ । तए णं से सागरए दारए [सूमालियाए दारियाए] अंगफासं असहमाणे अवसवसे मुहुत्तमेत्तं संचिट्ठइ । तए णं से सागरदारए सूमालियं (दारियं) सुहपसुत्तं जाणित्ता सूमालियाए दारियाए पासाओ उट्ठेइ २ ता जेणेव सए सयणिज्जे तेणेव उवागच्छइ २ ता सयणीयांसि निवज्जइ । तए णं सूमालिया दारिया तओ मुहुत्तंतरस्स पडिवुद्धा समाणी पइंवया पइमणुरत्ता पइं पासे अपस्समाणी तलिमा(उ)ओ उट्ठेइ २ ता जेणेव से सयणिज्जे तेणेव उवागच्छइ २ ता सागरस्स पासे णवज्जइ । तए णं से सागरदारए सूमालियाए दारियाए दो(दु)व्वं पि इमं एयाह्वं अंगफासं पडिसंवेदेइ जाव अकामए अवसवसे मुहुत्तमेत्तं संचिट्ठइ । तए णं (से) सागरदारए सूमालियं दारियं सुहपसुत्तं जाणित्ता सयणिज्जाओ उट्ठेइ २

त्ता वासघरस्स दारं विहाडेइ २ ता मारामुक्के विव काए जामेव दिसिं पाउब्भूए तामेव
 दिसिं पडिगए ॥ ११७ ॥ तए णं सूमालिया दारिया तओ मुहुत्तंतरस्स पडिबुद्धा
 पत्तिवया जाव अपासमाणी सयणिज्जाओ उट्टेइ सागरस्स दारगस्स सव्वओ समंता
 मग्गणगवेसणं करेमाणी २ वासघरस्स दारं विहाडियं पासइ २ ता एवं वयासी-
 गए [णं] से साग(रे)रए-त्तिकट्ठ ओहयमणसंकप्पा जाव झियायइ । तए णं सा भद्दा
 सत्यवाही कल्लं पाउप्पभा[या]ए दासचे(डियं)डिं सद्दावेइ २ ता एवं वयासी-गच्छह
 णं तुमं देवाणुप्पिए ! व(हु)ह्वरस्स मुह(सोह)धोवणियं उवणेहि । तए णं सा दास-
 चेडी भद्दाए एवं वुत्ता समाणी एयमट्ठं तहत्ति पडिखुणेइ [२] मुहधोवणियं गेण्हइ
 २ ता जेणेव वासघरे तेणेव उवागच्छइ (०) सूमालियं दारियं जाव झियायमाणिं
 पासइ २ ता एवं वयासी-किञ्चं तु(मं)ब्भे देवाणुप्पिए(ए)या ! ओहयणमणसंकप्पा जाव
 झियाहि(सि) ? । तए णं सा सूमालिया दारिया तं दासचे(डी)डियं एवं वयासी-एवं
 खल्ल देवाणुप्पिया ! सागरए दारए म(म)मं सुहपसुत्तं जाणित्ता मम पासाओ उट्टेइ २ ता
 वासघरदुवारं अवगु(ण्ड)णेइ जाव पडिगए । तए णं [हं] तओ (अहं)मुहुत्तंतरस्स जाव
 विहाडियं पासामि [२] गए णं से सागरए-त्तिकट्ठ ओहयमणसंकप्पा जाव झिया-
 यामि । तए णं सा दासचेडी सूमालियाए दारियाए एयमट्ठं सोच्चा जेणेव सागरदत्ते
 [२] तेणेव उवागच्छइ २ ता सागरदत्तस्स एयमट्ठं निवे(ए)देइ । तए णं से साग-
 रदत्ते दासचेडीए अंतिए एयमट्ठं सोच्चा निसम्म आसुरत्ते [४ जाव मिसिमिसेमाणे]
 जेणेव जिणदत्त[स्स] २ गिहे तेणेव उवागच्छइ २ ता जिणदत्तं २ एवं वयासी-किञ्चं
 देवाणुप्पिया ! ए(वं)यं जुत्तं वा पत्तं वा कुलाणुरुवं वा कुलसरिसं वा जण्णं सागर[ए]
 दारए सूमालियं दारियं अदिट्ठदो(सं)सवडियं पइवयं विप्पजहाय इहमाग(ओ)ए [?]
 बह्वहिं खिज्जणियाहि य रूटणियाहि य उवा(ल)लंभइ । तए णं जिणदत्ते सागरदत्तस्स
 [२] एयमट्ठं सोच्चा जेणेव सागरए (दारए) तेणेव उवागच्छइ २ ता साग(रयं)रं दारयं
 एवं वयासी-दुट्ठु णं पुत्ता ! तुमे कयं सागरदत्तस्स गिहाओ इहं हव्वमाग(ते)च्छं-
 तेणं, तं गच्छह णं तुमं पुत्ता ! एवमवि गए सागरदत्तस्स-गिहे । तए णं से साग-
 रए जिणदत्तं एवं वयासी-अवि-याइं अहं ताओ ! गिरिपडणं वा तरुपडणं वा मरु-
 प्पवारयं वा जलप्प(वेसं)वारयं वा जलणप्पवेसं वा विसभक्खणं वा सत्थोवाडणं वा
 वि(वे)हाणसं वा गिद्ध(पि)पट्ठं वा पव्वज्जं वा विदेसगमणं वा अब्भुवग(च्छि)च्छे-
 ज्जा(मि) नो खल्ल अहं सागरदत्तस्स गिहं ग(च्छि)च्छेज्जा । तए णं से सागरदत्ते २
 कुट्ठंतरे[या]ए सागरस्स एयमट्ठं निसामेइ २ ता लज्जिए वि(लेपविट्ठे)लीए विट्ठे जिण-
 दत्तस्स [२] गिहाओ पडिनिक्खमइ २ ता जेणेव सए गिहे तेणेव उवागच्छइ २ ता

सुक्कमालियं दारियं सदावेइ २ ता अंके निवेसेइ २ ता एवं वयासी-किन्नं तव पुत्ता ।
 सागरएणं दारएणं (मुक्का) ? अहं णं तुमं तस्स दाहामि जस्स णं तुमं इट्ठा (जाव)
 मणामा भविस्ससि-त्ति सुमालियं दारियं ताहिं इट्ठाहिं [जाव] वग्गहिं समासासेइ २
 ता पडिविसजेइ । तए णं से सागरदत्ते २ अजया उप्पि आगासतलगंसि सुहनि-
 सण्णे रायमग्गं ओलोएमाणे २ चिट्ठइ । तए णं से सागरदत्ते एगं महं दमगपुरिसं
 पासइ दंडिखंडनिवसणं खंड(ग)मल्लगखंडघडगहत्थगयं मच्छियासहस्सेहिं जाव
 अग्निज्जमाणमग्गं । तए णं से सागरदत्ते [सत्थवाहे] कोडुंविपुुरिसे सदावेइ २ ता एवं
 वयासी-तुब्भे णं देवाणुप्पिया ! एयं दमगपुरिसं विपुलेणं अस(ण)णेणं ४ प(लो)डि-
 लाभेह (०) गिहं अणुप्प(वे)विसेह २ ता खंड(ग)मल्लगं खंडघडगं च से एगंते एडेह
 २ ता अलंकारियकम्मं कारेह २ ता ण्हायं सव्वालंकारविभूसियं करेह २ ता मणुजं
 असणं ४ भोयावेह (०) मम अंतियं उवणेह । तए णं [ते] कोडुंविपुुरिसे जाव
 पडिपुणेति २ ता जेणेव से दमगपुरिसे तेणेव उवागच्छंति २ ता तं दम(गं)गपुरिसं
 अस(णं)णेणं ४ उवप्पलो(भं)भंति २ ता सयं गिहं अणुप्पवेसिति २ ता तं खंड(ग)-
 मल्लगं खंड(ग)घडगं च तस्स दमगपुरिसस्स एगंते एडेंति । तए णं से दम(गे)गपुरिसे
 तं[सि] खंडमल्लगंसि खंडघडगंसि य (एगंते) एडिज्जमाणंसि महया २ सद्देणं आरसइ ।
 तए णं से सागरदत्ते तस्स दमगपुरिसस्स तं महया २ आरसियसइ सोच्चा निसम्म
 कोडुंविपुुरिसे एवं वयासी-किन्नं देवाणुप्पिया ! एस दमगपुरिसे महया २ सद्देणं
 आरसइ ! तए णं ते कोडुंविपुुरिसे एवं वयासी-एस णं सामी ! तंसि खंडमल-
 गंसि खंडघडगंसि (एगंते) य एडिज्जमाणंसि महया २ सद्देणं आरसइ । तए णं से
 सागरदत्ते २ ते कोडुंविपुुरिसे एवं वयासी-मा णं तुब्भे देवाणुप्पिया ! एयस्स
 दमगस्स तं खंड जाव एडेह पासे [से] ठवेह जहा णं पत्तियं भवइ । ते(वि) तहेव
 ठावें(ठवि)ति (तए णं ते कोडुंविपुुरिसे) २ तस्स दमगस्स अलंकारियकम्मं करेंति
 २ ता सयपागसहस्सपागेहिं ते(ति)ल्लेहिं अ(ब्भं)ब्भिगेंति अब्भिगिए समाणे सुर-
 भि[णा] गं(धुव्व)धचट्ठ(णे)एणं गायं उ(व्वट्ठि)वट्ठेंति २ ता उसिणोद(ग)मेणं गंधोद-
 एणं [ण्हाणेंति] सीओदगेणं ण्हाणेंति (०) पम्हलसुक्कमालगंधकासा(ई)इए गायाइं
 ल्ल(हं)हेंति २ ता हंसलक्खणं प(ट्ठ)डगसाडगं परि(हं)हेंति २ ता सव्वालंकारविभूसियं
 करेंति २ ता विपुलं असणं ४ भोयावेंति २ ता सागरदत्तस्स [समीवे] उवणेंति । तए
 णं [से] सागरदत्ते [२] सुमालियं दारियं ण्हायं सव्वालंकारविभूसियं क(रि)रेत्ता तं
 दमगपुरिसं एवं वयासी-एस णं देवाणुप्पिया ! मम धूया इट्ठा, एयं णं अहं तव
 भासियत्ताए द(ला)ल्ल्यामि भदियाए भदओ भ(वि)वेज्जासि । तए णं से दमगपुरिसे

सागरदत्तस्स एयमट्ठं पडिमुणेइ २ ता सूमालियाए दारियाए सद्धिं वासघरं अणुपवि-
 सइ सूमालियाए दारियाए सद्धिं तलिमंसि निवज्जइ । तए णं से दमगपुरिसे सूमालि-
 याए इमं एयारुवं अंगफासं पडिसंवेदेइ सेसं जहा सागरस्स जाव सयणिजाओ अब्भु-
 ट्ठेइ २ ता वासघराओ निग्गच्छइ २ ता खंडमल्लं खंडघ(डं)डगं च गहाय मारामुक्के
 विव काए जामेव दि(सं)सिं पाउब्भूए तामेव दिसिं पडिगए । तए णं सा सूमालिया
 जाव गए णं से दमगपुरिसे-त्तिकट्टु ओहयमणसंकप्पा जाव झियायइ ॥ ११८ ॥ तए
 णं सा भद्दा कल्लं पाउप्पभायाए दासचेडिं सद्दावेइ (२ एवं वयासी) जाव सागरद-
 त्तस्स एयमट्ठं निवेदेइ । तए णं से सागरदत्ते तहेव संभंते समाणे जेणेव वास(ह)घरे
 तेणेव उवागच्छइ २ ता सूमालियं दारियं अंके निवेसेइ २ ता एवं वयासी-अहो
 णं तुमं पुत्ता ! पुरापोराणाणं [कम्माणं] जाव पच्चणुब्भवमाणी विहरस्ति, तं मा णं
 तुमं पुत्ता ! ओहयमणसंकप्पा जाव झियाहि, तुमं णं पुत्ता ! मम महाणसंसि विपुलं
 असणं ४ जहा पो(पु)ट्टिला जाव परिभाएमाणी विहराहि । तए णं सा सूमालिया
 दारिया एयमट्ठं पडिमुणेइ २ ता महाणसंसि विपुलं असणं ४ जाव दलमाणी विह-
 रइ । तेणं कालेणं तेणं समएणं गोवालियाओ अज्जाओ बहुस्सुयाओ एवं जहेव तेय-
 लिणाए सुव्वयाओ तहेव समोस(ड्ढा)ढाओ तहेव संघाडओ जाव अणुपविट्ठे तहेव
 जाव सूमालिया पडिला(भि)मेत्ता एवं वयासी-एवं खलु अज्जाओ ! अहं सागरस्स
 अणिट्ठा जाव अमणामा, नेच्छइ णं सागरए [दारए] मम नामं वा जाव परिभोगं
 वा, जस्स जस्स वि य णं दे(दि)ज्जामि तस्स तस्स वि य णं अणिट्ठा जाव अम-
 णामा भवामि, तुब्भे य णं अज्जाओ ! बहुनायाओ एवं जहा पोट्टिला जाव उवल्ले
 [णं] जेणं अहं सागरस्स दारगस्स इट्ठा कंता जाव भवेज्जामि । अज्जाओ तहेव
 भणंति तहेव साविया जाया तहेव चिंता तहेव सागरद(त्तं स०)त्तस्स आपुच्छइ
 जाव गोवालियाणं अंति(ए)यं पव्वइया । तए णं सा सूमालिया अज्जा जाया इ(ई)-
 रियासमिया जाव [गुत्त]वंभयारिणी बहूहिं चउत्थच्छट्ठम जाव विहरइ । तए णं सा
 सूमालिया अज्जा अन्नया कयाइ जेणेव गोवालियाओ अज्जाओ तेणेव उवागच्छइ २
 ता वंदइ नमंसइ वं० २ ता एवं वयासी-इच्छामि णं अज्जाओ ! तुब्भेहिं अब्भणु-
 ज्जाया समाणी चंपा(ओ)ए वाहिं सुभूमिभागस्स उज्जाणस्स अदूरसामंते छट्ठंछट्ठेणं
 अणिकिक्खत्तेणं तवोकम्मेणं सूराभिमुही आयावेमाणी विहरित्तए । तए णं ताओ
 गोवालियाओ अज्जाओ सूमालियं एवं वयासी-अम्हे णं अ(जे)ज्जो ! समणीओ
 निग्गंथीओ इ(ई)रियासमियाओ जाव गुत्तवंभचारिणीओ, नो खलु अम्हं कप्पइ बहिया
 गामस्स [वा] जाव सन्निवेसस्स वा छट्ठंछट्ठेणं जाव विहरित्तए, कप्पइ णं अम्हं अंतो-

उवस्सयस्स वइपरिक्खित्तस्स संपाडिवद्वियाए णं समतलपइयाए आया(वि)वेत्तए । तए णं सा सूमालिया गोवालियाए (अज्जाए) एयमट्ठं नो सइहइ नो पत्तियइ नो रोएइ एयमट्ठं असइहमा(णे)णी ३ सुभूमिभागस्स उज्जाणस्स अदूरसामंते छट्ठंछट्ठेणं जाव विहरइ ॥ ११९ ॥ तत्थ णं चंपाए (न०) ललिया नाम गोट्टी परिवसइ नरवइदिन- (वि)पयारा अम्मापिइनिययनिप्पिवासा वेसविहारकयनिकेया नाणाविहअविणयप्प- हाणा अड्ढा जाव अपरिभूया । तत्थ णं चंपाए (०) देवदत्ता नामं गणिया होत्था सू(सुकु)माला जहा अंडनाए । तए णं तीसे ललियाए गोट्टीए अन्नया [कयाइ] पंच गोट्टिल्लगपुरिसा देवदत्ताए गणियाए सद्धिं सुभूमिभागस्स उज्जाणस्स उज्जाणसिंरिं पच्चणुभ्वमाणा विहरंति । तत्थ णं एगे गोट्टिल्लगपुरिसे देवदत्तं गणियं उच्छंणे ध(र)रेइ एगे पिट्ठओ आयवत्तं धरेइ एगे पुप्फपूर(यं)गं रएइ एगे पाए रएइ एगे चामरुक्खेवं करेइ । तए णं सा सूमालिया अज्जा देवदत्तं गणियं तेहिं पंचहिं गोट्टि- ल्लपुरिसेहिं सद्धिं उरालाई माणुस्सगाई भोगभोगाई भुंजमा(णिं)णीं पासइ २ ता इमेयारूवे संकप्पे समुप्पज्जित्था-अहो णं इमा इत्थिया पुरापोराणाणं कम्माणं जाव विहरइ । तं जइ णं केइ इमस्स सुचरियस्स तवनियमवंभचेरवासस्स कल्लणे फलवित्तिविसेसे अत्थि तो णं अहमवि आगमिस्सेणं भवग्गहणेणं इमेयारूवाइ उरा- लाइ जाव विहरिज्जासि-त्तिकट्ठु नियाणं करेइ २ ता आयावणभू(मिओ)मीए पच्चो- रु(ह)भइ ॥ १२० ॥ तए णं सा सूमालिया अज्जा सरीर(व)वाउसा जाया यावि होत्था अभिक्खणं २ हत्थे धोवेइ [अभिक्खणं २] पाए धोवेइ सीसं धोवेइ मुहं धोवेइ थणंतराई धोवेइ कक्खंतराई धोवेइ गु(गो)ज्झंतराई धोवेइ जत्थ [२] णं ठाणं वा सेजं वा निसीहियं वा चेएइ तत्थ वि य णं पुव्वामेव उदएणं अब्भु(क्ख- इ)क्खेत्ता तओ पच्छा ठाणं वा ३ चेएइ । तए णं ताओ गोवालियाओ अज्जाओ सूमालियं अज्जं एवं वयासी-एवं खलु (देवा० !) अज्जे ! अम्हे समणीओ निग्गंथीओ इरियासमियाओ जाव वंभचेरधारिणीओ, नो खलु कप्पइ अम्हं सरीरवाउसियाए होत्तए, तुमं च णं अज्जे ! सरीरवाउसिया अभिक्खणं २ हत्थे धो(व)वेसि जाव चे(दे)एसि, तं तुमं णं देवाणुप्पिए ! एय(त)स्स ठाणस्स आलोएहि जाव पडिवज्जाहि । तए णं सूमालिया गोवालियाणं अज्जाणं एयमट्ठं नो आढाइ नो परि(जाण)याणाइ अणाढायमाणी अपरि(जा)याणमाणी विहरइ । तए णं ताओ अज्जाओ सूमालियं अज्जं अभिक्खणं २ (अभि)ही(लं)लेंति जाव परिभवन्ति अभिक्खणं २ एयमट्ठं निवा- रेंति । तए णं तीसे सूमालियाए समणीहिं निग्गंथीहिं हीलिज्जमाणीए जाव वारि- ज्जमाणीए इमेयारूवे अज्झत्थिए जाव समुप्पज्जित्था-जया णं अहं अगारवासमज्झे

वसामि तया णं अहं अप्पवसा । जया णं अहं सुं(डे)डा भविता पव्वइया तया णं
 अहं परवसा । पुब्बि च णं ममं समणीओ आढायंति इयाणिं नो आ(ढं)ढायंति ।
 तं सेयं खलु मम कलं पाउप्पभायाए गोवालियाणं अंतियाओ पडिनिक्खमिता पाडि-
 एक्कं उवस्स(गं)यं उवसंपज्जिताणं विहरित्तए-त्तिकट्ठु एवं संपेहेइ २ ता कलं(पा०)
 गोवालियाणं (अज्जाणं) अंतियाओ पडिनिक्खमइ २ ता पाडिएक्कं उवस्सयं उवसं-
 पज्जिताणं विहरइ । तए णं सा सूमालिया अज्जा अणोहट्ठिया अनिवारिया सच्छंद-
 मई अभिक्खणं २ हत्थे धोवेइ जाव चेएइ तत्थ वि य णं पासत्था पासत्थविहा-
 (री)रिणी ओसन्ना २ कुसीला २ संसत्ता २ वट्ठुणि वासाणि सामण्णपरियागं पाउ-
 णइ [२] अद्धमास्तियाए संलेहणाए तस्स ठाणस्स अणालोइय(अ)पडिक्कंता काल-
 मासे कालं किच्चा ईसाणे कप्पे अन्नयरंति विमाणंसि देवगणियत्ताए उववन्ना । तत्थे-
 गइयाणं देवीणं नव-पल्लिओवमाइं ठिई पन्नत्ता । तत्थ णं सूमालियाए देवीए नवप-
 ल्लिओवमाइं ठिई पन्नत्ता ॥ १२१ ॥ तेणं कालेणं तेणं समएणं इहेव जंबुद्वीवे २
 भारहे वासे पंचालेसु जणवएसु कंपिल्लपुरे नामं नयरे होत्था वण्णओ । तत्थ णं
 दुवए नामं राया होत्था वण्णओ । तस्स णं चुलणी देवी धट्टज्जुणे कुमारे जुवराया ।
 तए णं सा सूमालिया देवी ताओ देवलोगाओ आउक्खएणं जाव चइत्ता इहेव जंबु-
 द्वीवे २ भारहे वासे पंचालेसु जणवएसु कंपिल्लपुरे नयरे दु(प)वयस्स रत्तो चुलणीए
 देवीए कुच्छिसि दारियत्ताए पच्चायाया । तए णं सा चुलणी देवी नवण्हं मासाणं
 जाव दारियं पयाया । तए णं तीसे दारियाए निव्वत्तवारसाहियाए इमं एयाह्वं (०)
 नामं(०)-जम्हा णं एसा दारिया दु(व)पयस्स रत्तो धूया चुलणीए देवीए अत्तया
 तं हो(उ)ऊ णं अम्हं इमीसे दारियाए नाम(धिजे)धेज्जं दोवई । तए णं तीसे अम्मा-
 पियरो इमं एयाह्वं गो(गु)णं गुणनिप्फन्नं नामधेज्जं क(रिं)रेंति दोवई । तए णं
 सा दोवई दारिया पंचधा(इ)ईपरिग्गहिया जाव गिरिकंदरमल्ली(ण)णा इव चंपगलया
 निवायनिव्वाघायंसि सुहंसुहेणं परिवट्ठइ । तए णं सा दोवई [देवी] रायवरकन्ना
 उम्मुक्कवालभावा जाव उक्किट्ठसरिीरा जाया थावि होत्था । तए णं तं दोवई राय-
 वरकन्नं अन्नया कयाइ अंतोउरियाओ ण्हायं सव्वालंकारविभूसियं करेंति २ ता
 दुवयस्स रत्तो पायवंदि(उं)यं पे(सं)सेंति । तए णं सा दोवई २ जेणेव दुवए राया
 तेणेव उवागच्छइ २ ता दुवयस्स रत्तो पायग्गहणं करेइ । तए णं से दुवए राया
 दोवई दारियं अंके निवेसेइ २ ता दोवईए २ रुवे(ण) य-३ जायविम्हए दोवई
 २ एवं वयासी-जस्स णं अहं [तुमं] पुत्ता । रायस्स वा जुवरायस्स वा भारि-
 यत्ताए सयमेव दलइस्सामि तत्थ णं तुमं सुहिया वा दु(क्खि)हिया वा भ(त्ति)व-

जासि । तए णं म(मं)म जावजीवाए हियय(डा)दाहे भविस्सइ । तं णं अहं तव पुत्ता ! अजयाए सयंवरं वि(रया)यरामि । अजयाए णं तुमं दिन्नं सयंवरा । (जे) जं णं तुमं सयमेव रायं वा जुवरायं वा वरेहिसि से णं तव भत्तारे भविस्सइ-
 त्तिकट्टु ताहिं इट्ठाहिं जाव आसासेइ २ ता पडिविसजेइ ॥ १२२ ॥ तए णं से दुवए राया दूयं सदावेइ २ ता एवं वयासी-गच्छह णं तुमं देवाणुप्पिया । वारवई नयरिं ।
 तत्थ णं तुमं कण्हं वासुदेवं समुद्विजयपामोक्खे दस दसारे वलदेवपा(मु)मोक्खे पंच महावीरे उग्गसेणपामोक्खे सोलस रायसहस्से पज्जुनपा(मु)मोक्खाओ अद्दुट्ठाओ कुमारकोढीओ संवपामोक्खाओ सट्ठिं दुइंतसाहस्सीओ वीरसेणपा(मु)मोक्खाओ ए-
 (इ)क्खीसं [राय]वीरपुरिससाहस्सीओ म(ह)हासेणपामोक्खाओ छप्पन्नं वलवगसाह-
 स्सीओ अत्ते य वहवे राईसरतलवरमाडंविंयकोडुंविंयइब्भ(सि)सेट्ठिसेणावइसत्थवा-
 हपभिइओ करयलपरिग्गहियं दसनहं सिरसावत्तं मत्थए अंजलिं कट्टु जएणं विजएणं चद्धावेहि २ ता एवं वयाहि-एवं खलु देवाणुप्पिया । कंपिल्लपुरे नयरे दुवयस्स रत्तो
 धूयाए चुलणीए (देवीए) अत्तयाए धट्टज्जुणकुमारस्स भ(गि)इणीए दोवईए २ सयं-
 वरे भविस्सइ । (तं) तए णं तुम्मे (देवा० !) दुवयं रायं अणुगिणहेमाणा अकालपरि-
 हीणं तेव कंपिल्लपुरे नयरे समोसरह । तए णं से दूए करयल जाव कट्टु दुवयस्स रत्तो एयमट्ठं (विणएणं) पडिउणेइ २ ता जेणेव सए गिहे तेणेव उवागच्छइ २ ता
 कोडुंविंयपुरिसे सदावेइ २ ता एवं वयासी-खिप्पामेव भो देवाणुप्पिया । चाउग्घंटं आसरहं जुत्तामेव उवट्ठवेह जाव उवट्ठवंति । तए णं से दूए ण्हाए अलंकार० सरीरे
 चाउग्घंटं आसरहं दु(र)रुहइ २ ता वट्ठहिं पुरिसेहिं सन्नद्ध जाव गहिया(SS)उहपहरणेहिं सद्धिं संपरिवुडे कंपिल्लपुरं नयरं मज्झंमज्झेणं निग्गच्छइ (०) पंचालजणवयस्स मज्झं-
 मज्झेणं जेणेव देसप्पंते तेणेव उवागच्छइ २ ता सुरट्ठाजणवयस्स मज्झंमज्झेणं जेणेव चारवई नयरी तेणेव उवागच्छइ २ ता वारवई नयरिं मज्झंमज्झेणं अणुप्पविसइ
 २ ता जेणेव कण्हस्स वासुदेवस्स वाहिरिया उवट्ठाणसाला तेणेव उवागच्छइ २ ता चाउग्घंटं आसरहं ठा(ठ)वेइ २ ता रहाओ पच्चोरुहइ २ ता मणुस्सवग्गुरापारि-
 विखत्ते पायचारविहा(रच्चा)रेणं जेणेव कण्हे वासुदेवे तेणेव उवागच्छइ २ ता कण्हं वासुदेवं समुद्विजयपा(मु)मोक्खे य दस दसारे जाव वलवगसाहस्सीओ करयल तं
 चेव जाव समोसरह । तए णं से कण्हे वासुदेवे तस्स दूयस्स अंतिए एयमट्ठं सोच्चा निसम्म हट्ठ[उट्ठे] जाव हियए तं दूयं सक्कारेइ सम्माणेइ स० २ ता पडिविसजेइ । तए
 णं से कण्हे वासुदेवे कोडुंविंयपुरि(सं)से सदावेइ २ ता एवं वयासी-गच्छह णं तुमं देवाणुप्पिया । सभाए सुदम्मए सामुदाइयं भेरिं तालेहि । तए णं से कोडुंविंयपु-

रित्ते करयल जाव कण्हस्स वासुदेवस्स एयमट्ठं पडिसुणेइ २ ता जेणेव सभाए सुह-
स्माए सामुदाइया भेरी तेणेव उवागच्छइ २ ता सामुदाइयं भेरिं महया २ सट्ठेणं
ताल्लेइ । तए णं ताए सामुदाइयाए भेरीए तालियाए समाणीए समुद्विजयपामोक्खा
दस दसारा जाव महासेणपामोक्खाओ छप्पन्नं वलवगसाहस्सीओ ण्हाया सव्वालंकार-
विभूसिया जहाविभवइहिसक्कारसमुदएणं अप्पेगइया [हयगया] जाव [अप्पेगइया]
पाय(विहारचा) चारविहारेणं जेणेव कण्हे वासुदेवे तेणेव उवागच्छंति २ ता करयल
जाव कण्हं वासुदेवं जएणं विजएणं वद्धावंति । तए णं से कण्हे वासुदेवे कोडुंघियपुरिसे
सद्दावेइ २ ता एवं वयासी-खिप्पामेव भो देवाणुप्पिया ! अभिसेक्कं हत्थिरयणं पडि-
कप्पेह हयगय जाव पच्चप्पिणंति । तए णं से कण्हे वासुदेवे जेणेव मज्जणघरे तेणेव
उवागच्छइ २ ता समुत्तजालाकुलाभिरामे जाव अंजणगिरिकूडसन्निभं गयवइं नरवइं
दुरुढे । तए णं से कण्हे वासुदेवे समुद्विजयपा(मु)मोक्खेहिं दसहिं दसारेहिं जाव म०
छ० व० सद्धिं संपरिवुडे सच्चिद्वीए जाव रवेणं वारव(इ)इं नयरिं मज्झंमज्झेणं निग्ग-
च्छइ २ ता सुरट्ठाजणवयस्स मज्झंमज्झेणं जेणेव देसपंपंते तेणेव उवागच्छइ २ ता
पंचालजणवयस्स मज्झंमज्झेणं जेणेव कंपिल्लपुरे नयरे तेणेव पहारेत्थ गमणाए । तए
णं से दुवए राया दोच्चं [पि] दूयं सद्दावेइ २ ता एवं वयासी-गच्छ[ह] णं तुमं देवाणु-
प्पिया ! हत्थिणाउरं नयरं, तत्थ णं तुमं पंडुरायं सपुत्तयं जुहिट्ठिं भीमसेणं अज्जुणं
नउलं सहदेवं दुज्जोहणं भाइसयसमग्गं गंगेयं विदुरं दोणं जयइहं सउ(णीं)णिं कीवं
आसत्थामं करयल जाव कट्ठु तहेव [जाव] समोसरह । तए णं से दूए एवं (व०-)
जहा वासुदेवे नवरं भेरी नत्थि जाव जेणेव कंपिल्लपुरे नयरे तेणेव पहारेत्थ गम-
णाए । एएणेव कमेणं तच्चं दूयं चं(पा)पं नयरिं, तत्थ णं तुमं कण्हं अंगरायं स(से)हं
नंदिरायं करयल तहेव जाव समोसरह । चउत्थं दूयं सुत्तिमइं नयरिं, तत्थ णं तुमं
सिखुपालं दमघोससुयं पंचभाइसयसंपरिवुडं करयल तहेव जाव समोसरह । पंचमं
दूयं हत्थिसी(स)सं नय(रं)रिं, तत्थ णं तुमं दमदंतं रायं करयल (तहेव) जाव
समोसरह । छट्ठं दूयं महुरं नयरिं, तत्थ णं तुमं धरं रायं करयल जाव समोसरह ।
सत्तमं दूयं रायगिहं नयरं, तत्थ णं तुमं सहदेवं जरा(सिंधु)संधसुयं करयल जाव
समोसरह । अट्ठमं दूयं कोडिणं नयरं । तत्थ णं तुमं रुप्पि मे(मे)सगसुयं करयल
तहेव जाव समोसरह । नवमं दूयं विरा(ड)टं नय(रं)रिं, तत्थ णं तुमं की(कि)यगं
भाउसयसमग्गं करयल जाव समोसरह । दसमं दूयं अवसेसेसु (य) गामागरनगरेइ
अणेगाइं रायसहस्साइं जाव समोसरह । तए णं से दूए तहेव निग्गच्छइ जेणेव
गामागर [तहेव] जाव समोसरह । तए णं ताइं अणेगाइं रायसहस्साइं तस्स दयस्स

अंतिए एयमट्टं सोचा निसम्म हट्टं तं दूरं सकारेति सम्माणेति स० २ ता पडिविस-
 (जि)जेति । तए णं ते वासुदेवपामोक्खा वहवे रायसहस्सा पत्तेयं २ ण्हाया सन्नद्ध-
 त्थिखंधवरगया महया ह्यगयरह(०)भडचडगरपहकर (०) सएहिं २ नगरेहिंतो
 अभिनिगच्छंति २ ता जेणेव पंचाले जणवए तेणेव पहारेत्थ गमणाए ॥१२३॥ तए
 णं से दुवए राया कोडुंवियपुरिसे सदावेइ २ ता एवं वयासी-गच्छह णं तुमं देवाण-
 प्पिया ! कंपिल्लपुरे नयरे वहिया गंगाए महानईए अदूरसामंते एगं महं सयंवरमंडवं
 करेह अणेगखंभसयसन्निविट्ठं लीलट्टियसा(ल)लिभंजि(आ)यागं जाव पच्चप्पिणंति ।
 तए णं से दुवए राया [दोचंपि] कोडुंवियपुरिसे सदावेइ २ ता एवं वयासी-खिप्पामेव
 भो देवाणुप्पिया ! वासुदेवपा(मु)मोक्खाणं बहूणं रायसहस्साणं आवासे करेह । ते वि
 करेत्ता पच्चप्पिणंति । तए णं [से] दुवए राया वासुदेवपा(०)मोक्खाणं बहूणं रायसह-
 स्साणं आग(मं)मणं जाणेत्ता पत्तेयं २ हत्थिखंध जाव परिवुडे अगधं च पज्जं च
 गहाय सव्विद्धीए कंपिल्लपुराओ निगच्छइ २ ता जेणेव ते वासुदेवपा(मु)मोक्खा वहवे
 रायसहस्सा तेणेव उवागच्छइ २ ता ताइं वासुदेवपा(मु)मोक्खाइं अगघेण य पज्जेण य
 सकारेइ सम्माणेइ स० २ ता तेसिं वासुदेवपा(०)मोक्खाणं पत्तेयं २ आवासे वियरइ ।
 तए णं ते वासुदेवपामोक्खा जेणेव सया २ आवासा तेणेव उवागच्छंति २ ता हत्थि-
 खंध(धा)धेहिंतो पच्चोरुहंति २ ता पत्तेयं [२] खंधावारनिवेसं करेति २ ता सए[सु] २
 आवासे[सु] अणु[प]पविसंति २ ता सएसु (२) आवासेसु [य] आसणेसु य सयणेसु य
 सन्निसण्णा य संतुयट्ठा य बहूहिं गंधव्वेहि य नाडएहि य उवगिज्जमाणा य उवनच्चि-
 ज्जमाणा य विहरंति । तए णं से दुवए राया कंपिल्लपुरं नयरं अणुप्पविसइ २ ता
 विपुलं असणं ४ उवक्खडावेइ २ ता कोडुंवियपुरिसे सदावेइ २ ता एवं वयासी-
 गच्छह णं तुब्भे देवाणुप्पिया ! विपुलं असणं ४ सुवहुपुप्फवत्थगंधमल्लालंकारं च
 वासुदेवपामोक्खाणं रायसहस्साणं आवासेसु साहरह । ते वि साहरंति । तए णं ते
 वासुदेवपा(०)मोक्खा तं विपुलं अस(णं)णपा(णं)णखाइ(मं)मसाइमं आसाएमाणा ४
 विहरंति जिमियभुत्तरागया वि य णं समाणा आयंता [चोक्खा] जाव सुहासणवर-
 गया बहूहिं गंधव्वेहिं जाव विहरंति । तए णं से दुवए राया पुव्वावरणहकालसमयंसि
 कोडुंवियपुरिसे सदावेइ २ ता एवं वयासी-गच्छह णं तु(मे)ब्भे देवाणुप्पिया !
 कंपिल्लपुरे सिं(सं)घाडग जाव पहे[सु]वासुदेवपा(मु)मोक्खाणं य रायसहस्साणं आवा-
 सेसु हत्थिखंधवरगया महया २ सदेणं जाव उग्घोसेमाणा २ एवं वयह-एवं खलु
 देवाणुप्पिया ! कलं पाउप्पभायाए दुवयस्स रज्जो धूयाए चुलणीए देवीए अ(त्त)त्ति-
 याए धट्टज्जु(ण)णस्स भगिणीए दोवईए २ सयंवरे भविस्सइ । तं तुब्भे णं देवाण-

प्पिया । दुवयं रायाणं अणुगिणहेमाणा ण्हाया सव्वालंकारविभूसिया हत्थिखंधव-
 रगया सको(रं)रेंट० सेयवरचामर० हयगयरह० महया भडच(र)डगरेणं जाव
 परिक्खिता जेणेव सयंवरामंडवे तेणेव उवागच्छह २ ता पत्तेयं नामंकेसु आसणेनु
 निसीयह २ ता दोवई २ पडिवाळेमाणा २ चिट्ठह घोसणं घोसेह [२] मम
 एयमाणत्तियं पच्चप्पिणह । तए णं ते कोडुंविया तहेव जाव पच्चप्पिणंति । तए णं
 से दुवए राया कोडुंवियपुरिसे सद्दावेइ २ ता एवं वयासी-गच्छह णं तुब्भे देवाण-
 प्पिया । सयंवरमंड(पं)वं आसियसंमज्जिओवलित्तं सुगंधवरगंधियं पंचवण्णपु(प्फ-
 पुंजो)प्फोवयारकलियं कालागरूपवरकुंदुरुक्कतुरुक्क जाव गंधवट्ठिभूयं मंचाइमंचकलियं
 करेह कारवेह करेत्ता कारवेत्ता वासुदेवपा(०)मोक्खाणं वहूणं रायसहस्साणं पत्तेयं २
 नामंकाइं आसणाइं अत्थुय(सेयव०)पच्चत्थुयाइं एह २ ता एयमाणत्तियं पच्चप्पिणह
 (तेवि) जाव पच्चप्पिणंति । तए णं ते वासुदेवपा(०)मोक्खा वहवे रायसहस्सा कलं
 (पाउ०) ण्हाया सव्वालंकारविभूसिया हत्थिखंधवरगया सकोरेंट० सेयवरचामराहिं
 [महया] हयगय जाव परिचुडा सच्चिद्धीए जाव रवेणं जेणेव सयंव(रे)रामंडवे
 तेणेव उवागच्छंति २ ता अणुप्पविसंति २ ता पत्तेयं २ नामं(के)कएसु निसीयंति

एणं महं सिरिदामगंडं[०] किं ते ? पाडलमल्लियचंपय जाव सत्तच्छयाईहिं रंघद्धणिं
 मुयंतं परमसुहपासं दरिसणिज्जं गे(णि)ण्हइ । तए णं सा किट्ठाविया (जाव) सुह्वा
 जाव वामहत्थेणं चित्ठगं दप्पणं गहेऊण सललियं दप्पणसंकंतविंवसंदंसिए य से
 दाहिणेणं हत्थेणं दरि(सि)सए पवररायसीहे फुडविसयविसुद्धरिभियगंभीरमहुरभ-
 णिया सा तेसिं सव्वेसिं पत्थिवाणं अम्मापि(ऊणं)उवंससत्तसामत्थगोत्तविकंतिकं-
 तिवहुविहआगममाहप्परुवजोव्वणगुणलावण्णकुलसीलजाणिया कित्तणं करेइ । पढमं
 ताव वण्हिपुंगवाणं दसदसार[वर]वीरपुरि(साणं)स(ते)तिलोक्कवलवगाणं सत्तुसयस-
 हस्समाणावमद्गाणं भवसिद्धिपवरपुंडरीयाणं चित्ठगाणं वलवीरियरुवजोव्वणगुणला-
 वण्णकित्तिया कित्तणं करेइ । तओ पु(णो)ण उग्गसेणमाईणं जायवाणं भणइ(य)-
 सोहग्गरुवकलिए वरेहि वरपुरिसगंधहत्थीणं जो हु ते [लोए] होइ हिययदइओ ॥
 तए णं सा दोवई रायवरकन्नगा वट्ठणं रायवरसहस्साणं मज्झमज्झेणं समइच्छ-
 माणी २ पुव्वकयनिय्याणेणं चोइज्जमाणी २ जेणेव पंच पंडवा तेणेव उवागच्छइ
 २ ता ते पंच पंडवे तेणं दसद्धवण्णेणं कुसुमदामेणं आवेदियपरिवेदि(यं)ए करेइ
 २ ता एवं वयासी-एए णं मए पंच पंडवा वरिया । तए णं (तेसिं) ताई वासुदेव-
 पामोक्खा(णं)इं वट्ठणि रायसहस्साणि महया २ सदेणं उग्घोसेमाणा[इं]२ एवं वयंति-
 सुवरियं खलु भो ! दोव(इ)ईए रायवरकन्नाए (२) त्तिकट्ठु सयंवरमंडवाओ पडिनिक्ख-
 मंति २ ता जेणेव सया २ आवासा तेणेव उवागच्छंति । तए णं धट्ठज्जु(ण्णे)णकुमारे
 पंच पंडवे दोवई[च] रायवरक(णं)न्नगं च्चाउग्घंटं आसरहं दुरु(ह)हेइ २ ता कंप्पिळ-
 पुरं मज्झमज्झेणं जाव सयं भवणं अणुपविसइ । तए णं दुवए राया पंच-पंडवे दोवई
 २ पट्ठयं दुरुहेइ २ ता सेयापी[य]एहिं कलसेहिं मज्जावेइ २ ता अग्गिहोमं
 करा(कार)वेइ पंचण्हं पंडवाणं दोवईए य पाणिग्गहणं करावेइ । तए णं से दुवए
 राया दोवईए २ इमं एयारुवं पीइदाणं दलय(ती)इ तंजहा-अट्ठ हिरण्णकोडीओ जाव
 (अट्ठ) पैसणकारीओ दासचेडीओ अन्नं च विपुलं धणकणग जाव दलयइ । तए
 णं से दुवए राया ताई वासुदेवपामोक्खाई विपुलेणं असणपाणखाइमसाइमेणं
 वत्थगंध जाव पडिविसज्जेइ ॥ १२५ ॥ तए णं से पंडू राया तेसिं वासुदेवपा-
 मोक्खाणं वट्ठणं रायसहस्साणं करयल जाव एवं वयासी-एवं खलु देवाणुप्पिया ।
 हत्थिणाउरे नयरे पंचण्हं पंडवाणं दोवईए य देवीए कल्लणकरे भविस्सइ तं
 तुब्भे णं देवाणुप्पिया ! मरं अणुणिण्हमाणा अकालपरिहीणं समोसरह । तए णं
 [ते] वासुदेवपामोक्खा पत्तेयं २ जाव पहारेत्थ गमणाए । तए णं से पं(डु)इ राया
 कोइंविणपुरिसे सद्दवेइ २ ता एवं वयासी-गच्छह णं तुब्भे देवाणुप्पिया ! हत्थिणा-

उरे पंचण्हं पंडवाणं पंच पासायवडिंसए कारे(ह)हि अब्भुंगयमूसिय वण्णओ जाव पडिह्वे । तए णं ते कोडुंवियपुरिसा पडिसुणेंति जाव कार(करा)वेंति । तए णं से पंड(डु)ए राया पंचहिं पंडवेहिं दोवईए देवीए सद्धिं हयगयसंपरिवुडे कंप्पिपुराओ पडिनिक्खमइ २ ता जेणेव हत्थिणाउरे तेणेव उवागए । तए णं से पंडुराया तेसिं वासुदेवपामोक्खाणं आगमणं जाणित्ता कोडुंवियपुरिसे सद्दावेइ २ ता एवं वयासी-गच्छह णं तुब्भे देवाणुप्पिया ! हत्थिणाउरस्स नयरस्स वहिया वासुदेवपामोक्खाणं वहूणं रायसहस्साणं आवासे कारेह अणेग(खं)थंभसय तहेव जाव पच्चप्पिणंति । तए णं ते वासुदेवपामोक्खा वहवे रायसहस्सा जेणेव हत्थिणाउरे तेणेव उवागच्छंति । तए णं (से) पंडुराया ते(सिं) वासुदेवपामो(क्खाणं)क्खे [जाव] आग(मणं)ए जाणित्ता हट्टतुट्ठे ण्हाए जहा दु(प)वए जाव जहारिहं आवासे दलयइ । तए णं ते वासुदेवपा(०)मोक्खा वहवे रायसहस्सा जेणेव सया(ई) २ आवासा(ई) तेणेव उवागच्छंति (०) तहेव जाव विहरंति । तए णं से पंडुराया हत्थिणाउरं नयरं अणुपविसइ २ ता कोडुंवियपुरिसे सद्दावेइ २ ता एवं वयासी-तुब्भे णं देवाणुप्पिया ! विपुलं असणं ४ तहेव जाव उवणेंति । तए णं ते वासुदेवपामोक्खा वहवे रा(या)यसहस्सा ण्हाया तं विपुलं असणं ४ तहेव जाव विहरंति । तए णं से पंडुराया [ते] पंचपंडवे दोवई च देविं पट्ठयं दुरुहेइ २ ता सीयापीएहिं कलसेहिं ण्हावे(न्ति)इ २ ता कल्लाण(का)करं करेइ २ ता ते वासुदेवपामोक्खे वहवे रायसहस्से विपुलेणं अस(ण)णेणं ४ पुप्फवत्थेणं सक्कारेइ सम्माणेइ (०) जाव पडिविसजेइ । तए णं ताई वासुदेवपामोक्खाई वहू(हिं)ई जाव पंडिगयाई ॥ १२६ ॥ तए णं ते पंच पंडवा दोवईए देवीए (सद्धिं अंतो अंते-उरपरियाल) सद्धिं कल्लाकल्लिं वारंवारणं उ(ओ)रालाई भोगभोगाई जाव विहरंति । तए णं से पंडू राया अन्नया कया(ई)ई पंचहिं पंडवेहिं कौंतीए देवीए दोवईए (देवीए) य सद्धिं अंतोअंतेउरपरियालसद्धिं संपरिवुडे सीहासणवरगए यावि विहरइ । इमं च णं कच्छुल्लनारए दंसणेणं अइभए विणीए अंतो(२)य कलुसहियए मज्झ(त्थो)त्थउवत्थिए य अल्लीणसोमपियदंसणे सुरुवे अमइलसगलपरिहिए कालमियचम्मउत्तरासंगरइयव- (त्थे)च्छे दण्डकमण्डलुहत्थे जडामउडदित्तसिरए जन्नोवइयगणेतियमुंजमेह(ल)लावा- गलधरे हत्थकयकच्छभीए पियगंधव्वे धरणिगोयरप्पहाणे संवरणावरणओवय(णउ)- णुप्पयणिळेसणीसु य संकामणि(अ)आभिओगपन्नत्तिगमणीथं(भ)भिणीसु य व(हु)हूसु विज्जाहरीसु विज्जासु विस्सुयजसे इट्ठे रामस्स य केसवस्स य पज्जुन्नपईवसंबअनिरुद्धनि- सदउंम्मुयसारणगयसुमुहुदुम्मुहाई(ण)णं जायवाणं अद्धुट्ठाण[य]कुमारकोडीणं हियय- दइए संथवए कलहजुद्धकोलाहलप्पिए भंडणाभिलासी वहूसु य सम(रेडु)रसयसंपरांसु

दंसणए समंतओ कलहं सदक्खिणं अणुगवेसमाणे असमाहिकरे दसारवरवीरपुरि-
 स(ति)तेलोकवलवगणं आमंतेऊण तं भगव(ती)इं प(ए)कमाणं गगणगमणदच्छं
 उप्पइओ गगणमभिलंघयंतो गामागरनगरखेडकच्चडमडंबदोणमुहपट्टणसं(वा)याह-
 राहस्समंडियं थिमियमेइणीतलं वसुहं ओलोइं(तो)ते रम्मं हत्थिणाउरं उवागए पंड-
 रायभवणंसि अइवेगेण समोवइए । तए णं से पंडू राया कच्छुल्लनारयं एज्जमाणं पासइ
 २ ता पंचहिं पंडवेहिं कुंतीए य देवीए सद्धिं आसणाओ अब्भुट्टेइ २ ता कच्छुल्लना-
 रयं सत्तट्ठपयाइं पच्चुगच्छइ २ ता तिक्खुत्तो आयाहिणपयाहिणं करेइ २ ता वंदइ
 नमंसइ वं० २ ता महरिहेणं आसणेणं उवनिमंतेइ । तए णं से कच्छुल्लनारए उद-
 यपरिफोसियाए दब्भोवरिप(च्च)च्चुत्थुयाए भिसियाए निसीयइ २ ता पंडुरायं रज्जे
 [य] जाव अंतेउरे य कुसलोदंतं पुच्छइ । तए णं से पंडूराया कौंती [य] देवी पंच
 य पंडवा कच्छुल्लनारयं आढंति जाव पज्जुवासंति । तए णं सा दोवइं देवी कच्छुल्ल-
 नारयं अस्संज(यं)यअविर(यं)यअप्पडिहय[अ]पच्चक्खायपावकम्मं-तिकट्ठु नो
 आढाइ नो परियाणइ नो अब्भुट्टेइ नो पज्जुवासइ ॥ १२७ ॥ तए णं तस्स कच्छु-
 ल्लनारयस्स इमेयाहवे अज्झत्थिए चित्तिए पत्थिए मणोगए संकप्पे समुप्पज्जित्था-
 अहो णं दोवइं देवी रूवे(णं)ण य जाव लावण्णेण य पंचहिं पंडवेहिं अ(णुव)वत्थद्धा
 समाणी ममं नो आढाइ जाव नो पज्जुवासइ । तं सेयं खलु मम दोवइए देवीए
 विप्पियं क(रि)रेत्तए-तिकट्ठु एवं संपेहेइ २ ता पंडु(य)रायं आपुच्छइ २ ता उप्प-
 यणिं विज्जं आवाहेइ २ ता ताए उक्किट्ठाए जाव विज्जाहरगईए लवणसमुहं मज्झं-
 मज्झेणं पुरत्थाभिमुहे वी(इ)इवइउं पयत्ते यावि होत्था । तेणं कालेणं तेणं समएणं
 धायइसंडे वीवे पुरत्थिमद्धदाहिणद्धभरहवासे अ(म)वरकंका ना(म)मं रायहाणी
 होत्था । त(ए)त्थ णं अ(म)वरकंकाए रायहाणीए पउमनाभे नामं राया होत्था महया
 हिमवंत वण्णओ । तस्स णं पउमनाभस्स रज्जो सत्त देवीसयाइं ओरोहे होत्था ।
 तस्स णं पउमनाभस्स रज्जो सुनाभे नामं पुत्ते जुवराया(या)वि होत्था । तए णं से
 पउमनाभे राया अंतोअंतेउरंसि ओरोहसंपरिवुडे सी(सिं)हासणवरगए विहरइ ।
 तए णं से कच्छुल्लनारए जेणेव अवरकंका रायहाणी जेणेव पउमना(ह)भस्स भवणे
 तेणेव उवागच्छइ २ ता पउमनाभस्स रज्जो भवणंसि झ(त्ति)त्ति वेगे(णं)ण समो-
 वइए । तए णं से पउमनाभे(राया) कच्छु(ल्लं)ल्लनारयं एज्जमाणं पासइ २ ता आस-
 णाओ अब्भुट्टेइ २ ता अग्घेणं जाव आसणेणं उवनिमंतेइ । तए णं से कच्छुल्लनारए
 उदयपरिफोसियाए दब्भोवरिपच्चत्थुयाए भिसियाए निसीयइ जाव कुसलोदंतं आपु-
 च्छइ । तए णं से पउमनाभे राया नियगओरोहे जायविम्हए कच्छुल्लनारयं एवं

वयासी-तु(वमं)मं देवाणुप्पिया ! चंहुणि गांमाणि जाव नि(गे)हाइं अणुपविसंति,
 तं अत्थि-याइं ते कहिंचि देवाणुप्पिया ! एरिसए ओरोहे दिट्ठपुण्वे जारिसए णं मम
 ओरोहे ? । तए णं से कच्छुल्लनारए पउमनामेणं (रत्ता) एवं वुत्ते समाणे ईसिं विह-
 सियं करेइ २ ता एवं वयासी-सरिसे णं तुमं पउम-नाभा ! तस्स अगडदहुरस्स ।
 के णं देवाणुप्पिया ! से अगडदहुरे ? एवं जहा मल्लिणाए । एवं खलु देवाणुप्पिया !
 जंबुदीवे २ भारहे वासे हत्थिणाउरे [न्यरे] दुपयस्स रत्तो धूया चुलणीए देवीए
 अत्तया पंडुस्स लुण्हा पंचण्हं पंडवाणं भारियां दोवई देवी रूवेण य जाव उक्किट्ठ-
 सरीरा । दोवईए णं देवीए छिन्नस्सवि पायंगुट्ठ(य)स्स अयं तवं ओरोहे स(तिमं)यंपि
 कलं न अग्घइ-त्तिकट्ठ पउम-नामं आपुच्छइ (०) जाव पडिगए । तए णं से
 पउमनामे राया कच्छुल्लनारयस्स अंतिए एयमट्ठं सोचा निसम्म दोवईए देवीए
 रूवे य २ मुच्छिए ४ (०) जेणेव पोसहसाला तेणेव उवागच्छइ २ ता पोसहसालं
 जाव पुव्वसंगइयं देवं एवं वयासी-एवं खलु देवाणुप्पिया ! जंबुदीवे २ भारहे
 वासे हत्थिणाउरे जाव [उक्किट्ठ]सरीरा, तं इच्छामि णं देवाणुप्पिया ! दोव(तीं)इं
 देवीं इहमा(णि)णीयं । तए णं पुव्वसंगइए देवे पउमनामं एवं वयासी-नो
 खलु देवाणुप्पिया ! ए(यं)वं भूयं वा भव्वं वा भविस्सं वा ज-न्नं दोवई देवी
 पंच-पंडवे मोतू(ण)णं अन्नेणं पुरिसेणं सद्धिं उ(ओ)रालाइं जाव विहरिस्सइ । तहावि
 य णं अहं तव पियट्ठ(त)याए दोवई देविं इहं हव्वमाणेमि-त्तिकट्ठ पउम-नामं
 आपुच्छइ २ ता ताए उक्किट्ठाए जाव लवणसमुदं मज्झमज्जेणं जेणेव हत्थिणाउरे
 न्यरे तेणेव पहारेत्थ गमणाए । तेणं कालेणं तेणं समएणं हत्थिणाउरे [न्यरे]
 जुहिट्ठिल्ले राया दोवईए देवीए सद्धिं उप्पि आगासत(लं)लगंसि सुह[प]पुत्ते यावि
 होत्था । तए णं से पुव्वसंगइए देवे जेणेव जुहिट्ठिल्ले राया जेणेव दोवई देवी तेणेव
 उवागच्छइ २ ता दोवईए देवीए ओसोवणियं दल्लयइ २ ता दोवई देविं गिण्हइ २
 ता ताए उक्किट्ठाए जाव जेणेव अ-वरकंका जेणेव पउम-नामस्स भवणे तेणेव उवा-
 गच्छइ २ ता पउम-नामस्स भवणंसि असोगवणियाए दोवई देविं ठावेइ २ ता
 ओसोवणिं अवहरइ २ ता जेणेव पउमनामे तेणेव उवागच्छइ २ ता एवं वयासी-
 एस णं देवाणुप्पिया ! मए हत्थिणाउराओ दोवई देवी इ(ह)हं हव्वमाणीया तव
 असोगवणियाए चिट्ठइ । अओ परं तुमं जाणंसि-त्तिकट्ठ जामेव दिसिं पाउवभूए
 तामेव दिसिं पडिगए । तए णं सा दोवई देवी तओ मुहुत्ततरस्स पडिबुद्धा
 संमाणीं तं भव्वं असोगवणियं च अपच्चभिजाणमाणी एवं वयासी-नो खलु अम्हं
 एसे सए भवणे नो खलु एसा अम्हं स(गा)या असोगवणिया । तं न नजइ णं अहं
 ६९ सुत्ता०

केणं(ई)इ देवेण वा दाणवेण वा किंपुरिसेण वा किन्नरेण वा महोरगेण वा गंधव्वेण वा अन्नस्स र-ओ असोगवणियं साहरिय-त्तिकट्टु ओहयमणसंकप्पा जाव झियायइ । तए णं से पउम-न्नामे राया ण्हाए सव्वालंकारविभूतिए अंतेउरपरियालसंपरिवुडे जेणेव असोगवणिया जेणेव दोवई देवी तेणेव उवागच्छइ २ ता दोव(तीं)ई दे(वीं)वि ओहय(०) जाव झियायमा(णीं)णिं पासइ २ ता एवं वयासी-कि-न्नं तुमं देवाणुप्पि- (ए)या । ओहय जाव झियाहि ? एवं खलु तुमं देवाणुप्पिए । मम पुव्वसंगइएणं देवेणं जंबुद्दीवाओ २ भारहाओ वासाओ हत्थिणा(पु)उराओ नयराओ जुहिट्ठिस्स र-ओ भवणाओ साहरिया, तं मा णं तुमं देवाणुप्पि-या । ओहय-जाव झियाहि, तुमं [णं] मए सद्धिं विपुलाई भोगभोगाई जाव विहराहि । तए णं सा दोवई (देवी) पउम-न्नामे एवं वयासी-एवं खलु देवाणुप्पिया । जंबुद्दीवे २ भारहे वासे वारव(ति)ईए नयरीए कण्हे नामं वासुदेवे मम(प्पि)पियभाउए परिवसइ, तं जइ णं से छण्हं मासाणं म(मं)म कूवं नो हव्वमागच्छइ तए णं अहं देवाणुप्पिया । जं तुमं वदसि तस्स आणाओवायवयणनिहेत्ते चिट्ठिस्सामि । तए णं से पउ(मे)मन्नामे दोवईए एयमट्ठं पडिसुणेइ २ ता दोवईं देविं क-न्नंतेउरे ठवेइ । तए णं सा दोवई देवी छट्ठंछट्ठेणं अणिविखत्तेणं आयंविळपरिगगहिएणं तवोकम्मेणं अप्पाणं भावेमाणी विहरइ ॥ १२८ ॥ तए णं से जु(हु)हिट्ठिस्स राया तओ मुहुत्तंतरस्स पडिवुद्धे समाणे दोवईं देविं पासे अपासमा(णो)णे सयणिज्जाओ उट्ठेइ २ ता दोवईए देवीए सव्वओ समंता मग्गणगवेसणं करेइ २ ता दोवईए देवीए कत्थइ सुई वा खुई वा पवत्ति वा अलभ-माणे जेणेव पं-डूराया तेणेव उवागच्छइ २ ता पं-डूरायं एवं वयासी-एवं खलु ताओ । म-म आगासतलगंसि [सुह]पसुत्तस्स पासाओ दोवई देवी न नज्जइ केणइ देवेण वा दाणवेण वा [किंपुरिसेण वा] किन्नरेण वा महोरगेण वा गंधव्वेण वा हिया वा नि(णी)या वा अ(व)क्खित्ता वा (?), [तं] इच्छामि णं ताओ । दोवईए देवीए सव्वओ समंता मग्गणगवेसणं क(यं)रित्तए । तए णं से पं-डूराया कोडुंविउपुरिसे सद्दवेइ २ ता एवं वयासी-गच्छह णं तुम्हे देवाणुप्पिया ! हत्थिणाउरे नयरे सिंघा-उगति(य)गचउक्कचरमहापहपहेसु महया २ सद्देणं उग्घोसेमाणा २ एवं वयह-एवं खलु देवाणुप्पिया । जुहिट्ठिस्स र-ओ आगासतलगंसि सुहपसुत्तस्स पासाओ दोवई देवी न नज्जइ केणइ देवेण वा दाणवेण वा किंपुरिसेण वा किन्नरेण वा महोरगेण वा गंधव्वेण वा हिया वा नि(नी)या वा अ-क्खित्ता वा, तं जो णं देवाणुप्पिया ! दोवईए देवीए सुई वा खुई वा पवत्ति वा परिकहेइ तस्स णं पं-डूराया विउलं अत्यसंपयाणं (दाणं)दलयइ-त्तिकट्टु घोसणं घोसावेइ २ ता एयमाणसित्तियं पच्चप्पिणह । तए णं ते

कोडुंवियपुरिसा जाव पचपिणंति । तए णं से पंडू-राया दोवईए देवीए कत्थइ सुइं
वा जाव अलभमाणे कौंती देवीं सदावेइ २ ता एवं वयासी-गच्छह णं तुमं देवाणु-
प्पिया । वारवईं नयरिं कण्हस्स वासुदेवस्स एयमट्ठं निवेदेहि । कण्हे णं परं वासुदेवे
दोवईए (देवीए) मग्गणगवेसणं करेज्जा अन्नहा न नज्जइ दोवईए देवीए सु(तीं)इं वा
खु(तीं)इं वा पव(तीं)त्तिं वा उवलभेज्जा । तए णं सा कौंती देवी पंडु(र)णा एवं
वुत्ता समाणी जाव पडिसुणेइ २ ता ण्हाया हत्थिखंधवरगया हत्थिणा(उ)पुरं नयरं
मज्झंमज्जेणं निग्गच्छइ २ ता कुरुजणवयं मज्झंमज्जेणं जेणेव सुर(ट्ठ)ट्ठाजणवए
जेणेव वारवईं नयरी जेणेव अग्गुज्जाणे तेणेव उवागच्छइ २ ता हत्थिखंधाओ
पच्चोरुहइ २ ता कोडुंवियपुरिसे सदावेइ २ ता एवं वयासी-गच्छह णं तुव्भे देवा-
णुप्पिया । जेणेव (वारवईं ण०) वारवईं नयरिं अणुपविसह २ ता कण्हं वासुदेवं
करयल[०] एवं वयह-एवं खलु सामी । तुव्भं पिउच्छा कौंती देवी हत्थिणाउराओ
नयराओ इहं हव्वमागया तुव्भं दंसणं कंखइ । तए णं ते कोडुंवियपुरिसा जाव
कहंति । तए णं कण्हे वासुदेवे कोडुंवियपुरिसाणं अंतिए [एयमट्ठं] सोच्चा निसम्म
[हंठुट्ठे] हत्थिखंधवरगए हयगय[०] वारवईए (य) नयरीए मज्झंमज्जेणं जेणेव कौंती
देवी तेणेव उवागच्छइ २ ता हत्थिखंधाओ पच्चोरुहइ २ ता कौंतीए देवीए पायग्ग-
हणं करेइ २ ता कौंतीए देवीए सद्धिं हत्थिखंधं दुरुहइ २ ता वारव(तीए)इं नय-
(रीए)रिं मज्झंमज्जेणं जेणेव सए गिहे तेणेव उवागच्छइ २ ता सयं गिहं अणु-
पविसइ । तए णं से कण्हे वासुदेवे कौं(तीं)त्तिं देविं ण्हायं जिमियभुत्तरागयं जाव
सुहासणवरगयं एवं वयासी-संदिसउ णं पिउच्छा । किमागमणपओयेणं (?) । तए
णं सा कौंती देवी कण्हं वासुदेवं एवं वयासी-एवं खलु पुत्ता । हत्थिणाउरे नयरे
जुहिट्ठिस्स [रओ] आगासत(ले)लए सुह[८]पसुत्तस्स पासाओ दोवई देवी न नज्जइ
केणइ अवहिया जाव अवक्खित्ता वा, तं इच्छामि णं पुत्ता । दोवईए देवीए मग्ग-
णगवेसणं कयं । तए णं से कण्हे वासुदेवे कौं(तिं)तीपिउच्छि एवं वयासी-जं नवरं
पिउच्छा (!) दोवईए देवीए कत्थइ सुइं वा जाव लभामि तो णं अहं पायालाओ
वा भवणाओ वा अद्धभरहाओ वा समंतओ दोवईं [देविं] साहत्थि उवणेमि-त्तिकट्ठु
कौं(तीं)तीपिउ(त्थि)च्छि सक्कारेइ सम्माणेइ जाव पडिविसजेइ । तए णं सा कौंती देवी
कण्हेणं वासुदेवेणं पडिविसजियां समाणी जामेव दिसिं पाउव्भूया तामेव दिसिं
पडिगया । तए णं से कण्हे वासुदेवे कोडुंवियपुरिसे सदावेइ २ ता एवं वयासी-
गच्छह णं तुव्भे देवाणुप्पिया । वारवईं नयरिं एवं जहा पंडू तहा घोसणं घोसा-
वेइ जाव पचपिणंति पंडुस्स जहा । तए णं से कण्हे वासुदेवे अन्नया अंतोअंते-

उरगए ओरोहे जाव विहरइ । इमं च णं कच्छुल्लए [नारए] जाव समोवइए जाव
 निसीइत्ता कण्हं वासुदेवं कुसलोदंतं पुच्छइ । तए णं से कण्हे वासुदेवे कच्छुल्लं
 नारयं एवं वयासी-तुमं णं देवाणुप्पिया । बहूणि गामागर जाव अणुपविससि,
 तं अत्थि-याइं ते कहिं(वि)चि दोवईए देवीए सुई वा जाव उवलद्धा ? । तए णं से
 कच्छुल्ले)ल्लए (णारए) कण्हं वासुदेवं एवं वयासी-एवं खलु देवाणुप्पिया । अन्नया
 [कयाई] धायईसंडे दीवे पुरत्थिमद्धं दारिणद्धभरहवासं अवरकंकारायहाणिं गए,
 तत्थ णं मए पउमनाभस्स रत्तो भवणंसि दोवई देवी जारिसिया दिट्ठपुव्वा यावि
 होत्था । तए णं कण्हे वासुदेवे कच्छुल्लं एवं वयासी-तुमं चेव णं देवाणुप्पिया ।
 ए(वं)यं पुव्वकम्मं । तए णं से कच्छुल्लनारए कण्हेणं वासुदेवेणं एवं वुत्ते समाणे उप्प-
 यणिं विज्जं आवाहेइ २ ता जामेव दिसिं पाउब्भूए तामेव दिसिं पडिगए । तए णं से
 कण्हे वासुदेवे दूयं सद्दवेइ २ ता एवं वयासी-गच्छह णं तुमं देवाणुप्पिया । हत्थिणाउरं
 पंडुस्स रत्तो एयमट्ठं निवे(दे)एहि-एवं खलु देवाणुप्पिया । [दोवई देवी] धाय(इ)ई-
 सं(डे)डदीवे पुर(च्छि)त्थिमद्धे अवरकंकाए रायहाणीए पउम-नाभभवणंसि [साहिया]
 दोवईए देवीए पउत्ती उवलद्धा । तं गच्छंतु पंच पंडवा चाउरंगिणीए सेणाए सद्धिं
 संपरिवुडा पुर-त्थिमवेयालीए ममं पडिवालेमाणा चिट्ठंतु । तए णं से दूए जाव भणइ
 [जाव] पडिवालेमाणा चिट्ठह । तेवि जाव चिट्ठंति । तए णं से कण्हे वासुदेवे कोडुं-
 वियपुरिसे सद्दवेइ २ ता एवं वयासी-गच्छह णं तुम्हे देवाणुप्पिया । सन्नाहियं भेरिं
 ता(डे)लेह । तेवि तालेंति । तए णं ती(से)ए स-न्नाहियाए भेरीए सद्दं सोच्चा समुद्धविज-
 यपामोक्खा दस दसारा जाव छप्प-न्नं बलव(य)गसाहस्सीओ सन्नद्धबद्ध जाव गहि-
 याउहपहरणा अप्पेगइया हयगया [अप्पेगइया] गयगया जाव [मणुस्स]वग्गुरापरि-
 व्वित्ता जेणेव सभा सु(ध)हम्मा जेणेव कण्हे वासुदेवे तेणेव उवागच्छंति २ ता
 करयल जाव वद्धावेंति । तए णं [से] कण्हे वासुदेवे हत्थिखंधवरगए सकोरंटमल्लदा-
 मेणं छत्तेणं ध(धा)रिज्जमाणेणं सेयवर० हयगय(०) महया भड्चडगरपहकरेणं
 वारवईए नयरीए मज्झमज्जेणं निगगच्छइ (०) जेणेव पुर-त्थिमवेयाली तेणेव उवा-
 गच्छइ २ ता पंचहिं पंडवेहिं सद्धिं एगयओ मि(ल)लाइ २ ता खंधावार-निवेसं करेइ
 २ ता [पोसहसालं करेइ २ ता] पोसहसालं अणु-प्पविसइ २ ता सुट्ठियं देवं मण(सि)-
 सीकरेमाणे २ चिट्ठइ । तए णं कण्हस्स वासुदेवस्स अट्ठमभत्तंसि परिणममाणंसि
 सुट्ठिओ जाव आगओ (,) [एवं वयइ-] भण देवाणुप्पिया । जं मए कायव्वं । तए णं से
 कण्हे वासुदेवे सुट्ठियं (देवं) एवं वयासी-एवं खलु देवाणुप्पिया । दोवई देवी जाव
 पउमनाभस्स भवणंसि सा(इरि)हिया, तण्णं तुमं देवाणुप्पिया । मम पंचहिं पंड-

वेहिं सद्धिं अप्पच्छट्ठस्स छण्हं रहाणं लवणसमुद्दे मग्गं विय(रे)राहि जा(जण)णं अहं-
अ-वरकंकारायहाणिं दोवईए कूवं गच्छामि । तए णं से सुट्ठिए देवे कण्हं वासुदेवं
एवं वयासी-कि(हं)णं देवाणुप्पिया । जहा चेव पउम-नाभस्स रत्तो पुव्वसंगइएणं
देवेणं दोवई जाव साहि(संहरि)या तहा चेव दोवईं देविं धायईसंडाओ दीवाओ
भारहाओ जाव हत्थिणाउरं साहरामि उदाहु पउम-नाभं रायं सपुरवल्वाहणं
लवणसमुद्दे पक्खिवामि ? । तए णं [से] कण्हे वासुदेवे सुट्ठियं देवं एवं वयासी-
मा णं तुमं देवाणुप्पिया । जाव साहराहि, तुमं णं देवाणुप्पिया । [मम] लवण-
समुद्दे [पंचहिं पंडवेहिं सद्धिं] अप्पच्छट्ठस्स छण्हं रहाणं मग्गं वियराहि, सयमेव
णं अहं दोवईए कूवं गच्छामि । तए णं से सुट्ठिए देवे कण्हं वासुदेवं एवं वयासी-
एवं होउ [णं] । पंचहिं पंडवेहिं सद्धिं अप्पच्छट्ठस्स छण्हं रहाणं लवणसमुद्दे मग्गं
वियरइ । तए णं से कण्हे वासुदेवे चाउरंगि(णी)णिं सेणं पडिविसजेइ २ ता
पंचहिं पंडवेहिं सद्धिं अप्पच्छट्ठे छहिं रहेहिं लवणसमुद्दं मज्झंमज्झेणं वीईवयइ २
ता जेणेव अ-वरकंका रायहाणी जेणेव अ-वरकंकाए [रायहाणीए] अग्गुज्जाणे तेणेव
उवागच्छइ २ ता रहं ठा(ठ)वेइ २ ता दारुयं सारहिं सद्दवेइ २ ता एवं
वयासी-गच्छह णं तुमं देवाणुप्पिया । अ-वरकंकारायहाणिं अणु-पविसाहि २ ता
पउम-नाभस्स र-त्तो वामेणं पाएणं पायपीढं अ[व]क्कमिता कुंतग्गेणं लेहं पणामेहि
तिवलियं भिउडिं निडाले साहट्ठु आसुरुत्ते रुट्ठे कुट्ठे कुविए चंडिक्किए एवं व०-
हं भो पउम-ना(हा)भा । अपत्थियपत्थिया दुरंतपंतलक्खणा हीणपु-ण्णचाउइसा
सि(री)रिहिरि(धी)धिइपरिवज्जिया [!] अज्ज न भवसि किन्नं तुमं न याणासि
कण्हस्स वासुदेवस्स भगिणिं दोवईं देविं इहं हव्वमा(ण)णेमा(णे)णं ? तं एयमवि गए
पच्चप्पिणाहि णं तुमं दोवईं देविं कण्हस्स वासुदेवस्स अहव णं जुद्धसज्जे निग्ग-
च्छाहि, एस णं कण्हे वासुदेवे पंचहिं पंडवेहिं [सद्धिं] अप्पच्छट्ठे दोवई[ए] देवीए
कूवं हव्वमागए । तए णं से दारुए सारही कण्हेणं वासुदेवेणं एवं वुत्ते समाणे
हट्ठुट्ठे (जाव) पडिसुणेइ २ ता अ-वरकं(का)कं रायहाणिं अणुपविसइ २ ता
जेणेव पउमना(हे)भे तेणेव उवागच्छइ २ ता करयल जाव वद्धावेत्ता एवं
वयासी-एस णं सामी । मम विणयपडिवत्ती इमा अन्ना मम सामिस्स ससुहाणत्ति-
त्तिकट्ठु आसुरुत्ते वामपाएणं पायपीढं अ(णु)वक्कमइ २ ता कुं(कों)तग्गेणं लेहं पणा-
(म)मेइ (०) जाव कूवं हव्वमागए । तए णं से पउम-नाभे दारुएणं सारहिणा एवं वुत्ते
समाणे आसुरुत्ते तिवलिं भिउडिं निडाले साहट्ठु एवं वयासी-(णो) न अप्पिणामि णं
अहं देवाणुप्पिया । कण्हस्स वासुदेवस्स दोवईं । एस णं अहं सयमेव जुज्झस(

जे निग्गच्छामि-त्तिकट्ठ दास्यं सारहिं एवं वयासी-केवलं भो ! रायसत्थेसु दू(ये)ए अवज्जे-त्तिकट्ठ असक्कारि(य)यं असम्माणि(य)यं अव-दारेणं निच्छुभावेइ । तए णं से दारुए सारही पउम-नाभेणं असक्कारि-यं जाव निच्छु(छु)छुडे समाणे जेणेव कण्हे वासुदेवे तेणेव उवागच्छइ २ ता करयल जाव कण्हं (जाव) एवं वयासी-एवं खलु अहं सामी ! तुब्भं वयणेणं जाव निच्छुभावेइ । तए णं से पउम-नाभे वल-वाउयं सद्दावेइ २ ता एवं वयासी-खिप्पामेव भो देवाणुप्पिया ! आभिसेक्कं हत्थिर-यणं पडिकपेह । तयाणंतरे च णं छेयायरियउव(दे)एसमइविकप्पणा(विगप्पेहिं)हि जाव उव(णे)णेंति । तए णं से पउमनाहे सज्जइ० अभिसेयं दुरुहइ २ ता हयगय जेणेव कण्हे वासुदेवे तेणेव पहारेत्थ गमणाए । तए णं से कण्हे वासुदेवे पउम-नाभं रायाणं एजमाणं पासइ २ ता ते पंच पंडवे एवं वयासी-हं भो दारगा ! किञ्चं तुब्भे पउम-नाभेणं सद्धिं जुज्झि(हिं)हइ उयाहु पिच्छह(पेच्छिहिं)ह ? । तए णं ते पंच-पंडवा कण्हं वासुदेवं एवं वयासी-अम्हे णं सामी ! जुज्झामो तुब्भे पेच्छह । तए णं पंच-पंड(वे)वा स-ज्जइ जाव पहरणा रहे दुरुहंति २ ता जेणेव पउम-नाभे राया तेणेव उवागच्छंति २ ता एवं वयासी-अम्हे [वा] पउम-नाभे वा राय-त्तिकु पउमनाभेणं सद्धिं संपलग्गा यावि होत्था । तए णं से पउमनाभे राया ते पंच-पंडवे खिप्पामेव हयमहियपवरविवडियचिंध(द्ध)धयपडा(गा)गे जाव दिसोदिसिं पडिसेहेइ । तए णं ते पंच-पंडवा पउम-नाभेणं र-न्ना हयमहियपवरविव-डिय जाव पडिसेहिया समाणा अत्थामा जाव अधारणिज्ज[मि]त्तिकट्ठ जेणेव कण्हे वासुदेवे तेणेव उवागच्छंति । तए णं से कण्हे वासुदेवे ते पंच-पंडवे एवं वयासी-कहणं तुब्भे देवाणुप्पिया ! पउम-नाभे(ण)णं रन्ना सद्धिं संपलग्गा ? । तए णं ते पंच-पंडवा कण्हं वासुदेवं एवं वयासी-एवं खलु देवाणुप्पिया ! अम्हे तुब्भेहिं अब्भणुजाया समाणा सज्जइ० रहे दुरुहामो २ ता जेणेव पउम-नाभे जाव पडि-सेहेइ । तए णं से कण्हे वासुदेवे ते पंच-पंडवे एवं वयासी-जइ णं तुब्भे देवाणु-प्पिया ! एवं वयंता-अम्हे नो पउम-नाभे रायत्तिकट्ठ पउम-नाभेणं सद्धिं संपलग्गंता तो णं तुब्भे नो पउम-ना-भे हयमहियपवर जाव पडिसे(हंते)हित्था तं पेच्छह णं तुब्भे देवाणुप्पिया ! अहं नो पउम-नाभे रायत्तिकट्ठ पउमनाभेणं रन्ना सद्धिं जुज्झामि रहं दुरुहइ २ ता जेणेव पउमनाभे राया तेणेव उवागच्छइ २ ता सेयं गोखी-रहारधवलं तणसोल्लियसिंदुवारकुंदेंदुसन्निगासं नियय[स्स] बलस्स हरिसज्जणं रिउसे-न्नाविणासकरं पंचज-जं संखं परामुसइ २ ता मुहवायपूरियं करेइ । तए णं तस्स पउम-ना(ह)भस्स तेणं संखसद्धेणं वलतिभाए हए जाव पडिसेहिए । तए णं से कण्हे

वासुदेवे धणुं परामुसइ वेढो धणुं पूरेइ २ ता धणुसइं करेइ । तए णं तस्स पउम-नाभस्स दोच्चे बलतिभाए तेणं धणुसइेणं हयमहिय जाव पडिसेहिए । तए णं से पउम-नाभे राया तिभागबलावसेसे अत्थामे अवले अवीरिए अपुरि-सक्कारपरक्क(म्)मे अधारणिज्ज-मि-त्तिकट्टु सिग्घं तुरियं जेणेव अ-वरकंका तेणेव उवा-गच्छइ २ ता अ-वरकं(कं)कारायहाणिं अणुपविसइ २ ता वा(दा)राइं पिहेइ २ ता रोहसजे चिट्ठइ । तए णं से कण्हे वासुदेवे जेणेव अ-वरकंका तेणेव उवा-गच्छइ २ ता रहं ठा-वेइ २ ता रहाओ पच्चोरुहइ २ ता वेउव्वियसमुग्घाएणं समोह[ण]णइ(०) एगं महं नरसीहरूवं विउव्वइ २ ता महया २ सइेणं पा(द)यदह-रियं करेइ । तए णं (से) कण्हेणं वासुदेवेणं महया २ सइेणं पा-यदहरएणं कएणं समाणेणं अ-वरकंका रायहाणीं संभग्गपागारगो(पु)उराट्टालयचरियतोरणपल्हत्थिय-पवरभवणसिरिघरा सर(स्)सरस्स धरणियळे सन्निवइया । तए णं से पउम-नाभे राया अ-वरकंका रायहाणिं संभग्ग(ग)गं जाव पासित्ता भीए दोवइं देवि सरणं उवेइ । तए णं सा दोवइं देवी पउमनाभं रायं एवं वयासी-कि-न्नं तुमं देवाणु-प्पिया ! (न) जाणसि कण्हस्स वासुदेवस्स उत्तमपुरिसस्स विप्पियं करेमाणे (ममं इह हव्वमाणेसि) ? तं एवमवि गए गच्छह णं तुमं देवाणुप्पिया ! ण्हाए उल्लपडसाडए ओ(अव)चूलगवत्थ-नियत्थे अंतोउरपरियालसंपरिवुडे अग्गाइं वराइं रयणाइं गहाय ममं पुरओ-काउं कण्हं वासुदेवं करयल [जाव] पाय(प)वडिए सरणं उवेहि, पणिवइयवच्छला णं देवाणुप्पिया ! उत्तमपुरिस्सा । तए णं से पउमनाभे दोवइए देवीए एयमट्ठं पडिखुणेइ २ ता ण्हाए जाव सरणं उवेइ २ ता करयल जाव एवं वयासी-दिट्ठा णं देवाणुप्पियाणं इड्डी जाव परक्कमे । तं खामेमि णं देवा-णुप्पिया ! जाव खमंतु णं जाव नाहं भुज्जो २ एवं करणयाए-त्तिकट्टु पंजलि(वु)उडे पायवडिए कण्हस्स वासुदेवस्स दोवइं देवि साहत्थि उवणेइ । तए णं से कण्हे वासुदेवे पउम-नाभं एवं वयासी-हं भो पउम-नाभा । अ(ए)पत्थियपत्थिया ४ कि-न्नं तुमं (ण) जाणसि मम भगिणिं दोवइं देवि इह हव्वमाणमाणे ? तं एवमवि गए नत्थि ते ममाहिंतो इयाणिं भयमत्थि-त्तिकट्टु पउम-नाभं पडिविसजेइ (०) दोवइं देवि ने(गि)ण्हइ २ ता रहं दुरुहेइ २ ता जेणेव पंच पंड-वा तेणेव उवागच्छइ २ ता पंचण्हं पंडवारणं दोवइं देवि साहत्थि उवणेइ । तए णं से कण्हे पंचहिं पंडवेहिं सद्धि अप्पछट्ठे छहिं रहेहिं लवणसमुहं मज्झमज्झेणं जेणेव जंबुदीवे २ जेणेव भारहे वासे तेणेव पहारेत्थ गमणाए ॥ १२६ ॥ तेणं कालेणं तेणं समएणं धायइ-संडे दीवे पुर-त्थिमद्धे भारहे वासे चंपा नामं न्युरी होत्था । पुण्णभदे उज्जाणे ।

तत्थ णं चंपाए नयरीए कविले नामं वासुदेवे राया होत्था (महया हिमव०)
वण्णओ । तेणं कालेणं तेणं समएणं मुणिसुव्वए अरहा चंपाए पुण्णभद्दे समोसदे ।
क(पि)विले वासुदेवे धम्मं सुणेइ । तए णं से कविले वासुदेवे मुणिसुव्वयस्स
अरहओ [अंतिए] धम्मं सुणेमाणे कण्हस्स वासुदेवस्स संखसइं सुणेइ । तए णं
तस्स कविलस्स वासुदेवस्स इमेयारुवे अ(ब्भ)ज्झत्थिए [४] समुप्पजित्था-किं मण्णे
धायइसंढे दीवे भारहे वासे दोच्चे वासुदेवे समुप्पजे (?) जस्स णं अयं संखसदे ममं
पिव मुहवायपूरिए वियंभइ (?) कविले वासुदे(वे)वा भ(स)द्वा(ति)इ (सुणेइ) मुणिसु-
व्वए अरहा कविलं वासुदेवं एवं वयासी-से नूणं (ते) कविला वासुदेवा । म(म)मं
अंतिए धम्मं निसामेमाणस्स संखसइं आकणित्ता इमेयारुवे अ-ज्झत्थिए-किं मजे
जाव वियंभइ । से नूणं कविला वासुदेवा । अ(यम)ट्ठे समट्ठे ? हंता [१] अत्थि ।
[तं] नो खलु कविला । एवं भूयं वा भ(वइ)व्वं वा भविस्(सइ)सं वा जज्जं ए(गे)-
गखेत्ते ए-गजुगे ए-गसमए [णं] दुवे अरहंता वा चक्कवट्ठी वा बलदेवा वा वासुदेवा
वा उप्पजिंसु वा उप्पजित्ति वा उप्पजिस्संति वा । एवं खलु वासुदेवा । जंबुदी-
वाओ २ भारहाओ वासाओ हत्थिणाउ(र)राओ नयराओ पंडुस्स र-ज्जो सुण्हा
पंचहं पंडवाणं भारिया दोवई देवी तव पउम-नाभस्स र-ज्जो पुव्वसंगइएणं देवेणं
अ-वरकं-कं-नयरिं साहरिया । तए णं से कण्हे वासुदेवे पंचहिं पंडवेहिं सद्धिं
अप्पछट्ठे छहिं रहेहिं अ-वरकं रायहाणिं दोवईए देवीए कूवं हव्वमागए । तए णं
तस्स कण्हस्स वासुदेवस्स पउम-नाभेणं र-ज्जा सद्धिं संगामं संगामेमाणस्स अयं संख-
सदे तव मुहवाया० (इव) इट्ठे (कंते) इ(हे)व वियंभइ । तए णं से कविले वासुदेवे
मुणिसुव्वयं वंदइ नमंसइ वं० २ ता एवं वयासी-गच्छामि णं अहं भंते । कण्हं
वासुदेवं उत्तमपुरिसं [मम] सरिसपुरिसं पासामि । तए णं मुणिसुव्वए अरहा
कविलं वासुदेवं एवं वयासी-नो खलु देवाणुप्पिया ! एवं भूयं वा ३ जण्णं अरहंता
वा अरहंतं पासंति चक्कवट्ठी वा चक्कवट्ठिं पासंति बलदेवा वा बलदेवं पासंति वासु-
देवा वा वासुदेवं पासंति । तहवि य णं तुमं कण्हस्स वासुदेवस्स लवणसमुदं
मज्झंमज्झेणं वी(ति)इवयमाणस्स सेयापीयाइं धयग्गाइं पासिहिसि । तए णं से कविले
वासुदेवे मुणिसुव्वयं वंदइ नमंसइ वं० २ ता हत्थिखंभं दुरुहइ २ ता सिग्घं २
जेणेव वेला(उ)कूले तेणेव उवागच्छइ २ ता कण्हस्स वासुदेवस्स लवणसमुदं
मज्झंमज्झेणं वी इवयमाणस्स सेयापीया(हिं)इं धयग्गाइं पासइ २ ता एवं वयइ-एस
णं मम सरिसपुरिसे उत्तमपुरिसे कण्हे वासुदेवे लवणसमुदं मज्झंमज्झेणं वीइवयइ-
त्तिकट्ठु पंचयन्नं संखं परामुसइ [२] मुहवायपूरियं करेइ । तए णं से कण्हे वासु-

देवे कविलस्स वासुदेवस्स संखसहं आय-ण्णेइ २ ता पंचयन्नं जाव पूरियं करेइ । तए णं दोवि वासुदेवा संखसह(सा)समायारिं करेति । तए णं से कविले वासुदेवे जेणेव अ-वरकंका तेणेव उवागच्छइ २ ता अ-वरकंका रायहाणिं संभग्गतोरणं जाव पासइ २ ता पउम-नाभं एवं वयासी-किन्नं देवाणुप्पिया । एसा अ-वरकंका संभग्ग जाव सन्निवइया ? । तए णं से पउम-नाभे कविलं वासुदेवं एवं वयासी-एवं खलु सामी ! जंबुदीवाओ २ भारहाओ वासाओ इहं हव्वमागम्म कण्हेणं वासुदेवेणं तुब्भे परिभूय अ-वरकंका जाव सन्नि(वा)वडिया । तए णं से कविले वासुदेवे पउम-ना-भस्स अंतिए एयमट्ठं सोच्चा पउम-ना(हं)भं एवं वयासी-हं भो पउम-नाभा ! अप-त्थियपत्थिया [५.] किन्नं तुमं (न) जाणसि मम सरिसपुरिसस्स कण्हस्स वासुदेवस्स विप्पियं करेमाणे ? आसुरुत्ते जाव पउम-ना-भं निव्विसयं आणवेइ पउम-ना-भस्स पुत्तं अ-वरकंका[ए] रायहाणीए महया २ रायाभिसेएणं अभिसिंचइ जाव पडिगाए ॥ १३० ॥ तए णं से कण्हे वासुदेवे लवणसमुदं मज्झमज्झेणं वी-ईवयइ (गंगं उवागए) ते पंच-पंडवे एवं वयासी-गच्छह णं तुब्भे देवाणुप्पिया ! गं(गा)गं महा-न(दि)इं उत्तरह जाव ताव अहं सुट्ठियं लवणाहिवइं पासामि । तए णं ते पंच पंडवा कण्हेणं २ एवं वुत्ता समाणा जेणेव गंगा महानदी तेणेव उवागच्छंति २ ता एगट्ठियाए नावाए मग्गणगवेसणं करेति २ ता एगट्ठियाए नावाए गं-गं महान-इं उत्तरंति २ ता अ-न्नम-न्नं एवं वयंति-पहू णं देवाणुप्पिया ! कण्हे वासुदेवे गं-गं महान-इं वाहाहिं उत्तरितए उदाहु नो प(भू)हू उत्तरितए-त्तिकहु एगट्ठियाओ (नावाओ) णूमेति २ ता कण्हं वासुदेवं पडिवालेमाणा २ चिट्ठंति । तए णं से कण्हे वासुदेवे सुट्ठियं लवणाहिवइं पासइ २ ता जेणेव गंगा महान(दी)इं तेणेव उवागच्छइ २ ता एगट्ठियाए सव्वओ समंता मग्गणगवेसणं करेइ २ ता एगट्ठियं अपासमाणे एगाए वाहाए रहं सतुरगं ससारहिं गेण्हइ एगाए वाहाए गंगं महान-इं वासट्ठिं जोयणाइं अद्धजोयणं च वि(च्छि)त्थिण्णं उत्तरिउं पयत्ते यावि होत्था । तए णं से कण्हे वासुदेवे गंगा[ए] महान-ईए बहुमज्झदेसभा(गं)ए संपत्ते समाणे संते तंते परितंते वद्धसेए जाए यावि होत्था । तए णं [तस्स] कण्हस्स वासुदेवस्स इमे(ए)यारुवे अ-ज्झत्थिए (जाव समुप्पज्जित्था)-अहो णं पंच पंडवा महावलवगा जेहिं गंगामहा-न-ई वा(स)वट्ठिं जोयणाइं अद्धजोयणं च वि-त्थिण्णा वाहाहिं उत्तिण्णा, इच्छंतएहिं णं पंचहिं पंडवेहिं पउम-नाभे (राया) हयमहिय जाव नो पडिसेहिए । तए णं गंगा-देवी कण्हस्स वासुदेवस्स इमं एयारुवं अ-ज्झत्थियं जाव जाणित्ता थाहं वियरइ । तए णं से कण्हे वासुदेवे मुहुत्ततरं समासा(स)सेइ २ ता गं-गं महान-दिं वावट्ठिं जाव

उत्तरइ २ ता जेणेव पंच-पंडवा तेणेव उवागच्छइ (०) पंच पंडवे एवं वयासी-अहो णं तुब्भे देवाणुप्पिया ! महाचलवमा जे[हिं] णं तुब्भेहिं गंगामहा-न-ई वा-चट्ठि जाव उत्तिण्णा, इच्छंतएहिं [णं] तुब्भेहिं पउम[नाहे] जाव नो पडिसेहिए । तए णं ते पंच पंडवा कण्हेणं वासुदेवेणं एवं वुत्ता समाणा कण्हं वासुदेवं एवं वयासी-एवं खलु देवाणुप्पिया ! अम्हे तुब्भेहिं विसज्जिया समाणा जेणेव गंगा महा-न-ई तेणेव उवागच्छामो २ ता एगट्ठियाए मग्गणगवेसणं तं चेव जाव णूमेमो तुब्भे पडिवालेमाणा चिट्ठामो । तए णं से कण्हे वासुदेवे तेसिं पंच(ण्हं)पंडवाणं [अंतिए] एयमट्ठं सोच्चा निसम्म आसुरुत्ते जाव तिवलियं एवं वयासी-अहो णं जया मए लवणसमुद्दं दुवे जोयणसयसह(स्सा)स्सवि-त्थिणं वीईवइत्ता पउम-नामं हयमहिं(य)यं जाव पडिसेहिता अ-वरकंका संभग्(ग०)गा दोवई साहत्थि उवणीया तया णं तुब्भेहिं मम माहप्पं न वि-न्नायं इयाणि जाणिस्सह-त्तिकट्ठ लोहदंडं परा-मुसइ पंचण्हं पंडवाणं रहे सुसू(चू)रेइ २ ता निव्विसए आणवेइ २ ता तत्थ णं रह-महणे नामं कोट्ठे निविट्ठे । तए णं से कण्हे वासुदेवे जेणेव सए खंधावारे तेणेव उवागच्छइ २ ता सएणं खंधावारेणं सद्धि अभिसमन्नागए यावि होत्था । तए णं से कण्हे वासुदेवे जेणेव वारवई नयरी तेणेव उवागच्छइ २ ता अणु-प्फविसइ ॥१३१॥ तए णं ते पंच-पंडवा जेणेव हत्थिणाउरे (णयरे) तेणेव उवागच्छंति २ ता जेणेव पंडू [राया] तेणेव उवागच्छंति २ ता करयल जाव एवं वयासी-एवं खलु ताओ ! अम्हे कण्हेणं निव्विसया आणत्ता । तए णं पंडूराया ते पंच-पंडवे एवं वयासी-कहणं पुत्ता ! तुब्भे कण्हेणं वासुदेवेणं निव्विसया आणत्ता ? । तए णं ते पंच-पंडवा पंडु(डु)डं रायं एवं वयासी-एवं खलु ताओ ! अम्हे अ-वरकंकाओ पडि-नियत्ता लवणसमुद्दं दोन्नि जोयणसयसहस्साई वीईवइ(त्ता)त्था । तए णं से कण्हे वासुदेवे अम्हे एवं व(या०)-यइ-गच्छह णं तुब्भे देवाणुप्पिया ! गं-गं महा-न-ई उत्तरह जाव (चिट्ठह) ताव अहं एवं तहेव जाव चिट्ठामो । तए णं से कण्हे वासुदेवे सुट्ठियं लवणाहिंवई दट्ठूण तं चेव सव्वं नवरं कण्हस्स चिंता न बुज्झ(जुज्ज(वुच्च)इ जाव (अम्हे) निव्विसए आणवेइ । तए णं से पंडूराया ते पंच-पंडवे एवं वयासी-दुट्ठु णं [तुमं] पुत्ता ! कयं कण्हस्स वासुदे-वस्स विप्पियं करेमाणेहिं । तए णं से पंडू-राया कौंतिं देविं सहावेइ २ ता एवं वयासी-गच्छ[ह] णं तुमं देवाणुप्पिया ! वारवई कण्हस्स वासुदेवस्स निचे-एहि-एवं खलु देवाणुप्पिया ! तु(म्हे)मे पंच-पंडवा निव्विसया आणत्ता, तुमं च णं देवाणुप्पिया ! दाहिणद्धुभरहस्स सामी, तं संदिसंतु णं देवाणुप्पिया ! ते पंच-पंडवा कयरं(दिसिं) देसं वा (वि)दिसिं वा गच्छंतु ? । तए णं सा कौंती पंडुणा एवं वुत्ता समाणी हत्थिखंधं

दुरुहइ (०) जहा हेट्टा जाव संदिसंतु णं पिउ(त्या)च्छा । किमागमणपओयणं- । तए णं सा कौंती कण्हं वासुदेवं एवं वयासी-एवं खलु तुमे पुत्ता । पंच-पंडवा निव्विसया आणत्ता तुमं च णं दाहिणद्धभरह[स्स] जाव (वि)दि(सिं)सं वा गच्छंतु (?) । तए णं से कण्हे वासुदेवे कौंतिं देविं एवं वयासी-अपू(ई)यवयणा णं पिउ-च्छा । उत्तमपुरिसा वासुदेवा वलदेवा चक्खवट्ठी । तं गच्छंतु णं (देवाणु०!) पंच-पंडवा दाहिणि(ल्ल)ल्लवेयालिं तत्थ पंडुमहुरं निवेसंतु म-म अदिट्ठसेवगा भवंतु-त्तिकट्ठु कौंतिं देविं सक्कारेइ सम्माणेइ जाव पडिविसजेइ । तए णं सा कौंती (देवी) जाव पंडुस्स एयमट्ठं निवे-एइ । तए णं पंडू राया पंच पंडवे सद्दावेइ २ ता एवं वयासी-गच्छह णं तुब्भे पुत्ता । दाहिणिं वेयालिं, तत्थ णं तुब्भे पंडुमहुरं निवेसेह । तए णं [ते] पंच-पंडवा पंडुस्स र-न्नो जाव तहत्ति पडिसुणेंति २ ता सबलवाहणा हयग० हत्थिणाउराओ पडि-नि-क्खमंति २ ता जेणेव दक्खिणिं वेयाली तेणेव उवागच्छंति २ ता पंडुमहुरं [नाम] नग(रिं)रं निवे(से)संति (०) । तत्थ[वि] णं ते विपुलभोगसमिइसम-न्नागया यावि होत्था ॥१३२॥ तए णं सा दोवई देवी अन्नया कया(ईं)इ आव-न्नसत्ता जाया(या)वि होत्था । तए णं सा दोवई देवी नवण्हं मासाणं जाव सुखं दारणं पयाया सूमालं निव्वत्तवारसाहस्स इमं एयारुवं-जम्हा णं अम्हं एस दारए पंचण्हं पंडवाणं पुत्ते दोवईए देवीए अत्तए तं हो(उ)ऊ(अम्हं) णं इमस्स दारगस्स नामधेजं पंडुसेणे[त्ति] । तए णं तस्स दारगस्स अम्मापियरो नामधेजं क(रेइ)रेंति पंडुसेणत्ति । वावत्तरिं कलाओ जाव [अलं]भोगसमत्थे जाए जुवराया जाव विहरइ । (तेणं कालेणं तेणं सम-एणं धम्मघोसा) थेरा समोसडा परिसा निग्गया । पंडवा निग्गया धम्मं सोच्चा एवं वयासी-जं नवरं देवाणुप्पियां । दोवई देविं आपुच्छामो पंडुसेणं च कुमारं रजे ठावेमो तयो पच्छा देवाणुप्पियाणं अंतिए मुंडे भवित्ता जाव पव्वयामो । अहासुहं देवाणुप्पिया ! । तए णं ते पंच-पंडवा जेणेव सए गिहे तेणेव उवागच्छंति २ ता दोवई देविं सद्दावेंति २ ता एवं वयासी-एवं खलु देवाणुप्पिए ! अम्हेहिं थेराणं अंतिए धम्मे निसंते जाव पव्वयामो, तुमं [णं] देवाणुप्पिए ! किं करेसि ? । तए णं सा दोवई (देवी) ते पंच-पंडवे एवं वयासी-जइ णं तुब्भे देवाणुप्पिया ! संसार-भजव्विग्गा [जाव] पव्वयह म-म के अ-न्ने आलंवे वा जाव भविस्सइ ? अहं पि य णं संसारभजव्विग्गा देवाणुप्पिएहिं सद्धिं पव्वइस्सामि । तए णं ते पंच-पंडवा पंडुसेणस्स अभिसेओ जाव राया जाए जाव रजं पसाहेमाणे विहरइ । तए णं ते पंच-पंडवा दोवई य देवी अन्नया कया-इ पंडुसेणं रायाणं आपुच्छंति । तए णं से पंडु-सेणे राया कोडुंबियपुरिसे सद्दावेइ २ ता एवं वयासी-खिप्पामेव भो [१] देवाणुप्पिया !

निक्खमणाभिसेयं जाव उवट्टवेह पुरिससहस्सवा-हिणीओ सिवियाओ उवट्टवेह जाव
 पच्चोरुहंति जेणेव थेरा [भगवंतो] तेणेव उवागच्छंति जाव आलित्ते णं जाव समणा
 जाया चोद्द[र]स पुव्वाइं अहिज्जंति २ ता बहूणि वासाणि छट्ठट्टमदसमदुवालसेहिं
 मासद्धमासखमणेहिं अप्पाणं भावेमाणा विहरंति ॥ १३३ ॥ तए णं सा दोवई देवी
 सीयाओ पच्चोरुहइ जाव पव्वइया सुव्वयाए अज्जाए सिस्सि(णी)णियत्ताए दलयइ
 ए(इ)क्कारस अंगाईं अहिज्जइ (०) बहूणि वासाणि छट्ठट्टमदसमदुवालसेहिं जाव विह-
 रइ ॥ १३४ ॥ तए णं थेरा भगवंतो अन्नया कया(ई)इ पंडमहुराओ नयरीओ सहसंवव-
 णाओ उज्जाणाओ पडि-निक्खमंति २ ता बहिया जणवयविहारं विहरंति । तेणं कालेणं
 तेणं समएणं अ(रि)रहा अरिट्टनेमी जेणेव सुरट्टाजणवए तेणेव उवागच्छइ २ ता
 सुरट्टाजणवयंसि संजमेणं तवसा अप्पाणं भावेमाणे विहरइ । तए णं बहुजणो अन्नम-
 न्नस्स एवमाइक्खइ ४-एवं खलु देवाणुप्पिया ! अ-रहा अरिट्टनेमी सुरट्टाजणवए जाव
 विहरइ । तए णं (से) ते जुहिट्ठिल्लपामोक्खा पंच अणगारा बहुजणस्स अंतिए एय-
 मट्ठं सोच्चा अन्नमन्नं सदावेंति २ ता एवं वयासी-एवं खलु देवाणुप्पिया ! अरहा
 अरिट्टनेमी पुव्वाणुपुव्वि जाव विहरइ, तं सेयं खलु अम्हं थेरा आपुच्छित्ता अरहं
 अरिट्टनेमि वंदणाए गमित्तए । अन्नमन्नस्स एयमट्ठं पडिमुणेंति २ ता जेणेव थेरा भग-
 वंतो तेणेव उवागच्छंति २ ता थेरे भगवंते वंदंति नमंसंति वं० २ ता एवं वयासी-
 इच्छामो णं तुब्भेहिं अब्भणुजाया समाणा अरहं अरिट्टनेमि जाव गमित्तए । अहासुहं
 देवाणुप्पिया ! । तए णं ते जुहिट्ठिल्लपामोक्खा पंच अणगारा थेरेहिं अब्भणुजाया
 समाणा थेरे भगवंते वंदंति नमंसंति वं० २ ता थेराणं अंतियाओ पडि-निक्खमंति
 (०) मासंमासेणं अणिक्खित्तेणं तवोकम्मेणं गामाणुगामं दू(ई)इज्जमाणा जाव जेणेव
 ह(त्थि)त्थकप्पे (नयरे) तेणेव उवागच्छंति (०) ह-त्थकप्पस्स बहिया सहसंववणे
 उज्जाणे जाव विहरंति । तए णं ते जुहिट्ठिल्लवज्जा चत्तारि अणगारा मास-क्ख-
 मणपारणए पढमाए पो(र)रिसीए सज्झायं करेंति वीयाए एवं जहा गोयमसामी
 नवरं जुहिट्ठिल्लं आपुच्छंति जाव अडमाणा बहुजणसइं निसामेंति । एवं खलु
 देवाणुप्पिया ! अरहा अरिट्टनेमी उ(ज्जि)जंतसेलसिहरे मासिएणं भत्तेणं अपाणएणं
 पंचहिं छत्तीसेहिं अणगारसएहिं सद्धिं कालगए जाव पहीणे । तए णं ते जुहि-
 ट्ठिल्लवज्जा चत्तारि अणगारा बहुजणस्स अंतिए (एयमट्ठं) सोच्चा ह-त्थकप्पाओ
 पडि-निक्खमंति २ ता जेणेव सहसंववणे उज्जाणे जेणेव जुहिट्ठिल्ले अणगारे तेणेव
 उवागच्छंति २ ता भत्तपाणं प(ञ्चुवे)चक्खंति २ ता गमणागमणस्स पडिक्कमंति २
 ता एसणमणेसणं आलोएंति २ ता भत्तपाणं पडिदंसंति २ ता एवं वयासी-एवं खलु

देवाणुप्पिया (१) जाव कालगए । तं सेयं खलु अम्हं देवाणुप्पिया । इमं पुव्वगहिंयं भत्तपाणं परिट्ठवेत्ता सेत्तुअं पव्वयं सणियं २ दु(रु)रुहितए संलेहण्ण(ए)ससणा[क्षो] सियाणं कालं अण(वकंख)वेक्खमाणाणं विहरितए-त्तिकहु अन्नमन्नस्स एयमद्वं पडि-
सुणेंति २ ता तं पुव्वगहिंयं भत्तपाणं एगंते परिट्ठवेंति २ ता जेणेव सेत्तुजे पव्वए तेणेव उवागच्छंति २ ता सेत्तुअं पव्वयं [सणियं २] दुरुहंति (०) जाव कालं अणवकं-
खमाणा विहरंति । तए णं ते जुहिट्ठिल्लपामोक्खत्ता पंच अणगारा सामाइयमाइयाइं चोइस-पुव्वाइं अहि(जित्ता)जंति बहूणि वासाणि (सामण्णपरियागं पाउणित्ता) दोमासियाए संलेहणाए अत्ताणं झो(सि)सेत्ता जस्सट्ठाए की(कि)रइ थेरकप्पभावे जिणकप्पभावे जाव तमट्ठमाराहेंति २ ता अणंते जाव केवलवर-नाणदंसणे समुप्पन्ने जाव सिद्धा ॥ १३५ ॥ तए णं सा दोवई अज्जा सुव्वयाणं अज्जियाणं अंतिए सामाइयमाइयाइं एक्कारस अंगाई अहिजइ २ ता बहूणि वासाणि (सा०) मासि-
याए संलेहणाए आलोइयपडिक्कंता कालमासे कालं किच्चा वंभलोए उववन्ता । तत्थ णं अत्थेगइयाणं देवाणं दस सागरोवमाइं ठिई पन्नत्ता । तत्थ णं दुव(ति)यस्स [वि] देवस्स दस-सागरोवमाइं ठिई पन्नत्ता । से णं भंते ! दुवए देवे ता(त)ओ जाव महाविदेहे वासे जाव अंतं काहिइ । एवं खलु जंवू ! समणेणं भगवया महावीरेणं जाव संपत्तेणं सोलसमस्स नायज्झयणस्स अयमद्वे पन्नत्ते त्तिवैमि ॥ १३६ ॥

गाहाउ—सुवहुं पि तवकिलेसो नियाणदोसेण दूसिओ संतो । न सिवाय दोवईए जह किल सुकुमालियाजम्मे ॥ १ ॥ अमणुन्नमभत्तीए पत्ते दाणं भवे अणत्थाय । जह कडुयतुंवदाणं नागसिरिभवंमि दोवइए ॥ २ ॥ **सोलसमं नायज्झयणं समत्तं ॥**

जइ णं भंते ! समणेणं० सोलसमस्स नायज्झयणस्स अयमद्वे पन्नत्ते सत्तर-
समस्स (०) नायज्झयणस्स के अद्वे पन्नत्ते ? एवं खलु जंवू ! तेणं कालेणं तेणं सम-
एणं हत्थिसीसे नामं नयरे होत्था वण्णओ । तत्थ णं कणगकेऊ नामं राया होत्था वण्णओ । तत्थ णं हत्थिसीसे नयरे वहवे संजुत्ता-नावावाणियगा परिवसंति अट्ठा जाव
ब(हू)हुजणस्स अपरिभूया यावि होत्था । तए णं तेसिं संजुत्तानावावाणियगाणं अन्नया कयाइ एगयओ (सहियाणं) जहा अरंह-न्नओए जाव लवणसमुदं अणेगाइं जोयणस-
याइं ओगाढा यावि होत्था । तए णं तेसिं जाव बहूणि उप्पा(ति)यसयाइं जहा मा-कं-
दियदारगाणं जाव कालियवाए य तत्थ सं(स)मु(त्थि)च्छिए । तए णं सा नावा तेणं कालियवाएणं आ(घोळि)घुणिज्जमाणी २ संचालिज्जमाणी २ संखोहिज्जमाणी २
तत्थेव परिभमइ । तए णं से निज्जामए नट्टमईए नट्टसुईए नट्टस-न्ने मूढदिसाभाए जाए यावि होत्था न जाणइ कयरं (देसं वा) दिसं वा विदिसं वा पोयवहणे [अ]व-

हिए-त्तिकट्ठु ओहयमणसंकप्पे जाव झियायइ । तए णं ते वहवे कुच्छिधारा य कण्णधारा य ग(ब्भि)ब्भेळगा य संजुत्ता-नावावाणियगा य जेणेव से निजामए तेणेव उवागच्छंति २ ता एवं वयासी-किन्नं तुमं देवाणुप्पिया । ओहयमणसंक-
 (प्पा)प्पे (जाव) झियायसि ? । तए णं से निजामए ते वहवे कुच्छिधारा य ४ एवं वयासी-एवं खलु [अहं] देवाणुप्पिया । लद्धमईए जाव अवहिएत्तिकट्ठु तओ ओहय-
 मणसंकप्पे (जाव झियामि) । तए णं ते कण्णधारा [य ४] तस्स निजामयस्संतिए एयमट्ठं सोच्चा निसम्म भीया० ण्हाया करयल [जाव] वहूणं इंदाण य खं(दा)धाण य जहा मल्लिनाए जाव उवायमाणा २ चिट्ठंति । तए णं से निजामए तओ मुहुत्तंतरस्सं लद्धमईए ३ अमूढदिसाभाए जाए यावि होत्था । तए णं से निजामए ते वहवे कुच्छिधारा य ४ एवं वयासी-एवं खलु अहं देवाणुप्पिया । लद्धमईए जाव अमूढ-
 दिसाभाए जाए । अम्हे णं देवाणुप्पिया । कालियदीवंतेणं सं(वू)ळ्ळा । एस णं कालियदीवे आलोक्कइ । तए णं ते कुच्छिधारा य ४ तस्स निजामगस्स अंतिए एय-
 मट्ठं सोच्चा हट्ठतुट्ठा पयक्खिणाणुकूलेणं वाएणं जेणेव का(ली)लियदीवे तेणेव उवाग-
 च्छंति २ ता पोयवहणं लंवंति २ ता एगट्ठियाहिं कालियदीवं उत्तरंति । तत्थ णं वहवे हिरण्णागरे य सुवण्णागरे य रयणागरे य वइरागरे य वहवे तत्थ आसे पासंति किं ते ? हरिरेणुसोणिसुत्त(गा)ग आ(इ)इण्णवेढो । तए णं ते आसा(ते)ओ वाणियए पासंति (०) तेसिं गंधं आ(अग्)घायंति (०) भीया तत्था उव्विग्गा उव्वि-
 ग्गमणा तओ अणेगाइं जोयणाइं उब्भमंति । ते णं तत्थ पडरगोयरा पडरतण-
 पाणिया निब्भया निरुव्विग्गा सुहंसुहेणं विहरंति । तए णं [ते] संजुत्ता-नावावा-
 णियगा अ-न्नम-न्नं एवं वयासी-कि(ण्हं)न्नं अ(म्हे)म्हं देवाणुप्पिया । आसेहिं ? इमे णं वहवे हिरण्णागरा य सुवण्णागरा य रयणागरा य व(इ)यरागरा य । तं सेयं खलु अम्हं हिरण्णस्स य सुवण्णस्स य रयणस्स य व-यरस्स य पोयवहणं भरित्तए-
 त्तिकट्ठु अन्नमन्नस्स एयमट्ठं पडिसुणेंति २ ता हिरण्णस्स य सुवण्णस्स य रयणस्स य व-यरस्स य तणस्स य कट्ठस्स य अ-न्नस्स य पाणियस्स य पोयवहणं भरेंति २ ता द(पय)क्खिणाणुकूलेणं वाएणं जेणेव गंभीरपोय(वहण)पट्टणे तेणेव उवाग-
 च्छंति २ ता पोयवहणं लंवंति २ ता सगडीसागडं सज्जेति २ ता तं हिरण्णं जाव वइरं च एगट्ठियाहिं पोयवहणाओ संचारेंति २ ता सगडीसागडं संजो(इ)एंति (०) जेणेव हत्थिसी(सए)से नयरे तेणेव उवागच्छंति २ ता हत्थिसीसयस्स नयरस्स वहिया अग्गुज्जाणे सत्थ-निवेसं करेंति २ ता सगडीसागडं मोएंति २ ता महत्थं जाव पाहुडं गेण्हंति २ ता हत्थिसीसं च न(ग)यरं अणु-प्पविसंति २ ता जेणेव [से] कण-

गकेऊ (राया) तेणेव उवागच्छंति २ ता जाव उवणेंति । तए णं से कणगकेऊ तेसिं संजुत्ता(णावा)वाणियगाणं तं महत्तं जाव पडिच्छइ [२] ते संजुत्ता-वाणियगा एवं वयासी-तुब्भे णं देवाणुप्पिया ! गामागर जाव आहिंउह लवणसमुदं च अभिक्खणं २ पोयवहणेणं ओगा(ह)हेह, तं अत्थि-या(इं)इ [त्थ] केइ भे कहिंचि अच्छेए दिट्ठपुव्वे ? । तए णं ते संजुत्ता-वाणियगा कणगकेऊं (रायं) एवं वयासी-एवं खलु अम्हे देवाणुप्पिया ! इहेव हत्थिसीसे नयरे परिवसामो तं चेव जाव कालि(य)यं-दीवंतेणं सं-छूढा । तत्थ णं बहवे हिरण्णागरा य जाव बहवे तत्थ आसे, किं ते ? हरिरेणु जाव अणेगाइं जोयणाइं उब्भमंति । तए णं सामी ! अम्हेहिं कालियदीवे ते आसा अच्छेए दिट्ठपुव्वे । तए णं से कणगकेऊ तेसिं संजु(त्ता)ताणं अंतिए एयमट्ठं सोच्चा ते संजुत्तए एवं वयासी-गच्छह णं तुब्भे देवाणुप्पिया ! मम कोडुं-वियपुरिसेहिं सद्धिं कालियदीवाओ ते आसे आणेह । तए णं ते संजुत्तावाणियगा कणगकेऊं-एवं वयासी-एवं सामि-त्ति(कट्ठु) आणाए विणएणं वयणं पडिसुणेंति । तए णं [से] कणगकेऊ-कोडुंवियपुरिसे सदावेइ २ ता एवं वयासी-गच्छह णं तुब्भे देवाणुप्पिया ! संजुत्तएहिं [नावावाणियएहिं] सद्धिं कालियदीवाओ मम आसे आणेह । तेवि पडिसुणेंति । तए णं ते कोडुंवि(य०)या सगडीसागडं सज्जेति २ ता तत्थ णं बहूणं वीणाण य वल्लकीण य भामरीण य कच्छभीण य भंभाण य छब्भा-मरीण य विचित्तवीणाण य अन्नेसिं च बहूणं सो(त्तिं)यंदियपाउग्गाणं दव्वाणं सग-डीसागडं भरेंति २ ता बहूणं किण्हाण य जाव सुक्किलाण य कट्ठकम्माण य ४ गंथिमाण य ४ जाव संघाइमाण य अन्नेसिं च बहूणं चक्खिदियपाउग्गाणं दव्वाणं सगडीसागडं भरेंति २ ता बहूणं कोट्टपुडाण य केयइपुडाण य जाव अन्नेसिं च बहूणं घाणिंदियपाउग्गाणं दव्वाणं सगडीसागडं भरेंति २ ता बहुस्स खंडस्स य गुलस्स य सकराए य मच्छंडियाए य पुप्फुत्तरपउमुत्तर० अन्नेसिं च जिब्भिदिय-पाउग्गाणं दव्वाणं सगडीसागडं भरेंति २ ता [अन्नेसिं च] बहूणं कोय(वया)वाण य कंबलाण य पा(वरणा)वाराण य नवतयाण य मलयाण य मसूराण य सिलाव-ट्ठाण [य] जाव हंसगब्भाण य अन्नेसिं च फासिंदियपाउग्गाणं दव्वाणं जाव भरेंति २ ता सगडीसागडं जो(एं)यंति २ ता जेणेव गंभीरए पोयट्ठाणे तेणेव उवागच्छंति (०) सगडीसागडं मो(एं)यंति २ ता पोयवहणं सज्जेति २ ता तेसिं उक्किट्ठाणं सहक-रिसरसरुवगंधाणं कट्ठस्स य तणस्स य पाणियस्स य तंदुलाण य ससियस्स य गोरसंस्स य जाव अन्नेसिं च बहूणं पोयवहणपाउग्गाणं पोयवहणं भरेंति २ ता दक्खिणाणुकूलेणं वाएणं जेणेव कालियदीवे तेणेव उवागच्छंति २ ता पोयवहणं

लेंवति २ ता ताई उक्किट्ठाई सद्दफरिसरसरूवगंधाई एगट्टियाहिं कालियदीवं उता-
रेंति २ ता जहिं जहिं च णं ते आसा आसयंति वा सयंति वा चिट्ठंति वा तुयट्ठंति
वा तहिं तहिं च णं ते कोडुंवियपुरिसा ताओ वीणाओ य जाव (वि)चित्तवीणाओ य
अन्नाणि बहूणि सो(इं)यंदियपाउग्गाणि य दव्वाणि समु(दी)दीरेमाणा ठवें(चिट्ठे)ति
तेसिं [च] परिपेरंतेणं पा(सए)से ठवेंति (०) निच्चला निष्फंदा तुसिणीया चिट्ठंति ।
जत्थ जत्थ ते आसा आसयंति वा जाव तुयट्ठंति वा तत्थ तत्थ णं ते कोडुंवि-या
बहूणि किण्हाणि य (५) कट्ठकम्माणि य जावं संघाइमाणि य अन्नाणि य बहूणि
चक्खिंदियपाउग्गाणि य दव्वाणि ठवेंति तेसिं परिपेरंतेणं पासए ठवेंति २ ता
निच्चला निष्फंदा तुसिणीया चिट्ठंति । जत्थ जत्थ ते आसा आसयंति (४) तत्थ तत्थ
[ते] णं (ते कोडुंवियपुरिसा) तेसिं बहूणं कोट्टपुडाण य अन्नेसिं च घाणिंदियपाउग्गाणं
दव्वाणं पुंजे य नियरे य करेंति २ ता तेसिं परिपेरंते जाव चिट्ठंति । जत्थ जत्थ णं ते
आसा आसयंति ४ तत्थ तत्थ गुलस्स जाव अन्नेसिं च बहूणं जिब्भिंदियपाउग्गाणं
दव्वाणं पुंजे य नि(क)यरे य करेंति २ ता वियरए खणंति २ ता गुलपाणगस्स
खंडपाणगस्स पा(पो)रपाणगस्स अन्नेसिं च बहूणं पाणगाणं विय(रे)रए भरेंति २
ता तेसिं परिपेरंतेणं पासए ठवेंति जाव चिट्ठंति । जहिं जहिं च णं ते आसा
(आस०) तहिं तहिं च ते बहवे कोयवया (य) जाव सिलावट्टया अन्नाणि य फासिंदि-
यपाउग्गाई अत्थुयपच्चत्थुयाई ठवेंति २ ता तेसिं परिपेरंतेणं जाव चिट्ठंति । तए णं ते
आसा जेणेव (ए) ते उक्किट्ठा सद्दफरिसरसरूवगंधा तेणेव उवागच्छंति (०) । तत्थ णं
अत्थेगइया आसा अपुव्वा णं इमे सद्दफरिसरसरूवगंधा (इ)तिकट्टु तेसु उक्किट्ठेसु सद्द-
फरिसरसरूवगंधेसु अमुच्छिंया ४ तेसिं उक्किट्ठाणं सद्द जाव गंधाणं दूरंदूरेणं अव-
क्कमंति [२] ते णं तत्थ पउरगोयरा पउरतणपाणिया निब्भया निरुव्विग्गा सुहंउ-
हेणं विहरंति । एवामेव समणाउसो ! जो अम्हं निगंथो वा निगंथी वा सद्दफरिस-
(सररूवगंधा) जाव नो सज्जइ से णं इहलोए चेव बहूणं समणाणं ४ अचणिजे जाव
वी-ईव(य)इस्सइ ॥ १३७ ॥ तत्थ णं अत्थेगइया आसा जेणेव उक्कि(ट्ठे)ट्ठा सद्दफरि-
सरसरूवगंधा तेणेव उवागच्छंति २ ता तेसु उक्किट्ठेसु स(इ०)हेसु ५ मुच्छिंया जाव
अज्झोववन्ना आसेविउं पय(ते)त्तां यावि होत्था । तए णं ते आसा (एए) ते उक्किट्ठे
स(इ)हे ५ आसेवमाणा तेहिं बहूहिं कूडेहिं य पासेहिं य गलएसु य पाएसु य
वज्झंति । तए णं ते कोडुंविया (एए) ते आसे गिण्हंति २ ता एगट्टियाहिं पोयवहणे
संचारेंति २ ता तणस्स [य] कट्ठस्स [य] जाव भरेंति । तए णं ते संजुत्ता(णावा-
१) दक्खिणाणुकूलेणं वाएणं जेणेव गंभीर[ए] पोयपट्टणे तेणेव उवागच्छंति ।

२ ता पोयवहणं लंबेति २ ता ते आसे उत्तारेंति २ ता जेणेव हस्तिरीसे नयरे जेणेव कणगकेऊ राया तेणेव उवागच्छंति २ ता करयल जाव वद्धावेंति (०) ते आसे उवणेंति । तए णं से कणगकेऊ (राया) तेसिं संजुत्तावाणियगाणं उस्सुक्कं विय-
रइ २ ता सक्कारेइ संमाणेइ स० २ ता पडिविसज्जेइ । तए णं से कणगकेऊ-कोडुंविय-
पुरिसे सद्दवेइ २ ता सक्कारेइ संमाणेइ स० २ ता पडिविसज्जेइ । तए णं से कणगकेऊ
राया आसमद्दए सद्दवेइ २ ता एवं वयासी-तुब्भे णं देवाणुप्पिया । मम आसे
विणएह । तए णं ते आसमद्दगा तहत्ति पडिसुणेंति २ ता ते आसे बह्वहिं मुह-
वंधेहि य कणवंधेहि य नासावंधेहि य वालवंधेहि य खुरवंधेहि य कडगवंधेहि य
खल्लिणवंधेहि य अहिला(णे)णवंधेहि य पडियाणेहि य अंकणाहि य (वेलप्पहारेहि
य) वि(चि)त्तप्पहारेहि य लयप्पहारेहि य कसप्पहारेहि य छिवप्पहारेहि य विण-
यंति (०) कणगकेउस्स रत्तो उवणेंति । तए णं से कणगकेऊ ते आसमद्दए सक्कारेइ
२ (०) पडिविसज्जेइ । तए णं ते आसा वद्धहिं मुहवंधेहि य जाव छि(वप्)वापहारेहि
य बह्वणि सारीरमाणसा(णि)इं दुक्खाइं पावेंति । एवामेव समणाउसो । जो अम्हं
निगंथो वा निगंथी वा पव्वइए समाणे इट्ठेसु सद्दफारिसरसरुवगंधेषु सज्ज(न्ति)इ
रज्ज-इ गिज्झ-इ मुज्झ-इ अज्झोववज्ज-इ से णं इहलोए चैव बहूणं समणा(ण य)णं
[बहूणं समणीणं] जाव साविया(ण य)णं हीलणिज्जे जाव अणुपरिय(ट्ठिस्स)ट्ठइ ।
[गाहा]—कलरिभियमहुरतंतीतलतालवंसकउहाभिरामेसु । सद्देषु रज्जमाणा रमं-
(ती)ति सोइंदियवसट्ठा ॥ १ ॥ सोइंदियदुइंतत्तणस्स अह एत्तिओ हवइ दोसो ।
दीविगरुयमसहंतो वहवंधं तित्तिरो पत्तो ॥ २ ॥ थणजहणवयणकरचरण-नयणगव्वि-
यविलासियग(ती)एसु । रुवेसु रज्जमाणा रमंति चक्खिदियवसट्ठा ॥ ३ ॥ चक्खिदिय-
दुइंतत्तणस्स अह एत्तिओ ह(भ)वइ दोसो । जं जलणंमि जलंते पडइ पयंगो अबुद्धीओ
॥ ४ ॥ अ(गु)गरुवरपवरधूवणउउयमल्लणुलेवणविहीसु । गंधेषु रज्जमाणा रमंति
घाणिंदियवसट्ठा ॥ ५ ॥ घाणिंदियदुइंतत्तणस्स अह एत्तिओ हवइ दोसो । जं ओस-
हिगंधिणं विलाओ निद्धावई उरगो ॥ ६ ॥ तित्तकडुयं कसायं(व) [अंविंरं] महुरं बहु-
खज्जपेज्जलेज्जेसु । आसायंमि उ गिद्धा रमंति जिर्विभदियवसट्ठा ॥ ७ ॥ जिर्विभदि-
यदुइंतत्तणस्स अह एत्तिओ हवइ दोसो । जं गललगुक्खित्तो फुरइ थलवि(र)रेल्लिओ
मच्छो ॥ ८ ॥ उउभयमाणसुहे(सु)हि य सविभवहिययमणनिव्वुइकरे(सु)हिं । फासेसु
रज्जमाणा रमंति फासिंदियवसट्ठा ॥ ९ ॥ फासिंदियदुइंतत्तणस्स अह एत्तिओ हवइ
दोसो । जं खणइ मत्थयं कुंजरस्स लोहंकुसो तिक्खो ॥ १० ॥ कलरिभियमहुरतं-
तीतलतालवंसकउहाभिरामेसु । सद्देषु जे न गिद्धा वसट्ठमरणं न ते मरए ॥ ११ ॥

थणजहणवयणकरचरणनयणगव्वियविलासियगईसु । रुवेसु जे न रत्ता वसट्टमरणं न ते मरए ॥ १२ ॥ अगस्वरपवरधूवणउउयमल्लणुलेवणविहीसु । गंधेसु जे न गिद्धा वसट्टमरणं न ते मरए ॥ १३ ॥ तित्तकडुयं कसायं-महुरं[व]वहुखज्जपेज्जलेज्जेसु । आसा(ए जे)येमि न गिद्धा वसट्टमरणं न ते मरए ॥ १४ ॥ उउभयमाणसुहेसु य सविभवहिययमण-निब्बुइकरेसु । फासेसु जे न गिद्धा वसट्टमरणं न ते मरए ॥ १५ ॥ सदेसु य भद्दयपावएसु सोयविसयं उ(व)वागएसु । तुट्ठेण व रुट्ठेण व समणेण सया न होयव्वं ॥ १६ ॥ रुवेसु य भद्द(ग)यपावएसु चक्खुविसयं उवगएसु । तुट्ठेण व रुट्ठेण व समणेण सया न होयव्वं ॥ १७ ॥ गंधेसु य भद्दयपावएसु घाणविस(यं उ)यमु-वगएसु । तुट्ठेण व रुट्ठेण व समणेण सया न होयव्वं ॥ १८ ॥ रसेसु य भद्दयपाव-एसु जिब्भविस-यमुवगएसु । तुट्ठेण व रुट्ठेण व समणेण सया न होयव्वं ॥ १९ ॥ फासेसु य भद्दयपावएसु कायविस-यमुवगएसु । तुट्ठेण व रुट्ठेण व समणेण सया न होयव्वं ॥ २० ॥ एवं खलु जंबू ! समणेणं भगवया महावीरेणं जाव संपत्तेणं सत्तरसमस्स नायज्झयणस्स अयमट्ठे पन्नत्ते तिवेमि ॥ १३८ ॥ गाहाओ—जह सो कालियदीवो अणुवमसोकखो तहेव जइधम्मो । जह आसा तह साहू वणियव्व-उणुकूलकारिजणा ॥ १ ॥ जह सद्दाइअगिद्धा पत्ता नो पासबंधणं आसा । तह विस-एसु अगिद्धा वज्झंति न कम्मणा साहू ॥ २ ॥ जह सच्छंदविहारो आसाणं तह य इह वरमुणीणं । जरमरणाइं विवज्जिय संपत्ताणंदनिव्वाणं ॥ ३ ॥ जह सद्दाइसु गिद्धा बद्धा आसा तहेव विसयरया । पावेंति कम्मबंधं परमासुहकारणं घोरं ॥ ४ ॥ जह ते कालियदीवा णीया अन्नत्थ दुहगणं पत्ता । तह धम्मपरिब्भट्ठा अधम्म-पत्ता इहं जीवा ॥ ५ ॥ पावेंति कम्मनरवइवसया संसारवाहयालीए । आसप्पमह-एहि व नेरइयाइहिं दुक्खाइं ॥ ६ ॥ सत्तरसमं नायज्झयणं समत्तं ॥

जइ णं भंते ! समणेणं० सत्तरसमस्स (गायज्झयणस्स) अयमट्ठे प-न्नत्ते अट्ठार-समस्स के अट्ठे पन्नत्ते ? एवं खलु जंबू ! तेणं कालेणं तेणं समएणं रायगिहे नामं नयरे होत्था वण्णओ । तत्थ णं ध(ण)णे नामं सत्थवाहे (परिवसइ) होत्था भद्दा भारिया । तस्स णं ध(ण)णस्स सत्थवाहस्स पुत्ता भद्दाए अत्तया पंच सत्थवाह-दारगा होत्था तंजहा-धणे धणपाले धणदेवे धणगोवे धणरक्खिए । तस्स णं धणस्स सत्थवाहस्स धूया भद्दाए अत्तया पंचण्हं पुत्ताणं अणुमग्गजा(ती)इया सुंभुमा नामं दारिया होत्था सुमालपाणिपाया । तस्स णं धणस्स सत्थवाहस्स चिलाए नामं दासचेडे होत्था अहीणपंचिदियसरीरे मंसोवचिए बालकीलावणकुसले यावि होत्था । तए णं से दासचेडे सुंभुमाए दारियाए बालग्गाहे जाए यावि होत्था सुंभुमं दारियं

अलियं-पयावइणा इस्सरेण य कयंति केति, एवं विण्हुमयं कसिणमेव य जगंति केइ, एवमेके वदंति मोसं एको आया अकारको वेदको य सुकयस्स दुक्कयस्स य करणाणि कारणाणि सव्वहा सव्वहिं च निच्चो य निक्किओ निग्गुणो य अ(न्नो अ)णुवलेव-ओत्ति-विय एवमाहंसु असब्भावं, जंपि इहं किंचि जीवलोके दीसइ सुकयं वा दुक्कयं वा एयं जदिच्छाए वा सहावेण वावि दइवत्तप्पभावओ वावि भवति, नत्थेत्थ किंचि कयकं [तत्तं]कयं च लक्खणविहाणनियती[ए]य कारि[यं]या एवं केइ जंपंति इड्ढि-रससातगारवपरा वहवे करणालसा परूवेति धम्मवीमंसएण मोसं, अवरे अहम्मओ रायदुट्ठं अब्भक्खाणं भणंति-अलियं चोरोत्ति अचोरयं करंतं डामरिउत्तिवि-य एमेव उदासीणं दुस्सीलोत्ति य परदारं गच्छति मइलंति सीलकलियं अयंपि गुरुत्तप्पओ, अण्णे एमेव भणंति उवाहणंता मित्तकलत्ताइं सेवंति अयंपि लुत्तधम्मो इमोवि विस्सं-भ[वाइ]घायओ पावकम्मकारी अकम्मकारी अगम्मगामी अयं दुरप्पा बहुएसु य पा(प)वगेसु जुत्तोत्ति एवं जंपंति मच्छरी, भइके वा गुणकित्तिनेहपरलोगनिप्पिवासा, एवं ते अलियवयणदच्छा परदोसुप्पायणप्पसत्ता वेढेन्ति अक्खातियवीएण अप्पाणं कम्मबंधणेण सुहरी असमिक्खियप्पलावा निक्खेवे अवहरंति परस्स अत्थंमि गढि-यगिद्धा अभिजुंजंति य परं असंतएहिं लुद्धा य करंति कूडसक्खित्तणं असच्चा अत्थालियं च कच्चालियं च भोमालियं च तह गवालियं च गरुयं भणंति अहरगति-गमणं(कारणं), अजंपि य जातिरूवकुलसीलपच्चयं मायाणिगुणं चवल पिसुणं पर-मट्टभेदकम[स]संतकं विहेसमणत्थकारकं पावकम्ममूलं दुइट्ठं दुस्सुयं असुणियं निहज्जं लोकगरहणिज्जं वहवंधपरिकिलेसवहुलं जरामरणदुक्खसोयनिम्मं असुद्धपरिणामसंकि-लिट्ठं भणंति अलिया(हिं)हिंसं(ति)घिसंनिविट्ठा असंतगुणवीरका य संतगुणनासका य हिंसाभूतोवघातितं अलियसंपउत्ता वयणं सावज्जमकुसलं साहुगरहणिज्जं अधम्म जणणं भणंति अणभिगयपुत्रपावा, पुणोवि अधिकरणकिरियापवत्तका बहुविहं अणत्थं अवमहं अप्पणो परस्स य करंति, एमेव जंपमाणा महिससूकरे य साहंति घायगाणं सस-यपसयरोहि ए य साहंति वागुराणं तित्तिरवट्ठकलावके य कविंजलकवोयके य साहंति साउणीणं झसमगरकच्छमे य साहंति मच्छियाणं संखंके खुल्ल ए य साहंति म(ग्गि)-गराणं अयंगरगेणसमंडलिदव्वीकरे मउली य साहंति वा(यलिया)लवीणं गोहा सेहग सल्लगसरड[गे]के य साहंति लुद्धगाणं गयकुलवानरकुले य साहंति पातियाणं सुक्खवरहिणमयणसालकोइलहंसकुले सारसे य साहंति पोसगाणं वधबंधजायणं च साहंति गोम्मियाणं धणधन्नगवेल ए य साहंति तक्कराणं गामागरन्नगरपट्टणे य साहंति चारियाणं पारघाइयपंथघातियाओ सा(हं)हिंति य गंठिभेयाणं कयं च चोरियं

नगरगोतियाणं लंछणनिर्लंछणधमणदुहणपोसणवणणदवणवाहणादियाइं साहिति
 वहुणि गोमियाणं धातुमणिसिलप्पवालरयणागरे य साहिति आगरीणं पुप्फविहिं
 फलविहिं च साहिति मालियाणं अग्घमहुकोसए य साहिति वणचरणं जंताइं
 विसाइं मूलकम्मं आ(हिब्ब)हेवण[आविधण]आभिओगमंतोसहिप्पओगे चोरियपर-
 दारगमणवहुपावकम्मकरणं उक्खंघे गामघातियाओ वणदहणतलागभेयणाणि बुद्धि-
 विसविणासणाणि वसीकरणमादियाइं भयमरणकिलेसदोसजणणाणि भाववहुसंकि-
 लिद्धमलिणाणि भूतघातोवघातियाइं सच्चाइंपि ताइं हिंसकाइं वयणाइं उदाहरंति
 पुट्ठा वा अपुट्ठा वा परतत्तियवावडा य असमिक्खियभासिणो उवदिसंति सहसा
 उट्ठा गोणा गवया दंमंतु परिणयवया अस्सा हत्थी गवेलगकुकुडा य किजंतु
 किणावेध य विक्केह पयह य सयणस्स देह पियय दासिदासभयकभाइत्तका य सिस्सा
 य पेसकजणो कम्मकरा य किंकरा य एए सयणपरिजणो य कीस अच्छंति [१] भारिया
 भे क(रिंतु)रिंतु कम्मं गहणाइं वणाइं खेतखिलभूमिवह्वराइं उत्तणवणसंकडाइं डज्जंतु
 सृडिजंतु य स्सखा भिजंतु जंतभंडाइयस्स उवहिस्स कारणाए बहुविहस्स य
 अट्ठाए उच्छं दुजंतु पीलिजंतु य तिला पयावेह य इट्ठकाउ मम घरट्ठयाए खेताइं
 कसह कसावेह य लहुं गामआगरनगरखेडकव्वडे निवेसेह अडवीदेसेसु विपुल-
 सीमे पुप्फाणि य फलाणि य कंदमूलाइं कालपताइं गेणहेह करेह संचयं परिजणट्ठ-
 याए साली वीही जवा य लुचंतु मलिजंतु उप(फ)पणिजंतु य लहुं च पविसंतु य
 कोट्टागारं अप्पमहउक्कोसगा य हंमंतु पोयसत्था सेणा णिज्जाउ जाउ डमरं घोरा
 वइंतु य संगामा पवहंतु य सगडवाहणाइं उवणयणं चोलगं विवाहो जज्जो अमु-
 गम्मि उ होउ दिवसे सुकरणे सुमुहुत्ते सुनक्खत्ते सुतिहिंसु य अज्ज होउ ण्हवणं
 सुदितं बहुखज्जपिज्जकलियं कोतुकं विण्हावणकं संतिकम्माणि कुणह ससिरविगहोव-
 रागविसमेसु सज्जणपरियणस्स य नियकस्स य जीवियस्स परिरक्खणट्ठयाए पडि-
 सीसकाइं च देह देह य सीसोवहारे विविहोसहिमज्जमंसभक्खजपाणमल्लानुलेवणपई-
 वजलिउज्जलसुगंधिधूवावकारपुप्फफलसमिद्धे पायच्छित्ते करेह पाणाइवायकरणेणं
 बहुविहेणं विवरीउप्पायदुस्सुमिणपावसउणअसोमग्गहचरियअमंगलनिमित्तपडिघाय-
 हेउं वित्तिच्छेयं करेह मा देह किंचि दाणं सुट्ठु हओ सुट्ठु हओ सुट्ठु छिन्नो भिन्नत्ति
 उवदिसंता एवंविहं करंति अलियं मणेण वायाए कम्मुणा य अकुसला अणज्जा अलि-
 याणा अलियधम्मणिरया अलियासु कहासु अमिरमंता तुट्ठा अलियं करेत्तु हों-ति
 बहुप्पयारं ॥ ७ ॥ तस्स य अलियस्स फलविवागं अयाणमाणा वहेति महब्भयं
 तामवेयणं दीहकालं बहुदुक्खसंकडं नरयतिरियजोणिं तेण य अलिण समणुबद्धा

[वि]वीहिं पंतंजी-वीहिं ल्हजी-वीहिं तुच्छजी-वीहिं उवसंतजी-वीहिं पसंतजी-वीहिं
 विवित्तजी-वीहिं अखीरमहुसप्पिएहिं अमज्जमंसासिएहिं ठाणाइएहिं पंडि[मंठा]मट्ठाइहिं
 ठाणकडिएहिं, वीरासणिएहिं णेसजिएहिं डंडाइएहिं लगंडसाइहिं एगपासगेहिं आयाव-
 एहिं अप्पावएहिं अणिदु[व]भएहिं अकं[इ]डुयएहिं धुतकेसमंसुलोमनखेहिं संव्वगाय-
 पडिकम्मविप्पमुक्केहिं समणुचिन्ना सुयधरविदितत्थकायवुद्धीहिं धीरमतिवुद्धिणो य-
 जे ते आसीविसउग्गतेयकप्पा निच्छयवंवसाय(विणीय)पज्जत्तकयमतीया णिच्चं
 सज्झायज्झाणअणुवेद्धधम्मज्झाणां पंचमहव्वयचरित्तजुत्ता समिता समितिसु समित-
 पावां छविहजगवच्छला निच्चमप्पमत्ता एएहिं अनेहि य जा सा अणुपालिया भगवती
 इमं च पुढविदगअगणिमारुयतरुणंतसथावरसव्वभूयसं(य)जमदयट्ठयाते सुद्धं
 उच्चं गवेसियव्वं अकंतमकारिमणाहूयमणुहिट्ठं अकीयकडं नवहि य कोडिहिं सुपरि-
 सुद्धं दसहि य दोसेहिं विप्पमुक्कं उग्गमउप्पायणेसणासुद्धं ववगयचुयचावियचत्तदेहं च
 फासुयं च न नि(त्ति)सज्जकहापओयणकखासुओ[व]णीयंति न तिगिच्छामंतमूलभेसज्ज-
 कंजहेउं न लंक्खणुप्पायसुमिणजोइसनिमित्तकहकप्पउत्तं नवि डंभणाए नवि रक्ख-
 णाते नवि सासणाते नवि दंभणरक्खणसासणाते भिक्खं गवेसियव्वं नवि वंदणाते
 नवि माणणाते नवि पूयणाते नवि वंदणमाणणपूयणाते भिक्खं गवेसियव्वं नवि
 हीलणाते नवि निंदणाते नवि गरहणाते नवि हीलणनिंदणगरहणाते भिक्खं
 गवेसियव्वं नवि भेसणाते नवि तज्जणाते नवि तालणाते नवि भेसणतज्जणताल-
 णाते भिक्खं गवेसियव्वं नवि गारवेणं नवि कुहण्याते नवि वणीमयाते नवि
 गारवकुहवणीमयाए भिक्खं गवेसियव्वं नवि मित्तयाए नवि पत्थणाए नवि सेव-
 णाए नवि मित्तपत्थणसेवणाते भिक्खं गवेसियव्वं अन्नाए अगट्टिए अदुट्ठे अदीणे
 अविमणे अकलुणे अविसाठी अपरितंतजोगी जयणघडणकरणचरियविणयगुणजोग-
 संपउत्ते भिक्खू भिक्खेसणाते निरते, इमं च णं सव्वजीवरक्खणदयट्ठाते पावयणं
 भगंवया सुकहियं अत्तहियं पैच्चाभावियं आगमेसिभइं सुद्धं नेयाउयं अकुडिलं अणु-
 त्तरं सव्वदुक्खंपावाणं विउसमणं ॥ २२ ॥ तस्स इमा पंच भावणातो पढमस्स
 वयस्स होंति पाणातिवायवेरमणपरिरक्खणट्ठयाए-पढमं ठाणगमणगुणजोगजुंजण-
 जुगंतरनिवातियाए दिट्ठीए ईरियव्वं कीडपयंगतसथावरदयावरेण निच्चं पुप्फफल-
 तयेप[वा]वालकंदमूलदगमट्ठियवीजहरियपरिवज्जिएण सं[स]मं, एवं खलु सव्वपाणा न
 हीलियव्वा न निंदियव्वा न गरहियव्वा न हिंसियव्वा न छिंदियव्वा न भिंदियव्वा
 न वहेयव्वा न भयं दुक्खं च किंचि लब्भा पावेउं एवं ईरियासमित्तजोगेण
 भावितो भवेति अंतरप्पां असवल्लमसंकिलिट्ठनिव्वणचरित्तभावणाए अहिंसए संजए

तत्थ पढमं अहिंसा जा सा सदेवमणुयासुरस्स लोगस्स भवति धीवो ताणं सरणं गती
 पइद्वा निव्वाणं १ निव्वुई २ समाही ३ (संती) सत्ती ४ किंती ५ कंती ६ रती य
 ७ विरती य ८ सुयंगतिस्ती ९-१० दया ११ विमुत्ती १२ खन्ती १३ सम्मत्तारा-
 हणा १४ महंती १५ वोही १६ बुद्धी १७ धिती १८ समिद्धी १९ रिद्धी
 २० विद्धी २१ ठिती २२ पुट्ठी २३ नंदा २४ भदा २५ विमुद्धी २६ लद्धी
 २७ विसिद्धदिद्धी २८ कट्ठाणं २९ मंगलं ३० पमोओ ३१ विभूती ३२ रक्खा
 ३३ सिद्धावासो ३४ अणासवो ३५ केवलीण ठाणं ३६ सिवं ३७ समिई ३८ सी[ल]लं
 ३९ संजमोत्ति य ४० सीलपरिघरो ४१ संवरो ४२ य गुत्ती ४३ ववसाओ
 ४४ उस्सओ ४५ जज्जो ४६ आयतणं ४७ जतण मप्पमातो ४८-४९ अस्सासो
 ५० वीसासो ५१ अभओ ५२ सव्वस्सवि अमाघाओ ५३ चोक्खपवित्ता ५४-५५
 सूती ५६ पूया ५७ विमल ५८ पभासा ५९ यं निम्मलतर ६० ति एव-
 मादीणि निययगुणनिम्मियाइं पज्जवनामाणि होति अहिंसाए भगवतीए ॥२१॥ एसा
 सा भगवती अहिंसा जा सा भीयाण विव सरणं पक्खीणं पिव ग(ग)मणं तिसियाणं
 पिव सलिलं खुहियाणं पिव असणं समुद्धमज्जे व पोतवहणं चउत्पयाणं व आसम-
 पयं दुहद्वियाणं (व) च ओसहिवलं अडवीमज्जे विसत्थगमणं एत्तो विसिद्धतरिका
 अहिंसा जा सा पुढविजलअगणिमारुयवणस्सइवीजहरितजलचरथलचरखंहचर-
 तसथावरसव्वभूयखेमकरी एसा भगवती अहिंसा जा सा अपरिमियनाणदंसणधरेहिं
 सीलगुणविणयतवसंयमनायकेहिं तित्थंकरेहिं सव्वजगंजीववच्छलेहिं तिलोगमहिएहिं
 जिणचंदेहिं सुद्धु दिद्धा ओहिजिणेहिं विण्णाया उज्जुमतीहिं विदिद्धा विपुलमतीहिं
 विविदिता पुव्वधरेहिं अधीता वेउव्वीहिं पतिन्ना आभिणिबोहियनाणीहिं सुयनाणीहिं-
 ओहिनाणीहिं-मणपज्जवनाणीहिं केवलनाणीहिं आमोसहिपत्तेहिं खेलोसहिपत्तेहिं जलो-
 सहिपत्तेहिं विप्पोसहिपत्तेहिं सव्वोसहिपत्तेहिं बीजवुद्धीहिं कुट्टवुद्धीहिं पदाणुसारीहिं
 संभिन्नसोतेहिं सुयधरेहिं मणवलिएहिं वयवलिएहिं कायवलिएहिं नाणवलिएहिं दंसण-
 वलिएहिं चरित्तवलिएहिं खीरासवेहिं म(धु)हुआसवेहिं सप्पियासवेहिं अक्खीणमहाण-
 सिएहिं चारणेहिं विजाहरेहिं चउत्थभत्तिएहिं एवं जाव छम्मासभत्तिएहिं उक्खित्तं
 चरएहिं निक्खित्तचरएहिं अंतचरएहिं पंतचरएहिं लहचरएहिं समुदाणचरएहिं
 अन्नइलाएहिं मोणव्वरएहिं संसट्टकप्पिएहिं तंजायसंसट्टकप्पिएहिं उवनिहिएहिं
 छुद्धेसणिएहिं संखादत्तिएहिं दिट्ठलाभिएहिं अदिट्ठलाभिएहिं पुट्ठलाभिएहिं आयंवि-
 एहिं पुरिमद्धिएहिं एकासणिएहिं निव्वितिएहिं भिन्नपिंडवाइएहिं परिमियपिंडवाइएहिं
 ताहारेहिं पंताहारेहिं अरसाहारेहिं विरसाहारेहिं लहाहारेहिं तुच्छाहारेहिं अंतजी-

[वि]वीहिं पंतजी-वीहिं लहजी-वीहिं तुच्छजी-वीहिं उवसंतजी-वीहिं पसंतजी-वीहिं
 विवित्तजी-वीहिं अखीरमहुसप्पिएहिं अमज्जमंसातिएहिं ठाणाइएहिं प्रडि[मंठा]मट्टाईहिं
 ठाणुकडिएहिं, वीरासणिएहिं णेसज्जिएहिं डंडाइएहिं लगंडसाईहिं एगपासगेहिं आयाव-
 एहिं अप्पावएहिं अणिहु[व]भएहिं अकं[हु]डुयएहिं धुतकेसमंजुलोमनखेहिं सव्वगाय-
 पडिकम्मविप्पमुक्केहिं समणुचिञ्जा सुयधरविदितत्थकायवुद्धीहिं धीरमत्तिवुद्धिणो य-
 जे ते आसीविसउग्गतेयकप्पा निच्छयवंवसाय(विणीय)पज्जत्तकयमतीया णिच्चं
 सज्झायज्झाणअणुवद्धधम्मज्झाणा पंचमहव्वयचरित्तजुत्ता समिता समितिसु समित-
 पावां छव्विहजगवच्छला निच्चमप्पमत्ता एएहिं अत्रेहि य जा सा अणुपालिया भगवती
 इमं च पुढविदंगअगणिमारुयतरुगणंतसथावरसव्वभूयसं(य)जमदयट्टयाते सुद्धं
 उच्छं गवेसियव्वं अकंतमकारिमणाहूयमणुद्धिं अकीयकडं नवहि य कोडिहिं सुपरि-
 सुद्धं दसहि य दोसेहिं विप्पमुक्कं उग्गमउप्पायणेसणासुद्धं ववगयचुयचावियच्चत्तदेहं च
 फासुयं च न नि(सि)सज्जकहापओयणकखासुओ[व]णीयंति न तिगिच्छामंतमूलभेसज्ज-
 कंजहेउं न लंक्खणुप्पायसुमिणजोइसनिमित्तकहकप्पउत्तं नवि डंभणाए नवि रक्ख-
 णाते नवि सासणाते नवि दंभणरक्खणसासणाते भिक्खं गवेसियव्वं नवि वंदणाते
 नवि माणणाते नवि पूयणाते-नवि वंदणमाणणपूयणाते भिक्खं गवेसियव्वं नवि
 हीलणाते नवि निंदणाते नवि गरहणाते नवि हीलणनिंदणगरहणाते भिक्खं
 गवेसियव्वं नवि भेसणाते नवि तज्जणाते नवि तालणाते नवि भेसणतज्जणताल-
 णाते भिक्खं गवेसियव्वं नवि गारवेणं नवि कुहणयाते नवि वणीमयाते नवि
 गारवकुहवणीमयाए भिक्खं गवेसियव्वं नवि मित्तयाए नवि पत्थणाए नवि सेव-
 णाए नवि मित्तपत्थणसेवणाते भिक्खं गवेसियव्वं अच्चाए अगढिए अदुट्ठे अदीणे
 अविमणे अकलुणे अविसाती अपरितंतजोगी जयणघडणकरणचरियविणयगुणजोग-
 संपउत्ते भिक्खू भिक्खेसणाते निरते, इमं च णं सव्वजीवरक्खणदयट्टाते पावयणं
 भगंवया सुकहियं अत्तहियं पेच्चाभावियं आगमेसिभइं सुद्धं नेयाउयं अकुडिलं अणु-
 त्तरं सव्वहुक्खंपावाण विउसमणं ॥ २२ ॥ तस्स इमा पंच भावणातो पढमस्स
 वयस्स होंति पाणातिवायवेरमणपरिरक्खणट्टयाए-पढमं ठाणगमणगुणजोगजुंजण-
 जुगंतरनिवातियाए दिट्ठीए ईरियव्वं कीडपर्यगतसथावरदयावरेण निच्चं पुप्फकल-
 तयप[वा]वालकंदमूलदगमट्ठियबीजहरियपरिवज्जिएण सं[स]मं, एवं खलु सव्वपाणा न
 हीलियंवा न निंदियंवा न गरहियंवा न हिंसियंवा न छिंदियंवा न भिंदियंवा
 न वहेयंवा न भयं हुक्खं च किञ्चि लब्भा पावेउं एवं ईरियासमितिजोगेण
 भावितो भवति अंतरप्पां असवलमसंकिलिट्ठनिव्वणचरित्तभावणाए अहिंसए संजए

सुसाह, वितीयं च मणेण पावएणं पाव[गं]कं अहम्मियं दारुणं निस्संसं वह्वं वपरि-
 किलेसवहुलं जरा(भय)मरणपरिकिलेससंकिलिट्ठं न कयावि मणेण पावतेणं पावणं
 किंचि-वि ज्ञायव्वं एवं मणसमितिजोगेण भावितो भवति अंतरप्पा असवलमसंकिलिट्ठ-
 निव्वणचरित्तभावणाए अहिंसए संजए सुसाह, ततियं च वतीते पावियाते पाव-कं-
 अ० कं....वईए पाविया(ओ)ए पावगं-न किंचिवि भासियव्वं एवं वतिसमितिजोगेण
 भावितो भवति अंतरप्पा असवलमसंकिलिट्ठनिव्वणचरित्तभावणाए अहिंसओ संजओ
 सुसाह, चउत्थं आहारएसणाए सुद्धं उच्छं गवेसियव्वं अत्राए अ[गढिते] कहिए अ[दु]-
 सिट्ठे अदीणे अकलुणे अविसादी अपरितंतजोगी जयणघडणकरणचरियविणयगुणजोग-
 संपओगजुते भिक्खू भिक्खेसणाते जुत्ते समुदाणेऊण भिक्खचरियं उच्छं घेतुण आगतो
 गुरुजणस्स पासं गमणागमणात्तिचारे पडिक्कमणपडिक्कंते आलोयणदायणं च दारुण
 गुरुजणस्स गुरुसंदिट्ठस्स वा जहोवएसं निरइयारं च अप्पमत्तो, पुणरवि अणेसणाते
 पयतो पडिक्कमिक्का पसंते आसीणसुहणिसन्ने मुहुत्तमेत्तं च ज्ञाणसुहजोगानाणसज्झाय-
 गोवियमणे धम्ममणे अविमणे सुहमणे अविग्गहमणे समाहियमणे सद्दासंवेगानिजरमणे
 पवतणवच्छ(ल)लभावियमणे उट्ठेऊण य पहट्ठतुट्ठे जहारायणियं निमंतइत्ता य साहवे
 भावओ य विइण्णे य गुरुजणेणं उपविट्ठे संपमज्जिऊण ससीसं कायं तहा करतलं
 अमुच्छित्ते अगिद्धे अगढिए अगरहिते अणज्झोववण्णे अणाइले अलुद्धे अणतट्ठिते
 असुरसुरं अचवचवं अदुत्तमविलंबियं अपरिसाडिं आलोयभायणे जयं पयत्तेण
 ववगयसंजोगमणिगालं च विगयधूमं अक्खोवजं-णव-णाणुलेवणभूयं संजमजायामाया-
 निमित्तं संजमभारवहणट्ठयाए भुंजेज्जा पाणधारणट्ठयाए संजएण समियं एवं आहार-
 समितिजोगेण भाविओ भवति अंतरप्पा असवलमसंकिलिट्ठनिव्वणचरित्तभावणाए
 अहिंसए संजए सुसाह, पंचमं आदा[न]णनिक्खेव[ण]णासमिई पीढफलगसिज्जा-
 संथारगवत्थपत्तकंवलरयहरणचोलपट्टगमुहपोत्तिगपायपुंछणादी एयंपि संजमस्स
 उववूहणट्ठयाए वातातवदंसमसगसीयपरिरक्खणट्ठयाए उवगरणं रागदोसरहितं
 परिहरितव्वं संजमेणं निच्चं पडिलेहणपप्फोडणपमज्जणाए अहो य राओ य अप्पमत्तेण
 होइ सययं निक्खियव्वं च गिण्हियव्वं च भायणभंडोवहिउवगरणं एवं आयाणभंड-
 निक्खेवणासमितिजोगेण भाविओ भवति अंतरप्पा असवलमसंकिलिट्ठनिव्वण-
 चरित्तभावणाए अहिंसए संजते सुसाह, एवमिणं संवरस्स दारं सम्मं संवरियं होति
 सुप्पणिहियं इमेहिं पंचहिवि कारणेहिं मणवयणकायपरिरक्खिएहिं णिच्चं आमरणंतं च
 एस जोगो पेयव्वो धितिमया मतिमया अणासवो अकलुसो अच्छिद्धो-अपरिस्सावी-
 णिलिट्ठो सुद्धो सव्वजिणमणुञ्जातो, एवं पढमं संवरदारं फासियं पालियं सोहियं

णमोऽत्यु णं समणस्स भगवओ णायपुत्तमहावीरस्स

सुत्तागमे

तत्थ णं

विवागसुयं

तेणं कालेणं तेणं समएणं चंपा नामं नयरी होत्था वण्णओ, (० चं० ण० उ० दि० एत्थ णं) पुण्णभेदे (णा०) उज्जाणे (हो० व०) ॥ १ ॥ तेणं कालेणं तेणं समएणं समणस्स भगवओ महावीरस्स अंतेवासी अज्जसुहम्ममे-नामं अणगारे जाइसंप-न्ने वण्णओ चउ(द)इसपुव्वी चउनाणोवगए पंचहिं अणगारसएहिं सद्धिं संपरिखुडे पुव्वाणपुव्विं जाव जेणेव पुण्णभेदे उज्जाणे अहापडिख्वं जाव विहरइ, परिसा निग्गया धम्मं सोच्चा निसम्म जामेव दि(सं)सिं पाउव्वभूया तामेव दि-सिं पडि-गया, तेणं कालेणं तेणं समएणं अज्जसुहम्म(स्स)अंतेवासी अज्जजंवू-नामं अणगारे सत्तुस्सेहे जहा गोयमसामी तहा जाव ज्ञाणकोटो[वगए] विहरइ, तए णं अज्ज-जंवू-ना(मे)मं अणगारे जायसद्धे जाव जेणेव अज्जसुहम्ममे अणगारे तेणेव उवागए तिक्खुत्तो आयाहि(णं)णपयाहिणं करेइ २ ता वंदइ नमंसइ वं० २ ता जाव पञ्जुवासइ, [२] एवं वयासी-जइ णं भंते ! समणेणं भगवया महावीरेणं जाव संपत्तेणं दसमस्स अंगस्स पण्हावागरणाणं अयमट्ठे प-न्नत्ते, एक्कारसमस्स णं भंते ! अंगस्स विवागसुयस्स समणेणं जाव संपत्तेणं के अट्ठे प-न्नत्ते ?, तए णं अज्जसुहम्ममे अणगारे जं(वू)वुं अणगारं एवं वयासी-एवं खलु जंवू ! समणेणं जाव संपत्तेणं एक्कारसमस्स अंगस्स विवागसुयस्स दो सुयक्खंधा प-न्नत्ता, तं०-दुहविवागा य सुहविवागा य, जइ णं भंते ! समणेणं जाव संपत्तेणं एक्कारसमस्स अंगस्स विवागसुयस्स दो सुयक्खंधा प-न्नत्ता, तं०-दुहविवागा य सुहविवागा य, पढमस्स णं भंते ! सुयक्खंधस्स दुहविवागाणं समणेणं जाव संपत्तेणं (के) कइ अ(ट्ठे)ज्झयणा प-न्न(त्ते)त्ता ?, तए णं अज्जसुहम्ममे अणगारे जं-वुं अणगारं एवं वयासी-एवं खलु जंवू ! समणेणं० आइगरेणं तित्थगरेणं जाव संपत्तेणं दुहविवागाणं दस अज्झयणा प-न्नत्ता, तं०-‘मियापुत्ते य उज्झियए अभग्ग सगडे व(व)हस्सइ नंदी । उंवर सोरियदत्ते य देवदत्ता य अंजू य ॥ १ ॥’ जइ णं भंते ! समणेणं० आइगरेणं तित्थ(य)गरेणं जाव संपत्तेणं दुहविवागाणं दस अज्झयणा प-न्नत्ता,

२ ता अव-ओड-यवंधणं करेइ २ ता एएणं विहाणेणं वज्झं आणावेइ, एवं खलु गोयमा ! उज्झियए दारए पुरापोराणाणं कम्माणं जाव पच्चणु-भवमाणे विहरइ ॥ १२ ॥ उज्झियए णं भंते ! दारए इओ कालमासे कालं किच्चा कहिं गच्छिहि० कहिं उववज्जिहिइ ? गोयमा ! उज्झियए दारए पणवीसं वासाइं परमाउयं पालइत्ता अज्जेव तिभागावसेसे दिवसे सलीभि-ञ्जे कए समाणे कालमासे कालं किच्चा इमीसे रयणप्पभाए पुढवीए नेरइयत्ताए उववज्जिहिइ, से णं तओ अणंतरं उव्व-ट्ठित्ता इहेव जंबुदीवे दीवे भारहे वासे वेयङ्गुगिरिपायमूले वा-णरकुलंसि वाणरत्ताए उववज्जिहिइ, से णं तत्थ उम्मुक्कवालभावे तिरियभो(ए)गेसु मुच्छिए गिद्धे गडिए अज्झोवव-ञ्जे जाए जाए वा-णरपेत्तए वहेइ तं एयकम्मे [एयप्पहाणे एयविजे एय-समुदायारे] कालमासे कालं किच्चा इहेव जंबुदीवे दीवे भार(ह)हे वासे इंदपुरे नयरे गणियाकुलंसि पुत्तत्ताए पच्चायाहिइ, तए णं तं दार(गं)यं अम्मापियरो जाय(मि)मेत्तकं वद्धेहिंति नपुंसगकम्मं सिक्खावेहिंति, तए णं तस्स दार-यस्स अम्मापियरो निव्वत्तवारसाहस्स इमं एयारूवं नामधेज्जं क(रेहिं)रंति तं०-हो(ऊ)उ णं [अम्हं इमे दारए] पियसेणे नामं नपुंसए, तए णं से पियसेणे नपुंसए उम्मुक्कवालभावे जोव्वण-गमणुप्पत्ते विण(णा)णयपरिणय-मेत्ते ह्वेण य जोव्वणेण य लावण्णेण य उक्किट्ठे उक्किट्ठसरीरे भविस्सइ, तए णं से पियसेणे नपुंसए इंदपुरे नयरे वहवे राईसर जाव पभि(इ-य)ईओ वहूहि य विज्जाप[यो]ओगेहि य मंतचुण्णेहि य हियउड्ढावणाहि य निण्हवणेहि य पण्हवणेहि य वसीकरणेहि य आभि-ओगिएहि य अभि-ओगित्ता उरालाई माणुस्सगाई भोगभोगाई भुंजमाणे विहरिस्सइ, तए णं से पियसेणे नपुंसए एयकम्मे० सुवहुं पावकम्मं समज्जिणित्ता ए-क्कवीसं वाससयं परमाउयं पालइत्ता कालमासे कालं किच्चा इमीसे रयणप्पभाए पुढवीए नेरइयत्ताए उववज्जिहिइ, त(ओ)-त्तो सरीस(सिरिसि)वेसु सुंसुमारे तहेव जहा पढमो जाव पुढवि० से णं तओ अणं-तरं उव्वट्ठित्ता इहेव जंबुदीवे दीवे भारहे वासे चंपाए नयरीए महिसत्ताए पच्चाया-हिइ, से णं तत्थ अ-ज्या कया-इ गोट्टिल्लएहिं जीवि(आ)याओ ववरोविए समाणे तत्थेव चंपाए नयरीए सेट्टिकुलंसि पुत्तत्ताए पच्चायाहिइ, से णं तत्थ उम्मुक्कवाल-भावे तहारूवाणं थेराणं अंतिए केवलं वोहिं००००अणगारे सोहम्मे कप्पे जहा पढमे जाव अंतं करेहिइ ॥ निक्खेवो ॥ १३ ॥ विइयं अज्झयणं समत्तं ॥

तच्चस्स उक्खेवो एवं खलु जंबू ! तेणं कालेणं तेणं समएणं पुरिमताले नामं नयरे होत्था रिद्ध०, तस्स णं पुरिमतालस्स नयरस्स उत्तरपुर-त्थिमे दिसीभाए : णं अमोहदंसणे उज्जाणे होत्था, तत्थ णं पुरिमताले (ण०) म(ह०)हावले नामं

राया होत्था, तत्थ णं पुरिमतालस्स नयरस्स उत्तरपुर-त्थिमे दिसीभाए देसप्पंते
अडवी संठिया, एत्थ णं साला-नामं अडवी-चोरपल्ली होत्था विसमगिरिकंदरकोलं-
चसं-निविट्ठा वंसीकलंकपागारपरिक्खित्ता छि-न्नसेलविसमप्पवायफरिहोवगूढा अब्भि-
तरपाणीया सुदुल्लभजलपेरंता अणेगखंडी-विदियजणदि-न्ननिग्गम[८]पवेसा सुवहुय-
स्स-वि कुवियस्स जणस्स दुप्पहंसा यावि होत्था, तत्थ णं सालाडवीए चोरपल्लीए
विजए नामं चोरसेणावई परिवसइ अहम्मिए जाव (हणछिन्नभिन्नवियत्ताए) लोहिय-
पाणी बहु-नयर-निग्गयजसे सूरे दढप्पहारे साहसिए सद्वेही परिवसइ (अहम्मिए०)
असिलट्टिपडममल्ले, से णं तत्थ सालाडवीए चोरपल्लीए पंचण्हं चोरसयाणं आहेवचं
जाव विहरइ ॥ १४ ॥ तए णं से विजए चोरसेणावई वहूणं चोराण य पारदारि-
याण य गंठिमेयाण य संधिच्छेयाण य खंडपट्टाण य अ-न्नोसिं च वहूणं छि-न्नभि-न्न-
वाहिराहियाणं कुडंगे यावि होत्था, तए णं से विजए चोरसेणावई पुरिमतालस्स
नयरस्स उत्तरपुर-त्थिमिल्लं जणवयं वहूर्हिं गामघाएहि य न-गरघाएहि य गोग्गह-
णेहि य वंदिग्गहणेहि य पंथकोट्टहि य खत्तखणणेहि य ओ-वीलेमाणे (२) विदंसे-
माणे तज्जेमाणे तालेमाणे नित्थाणे निद्धणे निक्कणे कप्पायं करेमाणे विहरइ, महव्व-
लस्स र-न्नो अभिक्खणं २ कप्पायं गे-ण्हइ, तस्स णं विजयस्स चोरसेणावइस्स
खंदसि(रि-)-री नामं भारिया होत्था अहीण०, तस्स णं विजयचोरसेणावइस्स पुत्ते
खंदसिरीए भारियाए अत्ताए अभग्गसेणे नामं दारए होत्था अहीणपुण्णपं(चें)-
विदियसरिरे वि(ण्णा)न्नयपरिणयमेत्ते जोव्वणगमणु-पत्ते । तेणं कालेणं तेणं
समएणं समणे भगवं महावीरे पुरिमताले नयरे (जे० अ० उ० ते०) समोसढे
परिसा निग्गया राया निग्गओ धम्मो कहिओ परिसा राया य पडिगओ, तेणं
कालेणं तेणं समएणं समणस्स भगवओ महावीरस्स जेट्ठे अंतेवासी गोयमे जाव
रायमग्गं समोगाढे, तत्थ णं वहवे हत्थी पासइ वहवे आसे पुरिसे संनद्धवद्धकवए
ते(सि)सिं णं पुरिसाणं मज्झगयं एगं पुरिसं पासइ अव-ओढय जाव उग्घो(से)सि-
जमाणं, तए णं तं पुरिसं रायपुरिसा पडमं(मि)सि चचरंसि नि(सि)सीया(वि)
वेंति २ ता अट्ठ चुल्ल[पिय]पिउए अग्गओ घाएंति २ [ता] कसप्पहारेहिं तालेमाणा २
कलुणं का-गणिमंसाइं खावेंति खावेत्ता रुहिरपा(णी)णियं च पा(यं)एंति तयाणंतं
च णं दोचंसि चचरंसि अट्ठ चुल्ल(लहु)माउयाओ अग्गओ घा-एंति एवं तच्चे चच्चरे
अट्ठ महापिउए चउत्थे अट्ठ महामाउयाओ पंचमे पुत्ते छट्ठे सुण्हा सत्तमे जामा-
उया अट्ठमे धूयाओ नवमे नत्तुया दसमे नत्तुईओ एक्कारसमे नत्तुयावई वारसमे
नत्तुइणीओ तेरसमे पिउस्सियपइया चो(चउ)इसमे पिउसियाओ प-न्नरसमे माउ-

सियापइया सोलसमे माउ(स्सि)सियाओ सत्तरसमे मा(सि)मियाओ अट्टारसमे अव-
 सेसं मित्त-नाइ-नियगसयणसंवंधिपरि-यणं अगगओ घा-एंति २ ता कसप्पहारेहिं
 तालेमाणा २ कलुणं का-गणिमंसाइं खावेंति [२] रुहिरपा-णियं च पाएंति ॥ १५ ॥
 तए णं से भगवं गोयमे तं पुरिसं पा(स)सेइ २ ता इमे ए(अयमे)यारूवे अज्झ-
 थिए (पत्थिए) समुप्पन्ने जाव तहेव निग्गए एवं वया-सी-एवं खलु अहं णं भंते ।
 तं चेव जाव से णं भंते ! पुरिसे पुव्वभवे के आसी जाव विहरइ ? एवं खलु
 गोयमा ! तेणं कालेणं तेणं समएणं इहेव जंबुदीवे दीवे भारहे वासे पुरिमताले-ना-
 (म)मं नयरे होत्था रिद्धं, तत्थ णं पुरिमताले नयरे उदिओदिए-नामं राया होत्था
 महयां, तत्थ णं पुरिमताले निन्नए-नामं अंडयवाणियए होत्था अट्ठे जाव अपरि-
 भूए अहम्मिए जाव दुप्पडियाणं दे, तस्स णं नि-न्नयस्स (अंडयवाणिय-ग-स्स) बहवे
 पुरिसा दि-न्नभइ भत्तवेयणा कल्लकल्लि कु(को)दालियाओ य पत्थि(या)यपिडए [य]
 गि-ण्हंति, [२] पुरिमतालस्स नयरस्स परिपेरंतेसु बहवे काइअंडए य घू(घू)इअं-
 डए य पारेवइ० टिट्ठिभिअंडए य ख[ग्गि]गि अं० मयूरि० कुकुडिअंडए य अ-न्नेसिं
 च बहूणं जलयरथलयरखहयरमाइणं अंडाइं गेण्हंति २ ता पत्थियपिडगाइं भरेंति
 [२] जेणेव नि-न्नयए अंडवाणियए ते[णामे]णेव उवागच्छन्ति २ ता नि-न्नय(ग)स्स
 अंडवाणियस्स उवणेंति, तए णं (से) तस्स नि-न्नयस्स अंडवाणियस्स बहवे पुरिसा
 दि-न्नभइ० बहवे काइअंडए य जाव कुकुडिअंडए य अ-न्नेसिं च बहूणं जलयरथल-
 यर(खेच)खहयरमाइणं अंडयए तवएसु य कवलीसु य कं(डु)दुएसु य भज्जणएसु य
 इंगालेसु य त(लिं)लेंति भ(जं)जेंति सो(लिं)लेंति तलेंता भ(जिं)जंता सोल्लेंता
 रायमग्गे अंतरावणंसि अंडय(एहि य)पणि(ग)एणं वित्तिं कप्पेमाणा विहरंति,
 अप्प(णो)णा-वि य णं से नि-न्नयए अंडवाणियए तेहिं बहूहिं काइ(य)अंडएहि य
 जाव कुकुडिअंडएहि य सोलेहि य तलिएहि य भ(जे)जिएहि य सुरं च""आसाएमाणे
 विसाएमाणे विहरइ, तए णं से नि-न्नए अंडवाणियए एयकम्मे ४ सुवहुं पावकम्मं
 समज्जिणित्ता एणं वाससहस्सं परमाउयं पालइत्ता कालमासे कालं किच्चा तच्चाए पुढ-
 वीए उक्कोससत्तसागरोवमठि-इएसु नेरइएसु नेरइयत्ताए उवव-न्ने ॥ १६ ॥ से णं तओ
 अणंतरं उव्वट्ठिता इहेव सालाडवीए चोरपल्लीए विजयस्स चोरसेणावइस्स खंदसिरीए
 भारियाए कुच्छिसि पुत्तत्ताए उवव-न्ने, तए णं तीसे खंदसिरीए भारियाए अ-न्नया
 कया-इ तिण्हं मासाणं बहुपडिपुण्णाणं इमे एयारूवे दोहले पाउब्भूए-ध-न्ना-ओ णं
 ताओ अम्मया० जाओ णं बहूहिं मित्त-नाइ-नियगसयणसंवंधिपरियणमहिलाहिं
 : नाहि य चोरमहिलाहिं सद्धिं संपरिवुडा ण्हाया सव्वालंकारविभूसिया वि-उल्लं

सालाडवी चोरपल्ली तेणेव पहारेत्य गमणाए, तए णं से अभग्गसेणे चोरसेणावई तेसिं चारपुरिसाणं अंतिए एयमट्ठं सोचा निसम्म पंच-चोरसयाइं सदावेइ सदा-वेत्ता एवं वयासी-एवं खलु देवाणुप्पिया ! पुरिमताले नयरे म-हावले जाव तेणेव पहारेत्य गमणाए (आगए, तए णं से अभग्गसेणे ताई पंच-चोरसयाइं एवं वयासी-) तं सेयं खलु देवाणुप्पिया ! अम्हं तं दंडं सालाडविं चोरपल्लि असंप(त्तं)ते अंतरा चेव पडिसेहितए, तए णं ताई पंच-चोरसयाइं अभग्गसेणस्स चोरसेणा-वइस्स तहत्ति जाव पडिस्सुणेंति, तए णं से अभग्गसेणे चोरसेणावई वि-उलं असणं पाणं खाइमं साइमं उवक्खडावेइ २ ता पंचहिं चोरसएहिं सद्धि ण्हाए भोयणमंड-वंति तं वि-उलं असणं ४ सुरं च ६ आसाएमाणे ४ विहरइ, जिमियभुत्तुत्तराग-ए-वि (अ) य णं समाणे आयंते चोक्खे परमसुइभूए पंचहिं चोरसएहिं सद्धि अलं चम्मं दु(ल्ल)हइ २ [ता] सं-नद्धवद्ध जाव पहरणेहिं मग्गइएहिं जाव रवेणं पुव्वा- (पच्चा)वरण्हकालसमयंसि सालाडवीओ चोरपल्लीओ निग्गच्छइ २ [ता] विसमदुग्ग-गहणं ठिए गहियभत्तपाणे तं दंडं पडिवालेमाणे चिट्ठइ, तए णं से दंडे जेणेव अभग्गसेणे चोरसेणावई तेणेव उवागच्छइ २ [ता] अभग्गसेणेणं चोरसेणावइणा सद्धि संपलगे यावि होत्था, तए णं से अभग्गसेणे चोरसेणावई तं दंडं खिप्पामेव हयमहिय जाव पडिसेहि० तए णं से दंडे अभग्गसेणे-णं चोरसेणावइणा हय जाव पडिसेहिए समाणे अ(त्त)थामे अवले अवीरिए अपुरिसक्कारपरक्कमे अधारणिज्जमिति-कट्ठ जेणेव 'पुरिमताले नयरे जेणेव म-हावले राया तेणेव उवागच्छइ २ ता करयल० एवं वयासी-एवं खलु सामी ! अभग्गसेणे चोरसेणावई विसमदुग्गगहणं ठिए गहियभत्तपा(णि)णीए नो खलु से सका केणइ सुवहुएणावि आसवलेण वा हत्थिवलेण वा जोहवलेण वा रहवलेण वा चाउरिंणिणिं-पि० उरंउरेणं गिण्हितए ताहे सामेण य भे-एण य उवप्प(दा)याणेण य वि[रु](वी)संभमाणे उ(प)वयए यावि होत्था, जे-वि (य) से अन्भितरगा सीसग(स)भमा मित्तनाइ-नियगसयण-संबंधिपरियणं च वि-उलधणकणगरयणसंतसारसाव(इ)एज्जेणं भिंदइ अभग्गसेणस्स य चोरसेणावइस्स अभिक्खणं २ महत्थाइं महग्घाईं महरिहाईं पाहुडाईं पेसेइ [२] अ(भंग)भगासेणं चोरसेणावई वी(वि)संभमाणेइ ॥ १८ ॥ तए णं से म-हावले राया अ-न्नया कया-इ पुरिमताले नयरे एगं महं महइमहालियं कूडागारसालं करेइ अणेगक्खंभसयसंनिविट्ठं पासा(इ)ईयं दरसणिज्जं०, तए णं से म-हावले राया अ-न्नया कया-इ पुरिमताले नयरे उस्सुक्कं जाव दसरत्तं पमोयं (उग्)घोसावेइ २ ता कोडुंविउपुरि(सं)से सदावेइ २ ता एवं वयासी-गच्छइ णं तुभे देवाणुप्पिया !

सालाडवीए चोरपल्लीए तत्थ णं तु[ब्भे]म्हे अभग्गसेणं चोरसेणावई करयल जाव एवं व०-एवं खलु देवाणुप्पिया । पुरिमताले नयरे महावलस्स र-ओ उस्सुक्के जाव दसरत्ते पमो-ए उग्घोसिए तं किं णं देवाणुप्पिया । वि-उलं असणं ४ पुप्फवत्थ- (गंध)मल्लालंका(रे य)रं ते इहं हव्वमाणिज्जउ उदाहु सयमेव गच्छि[त्था]त्ता ?, तए णं [ते] कोडुंवियपुरिसा म-हावलस्स र-ओ करयल जाव पडिसुणेंति २ ता पुरिमतालाओ नयराओ पडि० नाडविकिट्ठेहिं अट्ठाणेहिं सुहेहिं वस(हिं)हीपायरासेहिं जेणेव सालाडवी चोरपल्ली तेणेव उवागच्छंति [२] अभग्गसेणं चोरसेणावई करयल जाव एवं वयासी-एवं खलु देवाणुप्पिया । पुरिमताले नयरे म-हावलस्स र-ओ उस्सुक्के जाव उदाहु सयमेव गच्छि-त्ता ?, तए णं से अभग्गसेणे चोरसेणावई ते कोडुंवियपुरिसे एवं वयासी-अहं णं देवाणुप्पिया । पुरिमता(ले)लनय(रे)रं सयमेव गच्छामि, ते कोडुंवियपुरिसे सक्कारेइ...पडिविसज्जेइ, तए णं से अभग्गसेणे चोरसेणावई वट्ठहिं मित्त जाव परिवुडे ण्हाए सव्वालंकारविभूसिए सालाडवीओ चोरपल्लीओ पडि-निक्खमइ २ ता जेणेव पुरिमताले नयरे जेणेव म(-ल)हावले राया तेणेव उवागच्छइ २ ता करयल० म(हव्व)हावलं रायं जएणं विजएणं वट्ठावेइ २ ता महत्थं जाव पाहुडं उवणेइ । तए णं से म-हावले राया अभग्गसेणस्स चोरसेणावइस्स तं महत्थं जाव पडिच्छइ, अभग्गसेणं चोरसेणावई सक्कारेइ संमाणेइ पडिविसज्जेइ कूडागारसालं च से आवसहं दलयइ, तए णं [से] अभग्गसेणे चोरसेणावई म-हावलेणं र-ओ विसजिए समाणे जेणेव कूडागारसाला तेणेव उवागच्छइ, तए णं से म(-ल)हावले राया कोडुंवियपुरिसे सट्ठावेइ २ ता एवं वयासी-गच्छह णं तुब्भे देवाणुप्पिया । वि-उलं असणं पाणं खाइमं साइमं उवक्खडावेह २ ता तं वि-उलं असणं ४ सुरं च ६ सुबहुं पुप्फ[वत्थ]गंधमल्लालंकारं च अभग्गसेणस्स चोरसेणावइस्स कूडागार-सा(लाए)लं उवणेह, तए णं ते कोडुंवियपुरिसा करयल जाव उवणेंति, तए णं से अभग्गसेणे चोरसेणावई वट्ठहिं मित्त-नाइ जाव सद्धिं संपरिवुडे ण्हाए सव्वालंकारवि-भूसिए तं वि-उलं असणं ४ सुरं च ६ आसाएमाणे ४ पमत्ते विहरइ, तए णं से म-हावले राया कोडुंवियपुरिसे सट्ठावेइ २ ता एवं वयासी-गच्छह णं तु(ब्भे)म्हे देवाणुप्पिया । पुरिमतालस्स नयरस्स दुवाराइं पिहे० अभग्गसेणं चोरसेणावई जीव-गाहं गिण्हइ [२] ममं उवणेह, तए णं ते कोडुंवियपुरिसा करयल जाव पडिसुणेंति २ ता पुरिमतालस्स नयरस्स दुवाराइं पिहेंति अभग्गसेणं चोरसेणावई जीवगाहं गिण्हंति [२] म-हावलस्स र-ओ उवणेंति, तए णं से म-हावले राया अभग्गसेणं चोरसेणा-वई एएणं विहाणेणं वज्झं आणवेइ, एवं खलु गोयमा । अभग्गसेणे चोरसेणावई

पुरा(पु)पोराणां जाव विहरइ । अभग्गसेणे णं भंते । चोरसेणावई कालमासे कालं किच्चा कहिं गच्छिहि० कहिं उववज्जिहिइ ? गोयमा । अभग्गसेणे चोर-सेणावई सत्तत्तीसं वासाइं परमाउयं पालइत्ता अज्जेव तिभागावसेसे दिवसे सूलभित्ते कए समाणे कालमासे कालं किच्चा इमीसे रयणप्पभाए पुढवीए उक्कोसं...नेरइएमु उववज्जिहिइ, से णं तओ अणंतरं उव्वट्ठित्ता...एवं संसारो जहा पढ(मो)मे जाव पुढवीए, तओ उव्वट्ठित्ता वाणारसीए नयरीए सूयरत्ताए पच्चायाहिइ, से णं तत्थ सो[सू]यरिएहिं जीवियाओ ववरोविए समाणे तत्थेव वाणारसीए नयरीए सेट्टिकुलंसि पुत्तत्ताए पच्चायाहिइ, से णं तत्थ उम्मुक्कवालभावे...एवं जहा पढमे जाव अंतं काहिइ ॥ निक्खेवो ॥ १९ ॥ तइयं अज्झयणं समत्तं ॥

जइ णं भंते ।...चउत्थस्स उक्खेवो, एवं खलु जंवू । तेणं कालेणं तेणं सम-एणं साहंजणी-नामं नयरी होत्था रिद्धत्थिमियसमिद्धा, तीसे णं साहंजणीए वहिया उत्तरपुर-त्थिमे दिस्सीभाए देवरमणे नामं उज्जाणे होत्था, तत्थ णं साहंजणीए नय-रीए महचंदे नामं राया होत्था महया०, तस्स णं महचंदस्स र-न्नो सुसेणे नामं अमच्चे होत्था सामभेयदंड० निग्गहकुसले, तत्थ णं साहंजणीए नयरीए सु(दं)दरि-सणा-नामं गणिया होत्था वण्णओ, तत्थ णं साहंजणीए नयरीए सुभदे नामं सत्थ-चाहे (हो०) परिवसइ अट्ठे०, तस्स णं सुभदस्स सत्थवाहस्स भद्दा-नामं भारिया होत्था अहीण०, तस्स णं सुभद(स्स)सत्थवाहस्स पुत्ते भद्दाए भारियाए अत्ताए सगडे नामं दारए होत्था अहीण०, तेणं कालेणं तेणं समएणं समणे भगवं महावीरे...समोस-रणं परिसा राया य निग्गए धम्मो कहिओ परिसा (रा०) पडिग(ओ)या, तेणं कालेणं तेणं समएणं समणस्स भगवओ महावीरस्स जेट्ठे अंतेवासी जाव रायमग्गमोगाडे तत्थ णं हत्थी आसे पुरिसे...ते-सिं च णं पुरिसाणं मज्झग[ए]यं पासइ एगं सइ-त्थीयं पुरिसं अव-ओड-यवंधणं उक्खित्त जाव घो(सेणं)सिज्जमाणं चिंता तहेव जाव भगवं वागरेइ, एवं खलु गोयमा । तेणं कालेणं तेणं समएणं इहेव जंवुदीवे दीवे भारहे वासे छगलपुरे नामं नयरे होत्था, तत्थ सी(सिं)हगि(रि)री नामं राया होत्था महया०, तत्थ णं छगलपुरे नयरे छ(णि)णिए नामं छागलि(छगली)ए परिवसइ अट्ठे० अहम्मिए जाव दुप्पडियाणंदे, तस्स णं छ-णियस्स छा(छ)गलियस्स वहवे अ(जा)याण य ए(ला)लयाण य रोज्झाण य वसमाण य ससयाण य सूयराण य पसयाण य सिंघाण य हरिणाण य मयूराण य महिसाण य सयवद्धाण य सहस्सव-द्धाण य जूहाणि वाडगंसि संनिरुद्धाईं चिट्ठंति, अ-न्ने य तत्थ वहवे पुरिसा दि-न्न-भइभत्तवेयणा वहवे अए य जाव महिसे य सारव(ख)खेमाणा संगोवेमाणा ि

र-ञो चित्ते नामं अलंकारिए होत्था, सिरिदामस्स र-ञो चित्तं बहुविहं अलंकारियकम्मं करेमाणे सव्वट्ठाणेषु य सव्वभूमियासु य अंतेउरे य दि-ञावियारे यावि होत्था; तेणं कालेणं तेणं समएणं सागी समोस-ढे परिसा निग्गया राया(वि) निग्गओ जाव परिसा पडिगया, तेणं कालेणं तेणं समएणं समण० जेट्ठे****जाव रायमग्गं ओ)गमोगाढे तहेव हत्थी आसे पुरिसे****, तेसिं च णं पुरिसाणं मज्झगयं एगं पुरिसं पासइ जाव नर-ना(रि)रीसंपरिवुडं, तए णं तं पुरिसं रायपुरिसा चचरंसि तत्तंसि अयोमयंसि सम-जो(इ)इभूय(सिं)सीहासणंसि नि(वि)वेसावेंति, तयाणंतं च णं पुरिसाणं मज्झगयं बहुविहं अयकलसेहिं तत्तेहिं समजोइभूएहिं अप्पेगइया तंवभरिएहिं अप्पेगइया तउयभरिएहिं अप्पेगइया सीसगभरिएहिं अप्पेगइया कलकलभरिएहिं अप्पेगइया खारतेल्लभरिएहिं महया २ रायाभिसेएणं अभिसिं०, तयाणंतं च णं तत्तं अयोमयं समजोइभूयं अयोमयसंडासएणं गहाय हारं पिणद्धंति, तयाणंतं च णं अ(द्ध)ह्वहारं जाव पटं मउडं चिता तहेव जाव वागरेइ-एवं खलु गोयमा ! तेणं कालेणं तेणं समएणं इहेव जंवुदीवे दीवे भारहे वासे सीहपुरे नामं नयरे होत्था रिद्ध०, तत्थ णं सीहपुरे नयरे सीहरहे नामं राया होत्था, तस्स णं सीहरहस्स र-ञो दुज्जोहणे ना(मे)मं चारगपालए होत्था अहम्मिए जाव दुप्पडियाणंदे, तस्स णं दुज्जोहणस्स चारगपालगस्स इमेयारूवे चारगमंडे होत्था-वहवे अयकुंडीओ अप्पेगइयाओ तंवभरियाओ अप्पेगइयाओ तउयभरियाओ अप्पेगइयाओ सीसगभरियाओ अप्पेगइयाओ कलकलभरियाओ अप्पेगइयाओ खारतेल्लभरियाओ अगणिक्कायंसि अइहिया(ओ) चिट्ठंति, तस्स णं दुज्जोहणस्स चारगपालगस्स वहवे उट्ठियाओ अप्पेगइयाओ आसमुत्तभरियाओ अप्पेगइयाओ हत्थिमुत्तभरि(आ)याओ अप्पेगइयाओ गोमुत्तभरियाओ अप्पेगइयाओ महिसमुत्तभरियाओ अप्पेगइयाओ उट्ठमुत्तभरियाओ अप्पेगइयाओ अयमुत्तभरियाओ अप्पेगइयाओ एल(य)मुत्तभरियाओ बहुपडिपुण्णाओ चिट्ठंति । तस्स णं दुज्जोहणस्स चारगपालगस्स वहवे हत्(थं)थं(डि)डु-याण य पायं-दुयाण य हवीण य नियलाण य संकलाण य पुंजा (य) निगरा य संनि-क्खित्ता चिट्ठंति, तस्स णं दुज्जोहणस्स चारगपालगस्स वहवे वेणुलयाण य वेत्तलयाण य चिच्चालयाण य छिया(णं)ण य कसाण य वायरासीण य पुंजा निगरा चिट्ठंति, तस्स णं दुज्जोहणस्स चारगपालगस्स वहवे सिलाण य लउडाण य मोग्गराण य कणंगराण य पुंजा निगरा चिट्ठंति, तस्स णं दुज्जोहणस्स चारगपालगस्स वहवे तंतान य वरत्ताण य वा(ग)गुर(जा)याण य वा(वा)लयसुत्तरजूण य पुंजा निगरा चिट्ठंति, तस्स णं दुज्जोहणस्स चारगपालगस्स वहवे असिपत्ताण य करपत्ताण य

नयरे उसभदत्ते गाहावई पुप्फदत्ते अणगारे पडिला० मणुस्ताउए निवद्धे इह
उप्प-जे जाव महाविदेहे वासे सिज्झहि० ॥ तइयं अज्झयणं समत्तं ॥

चउ-त्थस्स उक्खे० विजयपुरं नयरं (मणोरमं) नंदणवणं उज्जाणं वासवदत्ते
राया कण्हा देवी सुवासवे कुमारे भद्दापामोक्खाणं पंचस० जाव पुव्वभवे कोसंबी
नयरी धणपाले राया वेसमणभेदे अणगारे पडिलाभिए इ(हं)ह जाव सि० ॥
चोत्थं अज्झयणं समत्तं ॥

पंचमस्स उक्खे० सोगंधिया नयरी नीलासोए उज्जाणे अप्पडिहओ राया
सुकन्ना देवी महचंदे कुमारे तस्स अरहदत्ता भारिया जिणदासो पुत्तो तित्थ(ग)य-
रागमणं जिणदासपुव्वभवो म(ज्झि)ज्झमिया नयरी मेहरहो राया सु(ह)धम्मो
अणगारे पडिलाभिए जाव सि० ॥ पंचमं अज्झयणं समत्तं ॥

छट्ठस्स उक्खे० कणगपुरं नयरं सेयासोयं उज्जाणं पियचंदो राया सुभद्दा देवी
वेसमणे कुमारे जुवराया सि-रिदेवीपामो० पंचस० क० पाणिग्गहणं तित्थ-यरागमणं
धणवई जुवरा(या)यपुत्ते जाव पुव्वभवो मणिवया नयरी मित्तो राया संभूति-
अणगारे पडिलाभिए जाव सि० ॥ छट्ठं अज्झयणं समत्तं ॥

सत्तमस्स उक्खे० महापुरं नयरं रत्तासोगं उज्जाणं वले राया सुभद्दा देवी
म(हा)हव्वले कुमारे रत्तवईपामो० पंचस० क० पाणिग्गहणं तित्थ-यरागमणं जाव
पुव्वभवो मणिपुरं नयरं नागदत्ते गाहावई इंदपुरे अणगारे पडिलाभिए जाव
सि० ॥ सत्तमं अज्झयणं समत्तं ॥

अट्ठमस्स उक्खे० सुघोसं नयरं देवरमणं उज्जाणं अज्जु(ण)णो राया तत्तव-ई
देवी भद्दंवी कुमारे सि-रिदेवीपामो० पंचस० जाव पुव्वभवे महाघोसे नयरे
धम्मघोसे गाहावई धम्मसीहे अणगारे पडिलाभिए जाव सि० ॥ अट्ठमं अज्झ-
यणं समत्तं ॥

नवमस्स उक्खे० चंपा नयरी पुण्णभेदे उज्जाणे दत्ते राया द(र)त्तव-ई देवी
महचंदे कुमारे जुवराया सिरिकंतापामो० पंचस० क० जाव पुव्वभवो तिगिञ्छी
नयरी जियस(त्तु)त्तू राया धम्मवीरिए अणगारे पडिलाभिए जाव सि० ॥ नवमं
अज्झयणं समत्तं ॥

(जति णं) दसमस्स उक्खे-वो एवं खलु जंबू ! तेणं कालेणं तेणं समएणं
सागेए नामं नयरे होत्था उत्तरकुरुउज्जाणे मित्तनंदी राया सिरिकंता देवी वर-
द-त्ते कुमारे वरसेणापामो० पंच देवीसया तित्थ-यरागमणं सावगधम्मं""पुव्व-

भ(वो)वपुच्छा सयदुवारे नयरे विमलवाहणे राया धम्मरु(चि)ई नामं अणगारं
 एज्जमाणं पासइ० पडिलाभिए समा० मणुस्साउए निवद्धे इहं उप्प-जे सेसं जहा
 सुवाहु-स्स कुमारस्स चिंता जाव पव्वज्जा कप्पंतरिओ जाव सव्वट्ठसिद्धे तओ
 महाविदेहे जहा दढपइओ जाव सिज्झहिइ ५ । एवं खलु जंबू ! समणेणं (भगवया
 महावीरेणं) जाव संपत्तेणं सुहविवागाणं दसमस्स अज्झयणस्स अयमट्ठे प-ज्जत्ते,
 सेवं भंते । ० ॥ ३२ ॥ दसमं अज्झयणं समत्तं ॥ सुहवि० ॥ वीओ सुय-
 क्खंधो समत्तो ॥ विवागसुयं समत्तं ॥

विवागसुयस्स दो सुयक्खंधा दुहविवागो य सुहविवागो य, तत्थ दुहविवागे
 दस अज्झयणा ए(क)कसरगा दससु चेव दिवसेसु उद्दिसिज्जंति, एवं सुहविवा-
 (गो)गे-वि, सेसं जहा आयास्स ॥

॥ एकारसमं अंगं समत्तं ॥

तस्समत्तीए

एकारस अंगाई समत्ताई

॥ सव्वसिलोगसंखा ३५००० ॥

